

Star 4007.



- MAG 1597







**TOMVS SECVNDVS**  
**CURSUS THEOLOGICÆ**  
**MYSTICOSCHOLASTICÆ**  
E QVINQVE MYSTICIS PRÆDICABILIBVS  
DUO PRIMA CONTINENS.

THE LIVERPOOL  
MERCANTILE  
MARINE INSURANCE  
COMPANY, LIMITED  
OF LIVERPOOL

✠  
**CURSUS**  
**THEOLOGICÆ MYSTICO-**  
**SCHOLASTICÆ,**


IN QVO MYSTICA ABDITISSIMA DVBIA EXPLA-  
NANTUR METHODO SCHOLASTICA IUXTA MIRAM,  
SOLIDAMQVE DOCTRINAM ANGELICI PRÆCEPTO-  
RIS D. THOMÆ SACRÆ THEOLOGICÆ PRINCIPIS.

AUTHORE PATRE Fr. IOSEPH A SPIRITU SANCTO,  
CARMELITA EXCALCEATO IN HISPALENSIS SANCTI  
ANGELI CVSTODIS COLLGIO RECTORE.

**TOMVS SECVNDVS**  
**R. P. N. F. TRI SEBASTIANO**

A CONCEPTIONE

RENOVATI CARMELI PRO CONGREGATIONE HISPANA  
DIGNISSIMO GENERALI DICATVS.



HISPALI CVM REGIO PRIVILEGIO. ANNO Dñi. 1711.



Divus Thomas opusc. 61. cap. 23. *Potentia secundum aliquid, quod potest, etiam minimum, potentia est, vel vis: secundum autem summum, vel maximum, quod potest, virtus est. Inter vim, & virtutem quantum proficias, videris; quia etsi nec medium diligendi ex virtute in via contingat attingere, contingit tamen magis, & magis propinquare, secundum quod in maioribus, & pluribus actibus vires studueris exercere, ut proponas cum Propheta de futuro dicens: Omnia ossa mea dicent, Domine, quis similis tibi? Et moriturus glorieris cum Iacob de praterito dicens: Nosti, quod totis viribus meis servierim tibi. Pone ergo in terminis extensionem potentia vt- re- mi- fa- sol- la. Totum hoc extensum potentia, vel vis est, solum La- virtus est: In hac spiritali musica potentiarum tuarum actiones diiudica, & erubescere semper in gravibus, & infimis Deo sol- fa- re. Cum videris multos in servitio Diaboli, etiam quasi voces mutare, qui non tantum La- te- nent, vt faciant totum, quod possunt; sed mutando ascendunt, & cum Diaboli adiutorio faciunt quodammodo plusquam possunt.*



F<sup>RI.</sup> SEBASTIANO

A CONCEPTIONE,  
ÆLIANI ARDORIS  
ZELANTISSIMO VIGILI,  
THERESIANI SPIRITVS  
EXIMIO PROMOTORI,

VIRTVTVM OMNIVM ÆMVLANDO ARCHETYPQ,  
PURIORIS RELIGIONIS NITIDISSIMO CENTRO,  
DOCTRINÆ MYSTICÆ CLARISSIMO EXEMPLARI,

TOTIVS REFORMATI CARMELI  
EMERITO GENERALI,

F<sup>TER.</sup> IOSEPH A SPIRITV S<sup>TO</sup>.

SUBDITORUM MINIMUS SECUNDUM TOMVM THEOLOGICÆ  
MYSTICO-SCHOLASTICÆ IN OBSERVANTIÆ,  
ET GRATITVDINIS MONVMENTVM,

D. O. S. C.



MBRA INDIGVS, BENIGNISSIME.

P. N. vmbram anhelō, sub quam  
confugiam, non quam, mucrone  
stricto, punctim, casumque percu-  
tiam, vt insulsum illū apud Cælum  
Calcag. tentasse ridemus. Triviis no-  
ta mitto, constrinis scita prætereo.

Scitum vbiq; est, Protectore indi-  
gere librum in Orbem literarium mittere satagentem: Si-  
cut etiam Protectoris notiones scitissimæ apud omnes sunt.  
Vt quid in his, quæ nullum latent, morabor? Quod autem



in te hæc attributa fulgeant, ob quæ te mei sudoris dignum Meccænatem implorem, huius nuncupatoriæ epistolæ argumentum est. In ea me ferè nulla loquentem videbis, sed Authorum ex omni Natione, quæ sub Cælo est, aliqua, innumera possem, referentem auctulabis. Quæ scribendi ratio plurima in his, eaque suavisima commoda pollicetur.

(1.)  
Claud. Clemen.  
ad Ies. Musæi.

Primum est, nè laudes tuas humiliter averlatus, si eas in meis vocibus sculptas intueare, faciem retrahas. Secundum est, quia hanc epistolam, & totum hoc meum opus accepta tibi desidero, & dubio procul habet (1.) in hoc genere dissertationum tantem dignitatem frequens Authorum appellatio, ut quod

(2.)  
Plin. in epist.

variis doctores suis verbis loquitur, eo suscipiatur magis. Tertium est, non celare, ingrato animo, manum, qua instructrice tecum hæc verba mea facio, quia ingenui (2.) pudoris est, fiteri, per quos profecerimus. Quartum denique, inter alia, reddere beneficium ipsis Instructoribus meis. Nihil (3.) amplius Cælestis dispensator arcani ab humanis poscit ingeniis, nisi ut intelligant, quo venit authore, quod sapiunt. In Deo proximè agnovisse, qui præstitit, reddidisse est beneficium.

(3.)  
Enod. in pæn.  
neg. ad Theodor.

(4.)  
Virg. lib. 1.  
Æneid.

Methodi subiiciendæ motiva ex parte dedi. Ad argumentum properans incipio, & ut

(5.)  
Larin. Pacat.  
ad Theodof.

— (4.) prima repetens ab origine pergam.

(6.)  
Virgil. lib. 1.  
de Carth.

Solum tibi (5.) Hispania est, terris omnibus terra felicior, cui excolende, atque adeo dicende impensius, quam cæteris gentibus sapimus verum fabricator indulgit. Hispaniæ eximia pars Lusitania est

(7.)  
Benedictus  
Per. v. Lusitania.

(6.) Dives opum, studiisque asperrima belli.

(8.)  
Emman. Lud.  
in suo Theodof. Lusit. 1.  
1. n. 443.

Stabile (7.) Christi imperium. De qua viro Sanctissimæ vitæ edixit Dominus (8.) per quandam intellectualem locutionem, quæ sæpe illum alloquitur, sibi suos esse in terris Cælestium deliciarum voluptuosissimos hortos, vernantibus floribus amantissimos, ad quos frequenter divertere solet. Ex iis unum esse Lusitanicæ Regnum, ubi odoriferi virtutum omnium flores passim germinarent.

(9.)  
Phocilid.  
apud Plutarch.

In hoc ergo Dei odoriferi virgario communi vilitati natus es Parentibus genere, ac pietate præclaris. Paterna sollicitudine facilè credam impletum illud: Dum tener (9.) est gnatus, generosos instrue mores. Quia aptissimè (10.) Plato nutrices admonuisse videtur, nè pueris frivolas, aut turpes fabellas mandent, nè eorum animus stultitiis, & corruptis moribus instruant. Incipientem (11.) pubertatem ad delectum cægendam nullus ignorat: non enim tantum celerius, sed etiam perfectius iuvantur, quæ discuntur à pueris. Adfuit quidem hoc, adfuit; sed quod penè desideraretur, si abfuisset. Fuisisti enim ex iis, qui eger-

(10.)  
Plutarch. de  
Instit. liberor.

(11.)  
Veget. 1. 1.  
cap. 4.

giam



glam (12.) sortiti indolem in ea, quæ tradi solent, perveniunt si-  
ne longo magisterio, & honesta complexi sunt, cum primum audie-  
runt. Quando quidem, (12.) Seneca epist. 95.

Mens (13.) ardua semper

A puero, tenerisque etiam fulgebat in annis (13.)  
Fortunæ maioris honos; erectus, & acer, Claudian. de  
Stilic.

Fatisque loqui iam digna futuris.

Iam tunc conspicuus, iam tunc venerabilis ibas,

Spondebatque ducem celsi nitor igneus oris.

Talis à primo vitæ limine Ephebiæ attigisti, & quamvis (14.)  
(14.) de splendore natalium conscientia iubar hauseris, tamen ful- Enod. in vita  
Ant.

gorem stirpis præcipue morum radiis obumbrasti, vincens decorem san-  
guinis ingenii claritate, dum coruscantem germinis tui lampadem ac-  
tuum serenitate transcendis, & factus es stemmatis victor tui, per  
quod plerisque mortalium nascendo superasti. Atque (15.)  
Ovid. Carm.  
ad Pison.

Hinc (15.) tua me virtus rapit, & miranda per omnes

Vita modos, quæ si deesset tibi fortè creato

Nobilitas, eadem pro nobilitate fuisset.

Nam quid imaginibus, quid habita sulta triumphis (16.)  
Maccedo de  
Sang. Berb.

Atria? Quid pleni numerofo consule fastus

Proficerent? Si vita labat, perit omnis in illo

Gentis honos, cui laus est in origine sola.

Illum sanguinem æmulatus est tuus, qui ardet (16.) prodere Senec. epist.  
se factis, venisque ebullit honora ambitione. 32.

Hac sacra vanitate allectus te in corde tuo alta occu-  
patione meditor sic conferentem: Quid est (17.) eques Roma- (17.)  
nus, aut Libertinus, aut servus? Nomina sunt ex ambitione, aut Plutarch. in  
q. q. Roman.  
q. 37.

intriata nata. Subsilire in Cælum ex angulo licet.

Spolia (18.) Deo sacrantur, & tempore sinunt ex lege corrup- (18.)  
pi, neque licet reparare, ut existimantes gloriam Priorum cum spo- Plutarch. in  
liis intercidere, semper novum aliquod virtutum monumentum para- q. q. Roman.  
re operam dent. q. 37.

Sæpe audiavi (19.) Quint. Max. & Pub. Scipionem, præterea (19.)  
Civitatis nostræ præclaros viros solitos ita dicere: Cum Maiorum ima- Salust. in  
gines intuerentur, vehementissimè sibi animum ad virtutem accendi. præmio.

Hæc tria meditatus sum te profundissimè conferentem.

Modò autem illis instruetus, & aliis in eximio tui pectoris  
licetò contemplor ita syllogizantem: Siquis genus (20.) iactat  
suum, aliena laudat: igitur est pulchrius (21.) multò parari, quàm  
creari nobilem.

Si,

(22.) Quæ non fecimus ipsi

Vix ea nostra voco:

(22.)  
Ovid. metam-  
mor.

- (23.) Igitur Virtute (23.) decet, non sanguine, niti.  
 Claud. pan. 4. Consul. Honor. Si maiorum (24.) meritis gloria non datur: Igitur.  
 (24.) Tota (25.) licet veteres exornent vndique ceræ  
 Cleobul. apud Aſon. Arria; nobilitas ſola eſt, atque vnica, virtus.  
 Plance, tumes alto Druforum ſanguine, tamquàm  
 (25.) Feceris ipſe aliquid, propter quod nobilis eſſes.  
 Iuvenal. Sat. 8. Si ergo vera nobilitas eſt amare virtutem, (26.) qua ad Cæſarum tendimus:  
 (26.) ————Procul, (27.) ô procul eſte prophani,  
 D. Greg. 1. 5. moral. vanique rimores; mundo, & mundi remoris manu miſiſis;  
 ad porrum veræ ſecuritaris propero, vbi ſub reformati Car-  
 (27.) meli Imperatricis aſylo, aſilos Tartari ſtrangulante, no-  
 Virgil. l. 6. men rumulem, & reperiam.  
 Magnum iter (28.) aſcēdo, ſed dat mihi gloria vires  
 Non iuvar ex facili læta corona iugo.  
 (28.) Hæc ſuit tuorum illorum diſcurſuum meta, vt novum  
 Propert. l. 4. eleg. inter noſtrares iter ordieris. In quo te alii præceſſere: non  
 diſſiteor. Sed tu (29.) ad Dominum miraculo maiore converſus  
 es: quia etate ſtrentior, laudibus abundantior, oneribus patrimoni-  
 (29.) levior, ſubſtantia ſalcutatum non egentior, & in ipſo adhuc Mundi  
 D. Paulin. e- theatro, id eſt ſori celebritate diverſans, & ſacundi nominis palmam  
 piſt. 1. ad tenens repentino impetu diſcuſiſti ſervile iugum peccati, & lethali  
 2. ev. carnis, & ſanguinis vincula rupiſti. Beatus, qui reſuſciſti de conci-  
 lio impiorum, & in via peccatorum perſiſtere noluiſti, & ſedere in  
 cathedra peſſilentiæ dedignatus es, vt humilitate præceſſa pedibus  
 Crucifixi accubares. Tu ergo vernus faſtor legis, & Euangelii non  
 ſurdus auditor, qui corpus, & Mundum conſpiciens Cruci delicias in-  
 ventutis, & vitæ præſentis mala gaudia pro luctibus averſatus es,  
 reſpuens patrimoniorum onera. Alieno te peniculo coloravi: in  
 (30.) inditam modeltiam tuam nihil feci.  
 Enodius in vita. Anton. In noſtro iam ſodalicio Dei (30.) cultor tota diſciplinæ  
 celeſtibus virium tuarum vela laxabas; & cum omnia eſſent digna  
 præconiis, quæ gerebas, diſpendium virtutis credebas eſſe laudatum.  
 Dumolum virtutis iter ea facilitate agreſſus es, ſicut  
 Facile eſt (31.) ventis dare vela ſecundis,  
 (31.) Fœcundumque ſolùm varijs agitare per artes,  
 Manil. lib. 3. aſtronom. Auroque, atque ebori decus addere, cum rudis ipſa  
 Materies nirear.  
 (32.) Tranſeo ardorem fervidum, quo per omnes vitæ tuæ pe-  
 Phil. de Sa- riodos vitam Religioſam tranſlegiſti: ſcio enim vera (32.)  
 criſt. Abel. bona ex ſe ipſis naturaliter vocem mittere, etiam ſi ſileant. Nam  
 nec Sol, nec Luna opus habent interprete, qui nos doceat ab altero in-  
 ter-

terdū, ab altero noctu Mundum vniuersum illustrari: sed ipso suo splendore fidem, vel absque teste, faciunt oculis. Huius ramen portenti originem non præteream. Generatur hoc (33.) primum quidem à sincera, perfectaque mente: quòd si quā nobis cum Diis intercedit communitas, ea maximè virtutis huius gratia consistit, & per hanc in primis ipsis assimilamur. Denique, vt paucis omnia complectar, gubernatrix est hominum, & omnis inter ipsos constitutionis Princeps.

(33.)  
Iamblic.  
epist. ad Phil.  
de Prudent.

Hæc optima virtus, aliarum stipante choro, te per omnes Religionis gradus perduxit: donec rux Religiosissimæ Lusitanæ Provinciæ clauum moderarere. Quo in munere explesti sine homine instructe, sed ipsa virtute inspirante, monitum illud:

(34.)  
Iuuenal. Sat.

Expectata (34.) diu tandem Provincia cū te  
Rectorem accipiet

————— miserere inopum sociorum.

Ossa vides Regum vacuis exhausta medullis.

Respice, quid moneant leges, quid Curia mander.

Talis ergo in hoc munere fuisti, vt ad supremam rorius Religionis sedem, poscentibus meritis, clamantibusque voris, euectus sis. Taceo (35.) vniuersitatis in tua electione consonantiam, & discretarum nationum concordem sententiam non revolvo: statuat ista loco laudis, cui non suppetit, quod possit prædicare de moribus.

(35.)  
Enod. orat.  
de S. Laur. Ep.  
polic.

Efferam ego, & omnes mirari debent novum, atque (36.) inauditum ad Principatum iter. Non te propria cupiditas, proprius metus, sed aliena utilitas, alienus timor Principem fecit, assumptus es in laborum, curarumque consortium: nec te leta, & prospera stationis istius; sed aspera, & dura ad capeffendam eam compulerunt.

(36.)  
Plin. in Pa-  
neg. Traian.

In throno sublimiori collocatus visus ab omnibus es. Nullius (37.) vnquam faciem pro veritate loquentem premeus, misericordiae operibus iuxta virtutem substantiæ insistens, & tamen insistere supra virtutem cupiens, infirmis compatiens, benevalentibus congraudens, aliena damna propria deputans, de alienis gaudiis tanquam de propriis exultans, in corrigendis vitiis seuiens, in fovendis virtutibus auditorum animos demulcens, in ira iudicium sine ira tenens, in tranquillitate autem severitatis tuæ censuram non deserens. Sed quò mea oratio festinat? Cū impossibile sit, virtutum venustos radios, quibus è Familix nostræ luprema se- de fulges, recensere: prius enim

(37.)  
D. Gregor.  
l. 2. indict.  
cap. 129.

Sydera (38.) lyderibus corruent, ignea pontum  
Astra perent, tellus extendere littora nolle,  
Excurietque fretum, fratri contraria Phœbe  
Ibit, & obliquum bigas agitare per orbem

(38.)  
Lucan. l. 2.

\*\*

In-

Indignata, diem poscet, sibi, totaque discors  
Machina, divulsis turbabit fœdera mundi.

Sed nec omnes transeundi.

Ascendisti in altum dignitatis gradum, quem meritissimè occupas. Et, vt dicebam priùs, ascendisti aliena utilitate rogatus, probè callens, quòd

(39.)  
Seneca in  
Thiest.

Nec (39.) abnuendum, si dat imperium Deus,

Nec appetendum: Frater, vt regnes, rogat.

Exemplò, ac obtemperans imperasti, dotes eximii Præfulis ostendisti, quibus & tibi subditos modereris, & ad Cælum feliciter efferaris. Has omnes sub vnius virtutis nomenclatura subiicio:

(40.)  
Seneca in  
Octav.

Consulere Patriæ, (40.) parcere afflictis, fera

Cæde abstinere, tempus atque iræ dare,

Orbi quietem, sæculo pacem suo.

Hæc summa virtus; petitur hac Cælum via.

Vidisti Præfulis attributa? Nos etiam iis omnibus Te fulgidum in Domino gloriamur. Sed illa, levissima licet manu, mihi contingere liceat. Consulis gregi commisso, & quidem vigilantissimè consulis. Quiaque

(41.)  
Mart. lib. 8.  
epig.

Principis (41.) est virtus maxima nosse suos, propterea omnes oves tuas ab initio tuæ assumptionis invisere molitus es: quod exqueris proprio sudori earum utilitatè præferes;

(42.)  
Chrylost. in  
Psalm. 113.

quippe hoc est (42.) Principatus, hoc est pascendi scientia, sua negligere, & eorum, quos regit, curam agere. Siquidem quod quiescit, (43.) & cessat immotum imperfectum bonum est: nam mala quiescere expedit, bona verò moveri. Omnibus, quibus præes,

(43.)  
Phil. lib. de  
Cong.

ades, verè Sol, qui continuò sibi subditos visitat. Verè Sol Antistitum idea iuxta illud

(44.)  
Horat. de  
Bruto sat. 7.  
lib. 1.

Solem (44.) Asiæ Brutum appellat, stellasque salubres Appellat comites.

O, si in hoc Horatiano dicto mihi spatiari liceret! Sed est qui

(45.)  
Auson. ad  
Paulin.

Scribere, (45.) felicesque notas mandare libellis.

Prohibeat.

(46.)  
Virgil. l. 6.

Fructus, qui ex hac tua visitatione comparantur, norunt omnes. Quibus inhiantes, quos adhuc invisere non potuisti, clamant vna voce dicentes:

(47.)  
Nicephor.  
Greg. lib. 10.

Nos (46.) flendo ducimus horas.

O tu, (47.) ò terra Sol, in qua terra occidisti, relictis nobis, vt glacie calamitatum examinemur! E contra verò, quos tui aspectus lucibus exornasti, non cessant cordiculis inronare:

(48.)  
Virg. lib. 6.

(48.) Nec vidisse semel satis est

in

in te sortitos Antistitem,

————— Qualem (49.) vix reperit vnum

Millibus è multis hominum consultus Apollo.

Et ad te conversi humili, pariterque festivo plausu farentur:

Te (50.) propter colimus leges—————

————— nitidis quisquis te sensibus hausit,

Irruet intrepidus flammis, hyberna secabit

Æquora, confertos hostes superabit inermis.

Ille vel Æthiopum pluviis solabitur æstus,

Illum trans Scythiam vernus comitabitur aer.

Nec mirum, si filii, in quorum vilitatem peregrina-  
ris, grates sic benefactori rependant. Mirissimum, quòd  
extranei tibi oppida ingredientem oppidò accurrant, & certa-  
tim te videre sollicitent, premium suæ activitatis maxi-  
mum reputantes, si te vel raptim inspicere potuere. Non  
fabulosa refero, sed quæ vidisti, evulgo. Et hoc non solum  
evenit in patrio solo; verum, & maximè, sub extraneo Cæ-  
lo. *Ibi enim non etis (51.) quemquam, non valetudo retardavit,*

*quominus oculos inosito spectaculo impletet. Te parvuli noscere,*  
*ostentare iuvenes, mirari senes; ægri quoque neglecto medentium im-*  
*perio, ad conspectum tui, quasi ad salutem, sanitatemque proropere,*  
*Quis ille, (52.) aientes, vigor, quæ solertia spiritus, quæ saluta suæ*  
*subtilitatis obstantia quæque perrumpit, & quæ possit de singulis*  
*artibus, etiam cum singulis artificibus philosophari. Sic filii tui po-*  
*pulorum ex omni classe comitante caterva, te excipiunt.*

Non alium cerrè (53.) Romanæ clariùs arces

Suscipere ducem, nec cum cedente rediret

Fabricius Pyrrho, nec cum Capitolia curru

Pellæ domitor Paulus conscenderet Aula.

Verum est, quod tua modestia

————— Strepitus (54.) fastidit inanes.

Mag. illum Lusitanæ Reg. Ioannem huius nominis  
III. imitata, qui (55.) posthabito ingentis pompæ apparatu, &  
commitatu præcedentibus dumtaxat viris duobus, aruadines suas de  
more gestantibus, per plateas Urbium suarum ambalabat, & Tempia  
invisibat. Hinc ille Poëta Lusitanus (liceat semel his uti) in E-  
pistola ad eundem Regem:

Que se pode ir mais avante

Corn os olhos, nem consentido

Con duas canas diante

Is amado, è is temido.

Hoc verè Religiosus desideras; immo, & imperas severissi-  
mè. Ast qui ex tuo ovili non sunt, sola tua fama vocati con-

(49.)  
Vulgo.

(50.)  
Claudian. de  
conf. Theo-  
dof.

(51.)  
Plin. de lau-  
dib. Traian.

(52.)  
Nicol. S. Ber-  
nard. notar.

(53.)  
Claudian. de  
fil.

(54.)  
Idem de eo-  
dem.

(55.)  
Mend. Vi-  
rid. l. 5. Pro-  
blem. 26.

volant sine numero. Vnde ipsa tua modestia

(56.)  
Claudian.  
ubi sup.

—Animis (56.) hominum pompa melior e triumphat. Sed multus abs dubio sū; nec possū sic in singulis immorari. Solitudinem tuam erga tuos filios vidimus, & præmium, quo illam Numen, vel te renuente, visibiliter effert. Aequū est, ut te afflictiis parcentem intueamur. De hoc paucis-  
sima dicam; quia *pauperem* (57.) *me copia fecit.*

(57.)  
Commun. de  
Niob.

Imperium (58.) tibi serò datum——

(58.)  
Claudian.

Clamant, quotquot benignitatem tuam experti sunt, & cognoscunt, te posse dicere sine veritatis dispendio: *Mibi*, (59.) *qui omnem ætatem in optimis artibus egi, benefacere ex consuetudine vertitur in naturam.*

(59.)  
Salust. in Iug.

Hinc ortum ducit illa nostri Præfulis ad subveniendum propensio infatigabilis. Innata illi est; cò in eius exercitio haud lassatur: lassaretur tamen, si se à pietatis operibus segregaret: quia, cum (60.) *in bonis conferendis liberalitate sit præditus, nihilo magis ea de re defatigandus est, quàm Sol suos radios effundens: neque enim lucere laboriosum est ei, utpote cuius in natura splendor, & fons ipse luminis continetur.*

(60.)  
Synes. l. de  
Repub.

Nec suspicetur quis huic nostri Antistitis applicationi continuum motum, quo orbem suæ iurisdictionis gyrat, contrariari; quin potius sciat, eidem sceleriter deservire. Ipsi enim prima (61.) *res est multis benefacere, etiam si non sit loco firmiter affixus. Nisi etiam Solem accuset, quod radium spargens circumcurrit, & omnia vivificat, quæ accendit. Aut stellas non errantes laudet, planetas verò vituperet, quorum etiam error concinnus est.* Præful ergo noster Solis instar montes, (62.) *& sylvas obire non recusat, obit præcipitia, cùmque de errante venit in partem errationis, nec ob mores odio inflammatur, etsi morbidam comperiat: sed mali commiseratione movetur, & subiciens humeros proprio labore, oviculam curat laborantem, gaudet ipsa fatigatione, ovium inventionem ratus lassitudinis esse levamentum.*

(61.)  
D. Gregor.  
Naz. epist.  
92.

(62.)  
S. Basil. sc.  
leuc. orat. 23.

Ostendere conatus sum, Benignissime P. N. ingentiam pietatem tuam, qua ante tuam exaltationem fulgebas, & post illam afflictorum filiorum corda indulgenter delicias. Faceat iam illa decantata parcemia, honores mutant mores, quia illam tuam pristinam pietatem adhuc in honore conservas. Quod vel ex sola lectione unius epistolæ tuæ deprehendere potest quivis, & rescribere: *Vidi* (63.) *litteras vestras, & adverti (quod facile fuit) falsum in parte esse vulgare proverbium, quo dicitur, honoribus mores mutari; neque enim honor assumptus ab amore nostro semel olim concepto, vos in aliquo permutavit. Quod si aliquam mutationem subivit; illa sanè est,*  
quam

(63.)  
S. Petrus Ve-  
ner. epist. 1.

quam posset indigens flagitare. *Vivat* (64.) *in aliis illud vulgare proverbium: Honores mutant mores. In vobis autem id tantum, precor, obtineat, ut si mutant, aut moveant, eam motus speciem, quæ augmentum dicitur, non excludant.*

(64.)  
Stephan.  
Tornacens.  
epist. 61.

Et si ad particularia descendere opus foret, innumera, quibus benignitatem erga afflictos demonstrasti, offenderemus. Vidi te multoties cum mæsto tristem, cum patiente compatiens, miseris sublevantem, & etiam vidi, & obstupui, te pœnam erranti infligam publicè exsolventem. Hoc denique est tuæ benignitatis exercitium, ut filiorum preces exaudias, in quo tuæ supremæ potestatis amplum dominium vividius exhiberi, cognoscunt, quotquot bene sapiunt. Quia

Cognoscitur (65.) nunquàm meliore potentia causa,  
Quàm quoties vanas non finis esse preces.

(65.)  
Ovid. lib. 2.  
de Pontò.

Hoc nitor ille tui generis desiderat, hoc est

A superis ortæ nobilitatis opus.

Hoc tecum commune Deis, quod vtrinque rogati  
Supplicibus vestris ferre soletis opem.

Hinc iam arduum non est colligere, in te adesse tertium illud, quo Bonus Pastor decorari debet, videlicet, à fera cæde abstinere. Qualiter crudelis erit Antistes verè pius? Ast quamquàm à fera cæde abstineas, non abstines à cæde virtuosa, qua delicta confundis, & delinquentes lucraris. *Res enim* (66.) *optima est, non sceleratos extirpare scelera. Sicque Divinum exemplar sectaris. Deus enim peccatores vivere finit, ut peccata tumulent, & ipsi ad suam gratiam reviviscant.*

(66.)  
Seneca l. de  
mor.

Deniq̃ (67.) committunt homines mala crimina semper  
Dat sparium, ut pereant crimina, non homines.

(67.)  
D. Prosp. l.  
epig. 5.

Ex eodem principio notum est, te tempus iræ dare, tuæque Familiæ quietem, pacemque impertire. In hunc finem omnia tua desideria dirigantur, in hoc centrum omnes lineæ propriæ activitatis collineant. Et herclè, Numine auxiliante, consequeris. Testis irrefragabilis huius veritatis est desiderium, quo flagrant ii omnes, quos semel invisisti, videndi iteratam visitationem, clamantes:

(68.)  
Horat. in ar-  
te.

Hæc (68.) placuit semel, hæc decies repetita placebit.  
Quod haud facerent, si concordia reciproca, à te, vel orta, vel aucta, non gauderent. *Manifestatio est* (69.) *conscientiæ bonæ præsentiam iusti Principis expetiisse, quam solus ille desiderare potest, qui de magna mentis puritate confidit. Aspectum Solis nisi clara lumina non requirunt, quia illi tantum possunt rutilantes pati rutilios*

(69.)  
Cassiod. l. 7.  
var. 35.

radios, quos constat oculos habere purissimos. Sic presentiam Principis ambiunt, qui de cordis sinceritate presumunt.

Delineavi, colendissime Pater, ut ut potius, seu potius ii omnes, qui hactenus locuti sunt, te delineavere, dixereque, qualis sub omni constitutione, & statu fueris, & sis. Dicta omnia in id collimant, ut te dignissimum Mæcenatem demonstrent. Tibi ergo hoc meum mysticum librum consecro. Quicquid (70.) enim in eo differitur, tibi, ut communi omnium mysticæ disciplinæ Magistro, alumnorumque Carmeli educatori Generali, venustissime congruit. Quæ iure tua sunt, auferrem, si aliud facerem. Gravissimo fundamento ductus opus hoc à te obumbrandum ominor; ipsa tua erga scientias pia suadente propensione: quia inter eximias (71.) virtutes tuas maxime tamen quasi è sublimi quadam specula se extendit, & extollit benignitas illa tua, & innata tua erga literarum studiosos propensio.

Sol es: Vmbram tuam exopto: nec mireris, si umbram à Sole desidero; quin potius, si ab illo non desiderarem, mirareris. Quippe quemadmodum (72.) illos, qui per Solem incedunt, secutatur umbra, velint ipsi, nolint, parum refert; ita usum, & consuetudinem nostram cum Magistratibus sequitur illa utilitas, & emolumentum, ut possimus laborantibus succurrere.

Sol es: Et ad tanti Solis rotam confugio, ut umbram inveniam, quam imploro. Umbra (73.) calorem temperat, corporis lineamenta retinet, per ipsam ad corpus venit, fit enim obiectum corporis ad rem lucidam.

Mysticum hocce opus calumniatorum calorem pertimescit, quia (74.) nihil tam facile, quam otiosum, & dormientem de aliorum labore, & vigiliis disputare. Et qui (75.) scribit, multos sumit Iudices, alius in alterius livet, ac grassatur ingenium. Ac denique:

Quis fuit, (76.) aut quis erit venerabilis ille poëta,  
Cuius non rodant carmina livor edax.

Pensum abominabile hoc tuæ protectionis umbra proteclatur. Umbra, quæ tanti obumbrantis lineamenta retinet, & per quam in ipsum obumbrantem veniamus, facillimè calumniarum iniquos dentes comminuet. Sit enim hæc umbra obiectum corporis ad rem lucidam. Christus Redemptor noster est vera Lux, ex qua, & tua interpositione proficiam hanc umbram spero.

Accipe ergo sub tua protectione hoc meum opus, etsi nec pondere, nec ingenio, placet Artificis munus; (77.) non aliter tamen illud amplectere, quam Superi, vel thura, vel pinguium libamina

(70.)  
Discept. myst.  
tica in dedic.

(71.)  
Iust. Lips. in  
Crit.

(72.)  
S. Basil. epist.  
389.

(73.)  
Hug. Viét.  
epithet. re-  
ruin.

(74.)  
D. Hieron.  
in reg. Mon.

(75.)  
Idem ad Præ-  
sid.

(76.)  
Tiorricus  
Vallicol.

(77.)  
Hildebert.  
Episc. pist.  
16.



*mina victimarū: Illi siquidem, non hostiam, sed affectum considerant:  
eorumque gratiam devotio, non impensa promeretur: purus, & integer  
animus eos, quocumque vult, inclinat: nec minus quadrante, quam  
talento Caelestem mitigat indignationem.*

Sic denique spero, vt hoc munusculum affectum in-  
tuens offerentis admittas,

Tu, cuius (78.) placido posuere in pectore sedem  
Blandus honos, hilarisque tamen cum pondere virtus.

(78.)  
Statius l. 2.  
Sylv.

Cui, nec pigra quies, nec iniqua potentia, nec spes  
Improba, sed melius per honesta, & dulcia limes  
Incorrupte fidem, nullosque ex parte tumultus,  
Et secreta palam qui digeris ordine vitam.

Idem auri facilis contemptor, & optimus idem  
Condere divitias, opibusque immittere lucem.

Illicos æquate senes, & vincere præsta.

Vive (79.) Midæ gazis, & lydo ditior auro,

(79.)  
Idem ibid.

Troica, & Euphratæ supra diademata felix.

Quem non ambigui fasces, non mobile vulgus,  
Non leges, non castra tenent: qui pectore magno  
Spemque, metumque domas, vitio sublimior omni,

Exemptum fatis, indignantemque refellit

Fortunam, dubio quem non in turbine rerum

Deprendet suprema dies, sed abire paratum

At plenum vita.

Sic in nostram communem vtilitatem exopto, & deprecor.



FA-

# FACULTAS ORDINIS.

## IESVS, MARIA, IOSEPH.

**F**RATER SEBASTIANVS A CONCEPTIONE, GENERALIS Ordinis Fratrum Discalceatorum Beatæ MARIÆ Virginis de Monte Carmeli primitivæ Observantiæ; de consensu nostri Diffinitorijs Generalis, & c. vt Liber, cuius titulus est, *Tomus secundus Cursus Theologia Mystico-Scholastica*, à P. Fr. Iosepho à Spiritu Sancto, Diffinitore generali primæ nostræ Sacræ Religionis, suis elocubrationibus acuratè elaboratus, & à gravioribus, doctissimisque viris nostri Ordinis (quibus ipsum videndum, & examinandum commisimus) recognitus, & approbatus, typis mandetur, & vt in lucem prodeat, obtentis facultatibus necessarijs, tenore præsentium licentiam concedimus. Dat. in nostro Conventu Matritensi die vigesima quinta Septembris. Anno Domini millesimo septingentesimo vigesimo.

Fr. Sebastianus à Conceptione  
Generalis.

Fr. Petrus à Sancto Bernardo,  
Secret.

---

*CENSURA R. P. MAG. PETRI DE QUINTANA,*  
ex Sacra PP. Cleric. Regul. Min. familia, post Cathedras apud Complutens.  
conspiciè moderatas, ac post diversas præfecturas, suæ Religiosissima Provinciæ  
Provincialis, Supremi Sanctæ Inquisitionis Senatus Censoris, & à  
secretioribus Consilijs, modòque in sua Spiritus Sancti Ma-  
tritenfi domo assistentis, & c.

**S**upremi, ac Regii Castellæ Senatus iussu, vidi librum, cuius titulus est: *Tomus secundus Cursus Theologia Mystico-Scholastica*; Authore R. P. Fr. Iosepho à Spiritu Sancto, ex-Lectore Sacræ Theologiæ, ex-Provinciali, ac modò Discalceatæ Carmeli primario Diffinitore generali, vidi, & omni attentione perpexi, singularique voluptate meditatus sum. Opus sanè egregium, argumentum si spectes, structuram si consideres.

Huius operis argumentum est illa abscondita, sublimisque sapientia, quæ ob sui arcanitatem, & celsitudinem Theologia Mystica dicitur: Theologia: Quia de Deo agit: atque idè est, *Scientiarum Dea*, vt illam nominat Div. Thom. opusc. 70. quæst. 2. art. 2. ad 1. Mystica: Quia iuxta eundem Ang. Præcept. lib. de Divin. nominib. Mysticum idem est, ac occultum. Arcanam hanc, ineffabilemque materiam continet liber, qui mihi committitur censurandus.

Iam diu (ingenuè fateor) à Religiosissima, pariterque doctissima PP. Carmelitarum Excalceatorum familia hocce opus expectabatur: præter continuum commercium, quod cum Cœlitibus habent huius Sacræ Religionis alumni, vi suæ Regulæ continuam ipsis cœlestium

tium meditationem imperantis, mystica dogmata omni rigore metaphysico versant. Lectorem deputatum habent, qui Scholasticis ea è suggestu propinet, & in palestra litteraria subtilissima spicula, quæ magis in ipsum dialectica structura acuit, dexter Anthagonista retundat. Vbi visu dignissimum est pacatissimæ Sacræ Minervæ togam in bellica instrumenta Palladis abire, & ipsius otiositatem activam in Martis pulverem commutari. Hæc apud ipsos geruntur, sed coram domesticis tantum, nullus extraneus huius gravissimæ pugnæ particeps est, nec vota sedarentur, si adesset: quandoquidem vnus, vel alterius assistentia vota communia non sariat, sed pungit. Vnde persisteret clamor dicentium: *Deriventur fontes tui foras, & in plateis aquas tuas divide.*

Prov. 5.

16.

Orbem litterarium hæc litteratissima familia iam ditarat quinque tomis, in quibus vtramque Philosophiam, rationalem, videlicet, & naturalem, tradiderat. Ditarat completissimo cursu Theologiæ Scholasticæ; ac denique quinque tomis Theologiæ moralis. Hæc iam tradiderat, & clamor nihilominus perseverat: *Deriventur fontes tui foras.* Cur ergo? Dicti fontes non sunt proprii huius præclaræ familiæ? *Nunc hoc animadvertite, ut ea, quæ sentio, pariter sciatis.*

Plaut. in  
cap. 1.

Traditi fontes proprii huius familiæ sunt, & non sunt proprii. Proprii: Quia à filiis, quos enutrierat, compacti, & à Divo Thoma huius discolleceati emispherii cynosura, excepti. Sed non proprii, quia Philosophia, aut Theologia moralis, Scholasticave non sunt huius familiæ character, sed mystica. Mystica Theologia est nota characteristica, quæ Religiosa hæc familia ab aliis familiis Religiosis fecernitur, ut luculenter in hoc eodem libro demonstratur. Distinctivum eius est Cælestium meditatio, & Divinorum assidua contemplatio. Hoc est huius familiæ stemma, hic fons proprius, qui in plateis dividi cordicibus exoptatur.

Prudens familia voris acquiescere renuit, donec Philosophia, ac Theologia Scholastica, Moraliq; præirent: sunt enim pro mystica Theologia penitus necessaria. Moralis, ad vitæ compositionem, Scholastica, ad mentis illustrationem, & Philosophia ad facultatum animæ cognitionem. Quibus ductricibus cursum Theologiæ mysticæ, prout de illa agitur in suis domesticis luctaminibus, meditatur, forsam oraculo nostri Redemptoris, obtemperans.

*Nolite portare sacculum,* præcepit suis Christus Dominus, quæ verba sic ad rem nostram elucidat Div. Augustin. *Quid est sacculus pecunie clausa, id est occulta Sapientia? Quid est nolite portare sacculum? Nolite fieri sapientes penes vos metipsos: accipite Spiritum Sanctum, fons in te debet esse, non sacculus: ubi erogatur, non ubi includitur.* Glossam Augustini dedi, sed latet, an illam prorsus calleas? Non in sacculo avaræ oculosam suam mysticam doctrinam Carmelus reparatus habebat: sibi mysticam scientiam reservabat; hoc tamen avaritiæ non fuit, sed providentiæ: præcessere aliæ dictæ facultates, tuncque accepit *Spiritum Sanctum*, hoc est, Reverendissimo Ioseph à Spiritu Sancto præcepit, ut Mysticæ Theologiæ cursum iuxta domesticum morem exararet; sicque aqua sapientiæ salutaris, quæ sibi prius utebatur, omnibus in plateis exponeret.

Luc. 10.

Serm. 41.  
de Sanct.

Ingens hoc summæ arduis opus dictus Author scribit summo studio, plena manu, & horribilibus monstris feliciter superatis Magistrum in lege sua apprimè versatum, & omnia subtiliter versantem, hoc

hoc titulo Hebræi honorant, ut liquet ex R. Ioachanan, & aliis: vocant enim *Ruptor montium*. Quem titulum propriissimè Aurohori huius operis convenire, opus ipsum testatur; quandoquidem montes immensæ molis passim iter impediētes rumpit, horrida planat, invia sternit, & chelydri innumeris superatis statuat sibi construit immortalē.

Ad Paradisi oras Cherub excubabat habens gladium versatilem, id est, exponit Menochi ancipitem, & utrinque secantem: *Hunc gladium*, ait Mendoza, appello *Dialecticam*, qui gladius separat naturas rerum, qui intimas penetrat in medullas. Est quippe Dialectica errorum expultrix, ingeniorum illuminatrix, vel, ut Clemens Alex. descripsit: *Est hominum ad Divinam Sapientiam manuductrix*. Nunc ergo attendite, ut huius voluminis Author viam ligni vitæ, seu mysticæ sapientiæ semitam illibatam servaret, ut Quietistarum incursum insidiaretur, ut særidos Molinistarum errores profligaret, posurus à Deo est in amœnissimo Carmelitarum Paradiso. Gladium ancipitem manu ingeniosè constringit, quia subtilitatibus Dialecticæ, & Mysticæ, ut gladio ancipiti utitur. Mystica, & Dialectica, (sed vividius loquor) Mystico, & Scholastico, unicum gladium construit. Mysticæ filo panem suavisimum animabus frangit, succum dulcissimum porrigit. Hoc denique filo, ut Iustinianus aiebat, *mysteria celestia pandit, per quæ rationalis potentia summa veritatis irradiatur lumine, atque sapientia pinguescit dulcedine*. Eriam Scholastico filo dimicans, micat, quia visionum, & revelationum genera subtili præcisione distinguit, orationis species abstrahit, gradusque Contemplationis præscindit. Hoc demum Scholastico gladio nebulas, fallaciasque Dæmonum abscindit, atque Hæreticorum dolatos dolos trucidat.

Hom. 16. in Erech. *Quantò Mundus ad extremitatem ducitur*, ait Gregor. *tantò nobis æterna scientia aditus largiùs aperitur*. Nullibi aditus Mysticæ Sapientiæ diffusior, quàm in hoc volumine. *In illo siquidem splendet vena intellectus, sapientiæ fons, & scientiæ flumen*, quibus Author orbem literarium illustrat, & dogmata Mysticorum extollit. Ex mystico, & Scholastico synthesin mirandam prodir, quæ profundissimo magisterio arduum perfectionis iter omnibus calcabile præbet. Vnde possum cum Iustiniano de Mystico Doctore loquente, dicere: *Hanc doctrinæ regulam nemo unquam perfectiùs protulit, nullus insinuatius clariùs*. Ut iam possit Author cum suo Seneca asserere: *Qui præcesserant non præcipuisse mihi videntur, quæ dici poterant*.

Epist. 79. Abs dubio, nec antiqui, nec moderni Theologiæ mysticæ Proceres arripere, arripiuntve Aurohori huius operis gloriam, quia etsi de mystica Theologia innumera volumina prodierint; etsi de oratione, contemplatione, visionibus, revelationibusque Divinis tractatus plurimos præ manibus habeamus, plurima huic Aurohori reliquere dicenda, eaque difficillima: nam verusta novitate induit, obsoletis nitorem impertit, debilia plurium Mystarum asserta, valde superficialiter radira, rationum pondere librat, methodo Scholastica radicibus solidat, larentes mysticæ sapientiæ sinus clarificat, dubia exenterat, obstantia exarmat, ac denique quicquid in aliis semitractatum visitur, hoc Mysto-Scholastico opere perlevisimè concinnatur. Ad rem Poëta ille:

Iustan. in  
laud. Com.  
Borb.

Quicquid in Authores alios, aut gratia quicquid  
Natura, aut fortis dividit alma manus.

In

In te vno vberius coniungitur; emicat vno

Hoc libro ingenium Palladis, Hecinis opes.

Nuperrimè Author huius Mystico-Scholastici Cursus, mirandum volumen edidit, aliud iam nunc mirabilius profert. Egregia seracitas: vnus voluminis limes, limen alterius est; & primo adhuc prælo sudore madente, iam aliud sub prælo sudat.

Egregium postquam mens nondum effata volumen

Edit in vulgus, vult dare maius aliud.

Vt Porphyrius quinque Logicæ prædicabilia excogitavit, quòd rerum essentiaè clariùs, ac subtilius callerentur, sic Author quinque prædicabilia mystica meditatus est, quibus mystica dogmata ad suas classes reducit, abstrusas mysticæ Theologiæ veritates, clarissimè explicatas offert, Mystico-Scholastico certamini pabulum venustissimum præbet; nec difficultatem serio tangit, quæ mystica non sit, nec mysticum dubium quantumcumque grave dissimulat, nec segniter tangit, sed solidissimè, clarissimèque edisserit: *Resciens animum* (verba Platonis sunt) *disputationibus honestis, & commentationibus*. Vnde dicere possum:

Ioan. O-  
ven. epig.  
ad opet  
Lab.

Lib: 9. de  
Rep.

—————Arte nova docet;

Qui virtutis iter non tantum straverit altum;

Hinc verum exornans, indeque dulce facit.

Horum prædicabilium mysticorum novitate, quæ mysticam Theologiam scribit, suum opus omnibus gratissimum facit iuxta illud:

Est quoque cunctarum novitas gratissima rerum.

Et quo tempore mysticæ hæc prædicabilia lucem videntur. Eo tempore prodeunt, quæ abominabilis lues viget oggarietium iter spirituale à contemplatione incipiendum, & meditationem extetminandam, alioque plura horrenda pipiunt, à veritate auditum averteutes, & cursu celeri in tartara properantes. Contra hos omnes gladium vibrat Author, eorum carnea fundamenta detegens, & comminuens: *Quamobrem* (cum Chrysostomo loquor) *hortor, ut lectioni vacetis, sensus imbibatis, eosque vestris inscribatis mentibus*. Et ad Authorem conversus, gratiam tam exitii operis rependens, dicam fideliter cum Authore malæ Fidei: *O fortunatos Aegyptios dicebam, qui Nilum habeant iam pridem rerum omnium præbitorem, quas is afferre solet; sed nunc multo beatores, qui Musis (prædicabilibus) tuis præterea fruuntur nihil inferioribus Nilo: vel (ut ego sentio) fortassis etiam maioribus*. Ille enim terram eorum irrigando divites eos efficit; tu verò lingua tua mentes adolescentium excitando adversus opes sapientiæ dirigis, non minus quam olim Pishagoras, cum ad eos se contulit, & post eum Plato.

Hom. s22  
in Ioan.

Iul. Impi  
orat.

Nihil protulis plura dixi. Nihil protuli, si quæ dicta sunt cum libri, & Authoris meritis conferantur. Plura dixi, si munus demandatum contempleretur. Totum illud devolvitur ad duplex monosyllabum, *Est, & non*: ut elegantissimè canit Virg. poëmar. de illis monosyllabis sic:

*Est, & non* cuncti monosyllaba nota frequentant.

His demptis, nihil est hominum, quod sermo voluer.

Omnia in his, & ab his sunt omnia, sive negoti,

Sive otii quicquam est, seu turbida, sive quietis.

Qualis vita hominum, duo quàm monosyllaba versant,

Vnde Virgam Cenforis assumens, dico, quòd hic liber est dignus prælo, quia non invenitur in eo aliquid dissonum Fidei regulis, bonis

Clem.  
Alex.

moribus, aut regijs iuribus, quin potius propter insignem humanarum, & Divinarum scientiarum, sententiarumque copiam, quibus non tam respersus, quam instar plenissimi, exuberantisque fluminis refertus, abundat verè liber omnium virtutum, ac morum doctrinam continens ritè dici posses. Sic sentio in hac Spiritus Sancti Clericorum Minorum Matritensis domo die 25. Ianuar. An. Domini 1721.

Petrus à Quintana  
Cleric. Regul. Minor.

### LICENCIA DEL REAL CONSEJO.

**D**ON Balthasar de San Pedro Azevedo, Escrivano de Camara de el Rey nuestro Señor, y de Gobierno de el Consejo, certificó, que por los Señores de el se ha concedido licencia à Fray Bernardo de San Joseph, Procurador General de la Religion de Carmelitas Descalzos de esta Corte, para que por vna vez pueda imprimir, y vender vn Libro intitulado: *Cursus Theologie mystico-scholasticae tomus secundus*, escrito por el Reverendissimo Padre Fray Joseph del Espiritu Santo, Definidor General primero de su Religion, por el original, que va rubricado, y firmado al fin de mi mano; conque antes, que se venda, se traiga al Consejo juntamente con el original, y certificacion de el Correo de estar impresso conforme à el, y se tasse el precio, à que se ha de vender, guardando en la impresion lo dispuesto por las leyes, y Pragmaticas de estos Reynos, y para que conste doy esta Certificacion en Madrid à catorce de Diciembre de mil setecientos y veinte años.

Balthasar de San Pedro.

CEN-

CENSURÆ, ET APPROBATIO R. A. P. M. Fr.  
 Antonii à Trinitate, & Torres in Sacra Theologia laureati, Examinat-  
 ris Synodalis Archiepiscopatus Hispalensis, Rectoris Collegii D. Rochi  
 civitatis Cordubensis, Prioris Conventus Giennensis, & in eadem mensa  
 Episcopali Examinatoris, Prioris Conventus Granatensis, Socii Provin-  
 cie Baticæ, & Diffinitoris, atque etiam ex-Vicarii Provincialis, &  
 Rectoris Collegii D. Alberti civitatis Hispalensis Sacri Ordinis  
 Beatiff. Dei Genitricis, semperque Virg. MARIÆ  
 de Monte Carmelo antiquæ Regularis  
 Observantiæ.

**L**X commissione D. Doct. D. Francisci Torres de Olea, &c.  
 nec non Vicarii Generalis totius Archiepiscopalis Diocesis  
 Hispalensis, & c. librum, qui pro titulo habet: *Tomus secundus*  
*Cursus Theologiæ Mystico-Scholasticæ*, Authore Rmo. P. Mro.  
 Fre. Iosepho à Spiritu Sæcto, Generali Diffinitore suæ Religionis Car-  
 meliticæ Reformata, vidi, summaque aviditate perlegi. Hic enim li-  
 ber est Divinitate plenus, & Divinorum speculum. Vniversa hæc, ope-  
 ris moles perinde est, ac *Microcosmos* tot splendoribus micans, ac lit-  
 teris flammigeris ardoris scintillantis scientiæ exaratus. Palam eru-  
 diens Dei gloriam, sicut illius Augustissimam Maiestatem prædicans.  
 In quo rerum creatarum natura, & Dei oracula loquuntur; vtpotè Dei  
 sapientiam, potentiam, & virtutem mirè admirantur. Est clypeus au-  
 reus, in quem Sol resulget, vt mentes elevatas, sicut montes, à fulgori-  
 bus suis resplendant, tenebras depellentibus. Eius enim ductu, vt per-  
 fectissimum artis mysticæ magisterium traderet percelebris hic Scrip-  
 tor (ed enim tendit suus labor, qui non purus meditationum, & con-  
 templationum fasciculus florum, sed exactum Mysticæ Theologiæ  
 magisterium) cuius manu ductione peccatores qualicumque, & quali-  
 tercumque culparum luto defixi ad altiorem Christianæ perfectionis a-  
 picem gradatim evehi in hoc vehiculo lucis solaris possent.

Et nè fortè alicui præsumptuosum videri posset, vt anima multi-  
 plici absoluta peccato petat à Christo Domino sui cum Christo Do-  
 mino unionem: Audi Seraphicum Bonaventuram dicentem: *Nihil in*  
*hoc periculi, dum primò, osculatur in pede per peccatorum recordationem:*  
*secundo, in manu per beneficiorum sibi collatorum recognitionem: tertio,*  
*ascendat ad amoris osculum, ipsum solum desiderando, & affectibus flam-*  
*migeris ei adherendo.* Quod totum, aliaque mysticæ scientiæ difficilli-  
 ma, mira claritate, profunda eruditione, elegantique stylo explicat  
 Author, sequendo D. Dionysium in lib. de Div. nominib. in Epist.  
 quam Tiro scripsit, & in lib. de Myst. Theolog. videndum.

*Est, & in nudi nominibus* (inquit aureum os Chrysost. in epist. 3.  
 ad Rom.) *magnum invenire Thesaurum.* Et ego suspiciens hunc li-  
 brum, invenio Authorem nominatum Ioseph habere in fronte quasi  
 pro Coronide: nam si de illo antiquo Iosepho castitatis speculo, & Vir-  
 ginis Sponso dixit magnus Parens Augustinus Ecclesiæ lumen, Iose-  
 phum esse Solem: Et de hoc Mundo visibili Sole illucescente dicitur,  
 Solem corona cingi; ita hoc splendidum opus Authorem suum (mysti-  
 cum Solem, scilicet,) vice corona cingi. Quo læto, tam in ingressu  
 instruento, in progressu dirigente, quàm in egressu complente ad

rectam, & spirituales vitam invenient auro Charitatis nutritionem, quæ est nativa incipientium: roborationem, quæ pertinet ad proficientes, ac denique perfectionem, quæ respicit ad perfectos. En triplex via: Incipientium, quibus convenit purgativa; Proficientium, quibus illuminativa; Perfectorum, quibus unitiva. Quibus manet ultima aurea Cælo rutilans.

Hæc enim est vera sapientia, hic verus sciendi modus, hoc est verbum bonum, quod divinitus ab æterno nos instruit, ut cum eo, qui est vita æterna, æternaliter vivamus, & cognoscamus Deum verum. *In principio* (ait Sol Euangelii, Benjamin charorum Dei, & Evangelistarum Aquila Div. Ioan. cap. 1. ) *erat Verbum, & Verbum erat apud Deum, & Deus erat Verbum.* Verbum enim Sapientia Patris, velut supremus Præceptor, & Divinus Sapientiæ Magister exaltatus in Crucis cathedra in semetipso, quasi in suo Verbo scripto in materia de Charitate, more logico, modo, scilicet, demonstrativo, trahens nos post se ad sequendam suam veram doctrinam, & sequendo eius vestigia demonstrativè nos docet hanc Divinam lectionem mysticæ Theologiæ mystico-Scholasticæ, dicendo: *Hæc est vita æterna, ut cognoscant te Deum verum, & quem misisti Iesum-Christum.* Ut cognoscerentur à nobis tres viæ, quibus cum ipso Deo vero animæ verè spirituales uniantur. *Ut cognoscant te verum Deum*, (ecce purgativa) quia, cum conversio ad Deum, & aversio à creaturis stare non possit absque eo, quod anima se purget à peccatis, per quæ erat conversa ad creaturam, & cum, qui adhæret Deo, vnus Spiritus est cum illo, idèd in hac conversione, quæ est via incipientium, anima ista quasi *in principio erat Verbum.* In profectu vitæ, quia & *vita erat lux hominum* (illuminativa, scilicet,) Et in egressu, æterna (unitiva, scilicet) quæ est vita Perfectorum, *nam Verbum erat apud Deum.*

Hanc igitur salutiferam Æterni Verbi Sapientiam adamusim hoc in præclaro opere vbique insequitur sapientissimus Author, styloque Scholastico vbique ornat, & quam in suo fonte (Verbo scilicet) copiosissimè exhibet, sitientibus fructuosæ doctrinæ potum saluberrimum propinat. Incipientes erudit, Proficientes illuminat, Perfectos inflammat; imò, & peccatores suavi pondere allicit. Igitur, qui Theologiæ Mysticæ saluberrimo, ac suavissimo liquore refici desiderat, opera huius Sapientissimi Magistri manibus evolvat, iugique labore percurrat, in quibus feliciter coniunctum invenit, quod in diversis libris dispersum, & nimia obscuritate involutum, numquàm consequeretur. Quapropter librum hunc approbatione dignum esse, omnino iudico, nec in illo inveniri quidquam, quod consonum non sit puritati Sacræ Pagine, Apostolicis traditionibus, Conciliorum definitionibus, Pontificum declarationibus, sensibus SS. PP. bonisque moribus: Vnde merito, & iustitia (si benevolè Authori per te licet) typis opus mandetnr. Ita sentio (salvo meliori) in hoc quàm celebri Div. Alberti Carmelico-Collegii Collegio Civitatis Hispalensis die 22. Mensis Martii An. Domini 1721.

Fr. Antonius à Trinitate  
& Torres.

APPRO.



APPROBATIO REVERENDISSIMI PATRIS  
 Emmanuelis à Generebo, & Spinola Præclarissimæ PP. Clericor. Regul.  
 Min. familiæ lucidissimi germinis, in Salmanticensi academia è Theo-  
 logorum sacro choro profundissimi Magistri, Sacræ Scripturæ  
 Primarii, ac suæ Observantissimæ Provincia semel,  
 & iterum Provincialis.



USSU D. D. Ildephonfi de Olea Vicarii Generalis Archie-  
 piscopatus Hispalensis attentè perlegi secundum totum Car-  
 sus Theologia Mystico-Scholastica, elaboratum à Rmo. pari-  
 terque Religiosissimo P. Fr. Iosepho à Spiritu Sancto, Sacræ  
 Theologiæ Lectore, ex-Provinciali Beticæ Provinciæ, actualique Ge-  
 nerali Diffinitore Congregationis Hispaniæ Carmelitarum Discalcea-  
 torum, & c. Ecùm opus sapientiæ plenum demirarer, illico illud  
 Sapientiæ cap. 7. in mentem subiit, quo iudicium proferrem: *Est enim  
 in illo Spiritus intelligentia, Sanctus, unicus, multiplex, subtilis, differ-  
 ens, mobilis, incoquinatus, certus, suavis, amans bonum, acutus,  
 quem nihil vetas benefaciens.* Sed quid mirum! Præ credam, quòd  
 si Religiosissimo Authori adèd de se humilliter sentienti, timoris  
 pleno, vt tom. 1. Prolog. 1. testatur, cùm avidè veritatem exquireret,  
 vt cursum Mysticum consummaret: *Obiit illi quasi mater honorifica-  
 ta, Mystica animarum Doctrina D. Theresia à IESU, & quasi mulier à  
 virginitate suscepit illum, virgineo sinu suo fovit: Et cibabit illum  
 cælestis suæ doctrinæ pabulo, pane vita, & intellectus, & aqua sapien-  
 tiæ salutaris potabis illum: & exaltabis illum apud proximos suos, & in  
 medio Ecclesiæ aperiet os eius, & adimplebit illum spiritu sapientia, & in-  
 tellectus: & nomine aeterno hereditabis illum.*

Sap. cap. 7.

Eccles. cap.  
 15. n. 2.

Lustrentur singula, & in hoc opere tanto Authore digno, omnia  
 cælestis sapientiæ dona invenientur cumulata. Primò quidem splen-  
 det in illo: *Spiritus intelligentia, Sanctus*, quid enim hæc scripta nisi  
 Sanctitatem redolent? Sanctitatem spirant? *Vt homines Deo devotos  
 reddat: mentes instruit, & à terra sub tollit, ad supernæ contemplationis  
 fastigium evehit, vt per Divinissimam unionem cum Deo fiant unus spi-  
 ritus cum illo.* Nesciunt non alta petere Carmeli montis incolæ: *Mons  
 coagulatus, mons pinguis. Mons, in quo beneplacitum est Deo habitare in  
 eo: etenim Dominus habitabit in finem.* Ex quo enim: *Dominus dixit,  
 vt habitaret in nebula*, quam Elias ex mari ascendente prospexit, ad  
 hæc vsque tempora inhabitavit mentes D. Theresiæ, & B. Ioannis à  
 Cruce, præclarissimis Theologiæ Mysticæ Doctores, vt Divina luce  
 perfusi à montibus æternis mirabiliter animas illuminarent, vt innu-  
 meros alios huius montis accolæ prætermittam, qui labore assiduo  
 viam, quæ ducit ad suprànum contemplationis verticem tot anfrac-  
 tibus plenam, calamo, exemplis, vestigiis, planam, facilemque redide-  
 runt. *Sed & Dominus habitabit in finem:* vt enim in montis culmine  
 Author noster pro meritis collocatus, qua itur ad Cælum, quasi digito  
 ostendat, & manuducat: *Honestavit illum Dominus in laboribus suis, &  
 dedit illi scientiam Sanctorum:* Theresiæ, & Ioannis, quæ quasi here-  
 ditaria successione à cunctis Elianis adquiritur, custoditur, fovetur,  
 & altè retinetur.

Castr. lin.

Psal. 67.

3. Reg. 8.  
 num. 12.  
 3. Reg.  
 18. n. 44.

Sapient.  
 cap. 10.

Expendamus & alia: *unicus*: sanè sese etiam ostendit spiritus in-  
 telligentia in huius operis constructione: *unicus*: vel quia rarus ita,  
 vel

Exod. cap.  
18.

vel quia solus. Terminis logicalibus primus, & *unicus* (quem sciam) sublimiora Mysticæ Theologiæ arcana edocet, quo facto crediderim in commune animarum commodum, illud Exodi feliciter impletum: *Pones in rationali Doctrinam, & Veritatem, quæ erunt in pectore Aaron*: Mystica namque Theologia, quæ in pectore, & corde primas sedes obtinet, ut animum ad superna erigat, consulto in *rationali* (talis præcipuè Logica insignitur) à peritissimo Magistro collocatur, ut mos ratiocinio mystico aſueta, facile velatissimam doctrinam caleat, & veritatis reconditæ scopum feliciter attingat. Quare, dum quasi *unicus* ratione duce ad sublimiora dirigit, meritò primatum apud *prudentes eloquii mystici* assecuturum auguror, quia singularissima methodo veritatem, & doctrinam sapientibus ipsis absconditam, in *rationali* scientia collocat, ut parvulis etiam reveletur, & cunctis pateat. Immo Sapientes ipsos occasione habituros existimo, ut avidius, quàm usque modò, profundissimi mas Mysticæ Theologiæ quæstiones versentur, tali novitate delinitas, iucunditate persusas, quæ Cælestis disciplinæ studium ingenerat, appetitum parit, & demulcet: *Sumus enim* (Cælio Rodrig. testante) *ad id nos provehente naturali quadam vi, novitatis, omnes per- avidi, quod prædilectis hac sentiantur, & iucunda, nec admiratione careat.*

Celi. Ro-  
dig. lib. 1.  
lect. 7. An-  
tiq. cap. 1.

Latet etiam, & pater in hoc egregio opere: *Spiritus intelligentia, multiplex, subtilis, acutus, disertus. Multiplex*, quia Scholasticæ, *exposi- tiva, moralis*, & Mysticæ Theologiæ spiritu abundat, haturum omnium fluentis impletur, ut aquam sapientiæ salutaris propinet: *Subtilis, & acutus*, quia miro ingenii acumine omnia penetrat, etiam *profunda Dei*: ut inquit Apostolus 1. ad Corint. *Spiritalis enim homo omnia diiudicat*, exquirat, inquirat, penetrat, spiritus discetnendo, passionibus ab inspira- tionibus Divinis segregando, rerum essentias, differentias, proprietates, & accidentia demonstrando, & minutissima quæque dignoscendo. *Dis- sertus*, quia clarus, apertus, omnia explicat, & illustrat, verba supple- dit, apta ad mentis sententiam aperiendam, & perspicuam efficien- dam, addo: *Ut linguas infantium faciat disertas*, & dum argumentatio- ne veritatē inquirat, disputantes non possint resistere sapientiæ, & spiri- tui, qui in ipso loquitur.

N.P. Lau-  
ren. Apon-  
te hic.

Vatab. &  
Nacunt. a-  
pud Apon-  
te hic.

Acta cap.  
6.

Sed age: Et claritatem, cum subtilitate, & multiplicitate doctrinæ miraberis supramodum coniunctam, nè dicam petimixtā, ut quæstiones, quas exagitat, propriis locis instituat, ad instar quinque prædicabilium logicalium, seriem quinque prædicabilium mysticorum construxit, quibus genus, differentiam, speciem, proprium, & accidens in mysticis aptissime demonstrat. O vere spiritum intelligentiæ, multiplicitate exornatū, claritate, & brevitate conspicuum, subtilitate, & acumine prædium! Vel, ut Græcè legitur: *Acutum ad instar mucronis, & cuspi- dis*, ad disecandum, dividendum, scindendum: *Quasi gladio quippe ex utraque parte acuto*, circumcissionem mysticam perfectissime conficit, quia rerum essentias, & proprietates penetrat, & scindit, ut Carmeli celebratissimi monitis, qui *scientia circumcissionis* interpretatur, sine interpretare dignoscatur filius. Ad præliandum igitur prælia Domini sapiens iste progreditur, acutissimo, subtilique ingenii gladio accinctus, eligens sibi in quinque prædicabilibus mysticis *quinque limpidissimos lapides de torrente aqua salientis in vitam æternam*, quibus pro dirimen- dis difficilioribus controversiis, quasi incxpugnabili muro mentem propriam munit, difficultatium confinia consignat, argumenta in con- trarium unico istu facile exarmat, triumphum canit, & æternum sibi nomen felici omine comparat.

Pro-

Prodeat igitur in lucem, & non solum, *ut luceat omnibus, qui in domo sunt*, Cursus iste Theologiæ Mystico-Scholasticæ post absolutissimū cursum Philosophiæ, & Theologiæ Scholasticæ, & Moralis Carmelitanæ familiæ, & communi planu exceptum, nec minori, ut opinor, excipiendus. Hoc tantum deerat, ut sibi immortale decus familia tanta vendicaret, ut quisquis vniuersam Theologiam addicere velit, non huc, illucque divagaretur, sed Sacram Theresiæ Minervam adiret. Sed iam iam Sapientissimam huius Palladis progeniem mihi alloquentem ausculto multis ex Nacianzēno vocibus: ad illa verba: *Alum Paraclytum dabit vobis, ut maneat vobiscum in æternum. Vides iam, in P. Iosepho à Spiritu Sancto, illuminationes pantatim nobis effulgentes Theologiæque (Mysticæ) ordinem, quem nobis tenere præstiterit, ut nec repente, nec confestim omnia in lucem efferamus, nec in finem usque occutemus*. Ergo dum ita sibi Theresiæ Alumni vicissim lampada tradunt. Quæ Cælestis eius doctrinæ pabulo nutriuntur, appositè cum Leone Magno rependam: *Indulgentius nobiscum egis doctrina Cælestis (Theresiæ) quos in hac Mundi tempora distulit, ad intelligentiæ facultatem, ut multo pluribus quàm priores, & vatis (pro talibus filii Prophetarum habentur) vteremur, & testibus*.

Ioann. cap.  
14. n. 16.  
Nacianz.  
or. 4. de  
Theolog.

Leo Mag.  
Serm. 18.  
de Pass.  
Dom.


Sed ut qualecunque iudicii mei initium resumam, & finem imponam: cū spiritus intelligentiæ, qui cursum istum, & perficit, & cōsumat, sit incoquinatus, quia ab omni erroris labe purus: certus, quia Fidei regulis consonus, & Sanctorum PP. doctrinæ firmiter innixus: *amans bonum*, quia in commune bonum elaboratus: *nihil vetat benefaciens*: vel apertius ad rem nostram, nihil ob stare potest, ut typis mandetur opus *benefaciens* Ecclesiæ, literariæ reipublicæ, animarum directioni, studiorum publicæ vtilitati. Ita censeo, salvo, & c. Matrini in hac Spiritus Sancti domo Clericorum Regularium. Minorum die 16. Februarii Anni Domini 1721.

Emmanuel à Generele, & Spinola,  
Clericorum Regular. Minor.

## LICENCIA DEL ORDINARIO.

**N**OS el Doctor D. Francisco de Olea Torre, Provisor, y Vicario General de esta Ciudad de Sevilla, y su Arzobispado, por el Exmo. Sr. Don Phelipe Antonio Gil de Taboada, mi Sr. por la gracia de Dios, y de la Santa Sede Apostolica, Arzobispo de Sevilla, del Consejo de su Magestad, & c. Por el tenor de la presente, y por lo que toca à la Jurisdiccion Ecclesiastica ordinaria, damos licencia para que por vna vez se pueda imprimir, è imprima vn libro, cuyo titulo es: *Tomus secundus Cursus Theologiæ. Mystico-Scholasticæ*, su Author, el M. R. P. Fr. JOSEPH DEL ESPIRITU SANTO, Rector actual del Colegio del Angel, del Sagrado Orden de Carmelitas Descalzos, por no con tener cosa contra nuestra Santa Fè, y buenas costumbres, de q han dado sus Censuras los M. RR. PP. Maestros Fr. Antonio de la Trinidad, y Torres, del Sagrado Orden de N. Sra. del Carmen, y el P. Manuel Generele, y Espinola, Provincial actual de los PP. Clerigos Menores en la Provincia de Castilla, con tal, que al principio de cada libro se imprima esta nuestra licencia, y dichas Censuras. Dada en Sevilla à tres de Setiembre de mil setezientos y veinte y vn años.

Doctor D. Francisco de Olea Torre.



Por mandado del Señor Provisor.

Francisco Cotallo Nor. M.

IN.

\*\*\*\*

# INDEX PRÆDICABILIVM, DISPUTATIONVM, QVÆSTIONVM, ET PARAGRAPHORVM, QUÆ IN HOC TOMO CONTINENTUR.

NVMERVS PARAGRAPHORVM EST MARGINALIS.

PRIMUM PRÆDICABILE.

*De natura mysticè perfectibili.*

DISPUTATIO I.

*De Meditatione.*

- Q. 1. Vtrum meditatio reddat animam proximè perfectibilem ad contemplationem? pag. 2.  
 §. 1. Explicatur titulus, referuntur sententiæ, & vera eligitur. num. 1.  
 §. 2. Solvuntur argumenta. 7.  
 Q. 2. Vtrum opinio asserens, animam sine meditatione posse contemplari, sit periculosa? pag. 7.  
 §. 1. Vera sententia proponitur, & probatur. 11.  
 §. 2. Respondetur Argumentis. 22.  
 Q. 3. Vtrum viam spiritus incipere à contemplatione opponatur bonæ Philosophiæ? pag. 14.  
 §. 1. Ponitur conclusio affirmans. 29.  
 §. 2. Solvuntur argumenta. 36.  
 Q. 4. Vtrum recenter à peccatis surgēs admitti possit ad meditationem? pag. 20.  
 §. 1. Eligitur sana doctrina. 44.  
 §. 2. Motiva opposita solvuntur. 52.  
 Q. 5. Vtrum aliqui excludantur ab exercitio meditationis? pag. 25.  
 §. 1. Triplex conclusio pro veritatis resolutione. 60.  
 §. 2. Occurritur argumentis. 70.  
 Q. 6. Vtrum omnes, qui meditantur, admittantur ad contemplationem? 31.  
 §. 1. Statuitur assertio negativa. 77.

§. 2. Respondetur argumentis. 82.

DISPUTATIO II.

*De virtute orationis secundum se sanctæ, ac de potentia illam producente.*

- Q. 1. Vtrum oratio rectè à Mysticis definiatur? pag. 35.  
 §. 1. Vera sententia proponitur. n. 1.  
 §. 2. Respondetur argumentis. 8.  
 Q. 2. Vtrum oratio rectè diffiniatur à Scholasticis? pag. 43.  
 §. 1. Veritas tenenda proponitur. 41.  
 §. 2. Argumentum primum solvitur. 44.  
 §. 3. Alia argumenta. 58.  
 Q. 3. Cuius potentia actus sit oratio? pag. 52.  
 §. 1. Defenditur sententia Thomistica. 84.  
 §. 2. Obiectiones. 89.  
 §. 3. Ultima ratio pro conclusione. 99.  
 §. 4. Argumenta. num. 108.  
 Q. 4. Vtrum oratio eliciatur à virtute Religionis? pag. 60.  
 §. 1. Prælibantur aliqua, & referuntur sententiæ. 124.  
 §. 2. Statuitur nostra conclusio. 126.  
 §. 3. Argumenta. 129.

DISPUTATIO III.

*De necessitate orationis.*

- Q. 1. Vtrum oratio necessaria sit, & qua necessitate? pag. 67.  
 §. 1. Proponitur, & probatur prima con-

- §. 2. Respondetur argumentis. 44.  
 Q. 4. Vtrum contemplatio, qua parte tristiciam causat, sit delectabilis? pag. 103.  
 §. 1. Statuitur, probaturque affirmativa conclusio. 59.  
 §. 2. Proponitur alia ratio D. Thomæ in probationem conclusionis. 69.  
 §. 3. Divina contemplatio, qua parte tristiciam causat, etiam est delectabilis, si consideretur, ut est opus quoddam virtuosum. 76.  
 §. 4. Argumenta contra conclusionem. 80.  
 §. 5. Respondetur aliis solutionibus. 94.  
 Q. 5. Vtrum Divina contemplatio sit bonum vile? pag. 119.  
 §. 1. Proponitur, & probatur pars affirmativa. 100.  
 §. 2. Respondetur argumentis. 103.

DISPUTATIO X.

*De Divina contemplatione prout est vita.*

- Q. 1. Vtrum contemplatio Divina sit vita animæ? pag. 125.  
 §. 1. Contemplatio Divina est vita animæ. 1.  
 §. 2. Solvuntur obiecta. 7.  
 Q. 2. Vtrum vita contemplativa ex æquo diversa sit ab activa. pag. 132.  
 §. 1. Post nonnullas observationes dirimitur controversia. 12.  
 §. 2. Respondetur argumentis. 20.  
 §. 3. Confectaria aliqua colliguntur digna scitu. 25.  
 Q. 3. Vtrum vita contemplativa dignior sit, quàm activa? pag. 145.  
 §. 1. Declaratur quis titulus, aut quid tenendum sit aperitur. 41.  
 §. 2. Solvuntur argumenta. 64.  
 Q. 4. Vtrum vita contemplativa sit magis meritoria, quàm activa? pag. 157.  
 §. 1. Proponitur vera sententia. 79.  
 §. 2. Solvuntur argumenta. 86.  
 Q. 5. Vtrum vita contemplativa sit prior, quàm activa? pag. 166.  
 §. 1. Brevis tituli explicatio, ac dubii resolutio. 96.

- §. 2. Respondetur argumentis. 99.  
 Q. 6. Quæ vita diuturnior sit, contemplativa, an activa? pag. 171.  
 §. 1. Brevis observatio, & difficultatis prima resolutio. 107.  
 §. 2. Obiectiones in probationes adductas. 112.  
 §. 3. Alia assertio pro quæstionis complemento. 129.  
 §. 4. Quæ asserta præcedentia impugnant, enodantur. 141.  
 Q. 7. Vtrum in eodem viatore possint simul reperiri vita activa, & contemplativa? pag. 191.  
 §. 1. Quæstionis sensum aperit, & veram sententiam propugno. 147.  
 §. 2. Emergens obiectio dispellitur, & eius occasione dubium incidens disputatur. 154.  
 §. 3. Ex N. Seraph. Doctrice probatur assertum qualiter contemplatio valeat cum actione coniungi. 173.  
 §. 4. Alia duplex assertio. 178.  
 §. 5. Argumenta contra primam conclusionem solvuntur. 186.  
 §. 6. Respondetur unico argumento contra secundam assertionem. 192.

DISPUTATIO XI.

*De principio quod Divina contemplationis.*

- Q. 1. Vtrum solus homo sit principium quod Divina contemplationis? pag. 218.  
 §. 1. Respondetur argumentis. 30.  
 Q. 2. Vtrum omnes homines possint animum elevare ad Divinam contemplationem? pag. 222.  
 §. 1. Fiunt aliquæ observationes, & referuntur sententiæ. 9.  
 §. 2. Diversis assertis dirimitur controversia. 17.  
 §. 3. Solutio argumentorum contra primam conclusionem. 31.  
 §. 4. Solvuntur argumenta contra alias assertiones. 42.  
 Q. 3. Vtrum omnes debeant contemplari? pag. 238.  
 §. 1. Post brevem tituli explicationem statuitur triplex conclusio. 59.  
 §. 2. Respondetur argumentis. 74.  
 Q. 4. Vtrum sint aliqui, qui ad contemplationem.

templationem Divinam teneantur?  
pag. 248.

- §. 1. Imploratur lux Cœlestis, quæstionis titulus explicatur, aliqua prælibantur, & Methodus tenenda proponitur. 79.
- §. 2. Professor nostræ primitivæ regulæ tenetur sub mortali ire ad perfectionem. 86.
- §. 3. Contra positum assertum argumentum soluta. 90.
- §. 4. Solvitur argumentum num. 92. positum, & obiectiones aliquot dissipantur. 100.
- §. 5. Per observationem regulæ, & constitutionum rectè tendit ad perfectionem Professor familiæ nostræ. 107.
- §. 6. Finis proximus nostræ sacre Religionis est mixtus ex cõtemplatione, & actione. 117.
- §. 7. Professor nostræ regulæ tenetur ad orationem purè mentalem. 122.
- §. 8. Quæ factos discursus impugnant propono, solvoque. 128.
- §. 9. Adhuc in proposito asserto suadendo persisto. 135.
- §. 10. Quæ nostrum assertum obruentur, dissolvo. 141.
- §. 11. Assertum directè respondens titulo quæstionis proponitur, & probatur. 149.
- §. 12. Alia eiusdem assertionis probatio. 161.
- §. 13. Responderetur argumentis. 164.
- §. 14. Aliquot dubia agitata difficultati connexa deciduntur. 172.

## DISPUTATIO XII.

*De potentia proxima Divina contemplationis.*

- Q. 1. Vtrùm contemplatio Divina proximè eliciatur ab anima rationali? pag. 294.
- §. 1. Vera, & communis sententia proponitur, & probatur. 1.
- §. 2. Solvuntur argumenta. 5.
- Q. 2. Vtrùm voluntas sit potentia, à qua proximè elicitur contemplatio Divina? pag. 302.
- §. 1. Controversiæ status aperitur, dubiumque deciditur. 13.

§. 2. Responderetur argumentis. 19.

Q. 3. Vtrùm intellectus sit principium quo proximum Divinæ contemplationis? pag. 311.

- §. 1. Intellectus est principium proximum contemplationis Divinæ. 26.
- §. 2. Solvo obiectiones contra dicta, & quæ assertionem impugnant. 35.
- §. 3. Proponitur ultima obiectio casu celebris. 80.
- §. 4. Declaratur, quid circa propositam doctrinam doceat D. Thomas. 43.

§. 5. Quid alii Sancti, & Theologi sentiant circa præsentem controversiam, expono. 48.

Q. 4. Vtrùm Divina contemplatio sit actus intellectus speculativi, aut practici? pag. 323.

- §. 1. Nonnulla circa intellectum speculativum, practicumque præmitto, & statuo binembrem conclusionem. 56.

§. 2. Argumentis responderetur. 63.

Q. 5. Vtrùm contemplatio spectet ad primam operationem intellectus speculativi? pag. 328.

- §. 1. Ponuntur aliqua fundamenta pro hoc, & sequentibus quæsitis. 66.
- §. 2. Relatis sententiis statuitur assertio. 72.

§. 3. Argumentis responderetur. 77.

Q. 6. Vtrùm contemplatio sit actus iudicii, aut discursus? pag. 338.

- §. 1. Prælibantur aliqua prorsus necessaria tam pro præsentis, quàm pro aliis quæsitis. 83.

§. 2. Duplex assertio pro quæsitæ resolutione. 91.

§. 3. Solvo argumenta dictas assertiones impugnantia. 96.

Q. 7. Vtrùm Divina contemplatio sit actus iudicii discretivi? pag. 349.

- §. 1. Duplex assertum dirimit controversiam. 101.

§. 2. Propono, solvoq; argumenta contra utramque conclusionem. 107.

Q. 8. Vtrùm Divina contemplatio sit actus iudicii resolutivi? pag. 355.

- §. 1. Pars affirmativa proponitur, & probatur. 114.

§. 2. Responderetur argumentis. 120.

DIS:

# INDEX PRÆDICABILIVM, &c.

conclusio.

- §. 2. Secunda conclusio. 10.  
 §. 3. Argumenta. 19.  
 Q. 2. Vtrum in primo instanti vsus rationis vrgeat orationis præceptum? pag. 78.  
 §. 1. Præmittuntur aliqua, & referuntur sententiæ. 39.  
 §. 2. Eligitur sententia affirmativa. 40.  
 §. 3. Commune aduersariorum estium. 50.  
 §. 4. Argumenta. 57.

## DISPUTATIO IV.

*De iis, qui possunt orare.*

- Q. 1. Vtrum Deo conveniat propriè, & formaliter orare? pag. 87.  
 §. 1. Dirimitur prima pars dubii. 8.  
 §. 2. Deciditur dubium quoad secundam partem. 11.  
 §. 3. Argumenta contra primam conclusionem. 16.  
 §. 4. Argumenta contra secundam conclusionem. 28.  
 Q. 2. Vtrum Sancti, qui in Cælo sunt, orent pro nobis. pag. 56.  
 §. 1. Diversa placita relata, & Catholica veritas proposita. 32.  
 §. 2. Hæreticorum somnia dissipata. 37.  
 Q. 3. Vtrum existentes in Purgatorio orent? pag. 100.  
 §. 1. Defenditur vera sententia. 51.  
 §. 2. Obiectiones. 53.  
 §. 3. Argumenta. 69.

## DISPUTATIO V.

*De iis, qui possunt orari.*

- Q. 1. Vtrum Deus oreitur sub ratione personæ? pag. 110.  
 §. 1. Communis sententia statuitur. 5.  
 §. 2. Obiectiones. 10.  
 §. 3. Argumenta. 13.  
 Q. 2. Vtrum ad Sanctos orare valeamus? pag. 114.  
 §. 1. Superstites possunt orare Sanctos. 18.  
 §. 2. Nebula Hæreticorum dissipantur. 23.  
 Q. 3. Vtrum detur præceptum de invocatione Sanctorum? pag. 122.  
 §. 1. Conclusio nostra proponitur. 35.  
 §. 2. Argumenta proposita, & soluta. 49.  
 Q. 4. Vtrum omnes superstites Sanctos invocare debeant? pag. 129.

- §. 1. Motivum præsentis controversiæ exponitur, & sana doctrina stabilitur. 55.  
 §. 2. Motiva adversæ opinionis enumerata. 72.  
 Q. 5. Vtrum ad Sanctissimum Patriarcham N. D. Eliam possimus orare? pag. 139.  
 §. 1. Eligitur vera sententia. 85.  
 §. 2. Ecclesiæ autoritate probatur rursus conclusio nostra. 94.  
 §. 3. Aliter vera resolutio probatur. 99.  
 §. 4. Argumenta. 106.

## DISPUTATIO VI.

*De iis, pro quibus orare possimus.*

- Q. 1. Vtrum possimus à Deo petere gloriam essentialem Beatorum? pag. 149.  
 §. 1. Nonnullis præmissis, referuntur sententiæ, & ponitur nostra assertio. 1.  
 §. 2. Solvuntur aliquæ obiectiones. 10.  
 §. 3. Argumenta diluuntur. 31.  
 Q. 2. Vtrum possimus orare pro gloria accidentali Beatorum? pag. 162.  
 §. 1. Post brevem observationem referuntur sententiæ, & duplici conclusione dirimitur controversia. 42.  
 §. 2. Solvuntur argumenta utranque conclusionem impugnantia. 56.  
 Q. 3. Vtrum orare possimus pro damnatis, ut ab æternalibus flammis liberentur? pag. 169.  
 §. 1. Titulus explicatus, sententiæque propositæ. 66.  
 §. 2. Veritas sectanda proponitur. 71.  
 §. 3. Aliquot obiectiones adducuntur. 76.  
 §. 4. Testimonium D. Dionys. Mystica Theolog. Princip. in probationem nostræ conclusionis. 83.  
 §. 5. Aliqua argumenta proposita. 87.  
 §. 6. Solvitur argumentum difficile. 95.  
 Q. 4. Vtrum possimus orare pro damnatis, ut levamen aliquod accipiant? pag. 184.  
 §. 1. Proponitur vera sententia. 103.  
 §. 2. Respondetur argumentis. 110.  
 Quæst. 5. Vtrum existentibus in Limbo prodesse possint orationes via-

totum?	pag. 194.
§. 1. Quid sit tenendum proponitur, & probatur.	127.
§. 2. Obiiciuntur nonnulla cōtra istam rationem.	131.
§. 3. Respondetur argumentis.	137.
Q. 6. Vtrum pro existentibus in Purgatorio orandum nobis sit?	pag. 200.
§. 1. Referuntur sententiæ, & vera eligitur.	141.
§. 2. Acatholicorum argumenta soluta.	155.
§. 3. Alia argumenta contra extensionem assertionis nostræ.	165.
Q. 7. Vtrum pro viventibus omnibus orare possimus?	pag. 209.
§. 1. Non licet orare pro salute omnium hominum collectivè sumptorum.	169.
§. 2. Occurritur aliquibus, quæ propositum assertum impugnant.	172.
§. 3. Orare non licet pro eo, de cuius reprobatione sumus certi.	188.
§. 4. Occurritur aliquibus obiectionibus.	191.
§. 5. Pro omnibus superstitionibus divisivè possumus orare.	201.
§. 6. Respondetur aliquibus obiectionibus.	204.
SECUNDUM PRÆDICABILE.	

*De natura mysticæ perfectivæ.*

## DISPUTATIO VII.

*De existentia Divina contemplationis.*

Q. 1. An detur contemplatio Divina?	pag. 2.
§. 1. Duplici conclusione deciditur controversia.	1.
§. 2. Argumentis contra utramque conclusionem respondetur.	20.
Q. 2. An detur oratio Fidei, quæ sit idem cum Divina contemplatione?	pag. 14.
§. 1. Quæstionis titulus aperitur, sententiæ referuntur, & nonnulla ante resolutionem prælibantur.	34.
§. 2. Vera sententia eligitur, & probatur.	43.
§. 3. Aliæ Authoritates, & rationes propositæ.	52.
§. 4. Argumenta proponuntur.	60.

## DISPUTATIO VIII.

*De quidditate Divina contemplationis.*

Q. 1. Quid sit Divina contemplatio?	pag. 33.
§. 1. Assignatur propria definitio contemplationis activæ.	1.
§. 2. Solvuntur aliquot argumenta.	9.
§. 3. Proponitur definitio contemplationis infusæ.	15.
Q. 2. Vtrum divisio contemplationis Divinæ essentialis, & adequata sit?	pag. 42.
§. 1. Duplex assertio pro veritate stabilenda.	23.
§. 2. Respondetur argumentis contra utramque conclusionem.	28.
Q. 3. Vtrum Divina contemplatio sit vera actio de prædicamento actionis?	pag. 48.
§. 1. Tituli brevissima explicatio, & duplex post eam stabilitur conclusio.	43.
§. 2. Argumenta assertionem impugnantia solvuntur.	50.
Q. 4. Vtrum Divina contemplatio sit excitativè supernaturalis?	pag. 55.
§. 1. Prænotantur aliqua, & referuntur sententiæ.	55.
§. 2. Relatis sententiis proponitur nostrum in hac parte iudicium.	63.
§. 3. Aliis auctoritatibus, & probationibus inde haustis, probatur eadem secunda assertio.	73.
§. 4. Respondetur argumentis.	83.

## DISPUTATIO IX.

*De bonitate Divina contemplationis.*

Q. 1. Vtrum Divina contemplatio ex se sit bona?	pag. 77.
§. 1. Statuitur, probaturque pars affirmativa.	1.
§. 2. Solvuntur argumenta.	5.
Q. 2. Vtrum Divina contemplatio sit honesta?	pag. 83.
§. 1. Statuitur veritas tenenda.	10.
§. 2. Respondetur argumentis.	18.
Q. 3. Vtrum Divina contemplatio sit bonum delectabile?	pag. 93.
§. 1. Divina contemplatio delectabilis est.	33.
	§. 2.



PRÆDICABILIVM, & c.  
DISPUTATIO XIII.

*De principio proximè elicitive Divinae  
contemplationis.*

- Q. 1. Vtrum fides Theologica sit principium proximū eliciciens Divinam contemplationem? pag. 362.
- §. 1. Supponuntur aliqua, quæ viam parant ad intelligentiam eorum, quæ dicenda sunt. 1.
- §. 2. Aliquot placita refero. 7.
- §. 3. Duplex assertum dirimit controversiam præsentem. 10.
- §. 4. Obiectio, qua communiter vtuntur adversarii, proponitur, ac diluitur. 19.
- §. 5. Occurrimus argumentis contra secundam assertionem. 25.
- §. 6. Solvitur argumentum difficile. 31.
- §. 7. Datam doctrinam explico, ac roboro, & ab aliquot objectionibus vindicor. 37.
- Q. 2. Vtrum omnis Religiosa contemplatio sit actus à fide illustrata elicitus? pag. 387.
- §. 1. Brevis tituli explicatio, & dubii resolutio. 46.
- §. 2. Respondetur argumentis. 51.
- Q. 3. Qualiter Spiritus Sancti dona concurrant ad contemplationem. pag. 393.
- §. 1. Aperitur status controversiæ, & ista resolvitur. 64.
- §. 2. Authoritatibus D. Thomæ, rationibusque inde deductis propositum assertum probo. 70.
- §. 3. Nonnulla argumenta solvo. 75.
- §. 4. Proponitur difficile illud argu-


mentum. 80.

§. 5. Colliguntur aliquot corollaria. 93.

DISPUTATIO XIV.

*De speciebus concurrentibus ad elicitionem Divinae contemplationis.*

- Q. 1. Vtrum species deservientes ad contemplationem Fidei sint entitative supernaturales?
- §. 1. Proponitur vera sententia. 1.
- §. 2. Solvuntur argumenta. 7.
- Q. 2. Vtrum species deservientes contemplationi, quæ est actus scientiæ infusæ, sint entitative supernaturales? fol. 420.
- §. 1. Status quæstionis aperitur, & vera sententia eligitur. 11.
- §. 2. Respondetur argumentis. 16.
- Q. 3. Vtrum in contemplatione unia-  
tur Deus in ratione speciei intelli-  
gibilis menti contemplantis? fol. 426.
- §. 1. Eligitur vera sententia. 20.
- §. 2. Propono, & solvo argumenta. 25.
- Q. 4. Vtrum in contemplatione possit dari species impressa Deum quidditative; abstractivè tamen repræsentans? fol. 432.
- §. 1. Sententias refero, & præfero Angelicam. 28.
- §. 2. Duplex ratio pro assertione suadenda proponitur. 34.
- §. 3. Argumenta diluo. 42.
- Q. 5. Vtrum in suprema cōtemplatione deus species immediatè quoad  
*an est* representans? fol. 442.
- §. 1. Brevis admonitio, & qualiter resolutio. 45.
- §. 2. Respondetur unico argumento. 50.



# SVMMA DE LA TASSA.



ON BALTHASAR DE SAN PEDRO AZEVEDO, ESCRIVANO de Camara de el Rey nuestro Señor, y de Gobierno de el Consejo, certificado, que aviendose visto por los Señores de èl vn libro intitulado: *Cursus Theologia Mystico-Scholastica, in quo abditissima dubia Mystica explanantur methodo Scholastica iuxta miram, solidamque doctrinam Angelici Præceptoris D. Thomæ, Sacra Theologia Principis*, que con licencia de dichos Señores ha sido impreso, tassaron à seis maravedis cada pliego, y el dicho libro tiene ciento y sesenta y nueve pliegos sin principios, ni tablas, que al dicho respecto montan mil y carotze maravedis de vellon, y à este precio, y no mas, mandaron se venda el dicho libro, y que esta Certificacion se ponga al principio de cada vno, y para que conste lo firmè en Madrid à diez y siete de Oçubre de mil fçecientos y veinte y vn años.

Don Balthasar de San Pedro.

## FEE DE ERRATAS.

### EX PRIMO PRÆDICABILI.

**P**ag. 33. col. 1. lin. 4. meditavi, *lege* meditativi. Pag. 104. col. 1. lin. 37. concludit, *lege* concludit. Pag. 112. col. 1. lin. 17. discipulato, *lege* discipulatu. Pag. 121. col. 1. lin. 32. vnus, *lege* vnus. Pag. 133. col. 1. lin. 52. *te sociant, lege* te sociant. Pag. 151. col. 2. lin. 19. ergegia, *lege* egregia. Pag. 168. col. 1. lin. 41. iuxto viatore, *lege* iusto viatore. Pag. 178. col. 2. lin. 15. etiam si inferno sint, *lege* in inferno. Pag. 180. col. 1. lin. 20. credulitalis, *lege* credulitatis. Pag. 183. col. 1. lin. 19. exultationis, *lege* exultationis. Pag. 184. col. 1. lin. 43. sæculorum, *lege* sæculorum. Pag. 185. col. 2. lin. 4. intelligedz, *lege* intelligendz. Pag. 201. col. 1. lin. 27. Vormamantia, *lege* V. Vormatia. Pag. 216. col. 2. lin. 14. damatione, *lege* damnatione. Pag. 218. col. 1. lin. 24. natulem, *lege* naturalem.

### EX SECVNDO PRÆDICABILI.

**P**ag. 1. col. 1. lin. 1. in principio Disputationis sit a Deo nota, *lege* sit adeo nota, *ibid.* in titulo quæstionis deducitur controversia, *lege* deciditur. Pag. 3. col. 1. lin. 28. inutilis que, *lege* inutilis que. Pag. 7. col. 2. lin. 15. deputatur lumem, *lege* deputatur lumen. Pag. 8. col. 1. lin. 19. super seruentem, *lege* super ferventem. Pag. 11. col. 1. lin. 8. protoletur, *lege* proteletur. *Ibid.* col. 2. lin. 11. cap. 28. *lege* cap. 38. Item lin. 14. præcipiet, *lege* percipiet. Pag. 15. col. 1. lin. 33. fuisse, *lege* fuisse. *Ibid.* col. 2. lin. 3. à Catholicis, *lege* A Catholicis. Pag. 19. col. 1. lin. 8. extrema iudicacionis, *lege* extrema iudicacionis. Pag. 25. col. 1. lin. 25. non cesserit, *lege* non cesset iter. Pag. 41. col. 1. lin. 43. planet, *lege* planè. Pag. 43. col. 2. lin. 8. Evanlica, *lege* Evangelica. Pag. 60. col. 2. lin. 25. in prima disp. *lege* in 1. disp. Pag. 208. col. 2. lin. 32. illum, *lege* illud. Pag. 248. col. 1. in initio n. 71. vox ex Seraph. *lege* vox est. *Ibid.* col. 2. lin. 45. violatet, *lege* violaret. Pag. 25. col. 2. lin. 11. profurum, *lege* propositum. Pag. 376. col. 1. lin. 3. fides, *lege* fides. *Ibid.* lin. 33. illustra, *lege* illustrata.

Este libro intitulado: *Cursus Theologia, Mystico-Scholastica in quo abditissima dubia Mystica explanantur methodo Scholastica iuxta miram, solidamque doctrinam Angelici Præceptoris D. Thomæ, Sacra Theologia Principis*, su Author el Reverendissimo P. Fr. JOSEPH DEL ESPIRITU SANTO, Carmelita Descalzo, con estas erratas corresponde à su original. Madrid, y Oçubre 16. de 1721.

Licenc. Don Benito de Rio y Cordido,  
Corrèct. Gener. por su Mag.

PRO.



# PROOEMIUM.

## AD MYSTICA PRÆDICABILIA.



**E**PTEM PROLOGO-  
men, benigne Lector,  
initio tomi præceden-  
tis affixis, totius huius  
operis tibi rationē ex-  
posui, ac insuper no-

men, seriem, distributionem, aliaque  
meo muneri necessaria obruli. In eorū  
6. §. 4. & 5. habes quidquid pro hoc  
secundo tomo præmissimus. Nec porui-  
mus ea, quæ ibi, & p. 41. promissimus,  
adimplere. Illud abs dubio tunc medi-  
tabamur, & postea desideravimus. Ast  
voris facto satisfacere haud valuimus.  
Tantum enim opus excrevit, dubiis se-  
se reciprocè invitantibus, immo & ca-  
tenatibus, vt inexpediens visum sit om-  
nia mystica prædicabilia ad vnus tomi  
angustias redigere. Vnde in hoc secu-  
do tomo de primis duobus acturus sū,  
tria alia ad alium tommum remittens.

Est igitur huius secundi tomi argu-  
mentum natura mysticè perfectibilis,  
& perfectiva. De prima agitur in pri-  
mo prædicabili, & de secunda in secu-  
do. Quare autem naturam perfectibi-  
lem, perfectivamque appellem, ex loco  
citato petere debes. Vnde in præsentī  
solūmodo aperire debemus, nostram  
solicitudinem in hoc tomo eò tendere,  
vt animam perfectibilem per contem-  
plationem suadeam: non tamen imme-  
diatè, & proximè, vt aliquibus Mysti-  
cis visum est, non illam methodū, quā  
debuissent, propinātes: sed mediātè, ac

▲ SPIRITU SANCTO.

remotè. Perfectibilitatem autem pro-  
ximam, & immediatā animam habere,  
videbis ab oratione discursus, seu me-  
ditatione: quæ sanè pars orationis est:  
Vnde de oratione ipsa secundū om-  
nia illa, quæ scitu magis digna iudica-  
mus, propriūque ad munus nostrū ac-  
cedit, disputat primum prædicabile,  
quod iam iā, Numinis superni implo-  
rata humiliter ope, aggredimur. In se-  
cundo disputatur de eo, quod animum  
meditationis exercitio idoneam perfec-  
cit, quod, vt dictum est, est contem-  
platio tum acquisita, tum infusa. Quiaque  
contemplatio hæc Divina plures gradus  
se in perfectione superantes habet: non  
de iis omnibus in secundo prædicabili  
disputare conveniens erit. Vnde ad 3.  
prædicabile reservabimus disceptare  
de perfectissima illa contemplatione,  
quæ dicitur Theologia Mystica, estque  
propria Perfectorum: cuius occasio-  
nem agemus ibi de efficacia, & vi ipsius per-  
fectissimæ contemplationis relatè ad  
vires animales, & ad sensitivas extero-  
res, interioresque.

Insimulque agemus de contempla-  
tione proveniēte à scientia infusa; im-  
mo & à lumine gloriæ raptim alicui  
de exulibus imperitico. Hæc omnia post  
secundum prædicabile contemplationi  
sacratum restant de contemplatione ex-  
ploranda. Et re bene inspecta etiam in  
4. & 5. prædicabili de contemplatione  
tractatur, Quādo quidem quartū præ-  
dicabile

Arcopagita, vt testatur Magister Valgornera q. 2. disp. 6. art. 4. D. Hieronymus. D. Augustinus tom. 10. Serm. 112. de tempore. D. Gregorius lib. 20. moralium cap. 10. D. Bernardus Serm. 1. de Sro. Andrea. D. Bonavetura tom. 7. de itinerib. disp. 4. art. 1. Hugo Victor. de laude Orationis. Seraphica Mater nostra D. Theresia, ac Extaticus noster Parens pluribus in locis, (â quorû proinde citatione abstinemus) Nostros omnes, & alij. Hoc ipsum passim docet D. Thom. innumeris locis, quorum aliqua adducit citatus Valgornera, & nostra mystica Disceptatio tract. 2. quæst. 2. art. 2. cum quo

2. Sit nostra conclusio: *Meditatio est, qua animam proportionat, vt per contemplationem perficiatur: consequenterque sine meditatione non est anima proxime per contemplationem perfectibilis.* Secunda pars huius conclusionis ex prima clarè sequitur. Prima autem probatur sic primò ex D. Thoma illam in sacra Scriptura inueniri: quippe psalmo 50. ait Regius vates: *Peccatû meum contra me est semper. Quæ verba ita explicat S. Thomas: Sic designatur, quod cognoscis culpam, & quod continuè meditatur de ea.* Et hæc profunda meditatio ianua fuit, per quam tot bona in Davidis animam introiit. Eiusque defectus causa fuit desolationis totius Israel, dicente Ieremia cap. 12. v. 11. *Desolatione desolata est omnis terra, quia nullus est, qui recogitet corde:* Scilicet, explicat D. Thomas, *Dei mandata, & beneficia,* & ex hac non meditatione mandatorû, ac beneficiorum Dei ortum duxit terra maxima desolatio. Huius meditationis necessitatem optimè perspectâ habebat Davidis experimentum, cum dicebat: *Beati, qui scrutantur testimonia eius, in toto corde exquirunt eum:* & alibi: *Nisi quod lex tua meditatio mea est, tunc forse perissem.* Ad iannam imminet præcipitum, sola meditatione evitandum.

3. Dices: Ex dictis solum habetur meditationem esse bonam, quod aduersarii non negabunt: alit quod ita necessaria sit, vt nõ valeat cõceptio dariisquin illa præcedat, non habetur ex dictis.

Respondetur: Aduersarios rotundè asserere meditationem nõ esse bonam; sed actum imperfectum, in quo occupari, dispendium est: & hoc non solum ab illis asseritur; sed etiam, Seraphicam Matrem nostram D. Theresiã eiusdem opinionis esse, asserere non verentur; vñ videbimus numero 7. atque idcõ contra illos procedunt datæ autoritates, quibus, bona plura animæ â meditatione provenire, suaderetur: & ex eius defectu mala plurima imminere, cõprobatur. Vnde necessariam esse, convincitur: tum, vt bona inde provenientia obtineamus: tum, vt mala ex eius defectu imminente vitemus.

4. Probatur secundò cõclusio ratione ex D. Thoma 1. p. quæst. 85. art. 3. desumpta, sicq̃ formata: Quod procedit de potentia ad actum, prius pervenit ad actum imperfectum, quàm ad perfectum: sed qui viam spiritus ingreditur, procedit de potetia ad actum: ergo prius pervenit ad actum imperfectum meditationis, quàm ad actum perfectum contemplationis. Consequentia nota est: & maior est D. Thom. loco citato, quã præter eius Angelicã auctoritatem suadet ratio ipsius: Etenim actus imperfectus mediat inter potentiam, & actum perfectum: ergo prius ad illum pervenitur, quàm ad actum perfectum; aliter de extremo ad extremum trãsiret, quin attingeret medium, quod fieri non valet. Minor autem probatur: Quia incipiens viam spiritualem nec contemplationem, nec meditationem exercuit: si namque alicui ex ipsis exercitium habuisset, non posset post tale exercitium viam spiritualem incipere: sed prosequeretur inceptam: ergo.

5. Confirmatur verbis nostri Extatici Doctõris, qui in flam. cant. 3. v. 3. §. 5. sic loquitur: *El estado de principiantes es meditar, y hazer actos discur-sivos. En este estado necessario le es al alma, que se le de materia, para que discur-ra de suyo, y haga estos actos interiores, y se aproveche del fuego, y fervor espiritual sensible: porque assi le conviene, para habitar los sentidos, y apietos a cosas buenas, y cebandolos con este sabor, se desarrigan*

*del Siglo. Mas quando esto en alguna manera ya está hecho, luego los comienza Dios à poner en este estado de contemplacion. Quibus edocemur, & meditationem ad incipientes attinere, & necessarium esse animæ, materiam pro meditatione acquirere, atqueam ad cõtemplationem perveniat: sin minùs nihil se consequuturam speret.*

6. Quia tamen pro contraria sententia adducitur Ecclesiæ Doctrinæ Seraphica Theresia, non potui non mentionem aliquam facere huius iniuriæ communi Magistræ irrogatæ. Meditationem necessariam esse, vt anima perfectibilis reddatur per contemplationem, docet pluribus in locis hæc sapientissima Virgo, quæ cap. 12. suæ vitæ, nedù hoc ipsum adstruit; verùm etiam ter repetit, animam immaturè meditationem derelinquentem vt ad contemplationem ascendat, sibi ipsi moliri irreparabile præcipitium. Verba ipsius non adduco; quia postmodum necessariò asseri debent, & debeo, vt vt possim, prolixitatem in auctoritatum repetitione vitare. Insuper in *itiner* cap. 16. sic satur profundissima Doctrinæ: *Si pidierades meditacion, pudiera hablar de ella, y aconsejar à todas la tuvieran, aunque no tengan virtudes; porque es principio para alcanzar todas las virtudes, y cosa, que nos va la vida en comenzarla todos los Christianos, y ninguno por perdido que sea, si Dios le despierta à tan gran bien, lo avia de dexar.* Si hæc solum cõsiderarent, Seraphicam Doctrinam pro opposita sententia adducere non audent. Clarissimè enim ait, meditationem principium esse ad virtutes omnes nanciscendum: quiaque virtutes supponi ad contemplationem debent, vt ipsa Cœlestis Doctrinæ postmodù explicat; propterea principium, quo virtutes acquiruntur, non potest non esse necessarium, vt illo medio possit anima perfici à cõtemplatione. Nec hanc necessitatem secundùm quid talem reputes; ab hoc enim vita spiritualis omnium Christianorum dependet, vt asserit ipsa Sancta, in quo ampliùs immorandum non est, quia immediatè de hoc

iterum sermo redibit.

## §. II. Oppositas obiectiones solvimus.

7. Contra conclusionem arguit primò quidam Auctor, asserens in sui patrocinii Seraphicam Theresiam appellantem meditationem orationem imperfectam: quo principio iacto, sic arguit: Meditatio est oratio imperfecta: ergo deferenda ab incipientibus est, vt exemplò in cõtemplatione exerceantur. Antecedens constat ab auctoritate, & consequentia probatur; Quia in oratione imperfecta occupari non debet anima; sed illam debet deferere, & in oratione perfectâ, qualis est contemplatio, collocari.

Mirum est Seraphicam Doctrinam adduci in patrocinium rei, quam sapientissimè in suis operibus impugnat: aliquam numero præcedenti vidimus, innumera asserri possunt. Multa tamen totam hanc disputationem illustrabunt: vnde pauca circa hoc dicam: Rogo ergo: Si Virgo hæc Sapientissima meditationem eliminandam autumat, vt quid septem illas meditationes composuit super orationem dominicam? Illas considerationes ab ipsa hæc Sãctissima anima fieri, non est dubium: illas scripsisse, vt essent nostrũ quotidianum exercitium, est indubitabile. Quomodo ergo meditationem censurat, quæ, vel in culmine perfectionis constituta, meditatur, aliosque veluti imperiosa energia sui clarissimi styli ad meditandum impellit? Cesset ergo irreverens hæc loquela, & Sapientissimam Theresiam oppositam illi opinioni sciant omnes.

Respondetur ergo directè ad argumentum: Meditationem esse quidem orationem imperfectam, quam deferere debemus. At imperfecta est relatè ad cõtemplationem: in se autem, & sine hoc respectu perfecta oratio est. Hanc orationem in se perfectam, & imperfectam respectu contemplationis, relinquere debemus, postquam illi dediti incipientium statũ superaverimus, hoc est, cùm illa tria signa dantur, quæ Extaticus noster Doctor statuit lib. 2. ascens. cap. 13. de quibus egimus lib. 1.

¶ num. 116. in Isagoge. Vsq̃ue ad illud verò tempus exercenda est, vt anima perfectibilis à contemplatione sit. Et sanè pro statu imperfecto, qualis est status incipientium, non debemus ponere orationem perfectam, sed imperfectam; sicut & charitas illi correspondens imperfecta est, prout docet D. Thomas 2. 2. quæst. 24. art. 9. siquē dicentis illa celebris viæ spiritualis in purgativam, illuminativam, & vnitivam conservatur illæsa, opinioque, qua sic conservatur dictæ viæ, omnino manet remota ab illa infernali secta Michael. de Molinos dicentis: *Tres illa viæ purgativa, illuminativa, & vnitiva sunt absurdum maximum, quod dictum fuerit in mysticas, cum non sit nisi unica viæ, scilicet viæ interna.* Longè it assertum nostrum ab hac cerebrositæ ab Ecclesia proscripta; quia tres illas vias dari fatemur, & illas adinvicem secerni secundum minorem, vel maiorem perfectionem charitatis, qua constituuntur; cum citato D. Thomâ sentimus. Vereor tamen, an sententia opposita sit adeo semorâ ab illo errore, quia licet tres illas vias cognoscat, ipsas, quas cognoscit, confundit siquidem eandem orationem eis assignat: imò cum meditationem exulare vult, etiam figuris vti, & imaginibus, eliminare videtur. In quo etiam erravit infelix ille hæresiarca pipienis: *Qui in oratione utitur imaginibus, figuris, speciebus, & proprijs conceptionibus, non adorat Deum in spiritu, & veritate.*

8. Adde, quòd si incipientibus interdicitur meditatio propter meditationis imperfectionem, potiori iure interdiceretur perfectis: quod præterquam quòd non multū cõsonans sacra Scripturæ videtur, dicente perfectissimo Davide: *Legem tuā meditatus sum: & :: tota die meditatio mea est;* alia que infra adducenda, & non minis opponitur cõmuni dictamini Mysticorum, vt postmodum cum nostra Seraphica Doctrina probabimus. Ultra hæc, inquam, videtur hoc, vel esse, vel multū appropinquare errori 8. Begardorū, & Beguinorū, quos Clemens V. damnavit in Concilio

Viennensi, vt dicitur lib. 5. de Hereticis, tit. 3. cap. ad nostrum, quia inventi sunt asserentes, quòd esset imperfectio- nis eiusdem, si à paritate, & altitudinē suā contemplationis altum descendere, quod circa mysterium, seu Sacramentum Eucharistie, aut circa passionem Christi aliqua cogitarent. Et alij errori impij Molinos dicentis: *asserere, quod in oratione opus est, sibi per discursum anxietatem ferre, & per cogitationes, quando Deus animam non alloquitur, ignorantia est. Deus nunquam loquitur; eius locutio est operatio, & semper in anima operatur, quando hæc suis discursibus, cogitationibus, & operationibus cum nō impedit.* Segregemur ergo ab his Erebi partibus, dicamusque cum Seraphica Theresia meditationem necessariam omnibus esse: tum, vt ignis spiritualis exardeat iuxta Davidis effatum: *In meditatione mea exardescet ignis,* quod evenit vel perfectissimis: tum, vt anima contemplationi proportionetur, quod accidit in incipientibus.

9. Arguitur secundò: Qui in gratia decedit, sydera scandit, vbi Deum intuitivè contemplatur: ergo ipse in via poterat Deum contemplari, quin meditatio anteiret. Antecedens certum est, & consequentia probatur. Perfectior abs dubio est contemplatio intuitiva Dei, quàm exilij contemplatio: sed ille Deum contemplatur intuitivè sine prævia meditatione: ergo etiam in via sine prævia meditatione valet Deum contemplari.

Respondetur cum nostro Extatico Magistro lib. 2. nostris cap. 12. quòd sicut decedentes in gratia non coronantur, vsquedum in purgatorio examinètur, & manibus efficacissimi illius ignis debita contracta persolvant, deponantque habitum vitioforum sarcinam; isti enim licet cum gratia in hoc exilio compatiuntur; incompatibiles tamē sunt cum gratia consummata gloriæ, in quam non intrat aliquid coinquinaturn: sic etiam in hac vita vsquedum purgatio præcedat, quæ est vitæ huius purgatorii, non datur contemplatio. Vnde sicut ad faciem Dei contem-



templationem permanentē debet mors naturalis præcedere: ita ad contemplationem ipsius debet mystica mors antecire. Videatur noster illuminatus Doctor cap. citato, & etiam cap. 10.

Quæ lucem, roburque accipiunt ex eodem mystico Doctore in flam. cant. 1. ubi igne vehementissimo æstuans, sic Deum alloquitur:

O llama de amor viva!

Que tiernamente hieres

De mi alma en el mas profundo cètro:

Pues yà no eres esquivo,

Acaba yà, si quieres,

Rôpe la tela de este dulce encuentro.

Ultimum verbum explicaturus Sanctus Patres, inquit: Triplex velum impedire, nè Deum intuitivè contempleretur. Primum est temporale, secundum naturale, tertium sensibile. Temporale est affectio ad creaturas. Naturale est propensio ad propriam operationem, naturalesque inclinationes. Sensibile autem cōsistit in vnione animæ cum corpore. Hæc omnia impedimenta abrumpenda sunt, vt Deus facialiter videatur: & duo priora, vt in hac mortalitate contempletur. Et obiter observa doctrinæ huius profundissimi Doctoris mirabilem consonantiam. Quia sicut impedimentū sensitivū disrumpendum est, vt Deus intuitivè contempletur: *Quia non videbit me homo, & vivet*, hoc est, visione permanenti, & constituyente statum: visione tamen transeunti videri valet, quin velum hoc abscindatur, vt in D. Paulo visum est: sic etiam velum naturale, temporaleque mori debent, vt detur contemplatio permanens, & quæ statum contemplativi constituat; non autem debet præcedere mors huius duplicis veli ad contemplationem, quam vel incipientes solent aliquando habere, vt multoties dictum in superioribus est.

Itaque mors sensitiva, hoc est, separatio animæ à corpore præcedit necessariò intuitivam contemplationem: & mors naturalis, temporalisque præcedere debent huius viæ contemplationem. Præcedit mors temporalis: quia debet amor creaturarum perire, vt de-

tur vera Dei contemplatio. Præcedit etiam mors naturalis: quia contemplativus deponere debet sēsus, & intellectuales operationes, vt ex Dionysio diximus disput. 1. q. vltima præcemia- lium. Vnde, quin præcedat hæc duplex mors, haberi contemplatio non potest. Hæ autē mortes vel sunt, vel causantur à purgationibus, de quibus in Isago- ge loquuti fuimus, & postmodum in 3. prædicabili loquimur: ac propter hoc purgationes istas artem mysticam inveniendi medium nominavimus: quia his medijs mortes istæ, quæ sunt mediū, vt Deus inveniatur, consequuntur.

10. Sed replicabis, & sit tertium argumentum. Anima redditur proximè capax ad cōtemplationem per purgationem: Ergo meditatio non est, quæ reddit naturam perfectibilem à cōtemplatione. Antecedens constat ex dictis: & consequentia patet: quia meditatio non est purgatio.

Qui sic arguit extremè formalis videtur: quod vitium esse, nemo ignorat, quem, omnia extrema vitiosa esse, non latet. Vt nostrum assertum verum sit, sat est, quod meditatio animam proportioner ad contemplationem, ita vt hæc sine proportionē ab illa proveniēte dari nequeat. Quod quidem verum esse ostēdimus, nec hoc argumēto labefactatur. Vnde omisso antecedenti, negatur consequentia propter dicta. Sed

Respondetur secundò: Meditationem esse id, quod ex parte animæ reddit ipsam proximè à contemplatione perfectibilem. Ratioq̃ ea est; quia purgatio vel est activa, vel passiva. Purgatio activa cōsistit in mortificatione sensuum, tum externorum, tum internorum, tum etiam in mortificatione potentiarum animæ, de quo vide dictam Isag. lib. 3. tota lect. 2. Totum autem hoc per meditationem fieri non negabit, qui nolit horrendi criminis reus esse. Ait enim D. Paulus 2. ad Corinth. 4. *Semper mortificationem Iesu in corpore nostro circumferentes, vt & vita Iesu manifestetur in corporibus nostris.* Quæ verba sic explicat D. Thom. Sermon. 1. Dom. 8. post. Pentec. *Currē in spiritualibz*

*meditationibus affligendo.* Ad quod adducit verba Ecclesiastis cap. 12. *Frequens meditatio carnis afflictio est.* Vnde à meditatione provenit sensuum, potentiarumque purgatio: eoque animam actuat ad contemplationem.

Si autem purgatio passiva sit, vel consistit in subordinatione partis inferioris ad superiorem, vel in subordinatione partis superioris ad Deum secundum dicta in Isagoge loco citato lect; 3. Vtraque hæc subordinatio est opus

amoris, qui à meditatione causatur. Sic docet D. Thomas in psalm. 38. ad ea verba: *Concaluit cor meum intra me, & in meditatione mea exardescet ignis. Concaluit corda, id est,* ait D. Thomas, *concitatus est calor charitatis in corde meo: causa autem huius concitationis est meditatio de Divinis.* Videatur idem Sanctus 1. 2. quæst. 27. art. 2. & opusc. 4. cap. 3. Vnde habemus animam red- di perfectibilem per ipsam meditationem.

## QVÆSTIO SECVNDA.

*Vtrum opinio asserens, animam sine meditatione esse proximè perfectibilem à contemplatione, sit periculosa?*



**M**agis constet veritas quæstione præcedenti statutâ, præsentem quæstionem excitamus. In qua, quia illi, qui ex adverso sunt, non pertinent ad eandem classem: alii enim pii, & catholici sunt: alii verò impii, & acatholici; propterea mihi non cum Authoribus contrariis, sed cum sententia opposita res est. Eius impugnationem aggredior, quin falci per me liceat extraneæ frugis nocere.

§. I. *Vera sententia proponitur, motivaque, quibus suadetur, adducuntur.*

11. **S**it nostra assertio: *Periculosum est animam ponere in contemplatione, quin meditatio præcedat.* Pro hac sententia sunt omnes Doctores pro præcedenti adducti: ex quo enim naturam reddi per meditationem proximè perfectibilem dicant, periculum adesse, si meditatio non præcedat, ostendunt. Directè tamè probatur primò conclusio ratione, quam nobis offert D. Thomas in 3. dist. 35. quæst. 1. art. 2. quæstiunc. 2. in corp. sic formata: Meditatio est medium, quo contemplatio habetur: ergo periculosum est ponere animam in cōtemplatione, quin meditatio præcedat. Consequētia nota est. Media enim ad hoc dantur, ut obtingatur per illa finis, qui intenditur; nec

illa, ut media assignarētur, si periculum non incurreret, qui aliter finem obtinere vult: quapropter aiebat Gerson opusc. de meditatione conf. 7. *Dum recogito, quod absque meditationis exercitio nullus, secluso miraculo Dei speciali, ad contemplationem dirigitur, aut pervenit, audeo celans Sanctæ meditationis studium suadere.* Quod non sic diceret, si periculum maximum animabus, meditationem ante contemplationem non exercitibus, imminere, non cognosceret. Antecedens autem probatur primò ex D. Thoma, qui loco citato ait: *Vritur tamen inquisitione rationis contemplativus, ut deveniat ad visionem contemplationis, quam principaliter intendit, & hac inquisitio secundum Bernardum dicitur consideratio.* Probatur secundò idem antecedens: Quia, ut cum communi Mysticonū pluries diximus, meditatio est inquisitio veritatis, quam ut obiectum proprium inuenietur contemplatio: sed veritatem inquirere, est præcisum medium, ut veritas habeatur: ergo contemplatio debet, ut medium necessariū, supponere meditationem. Consequentia bona est, & maior continet communem doctrinam fundatam in definitionibus meditationis, & contemplationis. Minor autem constat ex se: siquidem, ut veritatem intellectus contempletur, debet habere ipsam veritatem.



ritatem: hæc autem haberi non valet nisi per infusionem, aut per acquisitionem. De veritate primo modo habita, certum est, adversarios non loqui: loquuntur ergo de veritate habita per acquisitionem, studiumque intellectus. Rogo nunc: Hæc acquisitio, hoc studium, est nè diversum aliquid à meditatione? Minimè diversum est: hoc enim studium, ac inquisitio dicitur ab omnibus meditatio: vnde si maximæ unitatis controversia non reducitur ad voces, meditatione necessario præcedere contemplationem; atque adeò periculosum esse, sine prævia meditatione, ad contemplationem aspirare, debet sententia adversa fateri.

12. Confirmatur hoc: Periculosum est velle obtinere veritatem contemplandam, & non illo medio, ac modo, quem pro eius consecutione assignat Dominus omnium: sed Christus omnium Dominus assignat meditationem, ut medium ad obtinendam veritatem contemplandam: ergo periculosum est velle istam veritatem sine illa meditatione. Probatum minor: Quia apud Matth. cap. 7. ait Christus Dominus: *Petite, & accipietis: quærite, & invenietis: pulsate, & aperietur vobis.* Vbi de veritate contemplanda sermo est iuxta Augustinum adductū à D. Thoma ibi dicentem: *Si vis veritatem cognoscere, quære, & invenies.* Hanc veritatem quærere præcipimur: & quomodo querenda est? Respondet Angelicus Doctor: *Petite orando, quærite studendo, pulsate operando.* Ecce quomodo contemplanda hæc veritas obtinenda à nobis est, videlicet per bona opera, per iuge studium, ac per fervidam meditationem. Atque adeò sicut vrget obligatio habendi hanc veritatem, sic & medium vrget, quod nobis assignatur, ut illam habeamus.

13. Virgens probatio pro nostra conclusione est experientia Seraphicæ Matris nostræ Sanctæ Theresiæ, quæ cap. 22. suæ vitæ nervosissimè probat meditationem, maximè circa Sanctissimam Salvatoris nostri Humanitatem, exercendam omninò esse, contrariam

opinionem sibi periculosam fuisse asserens iis verbis: *Quiero aora dezir el peligro, en q me vi, por querer conformarme con lo que leia.* Hæc de se loquitur sapientissima Doctrina, omneque monet, ut ex suo periculo experimentum sumant, & periculosam illam opinionem non sequantur. Totum illud caput egregiè, profundissimamque doctrinam pro materia præsentis continet, quare videri debet.

14. Inter alia, quæ inibi docet cœlestis hæc Magistra, ait §. *Quando Dios quiere suspender, &c.* quam periculosum est animæ, quod eleveur ad contemplationem, antequam sit tempus huius elevationis, & quod tunc elevebitur ad profundam otiositatem Mariæ, cum præcesserit activa meditatio Mariæ. Et concludit, quod licet aliter procedere nullum inconveniens habere videatur; tamen volentibus in contemplatione proficere est valde nocivum: *para querer aprovechar en la contemplacion haze mucho daño.*

15. Simili magisterio eadem doctrinam tradit eodem lib. cap. 12. ubi pluries repetit, animam, elewantem se ad contemplationem, sui ipsius perfectionem fabricare; quam ut non incurrat, debet meditationem exercere, in eaque usque ad tempus idoneum perseverare. Quod, ut indebiliter retineatur, post plures monitiones replicat in ultimo §. illius capituli hæc verba: *Torno otra vez à avisar, que vâ mucho en no subir el espíritu, si el Señor no le subiere; que cosa es, que se entienda luego. En especial para mugeres es muy malo, que podrá el Demonio causar alguna ilusion.* Idem documentum nobis offert Extaticus noster Doctor lib. 2. ascens. cap. supra citato, ubi de signis pro contemplatione deserenda loquutus, periculum adesse docet, nocivumque esse, non deserere meditationem, cum tempus illam deferendum adest: & esse periculum, illam derelinquere ante tempus opportunum. Ex quibus duplex virgētissima ratio pro nostra assertionem probanda conficitur.

16. Prima proponitur sic: Periculosa

Iosū est derelinquere meditationem, & elevari ad contemplationem, ante tempus pro hoc transire oportum: ergo potiori iure erit periculosum nunquā exercere meditationem sed ab initio vitæ spiritualis incipere à cōtemplatione. Antecedens constat ex allatis auctoritatibus, vbi præcipit sibi ipse parare dicitur, qui hoc facit: & consequentia probatur: Etenim si ille, qui meditationem diu exercuit, non potest non ruinam experiri, si ante congruum tempus meditationem deserit, ut ad contemplationem ascendat, quantum magis nullum fructum spiritualem sibi promittere debet, qui à meditatione, veluti à facie colubri, fugit, & ab exordio suæ vitæ spiritualis contemplationem anhelat? Primus ille iam erat actualis aliquomodo, ac quasi proportionatus ad contemplationem per meditationem, quam diu exercuerat, quod certè non habet, qui nunquā tali exercitio deditus fuit, quin potius illud, ac si nocivum foret, nunquā reclus oculis inspexit: ergo si primus ille rem periculosam facit multò magis iste secundus.

17. Secunda ratio proponitur sic: Periculosum est vitis iam cōtemplativis non exercere aliquando meditationem: ergo periculosum est incipientibus non meditari. Consequentia est omnino innegabilis: si namque Proficientes, iunior & Perfecti, non possunt omnino deferere meditationem, quomodo incipientes illam non exercere possunt? Si perfectis nociva non est: quare incipientibus nociva erit? Antecedens autem probatur primò ex Seraphica nostra Doctrina, quæ illud pluries docet, præsertim duobus capitulis citatis, ex quibus in vigesimo secundo comprobatur antecedentis veritatem discursu suæ sapientiæ proprio, ait enim: *To he mirado con cuidado, despues q̄ esto he entendido, de algunos Stos. gr̄des contemplativos, y no ivan por otro camino. S. Francisco da muestra de ello en las llagas. S. Antonio de Padua en el Niño. S. Bernardo se deleita en la humanidad, Sta. Catharina de Sena, y otros muchos Santos.*

A SPIRITU SANCTO.

18. Probatur secundò idem antecederet ex nostro Extatico Doctore, qui libro 2. assensus cap. 15. loquens de Proficientibus inquit: An Proficientes, qui contemplationem exercere incipiunt, debeant omnino derelinquere meditationem? Ecce questionem præfenti non absimilem: conveniuntiquidè in omnibus, præterquam in eo, quòd isti, cum iam Proficientes sint, meditationi dediti fuisse toto illo tempore, quo ad viam purgativam pertinebant. Huic ergo dubitationi respondet sublimis hic Doctor negativè, asserens tales Proficientes antiqua meditatione teneri ad viam cōtemplationem fovendam. Hactenus vidimus Extaticū Doctorem loquentem de Proficientibus, docentemque ipsos ad vetustam meditationem recurrere, ut ea media ignis contemplationis nuper conservetur. Videamus ergo quid de iam Perfectis dicat: Isti nō sunt totaliter à meditatione exempti? Etiam negativè respondet eodem libro cap. 32. verbis alibi à nobis ad aliud intentum datis, suntque huiusmodi: *Pero fuera de esse tiempo en todos sus exercicios, actos, y obras, se ha de valer de las memorias, y meditaciones buenas, de la manera que sintiere mayor devocion, y provecho particularissima mente de la Vida, Passion, y Muerte de N. Señor Jesu-Christo, para conformar sus acciones, exercicios, y vida con la suya.* Vbi omni reflexione dignum est, quòd isti contemplativi, de quibus hæc auctoritas loquitur, possunt considerari, vel prout recipiunt à Deo generalem amorosam notitiā ipsius, sive hæc notitia sit totaliter infusa, sive propria industria habita, ex adiutorio tamen gratiæ Divinæ: vel prout hanc notitiam amorosam, generalem, sinceramq̄ non habent. Sub prima consideratione, in qua ab incipientibus differunt, meditati non debent, sed contemplari. Sub secunda autem, in qua differunt ab incipientibus non exprimitur, debent meditari, prout, disertis verbis, tradidit sublimis noster Doctor, qui etiam inibi docet illud primum, ex quo convincitur: quòd si contemplativi, prout

B

non

quamvis clament illi, ipsorumque Directores. Omnis illa oratio, quam se habere sentit, sine fundamēto est: ruet tandem. Si seraphica Ecclesiæ Doctrina cap. 22. vitæ suæ per hæc verba: *Tengo para mi, que quando el alma haze algo de su parte para ayudarse en esta Oracion de union* ( id est, cū anima, Deo haud vocante, elevarur ) *que aunque luego parece le aprovecha : como cosa no fundada* ( hoc est, quia defuit meditationis fundamentum ) *se torna presto à caer, y he miedo que nunca llegará à la verdadera pobreza de espíritu.* Hic est fructus, quem percipit, qui sine meditatione vult ad superiora sublimare.

Semper verum est; quod Hugo Victor de laudib. Orat. scripsit dicens: *Orationem non posse esse perfectam, nisi meditatio præcedat.* Vnde qui contemplativus esse desiderat, meditetur prius; prout monet D. Bonaventura in stim. amor. cap. 1. his verbis: *Si ad contemplationis quietem volueris pervenire, studeas considerare quantum tuum Conditor em offenderis; quotidie recognoscas, & de tuis sceleribus intimè doleas: Si potest, quotidie lachrymeris, & hæc cogitans magis trislarì desideres, quàm gaudere.* Quod documentum est idem cū eo, quod nobis dedit D. Laurentius Justinianus de discip. cap. 8. per hæc verba: *Qui cupis Deo feliciter inherere, vide nullo modo à consueto meditando frangaris modo.* Sic in contemplationem itur, quæ non nisi meditationis passibus obtinetur: atque adeo quamquam incipiens supponatur fide imbutus, lōga illi restat via, ut possit contemplationem exercere.

27. Instas: Sicut incipiens habet habitum fidei, sic etiā habet habitum spei, & charitatis, quam in ipso supponere debemus: sed ut actus spei, & charitatis eliciat, non prærequiritur meditatio: ergo nec ut eliciat actus fidei: sed actus fidei contemplatio est: ergo.

☞ Hæc instantia est vnum ex argumentis à contrariis factum, in quo nullam difficultatem, nec levissimam, invenies præter illam, quæ continetur in argumento principali. Vnde omisso toto syllogismo, & minori subsumpta,

ad consequentiam dicimus, quòd habens fidem contemplari potest, si adsint alia, quæ insinuavimus in responsione ad argumentum: aliter non est dabilis contemplatio: quia ut ait D. Bonaventura de itin. dist. 4. art. 1. *In contemplatione oportet paulatim, & gradatim proficiendo ascendere. Oportet, quòd mens, quæ Deum vult contemplari, primum purgetur, postea illuminetur, & deinde perficiatur: quia nisi præcederet purgatio, non sequeretur illuminatio.* En qualiter habitum fidei habere non sat est, ut cōtemplatio habeatur, & qualiter meditatio est primus gradus viæ spiritualis, per quem transeundum est, ut recto tramite procedatur. *Non enim subito in cogitatione, & auditu divinorum, sed gradatim ad culmen perfectionis attingitur,* ait D. Thomas à Villanova in cant.

28. Omnes illas propositiones omisimus: Quia pro nunc est extra chorum disputare, an contemplatio sit actus fidei, vel non; quia, etiam si actum esse fidei asseratur, nil cōtra nos sequitur, nec paritas illa spei, & charitatis aliquid probat. Idem enim dicimus, ac de fide. Vtique fidem, spem, & charitatem habens, potest credere, sperare, & diligere Deum: sed qualis est hæc Charitas? Qualis spes? Qualis fides? Omnino imperfecta. De spe hoc ostendit Extaticus noster Doctor lib. 3. ascens. cap. 14. & cap. 6. ubi ait: *Quanto mas la memoria se desposee, tanto mas de esta esperanza tiene:* Ergo ut spes perfecta sit, requiritur memoriam purgatam esse ab omnibus creatis: ergo memoria, quæ hanc purgationem passa non est, parum perfectionis habet. Et hæc similiter de charitate vera sunt: Propterea quæ noster Mysticus Doctor dividit Dei amorem in amorem Incipientium, Proficientium, & Perfectorum, quæ est doctrina D. Augustini, & D. Thomæ, de qua iam in superioribus loquuti nō semel fuimus. Hæc etiam verificantur de fide: quiaque ad contemplationem requiritur fides perfecta, sicut & spes, & charitas: propterea ex habitatione habitus fidei malè contemplatio colligitur, gratis

templantur. Nec aliter videtur posse oppositum sustineri. Quod autem sic sustineatur, valde periculosum nobis videtur, cum inter aliquas propositiones mysticas damnatas ab Innocentio XII. die 12. Martii anni 1699. hanc inveniamus: *Datur status contemplationis adeo sublimis, adeoque perfectæ, ut fiat habitualis; ita ut quod quoties animus actu orat, sua oratio sit contemplativa, non discursiva; tunc non amplius indiget redire ad meditationem.*

21. Insuper inter plures illuminatorum errores, quos suprema Hispaniarum Inquisitio dānavit anno 1623. extat hic: *Orans se colligat in Dei presentia nihil discurrendo, nec meditando in ullo mysterio.* Quæ propositio vel loquitur de solis incipientibus, vel de aliis, qui incipientes non sunt. Si secundum asseras, verum est nostrum antecedens, in quo dicimus, vel viros contemplativos multoties meditari debere. Si autem primum dicas: ergo vera est nostra conclusio affirmans periculosum esse, asserere incipientes meditari non debere: cum videamus, opinionem illos à meditationis exercitio absolventem, non plurimum distare ab illo damnato errore.

## §. II. Respondetur argumentis.

22. **C**ontra cōclusionē arguitur primò ex D. Dionysio, qui cap. 1. de mystica Theologia Timotheo suo hæc imperat, ut tomo præcedenti disput. 1. num. 239. pōderavimus. *Tu autē, o amice Timothee, circa mysticas visiones forti contritione, & sensus derelinque, & intellectuales operationes, &c.* Ex qua auctoritate colligitur, periculosum non esse animam à meditatione segregare: quippe non est periculosū, quod à Principe Theologiæ mysticæ edocetur.

Hoc est argumentum, quo Auctores contrarii maximè innituntur, vel asserit schola veritatis: illud tamen prorsus enerve cognosce, qui consideret, quid dicat opinio adversa, & quid Dionysius doceat: & etiam quid, de quo, & cum quo loquatur. Suo ordine hæc

edifferens: opinio contraria tener, meditationē exercendam non esse, sed quod nē sine fructu tempus infumatur, incipientes, extemplò ac viam spiritualem aggrediuntur, cōtemplari debent. Ad hoc suadendum, quid subsidii in verbis Dionysii habent? Dionysius docet, derelinquendas esse intellectualem operationem: cōtrarii tenent, meditationem esse desiderandam, & exercendam cōtemplationem. Est nē sola meditatio operatio intellectualis? Cōtemplatio non est etiam intellectualis operatio? Vt quid ergo cum Dionysius docet, operationem intellectualem esse derelinquendam, tu hoc de sola meditatione intelligis, & ea ipsa auctoritate, & meditationem eliminari, & contemplationem suaderi, deceptus clamas?

23. Sensus ergo Dionysii expositus à nobis fuit loco citato, ubi cum Alberto Magno diximus, Dionysium loqui de intellectuali operatione ipsi intelligenti connaturali; non autem de intellectuali operatione, quæ est supra modum connaturalem. Ex cum quo loquitur Dionysius, cum hæc dicit? Loquitur cum Timotheo viro Sanctissimo; & in via spiritus valde exercitato. Huic ergo, non incipienti, monet, quod propriis discursibus derelictis, accedat ad uniformem, simplicissimamque Dei intelligentiam: & hoc est idem, quod nos dicimus; videlicet, meditationem desiderandam iri, cum tempus pro Deum contemplando advenierit. Hoc tamen non dicimus incipientibus, sed iis, qui iam incipientes non sunt. Mira res est, quod in qualibet facultate, etiam mechanica, incipientes in rudioribus, ac facilioribus occupentur: & in facultate omnium nobiliori, ac difficillima, qualis est mystica, ad apicem contemplationis evehantur. Non dantur novitii in hac familia? Omnes ab exordio suæ conversionis regulam contemplationis proficiunt?

Ast, ut promissis stemus, de quo Dionysius loquitur, videamus. Loquitur de mysticis visionibus, ut eius verba demonstrant: *Circa mysticas visiones,*

ordinem esse à natura decretum docet. Et observandum est, ipsum Arist. lib. 10. Etichor. dixisse: *Contemplativa operatio præstantissima est.* Probatque inibi vitam cōtemplativam activam perfectionem esse octo rationibus, quas adducit, approbatque D. Thomas 2. 2. q. 182. art. 1. in corp. Ex quibus omnibus hæc ratio conficitur. *Ordo præscriptus à natura est, ut viam spiritualem incipiamus ab imperfectioribus, ut sic ad perfectiora ascendamus:* sed meditatio minus perfecta est, quàm contemplatio: ergo a tanto ordine naturæ, seu, quod idem prorsus est, secundum bonam Philosophiam, viam spiritualem debet Asceta incipere à meditatione. Cōsequenter bona est: & minor certa ex se, & ex inducta auctoritate Philosophi illam que adversarii non negant. Maiorē autem, ad quam poterat dubitatio reduci, convincit Aristoteles ipse suis verbis. Etenim ex illa regula generali optimè inferitur, quod hæc via particularis, nēpe spiritus, debeat in sui principio, & termino servare ea, quæ processus, abstractans ab hac, & illa via determinata, servat. Certum est enim, quod gratia non destruit naturam. Vnde si à natura institutus hic ordo est, illi adstringitur Asceta, licet non naturæ, sed gratiæ viam lustret. Videmus enim, vel intra ipsum gratiæ ordinem, hunc ordinem observari.

30. Dices: Aristotelis auctoritatem nihil valere apud Catholicum; ipse enim gratiæ ordinem ignoravit: quare, licet apud Philosophos plurius eius auctoritas habeatur, non tamen apud Catholicos, quide via spirituali, quæ illum lauit, disputant.

Sic objicit Gandavens. Quodlib. 1. 2. contra D. Thomam præcitatum, probantem Philosophi auctoritate perfectionem contemplationis: eius autem obiectionem aëream esse, ostendit inibi Caietanus dicens: *Rationes Aristotelis, & aliorum Philosophorum, quæ naturam actus ex suo genere pensant, non modicū, sed sufficenter valent apud Catholicos.* Est dicere: quod Catholici disputantes de aliquo secundum ea, quæ habet ex pro-

ptia natura, venerari debent rationes Principis Philosophiæ. Cum autem nos in præsentī loquamur de via spirituali, attenta ipsius natura, & inspectis regulis Philosophiæ, propterea Principem Philosophorum consulimus, ut quid in hac parte sentiat, inspiciamus.

31. Probatur secundò conclusio ex Theologiæ mysticæ Parente D. Dionysio, qui cap. 1. de cœlesti Hierarchia sic ait: *Nec est possibile nostro animo ad non materialem illam ascendere cœlestium Hierarchiarum imitationem, & contemplationem, nisi ea, quæ secundum ipsum est, materiali manuductione utatur.* Vbi impossibile nobis esse docet, obiecta superiora contemplari, nisi prius intellectus noster materiali manuductione actuetur, quam manuductionem materialem secundum se habet. Hoc est, ut intellectus noster valeat in cōtēplationem cœlestiū devenire, debet incipere hoc iter à propriis discursibus, qui suo modo, & iuxta ipsius naturam illum manuducant ad portum illius optatissimi, & scelericissimi finis: & aliter procedere est impossibile. Per quod non excluditur gratiæ privilegium, sed asseritur naturæ ordo.

32. Angelicus Doctor perpetuus est in docendo hanc ipsam veritatem, quæ probatur tertio ratione ex ipso desumpta: etenim in contemplatione veritatis homo differt ab Angelo quatenus *Angelus simplici apprehensione veritatem intuetur: homo autem quodam processu ex multis pervenit ad intuitum simplicis veritatis:* ergo attenta natura intellectus humani non potest dari contemplatio, quin meditatio præcedat. Antecedens continet verba ipsa Divi Thomæ 2. 2. quæst. 180. art. 3. & consequentia probatur ex ipso Doctore Angelico inibi ad 4. ubi enumerans actus, qui præcedere debent ad contemplationem, ait: *Alio modo necessarium est, quod (homo) adhibeat proprium studium, & sic requiritur meditatio.* Videatur toto illo articulo, in quo plures rationes offert, quibus nostrum assertum comprobetur.

33. Probatur quartò alia ratione ex ipso Angelico Doctore deprōpta. Vitutu-

virtutes morales debent præcedere contemplationem, si ordo, quem ratio naturalis petit, servetur: atqui virtutes morales non dantur sine meditatione: ergo ex natura rei meditatio præcedit contemplationem. Consequentia est certissima: unde difficultas devolvitur ad præmissas, quarum maior probatur. Dispositio debet præcedere rem, ad quam disponit: virtutes morales sunt dispositiones ad contemplationem: ergo. Cætera constant: & minor probatur ex D. Thoma citata questione, art. 2. ubi docet, virtutes morales esse dispositiones ad contemplationem, quia *impediunt vehementiam passionum, & sedant exteriorum occupationum tumultus: & ideo virtutes morales dispositivæ ad vitam contemplativam pertinent*: ergo tenet minor. Et certè, cum actus contemplationis impediatur per passionum vehementiam, ac per rerum exteriorum tumultum, non potest sine influxu moralium virtutum hoc obstaculum auferri. Et hinc clarissimè infertur, à quo dependet lætutudo, quia multi spirituales procedunt in via spirituali: Et aliorum præcipitium. Non curant passionum cohibitionem, nec elongationem à tumultibus exterioribus: & hæc est causa, ob quam, si aliquam contemplationem habent, permanens non sit. Radicatur inter spinas, vel supra rebellem petram: & ideo vel, nè crescat, impeditur: vel facillè eradicatur. Non est ad contemplationem aptus animus illex, lingua effrænis, cor superbum, nec alias passionem in suo vigore habens. Unde cum has omnes passionem virtutes morales cohibeant: inde est, quod sūt dispositiones ad cōtemplationem.

34. Minor autem principalis, quæ asserit, virtutes morales non dari sine meditatione est eiusdem D. Thomæ in 3. dist. 35. quæst. 1. art. 3. quæstiunc. 3. Est etiam Seraphicæ Matris nostræ lib. I. iner. cap. 16. ubi docet meditationem esse principium, quo virtutes omnes habeantur, & in cuius exercitio vita nostra spiritualis consistit. Mirissima sunt eius verba: *Si pidiéades meditación, pudiera hablar de ella, y aconsejar à todas las suvteran, aunque no tengan virtudes: porque es principio para alcan-*

*zar todas las virtudes, y cosa, que nos va la vida en comenzarla todos los Christianos nos.* Post quæ subdit: *Contemplacion es otra cosa, hijas, que este es el engaño, que todos traemos, que en llegandose una un rato cada dia à pensar sus pecados (que lo debe hazer, si es Christiano demás que nombre) luego dizen es muy contemplativo, y luego le quieren con san grandes virtudes, como està obligado à tener el muy contemplativo, y aun el se quiere mas yerra en los principios, no supo entrar el juego, pensò bastaba conocer las piezas, para dar mate, y es imposible.* Post hæc autem prosequitur: *Si queréis, que os diga el camino para llegar à la contemplacion, sufrid, que sea un poco larga en cosas :: y fino las queréis oir, nè obrar, quedaos con vnestra oracion mental toda vnestra vida, que yo os asseguro à vosotros, y à todas las personas, que pretendierem este bien :: que no llegueis à verdadera contemplacion.* Plura exscriptis feci tamen, quia in iis veritas illius minoris continetur: & illis tota huius quæstionis doctrina roboratur.

35. In primis enim habemus ex hac auctoritate: ad meditationem aggrediendam non prærequiri virtutes; sed ea media acquiri: quomobrem spiritualis vita Christianorum à meditatione pendet: atque aded cognoscitur, quod attempta natura meditationis, & contemplationis, illa debet præsupponi, vtpotè qua vitia eliminantur, & virtutes habentur: secundum ordinem à natura præscriptum debet dispositio præcedere rem, ad quam disponit: si virtutes morales sunt dispositiones ad cōtemplationem, ut ex D. Thoma vidimus, & id, quo istæ virtutes habentur, est meditatio, ut docet hic Seraphica Doctrina, planè infertur, quod ex natura rei debeat Asceta à meditatione incipere. Pergit tamen Experientissima Theresia dicens: aliter procedentem errare in principiis, hoc est, errat, quia non incepit suum spirituale iter à principio, quod huius itineris verè principium est, videlicet à meditatione. Est parvus error in principio, teste Philosopho, est magnus in fine: hic error, qui à principio est maxi-

ximus, utpote naturæ ordinem invertens, error erit in ruinam miserabiliter conducent. Sclat huius criminis reus, ferem aggredi prorsus inassequibilem siquidem coelestis Magistra, ut certissimum pollicetur, illum nunquam in contemplationem veram perveiturum. Hæc solummodò sufficiebant, quamquam opinio adversa solidis fundamentis fulcitur; ut in re tanti momenti securam viam sequeremur, contrariam deserentes.

## §. II. Solvuntur obiecta.

36. **C**ONTRA nostram cōclusiōnē arguitur primò: Meditatio non est id, quod spiritualis intendit, huius quippe conatus totus est in contemplationem, aliunde autem ipsam meditationem debet deferere, si vult proficere: ergo secundum rectam rationem non debet à meditatione incipere. Antecedens est quoad utramque partem certissimum, & consequentia probatur quia natura dicitur, ut ea, quæ nobis obesse possunt, deferamus, ut, vel in ipsis ratione carētibz, intuemur: ergo si meditatio nobis potest obesse, & in illa veluti in termino quiescere non possumus, ex dictamine naturæ, vel non assumimus vel semel assumpta deferi, debet.

Hoc argumentum magnificant contrariorum aliqui, ac si plura vitia non contineret, quàm verba. Illi tantum desert auctor quidam, ut asserat: Incipientibus viam spiritualement per orationem fidei, seu contemplationem, non erit ipsa contemplatio ardua: alii autem, qui meditationibus infudarunt, cognoscent quantum interest, iactare in Domino curam suam, & à discursibus segregari. Postea autem cap. 11. inquit: Meditativis nova erit huius libri doctrina: non autem illis, qui à contemplatione incepere: siquidem hac brevi tempore longum iter cōstituit: rumpit enim moras anima hac via, & in Deum velocissimè fertur. Hæc, & alia elogia tribuunt adversarii illi suæ orationi fidei apud scholam veritatis solio 15. ante oculos nostros ponentes meditationis tarditatem. Quæ dum audio,

A SPIRITU SANCTO,

non possum non meminisse illius erroris Michaelis de Molinos ab Ecclesia damnati, de quo iam memoriam fecimus: estque huiusmodi: *Spirituales viæ ordinaria in hora mortis se delusos invenerunt, & confusos cum omnibus passionibus in alio mundo purgandis*. Gratias pro imbibita compassione repellimus: sed nostram meditationem deferere nolumus, scientes ex D. Bernardo de inter. Dom. cap. 12. quod contemplationis gratiam non mereatur accipere animus, qui in sui cognitione diu exercitatus, & plene eruditus non est. Frustra enim, subdit, cordis oculum dirigit ad videndum Deum, qui nondum idoneus est ad videndum se ipsum. Nec hoc tantum exagratio quædam admitti debet, ut in similibus dici solet, cum videamus Theologorum Principem D. Thomam omni rigore scholastico loquentem dixisse 2. 2. quæst. 82. art. 3. *Neceffe est, quod meditatio sit devotio nis causa, in quantum homo per meditationem concipit, quod se tradat divina obsequio, ad quod inducit duplex consideratio: una ex parte Divina bonitatis, & beneficiorum eius: alia ex parte hominis considerantis defectus suos*. Hæc, & quæ tam in hac quæstione, quàm in duabus præcedentibus diximus, & alia innumera, quæ omittimus, movent, ut in nostro iudicio de meditationem non deferendo immobiles simus, licet, ut iam diximus, Auctori apud citatâ scholam veritatis, nostri spiritualis dispensii compassionem haberi, gratias compulsionem rependamus. Igitur

Respondetur ad argumentum concessio antecedenti, negando consequentiam: Quia via ad terminum, & medium ad finem consequutionem non assumuntur, ut in illis maneat iter faciens, aut finem intendens: quiaque meditatio est medium ad consequendam contemplationem, viaque ad ipsam, ut ex superioribus patet, propterea natura ipsa dicitur assumendam esse meditationem, ut ille retinens, seu finis consequatur. Quam viam si derelinquat Ascetas cum advenit tempus destinatum à Deo, quod attinet ad iudicium Directoris,

G

nu.

nullum nocumentum ex meditatione reportabit; quinpotius copiosissimis fructibus cumulabitur, quos plena manu percipiet.

37. Respondetur secundò: Vel potius data doctrina aperitur ex nostro Doctore Extatico, qui non solum factum argumentum dissolvit; verum etiam hætenus dicta confirmat: idè illum referavimus vsque adhuc. Sublimis hic Doctor dubitat lib. 2. ascens. cap. 16. cur Deus animæ confert visiones aliquas supernaturales, si ipse Deus vult animam his visionibus non adhærere, immo cor suum separatum ab illis vult? Et augetur difficultas primò: quia ex receptione harum gratiarum non pauca, nec levia pericula imminet recipienti; si namque illis adhærere, in suo itinere non proficiet. Secundò: quia illud ipsum bonum, quod Deus dispensatione harum gratiarum consequitur, potest sine illis consequi. Quis hoc dubitet? Vt quid ergo piensissimus Pater gratias dispensat, quibus non debeat cor apponere recipiens, in quibus hic ruinam invenire valet, & sine quibus potest Deus animam recipientis perficere? Ecce sublimissimi nostri Doctoris cõtra suam doctrinam obiectionem simillimam abs dubio rei præsentis: siquidem præfens argumentum proponit nobis meditationem, vt in quo nobis non sit sistendum, sed ulterius transeundum: insuper ex illa non pauca pericula insurgunt; si non vt via habetur, sed vt terminus, finis ve intentus assumatur. Ac denique potest Deus sine meditatione animam dirigere, eo modo, quo media meditatione decorat. Vt quid ergo meditatio? Idem nodus est; eidem enodationi subest.

38. Respondet ergo Doctor Extaticus, tria breviter præsupponens: Primum ex ad Romam 13. vbi Apostolus ait: *Quæ autem sunt à Deo ordinata sunt.* Secundum est ex libro Sapientia, vbi cap. 8. dicitur de Deo: *Disponit omnia suaviter.* Tertium est ex communi Theologorum diverbio, dicentium: *Deus omnia movet secundum modum eorum.* His sic statutis, ait noster Pa-

rens: Deus volens animam extrahere à nihilo conditionis suæ, & illam secum vnire, procedit ordinatè, suaviter, & ad modum ipsius animæ. Cum autè ordo, quem anima servat in sui cognitione, sit mediis imaginibus, & figuris, & modus, què in eisdè cognitionibus habet, sit mediis sensibus, à quibus recipit; quia nihil est in intellectu, quin prius fuerit in sensu: propterea Deus animæ de infimo extremo ad supremum elevans, vt hoc suaviter faciat, illam ducit iuxta ordinem, modumque, quos ipsa anima observat, & si aliter procederet, suo vtique dominio vteretur; sed tunc procederet ultra id, quod ordo, modusque ipsius animæ petunt. Ob hoc ergo Deus prius perficit hominis sensus exteriores, illum in bona obiecta naturalia inclinans, vt audire sacrum, sermonibus interesse, aliæque huiusmodi facere. Cum autem sensus isti aliquam idoneitatem habeant, confert illis aliquas gratias supernaturales, vt sunt visiones, locutiones, & odores suavissimi, quibus sensus ipsi magis perficiuntur, magisque ab obiectis nocivis retrahuntur, dum his, similibusque favoribus inescantur. Idem proportionabiliter intellige de sensibus internis, quos eadem methodo retrahit à malo, inclinat in bonum naturale, datque supernaturalibus gratiis, vt sunt visiones imaginariæ, & aliæ similes. Hæc ibi ad longum prosequitur Extaticus Doctor omnino videndus; quia materiam præsentem, & alias plures illustrat mirabili sua doctrina.

Illam autem concedit, posse Deum sine his favoribus animam elevare; immo & hoc Deum velle concedit, non tamen facit, vt potest, quia secundum viam ordinariam procedens se se attemperat animæ, & iuxta exigentiam naturæ ipsius operatur. Verba aliqua huius egregij Doctoris subijcio hoc ita evenire docens: *No porque no quisiera Dios darle luego en el primer acto la substancia del espíritu, si los dos extremos, que son humano, y divino, sentido, y espíritu, de via ordinaria pudieran convenir, y juntarse con un solo acto; sin que intervengamos primero otros muchos actos de disposicio-*  
nes,



nes, que ordenada, y suavemente convengan entre si; siendo unas fundamentos, y disposicion para las otras, assi como en los agentes naturales, &c.

39. Hæc adduxi, vt ex illis pariterem haberemus, qua factum in nos argumentum solveretur. Sed re bene considerata, non est paritas, sed identitas. Ibi enim non solum loquitur Sanctus Parens de visionibus, aliisque gratiis, quas Deus animæ confert: verum etiam de ipsa meditatione. Ait enim, quod anima, quod magis Deo accedit: *se va mas desnudando, y vaciando de las vias del sentido, q. son las del discurso, meditacion, e imaginacion.* Solumque est discrimen inter illas gratias ex vna parte, & meditationem ex alia, in eo, quod gratiæ illæ nunquam appetendæ sunt propter rationes, quas inibi Doctor Sanctus exponit: meditationem autem debent appetere incipientes, quia est via, sine qua non obtinetur terminus, & in eo, quod ab incipientibus desideretur, nullum adeat inconveniens; quod in illarum gratiarum desiderio dari, certum est. Præter hoc, in quo discriminantur, conveniunt in alijs. Vnde ad factum argumentum respondemus data doctrina, & toto citato capite, quod si consideraret contrarii Auctores, forsam ab illa sua opinione, quam adeo extollunt, recederent.

40. Arguitur secundò: Si ordo naturæ peteret, vt spirituales à meditatione inciperent, nullus daretur, qui in via virtutis proficeret, quin inciperet ab ipsa meditatione: sed dantur plures, qui in via virtutis proficiunt sine meditatione, vt testantur Directores illi, qui suos discipulos ponunt in oratione fidei, sine eo quod præcesserit meditatio: ergo ex natura rei nullum adeat inconveniens in hoc, quod est contemplatio sine meditatione exercere.

41. Confirmatur: Incipientes in sua oratione ponunt attentionem suam quietam in Deo, vt diximus in Isago. lib. 4. numero 7. sed hæc quietas attentio est contemplatio: ergo incipientes contemplantur.

Respondetur argumento: Dari ali-

quos, quibus Deus gratiam confert, vt ab exordio contemplantur, vt tenent seraphica Doctrina, Doctorq. Extaticus locis citatis, supraque num. 11. ex Gerone vidimus, cum quibus hæc discutimus quæstione 5. & quod hoc sic fiat, non arguit veram esse contrariam opinionem; siquidem tunc Deus operatur supra exigentiam naturæ. Vt hos privilegiatos nemo sine meditatione procedit iuxta regulas bonæ Philosophiæ, sed contra illas. Nec momenti est illa illorum Directorum præctica, & securitas, cum, præter omnia dicta, sciamus illuminatissimum Rulbroch. dixisse: *Exissimantes se altissima quietis contemplationi vacare intencius, diabolico otio, & rerum omnium denudato sedulo studet, totique otium, quietem, & imaginibus vacuam inveniunt, ac experiuntur nuditate.* Videatur Barambus, contra Molinos propositione 21. qui de oratione illa fidei, à qua suos discipulos initium sumere faciunt Directores illi, aliqua non spernenda adducit. Et quam nocivos fructus ex illo principio experta sit curia Mairitensis evulgar. Nec solum Mairitum hoc passum esse. ploramus: Sub hac enim oratione fidei, quæ in se sanctissima, & utilissima est, plura monstrata latent, quorum tartarea capita, Hydrie æmula, vel semel, & multoties amputata, revirescunt, in plurium animarum, non vnus tantum populi, ruinam. Periculū hoc imminere incipientibus, si meditatio eis interdicitur, constat ex dictis quæstione præcedenti: in hac autem dicimus, esse contra naturæ ordinem, & regulas bonæ Philosophiæ, quod illa experientia non infringitur.

Ad confirmationem respondetur dari illam quietam attentionem, & etiam ponderationem in oratione incipientium: hoc tamen sit post meditationem, ex quo nostrum assertum potius quam enervetur, roboratur, quia sicut ad hunc actum ponderationis, & attentionis quietæ prærequiritur hic actus meditationis, & regulis bonæ Philosophiæ contradiceret, qui aliter procederet: sic etiam ad contemplationem constituentem statim præcedere debet meditatio status infirmi

mi constitutiva iuxta ipsas bonæ Philosophiæ regulas, & statuta.

42. Sed replicabis, & arguitur ultimum: Eò iuxta regulas Philosophiæ deberet antequam meditatio, quia est minus perfecta, quam contemplatio: at hoc est falsum: ergo etsi detur contemplatio sine meditatione non violantur statuta philosophica. Maior, seu sequela patet ex à nobis dictis in probatione conclusionis: eò enim dicimus hoc repugnare, quia incipiens debet prius attingere actum minus perfectum, quam perfectum. Minor probatur primo: quia cognitio attingens principia, perfectior est, quam cognitio scientifica, quæ attingit conclusiones: atqui cognitio circa principia prior est, quàm cognitio circa conclusiones: ergo. Probatur secundo: Producent, prius producit naturam, quàm proprietates, tamen si proprietates non æquent perfectionem naturæ: ergo non est contra ordinem naturæ prius attingere magis perfectum.

Respondetur negando minorem: ad

cuius probationem primà dicasi: Cognitionem conclusionū deperdere à cognitione principiorum, sicut etiam productio proprietatum deperdet à productione essentiarum. Et cum intervenit dependentia hæc inter perfectum, & imperfectum, non implicat, sed requiritur, quòd prius detur perfectum. Meditatio non dependet à contemplatione, quin potius contemplatio à meditatione dependet: unde in illis tenet philosophica illa ratio, qua vñi fuimus. Per quæ ad utramque probationem patet: In ipsa autem scientia adest nostræ doctrinæ exemplum nobile. Scientia enim actualis est contemplatio veritatis, quæ quidem contemplatio est iudicium resolutivum intellectus, ad quod non pervenitur, nisi post plurimas collationes, & præcedentem discursum. Nec dicent

Adversarii, quòd scientificus incipit suam scientiam à contemplatione scientifica veritatis, seu iudicio resolutivo.

## QVÆSTIO QVARTA.

*Utrum illi, qui à peccatorum ceno extrahuntur, possint illico in meditatione exerceri?*

43.



Vnquā huius questionis meminisse, nisi eam apud Authorem Mysticum non infimæ notæ discussam viderem. Negativam partem mordicus defendit: & ut vetum fatear, in quo sensu loquatur, plenè percipere non valui quippe dum negat peccatorem recenter conversum ad meditationis exercitium elevandum esse, faretur, quòd illud tempus antequam ad meditationem admitatur, debet iste recenter conversus, post peccatorum generalem confessionem, ad Crucifixi pedes provolutus, sua peccata deplorare, amicis, anteaque conversationibus, vale dicere, templis vespere, & manè assistere, Altria visitare, niillas, sermonesque audire, hospitalibus interesse, aliæque huiusmodi facere. Et certè, quòd ad hæc non requiratur meditatio; vel quòd

meditatio sit; ut illa fiant, impedimentum, ægrè probari potest. Preter quàm quòd, cum etiam dicat hic Author, istos noviter conversos facere etiam debere id, quod pro illis iam conversis decernit: & mihi inquiringenti, quid pro his illis statuit, occurrit, eis iniungendam esse meditationem, non ut continuò practicandam, sed ut paululum exercendam: ex quo planè colligitur, noviter à peccatis resurgentes exercendos esse in meditatione. Quod omne compati cum huius Auctoris præfati resolutione haud potest. Quamobrem vereor, si loquitur in aliquo sensu faciente disputationem de nomine: verum quia hunc sensum non percipio, & video resolutionē clarissimam contra eam, ut sic propositam, procedere statui, quicquid sit de sensu, in quo Auctor ille procedat. Moveretque præcipuè videre, quòd Præfatus Aucto-

tor argumenta, quæ contra suam positionem proponit, sunt ipsa, quæ Divus Thomas adducit quodlib. 4. q. 12. toto artic. 23. ubi nervosissimè probat Angelicus Doctor, pueros non exercitatos in observantia præceptorum posse ad Religionem admitti. Igitur illa ipsa, quæ contra suam Angelicam assertionem opponit inibi D. Thomas, obicit in præsentī dictus Auctor contra opinionem, quam pro conclusione statuere paramus quo solo suspectū nobis redderetur præiacti Auctoris assertum.

§. I. Proponitur nostra sententia.

44. **N**ostra cōclusio affirmativa est, eamque probamus ex D. Thoma quodlib. 5. art. 21. ubi inquitens: *An Divus Matthæus fuerit vocatus statim de telonio ad statum Apostolatus, & perfectionis?* Respondet affirmativè: Et in argumento *sed contra* affert Hieronymū dicentem, quod Matthæus *de publicano repente fit Apostolus*, & Bedam asserentem, quod *de Publicano in Apostolum, de telonio in Evangelistam mutatus est.*

45. Probatut similiter conclusio ex casu D. Pauli, qui cū minas spiraret in Dominum, Dominique Discipulos, ab ipso, quem miserè persequabatur, misericorditer vocatus est, & in perfectissima Apostolorum classe collocatus: ex quibus hæc ad nostrum intentum conficitur ratio brevissima, & non inefficax. Potest, qui ex abominabili publicani ministerio extrahitur, ex templo inter Apostolos recenseri, & qui modò Christum persequitur, Apostolus nominari: ergo, & qui peccata plura commisit, illis detestatis, ritèque confessis, potest statim viam orationis ingredi. Antecedens constat ex dictis, & consequentia certissimè sequitur; consequens enim nihil aliud continet, nisi generalē resolutionem, quam convincunt illa duo indubitata exemplaria, quibus innumera addi possent.

46. Dices primò: Ex casu particulari deduci non potest resolutio ge-

neralis: sed illa, quæ recensuimus, particularia sunt: ergo ex ipsis deduci non valet generalis resolutio.

47. Secundò dices: Divus Thomas non asserit, sed potius negat Matthæum ex telonio ad Apostolatū statim pertransisse, nisi secundum præordinationem Christi, qui eum in Apostolum sumendum disponebat: & secundum hoc sumenda sunt verba Hieronymi, & Bedæ.

Respondetur primò ad primam objectionem: Innumeros esse casus, quos numerare possemus, ex quibus cordatè resolutio nostra deducitur. ¶ Respondetur secundò: Sententiam adversam incidere in laqueum, quem pedibus nostris parat. Illa enim est positio generalis, quæ sanè infringitur per vnum casum particularem. Non quippe potest esse verum, neminem recēter conversum posse ad meditationem admitti; dum aliquis inveniatur, nedum ad meditationem, verū etiam ad sublimis perfectionis statum admissus. Hoc vltimū certū omnino est, ut constat ex adductis exēplis: ergo quamquā alia non extaret, eiusmodi generalis resolutio falsa foret; dummodò non assignetur specialis aliqua circumstantia, ob quam à communi regula eximantur isti particulares: Si enim hoc fieret, utique generalis positio inconcussa maneret.

Respondetur tertio: Quod quādo ratio, propter quam aliquid affirmatur, vel negatur, communis est, de omnibus particularibus verificari debet: unde quia verum est, neminem sine gratia decedentem salvari; propterea nullus particularis dabitur sine gratia salvus. Motivum, quod ducit sententia adversa, ut nullus recēter conversus ad meditationem admittatur, est, ne ex peccatorum lugubri sylva transeat quis ad orationis amenitatem. Hæc ratio, examinanda postmodum, communissima est, comprehenditque omnes, quotquot peccavere: unde si aliqui inveniuntur ex illa sylva repētē ad viam spiritualem translati, non potest hoc esse nisi ob falsitatem illius asserti, vel ob speciale aliquod privilegium, quod sen-

sententia opposita non ostendit.

Ad secundam obiedionem respondetur: Non occurrere exemplo adducto Divi Pauli, qui ex persequutore Ecclesiæ factus est repente Apostolus: quia tamen in hoc vim non facimus, fatemur, Matthæum non factum fuisse exemplum Apostolorum: ceterum statim à principio fuit vocatus ad Discipulatum Christi, ait D. Thomas art. cit. in corpore, additque: *si autem loquamur de perfectione Evangelica, sic manifestum est, quod statim à principio vocatus est ad statum perfectionis: dicitur enim Lucæ 5. quod surgens, relictis omnibus, sequutus est eum, quod etiam ad Discipulatum Christi pertinebat, secundum illud, quod dicitur Lucæ 14. Nisi quis renūciaverit omnibus, quæ possidet, non potest meus esse Discipulus.* Et hoc est, quod intendimus, nempe: quod vita licentiosa, recenter derelicta, non obstat, ut quis viam orationis ingrediatur, quæ certè viâ perfectionis est: & qua in perfectionem itur.

48. Instabis contra omnia dicta: Assertum contrarium loqui iuxta modum ordinatum Divinæ providentiæ, quam imitari debet Director humanus: non autem iuxta modum extraordinarium ipsius, qualis servatus est in vocatione D. Pauli, & D. Matthæi, aliorumque transcurrentium de extremo ad extremum, quin medium attingerent: in quo sanè privilegium datū fuit legem communem dispensans. Quod patet, tum ex se; tum quia D. Paulus dicit de se abortum, seu gratiæ portentum fuisse ob suæ vocationis privilegium; tum deinde, quia iuxta communes regulas, vel qui non peccaverit prius exercetur in viis purgativæ, & illuminativæ, quàm in via unitivæ: à qua lege absoluti sunt, qui ex facibus peccatorum ad Dei unionem erecti, in cælumq̃ translati, Deum ipsum intuitivè contemplati fuere, quod D. Paulo evenisse communis opinio fert. Vnde privilegium eos absolvens à viâ purgativæ, & illuminativæ exercitiis, absolvit potiori iure à lege non illico transeundi à statu peccati, ad meditationem. Tum denique: quia si discursus nosser teneret,

etiam possemus noviter conversos in contemplatione ponere, eisque præcipere, ut exerceant, quæ Perfectorum propria sunt, sicut visum est in duobus Apostolis: at hoc est absurdum: ergo etiam positio nostra.

Plura hæc instantia tangit, quæ sanè intellecta sententiæ adversariæ prosterunt. In vocatione illorum Apostolorum, & aliis similibus, intendus est & transitus immediatus à peccatis ad viam spirituales, & gradus perfectionis huius spiritualis viæ, ad quem repetè evecti sunt. Hoc secundum fatemur, esse specialissimam gratiam concessam illis: sed illud prius gratia specialis non est. Quod enim quis in meditatione collocetur, ut ex suæ culpæ consideratione magis, ac magis conteratur: ut minùs in se cõfidat, & suam spem in solo Deo collocandam iri cognoscat, neque est transire de extremo ad extremum, nec gratiam specialem requirit: vel ubi hoc indultum inveniat, contrarii assig-nent. Per quod patet ad obiecta.

Ad primum quidem dicimus: Quod ex se patet, fuisse specialissimam gratiam, Sanctos illos statim in apice perfectionis collocari. Verùm nec ex se, nec aliunde constat, quod eos poneret statim in viâ spirituali, sit aliquod prius privilegium.

Ad secundum concedimus, Divum Paulum portentum fuisse, gratiæque abortum: negamus tamen hoc fuisse, quia de peccatore factus statim fuit in viâ spiritualis cum non ob hoc factum fuisse gratiæ portentum, aperè confiteri: sed quia in apice huius spiritualis viæ repetè collocatus fuit.

Similiter ad tertium respondetur primo: Privilegium ipsum ad perfectionis culmen Paulum elevans eum absolvisse à communi lege viæ purgativæ, illuminativæque.

Secundò respondetur cum nostra Schola orationis tract. 7. dub. 9. Paulum absolutum non fuisse ab exercitiis illius duplicis viæ: quia Apostolus exercuit, quæ propriæ sunt incipientium, & proficientium; atque ideo privilegium fuit cum ad tantam gratiam sublimari-

cum obligatione tamen faciendi, quæ imperfectorum sunt propria, vt sunt vitia extirpare, & virtutum acquisitio-  
ni indulgere: ad hoc enim nullam dis-  
pensationem habuit; non tamen fuit in  
illo statu medio, quem ponit sententia  
opposita inter peccatum, & meditatio-  
nem: quod. certè fuit, quia talis status  
non datur: vnde instantia hæc rege-  
ri in aduersarium debet.

Ad vltimum dicas: Hominem non  
posse invertere ordinem à Divina pro-  
videntia positum, iuxta quem in quo-  
libet statu à gradu minori incipiendum  
est. Quiaque inter gradus orationis mi-  
nor est incipientium gradus: propterea  
non potest homo istos ordines trans-  
cendere, sed iuxta illos animas dirigi-  
re: Deus autem, quia nulla lege tenetur,  
potest, prout sibi placuerit, facere:

49. Probatur insuper conclusio  
sic: Pueri non exercitati in observantia  
præceptorum possunt admitti ad exer-  
citiū cōsiliōrum, Religionis habitum  
recipientes: ergo & noviter conversi  
possunt admitti ad exercitiū orationis  
mentalis. Antecedens est D. Thomæ  
quolib. 4. quæst. 12. toto art. 23. vbi  
luculentissimè, & nervosissimè illud  
probat. Et consequentia probatur à pa-  
ritate, quam ignoro, an clarè negare  
audeat sententia opposita: cum serè om-  
nia argumēta, quibus vritur, vt in novi-  
ter conversis neget meditationis exer-  
citiū, adducantur à D. Thoma, prout  
diximus initio huius quæstionis, solvan-  
turque adeò vt videatur Auctor cōtra-  
rius argumenta, contra resolutionem  
D. Thomæ in dicto articulo posita, ex-  
scripsisse, & contra præsentem nostram  
conclusionem vibrasse: nec huic tē-  
xioni obest, quòd Divū Thomam non  
nominet.

50. Confirmatur, & vrgetur hæc  
ratio: Ideò qui nō est in præceptis exer-  
citus potest admitti ad cōsiliōrum  
exercitiū, quia cōsilia iuvant, vt pet-  
fectius serventur præcepta, sicut docet  
Divus Thomas laudatus: sed meditatio  
iuvat, vt noviter cōversus magis à pec-  
cato elongetur, vitia robustè extirpet,  
& puerilem charitatem fovet: ergo.

51. Sanctus Franciscus Salesius de  
amore Dei lib. 10. cap. 4. & 5. nos-  
trum assertum declarat ex sacra Scrip-  
tura, in qua cap. 6. Cantic. v. 7. dicitur  
de superno Salomone dulcissimò  
animarum Sponso: *Sexaginta sunt Re-  
gine, & octoginta concubinae: Et adole-  
scentularum non est numerus.* In quibus  
verbis tres spirituales vias Mystici cō-  
muniter recognoscūt, quod etiam Præ-  
sul citatus tuetur. Reginæ sunt animæ  
perfectæ; concubinae sunt proficientes  
Adolescentulæ autem; quarum non est  
numerus, incipientes sunt. Hic est Sa-  
lesii, & communis Mystarum sensus.  
Modò verò videndum nobis est, qui  
sint incipientes isti? Ad quod Auctor  
egregius respondet: *Adolescentula signi-  
ficant animas à peccatorum facibus recent-  
ter conversas, & in amore Divino teneli-  
las, infirmas, & quasi novitias.*

## §. II. Sententiæ oppositæ motiva explosa.

52. **A**rguitur primò: Impossi-  
bile est transire de ex-  
tremo ad extremum sine medio: sed  
vita, à qua exierunt nuper conversi, &  
meditatio sunt extrema, inter quæ me-  
diat devotum, & rationale exercitiū  
compunctionis, & devotionis: ergo  
antequàm ad meditationem transeant;  
in tali exercitio ponendi sunt.

53. Confirmatur: Non est idoneus  
ad meditationem, qui in eius præcep-  
tis instrui non potest: sed denuo con-  
versus sic est; quia species, faciesque vi-  
tæ præteritæ non patinnet ipsū per-  
cipere meditationis doctrinā: ergo.

Hoc argumentum proponitur à D.  
Thoma dicto art. 23. & ibi est argu-  
mentum 14. proponitur etiam ab eo-  
dem Angelico sequenti articulo 24. &  
est ibi 8. in ordine. Respondetur ergo  
cum D. Thoma sic: *Ad 14. dicendum,*  
*quòd ille, qui accedit ad cōsilia, non qua-  
rit ascensum per abrupta, postpositis gra-  
dibus, sed magis rescat, quia possums ho-  
minem impedire ab observatione præcep-  
torum.* His solvit D. Thomas illud ar-  
gumentum, illisque, & nos solvimus  
argumentum præsens, dicentes: Non  
esse

esse transire de extremo ad extremum sine medio, quia tale medium inter meditationem, & vitam ante actam non agnoscimus: quin potius cum noviter conversus sua peccata plorabundus meditatur, refecat, *qua possunt illum impedire à maiori suarum culparum contritione*. Ex iis autem, quæ dicto articulo 24. responder D. Thomas ad octavum colligitur nova ipsius argumenti enodatio, quam prætermittimus, quia dicta sufficiunt.

Ad confirmationem dicas: Ad contrarium spectare adducere motivum, ob quod denuo conversus non possit institui in præceptis meditationis. Et mirum est, quod sit ad hoc incapax, & simul inveniatur idoneus ad omnia illa, quæ ex contraria sententia initio questionis retulimus.

54. Arguitur secundò: Arbotes recentiter mortuæ aptæ non sunt, ut ex illis imago aliqua fiat: ut autem hoc fieri possit, prius ab humoribus exsiccantur, sicque secure dolantur imagines, quæ prius non bene ferunt; sed vel in artificis manibus deturpantur impulsu vitioris non amissi: ergo cum homines sint sicut arbotes, quamvis mortui sint peccato, usque dum viros præteritis vitæ, qui est vitium radicatum præteritis actibus, exsiccantur, non possunt ad meditationem admitti.

55. Confirmatur: In noviter conversis imminet periculum deserendi orationem mentalem, qua derelicta, peris eis erit, quâ si illam non habuissent: ergo, ut hoc damnum non incutiant, admittendi non sunt ad meditationem.

Respondetur: Quod hoc argumentum cum sua confirmatione assertur à D. Thoma citato art. 23. estque argumentum 6. quod ex similitudine parietis non desiccari, cui tigna imponenda non sunt, probare intendit, puerum non exercitatu in præceptis admitti ad Religionem non posse, nè fortè ipse in Religionem ingressus, sit illi, religionem deserenti, ruina, ut timet ibi argumentum 3. Et est timor confirmationis propositæ. Ad argumentum er-

go respondet Angelicus Doctor: *Ad sextum dicendum, quod parietem nondam desiccato non est onus tignorum imponendum, tamen non prohibetur, quin sit paries desiccandus. Desiccatur tamen paries à pravo humore secularis affectus per Religionem*. Haecenus Divus Thomas. Ex quibus ad obiecta patet. Desiccandi vitæque sunt parietes spirituales, seu ligna, quibus Deo habitaculum præparatur, per conversionem ad vitam virtuosam: *desiccantur autem à pravo humore per meditationem, quam exercent, qui ad tale exercitium admittuntur*: Vnde tantum abest, quod obfit, quod potius valde prodest ad ipsum, quod contradicit, extirpandum.

Ad confirmationem respondetur ex Angelico Præceptore ad 3. quod damnum illud, quod timetur, non provenit ex occasione data, sed accepta: Vnde propter illud veritas nostræ affectionis deferenda non est: mediatio enim non influit in tale damnum. Immo ab illo vividè avettit. Et nota, quod si hoc argumentum aliquid probaret, convinceret vitæque, admittendos non esse denuo conversos ad Confessionem, nec ad Communionem, nec ad illa exercitia, ad quæ senectia adversa illos admittit, quia si iterum ruunt, gravius peccant.

56. Arguitur tertio: Semper est incipiendum à facilioribus: ergo cum vita activa facilius sit, quam contemplativa, prius quam noviter conversi ad istam accedant, in illa exerceri debent.

57. Confirmatur: Quia Iacob antequam Rachelem obtineret, Lia amplexibus potitus est, quia teste D. Gregorio 6. moral. Lia vitam activam adumbrat, Rachel vetò contemplativam: ergo.

Etiâ hoc argumentum assertur à D. Thoma cum sua confirmatione art. cit. Respondetur tamen, quod si argumentum convinceret, & vita activa, ut illud intendit, sumenda foret, nullus, etiamsi non multum peccasset, & licet nec venialiter deliquisset, in exercitio orationis mentalis collocari posset: si prius in illo medio, quod fingit, non exercitaretur. Relatè quippe ad omnes

facilior est vita actiua, quā cōtēplatiua, & omnes debet incipere à facilitioribus.

Respondetur ergo ex D. Thom. art. dist. 23. ad secundū explicando dictū illud Philosophi: *A facilitioribus est incipiendum*: Quod verū est respectu graduū eiusdem facultatis, status, aut conditionis; non autem si comparatio fiat inter diuersas conditiones, status, seu facultates. Quod patet, nam volentes addiscere Sacram Theologiam non prius addiscunt Mathematicas, licet in ipsa Theologia incipiant à facilitioribus. Et vt ait Doctor Angelicus citatus: *Qui volunt fieri milites, non prius exercitantur in laniificio, sed à pueritia exercentur in militia. Similiter, qui volunt fieri Clerici, non prius exercentur in vita Laycali, sed à pueritia instruntur in vita Clericali*. Et hoc modo, qui vitam spiritualem aggrediuntur, incipiunt à meditatione, ac de pertinentibus ad ipsam prius facilia exercent. Et sic intelligendus est Philosophus, & Diuus Gregorius, dum asserit: *Quod in qualibet bona conuersatione incipiendum est à minoribus, vt ad maiora perueniatur*, prout illum explicat citatus D. Thom. qui cōcludit: *Sicut enim milites à rudimentis militiæ, & Clerici à rudimentis clericaturæ, ita etiam &c.* Nos autem dicemus: ita etiā via spiritus incipit à meditatione, quæ in tali via rudimentum est.

Ad confirmationem respondetur cū citato D. Thom. ad 16. Rachelem significare quietem cōtēplationis, in qua quiete ponēdi non sunt denuo cōuersi, sed in oratione discursus, quæ respectu cōtēplationis, actiua, & laboriosa est, & significatur per Liam.

58. Arguitur vltimò: Qui vxorem

amisit, etsi multūm desideret inter Sacerdotes numerari, prudētissimè à Prælato impeditur, auditque, è matrimōn'io nuper dissoluto, non esse ad Sacerdotium transeundum, quin medicet tēpus, in quo pietatis opera exercentur, quoddā vitā præteritam obliteret: ergo pariformiter non est ad meditationem admittendus, qui denuo vitam licentiosam dimisit.

Hoc argumento contrarius Auctor totam rem se perfecisse arbitratur, cui annuens Lucinda sua materiam præsentem hoc solo simili absolutam fateatur. Sed vt verum fatear, nullam similitudinem in hoc simili reperio. Ille enim detinetur propter elevationē status sacerdotalis, cuius consequitio difficultatem habere debet, vt in deliciis habeatur: detinetur, nè post ordinis succceptionē igne habitus præcedentis amburatur: vnde cū melius sit *nubere, quā vri*, datur tēpus ad experientiā, in quo; si constanter perseueret, ad ordines admittitur; sin minùs reuoratur. Omitto alia, quia hæc sufficiunt, cum quibus nec ymbra similitudinis est in hoc nostro asserto. Quia nemini ianua orationis mentalis clauditur: omnibus enim accessus ad Deū per meditationē conceditur. Insuper, si non cōcederetur noviter conuerso meditari, foret, vt, si ei ad vomitum revertere conuenit, videret. Deinde nullū inconueniens experiri potest, qui meditatur, sicut ille alius, si ordinetur. In quo enim similitudo hæc consistit? Nihil enim similitudinis datur inter illū cassū, & assertū nostrū: vnde simile illud non est, sed dissimile;

atque aded omisso antecedenti, negamus consequentiam.

## QVÆSTIO QVINTA.

*Vtrum aliqui excludantur ab exercitio meditationis?*

59.



Qvæstio præses vētilatur propter triplex genus personarum.

Dantur enim aliqui, quibus Deus privilegium indulgēs collocat à principio in statu cōtēplationis. Dātur etiam aliqui in territorio ra-

tionali aded peregrini, vt nec imagines efformari possint; atque aded, nec discurre. Sunt & alii, qui à natura, vel à scrupulis, vel aliunde caput debilissimum habent. Propter hos enim præsens controversia excitatur: alios enim omnes in meditatione exercendos esse,

A SPIRITU SANCTO.

D

VE



ut contemplari possint, constat ex quaestionibus præcedentibus.

### §. I. Triplex conclusio pro veritatis resolutione.

60. **S**it prima cōclusio: *Sunt aliqui, quibus Deus privilegium confert, quo ab initio in contemplatione collocantur: & isti meditationem exercere non debent.* Duas partes habet conclusio, quarum secunda, ex prima apertè sequitur: Illi namque, quibus Deus confert à principio gratiam contemplationis, consequuti sunt finem, propter quem exercetur meditatio: ergo isti meditari non debent. Patet ista: quia obtento fine, assumenda non sunt media ad finis consequutionem deferentia. Antecedens autem est certum: Quia meditatio ad hoc sumitur, ut contemplatio habeatur: ergo consequuta contemplatione habetur finis, propter quem assumitur meditatio.

61. Confirmatur 1. Qui in meditatione exercentur, dum tempus venit, quo ad contemplationem elewantur, meditationem deserunt, ut modò ex nostro Extatico Doctore lib. 2. ascēsus cap. 13. & omnium Mystarū sensu suppono: Ergo, qui antequàm meditationem exercent, elewantur ad contemplationem, moram in meditatione facere non debent. Consequentia nota est à paritate. Et certè omnia mala, quæ eveniunt animæ vocatæ ad contemplationem post exercitium meditationis, si in hac detineretur, evenirent etiam animæ, quam à principio Deus ponit in contemplatione, si in exercitio meditationis occupatur.

62. Confirmatur secundò: Ille, qui ad orationem accedit meditaturus, tandiū in meditatione detinetur, quandiu voluntas eius non inflammatur; veniente verò voluntatis inflammatione deserit meditationem, ut rem meditatam contempletur; aliter tempus perdet, & fructū, ut asserit Extaticus noster Doctor citatus: ergo similiter ille, quem Deus ab initio collocat in contemplatione, tempus teret, si contemplatione omissa, meditationem exercet.

63. Explicantur dicta omnia: Quia ut diximus in Itagoge lib. 4. num. 6. meditatio est inquisitio devotionis, qua voluntas inflammatur ad amandum Deū; unde est motus, seu via ad terminum, estque inquisitio veritatis; atque adè inventa veritate, & termino acquisito, cessat meditatio ipsa: Quiaque elevati ad contēplationē ab initio terminū habēt, & veritatē inventā, non est, cur in terminū moveātur, ut veritatem inquirant. Malè apud omnes audiret, qui Romam ire intendēs, si ab Angelo deferretur, & continuò inveniretur Romæ, media ad iter aggrediendum pararet: Ut quid enim media illa, si terminus ex privilegio speciali habetur. Hoc crassum exemplum clarè suadet, quantum erret, qui ad cōtemplationem vocatus, in meditatione moratur.

64. Prima pars conclusionis asserens dari aliquos, quos Deus ab initio in contemplatione collocat, est pluriū Mysticorum, inter quos illam defendit Schola veritatis conferent. 9. dub. 4. referens Vistorem Geles. & Cælum mysticum. Nos autem illam probamus ex D. Thom. qui quodlib. 5. quaest. 11. art. 21. ad primum air: *Contingit tamen quandoque, quòd unus homo repentē incipit ab aliori gradu Sanctitatis, quàm sit summum, ad quod pertingit perfectio alterius hominis, ut patet de Beato Benedicto, de quo Gregorius dicit in 2. dialog. Quòd presentes, & sequuturi omnes agnoscant, quòd Benedictus puer conversationis gratiam à perfectione cepisset.* Ex qua auctoritate argumentor sic: Summum, ad quod pervenire potest perfectio nostra est Divinæ veritatis contemplatio: sed *contingit quandoque, quòd unus homo incipiat ab aliori gradu Sanctitatis, quàm sit summum, ad quod pertingit perfectio alterius hominis:* Ergo sunt, qui vitam spiritualemente à contemplatione incipiunt.

65. Dices: Divum Thomam non accipere *summum*, prout signat summū statum sed prout dicit summum gradū cuiuscumque status: ergo ex hac auctoritate inferre non licet, posse aliquem à summo statu contemplationis viam spi-



piritualē incipere. Antecedens probatur: Tum, quia hoc patet ex progressu illius articuli: Tum etiā, quia hoc probat exemplum illud Divi Benedicti viam spiritus incipientis à perfectione; hoc est, à termino ipso, in quo alii viā spiritus finierunt: Et hoc sive contemplativi sint, sive non, illi, quos in perfectione superavit: Tum denique, quia verba ipsa adducta hoc evidentē testantur: ait enim Angelicus Doctor: vnum aliquando incipere ab *altiori gradu Sanctitatis*, quā sit ille, ad quem alius pervenit. Quæ verba, si sic non sumimus, favere nobis non possunt: quia si vnus incipit ab *altiori gradu Sanctitatis*, quā alius: ergo ille non à contemplatione incipit, sed ab alio *altiori gradu*.

Respondetur negando antecedens quoad primam partem: Vt roque enim modo sumitur *summum* à Divo Thoma ibi, quod inde demonstratur, quia argumentum illud, quod solvit, accipit *summum*, prout signat statim *summum*: sicque procedit impugnans Anglicam resolutionem; scilicet, quòd D. Mathæus ex telonio fuit assumptus ad perfectionem Apostolatus. Hoc assertum impugnatur argumentum illud auctoritate Divi Gregorii, dicentis super Ezechielem: *Nemo repente fit summus*. Vnde ly *summus* sumit arguens, prout signat statim; aliter contra resolutionem Divi Thomæ non procederet: Et hoc etiam modo sumitur à Divo Thoma in solutione; aliter argumento non satisfaceret. Bene verum est, quòd etiam sumitur prout signat gradum perfectissimum status: Gregorium enim loquutum fuisse de *summo*, prout signat gradum perfectissimum Sanctitatis, atque adeò dixisse, neminem incipere à *summo* perfectionis, ad quod ipse incipiens pervenire potest, certum est: alii violentiam faciens, qui arguit, vult Sanctum Doctorem loqui de *summo*, prout statim signat. Et hoc negat Doctor Angelicus, docens, posse aliquem repente fieri summum, hoc est, repente elevari ad summum statum: atque adeò nec ejus resolutio, nec nostra, infringitur auctoritate Gregorii, sumētis *sum-*

*um*, prout dicit gradum sublimissimum perfectionis, ad quem potest aliquis pervenire. Sic enim *nemo repente fit summus*, vt locus merito deturquatur vt docet Divus Augustinus super Canonic. Ioānis: *Charitas non mox vt nascitur perfecta est; nam vt perficitur, nascitur: Cum fuerit nata, nutritur: Cum fuerit nutrita, roboratur: Cum fuerit roborata, perficitur*. Cum hoc tamen stat, quòd si sublimis gradus Sanctitatis, à quo vnus incipit, conferatur cum alio; sublimior sit, quā ille, ad quem alius ille pervenit: sicque contingit quādoque, quòd vnus homo repente incipit ab *altiori gradu Sanctitatis*, quā sit summus, ad quod pervenit perfectio alterius hominis. Per quæ patet ad omnia obiecta.

66. Probatur secundò conclusio ratione eruta ex eodem Angelico Doctore in eodem art. ad idem argumentum, proponiturque sic: Quia aliqui inveniuntur incepisse vitam temporalem à perfectissimo statu tam sæculari, quā spirituali: ergo etiam dantur aliqui; qui incipiant vitam spiritualem à sublimi gradu orationis, qui est contemplatio. Consequentia bonitatem paritas suadere videtur. Antecedens autem est D. Thomæ illud probantis exemplo eorum, qui à pueritia statim ad statum Religionis, qui est perfectissimus, convolarunt; vel proprio arbitrio, sicut Beatus Ioannes Baptista, & Beatus Benedictus vel etiam devotione Parentum, sicut illi, qui Monasteriis traduntur à Parentibus. Probat etiam idem antecedens exemplo eorum, qui repente assumuntur ad regnum, quod est summum inter sæculares status, vel ab ipsa pueritia, sicut Salomon, & Iosias, Reges Iudæ vel etiam in ultimo statu, sicut Saul. Et Eccles. 4. dicitur, quòd de carcere, catenisque interdum quis ad regnum progreditur.

67. Confirmatur: Sunt, qui viam spiritus incipiunt à perfectissima charitate: ergo sunt, qui illam à contemplatione incipiant. Consequentia patet: tum etiam, quia ad contemplationē præcipuū, quod requiritur, est charitas, vt alibi ex D. Thoma diximus. Antecedens autem probatur: Martyrium

sustinere, vel illi se se offerre facilliter, promptè, & delectabiliter, non potest fieri sine perfectissima charitate: atqui plures viam spirituale inceptum sustinentes Martyrium, vel illi se se facilliter, promptè, ac delectabiliter offerentes, vti fecit Seraphica Theresia in Africam iam iam traiciens, vt vitam pro Dei gloria, & animarum salute prokunderet: ergo. Minor constat: Non enim potuit non delectabiliter martyrio se se offerre, quæ pedes rot spacia metiebatur, vt ipsos Tyrānos provocaret: quæ ex frustratione desiderii anxia doluit, iugibus lachrymis deplorans optimam sortem sibi fuisse præreptam. Deinde probatur maior ex D. Thoma quodlib. 4. quæst. 10. art. 19. in corpore, vbi ait: *Dicendū est, quod hoc opus, quod est offerre se martyrio, vel etiam martyriū suscipere, potest facere non solū perfecta Charitas, sed etiam imperfecta: Et quod plus est, etiam ille, qui caret Charitate, secundum illud Apostoli 1. ad Corinth. 13. Si tradidero corpus meum, ita vt ardeam, Charitatem autem non habeam, &c. Sed Charitas perfecta hoc facit promptè, & delectabiliter, sicut patet de Laurentio, & Vincenzio, qui in tormentis hilaritatē ostenderunt: hoc autem non potest facere charitas imperfecta, vel etiam ille, qui charitate caret.*

68. Secunda conclusio: *Qui imagines efformare non possunt, nec discurrere, non sunt exercendi in meditatione.* Assertio hæc ex ipsis terminis patet: quia meditatio ipsa discursus est: ergo qui discurrere non potest, nec meditare valebit.

69. Tertia conclusio: Etiam arcenti sunt à meditatione, qui vel à natura, vel à scrupulis, vel ab alia causa, caput multum debile habent. Probatur: quia isti, si ad discursus efformandos applicentur, evidenti periculo mentis exponuntur: ergo nè tam grave damnum expetiantur, arcēdi sunt à meditatione. Nec in hoc amplius immorari debemus.



## §. II. Occurritur motivis oppositis.

70. **C**ontra primam conclusionem arguitur primò: Non potest terminus haberi sine motu: sed meditatio est motus ad contemplationem: ergo sine meditatione non datur contemplatio. Maior ita certa est apud Philosophos, sicut apud Mysticos minor.

71. Confirmatur: Si hoc privilegium daretur alicui, maxime B. V. MARIÆ: sed hæc piissima peccatorum Mater illud privilegium non habuit meditationem enim exercuit, vel ipsa revelavit B. Birgitta, & asserunt D. Bernardus, Taulerusq; citati à schola veritatis: ergo nullus est, qui excludatur ab exercitio meditationis.

Respondetur argumēto distinguendo maiorem: & concedendo illam de termino, vt est formaliter terminus huius determinati motus: non autem de termino, qui potest aliis sine hoc motu dari. Exemplum: Compositum humanum est terminus generationis: quia verò hoc cōpositum potest media alia productione dari, non sequitur, quod si datur compositum humanum, sit media generatione. Ita ergo contemplatio, & est terminus meditationis, & potest sine illa dari: atque adeo non sequitur, quod meditatio præcedat necessariò omnem contemplationem.

Ad cōfirmationem fæmur B. Virginem illo privilegio decoram: nec hoc valde eius excellentiam extollit, cum aliis longè melioribus, sibi soli concessis, pulchra sit. Ad improbationem dicas: æquivoco manifestissimo laborare. Aliud est enim dicere: omnes spirituales debent ab exercitio meditationis incipere: aliud verò: omnes, quantumvis Sancti, & etiam Regina Sanctorum omnium, meditati sunt. Primum enim abs dubio signat, contemplationem subsequi indispensabiliter ad meditationem. Secundum autem significat viros etiā perfectissimos aliquādo meditationem exercere, ex quibus primum falsum esse asserimus: secundum verò verum esse affirmamus.

In

In quo nulli dubium esse potest, dicente Nostro Extatico Doctore lib. 2. ascensus cap. 32. quod extra tempus, in quo Deus animam dicit aduertentia sui generali, & amorosa, debet occupari in Sanctis meditationibus. Hæc sunt eius verba: *Fuera de este tiempo en todos sus exercicios, actos, y obras, se ha de valer de las memorias, y meditaciones buenas, de la manera que sintiere mayor devocion, y provecho, particularissimamente de la Vida, Passion, y Muerte de N. Sr. Jesu-Christo, para conformar sus acciones, exercicios, y vida, con la suya. Unde vel ipsi, qui privilegio incipiendi viam spiritus à contemplatione decorantur, debent extra tempus dictum meditari.*

72. Dices: Non posse meditari viros perfectæ cõttemplatione decoros, est doctrina nostræ Seraphicæ Doctrinæ mansione 6. cap. 7. §. *Ay algunas almas*. quia vt ait ipsa Sapientissima Virgo, remanet intellectus inhabilitatus ad meditationem post contemplationem sublimem: ergo si omnes meditati sunt, est, quia à meditatione inceptunt.

Respondetur, hanc obiectionem nihil sententiæ oppositæ suffragari, quia nunquàm tempus assignabit, in quo B. Virgo sublimissimæ contemplationi tradita non fuisset, & nihilominus meditata fuit, vt cumulus auctoritatum, quas aggregat, & sine illis fateremur, persuadet: ergo post altissimam cõtemplationem non manet intellectus ad meditandum inidoneus: nec tale affirmavit Mystica N. Magistra, quæ solum asserit loco citato: animam sublimis cõtemplationis alinam post ipsius perfectissimum actum manere, ita vt non possit discurrere Mysteria Passionis, & Vitæ Christi, sicut antea, quod non est asserere nõ posse meditari. Manet quippe intellectus non ita habilis ad meditationem. Huius novitatis causam se ignorare fateretur Sapientissima Doctrinæ, dicens: *Creo debe ser la causa, que como en la meditacion es todo buscar à Dios, y queda el alma acostumburada por obra de la voluntad à tornarle à busi-*

*car, no quiere cãfurse con el entendimiento. Hactenus Illuminata Magistra, secundam causam adiiciens hisce verbis: También me parece, que como la voluntad està ya encendida, no quiere esta potencia generosa aprovecharse de estotra, si pudiesse, y no haze mal, mas será imposible. Insuper eodem cap. postquàm causas dictas assignavit, aliam profundissimam tradit §. *Ta sabeis*. Et immediate sequenti, vbi duo genera meditationis distinguit. Primum est, in quo mysterium aliquod consideramus: v. g. Verbi Divini Incarnationem, & quinsistamus in hoc mysterio progredimur ad considerandum mysteria totius suæ Sanctissimæ Vitæ. Secundum est, considerare aliquod mysterium, quod præsens afferat, speciatim, cum ab Ecclesia Catholica celebratur: quæ consideratio, magna quiete facta, animam facit ascendere ad benefactoris contemplationem. Ex his duobus meditationibus generibus, primam concedit Sanctissima Doctrinæ non posse haberi ab illis, qui Deum perfectæ contemplatione cognoscunt; & ita ait: *Esta es la que digo, que tendrán razon de dezir, que no pueden tener las que han llegado à llevar las Dios à cosas sobre naturales, y à perfecta contemplacion. De secundo autem contemplationis modo contrarium docet, dicens: Mas no tendrá razon ninguna, si dize, que no puede detenerse en estos mysterios, y traerlos presentes muchas vezes, en especial, quando los celebra la Iglesia Catholica, ni es posible, que pierda memoria el alma, que ha recibido tanto de Dios de muestras de amor tan preciosas, porque son vivas centellas para encender la mas en el q tiene à Nuestro Señor, sino que no se entiende, porque entiende el alma estos mysterios por manera mas perfecta, y es, que se los representa el entendimiento, y estampanse en la memoria, de manera, que de solo ver al Señor caido con aquel espantoso sudor, aquello le basta para no solo una hora, sino muchos dias. Mirando con una sencilla vista quien es, &c. Postea addit: *Tcreo, que por esta razon no puede passar à discurrir mas en la Passion, y esto le haze parecer, no puede***

*de pensar en ella. Y si esto no haze, es bien, que lo procure hazer, que yo sé, que no lo impedirá la muy subida oración; y no tengo por bueno, que no se exercite en esto muchas vezes.*

Molestus fortasse fui in adducendo diffusam adeo auctoritatem; sed nunquam reputavi superfluum, quod declararet materiam, quæ præ manibus habetur. Ex dicta ergo auctoritate constat, animas perfecte contemplativas esse in illa persuasionem, quod non possint meditari; sed hoc, quod ipsis videtur, sic non est, licet persuasionem causet novitas, quam experiuntur. Habemus etiam non esse securum iuxta doctrinam Sanctissimæ Theresiæ, quod istæ animæ pluries meditationem non exerceant. Sed quam meditationem? Non illam, quæ de vno mysterio in alia transit, illa prolixè considerans; hæc enim est incipientium propria, qui cum voluntatem non adeo Deo adherentē habeant, maiori sudore debent ignem devotionis parare. Sed illam, quæ vnico intuitu quasi simplici obiectum, seu mysterium cognoscit, qui intuitus, veluti scintilla in arundinetis discurrens, efficaciter adivitate animam ardere facit. Illa prima meditatio est, ut diximus, incipientium: hæc autem secunda est contemplativorum: eorum tamen anima, quæ intimè Dei benignitatem in sublimi contemplatione gustavit, non manet post eam, ita apta ad meditandum. Et ratio est, quia eius voluntas nollet operositatem intellectus; sed ipsa sola cum Deo dilecto suo deliciarī: & etiam quia cum ex præcedenti vnione remaneat anima Divinis charismatibus illustrata, veluti renuit per intellectus operositatem inquirere illū, quem aliquomodo in illis charismatibus habet; sed non inveniēns, surgit, & per vicis, & plateas meditationis, quem totis viribus diligit, inquirat. Hic est sensus Doctrinæ Seraphicæ, cuius doctrina, quæ diximus, non impugnatur, sed protegitur. Vnde verum manet, quod ad confirmationem dictum est.

73. Arguitur secundò: Plura evaquanda sunt ab anima, ut Deum valeat

contemplari, sicut docent Mystici omnes, quos inter eminet Extaticus noster Parens: ergo priusquam hæc evaquatio fiat, anima contemplari non potest.

74. Confirmatur: Quia vel dicta sensuum, potentiarumque evaquatio debet præcedere contemplationem, vel non? Si non: ergo natura sine meditatione perfectibilis est à contemplatione, contra ea, quæ diximus questione prima: Si sic: ergo ante illam nemo poterit contemplationem exercere.

Respondetur argumento: Ante statum cōtemplationis perfectissimæ omnino evaquandos esse sensus, potentiasque; obstant enim ad vnionem plura, quibus anima illaqueatur, à quibus purgari debet, priusquam illam perfectionem obtineat. Nisi Deus velit uti sua providentia extraordinaria, qua, ut vidimus, cum D. Paulo usus fuit. Ceterum ut contemplatio minis perfectæ habeatur, licet regulariter meditatio præcedat, hoc non est ita necessarium, ut sine meditatione haberi non possit; Per quod patet ad confirmationem.

75. Arguitur terriò: Etiam illi, qui irregulari providentia ad sublimem gradum spiritus elewantur, ab incipientium exercitiis non absolvuntur; sed illa implent, ut supra de Divo Paulo dicebamus: ergo etiam meditationem exercent. Antecedens certum est, & consequentia probatur: Quia meditatio est exercitium proprium incipientium: sed illi sunt incipientes: ergo meditari debent.

Respondetur negando consequentiam. Ad probationem dicas: Exercitia incipientium vtiq; ab illis impleri, sicut impleta fuere à D. Paulo, de quo; & aliis similiter privilegiatis ita loquitur Venerabilis noster Pater Fr. Ioannes à IESU MARIA in schola orationis tract. 7. dub. 9. *Notandum nihilominus, hosce privilegiatos, quanvis sint perfecti, ipsa via purgativa, & illuminativa, exercitia modo quodam excellentiori, quam sit ordinarius, facere; uti exemplo esse potest Apostolus Paulus, qui castigabat corpus suum, & virtutum acquisitioni, & angustio, modo quodam Apostolico attendebat.*

bat. Vnde isti, si ad sublimissimam contemplationem modo valde irregulari elevati sint, non sunt incipientes, porro elevationem, qua incipientium exercitia exequuntur: Si verò non ad adeò perfectum gradù evehantur, sed solum à meditatione excusantur sive illos incipientes dicas, sive non, parum refert: nec ut sint, meditatio requiritur, sed insudare obstantium extirpationi.

76. Arguitur quartò contra secundam conclusionem, & simul contra tertiam: Nemo deobligatus est ab eo, quod necessarium est ad salutem: qui orationem mentalem exercere non posset, careret aliquo necessario ad salutem: ergo non datur, qui meditari non possit. Probat minor: Oratio sive mentalis, sive vocalis, est necessaria ad salutem, ut postea disputabimus: sed qui non potest mentaliter orare, nullam orationem habere potest: ergo. Probat minor quoad orationem vocalem (de mentali enim probari non debet) quia oratio vocalis debet mentali associari, ut bona sit: ergo qui mentaliter orare non potest, nec potest habere vocalem.

Respondetur argumento negando minorem. Ad probationem dicendum: Quòd oratio vocalis, nisi formalicer per mentalem, oratio non est, ut est doctrina N. Seraphicæ Magistræ in de itinere cap. 22. & 24. Cum hoc tamen stat, quòd multi, qui non possunt orationem mentalem nudam, ut sic dicamus, habere, illam habent associatam vocali, quod ipsa Seraphica Mater nostra eodem lib. cap. 30. testatur, dicens: *To conozco una persona, que nunca pudo tener sino oracion vocal, y asida à esta, lo tenia todo; y sino rezaba, iba se le el pensamiento tan perdido, que no lo podia sufrir; mas tal tenemos todos la mental*. Huius ratio ea est, quòd verba ipsa offerunt recitanti, quæ consideret: quod sine hoc baculo facere non possunt multi ex iis, quos diximus à meditatione arcendos: atque adeò, licet vocaliter orent, meditationem tamen exercere non possunt: alii verò, licet quantum est ex parte capacitatis meditari valeant; excluduntur tamen ab hoc exercitio propter debilitatem capitis.

## QVÆSTIO SEXTA.

*Vtrum omnes, qui meditationem exercent, admittantur ad contemplationem?*



Loquimur de illis, qui de se obicem non ponunt contemplationi: Sed, quantum est ex se, divinæ gratiæ cooperatur, in suoque meditationis statu tota perfectione se gerunt, congregantes fructus, quos illis Divina liberalitas indulget. De aliis enim se se indisponentibus ad superiorem statum conscendere, superfluum est disputare: isti siquidem ad contemplationis gratiā non sublimantur propter ipsorum indispositionem: vnde illis omissis, de aliis loquimur.



§. I. Non omnes, qui meditationem exercent, ad contemplationem admittuntur.

77. **A**SSERTIO hæc communissima est inter Doctores, illam expressissimè tradit Seraphica Mater nostra Sancta Theresia in de itinere perfectionis cap. 17. ubi ait: *No à todos lleva Dios por un camino, y por ventura el que le parece, que va mas baxo, està mas alto en los Ojos del Señor. Así, que no, porque en esta Casa todas traten de oracion, han de ser todas contemplativas: Es imposible, y será gran consolacion para la que no lo es, entender esta verdad, que esto es cosa, que lo da Dios: Y pues no es necesario para la salvacion, ni nos impide el premio (alli dicunt: ni nos lo pide de apremio) no piense, que*

*que se lo pedirà nadie, que por esso no dexará de ser muy perfecta, si haze lo que queda dicho: antes podrá ser, que tenga mucho mas merito, porque es a mas trabajo suyo, y la lleva el Señor como à fuerça, y le tiene guardado junto todo, lo que aquí no goza. Et aliquibus interiectis pro præseti materia valde vtilibus, subdit: Sansa era Martha, aunque no dicen fue contemplativa: pues que mas quereis, que poder llegar à ser como esta Bienaventurada, que mereció à Christo tantas vezes en su casa.*

78. Similiter Extaticus N. Parens procedit dicens, lib. 1. noctis. cap. 9. *No à todos los que se exercitan de proposito en el camino del espíritu lleva Dios à contemplacion perfecta. El porque él se lo sabe. Y à estos nunca los acaba de desarrimar Dios de los pechos de las consideraciones, ó discursos.*

Ex dictis auctoritatibus constat veritas nostræ conclusionis, & etiam fundamentum, cui innitur, quod fundamentum proponitur à D. Thoma 2. 2. quæst. 84. art. 1. ex quo hæc ratio deducitur.

79. Idèd deberent admitti ad contemplationem omnes, qui meditantur, quia contemplatio necessaria foret ad obtinendam perfectionem: Sed talis necessitas non adeit: ergo Nec fundamentum, ut dicamus omnes meditativos ad fastigium contemplationis sublimari. Consequentia sequitur, & maior inde pater, quod non est assignabile aliud huius necessitatis motivum. Minor autem probatur primò: Quia illà expressissimè docet Seraphica Theresia verbis adductis, & etiam ipsius veritatem supponit Extaticus N. Parens loco citato.

¶ Probaturs secundò eadem minor ex laudato D. Thoma: Perfectio consequitur per attingentiam proprii finis: sed sine contemplatione possunt meditativi Deum proprium finem attingere, media charitate, qua fulgent, & media meditatione, quam exercent: ergo ad perfectionis consequutionem non requiritur contemplatio.

80. Confirmatur hæc ratio primò: Quia perfectio nostra consistit in con-

formitate nostræ voluntatis cum voluntate Divina: sed sine contemplatione possunt meditativi conformare voluntatem suam cum Divina voluntate: ergo sine contemplatione possunt acquirere perfectionem. Consequentia est bona, & maior D. Thomæ 1. 2. quæst. 19. art. 10. & 1. sent. distinct. 48. q. 1. art. 4. & primo ad Anibal. distinct. 48. art. 2. q. 23. & de verit. q. 1. art. 4. Ipsam docet Seraphica Mater N. mansione 5. cap. 3. per hæc verba: *Digamos agora de la verdadera union, que se puede alcanzar con el favor de Dios, si nos esforzamos à procurarla, con no tener voluntad, sino atada con la de Dios. Mira prosequitur cœlestis hæc Magistra de hac acquisita vnione, & conformitate cum voluntate Divina, quæ videri debent à suæ salutis studiosis, post quæ subdit: Y de ser posible esta muerte, no ay que dudar, como lo sea verdaderamente la union con la voluntad de Dios. Esta es la que pido siempre à N. Señor: Esta es la que siempre he deseado, y la que està mas clara, y segura.* His dictis pro veritate maioris,

Probaturs breviter minor primò: Quia si non possent sine contemplatione habere istam conformitatem, vel non tenerentur ad vniendum voluntatem suam cum Divina; vel non peccarent, si illam non vniarent, ex quo eis contemplatio non concederetur: ergo.

¶ Probaturs secundò: Quia, ut supponimus in principio quæstionis, non habere istos meditativos cõtèmplicationem, non est ob ipsorum defectum; sed quia Deus illam conferre non vult: ergo in hoc ipso, quod est contemplatione carere, possunt, debentque suam voluntatem cum Divina conformare; atque adèd ex hoc ipso, quod est non habere cõtèmplicationem, patienter sustinentes, perfectionem acquirunt, ad quod videtur respexisse D. Iacobus cap. 1. suæ epist. dicens: *Patientia opus perfectum habet.*

81. Confirmatur secundò: *Voluntas pro facto reputatur ei, qui non habet tempus operandi*, ait. D. Thom. in 4. distinct. 4. q. 3. art. 3. quæstionum. 2. in

corpore: ergo dicti meditativi defraudandi non sunt à perfectione, quam obtinent contemplativi. Probatur consequentia. Quia isti meditavi volunt contemplationem habere; siquidem quantum est ex parte sua se disponunt, ut Deus illos elevet ad contemplandum. Et hoc est, quod Sanctissima Theresia cap. 17. citat. itineris requirit, dicens: *Estad seguras, que haziendo lo que es en vosotras, y aparejandoos para contemplacion con la perfeccion, que queda dicha, que si él no os la dà: que os tiene guardado este regalo para daroslo junto en el Cielo.*

## §. II. Occurritur argumentis.

82. **A**rguitur primò ex Seraphica nostra Doctrice, quæ sententiam nostræ oppositam clare docet auctoritate, quam dedimus numero præcedentis; ibi enim omisimus, truncata auctoritate, hæc verba: *Tà lo que creo, no dexarà de darla* (scilicet contemplationem) *si es de veras el desasimiento, y humildad.* Ergo cum meditativi, de quibus loquimur, verè faciant, quicquid possunt, ut cõtemplentur, ipsi ex mente Doctrinis Seraphicæ contemplationem habent.

Confirmatur: Quia meditatio, quæ non terminatur ad contemplationem, inutilis est: sed hic loquimur de meditatione vili: ergo hæc terminatur ad contemplationem. Probatur maior: Quia ex communi Mystrarum placito, ait noster Venerabilis P. Fr. Thomas à Leu, de contemplatione Divina lib. 1. *Infructuosam debet existimari meditationem, quæ non transit in contemplationem.*

Respondetur argumento: Seraphicam Doctrinam adeò perspicuè suam mentem revelasse toto illo capite, ut non sit dubitationi locus. Vnde verborum obiectorum sensus venandus est ex illis, quæ inibi pluries repetit, atque adeò, vel loquitur de contemplatione quoad præmium, quod est perfectionis assequutio, uti ipsa Sanctissima monet per hæc verba: *No ay que temer, ni ayais miedo, que dexéis de llegar à la perfec-*

*cion, como los muy contemplativos.* Vel loquitur in illis verbis de contemplatione, quam Deus aliquando concedere non implicat; non quia meditativos istos frequenter in cõtemplatione exercendos esse opinetur, sed quia aliquando ad illam Deus ipsos elevabit.

Ad confirmationem respondetur: Non esse inutilem meditationem, quæ ex disponente Deo, non transit in contemplationem: hæc enim meditatio infructuosa non est, sed fructuosissima, vteam nominat Seraphica Mater nostra. Meditatio verò, quæ ex defectu meditantis ad cõtemplationem non pervenit, infructuosa est, de hac loquitur Sapientissimus ille, ac Venerabilis Doctor.

83. Arguitur secundò: Extraneum est à Dei benignitate impedire aliquem à consequutione propriæ perfectionis: hoc faceret, si meditantes ad contemplationem non assumeret: ergo. Probatur minor: Ex quo isti semper sint in statu meditantium, sunt semper incipientes atque adeò nunquam perveniunt ad statum Proficientium, & multò minus ad Perfectorum statum: ergo.

Respondetur: Deum non solum non impedire aliquem à consequutione perfectionis, verum etiam ad ostium animæ pulsare, ut omnes ad perfectionem cõscendant. Meditativos istos suam perfectionem consequi posse constat ex hac tenus dictis: vnde quin contemplentur, possunt esse perfecti. Et licet verum sit, quod meditatio, si regulariter loquamur, pertinet ad incipientes: si autem loquamur in casu questionis pertinet meditatio ad omnes vias spiritualis vias: constitutivum enim illarum non est meditatio, aut contemplatio, sed id, de quo loquuti fuimus in Isagoge lib. 1. lect. 3. Vnde meditativi nostri omnes illas vias lustrant, & tandem ad perfectionem perveniunt: in quo summè laborant quia id ipsum, quod sine sudore, contemplativi habent, ab illis maxima sollicitudine, labore plurimo, vigiliis, & angustis habetur, eoque, si fideliter perseverent, non defraudantur à desiderio suo in his, quibus adeò fideliter inhiant.

84. Exemplo rem illustro: Tenentur duo Cōpostellam adire: ex iis vnus dives est, & iter conficit equo vclius, vel quadrigis: alter verò pauper est, & pede arripit iter. Dives citissimè Cōpostellam ingreditur, serò pauper. Verùm vterque pervenit, præcepto satisfaciit, præmiumque meretur. Ratioque ea est: quia obligatio erat eundis non autem equo, vel aliter tendendi. Equo Dives ivit, vt quantotius suæ obligationi satisfaceret: Pedes pauper ambulari quia aliud suæ fortis cōcessum non erat: Idèd vtriusque iter coronatur. Similiter in casu nostro: tenemur vnire voluntatem nostram cum Divina voluntate, in quo tota nostra perfectio est. ad hunc finem itur per observantiam eorum, ad quæ quisque tenetur: quòd autem iter hoc conficiatur pennis ocysimis contemplationis; seu meditationis tanto gressu, non est in manu nostras nec præmio carebit, qui semper tendit sudore meditationis gravatus, vt disertis verbis nobis tradidit cœlestis nostra Magistra cap. citato.

85. Petrus, & Ioannes currebant in monumentum, & quamquàm Ioannes maiori agilitate curreret, ait sacer Textus: *Currebant duo simul. Cur simul, si Ioannes velocius Petro currebat? Quia vterque currebat, quantum poterat. Similiter Spiritus illos, quos in Throno vidit Elaias, forsam Seraphin esse indicabiss: nec falsò secundum plurimorum sensum; sed non secundum mentem D. Bernardi de verbis Isaiaæ setm. 3. vbi ait: Seraphin nomen est supernorum Spirituum ordinis vnius de novem summi, atque supremi. Verum hoc loco, vt arbitror, non in ea ponitur significatio, præsertim, cum innumera illa sint agmina, hic duo tantum Seraphin describantur. Et ego quidem, Fratres, scilicet in hac parte vnicuique abundare in suo sensu, in duobus Seraphin duplicem arbitror creaturam rationalem, Angelicam, scilicet, & humanam. Nec mireris hominem Seraphin factum, memento, quia Creator, & Dominus Seraphin factus est homo :: Audi enim quid ipse loquatur: Ignem, inquit, veni mittere in terram, & quid volo, nã*

*si ut accendatur? Ecce hominem ad societatem supernorum Spirituum elevatum, quia ignis charitatis in Deum, quo illi supremi Spiritus fulgent, ad eò intentissimè flagrat, vt Deum suum, sicut & illi faciunt, amet, quantum potest; quamobrem eodem elevato Throno appareat: ita ergo qui contemplari non potest, si quantum in se est exequitur, abs dubio præmium contemplativorum habebit.*

86. Arguitur tertio: Cōcors Mystarum sententia est, desumpta ex Angelico Doctore, quòd contemplatio acquisita est in manu nostras; idèd acquisita dicitur: ergo qui fidelis est in meditatione, hanc contemplationem exercere potest.

87. Confirmatur: Quotquot meditantur sensus purgationem patiuntur: sed hæc sensuum purgatio est proxima dispositio ad contemplationem; ad hoc enim datur dicta purgatio: ergo illam patientes ad contemplationem trans-eunt.

Respondetur argumento: Contemplationem acquisitam esse quidem in manu nostra: non tamen exercenda est, nec deferenda meditatio, vsque dum dantur illa tria signa, de quibus cum nostro Extatico Doctore egimus in Isaogoge lib. 1. à num. 115. Vnde si nunquàm hæc signa dantur, deferri meditatio non debet: atque ad eò sicut meditatio est in hominis potestate: & tamen non omnes meditati possunt, vt vidimus quæst. præcedenti: sic similiter de contemplatione. Et vtriusque eadem ratio est, consistitq in eo, quòd ea, quæ sunt in manu hominis absolute sumpti, potest ipse homo, secundum suas rationes individuales, vel aliunde, non habere, quomodo exequatur. Ad quod intelligendum recolenda sunt, quæ diximus nostro tractatu de signis mysticis, vbi plura signa inveniuntur, quæ ostendunt illa habentes aptos ad contemplationem non esse. Vnde & verum est, quòd absolute loquendo, homo absolute potest contemplari, & quòd facta replicatione alicuius, homini accidentaliter convenientis, contemplari non



ualeat. Ad quod aptius cognoscendum, observandum est, quòd, licet contemplatio acquisita sit in hominis potestate, intelligi debet adiutorio Divinæ gratiæ: quapropter, si hoc adiutorium Deus illi non præstat, ob motiva suæ providentiæ reservata, tunc homo tali adiutorio carens, contemplari non potest.

Ad Confirmationem responderetur: Omnia maiori, distinguendo maiorem,

illamque concedendo de subiecto, vel de homine, quem Deus ad contemplationem vocat: non autem de illo, quem Deus in meditatione manere vult. Huic enim purgatio dicta non deservit ad contemplationem, sed, ut illam patiens, purificetur, & tendat ad consequendam perfectionem aliis mediis, de quibus multoties diximus.

## DISPUTATIO SECVNDA.

*De Virtute Orationis, ac de potentia eam producente.*

**P**rima circa virtutem Orationis disputanda occurrunt: Ast, quia de omnibus disputare non vacat, propterea aliqua omittens, alia, quæ magis pro-

ficia sunt, maioremque difficultatem continent, ad incudem disputationis voco. Quod, vt exequar, exurgat

§ 1. § 2.

## QVÆSTIO PRIMA.

*Vtrum rectè definiatur à Mysticis Oratio?*

**1.** **M**ystici definiunt Orationem per hoc, quòd sit *Elevatio mentis in Deum*, prout vidimus lib. 4. Synt. 1. quod an sit rectè factum, disputamus.

§. I. *Vera Sententia proponitur.*

**C**onclusio nostra *Affirmat*. Eam tenet D. Thom. 2. 2. quæst. 83. art. 17. in corp. Damasc. lib. 3. de fide, cap. 24. & Sanctissima Mater N. Theresia cap. 7. lib. vitæ suæ, & in itinere perfect. cap. 25. Sicque omnes Mystici tenent. Hæcque est præcipua conclusionis probatio: communis, scilicet Doctorum consensus, à quibus recedere piaculum est: ergo cum mysticæ Theologiæ Proceres dicant, orationem esse elevationem mentis in Deum, hanc vt rectè orationis definitionem admittere debeamus.

2. Deinde probatur conclusio hac ratione: Orare est cum Deo amicitiam agere, vt ait Seraphica Theresia loco citat. ex lib. vitæ suæ: sed non possumus cum Deo agere, quin mentem

elevemus: ergo oratio est elevatio mentis in Deum. Probatur minor: Non possumus ea, quæ supra nos sunt attingere, quin elevemur, vel corpore, vel mente pro diversitate rerum, & assensuum: sed Deus est valde supra nos: ergo non possumus cum Deo agere, quin elevemur.

3. Confirmatur: Orare est ad Deum accedere, vt tradit D. Thomas disp. quæst. 83. art. 17. Sed non potest homo sic ad Deum accedere, quin elevetur propter sublimitatem ipsius Dei: ergo oratio est elevatio mentis in Deum.

4. Dices primò: Qui penas inferni meditantur, rectè orat: at hic non elevat mentem in Deum; imò nec mentem elevat: cum potius deprimat mentem: ergo.

5. Dices secundò: Licet detur elevatio mentis in Deum, dum oratur, non tamen ipsa elevatio mentis est, in quo consistit oratio: ergo. Probatur antecedens primò: Quia facta ratio cum eius confirmatione solum probant dictam elevationem inveniri in oratione:

E 2

non

non verò, quòd in illa consistat oratio.

¶ Secundò probatur antecedens: Quia nostri Salmant. tract. 21. disp. 30. dub. t. n. 1. aiunt: Elevationem mentis in Deum præsuppositivè se habere ad orationem: ergo.

6. Respondetur ad primum, negando minorem: Qui namque infernù meditatur, verè mentè elevat in Deum, vel considerans se ab illis pœnis Dei misericordia etestum: vel illas mereri propter offensas, quibus Deum offendit: vel alias considerationes faciens. Unde semper verum est, mentem orantis in Deum elevari.

7. Ad secundum respondetur, negando antecedens: Quia elevatio mentis in Deum est id, in quo propriè consistit orationis natura: per hoc enim, quòd quis intelligatur mētem elevatam in Deum habere, intelligitur orare: quā elevationem si auferas, oratio non datur, eòque in hac elevatione consistit quidditas orationis improprie sumptæ. Per quod patet ad primam antecedentis probationē. ¶ Ad secundā respondetur ex eodem doctissimo Collegio: Elevationem mentis in Deum præviè se habere ad orationem propriè talē, nempe ut petitio est, de qua nunc non loquimur. Ad orationem verò generaliter sumptam, de qua nunc, quamque Mystici definiunt, non præviè, sed formaliter se habet mentis elevatio. Quod vel ex eo patet, quia qui aliquid ab aliquo petiturus est, priùs ad ipsum accedit, & postmodum petit. In hoc secundo cōsistit orationis propriè dictæ quidditas, ad quam præsuppositivè se habet illud primum. Verùm hoc, quod est mentem ad Deum elevare, ut aliquid ab ipso petatur, est, quod Mystici nominant orationem, improprie, seu generaliter dictam.

## §. II. Respondetur argumentis.

8. **C**ONTRA conclusionem arguitur primò: Alia ab oratione sunt elevatio mētis in Deum: ergo hæc non est bona definitio orationis. Paret ista: Quia definitio nequit aliis à definito convenire. Antecedens

verò probatur: Sex illæ orationis partes, nempe præparatio, lectio, & aliæ, de quibus suprà egimus, sunt elevatio mentis in Deum: at non sunt oratio: ergo. Probatur minor: Pars, ex qua oratio componitur, oratio non est: sicut generaliter pars, ex qua sive metaphysicè, sive physicè, sive integraliter componitur aliquod totum, non est illud totum ex hisce partibus constans: animal enim, aut materia prima, aut manus non est homo: sed oratio integratur ex dictis partibus: ergo.

9. Cōfirmatur primò: Oratio est simplex qualitas incomposita, ut docent Salmant. tract. 12. in arbore n. 39. ergo non est elevatio mētis in Deum. Paret ista: Nā elevatio mentis in Deum plura ambit, quibus illud convenire non potest, ut patet in dictis partibus orationis: ergo.

10. Confirmatur secundò: Oratio est actus vnius potentiz, & virtutis: sed dictæ partes sunt actus diversarum potentiarum, & virtutum: siquidem meditatio v. g. est actus intellectus, & actio gratiarum est actus volūtatis. Item: Gratiarum actio oritur à gratitudine ex 2. 2. quæst. 106. oblatio autem à devotione: ergo.

11. Ab hoc argumento se expedit Medul. myst. tract. 1. cap. 5. num. 32. negans dictas orationis partes esse propriè partes integrantes orationem, & concedens esse partes subiectivas: atque adeò asserit orationem in illas dividi divisione generis in species. Negat esse propriè partes integrantes, quia quævis ex illis oratio est, quod partibus integrantes orationem convenire haud potest, ut argumentum convincit. Asserit esse partes subiectivas, primò, quia quævis differt specie ab alia: Secundò, quia quælibet est oratio mentalis.

12. Hac tamen huius egregii Theologi doctrina uti non possum. Primò, quia cōfirmationes factæ illam impugnant. Secundò, quia quod partes dictæ sint oratio negat propositum argumentum. Tertiò, quia asserere, quòd non sunt partes integrantes orationem, opponitur communi Mystarum, & Scholasticorum.

Iasticorum dictamini. Et, quod caput est, Divus Thomas quamquam siveat Medullæ mysticæ dicens esse partes subiectivæ in 4. dist. 15. q. 4. art. 3. in corp. Illi tamen contradicit, ipsas eisdem verbis nominans inibi partes integrantes; sic enim loquitur Doctor Angelicus: *Partes orationis dupliciter accipi possunt, scilicet, per modum partium integralium, & per modum partium subiectivarum. Partes autem orationis integrales distinguuntur per ea, quæ ad completam orationem requiruntur. Partes autem subiectivæ distinguuntur, vel secundum diversitatem eorum, quæ petuntur, vel secundum diversum modum petendi.* Quibus verbis asserit D. Thomas tales partes, & integrantes, & subiectivas esse: nec aliquid, vel leve fundamentum præstat, ut dicamus, esse improprie partes integrantes; proprie vero subiectivas cum eodem modo de vtroque divisionis membro loquatur.

13. Hinc autem exurgit difficultas non exigua: Quia cum toto cælo distent pars integralis, subiectivaque, ut nemo ignorat, de quo videri possunt Nost. Salmant. trat. 24. disp. 5. dub. 4. num. 124. quomodo potest idem esse pars subiectiva, & integralis?

14. Verum nodum istum enodabis, si consideres id, quod multoties dictum est: nempe orationem posse sumi improprie, & proprie. Sub prima consideratione, sunt partes subiectivæ ipsius dictæ partes: sive enim legas, sive mediteris, mentem in Deum elevatam habes. At sub secunda consideratione, sunt partes integrantes; quia cum hæ partes iuxta Salmant. proxime laudatos sit quidam actus, seu dispositiones, quas oportet adesse, ut opus virtutis perfectum evadat; propterea partes, de quibus loquimur, sunt partes integrantes, relatæ ad orationem proprie sumptam quia ut docet laudatus D. Thomas, non potest fieri decenter petitio, quin aliæ partes præcedant: temerè enim procederet, qui sine prævio ornatu præparationis, meditationis, & aliarum compartium, ad Deum petiturus accederet. Et quod hæc diversitas suffi-

ciat, ut dictæ partes subeant denominationem integralium, subiectivarumque, negabit nemo.

15. Nec intelligas, orationem proprie sumptam componi ex his partibus sicut corpus humanum ex suis integralibus componitur: quippe partes integrantes non solum sunt ex, ex quibus illa compositio refultat; sed etiam illæ, quas modò nobis describere Salmant. Et hoc quidem habent proprie: aliter partes integrales Iustitiæ, Prudentiæ, & aliarum virtutum, improprie haberent rationem partium. Quod autem illi actus specie differant, non obest, ut proprie partes integrales sint, ut cernere est in adductis, pluribusque aliis exemplis.

16. Ex præmissa ergo doctrina ad argumentum respondetur negando antecedens: ad probationem negetur minor. Ad probationem distinguitur maior: *Oratio non est proprie*, concedatur: largè: negetur: deinde distinguatur minor: *Oratio proprie talis*, concedo: largè, nego minorem, & consequentiam. Ex dictis patet solutio.

17. Contra illam tamen instabis primo: Quia D. Thomas loco citato ex sentent. ad 4. ait: *Gratiarum actio non ponitur pars orationis, quasi species eius: & ideo non oportet, quod definitio orationis ei conveniat.* Ergo gratiarum actio non est pars subiectiva orationis: ergo nec integralis. Patet ista: Nam per nos omnes dictæ orationis partes, quæ sunt integrales, sunt etiam subiectivæ: ergo si gratiarum actio non est pars subiectiva, nec erit integralis.

18. Instabis secundò: Petitio est una ex dictis partibus: ar non est pars subiectiva, nec integralis: ergo ruit data doctrina. Minor pro secunda parte non indiget probatione. Pro prima vero probatur: Si namque esset pars subiectiva, foret respectu orationis largè sumptæ: sed implicat, quod oratio proprie talis, qualis est petitio, sit species orationis largè sumptæ, ut de se patet: ergo.

19. Prima instantia non impugnatur, sed firmatur doctrinâ datâ: Quia respectu illius

illius orationis negat Divus Thomas gratiarum actionem esse partem subiectivam, de qua argumentum, quod ibi solvit, loquebatur: argumentum autem loquebatur de oratione rigorosè tali, ut per ipsum patet: sic enim procedebat: *Omnis oratio est petitio decentium à Deo secundum Damasc. sed gratiarum actio non est petitio: quia est de iam acceptis: ergo.* Ad hoc argumentum respondet D. Thomas: Gratiarum actionem non esse speciem illius orationis, quæ est petitio; atque adeo nec illi talem definitionem convenire; quod constanter asserimus. Non enim dicimus gratiarum actionem, aut aliam ex partibus dictis, esse partem subiectivam orationis rigorosè dictæ; sed illam dicimus integrare. Vnde cum aliàs habeamus ex ipso D. Thoma inibi in corpore, illas orationis partes minus utrumque subire, & partium integralium, & subiectivarum, ut vidimus num. 12. sequitur, quod gratiarum actio, & idem de aliis, sit pars integralis orationis propriè sumptæ, & subiectiva respectu orationis largè consideratæ: vnde, licet non sit petitio, est elevatio mentis in Deum.

20. Ad secundam instantiam respondetur distinguendo maiorem: *Ex dictis partibus*, ut earum finis, concedatur: aliter, negetur. Licet petitio inter partes orationis improprie ponatur, non est, quia ipsa sit illius orationis pars, ut rectè argumentum concludit: sed quia est terminus, in quem dirigitur iste motus, qui incipit in præparatione, & electione, aliisque profectur, ac denique in petitione terminatur. Vnde petitio numeratur, ut perfectissimus actus, cuius perfectio prærequirit omnes illos actus, ut iam ex Salmant. dicebamus.

Exemplo rem illustro: Qui iter in Hispalim meditat, verè dicit: *Fundum mihi est in Hispalim*: ubi memorat spatium, quod inter Hispalim, & locum in quo est, datur: imò locum, in quo est, & Hispalim ipsam nominat; aliter tamen, & aliter: Nam spatium interiectum respicit, ut medium præcisè trans-

eundum: Hispalim verò, ut terminum obtinendum: quare malè diceretur Hispalis medium, quo in ipsam itur; ex quo in clausula iter exprimente, numeretur: quia non ponitur ibi, ut pars transcendenda, seu integrans; sed ut itineris terminus. Similiter in nostro casu.

21. Quòd si velis dicere cum Medulla Mystica præcitata: Partes dictas dici integrantes, quia tempus integrans orationi destinatum: quatenus in præparatione v. g. infumitur una pars illius temporis, & aliæ in aliis, usque ad petitionem, in qua cum sua etiam pars temporis infumatur, debet etiam dici pars integrans: quod vel ex ipso exemplo appposito constat: quippe motus ille nedum integratur ex mediis; sed etiam ex terminis à quo, & ad quem.

Hoc si dicas: Verè quidem loqueris; sed improprie: non enim hac materiali acceptione sumimus orationis partes: sed sicut illas dicimus subiectivas; quæ participant totam essentiam orationis, cui verè, & propriè subiiciuntur, & cuius definitione definiuntur: ita illas integrantes dicimus, quæ non orationis tempus, sed orationem ipsam integrant, deservientes, ut orationis perfectio integra, & ex omni parte pulchra evadat. Vnde cum petitio sit hæc oratio, cuius integram perfectionem complent ipsius partes, propterea ipsa non ut pars reliquis inter accensetur; sed ut terminus, in quem aliæ collimant, numeratur.

22. Ex quibus ad confirmationem ex num. 9. patet: Respondetur enim partes dictas esse subiectivas relatè ad orationem, quæ est elevatio mentis: vnde non auferunt eius simplicitatem, & incompositionem.

23. Ad secundam confirmationem distinguatur maior: *Oratio* pro formali orationis, concedatur: pro substracto ipsius, negetur. Et sub eadem distinctione minoris, negetur consequentia. In oratione debet considerari entitas actus, quæ nihil aliud est, quàm ipsa animæ elevatio; & etiam considerandum est id, quod istam entitatem formalizat: nempe quòd illa elevatio mentis.

tis in Deum non sit purè speculativa, nec ob aliud motivum minùs nobile, quàm illud, quod D. Thomas assignat, dum dicit: *Alius est ascensus in Deum, ut in quo auxilium querit :: & talis ascensus est oratio.* Vnde elevatio mentis elevata, formalizataque per animum exhibendi Deo cultum, ut à quo auxilium sperat, est virtus orationis. In qua illa entitas materialis potest provenire à quacunque mentis potentia: aut id, quod talem entitatem formalizat, ab una solum potentia, vnoque habitu venit, ut postmodum dicemus, loquētes de oratione propriè tali, in qua tam formale, quàm materiale entitatis non potest esse nisi ab una potentia, modo, quo tunc declarabitur.

24. Arguitur secundò, & simul replicatur: Dicitur orationis partes sunt elevatio mentis in Deum: at non sunt oratio: ergo hæc non est elevatio mentis. Minor probatur discurrendo per singulas illas partes, primò quidem: Preparatio ad orationem non est oratio, sicut preparatio ad confessionem non est confessio; & absolutè, preparatio ad aliquod opus, non est illud opus, ad quod datur: Ergo. ¶ Ad hæc: Quod antecedit orationem non est oratio: preparatio antecedit orationem, secundum illud Ecclesiast. 18. *Ante orationem præpara animam tuam:* Ergo.

Probatur secundò illa minor ex D. Thom. loco citato ex sent. art. 1. quæstiunc. 2. ad 1. ubi loquutus de cōtemplatione docet: Eam tribus partibus constare, scilicet lectione, meditatione, & oratione: at meditatio, nec est, nec potest esse lectio: ergo similiter meditatio non est oratio. ¶ Probatur secundò hæc ipsa pars: Oratio est actus intellectus practici ex D. Thom. 2. 2. quæst. 83. art. 1. ad 3. ar. meditatio est actus intellectus speculativi ex eodem D. Thom. eadem 2. 2. q. 180. art. 3. ubi ait: Quòd meditatio est processus intellectus in veritatis inquisitione occupati, quæ veritatis inquisitio est opus rationis speculativæ: ergo.

Denique probatur minor illa: Quia gratiarum actio, & oblatio sui sunt

actus voluntatis; eò enim dicuntur affectivæ: sed oratio est actus intellectus, ut cum suo Angelico Præceptore asserunt omnes Thomistæ: ergo.

25. Ad hoc argumentum respondetur: Dispositionem ad aliquam formam, seu actum, posse esse de genere ipsius actus, ad quem disponit, ut patet in dispositionibus ad gratiam, quæ licet imperfectæ sint intra genus gratiæ supernaturalis; ad illud tamen pertinent: Vnde qua parte sunt imperfectæ, disponent ad gratiam: qua verò parte attinent ad ordinem supernaturalem, nomen gratiæ sibi vendicant.

Sic ergo partes orationis præeuntes petitionem, & sunt intra genus orationis, & intra illud genus imperfectæ sūt. Qua ergo parte sunt imperfectæ, ad petitionem ordinantur, ipsam integrantes, ad illamque disponentes. Qua autem parte pertinent ad idem genus, nomen orationis habent. Quæ doctrina ad primam minoris probationem distinguatur maior: *Non est oratio perfecta*, concedo: imperfecta, nego maiorem. Nec insertæ probationes obstant: non enim dicimus, quòd omnis preparatio ad aliquid est id ipsum, ad quod disponit; sed hoc ex peculiaribus rationibus venandum est: vnde et si preparatio ad confessionem non sit confessio, preparatio ad orationem est oratio, ob rationes sæpiùs inculcatas, nempe, quia est elevatio mentis in Deum, quod, & nil aliud, requirunt Mystici, ut detur oratio, licet intra tale genus imperfecta. Sicut ut detur gratia, nil aliud requiritur, nisi entitas supernaturalis; quantumvis minima; eo enim ipso gratia est, quamvis imperfecta, & præparans ad perfectam, quod & alio exemplo patet: Preparatio siquidem ad iter aliquod aggrediendum solet multoties esse deambulatio: qui enim ad iter accingitur, pluribus passibus præparatur.

Et per hoc patet ad additamentum. Sensus enim Ecclesiast. est, quòd ante orationem perfectam præparetur anima oratione imperfecta: atque adeò ipsa oratio imperfecta præcedit orationem perfectam; sicut perfectam gratiam gratia

tia imperfecta.

26. Ad secundam probationem concessa maiori, & minori pro secunda parte, negetur pro prima. Etenim lectio, & est loquutio Dei ad nos, & simul est loquutio nostra ad Deum. Non enim potest fieri, quod Deus nobis media lectione loquatur, & quod nos Deo non loquamur. Illa quippe attentio, quæ Dei loquutioni præstatur, loquutio quædam est, quia media animam illa lectione exprimitur deliciarum. Hoc nobis innuit David Psalm. 84. dicens: *Audiam, quid loquatur in me Dominus Deus.* Hic enim proponitur nobis Deus loquens, & Propheta audiens, quæ auditio expressio abs dubio est voluntatis receptæ; atque adeo est loquutio quædam, mentisque elevatio in Deum loquentem. Videatur P. Suarez tom. 2. de Relig. lib. 2. cap. 12. num. 21. Vbi bene distinguit inter loquutionem Dei ad hominem, & hominis ad Deum: & sive homo ad Deum, sive Deus ad hominem loquatur, semper hominem orantem supponit.

27. Ad 3. probationem pro prima parte dicas: Meditationem sanè, non esse orationem propriè dictam, nempe petitionem, de qua ibi loquitur Divus Thomas nomine orationis; esse tamen orationem generaliter sumptam, quod etiam lectioni convenit.

Pro secunda parte respondetur: Meditationem aliam esse, quæ investigat veritatem propter ipsam veritatem, de qua nobis sermo non est. Sed de illa meditatione, quæ veritatem querit, ut volentem ardere faciat, iuxta illud Psalm. 38. *Concaluit cor meum intra me, & in meditatione mea exarscet ignis.* De qua meditatione agit D. Thomas 1. 2. quæst. 27. art. 2. in corp. & opusc. 4. cap. 3. Hæc ipsa meditatio carnem mortificat, & animam seiungens à visibilibus, cœlestibus iungit, secundum illud Ecclesiast. 12. *Frequens meditatio carnis afflictio est.* De qua D. Thomas Serm. 1. Domin. 8. post. Penitenc. De hac meditatione loquimur, quæ certè actus est intellectus prædicti; nam intellectus speculativus (verba sunt

D. Thom. 1. part. quæst. 79. art. 9. in corp.) est qui, quod apprehendit, non ordinat ad opus, sed ad solam veritatis considerationem. Prædictus verò intellectus dicitur, qui hoc, quod apprehendit, ordinat ad opus. Propter quod dicitur 2. Metaph. cap. 2. *Speculativa etenim finis veritas: practica autem opus.* De quo videri potest nostra Logica complut. disp. 1. quæst. 6. Vnde cum meditatio hæc dicto modo opus intendat, practica certè est.

28. Dices: Speculatio pertinet ad meditationem iuxta D. Thomam, 2. 2. quæst. 180. art. 3. ad 2. ergo non est practica.

Respondetur: D. Thomam dicere, speculationem ad meditationem pertinere, quatenus conveniunt in modo procedendi. *Speculatio*, ut inibi ait Angelicus Doctor, dicitur à speculo, non à specula. *Videre autem aliquid per speculum est videre causam per effectum, in quo eius similitudo relucet: unde speculatio ad meditationem reduci videtur.* Quare cum meditatio ex vno in aliud procedat, ut constet ex eius definitione, quam dedimus lib. 4. num. 5. propterea speculatio, quæ simili modo procedit, nempe ex speculo ad rem, quæ in illo relucet, ad meditationem reduci videtur. Hoc autem non aufert, quod meditatio, de qua loquimur, sit practica. Eoque cum D. Thomas docet, quod *meditatio est intuitus animi in veritatis inquisitione occupatus*, non negat, esse practicam; cum supponat ipsam ex se opus respicere.

29. Ad ultimam probationem constat ex dictis num. 23. Adde, quod gratiarum actio (idem est de oblatione sui) propriè consistit in recognitione beneficii, quæ Deo, vel verbis, vel mente exprimitur, supponens voluntatem promptam, ut in tanti benefactoris obsequium plura faciat: vnde pro formali non consistit in ista promptitudine: hæc enim ad virtutem gratitudinis spectat; sed consistit in expressione illius recognitionis, quæ actus intellectus est. Actio enim gratiarum supponit receptum beneficium, & æstimationem, quam de illo

illo facit, qui illud recipit, & addit expressionem illius estimationis, quæ est recognitio beneficii. Hæc autem expressio, vel fit benefactori, vel aliis: sibi enim ipsi fieri vanum est. Si fit aliis, non est actio gratarum: sed laus benefactoris. Si huic fit: est certe gratiarum actio: & cum talis expressio dicat ordinem, quo in benefactorem dirigatur, non potest non esse actus intellectus, ut tenent eum D. Thoma eius Discipuli. De quo postea.

30. Arguitur. 3. Devotio est elevatio mentis in Deum: At non est oratio: ergo hæc non est elevatio mentis in Deum. Minor patet: quia inter orationis partes non numeratur. Maior vero probatur: Quia devotio est voluntas promptè se tradendi in Dei famularum; quod sine mentis elevatione in ipsum fieri nequit. Deinde devotio est primarius actus Religionis; cuius obiectum est Dei cultus.

Huic argumento, similibusque aliis aniam præbet ipsa virtutum affinitas, & earum actuum penè impræcindibilis germanitas, quæ licet semper magna; nunquam maior, quam inter orationem; devotionemque: sunt enim eiusdè habitus Religionis duo principalissimi actus: eòq; ab una utriusq; origine sapiunt simillimas condiciones. Vnde vel ipsi Sanctissimi, & perspicacissimi Ecclesiæ Doctores ferè confundunt devotionem cum oratione, vel observat Suarez cap. 7. num. 10. libri præcitati. Hugo enim ab Alensi relatus ait: *Orationem esse devotionem*, & D. Augustinus lib. de spiritu, & anima cap. 50. ait: *Oratio est mentis devotio*. At, cum firmiter tenere debeamus, devotionem non esse orationem, nisi casualiter, quatenus causatur devotio ab oratione, ut docet S. Thom. 2. 2. q. 82. art. 3. glossare debemus omnes illas auctoritates, quibus devotio oratio dicitur, in sensu causali. Quo licet habeamus devotionem non esse formaliter orationem: urget tamen factum argumentum, intendens vel devotionem orationem esse vel orationem non esse elevationem mentis in Deum.

A SPIRITU SANCTO.

31. Ad illud respondet Disceptatio myst. tract. 1. q. 2. art. 1. num. 134 devotionem esse orationis effectum, & non partem. Ex consideratione enim Divinæ misericordiæ in nos, nascitur illa prompta voluntas; qua in Dei obsequium tradimur: vnde non inter partes orationis est numeranda; sed inter effectus ipsius accensenda.

Hanc solutionem facillè dictus Auctor appellat. Contra illam tamen dubito primò: Qui intendit devotionem esse orationis partem; planè illam sub orationis definitione collocat: ergo si ve sit effectus orationis, si ve non, debet habere orationis naturam.

Contra secundo: Quia non potest negari devotionem esse elevationem mentis in Deum, ut dictus Auctor fateatur: ergo vel devotio est oratio; vel hæc non est elevatio illa mentis.

Contra 3. Quia licet devotio sit orationis effectus; non tamen est effectus omnium partium orationis: sed solius meditationis; ut docet laudatus Divus Thom. sed, quòd devotio sit meditationis effectus, non arguit ipsam non esse orationem: ergo. Probatur min. 1. Meditatio componitur ex pluribus cognitionibus, quarum una est causa alterius, ut constat ex definitione meditationis: at meditatio secundum omnes suas cognitiones est oratio: ergo. ¶ Probatur secundo: Gratarum actio, & oblatio sui sunt oratio: at causantur à meditationibus ex quo enim quis meditando cognovit beneficia Dei, movetur ad agendum tali Benefactori gratias, & ad se offerendum in tantæ pietatis gratitudinem: ergo.

Contra 4. Quia meditatio ipsa, aliasque orationis partes sunt effectus petitionis, quæ est oratio perfecta; nam à Deo petimus, quòd benè præparemur, rectè meditemur; immo & contemblemur secundum illud: *Invocavi, & venit in me spiritus sapientia*. Quod de contemplatione, petitione obrenta, intelligunt communiter Theologi cum eorum Principe D. Thom. 2. 2. quæst. 180. art. 3. ad 4. sed omnia dicta habent rationem orationis: ergo.

F.

Con-

Contra denique: Petitio ipsa est effectus sui ipsius; siquidem à Deo petimus, vt congruè, & rectè petamus: quod Ecclesia facit in illa collecta: *Et ut petentibus desiderata concedas, fac eos, quæ tibi sunt placita, postulare*: atqui tam petitio petens, quàm petitio petita sunt oratio: ergo.

32. Vt autem argumentum factum, quod mæ tarditati non ita facile est, dissolvatur, scire debes, quòd cum oratio dicitur elevatio mentis, non sumitur elevatio vtcumque: aliter non inveniretur actus virtutis, qui oratio non foret: omnes enim virtutes mentem elevat. Corporeale ieiunium mentem elevat: virtus poenitentiae mentem elevat: & vt alia omittam, virtutibus Theologicis ita mens elevatur, vt ad ipsam incretam celsitudinem terminetur. Quid ni, corporeale ieiunium, & alia dicta, sunt oratio? Minimè: ergo oratio est aliqua particularis elevatio mentis: aliis non conveniens.

33. Hanc, vt detegamus, fateamur poenitentiam elevare mentem: sed est detestando culpam: charitatem mentem elevares: sed est amplectèdo Deum, vt amicum. Et vt proximius ad rem nostram accedamus, etiam Religio mentem elevat, offerèdo Deo debitum cultum: & secundùm differentiam huius oblatis cultus diversificantur Religionis actus. Quæ differentia non solùm venatur ( bene nota ) penès obiecta, quibus cultus offertur, secundùm quæ alius est cultus Dei, alius Sanctorum: sed etiam attenditur secundùm rem oblatam in Dei cultum. Vnde devotio, quæ est primarius Religionis actus, sollicitat cultum Dei, ipsi, vt materiam, offerens propriam voluntatem, promptam ad ipsius famulatum. Oratio, quæ est secundus actus Religionis, sollicitat cultum Dei, ei exhibens, vt materiam oblatam, intellectum, illum Deo subiiciendo, vt Domino, à quo subveniri curat.

Vnde sicut sola Religio sollicitat se per cultum Dei: atque adeò non dabitur actus Religionis, qui hunc cultum non intèdat, nec virtus à Religione dif-

tincta, quæ illum cultum respiciat: ita sola, & semper devotio offert, vt materiam ad talem cultum, propriam voluntatem taliter, quòd nunquam devotio talem voluntatem non offerat: nec alius actus, aut virtus offert in Dei cultum voluntatem. Similiterque sola, & semper oratio offert, vt materiam, proprium intellectum; nec dabitur orationis actus, qui hanc materiam non offerat: nec actus, qui oratio non sit, illam offeret. Quia hoc est privativè proprium orationis, quæ dictam materiam ex parte obiecti attingit, vt id, in quo verificatur, seu exprimitur, sollicitudo, quam oratio habet de cultu Dei.

34. Hæc dixerim, vt ostenderem, non quamlibet mentis elevationem orationem esse: quod scite maximè oportet, nè plura valde necessaria in hac arcana Theologia, cui incumbimus, ignorentur. Maneat ergo, quòd virtus, cuius oratio est actus, debet respicere cultum Dei: vnde omnes ille, quæ hunc cultum non respiciunt, quamquam mentem elevent, sunt extra orationis chorum. Insuper: Deo cultum exhibere abstrahendo à præcepto, est privativè proprium Religionis. Quia licet obedientia etiam exhibeat Deo cultum: differt tamè à Religione in eo, quòd obedientia respicit cultum præceptum; si namque præceptum abesset, non adesset obedientia. Religio verò abstrahit à præcepto: quare actus obedientiæ oratio non sunt; quia licet cum Deo obedimus, ei cultum, & honorem exhibemus: cultus tamen hic ita præcepto subest, quòd sine eo non exararet. Vnde in omnium virtutum venusto templo sola Religio est, cuius actus est oratio.

35. Ceterum inter ipsos actus Religionis, quia primarius, nempe devotio: ita respicit cultum Dei abstrahentem à præcepto, quod non mentem, sed voluntatem offert: propterea oratio non est: hæc enim illa debet respicere cultum Dei: vt nec præcepto ligetur, nec voluntatem sed mentem offerat. Nec valet similitudo, quam cognoscimus, inter devotionem, & orationem, vt devotio sit oratio: sicut non valet similitudo



inter obedientiam, & Religionem, vt obedientia sit Religio. Quia sicut hæ virtutes differunt per præceptum, quod nõ potest non respici ab obedientia; ita illi actus per diversas materias, quas offerunt, discriminantur.

Ex quibus ad argumentũ factũ sic breuiter respondetur distinguendo maiorem: *Elevatio* offerens voluntatem, conc. offerens intellectum, nego maiorem: & concessa min. distinguatur consequens: *non est elevatio* voluntatem offerens, cõcedatur: offerens intellectum, negetur consequentia. Termini ex dictis noti sunt.

36. Obiicis tamen primò: Oratio respicit cultum præceptũ: ergo non differt Religio ab obedientia per hoc, quod hæc respicit cultum præceptum. Probatur antecedens; quia vt certum est, datur præceptum de oratione.

37. Obiicis secundò: Oratio est actus minùs perfectus, quàm devotio: ergo non differt oratio à devotione, per hoc, quod hæc offerat voluntatem; illa verò mentẽ. Antecedẽs certũ est. Probatur consequentia: Ille actus est perfectior, qui rem perfectiorem offert: ergo si devotio præstat orationi, nequit hæc mentem offerre, & illa voluntatem. Pater istas; quia intellectus perfectior est voluntate.

38. Respondetur ad primam distinguendo antecedens: *respicit*, permisso, concedatur: positivè, & necessariò, negetur. Orationis præceptum dari cõcedimus. Verũ etiam si hoc præceptum non extaret, daretur oratio; vt evenit de facto, cùm quis devotione sua orat. At obedientia ita respicit præceptum, vt sine præcepto omnino repugnet.

Radixque huius doctrinæ, quæ assatim pervia est, consistit in eo, quod obedientia speciem capit à præcepto Superioris, vt tenet D. Thom. 2. 2. q. 104. oratio verò, vt porè actus Religionis, respicit Dei cultum, ipsi exhibendum petendo ab eo auxilium, vt propriæ indigentia occurrat. Vnde ex quo homo cognoscitur indigens, & Deum veneratur potentem, accedit ad ipsum orans auxilium petiturus, sive extet, sive non extet præceptum, quæ omnia mirè cõplexus est Caietanus loc. citat. art. 3. §. *Ad hoc breviter*. his verbis: *Religio* (cuius actus est oratio) *ipsum Deum, qui præcipit, colit: obedientia verò ad eius præceptum attendit*. Ex quo colligit egregius hic Cardenalıs superioritatem Religionis respectu obedientia: quia constat, ait, *quod maius est Deum, quàm Dei præceptum venerari*. Videatur D. Thom. inibi ad 2. & art. 2. ad 3.

39. Ad secundam responderetur negando consequentia: Ad probationem distinguatur ant. *Rem perfectiorem* in ratione cultus, & moraliter, concedatur: materialiter, & in ratione entis, negetur. Itaque intellectus in esse entis perfectior est voluntate: at moraliter, & in ratione cultus est perfectior voluntas, cùm sit potentia libera; atque adeò sit moralitatis causa. ¶ Adde: Quod voluntas non solũ subiicit seipsam Deo; sed etiam facit, quod aliæ potentia subiiciantur; quod non habet intellectus: quapropter etiam ex hac parte perfectior est in ratione cultus voluntas, quàm intellectus: vnde devotio offerens voluntatem, rem perfectiorem offert in ratione cultus; atque adeò perfectior est oratione.

## QVÆSTIO SECVNDA.

*Vtrum Scholastici rectè Orationem definiant?*

40.



doctores Scholastici crymologia huius nominis *Oratio* ducit, quod à verbo *oro*, oras, quod petere significat, venit, ora-

tionem dicunt esse petitionem: Vnde illam definiunt per hoc, quod sit *petitio decentium à Deo*. In quo an rectè procedant? disquiritur.

§. I. *Veritas tenenda statuitur.*

41. **N**ostra cōclusio affirmat. Illam docet D. Thom. in 4. dist. 15. quæst. 4. art. 1. quæstiōc. 1. ubi in corpore concludit: *Vnde definitio Damasceni: oratio est petitio decentium à Deo, verissimè essentiam orationis declarat.* Hoc idem docet Setaphica M. N. Diva Thetesia pluribus in locis, & inter alios pulchrè hoc supponit mans. 1. cap. 1. Tantos Doctores vnanimi consensu sequuntur alii, & hæc adeò vniuersalis conformitas est vrgentior probatio conclusionis: vnde brevissimè vltèrius

42. Probatur: Tradita definitio præcisissimis verbis declarat naturam orationis metaphysicè, & formaliter sumptæ: ergo recta est. Antecedens probatur: Dicta definitio declarat naturam orationis per genus, & differentiam ipsius: ergo. Probatur antecedens: Nam illa particula *petitio* habet rationem generis quippe per illam convenit oratio cum aliis petitionibus, quæ non habent rationem orationis, vndeunque illis hæc ratio deficiat. Ex particula *decentium à Deo* explicant orationis differentiam: hæc enim consistit in duplici inadæquato respectu, quo oratio terminatur, & in rem, qua indiget, & in Deum subvenire potentem. Ideò enim oratio in Deum fertur, vt remedium pro re, qua indiget, nanciscatur: vnde ille actus, qui per primam particulam cum pluribus conveniebat, per has duas ab omnibus illis scernitur: ergo cum nihil aliud requiratur, vt aliqua definitio sit bona, nisi quòd per proprium genus, & differentiam explicet naturam definiti, sequitur, quòd data definitio sit bona; vtpotè sic procedens.

43. Confirmatur: Oratio iuxta communem sensum est *alicuius, ad aliquem, de re aliqua*: at hoc rectè explicatur per datam definitionem: ergo bona est. Maior pater: Quia si oratio est, non potest non esse alicuius orantis ad aliquem pro re aliqua obtinenda. Deinde probatur minor: Nam per particulam *petitio*, quæ est petentis exercitium,

exprimitur ipse petens; per particulam *à Deo*, ostenditur is, ad quem oratio funditur; ac demum per *ly decentium*, explicatur res, quæ petitur: ergo.

§. II. *Primum argumentum solvitur.*

44. **T**amet si citentur aliqui traditam definitionem non admittentes, solum Navarrum vidimus, qui in Enchir. de orat. cap. 1. num. 18. & 29. illam carpit eò, quòd non definiat orationem vt sic; sed solum orationem determinatè bonam. Autumat enim orationem abstrahere à bona, & mala; atque adeò, si oratio secundum se, quod nunc inveniunt, definitur, illa nostra definitione non adæquatur: eoque debet, vt diminuta, reprobatur.

Arguitur primò: Oratio abstrahit à bona, & mala: ergo debet definiri definitione eam, prout abstrahit, adæquantur: ergo data definitio non est bona. Patet ista: Quia talis definitio solum convenit orationi bonæ. Antecedens verò probatur ex D. Thom. in 4. dist. 15. q. 4. art. 1. quæstiōc. 2. ubi expressè ait: quòd illa particula *decentium non est de essentia orationis, quia si etiam quis indecentia petat à Deo, orat quidem; sed carnaliter orat: vnde illa conditio magis pertinet ad bene esse orationis, quàm ad rationem suæ speciei. Relinquitur ergo, quòd ex hoc oratio speciem trahit, & ad rationem virtutis trahitur, quod est à Deo petitio. Quid clarius? Ergo oratio abstrahit à bona, & mala.*

45. Confirmatur: Oratio dialectica abstrahit à vera, & falsa: ergo mystica abstrahit à bona, & mala. Probatur consequentia: Eò oratio dialectica abstrahit, quia veritas, & falsitas sunt eius qualitates, supponentes speciem constitutam, vt docent nostri Complutens. cap. de propositione: sed bonitas orationis mysticæ supponit speciem, & pertinet ad qualitatem: ergo. Probatur minor: Quod non requiritur ad esse: sed ad bene esse, supponit speciem, & pertinet ad qualitatem: sic est bonitas orationis, vt mo. lo ex D. Thom. vidimus: ergo.

46. Textus dictus ita vrgens visus est Navarro, vt ob illum introducat D. Thomam certò tenentem orationem abstrahere à bona, & nula: & ideò eminentissimum Caietanum de oblivione appellat, quòd illius non meminit. Ast cum D. Thomas ex loco nostram definitionem, vt adæquatam comendet: quomodo sine magna Sanctissimi Præceptoris iniuria potest pro contraria positione citari?

Respondetur ergo argumento: negando antec. eò enim ipso, quòd oratio non sit bona, oratio non est. Loquimur enim de oratione, quæ est virtus: non quia anrequàm intelligatur vt virtus, concipiatur oratio: sed solum præcipitur vmbra quædam orationis, quæ solum æquivocè dici oratio potest: vt homo mortuus, vel pictus, qui solum æquivocè dicitur homo. Vnde, qui cognoscit actum rationis cõtrahibilem per orationem bonam, & malam, malè cognoscit. Quod vel ex ipsa definitione, quam Navarrus admittit, notum est: ait enim orationem esse *petitionem à Deo*. Sed enim cum verba definitionis accipienda sint in sensu omnino formali, & rigoroso, sequitur quòd ly *petitio* sumi debet vt actus indigentis, humiliter accedentis ad potentem, vt illum moveat ad coferendum auxilium, quo à sua indigentia liberetur.

Similiter ly à Deo eodem rigore, & formalitate sumptum, vt debet, signat Deum, vt formaliter Deus est, qualiter bonus, & iustus est, atque adeò non potest ab ipso, prout sic, orans petere, nisi quod decens est: aliter enim non illum vt Deum existimabit sed vt hominem; vel dæmonem, à quibus malum non sine fundamèto speratur. A Deo autem vt tali, qualiter in orationis definitione ponitur, indecens aliquod sperare, prorsus inauditum est.

Quod, vt melius percipiatur, rogo: qui à Deo aliquod indecens petit, vel cognoscit Deum posse facere id, quod petit, vel cognoscit illum non posse à Deo fieri: vel abstrahit ab hac cognitione? Non secundum, nec tertium; quia oratio accedit ad Deum, vt poten-

tem succurrere. Nec aliud est imaginabile: nemo enim petit nisi ab eo, quem sibi auxiliaturum credit: nec credit auxiliaturum, nisi favere potentem. Relinquitur ergo, quòd qui malum à Deo petit, cognoscat illud malum contineri in potentia Dei: quod non est Deum respicere vt Deum, iustum, bonum, Særum, & omnipotentem; sed vt hominè, vel vt diabolum. His pro illo Navatti antecedenti dictis.

47. Ad textum D. Thomæ dicimus: Sanctissimum Præceptorem pro nobis esse: Primò, quia inibi ait, diffinitionem Damasceni verissimè essentiam orationis declarare. Secundò, quia licet asserat, orare petentem mala à Deo, ait etiam, quòd *arnaliter orat*: quod idem est, ac dicere; talem orationem, nec nomen quidem orationis mereri, sicut cum dicitur: homo pictus est homo, qui certè sine hominis essentia homo est. Sed explorare debemus, quo sensu loquatur Sanctus Thomas de oratione?

Respondet Suarez tom. 2. de Relig. lib. 1. cap. 2. num. 2. loqui D. Thom. de oratione non sub ratione virtutis: sed sub ratione communi petitionis, etiam à Deo. ¶ Verùm hoc glossema later, quo animo à Suatio introducatur: cum vel sola lectione textus oppugnetur. Sic enim se habet: *Relinquitur ergo, quòd ex hoc oratio speciem trahit, & ad rationem virtutis trahitur, &c.* Vnde Suarii explicationem non admittimus. Quare aliter ex antea dictis

48. Respondetur: Quòd ly à Deo formaliter, vt par est sumptum, infert, quòd solum decentia petuntur; alia enim à Deo, vt Deus est, peti non possunt: vnde per hoc, quòd dicatur: *petitio à Deo*, datur orationis species, vt ait D. Thomas, quia & explicatur Deus, à quo petitur, & implicatur materia postulatæ: cum à Deo, vt tali, non nisi decentia valeant postulari. Quare Angelico Magisterio procedit D. Thomas, dum ait: orationem trahi ad speciem, rationemque virtutis, per hoc, quòd dicatur *petitio à Deo*.

49. Vtquid ergo additur ly *decentia*?

rum? Quia oratio, & habet esse virtutis, & bene esse. Et ad illam sub utraque consideratione requiritur. Aliiter tamen, & aliter: nam ad esse orationis requiritur implicitè quod, ut dictum est, habetur per ly à Deo, in quo implicatur ly *decentius*. Additur tamen explicitè maioris claritatis gratia, quod multoties in definitionibus videmus. Ceterum ad bene esse orationis, ita requiritur explicitè, ut sine illa particula non daretur. Quare relatè ad esse orationis requiritur illa particula, & implicitè, & explicitè. Implicitè quidem per se, & simpliciter. Explicitè, non per se, & simpliciter, sed ob maiorem claritatem. Relatè verò ad bene esse orationis requiritur omnino explicitè, & per se. Quod mihi videtur profundè tradidisse D. Thom. his verbis: *Vnde illa conditio magis pertinet ad bene esse orationis, quam ad rationem sue speciei*. Quia, ni fallor, ly *magis* supponit illam particulam pertinere ad esse orationis: licet *magis pertinet ad bene esse ipsius*. Quia ad esse orationis pertinet & per se, & explicitè; at non simul; sed cum pertinet per se, non explicitè, sed implicitè pertinet. Dum verò pertinet explicitè, non per se, sed gratia maioris claritatis pertinet. Ceterum ad bene esse orationis pertinet per se, & explicitè simul: vnde *magis pertinet*.

50. Aliiter textum istum explicat Magist. Ioannes à S. Thom. 2.2. quæst. 83. disp. 26. §. *Nec elstat*. Videatur, quia egregiè mentem D. Thomæ declarat. Et sanè textus hic prodesse Navarro non potest. Cum enim certum sit, D. Thomam loqui de oratione in esse virtutis. Debit attendere Navarrus neminem posse malè uti oratione, influente ea in tale malum: quia oratio in esse virtutis est bona qualitas mentis, qua nemo malè utitur. De quo egimus tom. 1. lib. 1. num. 147. Influere certè oratio in malum petitur, si illud peteret: ergo implicat oratio, quæ decencia non petat. Vel Navarrus construat aliud virtutum genus; aut aliam definitionem virtutum. Videantur N. Salmant. tract. 12. disp. 1. dub. 4. §. 2.

51. Ad confirmationem respondetur negando consequent. Ad probationem omiſſa maiori negetur minor. Ad cuius probationem, negetur etiam minor iuxta dicta. Quippe quòd decencia petantur pertinet ad esse, & ad bene esse orationis, eo modo, quo paulò ante diximus. Veritas verò, vel falsitas nullatenus pertinet ad esse, nec ad bene esse orationis enuntiativa: de huius enim ratione solù est vnum de alio enuntiare: vel cõponèdo, quod est affirmare; vel dividendo, quod est negare. Quòd autè verè vel falsò affirmet, aut neget, nõ est de essentia propositionis. Vnde hæ propositiones: *homo est lapis*, *homo nõ est animal*, sunt verè propositiones quamquàm sint propositiones non veræ. Oratio autem mystica dicit adèd intrinsecè rectitudinem, ut hac abeunte, pereat oratio.

Nec sine magno vitio à quodam logicali instrumento ad virtutem orationis dialecticatur. Cum virtus ita ab obiecto morali, quod est bonum regulatum per Prudentiam, dependeat, ut illi quævis, quantumvis minima cogitur, malicia repugnet. Vide Salmant. laudatos, & tract. 11. disput. 6. dub. 1. à num. 29. cuius oppositum manifestissimè evenit in oratione enuntiativa, non solùm, quia, ut dictum est, veritas, & falsitas supponunt eam adæquate constitutam: sed etiam (quod inde sequitur) quia eadem propositio transit de vera in falsam sine sui mutatione, ut asserit Arist. cap. de subtil. his verbis: *Eadem oratio, & opinio potest transire de vera in falsam*. Idem docet D. Thom. in 1. dist. 19. q. 5. art. 3. ad 5. & cum ipsis Nostri Complut. cap. de propositione, & Salmant. disp. 6. citata dub. 2. num. 39.

52. Quòd si cum aliquo artificio logicali posset oratio mystica quoad hoc comparari, esset cum cõsequentia. Ratioque ea est: quòd consequentia requirit connexionem inter antecedens, & consequens; quæ connexio, si adest, datur bona consequentia. Si verò abest, nullatenus consequentia datur. Quam obrem consequentiam malam, atque adeò

adeo à bona, & mala abstrahentem, non agnoscit communis Thomistarum opinio, quos ducit Aristoteles libr. 1. Prior. cap. 5. ubi ait: *Syllogismus malum non esse syllogismum defectu consequentia.* Sic ergo oratio mytica, si sit peritio decentium à Deo, est oratio bona: si verò aliquid ex his deficiat, qualitercumque deficiat, nec bona remanet, nec oratio.

53. Contra dicta tamen, & primò contra hoc vltimum instabis primò: Consequentia abstrahit à bona, & mala: ergo si tenet paritas adducta, etiam oratio abstrahit. Probatur antecedens primò: Divisum abstrahit à dividentibus, de illisque prædicatur: sed consequentia dividitur communiter in bonam, & malam: ergo ab illis abstrahit, & de illis prædicatur. Secundò probatur antecedens: A speciebus abstrahibilis est vna communis ratio: sed Aristoteles 1. Topic. cap. 1. ait: Quòd syllogismus demonstrativus, topicus, litigiosus, & pseudographus species sunt syllogismi: ergo.

54. Instabis secundò contra antecedentia: Quia eadem oratio enuntiativa transit de vera in falsam, dicimus, veritatē, & falsitatem supponere constitutam propositionem: sed eadem oratio mytica potest transire de bona in malam: ergo. Probatur minor: Tum, quia est expressa sententia Salmant. loco cit. eundem numero actum virtuosum posse transire de bono in malum. Tum, quia sic etiam docetur à D. Thoma 1. 2. quæst. 9. art. 1. qui ex paritate veritatis, & falsitatis probat eundem virtuosum actum posse illam mutationem subire.

55. Hæc ideò aliquando obiiciunt, ut nostri Scholastici, quibus hoc opus cõficitur, species aggregant, quarum occasione hanc pauca Thomistarum asserta colligat, quibus accincti, & oppugnati obaumentur, & aggressores vrantur pro pulchra vicissitudine temporum. Hic huic operis scopus impellit, ut non semel in similibus occupemur.

Ad primam ergo objectionem nege-

tur antecedens: Ad probationem dicase Divisum abstrahere, prædicarique de dividentibus in divisione propriè tali. Dum autem divisio est solum similitudinaria, nec divisum abstrahit, nec prædicatur. Ut cernere est in divisione, quia homo dividitur in pictum, verumque. Vnde cum consequentia mala solum metaphorice sit consequentia, ideò nec ab illa est abstrahibilis ratio communis consequentia, nec de illa prædicatur. Et quoniam Aristoteles illam nominet speciem syllogismi, hoc fecit, quia habet umbram quandam, & apparentiam syllogismi: non quia sentiret esse syllogismi speciem, ut patet ex auctoritate, quam adduximus num. 52. ex lib. 1. Prior. Vnde ex his robur accipit data doctrina: quia oratio mala non est oratio, nisi tantum æquivocè, & similitudinariè.

56. Ad secundam instantiam respondetur primò negando causalem maioris. Non enim dicimus veritatem, & falsitatem supponere constitutam propositionem: quia hæc, eadem manens, potest veritate nudari, & falsitate vestiri: quia propositiones in materia naturali, & repugnant variationem illam minimè possunt subire. Dicitur tamen veritas esse extra speciem propositionis, quia in quacunque materia, hæc est enuntiatio vnius de alio, ac per hoc constituitur: postea verò sequitur, quòd sit vera, vel falsa: sicut etiam subsequitur, quòd sit in hac, vel in illa materia. Diximus autem suprà, sequi ex eo, quòd veritas, & falsitas non sint rationes constituentes speciem propositionis, quòd vna possit transire de vera in falsam: quia hoc (permittente materia) ad illud sequitur, ut patet in materia contingenti. Verum quia ex his, quæ possunt sic transire, potest sumi paritas, ideò.

57. Respondetur secundò omissa maiori, negando minorem: ad probationem dicase Actum virtuosum posse sumi vel quoad entitatem physicā vel in esse moris. Hoc secundo modo respicit ut differentias per se bonitatem, & malitiam non enim potest actus in esse

moris non esse vel bonus, vel malus. Primo modo dicit propriam entitatem ab obiecto physicè sumpto dependentem: & respectu illius, prout sic, sunt differentie accidentales bonitas, & malitias; cum non dectur specialis connexio cum illarum aliqua, sed possit indifferenter à qualibet earum determinari. v. g. hoc obiectum: *vesicæ carnibus pro tuenda corporis valetudine*, secundum suam entitatē est indifferens ad moralem bonitatem, & malitiam; siquidem, si tempore prohibito sit, est malum: si verò fiat tempore non prohibito, erit bonum: immo, si tempore non prohibito incipiat, & prohibito tempore continuetur, ante illud prohibitum tempus habet bonitatem moralem, quæ accedente prohibitionē, privatur: quod omne fit per solam moralem variationem obiecti.

Hinc ergo dicimus, quòd potest idē actus virtuosus transire de bono in malum, manente eadem entitate physica; sed non manente eadem moralitate. Ex quo non sequitur orationem malam esse; hæc enim non constituitur per physicam actus entitatem sed per rectitudinem, quæ in bonum honestum dirigitur, quæ ablata, non remanet virtus orationis, quamquàm entitas physica actus perseveret. Hæcque est D. Thomæ mens, & Salmanticentium, ut iidem Patres loco citato docent.

### §. III. *Alia argumenta.*

58. **I**N paragrafo antecedenti ea obiectimus, quæ orationem dividi in bonam, & malam statuere conantur. Nunc verò ea argumenta proponimus, quæ sine tali respectu traditam definitionem per singulas ipsius particulas impugnant. Contra primam ergo arguitur primò: Petitiō est pars orationis: ergo non est genus ad illam: ergo malè dicitur, quòd est petitiō. Patet ista: Quia vna species malè ponitur ut genus in definitione alterius speciei. Probatur antecedens: Ex D. Paulo 1. ad Tit. 5. ubi ait: *Obsecro igitur primò omnium obsecrationes fieri orationes, postulationes, gratiarum actio-*

*nes*: Ecce D. Paulum dicentem postulationem, quæ idem est, ac petitiō, esse orationis quandam determinatam speciem, sicut obsecratio, & gratiarum actio: ergo sicut malè procederet, qui definit orationem dicens: *oratio est gratiarum actio, &c.* similiter malè per petitionem definitur.

59. Confirmatur: Si petitiō esset genus ad orationem non daretur oratio sine petitione: sed cum oratio est perfecta nō datur petitiō: ait enim Hugo de S. Vict. quòd tunc oratio est pura, cum mens conversa in Deum, ut postulet, suæ petitionis obliviscitur: ergo.

60. Hoc argumentum solet esse valde importunum, eique occasione præbet diversus modus, quo Doctores, & Patres orationem accipiunt: Vnde secundum illam diversitatem diversas ei partes assignant, ut videre est in D. Thom. distinc. dicta art. 3. quare molestissimum est, cum ex partibus orationis aliquo particulari modo constitutis, sumitur argumentum contra ipsam orationē aliter sumptam. Quam molestiam, ut aliquid temperaremus, loquuti sumus quæst. præced. de partibus orationis, eas, claritate possibili, iam ad petitionem comparantes iam ad orationem latè acceptam referrentes. Modò verò, quia hoc argumentum nō absimili importunitate fatigat, illam superabis; si auream doctrinam in verbis num. 13. ex D. Thoma relatis, contempleris. Ait enim Angelicus Doctor agens de partibus illis orationis, quas laudatus D. Paulus enumerat: *Partes autem subiectivæ distinguuntur vel secundum diversitatem eorum, quæ petuntur: vel secundum diversum modum petendi.*

Ex qua doctrina habes: Quòd ut aliquid sit pars subiectiva orationis, ut est *petitiō decentium*, qualiter de illa ibi loquitur Sanctus Thomas, sufficit, & requiritur; vel quòd petat determinatè id, quòd absolute, & indeterminatè petitur ab oratione; vel quòd petat diverso modo id ipsum, quòd ab oratione petitur. Huius doctrinæ Angelicæ appli-

plicatio est evidens facti argumenti, & aliorum, quæ in simili possunt fieri, solutio.

61. Respondetur ergo negando antecedens. Ad probationem dicas: Ex illis quatuor partibus, quas orationi assignat Apostolus, gratiarum actio non est pars subiectiva orationis propriè sumptæ, ut suprà ex D. Thom. dicebamus: aliz verò partes subiectivæ sunt, ut de singulis loquentes mōstrabimus. Obsecratio est pars subiectiva; quia ut D. Thom. ait: 2. 2. quæst. 83. art. 17. in corp. *Obsecratio est per sacra confestatio, sicut cum dicimus: per nativitatem tuam libera nos, Domine.* Vnde obsecratio est *petitio decentium à Deo*, addita, ut differentia, qua & genus orationis contrahit, & ab aliis speciebus differt, *confestatione per sacra.* Quare eandem libertatem, quam per orationem genericè sumptam petimus, petimus per obsecrationē. Differunt tamen in eo, quòd oratio petit sine determinata forma; quia per hoc solum, quòd sit *petitio decentium à Deo*, constituitur in esse orationis: ast obsecratio petit à Deo decentia, sub illa forma iam dicta: unde & est oratio, & addit ad orationem formam, per quam in esse obsecrationis constituitur.

Insuper oratio particulariter dicta, & (quod immediatè ad argumentum accedit) postulatio, sunt partes subiectivæ orationis: Quia hæc petit decentia, quæcumque illa sint. Et quia inter hæc decentia, seu bona, alia sunt bona viæ, & alia patriæ: ille actus, quo bona viæ petuntur, dicitur oratio particulariter dicta; ille verò, quo petuntur bona patriæ, dicitur postulatio, ut expressè docet citatus D. Thom. Vnde istæ propositiones: *Obsecratio est oratio. Postulatio est petitio*, sunt omnino formales.

62. Nec mireris, quòd petitio, qua bona viæ petuntur, habeat nomen genericum orationis. Hoc enim idè est, quia *confectum est, quòd nomen commune ad illam speciem trahitur, quæ nihil addit dignitatis vel minoris, quàm alia species supra commune.* ait D. Thom.

A SPIRITV SANCTO.

ibi ad 2. & idèd subiungit: *nomen orationis ad illam speciem trahitur, secundum quandam appropriationem, quæ habet minus de dignitate, scilicet qua petitur via bonum.*

63. Ad confirmationem respondetur Hugonem loqui de oratione, in qua ex impetu amoris anima, ita absorbetur in Deo, ad quem rapitur, ut omniū, & etiam sui ipsius oblita, dilectum suum amplectatur: & tunc certè nihil determinatè petit. Verum quæ peteret, præparaverat: & illa petit, non formaliter; nec enim vis amoris hoc patitur, sed virtualiter, aut æquivalenter: ille enim amplexus quædam petitio est, qua à dilecto suo obtinet, quicquid, si valeret petere, postulare: unde semper datur petitio vel formalis vel æquivalēs.

¶ Adde: Raptum illum animam in contemplatione collocare: & petitio non est genus ad contemplationem, ut ex eius definitione supra data constat.

64. Arguitur secundò: Oratio ex sua intrinseca ratione offert Deo cultum, ut patet ex dictis à num. 33. ergo non est petitio. Probatur consequentia: Petere aliquid ab aliquo non est illum colere, sed sibi remedium querere, ut ex ipsis terminis constare videtur: ergo oratio non est petitio.

65. Confirmatur primò: Petitio dicit ordinem ad rem petitam, & ad personam, à qua petit: sed secundum nullum ex his ordinibus offert Deo cultum: ergo nec est oratio. Maior constat ex supra dictis. Minor pro prima parte nota est, pro secunda verò probatur: Petitio terminatur ad personam illam eo solo animo, ut rem petitam concedat: sed sic accedere non est offerre cultum illi personæ: ergo. Maior probatur primò. Eo animo accedit, qui explicatur in eius definitione: sed in ea solum exprimitur animus obtinendi rem, quam petit: ergo. ¶ Probat secundò illa maior: Quia potest quis sine eo, quòd aliquid cogitet de cultu Dei, petere ab eo: ergo tunc eo solo animo accederet.

66. Confirmatur secundò: Aquis offerens Deo cultum respicit talem cultum.

G

cultum, ut obiectum: sed petitio nulum cultum respicit, ut obiectum: ergo non offert Deo cultum. Probatur minor: Si aliquem cultum respiceret, hic in orationis definitione explicaretur: at non explicatur; siquidem nec verbum est, quod talem cultum ostendar: ergo. Maior probatur: Quia præcipuum, quod est in oratione, est tendentia, seu respectus ad talem cultum: ergo hic explicari debet in eius definitione: ergo in hac male ponitur petitio.

67. Responderetur argumento negando consequentiam. Ad probationem ut respondeas, nota: Orationem habere illum duplicem respectum iam dictum, & insuper duplicem materiam: scilicet materiam desideratam, & materiam oblatam, seu Deo per orationem subiectatam. Materia desiderata est id, quod petitur, & hæc materia non est obiectum orationis, de cuius ratione non est desiderare; sed petere, quod supponit à desiderio concupitum. Materia subiectata est propria petentis mens, ut dictum est supra. Ex quo enim ad Deum accedit propriam indigentiam factus, & ipsius Dei omnipotentiam confessus, accedit cum reverentia, & tanquam inferior ad superiorem, cui subicitur: & hæc subiectio est quædam reverentia, & cultus Deo à petente oblatus.

Hæc mirissimè docuit D. Thomas dicta. quæst. 83. art. 3. ad 3. ubi ait: *Ad tertium dicendum, quod orando tradit homo mentem suam Deo, quam ei per reverentiam subicit, & quodammodo præsentat.* Quæ ut explicet Caietanus, distinguit in oratione re peritā, petitionē, & ipsum petentē. Si consideretur res petita, sic nihil Deo per orationem offertur; sed potius ab eo aliquid accipere speratur. Si autem consideretur petitio; sic cultum Deo exhibemus; nam ipse actus petendi subiectio est, profectioque virtutis. Quod clarius patet; si consideretur ipse petens: quia hic oratione petis; & cum oratio sit actus mentis, idem est, quod petens petat, & quod mente sua ad petendum utatur, & idem est, uti mente sua ad petendum, ac sub-

licere Deo mentem suam: sicut idem est, uti genibus ad genuflexionem coram Deo, ac ipsi genua offerre, & consecrare. Videatur omnino citatus D. Thomas, & Caietani explicatio. Ex quibus patet, quod cum à Deo petimus, in ipsa petitione nobilissimum hominis, scilicet mentem, offerimus. Immo, ut proprius loquar, ipsa petitio est nostra mentis oblatio.

Per quod patet ad probationem consequentiae. Dicimus enim, quod licet orans remedium sibi quærat: in ipsa remedii sollicitudine Deum colit; siquidem illum omnipotentem confitetur, eique consecrat mentem suam; ex eo, quod illa ad petendum utatur.

68. Ad primam confirmationem negetur minor pro secunda parte. Ad probationem negetur maior, cuius probationes vanæ sunt: quia petens, eo ipso, quod petat, non potest non venerari Deum, cuius potentiam, pietatem, & superioritatem fateretur in ipso petitionis actu, quamquam petens hoc signatè, & reflexè non intendat. Hincque cultum sufficienter explicat definitio ea particula à Deo. Ex quo enim in Deum tendat petitio, Deum veneratur, eique petentis mentem præsentat in subiectionis signum. Per quod patet ad secundam confirmationem.

69. Arguitur tertio contra illam particulam *decentium*: In oratione feruntur à Deo mala: ergo non solum decentium est petitio. Probatur antecedens ex illo Psalm. 25. ubi David orabat dicens: *Proba me, Domine, & tenta me*: sed orare, ut tentetur, est determinatè malum; cum opponatur doctrinæ Christi Domini docentis nos, ut dicamus: *Et ne nos inducas in tentationem*: ergo.

70. Confirmatur primò: Quia multoties Deus irascitur, dum cōcedit, quæ à se in oratione peruntur, ut quando dedit Regē filiis Israel, quod iratus fecit: ergo quæ sic concedit, non sunt decentia. Patet ista; nam si bona forent, Deum minimè provocarent.

71. Confirmatur secundò: Damon orare potest, ut ait Abul. in 6. Marth. quæst.



quæst. 85. & de facto orare, docet Navarrus citatus; etiamque Dives ille cupulo in inferno positus oravit, sed nullus horum petit, petere vult potest, decentia: ergo.

72. Confirmatur tertio: Licet decencia possint peti indecenter, hoc est, indebito modo, non ponitur in definitione orationis particula *decenter*: ergo licet possint peti indecentia, superfluit *ly decentium*. Antecedens ex ipsa definitione patet, ubi talis particula non ponitur. Et consequentia constat à paritate.

73. Respondetur argumento ex Gaetano 2. 2. quæst. 83. art. 8. Licet à Deo peti mala non culpæ, sed pœnæ; & hoc pro utilitate correctorum: quo certe respiciebat David in verbis allegatis, vt tradit D. Thomas in expositione illius psalmi. Cuius oppositum non docetur à Christo Domino: siquidem, vt docet Sanctissima M. N. Theresia, hisce verbis non iubemur petere, quod Deus auferat tentationes à nobis, sed quod non permittat, nos succumbere tentationibus. Vnde David petit tentationem, qua, & reus corrigatur, & fidelis comprobetur: & Christus imperat, vt petamus, nè à tentationibus superemur.

74. Ad primam confirmationem respondet D. Thomas loco cit. ex sententia, quod *talis impletio orationis, qua fit cum Dei indignatione, non dicitur impetratio propriè loquendo*. Vnde nec oratio propriè est.

Respondetur secundò: *Ly decentium* debere secundum dictamen efformatum ab orate regulari: Multoties enim, quæ in re sunt bona, existimantur mala, & è contra: vnde cum petitur à Deo malum, non existimatum malum, datur oratio: at Deus iratus per aliquam culpam, quæ in orante datur, & aliquando ob ipsam ignorantiam, qua sine debito examine mala, vt bona habentur, mala ipsa concedit, vt cautè postmodum procedatur.

75. Ad secundam cõfirmationem respondetur: Illas non esse veras orationes; sed petitiones quasdam; vel no-

mine orationis indignas. Non enim procedere possunt ex pio affectu, sine quo dabilis non est oratio.

76. Ad tertiam confirmationem respondetur primò: Distinguendo antecedens: *Non ponitur* explicitè, concedatur, implicitè, negetur. Licet enim particula *decenter* non explicetur, implicatur tamen in aliis duabus, scilicet, *decentium à Deo*; quia petitio debet proportionari, & materiæ, & personæ, ad quam fit: vnde *decenter* fieri debet.

Respondetur secundò omisso antecedente negando consequentiam; quia in definitionibus non ponuntur circumstantiæ requisitæ ex parte operantis; aliter immensæ forent. Id autem, quod ex parte actus requiritur, ponitur in definitionibus: eoque cum oratio definitur, ponitur *ly decentium*, quod requiritur ex parte actus; non verò additur *decenter*; quia hoc pertinet ad orantem.

77. Arguitur ultimò contra ultimam particulam: Etsi à Deo media oratione petamus, non debet poni in eius definitione illa particula *à Deo*: ergo malè ponitur. Probatur antecedens: Licet ad Sanctos oremus non definitur oratio pro hoc, quod fit petitio à Sanctis: ergo similiter.

78. Confirmatur: Vel in tradita definitione comprehenditur oratio, qua à Sanctis petimus, vel non? Si non: ergo talis definitio nõ adæquat definitum. Si sic: ergo debuit poni illa particula *à Sanctis*; vel auferri illa *à Deo*.

79. Respondetur argumento ex D. Thoma in 4. distinct. 38. quæst. 1. art. 1. quæstiunc. 1. ad 4. ubi loquutus de voto, quod quidem est: *Promissio Deo facta, ait: dicendum, quod votum non fit Sanctis, nisi secundum quod per suffragia sunt mediatores inter nos, & Deum, sicut & oratio ad Sanctos fit: & ideo omne votum ad Deum redditur, sicut & oratio*. Vnde, vt vides, ponitur Deus in definitione orationis; quia ipse solus potest concedere, quæ petuntur: Sancti verò solum intercedere possunt; eoque non ponuntur in definitione dicta, in qua non debuit poni ille, ad quem porrigitur oratio, vt per ipsum impetram

tranda: sed ille, ad quem funditur, vt per ipsum implenda. Vt docet idem Angelicus Doct. 2. 2. quæst. 83. art. 4. in corp.

80. Diceret: Ad Sanctos oramus, nedum, vt intercedant tamquam mediatores; verum etiam, vt impleant tamquam Domini: ergo data solutio non tenet. Probatur antecedens: Ex illo, quod Ecclesia à Sanctis Apostolis petit, dicens: *Nos à reatu noxiis solvi iubete, quasumus.* Vbi iubete non signat interpellationem subditi, sed Domini imperium.

81. Respondetur negando antec. Ad probationem dicas: Iis verbis commemorari potestatem, quam viventes Apostoli acceperunt ad ligandum, & solvendum, vt patet ex verbis antecedentibus: *Qui templa Celi clauditis, seque vobis solvitis.* Vnde cum in ligando, & solvendo sint Principes Apof-

tolis eò, vt hoc ostendat Ecclesia, verbis illis illos alloquitur. Verum quia, licet respectu nostri sint Principes, tamen relatè ad Deum sunt servij propterea interpellatores sunt, non Domini. Vnde vel ipsa oratio, quæ ipsos vt Principes salutat, supponit, quòd ipsi prius ad Deum accedunt, ei nostras vel proponendo orationes, vel exprimendo indigentias, & postea, vt cœlestis curiæ Principes, miseris nobis succurrunt.

82. Ex dictis patet responsio ad confirmationem. Adde tamen: nos hic agere de oratione, quæ est actus Latriæ, & hæc solum Deum respicit: quòd si ad Sanctos etiam terminatur, est propter Deum, in quem ultimò refunditur, vt dictum est. Si verò aliqua oratio terminatur præcisè ad Sanctos, hæc non est Latriæ effectus; sed Dulix, de quæ nobis sermo non est.

## QVÆSTIO TERTIA.

*Cuius potentie actus sit oratio?*

83.



Arat originis cognitio cognitionem rei originatæ: Quapropter, vt plenè naturam orationis cognoscamus, eius origine querimus. Et quamquam in superioribus non semel orationem esse virtutè dixerimus: hoc tamen nõ est ita intelligendũ, ac si aliquis habitus esset: quippe oratio non est habitus; sed actus alicuius potentie rationalis. Quæ autem sit potentia hæc investigamus. Pro hac felicissima prole decertant; & quidem potentissimis armis; intellectus, voluntasque, quarum potens potentiarum luctamen in varias sententias compulit abire Doctores.

Prima sententia tenet orationem esse actum voluntatis. Ita S. Bonaventura, Ocham, Medina Cad. de poenit. tract. de orat. cap. 2. Secunda sententia partim cum præcedenti convenit, partimque discriminatur. Air enim, quòd dupliciter possumus ad Deum loqui: primò mediis cõceptibus vocum: quod

certè est quoddam loqui interiùs; & oratio, prout sic, est actus intellectus. Secundò possumus loqui sine his vocum cõceptibus; solum concipiendo res, & dirigendo istum conceptum ad Deum; & sic est oratio actus voluntatis, sicut & loquentio Angelorum, quæ in huiusmodi directione consistit. Hunc dicendi modum Rerit P. Suar. tom. 2. de Relig. lib. 1. cap. 3. & 4. Tercia sententia absolute indicat, orationem esse actum intellectus. Hæc abs dubio est D. Thomæ locis citatis, & Sanctissimæ Theresiæ in de itinere cap. 25. quos Thomistæ, innumerique alii, sequuntur. Cum quibus

§. I. *Defenditur sententia Thomistica.*

84. **N**ostri conclusio: *Oratio est actus intellectus.* Et quia de mente D. Thomæ non licet in hac parte dubitare: Probatur primò conclusio ex Philos. 1. Ethic. dicente: *Ad optima deprecatur ratio.* Ex quo hæc brevis ratio formatur: Oratio est actus po-

potentiæ ad optima deprecantis: atqui hæc potentia est ratio, seu intellectus: ergo. Consequentia est omnino formalis. Minor est Philosophi citati. Maior verò negari non debet: Primò, quia deprecari idem omnino est, ac petere, seu orare. Secundò: quia etsi non essent idem; tamen illa potentia, quæ ad optima deprecatur, est, quæ petit: ergo.

85. Probatur secundò conclusio ex Seraphica Theresia, quæ loco citato ait: Cogitare, & intelligere quid loquimur, & cum quo loquimur, est oratio mentalis: atqui considerare, & intelligere est actus intellectus, & non voluntatis: ergo oratio mentalis actus voluntatis non est; sed intellectus.

86. Probatur tertio ratione fundamentali: Oratio dicitur pro formalis ordinem inferioris ad superiorem: ergo est actus intellectus. Consequentiam nullus Thomista negabit; cum sit Thomisticum dogma, vbiq; à D. Thomâ assertum, quod sumit ut fundamentum ad docendum locis citatis, orationem esse actum intellectus; ex hoc nempe, quòd dicit ordinationem, & ordinatio est opus rationis. Antecedens verò probatur: Oratio nil aliud est, quam actus hominis propriam miseriam cognoscentis, & illam coram Deo manifestantis: sed hoc, quod est hominem in Deum dirigere suam indigentiam, eam manifestando, dicitur pro formalis ordinationem hominis ad Deum: ergo.

87. Confirmatur primò: Nam ut supra dicebamus, oratio est *alicuius, ad aliquem, de re aliqua*, hoc est, est hominis indigentis ad Deum subvenire potentem circa necessitatem aliquam, quæ talis homo gravatur, & à qua exitu desiderat: sed ex hoc sequitur, quòd oratio dicat de formalis ordinatione: ergo. Probatur minor: Oratio nequit consistere in homine indigente, nec in indigentia hominis, nec in desiderio remedii, nec denique in Deo ipso: hæc enim omnia de materiali se habent: quod vel ex eo demonstratur, quòd ante orationem illa omnia dantur: ergo consistit in ordinatione illa, qua homo refert suam indigentiam in Deum, qui

est terminus talis referentiæ. Patet ista: quia non remanet aliud, in quo consistere possit.

88. Confirmatur secundò: Oratio est eius potentiæ, & dicitur pro formalis idem, ac imperium: at imperium est actus intellectus formaliter ordinātis: ergo & oratio. Minor supponi nunc debet, nè ad extraneam peregrinemur. Maior verò est expressa D. Thomæ pluribus in locis; immo loco cit. ex 2. 2. ait: quòd idem actus, qui relatè ad inferiores est imperium, & respectu æqualiū est petitio; si referatur ad Deū, est deprecatio, seu oratio.

## §. II. Obiectiones.

89. **M**irum est quot viis adversarii Auctores has rationes conati sint arretare. Alii enim asserunt, imperium esse actum voluntatis. Alii verò autumant, esse simul, & ex æquo actum voluntatis, & intellectus. At cum, ut dictum est, hoc debeat in præsentiarum supponi, omittimus obiectiones ab hoc principio venientes, quibus opponimus nostros Salmant: tract. 4. disp. 2. dub. 2. vbi quicquid ab hac parte nocere potest, solutum est. Cæterum nè omnia omittamus, contra dictam fundamentalem rationem

90. Obiiciunt primò: Vnum ad aliud ordinare est opus voluntatis: ergo si oratio dicit hanc ordinationem erit voluntatis actus. Antecedens probatur ex D. Thom. 1. part. quæst. 107. art. 1. vbi cum præmisisset intelligibile esse in intelligente tripliciter; nempe habitualiter, in actu, & ut ad aliud relatam, subdit: *de secundo gradu transferetur in tertium per voluntatem: nam per voluntatem conceptus mentis ordinatur ad alterum: ergo.*

91. Respondetur negando antecedens. Ad probationem explicetur D. Thomæ hac distinctione: *per voluntatem ordinatur* originativè, est verum: formaliter, falsum est. Itaque inter intellectum & voluntatem datur mutua dependentia in elicientia suorum actuum: ita, quòd actus, qui formaliter

maliter est à voluntate, radicaliter, seu originativè est ab intellectu, & è contra. Exemplum primi habes in electione, de qua suprà egimus tom. 1. libro 2. Hanc enim nemo negat esse actum voluntatis, quem tamen originativè causat intellectus: quia ex quo per consilium media suggerit, quibus finem voluntas obtineat, potest hæc eligere aliter nunquam electura. Vnde electio initiatur in intellectu; non tamen est actus eius, sed voluntatis: *Quia perficitur electio in motu quedam anima ad bonum, quod eligitur & ideo electio actus est appetitiva potentie.* Ait D. Thom. 1. 2. quæst. 13. art. 1. quid autem sit id, in quo perficitur electio tradidit ipse Angelicus Præceptor quæst. 22. de verit. art. 15. Videnda tamen est combinatio, quam dicto lib. 2. fecimus actuum voluntatis, & intellectus, ut horum veritas facilius percipiatur.

Hoc ipsum, quod de voluntate diximus, invenitur in actibus intellectus. Imperium v. g. quamquam originetur à voluntate, elicitur ab intellectu: Non enim potest intellectus imperare, nisi quod voluntas vult. Verùm quia hoc requirit cognitionem rei præceptæ, & subditorum, quibus præcipitur; nè cæco, & imprudenti modo præcipiatur: propterea requiritur actus intellectus, qui hoc faciat. Voluntas enim, utpotè cæca, hæc videre non potest. Quare autem cùm electio, impetium, & idem intellige de illa ordinatione, de qua obiectio loquitur, ac de aliis actibus, dependeant simul à voluntate, & intellectus: & nihilominus non utriusque potentie formaliter attribuitur: res est nimium Scholastica, & quæ modò supponi debet: licet non semel occasio se se offeret dicendi aliquid circa illam. Videantur interim Salmant. citati.

Maneat ergo, quòd licet imperium, & ordinatio illa, sint à voluntate, ut à movente intellectu, & ab hoc, ut à potentia mota; atque adeò formaliter, & elicitive: tamen cum hoc stat, ut non raro, nec sine proprietate, dicantur actus voluntatis propter dicta. Et sic loquutus est D. Thomas loco allegato,

& aliis pluribus. Vnde in hoc sensu dixit, quòd conceptus mentis *per voluntatem ordinatur.*

92. Obiicies secundò: Oratio est ens reale: ergo non consistit in ordine necessariò dependente ab intellectu: ergo ab alia potentia fieri potest. Probatur prima consequentia: Ordo necessariò dependens ab intellectu ens rationis est: ergo oratio non consistit in ordine necessariò ab intellectu dependente. Antecedens probatur: Vel ille ordo habet esse antequàm intelligatur vel non? Si non: ergo est ens in animas hæc siquidem est entis in anima definitio. Si sic: ergo non dependet ab intellectu.

93. Respondetur negando consequentiam: Ad probationem distinguitur antecedens: *ab intellectu* speculativo, transeat: à pratico, nego antecedens. Hic ordo non ponitur dependens ab intellectu speculativo, sed à pratico: unde non est cur quis illum fictum suspicietur. Ratio huius est differentia intellectus speculativi à pratico. Finis illius, ut suprà dictum est, est veritas: istius verò finis est operatio. Vnde licet ordinatio, seu relatio ab speculativo facta, sit ficta; quia illam efformat solum, ut cognoscatur: edque subiectivè nihil est; nec habet aliud esse, præter quàm obiecti. Practicus verò suas relationes format, ut operetur, & ut iis mediis formalizet res: unde tales relationes sunt aliquid realiter operabile, & extra intellectum: ut videre est in Artifice domum construyente, qui prius ideam ipsius format, deinde illam exequitur, ponens ad extra inter ligna, & lapides illum ipsum ordinem, quem in mente formavit. Nemoq; dicit illum ordinem solum esse, etsi ab intellectu dependat, qui sine non causat lapides, & ligna: sed ea tali dispositione ordinat, ut ex illis sic dispositis domus resultet. Videatur Sapientissimus Magister Ioannes à Sto. Thoma 2. 2. quæst. 83. art. 1.

94. Obiicies tertio: Oratio nequit esse actus impetii: ergo data doctrina non est vera. Probatur antec. Oratio est

est actus supplicantis; imperium verò iubentis: sed supplicare, & iubere toto cœlo distant: ergo.

95. Responderetur distinguendo antecedens: *Imperii* deprecativi, negatur: aliter sumpti, concedatur. Certum est orationem non esse imperium, nec nos tale quid asseruimus. Dicitur autem oratio imperium deprecativum ob similitudinem, quam habet cum imperio: quia, sicut imperium explicatur per verba modi imperativi, *ut fac nos, quasumus: presta quasumus: Exaudi nos, Deus*. Et ob hanc convenientiam in procedendo dicitur imperium deprecativum. Imperium quidem, quia sub formula imperii datur: Deprecativum, quia non imperat, sed precatur. Præcipua tamen convenientia, quoad præsens, consistit in eo, quòd, sicut imperium est delatio, seu manifestatio voluntatis superioris facta subditis, ut rem imperatam faciant: ita oratio est manifestatio voluntatis inferioris facta Deo, ut rem petitam concedat. Vnde voluntas est, quæ movet; & intellectus est, qui hanc voluntatis motionem intimat dirigendo, & dirigit intimando: quòd si hæc intimatio fiat aliis personis præcipienti subditis, dicitur imperium politicum: si fiat aliis potentiis eiusdem personæ imperantis, dicitur imperium monasticum: si autem fiat Deo, dicitur imperium deprecativum.

96. Si dicas: Voluntatem imperare intellectui, & aliis potentiis inferioribus, imò, & sibi: ergo hoc non convenit intellectui.

Responderetur: Voluntatem movere intellectum quoad exercitium actus: quia facit illum tendere in obiectum, in quo intellectus ipse ordinem introducit: similiterque alias potentias movet medio usus; imò & se ipsam movet. Verum ad hæc omnia movet, postquam supponit ordinationem, quæ à solo intellectu causari potest. Et quia voluntas modo dicto movet, dicitur imperare: non quia imperium, aut ordo sint ab illa.

97. Replicabis: Ergo actus obedientiæ (idem est de pluribus aliis) est

actus intellectus. Probas consequentiam: Actus respiciens formaliter ordinationem est per nos actus intellectus: sic est obedientiæ actus; ordinat siquidem hominem ad Deum, illum subiiciendo: ergo.

Responderetur negando consequentiam. Non enim quavis subiectio ad alium est ordinatio intellectus; sed illa, quæ fit intimando, & disponendo aliquid faciendum ab eo, cui talis intimatio fit. Et hoc fit media oratione, vel ut proprius loquar, est oratio, actusque intellectus. Subiici verò Deo ut Superiori, præsupponit Deum præcipientem; atque adeò differt ab oratione.

98. Instas: Quod correspondet *præcipere* se tenet ex parte superioris, est ex parte inferioris, *obedire*: ergo si *præcipere* est imperium, sive politicum, sive monasticum; *obedire* erit imperium deprecativum.

Responderetur negando consequentiam. Reciproca enim correspondentia inter præcipientem, & obtemperantem stat in eo, quòd sicut superior ostendit medio actui intellectus voluntatem, quam habet, ut hoc, aut illud fiat: ita inferior voluntate parer: nec enim præcepta respiciunt intellectum; sed voluntatem; quia respiciunt libertatem. In quo mira consonantia reperitur: nam sicut qui orat, non intendit movere intellectum Dei; sed eius voluntatem, ut illi faveat, (absurdum quippe foret intelligere, orantem dirigere suam petitionem, ut Deus illam cognoscat) atque adeò tendit ad movendam voluntatem Divinam: pariformiter Deus præcipiens non intendit cognitionem sui præcepti; sed executionem, quæ fit per voluntatem.

§. III. *Ultima ratio pro conclusione.*

99. **S**aturam conclusionem satis; superque communiter iudicamus: Verum aliam ratione adiciemus, quæ proximius ad mysticam orationem accedit. Probatur ergo ultimum, & efficaciter ex ipsa nominis etymologia: Oratio mentalis dicitur

citur à mentes seu intellectus: ergo est actus eius. Antecedens patet, non enim poterunt adversarii aliam rationem huius denominationis assignare. Et consequentia probatur primò: Quia non est assignabile aliud fundamentum, ut dicatur mentalis, nisi quia est actus mentis. Secundò probatur à paritate: Idè oratio vocalis sic dicitur, quia est actus oris: ergo mentalis sic dicitur, quia est actus mentis.

100. Confirmatur: Quia, ut ex Casiodoro ait D. Thom. oratio dicitur, *quasi oris ratio*, hoc est, est actus rationis explicatus per os: ergo cum intellectus sit ratio, sequitur, quòd oratio est actus intellectus, ore explicatus.

101. Dices primò: Argumentum ab etymologia est omnino inefficax, ut asserunt Nostri Complut. in Log. disp. 12. quæst. 1. num. 6. ergo rationes factæ non tenent. Antecedens constat ex iis, quæ dicti Patres ibi docent: Nempe, quòd quamvis substantia dicatur à substantando; eius tamen essentia non consistit in hoc: prius enim substantia est, quàm aliis substat: ergo sic, licet oratio mentalis dicatur à mente, non sequitur, quòd sit actus eius.

102. Dices secundò: Mens, à qua oratio dicitur mentalis, non est intellectus; sed anima: ergo ex ratione facta solum habetur, orationem esse actum animæ, operantis media aliqua virtute rationali: ergo cum anima, prout rationalis, non solum operetur medio intellectu, sed etiam media voluntate, non est cur oratio dicatur actus, non voluntatis, sed intellectus.

103. Dices tertio contra confirmationem: Quia inibi loquitur Divus Thomas de oratione vocali, non de mentali: ergo ex adducta auctoritate non habetur, quòd oratio mentalis sit actus intellectus.

104. Respondetur ad primam distinguendo antecedens: *Ab etymologia* signante proprietatem seu effectum, concedatur: essentiam signante, negetur, etymologia est duplex: alia, quæ derivatur ab ipsa natura rei re-

minatæ; & alia, quæ sumitur ab ipsius proprietate, seu effectu. Ex prima colligitur essentia: ex secunda verò non infertur. Manifestum exemplum nobis offert substantia ipsa in oppositum adducta. Substantia enim, ut ait D. Isidorus lib. 2. orig. cap. 27. dicitur, & à subsistendo in se, & à substantando aliis. Aliter tamen, & aliter; nam substat signat substantiæ proprietatem; subsistere verò essentiam: unde bene arguitur: *Substantia dicitur à subsistendo in se: ergo subsistere in se est essentia substantia.* Non tamen: *Substantia dicitur à substantando: ergo hac est eius essentia.* Ob rationem dictam hæc non valet. Unde, cum oratio dicatur mentalis ab essentia ipsius orationis, ut ex dictis patet, propterea argumentum factum verè est efficax.

105. Ad secundam respondetur: Orationem dici quidem mentalem à mente, & mentis nomine hic sumitur intellectus. Primò, quia ad sic sentiendum edocemur à D. Thoma, qui loco citato ex sentent. art. 1. quæstiunc. 2. ad secundum referens definitionem, de qua egimus quæst. 1. ait: Orationem esse *ascensum intellectus in Deum.* Et dicta q. 83. art. 1. in corp. concludit. *Damasceus dicit, quòd oratio est ascensus mentis in Deum.* Ecce D. Thom. apud quem indubitatum est, orationem esse actum intellectus, indifferenter & nomine intellectus, & mentis nomine utentem in definitione orationis: quod non faceret, si nomine mentis aliquid diversum ab intellectu conciperet.

Idem idem Angelicus Præceptor hoc clarissimè docuit 1. p. q. 79. art. 9. ad 4. his verbis: *Diindicare verò vel mensurare est actus intellectus applicationis principia certa ad examinationem propositorum: & ex hoc sumitur nomen mentis.*

Denique Doctores Mystici hoc ipsum sentiunt intellectum mentem nominantes; & voluntatem, quia ad mentem subsequitur, apicem mentis dicentes. Videatur Noster Fr. Ioseph à Spiritu Sancto in sua catena myst. fol. 3:

Ex quibus omnibus robur ingens accipit nostra ratio: siquidem ex illis habetur primò: Nomen mentis positum in definitione orationis sumi pro intellectu, ut patet ex D. Thom. citato. Secundò habetur, nomen mentis desumi ex actu intellectus applicantis principia certa ad aliorum examinationem: unde soli intellectui convenit propriè ratio mentis. Terriò habetur apud Myllas solum intellectum mentis nomine nominari: ergo si oratio mentalis est actus mentis, ut omnes fatentur, sequitur, quòd sit actus intellectus.

106. Ad terciù respondetur: Orationem in communi esse oris rationem, ut patet ex allegata auctoritate. Os autem, sicut & oratio, dividitur in mentale; seu spirituales; & in vocales; seu corporeum. Os spirituale loquitur mentalem orationem: os corporeum loquitur orationem vocalem. Dari os corporeum proferens orationem vocalem, nullum latet. Dari etiam os spirituale, quod mentalem orationem loquatur, certum est. Quod autem sit hoc spirituale: David docet, dum dicit: *Os iusti meditabitur sapientiam*. Ecce asserit os spirituale illud esse, quod meditat. Unde, cum meditatio sit certissimè actus intellectus, ut vel ipsi adversarii nobiscum tenent; sequitur, quòd intellectus est os spirituale, per quod orantes mentaliter loquimur cum Deo. Unde dicta auctoritas Casiodori, & ostendit orationem esse rationis actum, & eam pro diversitate oris dividi in mentalem, vocalemque.

107. Consultò opinionis supra dictæ Suarez non meminimus, ut impugnaverimus: Quia hoc ex dictis assertis esse factum iudicamus. Ipse enim movetur ad asserendum, orationem esse aliquoties actum voluntatis: quia huius potentia est proprios conceptus ad personam, cum qua loquitur, ordinare. Unde, cum ex dictis constet, hanc orationem voluntatis non esse: tempus terecerem, si in huius opinionis oppugnatione immorarer. Eò, vel maxime, quia solutio argumentorum, quæ pro stabilienda illa sua cogitatione efformat

A SPIRITU SANCTO.

Suaris, erit clarissima ipsius impugnatio.

#### §. IV. Argumenta.

108.

**A**rguitur primò: Clamor indigentis, quem Deus exaudit, est oratio: hic clamor est actus voluntatis: ergo & oratio. Probatur minor: Clamor ille est desiderium: ac desiderium est actus voluntatis: ergo. Probatur maior ex illo psalms. *9. Desiderium pauperum exaudivit Dominus.*

109. Confirmatur ex Magno Augustino enarrat. in Psalms. 37. ubi ait: *Ipsium desiderium tuum oratio tua est*: ergo oratio desiderium clamantis est.

Respondetur ad argumentum, & confirmationem: Dictas auctoritates, & plures alias, quibus chartas opplent adversarii, continere sensum, vel causalem, vel materiale; non formalem. Unde, cum dicunt: desiderium esse orationem, & exaudiri à Deo: solum asserunt orationem originari à desiderio: ea enim petimus, quæ habere desideramus: atque idè nostrum desiderium causat nostram orationem: & quia idem causare se ipsum non potest, infertur, orationem aliud quid à desiderio esse.

110. Arguitur secundò: Intellectus alias operationes non habet præter simplicem apprehensionem, iudicium, & discursum: sed ad nullam istarum potest oratio pertinere: ergo non est actus intellectus.

111. Respondetur ex D. Thom. dicta q. 83. art. 1. ad 3. Divisionem illam esse operationum intellectus speculativi. Intellectus verò practicus plures alias operationes habet, ut vidimus lib. 1. oratio autem nō ad intellectum speculativum; sed ad practicum pertinet; ut diximus num. 93.

112. Dices: Si aliqua intellectus operatio esset oratio, maxime illa, quæ loquutio est; quia oratio, ut num. 24. ex Augustino vidimus, est loquutio: atqui hæc non est oratio: ergo. Probatur minor: Loquutio, quæ est actus intellectus, est ad se ipsum: sed oratio est



loquutio ad alium: ergo. Maiorem probat Suarez ex D. Thom. 1. p. quæst. 107. art. 1. ubi ait, quòd quando mens considerat actus; quod habet in habitu, loquitur sibi: ergo.

Respondetur negando minorem, ad probationem distinguatur maior: *Locutio* purè exiens ab intellectu, concedatur: supponens motionem voluntatis, negetur, sicque glossandus est D. Thom. citatus. Itaque cognitio, quæ purè exit ab intellectu, hoc est, ad quâ non præcedit actus voluntatis intellectum; movens, ut in alium tendat, utique est cognitio, qua sibi loquitur intellectus, quiescens in contemplatione rei cognita. Verùm illa cognitio, qua, ex motione præcedenti voluntatis, dirigitur, dirigitque alia intellectus in alium, est locutio cum illo alio, ad quem dirigitur: nihil enim aliud per hanc locutionem intelligitur, quàm talis directio: quiaque non potest hæc directio ab alio fieri, quàm ab intellectu, dicimus esse intellectus actum.

113. Arguitur tertio, & simul replicat Suarez contra dicta: Inter spirituales naturas loquutio nihil aliud est, quàm volitio, per quam loquens vult actum suum ab alio intelligi, viderique: ergo loqui interius ad Deum est velle, ut Deus nostrum desiderium videat; quæ locutio erit petitio; si per talem actum simul quis velit, ut Deus tale desiderium expleat.

114. Confirmatur, & declaratur 1. Oratio purè mentalis est similis locutioni Angelorum: sed hæc est actus voluntatis ex prima parte quæst. 107. art. 3. ubi dicitur, *Angelos solum loqui ordinando per voluntatem conceptionem suam ad Deum, non ut illi aliquid communicent; sed ut ab eo aliquid accipiant*: ergo.

115. Confirmatur secundò: Non est assignabilis actus intellectus, à quo in oratione purè mentali proveniat hæc ordinatio, sitque locutio: ergo non est actus intellectus. Antecedens probatur 1. Supposito desiderio obtinendi rem, actus intellectus, qui dati potest, est cognitio huius desiderii: sed

cognitio hæc, cum terminetur ad ipsum desiderium, non est locutio cum Deo: ergo. *Probatur* secundò idem antecedens: In locutione solum datur conceptus, sive ratio exprimens, & expressa: sed utraque hæc ratio pertinet ad voluntatem: ergo. Minor quoad secundam partem nota est: ratio enim expressa est actus voluntatis; nempe desiderium, quod habet orans. Quoad primam verò partem probatur: Ratio exprimens est actus, quo vult suum desiderium in conspectu Dei representare: hic est actus voluntatis: ergo. *Probatur* minor: Per hoc enim, quod voluntas velit suum desiderium representare coram Deo, ordinat suum conceptum, suumque desiderium ad Deum; atque adeò exprimit suam voluntatem: ergo.

116. Hæc legere placuit plurimis, quibus Suarez introducere fatagit illam suam purè mentalem orationem, quam molitur. Sed certè leviora sunt, quàm ab Eximio Theologo viam novam sternere exambienti sperare possem. Igitur ad arguendum negetur antecedens. Illa enim volitio non est loquutio: Aliud enim est velle audiri, & aliud loqui, ut audiatur: quippe velle aliquid facere, non est facere id, quod vult fieri. Quod adeò verum est, ut id, quod Suarez reputat eundem actum, dicamus non solum esse actus diversos, verum etiam asserimus à diversis habitibus provenire: immo & à diversis potentiis originari. Quod docet D. Thomas dicta quæst. 83. art. 3. ad 2. ubi ait: *Desiderare quidem cadit sub præcepto Charitatis: petere autem sub præcepto Religionis*. Vbi, ut vides, desiderium loquendi provenire à Charitate dicit; atque adeò à voluntate: est enim Charitas, à qua oritur desiderium petendi ea, quibus indigemus. Perere verò ea, quæ desideramus, ad Religionem reducit, & ad intellectum, ut statuerat art. 1. eiusdem quæstionis.

Quod, licet fateatur Suarez ita esse in oratione, quæ purè mentalis non est: negat tamen de illa, quæ purè mentalem appellat. Nos autem phantasticam illam divisionem reputantes, de  
om-



omni oratione dicimus, esse actum intellectus. Ratioque in oratione purè mentali est eadem, ac in illa, quæ purè mentalis non est: quippe, licet natura spiritalis velit actum suum ab alio audiri, viderique si aliud non faciat, non adhuc loquitur: sicut enim potest audiens, quamquam velit, non audires sic potest & indigens, quamvis desideret perire, non postulare.

117. Si dicas: Hoc verum esse de voluntate inefficaci seu conditionato desiderio petendi; non autem de absoluto, quia si hoc datur, non potest non dari petitiō: ergo hæc est actus voluntatis efficaci.

118. Respondetur ex doctrina ipsius Suarez, num. 10. negando antecedens. Ad probationem insertam dicas primò: Quod ad voluntatem efficacem, seu absolutam, habendi aliquid non sequitur infallibiliter petitiō: si namque desiderans cognoscat, se alia via diversa à petitiōe posse consequi, quod desiderat: v. g. amici interpositione, superioris imperio, aut Dei inspiratione: tunc non petit: quia; cùm petitiō ad obtinendum dirigatur: si alia via haberi potest id ipsum, quod desideratur, nō infallibiliter petitiō sequitur. Et ratio à priori ea est: quia, cùm aliquis finis per diversa media obtineri valeat: quamquam voluntas in illum tendere decernat, non cogitur hoc, aut alio medio determinatè uti sed potest quodcumque indifferenter eligere, prout voluerit. Vnde si voluntas potest diversis mediis obtinere, quo eget ex desiderio habendi, non rectè inferitur necessitas postulandi.

Addè: Quòd licet ad desiderium absolutum petendi sequatur certò petitiō: non tamen sequitur, quòd petitiō sit illa voluntas efficax petendi: si namque idem forent, non inferret voluntas petitiōem: Vnde, cùm petitiō sit effectus voluntatis desiderantis, planè sequitur realiter inter se differre.

119. Ex dictis, quæ sunt ad mentem Suarezii præcitari, habetur, quid dicendum sit pro completa huius sui argumenti solutione. Potest enim dari

in oratione purè mentali voluntas absoluta habendi aliquid, desideriumque: ut Deus illam voluntatem explicat: cum quo stat, quòd non adhuc intelligatur petitiō: primò, quia potest illa voluntas aliis mediis expleri. Secundò, quia licet sola petitiōe explenda sit, adhuc non datur petitiō: hæc enim est illius voluntatis effectus, ut dictum est: eoque ex hoc non habetur, quòd sit actus voluntatis: sed quòd ad illam operè intellectus consequatur.

Et sanè haud ægè cognoscitur, non esse discrimen, quoad hoc, inter orationem, quam Suarez dicit purè mentalem, & aliam: Quia si Angelus inferior velit petere ab aliquo ex pluribus sibi superioribus aliquid: per hoc præcisè, non adhuc datur petitiō, quia adhuc non datur determinatio vnus Angeli superioris, ad quem, relictis aliis, petitiō fiat. Et insuper facta iam determinatione: dum vni loquitur, alii non audiunt; licet detur actualis petitiō. Quare hoc? Quia deficit directiō illius voluntatis: qua posita, & datur locutio relatè ad illum, ad quem directiō fit, & consequenter ille audit. Ex quo sequitur, & quòd petitiō sit distincta ab illa efficaci voluntate, & quòd non sit actus potentie desiderantis: sed dirigentis.

120. Ad primam confirmationem dato transeat ad maiorem, negetur minor. Ad auctoritatem D. Thomæ responderetur ex suprà dictis. Ordinationem, seu directionem vnus ad alium esse actum voluntatis solum præsuppositivè. Et miramur Suarezium querere in D. Thoma subsidium in re evidenter opposita Sanctissimæ Præceptorii, quem, si legisset articulo immediatè sequenti ad illum, quem pro se adducit, non tanta animositate duceretur. Sic enim ait Angelicus Doctor loco citato art. 4. *Locutio Angelii in intellectuallí operatione consistit.* Similia habet q. 9. de verit. art. 4. ad 9. Vnde Suarez potest quidem sua sensa defendere: sed communem Magistrum non offēdat.

121. Ad secundam confirmationem negetur antecedens. Ad primam

probationem negetur maior: Supposito enim in voluntate desiderio obrinendi, sequitur ex morione ipsius voluntatis in intellectu cognitio directa, qua cognoscimus exprimendo, ordinandoque nostram cognitionem ad alium, cui manifestare intendimus indigentiam nostram. Quod ut aliter penetres, memoro: nos dupliciter posse cognoscere: scilicet, & nobis, & aliis. Cognitio, qua nobis cognoscimus, prærequirit actum voluntatis, quo volumus pro nobis cognoscere, ad quam voluntatem sequitur cognitio pro nobis, quæ media, non aliis, sed nobis ipsis loquimur. Cognitio verò, qua aliis cognoscimus, supponit actum voluntatis, quo volumus in ordine ad alios cognoscere, & hic actus movet ad cognitionem, qua illis aliis loquimur. Vnde

clare percipitur, quòd ad desiderium obrinendi rem non sequitur cognitio ipsius desiderii sed cognitio dirigens desiderium ipsum in eum, à quo consequi sperat, quod non habet.

122. Si dicas: Deum non indigere hac directione, ut indigentiam cognoscat. ¶ Respondetur: Orationem nostram non fieri ad Deum; quia hic ea indigeat, ut intelligat. Requiritur tamen directio illa, ut indigens loquatur, exprimens ordinationem, & dispositionem eius, quod per superiorem fieri vult, eique subiiciatur.

123. Ad secundam probationem illius antecedentis secundæ cõfirmationis negetur maior. Aliud est enim velle repræsentare suum desiderium; aliud verò de facto repræsentare, seu exprimere, ut multoties dictum est.

## QVÆSTIO QVARTA.

*Utrum Oratio eliciatur à virtute Religionis?*



On bene positionem aliquam firmavit, qui salebras in eam emergentes non elisit; aliter id ipsum, quod fecit, insectum abs dubio lametabitur. Simile mihi eveniret, si hanc quæstionem non excitarem. Quæstionis antea actum, ut potui, communivi, & ab aliis quibus argumentis vindicavi; sed restat aliud adeo vrgens, ut solo eo, solo æquanda, constructa fabrica ruat, ni pareatur modus, quo robustum hoc telum proteletur. Ad hoc ergo quæstio præfens excitatur, in qua ferocientes impetus conabimur cicurare.

§. I. *Præstantur aliqua, & referuntur sententia.*

124. **Q**uod dupliciter potest virtus aliqua influere formaliter in aliquem actum. Primò ita ut inter virtutem influentem, & actum mediant potentia alia diversa ab ea, in qua illa virtus residet, & etiam alia virtus. Secundò ita ut sola virtus mediet sed non potentia. Tertiò ita ut potentia mediet, &

non virtus. Quartò denique ita ut nec virtus, nec potentia mediet. Exemplis rem illustro.

In actum fidei, directum in Deum finem supernaturalē, influit formaliter charitas, cuius est Deum, ut finem supernaturalem respiciere. Taliter tamen influit, quòd inter ipsam charitatem, & fidei actum mediant & habitus fidei, & intellectus, à quibus ille actus elicitur. Etiam ipsa charitas influit in actum humilitatis eodem modo Deum respicientis: at inter talem actum, & charitatem, licet mediet habitus humilitatis; nulla tamen potentia mediat: quia charitas, & humilitas pertinent ad voluntatem.

Similiter fides, & poenitentia influunt formaliter, illa in externam fidei confessionem; & hæc in confessionem peccatorum: Inter quas virtutes, & dictas confessiones mediant facultates, seu potentia externæ, quibus ex confessiones fiunt: nulla tamen mediat virtus. Quod docet D. Thom. tum 2. 2. q. 3. art. 1. ad 3. tum in 4. dist. 17. quæst. 3. art. 2. quæst. 3. ubi, licet cognoscat

cat diversitatem potentia, sunt enim illarum confessiones ab ore, & lingua; non tamen admittit diversitatem virtutum sed à fide, & poenitentia asserit provenire.

Tandem charitatis habitus influit in suum actum charitatis; quin virtus, aut potentia mediet, ut de se notum est.

125. Quibus scitis, eam ad rem nostram applicantes, dicimus, quod quando inter potentiam influentem, & actum mediant alia potentia, aliaque virtus; vel sola virtus mediat, etsi non mediet potentia, tunc ille actus non est proprius illius virtutis mediatè influentis; atque adeo non elicitur ab illa; sed imperatur: ut patet in dictis actibus fidei, & humilitatis, qui ob hanc rationem à charitate solum imperantur; non autem eliciuntur. Eadem certitudine supponendum est, quod quando nec potentia, nec virtus mediat; tunc actus est ita proprius virtutis influentis, ut ab ea eliciatur.

Vnde tota difficultas devolvitur ad virtutem influentem sine mediatione alterius virtutis, quamquam potentia mediet, quæ difficultas excitatur propter virtutem Religionis, à qua oratio elici dicitur: quia, cum Religio sit in voluntate, & oratio, ut patet ex tota questione præcedenti, sit actus intellectus, vix percipitur, quod oratio à Religione eliciatur. Hæc difficultas admodum gravis est, & *qua non videtur hucusque usque ad fundamentum exinanita*. Verba sunt Sapientissimi Magistri Ioannis à Sancto Thoma 2. 2. quæst. 81. art. 4. eiusque gravitas in varias sententias Auctores Mysticos, & Scholasticos divisi.

Prima negat, orationem elici à virtute Religionis. Auctores huius opinionis non parum inter se discriminantur; conveniunt tamen in hoc, quod Religio non elicit orationem. Sic Alensis 4. p. quæst. 88. Gab. sup. Can. lect. 49. Medina C. de orat. dub. 2. & alii. Secunda oppositum tenet, quæ abs dubio est D. Thom. locis sæpe citatis: sic etiam sentit Seraphica Theresia in de via perfectionis cap. 30. explicans il-

lud orationis Dominice, nempe: *Sanc- tificetur nomen tuum*. Et lib. vitæ cap. 11. Sequuntur hanc opinionem communiter Thomistæ.

## §. II. Statuitur nostra Conclusio.

126. **N**ostra Conclusio: *Oratio elicitur à Religione*. Probatur primò ex illo psalm. 140. ubi ait David: *Dirigatur oratio mea, sicut incensam in conspectu tuo*. Ex quibus verbis hæc ratio conficitur: Directio orationis in Deum est sicut directio incensi, quod in odorem suavitatis Domino offertur: sed incensi oblatio propriè est à virtute Religionis: ergo oratio à Religione producitur propriè; hoc est elicitivè. Maior constat ex verbis adductis psalmi. Minor verò continet doctrinam glossæ à Divo Thoma approbatam 2. 2. quæst. 83. art. 3. in argumento, *Sed contra*, quam adducit ad probandum, orationem à Religione elici.

127. Deinde probatur conclusio ratione fundamentali D. Thomæ eodem art. 3. in corp. ad hanc formam redacta: Oratio exhibet Deo formaliter cultum, & reverentiam: ergo elicitur à Religione. Antecedens patet ex suprà dictis, ubi pluries diximus, orationem præstare formaliter Deo cultum; quia illum omnipotentem, & pium confitetur, & illi se subiicit, nobilissimum donum, nempe mentem propriam, sacrificando. Præterquam quod ipsum antecedens est expressum D. Thom. dicentis loco citato: *Ad Religionem propriè pertinet reverentiam, & honorem Deo exhibere*.

Iam verò probatur consequentia: Actus exhibens formaliter cultum Deo elicitur à Religione: ergo si oratio hoc facit, à Religione elicitur. Antecedens probatur primò ex D. Thoma dicente: *Omnia illa, per quæ Deo reverentia exhibetur, pertinent ad Religionem*. Secundò probatur idem antecedens: Actus, qui specificat Religionem, & specificatur ab obiecto Religionis, elicitur à Religione: actus exhibens formaliter cultum Deo specificat Religionem, & ab ip-

ipsius obiecto specificatur: ergo. Consequentia est omnino formalis. Maior inde patet: Quia implicat attingi obiectum formale alicuius potentia, vel habitus, nisi ab actibus propriis habitus, vel potentia, cuius proprium est illud obiectum. Et quia habitus, sicut & potentia, non specificatur ab obiecto immediatè, sed mediante actus propterea idem actus, qui specificatur ab obiecto habitus, ipsum habitum specificat: unde verum est, quòd actus, qui specificatur ab obiecto Religionis, illà specificat ac per consequens elicitur ab illa.

Iam verò minor negari non debet: Quia actus, per quem Religio attingit suum obiectum formale, & specificatur ab ipso obiecto, & specificat Religionem, ut patet ex modò dictis: atqui actus exhibet formaliter cultum Deo est, per quem Religio attingit suum obiectum formale: siquidem cultus ille est obiectum formale Religionis: Vnde hæc definitur: *Virtus, quæ debitum cultum Deo tribuit tanquam primo omnium principio*: ergo tenet minor.

128. Confirmatur primò: Religio insluit formaliter in actum orationis: ergo illum elicit. Antecedens admittitur à Proceribus sententia nobis adversæ. Et consequentia probatur: Virtus influens formaliter in aliquem actum, vel illum imperat, vel elicit: nec datur alius modus formaliter influendi: atqui Religio non imperat actus orationis: ergo elicit. Cætera constant, & minor probatur: Prænotando discrimen, præ oculis habendum, quod est inter virtutem elicientem, & imperantem. Etenim virtus eliciens aliquem actum illum ordinat in finem intrinsecum, seu obiectum specificativum ipsius. Virtus autem imperans ordinat actum imperatum in finem extrinsecum ipsi actui. Ut patet in charitate, cuius actus elicitus, nempe amor, diriguit in finem sibi intrinsecum à charitate. Imò charitas ipsa, medio suo elicto actu, attingit obiectum specificativum utriusque. Actum verò imperatum non dirigit in finem intrinsecum actus: sed in proprium

charitatis finem, qui actui extrinsecus est. Radix huius doctrinæ ea est: quòd virtus eliciens actum dat illi primum suum, & essentiale esse: unde, cum esse specificativum actus veniat ab obiecto, seu termino intrinseco ipsius: propterea idem est illum elicere, ac in talem terminum ordinare. Virtus autem imperans supponit actum: atque adeò & ipsius specificum esse: quare influxus, quem in illum præstat, non est, ut in finem intrinsecum dirigat: sed ut in extrinsecum ordinet. Perpetuus est Angelicus Doctor in hoc discrimen statuendo. Videatur in 3. dist. 27. quæst. 2. art. 3. quæstiunc. 3. & in 4. dist. 15. quæst. 3. art. 1. quæstiunc. 3. ubi ait: *Actus ab illa virtute elicitur, qui secum convenit in propria ratione obiecti*. Ex his ergo

Probatur illa minor primò: Quia Religio dat primum, & specificum esse actui orationis, ut virtuoso, qualiter de illo loquimur: ergo illum elicit. Consequentia constat ex immediatè dictis. Et antecedens probatur: Esse specificum orationis est exhibere Deo cultum mentem sacrificando: atqui hoc habet oratio à Religione, cuius est Deo cultum exhibere: ergo. ¶ Probatur secundò illa minor: Cum actus convenit in propria ratione obiecti cum virtute in illum influente, tunc virtus non imperat: sed elicit actum, ut modò ex D. Thoma vidimus: at oratio convenit cum Religione in propria ratione obiecti: siquidem utraque respicit eundem cultum: ergo.

### 6. III. Argumenta.

129.

**A**rguitur primò: Actus intellectus nequit elici ab habitu incidente in voluntate: ergo oratio, quæ actus est intellectus, nequit elici à Religione, quæ in voluntate residet. Probatur antecedens: Habitus elicit actum, ad quem concurrat, elevando potentiam: at habitus illam solum potentiam elevat, in qua est: ergo.

130.

Confirmatur primò: Intellectus est potentia consummativa orationis: ergo in eo debet residere virtus, quæ

quæ ad eius elicentiam concurrat. Ergo hæc virtus non est Religio. Hæc secunda consequentia constat ex prima, quæ patet ex eo, quod communiter dicitur, nempe, quod virtus ponitur in potentia consummativa operis. Antecedens verò probatur. Quia nihil aliud intelligitur per potentiam consummativam operis, nisi potentia elicitiva illius operis, cuius est elicitiva: ergo.

131. Confirmatur secundò: Mediatio obest elicentia: at inter Religionem, & orationem mediat intellectus: ergo nequit Religio orationem elicere. Probatur maior: Si namque mediatio non obesset, posset virtus elicere actum, etsi alia virtus medietur: at hoc est falsum, ut patet ex numero 125. ergo.

132. Respondetur argumento negando antecedens. Ad probationem negetur minor, vel claritatis gratia distinguatur: *In qua est*, sive formaliter, sive per virtutem ab illo derivatam, concedatur: formaliter præcisè, negetur. Duplici modo est habitus in aliqua potentia, & utroque est potentia elevativus. Primo modo est formaliter in se: & hoc modo Religio est in voluntate, eamque elevat, ut suos actus eliciat. Secundo modo est per virtutem à se decisam: qualiter in instrumentis est principale agens: & hoc modo est Religio in intellectu: siquidè illi imprimit motionem quamdam, media qua intellectus actum orationis producit.

Quæ, quia sunt præsentis controversiæ cardo, amplius explicare oportet. Etenim oratio & dicitur entitatem physicam, & etiam rectitudinem virtuosam. Entitatem habet ab intellectu, qui illam producit, sine eo, quod voluntate adiuvente indigeat. Est enim entitas hæc locutio quædam, per quam intellectus propriam indigentiam fateretur. Quæ quidem locutio indifferens omnino est, nec ex huius vi habet, per quod constitutur in esse virtutis. Ast si hæc entitas physica, seu locutio, formalizetur per virtuosam rectitudinem, qua illa locutio elevatur, ut ea expressio indi-

gentiæ fiat coram Deo, eo animo, ut media ipsa expressione, Deo cultus conferatur; iam illa expressio hac rectitudine pulchra, in sacro virtutum canone constituitur. Et hoc est, quod à Religione habet oratio: Quiaque hæc rectitudo est de linea voluntatis, ut nemo negat: propterea ab habitu residente in voluntate producit. Unde Religio per se ipsam elevat voluntatem; & media motione, quam intellectui imprimit, elevat intellectum, ut utraque potentia orationem producat, intellectus producens entitatem, & voluntas rectitudinem. Quod & nil aliud retrudit punctum hoc, quod tantum displicet Doctoribus sententiæ adversæ. Verum contra dicta

133. Obiicitur primò: Implicat Religionem imprimere intellectui motionem, per quam confortetur ad elicendam orationem, ut virtuosam: ergo data doctrina non tenet. Probatur antecedens. Actio à Religione procedens est immanens: ergo nil potest imprimere intellectui. Patet ista: Quia actio immanens nil potest facere extra propriam potentiam, ad differentiam actionis transeuntis.

134. Obiicitur secundò: Si dicta vera sunt, oratio potius est actus voluntatis, quam intellectus: ergo non debet absolute dici actus intellectus. Probatur antecedens primò: Quia in esse virtutis provenit oratio à voluntate, licet eius physica entitas sit ab intellectu: ergo potius debet dici actus voluntatis: cum ab ea habeat, quod principale est. ¶ Secundo probatur idem antecedens: Quia, ut patet ex num. 128. eius est actus, à quo habet suum specificum esse: sed esse specificum orationis est à voluntate: ergo. Probatur minor: Esse specificum orationis est esse virtutis ipsius: sed hoc habet à voluntate, à qua formalizatur entitas, quam habet ab intellectu: ergo.

135. Respondetur ad primam objectionem, ea videntes omnem Philosophiam evertere. Nil enim certius in ea, quam reciproca motio, quæ inter intellectum, & voluntatem versatur: cum

cum certo certius sit, actus intellectus, & voluntatis immanentes esse. Vnde id ipsum de Religione dicentes respondemus: eius actus esse quidem formaliter immanentes, sed virtualiter transeuntes: quare virtutem suam imprimunt intellectui, ut ea media operetur.

136. Secunda obiectio cum suis probationibus procedit ex sinistra intelligentia eorum, quæ in præsentī materia omnino inspicendi sunt. Itaque actus procedens ab aliqua potentia, non absolute sumpta, sed prout ab alia dependet; dependet à duplici illa potentia; ab una, ut à moventes ab alia verò, ut mota: ita taliter, quod in potentia mota cõpletur talis actus. Vnde, cum à duplici illa potentia dependeat, ab utraq; accipit esse, quod utriusque causalitati correspondet: quare, cum illæ potentia concurrant, una ut movens, & alia ut mota, actus habet à potentia movente id, quod formale est: à potentia autem mota habet id, quod est materiale. Ratioque huius ea est: quod unumquodque agit, & movet secundum quod est in actu; agit tamen, seu movetur secundum quod est in potentia: vnde movens, utpotè in actu, tribuit id, quod est æquale, formale, & specificum, quæ idem quoad præsens sunt. Potentia verò mota, utpotè in potentia, tribuit id, quod est materiale, entitativum, seu substantiales hæc enim idem omnino sunt.

Hoc supposito, actus iste à duplici hæc potentia dependens, absolute, & simpliciter tribuitur illi potentia, à qua habet, non id, quod est formale; sed id, quod substantiale est. Quod dicimus tum auctoritate, tum ratione ducti. Auctoritate quidem, quia D. Thomas, & cum eo communiter Theologi sic sentiunt, docentes electionem esse absolute, & simpliciter actum voluntatis, à qua actus electionis habet substantiam: licet ab intellectu habeat, quod formale est in ipso actu. Simile evenit in actu imperii. Videri debet Angelicus Doctor, 1. 2. q. 13. art. 1. in corp. Vbi hæc clarissime tradit, ubi loquutus de actu electionis ait: *Ille actus, quo*

*voluntas tendit in aliquid, quod proponitur, ut bonum, ex eo, quod per rationem est ordinatum ad finem, materialiter quidem est voluntatis, formaliter autem rationis. In huiusmodi autem substantia actus materialiter se habet ad ordinem, qui imponitur à superiori potentia; & ideo electio substantialiter non est actus rationis, sed voluntatis. Perficitur enim electio in motu quodam anime ad bonum, quod eligitur. Vnde manifestè actus est appetitiva potentia. Ecce D. Thomas electionem absolute nominatam actum appetitiva potentia; ex eo, quod ab illa habet substantiam. Quæ electio: in præ oculis habenda est, quia multoties invenitur apud D. Thomam similis locutio, cuius rationem habes tract. sequenti, disp. 6. à num. 69. Aliud doctissimi Salmat. in annotatione ad citatum articulum D. Thomas videatur.*

137. Ex dictis ergo colligitur regula generalis ad cognoscendum, cui potentia, quando plures concurrunt, attributus est actus, ut imperanti, & cui ut elicienti: & ex his, quæ tum per se; tum medio aliquo suo habitu, actus eliciunt, habetur, cui attributus est talis actus quoad substantiam; cui verò non. Ut imperanti, attribuitur illi potentia, quæ concurret modo dicto numeri. 128. Ex his verò, quæ ad elicientiam concurrunt, alia concurret, ut superior, & movens; alia verò, ut inferior, & mota: prima tribuit, quod forme est in effectu; secunda autem id, quod est materiale. Quod, præter dicta numero præcedenti de electione, docet clarissime D. Thomas de verit. q. 14. art. 5. dicens: *Quandocumque duo sunt principia moventia, vel agentia ad eandem creaturam, id, quod in effectu est ab agenti superiori, est sicut formale; quod vero est ab inferiori agenti, est sicut materiale.* Et quia potentia tribuenti id, quod materiale, seu substantiale est in actu, attribuitur iste, ut patet ex verbis eiusdem Angelici Doctoris numeri. antecedenti: propterea actus tribuitur absolute, & simpliciter potentia concurrenti, ut motæ.

Ratioque ibi assignata à S. Thoma hæc

hoc convincit: quia illi potentiae attribuentur est absolutè actus, in qua iste perficitur, & completur: completur, & perficitur in potentia substantiam adiuante, ac ut motus concurrente: ergo huius est actus absolutè. Consequentia est formalis. Maior est expressa Divi Thom. his verbis: *Perficitur enim electio, &c.* Vbi ex eo, quòd electio perficitur in voluntate, concludit electionem esse voluntatis actum. Minor autem negari non debet.

138. Hanc generalem regulam materiae praesenti applica, & factam objectionem, pluresque alias, quibus adversarii utuntur, contemnes. Intellectus, & voluntas concurrunt ad orationem. Voluntas, ut movens intellectum ad petendum: non enim petit intellectus, nisi quod voluntas desiderat: unde à voluntate habet oratio id, quod formale est. Intellectus concurrat, ut motus: unde ab illo habet oratio substantiam: quiaque actus dicitur absolutè eius potentiae, quae substantiam tribuit: propterea diximus quæst. præcedenti, orationem esse actum intellectus: & modò asserimus, ipsam orationem elici à Religione residente in voluntate. Per quæ patet ad obiecta. Videantur Salmanticenses citati.

139. Ad primam confirmationem ex num. 130. respondetur i. dist. antecedens: *Orationis* quoad substantiam, conceditur: quoad rectitudinem, substantiam illam formalizantem, negatur. Et deinde negatur consequentia: quia virtus non ponitur in potentia consummativa actus quoad substantiam: sed in potentia consummativa actus quoad formale rectitudinis: eò quòd actus quoad substantiam, cum non superet capacitatem potentiae, non eget ista virtute confortante: at, quia in esse virtutis excedit potentiae vires, indiget virtute vires conferente.

Respondetur secundò: Concesso antecedenti distinguendo primum consequens: *Virtus* in se, & formaliter, nego: in sua motione ab ipsa virtute proveniente, concedo: & sic Religio media sua motione residet in intellectu, quam-

quàm in se, & formaliter sumpta, subieciatur in voluntate.

Respondetur tertio distinguendo idem consequens: *quæ ad eius elicentiam concurrat*, si talis elicentia foret rigorosa, concedo: Cum non est rigorosa: sed improprie, seu large talis, nego consequentiam. Licet, cum solum mediatur potentia, detur elicentia: tamen hæc elicentia non est ita propria, ac illa, quæ datur, cum nec virtus, nec potentia mediant. Et inter hanc duplicem elicentiam hoc interest: quòd elicentia propria requirit virtutem in potentia: ac elicentia impropria hæc virtutem non requirit: sed solum motionem à virtute derivatam. Per quod patet ad secundam confirmationem ex num. 131.

140. Arguitur secundò: Restitutio orationis est de linea intellectiva: ergo nihil est in oratione, quod à Religione provenire possit. Probatur antecedens: Oratio, ut diximus num. 97. est imperium deprecativum: sed restitutio imperii est de linea intellectus: cum ordinet unum ad alium: ergo.

141. Confirmatur primò: Restitutio orationis provenit ab illa motione, quæ à voluntate descendit in intellectum: atqui illa motio est virtus intellectiva: ergo. Probatur minor: Quia quod ab intellectu descendit in voluntatem, fit de linea volitiva: ergo quod à voluntate descendit in intellectum, fit de linea intellectiva.

142. Confirmatur secundò: Id, quod participat intellectus, ut orationem eliciat, est vera virtus: at non est Religio: ergo hæc non concurrat ad elicentiam orationis. Probatur maior primò: Quia virtus est dispositio perfecti ad optimum, ut patet ex 3. physicor. cap. 3. Sic est id, quod participat intellectus, ut orationem eliciat, ut de se pater: ergo. Probatur secundò illa maior: Quia si illud, quod intellectus participat, poneretur virtus, nil magis faceret, quam modò facit: ergo prout modò ponitur, est virtus.

143. Respondetur ad argumentum negando antecedens. Ad probationem.

tionem dicas: quòd, licet oratio dicatur imperium deprecativum ob dicta num. citato; differt tamen ab imperio in eo, quòd imperium, cum sit superioris, regular, quæ imperat, quod solius intellectus est. At imperium deprecativum est inferioris; eoque regulare non potest sed petere quod quidem nullam rectitudinem exprimit: si namque mala, vel bona male petat, dabitur entitas physica orationis; sed sine rectitudine virtuosa. Vnde requiritur voluntas hanc rectitudinem conferens; atque adeò orationis rectitudo propria voluntaris est.

144. Ad primam confirmationem negetur minor. Ad probationem concessio antecedit negetur consequentia. Discrimen est, quòd intellectus, utpotè potentia perfectissima, continet formas omnium; atque adeò nedum continet verum, sed etiam bonum: non quod attingat per proprium ipsius actum, sed quod per id, quod inprimis voluntati, attingat. Voluntas verò, quia inferior est non potest continere in se rationem veri; quia hæc ratio nimis abstracta est, solumque attingere potest rationem boni, quæ minus abstracta, utpotè, quæ concernit existentiam. Vnde id, quod descendit ab intellectu in voluntatem, fit de linea voluntatis; non autem è contra. Ex quo sequitur, quòd descendens ab intellectu in voluntatem respicit rectitudinem propriam lineæ volitivæ; quod verò habet à voluntate intellectus, cum non transeat ad lineam veri, illud attingere non potest; sed manendo intra lineam boni illud solum attingit. Et hoc est, quod evenit in oratione, cuius rectitudo est propria voluntatis, ut sæpe dictum est.

Explicatur hoc: Etenim quod intellectus communicat voluntati, cum sit à potentia superiori, perfectissimum quid est, eoque habet rationem formæ simpliciter perficientis voluntatem. Quod verò hæc communicat intellectui cum sit à potentia inferiori, non perficit illum simpliciter; sed solum secundum quid: est enim modus quidam

vialis, & incompletus. Et inter id, quod per modum formæ perfectæ communicatur, & id, quod per modum modi confertur, hoc interest: quòd primum perficit potentiam receptivam in ordine ad obiectum proprium ipsius potentie: vnde fit de linea ipsius, respicitque potentie obiectum, ut sui proprium. Secundum verò extrahit potentiam receptivam à linea suæ capacitatis essentialis: non enim datur, ut illam potentiam perficiat in ordine ad proprium obiectum; sed potius ut illam extrahat ad obiectum alterius. Ex quo habes, quòd id, quod ab intellectu descendit, est forma perfecta, simpliciter perficiens potentiam in ordine ad proprium obiectum, quod etiam proprium est talis formæ, ut patet in Iustitia, quam ab intellectu participat voluntas, & aliis virtutibus moralibus, quæ derivantur à ratione, velut quædam eius sigillationes, ut tradit D. Thomas quæst. 1. de virtut. art. 9. Cæterum id, quod à voluntate derivatur in intellectum, est quidam modus imperfectus gerens vires virtutis, à qua derivatur; vnde proprium obiectum virtutis, pro qua substituitur, respicit. Quare modus, quem Religio imprimit intellectui, ut orationem eliciat, manet de linea affectiva, respicitque idem obiectum, ac Religio; eoque oratio dicit rectitudinem propriam lineæ volitivæ.

145. Per quod ad secundam confirmationem negetur maior: Cuius prima probatio non urget: quia, licet verum sit, quòd virtus est dispositio perfecti ad optimum: tamen ly *perfecti* positum in definitione virtutis, signat subiectum perfectum, constitutum per ipsam virtutem: cum autem intellectus non perficiatur per id, quod à Religione participat; eò quòd est quidam modus imperfectus, ut dictum est; propterea, licet ille modus sit dispositio ad optimum, scilicet ad actum orationis, non autem est dispositio subiecti perfecti per ipsam dispositionem; eoque nec virtus est.

Adde: quòd ly *dispositio* iuxta communem usum Doctorum non sumitur, prout



prout differt ab habitu: sed prout est idem, ac habitus, per modum entitatis completæ perfectientis, constituentisque subiectum, quod formalizat. Modus autem dictus non est habitus: sed quoddam viale, modoleque incompletum: Vnde, cum non participet ratione genericam virtutis, virtus esse non potest: sicut Angelus nō est homo: quia, quamvis rationalis sit, non participat rationem genericam animalis.

Ad secundam probationem maioris negetur antecedens: quia, si ille modus esset virtus, redderet intellectum simpliciter perfectum, quod nunc non facit: sed tantum perficit illum secundum quid. ¶ Adde: Quod, si esset virtus, faceret id, quod nunc facit: verum faceret virtute propria: non autem virtute, & nomine Religionis, cuius vices gerit, eiusque vicaria, illa virtuositas.

## DISPUTATIO TERTIA.

*De necessitate orationis.*



Rationis necessitatem omnes clamant: sed quāquā omnibus nota sit, plura circa illā solēt disputare Doctores: tum circa necessitatis modum, seu obligationis gradū: tum circa tem-

pus, quo hæc obligatio urget. Nos vero selectiora solummodo disputantes, videbimus, quæ necessitate oratio necessaria sit, & an in primo instanti usus rationis sit necessaria?

## QVÆSTIO PRIMA.

*Utrum oratio necessaria sit, & qua necessitate?*

1.



Equimur de oratione sive mentali, sive vocali, & ut sine confusione loquamur, scias primò: Necessitatem, quoad præsens, esse duplicem: aliam mediæ, & præcepti aliam: Id est necessarium necessitate mediæ, quod requiritur ut medium ad consequendum aliquem finem: Et eo modo, quod ad hoc requiritur, erit necessarium: vnde dividitur in necessarium absolute, & ex suppositione: illud est, sine quo finis absolute haberi non potest: istud verò, sine quo ex suppositione non potest haberi. Insuper medium necessarium aliud est tale simpliciter: aliud verò ad melius esse. Item aliud medium est necessarium ex ipsa natura finis obtinendi, ut gratia relatæ ad gloriam: aliud verò non est necessarium ex ipsa natura finis: sed ex determinatione dirigentis ad finem, ut Baptizans, qui in omnibus, sive adultis, sive parvulis, sive ratiocinantibus, sive amentibus requiritur: & potest esse ne-

cessarium quoad aliquos, ut mandatorum observatio, quæ in ratione videntibus requiritur: non autem in infantibus.

Necessarium necessitate præcepti attenditur penes præipientem, qui sua lege, seu imperio, cogit ad hoc, vel illud faciendum, omittendumve. Et hoc, iuxta diversitatem præceptorum, dividitur in præceptum naturale, Divinum, & humanum. Quorū notitiam, & aliorum, quæ prius diximus, passim apud Auctores Scholasticos, Moralesque reperies. Nobis verò hæc indigitaile sufficiat.

Circa præsentem difficultatem leve dissidium est in resolutione sumendas: sed illam ab Heterodoxorum ictibus vindicare non levem curam requirit.

Sunt enim, quæ in necessitatem orationis iaculantur, gravissima, tam

in se ipsis, quæ ob abstrusas materias, quas concernunt.

§. I. Proponitur, & probatur nostra prima Conclusio.

2. **P**rima Conclusio: *Oratio est necessaria necessitate medii ad salutem.* Sic communissimè Theologi cum Divo Thoma in 4. dist. 15. art. 1. quæstiunc. 3. & cum Sanctissima Theresia pluribus in locis suorum operum. Videatur lib. vitæ cap. 11. & in itinere cap. 16. Probatur primò auctoritate D. Thomæ citati: *Ad orationem*, ait, *quilibet homo tenetur, ex hoc ipso, quòd tenetur ad bona spiritualia, sic procuranda, qua non nisi Divinitus dantur: Unde alio modo procurari non possunt, nisi ab ipso petantur.* Et inibi ad 1. ait: *Amor, qui maximè voluntarius est, necessarius est, si quis velit ad salutis finem pervenire, & hoc modo etiam oratio necessaria est, & sub præcepto cadens respectu eorum, quorum voluntas sub necessitate prædicta cadit.* Hæc Angelicus Dr. in quibus & suam nobis mentem revelat, quam sectemur, & fundamèta sternit, nè impingamus. Ex iis ergo sic breviter sed efficaciter, probatur conclusio nostra.

3. Sine oratione non potest consequi salus: ergo oratio est simpliciter necessaria ad consequendam salutem. Patet ista ex dictis num. 1. de necessario simpliciter. Antecedens probatur: Quivis tenetur ad procuranda bona spiritualia gratiæ, & gloriæ, quæ non nisi Divinitus dantur: sed ad ista bona procuranda requiritur simpliciter oratio: ergo. Probatur minor: Oratio requiritur simpliciter ad illa bona, quæ non habentur, nisi petantur: sic sunt prædicta bona, ut patet ex prima auctoritate D. Thomæ: ergo tenet minor.

4. Confirmatur primò: Amor Dei est necessarius simpliciter ad salutem consequendam: ergo & oratio. Probatur cōsequentia ex secunda D. Thomæ auctoritate, ubi non solum ponit orationem necessariam ad salutem: sed eodem necessitatis modo requiri adstruit, ac amor requiritur, ibi: *Et hoc modo oratio etiam necessaria est.* Ergo cum amor sit necessitate mediæ necessa-

rius, simili modo oratio necessaria est.

5. Confirmatur secundò: Ad ea est simpliciter necessaria oratio, respectu quorum voluntas cadit sub necessitate simpliciter, licet ex suppositione: sed ut voluntas salutis finem consequatur, necessitatur simpliciter ad amorem habendum, & ad alia plura: ergo simili necessitate adstringitur ad orationem, ut eundem finem obtineat. Cōsequentia bona est, & minor certas: maior verò est expressa D. Thomæ præcitati.

6. Dicis: Durum omnino est ponere tantam necessitatem in oratione, ac in amore, in ordine ad consequutionem salutis: ergo oratio non est modo dicto necessaria. Antecedens videtur certum: Est enim amor, qui adhuc inter Theologicas virtutes primas fert: illo in hac vita Deo unimur, & in futura beamur: illo omnes aliz virtutes valorantur, quæ sine illo, aut prorsus eradicantur, aut in cadaver redactæ moriuntur in his, & aliis innumeris amor eminet: ergo cum illo nequit oratio parificari.

Respondetur: Certo certius esse, amorem Dei esse inter omnes virtutes perfectissimum. Verum hic excessus impertinens omnino est in præsentibus: ubi non rerum perfectionem disquirimus: sed orationis necessitatem disputamus: & licet amor, quoad perfectionem præsters tamen hic excessus non arguit orationem necessariam non esse: ut patet in fide, quæ omnino necessaria est ad salutem: sine fide enim impossibile est placere Deo: & tamè fides multum distat à perfectione charitatis: ergo licet oratio sit minus perfecta, est æquè necessaria.

Quod durum non erit cognoscendum, quòd impossibilis est beatitudinis assequutio, nisi prout est nobis à Deo conferenda: atqui Deus decrevit conferre nobis salutem media oratione: ergo sine illa consequi non potest. Cætera certa sunt, & minor est plusquam certa. Primò: Quia constat ex innumeris locis sacrae Scripturæ, ait enim Dominus Lucæ C. 18. *Oportet semper orare.*

*orare.* Et nē putares verba hæc consilium, & non præceptum continere, ait Chrysostomus. *Dum, oportet, dicit, necessitatem inducit.* Insuper ait ipse Dominus: *Petite, & accipietis.* Vbi tanquā medium necessarium ad accipiendum assignatur oratio. Et clarissimè Iacobi cap. 5. dicitur: *Orate pro invicem, ut salvemini.* Quibus verbis evidenter ostenditur, quod non aliter, nec aliis nisi oratibus panditur Ætherea domus omnipotentis olympi. Ergo quāquā absolute posset nobis aliter beatitudo conferris facta tamen suppositione Dei decernentis illam, ut medium ad salutem, quod ex adductis auctoritatibus nobis constat, est iam simpliciter necessaria. Quod omne etiam invenitur in Baptismo, ut vidimus initio huius quæstionis.

7. Instabis: Etsi ex dictis habeatur orationem esse simpliciter necessariam; hæc tamen necessitas non est per se, hoc est, ratione ipsius orationis; sed per accidens, id est, ob alias virtutes: ergo non est adeo necessaria.

Respondetur primò: Quod si oratio conceditur nobis simpliciter necessaria; quod hæc necessitas sit ratione ipsius orationis, vel ob alias virtutes, nihil, aut parum refert. Et certè argumenta opposita, ut auxilia, & virtutes consequantur, & perseverantia usque in finem. Quæ certissima sunt, ut pluribus ostendere possemus. Sed nō omitam Augustinum dicentem lib. de bono perseverantia cap. 16. *Deum danda non orantibus alia, sicut initium fidei, alia non nisi orantibus præparasse, sicut usque in finem perseverantiam.* Quibus verbis præter illam primam illustrationem, quæ actum nostrum præcedere debet, omnia sunt materia per oratio-

nem postulanda; quia non nisi orantibus præparata sunt. Dicere verò, quod illa necessitas est per accidens, est sinistra intelligentia necessitatis per se, & per accidens.

Aliud est enim, quod res sit necessaria per accidens, & aliud, quod sit necessaria per aliud seu propter aliud. De quo videre poteris nostros Commentenses, & Salmanticenses tract. 21. disp. 35. dub. 2. num. 32. Propter finem sunt necessaria omnia media: unde si coinciderent necessarium propter aliud, & per accidens, nullum medium foret per se necessarium. Imò destrueretur status quæstionis, & celebris divisio, cui innititur, necessarii in necessarium necessitate medii, &c. Nam quid quid necessarium est necessitate medii, non est necessarium propter se, sed propter aliud. Hoc ergo modo est necessaria oratio: ac per consequens non per accidens, sed per se necessaria est; licet necessitetur propter alia; nempe ut consequantur auxilia, ut habeantur virtutes, ut obtineatur perseverantiæ donum, & ipsa gloria. Quod autem sit necessitas per accidens postmodum num. 51. operosius ex Salmanticens. aperiemus.

Secundò est oratio necessaria per se; quia ipsa, quamquā orans nulla re indigeret, adhuc necessaria foret. Quod, ut capias, memento illius duplicis respectus, quem orationem habere in superioribus diximus: scilicet respectus ad rem petitam, & respectus ad Deum, a quo petitur. Secundus respectus præcipuus est; eo quod destrueretur natura orationis, si ille respectus non daretur. Primus autè necessarius est etiam: alii non ut essenziale constitutivum; sed ut circumstantia indispensabilis ex vi præsentis constitutionis, in qua pluribus indigemus, quæ, ut obtineamus, necessaria omnino est oratio. Et de oratione, prout dicit istum respectum, diximus paulò ante esse per se necessariam; quia non est alius modus illas res obtinendi, nisi media petitione.

8. Nunc verò addimus, orationem esse per se necessariam, secundum quod

quod dicit illum essentiælem respectum ad Deum, cui per mentis oblationem cultus gratissimus offertur. Moveor ad hoc: quia homo teneret ad offerendum Deo cultum, & ipsi omnia sua consecrare: sed ad hoc est necessaria per se oratio: ergo.

9. Dices: Est quidem necessarium Deo cultum exhibere, quod sanè pertinet ad Religionem; cæterum non est necessarium, ut fiat per actum orationis; quippe fieri potest per alios actus ipsius Religionis, ut per devotionem. Quod si fiat recursum ad alias virtutes, clariùs hoc patet; quis enim dubitet, posse quempiam supplere illum ipsum cultum, qui media oratione Deo offertur, per actum charitatis? Ergo oratio non est modo dicto necessaria.

Respondetur primò: Posse certè per alium actum eiusdè Religionis, & etiam per aliam virtutem à Religione v. g. per charitatem, suppleri, quod per orationem Deo exhibetur. Verùm qui ex hoc negat necessitatem orationis, negabit etiam esse necessariam poenitentiam ad abolenda peccata; eo quòd actus charitatis est virtualis dolor de peccatis, cum quo cõpari peccata haud possunt.

Respondetur secundò: Per nullam virtutem distinctam à Religione, nec per alium actum Religionis, quàm per orationem, posse Deo offerri illum cultum, quem oratio exhibet: quippe cultus iste consistit in sacrificio propriæ mentis, quæ per solam orationem sacrificatur, ut ex superioribus notum est: ac propterea datur speciale præceptum de oratione sic sumpta, ut docet Divus Thom. 2. 2. quæst. 83. art. 3. verùm hoc ad aliam conclusionem accedit.

## §. II. Secunda conclusio.

10. **N**otra secunda cõclusio: *Oratio necessaria est necessitate præcepti.* Non loquimur de præcepto Ecclesiastico; sed de naturali præcepto, & in hoc sensu communis est inter Theologos conclusio. Eam docet D. Thomas locis citatis. Clarèque habetur in sacra Scriptura, ubi fre-

quentissimè modo imperativo nobis oratio proponitur, ut patet ex textibus suprà adductis. Idem cõstat ex eo, quòd Ecclesia vitur ante orationem dominicam, ubi differtè asserit, quòd talem orationem dicimus *præceptis salutaribus moniti, & Divina institutione.*

11. Deinde probatur hac ratione: Media necessaria ad salutem sunt nobis à Deo præcepta: oratio est medium necessarium ad salutem, ut vidimus §. antecedenti: ergo oratio est à Deo præcepta. Consequentia est in tertio modo primæ figuræ. Maior probatur ex D. Thom. 2. 2. quæst. 3. art. 2. ubi ait: *Dicendum, quòd ea, quæ sunt necessaria ad salutem, cadunt sub præcepto Divina legis.* Idem dixerat quæst. 2. art. 5.

12. Confirmatur primò: Per præcepta dirigitur homo in vitam æternam: ergo de iis, quæ necessaria sunt ad salutem, dantur præcepta: ergo cùm oratio necessaria ad salutem sit, sequitur, quòd cadit sub præcepto. Secunda consequentia constat ex prima, quæ probatur primò: Si de necessariis ad salutem non darentur præcepta, deficeret providentia in necessariis: ergo. Probatur antecedens: Deficiente directione deficeret providentia: at deficiente præcepto deficeret directio: ergo. ¶ Probatur secundò idem antecedens: Ex inductione fidei, Spei, charitatis, & aliorum, quæ, quia necessaria sunt ad salutem, cadunt sub præcepto: ergo similiter de oratione dicendum est.

13. Confirmatur secundò: Deum colere, & revereri cadit sub præcepto, ut patet ex illo Matth. *Deum tuum adorabis, & illi soli servies:* Sed oratio Deum colit, revereturque: ergo cadit sub præcepto.

14. Dices: Tale præceptum implicat: ergo non datur. Antecedens probatur primò: Necessarium necessitate medii non est necessarium necessitate præcepti: oratio sic est: ergo de ea non datur præceptum. Probatur maior: Necessarium adequatè dividitur in necessarium necessitate medij, & præcepti: ergo cùm membra dividentia debeant se excludere: quod est necessarium pri-

mo modo, non potest esse secundo modo necessarium.

Probatur 2. illud principale anteced. Si tale præceptum daretur, vel esset naturale, vel Divinum: neutrum potest dici: ergo. Probatur minor quoad primam partem: Præceptum naturale dicitur à naturæ lumine, sequiturque rationem naturalem: sed implicat, quòd oratio dicitur à lumine naturæ, aut sequatur rationem naturalem: cum sit in se quid supernaturale, mediumque ad consequendam beatitudinē supernaturalem: ergo præceptum de oratione non potest esse naturale. Sed nec divinum: probatur: Quia tale præceptum vel est affirmativum, vel negativum: at præceptum de oratione nequit esse affirmativum, nec negativum: ergo. Probatur minor quoad primam partem: Præceptum affirmativum non obligat ad semper, quamquam semper obliget: sed præceptum orationis obligat semper & pro semper: ergo. Minor in qua est difficultas probatur clarissimè iis testibus, quibus nos ipsi vti sumus suprâ: ait enim Christus Dominus Lucæ cap. 18. *Oportet semper orare, & non deficere.* & 1. ad Thesal. 7. dicitur: *Sine intermissione orate.* Ergo si hæc verba continent præceptum de oratione, tale præceptum nõ erit affirmativum, vtpotè *sine intermissione* obligans. Sed nec negativum est: probatur: Hoc præceptum imperat actum positivum: ergo negativum non est.

Insuper probatur hoc præceptum non esse Divinum: Præcepta Divina modificantur ab Ecclesia, quoad tempus adimplerionis eorum, vt inductivè ostendi potest: sed Ecclesia non adhuc determinavit; imò nec potest determinare tempus pro oratione: ergo. Probatur minor: Quia, cum hic loquamur de oratione abstrahente à mentali, vocalique, & Ecclesia non possit de occultis iudicare; eò non potest orationem sic sumptam præcipere: ergo.

15. Respondetur negando antecedens. Ad primam probationem distinguo maiore: *non est* formaliter, concedo: entitativè materialiter, nego maiorem. Qua distinctione evanescit dif-

ficultas: quia necessitas medii sumitur per ordinem ad finem: necessitas autè præcepti attenditur per ordinem ad præcipientem; unde, licet in eadem entitate coincidat hæc duplex necessitas; tamen, cum sumatur per ordinem ad diversâ, datur sufficiens distinctio, vt possit ad utramque divisionis partem attrinere. Quod mille exemplis poteris comprobare.

Ad secundam probationem antecedentis respondetur: Quòd, cum hic loquamur de oratione, quæ est virtus supernaturalis, certum debet esse, quòd tale præceptum est Divinum: tum ob ea, quæ in obiectione tanguntur: tum quia est à Deo Austore supernaturali. Insuper est naturale; quia supposita fide, & cognitione beatitudinis supernaturalis: & omnium eorum, quibus homo indiget, vt talia consequatur: valde naturale est, quòd homo videns propriam indigentiâ recurrit ad Deum, qui solus potest illum à sua miseria elevare, auxilia conferens, quibus bonum illud consequatur. Videatur D. Thom. 2. 2. quæst. 10. art. 1. ad 1. vbi asserit, quòd infidelitas est aliquomodo contra naturam; quia licet fides sit supra naturam, vtpotè virtus supernaturalis; tamen, quia, supposita fide, *in natura humana est, ut mens hominis non repugnet interiori instinctui, & exteriori veritatis predicationi;* idè ex hac parte præceptum fidei est naturale; eoque contra naturam infidelitas ei opposita. Unde obiectio volens hoc præceptum orationis esse vel purè naturale, vel purè Divinum, peccat: cum habeat utrumque, nempe, & naturale, & supernaturale.

Quare in forma respondetur negando maiorem: Non enim est hoc præceptum naturale; vel Divinum; sed utrumque; non purè, sed partim est Divinum, & partim est naturale modo dicto. Deinde negetur etiam minor, ad cuius primam probationem, quatenus doctrinæ datæ ob stare potest, distinguatur maior: *præceptum naturale* purè tale, conceditur; partim tale, subdistinguitur: *dicitur à natura lumine* sup-

supposita fide, concedatur: ea non supposita, negetur. Et sic resolvatur tota illa probatio.

Ad secundam probationem respondetur: Tale praeceptum, quod Divinū certè est, esse abs dubio affirmativum: unde non obligat ad semper. Illæ auctoritates, quæ contrarium probare videntur, non obsunt: quia illis non iubetur, quòd continuò finis in oratione actuali: quippe oratio, ut ait Divus Thomas loco citato ex 4. sentent. potest sumi & in se, & quoad effectum. Oratio in se non iubetur ad semper. Quoad effectum verò ad semper præcipitur: quia prout sic nihil aliud est oratio, quàm recta, & ordinata operatio, ad quam semper obligamur. Et certè, ut ait Glossa in 1. ad Thesal. *Non cessat orare, qui non cessat bene agere*: & sic intelligendi sunt textus illi, ait Angelicus Doctor, aliter impossibilia præciperet. Videatur ipse D. Thomas dicta q. 83. ubi aliter textus dictos explicat.

Ad ultimam probationem dicās: Ecclesiam statuisse quidem tempus, quo hoc praeceptum impleatur: siquidem Ecclesiasticis assignat horas canonicas & pro omnibus ponit celebrationem Divinorum officiorum, & Missarum, omnes adesse impetans, ut huic praecepto satisficiant.

16. Instabis: Tam horæ canonicæ, quàm alia ex iis, quæ diximus, pertinent ad orationem vocalem: ergo cum hîc loquamur de oratione abstracta, non est ad rem data doctrina.

Respondetur: Ecclesiam præcipere, quòd Missarum solemnia celebrentur, in quibus dantur celebrantes, & intercessentes. Celebrantibus imperat plura, quæ vocaliter dicât, sed alia etiâ tradit quæ non iubet vocaliter recitari: quin potius iuxta communem usum mentaliter fiant: ut patet in præparatione ad Missam, in gratiarum actione post illâ, in oratione, quam post sacratissimi corporis Domini Nostri sumptionem fieri ordinat, & etiam in mementis, & in aliis. Nec negamus cum Suario posse Sacerdotem in dictis orationibus orare vocaliter, voce valde submissa,

Hoc tamen dictis non obest: quia Ecclesia, inquit: nunc vrget tempus adimplendi praeceptum orandi: in hoc ergo tempore, in quo ex mea designatione vrget hoc praeceptum, præcipio Sacerdotibus, ut hæc, & illa vocaliter dicât: alias orationes etiam facere præcipio: sed quòd vocaliter, vel mentaliter fiant, ad arbitrium Sacerdotum relinquo: quomocumque autem fiant praecepto satisfaciunt. Idem proportionabiliter dic de intercessentibus: nam eis præcipit Ecclesia, quòd Divinis officiis assistant orantes: quòd verò oratio hæc vocalis, mentalive sit, eorum libito committit.

17. Repliebis: Non potest Ecclesia præcipere orationem vel vocalem, vel mentalem pro libito orantis, faciendam, quin possit præcipere orationem vocalem, mentalemque: at Ecclesia nō potest præcipere orationem mentalem: ergo. Probatnr maior: Non potest quis præcipere aliqua sub disunctione faciendâ, quin supra illa, quæ iubet, iurisdictionem habeat: ergo vt Ecclesia præcipiat orationem vocalem, seu mentalem, debet supra utramque iurisdictionem habere.

Vt clatè procedas, scias: hoc effatum: *Ecclesia præcipit orationem mentalem* (de hac enim est specialis difficultas) trifariam capi posse: primò ita vt praeceptum cadat supra orationem mentalem, qua oratio præcisè est: secundò supra ipsam, vt oratio mentalis est: tertio supra eandem, non vt oratio, nec vt mentalis est: sed vt tali tempore exercenda est. Secundum hanc triplicem acceptionem.

Respondetur primò: Ecclesiam non præcipere orationem mentalem, nec vt mentalem, nec vt orationem: sed assignare tempus, in quo praeceptum à superiore latum impleatur: unde tale praeceptum habet à Deo vim obligandi: quòd verò hic, & nunc satisfieri debeat, habet ab Ecclesia, quæ certè hoc præcipere potest: quin propter hoc supra ipsam rem præceptam quoad substantiam, potestatem habeat, vt cerneret est in pluribus aliis præceptis Divi-

als, quorum adimpletionis tempus designat Ecclesia. Nec propter hoc aliquis dixit, Ecclesiam potestatem habere supra sublimitatem talium præceptorum.

Respondetur secundò: Ecclesiam præcipere orationem mentalem, non quia mentalis est, sed ut oratio est. Quod ut faciat, sufficit, quòd potestatem habeat supra orationem vocalem. Vrgetur enim præceptum satisfaciendi præcepto orationis: & ait Ecclesia: nunc orandum tibi est: ora ergo, vel vocaliter, quòd tibi præcipere possum; vel mentaliter, quòd tibi imperare non valeo: quoquo modo autem ores, præceptum implet: & quia orationem vocalem præcipere valeo, idè absolute orare iubeo.

Respondetur tertio: Ecclesiam posse præcipere orationem mentalem, quia mentalis est, non auctoritative, ut Domina illius interioris actus, de quo iudicare non potest sed ministerialiter vrgendo, media propositione obligationis, ut præceptum à superiori auctoritate impositum, impleatur. Sic enim multoties videmus Ecclesiam præcipere orationem purè mentalem pluribus.

18. Si dicas: Hoc esse còtra D. Thom. 1. 2. q. 91. art. 4. asserentem: Ecclesiam ea solum præcipere, quæ potest iudicare: vnde, cù non possit iudicare de occultis actibus orationis mentalis, sequitur, quòd nec illos præcipere valeat.

Respondetur D. Thomam intelligi de præcepto, non ministerialiter, sed auctoritative lato. *Præterquam quòd* licet Ecclesia non possit còtentiosè compellere, nec iudicare de interioribus potest tamè mediis suis Ministris in foro Sacramentali iudicare.

### §. III. Argumenta.

19. **M**ultifariam, multisque modis, assertis veritatibus opponuntur multi; adeò in illas acti, ut non solum necessitatem negent, sed etiam orationis utilitatem, honestatem, aliæque huc concernentia, deturbent. Diversis viis procedunt, de quo videri potest Castro verbo *oratio*: omnes tamen conveniunt in hoc, quòd oratio non est necessaria ad salutem;

A SPIRITU SANCTO,

atque adeò nec præcepta: sic hæretici sentiunt. Est etiam in hac parte suum iuxta Orthodoxos dissidium; alii enim magis, alii minus necessariam orationem recognoscunt. Argumenta contra utramque còclusionem promiscuè proponemus.

20. Arguitur primò: Oratio dedecet liberalitatem Divinam: ergo non est à Deo præcepta: ergo nec necessaria. Secunda consequentia constat ex prima: quicquid enim est necessarium ad salutem, præceptum à Deo est, ut vidimus num. 11. ex D. Thoma. Prima consequentia certissima est: Implorat enim Deum præcipere, quòd ipsum dedecet. Antecedens probatur: Quia est còtra rationem summè liberalis expectare petitionem, ut indigentibus subveniat, sicut ait Seneca: sed oratio est petitio indigentis: ergo contraria est Divinæ liberalitati.

21. Confirmatur: Volenti, scientique, quibus homo indiget, non est oratio necessaria, ut subveniat: sed Deus, quia summè bonus, & summè sciens, scit, vultque, quibus egemus, prius quàm petamus: ergo illi necessaria oratio non est.

Respondetur argumento negando antecedens: Ad probationem respondetur primò: liberalem secudum, quem solum cognovit Seneca, egere illa anticipatione in succurrendo, ut liberalis credatur: Deus autem, cuius natura bonitas, his expressionibus non indiget.

¶ Respondetur secundò distinguendo mai. *Expectare petitionem*, quam ipse non causat, transeat: ad quam ipse præmoveret, & movet, nego maiore. Liberalis à quo aliquid petimus; si causa est petitionis, quam facimus, est maxime liberalis: quia & tribuit, quòd petimus, & media confert, quibus desiderata petamus. Vnde, cùm Deus sic se habeat per hoc, quòd petitione expectat, summam liberalitatem ostendit.

Respondetur tertio. Deum in conferendo nobis sua bona respicere nostram utilitatem: & quia utilissima est nobis oratio: cùm mediante ea nostram indigentiam, misericordiamque cognosca-

K

rus,

mus, mentemque nostram Deo conseremus: idè non est contra Dei liberalitatem petitio nostra; sed potiùs ostenditur maximè liberalis; dū cōsulens vtilitati nostræ imperat, vt petamus.

Denique respondetur quartò: Deum plurima nobis conferre beneficia, quæ non petimus, imò illa nobis adiicit, quæ oratio petere non præsūmit. Quare etiā ex hac parte lucet sūma Dei liberalitas, qui vel non petētes suis gratis decorat: & petētibz, quæ nocerent, iis abiectis, profutura, quæ nec cogitāt, impertitur.

22. Ad confirmationem respondetur: Orationē non esse necessariam, vt Deus sciat hominum indigentias; sed vt nos Deo subiiciamus, eique cultum, & obsequium offeramus, vt sapiùs dictum est. Nec, cū Dominus interrogabit Petrum de eius amore, illum Petri amor latebat; sed fecit, vt Domino subderetur, eadem lingua factus, qua priùs illum negabat.

23. Arguitur secundò: Oratio habet rationem causæ relatè ad illum, ad quem funditur: ergo illam Deus non præcipit. Probatur antecedēs: Movens, & inclinans aliquem ad aliquid faciendum habet rationem causæ respectu moti, & inclinari: si oratio esset necessaria, moveret, & inclinaret Deum: ergo, &c. Minor certa est: Ille enim est effectus orationis. Maior verò etiā patet: Nihil enim aliud requiritur, vt aliquis sit causa, nisi quòd moveat, & inclinet.

24. Confirmatur: Qui orat vel intendit Deum movere, vel non? Si non: ad quid orat? Si sic: Ergo oratio Deum movet.

25. Respondetur: Orationem habere rationem causæ relatè ad rem, quā petit, vt de se patet: at relatè ad personam, à qua petit; si talis persona creata sit, habet oratio rationem causæ moralis; quia media illa excitatione, & inclinatione, quam oratio causat, nequit non esse causa moralis illius personæ vt sic inclinata.

Cæterum respectu Dei negandum omnino est orationem habere rationem causæ: Deus enim omnium suprema

causa est: vnde oratio nostra non movet; nec excitat Deum, vt tribuat, quod petimus; sed ipse Deus ab æterno decrevit nobis hæc, & illa dare: & quia est supremus Provvisor, nihil est in effectu, quod eius providentiam subterfugiat, arque adeò decrevit cōferre beneficia, & decrevit causas, medijs quibus illa conferret: vnde, sicut decrevit tritici multiplicationem media industria hominum, & labore, sic statuit nobis benefacere media oratione, quæ clauditur sub illa serie, quam providentia assumit, vt nobis beneficiat. Nemo ambigit, posse Deum concedere sine oratione id, quod media oratione concedit: sicut potuit triticum multiplicare sine hominum labore, qui certè iam necessarius est, ex quo à Deo decretus est. Sic & oratio, ex quo Deus illam statuit, vt causam proximam eorum, quæ nobis concedere vult, necessaria prorsus est, habetque rationem causæ relatè ad rem obtinendam; suam verò efficaciam habet à Deo, qui solum à sua infinita bonitate motus inclinat se ad nobis beneficiendum.

Per quod patet ad argumentum, & confirmationem: Oratio respectu Dei non habet rationem causæ; nec hoc, quod est movere, & inclinare, est effectus indispensabilis orationis: siquidem, cū ad Deum funditur, illum effectum non habet: funditur tamen, quia Deus decrevit benefacere mediante oratione, vt causa intermedia, vt ex dictis patet.

26. Arguitur tertio: Oratio terminatur ad superfluum, vel impossibile: ergo nec est necessaria; nec à Deo præcepta. Probatur antecedēs: Vel habet Deus ab æterno decretum conferre illud, quod media oratione petitur; vel nō? Si sic: superflue petitur; quia, licet non petatur, conferetur. Si non: impossibile petitur; quia stante decreto de non conferendo bonum, impossibile redditur eius collatio.

27. Vergetur hoc primò: Qui orat, vel intendit mutare Divinam voluntatem; vel non? Si sic: impie facit. Si non: ad quid orat? cū Deus non possit cedere



tedere id, quod petit, quin voluntatem mutet.

28. Vrgetur secundo: *Qui orat: vel scit Deum decrevisse conferre bonum, quod petit vel scit decrevisse contrarium? Si primum; superflue orat, ut dictum est. Si secundum: impie petit; cum supponat Deum mutabilem;*

29. Si dicas: Neutrum scires; & ideo petit. Contra est: Ergo orans cum hac ignorantia nec absolute, nec sub conditione potest petere. Patet ista quoad secundam partem: Conditio, sub qua posset petere, est hæc: *Si contrarium determinatum non est:* Sed hæc conditio supponit prædefinitam collationem boni, pro qua orat, cum voluntas Dei non possit excogitari suspensa: ergo petitio hæc conditionata superflua est. Pro prima verò parte probatur eadem cōsequencia: Quia non potest absolute aliquo peti id, quod ignoratur, an possit, vel non possit cōcedere: sed qui modo dicto à Deo petit, ignorat, si Deus potest, vel non potest cōcedere, quod petit: ergo. Probat minor: Si Deus decrevit non conferre illud bonum, reddita iam est impossibilis eius collatio: ergo qui ignorat hæc determinationem, nescit si collatio boni, quod petit, sit possibilis.

30. Facilius hæc vrgentur, quam enodantur. Continent quippe senticosam difficultatem, quæ à primis sæculis multis, & quidem ingeniosissimis, paravit ruinam. Alii enim videntes necessitatem orationis dicebant, orationem mutare Divinam voluntatem. Alii ex opposito credentes immutabilitatem Dei, orationis necessitatem negaverunt. Quibus plures ex iis Catholicis, qui literas nec nominare sciunt, voluit tamen videri sapientes, morem gerunt: continuè hæc pipientes: ut quid Missæ, carnis maceratio, & huiusmodi alia? Quia si Deus decrevit nos salvare, sine his omnibus fiet: sin minus, numquam eveniet. Hæc viri aliàs Catholici, qui circa res temporales nulli sollicitudini parant, ut in dies augeantur. Si hæc crocitantibus linguam latinam noscerent, ad Caietanum remitterem 2.2. quæst. 83.

ut sub tanti Doctoris ferula pretium stultitiæ ferrent.

Ut autem obscuræ huic materiæ aliam quam lucem conciliemus, habendum præ oculis est: quod vel Deus decrevit dare, quod ab ipso petimus, vel non? Si secundum asseras, quamquam ores, non obtinebis: & in hoc apparet immutabilitas voluntatis Divinæ. Si primum dicas: obtinebis quidem, sed quidem sine oratione neutquam obtinebis: & hoc ostendit orationis necessitatem. Ratioque huius ea est: quod decretum Dei, ut ex dictis patet, non terminatur ad rem absolute; sed ut mediis hisce causis intermediis concedenda: atque adeò, cum oratio causa intermedia sit, eaque proximior, non dabitur res petita sine oratione; sicut triticum sine labore non dabitur. Et in hoc etiam apparet Dei dominium illasum: quia in prima consideratione, cum non obtineatur, quod petitur, explicatur Dei immutabilitas. In secunda verò, cum obtineatur ex ipsius decreto, semper, & dare, & negare in eius supremam voluntatem refunditur. Et quod de oratione diximus, de auxiliis, & aliis mediis ad finem consequendum necessariis affirmamus: omnia enim illa à Deo habent suam efficaciam, non à libero arbitrio, aut à nostra cooperatione. Quod, quia à nostris Thomistis passim explicatur, indiguisse sufficiat, ut videas coherentiam doctrinæ, & quod nihil aliud de oratione dicimus, nisi quod cuiuscunque medii est proprium. Et quia factis argumentis, & similibus orationem à medio tollebant hæretici, ut omnia, quæ in illam obiciebant, videantur profundissime enervata, videndus omnino est D. Thomas 3. contra Gent. cap. 56. & 1. p. q. 23. art. 8. aliter non longius evaginemur, & obiecta dissolvamus,

31. Scias: Orationem nostram mensurandam esse cum voluntate Dei, qui duplicem voluntatem habet: aliam antecedentem, seu signi: aliam consequentem, seu beneplaciti. Quatum notitiam ex Theologia Scholastica petere debes. Non tamen omitam, quod voluntas

antecedens respicit bonum absolutè voluntas verò consequens respicit bonum, ut vestitum omnibus suis circumstantiis: unde id, quod est bonum respectu volūtatis antecedentis; atq̃ adeò amatur, solet non esse bonum, ut attinet ad voluntatem consequentem: quia res, quæ absolutè sumpta est bona, potest per aliquam circumstantiam viciari. Quod patet in proiciende merces, nè vitam amittat. Hoc etiam modo Deus voluntate antecedenti vult omnium hominum salutem: at quia in magna domo non solum sunt vasa honoris; sed etiam contumelie; propterea voluntate consequenti non omnium salutem decernit.

Nostri ergo mens debet in petendo confirmari cum voluntate Dei antecedenti, ut docet D. Thomas dicta quæst. 83. art. 5. ad 2. ubi ait: *Ad secundū dicendū: quod, cum orando petimus aliqua, quæ pertinet ad nostrā salutē, cōformamus volūtātē nostrā volūtati Dei, de qua dicitur 1. ad Thimo. 2. quod vult omnes homines salvos fieri.* Quod si de voluntate consequenti nobis constaret, tunc cum ea conformaremur: verum, cum de illa nobis non constet, conformamur cum antecedenti. His hac brevitate dictis:

32. Respondetur argumento negando antecedens. Ad probationem dicas: Nostram orationē respicere rem petitam, prout pertinet ad voluntatem antecedentem, qualiter bona est. Atque adeò res illa non est, ut à nobis petitur, impossibilis: quia impossibilitas, quam habere potest, est ex suppositione, orta à decreto de non conferendo talem rem: hoc autem decretum non est voluntatis antecedentis, sed consequentis, cuius est decernere: unde illa res v. g. salutis Petri petitur, ut est bona, & possibilis: cum adhuc non intelligatur suppositio illam impossibilem reddens. Et ob eandem rationem non petitur superflue, quia adhuc decretum extare non intelligitur. Per quod patet ad confirmationes.

Ad primam quidem, quia orans conformatur cum voluntate Dei anteceden-

ti, quam certè mutare non intendit, & quæ adhuc intelligitur sine decreto reddente impossibilem rem, quam oratio petit. ¶ Ad secundam dicas: Orantem scire, adhuc non intelligi decretum de conferendo, vel non conferendo rem, pro qua orat, quia hoc decretum est voluntatis consequentis, cum qua non regulatur, sed cum antecedente.

Nec solutionem inter arguendum datam sustinemus: quia, cum voluntas, quam oratio respicit, velit certissimè illud bonum; idèò petit, quod scit Deū velle, eoq̃ non sub conditione aliqua specialis sed absolutè petit. Unde, cum scimus rem esse bonā, absolutè perimus, si autè ignoramus an sit; vel nō sit bona, tunc perimus sub hac conditione: *Si Deo placeat.*

33. Contra dicta tamen obijciens primò: Si oratio respiceret voluntatem antecedentem, esset, ut ea media moveretur voluntas consequens ad sic; vel aliter decernendum: sed hoc non cohæret cum supremo Dei dominio, ut dictum est: ergo data doctrina ruit. Probatur maior primò: Quia si non sic concurreret, ad nihilum deserviret illa antecedentia. Secundò: Quia quæ se tenent ex parte actus primi influunt in actum secundum: sed voluntas antecedens se habet, ut actus primus respectu volūtatis consequentis: ergo.

Respondetur negando maiorem. Cuius primam probationem dicimus non urgere: quia illa antecedentia nō est causalitatis sed præcisionis. Supponit enim, qui orat, voluntatem consequentem iam decrevisse, quid faciendum sit: non tamen ab illa regulatur, quia ignorat, quid per illam decretum sit; atque adeò, quid sit bonum, possibileq̃ respectu ipsius. Quod non evenit per ordinem ad voluntatem antecedentem, respectu cuius bonum est, & possibile id, quod petitur. Unde orans scit cum tali volūtate conformari, dum petit: & idèò absolutè petit.

Unde, ut omnis æquivocatio vitetur, memento, quòd non dicimus, orantem respicere volūtatem signi ac si ab

atet-

eterno illa oratio prævideretur à Deo, ut sic; vel non sic decerneret: hoc enim foret ingens absurdum devorare Thomistam dedecens: sed asseruius, quòd orans videt Deum per suam voluntatem antecedentem velle, v. g. hominū salutem: & hoc fact est, & requiritur, ut petat salutem omnium hominum: in hoc enim certus est, se petere rē à Deo volitam: quòd verò postea per voluntatem consequentem huius, vel illius salus non decernatur, hoc cum non cōstet, non impedit orationem.

Ad secundam probationem maioris patet ex dictis, nos non ponere orationem ut potentem influere in voluntatem consequentem: sed consideramus obiectum voluntatis antecedētis, illudque petimus. ¶ Adde: Voluntatem antecedentem non se habere per modū actus primi, nec voluntas consequens ut actus secundus: sed prima respicit obiectum secundum se; secunda verò, ut vestitum omnibus circumstantiis. Et quæ sic se habent, valde distant, ut possint influere, ut patet in proiciēte merces, ut viret naufragium.

34. Obiicies secundò: Oratio terminatur ad futura: ergo respicit voluntatem, quæ causat futuritionem, quæ abs dubio est voluntas cōsequens. Probatur antecedens: Oratio petit, quod consequi sperat: at non potest sperare possibilis sed futura, ut de se patet: ergo.

Respondetur: Verum esse, quòd oratio terminatur ad futura, non quæ ut talia cognoscas: cum ignoret, si Deus illa decrevit; sed quæ sperat in Dei misericordia futura esse: alii, quia illi non constat, quid decretum sit, regulatur per voluntatem antecedentem: quod non faceret, si cognosceret decretum Dei: tunc quippe per voluntatem consequentem regulari deberet. Ut patet in eo, cui Deus revelaret suam dānationem: hic enim non posset petere suā beatitudinem, sicut nec sperare: quia huic iam constat de voluntate consequenti, eoque tunc non regulatur per antecedentem.

35. Dices: Licet huius hominis

salus negata sit; tamen voluntate antecedenti illam vult Deus: sed hoc sufficit, ut possit peti, etsi constet de eius negatione: ergo. Minor probatur primò: Cum illa revelatione comparatur respectus ille primarius constitutivus orationis: sed remanente hoc respectu, etsi alia desint, subsistit oratio: ergo. Maior patet: Quia oratio, ut suprà ex D. Thoma vidimus, primariò tendit ad exhibendum Deo cultum; secundariò verò terminatur ad rem volitam, & per illum respectum primarium constituitur species orationis; qui quidem respectus semper remanet: nam in quacūque providentia manet mens offerenda Deo, & Deus, cui mens offeratur.

Probatur secundò illa minor principalis: Possumus, & debemus petere salutem omnium hominum, ex quo sciamus Deum velle omnes homines salvos fieri: sed scimus certò non omnes homines salvandos esse: ergo.

36. Confirmatur: Si Deus alicui revelaret esse reprobandum ob peccatum non orandi: adhuc cum hac revelatione teneretur orare; aliàs si non teneretur, non peccaret omittendo orationem: sed tunc certò constabat de negatione salutis: ergo cum sciētia de negatione salutis fiat oratio circa salutē;

37. Ad objectionem negetur minor. Ad primam probationem dicimus: In moralibus malam circumstantiam vitare actum: atque adeò in casu posito non remanet oratio in esse virtutis quia, licet ille actus esset petirio à Deo; non autem foret rei decētis: non enim est decens petere à Deo, quod certò scimus, esse contra ejus voluntatem: imò, quod iam impossibile est. Vnde talis actus non est actus orationis.

Ad secundam probationem distinguo maiorem: *Omnium hominum* collectivè, nego: divisivè, concedo. Ex quo enim nobis constat, non omnes homines salvandos esse, non possumus salutem omnium collectivè petere: quia verò intra hanc collectionem ignoramus, qui sint, vel non sint prædestinati; propterea omnium eorum salutem petimus. Nec huius alia ratio querenda

da est præter dictam: in primo enim casu non possumus petere: quia nobis constat de voluntate consequenti. In secundo verò, quia de illa nobis non constat, regulamur per voluntatem antecedentem. Videatur D. Thomas dicta quæst. 83. art. 7. ad 3. vbi ait, quòd, quia non possumus prædestinatos à reprobis distinguere, pro omnibus oramus. In quibus verbis tota præcedens doctrina continetur, quia ut patet: si possemus prædestinatos à reprobis separare, solum pro illis peteremus; quia iam tunc nobis de voluntate consequenti constaret: quia verò nunc illam ignoramus, recurrimus ad voluntatem signi, ut per eam nostras petitiones regulemus: eoque petimus pro omnibus divisivè.

38. Replicabis: Dū nobis iam constat de voluntate consequenti, superflue petimus salutem: ergo data solutio non tenet. Probatur antecedens: Cū constat de reprobatione facta per voluntatem consequentem, non potest salus pe-

ti; eo quòd reddita iam est impossibilis: ergo cū nobis constat de salute prædestinata, vanè illam petimus. Pareat ista: Quia vanè ab aliquo petimus id, quod iam ipse concessit.

Respondetur negando antecedens: Ad probationem nego consequentiam, & paritatem. Discrimen est; quòd, ut suprà ex D. Thom. vidimus, Deus discernit salutem, ut media oratione concedendam: Vnde ex hoc ipso, quòd prædestinata sit, debemus orare: aliter deficiente causa, iam necessaria, ad consequitionem salutis, hæc non consequetur. Relatè autem ad reprobationem nullum influxum oratio habere potest: vnde, ex quo de illa constat, oratio cessare debet.

Ad confirmationem respondetur: Casum illum esse implicatorium; quia facta illa revelatio non manet in illa potestas ad orandum: eoque non peccaret omittendo orationem: sicut nec salutem sperare teneretur.

## QVÆSTIO SECVNDA.

*Verum in primo instanti vsus rationis vrgeat orationis præceptum?*

**N**on est animus omnes temporis differentias percurrendi, in quibus Theologi, si præceptū orationis vrgeat? explorant. In hoc solum convenientes, quòd vix duo inveniuntur, qui non sint toto Cœlo distantes. Solummodò de primo instanti vsus rationis disputo. Et quia in eo est specialis difficultas; & quia connexionem plurimam habet eum celeberrimo Thomistarum dogmate, amoris præceptū in dicto instanti obligare statuente. Verum quidem est, quòd ex eo, quod circa hoc dixerimus, plura circa alia tempora colligentur.

§. I. *Præmittuntur aliqua, & referuntur Sententiæ.*

**N**E iam dicta repetamus, memento, amabo te, eorum, quæ in superioribus diximus. Ibi enim habes, intellectum media oratione Deo subici;

& in illa dari duplicem respectum: primum ad rem petitam: secundū, & præcipuū ad Deū, qui medio hoc respectu colitur. Decrevit enim obsequium sibi sumere, ex eo, quòd homo propriam indigentiam lassus ipsum omnipotentem media sua petitione fateatur. His ergo sic reficatis, ut ad resolutionem accedamus:

39. Scias primò: Instans primum vsus rationis completi spatium illud, quod primò quis insunt in discernendo inter bonum, & malum, amplectitur: que resolutionem, post hanc discretionem efformatam. v. g. puer, cū primò incipit medio discursu, ut homo vivere, à belluisque segregari, considerat (Auctore naturæ hoc agente) se duplici naturæ constare, alia, qua in bonum rationi discerni capitur; alia, qua in bonū rationi consonū fertur. Nec intelligas, in adèd infantili ætate hæc posse signatè cognoscere: sed exercitū non enim

potest tunc hæc perfecte cognoscere, nec hoc requiritur. Sed videt se hinc inclinatum in bonum, quo ratio delictatur; illinc propensum in aliud bonum, quod appetit appetitus: & quia tunc temporis virget obligatio eligendi finem, in quem se, suaque omnia dirigat, propterea debet vnum ex illis bonis assumere: vtrumque enim assumere non valet. Et resolutio, quæ tunc sumitur, terminat illud spatium, quod dicimus vsus rationis primum instantis.

Scias secundò: Puerum perveniens ad vsum rationis incipere magnum hoc vitæ rationalis iter: atque adeò debere sibi præstare finem, in quem tendat: vt in quocunque itinere, quod agredimur, nobis evenit: prius enim scopum eligimus, & postea media, quibus in illum perveniamus; non aliter de mediis acturi, nisi quia finem illum desideramus. Vnde, cum vitæ iter longius, & periculosius sit quocunque alio, debet speciali motivo finem habere.

Scias tertio: Quòd, licet puer sit aded rudis, iam tunc incipit esse Dominus suorum actuum; eoque ex tunc liberè operatur. Quamquam naturæ Auctor suam sollicitudinem maximè ibi ostendat, illuminans puerum illum, vt malum fugiat, & bonum amplectatur, media qua illuminatione intimat pietissimus Deus suam legem, quæ ex tunc incipit obligare: vnde intimat illi, subiectum debere esse Auctori naturæ, à quo quicquid boni habet, accipit, & à quo sperat pluribus aliis bonis ditari, & sine quo non potest sequi bonum; cum ex se solum possit, quod non est meritum operari. Et hoc ostenditur nobis apud Ioann. cap. 1. vbi dicitur: *Illuminat omnem hominem venientem in hunc mundum.* Quod de adventu ad vsum rationis intelligit Noster D. Cyrillus: quia tunc certe ille puer venit in mundum, vt homo: quia tunc media illa Dei illuminatione incipit libertate gaudere vt homo: prius enim, licet in mundo esset, non erat, vt homo; cum non liberè operaretur, vt homo: ab hoc verò instanti operatur, vt homo, cognoscens suæ salutis indigentiam, & quòd ex se

consequi illam non potest; sed quòd sollicitare debet adiutorem fortem, cuius auxilio superet scopulos ab inimicis suæ salutis obiectos.

Scias quartò: Pueros pervenientes ad vsum rationis alios esse, qui notitiam aliqualem habent Dei: quia hi, vt potè inter fideles enutriti, vel antequàm ad illud intans perveniant; si Deum nominare audiunt, ingeniculantur, & pugnis pectora tundunt. Alios verò esse, qui nihil de Deo audierunt. Verum, cum ratio libertatis sit communis; propterea omnibus etiam communis est obligatio se in Deum convertendi: aliter tamen, & aliter secundum differentiam ipsius Dei, vel vt Auctoris supernaturalis, vel naturalis; vel explicitè, aut implicitè, & in confuso cogniti. Quæ prolixè tradere, Scholasticorum est; nec ad resolutionem sumendam potest vel minimum deservire.

His scitis, in præsentī difficultate duplex extrema versatur opinio. Prima negativa est: Illam descendunt Navar. loco supra citato, P. Suarez, Magister Ioan. à S. Thom. 2. 2. quæst. 83. art. 3. & alii. Hi Auctores diverso motivo ducuntur, vt idem negent. Alii enim moventur, quia non cognoscunt in primo instanti vsus rationis obligationem se in Deum convertendi. Alii verò, quia, licet hanc obligationem fateantur ex 1. 2. quæst. 89. art. ultimo; negant tamen tunc obligare orationis præceptum: quamvis enim hi non negent, orationem requiri ad illam conversionem; dicunt tamen hoc esse per accidens ratione præcepti amoris Dei. Secunda sententia tenet, virgere in dicto instanti orationis præceptum. Hanc iudicamus esse de mente Divi Thomæ, & Seraphicæ Theresiæ locis infra referendis; etiam eam tenent Silvester in sum. verbo *oratio* Magister Torre 2. 2. quæst. 83. art. 2. disp. 2. num. 7.

§. II. *Eligitur sententia affirmativa.*

40. **N**ostra conclusio: *In primo instanti vsus rationis virget orationis præceptum.* Probatür 1. ex illo Zach. cap. 1. vbi monet Deus: *Cover-*  
*simi-*

*timini ad me, & ego convertar ad vos.* Quod pueris ad rationem pervenientibus dictum esse docet D. Thom. 1. 2. quæst. 89. art. 6. ad 3. iis verbis: *Hoc est tempus, pro quo obligatur ex Dei præcepto affirmativo, quo Dominus dixit: Convertimini ad me, & ego convertar ad vos.* Ex quo sic arguuntor: In primo instanti usus rationis tenetur homo ad conversionem in Deum, vt patet ex verbis Zachar. adiuncto glossæmate D. Thomæ: atqui oratio est conversio hominis ad Deum: ergo tenetur ad orationem. Consequentia formalis est, & minor probatur ex Hugone adducto à Sylva locorum communium, vbi veluti definiens orationem ait: *Oratio est pia mentis, & humilis ad Deum conversio fide, spe, & charitate subnixæ.* Ergo tenet minor.

41. Probatur secundò ex Matth. 6. vbi præcipit. Christus: *Quærite primum regnum Dei, & iustitiam eius.* Quæ verba, sicut & præcedentia, intelligit D. Thomas de eodem primo rationis usu 7. de malo art. 10. ad 9. qua licet sic procedo: In dicto instanti debemus querere regnum Dei ex Domini imperio: atqui regnum Dei queritur oratione: ergo in primo illo instanti debemus orare. Minor probatur ex ipso Domino dicente: Matth. cap. 21. v. 13. & cap. 7. v. 8. *Domus mea domus orationis est, in ea omnis, qui petit accipit, qui querit invenit, & pulsanti aperietur.* Quæ verba ad rem propriissime applicat D. Thomas in 4. dist. 15. q. 4. art. 3. quæstiunc. 3. ad 4. vt postea expèdemus.

42. Si dicas: Hæc multum generalia esse, & cuiusque virtuti applicari queunt: siquidem charitas, v. g. est conversio in Deum, & similiter poenitentia, fides etiam, & spes quibus etiam ipse Deus queritur: ergo nihil speciale probant de oratione.

Respondetur: Nos non proprio discursus sed auctoritate fundare dictas probationes: vnde, cum illæ de oratione probent, quòd intendimus, nihil obest, quòd aliis virtutibus valeant applicari. Quod, si de charitate intelligas, obviis manibus faciemus, vrgere tunc

præceptum charitatis. Poenitètia non est propriè conversio in Deum: praterquamquòd in nostro casu locum non habet quia, licet puer peccatum originæ habeat, hoc non est materia per poenitentiam destruenda. Vnde patet, quòd, licet in illo instanti convertatur homo in Deum media fide, credendo de Deo, quia est, & media spe eum habendo vt remuneratorem, & media charitate illum summo perè, quantum status patitur, diligendo: etiam convertitur in ipsum media oratione.

43. Probatur tertio Conclusio ex Magno Augustino lib. de Ecclesiast. dogmat. cap. 56. vbi dicitur: *Nullum credimus ad salutem nisi Deo invitante venire: nullum invitatum salutem suam nisi Deo auxiliante operari: nullum nisi orantem auxilium promereri.* Ex quo hæc ratio deducitur: Homo perveniens ad usum rationis tenetur ad salutem venire: atqui sine oratione non consequetur salutem: ergo ad orationem tenetur. Maior certa est: Quia ille homo vel maculatus est labe origineæ, à qua tunc exire debet, & iustificari, vt modò supponendū est, vel, si iam per Baptismum est iustificatus, debet primitias suæ libertatis Deo offerre. Minor verò ex allata auctoritate clarissime constat. Siquidem homo ille debet facere id, sine quo non consequetur auxilium: ergo orare debet.

44. Confirmatur ex eodem Divo Augustino, qui lib. de nat. & grat. cap. 43. ait: *Deus impossibilia non iubet, sed iubendo admonet, & facere, quod possis, & petere, quæ non possis:* atqui in primo rationis instanti cognoscit homo se pluribus indigere, quæ non cōsequetur, nisi à solo Deo: ergo tunc tenetur orare, vt possit, quod desiderat, obtinere.

45. Deinde probatur conclusio ratione eruta ex Angelico Præceptore loco citato ex sent. art. 1. quæstiunc. 2. ad 2. Ascensus in Deum, vt in quo auxilium querit, est oratio: sed hominens ad rationis usum tenetur ascendere in Deum auxilium in ipso querens: ergo tenetur orare. Consequentia bona est. Maior est expressa D. Tho-



ma citati dicentis: *Alius est ascensus in Deum ut in quo (homo) auxilium querit, ut in psalm. 122. dicitur, ad te levavi oculos meos, qui habitas in Caelis, & talis ascensus est oratio.* Minor verò certissima est, ut patet ex n. precedenti.

46. Confirmatur ex eodem Angelico Præceptore verbis iis, quæ retulimus num. 2. ad præfens propositum applicatis: *Ad orationem quilibet tenetur ex hoc, quòd tenetur ad bona spiritualia sic procuranda, quæ non nisi Divinitus dantur; unde alio modo procurari non possunt, nisi ab ipso petantur.* Atqui homo in primo rationis instanti tenetur ad procuranda bona spiritualia, quæ non nisi Divinitus dantur; nec aliter procurari possunt, nisi ab ipso flagitentur; ergo ex hoc tenetur ad orationem.

47. Probatur denique conclusio ex Seraphica M. N. D. Theresia, quæ inter Cœlestia monita, quæ à summo Cœlo nobis dedit in 7. sic ait: Res qualibet, quæ magni momenti est, antequàm decernatur, per orationem tràseat; similia dixerat monito 10. modò sic: sed sic est, quòd perveniens ad vsum rationis rem gravissimam decernit: ergo ut rectè decernat, orare debet.

48. Confirmatur primò: Homo perveniens ad rationis vsum recipit magnos favores à D.O. M. ergo in illo instanti debet orare. Antec. patet: quia tunc incipit ratiocinari, & ad virtutem, & in Cœlum tendere. Consequètia verò probatur: Quia sine ianua, per quæ Cœlestes favores ingrediuntur, isti non habentur, ut patet vel ex materiali exemplo ianue materialis, & domus: atqui oratio est ianua, per quam ingrediuntur favores magni, quibus Deus animam honorat, ut ait. Seraph. Theresia lib. vitæ suæ cap. 8. Ergo ut illos recipiat, debet orare, qui ad vsum rationis pervenit.

49. Confirmatur secundò: Dictus homo incipit tunc tendere in Cœlum: ergo debet intrare iter regale, quo in Cœlum itur: ergo tenetur orare. Cætera de se, & ex dictis constât, & secunda consequètia probatur: Quia oratio est regale iter, quo in Cœlum itur, ex San-

A SPIRITU SANCTO.

tissima Theresia lib. de itinere perfectionis, cap. 21. sed homo ille tenetur hoc iter arripere: ergo & orare.

### §. III. Commune Adversarium effugium.

50. **A**Uctores oppositi vidèntes nostram conclusionem àssumtim communitatè, illam illudere conantur communi effugio, quo vitentur. Dicunt enim, quòd licet puer perveniens ad vsum rationis orare debeat: hoc non provenit ex obligatione, quam ad orandum habeat; sed quia vget tunc tempus adimplendi alia præcepta, ob quorum adimplentionem orat: quòd si hæc alia præcepta tunc non vgerent, nulla ratione teneretur orare: unde oratio non requiritur per se; sed per accidens. Et hoc est, quo solo omnes rationes nostras dissolvere putant.

Aiunt enim, requiri quidem orationem, ut asserunt D. Augustinus, Angelicus Doctor, Seraphica Theresia, & nostræ rationes convincunt: at, quia solum per accidens requiritur; propterea præceptum non datur de oratione tunc habenda.

51. Verù, ut num. 7. dicebamus; hoc provenit ex sinistra intelligètia necessitatis per se, & per accidens. Quarum perfectam explicationem ad huc locum reservavimus. Ut ergo ab obligatione ex tunc cōtracta liberemur, scire debes ex præclaro nostro Salmanti. Collegio tract. 13. disp. 20. dub. 1. num. 6. ex duplici capite posse provenire obligationem ponendi aliquem actum. V. g. diligèdi Deum; vel fundèdi orationem: in aliquo determinato tempore: scilicet aut ex periculo intrinseco, orto per se ex absentia talis actus; aut ex periculo extrinseco proveniente, non ex carentia talis actus; sed aliunde: tunc autem periculum est intrinsecum, quādo actus requiritur nō casu; aut ex huius, illiusve accidentis occurrū; sed ex natura rei, & ex ordine Divinorū præceptorum. Non enim alia via, quàm per talis actus positionem potest caveri periculum, iuxta communem rerum ordinem. Quod quidem periculum non

L

VR-

vrget contra hoc; aut illud præceptum determinatum; sed generaliter contra omnia, vel contra plura. Quod maxime verum est, quando præceptum non hunc, aut illum gravat, sed plures; & hoc in eadem occasione. Tunc enim ipse rerum ordo per se postulat, ut tunc temporis detur præceptum de tali actu tunc exercendo: & hoc est præceptum obligare per se.

Periculum verò extrinsecum datur; quando non ordo rerum, aut Divinorum præceptorum; sed occasio aliqua accidentaliter occurrere postulat, ut adhibeatur talis actus ad tale periculum cavendum: unde, cum periculum non incurritur ex absentia actus, potest tolli, tolliturque multoties sine illo per solam absentiam occasionis: quamobrem, quod actus tunc adhibeatur, non per se petitur à præcepto ipsius actus; sed accidentaliter ratione alterius præcepti, cuius adimpletio per talem occasionem impeditur. Ut si quis ponatur in occasione frangendi ieiunium, nisi ore: tunc orare debet: verum oratio illa non per se ponitur, sed per accidens, hoc est, ratione tentationis, tunc accidentaliter occurrentis, qua ablata, oratio non requiritur.

Ex quibus habes: Quodd idem est, actum requiri per se, ac esse talis conditionis, ut ex non positione illius sequatur periculum frangendi alia præcepta: quia tunc positio illius actus est causa evadendi periculum; & ipsius absentia est causa periculum incurrendi. Tunc verò requiri per accidens; cum absentia eius non est causa periculum incurrendi, hoc enim aliunde incurritur. Unde licet postquam periculum iam est præsens requiratur actus ille, ut lex non violetur: tamen non per se; sed per accidens requiritur, v. g. Tætatur quis ut ieiunium violet, ita ut nisi auxilium à Deo petat, frangat præceptum ieiunii. Certum est, hunc debere orare: aut hoc est per accidens: nempe ratione illius occasionis, quam certe non induxit orationis absentia: unde, sicut non fuit introducta per absentiam orationis: ita nec, ut caveatur, requirit per

se orationem.

52. In hoc explicando immorati sumus; quia, ut diximus, hoc est vnicum Adversariorum effugium. Quod tam ex modò dictis, quam ex aliis, antea expensis, constat valde ruinosum esse. Quare

Contra illud facit primò: Quodd oratio requiratur in primo instanti vsus rationis propter alia, non obest, ut ipsa per se requiratur: ergo ruit oppositum fundamentum. Antecedens probatur ex iis, quæ diximus num. 7. Quia, ut ibi dicebamus, si, quæ propter alia requiruntur, nõ requirerentur per se, nullum medium foret necessarium per se; cum omnia solùm propter finem requirantur: ergo licet oratio requiratur propter alia, per se necessaria est.

53. Contra secundò: In dicto primo instanti requiritur oratio ob periculum intrinsecum ortum ex absentia talis actus: ergo tunc per se requiritur. Pater ista ex modò dictis. Antecedens verò probatur: Quia periculum imminens in illo instanti non casu imminet; sed ex natura rerum: non est contra vnum, aut aliud præceptum; sed contra plura: non est contra hunc, aut illum hominem; sed generaliter contra omnes: non in diversis temporibus; sed in eodem; nempe cum ad rationem perveniunt: atque hæc sunt manifesta signa orationem per se requiri in illo instanti: ergo. Consequentia bona est, maiorem negabit nemo. Et minor constat ex toto num. 51.

54. Confirmatur hoc: Ex absentia orationis in dicto instanti sequitur periculum frangendi alia præcepta tunc occurrentia: ergo positio orationis per se requiritur. Consequentia patet ex dictis. Et antecedens probatur primò: Quia ex non præparatione ad magnum, & periculosum iter conficiendum; ex non petitione auxilii, cum imminere plures, eaque gravissimæ difficultates, quas constat superari non posse sine recursum supplicii ad potentem, sequitur periculum frangendi tunc obligationes occurrentes: at hæc eveniunt in dicto instanti; siquidem tunc homo ingredi-

tur



tur hoc mare magnum, & spatiosum, ubi sunt reptilia, quorum non est numerus, & tunc maxime anhelant, ut sint prima libertatis possessio: ergo absentia orationis illa pericula incurrit.

Probatur secundo ipsum antecedens: Ex absentia auxilii indispensabiliter requisiti ad impletionem praeceptorum in illo instanti obligantium, sequitur periculum frangendi talia praecepta: ex absentia orationis in tali instanti sequitur absentia auxilii: ergo & periculum frangendi praecepta. Minor, in qua aliquis dubitare posset, probatur ex verbis D. Augustini positis num. 43. ubi asseritur neminem nisi orantem auxilium promereri: ergo ex non positione orationis sequitur carentia auxilii.

Urgetur hoc: Etenim eodem modo requiritur invitatio Dei, ut homo ad salutem veniat, & auxilium ipsius, ut homo post invitationem salutem operetur; ac requiritur oratio, ut tale auxilium consequatur: atqui invitatio, & auxilium Dei omnino per se requiruntur, ut homo ad salutem veniat, & illam operetur: ergo & oratio per se requiritur, ut consequatur auxilium. Minorem nullus Catholicus negabit. Maior verò constat ex dictis Augustini verbis in dicto numero relatis, quæ sic se habent: *Nullum credimus ad salutem nisi Deo invitante venire: nullum invitatum salutem suam nisi Deo auxiliante operari: nullum nisi orantem auxilium promereri.* Vbi eodem modo loquitur de veniente ad salutem per invitationem; de operante salutem per auxilium; ac de promerente auxilium per orationem. Vnde, cum in dicto instanti maxime verificetur Dei invitatio, & salutis operatio, etiam urget ibi maxime necessitas orationis.

Ad hæc: Ideo auxilium requiritur per se ad salutem; quia sine auxilio non est salus: atqui sine oratione non est auxilium: ergo per se requiritur. Minor probatur ex ipsis verbis dictis ibi: *Nul- lum nisi orantem auxilium promereri.* Et etiam ex illis positis numero 7. ubi ait idem Augustinus: Deum alia bona non orantibus: *alia non visi orantibus prepa-*

*rasse.*

55. Contra tertio, & præcipue contra illos Thomistas, qui modò ex adverso sunt: Quia, ut ipsi sentent, oratio est necessaria pro primo initiari usus rationis: atqui est necessaria per se: ergo non tener eorum evasio. Probatur minor: Quod cadit sub præcepto Divinæ legis, est necessarium per se: sic est oratio: ergo. Cætera constant, & minor probatur: Quod est medium necessarium ad salutem, cadit sub præcepto Divinæ legis: oratio in dicto instanti est medium necessarium ad salutem, de qua tunc maxime agitur: ergo tunc cadit sub præcepto. Cōsequencia est omnino formalis. Minorem non negabunt Adversarii cum fateantur, orationem necessariam esse in illo instanti; licet per accidens. Maior verò continet expressissimam doctrinam D. Thom. 2. 2. quæst. 3. art. 5. ubi, ut vidimus numero 11. ait: *Quæ sunt necessaria ad salutem, cadunt sub præcepto Divinæ legis.* Vnde, cum in dicto instanti agatur maxime de salute hominis, ad quam oratio necessaria est; sequitur orationem tunc cadere sub præcepto: atque adeò non per accidens, sed per se requiri: siquidem præcepta Divinæ legis non sunt de accidentaliter requisitis.

56. Confirmatur: Quotiescumque aliquis non potest aliter consequi, quod debet habere, tenetur per se orare: atqui veniens ad usum rationis non potest consequi ex se multa, quæ tunc temporis debet habere; ut sunt expulsio culpæ originalis (si adhuc illa maculatur) auxilia, quibus virtutum, maxime Theologicalium, actus eliciat, & huiusmodi alia: ergo in illo instanti tenetur per se orare. Maior, in qua poterat esse difficultas, probatur ex eodem D. Thoma, qui 3. part. quæst. 26. art. 1. in corp. loquente de obligatione, quam Christus Dominus habuit ad orandum ait: *Quia in Christo est alia voluntas Divina, alia humana, & voluntas humana non est per se efficax ad implendum, quod vult, nisi per virtutem Divinam: inde est, quod Christo, secundum quod est homo, & humanam vo-*

*luntatem habet, competis orare.* Quibus verbis & maior illa probatur, & hæc-  
nus dicta fulciuntur, & vberioris doctrina,  
& claritatis gratia, sic dicta auctorita-  
tem ad nostrum propositum applicamus:  
quia voluntas humana Christi non est  
per se efficax ad consequendum, quod  
vult, nisi per virtutem Divinam, debet  
Christus per se orare, implorando ipsam  
Divinam virtutem: atqui perveniens ad  
vsum rationis non est per se efficax ad  
obtinendum, quod pro tunc vult, nisi  
per virtutem Divinam: ergo tunc per se  
tenetur orare.

Ad hæc: Dari præceptum per se obligans  
ad orationem nobiscum tuetur ii, qui  
modò nobis contrariantur: ergo tale  
præceptum aliquando obligat. Ergo  
obligat in instanti dicto. Prima consequentia  
nota est: nō enim daretur præceptum;  
si aliquando non obligaret. Secunda  
autem consequentia probatur: Quia nunquam  
magis viget necessitas orationis tam ex  
parte rerum petendarum, quam ex parte  
cultus Deo exhibendis; siquidem tunc  
incipit ille homo vitam rationalem, ingrediturque  
viam spiritus, quem ex tota mēte debet Deo  
consecrare, ut primitias ei offerat ex  
omnibus, quæ possidet: ergo cum per  
orationem mens consecratur, & alia  
tunc necessaria consequantur, in dicto  
instanti obligat per se oratio.

#### §. IV. *Argumenta.*

57. **V**el nulla, vel paucissima  
sunt argumēta necessitatem orationis pro  
primo rationis instanti impugnantia, quæ  
pariter non impugnent necessitatem  
conversionis in Deum medio amore,  
quorum solutio apud nostros Salmant. Gonet, &  
alios Thomistas videnda est: quare pauca  
afferemus. Arguitur primò: Si homo  
veniens ad vsum rationis teneretur orare,  
esset, quia tunc teneretur converti in  
Deum: sed ex quo tunc teneatur  
converti in Deum, non sequitur obligatio  
ad orationem: ergo. Probat minor:  
Quando quis orat ad Deum, iam supponitur  
conversus in ipsum ex ad Roman. 10.  
ubi dicitur: *Quemodo invocant*

*bunt, in quem non crediderunt?* ergo ad  
conversionem non requiritur oratio.

58. Confirmatur primò: Per hoc,  
quod homo ille convertatur in Deum,  
fugit malum, & finem honestum sibi  
præfigit, in quem se, suæque omnia  
dirigit: ergo tunc non tenetur orare.  
Patet ista: Quia si teneretur, esset ob  
contenta in antecedenti, quod probatur:  
Quia ille homo, ex quo sit conversus in  
Deum, respicit bonum honestum, ut  
finem ultimum: ergo cum hic finis sit  
incompatibilis cum bono delectabili, hoc  
fugit, in illumque dirigitur.

59. Confirmatur secundò: Homo,  
de quo loquimur, vel est educatus inter  
fideles, & baptizatus; vel non? Sed  
neutro modo tenetur orare: ergo. Minor  
pro prima parte probatur: Quia, si  
est baptizatus, habet quicquid requiritur,  
ut convertatur: ad hoc quippe  
sunt fides, & virtutes infusæ cum  
communi auxilio gratiæ: sed hæc omnia  
habet ille homo, ex quo baptizatus sit:  
ergo. Pro secunda parte probatur eadem  
minor: Quia, si homo ille baptizatus  
non est, non tenetur orare usque  
dum illuminetur supernaturaliter: sed  
postquam illuminatur, sufficit illa  
illuminatione cum adiuvante gratia, ut  
convertatur: ergo nullo modo orare  
tenetur.

Pater Suarez permittens obligationem  
amoris Dei in puero veniente ad  
vsum rationis, negat ipsum ad orationem  
teneri factò argumento cum suis  
confirmationibus. Illis tamen non solum  
impugnatur nostra sententia; sed etiam,  
ni vehementer fallor, tollitur &  
medio necessitas orationis nobiliori;  
& urgentiori ex parte. Quippe, si  
antequam homo oret, supponitur  
conversus in Deum, non orabit peccator  
auxilium pro sua conversione petens,  
quia, cum iam sit in Deum finem ultimum  
conversus, supponitur bono commutabili  
aversus; atque adeò sine culpa. Si  
homo ille est fidelis, quamquam ingenti  
peccatorum farcina gravetur, sat est  
fides, quam habet, ut communi auxilio  
gratiæ convertatur. Si infidelis est;  
ante illuminationem non tenetur ora-

re; post illam verò, eum illa, & gratia auxiliante convertitur. Vnde solum orabimus pro pluvia petenda, & similibus, aut pro aliis personis: quæ quis non videat quã absurda sunt; cum continuus suam salutem desiderantium clamor sit directus, ut peccatorum remissionem obtineant: & Ecclesia de hoc Misericordiam specialem habeat?

60. Ad arguendum ergo respondetur primo: Quòd oratio, ut vidimus num. 40. est ipsa conversio in Deum; unde nõ potest cõversio orationẽ præcedere. *Secundò* respondetur distinguendo maiorem: *Converti in Deum*, quem media illuminatione tunc recepta cognoscit, concedatur. Quem iam amat, & à quo iam accepit auxilium, ut amet, negetur. Deinde distinguitur minor: *ad orationem* pro illuminatione, conceditur. Pro auxilio ad amorem, & ad alia, negatur: sique resolvatur totum argumentum.

Explicatur solutio: Homo veniens ad usum rationis illuminatur certè à Deo, ut initio quætionis dicebamus. Hæc illuminatio suggerit illi, debere amplecti bonum honestum, Deumque amare; vel explicitè, vel in confuso, de quo Salmanticenses vide; debereque quærere, ut hoc faciat, auxilium illius; qui sibi proponitur diligendus. Hæc omnia suggerit illa illuminatio, hæcque omnia perpendit homo ille, iam media illuminatione cõversus; aut non adhuc amans; usque dum à suis bonitate affectus determinat, Deum se qui, ad quod ab ipso Deo auxilium petit, tuncque orat. Vnde habetur, quòd ad primam gratiam oratio non præcedit: verum antecedit alias, quod perspicuè docuit Augustinus in iis verbis iam dictis: *Deum alia danda non orantibus, sicut initium fidei: alia non nisi orantibus præparasse.* Et idem docuit de Ecclesiast. dog. illis aliis: ubi prius ponit Deum invitantem, postea hominem orantem, & media oratione auxilium promerentem: Quia prius Deus hominem illuminat invitando, postea homo media hac illuminatione cognoscens Deum, ut dignum, qui ametur, illum amare statuit,

quod non faciet sine auxilio, nec hoc sine oratione habebit.

Ad primam confirmationem dicas: Quòd per hoc, quòd homo convertatur in Deum illum diligendo, habet, quod confirmatio refert: verum hoc sine oratione non faciet. Per hoc verò, quòd convertatur in Deum media dicta prima illuminatione, non fugit malum sed cognoscit bonum, quòd sequi debet. Et utinam omnes, qui media fide in Deum cõversi sumus, taliter operemur, ut malum fugientes, sequamur bonum.

Ad secundam confirmationem negetur minor pro utraque partes: quia ultra hoc, quòd est posse Deum amare, requiritur auxilium, quo hoc fiat, & pro hoc auxilio oratio funditur: Quod semper verificatur, & maxime in nostro casu: quia tunc incipit ille homo operari, ut rationalis: tunc incipit totius vitæ iter: atque adeò necessarius est recursus ad Deum, à quo petenda tunc plura occurrunt. ¶ Adde: Orationem non solum requiri in dicto instanti, ut medium ad alia; sed etiam propter se ipsam requiritur; hoc est ex motivo Religionis. Quia tunc viget obligatio offerendi Deo primitias suæ mētis, quæ solummodo per orationem cõsecratur. Vide dicta à num. 7.

61. Arguitur secundò: Si in dicto instanti daretur obligatio ad orationem, puer tunc non orans peccaret: eoquẽ teneretur hoc in Confessione aperire; sed hoc à nemine fit, nec iubetur: ergo talis obligatio non datur.

62. Confirmatur primò: Quia vix possibile est humano modo, ait Suarez, tam subito illam obligationem recognoscere, & implere: ergo non datur. Pater ista: quia aliàs ad impossibile obligaretur homo ille.

63. Confirmatur secundò ex Magistro Ioan. à S. Thom. in 2. 2. quæst. 83. fol. mihi 346. Si daretur talis obligatio in dicto instanti, illam frangeret, qui non oraret, licet poneret actum virtualiter, & æquivalenter, continente oratione: sed in dicto instanti, & in mortis articulo, nõ peccat, qui nõ orat, dum-

dummodò ponat actum amoris Dei, in quo æquivalenter, & virtualiter, oratio continetur: ergo non datur obligatio ad orationem in illo primo instanti vitæ rationalis; sicut nec in ultimo.

Respondetur argumento concessa maiori, negando minorem: Debet enim in Cõfessione aperiri fractio illius præcepti. Quòd verò hoc non ab omnibus fiat, provenit, vel quia cõtrariũ probabiliter opinantur, vel quia non recordantur, illã non implevisse, quod fat est, vt ad confitendum deobligentur: vel quia, vt Caieranus tenet, sufficit dicere: se confiteri de omni eo, quod in Deum fecit: vel denique non opus est hac expressione: quia, cum hoc præceptum sit connexum cum præcepto amandi Dei: si bene orat, amabit quidẽ: si non amat, est quia non orat: vnde dicens se contra vnũ ex his duobus præceptis peccasse: abs dubio asserit, se in alterum deliquisse.

Ad primam cõfirmationem respondetur: Verum esse, quòd illa humano modo non sunt: est enim providentiæ Auctoris naturæ opus illud; sine quo nil faceret tam tenera ætas. Vnde ipse naturæ Auctor supplet sua benigna providentia defectus, qui ab illa ætate impræscindibiles sunt. Nec verum supponit *ly tam subito*: non enim ad temporis angustias reducimus hoc negotium: nec pro omnibus idem spatium temporis designamus. Instans illud non physicum; sed morale est, vt prælibavimus. Et ipsum morale instans brevius, longiusve est, secundum agilitatem, vel tarditatem intellectus pervenientium ad illud. Debuisseque Suarez animadvertere, se hanc nostram opinionem impugnare, adhuc permissa doctrina D. Thomæ asserentis dari pro illo instanti præceptum amandi Deum: quo admisso, nescio quid particulare inveniat in oratione, vt non possit eius obligatio recognosci, & impleri; si permittit impleri posse amoris præceptum: cum sint adeò inter se connexa, vt simul cognoscantur, impleanturque.

Ad secundam confirmationem respondetur ex doctrina ipsius Magistri,

qui immediatè antè, nempe pag. mibi 344. agens de necessitate orationis absolute, & sine determinatione ad speciale tempus, hæc habet: *Sed inquires: an quando dicitur oratio necessaria necessitate medii :: sufficiat oratio virtualiter, vel casualiter, v.g. desiderium obtinendi aliquid à Deo; vel amor Dei, in quibus tãquam in causa, & virtute continetur oratio?* Huic interrogationi respondet egregius hic Theologus, quòd etiam si intellectus formaliter non petat, neque formaliter moveatur ascendendo in Deum; si tamen virtualiter ascendit faciendo aliquem actum, quo virtualiter procuret ipsam salutem à Deo, satisfacit necessitati orationis. Hæc doctissimus hic Magister.

Et tacitæ obiectioni occurrens, addit: *Hoc tamen non tollit, quin oratio simpliciter sit medium simpliciter necessarium ad salutem; sicut poenitentia est medium necessarium peccanti mortaliter, licet actus charitatis, qui eminenter virtualiter continet poenitentiam, sufficiat loco illius ad iustificandum.*

Hanc ipsissimam doctrinã, quam tradit citatus Magister circa orationem absolute sumptam, applicamus orationi, vt urgenti in primo rationis instanti. Vnde dicimus, quòd, licet tam in primo, quàm in ultimo instanti possit oratio suppleri per alium actum illam virtualiter continentem, hoc non tollit, quin oratio simpliciter sit simpliciter necessarium ad salutem pro illis instantibus.

Adde: Quòd, licet nõ negemus, quòd si veniens ad rationis vsum haberet amorem Dei, non teneretur orare; vnde tamen constat, illum habere Dei amorem. Et insuper, quod scimus, est, hunc ipsum amorem, auxiliumque ad illum; non nisi orantibus dari, vt patet ex dictis: ergo semper verum est, orationem necessariam esse per se: atque adeò in primo instanti vsus rationis per se requiritur oratio.



## DISPUTATIO IV.

*De iis, qui possunt orare.*

Ulti sunt, qui orare valent, & debent: Imperium quippe orationis, quod disputatio-  
ne præcedenti lustravimus, vastissimum certè est, & numerum penè innumertum diversarum nationum comprehendit. Orat peccator, ut in gratiam læsi Numinis revocetur: orat iustus, ne recto aspiciens in statum infullam salis convertatur: orat viator, nè tumentes vortices, quos mundi sinus in Myoparonem vibrat, vnam conferant sepulchralem. Orat comprehensor, ut ergastuli horror, quo suum corpus sæ-

datur, infelicitatis decorem commutetur. Orat Angelus pro astrictis, & captivis. Orant omnes quotquot in rationis clara sede sedem habent. In quo non est speciale dissidium. Sed an, in quocumque statu considerentur, eis orare conveniat, & an pro aliis orare valeant? habet specialem difficultatem. Et hanc causant existentes in Purgatorio, & in Empyreo. Similiterque est speciale dubium in hac parte circa D. O. M. qui cum supra omnia sit, dubitatur, an orare possit? Has ergo difficultates in hac disputatione verfabimur. Quarum

## QVÆSTIO PRIMA.

*Verum Deo conveniat propriè, & formaliter Orare?*

1.



Oquimur, ut titulus exprimit, de oratione, quæ propriè talis sit, de qua suprà disput. 2. q. 2. egimus. Ut autem via disputationi aperiatur, scire oportet: Deum posse sumi, velut subsistit in natura propria; vel in aliena. Itidem ut subsistens in natura aliena potest sumi, vel pro tempore, quo nobiscum conversabatur in terris; vel pro hoc, quo regnat in Cœlis.

2. Verum, ut certa ab incertis separemus: tenendum omnino est, Deum in propria natura subsistètem orare nõ posse. Quod patet: quia oratio est elevatio mentis in Deum; vel petitio decemium à Deo: ergo Deus in propria natura subsistens orare non potest. Probatur consequentia: Quia Deus non potest elevare mentem in Deum; nec aliquid à Deo petere; cum nemo in se ipsum mentem elevari nec aliquid petat à se ipso: ergo.

3. Confirmatur: Oratio est manifestatio propriæ indigentiae, ut orans ab ea sublevetur: sed Deus nec habet, nec habere potest indigentiam, à qua

sublevetur: ergo non potest orare.

4. Contra hanc tamen suppositionem obijciens primò: Quia oratio non solum est ad Superiorem; sed etiam ad æqualem: atqui Personæ Divinæ sunt æquales: ergo vna aliam orare potest. Probatur minor ex D. Thoma 2. 2. q. 83. art. 1. dicente: *Oratio petit aliquid fieri ab his, qui ei non subiiciuntur, sive sint æquales; sive sint superiores:* ergo tenet maior.

5. Obijciens secundò: Vna persona accipit ab alia: ergo persona accipiens potest orare, ut ei concedatur id, quod accipit. Antecedens patet: Nam Filius à Patre, & ab utroque Spiritus Sanctus accipit esse.

6. Confirmatur: Nam ad Roman. 8. dicitur: Spiritum Sanctum pro nobis postulare: sed postulatio oratio est, ut patet per D. Paulum 2. ad Thimor. ergo.

Respondetur ad primam primò: Omnia maiori, & cõcessa minori negando consequentiam: Contra quod non procedit Sanctus Thomas, siquidem oratio requirit distinctionem voluntatum: ut sic vna possit dare, quod alia de-

desiderat obtinere. Vbi autem datur eadem voluntas, quamquā: detur diversitas personarum, non potest oratio salvari.

Respondetur secundò: Quòd, cūm Divus Thomas ait, orationem terminari posse ad æqualem, intelligitur de æquali materialiter, non formaliter: potest enim quis petere ab amico, seu alio æquali: at si uterque consideretur, vnus ut petit, & alius ut à quo petitur, iam primus sub illa consideratione est inferior: alius autem Superior est: atque ideo semper verificatur, quòd oratio tendit in Superiorem: vel materialiter, & simul formaliter: vel ad minus formaliter. Vnde, cūm inter Personas Divinas non sit dabilis hic formalis excessus, ad orationem requisitus, nec ipsa oratio potest dari.

Ad secundam obiectionem distinguo antecedens: *Accipit* necessariò, concedo. Gratiò, nego antecedens. Oratio requirit libertatem in dante, & in petente, quæ imaginari non potest inter Divinas Personas, vel communicantes esse, vel accipientes. Præterquamquòd, cūm eadem voluntate gaudeant, numquam poterunt orare.

Ad confirmationem dicas: Spiritum Sanctum dici pro nobis postulare: quia nos postulare facit. De quo plura sunt in Sacra Scriptura. Videatur Extaticus noster Parens Divus Ioannes à Cruce in flamma vivi amoris.

7. Dices cum Magistro Lumbier quæst. 35. art. 3. Verbum Divinum ante carnis assumptionem orasse Patrem æternum nomine humanitatis assumenda: ergo saltem sub hac consideratione Persona Divina orare potest.

Respondetur: Hanc Theologiam inauditam fore, eamque faciliter amandamus. *Primò*, si Verbum oravit Patrem nomine humanitatis, quam postmodum assumpsit, etiam Pater poterit nunc orare Filium nomine humanitatis, quā potest assumere. *Secundò*, Verbum, ut imaginatur orans, vel est Patri æquale; vel non? Si non: extra chorum agit Lumbier; loquimur enim de Personis, ut sunt æquales. Si sic: falsum asserit, ut

ex dictis constat. *Tertiò*, Si nomine humanitatis in tempore assumenda potuit Verbum ab æterno orare; pariformiter posset ab æterno crucifigi. Quæ omnia, cūm planè absurda sint, tenendum est: Deum in propria natura orare haud posse. Quare tota difficultas devolvitur ad Deum ut in natura aliena subsistentem. Et pro diversitate statuum diversas conclusiones proponemus.

### §. I. Dirimitur prima pars dubii.

8. **P**rima conclusio: *Christus Dominus in hoc Mūdo venit, & propriè oravit.* Conclusio hæc non tam est rationibus comprobanda, quā frequenti ipsius Christi D. praxi stabilienda. Oravit quippe Dominus mentaliter, oravit vocaliter; oravit solus, & coram aliis; oravit pro se, & pro aliis: vnde omnibus modis oravit. Quod ex clarissimis Sacra Scripturæ testimoniis constat. Et à primo orationis modo incipiens: oravit Dominus mentaliter; siquidem Lucæ 6. dicitur, quòd *exiit in montem orare, & erat pernoctans in oratione Dei.* Quod de oratione mentali intelligit Pater Suarez tom. 2. de Relig. lib. 1. cap. 1. num. 7. Ex quo testimonio etiam constat, quòd oravit solus; ad hoc enim in montem exiit. Itidè oravit vocaliter, ut patet ex Matth. cap. 26. vbi dicitur: *Procidit in faciem suam, orans, & dicens.* Et ex Luca 23. vbi ipse Dominus ait: *Pater, dimitte illis, non enim sciunt, quid faciunt.* Et hi textus ostendunt Christum orasse aliis orationis modis: quia in primo non solum vocaliter oravit, sed oravit pro se, petens, ut calix transiret. Secundus verò textus proponit Dominum orantem vocaliter, & pro aliis, & coram aliis. Pro aliis, ut patet ex ipsis verbis. Coram aliis; siquidem ipsi, pro quibus indulgentissimus orabat, insipientes audiebant. Nec soli quidem; nam etiam auscultabat verba orantis regalis aula ipsius Numinis patientissimæ Beatissimæ, scilicet, Virgo MARIA, Mundi Regina, & Coeli Dominæ; & hoc ipsum alia semina audiere: quippe *stabant iuxta Crucem Iesu Mater eius, &*

*Seror Matris eius, &c.* Vnde non est orationis modus, quem Christus non exercuerit. Quare conclusio nostra est de fide, ut ostendunt adducti textus, & alii innumeri, quos præterimus. Eam docet D. Thom. 3. p. q. 21. art. 1. quem Theologi sequuntur: sicut Scholastici Magistrum in 3. dist. 17. Idem tenet Seraphica Theresia Epist. 8. numero 17.

9. Præcipua tamen ratio pro conclusione defumitur ex dictis: Nā Scriptura clarissimè docet. Christum Dominum, dū in mundo erat, orasse: at non est, cur hæc oratio non sit propriè, & formaliter talis: ergo oravit in hoc mūdo oratione propriè tali. Minor probatur primò: Quia si illa oratio non esset propriè talis: nec illam Christus toties exercuisset: nec illam nobis Scriptura tam accuratè commendasset, omnes eius circumstancias proponens. Probatur secundò ipsa minor ex illa Theologorum regula, cuique nota: Verba Sacra Scripturæ accipienda sunt in sensu proprio, quando ex hoc nullum sequitur inconveniens: sed ex hoc, quòd dicamus, Christum verè, & propriè orasse nullum sequitur inconveniens, nec hætenus offensum est: ergo tener minor.

10. Confirmatur: Christus verè habuit indigentiam auxilii à Deo, ut suum desiderium expleret: ergo verè petivit hoc auxilium. Ergo verè oravit. Patet ista: Quia oratio est *petitio decentium à Deo*. Prima consequentia etiam constat: Quia cum summa prudentia, & Sanctitate Christi non comparitur habere indigentiam auxilii, & illud non petere. Iam verò probatur antecedens: Quia plura, quæ Christus tam sibi, quàm aliis desiderabat, non poterat à se ipso habere: ergo. Hoc antecedens probatur multipliciter: primò: Quia si à se ipso posset habere, quod optabat, vanè ad suum Patrem recurreret perēs, quod fecisse, allati textus ostendunt: est enim valde superfluum ab alio petere, quod quis potest habere à se ipso: ergo cū Christus Dominus toties recurreret ad suum Patrē,

signum est, quòd à se ipso habere non poterat, quod petebat. *Probatur secundò: Quia Christus, qua homo, non est Omnipotens: ergo idē, quod prius. Probatur tertio: Quia permissio, quòd habere posset à se ipso, quod volebat, attempta materia concupitæ tamen ut illam obtineret, concursu Dei indigebat aliter non consideraretur, ut homo, destruereturque status questionis: ergo hoc auxilium, seu concursum debebat, ut minus, petere à Deo.*

## §. II. Deciditur dubium quoad secundam partem.

II. **S**ecunda conclusio: *Nunc etiam in Cælo Christus orat oratione propriè tali.* Antequàm conclusionem probemus, scias breviter: Orationem propriè talem, aliam esse virtutalem, seu interpretativam: aliam formalem, seu expressam: hæc consistit in actu intellectus, quo petitur, quod desideratur. Illa consistit in ostensione alicuius rei, qua movetur Superior, ut concedat id, quòd illam ostendens vult tam sibi, quàm aliis. Et in hoc consistit sententiæ varietas. Nemo enim Catholicorum negare potest Christum in Cælo pro nobis orare. Verum alii dicunt, hæc orationem esse interpretativam: quatenus, scilicet, ostendit Patri suā Sacratissimā humanitatē vulneratā, ut eius intuitu moveatur Deus ad nostri miserēdū. Atque ita sentiūt Medina, Vasquez, Becanus, & alii relati à nostris Salmant. tract. 21. disp. 30. n. 23. Ex opposito verò alii docent, talem orationem esse formalem. Sic D. Thom. pluribus in locis, & Seraphica Theresia Epist. 27. num. 4. quos sequuntur Theologi communiter.

12. Probatur primò ratione fundata in Sacra Scriptura: Christus in Cælo interpellat pro nobis, ut noster ad vocatus: ergo in Cælo pro nobis orat oratione formali. Patet ista: Quia ut Advocatum interpellare, idem est, ne formaliter orationem fundere pro iis, respectu quorum Advocatus est. Antecedens verò constat ex Epist. Ioan. 1.



cap. 2. ubi ait: *Advocatum habemus apud Patrem Iesum-Christum iustum*. Et ex Roman. 8. ubi dicitur: *Qui est ad dexteram Dei, qui etiam interpellat pro nobis*. Unde cum non detur motivum vrgens, ut hanc interpellationem, & advocacy non intelligamus propriè, & formaliter; sed solum virtualiter; seu interpretativè, textus dictos intelligere debemus in sensu omnino formali, iuxta dicta num. 9.

Probatur secundò conclusio: Quòd Christus sit Deus, & in Cælo sit, non obest, ut orat oratione formali: ergo sic orat. Consequentia bona est, etiam apud Adversarios. Antecedens verò pro 1. parte probatur: Christus in hoc mûdo existens oravit oratione formali, ut nobiscû fatentur Auctores cõtrarii: sed tunc erat verus Deus: ergo Deitas non impedit, quòd orat oratione formali. Quoad secundam partem probatur idem antecedens: Sancti, qui sunt in patria, orant pro nobis propriè, & non interpretativè: ergo status patriæ non obstat huiusmodi orationi in Christo. Patet ista à paritate: nec poterunt Auctores oppositi assignare inter Sanctos, & caput eorum Christum, discrimen, ut illi, & non hic, possint veram orationem cum beatitudine componere. Antecedens est D. Thomæ dicta quæst. 83. art. 11. & constat ex Ecclesiæ praxi canentis: *Sancte Petre, ora pro nobis*.

14. Probatur 3. conclusio: Christus in Cælo orat in nobis, & orat pro nobis, & oratur à nobis: orat pro nobis, ut Sacerdos, orat in nobis, ut caput nostrum, oratur à nobis ut Deus noster. Verba sunt D. Augustini in Prælat. Psam. 85. atqui Christus in Cælo orat in nobis, ut caput nostrum, & oratur à nobis, ut Deus noster oratione formali: ergo similiter oratione formali orat pro nobis, ut Sacerdos. Minor pro secunda parte est innegabilis. Pro prima verò etiam est certa: Quia orare Christum in nobis ut caput nostrum, est influere in nos, qui sumus membra eius, vigorem, ut oremus, nostrasque orationes valorare: quod sanè non interpretativè; sed propriè facit. Iam verò consequen-

tia probatur primò: Quia Augustinus eodem modo loquitur de triplici illa oratione: ergo si quam facit in nobis, & nos ad illum facimus, est propria, & formalis; pariter illa, quam pro nobis facit, formalis erit. Probatur secundò eadem consequentia: Idèò oratio, quam in nobis facit, & quam ad eum facimus, est propriè talis: quia ipse est propriè, & formaliter caput nostrum, & Deus noster: sed etiam est formaliter, & propriè Sacerdos: ergo orat formaliter.

15. Probatur quartò: Quotiescumque alicui conveniunt prædicata opposita ob diversas naturas, seu proprietates, illa prædicata fundantes, toties modo, quo illæ naturæ, seu proprietates, conveniunt, conveniunt etiam prædicata fundata: atqui orare, & orari sunt prædicata opposita Christo convenientia ob naturam Divinam, & humanam, quæ ipsi formaliter cõveniunt: ergo pariter orare, & orari cõveniunt ei formaliter. Consequentia est omnino formalis. Et ex secunda eius parte, quam Adversarii concedunt, firmatur prima hoc discursu: Eatenus orari convenit Christo propriè, & formaliter in Cælo, quia ibi formaliter habet Divinam naturam, quæ fundat hoc prædicatum: ergo cum ibi etiam habeat naturam humanam, ob quam ei orare convenit, hoc propriè, & non interpretativè convenit illi in Cælo.

Minor verò facti syllogismi est certa. Maior verò potest inductivè ostèdis; sed nè diutius immoremur, aut longius divertamur, in ipso Christo Domino ostenditur. Ipse enim est nunc in Cælo propriè minor Parte, & etiam propriè est ei æqualis, ob naturas Divinam, & humanam, quarum prima cõequalitatem; secunda verò minoritatem fundat. Et sic de aliis, quæ passim offeruntur: ergo cum Christo in Cælo conveniant illa prædicata, nempe orari ut Deus, & orare ut homo est; propriè, & formaliter, & non interpretativè conveniunt, sicut Deitas, & humanitas, propriè, & non interpretativè conveniunt.

\*\*\*



## §. III. Argumenta contra primam conclusionem.

16. **C**ontra primam conclusionem solùm sunt aliquæ obiectiões, quarum aliquæ ipsam aliæ verò ea, quibus probatur, impugnant. Obiciēs ergo primò: Oratio, quā Christus exercuit in hac vita, non fuit vera oratio; sed figura quædam, & indicium orationis: ergo non oravit verè. Probatur antecedens ex Theophylacto in cap. 11. Ioan. iis nominibus Christi orationem nominante: Similia habet Damasc. lib. 4. de fide cap. 19. ubi ait, Christum solummodò per simulationem orasse; ut etiam fecit, quando *fixis se longius ire*: ergo renet antecedens.

17. Confirmatur: Oratio Christi non proficiebat ad expressionem sui desiderii coram Deo; sed solùm ad nostrum exemplum: ergo non erat vera oratio. Patet ista: Quia oratio eò dirigitur, ut suum desiderium ostendat; eòque dicitur à D. Thoma *desiderii interpretis*. Antecedens autem probatur ex verbis ipsius Christi relatis à D. Ioan. cap. 11. *Ego sciebam; quoniam semper me audis: sed propter populum, qui circumspas, dixi; ut credant, quia tu me misisti*. Vnde Hilarius lib. 10. de Trin. ait: *Cum sibi non proficeret deprecationis sermo, ad profectum tamen nostra fidei loquebatur*: ergo.

Respondetur obiectiōni negādo antecedens: Ad probationem dicendum: Christum Dominum, & esse verum hominem, & verum Deum; insimulque orasse mentaliter, & vocaliter, ut vidimus num. 8. Idem orasse propriè, hoc est, petiisse decentiā à Deo: & impropiè; non in illo sensu, quo nunc loquimur de oratione impropiè; sed in illo, quo superius diximus gratiarum actionem, & alias orationis partes, esse quidem propriè orationem; at nō esse propriam, & rigorosam orationem: hoc enim soli petitioni reservatur. Si his rei sciveris, plura, quæ hic ex Scriptura, & Patribus accumulānt Adversarij, sanè capies.

Igitur ad dictam antecedentem probationem respondetur: Theophyl. apellasse eo loco orationem Christi *figuram orationis*: quia ibi Christus, ut ex textu patet, nihil vocaliter petiit, sed solùm referuntur gratiæ, quas suo Patri egit: Quiaque actio gratiarum non est rigorosè oratio, ut dictum est; propterea Christus non dicitur ibi propriè orasse. Ad Damascenum dicitur: Christum oratio simulasse, seu occuluisse Deitatem, secundum quam, si operaretur, posset abs dubio facere id ipsum, quod supplex precabatur. Vnde oratio Christi dicitur, & quidem eleganter, simulatio quædam; siquidem, ea media, abscondita est fortitudo ipsius.

Ad confirmationem respondet Divus Thomas 3. p. quæst. 22. art. 3. ad 14 his verbis: *Dicendum, quòd Hilarius loquitur, quantum ad orationem vocalem, quæ non erat ei necessaria propter ipsum; sed propter nos*. Et ex hoc intelliguntur ea Christi verba in contrarium adducta. Christus enim dum vocaliter orabat, non propter se ipsum; sed nostræ causæ faciebat: quia non indigebat voce, ut suum desiderium exprimeret; sed ut nos instrueret, vtpote Legisitor, ac Præceptor noster: vnde D. Thomas citatus ait: *Christus ad hoc uti voluit oratione ad Patrem, ut nobis daret exemplum orandi*.

18. Obiciēs secundò: Christus, ut homo, est omnipotens: ergo non eguit oratione. Patet consequentia: Eo enim oramus, ut obtineamus ea, quibus indigemus. Antecedens verò probatur: Christus habuit omnem potestatem in Cælo, & in terra, ut ipse Dominus testatur apud Math. cap. ultimo: ergo fuit omnipotens; siquidem omnipotens est, qui, ubicumque sit, omnem potestatem habet.

19. Confirmatur: Christi humanitas habet propter unionem ad verbum aliquam potentiam, quam in proprio supposito non haberet: ergo est omnipotens. Patet consequentia: Quia ita potentia creata non est; cum omnia creatam potestatem habere posset sine unionem. Antecedens probatur: ad modum

dum perfectiorem essendi sequitur modus perfectior operandi, perfectiorque potentia: sed Christi humanitas ob unionem ad Verbum habuit perfectiorem modum essendi, melioremque dispositionem: ergo & perfectiorem potentiam.

20. Ad hæc: Operari sequitur ad esse: atqui esse Christi est increatum, ut modo suppono; siquidem existit per existentiam Divinam: ergo & eius potentia increata est.

Ad obiectionem respondetur primo: Christum ut Deum omnipotentem esse, & de se ipso sic sumpto loquitur, dum ait, datam sibi à suo Patre esse, à quo, & suum esse habet, omnem potestatem in Cælo, & in terra. ¶ Respondetur 2. Christum etiam ut hominem habere omnem potestatem, qua potest homo fulgere; siquidem fulget potestate capitis, quæ inter creatas res visibiles, aut invisibiles nulla maior, aut excellentior inveniri potest. Verum potestas hæc non est omnipotentia, tum, quia id, quod ut forma hæc potestatem tribuit, est entitas creata. Tum, quia hæc, quantumvis insignis potestas, non absulit, Christum indiguisse Dei auxilio, ut operaretur, ut num. 10. dicebamus. Unde licet possit dici, habuisse moraliter omnipotentiam; non tamen omnipotens diceretur est.

Ad confirmationem respondetur distinguendo antecedens: *Aliquam potentiam* modicam, conceditur: physicam, negatur. Ex quo enim illa humanitas assumpta fuit à verbo, maxima perfectione enituit, eversaque fuit ad altum gradum essendi formam constituentem hominem, qui est omnium hominum, & Angelorum caput. Verum, quia in esse capitis constituitur per gratiam habituales, quæ physicè accepta est eiusdem speciei cum nostra gratia; solumque moraliter differens, propter societatem, quam habet cum gratia unionis; propterea nullam potentiam physicam habet illa humanitas, quam in proprio supposito non haberet: & hæc potentia physica requirebatur, ut omnipotens diceretur. Per quod patet ad probationem antecedentis.

Ad ultimum respondetur: Quod

operatio sequitur ad esse naturæ; & ideo quia in Christo dantur natura Divina, & humana, dantur etiam operationes humanæ, & Divinæ: ad esse verò personale, seu existientiale non sequitur operari. Unde, quamquam in equo ponas existentiam humanam, numquam inde alias operationes videbis, quam equinas. Quod in nostro casu verificatur. Licet enim Christus Dominus solū unicam existentiam, eamque Divinam habeat, habet operationes Divinas; & humanas, ob rationem dictam. Verum quidem est, quod tales humanæ operationes, ex quo sunt ab humanitate assumptæ, & à Divina existentia terminatæ, sunt infinite satisfactoriæ, & valorosæ. Verum hoc non potentiam infinitam physicam arguit, ut dictum est.

21. Dices: Humanitati Christi Domini communicata fuit existentia Divina, ut constat ex immediate dictis: ergo & omnipotentia. Probatur ista primo: Quia cui communicatur aliqua natura, communicatur etiam attributa talis naturæ: sed existentia Divina est prorsus idem cum Divina natura, & omnipotentia est attributum eius: ergo cui communicatur existentia, omnipotentia etiam communicatur. *Probatur secundo*: Subiectum capax habendi existentiam Divinam, etiam habere potest omnipotentiam; cum utraque sit pradicatum Divinum: ergo idem, quod prius.

Respondetur negando consequentiam: Ad primam probationem dicas: Naturam Divinam esse omnino idem cum Divina existentia. Ceterum alia est expressio naturæ, & alia expressio existentia: quæ expressionum diversitas sat est, ut ad extra non communicentur attributa, licet communicetur natura: quippe terminat non sub expressione naturæ; sed sub munere existentia; & attributa non sunt proprietates naturæ sub expressione existentia; sed sub munere naturæ.

Ad secundam probationem dico: Quod existentia communicatur per modum purissimi termini, in quo nulla imperfectio datur. At si communicaretur omnipotentia, foret per modum

for.

formæ, quod Divino prædicato repugnat. Nec aliter, quam per modum formæ communicatæ posset denominare; & constituere humanitatem omnipotentem; sicut ipsa existentia Divina humanitatem terminans non constituit Deum; quia non ut natura; sed ut terminus communicatur.

22. Obiicies tertio: Christus scivit per scientiam beatam, & infusam omne, quod erat futurum, aut non futurum: ergo nihil serio petiit, nec oravit. Antecedens patet ex 3. p. quæst. 10. & 11. Et consequentia probatur: Quia nemo cordatè petit id, quod cerò scit se obtinere non posse; aut id, quod iam concessum est: sed Christus per hoc, quòd sciret, quod erat futurum, sciebat, hoc iam concessum esse; & per hoc, quod sciret non futurum, sciebat, hoc obtinere non posse: ergo non oravit ex animo orandi:

23. Confirmatur: Quia, ut vidimus disp. antec. num. 40. oratio est conversio in Deum spe subnixæ: sed oratio Christi non fuit subnixæ spe: ergo nec fuit vera oratio. Probatur primò minor. Quia Christus, utpotè comprehensor, non habuit spem: *Secundò* probatur ipsa minor: Quia etsi in Christo spes daretur, illa tamen uti ad orandum non posset; quia, cum cognosceret quid esset, aut non esset futurum; futurum non poterat sperare consequi; quia iam concessum habebat. Non futurum etiam sperare non poterat: ergo vera est illa minor.

Ad obiectionem cōcessio antecedenti negetur consequentia: Ad probationem dicatur: Materiam desideratam; quæ oratione petitur, multipliciter cōsiderari posse: primò enim considerari potest absolutè, & ab omnibus circumstantiis nuda. Secundò potest sumi, ut omnibus circumstantiis vestita: Et multoties evenit, quòd res, quæ absolutè est bona, & ut talis amatur, considerata cum omnibus suis circumstantiis respicitur, ut patet in proliçiente merces; quas absolutè sumptas amas; at illas ipsas, prout sunt naufragii causa, contemnit. De quo diximus disp. præced.

num. 30. Idem potest ipsa res considerari prout est obiectum voluntatis propriæ partis sensitivæ, quæ voluntas sensualitas, seu appetitus dicitur; & etiam prout est obiectum voluntatis rationalis; quæ adhuc consideratur dupliciter: primò, ut natura, secundò, ut formaliter rationalis. Primò modo respicit obiectum secundum se: secundò autem modo respicit illud cū suis omnibus circumstantiis.

24. Ad rem ergo: Hæc, quæ conveniunt omni homini; inventa sunt in Christo, ut homo est. Et secundum horum diversitatem respondendum est ad obiecta. Etenim voluntas rationalis Christi D. nunquàm desideravit, nisi quod sciebat futurum: unde nunquàm eius intellectus oravit nisi pro re futura. Quia licet oratio sit actus intellectus; hic autem solummodò petit, quod voluntas appetit; eoque, ut supra ex D. Thom. vidimus, oratio dicitur desiderii interpretis: Dum autem obijciatur: si Christus sciebat hanc determinationem rem esse futuram: v. g. Sanctissimi sui corporis Resurrectionem, ut quid illam petebat? Responder S. Thomas 3. part. quæst. 20. art. 1. ad 2. *Inter alia, quæ Christus scivit futura, scivit quædam esse faciendæ propter suam orationem, & huiusmodi non inconvener à Deo petiit.* De quo, quia de se patet, & quia multoties actum de illo in superioribus est; nihil aliud.

25. Voluntas autem per modum naturæ non respicit; seu terminatur ad obiectum, prout stat sub futuritione, nec prout non futuritionem dicit; sed ab utroque abstrahit. Ratioque ea est: quòd hæc voluntas respicit obiectum absolutè, & sine circumstantiis: futuritio verò, & nō futuritio dicit voluntatem Dei cōsequentè, quæ in choro circumstantiarum numeratur. Quòbrè res ipsa cū suis circumstantiis est non futura; atque adeò ab hoc scienti appeti non potest; absolutè considerata bona est; & prout sic, & appeti; & peti valet. Et huiusmodi aliqua petiit Christus, quaquæ exauditus non fuerit, ut in ipsius personâ asserit Parens eius David dicens: *Dominè;*

*me clamabo per diē, & nō exaudies.* Quod infimul constat ex oratione, quam in Ara Crucis fecit Reparator noster: ibi enim pro suis Crucifixionibus oravit, quorum aliqui per illam orationem salutem sunt consequuti, alii verò, non obstante illius orationis valore, æternaliter damnati fuere. Hæc omnia Christus evidenter sciebat, dum orabat: & tamen oravit pro Centurione, cuius salus futura erat; quia sciebat futuram, seu consequendam media sua oratione, atque adeo huius salutem appetiit voluntate rationali, & perfecta. Etiam pro aliis, qui damnati sunt, oravit, eoque eorum salutem voluit; alit hoc voluit per voluntatem illam per modum naturæ, quæ illorum salutem absolute acceptam respiciebat: unde semper bonum appetiit, & cordate petiit.

26. Denique voluntas illa sensualitatis suum proprium respicit bonum, & huius voluntatis desiderium, sicut & aliarum, desert, dirigitque intellectus ad Deum, à quo petit, ut impleat id, quod illa voluntas appetit. Sic oravit Christus in horto exprimens sui appetitus desiderium Crucis patibulum horrentis, & tormentorum ingluviem formidantis. Et licet Christus sciret necessariam iam esse passionem propter decretum factum, & quia vadis munus acceptarat: tamen his nō opponitur, quòd caro infirma perhorrescat opprobriis saturatis nec vlla prudentia prohibet, quòd intellectus coram Deo exprimat huiusmodi infirmæ carnis horrorem. Quod quidem fecit Christus in hac oratione: & ut ait D. Thomas art. 1. cit. in corp. fecit, *primò quidem, ut ostenderet severam naturam humanam suscepisse cum omnibus naturalibus affectibus. Secundò, ut ostenderet, quòd homini licet, secundum naturalem affectum, aliquid velle, quod Deus non vult. Tertiò, ut ostendat, quòd proprium affectum debet homo Divina voluntati subicere.* Quæ ultroque exscripti, quia continent, quicquid in hac parte desiderari potest. Videatur totus articulus. Videatur etiam Seraphica Theresia loco citato num. 8. ubi adeò egregiè de hac Redemptoris

oratione loquitur, ut eam insignibus notitiis Theologiæ Scholasticæ, Positivæ, & Mysticæ decoram eius eloquentissimus, ac Venerabilis Annotator prædicit.

27. Ex his omnibus habes primò, quid immediatè respondeas ad obiectionem, dicens: Christum utique orasse pro re futura, & illam desiderasse per voluntatem rationalem, quæ semper impleta fuit de hacque loquitur Div. Thomas laudatus, dum art. 4. asserit: *Omnis Christi oratio exaudita fuit.* Oravit etiā pro re non futura: ait istā desideravit vel voluntate sensualitatis, secundum quam homini licet aliquid velle, quod Deus non vult, ut modò ex D. Thoma vidimus: vel desideravit per voluntatem, ut natura est, & sic non intendebat rem, vel non futuram, sed ut abstrahentem. Secundò habes nullam in Christo esse contrarietatem propter dictas; quia licet contraria peteret; hoc tamen per diversas voluntates appetebat. Intellectus idem erat sed non ob hoc diversa, seu contraria petens sibi ipsi contrariabatur, quia licet petitio sit actus intellectus, iste tamen petit, ut motus à voluntate, & ut eius advocatus; sic enim intellectum nominat citatur D. Thomas. Unde, cum voluntates sint plures; propterea intellectus ut advocatus vnius voluntatis, petens diversum ab eo, quod petit ut advocatus alterius voluntatis, non sibi contrarius est: sicut nec mihi contrarius sum, dum Doctorum, inter se graviter dissidentium, opposita sensa propono.

Tertiò habes: Voluntatem sensualitatis, & per modum naturæ, non semper exauditas fuisse ex hoc ipso, quòd eis non repugnet velle aliquid, quòd Deus non vult. Vt asserit S. Thomas 3. part. quæst. 18. art. 7. concludens: *Unde patet, quòd Christus secundum voluntatem sensualitatis, & secundum voluntatem rationis, qua consideratur per modum natura, aliud poterat velle, quam Deus.*

Habes ultimò ex dictis solutionem non solum obiectionis, pro qua hæc adducta sunt; sed etiam confirmationis illius,

illius, & probationis secunda minoris. Ad primam verò probationem dicimus: Christum Dominum non habuisse quidem spem Theologicam, quæ primariò tendit in sperâti beatitudinem, vt futuram; habebat tamen spem communiter dictam, quia plura desideravit & huiusmodi spes sufficit ad veram orationem, vt patet in Beatis, qui quamquàm spe careant, verè tamen orant. Videantur nostri Salmanticenses tract. 18. disp. 3. dub. 2. Et illustrissimus Palanc. tract. de Spe.

#### 6. IV. Argumenta contra secundam conclusionem.

28. **A**rguitur primò: Si Christus in Cælo oraret, ab eo peteremus, vt pro nobis intercederet; sicut cum S. Petro, & aliis Sanctis facimus dicentes: *Sancte Petre, ora pro nobis.* Et: *Omnes sancti, & sancta Dei, intercedite pro nobis.* Sed hoc non facimus: imò petimus, vt adiuuet nos, & miseretur nostri, dicentes: *Fili Redemptor Mundi Deus, miserere nobis:* ergo Christus in Cælo non orat, nisi interpretativè.

29. Confirmatur: Si Christus oraret propriè, & formaliter in Cælo, talis oratio vel impetraret aliquid novum, & diversum ab eo, quod meruerat in terris; vel non? Neutrum potest dici: ergo. Minor pro prima parte certa est: ex quo enim Redemptor noster dixit: *Consummatum est*, totum nostræ reparationis remedium peractum est; atque adeò quicquid utilitatis ex eius oratione habemus, ex illo tunc consequutum est. Pro secunda parte etiam constat eadem minor: Quia si in terris Christus omnia nobis meruit, iam non habet, quod nobis impetret: ergo non orat formaliter.

Hoc argumentum, & eius confirmatio, & omnia, quæ oppositi Auctores asserunt, in ipsos regei debent; nihil enim difficultatis habet oratio formalis, quam dicimus Christum in Cælis exercere, quæ non vrgeat in illam orationem interpretativam, quam adstruunt.

Et patet: quia ad Christum non dicimus: *Ora pro nobis interpretativè.* Idem: oratione interpretativa, vel meretur, & impetrat nobis novū aliquid; vel non? Si non: vt quid interpretativè orat? Si sic: ergo in via non meruit, quicquid ad nostram salutem pertinet. Ergo falsò dixit: *Consummatum est.* Quod semel monuisse sufficiat, vt impetus Contrariorum reprimas, vel illo effato communi: *Va tibi, va nigra dicebas cæcæus olle.*

Respondetur ad argumētum negando maiorem: cuius inferta probatio non vrget. Primò, quia, vt observant D. Thom. & Abul. in 6. Matth. quæst. 83. art. 1. *Christus* est nomen suppositi: quiaque Christi suppositum est Divinum, cui orate repugnat, vt vidimus à num. 2. propterea à simili locutione abstinemus, sicque vitamus Arian, Nestorianque hæresim æqualitatē inter Divinas Personas negantem.

Secundò non vrget: Quia Christus in Cælo, & est minor Patre, & ei æqualis. Vt minor Patre orat, vt ei æqualis oratur. Cū ergo supplices ad ipsum accedimus, non satis prudenter faceremus; si ipsius supremam maiestatem Divinam non respicientes, inferioritatem humanam rogaremus, contra vñtatisiniæ petentium consuetudinem: eos, ad quos petitori accedunt, sublimioribus titulis nominantium. Ast licet Christus sic oretur, non sequitur ipsum formaliter non orare in Cælo: sicut nec ex eo, quod cæcus ille secus viam mendicans dixerit: *Iesu fili David, miserere mei,* sequitur, adhuc apud Adversarios, Christum non orasse in Mundo.

Ad confirmationem negetur minor pro secunda parte: Ad probationem dicas: Christum in terris meruisse nobis omnem nostram salutem, quantum ad copiosissimam, & superabundantem sufficientiam: sic tamen huius remedii applicatio non excludit alias causas. Et sic videmus, quòd postquam Reparator noster nostram salutem operatus est, Sacramentis indigemus, sub præsidio B. Virg. Mariæ cōlugimus, aliorum Cœlestis Aulæ Militum imploramus opem; non quia his omnibus aliquid pu-

putemus obtinere, quòd Christus pro nobis natus, nactus iam nobis non sit; sed ut illa ipsa salus, quam iam nostram esse fecit Dominus, ac Redemptor noster, iis mediis nobis applicetur. Inter quæ media eminet oratio Christi Domini iam regnantis: rogat enim in Cælo, ut nobis applicetur, quod lucratus est nobis in solo. Nec possum percipere, quid difficultatis horreant Auctores contrarii in oratione Christi, quod non videant in Sactorum orationibus. Vel discrimen assignent, & erunt mihi Magnus Apollo.

30. Vltimò arguitur: Christus in Cælo non meretur: ergo nec orat. Antecedens est certum, & consequentia probatur: Non potest Christus orare, quin aliquid impetret: sed non potest aliquid impetrare, quin mereatur; quia id, quod oratio impetrat, est, quod ipsa meretur: ergo si Christus in Cælo non potest mereri, non orat.

31. Confirmatur: Beatissima V. MARIA, & alii Sancti orant in Cælo coram Christo; iuxta illud: *Tue ad tribunal gratis patrena Virgo postulat. Et Apostoli cum vasillis apud severum indicem, veris reorum scetibus exposite indulgentiam.* Ergo Christus ibi non orat. Probatur consequentia: Si Christus orasset in Cælo, non oraretur; sed simul cum aliis pro nobis peteret.

Ad hoc argumentum, in quo Pater Vasquez cõfundit impetrationem cum merito, responderetur: D. Thom. in 4. dist. 15. quaest. 4. art. 6. questiuone. 2. hoc ipsum argumentum asserere applicatum orationibus Beatorum, quas hæretici negabant: argumentum hoc est: 3. *Præterea, quicumque orat pro alio, alteri meretur: sed Sancti, qui sunt in patria, non sunt in statu merendi: ergo nec in statu orandi.* Ecce ipsissimum argumentum, quo Vasquius Christi orationem impugnatur: ad illud verò respondet Angelicus Doctor sic: *Dicendum, quòd aliud est impetrare, & aliud mereri, ut dicitur: & ideo Sancti, etsi non possint mereri, possunt tamen suis orationibus nobis aliquid impetrare.* Hoc idem respondemus argumento à Vasquio obiecto.

Ad cõfirmationem responderetur: Indulgentissimam Patronam nostram, & Cœlicolas omnes coram Christo utique orare: sed hoc non tollit, quin etiam ipse Dominus ore et Patrem suum; est enim homo Deus: ut homo orat, & oratur ut Deus. Nec per hoc negamus, quòd etiam ad Christum hominem oremus; oramus quidè, & orat Cœlites omnes, ut ad omnium caput: quare, sicut ad Sanctos oramus, & ipsi pro nobis orant: sic potiori iure oramus ad Christum, & ipse pro nobis interpellat. Qui sit benedictus in sæcula.

## QVÆSTIO SECVNDA.

*Verum Sancti, qui in Cælo sunt, orant pro nobis?*

**S**peciale motivum, ut hoc de Sanctis iam regnantibus exploremus, oilerunt nobis Accatolici, qui suis versutiis nihil Sanctum, nihil firmum inter illa, quæ ad fidem nostram; vel ad eius dogmata spectant, patiuntur.

§. I. *Diversa placita relata, & Chætolica veritas proposita.*

32. **H**æresis, assererem Sanctos iam regnantes à nobis nec orari, nec adorari posse, tribui-

tur veluti primo eius Auctori Eusebio Sebastien Episcopo: Eum, insaniamque ipsius, vel exumilans, vel roborans, sequutus est Vigilantius, dicens apud Hieronymum lib. contra Vigilantium cap. 3. *Dum vivimus, mutuo pro nobis orare possumus: postquàm mortui fuerimus, nullius pro alio exaudientem esse oratio.* Hos postmodum sequuti sunt eiusdem sententis aliqui, de quo videri potest Belarminus de Sanctorum beatitudine, & noster Sapientissimus Liberius tom. 1. part. 2. contro. 10. Est tamen observandum: Hæreticos istos

tos multum inter se dissidere. Alii enim absolute negant Sanctos pro nobis orare; & alii, licet negent Sanctorum orationes pro hoc, aut illo individuo, pro hac, vel illa indigentia: concedunt tamen Sanctos orare in genere, ut patet in Apol. confel. Augustanæ. E contra verò Catholici, ut certum de fide tenent, Sanctos orare pro nobis. Sic D. Hieronymus loco citato, D. Ambrosius lib. 6. de viduis. D. Thom. in 4. distinct. 50. quest. 2. art. 1. questiuic. 4. ad 1. & alibi. Noster Extat. Doctor loquutus de Angelis in suo cant. Spirituali cantione 2. Non alios adducimus, quia omnes Orthodoxi sunt pro hac veritate.

33. *Nostri conclusio affirmativa est.* Probaturque breviter, sed efficaciter: Sancti, antequam moriantur, pro aliis orant: ergo & post mortem. Vtraque propositio certissima est. Et prima probatur ex D. Iacobo cap. 5. vers. 16. ubi dicitur: *Orate pro invicem, ut salvetur.* Quibus verbis oratio proponitur, ut viliissima tum orantibus, tum ipsis, pro quibus funditur: his, ut media aliorum oratione ab ærumnis liberentur: illis, ut egregio illo charitatis exercitio, præmium charitati debitum consequantur. Estque adeo vera dicta propositio, ut vel ipsi Hæretodoxi illa negare non audeant, prout constat ex relatis Vigilantiis verbis. Consequentia autem probatur: Eò enim Sancti, dum vivunt, pro aliis orant, quia charitas, quæ abundat, eos compellit, ut fratribus suis opem ferant: sed in patria perfectiori charitate flagrans est enim inamissibilis, & securitatem salutis supponens, non est de propria felicitate sollicita: ergo nunc perfectius pro vivis orant.

34. Confirmatur primò: Inter Ecclesiam militantem, triumphantemque; datur communio, uti in symbolo asseritur illis verbis: *Sanctorum communio:* atqui hæc communio orationibus exercetur in hoc enim nobiscum Beati communicant, quod in nostris laboribus opulentur: ergo. Cætera constant, & minor est D. Ambrosii citati

dicentis: *Et tu habes proximos, qui Deo pro te supplicent: habes Apostolos proximos, habes Martyres proximos.* Quia auctoritate vtraque præmissa probatur: Maior quidem quia dicens Sanctos esse nostros proximos, communio asseritur. Et minor: Quia huius communionis exercitium in orando pro nobis stabilitur.

35. Confirmatur secundò: Inter Ecclesiam militantem, & triumphantem est veluti contractus, vi cuius exules debet honorare Beatos, & isti illis debet auxiliari: sed exules venerantur Sanctos, eorum festa celebrantes: ergo Sancti exulibus auxiliantur, pro eorum necessitatibus petentes. Ob hoc enim Sanctos veneramus, ait Euseb. Alexand. de Sanctis colend. *ut acceptis hymnis, & laudibus auditis, benignum Deum exorent, ut preces nostras caducas admittat.*

36. Prædicto discursus, quos magna ex parte ex Div. Thomæ citato deprompsimus, fuleit D. Hieronymus contra citatum Vigilantium, sic nernuissimè disputans: *Dicis in lictello tuo, quod, dum vivimus, mutuo orare possimus, postquam autem mortui fuerimus, nullius sit pro alio exaudienda oratio: præsertim, cum Martyres visionem sui sanguinis obsecrantes in Apocal. 6. imperare nequiverunt. Si Apostoli, & Martyres adhuc in corpore consisterent possunt pro cæteris orare; quando de se adhuc debent esse solliciti; quanto magis post victorias, coronas, & triumphos? Unus homo Moyses, sexcentis millibus armatorum impetrat a Domino veniam. Et Stephanus, imitator Domini sui, & primus Martyr in Christo, persecutoribus veniam deprecatur: & postquam cum Domino esse coperint, nullius valebunt? Paulus Apostolus, ducentas septuaginta sex sibi dicit in navi autem condonatas: & postquam resolutus esse ceperit cum Christo, tunc ora clausurus est, & pro iis, qui in toto orbe ad sumum Evangelium crediderunt, mugire non poterit? Melliorque eris Vigilantius canis vivens, quam ille Leo mortuus? Recid hoc de Ecclesiâ proponerem, si Paulum in spiritu mortuum confiterer.*

§. II. *Hæreticorum somnia dissipata.*

37. **A**rguitur primò: Si Sancti orarent pro nobis, omnes illi omnibus nostris indigentibus succurrerent: non omnes nostris omnibus indigentibus succurrunt: ergo pro nobis non orant. Maior videtur certas: si namque moti charitate orant, æqualiter viventes omnes, omnesque ipsorum calamitates, aspiciunt. Minor verò probatur ex praxi ipsa fidelium, vnum Sanctum invocantium tempore pestis, & alium pro dolore dentium, & sic de aliis: ergo.

Hoc argumentum est Magdeburgensium, Calvini, & aliorum sequacium, ad quod respondetur: negando minorem; cuius probatio non vrget: Sciunt enim Fideles Sanctos omnes pro omnibus orare. Invocant tamen specialiter aliquos in aliquibus necessitatibus, quia cognoscunt experientia, Deum mediis illis illas oppressiones sublevare: Cum hoc tamen stat cognitio de potestate aliorum, quos tunc non invocant. Sicut frequenter recurrunt Fideles ad certam imaginem Christi Domini, vel eius Sanctissimæ Matris, auxilium petentes; non quia cognoscant alias eorum imagines æqualiter ipsis opulari non posse; hoc enim intolerabile foret: sed quia Deus media hac imagine magis suam benignitatem ostendere solet. Sic erga Sanctos dicendum est.

38. Excipe tamen Sanctissimum Patriarcham D. Ioseph, qui non in aliquibus indigentibus, sed in omnibus calamitatibus opem fert, teste experientia Sanctissimæ eius filiar, ac Mattis nostræ S. Theresiæ de eo in lib. vitæ suæ cap. 6. dicentis: *A otros Santos parece les dio el Señor gracia para socorrer en una necesidad; este Glorioso Santo tengo experiencia, que socorre en todas ::::: solo pido por amor de Dios, que lo pruebe, quien no me creyere, y verà por experiencia el gran bien, que es encomendarse à este Glorioso Patriarca, y tenerle devoción.* Hæc dicta sint pro veritate, & pro cordialissimo amore, quo erga hunc Sanctissimum Patriarcham afficior.

Fundamentum doctrinæ datæ numeri 37. eruo ex Divo Ambrosio lib. citat. de vid. post medium, ubi loquutus de Martyribus ait: *Non erubescamus eos intercessores nostræ infirmitatis adhibere; quia & ipsi infirmitatem corporis, etiam cum viverent cognoverunt.* Vbi experientia laborum pungere dicitur ad levamen: quapropter in labore aliquo speciali invocatur Sanctus ille, qui experientia didicit illius doloris vehementiam. Vnde in mammillarum dolore B. Agatha invocatur: in dentium pressuris Sancta Appolonia, & sic de aliis.

39. Arguitur secundo: Sancti non cognoscunt nostram indigentiam, nec orationes pro ipsa sufflas: ergo non possunt orare pro nobis, nisi ad summum in genere. Consequentia certa est. Et antec. probatur: quia, ut Sancti cognoscerent nostram indigentiam, orationesque, debebant cordis hominum habere cognitionem: hanc cognitionem non habent: ergo. Maior pater, quia multoties tam falsio, quam oratio, sunt valde arcanæ. Minor verò probatur: quia hæc cognitio soli Deo asservata est, ut dicitur 3. Reg. 8. his verbis: *Tu noli solus cor omnium filiorum hominum.* Ergo.

40. Confirmatur: Si hæc scirent Beati, esset per revelationem ipsis à Deo factam: sed Deus hæc non revelat: ergo. Probatur minor: Si namque Deus hæc Beatis revelaret, tunc antequam à Sanctis peteremus, ut pro nobis orarent, deprecaremur Deum, ut eis revelaret nostram orationem: sed hoc non facimus: ergo.

Respondetur argumento negando antecedens: Ad probationem distinguo maiorem: *cognitionem* participatam, concedo. Naturaliter, & à se, nego maiorem. Et sub eadem distinctione minoris, negetur consequentia. Cogitationes cordium dupliciter cognosci possunt: & cognitione naturali, & hac Deus solus cognoscit cor omnium filiorum hominum: Et cognitione participata à Deo: & prout sic Beati habent cordium cognitionem communicatam à Deo ex beatitudinis dono; quia in verbo tamquam



in clarissimo speculo indigentias nostras, nostrasque preces intuentur. Quippe lumen beatificum perfectius est alio quocumque lumine; unde si lumen prophetiae sufficiens est, ut Prophetæ possit cognoscere cogitationes cordis, perfectius hoc habent Beati, quia lumine perfectiori ornati sunt. Et hæc perfecta cognitio est penitus consentanea statui beatifico, in quo Beati appetitus nihil desiderare potest, quod non habet, iuxta illud psalm. 16. *Satiabor, cum appareris Gloria tua.* Et illud Ioann. 6. *Et gaudium vestrum sit plenum.* Naturaliter enim desiderant Beati scire, qui fundunt suas preces ad illos; quid patiantur sui cultores, & huius desiderii adimplentionem habent, ea, quæ scire desiderant, in Verbo videntes.

41. Dices: Si res ita se haberet, non de illa dubitaret Nazianzenus oratione de Gorgonia socræ sub fine dicens: *Si tibi aliqua nostri sermonis est ratio, & hoc Sanctis à Deo munus, ut talia resistant, suscipe nostrum Sermonem multo epistaphiorum loco.* Et similiter Origenes lib. 2. in ad Roman. circa principium ait: *Si Sancti, qui cum Christo sunt, agunt aliquid, & laborant pro nobis ad similitudinem Angelorum, qui salutis nostre ministeria procurant: vel nunc peccatores, etiam si extra corpus positi agant aliquid secundum propositum mentis suæ, Angelorum nihilominus ad similitudinem Ministrorum: habeatur hoc quoque inter occulta Dei, nec chartula committenda mysteriorum.*

His, & similibus nugantur Achatolici, ut suadeat esse contra Patrum mentem nostrum dogma. Igitur Nazianzenus illis suis verbis non dubitat; sed petit secundum vulgarem formulam deprecandi, qua dicimus: *Si vides indigentiam meam.* Vel: *Si misericordiam habes, mihi indigenti succurre.* Hæc ipsa formula usus est D. Paulus ad Philem. dicens: *Si ergo habes me socium, suscipe illum sicut me.*

Auctoritas Origenis extra chorum est. Ibi enim nec verbum habetur de cognitione Beatorum, sed de ipsorum munere. Dubitat ergo Origenes, an si-

cut Angeli boni curant Beatorum salutem, sicut & mali perneciem; ita animæ Beatorum, damnatorumque similiter erga nos munus Cathodis, seu persequutoris habeant? Quæ n. nodum non solvit, sed *inter occulta Dei collocat.* Ait D. Thomas in 4. dist. 50. art. 2. q. 4. ad 2. positivè negat tale ministerium, ut alibi diximus. His tamē non instingitur notitia, quæ de nobis, nostrarumque rerum Sancti habent.

42. Si dicis: Apud Ecclesiast. cap. 9. v. 5. dicitur: *Viventes enim sciunt, sed esse mortuos, mortui vero nihil novērunt amolitis;* ergo Sancti nostri notitiam non habent.

Respondetur: Illum textum loqui de damnatis, ut indicare videntur, quæ subit: *Nec habent ultra mercedem: quia oblivioni tradita est memoria eorū.* Quod de Beatis dici non potest, iuxta illud: *In memoria æterna eris iustus.* Vel si de iustis agit, loquitur de cognitione in ordine ad meritum: Beati enim nihil mereri iam possunt, ut inibi subditur: *nec habent ultra mercedem.* Vel denique loquitur de cognitione humano modo habita: unde non negat, quod alio modo cognoscant res, quæ apud nos sunt.

43. In declarando hunc modum variæ sunt sententiæ: De quo videro poteris Belarminum, Magistrum Torre, Iohannem à S. Thom. & alios. Nobis autem certissimum est, Beatos de nostris tribulationibus, & precibus notitiam habere: siue illam habeant in Verbo formaliter siue causaliter. Hoc est, siue illam habeant ex vi visionis beatificæ siue per revelationem: siue hæc revelatio, & illa visio simul, & semel omnes orationes proponat præsentēs, futuræque: siue successivè, prout existunt. Qualitercumque fiat, cognitio habetur. Quod si per revelationem dicamus haberi non ideo debemus petere à Deo, ut ipsis nostras orationes revelet; quia cognitio hæc pertinet ad statum Beatorum: atque adeo est illis debita; unde superflue foret petitio illa. Per quod patet ad confirmationem.

44. Instas: D. Augustinus lib. de cura pro mortuis cap. 13. probat mortuos

tuos ignorare, quid vivi agant: ad quod in exemplum adducit Matrem suam, quam in Cœlo esse inibi scietur; sed tamen, quia ad illum consolandum non properabat, suarum præsurarum notitiam non habete, dicebat. Et concludit Sanctus: *Si Parentes non interfunt: qui sunt alii mortuorum, qui noverunt, quid agamus, quidve patiamur? Isaias Propheta dicit: Abraham nos nesciuit, & Israel non cognovit nos.*

Respondetur: Augustinum solum denegare Sanctis notitiam naturalem eorum, quæ apud nos aguntur; non autem negat, nec potest, notitiam eorum statui correspondentem: cum eodem lib. cap. 16. dicat. *Nem idè putandum est vivorum rebus, quoslibet interesse scire defunctos; quoniã quibusdam sanantur, vel adinvaditis Martyres adsunt, sed idè potius intelligendũ est, quod per Divinã potentiam Martyres vivorum rebus interfunt, quoniã defuncti per naturam propriã vivorum rebus interesse non possunt.* Quibus verbis, & Sanctos nostri notitiam habere asserit, & hanc notitiam naturalem esse negat: atque adè idem sentit de assistentia erga nos: negat enim nobis interesse posse modo proprio conversationis humanæ; sed non negat notitiam, & auxiliũ modo proprio status beatifici. Quod cõfirmat exemplo Matris suæ, quæ modo proprio cõversationis humanæ ad eũ cõsolandũ non veniebat, sicut faciebat prius quã moreretur: Colligitq; & bene, quod si hoc nõ faciunt Parentes, quibus nostri, nostrorũq; cura

fuit, minùs facient extranei, qui huiusmodi curam non habuerunt. Vnde nec Israel, nec Abraham, sic proderant suo populo.

Licet inter hos Patriarchas, cum hæc de illis dicta sunt, & Matrem Augustini, aliosque Beatos, sit maximum discrimen. Illi enim tunc non erant comprehensores, detenti in Limbo: vnde cum ex vna parte non possent naturaliter scire, quæ apud vivos agebantur; & ex alia non haberent ex vi sui status ius ad istam cognitionem: morabantur in tenebris circa ea, quæ apud vivos eveniebant, nisi vi alicuius particularis revelationis eis lux aliqua conferretur. Beati autem habet ex vi sui status, quod hæc notitia ipsi debeatur.

45. Sed quid dicemus Calvinistis Sanctos videre Deum ante iudicii diem denegantibus? Eos sine iudicio procedere, hæc cum pipiunt. Videatur Cardinalis Belarm. lib. 1. de Sanctorum beatitudine. Vident certè Sancti Deum, & in eo, quidquid ad ipsos attinet, cõtemplantur. Vide D. Gregorius lib. 4. Dialog. ait: *Quid est, quod illi nesciant, ubi scientiam omnia sciunt.* Et Concilium Senonense in decretis fidei damnanans errorem asserentium Sanctos non esse orandos, inquit: *Sed quàm sit hoc non modo veritati, sed etiam Scripturis contrarium non ignorat illud unisforme Divinitatis speculum, in quo, quidquid eorum interfit, elucescat.* Videatur Magister in 4. dist. 45. & inibi D. Thomas quæst. 3. art. 1.

## QVÆSTIO TERTIA.

*Utrum existentes in Purgatorio orent?*

46.



**P**ura in titulo comprehenduntur, quæ declarare debemus, ut sine confusione procedamus. Multipliciter potest intelligi, quod animæ, quæ in Purgatorio exsunt, orent. Primò enim potest intelligi, quod orent oratione cõmuniter dicta; vel oratione rigorosè accepta, de quibus multoties didi est. Secundò po-

test intelligi, quod orent pro se; vel pro aliis. Terriò, quod orent attento statu, in quo sunt; vel ex speciali aliqua Dei ordinatione. Quartiò, quod orent vel in generali, vel in particulari: in generali quidem quando orant pro omnibus suis fratribus militantibus vel pro omnibus suis benefactoribus, quicumque illi sint: & in particulari, si orent pro hac, vel illis personis, quas de-

determinatè sciunt hac indigentia gravari. Quinò denique potest intelligi, quòd titulus loquatur attento rigore metaphysico tam orationis, quàm Purgatorii, quod non ad aliud certè destinatum est, quàm ad poenam: vel quòd loquatur de eo, quod magis pium videatur.

47. His ergo modis intelligi valet quæstionis titulus: Et ex hoc nunc supponimus primò, longè nos ire à Suarìo, & alijs, qui partem affirmativam tuerentur, eo motivo ducti, quòd, nempe, sic sentire est *magis pium, & non est incredibile*, quod non semel rejecerunt ac si alicuius momenti esset hic recursus: cum rei natura exploratur medio disputationis rigore. Quare inspicenda est natura Purgatorii, & motiva, ob quæ ibi animæ detinentur, ut sciamus; an ibi otenis vel non? Quod verò præter naturam illius status aliquando animæ orare dicantur, hoc speciall Dei providentiæ tribuendum est, quod sanè non convincit illum statum hoc ex se sustinere.

48. Secundò supponendum est: Animas in Purgatorio orare oratione cõmuniter dicta, quod probatur: Quia illæ animæ habent mentem elevatam in Deum, quem cordatus amant, & cui se totas subiiciunt: ergo modo dicto orant. Pater ista: Quia oratio generaliter dicta est elevatio mentis in Deum.

49. Confirmatur: Illæ animæ gratias Deo agunt pro beneficiis acceptis eas enim ab inferno liberavit, confirmavit in gratia, & certitudine suæ felicitatis dicavit: nec est dubiũ quin tanti benefactoris pietatem mediuntur: sed gratiarum actio, & meditatio sunt species orationis communiter dictæ, vè disp. 2. quæst. 1. vidimus: ergo.

50. Vnde dubium remanet circa orationem, ut petitio est: in quo est multiplex sententiarum varietas, iuxta diversos modos, quibus propriè orare possit vidimus n. 46. Ut autem à non ad eò necessarijs segregemur, solum referemus duplicem extremè oppositam opinionem. Prima affirmativa est, quam descendit turba magna Doctorũ ex om-

nibus gentibus, & linguis. Sic enĩ sentiunt Gabriel in Can. Missæ lect. 58. Medina cap. de orat. q. 4. & 5. Suarez tom. 2. de Relig. lib. 1. cap. 10. & 11. Belarm. lib. 2. de purgat. cap. 15. Valent. tom. 3. disp. 6. quæst. 2. part. 6. Magist. Torre. à S. Thom. nost. Philip. 22. quæst. 83. & alij plures: qui, licet inter se dissideant in hoc, quòd illarum animarum oratio sit hocivè alio modo ex dictis: omnes tamen rigorosè orare tuerentur. Secunda sententia docet illas animas minimè orare attenta sui status naturæ: hanc cõsems de mente D. Thomæ mox laudandi, eam expressè tenet mundi stupor Abul. in 6. D. Matth. quæst. 83. ad 4. argument. Hæc ipsa opinio conformior est doctrinæ Seraph. Theresiæ pluribus in locis præsertim in de itinere perfect. cap. 21. & in lib. vitæ cap. 8. & manf. 12. cap. 1. quibus suppositis

§. I. *Defenditur vera sententia.*

§ 1. **N**ostre conclusio: *Animæ in Purgatorio existentes non orant.* Probatur primò: Illæ animæ nec nobis, nec sibi aliquid petunt: ergo non orant. Consequentia certa est: oratio enim nihil aliud est, quàm petitio facta Superiori, ut petentis vel alijs, aliquid bonum concedat. Antecedens verò pro utrâque parte probatur: Nam illa oratio nec illis animabus, nec nobis servire potest: ergo nec nobis, nec sibi petunt. Pater ista: Quia numquam fiet ab illis animabus, quod inutile, & superfluum est. Antecedens, in quo est difficultas, probatur: Ut oratio aliqua prosit: debet esse meritoria, satisfactoria, aut impetratoria: sed illarum animarum oratio nulli foret meritoria, satisfactoria, aut impetratoria: ergo Maior continet, quod indispensabiliter requiritur, ut oratio prodesse possit. Minor verò pro prima parte probatur: Animæ illæ sunt extra viam: ergo mereri non possunt. Deinde probatur pro secunda parte: Illis animabus determinata iam est satisfactio à Supremò Iudice quantum, scilicet, passuræ sint: ergo oratio non foret pro ipsi satisfactoria.

ria. Patet consequentia: Quia, ut egregie ait citatus Abulens. *Satisfactio est recompensatio pro pena debita; scilicet ut recipiatur aliquid penale pro altero penali*: Atqui in Purgatorio non datur hæc subrogatio vnius penalis pro alio, quia, ut dictum est, iam à Supremo Iudice determinatum est penale, quod subeundum est: ergo illa oratio non foret satisfactoria pro ipsis: subindeque, nec pro aliis: quia qui pro se satisfacere non potest, potiori iure non potest pro aliis satisfacere.

Iam verò quòd illa oratio non esset impetratoria probatur: Quia ad impetrandum requiruntur merita præsentia, vel præcedentia, & insuper acceptatio Dei volentis intuitu illorum meritorum concedere, quod ab ipso petitur, ut patet in Beatis: sed licet animæ illæ habeant merita præcedentia, non adest voluntas Dei illa acceptans, ut pro tunc aliquid impetraret: ergo. Probatum minor primò: Quia non constat de tali voluntate. Secundò: Quia locus ille solum institutum est ad exolvendum vsque ad novissimum quadranteum: ergo.

§2. Probatum secundò conclusio ratione eruta ex D. Thom. Si existētes in Purgatorio orarent, possent à nobis orari: atqui cordatè à nobis orari non possunt, ut plerique ex Adversariis fatentur: ergo non orant. Maior patet: Quia si earum oratio utilis nobis foret, possemus ipsarum adiutorium implorare. Minor verò probatur ex D. Thoma loco citato ex sent. in argum. *Sed contra*: Quia non est eiufdem orare, & quòd pro ipso oretur: atqui nos oramus pro animabus Purgatorii tamquam pro in extrema laborantibus: nec sibi favere potentibus: ergo ipsæ pro nobis non orant. *Secundò* probatur illa minor ex eodem D. Thoma ibi: Oratio est petitio inferioris ad Superiorem: ut multoties diximus: sed licet ratione impeccabilitatis sint nobis superiores illæ animæ, tamen ratione peccatorum, quæ illius status propriæ sunt, sunt nobis inferiores: ergo idem, quod prius. Minor, in qua poterat esse dissidium,

est innegabilis: Quia in illa ratione, in qua aliquis alio indiget, est illo inferior: sed in ratione peccatorum indigent illæ animæ nostris orationibus: ergo sunt nobis inferiores.

## §. II. Obiectiones.

§3. **A**ngelicus hic discursus non placet Suario, & Belarmino: ob quod primus negat maiorem: aliud est enim, quòd animæ illæ orent: aliud verò, quòd nos eas oremus: primum quidè verum est: secundum autem fallunt: bene enim percipitur posse animas Purgatorii orare pro se: vel pro aliis in generalis: & quòd nos ad ipsas non oremus: quia ut cordatè ad ipsas oremus, debemus scire, illas cognoscere orationes nostras: atque addè orare in particulari pro hoc ad hanc necessitatem in hoc tempore ipsarum patrociniū implorante: quod diversum quid est à præcedenti, & valde incertum: cū ignoremus animas illas nostras orationes cognoscere: Vnde ex quo ipsæ pro se, vel pro Ecclesia militante in generali orent, non sequitur, non posse ad ipsas orare.

§4. Hoc tamen non obest, sed reijcitur primò: Quia si illæ animæ orarent pro se, etiam pro nobis orarent: earum enim charitas perfectissima non pateretur cōtrarium: ergo si non orant pro nobis: nec pro se orant. Secundò reijcitur: Quia quòd cognoscant vel non cognoscant nostras orationes ad nihilum valet: quia eo modo, quo eis conceditur orare in generali, potest concedi orare pro illo in particulari, qui ad illas recurrit vel qui ferventiùs illis favet: vel qui indigentius illas implorat, quem certè Deus cognoscit. Quod demonstratur à simili: siquidem nos oramus, non solum pro animabus Purgatorii in communi, sed etiam pro magis afflictis, magis desolata, magis in Beatissimam Virginem affecta, & sic de aliis: quod certè facimus, quia aliquas animas in Purgatorio esse, quibus eæ conditiones conveniant, scimus: quamquæ illæ in individuo sint, nō sciamus: scimus verò Deum illas bene noscere:

cere: ergo si nos sic oramus, quod non negabit Suarius, cur ipsæ animæ hoc pro nobis facere nō possent, si orarent? Non est ratio, quæ hoc suadeat.

55. Hoc tamen, quod ita verum, facile, solidumque apparet, non arridet Suario: eoque lib. 1. cap. 10. num. 27. ait, quod hic discursus *non satisfacit, quia si nostra petitio ad illarum notitiam pervenire non debet, inutilis est; nec potest habere rationem virtutis.*

56. Sed contra primò: Licet ad nostram notitiam non perveniat, quæ anima sit in Purgatorio magis astra, oramus tamen pro illa, oratione habente rationem virtutis: ergo pariformiter licet ad notitiam animarum non perveniat oratio indigentis viatoris: orabunt tamen, petentes à Deo auxiliū pro eo, qui hac, vel illa, vel aliqua necessitate gravatus: hoc, vel illo, vel aliquo poudere preflus, illarum opem implorer.

57. Contra secundò: Eò nos oramus pro animabus, modo dicto determinatis: quia certò scimus aliquam esse magis v. g. afflictam, illamque à Deo cognosci: atqui animæ certò sciunt, aliquos earum opem implorare, earumq; orationibus indigere: ergo.

58. Contra tertio: Vt oratio habeat rationem virtutis, sufficit, & requiritur, quod sit petitio decentium à Deo: atqui oratio, qua opem animatum imploramus, casu quo orarent, foret petitio decentium à Deo: ergo haberet rationem virtutis. Probat minor: Quia illa oratio terminatur ad Deum ab ipso petens, vt animas Purgatorii moveret ad orandum pro nobis: ergo tenet minor. Probat antecedens: Terminus, sine quo subsistere non potest oratio, est Deus, vt patet per orationis definitionem; vnde, licet oratio fiat ad Sanctos, terminatur ad Deum: tum vt illos moveat ad interpellandum pro nobis: tum vt eorum auxilio nostra oratio subleuetur: vti adstruit D. Thomas dicta quæst. 83. ergo tenet antecedens.

59. Contra quartò: Quia iuxta opinionem adversarij: animæ Purgatorii orant pro tota Ecclesia: sed Eccle-

siæ indigentiam non agnoscunt media aliqua oratione ad ipsas facta: ergo licet nostra oratio ad earum notitiam non perveniat, orabunt pro nobis: eoque possumus earum orationes petere. Minor probatur primò: Quia non facile assignabitur illa oratio: quia Ecclesia potius orat pro animabus Purgatorii, quam ipsas oretis dato tamen, quod illam orationem funderet, ad earum notitiam minimè perveniret: vel si possent cognoscere hanc orationem Ecclesiæ: etiam particularium orationes cognoscent; non enim assignari valet prudens disparitas inter vtramque orationem.

60. Si dicas cum Adversariis: Animas Purgatorii pro Ecclesia orare: quia cognoscunt semper illam orationibus indigere: cum semper necessitatibus oppleatur. Hoc si cum Suario dicas: Ex ore tuo te iudico, sic ex te contra te arguens: Animæ Purgatorii pro Ecclesia orant, quia sciunt ipsam semper necessitatibus circumiri: atqui etiam sciunt esse plures particulares indigentes, qui suis necessitatibus præsi, earum auxilium petunt: ergo vt pro istis orent, non obest, quod non cognoscant eorum orationes in particulari: sed fat est, vt in generali tales orationes cognoscant.

61. Contra denique, & præcipuè reicitur hic discursus Suarii à Suario ipso: Quippe paucis interiectis, vel sui oblitus; vel nescio quo spiritu actus, ad ipsum rotundè addituit, super quo nunc ipsius anima nauseat: sic enim cap. immediatè sequenti numero 16. loquitur Doctor Eximius: *Orare possunt pro illis viatoribus, qui ipsis suffragantur, & curam habent orandi: Illa enim oratio in particulari est pro talius personis, quas Deus optimè novit, licet ipsi animabus ignota sint.* Ex quo sic arguuntor: animæ Purgatorii orant pro illis viatoribus, qui ad illas orant: licet eorum notitiam non habeant; sufficit enim, quod Deus tales viatores, & eorum orationes in particulari cognoscat: ergo non est necessarium, quod animæ Purgatorii cognoscant orationes, nec orant-

rantes in particulari, ut illis subveniant: ergo possumus illas orare oratione habente rationem virtutis, ut ab illis adiuvemur. Contra id, quod num. 41: dixit Suarez. Hæc secunda consequentia constat ex primis; & ista ex antecedenti nota est. Antecedens verò continet formalem doctrinam Suarii: ergo ea attendita, possemus animas Purgatorii orare; si ipsæ orare possent: ergo quod ad ipsas non oremus, provenit ex eo, quod ipsæ non orant, attendita loci, in quo puniuntur, conditioe.

62. Hæc dixerim; quin disputare velim, an animæ possint cognoscere nostras orationes in particulari: quod certe arduum non foret statuere: maxime cum P. Suarez ingenuè illud fateatur cap. 10. citat. num. 28. Vnde ex hac parte corrui fundamentum magnum doctrinæ adversæ: quia si existentes in Purgatorio cognoscunt in particulari orationes ad eos factas; & nihilominus non orant pro nobis, ut asserit Doctor Angelicus, hoc non potest aliunde provenire, nisi quia animæ illæ non orant; si namque orarent, utique nostri misererentur, & nobis indulgentiam Divinam implorarent.

63. Alia via proædit Cardinalis Belarm. contra discursum D. Thomæ dicens lib. 2. de Purgat. cap. 15. quod ratio D. Thomæ, quæ probat animas Purgatorii pro nobis non orare, quia sunt nobis inferiores, non convincit. Postquam autem comuni Magistro sic revereretur, concludit: *Sed quamquam hæc vera sint, superfluum tamen videtur, ab eis ordinariè petere, ut pro nobis orant: quia non possunt ordinariè cognoscere, quid agamus in particulari.*

Cum vidi Doctrinam huius gravissimi Auctoris, expectabam alium finem, remque certam, cui fidere valeremus. Superfluum asserit ab animabus petere. Cur ergo? Nam si pro nobis orare possunt; & nos etiam poterimus ipsarum auxilium implorare. Vel si hoc facere superfluum est; pariter superflue asseriss illas orare pro nobis: imò & falsò. Nec hoc inconveniens cessat per id, quod addis, nempe: *ordinariè*; nam si *ordinariè*

*ut* petere ab ipsis superfluum est; quædo non erit superfluum? Quam regulam assignas, ut oremus ad illas animas? Nullam certè; nisi quod *ordinariè* orare est superfluum.

64. Nec aliud finē habere poterunt rationes ab ipso factæ: sed illas videamus. Sic enim ait: Si animæ nō orāt pro nobis, vel est, quia non vidēt Deū; vel quia maximè torquentur; vel quia sunt nobis inferiores: sed ob hæc non potest dici, quod non orant: ergo ratio Divi Thomæ non convincit. Minor pro prima parte probatur: Quia existentes in Limbo orabāt pro populo: ergo. *Pro secunda parte* probatur eadem minor primò: Quia dives dānatus orabat pro fratribus suis, Luc. 16. licet esset in maioribus tormentis, quàm animæ in Purgatorio. *Secundo probatur*: Quia Martyres orabant pro se, & pro aliis, ut patet de Sancto Stephano Act. 7. *Probat tertio*: Quia dolor non impedit rationem, & affectum animabus. *Probat quarto*: Quia non est dubium, quod pro se ipsis orant, etsi torquantur: ergo similiter pro nobis orant.

Pro tertia parte probatur illa minor primò: Quia nos oramus pro iis, qui sunt nobis superiores, & Sanctiores, ut pro Episcopis, & Pontificibus, & pro D. Paulo orabant olim Christiani. *Probat secundo*: Quia Animæ Purgatorii, etsi sint nobis inferiores ratione pœnarum; sunt tamen superiores ratione gratiæ, & charitatis, in qua confirmatæ sunt; quæ superioritas sat est, ut ad illas possumus orare.

65. Hæc, & non alia Belarminus; quæ certè rationem D. Thomæ non enervant. Respondetur ergo negando minorem quoad omnes suas partes. Prima enim eius pars est falsa; quia reddit non causam pro causâ; quippe non ideo animæ pro nobis non orant, quia Deum non vident; cum Patres in Limbo orarent, & nos ipsi pro invicem orare iubeamur, ut salvemur, ut suprâ ex D. Iacobo dicebamus. Eo enim animæ illæ non orant, quia sunt in Purgatorio, qui locus non est orandis sed patiendi. Etenim oratio nullum effectum ibi habere po-

po-

potest; cum non possit mereri, nec satisficere, nec impetrare: unde superflua est. Oratio pro aliis locum habere non potest in Purgatorio; quia, cum illarum animarum pro se non exolverint, non possunt ad extraneam divertiri. Oratio pro se locum etiam ibi non habet; quia illa oratio propter dicta superflua foret. Est iam definita poena, quam illarum animarum subituræ sunt; quare petendi tempus cessavit. Quod clarissima brevitate docuit D. Thomas dict. q. 83. art. 11. ad 3. iis verbis: *Ad tertium dicendum, quod illi, qui sunt in Purgatorio, etsi sint superiores nobis propter impeccabilitatem, sunt tamen inferiores quantum ad penas, quas patiuntur: & secundum hoc non sunt in statu orandi, sed magis ut oretur pro eis.* Nota illa verba: *non sunt in statu orandi*, quibus derogatur oratio illis animabus ob statum, in quo sunt: non verò quia Deum non vident. Insuper *ly orandi* excludit tam orationem pro se, quam pro aliis: siquidem cum utroque orationis modo pugnat Purgatorii locus.

66. Secunda pars illius minoris etiam est falsa: quia quòd animarum Purgatorii non orant, non est, quia torquentur præcisè; sed quia torquentur in loco solum ad patiendum destinatum: unde inspecta illius loci natura, locus orationi non datur. Per quod pater ad omnes partes illius probationis. Ad primam quidem dicitur primò: Quòd illa illius damnati petitio non est oratio; hæc enim ex pio affectu procedere debet, quem quis apud inferos invenire præsumat? Sic respondent communiter Theologi, verum potest instari: Damnatus quamquam maximè torqueatur, potest petere modo possibili suo infernali statui: ergo qui est in Purgatorio, potest petere ex pio affectu quod certè proprium est animarum iustarum atque adeò orare potest. ¶ *Ideo* respondetur secundò: Nos nò negare animabus Purgatorii capacitatem orandi: possunt quidem orare, sed non orant; nec attendenti sui status conditione orabunt, quia cum illarum status non patitur oratio, & inutiliter operari: propterea ani-

marum illarum, etsi possint, non orant; quia optimè norunt otiosam, & inutilem locum suam orationem, ut observat Abulensis citatus. Quòd verò damnati inutiliter, & otiosè petant, quis negabit? Unde assimilari non debent animabus Sanctis nisi velit Belarmin. vel animas Purgatorii inutiliter procederes; vel serìò damnatos operari.

Ad secundam ipsius partis probationem constat ex modò dictis. Martyres enim erant in loco ad orandum idoneo: unde quàmquam scrofulosè torquebantur, orabant. Quapropter sicut, si ego sic arguerem Martyres dum torquebantur, merebantur, & satisfaciebant: ergo & Animarum Purgatorii mereantur, & satisfaciunt: negares consequentiam eò quòd in Purgatorio non est locus merendi, & satisfaciendi: sic tibi dico: Martyres orabant; at animarum Purgatorii non orant, quia locus ille non est orationis; sed passionis. ¶ Ad tertiam probationem dicimus: idèò, quia tormenta non absorbent animarum rationem, & affectum, non orant; quia sunt cum plena advertentia ad non faciendum aliquid proprio statui repugnans: quiaque statui illi repugnat inutiliter operari: propterea, ne inutiliter operentur, non orant.

Ad quartam probationem respondetur, apud nos dubium non esse, quòd animarum Purgatorii non erant, ut eo ipso loco, quem, ut impugnet, citat Belarmin. asserit S. Thomas dicens, quòd illarum animarum *non sunt in statu orandi*.

67. Tertia pars illius minoris etiam falsa est, cuius primam probationem non adduxerit Belarminus, si rationem D. Thomæ introspeccerit. Non enim negamus, inferiorem pro superiore orare posse ad Deum, cui ambo subiaciunt. Verum qui orat, est in statu orandi, & insuper non eget eo ipso, quòd alii petit. At qui extrema inopia laborat, non petit aliis sed sibi: quòd si in tali statu est, ut petere non possit; tunc hæc sibi, nec alii petit. Et hæc est, quod invenitur in animabus Purgatorii: sunt enim in extrema necessitate, quæ adeò gravis est; ut eorum status

non permittat modum inquirendi remedium. Vnde non sunt in statu petendi sibi, aut aliis. Quod abs dubio docuit D. Thomas verbis illis, quæ num. 55. dedimus; & quæ Belarminus impugnatur.

Quod ut penitiùs calleas, observa D. Thomam eo articulo querere: *Utrum Sancti, qui sunt in patria, orant pro nobis?* Quod disquirat Doct. Angelicus, ut conclusionem affirmativa destrueret errorem Vigilantii somniantis, quòd, licet dum vivimus, pro aliis oremus; post mortem tamen nullus orat. Vnde contra hunc errorem procedens S. Thomas non resolvit, Sanctos ex se (ut ita loquar) orare: hoc enim non negabat Vigilantius; quin potius ante mortem orare dicebat; sed determinat: Sanctos orare, ut sunt in patria; quia ille felicissimus status, solum non impedit Sanctorum orationes; sed potius eas firmat ob perfectam charitatem, ob impeccabilitatem, & ob alia privilegia, quæ secum affert, apprime conducentia, ut Sancti tam pro se, quam pro aliis petant. Ex quo deducitur, titulum articuli præiacati sic esse paraphrasandum: *Utrum status patriæ sit status orandi?* Ad quod affirmativè responderet S. Thomas.

68. Et quia rationes, quibus utitur, magna ex parte conveniunt animabus Purgatorii: ex enim sunt impeccabiles, perfectæ charitatis, & de beatitudine certæ: propterea posset quis dubitare, ut de facto dubitatur: an status Purgatorii, in quo illæ prærogativæ inveniuntur, sit etiã status orandi, sicut est beatitudo, in qua illa privilegia dantur? Ad quod in argumento citato respondet D. Thomas duo. Primum, quòd animæ illius status sūt nobis quoad impeccabilitatē superiores; & ex hac parte non solum pro se; sed etiã pro aliis orare possunt: verum considerata conditione illius status, nullatenus orant; quia prout sic sunt nobis inferiores inferioritate eas ad tantam inopiam redigente, ut non solum omni remedio egeant; sed quòd vel ab ipso querendo destituuntur. Verba D. Thomæ iterum exscribo: *Qui sunt in Purgatorio, etsi sint nobis supe-*

*riores propter impeccabilitatem; sunt tamen inferiores quantum ad penas, quas patiuntur, & secundum hoc non sunt in statu orandi.* Videatur ipse D. Thom. q. 4. citata ex sentent. quest. iunc. 2.

Secunda probatio illius tertie partis novum modum arguendi, & sanè facilem, docet: ait enim D. Thom. Animæ Purgatorii, etsi sint propter impeccabilitatem superiores; sunt tamen inferiores ratione penarum: ergo non orant. Et opponit Belarminus; illæ animæ, etsi ratione penarum inferiores, sunt superiores ob impeccabilitatem: ergo orant. Bene, & optimè. Respondetur ergo: Quòd ob impeccabilitatem non repugnat illis animabus oratio; sed propter conditionem status, in quo animæ illæ impeccabiles inveniuntur.

Maneat ergo ratio nem D. Thomæ inconcussam persistere; quia illa animarum inferioritas, illas constituit in statu, in quo nec petere possunt.

### §. III. Argumenta.

69. **C**ontra nostram Conclusionem arguitur primò auctoritate D. Thomæ in 4. dist. 21. quest. 1. art. 3. ad 4. ubi loquutus de modo, quo poena venialis remittitur in Purgatorio ait: *Ad 4. dicendū, quòd post hanc vitam, non datur meritum respectu premii essentialis sed respectu alicuius accidentalis potest esse, quandiu manet homo in statu via aliquomodo: & ideo in Purgatorio potest esse actus meritorius quantum ad remissionem culpa venialis.* Ex quo habemus primò, animas Purgatorii esse aliquomodo in statu via. Secundò habemus posse illas animas mereri: Ex quo inferitur, quòd orare possint.

70. Hic textus difficultate non caret: eam tamen superare nititur Cardinalis Belarminus lib. 2. de Purgar. capit. 3. dupliciter: Primò dicens: D. Thomam hanc sententiam retraxisse in quest. 7. de malo art. 11. ubi contrarium docet. Secundò ait D. Thomam non loqui de merito propriè tali: sed solum de eo improprie sumpto. Quam



Quam explicationē propriissimā reor, eamque tradit ipse Doctor Angelicus arr. 11. citato. Vnde dicendū est: Quod in ipso egressu animæ a corpore, & ingressu in Purgatoriū elicit anima actū, vel charitatis, vel contritionis incomparabilem cum culpa veniali: quare adveniente hoc actu perit culpa propter vtriusque impossibilitatem: Et propter hoc asserit D. Thomas illam animā mereri remissionem culpæ: quæ certè est verissima locutio, licet, ut dictū est, meritum illud non sit morale, sed proprium; sed impropriū modo dicto. Ratioque ad id statuendum solida est: quia ex vna parte anima non intrabit in Cœlum, vsque dum ab illa culpa absolvetur: Ex alia verò iam non est meriti locus: Vnde, nisi de remedio provideretur, maneret anima illa in æternū à Paradiso exclusa. Quapropter indulgentissimus Deus merita huius animæ intuens facit ipsam actum elicere; qui ob physicam impossibilitatem cum culpa, illam excludit. Videantur N. Salmanticenses tract. 24: ad art. 4. quæst. 83. à num. 9.

71. Arguitur secundò, & simul contra dicta replicatur: Existens in Purgatorio est in viatōge meretur, & orat: Consequenter patet. Et antecedens probatur 1. ex adducto D. Thom. affirmante, talem animam manere *in statu viæ aliquomodo*. Secundò probatur ratione: Illa anima non est in termino: ergo est in via. Patet ista: Quia non datur medium. Et antecedens probatur: Qui nō est in sūma felicitate; vel in sūma infelicitate, nō est in termino: existēs in Purgatorio nō est in summa felicitate, nec in summa infelicitate: ergo:

72. Confirmatur primò: Existens in Purgatorio habet charitatem imperfectam: ergo non est in termino. Probat ur antecedens: Horrens, timensque pœnam habet charitatem imperfectam; quia *perfecta charitas foras mittit timorem*: existens in Purgatorio horret pœnas, quas patitur; alias non essent involuntariæ, contra D. Thomam dist. 4. citata. quæst. 1. quæstiunc. 4. ergo.

73. Confirmatur secundò: Dum

homo movetur in alium, non est in termino: existens in Purgatorio movetur in beatitudinem: ergo non est in termino.

Respondetur argumento negando antecedens, ad primam probationem dico: D. Thomam dicere illum esse *aliquomodo* in vias quia elicit actū aliquomodo meritoriū; quia sicut qui propriè meretur, propriè, & simpliciter est in via: ita qui impropriè meretur; impropriè, seu *aliquomodo* dicitur in via esse. Quod cum faciat existens in Purgatorio, ut patet ex num. 60. propterea dicitur esse in via *aliquomodo*.

Ad secundam probationem respondetur: Terminum præfixū ad meritum, vel demeritum, non esse gloriam, sed mortem: atque aded adveniente morte cessat via ad merendum, vel demerendū. Vnde, quamvis anima non sit in Cœlo, nec in Inferno; sed vel in Limbo, ubi Patres sues; vel in Purgatorio, ubi pressuratum torrente torretur iusti debitores; iam non est in vias quia huius per mortem clausa est ianuæ: Quod patet exemplo corporei viatoris venientis ad civitatem; cum fores clausæ sunt, qui iam perfecit iter; licet expectet, quod fores referentur; antea enim ingredi civitatem haud potest: & tamen toto illo spatio, quo ad valvas moratur, iam non est viator; etsi viatoris ornamenta retineat, vsque dum ingrediatur civitatem. Similiter existēs in Purgatorio viator nō est; etsi fidem, & spem, quæ sunt viatoris notæ, conservet. Per quod patet ad secundam confirmationem.

Ad primam respondetur: Perfectam charitatem foras mittere timorem culpæ propter pœnam; non verò timorem, & horrorem pœnæ ob culpam prius commissam. Et quamquam illas pœnas timeant, horreantque existentes in Purgatorio; eas etiam amant, ut suæ puritatis instrumenta; & ut media, sine quibus non possunt coronari. Videatur D. Thom. loco citato ex sententia quæstiunc. 4. & 3. p. quæst. 15. art. 6.

74. Arguitur tertio: Existentes in Purgatorio petunt liberari à suis angustis;

tiis: ergo orant. Patet consequentia. Et antecedens probatur primò ex Div. Thoma questione. 4. citata, ubi in secundo argu nento *Sed contra*, & in corpore asserit, animas illas frequenter suffragia petere. *Secundò probatur* ex repetitis historiis, & animarum apparitionibus, quæ passim recitantur: ergo tenet antecedens.

75. Confirmatur primò: Illæ animæ cognoscunt suam indigentiam, à qua liberari cupiunt, & cognoscunt Deum esse potentem, ut eas ab iis angustiis liberet: ergo illum orant. Probatur consequentia, quia, ut quis oret, nihil aliud requiritur, nisi ea, quæ in antecedenti continentur, ut de se notum est: ergo.

Confirmatur secundò: Fideles implorant, & quidem cum magno fructu, intercessionem existitium in Purgatorio: ergo ibi orant. Consequentia est evidens, & de antecedenti nemo est, qui dubitet, ob celebres experientias, quas habemus, & etiam patet: quia B. Paschasius, adhuc in Purgatorio existens, miraculum fecit in favorem ipsius intercessionem implorantium, ut refert D. Thomas in 4. dist. 15. citata: ergo vera est consequentia.

76. Respondetur argumento negando antecedens: Ad utramque probationem simul dicimus: verum esse, quod in ipsis continetur nobis autem non opponi. Ea quippe eveniunt ex Dei speciali voluntate, qui operari cum illis animabus vult, præter id, quod petit conditio Purgatorii. Hoc enim non est ex se orationis locus: Verum Deus, qui causas animarum iudicat, imponit aliquibus animabus, ut socios quærant, qui mediis suis suffragiis, & orationibus opem illis ferant. Verum, præcisa hac Dei speciali voluntate, non orabunt: quia debent conformari cum conditione status, in quo sunt, nè; si aliter faciant, inutiliter operentur.

77. Dices primò: Ergo anima, cui Deus hoc privilegium non concedit, potest illud à Deo petere: ergo & orare. Probatur prima consequentia: Id posuit à Deo petere, quod videmus aliis

Deum concedere solitum: sed gratiam petendi suffragia dispensat Benignissimus Deus pluribus animabus: ergo illa carentes possunt à Deo petere.

78. Dices secundò: Animæ in Purgatorio non orant, nè inutile quid faciant: sed ex quo orant non sequitur, quòd aliquid inutile faciant: ergo. Probatur minor: Ex quo in Purgatorio possint orare, non sequitur, quòd ibi aliquem defectum committere possint: ergo ex quo actu orant, nullum defectum committunt. Antecedens patet: Ille enim status, nedum defectum; verum, & potentiam ad deficientium excludit. Et consequentia probatur: Si namque potentia ad orationem in Purgatorio non est potentia ad deficientium; pariter orationis actus non est defectus, ut paritas, & proportio, quæ inter potentiam, & actum servari debet, ostendunt.

79. Respondetur ad primam negando consequentiam: Ad probationem dicas maiorem esse veram, si finis in statu petendi tunc enim possumus: imò debemus à Deo petere gloriam, & ea, quæ ad gloriæ consequutionem conducunt. Existentes in Purgatorio non sunt in statu orandi; eoque non petent illius gratiæ participationem: quia oratio ibi facta non est medium ad consequutionem talis gratiæ propter dicta num. 51. quæ repetit ibi citatus Abulensis quæst. 83. ad secundum dicens: *Causa tamen potissima est, quia oratio sua non potest nobis, nec ipsis in aliquo prodesse, ut ostensum est; ideo nunquam orant.* Unde nisi Deus mera benignitate sua, vel intercessione alicuius Coelestis, aut peregrinantium suffragiis, & orationibus motus, illam gratiam disperferet, non alius modus est tunc illam habendi. Hincque altè colligere debemus, perfectionem vitæ, quam obtinere tenemur: ut sic illi Purgatorio igni pabulum, in quo morerent, auferamus: & quòd, dum vivimus, patronos in Cœlo præparemus, qui, dum in Purgatorio sumus, pro nobis orant; ad quod eximium remedium est ipsis Purgatorii animabus nunc opitulari ut cum cœlestem curiam inhabi-

bi-

bitent, nobis ubicumque degentibus, & egentibus gratiam rependant. Sciamus Animas in Purgatorio fore velut corpus ita languidum, & debile, ut ne moveri quidē possit, ut sibi ipsi subveniat, nec vocem dare ad alienam protectionem. Quamobrem Seraphica M. nostra Theresia ait loco cit. ex mans. 1. *El alma sin oracion es como cuerpo con perleña, è tullido, que aunque tiene pies, y manos, no los puede mandar.* Vbi nobis confert cœlestē pro præsenti materia documētum: quippe si valet: *anima sine oratione est: ergo sibi subvenire non potest.* Ita ē converso valet: *anima sibi subvenire non potest: ergo est sine oratione.* Si namque oraret, illis angustiis minimē premere-  
tur. Ast iustissimus, & benignissimus Deus eam, omni ex parte, fatigat, ut sic citius, quō gravius pulchrius, quō acerbius purificetur.

86. Ad secundam obiectionem respondetur: Actum orationis correspondentem potentia ad orationem in Purgatorio non esse inutilem; sed fructuosum: sicut ipsa potentia inutilis non est: actus enim ille, & potentia subternuntur Divinae dispositioni, qua accedente, illas animas orare, dicimus. Verum actus orationis, prout respicit conditionem Purgatorii, omnino impertinens est, ob sapius dicta: unde, si animā illum sic ponerent, inutiliter operaretur. Nec in hac anili, & transcendentī replica, ampliū immorari oportet.

81. Ad primam confirmationem

respondetur: Animas Purgatorii cognoscere quidem ea, quæ in antecedenti continentur & insuper cognoscunt orationem suam ad nihilum valere: & ideo ab orando abstinere.

82. Ad secundam cōfirmationem respondetur cum Magistro Torre dicente: Illud verō, quod obicitur de more fidelium se commendantium animabus Purgatorii nihil probatur cū his, & similibus occupetur rude vulgus: sicut in implorando opem animarum Purgatorii pro custodia peccorum, pro inventionē verum perditurum, &c. Sapientes quidem eis opitulantur suis suffragiis, ab ipsis verō nihil petunt. Hactenus hic Magister 2. 2. quæst. 83. art. 4. disp. 6. cum D. Thoma, quem omnes Thomistæ sequuntur.

Ad illud de miraculo Paschasii respondet D. Thomas citatus, & ex eo Abulensis sic: *Ad certū dicendum, quod Paschasius, qui erat in Purgatorio, miraculum fecit, eo quod in miraculis non attenditur præcipuē Sanctitas eius, quæ oratur; sed fides, & devotio orantis: nam Dominus infra 9. & Luca 8. mulierē, quam sanavit à fluxu sanguinis, dixit: fides tua te salvam fecit: Non tamen exaudiebatur oratio eorum, qui orabant ad Paschasium, quasi Paschasius in Purgatorio existens oraret pro eis, quia pro nullo orabat, & si oraret, esset oratio inutilis; sicut caterorum existentium in Purgatorio, ut supra ostensum est.*

## DISPUTATIO QVINTA.

*De his, qui possunt orari.*

D. O. M. Orari debere nemo est, qui abigit, qui vel ipsā orationis definitionē audivit: Certū est etiam ad Sanctos, qui in patria deliciantur, nostras orationes terminari, quod fide Sanctum est. Solū potest esse difficultas circa modum, quo Sancti nostras orationes cognoscunt, ut sic, illis cognitīs, nobis opitulentur. De quo videri valent Raphael de la Torre, & Magist. Ioannes à S. Thoma 2. 2. quæst. 83. art. 4. Qui hanc difficultatē egre-

giē versant. Nobis verō solūm disputare nunc placet, sub qua ratione oratio nostra à Deo terminetur? Et an possimus orare ad Sanctos, sive in Cœlo existentes, sive terrestrem Paradisum habitantes? Quod dicimus propter Magnū Patriarchā N. Parētem Eliam? Est enim in hoc Sanctissimo viro speciale dubium, quod in aliis Sanctis non datur. De animabus autem Purgatorii diximus q. præcedēti. Unde solūmodo dictas quæstiones excitabimus.

QVÆS.

## QVÆSTIO PRIMA.

*Utrum Deus oratur sub ratione personæ?*

2.



Agister Torre attic. citato disp. 1. num. 6. ait, præsentē quæstionem excitati à Doctoribus Scholasticis in 4. dist. 15. ubi de ea agit D. Thomas. Postquàm autem hoc præmittit, subiungit: *Dubitatio meo iudicio frivola, & ut talis à D. Thoma in summa relicta: eò quòd indifferenter ad essentiam, & ad personas, prout devotio suggererit, oratio fundenda est.* Et subdit: *Petitio namque factionem postulat: parùm curans de formalitate faciendi.*

2. Plura in his hic auctor devorat, quæ maturiùs cōsiderate debuisset. Frivolam dubitationem appellat, quam Doctores Scholastici, & Theologorum Princeps D. Thomas excitant loco citato ex sententiaris. Cur ergo frivola est? Primò, quia in summa omittitur à D. Thoma. Secundò, quia oratio indifferenter terminatur ad essentiam, & ad personas prout devotio suggerit. Tertio, quia oratio effectum quærit, parùm cutans de formalitate faciendi. Egregiè. Dum infero: ergo D. Thom. in sententiaris frivolas dubitationes versat: eas vè, quæ innumeræ sunt, quas amittit in summa. Itidem: ergo frivole quærit D. Thom. adhuc in summa, & cum eo hic Auctor, an oratio nostra terminetur ad solum Deum? an etiam ad Sanctos? Quia oratio indifferenter terminatur iam ad Sanctos; iam ad Deum, prout devotio suggerit. Adhuc: ergo frivole quærit D. Thom. etiam in summa, & cum eo hic Auctor, an oratio sit actus appetitivæ virtutis? An sit actus Religionis? (infinita prætereò) quia orans intendit consequi, quod desiderat: quod verò sit oratio actus voluntatis, vel non? Aut quòd à Religione eliciatur, vel imperetur, valde materiale est, dummodò, quo caret, obtineat. Si vera hæc forent, sine oleo, & opera quotquot vivimus,

astris dominaremur omni sapientia vestri.

3. Maneat ergo D. Thomam hanc quæstionem cordatè in sententiaris excitasse: Fallumque, illam in summa, ut iam dicam, omisisse. Et etiam falsum est, quòd nostra oratio indifferenter ad essentiam, & ad personam terminetur si de ratione terminandi loquamur. Ac denique falsum supponit, dum eo modo vult, Theologos in disputationibus procedere, ac in suis devotionibus idiotæ.

4. Ad rem ergo licet oratio ad Deum terminetur: quia tamen aliud est id, in quod aliquid refertur, & aliud ratio sub qua in illud ordinatur: propterea examinandum restat, an oratio respiciat Deum sub aliqua ratione absoluta, an verò sub aliqua ratione relativa?

§. I. *Communis sententia statuitur*

5. **N**ostra conclusio: *Ratio sub qua Deus à nobis oratur est absoluta.* Conclusio hæc communissima est. Eam docet D. Thomas non solum loco citato, sed etiam 2. 2. quæst. 83. art. 4. Abulens. in 6. Matth. quæst. 88. & Seraphica Theresia in de itinere perfect. cap. 23. Probaturque ratione D. Thomæ sic formata: Deus oratur à nobis, ut Auctor gratiæ, & gloriæ: ergo oratur sub ratione absoluta. Patet consequentia: Deus enim ut gratiam, & gloriam confert, operatur ad extras; atque adeò sub ratione communi toti Trinitatis quæ quidè ratio, ut potè communis, absoluta est. Antecedens verò probatur: Deus oratur sub illa ratione, sub qua terminat orationis intentionem: atqui intentio orationis dirigitur ad Deum, ut gratiæ, & gloriæ Auctorem: ergo sic illum respicit. Maior certa est. Probatur minor ex D. Thom. dicente art. citato in corpore: *Omnes orationes nostræ ordinari debent ad*

*gratiam, & gloriam consequendam.* ergo tenet minor.

6. Confirmatur primò: Oratio respicit Deum, vt bonum: sed bonitas est ratio absoluta: ergo sub hac oratur. Minor patet; quia relationes, nec perfectionem, nec bonitatem dicunt, iuxta selectiores Thomistas. Maior verò probatur: Deus oratur, vt est sui communicatus: sed hoc habet, quia bonus est, de cuius ratione est, quòd suas diuitias in nos diffundat: ergo.

7. Confirmatur secundò: Oratio respicit Deum, prout Deus intelligitur aliquam habitudinem dicere ad creaturas orantes, & prout ista realiter ordinantur ad ipsum: atqui ratio, sub qua percipitur Deus cum aliqua habitudine ad creaturas orantes, & ad quam ista realiter ordinantur, est absoluta: ergo oratio terminatur ad Deum sub ratione absoluta. Consequentia formalis est. Et maior omnino certa; non enim creatura Deum oratur, nisi aliquid ab eo speraret; vnde Deus oratus intelligitur cum aliquo ordine ad orantem, qui realiter ordinatur ad Deum; sunt enim quasi correlativi. Minor verò probatur primò: Quia Deus vt terminat orationem, est causa creaturæ: atqui est causa creaturæ sub ratione absoluta, vt de se patet: ergo. ¶ Secundò probatur minor: Si namq ratio illa non esset absoluta, sed relativa, oras ad Filiū æternum v. g. illum respiceret, vt filius est: atqui hoc absurdum est: ergo tenet minor. Maior certa est, & minor probatur: Filius vt talis non respicit nisi Patrem; nec ab alio nisi à Patre respicitur: sed absurdū est dicere, quòd orans sic respiciat Verbum Diuinum; aut sic ab illo respiciatur: ergo.

8. Vnde habes: Quàm immeritò dixerit Torre, orationem nostram indifferenter ad essentiam, & personam terminari; si per hoc, quòd ad personam terminetur, velit, quòd ratio terminandi sit relativa. Quippe nemo negat, orationem nostram terminari ad personas: cum enim dicimus: *Spiritus Sancte Deus, miserere nobis*, personam oramus. Verum ratio terminandi hanc

orationem non est aliquid relativum; sed absolutum: quod vel ex ipsa orationis formula patet, dicimus enim, *Spiritus Sancte Deus*; atque adeò personam alloquimur sub ratione absoluta Deitatis: in quo certè devotio nostra arbitrari non potest.

9. Etiam habes contra ipsum Magistrum: Angelicum Præceptorem non omisisse in sua mirabili summa hanc quæstionem; quamquàm munus Refumptoris adimplens eam non verset sigillatim. Verum asserens nostras orationes ad Deum dirigi, vt Auctorem gratiæ, & gloriæ: simul, & semel adstruit Deum esse principalem orationis terminum, & hunc per rationem absolutam constitui. Quod in Angelica Divi Thom. summa pæsim offendens. Videatur Caietanus, cit. loc. ex 2. 2. art. 11.

## §. II. Obiectiones.

10. **H**As rationes, quæ abs dubio conclusionem certissimam expriment, aliquas labefactare videntur. Obiicies ergo primò contra rationem probativam. Multa petite oratio, quæ non sunt gratia, & gloria: ergo Deus non oratur, vt Auctor est gratiæ, & gloriæ. Antecedens probatur primò ex dictis lib. 4. vbi agentes de petitione diximus, à Deo petenda esse plura, quæ non sunt gratia, & gloria. *Probatur secundò:* Quia Christus D. iubet nos orando petere ea, quæ in oratione dominica continentur: atqui in oratione hac, præter gratiam, & gloriam, plura alia petuntur, vt panis quotidianus, & liberatio à quocumque malo: ergo. *Probatur tertio* ex D. Thom. citato art. 9. in corpore dicente: *Ille rectè solum orando petimus, quæ rectè desiderare valeamus:* sed desiderare valeamus valetudinē, sciētiam, aliaque: ergo.

Respondetur ex D. Thoma loco citato, ex sent. art. 4. quæstiunc. 2. vbi hæc ait: *In illis, quæ desiderantur, est duplex distinctio attendenda: prima est, quia quedam desiderantur propter se ipsa, quedam propter aliud. Secunda est, quia quedam non habent superfluitatem desiderii, sicut virtutes; quedam autem habent,*

*bent, sicut voluptates, divitiæ, & huiusmodi. Bona autem temporalia, & propter aliud desideranda sunt, & cum quadam mensura: scilicet secundum quod sunt necessaria ad vitam presentem agendam, & ideo hoc modo orari etiam pro eis potest. Per quod patet ad primam, & tertiam probationem antecedentis.*

Ad secundam probationem dicimus: Illam esse confirmationem datam doctrinæ. Christus enim Dominus illa sua Divina oratione docuit nos res, quas petitori sumus, & modum, quem in petendo observare debemus. Res omnes, quas à Deo petitori sumus, continentur in illa oratione. Nec alia, qui Christi discipulato gloriamur, petere debemus: licet aliis verbis illa ipsa petere valeamus. Quod egregie tradit Augustinus Epist. 121. cap. 12. ubi locutus de oratione dominica ait: *Liberum est aliis, atque aliis verbis eadem tamen in orando dicere: sed non debes esse liberum alia dicere.* Eandem utilissimam doctrinam tradit Extaticus N. Patens D. Ioannes à Cruce lib. 3. ascen. cap. 43. per hæc verba: *Quando à Christo Senior Nostro rogaron sus Discipulos, que les enseñasse à orar, es cierto les dió todo lo que haze al caso, para que nos oyese el Padre Eterno, y solo les enseñó aquellas siete peticiones del Pater noster, en que se incluyen todas nuestras necesidades espirituales, y temporales.* Verum has res temporales, desiderare, & petere debemus propter ipsas res spirituales: non autem propter se ipsas, ut modò ex D. Thom. vidimus: quòd si ipsæ res temporales petantur non ut gratiæ, & gloriæ subiciuntur, sed aliàs: tunc petitio illa non est actus Religionis: sed petitio quædam, quæ certè oratio nò est: ut monet laudatus Augustinus hisce verbis: *Quisquis id dicit, quod ad istam Evangelicam preceptum pertinere non possit: etiam si in illicite erat, carnaliter orat, quod nescio, quomodo non dicatur illicite: quandoquidem spiritus renatus non nisi spiritualiter debet orare.* Videatur Caictanus att. 4. cit. ex 2. 2. ubi profunde hoc declarat, & Mag. Ioan. à S. Thoma ibidem, ubi satis nervosè Caictanum contra Sua-

rium, cum impugnantem, defendit.

11. Obiicitur secundò contra primam confirmationem: Est probabilis opinio, quòd relationes Divinæ dicunt suam bonitatem: ergo stando in hac opinione poterit Deus orari sub ratione aliqua relativa.

12. Confirmatur: Quamquàm relationes ex se non habeant bonitatem, illam dicunt ratione essentia, quam includunt: sed hoc fat est, ut possint terminare orationem: ergo. Probatur minor: Ad Sanctos terminatur oratio nostra, licet non habeant ex se, sed ex Deo concedente, gratiam, & gloriam, propter quas illam terminant: ergo pariformiter poterit ad relationes terminari, etsi ex se non dicant bonitatem.

Ad obiectionem respondetur negando consequentiam. Quia bonitas, quam oratio respicit, debet esse sui communicativa: hoc enim intendit oratio, ut à summo bono participet bonitatem, quæ mala propria exuat bonitas autem illa relativa non est participabilis: unde orationem terminare non poterit. Cum autem dicimus, bonum esse sui diffusivum, non loquimur de bono relativo, quod, ut dictum est, non solum non est communicabilis verum ex se asserit incommunicabilitatem: quare bonitas ea relativa, quam illa opinio veneratur, apta non est, ut ad eam oratio terminetur.

Respondetur secundò ex D. Thom. att. 5. ex loco citat. sentent. quæstione. 3. ubi in argum. *Sed contra* ait: *Cum bonitas sit activitatem essentialē, videtur quòd oratio dirigatur ad Deum ratione naturæ.* Quibus verbis, & relationes non dicere bonitatem docet, & obiectionem diluit, & nostram conclusionem firmat.

Ad confirmationem concessa maiori distinguatur minor: quæ negari debet, si velit, relationem esse rationem terminandi. Si autem velit relationem, seu personam esse terminum qui orationis, quæ ad ipsam personam ratione bonitatis terminetur, concedi debet, & firmari paritate illa Sanctorum, ad quos certè non terminatur oratio nostra, nisi propter illa, quæ à Deo habent

bent

bent. Vnde proportionē servata, idem in utroque casu dicimus.

### §. III. Argumenta.

13. **A**rguitur primò: Terminus, ad quē dirigitur oratio, constituitur relatione: ergo hæc est ratio sub qua Deus oratur. Patet ista: Nam ratio sub qua attingitur terminus, est forma ipsum in esse termini constituens. Antec. verò probatur: oratio debet dirigī ad Patrem æternum, dicente Christo Domino apud Ioann. 16. *Si quid petieritis Patrem in nomine meo.* Et similiter apud Matth. 6. præcipit nos orare dicentes: *Pater noster, qui es in Cælis:* atqui Pater constituitur relatione paternitatis: ergo.

14. Confirmatur: Oratio Christi terminatur ad Patrem: ergo & nostras quia utraque est eiusdem speciei: eoque eundem terminum habere debet. Probatur antecedens. Nam Matth. 26. oravit Christus, dicens: *Pater, si possibile est, transeat, &c.* qua veritate imbutus D. Ioannes ait: *Advocatum habemus apud Patrem:* ergo.

Vt his, similibusque aliis respondeas, scias: nomen *Pater* dupliciter sumi in Divinis, primò essentialiter: Secundò personaliter. Primo modo Pater est Deus, cōstituturque per Deitatem, quæ communis est omnibus Personis: nec Patri sic sumpto correspondet ad intra aliquis terminus: sed solū ad extra. Pater personaliter acceptus cōstitutur Paternitate: Verū potest, debetque adhuc dupliciter cōsiderari ex D. Tho. quæst. iunc. 3. citata ad 1. quippe potest sumi, ut est persona quædam ab aliis distincta: vel prout est principium communicans Deitatem aliis personis: & prout sic dicit omnes personas quia se ipsum dicit, ut origo aliarum, & alias etiam personas dicit, ut à se originatas. Ita laudatus D. Thomas ex Hilar. lib. 8. de Trinitat. Ex iis ergo

Ad argumentum respondetur dupliciter: primò, negando antecedens. Ad probationē distinguatur maior: *ad Patrem* essentialiter sumptum, concedatur: per-

A SPIRITU SANCTO.

sonaliter acceptum, negetur. Et hæc distinctione explicentur auctoritates in contrarium adductæ, quæ sanè loquuntur de Patre essentialiter sumpto. Videatur Abulensis præcatus quæstione 88.

Respondetur secundò negando similiter antecedens, & distinguatur maior: *Ad Patrem*, ut est persona quædam distincta ab aliis, negatur: *Ad Patrem*, ut dicit alias personas tamquam ab ipso habentes Deitatem, conceditur. Sicque argumentum resolvatur. Illæ quippe auctoritates intelligendæ sunt de Patre hoc secundo modo accepto, qualiter tam ipse, quam aliæ Divinæ Personæ dicunt, ut rationem formalem prædicatum absolutum: liquidem ratio formalis constitutiva principii, & termini Divinarum processionum, absoluta est, ut modò supponi debet.

Ad confirmationem respondetur: Quòd, ut dictum est, Pater vel sumitur essentialiter: vel si personaliter, non accipitur, ut est persona quædam distincta ab aliis: sed prout illas modo dicto dicit: & utroque modo, dum Pater oratur, oratur alie personæ.

15. Arguitur secundò: Si Deus oraretur sub ratione absoluta, non posset una persona orari sine alia: sed potest, & de facto oratur: ergo non oratur sub ratione absoluta. Cætera constant, & minor probatur ex praxi Ecclesiæ dirigentis suas orationes ad Patrem, & ad Filium, non verò ad Spiritum Sanctum: ergo.

16. Confirmatur: Potest quis unam Personam orare: quin alias orer: ergo terminus formalis orationis est relatio. Probatur antecedens: primò: Actus liber potest sic, vel aliter fieri: sicut potest fieri, vel non fieri: sed oratio, est actus liber: & terminari ad unam personam, vel ad aliam est sic, vel aliter fieri: ergo potest ad unam, vel ad aliam terminari. Probatur secundò antecedens: Possumus, & debemus gratias agere ob beneficium redemptionis: sed hoc respicit personam Verbi, & non alias: ergo.

Respondetur argumento negando minorem: Ad probationē dicās: Quòd licet

licet una persona possit orari, quin alia nominetur oratio verò ad omnes terminatur ob rationem dictam: nempe, quia ratio terminandi est omnibus communis: quòd si aliquis unam personam oraret ob specialem affectum erga illam, quem ad alias non haberet, talis affectus culpabilissimus foret, ad hæresimque pertineret: quia hic affectus subsistere nequit, nisi reguletur per cognitionem supponentem unam personam meliorem alias: seu habere diversam bonitatem: quod certè falsissimum est. Vnde oratio debet terminari, vel ad Deum absolutè vel ad omnes personas sine alicuius exclusione: quòd si aliqua exprimitur, hoc non intelligendum est: ita ut alia tunc eodem actu non oreretur quod certè facit Ecclesia, cum ad unam personam dirigit orationem.

17. Persistis tamen: Cur Ecclesia non dirigit orationem ad Spiritum Sanctum? Respondetur ex D. Thoma præcitato ad 2. falsum id prorsus esse: cum etiam ad Spiritum Sanctum Ecclesia orationes aliquas dirigat, & hymnos, qui loco orationum in Ecclesia recitantur sicut patet: *nunc Sancte nobis Spiritus: & veni, creator Spiritus.* Et ut observat relictus Abu lensis, Ecclesia petit ab Spiritu Sancto non sub ratione sibi propria: sed sub ratione aliis communis: idè in primo loco dicitur: *Vnum Patri cum Filio.* In secundo verò illum nominat creatorem, quod sanè commune est: ut hac methodo ostendat Ecclesia, Spiritui Sancto competere dare, quod ab ipso petitur, ex eo, quòd unum; seu unus Deus cum Patre, & Filio.

Cum hoc tamen fiat, quòd rarò Ecclesia dirigit suas orationes ad Spiritum

Sanctum, cuius rei rationem pulchrè assignat D. Thomas inibi his verbis: *Ad secundum dicendum, quòd Spiritus Sanctus ex personali proprietate habet, quòd sit donum: & ideo magis convenit, quòd ipse petatur, quam quòd ab eo aliquid petatur.*

Ad confirmationem respondetur negando antecedens: Ad probationem dicendum: Liberum certè esse orare: sed ex quo oritur, debet oratio terminari ad suum proprium terminum, qui communis est omnibus Divinis personis. Et sic fieri debet ex duplici respectu invèto in oratione, de quo in superioribus actum est. Siquidem oratio, & Deum colit, & ab eo vult obtinere, quod petit. Quia est Dei cultus, non potest terminari ad Deum cum exclusione personarum, nec ad unam personam cum exclusione aliarum: quia eadè latria coluntur, eò quòd eadem ratio in omnibus reperitur. Sicut ob similem rationem nò potest Deus sine personis, nec una persona sine aliis intuitivè videri. Itidem quia oratio vult obtinere, quod petit, debet ad omnes personas terminari: Quia omnes tres Personæ sunt idem omnipotès Dominus, unica gaudens voluntate. Vnde cum oratio tendat ad inclinandam voluntatem Dei: ex quo ad Patrem tendat, filii voluntatem fatagit inclinare: & si aliter desideret, non erit oratio, sed execratio.

Ad secundam probationem respondetur: Id ipsum, quod per modum termini fecit Verbum carnem assumens, facere per modum efficientis omnes Divinæ Personæ: vnde non est ratio, quæ magis moveat in una, quàm in alia.

## QVÆSTIO SECUNDA.

*Utrum Ad Sanctos orare valeamus?*



icet quid tenendum sit circa quæsitum præsens maiori ex parte consistit ex dictis quæst. 2. disput. antecedentis. Quia tamen aliqua motiva, quæ ibi exprimerent non potuimus, habent Hætherodo-

xi, ut nos ad Sanctos orare possimus, negent: propterea excitamus præscitem controversiam, in qua omnino certum est, idem prorsus esse ad Sanctos orare, ac eorum implorare patrocinium.



§. I. *Superflites possunt orare Sanctos*

18. **A**SSERTIO hæc est omnium Catholicorum, eamque probamus primò ex genef. 48. ubi Iacob filiis Ioseph benedicens, invocans protectionem Angelorum dixit: *Angelus, qui eruit me de cunctis malis, benedicat pueris istis.* Hoc ipsum constat innumeris aliis scripturis, in quibus tam Angelorum, quàm hominum Beatorum patrocinium imploratur.

Probat ur secundò ex usu antiquissimo Ecclesiæ ad Sanctos in Litanis orantis, eorumque protectionem deposcentis. Quas Litanias vetustissima Concilia indixere: unde horum vestigia indefectibilia sequentes orare possumus ad Sanctos cum Christo regnantes.

19. Si dicas: Litanias in iis Conciliis vocari *Kyrie eleison*, *Christe eleison*: hoc enim; & non aliud iuxta Græcum nomen vocant Græci Litanias, ut constat ex D. Basil. Epist. 63.

Respondeatur primò: In illis Conciliis vocari Litanias id ipsum, quod nunc: nō enim ibi Litanias iuxta nomen Græcum usurpabant; sed iuxta proprietatem latinam, secundum quam Litaniam est in vocatio Sanctorum, ut docet Strabo cap. 28. de rebus Ecclesiasticis. verum ista relinquentes nostris cōtroversistis, qui cum Hæreticis immediate digladiantur, ut ostendant; Sanctorum invocationem non esse rogitatem Papistarum, nullo antiquitatis fundamento Sanctam, sed ab Ecclesiæ exordio, unanimi Patrum etiam Quercorum consensu Sanctam: de quo videri potest egregius N. Liberius à Iesu in suis controver. dogmat. tom. 1. p. 2. controver. 11.

Respondetur secundò: Nobis, qui Romanam Ecclesiam regulam indefectibilem veritatis agnoscimus, lat esse ipsam in dictis Litanis Sanctos omnes invocare, ut preces ad Sanctos sufflas licitas esse dicamus: Quia est insolentissima infamia, iuxta Augustinum Epist. 118. ad Ianuar. contra praxim univ. sale totius primitivæ Ecclesiæ disputare. Vnde cum univ. Ecclesiæ praxis à primis temporibus Sanctos in

Litanis invocet, infans est disputare hanc veritatem.

20. Probat ur tertio conclusio argumenti, cui niquam A catholici potuerunt, vel apparenter satisfacere: si namque ad Sanctos non possumus orare; esset, vel quia nobis ipsi succurrere nōlunt, vel quia non possunt, etsi velint, vel quia ignorant nostras preces vel denique quia per Sanctorum invocationem aliqua iniuria Christo irrogaretur: sed hoc omne falsum est: ergo ad Sanctos orare possumus. Maior continet omnia capita, quæ pesserent hanc invocationem superfluum ostendere. Minor verò probatur quoad omnes suas partes.

Quoad primam quidem: Quia si Sancti dum erant in hac miserabili vita, charitate fervidi, volebant fratribus suis afflictis opem ferre; melius in Cœlesti curia iam regnantes hoc optabunt. Incredibile enim est, D. Stephanum pro suis persecutoribus orasse in terra, & nolle petere pro suis cultoribus in Emphyreo, ut D. Hieronym. disp. 4. num. 36. aiebat, ubi Stephanus ipse, aliique Cœlicolæ beantur, *de sua immortalitate securi, & de nostra incolamitate solliciti*, ut ait D. Cyprianus Sermon. de mortalitate.

Quoad secundam partem constat eadem minor: Quia si Sancti, dum in terra indigentes erant, poterant aliis auxilium præstare, ut Calvinus, Vigilantius, aliique A catholici tenent; perfectius hoc ipsum possunt iam felices. ¶ Quoad tertiam partem patet ex dictis quasi. 2. citata num. 42. ¶ Vltima etiam ratio nullius momenti est; quia si Sanctos viventes invocamus, quin ex hoc nostro Reparatori aliqua iniuria irrogetur: nulla certè irrogatur per invocationem eorum, qui iam in Cœlo sunt.

Confirmatur: Beati nobis præsident, nostri curam agunt, resque nostras gubernant: ergo volunt, possuntque nobis succurrere, ac sciunt, quæ apud nos aguntur; nec Christo iniuriam irrogat, qui illos invocat. Consequentia nota est; & antecedens probatur multiplici-

ter. Primò quidem dicursu superiùs facto: Superstiti res curant de honore, & cultu Beatorum, eorum festa celebrantes: ergo Beati suis orationibus sollicitant sublevationem nostræ miseriæ; aliter non daretur mutua correspondentia inter hos fratres componentes idem corpus, cuius caput Christus est. Et certè ex Ecclesia, & Patribus, in hoc consistit communio Sanctorum, ut supra dicebamus, colligiturque ex verbis illis, quæ Sacrum celebrantes dicimus: *Vt illis proficiat ad honorem, nobis autem ad salutem; & illi pro nobis intercedere dignentur in Cælis, quorum memoriam agimus in terris.*

Probatur secundo antecedens ex verbis Christi Domini Matth. 24. dicentis: *Beatus ille servus, quæ, cum venerit Dominus eius, invenerit sic facientem, amen dico vobis super omnia bona sua constituet eum.* Bona autem Domini sunt fideles, quorum curâ Beati habent, ut potè à Domino constituti, ut illos protegant.

Probatur tertio ex innumeris Patrum Auctoritatibus. Sufficiat reproducere Cyprianum numero hoc adductum, & D. Ambros. asserere libr. 8. in Luc. dicentem: *Sicut Angeli præsumt, ita & hi, qui vitam meruerunt habere Angelorum: atqui Beati vitam meruerunt habere Angelorum: ergo nobis præsumt, sicut Angeli præsumt.*

21. Nostri asseri veritas est expressa in D. Thoma illam docente in 4. dist. 15. quæst. 4. art. 5. quæstiunc. 1. in corp. & 2. 2. quæst. 83. art. 4. ubi inquit: *Vtrum solus Deus debeat orari?* Et respondet: Sanctos etiam orandos esse. Eius aliqua verba postmodum liberabunt nos ab Hæreticorum insultibus.

Similiter docet nostram opinionem Seraphica M.N. quam à Deo accepisse, & iuxta illam operatam fuisse, testatur Sacra Congregatio in lectionibus Sancti Petri de Alcantara his verbis: *Ipsa autem (scilicet Seraphica Virgo) à Deo edocta, quod Petri nomine nihil quisquam peteret, quin protinus exaudiretur, eius precibus se commendare, & ipsam adhuc viventem Sæctum appellare,*

*consueverit.* Hoc telum non potest lethaliter non ferire A catholicos: siquidem habemus Deum ipsum docentem invocationem Sanctorum, & orationem, qua adiutorium D. Petri de Alcantara invocatur, sibi esse adeò acceptum, ut sic faciens, sui voti còpos evadat. Quam doctrinam à Deo verè esse, testis est Sanctitatis oraculum, orbis Magistrâ S. Theresia, quod approbat Vener: adeò Congregatio. Habemus etiam ipsam Sanctissimam Theresiam iuxta doctrinam à Deo acceptam fecisse, & Sancti illius interpositionem invocasse.

22. Eandem doctrinam docet Ex-taticus N. Doctor, & eius certitudinem supponens lib. 3. ascens. cap. 36. ait: *En viendo la Imagen sea corporal, ò imaginaria, sin reparar en su hechura, ni en algunos otros accidentes, le haga su adoracion, que mandala Iglesia: Y luego levante su corazon, y pensamiento à Dios. ò à el Santo, que representa, ò invoca.* Et cap. 34. eiusdem lib. dixerat: *Imaginum usus dirigit Ecclesia ad duos fines precipuos: videlicet, ut mediis Imaginibus cultus Sanctus deferatur, & ut nostra devotio erga illos excitetur.* Ut quid ergo devotio nostra erga Sanctos excitaretur, si illi nostris indigentis subvenire non possent?

## §. II. Nebule Hæreticorum dissipantur.

23. **A**rguitur primò: In Beatos credere non possumus: ergo nec illos invocare valeamus. Antecedens est innegabile, & consequentia probatur ex ad Roman. 10. ubi dicitur: *Quomodo invocabunt, in quem non crediderunt.* Ac si diceret: ille solus dignus est, ut invocetur, qui solus dignus est, ut in ipsum credatur.

Confirmatur primò: Quia apud Isaiam 8. reprehenduntur, qui pro vivis ad mortuos confugiunt: ergo licet vivorum patrocinium possumus implorare; non autem mortuorum.

Confirmatur secundo: Sacra Scriptura docet, spem nostram in Deo solo

ponendam esse: sed si ad Sanctos orare possemus, possemus etiam ponere nostram spem in illis: ergo non possumus ad Sanctos orare.

Respondetur argumento concesso antecedenti negando consequentiam. Ad probationem dicas: D. Paulum docere, Sanctos non esse invocandos à nobis, ut Auctores beneficiorum, quæ de sideramus, hoc enim solius Dei proprium est: non negat tamen Apostolus Sanctos invocandos à nobis, ut intercessores apud Deum beneficiorum Auctorem: obiectum autem nostræ fidei non est, qui ut intercessor invocatur; sed qui invocatur ut auctor. Sic Div. Thomas loco citato ex 2. 2. ubi ait: *Dicendum, quod oratio porrigitur alicui dupliciter. uno modo quasi per ipsam impetranda: alio modo sicut per ipsum impetrantem. Trino quidem modo sibi Deo orationem porrigimus, quia omnes orationes nostra ordinari debent ad gratiā, & gloriam consequendam, quam solus Deus dat, secundum illud Psalm. 83. gratiam, & gloriam dabis Dominus. Sed secundum hoc modo orationem porrigimus Sanctis Angelis, & hominibus, non ut per eos Deus nostras petitiones cognoscat, sed ut eorum meritis, & precibus orationes nostra fortiantur effectum.*

Quod discrimen non possunt ignorare A Catholicis: nam, ut observat mihi idem Doctor Sanctus, à Sanctissima Trinitate petimus, ut nostri misereatur: ab aliis autem sanctis quibuscumque petimus, ut orent pro nobis. Et si adhuc nolunt intelligere, ut bene agant, dicam, quod dum vivos ad vivos orare concedunt, in vivos, à quibus petunt, non credunt vivi petentes; & tamen eos invocant. Hoc ipsum, & cum maiori fundamento de Sanctis dicimus.

Ad primam confirmationem respondetur: Continere clarissimum exemplar impudentiæ Hæreticorum, qui adco inverecundè Sacra Scriptura abutuntur: ubi nec umbra est invocationis Sæctorum, nec assertæ, nec exclusæ. Etenim eo loco reprehenduntur, qui superstitiosa commercia cum mortuis habent, quærentes pythones, & Divi-

nos, qui mediis sacrilegis sortilegiis, responsa à mortuis acquirerent. Sic enim ait Propheta: *Cum dixerint ad vos, Quarite à pythoniis, & à Divinis, qui frident in inantationibus suis: numquid non populus requirit à Domino suo visum pro vivis, ac mortuis? Ad legem magis, & ad testimonium. Quid si non dixerint iuxta verbum hoc, non erit eis matutina lux. Id est, ait inibi D. Thomas, Christus tenebras pellens. In quo ergo ex his verbis sit Sæctorum invocatio reprobata non apparet. Scimus tamen, interprete D. Thoma, quod Deus hic removet Divinorum communicationem.*

Ad secundam confirmationem respondetur, sicut ad argumentum: Spem nostram ponendam esse in illo, quem invocamus, ut auctorem beneficiorum: non autem in eo, qui ut intercessor invocatur. Sicut nec in vivis ponit suam spem vivus ab illis petens.

24. Arguitur secundò. Cum Christus docuit nos orare, solummodo Deum orandum esse docuit, dicens apud Luc. 11. *Cum oratis, dicite: Pater, Sanctificetur nomen tuum.* Et apud Matth. 6. *Sic ergo vos erabitis: Pater noster, &c.* in qua oratione nulla mentio fit Sæctorum: ergo ad ipsos orare non possumus.

25. Confirmatur. Quia in hac dominica oratione ponuntur res, quas petere debemus, ideò nullam aliam, nisi has possumus à Deo petere: quamvis aliis verbis illas petere possumus ergo quia in ipsa oratione statuitur, ad quem debemus orare, non alius, sed ipse solus orandus est. Antecedens patet primò ex D. Augustino dicente apud D. Thomam citatum art. 9. *Si rectè, & convenienter oramus, nihil aliud dicere possumus, quam quod in ipsa oratione dominica possumus est:* ergo. Probatur secundò ex D. Thoma ibi, ubi ait: *Et sic hæc oratio non solum instruat postulare, sed etiam sit informativa totius nostri affectus.* Ergo noster affectus solum terminari debet ad ea, quæ in hac oratione exprimuntur, & non ad alia. His pro antecedenti dictis,

Probatur consequentia ex Nostro Dog.

Doctore extatico lib. 3. ascens. cap. 43. ubi de hac ipsa materia agens ait: *Clarum est, quod cum Christi Discipuli ab eo petierunt, ut ipsos ad orandum instrueret, diceret omne, quod requiritur, ut ab aeterno Patre exaudiremur, sicut qui tam perfectam habebat eius voluntatem.* Et paucis interiectis addit: *In hisce petitionibus continetur omne, quod Deus vult; & omne, quod nobis convenit.* Ex quibus sic probatur consequentia: In oratione dominica continetur quicquid Deus vult, & nobis conveniat; atqui in illa non continetur Sanctorum invocatio; sed solius Dei: ergo aliud præter Deum invocare, nec est voluntas Dei, nec nobis conveniens.

Respondetur argumento: Hæreticos, qui refugium in Scriptura quaerunt, ut Sanctorum invocationem eliminent, densiori salebra suis se ipsos discursibus irretiri. Si solus Deus orandus est; quia in oratione dominica non aliud dicitur obsecrandus, quomodo vivos à vivis invocari posse fatemini? Si solus Pater orandus est: ergo non Christus Dominus? Vbi est ergo iniuria illa, quam nos Christo irrogare dicitis; si alios advocatos quaerimus: cum sat sit ad nostra desideria ille, quem *advocatum habemus apud Patrem Iesum Christum iustum*? Videte, quid ad hæc responderatis; dum facile ad vestrum argumentum dicimus: Christum Dominum illa sua sanctissima oratione docuisse nos, quas res petere debeamus; & à quo illas petere debemus, scilicet à Deo, à quo in nos descendit omne datum optimum, & omne donum perfectum: quod autem, ut hæc dona obtineatur à Patre luminum, Sanctorum protectio invocetur, non est contra Christi voluntatem, doctrinamque; etsi attente res consideretur, impleri voluntatem Dei petimus in dicta oratione: & esse Dei voluntatem nostrum ad Sanctorum invocationem recursum, constat ex iis; quæ numer. 21. dicta sunt.

Ad confirmationem respondetur: Perfectionem orationis dominicæ consistere in eo, quod contineat omne, quod à nobis peti potest. Ad hunc sensum; quod

non possumus aliud petere præter illa; quæ in dicta oratione recitantur; vel quæ ad illa reducuntur. Vnde possumus illis ipsis verbis uti, aliter tamen dispositis, ut tenent D. Augustinus, & D. Thomas citati. Possumus etiam alias orationes facere, ut observat Seraphica nostra Doctrina in explicatione orationis dominicæ. Caterum, quæ in illis petimus ad id, quod in dicta oratione petimus, reduci debet. Similiter ergo cum Sanctorum invocatio ex una parte pertineat ad modum orationis; quippe substantia ipsius salvatur per hoc, quod ad Deum terminetur: est enim *petitio decentium à Deo*; & ex alia parte invocatio hæc reducatur ad Deum, ad quem accedimus illo patrocinio suffultis; propterea non adest inconveniens aliquid in dicta invocatione. Vnde ad probationem consequentia ex auctoritatibus Nostri Doctoris Mystici desumptam, respondetur: expedire nobis, & esse iuxta Dei placitum, quod Sanctos invocemus; nec hoc dominicæ orationi contrariatur, quia invocatio hæc non pertinet ad substantiam orationis; sed ad ipsius modum: & alias ultimum revocatur in Deum.

26. Arguitur tertio: Sanctos invocare est illos supponere mediatores inter Deum, & homines: sed hoc est Christo iniuriosum, dicente D. Paulo 1. ad Thimot. 2. *Vnus Deus, & unus Mediator Dei, & hominum homo Christus Iesus.* Ergo. Cætera constant: & minor probatur ex ipsis verbis Apostoli: Iniuriosus esset Deo; qui plures Deos assereret: ergo Iniuriosus est Christo, qui plures Mediatores non negat. Antecedens est de fide: & consequentia probatur: Sicut Paulus asserit, quod *unus est Deus*, sic etiam docet, quod *unus est Mediator*: sed inducere plures Deos est Dei iniuriosum; quia *unus est Deus*: ergo asserere plures Mediatores iniuriosum est Christo; quia *unus est Mediator*.

27. Confirmatur: Non possumus Angelos invocare ut Mediatores: ergo nec homines beatos: Cōsequentia à paritate constat, & antecedens probatur

ex ad Colof. 2. vbi ait Paulus: *Nemo vos seducat volens in humilitate, & Religione Angelorum, quæ non vidit ambulans.*

28. Hoc argumentum magnificant Hæretici, & eo veluti palmario vtuntur in Redemptoris, vt gloriantur gratiam, quæ ob suam proterviam oîbi in luce meridiana cæcutiunt. Vt hoc suum palmarium argumentum prorsus debiles, scias primò ex nostro laudato Liberio nomina *Mediator, Salvator, & advocatus* indifferenter tribui in Scriptura, & Patribus homini Deo, & puro homini. De Christo enim dicitur Matth. 1. *Ipse enim saluum faciet populum suum.* & Angelus ad pastores: *Natus est vobis hodie Salvator.* Et hoc etiam de homine puro asseritur, dicente Paulo 1. ad Corinth. cap. 9. de se ipso: *Omnibus omnia factus sum, ut omnes facerem salves.* Item de Christo Domino dicitur: *Advocatum habemus apud Patrem,* 1. Ioan. cap. 2. atque ad eò, *interpellat pro nobis.* vt dicitur ad Roman. 8. & de homine puro ait Deus apud Ezechiel. 22. *Quasi vi de eis virum, qui se interponeret sepem, & staret oppositus contrame pro terra.* Idem de Christo Domino dicitur loco in argumento citato: *Vnus Mediator est.* Et de puro homine idem affirmatur, vt constat ex verbis adductis Ezechielis, & ex Deuteronomio: vbi de se ipso ait Moyses: *Ego sequer, & medius fui inter Dominum, & vos.* Constat etiam ex ad Galat. 3. vbi habetur, quòd lex data est, & ordinata per Angelos in manu Mediatoris, *Mediator autem vnus non est, Deus autem vnus est.*

29. Secundò scias: Ex Cardinali Belarm. mox citando tripliciter posse aliquem munus Mediatoris exercere. Primò declarando pro qua ex partibus est iustitia. Et sic nullus fuit Mediator inter Deum, & homines: Certissimum enim erat homines in Deum peccasse. Secundò potest aliquis mediare, solvendo, vt vas creditori debitum à debitore contractum. Tertiò denique orando creditorem, vt debitum debitori remittat.

30. Ex quibus habetur ( Scias ter-

tiò ) hos Mediatore ultimos, ( de primo nihil dicimus, quia non fuit ) appellari, primum, Mediatore Redemptionis: quippe mediavit suum pretiosissimum sanguinem fundens pro hominum libertate. Secundus autem dicitur Mediator intercessionis; quia suis orationibus populi redempti; exilii tamen initabiles fluctus deplorantis, miseretur. Quam divisionem Mediatoris in Mediatorem redemptionis, & intercessionis Calvinus perveracitas calumniatur lib. 3. instit. cap. 20. §. 20. hisce verbis: *Merum est namentum, quid balbutiant Papistæ, Christum esse Mediatorem redemptionis; fideles autem intercessionis.* Blasphemia hæc loquela blasphemum eius Auctorem manifestat. Solummodò in consequentiam observamus. Concedit Calvinus, vt sapius diximus, vivos pro vivis orare: ergo vivi orantes sunt mediatores; nisi terminis ludere velit, & ad voces rem magni momenti reducat. Modò sic: Sed vivi orantes nò sunt Mediatore redemptionis, vt vel hæretica pravitas non negat: ergo sunt Mediatore intercessionis. Et hoc etiam est, quod de terram viventium inhabitantibus dicimus: & ex his,

Respondetur ad argumentum primò, illud in Hæreticos regeendo, paritate illa vivorum pro vivis orantium; quin Christo iniuriosi sint. ¶ Secundò respondetur distinguendo maiorem: *Supponere Mediatore, intercessionis: concedo. Mediatore redemptionis, nego maiorem.* Vel aliter claritatis gratia dico: Si nomen *Mediator* sumitur pro Mediatore redemptionis, minor est vera, sed falsa maior: si autem sumitur pro Mediatore intercessionis, minor falsa est, & maior vera: Quia vt ex dictis constat, Mediator intercessionis non vnus est; sed multiplex, licet Mediator redemptionis non sit multiplex, sed vnus. Cui doctrinæ non opponitur D. Paulus, qui ibi loquitur de Mediatore redemptionis, qui certè est vnus. Dum autem Apostolus loquitur de Mediatore intercessionis, multiplicem esse fatetur, quod fecit loco citato num. 28. ex Epist.

Epist. ad Galat. ubi perspicuè affirmat, quòd *Mediator unus non est*.

31. Contra hanc tamen clarissimam, verissimamque doctrinam insurgit Hæreticus probatione illius minoris, asserensque D. Paulum parificasse Mediatorem, & Deum; atque idè sicut non est dabilis nisi vnus Deus, sic dabilis non est, nisi Mediator vnus.

Sed apagè imposturam insulam: Verum est, quòd loco in argumento citato asserit Paulus: *Deus vnus est, & vnus Mediator*: Sed loco à nobis adducto ait: *Mediator autem vnus non est. Deus autem vnus est*. Ecce hic asserit Paulus, quòd licèt Deus vnus est, *Mediator autem vnus non est*. Quid ergo, eritnè sibi Paulus contrarius? Aut fulget auctoritate maiori Epistola ad Thimor. quàm ad Galatas? O miser, & miserabilis, & quanta luce destitutus, devorare non reuicis! Concilia rextus hos, eiusdem enim Scripturæ à Numine dicente conscriptæ, & per vnicum sui fidissimum organum traditæ sunt. Concilia ergo illos: quod si cordatè facias, insectaturum polliceor: qualitercumque enim explices, si bene explanas, semper in aliquo vero sensu plures Mediatore faterere. Quiaq̃ minus, quod requiritur, vt munus Mediatoris saluetur, est, quòd pro supplicii debitore intercedat: ex quo plures Mediatore admittas, Beatos te, o minor, vt veros Mediatore culturum. Quocumque modo te geras, vires tui argumenti dehiscunt: Quia si de Mediatore redemptionis est sermo, tunc *vnus Deus, & vnus Mediator est*: Si autem sermo sit de Mediatore intercessionis, tunc *Mediator vnus non est, Deus autem vnus est*.

32. Et vt perfectiùs tuam oscitantiam calleas, (vtinam illam perfectè solum calleas) si ipsum textum, quem in nos vibras, aliqua reflexione videres, non adeò inuerecundè loquereris. Pauli verba, quibus in nos procedis, reproduco: *Vnus Deus, & vnus Mediator Dei, & hominum homo Christus IESVS*. Hæc verba, vel superficialiter inspecta, proponunt nobis extremum duplex: vnum est Deus, qui est creditor: aliud

est humanum genus, quod debito contracto gravatur. Inter hæc duo extrema aliquis mediare debet, qui debitum solvens, debitorem restituat in gratiam creditoris. Hic, qui mediare debet, non potest esse Deus in sola propria natura subsistens: Quia Deus prout sic se tenet ex parte vnius extremi, & implicat, quòd extremū vt tale mediet: & propter eandem rationem non potest esse homo purus: quia hic est aliud extremum. Ultra quam quòd Deus in propria natura solvere non potest, ob sui eminentiam; nec purus homo ob propriam exiguitatem. Insimulque Mediator iste debet ita convenire cum utroque extremo, quod pariter differat ab utroque: hoc est enim de ratione cuiuscumque mediis atque adeò, & Mediatoris.

Quare ergo nunc Mediatorem, cui hæc conveniant, & videbis, quòd non est alius, nisi *homo Christus IESVS*, qui non se habet ex parte primi extremi, quia licèt sit verus Deus, est etiam homo: nec se habet ex parte secundi extremi, quia licèt homo, est etiam Deus. Etiamq̃ est per propriam naturam Deus, à quo per humanitatem differt: & per assumptam humanitatem convenit cum hominibus, à quibus per Deitatem differt: discriminatur: ergo si ex vna parte ponitur Deus, & ex alia humanum genus; quod in eo textu fecisse Paulū demonstrant illa verba: *Mediator Dei, & hominum*; tunc non est dabilis nisi vnus Mediator, nec hic alius esse potest, nisi *homo Christus IESVS*. In textu autè ad Galatas aliter processisse Apostolum, eius lectio manifestat. Non posuit Deum, vt vnum extremum, & homines vt extremum aliud: sed absolute loquendo dixit: *Mediator autem vnus non est*, quod verissimum esse constat ex dictis; quia inter ipsos homines alii sunt aliorum Mediatoris.

33. Quòd si tua obstinatione ductus vim facias, in eo, quod D. Paulus in Epist. ad Thimor. ait: *Deus vnus est*, atque adeò sicut Deo iniurius esset, qui Deum alium coleret; sic & Christo iniurius est, qui alii Mediatore quærir.

Visa



Vita tua hac proterva tenacitate dicam: Ex ore tuo te iudico, serve nequâ: quia sicut Mediator præcipuus vnus est; â quo alii Mediatores dependent, & per cuius influxum sua mediatio valoratur: sic etiam Deus per essentiam vnus est: sed per participationem multi sunt Dii: videlicet omnes illi, quos gratia decoras, quod vividius fulget in Beatis gratia consummata venustis. Vnde habemus, quod Deus indepēdens vnus est, & Deus dependens ab illo vno Deo nō vnus est, sed tot, quot iusti dātur. Et similiter Mediator dependens ab alio Mediatore nō vnus est, Mediator verō â Mediatore indepēdens vnus est. Quō respexit D. Bernardus serm. 5. de Assumptione, vbi de Christo agēs dicit: *Opus est nobis Mediatore ad ipsum Mediatorem.*

34. Non quiescit Hæreticus, & opponit contra dicta Augustinum lib. 2. contra Parmenian. cap. 8. dicentem: *Si Ioannes ita diceret: hæc scripsi vobis, vt non peccetis, & si quis peccaverit, Mediatorem me habebitis apud Patrem. Ego exoro pro peccatis vestris: quis enim sicut Apostolum Christi, & non sicut Antichristum insueretur?* Et postea. *Si esset Mediator Paulus, essent vique, & ceteri Cosposolitus: ac sic multi Mediatores essent, nec ipsius Pauli ratio constaret, qua dixerat: Vnus Deus, vnus Mediator Dei, & hominum.* Ergo quomodocumque asseratur, Sanctos Mediatores esse, est contra D. Paulum; & qui plures Mediatores ponit, debet, vt Antichristus intueri.

Sed Augustinum perpetuum esse in adstruenda invocatione Sanctorum, eius scripta demonstrant. Loco ipso contra nos adducto laudat consuetudinē Christianorum mutuo se se orationibus adiuvantium. Tract. 84. in Ioan. ait, quod Martyrum memoriam facimus, vt ipsi pro nobis orent. Sermone 17. de verb. Apost. docet, quod in Martyrum nos debemus orationibus commendare. Item lib. de Cura pro mortuis cap. 4. ait Sanctos esse nostros Patronos, quia apud Deum nos orando commendant. Similia patissim tradit, quod nolentes advertere Acaholici textum citant, ostendentem ipsorum oscitantiam, vel vafricitiam.

A SILENTIO SANCTORUM

In eo enim arguit S. Doctor ad hominem contra Donatistas, asserentes â sanctitate Sacerdotis pendere valorem, effectumque Sacramentorum: ita vt Baptismus a bono ministro collatus gratiam conferret; â pravo autem malitiam communicaret. Contra hos procedens Augustinus ait, Baptismus eundem esse, siue â bono, siue â malo Ministro consecratur: quia siue Petrus baptizet, siue Paulus, hic est, qui baptizat, nempe Christus, qui fons est Sacramentorum, â quo valorem accipiunt. Et in hoc est Christus vnicus Mediator Dei, & hominum: quia munus Auctoris Sacramentorum convenire non potest Mediatoribus intercessionis: sed est vnice proprium Mediatoris redemptionis. Et si aliquis Christum non esse in hoc vnice Mediatorem senserit, non vt Christi Apostolus veneretur sed potius vt Anti-Christus conspiciatur. Hæc est Augustini mens textum legenti notissima: ex hoc tamen quid contra invocationem Sanctorum?

Ad confirmationem ex num. 27. respondent Patres diversissimis viis: omnes tamen illæ nodum solvunt. Primò enim D. Hieronymus, & Augustinus intelligūt per Angelos dæmones, quos alii qui colebant. Secundò Irenæus Epiphanius, & Tertul. tenēt, Apostolum agere contra Simonem Magum, qui Platonicos sequutus docuit, quosdam Angelos esse, qui adorari debent, vt minores Dii, per quos Mundus factus est, quique per Prophetas locuti sunt. Horum Angelorum religionem damnat hic Paulus. Et ex his satis, superque rescribatur confirmationis: quia nos non facimus Beatos, siue sint Angeli, siue homines, Deos, aut dæmones: puras creuitas fatemur sed Deo intimas, & amicissimas: atque adeo â nobis in nostris calamitatibus invocabiles.

Tertiò D. Chrysostomus hom. 7. ad Colos. ait: *Sunt nonnulli, qui dicunt, non oportere per Christum reconciliari, & ad Patrem accedere: sed per Angelos: propterea sursum, ac deorsum, quæ de Christo sunt, versat Paulus.* Hi ergo sunt, contra quos procedit Apostolus textu allato: erant enim aliqui, qui falsa humil-

Q

1218

tate à maiestate Christi Domini deterrebantur, dicentes, commodius per Angelos, qui creaturæ sunt, ad Deum venire, quam per Christum, qui Creator est. Horum humilitatem falsam, religionemque nocivam damnat Paulus, nobis tamen non opponitur.

Placet denique respondere cum D.

Thoma hic : Apostolum procedere contra hypocritas, qui falsam humilitatem præmittentes, & Angelorum puritatem simulantes, intrinsecus sunt lupi rapaces, qui ovile Domini devorare conantur, nulli sudori parcentes, ut hoc obtineant, hos cavere monet Paulus de proximorum salute sollicitus.

## QVÆSTIO III.

*Utrum detur præceptum de invocatione Sanctorum?*

**S**anctos à nobis invocari posse vidimus quæst. præcedenti. Sed an ad hoc aliqua lege obligemur, ex illa resolutione non constat. Multa enim facere possumus, ad quæ nullo præcepto tenemur. Hoc autem explorare volumus in præsentī controversia. In qua Heterodoxi, cum ipsam invocationem, ut superstitionem habeant, consequenter præceptum de illa negant. Similiter negant hoc præceptum aliqui Catholici, licet catholice ipsam invocationem fateantur. Alii autem præceptum adesse dicunt, de quorum numero sunt Cardinalis Belarm. lib. 1. de Sanctorum beatit. cap. 20. Eminent. Recheliu in controversi. contra Hæret. lib. 3. cap. 4. Exim. Suarez tom. 1. in 3. partem disp. 54. sect. 6. insignis Noster Liberius à Iesu, qui eam versat manu adeo plena, ut nihil intactum videatur relinquere; & quidem subtiliter, & nervosissimè.

### §. I. Conclusio nostra proponitur.

35. **N**ostra conclusio: *Datur præceptum de Sanctorum invocatione.* Probatur 1. assertio hæc ex cap. ultimo Iob, ubi ad eius amicos præcepit Deus: *Ite ad servum meum Iob, & offerite holocaustum pro vobis: Iob autem servus meus orabit pro vobis.* Ex quo sic argumentor: Ex dictis verbis colligunt Orthodoxi omnes utilitatē invocationis Sanctorum contra Heterodoxos: ergo ex ipsis verbis etiam constat adesse præceptum. Antecedens certum est, nec Catholicum invenies, qui præsen-

tem materiam verset, & non cognoscat iis verbis utilitatem invocationis Sanctorum. Consequentia autem probatur; quia ibi non proponitur oratio ad Sanctos, ut utilis solum; sed etiam ut obligatoria, imò ut utilis, veluti supponitur, ut obligatoria autē formaliter, ac seriò inducitur: ergo si inde colligitur utilitas invocationis Sanctorum, non est cur obligatio non colligatur.

36. Dicunt Hæretici: Non posse ex illis verbis colligi orationis ad Sanctos obligationem, nec utilitatem; quia tunc casus Iob erat vivus; edque intercedere poterat pro suis amicis. ¶ Verum ad hoc satis, superque responsum à nobis est tota quæst. præcedenti. Et etiam disp. 4. quæst. 2.

37. Dices: Casus ille particularis est: ergo ex illo inferri non potest obligatio pro omnibus casibus, & personis. Antecedens est certum, & consequentia constat: Quia si ex præcepto particulari uni, vel paucis imposito, colligeretur præceptum pro omnibus in materia invocationis Sanctorum: in omni alia materia inferretur idem: hoc autem est absurdum; aliis omnes habentes filios tenerentur primogenitum immolare, ut Abraham imperatum est; sicque de aliis: ergo.

Hoc effugio utuntur communiter contrarii. Contra quos tamen disputo sic primò: Ex casu illo, licet particulari, colligitur utilitas invocationis Sanctorum: ergo particularitas non obest, ut obligatio colligatur. Norum est antecedens, & consequentia à paritate constare videtur; quia si particularitas illius casus non obest, ut invocatio Media-



toris creati paucis illis iniuncta, habeatur utilis pro omnibus; nec oberit, ut pro omnibus intelligatur obligatoria, nec pro illis paucis sint præcepta.

Secundo disputo sic: Quia non est infuetum in scripturis, ex casu particulari inferre in doctrinalibus illationem generalem: ergo casus, eò quòd particularis sit, non est incapax inducendi obligationem. Probat antecedens ex eo, quòd adolefcenti roganti quid faceret, ut saluus fieret, respondit Dominus: *Si vis ad vitam ingredi, serva mandata*, Matth. 19. Interunt legitime Doctores omnes volentes salutem necessariò madata adimpleturos; ac similiter, ex quo eidem dixerit: *Si vis perfectus esse, vade, & vende omnia, qua habes*: colligitur, consilia euangelica esse necessaria ad consequendum statum perfectionis: ergo similiter particularitate illius casus non excluditur obligatio pro omnibus.

Terriò: Etiam si Acatolici negent verba illa Redemptoris: *Si vis perfectus esse, &c.* obligationem generalem inducentes: eò quòd vni solummodò dicta sunt, talem generalem obligationem cognoscunt in iis verbis Catholici: ergo verba dicta ad amicos Iob, licet solummodò illis dicta sint, non excludit generalem obligationem pro omnibus.

38. Dices forsam: Aliud esse ex casu particulari non excludi generalem obligationem aliud verò ex illo positivè probari. Assertum nostrum proponit obligationem positivè pro omnibus convenientem: eamque probat ex verbis directis ad amicos Iob. Et hoc est, quod ab Adversariis negatur.

Sed contra: Quia Adversarii ex hoc solum, quòd casus est particularis, nolunt recognoscere generale illam obligationem: ergo per hoc, quòd comprobetur casus particularitatem non obfata illi generalitati, impetus Adversariorum retunditur, & assertio suadetur. Antecedens est certum apud omnes, qui hanc obligationem negant: per hoc enim, quòd verba illa illis tribus dicta sint, renuntiant ad alios illam obligatio-

nem extendere. Et consequentia probatur: Quia ratio, propter quam Auctores illi oppositi nobis sunt in hac parte, nulla alia est, nisi casus particularitatis: ergo qui convincit illam rationem insufficientem esse, bene procedit.

39. Si dicis: Bene procedit contra oppositam sententiam; sed suam non bene probat: quia hæc per illationes positivè concludentes probanda est: non autem per earum non repugnantiam.

Venimus ad ultimum, ad quod in præsentiarum possumus pervenire. Itaque debitum illud fatemur: sed non adhuc rei sumus: quia tempus pro satisfactione perseverat. Et antequàm, quæ muneris nostri sunt, adimpleam, placet Adversariis ostendere eodem modo irretitos. Ipsi enim ex particularitate casus negant obligationem: ergo non est casus particularis, qui aliam, vel alias personas, præterquam, ad quas dicitur, comprehendat. Sed hoc est falsum, ut patet ex scripturis à nobis adductis; sexcentisque aliis, quæ asseri poterant: ergo. Quod, ut clariùs constet, sic propono: Vel casus particularitas obest positivæ extensioni; vel non? Si non: ergo ex quo amicis Iob præcipitur, quòd ad invocationem Mediatoris confugiant, omnes alii eidem obligationi subijciuntur. Si sic: ergo solus ille adolefcent, cui Christus dixit: *Si vis perfectus esse, vade, &c.* tenetur illa facere: ergo quin illa faciant, possunt alii statum perfectionis habere. Et similiter cum idem Dominus, ac Redemptor Noster suis Discipulis modum, quo orare debent, & ipsam orationem imperavit dicens: *Cum oratis dicite: Pater, sanctificetur nomen tuum* Luc. 11. vel ut Matt. cap. 6. relet. *Vos autem sic orabitis, Pater noster, &c.* Ita eum totis suis Discipulis loquutus est, ut illa obligatio non comprehendat alios. Vel ad summum dicemus: orationem dominicam pro Apostolis utilem fuisse, ac præceptam, pro nobis tamen præceptum non esse: sed vilem. Quicquid adhuc dicant Adversarii, suum illum impetum in casus particularitatem sedaturum spero.

40. Pro omnibus tamen dicimus: Particularitatem dictam, nec positivam extensionem obligationis inducere, nec illi contrariari. Tunc autem verba Dei, vni dicta, omnes alios ligant, quando materia intimata communis est, & finis eius non aliter consequibilis est, nisi illo medio: est, cum materia particularis est, vel eius finis aliis mediis æquè est consequibilis, non ligant verba illa, nisi personam particularem, cui dicuntur. Termini isti explicatione non indigent, sed applicatione. Dicit Christus Dominus adolescenti: *Si vis perfectus esse, vade, & vende, &c.* Materia hic intimata sunt consilia Evangelica, quæ certè communia sunt; nec sine illis, perfectionem ambiens, consequetur perfectionem. Vnde quamvis vni illa verba dicta sunt, pro omnibus, perfectionem desiderantibus, dicta esse intelliguntur. Partim tamen, cum orationem dominicam suos discipulos Christus Dominus docuit, præcepit eis, ut Divina creatis, & temporalibus spiritualia præferrent, teste D. Thom. in proemio opusc. 7. & hac materia omnibus communis est: nec æterna felicitas, quæ est finis illius Divinæ orationis, ut in ipsa dicitur iis verbis *adveniat regnum tuum*, potest haberi, nisi illa ordinatione procedatur.

41. E contrario autem immolatio filii, quæ est materia intimata Abraham, non solum non est communis, sed potius contraria communis est: Omnibus enim præcipitur: *Non occides*, atque adco solus ille tenetur ad illam immolationem, qui præceptum habet à potente illam legem dispensare, ut omnium absoluto Domino. Quodd si pro materia dicti præcepti velit aliquis intelligere promptam obediëntiam, quæ Deo exhibenda est: fatetur, talem materiam communem esse: omnes quippe tenemur promptè Deo obtemperare. Verùm quia hoc pluribus possunt exhibere: propterea non tenentur omnes ad filiorum immolationem, quamvis illa materia non foret aliàs prohibita. Et ex his, quæ dicta sunt, si materiæ, de qua agimus, applicentur, instaurantur

facti discursus in hunc modum.

42. Etenim materia præcepta amicis Iob est communis omnibus, cuius finis frequenter sine illa non consequitur: ergo illa obligatio extenditur ad omnes. Consequentia constat ex modò dictis, & antecedens probatur: Quod ibi præcipitur, est invocatio Mediatoris apud Deum: sed hæc invocatio omnibus communis est, & sine illa frequenter non obtinetur, quod intenditur: ergo. Cætera constant, & minor duas partes habet, prima, quod Sanctorum invocatio omnibus est communis. Secunda, quod sine hac invocatione frequenter non habetur res desiderata. Circa primam partem nullum est dissidium, quia si, fatentibus Adversariis, Sanctorum invocatio est omnibus utilis, & hoc colligitur ex illo textu Iob planè evincitur, quod etiam communis sit.

Quoad secundam partem probatur ipsa minor: Sine ordine instituto à Deo, ut petita obtineamus, non illa obtinemus: sed Deus instituit nobis benefacere media intercessionem Sanctorum, quos invocamus: ergo petita obtinentur media hac invocatione. Minor, in qua difficultas consistit, probatur multipliciter. Primò ex D. Thom. in 4. dist. 45. q. 3. art. 2. dicente: *Iste ordo institutus est à Deo secundum D. Dionysium, ut per media vltima reducantur in Deum: unde, cum Sancti, qui sunt in patria, sint Deo propinquissimi, hoc Divina legis ordo requirit, ut nos, qui manentes in corpore peregrinamur à Domino, in eum per Sanctos medios reducatur: quod quidem contingit, dum per eos Divina bonitas suum effectum diffundit. Et quia reditus noster in Deum respondere debet processui bonitatum ipsius ad nos: sicut mediis Sanctorum suffragiis Dei beneficia in nos deveniunt, ita oportet nos in Deum reduci: ut iteratò beneficia eius sumamus mediis Sanctis: & inae est, quod eos intercessores pro nobis ad Deum constituimus, & quasi Mediatore, dum ab eis petimus, quod pro nobis orant.* En legem à Deo latam, ut Sanctorum patrocinium invocemus, asserit ex D. Dionysio D. Thomas, atque adeo

adeo mirari non debes, si hoc medium institutum esse, ut per illud desiderata impetremus, asserimus.

43. Nec intelligas hunc ad Sanctos recursum provenire ex defectu Divinæ Misericordiæ ad nostram miserationem sublevandam paratissimæ. Hoc enim non sic est, ut statuit Angelicus ipse Doctor citatus ad primum dicens: *Non est propter defectum misericordiæ ipsius, quod oporteat eius clementiam per orationes Sanctorum pulsare: sed est ad hoc, ut ordo prædictus conservetur in rebus.*

44. Probatur insuper ipsa minor; doctrinam traditam applicando omnium Sanctorum Reginæ, de qua ad præsentem materiam firmandam infinita extant Patrum, Doctorumque monumenta. Vnum, vel alterum proponimus. S. Germanus de Zon. virgin. inquit: *Nullus est, qui salvus fiat, nisi per te, ô Sanctissima, nemo est, qui liberetur à malis, nisi per te, ô Purissima, nemo est, cui donum concedatur, nisi per te, ô Castissima: nemo est cui misereatur gratia, nisi per te, ô Honestissima.* Deinde D. Bernardus ait: *Deus omnia contulit in Mariam, quia nihil nos habere voluit nisi per Mariam.* Quis ergo Catholicorum hæc audiens non asserat, obligatos nos esse ad invocationem auxilii huius piissimæ Dominæ, si nostra desideria impleri desideramus?

45. Plus probavimus, quam promissimus; siquidem promissimus probare, frequenter non obtineri petita à Deo nisi per Sanctorum invocationem. Et motiva, quibus usus sumus, convincunt, nunquam Deum sua beneficia contemere, quin ad Sanctorum invocationem recurramus. Clarissimè hoc ostendunt, quæ de Beatissima Virgine adduximus, & D. Thomæ auctoritates. Cæterum hæc non adeo rigorosè capiendæ sunt, quod semper, cum à Deo aliquid petimus, ad Sanctorum intercessionem recurrere debeamus. Præceptam nobis esse orationem vidimus disp. 3. q. 1. & tamen multoties Deus sua beneficia confert, quin oratio præcedat: quia Deus adeo benignus est, ut merita supplicum excedat, & vota. Ad hunc ergo modum

dicimus, quod Sanctorum invocatio in præcepto est: licet non semper, quod ad Deum preces fundimus, Sanctorum protectionem invocare debeamus. Tenemur, Sanctos invocare diebus festis Sanctorum, quos Ecclesia in eorundem Sanctorum honore proponit toti populo. Et ratio est: quia cum Sanctorum invocatio non solum cedat in nostram utilitatem, sed etiam in Sanctorum cultum; de quo vide, quæ diximus disp. 4. quæst. 2. idè iis diebus, quos, ut venerationem, instituit Ecclesia, invocandi sunt; quod præcipue viget in festo omnium Sanctorum. Invocandi sunt, cum res, quam desideramus, ardua est. Invocandi sunt, cum, postquam ad Deum sine iis Patronis recurrimus, petita non obtinimus. His, & similibus casibus Sanctorum intercessionem implorare debemus; & sic adimplemus obligationem, quam habemus venerandi Sanctos, & legem implorandi ipsorum patrocinium. Ex dictis constat, quod verba illa, quæ ex Iob tenuimus, intentum nostrum suadent. Et si, quæ diximus, per modum præsuppositi sumantur, ex illis

46. Probatur vrgter assertio nostra: Etenim tenemur observare legem à Deo positam nobis: sed Sanctorum invocatio est lex nobis à Deo posita: ergo tenemur ad invocandos Sanctos. De consequentia, & de maiori, et mo dubitare potest. Minor autem probatur ex dictis num. 42. & 43. & 44. ubi vidimus adesse hanc legem respectu Sanctorum, quæ præcipue viget erga Beatissimam meam, quia peccatorum Matrem. Deus enim *nihil nos habere voluit nisi per Mariam.* O MARIA dulcissima, ô MARIA benignissima, ô MARIA potentissima, adiuva tuis precibus inbecillitatem meam, ut te, Mediatrix, consequar, quæ tam indigenter, quam negligenter à tuo Sanctissimo filio deprecor.

47. Confirmatur primò: Quicumque orat, tenetur facere, quod sua oratio exaudibilis à Deo sit: sed, ut oratio sit à Deo exaudibilis, requiritur interpositio Sanctorum: ergo quicumque orat,

brat, tenetur Sanctos invocare. Probat-  
tur minor primò: Quia ut oratio sit à  
Deo exaudibilis, debet orans ordinatè  
in sua oratione procedere: sine Sancto-  
rum invocatione inordinatè proce-  
dit orans: ergo sine Sanctorum invoca-  
tione non est oratio exaudibilis. Pro-  
batur minor: Non servans ordinem statu-  
tum à Deo pro oratione faciendâ, inor-  
dinatè procedit: qui Sanctos, orans,  
non invocat, non servat ordinem statu-  
tum à Deo, ut constat ex dictis in ist-  
dem numeris 42. & 43. & 44. ergo.

¶ Probatur secundò minor principa-  
lis ex D. Thom. in Psalm. 19. ubi ait:  
*Est ergo triplex causa, quæ facit oratio-  
nem exaudibilem. Prima est, Divina bo-  
nitas: Secunda, Sanctorum suffragia: ter-  
tia, proprium meritum:* ergo ut oratio  
nostra sit à Deo exaudibilis, necessaria  
est Sanctorum invocatio: ad eum pro-  
portionabiliter modum, quo requirit-  
ur proprium meritum in orante, &  
bonitas Divina in concedente.

48. Confirmatur secundò: Quia  
ad minus non possunt contrarii negare;  
necessariū nobis esse recursum ad nos-  
trum liberalissimum Reparatorē Chris-  
tum IESUM. Est enim *Mediator Dei, &  
hominum:* ob quod quicquid Ecclesia  
petit, petit per *Christum Dominum nos-  
trum.* Quæ veritas adeò perspicua est,  
ut vel ab ipsis Acaholicis concedatur;  
negantque Sanctorum invocationem,  
quia illam nostro Servatori iniuriosam  
rentur. Unde non possunt Adversarii  
negare necessitatem recursus ad ipsam,  
qui est Noster Advocatus apud Patrem,  
*qui etiam interpellat pro nobis.* Ex hoc  
ergo principio sic discurro: Tenemur  
rogare Christum Mediatorem nos-  
trum: ergo tenemur invocare Sancto-  
s. Antecedens constat ex dictis, &  
consequencia probatur primò ex Di-  
vo Bernardo, qui Serm. 5. de Assump-  
tione agens de Redemptore nostro ait:  
*Opus est nobis Mediatore ad ipsum Me-  
diatorem: nec alter nobis utilis, quam*  
*MARIA:* ergo qui tenetur orare Chris-  
tum Mediatorem, tenetur etiam invo-  
care Sanctos, qui sunt Mediatores ad  
illius principalem Mediatorem. Patet

ista: Tum quia *ly opus est nobis*, quo uti-  
tur Bernardus, non signat solum utilita-  
tem, sed præcisionem: tum quia qui te-  
netur ad aliquid, tenetur etiam ad id,  
sine quo haberi non potest; sicut qui te-  
netur Sacrum audire, adire tenetur lo-  
cum, ubi Sacrum celebratur. Videant  
ergo Adversarii quomodò cum hac D.  
Bernardi auctoritate componatur, in-  
vocationem Sanctorum esse nobis so-  
lummodò utilem.

Probatur secundò consequentia illa  
principalis ex D. Thom. in 2. dist. 27.  
art. 6. ad 2. ubi ait, quòd Christi Do-  
mini meritum est *quodammodo sicut cau-  
sa universalis, quam oportet ad effectus*  
*determinatos applicari per causas particu-  
lares; sicut sunt Sacramenta, & orationes*  
*Ecclesiarum; & inde est, quòd non tantum*  
*Christum oramus, sed etiam Sanctos eius,*  
*quorum meritis, & precibus eius auxi-  
lium percipimus:* ergo qui tenetur Chris-  
tum orare, Sanctos invocare tenetur.  
Patet ista: Nam sicut virtus causæ uni-  
versalis non applicatur ad effectus de-  
terminatos, nisi per causas intermedias;  
sic etiam regressus effectus determina-  
ti, ut perveniat ad causam universalem  
debet transire per ipsas intermedias cau-  
sas. Aliter non servabitur ordo, quem  
esse à Deo institutum vidimus ex ipso  
Doctore Angelico num. 42. & 43.

## §. II. Argumenta proposita, & so- luta.

49. **C**ONtra nostram conclu-  
sionem arguitur primò  
ex D. Ambr. cap. 1. ad Rom. ubi ait:  
*Ad Deum autem (quem utiq. nihil latet, om-  
nia enim merita novit) promerendum, suf-  
fragatore non opus est, sed mente devota.*  
Similia habet Chrysost. tom. 3. homil.  
de persec. evang. asserens: *Certum non*  
*opus tibi Patronis apud Deum, neque mul-  
to discurfu, ut blandiari aliis; sed licet*  
*solus sis, Patronisque careas, & per te met-  
ipsum Deum depreceris, omnino tamen*  
*utilis compos eris.* Quid clarius contra  
necessitatem invocationis Sanctorum?  
Utilis est invocatio hæc, sed non est obli-

obligatoria, non opus est, inquit uterque.

Respondetur quòd invocatio dicta obligatoria, ac praecepta est illa nobis opus est: opus est nobis suffragatore apud Deum. Nec huic veritati contrarii sùt Chrysostomus, & Ambrosius. Ad huius auctoritatem dicimus: Sactum huic Doctorem inibi agere contra Simonianos, qui asserabant, non esse nobis accessum ad Deum, nisi per Angelos: quia his Deus indiget, vt notitiam nostrae necessitatis habeat: sicuti Rex indiget interprete, vt linguam extraneam intelligat, & interlocutore, vt subditorum calamitates cognoscat. Quare asserit: *Idco ad Regem per Tribunos, & Comites itur, quia homo utique est Rex, & nescit, quibus debeat rempublicam credere. Ceterum ad Deum promerendum suffragatore non opus est, sed mente devotis & hoc idco est, quia ipsum nihil laeset, omnia enim merita novit.* Vnde Ambrosius denegans necessitatem suffragatoris Deum certificantis, non negat necessitatem suffragatoris pro nobis intercedentis: imò illam defendit, prout vidimus num. 20. in fine.

Ad secundam auctoritatem dicimus mentem Chrysostomi esse clarissimam. Ibi enim Doctor S. reprehendit quosdam bene agere nolentes, & totam suam fiduciam in aliorum orationibus collocantes. His itaque dicit, melius esse, quòd peccator sine aliorum consorcio pro se oret, quàm, quòd, eo non orante, alii pro ipso deprecantur. Vbi triplex hominum genus indigitat Doctor S. Primi pro se non orant; curant tamen, vt alii orent; & hos reprehendit, vt vana spe innixos. Alii otant pro se, sed quin alii pro ipsis orent: & hi praefertuntur primis. Omnibus autem praefertendi sunt pro se ipsis orantes, & alios comites in sua deprecatione habentes: Quae idem S. Doctor docet homil. 5. in Matth. dicens: *Non igitur quasi ositantes, & desides ex aliorum meritis pendamus: habent enim vim, & quidem maximam, orationes, supplicationesque Sanctorum, sed tunc profecto, cum nos quoque id ipsum per penitentiam postulamus.* Eadem enim brevissimè complexus est

homil. 1. in prim. Epist. ad Thesalonis. ubi habet: *Nec Sanctorum preces contemnamus, neque totum in illis proit, iamus.*

50. Arguitur secundo: Nullum praeceptum datur de invocatione Sanctorum: ergo licet vilis sit, obligatoria non est. Probatur antecedens: Invocare Sanctos non est praeceptum negativum, nec affirmativum: ergo nullum. Probatur antecedens pro prima parte: Praeceptum negativum obligat ad semper: Sanctos invocare non ad semper obligat, vt patet tum ex seipso tum ex dictis num. 45. Pro secunda parte probatur ipsa minor primò: Quia non constat de tali praecepto. Secundo quia praeceptum affirmativum obligat pro aliquo determinato tempore: sed non est assignabile tempus, in quo obliget Sanctorum invocatio: ergo non est de praecepto affirmativo.

51. Confirmatur: Quia Ecclesia non urget ad Sanctorum invocationem; ergo nò datur praeceptum de illa. Consequentia bona est: Si namque praeceptum aliquod circa hoc daretur, Ecclesia utiq; urgeret pro eius adimpletione, sicut facit cum aliis praeceptis. Antecedens autem inde constat, quòd talis Ecclesiae praxis nemo vidit unquam.

Respondetur argumento negando antecedens. Ad probationem dicas: Praeceptum hoc simile esse praecepto orationis, de quo diximus disp. 3. quaest. 1. esse partim naturale, & partim positivum. Idem dicimus de hoc praecepto, quod est partim naturale, quia vt docet Cardinalis Belarm. lib. 1. de Sanctorum beatorum, cap. 20. ad 6. *Quod ad mandatum attinet, nullum certe mandatum requiritur, quando ipsa necessitas nos impellit.* Quae intelligenda sunt, vt ait Doctissimus noster Liberius, ita vt non sit exquirendum particulare praeceptum positivum, cum datur praeceptum naturale radicatum in necessitate, tum ex parte ordinis rerum, tum ex parte nostri indigentium. Vnde hoc praeceptum est naturale, quia natura ipsa dicit, petendum esse remedium ab illud conferre potente. Est tamen elevatum ad ordinem supernaturalem, prout accidit in

in aliis plurimis.

Ad secundam partem respondetur: Hoc præceptum esse etiam positivum, habetque duplicem considerationem: quia est Sanctorum cultus, & petitio decentium: quare nus est Sanctorum cultus, reducitur ad quartum præceptum Decalogi, ubi præcipitur: Parentes honorare. Et Sancti cum Christo regnantes Parentes nostri sunt secundum illud Eccles. 44. *Laudemus viros gloriosos, & Parentes nostros.* Ut autem est decentium petitio, idem iudiciū de ea ferendum est, ac de oratione ipsa: modo tamen dicto disp. 3. quæst. 2. ad confirmationem ultimi argumenti. Videantur ibi dicta. Atque ex dictis constat de tali præcepto constare.

Ad id, quod dicitur de tempore, quo hoc præceptum obliget: iam diximus num. 45. quando obliget tale præceptū, quod nullā difficultatē specialem circa hoc habet: est enim hoc commune aliis præceptis.

Ad confirmationem dicendum: primo, quod etiam si Ecclesia non urgeret ad observatiā huius præcepti inefficax cōtrarius discursus foret: quia sufficit, quod necessitas ipsa urgeat, ut præceptum recognoscamus. Sed respondetur 2. Ecclesiam certissimē urgere, ut hoc præceptum servetur. Semper, quod occurrat dies festus in honorem Sanctorum, præcipit Ecclesia Sanctos invocare: quia præcipit Sacrum audire: quæ Sacri auditio est huius præcepti adimpletio: quia audiens Sacrum in diebus festis Sanctorum submittit se intentioni Ecclesiæ, quæ illum actum ordinat in Sanctorum cultum, & ad implorandam ipsorum intercessionem. Nec hoc voluntati dictū est, sed à D. Thom. traditū in 4. dist. 15. q. 4. art. 1. quæstiunc. 3. ubi postquam obligationem, quam ad orandum habent Ministri Ecclesiæ dictavit, subdit: *Omnibus etiam, qui Ecclesiæ ministerio non funguntur, videtur ab Ecclesia determinatum tempus orandi statutum esse, cum ex Canonum statuto tenentur diebus festis Divinis officiis interesse, ut Ministris pro Populo orantibus suam intentionem conformant.* Hæc D.

Thomas circa præceptum orationis, de quo aliās. Circa præsens tamen facit: quod Sacrum audientes debent suam intentionem conformare cum Ministris orantibus: sed Ministri Ecclesiæ orantes in solemnitatibus Sanctorum tenentur eorum implorare suffragia, iuxta ordinem ab ipsa Ecclesia statutum: ergo qui non sunt Ecclesiæ Ministri per hoc, quod cum dictis Ministris se conformant, & ipsius Ecclesiæ intentioni se submittant, & Sanctos venerantur, & ipsorum protectionem implorant. Ecce tempus ab Ecclesia pro omnibus tam Ministris, quam aliis statutum, ut Sancti invocentur. De aliis occasionibus vide, quæ diximus dicto num. 45.

52. Arguitur tertio: Si esset præcepta invocatio Sanctorum, vel essent invocandi omnes, vel eorum alii: neutrum potest dici: ergo non datur talis obligatio. Cætera nota sunt, & minor pro prima parte probatur: Quia omnes Sanctos ab omnibus superstitionibus invocari, prorsus impossibile est: ergo cum nemo ad impossibile teneatur, hinc sequitur, tale præceptum non dari. Pro secunda parte probatur eadē minor: Quia, si eorum aliqui invocari debent, restat scire, qui sunt isti, quos invocare debemus? Et quare præceptum sit de invocatione horum, & non aliorum? Ergo vera est quoad utramque partem illa minor.

53. Confirmatur: Dum Sanctos invocamus, est, ut eorum auxiliis adjuvemur: ergo si hic datur aliqua obligatio, est per accidens: Ergo non datur speciale aliquod præceptum. Hæc secunda consequentia constat ex prima, quam infert antecedens, quod ex hæcenus dictis patet.

Respondetur argumento negando minorem: quoad utramque partem; tenemur enim Sanctos omnes invocare in solemnī die omnium Sanctorum: tunc enim Ministri Ecclesiæ Sanctorum omnium intercessionem invocant: & qui Ministri non sunt, hoc ipsum præceptum implent Divinis officiis intercessentes, & se se cum Ministris conformantes.

tes, ad quod teneri, docuit iam nos D. Thomas. Insuper in aliis casibus tenemur invocare aliquem; vel aliquos Sanctorum, non omnes, sed quos, & quos voluerimus: unde sufficit, si unum invocemus. Et ratio huius ea est: Quia Sanctos invocamus, ut orationes nostræ fiat exaudibiles apud Deum; quod cōsequimur, si unum, vel alterum, prout devotio dictaverit, invocemus. Qui enim item aliquam in curia habet, tenetur utique aliquos, vel aliquem curiæ Advocatum habere; non tamen omnes: sed ut minus unum, & huius electio ipsi est arbitraria. Sic in casu nostro. Cum hoc tamen sit prudentissima admonitio nostri Liberii; vel ob illam solam à nobis summo perè diligendi: *Cautum tamen est* (ait). *B. Virginem præ cateris exorandam, ut potè constitutam canalem viviveris donorum: deinde S. Ioseph: petrasque fundamentales Ecclesiæ Sanctos Apostolos*

Adde: Quod cultus vni Sanctorum exhibitus redundat in alios, unde qui unum honorat, omnes venerari censetur; atque adeo ex hac parte potest dici, quod hoc præceptum est de invocando omnes.

Ad confirmationem responderetur: Quod Sanctos invocamus, non solum, ut eorum auxiliis adjuvemur; sed etiam ut ipsis cultum debitum deferamus, quod multoties diximus. Unde vel ob hoc solum præceptum daretur. Verum prætermisso anteced. negamus utramque consequentiam. Non enim obligat hoc præceptum per accidens; sed per se; nec ex illo antecedenti gratis permissio aliud inferre licet. Recole, quæ diximus d. sp. 3. quæst. 2. §. 3. Vbi num. 51. cum Noëlis Salmanti: cens. tract. 13. d. sp. 2. dub. 1. num. 6. explicuimus, quæ sit obligatio per se, & quæ per accidens. Ibi dicta videre debes; nè eadē sine causa speciali repetamus.

## QVÆSTIO QVARTA.

*Utrum omnes superstites Sanctos invocare debeant?*

34.



Ehemens oppositio; quā adversus quietis nobis semper est, facit, ut quoties

ocasio se se offert in illos calamum dirigendi non prætermittamus. Multa sunt instrumēta, quibus in Empyreum Tartarus bella gerit. Ab omnibus veluti à facie colubri cavendum nobis est. Sed à quietistis maximè, obfuscatos virtutum visus, quibus viciorum horrenda spectra colorant. O animæ fideles! Attendite à falsis his Magistris, qui veniunt ad vos in vestimentis ovium; intrinsecus autem sunt lupi rapaces: O animarum Directores! O omnes, ad quos hæc attingere quoquomodo possint! Inspicite, introspicite, palpate, & videte, quia spiritus carnem, & ossa non habet. Heu, Sancti omnes, quos invocandos pro viribus assensimus! Exurgat Deus, & dissipentur (hi) inimici eius, & fugiant, qui oderunt eum, à facie eius: sicut deficiit fumus, deficiant, &

A SPIRITU SANCTO

sicut fuit cera à facie ignis, sic (isti) pereant peccatores à facie Dei. Sicquæ bellum, quod fidelium animas non raro misere exterminat, extinguitur. Nullum peius bellum, quàm virium protendere virtutis signaculo lemniscatum. Acetum movens stomachum exhibere, iurantes vinum, germinans Virgines, propinare. Et quod nostro Iudicio acerbissimum est, clanculum sua perversa dogmata infundunt, quò eos publica disputatione confundere non valeamus. Sed quorsum ita? Iam hoc ostendit.

§. I. *Motivum presentis controversiæ exponitur, & sana doctrina stabilitur.*

§ 5. **I**nter illuminatorum propositio- nes à Generali Inquisitione dānatas anno D. 1623. hanc reperio; quæ est 34. *Potest esse tam perfectus, quod non egeat Sactorum intercessione, neque in-*

R

vo





auxilium, hunc ipsum recursum relatè ad Beatos non admittit.

58. Secundò docetur eadem veritas eodem cant. lib. cap. 8. vbi suæ perfectissimæ Sponsæ ait Sponsus Divinus, *qua habitas in hortis, amici auscultant, fac me audire vocem tuā*. Quibus Christus Dominus suam dilectissimam instruit, monetque tempus opportunum adesse, ut orat, quia præsentibus sunt, qui suas orationes delaturi sunt ad ipsum, videlicet *amici*, per quos D. Thom. intelligit omnes Deo fruentes tam homines, quàm Angelos: quos, explicat Angelicus Doctor, *tibi amicos fidei per effusionem sanguinis mei, suosque adiutores, ac protectores contra malignos spiritus insinuat*: ergo ad ipsos recurrere debet anima, quantumvis perfecta sit; siquidem adiutores, & protectores eius sunt, ipsiusque voces auscultant, ut illas ad omnium Dominum deferant pro ea interpellantes.

59. Item eodem libro cap. 2. v. 5. ait eadem pulcherrima, ac perfectissima Sponsa: *Falcite me floribus, stipate me malis, quia amore langueo*. Quibus abs dubio aliquid à se desideratum petit. Et à quo petit? Hoc explanat ibi D. Thomas dicēs: *Alloquuntur animas iam perfectæ Divino amoris inhaerentes, &c.* Et est sensus: O Sancte Anima, qua iam dilectioni Cōditoris vestri inhaeretis, *falcite me bonorum vestrorum exemplis, & qualiter in exordio virtutum, vel in profectu, vel in perfectione bonorum operum vixeritis, ostendite, quia amore langueo*.

60. Cap. 2. vers. 15. eiusdem libri ait ipsa perfectissima Sponsa: *Capite nobis vulpes parvulas, qua demoluntur vineas*. Vbi Extaticus N. Parens in suo cant. spirit. cant. 16. ait: *Invocat Angelos, dicens: Capite nobis, &c.*

61. Insuper apud Iob. cap. 33. dicitur: *Si fueris pro eo Angelus loquens unus de millibus, ut annuntiet hominis aequitatem, miserebitur eius. Et dicit: libera eum, ut non descendat in corruptionem: inveni, in quo ei profuerit. Quod clarissimè ostendit per Angelum deprecantem, Deum iusti hominis misereri: vnde istum, licet perfectus sit, ad An-*

gelū recursū habere cognoscitur. Cognovitq; certò idem Iob. cap. 19. v. 21. dicens: *Miseremini mei, miseremini mei, falsè vos, amici mei*. Vbi per amicos Angelos intelligit, iuxta Augustinum ibi.

62. Denique Sanctissimus erat D. Paulus, & suffragia Sanctorum exposculabat, ut constat ex pluribus locis suarum Epistol. Primò enim ad Roman. 15. ait: *Obsecro vos, fratres, &c. Ut adiuvetis me in orationibus vestris pro me apud Deum*. Vbi ait D. Thom. *petit auxilium orationis eorum*. Similiter ad Colos. cap. 4. v. 2. ait: *Orationi inflat, &c. Orantes simul, & pro nobis, ut Deus aperiat nobis ostium sermonis ad loquendum Mysterium Christi*. Idem petit 2. ad Thesalon. cap. 3. his verbis: *De cetero, fratres, orate pro nobis, ut sermo Dei currat*.

Pluribus aliis scripturis constat nostræ assertionis veritas. Prædictas adduxi nonnullis forsam molestus: feci tamen, quia sententia opposita præcipuè in Scriptura Sacra suffugium se habere iactat. Quàm autem falsò procedat, ex dictis constat: illis enim videmus animas Sanctissimas auxilium petētes, non solum à Cœlicolis; sed etiam ab exulibus. Vnde non est, eui præcepto orationis ad Sanctos non subesse, dicamus.

63. Post Scripturā sequuntur Concilia, quæ sanctissima, ac perfectissima sunt: vtpotè in Spiritu Sancto legitime congregata. In quibus semper orationes laudantur ad Sanctos invocandos. Et ipsos Sanctos ab omnibus invocandos est, præcipiunt. Vnde verbo, & opere nostram conclusionem firmant. Ex illis adneimus septimam Synodum Generalem opere, quod assertio docet, exequentem: dicitur enim act. 6. in fine: *Cum timore omnia agamus postulantes intercessionem incontaminata Deiparæ, item Sanctorum Angelorum, omniumque Sanctorum*.

64. Sacrosancta Synodus Trident. ses. 25. præcipit omnibus docēdi munus habētibus, ut de invocatione Sanctorum omnes doceant: *bonum, atq; utile esse suppliciter eos invocare, & ob beneficia impetranda à Deo per Filium eius Iesum Christum*.

*Dominum nostrum, qui solus noster Redemptor, & Salvator est, ad eorum orationes opem, auxiliumque confugere. Ecce omnes viatores, sive imperfecti, sive perfecti sint, docentur ad Sanctorum orationes opem, auxiliumque confugere.*

Eandem doctrinam tradiderat sessione 22. cap. 3. ubi tractans de sacrificiis, quæ in memoriam, & honorem Sanctorum celebrantur, monet, quòd Ecclesia hoc facit *Deo de illorum victoriis gratias agens: Sicque eorum patrocinia implorat, ut ipsi pro nobis intercedere dignentur in Cælis, quorum memoriam facimus in terris:* quibus can. 5. addit: *Si quis dixerit, impossibilem esse Missas celebrare in honorem Sanctorum, & pro illorum intercessione apud Deum obtinenda, sicut Ecclesia intendit, anathema sit.*

Hæc omnia, quæ invocatione Sanctorum rotundè suadent, de quo alibi, convincunt etiam omnes, quotquot exules lachrymantur, ad illam tenei: siquidem pro omnibus legè ipsam constitutam esse, vel ipsa verba demonstrant. Vnde excipere Perfectos, error est, iustissimè proscriptus, prout vidimus numer. 55. Et hæc est alia probatio nostræ Conclusionis valde vrgens: nempe ipsa illius ibi adductæ propositionis damnatio, quæ nil alud continet, nisi quod sententia opposita sustinet.

64. Accedant iam Sancti Patres, qui omnes in hanc etiam veritatem stabilendam conspirant. Pauca dicemus, quia plura adducere non est opus. Quid autem in hac parte sentiat D. Thomas, iam vidimus. Extaticus autem N. Patrens suam mentem nobis revelavit verbis num. 60. relatis. Sanctus quodque Ephræm in serm. de laud. Martyr. eorum patrocinium, Sanctis imus cum esset, implorat dicens: *Precamur, Beatissimi Martyres, &c. ut pro nobis miseris, & peccatoribus, & de negligentia squalore fœdatis, Dominum interpellare dignemini, ut superveniat in nos gratia Christi.* Doctor Maximus eandem veritatem firmat in epistola Paulæ, ubi ait: *Vale, à Paula, & cultoris tui ultimam senectutem orationibus invoca: fides, & opera tua Christo te jociant, præsens facilius,*

*quod postulas, impetrabis.*

65. Adhuc viri Sanctissimi, & Perfectissimi Sanctorum interpellationem invocantes: & nè diceres, eos orasse in communi, vel pro aliis, clarissimè pro se ipso orat Hieronymus, & in ultima senectute constitutus, cum iam longa ætas cumulum perfectionis comparaverat, clamabat utique ad Dominum, *usque ad senectam, & senium Deus, nè derelinquas me.* Psalm. 70. vers. 18. sed & Paulæ interpositionem ambiebat, ut gratiam, quam precabatur, obtineret.

Assignatque motivum, quo ducitur, ut Paulæ interpositionem exoptet. Est enim Paula Christo per gloriam coniuncta, ex qua præsentia oritur, quòd facilius impetret, quàm absentes. Quapropter ad illam confugit, ut sui voti compos evadat. Quæ ratio generalissima æquè, ac vrgens est: reorque, quòd si illam introspiceret adversa opinio, herbam extempdè portigaret.

66. Deinde probatur nostra conclusio ratione sic primò: Sanctitas summè Perfectorum nihil obstat, ut implorent auxilium Beatorum, ergo summè Perfecti Beatos invocant. Consequenter nota est: eò enim possent à còmmuni regula eximi, quia magna eorum perfectio eos eximeret. Antecedens autem probatur: Eatenus non adèò Perfecti egent Sanctorum patrocinio, quia viatores sunt, inimicis vndique circumdati, peccata committentes, calamitatibus pressi, nec de sua æterna felicitate securi: sed viventes, quamvis perfectissimi sint, sunt viatores, pluribus hostibus circumdantur, septies cadunt, cæterut calamitatibus, nullamque certitudinem habent de sua æterna felicitate: ergo Sanctos invocare debent, ut in tot adversitatibus illos adjuvent. Consequentia bona est, & præmissæ sunt adèò certæ, ut de eorum veritate dubitari non possit.

67. Dices: Præmissas utique veras esse: sed consequentiam negandam: quia licet verum sit, quòd anima perfecta sit in valle lachrymarum, sicut imperfecta: hæc tamen, quæ Domini

Spon-

Sponsa non est, debet invocare confervos; non autem illa, quæ Sponsa dilectissima est, intimamque, ac immediatam unionem cum Sponso habet. Unde ratio facta in vanum laborat; siquidem non causam pro causa assignat.

Ad hoc pro nunc plenè respondere non possumus, vique dum argumenta solvamus, quorum robur committit sententia adversa huic intimæ, & immediatæ unioni Sponsæ cum suo Sponso. Pro nunc autem dicimus: Quod illa intima immediatio non extrahit animam perfectam à statu viæ, nec à pressuris eam concomitantibus: unde nec extrahit à recurſu ad Sanctos, quorum ope ab iis pressuris liberatur. Sicut enim hanc vitam comitantur indivulsè tot ærumnæ, à quibus nec Perfectissimi liberantur: sic etiam in horum auxilium, & levamen, provisà à Deo misericorditer est invocatio Sactorum, à qua etiam eximi non debet anima perfectissima, dum illis ærumnis subest. Sicque servatur proportio in omnibus. De his autem iterum postea dicemus.

68. Probatur secundò conclusio hac ratione: Sancti cum Christo regnantes invocant alios Sanctos, eorumque auxilium exposcunt: ergo viatores, quamvis Perfectissimi, debent Sanctos invocare. Consequentia innegabilis est. Et antecedens est expresse traditum à D. Greg. Nicen. oratione in Sanctum Theodorum ubi, ait: *Intercede, ac deprecare pro patria apud communem Regem, & Dominum. Timemus afflictiones, expectamus pericula, non longe absint Scythæ bellum adversus nos parturientes. Vt miles propugna pro nobis: ut Martyr pro confervis utere libertatem loquendi, &c. Quod si maiori etiam opus fuerit deprecatione, fratrum tuorum Martyrum coque chorum, & cum omnibus unà deprecare. Admone Petrum, excita Paulum, Ioannem etiam Theologum, ac discipulum dilectum. Clarissime Doctor hic Sanctissimus, & scientissimus loquitur: Non solum invocat S. Theodori opem; sed etiam ab ipso petit, ut imploret aliorum Sanctorum pariter regnantium auxilium.*

69. Confirmatur: Facilius potest comprehensor impetrare, quod petit, quam viator, etsi Perfectissimus sit: ergo hic illius opem implorat. Patet antecedens ex D. Hieron. num. 64. adducto. Et consequentia probatur primò: Quia in rebus maximi momenti est, ut minus, prudentia recurrere ad illum, qui potest consecutionem facilitare. Secundò probatur: Quia ex quo facilius Beatus consequatur, quod petit, manet recurſus ad illum omnibus illis, qui non ita faciliter consequuntur. Quis enim ausierre potest, quod Petrus lumèn perfectus, sciens, quod interpositione alicuius Sancti facilius habebit, quod optat, ad ipsum recurrat? Ex quo futilitas præcipui fundamenti sententiæ oppositæ constat. Quippe, si indecens Sponsæ foret, Sanctos invocare: nedum ad illos invocandos non teneretur: verum etiam nec pro libito recurrere posset: quia quod Spōsæ dignitatem dedecet, executioni mandari ab ea non potest.

70. Ratio tertia pro conclusione probanda sic procedit. Viator, etiam perfectissimus, habet Angelum custodem: ergo illum invocare. Ergo & Sanctos alios. Antecedens certum est, doceturque à D. Thom. 1. part. quæst. 113. artic. 4. consequentia prima ex antecedenti sequitur, primò: Quia si Angelus custos invocari non posset, in vanum cultoseffet: ut quid ergo hæc custodia; si homo perfectus Angelum invocare non potest? Secundò: Ex quo Angelus sit custos reiatè ad hominem perfectum, est hic Angeli Custodis cliens: sed cliens invocare potest suum Patronum: ergo. Tertiò: Nō dedecet Spōsam, quod ab alio custodiatur præter Spōsum, nec quod eius, à quo custoditur, cliens sit: ergo nec dedecet, quod illum invocet. Notum est antecedens, quod bene infert consequentiam.

Quæ omnia mirè elucida Caletan. tom. 3. opuscul. tract. 12. cap. 4. dicens: *Ad Hebræos quodque cap. 1. de Sanctis Angelis dicitur, quod omnes sunt ministrarii spiritus, qui in ministerium mittuntur, propter eos, qui hæreditatem capi-*

*tapiunt salutis. Ex hoc enim, quod Deus disposuit nos gubernare per medios Angelos, non propter se Deum, sed propter nos habedes vitam æternam, ordinasse intelligitur, ut nos invocemus Sanctos Angelos, tamquam medios inter nos, & Deum: nisi usque ad eum desipere liceat, ut dante Principe, seu curia Advocatum peregrino, vel Pupillo, negetur simul dispo, ut peregrinus, aut pupillus invocare possit patrocinium Advocati dati. Desipit ergo iuxta doctissimi Cardinalis mentem, qui concedens Clientem, & Patronum, negat ad Patronum recurrere posse Clientem. Videatur toto illo capite Caietan. quia rem præsentem mirè elucidat.*

Secunda autem consequentia, quæ asserbat, viatorem in culmine perfectionis positum, posse Sanctorum patrocinium invocare; ex quo concedatur posse invocare Angelos, probatur primò: Quia omnes rationes, quibus sententia adversa movetur, ut Sanctorum invocationem à viro perfectissimo releget, pariter vrgent in invocatione Angelorum: siquidem si Sponsam non decet ad servcs recurrere; omnium Domino vnita cum sit, ad quem est conversio eius. Illud herclè, aliaque similia, quæ talis opinionis fundamentum esse, dicunt, omnem illam vim, quam erga Sanctos habent, pariter erga Angelos conservarent.

Probatur secundò: Eò ad Angelos potest recurrere Sponsa viatrix, quia mediant inter ipsam, & Deum, cuius universalissimum influxum attemperant, proportionantque, ut multoties tam in hoc tomo, quam in præcedenti diximus cum D. Thoma: atqui hoc ipsum inveiuit in Sanctis: ergo ad ipsos recurrere potest viator, etiamsi perfectissimus sit. Cætera constant, præter minorem, quam probatam habes egressa D. Thomæ Auctoritate, quam adduximus num. 42. 43. & 48. Videatur, sicut & Caietanus præciturus.

71. Confirmatur ratio facta: Nemo quantumvis perfectus æquat perfectionem totius Ecclesiæ militantis, quæ & includit perfectionem cuiuscum-

que particularis viatoris, additque perfectionem aliorum omnium viatorum particularium; ac insuper est Sancta, Catholica, indefectibilis, columnaque tota pulchra, & sine macula: atqui Ecclesia hæc ad eum perfecta invocatur Angelos, & alios Sanctos, ut patet cum eorum festa celebrat, & relatè ad Sanctos, constat etiam in Litanis maioribus, ubi auxilium Sanctorum petit; qua invocatione supposita, post alia pro se ipsa determinatè orat Deum, quem propitiis mediis interpositione Sanctorum supponit, dicitque: *Vt Ecclesiam tuam Sanctam regere, & conservare digneris, te regamus auctores*: ac tandem quia numerus Sanctorum dierum numerum longè superat, diem instituit, in quo omnium simul Sanctorum patrocinium invocaret, ubi etiam Sanctorum Angelorum meminit: ergo perfectio cuiuscumque viatoris obesse minime potest invocationi Sanctorum.

## §. II. Motiva adverse opinionis enervata.

72. **C**ONTRA nostram conclusionem arguitur primò ex illo Evangelistæ D. Ioannis scribentis cap. 16. v. 23. Christum Dominum Apostolis dixisse: *In illo die me non rogabitis quicquam: amen amen dico vobis, si quid petieritis Patrem in nomine meo, dabit vobis.* Loquitur de die Pentecostes, in quo Apostoli perfectissimam gratiam receperunt, post cuius susceptionem, ait Christus, eos non indigere Christo Mediatore; atque ideo, fortiori iure, nec Sanctis.

Hoc argumentum plus probat, quam eo vtentis velint. Excludere enim *Advocatum, quem habemus apud Patrem Iesum-Christum ipsum*, ut dicitur 1. Ioan. cap. 1. nec conducit ad excludendam Sanctorum interpellationem: Nec Acatolici perverissimi tale quid fecere. Imò Sanctorum invocationem tenuunt, quia Christo Mediatori iniuriosam esse, rentur. Verùm quicquid de hoc sit, debemus respondere huic argumeto, quòd certè implexum est prop-

propter glossarū diversitatem. Omnia, quæ in eo solvendo dixerimus, haurimus cum gaudio de sōre Angelici Præceptoris super Ioannem inibi, qui glossas illas reletis: vnde quicquid dicam, ex D. Thom. accipio.

¶ Respondetur ergo primò: Quòd *ly rogabit* non significat hic petere; sed interrogare. Iuxta quod sententiæ sensus est: *In illo die* Pentecostes, imbuti vos omni scientia per Spiritum Sanctum, qui *suggeret vobis omnia, quæcumque dixerit vobis; me non rogabit* (hoc est, non interrogabit) *quicquam*. Secundum quod argumentum non est ad rem: quia in textu allato non agitur de invocatione, seu petitione.

Respondetur secundo: Illum diem, de quo Christus loquitur, non esse diem Pentecostes, sed gloriæ. Quæ gloria dupliciter intelligi potest, videlicet vel omnino consummata, & perfecta, qualis erit post diem iudicii; vel de gloria, quæ licet perfecta sit quoad essentialia gloriæ; non tamen quoad accidentalialia ipsius: atque adeò modò Sancti aliqua petunt tam sibi, quàm aliis; nempe suorum corporum glorificationem, & adimplerionem numeri electorum, & iuxta hoc glossema sensus Christi est: *in illo die* gloriæ non omnino consummatæ, hoc est, ante diem iudicii, *me non rogabit quicquam* pertinens ad gloriam essentialem; licet deprecemini pro aliquibus accidentaliter ad vestram beatitudinem expectantibus. Ast *in illo die* gloriæ omnino perfectæ, hoc est, post iudicii diem, *me non rogabit quicquam* etiam accidentale: quia tunc nihil est, quod petere valeatis. Et secundum hanc explicationem corrumpit argumentum, quia illud facientes, & nos, non loquimur de cōprehenforibus, sed de viatoribus. Loquimur de die huius vitæ, in cuius hora vndecima nunc sumus iuxta magnum Gregorium hom. 19. in Euang.

Respondetur tertio: Diem illum, de quo Christus sermonem facit, esse utique diem Resurrectionis, & Pentecostes; & *ly rogabit* esse idem, ac *petere*. Sensus tamen est: *In illo die* pentecostes, seu Resurrectionis, hoc est, post meam

Ascensionem *me non rogabit quicquam*: id est, non ad me venietis, vt hominem, qualiter hætenus fecistis orantes, vt pro vobis ad Patrem interpellemus: sed ad me vt Deum accedetis, & vt eiusdem naturæ cum Patre orabit. Apostolos assuetos humanitati Sanctissimæ Christi voluit Dominus elevare ad perfectam cōtemplationem Divinitatis, ad quod necessarium dixit regredi ad Patrem, dicente ipso ibidem: *Expedi vobis, vt ego vadam, si enim non abiero Paraclytus non veniet ad vos, si autem abiero, mittam eum ad vos*. Vnde ab eo die Apostoli non accedebant ad Christum hominem; sed ad ipsum, vt Deum, petentes, vt considerata concedat. Quem inorem servat Ecclesia, quæ licet perat in nomine Christi, & per ipsum tamquam Mediatorem: non tamen petit ab eo, vt pro illa ad Patrem deprecetur; sed vt eius misereatur: non enim dicimus: *Ora pro nobis, sed miserere nobis*. Et hoc est, quod verbis in argumento positis docet nos. Ex quo nihil contra nostrum assertum habetur. Quia & Apostoli, & nos in nomine Christi petimus, & non solū perfecti, verum nec imperfecti petunt ab eo, vt oret; sed vt concedat.

Habes ergo triplicem modum, quo textum dictum intelligas, adductum à D. Thoma. Primus est D. Chrysostomi, qui etiam est Nostri Extat. Doctoris lib. 2. notis cap. 20. in fine. Secundus est Divi Augustini. Tertius est iuxta D. Ioannem Chrysostomū Teophil. & alios; & iuxta omnes illos vires argumenti dehiscunt.

73. Dices: Ibidem ver. 26. ait Redemptor noster: *Et non dico vobis, quòd ego rogabo Patrem de vobis, ipse enim Pater amat vos, quia vos me amastis*. In quibus verbis duo ponderanda sunt: primum est, quòd Christus dicit, se pro Apostolis non rogaturum; atque adeò nec ad ipsum, vt Mediatorem adire debemus: consequenterque nec ad Sanctos. Non ad illum; quia non orat: non ad Sanctos, quia si Christus relatè ad Apostolos munus Mediatoris non exercet, multò magis hoc debet verificari de Sanctis.

Secundum, quod in dictis verbis ponderare licet, est causalis, quam Christus assignat, ut pro Apostolis non oret. Ait enim: *ipse Pater amat vos*; ergo qui perfectam charitatem habet, Deum solummodò precatur. Ergo non Sanctos. Unde Sanctorum invocatio viatores, perfecta charitate præditos, minimè decet.

Hic textus est, quo plures Catholici, & Acatbolici patrocinium se adinvenisse, rentur, illi, ut Christum Dominum in Cœlis formali oratione orare negent: hi autem, ut Sanctorum invocationem expellant. De utroque integram quæstionem habemus, in quarum prima asserimus: nostrum Redemptorem esse, *qui est ad dextram Dei, qui etiam interpellat pro nobis*, uti dicitur ad Roman. 8. v. 34. *Unde salvare in perpetuum potest accedentes per semetipsum ad Deum: semper vivens ad interpellandum pro nobis*. Ad I. Ioh. 7. v. 35. quod de oratione formaliter tali intelligendum esse, ibi descendimus. In secunda autem Sanctorum invocationem contra Hætherodoxos propugnamus.

Præsens verò assertio nostra nequam contrariatur verbis illis Christi Domini, quorum sensum laudatus D. Thomas sic ex D. Chrysostomo explanat: *Hoc forte dicit, ne credant Discipuli, quod ita sint per Filium impetraturi, quod ipsi non habeant immediatum accessum ad Patrem, quasi dicat: modo ad me recurratis, ut pro vobis interpellent, sed tunc tantam fiduciam habebitis apud eum, quod etiam ipsi à Patre petere poteritis in nomine meo, non indigentes alio introducte. Sed nunquid Apostoli non indiguerunt Christo hœmine ad interpellandum? Aliàs cum ipse interpellat, superflua erit eius interpellatio. Sed dicendum, quod non interpellat pro eis tamquam pro absentibus, & accessum habere non valentibus: sed faciens preces eorum exauditi- liores. Aliter D. Augustinus textum explicat, ut videre est in D. Thoma.*

Qui Angelicus Doctor hunc textum ita mihi aperire videtur, ut clarissimè contra nos non esse, dignoscatur. Ait enim: *Tacet autem se regaturum Patrem*

*pro eis: Unde dicit: & non dico vobis, quia ego regulo Patrem. Ecce brevissimam & quantum capio, propriissimam explanationem. Aliud est enim dicere: non dico vobis, quia ego regulo. Et aliud esseretur: dico vobis, quia ego non regulo. Quia hoc secundum orationem negat, quam illud primum non excludit. Unde Christus dicens se non dicere pro Apostolis ad Patrem oraturum, suam mediationem non negat, sed tacet, seu dissimulat sermonem de ea facere. Ex quo nil contra nos sequitur.*

74. Arguitur secundo: Sponsa nihil petit à Sponso mediis domesticis, & ministris, cum ipsa sit eis omnibus superior: ergo cum Sancti sint ministri, & domestici Dei, non debet Sponsa illos invocare.

75. Confirmatur primo: Quia Sponsa est in cubiculo cum suo Divino Sponso: sed ibi nullus domesticorum admittitur: ergo ibi sine eorum interpositione ad ipsum orat. Cætera constant, & maior patet ex illo cant. 1. v. 11. ubi ait Sponsa: *Cum esset Rex in accubitu suo, nardus mea dedit edere mihi suum.*

76. Confirmatur secundo: Inter Sponsam, & Sposum est intima, & mutua correspondentia, cui obest quæcumque mediatio: ergo. Probatur antecessus pluribus cantic. textibus: cap. 2. v. 10. ait Sponsa: *En dilectus meus legitur mihi*. Et cap. 7. v. 10. ait: *Ego dilecto meo, & ad me conversio eius*. Insuper cap. 2. dicto v. 11. ait: *Veni, dilecte mi, egrediamur in agrum*. Vbi ipsa Sponsa per se ipsam sine alterius interpositione Sposum alloquitur, egressumq; in agrum deprecatur. Plura cœmito, sed non illa, quæ cap. 8. v. 5. asseruntur: *Quæ est ista, quæ ascendit de deserto deliciis affluens, innixa super dilectum suum*. Vbi soli dilecto suo inniti Sponsa dicitur: & si Sanctos invocaret, illius eorum interpositione accederet, illicque inniteretur.

In his, similibusque cantic. dictis præcipuè fundatur opinio adversa. Respondetur ergo argumento: Illud, cæteraque omnia, quibus videntur contrariari, fundari supra falsam imaginationem: videlicet, quod anima, de qua loqui-

mur, est Sponsa, & Sancti, quos invocare dicimus, sunt servi, ac ministri, atque adeo indecens Spōsæ est, servorum patrociniū invocare; cū ipsa Regi na sit.

77. Quæ si ita essent, sicque intelligi deberent, abs dubio & nos idem omnino diceremus. Verū aliter hæc capienda sunt: Anima siquidem, de qua hic sermo nobis est, Sponsa est; sed pariter est Dei ancilla, cū vel ipsa, quæ nec similem habuit, nec habebit sequentem, dum ad thronum sublimissimum essetretur, se Domini ancillam facta esset, dicens: *Ecce ancilla Domini, fiat mihi secundum verbum tuum.* Luc. cap. t. vers. 38. Sancti sunt utique servi sed etiam quævis anima Deum vidēs est perfectissima Cœlestis Sponsi sponsa. Vnde si Beati assumuntur, seu considerantur ut ministri, consideretur Sponsa viatrix, pariter ut ancilla: etsi hæc ut Sponsa concipitur: hæc ipsa dignitas in illis consideretur. Sicque inveniemus, quod inter servos viatores, & comprehensores est discrimen status viæ, & gloriæ, quod discrimen præstat sufficientissimum fundamentum, ut servi viatores, ad servos comprehensores confugiant. Similiterque Sponsa Deo fruens est in statu perfectioni, quàm sponsa viatrix; atque adeo hæc illam invocare sine suæ perfectionis, ac dignitatis, dedecore.

Quare ad argumentum responderetur: Spontam viatricem Sanctos invocantem, ad illos recurrere, qui intra sublimissimam sponfarum claustrum occupant primam sedem: vnde indecens non est, quod sponsa exul sponsæ, Sponso fruētis, patrociniū exquirat.

Ad primam confirmationem dicasi Spōsam viatricem esse intra cubiculum fidei: sponsam verò Deo fruētem esse intra cubiculum gloriæ, & hoc discrimen est sufficiens, ut dictum est, ad salvandum, quod sponsa, quæ detinetur intra cubiculum fidei, sine ipsius dedecore invocet protectionem spōsæ fruētis intra cubiculum gloriæ.

Ad secundam confirmationem respondetur, quod intimitas, & immediatio spōsæ cum suo dilectissimo Spon-

so non auferatur per interpositionem animarum earum, quæ etiam sponsæ sunt: Si namque illæ animæ, quæ Sponsæ non sunt, mediant; tunc casus intimitas, immediatioque, perirent.

Adde ex dictis num. 45. recursum Sponsæ viatricis ad Sanctos non esse ob aliud specialis motivum diversum ab eo, quod habent, qui Perfecti non sunt, ut Sanctos invocent. Vnde sicut de his num. assignato diximus, non teneri in sua omni deprecatione Sanctos interponere: sic de sponsa potiori titulo dicimus: cum hoc tamē comparitur, quod ipsam spōsam non dedecet, præsidium Sanctorum quaerere.

Quare verificatur illud: *En dilectus meus loquitur mihi.* Et illud: *Dilectus meus mihi, & ad me conversio eius.* Verificabitur etiam illud: *Veni, dilecte mi,* dictum à Sponsa immediatè cum suo Sponso loquente. Tum, quia alterius spōsæ interpositio immediationem non tollit, ut dictum est in prima solutione: tum etiam, quia non semper tenetur alterius sponsæ auxilium quaerere.

78. Nec hoc est speciale aliquod privilegium spōsæ etiam Reginæ; etiam concubinæ, etiam adolescentulæ hoc faciunt, ut vidimus dicto numero. Et sane cū aliquis etiam peccator orationem dominicam dicit, cum Deo alloquitur sine omni prorsus mediatione: potest enim Sanctos invocare, ut quæ in illa oratione à Deo petit, obtineat: & potest sine illa invocatione procedere. Hoc ipsum est, quod de Sponsa asserimus. Quæ licet possit Sponso suo sine interpellanti loqui: non tamen indecens suæ dignitati est, interpellatore uti. Maximè pro iis occasionibus, in quibus ad meritum spōsæ subtrahitur Sponsus, ac veluti absens, vel offensus dilectissimam suam, propriæ absentia eorum vultore, quatit. Quo, & de Spōsæ dilectione, experimentum sumit, & eius meritum auger, & illam ea afflictione ad Sanctos invocandos invitat.

Hoc sic evenire quotidiana experientia notum est, & etiam Sacro oraculo. In ipso cant. lib. cap. 5. v. 6. & 7. ait ipsa Sponsa: *Pesulum ostii mei aperui dilect.*

*lecto meo; at ille declinaverat, atque transferat. Anima mea liquefacta est, ut loquutus est, quasi vi, & non inveni illum, vocavi, & non respondit mihi. Invenierunt me custodes, qui circumvenit civitatem: percuferunt me, & vulneraverunt me: tulerunt pallium mihi custodes muros.*

79. Vidimus Sponsam absentem, Sponsamque ob Sponsi absentiam languentem, spoliatam, percussam. Quid tunc perfectissima hæc anima fecit? Nil aliud, nisi ad aliatum Sponsarum patrocinium confugere. Sic enim ipsa versu immediate sequenti ait: *Adiuro vos, filia Hierusalem, si inveneritis dilectum meum, ut nuntiatis ei, quia amore languo.* Vides nē, Sponsam perfectissimam patrocinium inquirentem, ut Sponsum suum dilectissimum inveniat?

80. Quod nē à nostra memoria laboretur, alia simili occasione se ipsam fecisse testatur cap. 3. v. 1. 2. & 3. dicens: *In lectulo meo per noctes quasi vi, quem diligit anima mea: quasi vi illum, & non inveni. Surgam, & circumibo civitatem: per vicos, & plateas quaram, quem diligit anima mea: quasi vi illum, & non inveni. Inveniant me vigiles, qui custodiunt civitatem. Num quem diligit anima mea vidistis?*

En Sposum absentem, & illum Sponsam inquirentem, Sanctorumque, qui custodiunt civitatem, protectionem implorantem. Fructum autem huius invocationis ipsa Sponsa immediate explicat. *Paululum cum per transissem eos, inveni, quem diligit anima mea.* Non poruit Sanctorum cum Christo regnantium interpositio expressius explicari, nec fructus ipsius poruit citius obtineri.

81. Textus ultimus in hac secunda confirmatione adductus Protestantium sequaces ostendit, eo videntes ad finem in illa expressum. Ut enim constet ex suprā dictis, Protestantes asserunt, Christo iniurium esse, qui alium præter ipsum, Mediatorem querit. Respondetur ergo: Sponsam inniti principaliter in suo dilecto Sponso ministerialiter tamen, seu instrumentaliter in-

niti Sanctis cum Christo regnantibus; ut suprā fuisse dictum est.

82. Arguitur 3. Ex N. Doctore Ex-tatico, qui in suo cantico ait de Sponsa cant. 35. sic:

En soledad vivia,  
Y en soledad ha puesto ya su nido;  
Y en soledad la guía  
A solas su querido

Tá bien en soledad de amor herido:

In cuius generali declaratione ait Sanctus Doctor: quia anima perfecta eligit segregari ab omni re creata propter maiorem Sponsi sui, ob hoc Sponsus eius illam ardentissimè amat, curam de illa habens, in sinu suo habitare concedens, in se ipso bona omnia conferens, spiritumque eius ducens ad intima arcana Dei. Nec solummodò spiritum ducit; sed ducit ipse solus sine aliis mediis, nec Angelorum, nec hominum. Hactenus sublimis hic Doctor.

Contentique verba data sententiæ oppositæ fundamentum. In iis enim asseritur, Sponsum sua intima colloquia cum Sponsa habere sine eo, quòd mediet aliquis vel Angelus, vel homo: ergo si horum nullus mediat, eorum neminem Sponsa invocat.

Quæ expressius tradit Mysta hic expressissimus in explicatione vers. 4. ubi ait: Hæc est proprietas unionis animæ cum Deo in matrimonio spirituali; videlicet, quòd Deus operetur in animâ, & se illi communicet per se solum, & non iam mediis Angelis. Et concludit illum §. dicens: Iam res nulla animæ prodest, nec deservit, ut ultra progrediatur, nisi ipse Sponsus, qui eò quòd illam in deliciis habet, vult per se solum eam dictis favoribus decorare.

Respondetur mentem S. Doctoris aliò tendere, & non illud, quod argumentum intendit. Etenim anima, quæ Deo unita est in matrimonio, non querit inter creaturas Creatorem: neque enim querit, quod habet. Prius, antequàm unio hæc felicissima celebrata esset, Sponsum inter creaturas investigabat. Unione autem hac celebrata, non est, quid inquireat: cum iam centrum desiderii sui possideat. Habet tamen quid



quid exoptet, nēpe dissolvi, & esse cum Christo. Exoptat in amicitia sui Sponsi perseverare. Exoptat illum; cū ab- sens est, invenire. Hæc omnia, aliaque his similia desiderat, & hæc ipsa, quæ desiderat, petit à suo Sponso, multoties Sanctorum invocationem interponens. Quod non pugnat cum sui status perfectione, ut pater in ipsis Beatis, aliorum sui in sua felicitate sociorum opem invocantibus, uti num. 68. docuit D. Gregorius Nis.

83. Hancque esse mentem nostri Theodidacti Doctoris constat ex eius lectione. Air enim: sic se Sponsum cum anima gereres; quia hæc omnibus rebus crearis valedixit propter suidilecti amorem. Et sancti Sanctorum invocationi valedicere, & oppositam perfectioni reputare, non est virtus, quam Sanctus Sanctorum remuneret pro favoribus. Vnde S. N. Parens in eo sensu, quem dedimus, loquitur.

Quod evidenter pater; cū dicit; Deum solum animæ perfectæ Ducem esse sine aliis mediis, nec Angelorum,

nec hominum. Explicat enim se Sanctus ipse addens: nec formarum, nec figurarum; hocque idem esse asseruit quia anima media hac solitudine à se electa, fruatur iam vera spiritus libertate, nec ligatur alicui ex his mediis. Vides nō, Sanctum Doctorem loquentem hic de Angelis, & hominibus, sicut de formis, & figuris deservientibus ad ascendendum in Deum? Unico verbo loquitur de Angelis, & hominibus; ut mediis, non ut Mediatoribus.

84. Quæ ultimo loco in argumento adducuntur, similiter sumi debent. Sicut enim illis verbis non excludit sublimis hic Theologus Directorem humanum, vel vidimus cū romo præced. 2. part. disp. 2. de Mystico Direct. ageremus; sic nec Sanctorum invocationem excludit. Vnde sensus est: quiddam anima illa non querit à creaturis Sponsi sui notitiam; sed illam à Deo Sponso sub habet, qui hoc favore cum indulgentissimè dat. Hoc autem cum nostra assertionem non pugnat.

## QVÆSTIO QVINTA.

*Utrum ad Sanctissimum Patriarcham nostrum D. Eliam possimus orare?*



Vni de iis, ad quos funderè preces valemus, ut nobis opem ferant, sermo est; placulū fore ducimus; si de magno Parente Elia non ageremus. Quare postquam de Sanctis iam regnantibus egimus, pro filiali obsequio in hūc Sanctissimum Patriarcham præfens dubium excitamus.

### §. I. Eligitur vera sententia.

85. **N**ostra conclusio: Sanctissimus Patriarcha Elias potest orari. Hanc conclusionem defendunt Plures, iique gravissimi Theologorum domesticorum extranei: quapropter nullum in particulari referimus. Videtur noster Fr. Philippus à Sanctissima Trinit. in 2. 2. q. 188. disp. 8. dub. 5.

Probatum primò auctoritate S. Scripturæ dicentis 2. Paralip. cap. 21. v. 12. Eliam scripsisse, misisseque litteras ad Ioram Regem Iudæ, in quibus certissimus Propheeta Domini de iis, quæ apud Dei populum fiebant, de scandalis Regis, de Regni prostitutione, de Iustorum clamore, de iniustorum vitis, Regi, & cuius ferali vulva tot mōstra serpebant, minatur ritinā domus, & vitæ particulatissimis circūstanciis. Ait enim Propheeta zelantissimus: Ecce Dominus percutiet te plaga magna cum Populo tuo, & filiis, & uxoris, universaque substantia tua. Tu autem egredieris pessimo latroque viteri tui, donec aggregiantur vitæ tua paulatim per singulos dies.

86. In hisce verbis cōtinetur nostræ conclusionis clarissimū fundamentum. In primis enim habemus, Patrem à Eliam cognoscere res, quæ apud nos

feruntur, notitia valde particularis; aliter ad circumstantias adeo individuas non descenderet. Vnde ruunt adversæ hæsitaciones: prima dicenrium, Eliam nunc non posse cognoscere, quid in Mundo agatur: ecce enim constat, scivisse, Ioram Regem Iuda esse, & viam Iosaphat Patris sui deseruisse, in fornicationibus domus Achab ambulasse, fratres suos occidisse, aliaque similia patrasse, ut textum legens deprehenderet, quibus pœnas ibi relatas meruisse. Quæ verò ianua hæc paradisi ingrediantur, iam videbimus.

87. Secundò habetur ex dicta auctoritate: Eliam uti notitiis, quas habet, in Dei obsequium, cuius honorem adhuc zelat in commune mortalium patrocinium. Sic communiter Doctores, quos inter gravissimus Cornel. sic iniubi ait de Nostro Sanctissimo Patriarcha: *Scriptis de paradiso, ut magis percelleret impium Ioram, & convertereret; usque ostenderet quantum ipse, & Sancti etiam post hanc vitam hominum fidelium præsertim habeant curam.* Et in Ecclesiast. cap. 48. v. 6. repetens datam historiam ait: *Ex dictis videas, Eliam esse paradisi colenum; tamen pristinum pro Deo zelum gerere, ac res mortalium curare; deque suæ gentis salutē esse sollicitum.*

88. Ex quibus omnibus clarissimè constat, Scripturam Sacram nobis proponere Sanctissimum nostrum Patriarcham idoneum, ut ad ipsum oremus; siquidem dicto loco illum proponit res nostras scientem, ac de nostra salute sollicitum; ita ut Cœlicolis eum in hac parte æsimilet laudatus Cornel.

89. Nec dicas: Hunc esse easum particularem; atque adeò ex illo deduci nõ debet doctrina generalis. ¶ Nam contra est primò: Quòd licèt casus sit specialis; proponit tamen nobis magnum Eliam, ut universaliter nostram salutem intendentem; ergo etiam illum nobis proponit, ut universaliter nostra suspiria auscultantem.

Contra secundò: Nam licèt sit particularis casus illius divitis damnati ad Abrahàm orantis, & guttulatam aquæ pe-

tentis, quem nobis refert Scripturæ; docetur tamen ex illo, ut, damnatos orante oratione tamen virtutis ratione carente, dicamus: ergo similiter. ¶ Contra denique: Nam nos non hoc solummodò loco Sacræ Scripturæ probamus Eliam invocari posse, ut videbimus numero 93. ergo semper firmum est nostram conclusionem in Sacra Scriptura fundari.

90. Verùm alia via dicta evertere conaberis, dicens cum Caietano, Eliam, qui ad Ioram scripsit, non esse nostrum Eliam. Verba Caietani hæc sunt ad dictum locum ex 2. Paralip. *Alterum esse hunc Eliam ab illo Magno Elia, manifestum fit ex eo, quòd tempore Iosaphat Patris istius Ioram Eliseus florebat, Elia iam rapto in Cœlam.* In quibus duo facit Caietanus: primò negat Eliam illum scribentem esse nostrum Thesbitem. Secundò suæ opinionis exprimit fundamentum: scilicet, quòd tunc temporis Noster Patriarcha inter mortales non erat, iam Paradisi Colenus.

91. Sed contra: Si, quia inter nos non morabar ut magnus Elias, dum illæ litteræ allatæ sūt, sequitur ab ipso scriptas non esse; pariter Moyses, & Elias, qui Domino transfigurato aliterūt, non essent Moyses ille populi Legislator, nec noster magnus Elias; siquidem tunc temporis iam Moyses erat mortuus, & Elias noster in Paradisum translatus; similiter, & ob eandem rationem Elias ille, quem suspicari sunt crucifigentes Dominum, venturum, ut ipsum Dominum liberarer, dicentes: *Eliam vocat: & sine videamus, an veniat Elias liberans eum,* non esset noster magnus Elias; sed alius; atqui hæc sunt cõtra Caietanum: ergo & asserere, non fuisse nostrum Eliam eum, qui litteras eas misit. Consequentia bona est, & minor paret: Quia Caietanus tener eum aliis omnibus Doctoribus, Moysen illum in Thabore visum; populi Israelitici Ducem fuisse; & similiter Eliam, Moyses socium, fuisse magnum nostrum Eliam, ut videre est apud Marth. 27. Insuper: Ipse Caietanus eum omnibus aliis asserit ad cap. 27. D. Marth. Eliam illum;

ad

ad quem rati sunt carnifices, Christum in Cruce orasse, fuisse Thesbitem nostrum: ergo tenet minor. Iam verò probatur maior: Quia sicut tempore Ioram fuerat Elias noster translatus, sic etiam translatus fuerat, cum Dominus transfiguratus, & crucifixus est; & Moyses similiter erat vita natus: ergo si, quia tempore Ioram fuerat translatus, non posset de illo intelligi textus ille; pariter in aliis casibus.

92. Confirmatur: Eodem modo loquitur Scriptura de Elia in tribus illis occasionibus; imò in prima addit ad nomen Eliae munus Prophetæ dicens: *Allatae sunt autem ei litterae ab Elia Propheta*, quod est munus ante omnia in nostro Elia ab ipsa Scriptura celebratum, ut patet per Ecclesiast. dicentem: *Surrexit Elias Propheta quasi ignis*. Quod non facit in aliis duabus occasionibus; sed licet in his duabus solum ponat nomen Eliae, fatetur Caiet. Scripturam loqui ibi de magno Elia: ergo potiori iure in illa prima occasione; atque ex his patet N. Eliam esse, de quo loquitur liber Paralip. cap. cit.

93. Probatur deinde conclusio nostra ex ipsa Sacra Scriptura: Quia cum post raptu Eliae Elifaeus veller Iordanis aquas scindere; nè ei transeunti obesset, illas pallio Eliae, quod ceciderat ei, percussit; sed in casum: quod videns Propheta, ad Numen superius recurrens, eius auxilium imploravit dicens: *Vbi est Deus Eliae, etiam nunc?* Habraice habetur, quæ etiam est lectio 70. *Vbi est Deus Eliae, etiam ipse*. Quod sic Eminentissimus Caietanus explanat: *Quia non fuerant aquae Iordanis divisa à pallio Eliae: ad merita Eliae invocata apud Deum confugit*. Nec Elifaeus in vanum Eliae patrocinium imploravit; siquidem obtinuit, eo invocato, fluminis divisionem; quam prius obrinere non potuit. Quo facto clarissimè comprobatur, Eliam invocari posse, & de facto invocatum fuisse ab Elifaeo cum magno, & celeri fructu, & obiter nota: quod licet Caietanus supra nobis opponeretur; non tamen negat, Eliam orari posse, ut clarè ex allata auctoritate cognoscitur.

## §. II. Ecclesiae auctoritate probatur rursus conclusio.

94. **I**Ustissimè iuxta Sacram Scripturam Ecclesiae auctoritas ponitur, ex qua probatur conclusio: Quia Ecclesia omnibus Carmelitis concedit proprium solemne officium de Sanctissimo nostro Patriarcha quotannis die 20 Iulii celebrandum. Et cum festa Sanctorum celebremus, ut eorum intercessionibus communiamur, ut ex Augustino constat. Sanè Ecclesia concedens magnum Eliam celebrare: statuit, quod possumus ad ipsum recurrere, ut in nostris necessitatibus sublevemur.

Et certe Ecclesiae statutum nedum possibilitatem invocationis verum factum ipsum adstruit: siquidem ad hoc dirigitur officium concessum, cuius oratio hac est: *Prostra, quasumus, omnipotens Deus, ut qui Beatum Eliam Prophetam tuum igneo currum mirabiliter elevatum esse credimus, eodem interveniente ad Caelestia subleventur, Sanctorum tuorum consorcio gaudeant*. Simili claritate in hymnis loquitur. Faciat ergo eorum haesitatio, qui sperendis obiectibus assurgentes Eliam orandum negant; si namque eorum dictamen valeret, hoc Ecclesia minime pateretur. Vel dicant, cuius est Coelitis auxilium clariùs publica, privatè auctoritate imploratur?

92. Idem, quod in toto Ordine Carmelitarum, sit Vngaria in Ecclesia Agriensi, ut legitur in Breuiario impresso anno 1514. vbi antiphona ad Benedictus pro Sanctissimo Elia hæc est: *Caestis latitia fac nos, quasumus, participes tuis Sanctis precibus, &c.* Et ad Magnificat: *Vatum summe: nos ad summa trahere post te superna gratia*. Et oratio continet, quæ sequuntur: *Deus, qui Beatum Eliam Prophetam variis virutibus decoratum: tribue fidelibus tuis ipsius meritis adiuvare, & patrocinii communi.*

93. Græcorum menologium hanc sollicitudinem protegendum in Magno Elia

Elia supponit, & omnibus cum invocantibus præsto adesse, faretur hymno sequenti.

Propheta Christi præco,  
Tu nūquā à sede Maiestatis abiūgeris,  
Et singulis agrotatibus præses ades,  
In Ecclesiis fūdēs pro ōnibus preces,  
Orbi terrarum beneficia tribuis,  
Et laudibus vbique celebraris.

Quæ abs dubio præcipua sunt pro stabilienda nostra conclusione, eoque ipsorum Græcorum Ecclesiæ magnum Eliam colit, diem illi sacrans, in quo ab operibus servilibus omnes abstinent.

97. Hunc morem invocandi M. Eliam vigiūse ab antiquissimis temporibus constare ex testimonio fide dignis. Videatur Genebr. lib. 1. Cronog. in Ior. Reg. Iſr. qui ex antiquissimis aliis auctoribus refert, erectum, consecratumque fuisse Templum in honorem Sanctissimi nostri Patriarchæ in monte Carmelo ab eius discipulis, ipsum montem incolentibus; quod factum, ait, statim post raptum ipsius. Similiter S. Helena Imperatrix inter alia sua pietatis, & munificentia opera, quæ in Palestina fecit, duo Tempia in honorem magni Eliæ construxit: vnum in dicto monte Carmelo, de quo Niceph. lib. 8. cap. 30. aliud in monte Thabor, ubi in maiestate coram Domino visus est, ut refert Adricom. in tribu Zabulon. His addere possem ferè innumera alia Tempia iam à prisca sæculis in honorem huius mirabilis Viri consecrata, & alia suæ protectionis monumenta, quæ sciens, prudensque prætereo; quia dicta datam resolutionem affatim fundant.

98. Non tamen omitam reflexionem non inveniſtam supra id, quod num. 91. dictum est. Rati sunt, qui Numen è patibulo pendens blasphembant, ipsum Thesbitem magnum invocasse, ad ipsiusque patrocinium in angustiis impetrando recurſisse; dum dixit querula voce: *Eli, eli lamma sabathani*? Hi, qui iudicarunt Eliam invocatum fuere; ait ibi D. Thom. milites Romani, qui cum audissent à Iudæis maximu n Thesbitè invocantibus præsto adesse, vixere virtute potentem, & suæ gentis piissimum Protectorem, ob quod

illum cordicitus venerantur: propterea milites illi exteris; eoque illius gentis linguam ignorantes, *Eli, Eli* audientes, Eliam invocatum putavere. Et curiosi volentes experiri, an ea, quæ de Eliano auxilio à Iudæis inaudierant, vera forent, commilitoni; offerenti spongiam aceto plenam, ut Dominus patiens citius moreretur, dixere: *Sine, videamus, an veniat Elias liberans eum*. Sic verba intelligit Theophilactus in Matth. dicens: *Acetum Christo in potum dabant, ut moreretur, prius quam veniret Elias*: (vide quàm alta de Eliæ invocatione conceperant) *unde alii dicunt sine, videamus, an veniat Elias: hoc est: sine eum, non facias mori, ut sciamus, an invetur ab Elia*.

Pulchrè cõsonat D. Marcus cap. 15. dū hoc ipsum referens ait: *Sinite, videamus, si veniat Elias ad deponendum eum*. *Sinite*, ait Marcus, & *sine* in singulari Matthæus, non est inter utrumque dissentio; sed magna veritatis assertæ confirmatio. Quippe nulli acetum propinanti dixere alii: *sine &c.* hoc est, ut ex Theophilact. vidimus, sisse paululum, nec mortem acceleres, ut videamus, si vera sunt, quæ de isto, interpellato à Iudæis inaudivimus. Ad hos ergo sic loquentes responderet miles ille, *sinite, &c.* hoc est, ait Franciscus Lucas, nè me inceptum desinere iubeatis, quia si vultis videre, si vera sunt, quæ audistis, nullo aptiori modo nanciscimini: nam si Elias invocatus adesset, ut audivimus; quo magis periculum vigeat, citius veniet: nunpet enim moras, si, in mora periculum adesse, contempletur. Unde hoc eodem aceto, & Eliam invocanti mortem velociorem paro, & ipsi invocato Eliæ efficax calcas adhibeo: sicque quantotius experiemur, an dicere possimus: sicut à Iudæis de Eliæ protectione in civitate audivimus, sic in hoc monte videmus.

Quomodocumque autem intelligas quæ adduximus; Eliæ patrocinium vividè commendat. Unde deducitur, invocari posse Sanctissimum Patriarcham, ac de facto à valde multis invocari,

§. III. *Aliter vera resolutio probatur.*

99.

**V**T autem conclusionem nostram ex D. Thomæ problemus, auximus præmittenda, quæ idem Angel. Doctor docet loco sapius citato ex 4. sent. ubi quæritur. 2. negans Animas Purgatorii invocari posse, ait ad 2. argumentum: *Quod quavis illi, qui sunt in Purgatorio, sunt in maiori securitate, quam nos; tamen sunt in maiori afflictione, & iterum non sunt in statu merendi; & idè magis indigent, ut pro eis oretur, quam quod ipsi orent.* Similiter secunda secundæ q. 83. art. 11. ad 3. ait: *Quod illi, qui sunt in Purgatorio, etsi sint superiores nobis propter impeccabilitatem, sunt tamen inferiores quantum ad penas, quas patiuntur; & secundum hoc non sunt in statu orandi; sed magis, ut pro eis oretur.* Quæ omnia, licet suprâ allata sint, modo refricare volumus; ut ex iis observetur plura: *Primum:* Quod in Purgatorio existentes sunt nobis superiores; quia habent gratiam inamissibiliter. *Secundum:* Quod sunt nobis inferiores; quia sunt in summa afflictione. *Tertium:* Quod non merentur. *Quartum:* Quod ad eos non oramus; quin potius oramus pro eis: quia indoctrina D. Thomæ, ut ex suprâ dictis patet, non est eiusdem orare, & orari; hoc est, quod aliquis oret alium, cuius orationibus eget, & quod simul ab ipso oretur: unde ille, pro quo oratur, non orat. Ex his ergo probatur sic nostrâ conclusio.

100. Si existentes in Purgatorio vnirent cum inamissibilitate gratiæ, quod non affligerentur, ut rei, utique invocari possent: sed magnus Elias vni cum inamissibilitate gratiæ Paradisi delicias, ubi non vereus punitur; sed ut amicus deliciatur; ergo orari potest. Consequentia bona est, nec de minore potest aliquis dubitare. Maior verò est D. Thomæ locis modò adductis. Et insuper suaderetur: Si existentes in Purgatorio essent nobis non solum quoad impeccabilitatem; sed etiâ quoad alia, superiores, possent à nobis orari; siquidem tunc casus nostris orationibus non

indigerent: sed si vnirent cum inamissibilitate gratiæ, quod non affligerentur ut rei, essent nobis quoad omnia superiores: ergo illos orare possemus.

101. Confirmatur: Eò ad existentes in Purgatorio non oramus, quia oramus pro eis; & non est prudentia petere ab indigente: atqui pro magno Elia non oramus: ergo ad ipsum orare valemus. Maior est D. Thomæ præcitati. Minor verò inde patet, quia magnus Elias est nobis in omnibus superior. Primò: Quia est in deliciarum Paradiso, liber ab huius sæculi miseriis. Secundò: Quia est confirmatus in gratia, eiusque conversatio est cum Coelitis. Deinde consequentiâ nota videtur: Nò enim datur status medius inter orare, & orari in regia gratiæ: quia si subiectum indiget orationibus ab ipsi subveniente non oratur: Si verò aliorum orationibus ob sui status superioritatem non indiget, pro aliis orat; maxime si ab ipsis oretur; nè in vanum Dei gratiam recepisse, convincatur.

102. Iterum probatur conclusio alio discursu, quo præcedens firmatur: Sancti, qui in Limbo fuere, poterant orari: ergo potiori iure potest orari magnus Elias, qui est in deliciarum Paradiso. Pater consequentiâ argumentò à minori ad maius, quo utitur Div. Thom. cit. art. 11. ut pro bet, Sanctos in patria existentes orare; quia videlicet Sancti, qui in Limbo erant, pro suis orabant. Antecedens verò probatur primò: Quia docetur ab illo, qui nobis contrariatur. Probatur secundò: Quia etiam docetur apud Iob, cap. 5. ubi dicitur: *Foca ergo, si est, qui tibi respondeat, & ad aliquem Sanctorum convertere.* Vbi sermonem esse de Sanctis in Limbo existentibus, exinde collitur, quod tunc temporis nemo Sanctorum Curiam Coelestem inhabitabat: quia adhuc ianua eius clausa erat; eoque de existentibus in Limbo intelligitur frequenter; vel ab Adversario, locus iste; unde Raphael de la Thorre ad cit. art. 11. D. Thomæ disp. 5. num. 9. ait: ibi fieri petitionem ab existentibus in Limbo, qui cognita petitione Iobi per ministerium

*rium Angelorum possent eum invare orationibus.* Non posset hic auctor, nec alius Thomista posset, sic lobum non intelligeres; cum in hoc sensu explicetur à D. Thoma ibi hisce verbis: *Ad aliquid Sacrorum convertere: nunc Doctor Angel. ut eo mediante huius rei veritatem à Deo cognoscere possis*, ubi expressissime loquitur de invocatione patrocini eorum, qui in Limbo morabantur; quia, ut dictum est, adhuc Sancti non erant in Caelo: ergo verum est antec. Ut hanc rationem penitus calleas, & ab obiectionibus vindices, memento eorum, quæ diximus disp. 4. q. 3. præcipue toto §. 2.

103. Denique probatur conclusio aliis rationibus, quas indigitare sufficiat; earum enim fundamenta iacta in antecedentibus sunt. Earum prima est. Sanctus, quem Ecclesia invocandum proponit, invocari potest: Parentem Eliam proponit nobis Ecclesia invocandum, ut constat ex dictis toto §. 2. ergo invocari potest.

104. Secunda ratio est: Ille, qui de facto tam oratione publica, quam privata oratur, orari potest; proceditur enim de actu ad potentiam: Parens Elias de facto oratur oratione publica, & privata: ergo orari potest. Minor patet tum ex dictis cit. §. 2. Tum ex nostro Philippo à Sanctissima Trinitate, & ex propugnaculo Eliæ lib. 3. tit. 2. cap. 2. art. 3. ubi plura sunt, quæ illius minoris veritatem ostendunt.

105. Tertia ratio est: Sanctus sciens nostras calamitates, easque volens, & potens sublevare, potest orari: magnus Elias scit nostras calamitates, ut patet ex num. 93. & ex toto §. 1. & insuper vult, potestque nobis subvenire, ut Adversarius non negat, & insuper constat ex locis modo cit. Ergo potest orari.

#### §. IV. Argumenta.

106. **C**ONTRA nostram conclusionem opinatur Magister Raphael de la Torre 2. 2. quæst. 83. art. 4. disp. 5. in fine, pro quo arguitur primò auctorit. D. Thomæ di-

centis art. cit. ex sent. quæstione. 22. *Nihil petitur ab aliquo, qui non habet: unde cum beata vita sit, quæ in orando petitur, ad illos solos dirigi potest, qui beatam vitam habent, non autem ad illos, qui in Mundo sunt:* ergo cum Parens Elias non habeat beatam vitam, non potest orari.

107. Ut hic textus explicetur, scite debes: Quod vel in illo comprehendit D. Thomas nostrum eximium Thebitem, vel non? Si non: Ergo male contra nos assertur. Si sic: rogo: cum quibus illum accenseret, cum habentibus beatam vitam; vel cum illis, qui sunt in hoc Mundo? Si primum asseras; te ipsum condemnas. Si secundum; falsum promisi; quia illa clausula *ad illos, qui sunt in Mundo*, solum comprehendit in hoc Mundo viventes, nobiscumque conversantes: quod patet primò ex communi modo loquendi; non enim in hoc Mundo esse dicuntur, qui iam extra hanc nostram vivendi rationem commorantur: sive becentur in Caelo; sive plectantur in Baratro, sive purgentur in Purgatorio, sive carcerentur in Limbo; sive in Paradiso delicientur. Secundò: Quia post illa verba addit Sanctus Thomas: *Neque ad illos, qui in Purgatorio sunt:* Vnde sicut in illa particula, seu clausula, *qui sunt in hoc Mundo*, non comprehenduntur existentes in Purgatorio; aliter superflue adderet illa alia verba D. Thom. ita in ipsa clausula non comprehenditur Elias. Tertidò: Quia evidenter te explicat D. Thomas inibi addens: *Quamvis ad illos, qui in Mundo sunt, supplicatio; vel petitio aliqua fieri possit.* Constat autem supplicationem; vel petitionem non fieri nisi ad eos, quibus cum verbaliter, & præsentialiter tractamus, ut docet suprâ citatus Abulensis. Quare sicut per ly in Mundo non intelliguntur existentes in Purgatorio; & ideo addi debuit: sic non intelliguntur existentes in Limbo; aut in Paradiso: Omnes enim isti iam non sunt in Mundo propter dicta.

108. Secundò scire debes: Quod gratia, vel est amissibilis, vel inamissibilis. Gratia amissibilis non potest dici pro-

proprie beata vitæ seu gloria: quia non dicit cum illa infallibilem coniunctionem. At gratia inamissibilis, propter coniunctionem infallibilem, quam cum gloria dicit, id dicitur vita beata. Quod autem D. Thomas nomine beatæ vitæ non intelligat præcisè ipsam gloriam, quæ gratiam habentibus datur, inde patet, quod asserit ad beatam vitam esse, quod peti in oratione debet: eum art. 4. q. 83. ex 22. docet: *Quod omnes orationes nostra ordinari debent ad gratiam, & gloriam consequendam.* Vnde nomine beatæ vitæ comprehenditur in præsentiam ipsa gloria, quam gratia, media qua consequitur, quæ sanè est gratia inamissibilis, sive hanc inamissibilitatem habeat à dono confirmationis, sive aliunde; quod nostra non refert. Subiectum gratiam amissibilem habens; vel de cuius inamissibilitate nobis non constat, non oratur; quia illa gratia non eximitur à Mundo: hoc est, à modo communis Mundi: si autem de eius inamissibilitate nobis constet, iam tunc dicimus cum propter vitam æternam, ob coniunctionem cum gloria; & insuper illam habentem facit dignum, ut invocetur. Quod patet:

Quia Sanctissimæ Deiparæ adhuc inter nos viventi constructum est à D. Iacobo, Templum Cæsar-augustæ. Similiter Fabianus in Gallia aliud Templum erexit in honorem Principis Apostolorum viventis adhuc, de quo videri potest Canisius de B. Virg. lib. 2. cap. 23. Et Insignis Lezana noster in Consiliis Cõsil. 3. n. 114. qui plura circa hæc adducit. Hinc ad propositum argumētum

109. Respondetur primò: D. Thomam non comprehendisse illis suis verbis magnum Eliam: quod patet tum à simili: tum à ratione. A simili quidem: Quia etiam non comprehendit Patres in Limbo existentes, ad quos orari posse constat ex iis, quæ num. 103. nobis dixit Angel. Doctor.

110. Nec dicas: Patres illos non esse in Mundo, ex quo mortui sunt: quod cum Eliæ non acciderit: est enim vivus propterea cum illis æquiparari non potest. Nam contra est: quod in

ipsis verbis D. Thom. non comprehenduntur B. Virgo, nec Apostolorum Princeps, quibus viventibus, ut dictum est, Templum consecrata fuere, & in eis cultu publico celebrabantur: ergo quod sit vel non sit mortuus Elias, nihil facit. Adde: Quod raptus fuit idē Eliæ, quod aliis mors, ut opinio adversa fatetur: unde nec hoc ipsi deficit, ut possit, aliis illis Patribus æquiparari. Quare sicut textus oppositus non comprehendit Patres in Limbo exilentes, qui certè mortui erant; nec Beatissimam Virginem, ac D. Petrum, adhuc superstites: sic non comprehendit Eliam, qui mortuus, & vivus est; atque adeo convenit cum omnibus illis: cum existentibus in Limbo: quia civiliter est mortuus cum Beatissima Virgine: quia realiter est vivus.

111. Secundò respondetur: Quod si in verbis D. Thomæ comprehenditur Elias, pertinet ad habentes beatam vitam, quam licet in se ipsa non habeat, habet tamen illam in securitate, quam de illa possidet, ob infallibilem connectionem, quæ dicit gratia illi decorans eam gloriam, de quo videtur Suarez tom. 2. in 3. p. disp. 56. sect. 1. Quobrem illa gratia potest ob dicta dici beata vita.

112. Adde: D. Thomam resolvere in dicta quæstiōne. non esse orandos eos, pro quibus oratur, ut patet ex argumento *sed contra*. Vnde cum pro magno Eliæ non oratur, ut de se notum est: planè inferitur, vel quod Elias non comprehenditur iis verbis: vel quod, si comprehenditur, pertinet ad habentes beatam vitam, tamquam vitæ æternæ candidatum, ut illum nominat Tertul. de Resurrect. carn. cap. 58.

113. Adde secundò: Nonnullos Doctores, Patresque sentire D. Ioānem Evangelistam adhuc vivere, quæ opinio fundatur iis verbis Christi Dom. relatis ab eodem Ioanne cap. 21. v. 22. *Sic eum volo manere donec veniam.* Vbi D. Thomas ait: *Quidam autem dicunt, quod sepulchrum vivens intravit, & Divina virtute exivit translatum ad locū Henoch, & Eliæ: ubi reservatur usque ad finem Mundi.* Nunc ergo supposita probabilitate huius opinionis, qualis talis probabili-

bilitas fuerit, quid dicet Adversarius ad textum D. Thom. quem nobis opponit? Sanè aliquo ex modis dictis illum explicabis vel aliis profundioribus; ast qui semper nostram conclusionem tucantur. Idem permissa probabilitate opinionis præiactæ, quid dicet Adversarius de Ecclesia protectionem, & intercessionem Sanctissimi Euangelistæ postulante, Tépla, & Altaria in ipsius honorem constituenta, aliaque huiusmodi faciente, quæ videmus, quæ audimus, quæ perspicimus, quæ manus nostræ contrectant de cultu erga Verbi dilectum? Quidquid ad hoc dicat, dicimus nos ad omnia, quæ nobis opponit, ut nostri Patriarchæ protectionem oppugnet. Quare semper, amabo te, huius exemplaris memento, & non videbis Adversarii telum, quod illo non proteclerur.

114. Adde vltimò: Non deesse Auctores asserentes magnum Eliam frui visione beatifica, de quo vide historiam propheticam lib. 1. cap. 28. num. 7. quod licet positivè negemus, indigitare volumus, ut cognoscat sententia opposita, quod omnia, quibus arietare saggit, Eliam orari posse, circa sunt, quæ calore huius lucidissimi solis evanescent.

115. Arguitur secundò: Patres, qui in Limbo fuere, non invocabàtur, dum Limbum inhabitabant: ergo nec Elias invocari potest. Antec. probat Magister Torre: Quia non legitur, ubi dicitur, *Abraham, Isaac, &c. orate pro nobis, sicut facimus modo Christiani dicentes: Sancte Petre, &c. orate pro nobis.* Consequencia verò probatur: Quia omne id, quod in Elia invenitur, ut adstluamus eum invocandum, inventum est in illis Patribus; quippe erant Dei amici, & gratia inamissibili orati: sed licet his fulgerent, non invocabantur: ergo.

116. Confirmatur: Maius fundamentum erat in illis Patribus, ut invocarentur, quàm in Elia: & tamen non invocabantur: ergo neque Elias. Probat maior: Ii enim Patres iam erant extra statum viæ, nec ad illum erant reddituri; quod Elias non habet: siquidem

adhuc mortis tributum non solvit, & ad nos iterum redditurus est: ergo tenet maior.

117. Ad hoc argumentum, in quo fundatur datus Magister, ut orationes nostras ab Aris Eliæ expellat, multipliciter respondetur. Primò: Dissolvitur plenè: si respondeas iuxta dicta numeri 114. Secundò: Dissolvitur si respondeas ea, quæ diximus num. 113. Ast respondetur tertio dato transeat ad antecedens: negando consequentiam, ob duplex discrimen. Primum est: Quòd illi Patres sua culpa, quam à suo capite contraxerant, detinebantur, nè Deum viderent: atque adeò, quòd non essent idonei, ut invocari possent, nõ in Deum sed in eos, qui peccaverant, refferri debet: sicut & quòd gloria tunc eis interdicere, in ipsos revocabatur. Elias nõ retardatur ab ingressu in gloriam sua culpa. Imò culpa nõ est, quòd gloria non ingrediatur: sed privilegiũ, & quidem ingens: siquidem reservatur in statu felicissimo: merita accumulans, quibus affatim, tempore à Patre prædefinito, beatus vnde conferre in hoc existentes in Limbo cum magno Elia, est conferre pœnam, qua nulla maior, cum gloria singularissima.

118. Secundum discrimen est ad hominem contra ipsum Magistrum: eò enim negat illorum Sanctorum invocationem quia non legit eos invocatos: sed Elias legitur invocatus sub illa ipsissima forma, quam ipse petit dicimus enim in Litanis: *Sancte Pater Elia, ora pro nobis.* Et in confessione dicimus: *Ideo precor Beatam Mariam semper Virginem: Beatum Patrem nostrum Eliam, &c.* Et in officio omnium Sanctorum nostri ordinis dicimus post primam lectionem hoc resp. *Sancte Propheta Dei Elia Carmelitarum Dux, & Pater, intercede pro nostra, omniumque salute,* & in officio sepulturæ dicimus: *Satisfaciat tibi, quasumus, Domine Deus noster, pro anima, &c. Sancta Dei genitricis, semperque Virginis MARIE, & Beati Patris nostri Elia, omniumque Sanctorum oratio.* Quòd si parva, aut pauca sunt ista, adeat §. 2. huius quæst. & videbitis si magnus Elias in-



invocatur, tam privatè, quàm publicè, tam à propriis, quàm ab extraneis. Insuper adeat N. Philipp. à Sma. Trinitate cit. Et videbit Orientales, nedū Christianos, & Iudeos; verū etiā Mahometanos; & Gentiles maximum Thesbitem invocantes; imò & cavernam, quam in mōte Carmelo inhabitavit, voti causa invisentes: quod omne ipse ciatus Auctor se audivisse testatur per duodecim ferè annos, quibus in Oriente commoratus est.

119. Quartò denique respondetur ad præfatum argumentum negando antecedens: Patres enim illi in Limbo existentes invocabantur à superstitibus. Quòd autem sub illa forma, quam Magister Torre vult, non invocarentur, factor: cum tunc temporis non essent adhuc instituta Litanæ. Quòd autem orarentur; vel à damnatis discimus: Quia Dives epulo in Inferno positus Abrahamum invocavit; nedum vt intercederet, verum etiam vt imperaret.

120. Dicere verò cum præfato Magistro: Abraham cognovisse ex speciali dispensatione Dei orationem divitis invocantis; non aliter nisi ex tali dispensatione cognoscendam; vel quòd si sine speciali dispensatione cognoverit divitem orantem; non possunt tamen sine illa dispensatione cognoscere existentes in Limbo vivorum orationes: quia ex Augustino lib. de Cura pro mortuis, *nesciunt mortui, quid agant vivi.*

121. Hoc certè valde frivolum est, tum absolute: Tum ad hominem contra ipsum Auctorem. Vnde facit contra datam solutionem primò: Quia nos in præfenti supponimus cum eodem Auctore loco sæpius citato ex 2. 2. art. 4. disp. 3. num. 4. Nec magnum Eliam; nec animas separatas cognoscere naturali cognitione nostras orationes, maxime putè internas; & ea, quæ nostræ libertatis sunt: quod adeò verum est, vt nec Beati hæc naturali cognitione cognoscunt; sed quæ ex dictis cognoscunt, Beati in Verbo vident; aliæ autem animæ separata hæc cognoscunt, vel per specialem Dei revelationem immediate factam; vel ministerio Angelorum;

vel aliarum animarum illuc de novo euntium relationes; vel aliis modis, quibus Deum hoc disponere posse, non est negandum. Et quod ad nostrum Eliam pertinet, fateamur dicta, aliaque non cognoscere naturali cognitione; sed non ob hoc ea dicendus est ignorare; cognoscit quidem; & hoc plurimis modis, quorum aliqua ponit S. Thom. 2. 2. p. quæst. 89. ad 1. Aliæ alii assignant: Dicamus aliqua.

122. Primò enim cognoscit hæc magnus Elias in Verbo; si verum est; quod retulimus numero 114. *Secundò* cognoscit eo modo, quo D. Ioannes Euangelista, permitta probabilitate opinionis num. 113. posita. *Tertiò* cognoscit ex specialissimò privilegio ad instar Angelorum ea, quæ ad ipsum cognoscenda diriguntur. Sic Leonardus Marius in Gen. cap. 5. *Quartò* cognoscit hæc; quia tempore raptus habuit à Deo species universalissimas, & perfectissimas; vel ipse Deus speciali modo species præexistentes tunc coordinavit; vel nunc cum illis concurrat ita vt quovis ex his modis ea species omnia, quæ ad Eliam diriguntur, repræsentent. Vide N. Philippum ad 1. *Quintò* cognoscit per Dei revelationem. *Sextò* ministerio Angelorum. Sic D. Thomas laudatus. Quem modum etiam multi alii assignant, quos inter eminent Sapiatissimus; Venerabilisque Maluenda lib. 9. de Antichristo cap. 12. vbi ait: *Eliam sibi frequenter colloquitur Angelorum: Divinis imbui revelationibus.* Et Patet Suarez tom. 2. in 3. p. disp. 55. sect. 1. Sanchez in 4. Reg. cap. 2. *Septimò* denique cognoscit quia terram deambulare, & quæ apud nos aguntur, audire; videreque, valde credibile est. Sic historica Prophetica lib. 1. cap. 29. num. 6. Ex his ergo modis eligit Raphael de la Torre, quem voluerit, & illo sciat magnum Eliam nostras orationes audire; atque adeò posse orari. Similiter Patres in Limbo existentes potuerunt mortaliū deprecationes audire: semper tamen verum est, cognitionem non esse naturalem, eoque extra chorum agit



## DISPUTATIO SEXTA.

*De iis, pro quibus orare possumus.*

**V**idimus in antea dictis disputationibus, qui fundere orationem possunt, & ad quos potest dirigi oratio nostra. Superest, ut modò videamus, pro quibus orare possumus ad perfectum complementum huius nostri primi prædicabi-

lis. Gravissima dubia continet præsens disputationis, illaque suo doctrinali modo versant nostri Theologi Mystici, de quibus non pauca eundem stylini insequentibus diximus tomo 1. in 1. parte. Nunc verò selectiora disputamus insequentibus quæstionibus.

## QUÆSTIO PRIMA.

*Verum possumus à Deo petere gloriam essentialem Beatorum?*

**S**i gloriam essentialem Beatorum postulare possumus, pro ipsis orare posse, non est dubium. Vnde, ut videamus, an pro Sanctis orare possumus, incipimus ab ipsorum essentiali gloria, qua felices illi beantur.

§. I. *Nonnullis præmissis referuntur sententiae, & ponitur nostra assertio.*

1. **F**elices illi cum Christo regnantes sumi possunt, vel quoad Beatitudinem essentialem, qua beantur, vel quoad accidentalem felicitatem, qua fruuntur. Quid sit Beatitudo essentialis, & quid accidentalis? Vanum foret in præsentia edifferere: cum res sit ex ipsis terminis nota. Modò loquimur de Beatitudine essentiali, de accidentali autem quæstione sequenti disputabimus.

2. Scias tamen primò, Beatitudinem essentialem posse bifariam considerari: Primò ut possessam, secundo, ut continuandam. Primo modo dicit se ipsam ut modò habitam; secundo autem modo dicit se ipsam ut continuandam in futuro.

3. Scias etiam, Beatos pro se ipsis orare: Quippe ex pluribus Scripturis constat, ipsos plurima petere. Petunt enim Divini nominis exaltationem: petunt suorum corporum glorificatio-

nem: petunt numeri Prædestinatorum impletionem: petunt denique pro fratribus suis absentibus, ut vidimus disputatione 4. tota quæstione 2. Nec, dum audis Sanctos pro se ipsis orare, unumquemque pro se solùm orare intelligas: siquidem orat unusquisque pro se, & etià pro aliis eiusdem felicitatis consortibus, ut cum Divo Gregorio Niseno diximus disputatione 5. num. 68.

Ad hunc ergo modum dubitari potest: An etiam nos exules pro Beatis orare valeamus? Et non loquimur de oratione improprie tali: sic enim eestrisimùm est, quòd possumus gratias agere Domino Deo nostro pro gloria, qua suos illos milites fidelissimos coronat. Loquimur de oratione, prout est petitio, tenditque ad obtinendum desiderata.

4. His præmissis circa præsens quæsitum est triplex sententia: Prima tenet Beatitudinem essentialem Sanctotum posse à nobis peti: imò & ab ipsis. Ad hoc enim sufficit prioritas naturæ, quam comitatur quædam Logica futuritio; qua salvari cõceptum desiderii, & quod magis est, spei Theologicæ, cõminiscitur. De quo §. sequenti aliquid dicemus. Istam sententiam, eiusque Auctores videre poteris apud nostros Salmaticenses, tractatu 18. disputatione 3. dub. 2.

5. Secunda sententia docet, quòd quamvis non possumus orare pro gloria

ria essentiali Beatorum, ut possessa, possumus tamen illam, ut continuandam petere: Quia cum prout sic sit futura, peti potest. Ita opinatur Alensis 4. p. quæst. 26. membro 3. articulo 4. §. 2. ait enim quod Beati petunt à Deo continuationem suæ Beatitudinis; atque adeo hoc ipsum possumus ipsis petere & nos.

6. Tertia sententia affirmat, imprudens omnino esse, orare pro gloria essentiali Beatorum: Quia cum iam sint in eius felicissima possessione non potest peti. Sic communissimè sentiunt Theologi, quos proinde superfluum est nominare. Cum quibus sentimus, eorumque sententia est nostra resolutio, quæ

7. Probatur sic: Omni certitudine scimus Beatos esse in possessione suæ gloriæ essentialis: ergo sive indigeant, siue non indigeant nostris orationibus ad alia; pro ipsorum tamen gloriæ essentiali orare non possumus. Antecedens est omnino certum ex ipsis terminis; per Beatos enim eos intelligimus, qui sunt in possessione supernæ felicitatis. Et consequentia probatur: Nam oratio terminatur ad obtinendum id, quod desideratur; idèoque dicitur, *desiderii interpres*: sed non possumus desiderare gloriam essentiali Beatis: ergo nec illam à Deo petere. Cætera constant. Et minor probatur: Nam desiderium respicit rem desideratam ut absentem, & non possessam: ergo cum certissimè sciamus, gloriam essentiali non esse absentem, sed possideri à Beatis, illam ipsis desiderare non possumus.

8. Confirmatur: Quia nostra oratio procedit ex virtute Spei, secundum illud Psalm. 36. *Revela Domino viam tuam, & spera in eo, & ipse faciet*, ut dicitur apud nostros Salmanticenses tract. 18. disp. 3. dub. 2. num. 33. sed non possumus sperare Beatis gloriam essentiali: ergo nec illam à Deo petere possumus. Probatur minor ex ad Romanos 8. ubi dicitur: *Spes, quæ videtur, non est spes: nam quod videt quis, quid sperat?* Ergo cum evidentia, quam habemus, de possessione gloriæ essentialis in Beatis, non possumus illam ipsis

sperare. Probatur secundò: Spes respicit bonum a diuino, futurum, consequi possibile; & quocumque ex his deficientes spes non remanet: sed gloria essentialis, licet sit bona Beatis, non est ardua; quia superatis difficultatibus arduitas evanescit: nec est futura, ut supponimus: ergo, &c. Omnia certa sunt, & maior quoad 2. part. est Divi Thomæ in disp. de spe. art. 4. ubi ait: *Sublato principali obiecto alicuius habitus, non potest remanere habitus. Spei autem obiectum, si spes absolute consideretur, est bonum arduum, futurum, possibile, ut supra dictum est. Unde si cesset aliquid esse bonum, vel esse futurum, vel esse arduum, vel esse possibile, cessat spes.*

Probatur tertio illa minor: Si possemus sperare Beatis gloriam essentiali; etiam illi possent sibi ipsis talem Beatitudinem sperare: Beatos implicat spem habere circa suam essentiali Beatitudinem: ergo, &c. Maior certa est; probatur minor: Tum quia in Beatis non datur virtus spei, nec dari potest, ut docet Divus Thomas loco citato, & in 3. dist. 26. quæst. 2. art. 5. quæstiunc. 2. & in 2. 2. quæst. 18. art. 2. & 1. 2. quæst. 67. art. 4. quem sequuntur communiter Theologi, de quo videri possunt nostri Salmanticenses ad locum citatum ex 2. 2. Tum etiam, quia licet concederetur spes in Beatis, nullum actum haberet, sed præcisè esset ad ornatum, ut tenent pauci aliqui Theologi. Tum denique, quia etsi habitum, & actum spei dari in Patria diceremus, ut tenent aliqui, hoc tamen non esset respectu beatitudinis essentialis: ex quo enim illam possident Beati, sperare non possunt; sicut nec desiderare ob ea, quæ nuper dicebamus, & plura alia; quæ apud laudatos Salmant. videri possunt. Quæ in re multum urget dictum Apostoli paulò ante memorati: *Spes, quæ videtur, non est spes: nam quod videt quis, quid sperat?*

9. Confirmatur secundò ex modò dictis: Beati non petunt à Deo suam essentiali Beatitudinem: ergo nec nos illam ipsis possumus postulare. Antecedens est certum, quia est profus superfluum.

autum petere id, quod iam habetur. Et consequentia inde constat: Quia si aliquid morivum adesset, ut possemus petere à Deo gloriam essentialem Beatorum, hoc ipsum prius ipsis conveniret: unde prius possent ipsi petere pro se, quam nos pro ipsis.

## §. II. *Solvuntur aliquæ obiectiones.*

10. **C**ONTRA rationem, qua nostram cõclusionem probavimus, cujusque confirmationes plura obiici possunt, deducta ex multis opinionibus, quæ apud aliquos circumferuntur: Eò devenientes, ut non solum habitum spei, sed & actum ipsius compati cum statu beatifico autument. Et hoc etiam respectu gloriæ essentialis, quam sperare, atque ad eò petere posse ex eo sibi persuadent, quod, si esse, opinentur, prioritatem naturæ, quam actus orationis habet relatè ad rem desideratam, ut hæc sit logicè futura; ut initio quæstionis insinuavimus. Unde & sperari, & postulari potest ab ipso possidente; & potiori iure, nos possumus illam ipsam Beatorum gloriam essentialem, ut futuram illa futuritione Logica considerare: Unde illam ipsis postulare valeamus.

11. Verum quàm inane sit hoc fundamentum perspicuè demonstrant nostri Thomistæ, & cõmuniter alii Theologi, citra quod consulendi sunt Salmant. nostri loco citato, ubi nervosè hosce discursus impugnant, & quicquid ex illis opponi potest contra veritatem stabilitam enervant. Ad illos Lectorem remittimus, & pauca, quæ rationem factam oppugnant, asseremus. Et sanè quòd prioritas illa naturæ deservire non possit, ut res præsens speretur, petaturque à possidente, non solum Theologia, sed etiam Physioſophia docet, apud quam prioritas naturæ non est prioritas essendi; imò nec cognoscendi unum sine alio: sed est prioritas independentiæ: quia videlicet id, quod ea prioritare est prius, est independentes ab eo relatè ad quod prius est. Causa enim actu causans, quia est independentes

ab effectu, quem causat, est prior illo hac naturæ prioritare: non tamen est sine illo, nec sine illo intelligitur: cum sit omnino impossibile, quod actu causet, & non intelligatur id, quod ab ea causatur. Vbi est ergo illa futuritio Logica, seu fundamentum ad illam? Quæ, etsi adesset, deservire quidem pro Logica solum petitione posset.

12. Adde: Quòd licet data doctrina deservire posset pro instanti, in quo Beati intrantes in gaudium Domini sui, ab eo gloria essentiali honorantur: non tamen pro tempore sequenti, in quo ipsi, nosque cognoscimus Beatitudinem iam adesse: ut subtiliter observant laudati Salmanticenses num. 19. §. *Tertiò rejicitur.* Quæ observatio, etsi non placeat Magistro Albend. egregia est, arridetque illustrissimò Palanco tract. de spe Theologica num. 113. ubi ab obiectionibus præfati Magistri Patres Salm. solerter vindicat. Et non habentes quid præclaro huic Theologo addere possimus, hac memoria in gratiam suæ illustrissimæ sapientiæ soluta, obiectiones proponimus.

13. Obiicies ergo primò: Possunt coexistere actus meritotius, & præmiû ipsius actus: ergo possunt coexistere petitio rei, & ipsa res, quæ petitur: ergo licet sciamus præsentem esse gloriam essentialem Beatorum, possumus illam ipsis à Deo postulare. Hæc secunda consequentia aperte ex prima deducitur, quæ etiam ex antecedenti sequitur: Quia sicut meritum est motus ad præmiû, sic etiam oratio est motus ad rem petitam: ergo si non repugnat coexistentia meriti, & præmiû pariter nec coexistentia orationis, & rei, quæ media oratione postulatur. Antecedens autem probatur: Tum, quia illa coexistentia meriti, & præmiû non est, unde repugnet, ob quod illam admittunt frequenter Theologi; tum etiam, quia Christus Dominus meruit in instanti suæ conceptionis, & Angelus in instanti suæ creationis, & homo in eodè instanti, in quo meretur augmentum gratiæ sæpè recipit illud, ut docent nostri Salmanticenses tract. 19. & tract. 16. disp.

12. dub. 4. num. 30. tum denique, & est dictorum ratio, quia cum motus est instantaneus, est simul cum suo termino, ut patet in generatione substantiali, & in actis illuminatione: quippe in eodem instanti, in quo datur generatio substantialis, & aeris illuminatio, datur etiam res genita, & aer lucidus est: atqui nulla datur repugnantia in eo, quod meritis sit motus instantaneus, ut vidimus in merito Christi, & Angelorum: ergo non adest repugnantia in coexistentia meriti, & præmii.

14. Respondetur ex nostris Salmanticensibus loco citato ex tract. 19. & ex tract. 16. num. 21. & ex præadducto illustrissimo Palanco num. 109. præmium bonorum operum esse duplex: primum est præmium omnium ultimum, quod simpliciter, & absolute habet rationem præmii; atque adeo, & termini operis meritorii. Et hoc præmium nullum aliud est nisi visio Beatifica. Præmium secundum sunt illæ gratiæ, quibus opera salutaria remunerat indulgentissimus Deus, ut sunt augmentum gratiæ, Charitatis, & huiusmodi alia: quæ ita sunt præmium, & terminus operis salutaris præcedentis, ut simul sint morus in terminum, & præmium illud ultimum. Ad hoc enim conceduntur illæ gratiæ iusto, ut iustificetur adhuc; nec ibi sistat; sed donec dies est operetur, earque de virtute in virtutem, usque dum facialiter videat omnium Dominum in Sion.

15. Inter quæ duo præmia hoc interest, quod præmium omnium ultimum nullatenus potest coexistere cum merito. Præmium autem aliud permittit talem coexistentiam. Ratio primi ea est: Quia opus meritorium præmii ultimi regulatur per fidem, & à gratia non consummata ortum ducit, quod ei convenit ex generali ratione meriti, dicitur D. Thom. 1. p. q. 62. art. 9. ad 1. *Mereri est eius, quod movetur ad finem*: quiaque implicat, quod in eodem instanti cõpariatur fides, & visio Beatifica, gratia non consummata, & gratia consummata: propterea non potest præmiũ ultimum ipsi merito coexistere. Mereri, ex sua in-

trinseca ratione, est moveri, ut ex Divo Thoma vidimus: seu ambulare, est proprium fidei, ut dicitur 2. ad Corinthios cap. 5. num. 6. *Dum sumus in corpore peregrinamur à Domino, per fidem eum ambulamus*. Vnde sicut est de intrinseca ratione meriti fides: ita repugnat ipsi coexistentia cum præmio ultimo. Tunc enim opus illud salutare eliciens peregrinaretur, & non peregrinaretur, ambularet per fidem, & visionem Beatificam frueretur. Quæ omnimodam repugnantiam dicitur.

Ratio autem secundi, nempe quod præmium non ultimum potest compati cum merito, ea est: quod sicut meritum petit fide regulari, sic essentialiter sumptum nihil aliud est nisi obsequium præmio dignum, seu opus dignum remuneratione. Et ex vi huius nulla adhuc levissima repugnantia adest, in eo, quod in eodem instanti dentur opus præmio dignum, & ipsum præmium, quo dignum est illud opus. Cæterum intra lineam præmii non ultimi dantur aliqua; quibus ob speciales rationes operis salutaris, quod metetur illa præmia, non possunt cum ipso opere compati. Talis est actus spei, & orationis: Spei quidem, quia respicit futurum, ut supra cum D. Paulo, & Divo Thoma dicebamus. Orationis etiam, tum, quia *procedit ex virtute spei*, ut vidimus num. 8. Tum etiam quia ipse orationis actus est *interpres desiderii*, ut dicitur Angel. Doctor 2. 2. quæst. 83. art. 1. ac de intrinseca ratione desiderii est, quod sit rei absentis, cum qua coexistere, est impossibile. Vnde sicut nullum meritum potest compati cum præmio omnium ultimos: sic nec meritum, quod de intrinseca sui ratione respicit absens, potest simul cum illo existere.

16. Hanc repugnantiam coexistentiæ orationis cum re perita angelicè docuit Divus Thomas dicta quæst. 83. art. 15. in corpore dicens: *Oratio præter effectũ spiritualis consolationis, quam præsentialem asserit, duplicem habet virtutem respectu futuri effectus, scilicet virtutem merendi, & virtutem impetrandi*. Vbi orationem duos effectus habe-

re dicit, vnum de præsenti, & est illa spiritualis resectio, quam secum adest oratio: alium de futuro, & est oratio illius, quod desideratur, & petitur. Modò inquiri: Cùm D. Thomas docet, quòd obtinere postulata est effectus futuris orationis, loquitur de futuriore rigorosa, ac simpliciter talis vel de futuriore illa logica, & quæ solum requirit prioritatem naturæ?

Si primum dicas: Planè evincitur orationem incompatibilem esse cum præsenti rei petiti: siquidem in eodem instanti implicat rem esse præsente, & simul futuram illa futuriore propriè tali. Si autem asseras secundum: ergo etiam spiritualis illa consolatio, quam oratio causat, erit non præsens, sed futura. Patet ista: Quia illa spiritualis consolatio est effectus orationis, quæ idè est prior illa prioritate naturæ: cum omnis causa sit hæc prioritate naturæ prior, quàm suis effectus, vt docet Aristoteles 1. Physicor. & D. Thomas ibidem lect. 6. quos omnes Philosophi sequuntur, vnum si excipias Pauli Soncinatem. 3. Metaphys. quest. 7. contrarium singulariter edocentem.

17. Ad hæc: Si effectus media oratione impetratus esset solummodò posterioritate naturæ posterior, quàm oratio, non diceretur à Divo Thomæ futurus: ergo ita est posterior, vt simul compati cum illa non valeat. Consequentia certa est, & antecedens probatur: Quia D. Thomas cõtraponit hunc duplicem orationis effectum, vnum dicens præsente, & alium futurum: sed ille, quem præsente dicit, est posterior natura, quàm oratio: ergo ille, quem futurum dicit, est oratione posterior, non solum natura, sed etiam duratione: aliàs vel primum effectum non diceret præsente, sed futurum: vel secundum effectum compati oratio nõ potest atque adeò non possumus orare pro gloria essentiali Beatorum.

Ex quibus ad obedièntiã factã facilis est solutio. Respondetur enim distinguendo antecedens: *Et primum ultimum*

A SPIRITU SANCTO,

*ipsius actus, nego. Et primum non ultimum*, subdistinguo: attenda præcisè natura meriti, concedo: inspecta aliqua speciali ratione, per quam meriti natura contrahitur, quæque non potest terminari nisi ad re absentem, nego antecedens. Termini ex dictis noti sunt. Ad primam probationem antecedentis diccas: Quòd relatè ad primum ultimum est, vnde repugnet meriti coexistentiæ cum ipso: videlicet: quia fide regulatur, At respectu præmii nõ ultimi, si inspicatur natura meriti, non est repugnantia in tali coexistentia: Si autem attendatur aliqua specialis circumstantiæ repugnantia adeit: quæ circumstantia, cum reperitur in actu orationis, vt dictum est, propterea compati cum re petita non valet.

Ad secundam probationem antecedentis concedimus, ita esse omnia, quæ ibi dicuntur: Verùm nec ibi datur meritum simul cum præmio ultimo: nec datur meritum cum speciali illa circumstantia opposita coexistentiæ: vnde mirum non est, quòd talis coexistentia detur. *Ad ultimam* probationem similiter respondetur: Meritum præmii ultimi non posse esse instantaneum, sicut nec meritum, quod ex peculiari sui ratione dicit pro formali desiderio.

18. Contra traditam doctrinam obiicies primò: Meritum non, dicit intrinsecam repugnantiam, vt coexistat præmio ultimo: ergo nec vt coexistat cuicumque præmio non ultimo. Consequentia patet, & antecedens probatur: Eò ex natura meriti repugnaret; quia meritum ex sua natura petit fide regulari, vt diximus num. 15. at hoc est falsum: ergo. Probat minor: Beatis non implicat meritum, vt docent nostri Salamancaenses tract. 16. disp. 1. dub. 4. num. 31. at in Beatis non datur fides: ergo meritum non petit ex natura sua fide regulari.

19. Obiicies secundo: Quodvis meritum connectitur cum spe, & ex spe consequendi præmium procedit: & tamen ex natura sua non contradicit coexistentiæ præmii non ultimi: quin potius multoties illi coexistit: ergo licet

V,

ET A.

*oratio procedat ex virtute spei*, potest comparari cum te petita. Maior, in qua sola poterat esse difficultas, videtur per se notari; si namque pramii spe animus non erigeretur, non eliceretur opus meritorium.

20. Respondetur ad primam: Opus meritorium pramii ultimi nullatenus posse cum illo comparari. Et hoc est, quod nos asserimus. Quod autem Beatus, qui iam habet pramium ultimum, possit alia pramia secundum quid talia, scilicet accidentaliter, mereri, est alia difficultas: ad quam cum praeiatis Patribus Salu. dicimus, quod de lege ordinaria non potest, licet attentio possit absolute Dei, qui certe plures actus liberos, & moraliter bonos, quos Beati habent, potest in alia providentia acceptare, & ordinare ad aliquod pramium accidentale. In quo nulla apparet repugnantia. Nec tunc Beati essent viatores; quia licet moveretur ad illud ulteriorem terminum; cum ille terminus, seu pramium, sit accidentale, & secundum quid propere comparari, inspecto absolute posse Dei, potest cum statu existentium extra viam simpliciter, qui est status viatorum.

Quomocumque tamen hoc sit, in illo casu diceremus de merito Beatorum, quod nunc de ipsorum orationibus dicimus: quantum ad hoc, quod est, quod ea, quae nunc petunt, non compatiuntur cum existentia rei, quam petunt. Idem esset tunc in iisdem orationibus, quae meritoriae essent. Vnde ad factam obiectionem distinguatur antecedens: *Meritum*, per quod pramium ultimum obtrinetur, negandum est. *Meritum*, per quod obtrinetur pramium secundum quid, & non ultimum, transeat. Idem enim dicimus de hoc merito, non impossibilem Beatis, ac de merito, quo viatores pramium non ultimum consequuntur: debita proportionem servata. Vnde semper manet verum, quod meritum pramii simpliciter ultimi assequitivum, regulatur fide, quae comparari cum visione beatifica, Beatorum statum constitutur, per nullam potentiam potest.

21. Ad secundam obiectionem res-

pondetur negando illam connexionem spei, & meriti: Quia Christus Dominus verè meruit, & certè spe caruit. Et modò vidimus Beatos posse per extraordinariam providentiam mereri, cum tamen secundum nullum posse valeant spem Theologicam habere. Ast quia potest fieri instantia circa desiderium, quod, opera meritoria eliciens, habet,

Dicimus: Quod meritum non dicit essentialiter connexionem cum desiderio. Eliciens enim opus Charitatis intensissimè non pramium respicit nec ex desiderio pramii Deum, quem in praeordiis habet, diligit. Sed Deum ipsum independentem à pramio amat. Tam longè abest, ut pramium quærat, quod totis suis visceribus in suum dilectum rapitur, nil de pramio cogitans. Imò quamquam nullum pramium adesset, ipsum, quem nunc ardentissimè diligit, deperiret.

Ex quo in cellam vinariam introducta Charitatem ordinatam habet anima, totam suam mentem in Deo collocat, & omnium aliorum, sui que ipsius oblita ipsum Deum propter se ipsum, & non ob remunerationem aliquam exoptans, clamat: *Indica mihi: ubi pascas, ubi cubes in meridie*. Quibus verbis solum Deum obtinere cupit vinculo inamissibili, de nullo alio cogitans, ut exponit sublimis noster Doctor D. Ioannes à Cruce in suo cantico cantione 1.

22. Quam mercedem, quodve pramium exquirebat illa Cœlestis Sponsa Diva Theresia, quae rogo Divini amoris veniit, *aut pati, aut mori* exoptabat dicens canticor. 8. vers. 6. *Pone me ut signaculum super cor tuum, ut signaculum super brachium tuum, quia feris est ut mors dilectio, dura sicut infernus amulatio*. Quae Sanctissimæ Sponsæ verba sic ad rem nostram elucidat Extaticus Noster Parens lib. 2. noctis cap. 19. dicens: *Neuquam hic anima quarit solatium suum, nec delicias, nec in Deo, nec extra Deum: nec ob motum proprii solatii, aut utilitatis propria petis à Deo pramium: quia iam totam suam curam collocat in hoc, quod est placere Deo, illique servire propter se ipsum, & quia dignus ipse est.*



*est omni obsequio, & etiam ob ea, quæ ab ipso recepit.*

23. Audis, quantum distat à præmii desiderio anima, quæ Deum habet in deliciis? Sed audi etiam Seraphicam ipsam Doctricem in libro *conceptuum amoris Dei*, cap. 7. ubi ait: *Cum opera activa ex hac radice procedunt, sunt miri, & odoriferi flores, quia oriuntur ab hac arbore Divini amoris, & sunt propter ipsum solum sine mixtura utilitatis propria.* Eandem doctrinam tradit mansione 4. cap. 3. & alibi pluries. Nec aliud magis delectatur apud Theologos repetes.

24. In cuius rei confirmationem non omittam excessum quemdam anime summe perfectionis avidissimæ. Dicebat enim, se maximum solatium habere propter Dei infinitam scientiam, qua scrutatur renes, & corda quin detur aliquid, quod ipsum lateat. Asseverabat tamen, se ex parte gaudium non leve habiturum, si posset bene operari quin bona sua opera ad Dei notitiam pervenirent. Tunc enim, dicebat, præmissæ penitus aniputata, nullum aliud pro Cinsura, & Helyce haberem, nisi ipsum Deum propter seipsum, quocumque alio circumscripto, dilectum.

Ex his, innumerisq; aliis elatū est, non omne opus meritorium procedere ex desideriorūq; adeo non respicere tem abscemē. Unde potest cōpati cum præmio in eodē instanti. Hoc tamen de oratione verificari non valet propter oppositam rationem, atque adeo illam fundere non possumus pro Beatorum gloria essentiali. Vide dicta num. 15.

25. Responderetur secundò ad objectionem principalem ex dictis num. 12. quòd licet meritum coexistat præmio, cum hoc acquiritur: postquam autem iam præmium habetur, non adest ea coexistentia, quia opus meritorium tranſit. Unde ex hac paritate ad summum inferretur, nos posse orare pro Beatissimis in eo instanti, in quo beantur: non autem postquam iam sunt visione beata decori. Vide, quæ num. citat. diximus.

26. Obiicies secundò: In oratione dominica sic Deum oramus: *Fiat volun-*

*tas tua.* Et sic: *Dimittite nobis debita nostra, sicut & nos dimittimus debitoribus nostris. Et ne nos inducas in tentationem, nisi sed libera nos à malo.* At, quæ hic petuntur, petuntur, ut coniungenda cum ipsa petitione: ergo hæc, & res petita simul compati possunt. Ergo nulla est ratio, qua probavimus, fundi non posse orationem pro gloria essentiali Beatorum. Secunda consequentia constat ex prima, quam præmissæ inferunt. Probatur min. primò. Quæ ibi petimus, eo modo petimus, quo à Deo possunt concedi: sed nulla est implicatio in eo, quòd Deus concedat, quæ ibi petimus, in eodem instanti, in quo petuntur: ergo.

Probatur secundò minor illa: Eo modo petimus illa à Deo, quo illa desideramus: sed illa desideramus non solum pro tempore sequentis sed etiam pro tempore illo, in quo preces eas tendimus: ergo pro illo tempore illa petimus. *Probatur tertio:* Quia distonū videtur petere illa bona pro tempore futuro, & non pro præsentis cum potius ad petendum pro præsentis, & non pro futuro ipsa oratione dominica doceamur, quæ panem hodiernum, & non crastinum petit: ergo idem, quod prius. *Probatur quarto:* Eo modo petimus nostrorum debitorum dimissionem, sicut dimittimus aliena: sed hæc dimittimus pro tempore, in quo petimus: ergo, & illa.

27. Confirmatur: Quia si petitio, & res petita simul dari non possunt, sequitur, quòd deur tempus, in quo repugnet, nos facere Dei voluntatem, & debita nostra à Deo nobis dimitti: contra, consequens est omnino absurdum: ergo id, ex quo sequitur, absurdum est. Probatur sequela: Pro tempore illo, in quo à Deo petimus siue in nobis voluntatis adimplerionem, & nostrorum debitorum dimissionem, implicat Divinæ in nobis voluntatis adimpletio, debitorūque dimissio: ergo vera est maior. Probatur antecedens: Implicat per nos coexistentia petitionis, & rei postulata: ergo pro illo tempore, quo petimus dicta bona, repugnat eorum existentia.

Va Non

28. Non levem difficultatem ista continent: Sed non propter illam deferenda est veritas nostræ assertionis. Respondetur ergo primo: Iuxta dicta num.

25. Respondetur secundò: Negando minorem, ad cuius primam probationem negetur etiam minoris pet nullam enim potentiam fieri potest coexistètia, illa sicut per nullam potentiam coniungi possunt spes, & existentia rei speratæ. Ad secundam probationem dicas: Maiorem verificari quia id ipsum, quod desideramus, petimus, & propter ipsum finem petimus, propter quem desideramus: ad quod minimè requiritur prædicta coexistentia; imò implicatoria est, ut ex dictis patet: Vnde ex eo, quòd pro instanti, in quo petimus, adest illud desiderium, convincitur, non posse pro illo instanti adesse, quod desideratur.

Ad tertiam probationem negetur antecedens; potius enim dissonum foret, petere illa bona, ut habenda illo ipso instanti, in quo petuntur cum hoc implicet. Nec inserta probatio momenti est: Quia dies hodiernus plura instantia habet. Et cum in aliquo eorum *panem nostrum quotidianum* petimus, non petimus illum, ut habendum pro eodem instanti deprecationis; sed pro subsequenteribus. ¶ Adde: Quòd, cum dicimus, *da nobis hodie*: per *ly hodie* intelligitur tota vita præsens, ut docet Divus Thomas in Matth. cap. 6.

Ad quartam probationem dicendum; quòd ut à Deo obtineamus nostrorum delictorum veniam, proponimus indulgentiã, qua vivimus erga debitores nostros. Et hoc signatur per *ly sicut*; non autem coexistètia illa rerum inconiungibilium, quam sententia opposita tenaciter stabilire molitur.

Ut confirmationi respondeas, observa: Orationem dupliciter posse consequi suum effectum: Primò impetrativè, seu meritorie: Secundo formaliter. Exemplum: adest tentatio vehemens & illa quassatus orat dicens: *Deus, in adiutorium meum intende: Domine, ad adiuvandam me festina*. Hæc oratio meretur Divinum auxilium, quod implorat, quofalsus, tentationem patiens, triumphat. Et etiam antequàm auxilium, quod im-

plorat, recipiat, tentationi non succumbitis: si namque succumberet, non oraret. Adest ergo duplex orationis effectus: Primus est resistentia, quam meritorie obtinuit: secundus est resistentia, quam formaliter introduxit. Primus effectus est, qui petitur, nec consequitur pro eo instanti, in quo petitur: sed pro sequentibus. Secundus effectus est vel ipsa oratio, vel eius effectus formalis, & hic est prorsus inseparabilis ab ipsa: vnde adest in eodem instanti. Nec hunc effectum illa postulat: absurdum enim foret petere, quod ipsa formaliter, & subiectivè facit.

29. Respondetur ergo ad confirmationem negando maiorem. Ad primam probationem dicas: Quòd, dum dicimus: *fiat voluntas tua*, petimus nobis obedientiam præceptis Dei, uti ex Augustino docet D. Thomas dict. q. 83. art. 9. ad 1. quod dupliciter consequitur pia oratio. Primò meritorie, & hoc non pro illo instanti, in quo petit, sed pro subsequenteribus. Secundo formaliter, & hoc adest in ipso instanti: quippe Dei voluntati obediunt, cum oramus, ut ipsius auxilium impetremus. Præcipit enim Deus, quòd deprecemur ipsum, tum, ut mentem nostram ei subdamus: tum etiam, ut ab ingruentibus inimicorum insidiis liberemur. Ait enim: *Petite, & accipietis: quærite, & invenietis: pulsate, & aperietur vobis*: Et etiam: *vigilate, & orate, nè intretis in tentationem*. Insimulque: *oportet semper orare, & non deficere*. Per quod patet, quòd ille, qui orat, per hoc, quòd piè orat, Divinæ voluntati obtemperat. Verum hoc, quod formaliter facit oratio illa *fiat voluntas tua*, non est, quod petit. Sed ultra hoc, quod formaliter in illo instanti facit, petit, quòd tempore subsequenti, iam orando, iam operando non recedat illam fundens à voluntate Dei, sed ipsum ita in omnibus, quæ præcipit, obtemperet, & sequatur, ut tandem feliciter assequatur.

Per quod patet ad primam partem illius sequelæ. Ad secundam autem dicimus, quòd cum dimissio debitorum nostrorum sit opus Dei: Quia nos non possumus nobis ipsis dimittere, quæ pec-

cavimus; propterea oratio non potest hanc dimissionem formaliter causare: illam tamen meretur, & impetrat sed nunquam pro illo instanti, in quo funditur.

30. Ultimo obijciat: In dicta oratione dominica petimus nominis Dei Sanctitatem, hoc enim oramus, cum dicimus, *Sanctificetur nomen tuum*: ergo petimus id, quod ante nostram orationem iam exiit. Probatur consequentia: Quia nomen Dei semper est Sanctum, secundum illud Sanctissimæ Dominiæ nostræ apud Luc. cap. 1. *Fecit mihi magna, qui potens est, & Sanctum nomen eius*: ergo cum petimus Sanctitatem huius Sanctissimi nominis, existunt simul petitio, & res petita.

Respondetur ex D. Thom. d. q. 83. art. 9: *Ad primum ergo dicendum, quod sicut Augustinus ait in libro de Serm. Domini in monte, cum dicimus, Sanctificetur nomen tuum, non hoc ponitur, quasi non sit Sanctum nomen Dei, sed ut Sanctum ab hominibus habeatur: quod pertinet ad Dei gloriam in hominibus propagandam.* Aliud enim, quod nomen Dei sit Sanctum in se: aliud verò, quod hæc nominis Dei Sanctitas inter homines propagetur. Primum existit certè, sed non illud petimus. Secundum est, quod petimus, quia non ut par est, existit, nec perfectè complebitur usque ad vitam futuram, ut docet inibi D. Thomas.

### §. III. Argumenta diluuntur.

31. **C**ontra conclusionem arguitur primò: Beati esuriunt, & sitiunt ipsam Beatitudinem essentialem, qua fulgent: ergo possumus orare pro illis, ut eorum esuries, sitisque satietur. Antecedens patet ex illo Ecclesiast. cap. 24. ubi dicitur: *Qui edunt me, adhuc esuriant, & qui bibunt me, adhuc sitiant.* Vbi sermo est de gloria essentiali Beatorum, qui illà ipsam gloriam, quam possident, ut denotant verba illa *edunt, bibunt*, illam ipsam dicuntur esurire, & sitire. Et consequentia probatur: Quia si possessio gloriæ comparatur cum esurie, & siti de ipsa gloria, etiam compati potest cum ipsius gloriæ

petitione. Nec apparet prudens discrimen, ob quod esuries, ac sitis concedatur, non autem oratio. Vnde sicut orare possumus pro iis, de quibus apud Matth. cap. 5. dicitur: *Beati, qui esuriunt, & sitiunt iustitiam, quoniam ipsi saturabuntur.* Sic & pro Beatorum gloria essentiali, ut fames, sitisque, quas causat, extinguantur.

32. Confirmatur: Cum gloria essentiali Beatorum comparatur desiderium ipsius gloriæ: ergo & oratio. Patet ista: Eò enim oratio repugnaret, quatenus hæc terminatur ad rem absentem, quod habet, quia est interpret desiderii, ut multoties diximus: ergo si cum gloriæ possessione comparatur desiderium; sic & oratio comparatur. Antecedens autem probatur ex 1. Petri cap. 1. ubi asseritur, Angelos desiderium habere videndi Deum, quo abs dubio fruuntur, *in quem desiderant Angeli prospicere.*

Respondetur ad argumentum primò negando antecedens. Ad probationem nego, quod verba illa Ecclesiast. intelligi debeant de gloria essentiali Beatorum, nec de accidentalibus. Etenim iuxta gravissimæ notæ Auctores, ut sūt Lyra, Estius, pluresque alii, ibi sermo est de aqua spirituali, spiritualique cibo, quibus viatrix anima reficitur, & pulchrefcit. Et licet sensus iste, non esset eorum Doctotum calculo adeò firmus, sufficeret nobis auctoritas Angelici Præceptoris super Ioan. cap. 4. docentis, dicta verba intelligenda esse de aqua sapientiæ salutaris, quæ est donum Spiritus Sancti, qua in hac vita proportionatur anima ad futuram.

33. Et sanè in illo capite Ecclesiast. Sapientia est, quæ loquitur, ac de se ipsa dicit: *Qui edunt me, adhuc esuriant, & qui bibunt me, adhuc sitiant.* Sed cur de hac ipsa aqua loquutus Christus Dominus cap. 4. Ioan. ait: *Qui autem biberit ex hac aqua, quam ego dabo ei, non sitiet in æternum?* Potest nè eadem Sapientiæ aqua iterum sitim causare, & sitim in æternum extinguere?

Proponit D. Thomas cap. 4. citato hoc dubium hisce verbis: *Sed contra: Ec-*

*Ecclesiastici 24. dicitur, qui bibunt me, adhuc sitient, quomodo ergo non sitiet in æternum, qui biberit ex aqua hæc, scilicet Divina sapientia: cum ipsa sapientia dicat: qui bibunt me, adhuc sitient? Et responder Sanctus, sed dicendum, quod utrumque verum est, quia qui bibit ex aqua, quam Christus dat, & sitit adhuc, & non sitit. Vis scire cur non sitiat? Audi Angelicum Magistrum sic discrimen aquæ materialis, & spiritualis, tradentem; ait enim: *Differentia est inter rem spirituales, & temporales licet enim utraque generet sitim, tamen aliter, & aliter, quia res temporalis habita causat quidem sitim non sui ipsius, sed alterius rei. Spiritualis vero tollit sitim alterius rei, & causat sui ipsius sitim. Vide quomodo, qui bibit hanc aquam salutarem sitit, et non sitit, videlicet, sitit ipsam spirituales aquam perfectius possidem, usque dum illa inebrietur in Patria, ubi iam non sitiet in æternum. Vnde concludit D. Thomas: Beati, qui esuriunt, & sitiunt iustitiam, scilicet in Mundo isto, quia saturabuntur in vita glorie.**

34. Et hic ipse, qui hanc aquam spirituales bibit, non sitiet iterum, aquam scilicet, quæ non salit in vitam æternam. Nam per huius spirituales aquæ potationem terrenarum rerum sitis extinguitur. Ab eodem fonte, à quo Angel. Doctor hanc suam mirabilem doctrinam hausserat, hausit quodque Seraphica Theresia, quæ eadem difficultatem versans, & differetiam inter has aquas assignans libro de itinere perfectionis cap. 13. ait: *Non sitiet rem aliquam huius vite, quamquam crescat sitis rerum æternarum, multo magis, quam possumus cognoscere argumento à siti naturali desumpto.*

Per quæ patet ad omnia, quæ in argumento sunt. Negato enim locum Ecclesiastici loqui de Beatis, omnia corrumpit. Loquitur ille textus de viatoribus, qui certe orare possunt, & debent, pro ipsa aqua, quam bibunt, ut perfectius bibant: & medium, quo hæc huius Sanctissimæ aquæ maior perfectio habetur, est oratio, ut docet laudatus D. Thomas his verbis: *Non iterum autem, quo aqua sa-*

*pientie salutaris hauritur, est oratio.*

35. Respondetur secundò ad argumentum simul, & confirmationem: Ecclesiasticum, & D. Petrum, loquentes quidem de Beatis: caterum non de gloria ipsorum assentiali, sed de accidentali, quam eos esurire, sitire, ac desiderare faciemur. Nos autem pro hac accidentali Beatorum gloria possumus orare, postmodum disputabimus.

36. Respondetur tertio ex D. Thoma 1. 2. quæst. 67. art. 4. ad 3. ubi ait: *Dicendum, quod quantum ad gloriam animæ non potest esse in Beatis desiderium, secundum quod respicit futurum rationem dicta: dicitur autem esse ibi esurire, & sitis per remotionem fastidii: & demonstratione dicitur esse desiderium in Angelis. Res mundialis, & æterna in hoc præcipue differunt: quod mundialis, postquam obtinetur, fastidium generat, Cælestis vero nullum fastidium causat, ut docuit nos D. Thomas, & Seraphica Theresia. Ut hanc Cælestis Beatitudinis indolem ostenderent nobis Ecclesiasticus, & D. Petrus, aiunt: Esuriem, sitim, ac desiderium causare: fumescentes esuriem, desiderium, ac sitim, prout sunt idem, ac fastidii remotio. Vnde nec Beati pro se, nec nos pro illis orare possumus; quia ad orationem præquiritur desiderium, quod respiciat rem desideratam, ut futuram, qualiter non potest esse in Beatis.*

37. Arguitur secundò: Ecclesia petit à Deo gloriam ipsi Beatis: ergo oratio pro gloria essentiali Beatorum fieri potest. Consequentia est evidens, & antecedens probatur primo: Quia in Missa Sancti Leonis in oratione secreta eiusdem Sancti ait Ecclesia: *Ut per hæc pia placationis officia, & illum beatæ retributionis comitetur, & nobis sua misericordie bona committere:* ergo Ecclesia petit à Deo gloriam essentiali Sancti Leonis, quam nominat beatæ retributionis.

Probatur secundò idem antecedens: Quia in alia oratione ait eadem Ecclesia, se Missarum Sacrificia Deo offerre in Beatorum cultum, *ut sicut Sancti Myseria Sanctis profundi ad gloriam, ita nobis proficiant ad medellam:* ergo eodem

dem modo, quo Ecclesia orat pro viatorum medella, orat & pro Beatorum gloria. Et eodem modo, qui appetit salutem viatorum, desiderat Beatorum felicitatem.

38. Confirmatur: Quia Sacramenta efficiunt, quod figurant: sed Sacramentum Altaris figurat Beatos: ergo circa illos ponit suum effectum: quod est idem, ac illis prodesse ad gloriam. Maior videtur certa, & minor probatur: Nam pars Hostiæ, quæ in Calicem mitteritur Beatos figurat iuxta Magistrum in 4. dist. 12. ubi D. Thomas quaest. 1. art. 3. quaestione. 3. ad 4. Adfertque Angelicus Doctor in huius comprobationem versus illos: *Hostia dividitur in partes tincta Beatos, plena sicca notat vivos, servata sepultos*: ergo sicut pars sicca plena prodest vivis, quos figurat, & pars servata (antiquius enim servabatur Hostia pars usque ad finem Missæ; qui tamen nos modo cessavit propter peccatum; nihilominus remanet eadem significatio partium, ait citatus D. Thomas ad 3.) existentibus in Purgatorio; quos demorat: sic etiam pars tincta proderit Beatis, quos signat.

Respondetur argumentò negandò antecedens. Ad primam probationem, & similiter ad secundam respondetur ex D. Thoma loco citato ex sententia dist. 45. quaest. 2. art. 2. quaestione. 4. *Ad primum ergo dicendum, quòd huiusmodi loquutiones non sunt sic intelligende, quasi Sancti in gloria proficiant quantum ad se, quòd eorum festa recolimus, sed quia nobis proficiunt, qui eorum gloriam solemnius celebramus; sicut ex hoc, quòd Deum cognoscimus, vel laudamus; & sic quodammodo eius gloria in nobis crescit, nihil Deo, sed nobis accrescit.*

Exemplum illud Dei, quo angelicè vult D. Thomas, rem declarat. Deo enim festa sacrantur, & in ipsius gloriam, honoremque fiunt: Non quia ex nostris actibus habeat Deus in se novam aliquam gloriam, vel honorem: sed quia ex illis nostris actibus resultat nobis meritum, & ipsius gloriæ, ac honoris Dei exaltatio inter nos, ac propagatio. Est idem, quod num. 30. diceba-

mus circa illa verba orationis dominicæ, *Sanctificetur nomen tuum*. Quod non dicimus, *quasi non sit Sanctum nomen Dei, sed ut Sanctum ab omnibus habeatur: quod pertinet ad Dei gloriam in hominibus propagandam*. Itaque Deus habet duplicem gloriam, seu Sanctitatem, aliam in se, quam secum semper habuit, & cui ex nostris operibus, seu Sacrificiis nulla additio, acceperit fieri valet. Aliam in nobis, quæ consistit in eo, quòd Dei Sanctitatem veneremur, & in omnium cordibus desideremus sculptam. Hanc illis verbis petimus, ut numero citato dicebamus.

Proportionabiliter ergo Sanctorum gloria duplex est: alia, quæ in se habent, & aliam, quam habent in nobis, qui eorum gloriam meditantibus accendunt, ut eorum vestigiis insulamur, & emulantes charismata meliora, nostrificum Sanctorum Remuneratorem cordiculis veneremur. Et inam illam nec petimus, nec possumus illi addere. Secundam vero postulamus: & quòd eorum gloriam solemnius celebramus, eò magis proficiamus, atque adeò illa gloria, quam Sancti in nobis habent, augetur.

Ad confirmationem responderetur ex eodem Angelico Doctore citato: *Ad secundum dicendum, quòd quavis Sacramenta efficiant, quod figurant, non tamen illi effectum suum ponunt circa omne id, quod figurant; alias cum figurerent Christum, in ipso Christo aliquid efficerent, quod est absurdum: sed efficiunt circa suscipiendum Sacramentum ex virtute eius, quod per Sacramentum significatur. Et sic non legitur, quòd sacrificia pro fidelibus defunctis oblata Sanctis proficiunt, sed quia ex meritis Sanctorum, qui reholuntur, vel significantur in Sacramento, proficiunt aliis, pro quibus efficiuntur.*

39. Atque tertio: Beati timent amittere Beatitude: ergo possumus orare, nè illis hoc malum eveniat. Probatur antecedens. Beati habent timorem; quo respiciunt Deum, ut potentè sibi insingere malum: sed non est aliud malum; quod timeant, nisi amissio Beatitude: ergo illam amittere timent. Minor certa est. Probatur maior: quia Beati habet do-

donum timoris: sed habes donum timoris respicit Deum, ut potentem infligere sibi malum: ergo. Maior vera est, constatq. ex 2. 2. q. 19. art. 11. Min. vero inde constat: quia sicut humilitas respicit Deū, ut cui absolute subicitur, & Religio subiicitur Deo, ut omnipotenti ad benefaciendum, ita donum timoris Deo subditur, quatenus potest malum infligere: Vnde sicut non est debilis humilitas, quæ illam reverentiam erga Deum absolute sumptum nō dicat, nec oratio, quæ illum illo respectu non reveletur; ita donum timoris, ubicumque sit, non potest non recipere Deum, ut malum infligere potentem.

Respondetur ex D. Thoma 1. 2. q. 67. art. 4. ad 2. ubi ait: *Timor filialis habet duos actus, scilicet revereri Deum, & quantum ad hunc actum manet in gloria: et timere separationem ab ipso, & quantum ad hunc actum non manet: separari enim à Deo habet rationem mali; nullum autem malum sibi timetur secundum illud Proverb. 1. Abundantia perfruetur malorum timore sublato. Et in 3. dist. 34. quæst. 2. art. 3. quæstionc. 4. docet: In Patria solletur timor quantum ad hunc actum, qui est timere separationem; sed manebit quantum ad actum, qui est admirari, vel revereri illud arduum; quod fit, quando ex admiratione tanta altitudinis homo in propriam refilit parvitatem. Idem repetit pluribus aliis locis. Circa hoc tamen omnino videndi sunt nostri Salmanticenses in arbore virtutum numer. 19. & tract. 18. disp. 4. toto dubio 4. & præcipue num. 52.*

Ex quibus habes, Beatos per donum timoris respicere quidem Deum, ut potentem eis infligere malum, vel annihilationis, vel aliud. Ex hoc tamen anxii non sunt; quia illud malum non formidant, ut imminens, aut futurum: Imò nec ut possibile statui, in quo sunt; sed solum, ut possibile naturæ, qua constant: atque idè nec ipsi pro se, nec nos pro ipsis orare debemus. Si nāque malum illud esset possibile statui, tunc orationes requireret, ut vitaretur, & generet anxietatem. Hoc tamen non evenit; quia solum relatè ad naturam

est possibile, prout docet Angelicus Doctor 2. 2. quæst. 19. art. 11. dicens: *Fuga ergo huius mali, quod est Deo non subici, ut possibilis natura, impossibilis autem Beatitudini, erit in Patria.*

40. Arguitur ultimò: Beatitudo, ut importat sui continuationem est gloria essentialis: possumus orare pro Sanctorum gloriæ continuatione: ergo & pro gloriæ essentiali. Probat ur minor primò: Quia continuatio Beatitudinis non est præsens, sed futura: ergo possumus illam postulare. Paret ista: Eò enim negavimus posse peti, ut possemus, quia prout sic, iam habetur, & oratio respicit futurum. Secundo probatur minor: Quia Deus potest destruere Sanctorum Beatitudinem: ergo possumus à Deo petere; nè illam destruat; quod est idem; ac petere ipsius conservationem.

Probat ur antecedens primò: Quia Sanctorum Beatitudo non est essentialiter perpetua: ergo potest Deus illam destruere. Secundo probatur antecedens: Quia certò cognoscimus, posse Deum non conservare Beatitudinem: ergo certò cognoscimus, posse Deum illam destruere.

41. Confirmatur: Quia non implicat, Deum revelare alicui viatori Beatitudinem Divi Petri conservandam non esse: sed tunc posset ille viator preces fundere pro cōservatione talis Beatitudinis: ergo non implicat, quòd pro Sanctorum gloria essentiali fundamus preces. Consequentia bona est: Si namque hoc potest Deus revelare: ergo debilis est huius revelationis adimpletio: ergo & sine revelatione tale malum timere non est imprudens. Maior autem non est, vnde repugnet, nec minor, ut de se patet.

Respondetur argumento ex D. Thoma in disp. de spe art. 4. ad 3. ubi ait: *Dicendum, quòd continuatio Beatitudinis non habet rationem futuri, quis in quantum aliquis homo fit Beatus, aternitatem participat, in qua non est prateritum, & futurum. Idem docet 2. 2. quæst. 17. art. 2. ad 2. dicens: Quòd Beatitudo Sanctorum dicitur vita aterna, quia per hoc, quòd Deo fruuntur, efficiuntur quodammodo.*

*modo participes aternitatis Divina, qua excedit omne tempus: & ita continuatio Beatitudinis non diversificatur per præsens, præteritum, & futurum; & ideo Beati non habent spem de continuatione Beatitudinis, sed habent ipsam rem, quia non est ibi ratio futuri. Ver quæ ad factum argumentum, & etiam ad confirmationem facilis est solutio.*

Respondetur enim negando minorem. Ad primam probationem negetur antecedens. Quia, ut ex modò dictis constat, in Beatitudinis continuatione nulla est ratio futuri; & sanè si futuri ratio adesset, esset & anxietas pro illius futuri consequutione, quod est contra essentialem conceptum status beatifici, de cuius ratione est omnimoda securitas, ut docet Angelicus Doctor 2. 2. q. 19. art. 11. hisce verbis: *Excluditur enim talis timor (servilis) per securitatem aterne Beatitudinis, quæ est de ipsius Beatitudinis ratione.* Non potest autem securitas esse de ratione Beatitudinis, & quoddam ista sub aliqua sui ratione sit futura, & spem, seu desiderium terminet: unde etiam, ut continuata non est futura, sed præsens.

Ad secundam probationem minoris respondetur: Deum utique posse destruere Sanctorum Beatitudinem, si absolute consideretur: at ut subest decreto immutabili de ipsius Beatitudinis conservatione destrui non potest. Quod decretum Beatis notum est: aliter quieti non essent, nec omnino felices, dicente Divo Thoma 2. 2. quæst. 18. art. 3. in corp. *Requiritur enim ad perfectam, & veram Beatitudinem, ut aliquis certus sit de sua beatitudinis perpetuitate.* Quo probat Angelicus Doctor damnatorum infelicitatem, qui certissimi sunt de suarum pœnarum perpetuitate: si namque hanc certitudinem non haberent, illas evadere posse sperarent, eoque non essent summè infelices: chim haberent, unde gaudium aliquod habere possent. Sic ergo si Beati non essent omnino certi de suæ Beatitudinis perpetuitate, haberent, unde tristarentur, quod prorsus pugnat cum nobilitate status beatifici. Unde quoddam absolute possit Deus

A SPIRITU SANCTO

destruere Beatitudinem, non sufficit, ut possimus orare pro Beatis: sicut nec quoddam absolute possit eripere ab Inferno damnatos, sat est, ut preces pro eorum liberatione fundamus. Quare ad illam minoris probationem distinguo antecedens: *potest*: absolute, concedo: *potest*: supposito decreto de Beatitudinis perpetuitate, nego antecedens.

Ad primam eius probationem omisso antecedenti, nego consequentiam. Etenim siue Beatitudo sit essentialiter perpetua, siue nullatenus ex se perpetua sit: ex quo tamen adest decretum de ipsius perpetua duratione, in æternum absque dubio permanebit. *Ad secundam probationem* similiter dicimus: quoddam nos, qui certò cognoscimus Deum, absolute posse non conservare Beatitudinem; cognoscimus etiam certissimè illam conservaturam ex suppositione dicti decreti.

Ad confirmationem respondetur: Illam revelationem implicare supposito decreto de perpetuitate Beatitudinis. Sicut & ob eandem rationem implicat revelatio de non permanentia damnationis. Et loquimur de Beato, qui absolute, & non ad tempus, intravit in gaudium Domini sui: Quia si confirmatio loquatur de aliquo, qui solum ad tempus beatur, sicut visum est in Divo Paulo; tunc non implicat talis revelatio, & pro hoc orari posse, non negamus: sicut & pro damnatis, qui ad tempus damnati sunt, ut accidit Divo Gregorio,

qui pro Traiano ad tempus damnato orasse dicitur, de quo postmodum susè disputabimus.



X

QUÆS

## QVÆSTIO SECVNDA.

*Vtrum possimus orare pro gloria accidentali Beatorum?*

**P**ostquam de gloria essentiali Beatorum loquuti fuimus, æquum est, ut de gloria accidentali disputemus. Potest enim esse omnino irrationale petere beatitudinem essentialem ipsis; quin irrationale sit, accidentalem beatitudinem postulare: Hæc enim futura ipsis Beatis est, pro illaque suas preces fundunt, ut ex aliquibus scripturis notum est. Inquirimus ergo: An illos nostris precibus ad Deum fufus, ut, quod precantur, obtineant, adiuvarè valeamus?

§. I. *Post brevem observationem referuntur sententiæ, & duplici conclusione dirimitur controversia.*

42. **I**N quo Beatitudo accidentalis consistat, ipsum nomen manifestat. Hæc beatitudo accidentalis duplex est, alia, quæ necessariò connectitur cum beatitudine essentiali; alia verò, quæ hanc connexionem non dicit. Prima habetur ex meritis beatitudinis essentialis, cuius veluti cõplementum est: Sicut accidentia conaturaliter debita formæ sunt perfectionis ipsius complementum, sine quo ultimam sui perfectionem non habet.

Secunda autem non est complementum exactum ab ipsa essentiali beatitudine: Vnde sine illa concipitur beatitudo essentialis cum ultima sui perfectione. A quo ramen principio proveniat hæc beatitudo accidentalis cū essentiali non connexa? Est, quod principaliter vestigamus: licet aliqui Auctores idem sentiant de utraque hac accidentali beatitudine, de quo postea.

43. Scias tandem, & præcipuè nostram orationem dupliciter posse deservire Beatis: Primò ut medium, quo indigent, ut desiderata obtineant. Secundò ut materia, seu occasio, ex qua oritur, quòd Beati habeant id ipsum, quod

desiderant, licet hoc non obtineant ex meritis nostræ orationis, sed aliunde. Esseque hos concurrendi modos valde diversos, ex ipsis terminis notum est. Medium enim, quo aliquid obtineatur, diversum omnino est ab occasione, qua posita, aliunde habetur, quod desideratur. Quod amplius conitabit ex dicendis.

44. His ergo sic statutis: Prima sententia tener, orationes nostras posse esse medium, quo gloria accidentalis Beatorum consequatur. Sic sentit eximius Suarez tom. 2. de Religione, lib. 1. cap. 14. à num. 3. Et Magister Torre 2. 2. quæst. 83. art. 8. disp. 4. Qui licet num. 2. limiter assertum ad gloriam accidentalem, non connexam cum essentiali: postea verò num. 3. ad 3. & 4. argumentum, de omni gloria accidentali loquens cuius egregium memoria lapsus miratur Magister Ioannes à Sancto Thom. inibi.

Secunda sententia docet, nostras orationes posse aliquando deservire ad gloriam accidentalem Beatorum, non ut medium, & ratio habendi gloriam illam; sed ut occasio, qua posita, aliunde, & non ab ipsa oratione habent Beati gaudium aliquod accidentale, hæc sententia est D. Thomæ in 4. dist. 45. q. 2. art. 2. quæstionc. 4. cum tener Magister Ioannes à Sancto Thoma dict. q. 83. disp. 27. art. 6.

45. Prima nostra conclusio: *Orationes nostra Sanctis deservire non possunt ut medium, quo gloriam accidentalem consequantur. Vnde in hoc sensu pro ipsis orare non possumus.* Secunda pars huius conclusionis manifestè ex prima colligitur: Illa enim oratio penitus frustranea esset eoque virtutis nomen habere non posset. Prima autem pars communissima est inter Theologos. Probaturque primò ex Magistro in 4. dist. 45. dicente de Beatis, *quorum tanta est perfectio, ut his adiutoriis non indigeant.*

qua



*quales sunt Apostoli, & Martyres. Ut enim ait Augustinus, iniuria est pro Martyre orare in Ecclesia, cuius nos debemus orationibus commendare.*

46. Probatur secundò conclusio ex cap. Cum Martha de celebrat. Missar. 6. tertio loco, ubi Innocent. 3. ait: *Cum Sacra Scriptura dicat auctoritas, quod iniuriam facit Martyri, qui orat pro Martyre, idem est ratione consimili de Sanctis aliis sentiendum, quia orationibus nostris non indigent, pro eo quod, cum sint perfecti Beati, omnia eis ad votum succedunt, sed nos potius eorum orationibus indigemus. Unde quod in plerisque orationibus continetur, proficit, vel proficiat huic Sancto, vel illi, talis oblatio ad gloriam & honorem, ita debet intelligi, ut ad hoc proficit, quod magis, ac magis glorificetur à fidelibus.*

Quibus verbis clarissimè Pontifex assertum nostrum statuit, firmat, ac defendit. Statuit quidem, ut de se patet. Nec ambigendum est, Innocentium loqui de gloria accidentali, quod ex verborum contextu evidens est. Firmat etiam Pontifex assertum rationibus vrgentissimis, quarum prima est D. Augustini de verb. Apost. Serm. 17. dicentis: *Iniuriam facit Martyri, qui orat pro eo, cuius nos debemus orationibus commendare. Quod idem est ratione consimili de Sanctis aliis sentiendum.* Sunt enim Sancti Dei omnes in statu felicissimo huius exilii, nulla re indigentes, sed omnia ad placitum suum ex vi illius felicissimi status obtinentes. Unde dupliciter Sanctis iniurius est, qui pro ipsis deprecatur. Primò quia supponens illos auxilio suo indigere; summè felices non supponit. Secundò quia de Beatorum statu non, ut par est, sentit: cum alterius infimi status subsidio indigere iudicet.

47. Secunda ratio continetur etiam in verbis D. Augustini: *Cuius nos debemus orationibus commendare.* Etenim non est eiusdem orari, & quod pro eo oratur, ait D. Thomas in 4. dist. 15. q. 4. art. 5. quæstiunc. 2. in argumento primo *Sed contra:* Atqui Beati orantur à nobis, ut constat ex adductis verbis Au-

gustini, quibus Innocentius, & Magister sententiarum utuntur: ergo pro Beatis non oramus.

48. Tertia ratio respicit statum ipsum Beatorum, qui ex eo, quod sint perfecti Beati, omnia eis ad votum succedunt. Non ergo indigent nostris orationibus, qui habent statum adedò felicem, ut, quicquid desiderant, ex vi status, quem habent, consequuntur. Ecce certè non esset adedò eminens status Beatorum, si ipsi nostris orationibus indigerent.

49. Postquam autem Pontifex factis rationibus fundavit assertum, defendit illud ab obiectione, quæ illud labefactare poterat. Consistitque in eo, quod Ecclesia petit gloriam Sanctorum, quod non est sic accipiendum, ut Sanctis orationibus nostris opus sit, ut iis mediis aliquod accidentale bonum obtineant: *Sed ita debes intelligi, ut ad hoc proficit, quod magis, ac magis glorificetur à fidelibus.* Vide quæ ex Angelico Præceptore diximus quæst. præced. num. 37. in simili casu.

50. Probatur tertio ex D. Thomæ citato dist. 45. quæst. 2. art. 2. quæstiunc. 4. ubi ait: *Ad quartam questionem dicendum, quod suffragium de sui ratione importat quidam auxilium, quæ non competit ei, qui defectum non patitur. Nulli enim iuvare competit, nisi in eo, quod indigens est, unde cum Sancti, qui sunt in Patria, sint ab omni indigentia immunes inebriati ab ubertate donus Dei, eis iuvare per suffragia non competit. Idem intentum concludit in argumento secundo. Sed contra, dicens: Eius est iuvare, cuius est indigere: sed Sancti in Patria sunt absque omni indigentia: ergo.*

51. Dices: Datas D. Thomæ auctoritates intelligendas esse de iis, quæ spectant ad gloriam essentialem Beatorum: ergo illis non improbitur oratio pro pertinentibus ad gloriam accidentalem. Probatur antecedens: Divus Thomas asserit Beatos esse ab omni indigentia immunes, & absque omni indigentia: sed hoc verum non est de pluribus spectantibus ad gloriam accidentalem: non enim sunt immunes ab ho-

rum indigentia: ergo de his non loquitur Angelicus Doctor, sed solum de gloria essentiali. Cætera constant, & minor probatur: Beati desiderant, petuntque plura conducentia ad suam gloriam accidentalem, ut est suorum corporum gloria, Prædestinatorum numeri adimpletio, & alia huiusmodi: ergo non sunt sine horum indigentia aliis illa non desideraret, nec peterent.

Respondetur negando antecedens, quippe Angelicus Doctor loquitur de iis, quæ pertinent ad gloriam essentialem, & etiam de spectantibus ad accidentalem: nec aliter verus esset vniversalis ille loquendi modus *ab omni indigentia immunes*, & *sunt absque omni indigentia*: non enim cit *absque omni indigentia*, qui aliqua, etiam leuissima indigentia laborat. Et mirum foret, quod nunquā D. Thom. meminisset vulgarissimæ illius distinctionis gloriæ essentialis, & accidentalis, cum toties in dicto loco ea vtendi occasio occurrat, si ad mentem illius esset. Sed nec probaturus assertum, nec argumenta soluturus, illius meminit: quod esse non potuisse firmissimè censemus, nisi quia Beatos immunes esse cognovit ab omni indigentia, non solum quoad gloriam essentialem, verum etiam quoad accidentalem. Similiter si Angelicus Doctor solum de gloria essentiali loqueretur, non adeo suppressisset illud suum familiare, vrgēque principium, quo sæpissimè vtitur, ut vidimus §. 2. quæstionis præcedentis: videlicet, quod orationes nostræ, nostraque suffragia non possunt prodesse Beatis pro gloria essentiali obtinenda, quia iam illam habent. Huius autem principii, tam familiaris sibi, nullam mentionem facit, dum, an Beati nostris orationibus indigeant, disputat: ergo signum est, ipsum Anglicum Doctorem loqui non solum de gloria essentiali, sed etiam de accidentali, quam desiderant.

§ 2. Sed petit obijciens: Si illam desiderant: ergo ab illius indigentia non sunt immunes. Respondetur illam desiderare; est, ut illam habeant, nostris orationibus non indigere. Ratio est: Quia

sublimitas status beatifici potest quidē permittere absentiam alicuius rei ad ipsum accidentaliter spectantis, vsque dum omnino post diem iudicii consummetur: non tamen permittere potest, quod illud, quod abest, aliunde obtineri à Beato possit, nisi vi ipsius beatifici status. Indigere enim subsidio status inferioris cum tanta eminentia pugnat. Vnde constat, verum esse Beatos plura desiderare, & petere, & quod etiam sunt *immunes ab omni indigentia*; quia immunes prorsus sunt ab eo, quod nostris orationibus, suffragiisve indigeant, ut illa ipsa, quæ desiderant, nanciscantur. Vnico verbo: sunt *ab omni indigentia immunes*, quia illis, quibus iam fulgent, non egent: illa autem, quæ in se ipsis non habent, habent, vnde habeant, scilicet virtute sui felicissimi status, quin ope exulis auxiliantis indigeant.

Probatur deinde assertio hac brevitate eruta ex hæctenus dictis. Etenim Beati sunt summè felices: ergo nostris orationibus non indigent. Probatur consequentia: Quia summa felicitas omnem indigentiam excludit: ergo cum summa felicitate Beatorum non compatitur indigentia orationum nostrarum.

Confirmatur: Si Beati nostris orationibus indigerent, possent à nobis petere, ut pro ipsis intercederemus: consequens est omnino absurdum: ergo & antecedens. Cætera constant, & sequela probatur primò: Quia si illud possent à nobis petere, aliquando visi essent nos interpellantes, ut preces pro illis funderemus, sicut quotidie faciunt existentes in Purgatorio: ergo cum nunquàm Beati hoc fecerint, signum est, quod nobis nō indigent. *Secundò* probatur: Quia nos petimus ab omnibus Beatis, ut pro nobis intercedant, dicētes: *Omnes Sancti, & Sancta Dei, intercedite pro nobis*: ergo illi non possunt à nobis petere, ut pro ipsis oremus. Probatur consequentia primò: *Quia non est eiusdem orati, & quod pro eo oretur*, ut vidimus ex Divo Thoma num. 47. *Secundò*, quia est iniuriosa intercessio facta pro eo, cuius orationibus debet se intercedens commendare, ut eodem, & precedenti num.

vidi-

vidimus ex Augustino. *Tertio* denique, quia qui orat, est inferior respectu illius, ad quem orat: est prorsus insolens dicere, Beatos esse nobis inferiores: ergo non possunt à nobis petere, quòd pro ipsis intercedamus.

53. Secunda conclusio: *Possumus orare pro Beatiss ad hunc sensum, quòd nostræ orationes illis offerunt materiam, & occasionem gaudendi.* Hanc assertionem neminem credimus negaturum. Probaturque sic: Invenimus orationes factas pro Sanctis: sed illæ non possunt esse medium, ut Beati bonum aliquod consequantur: ergo deserviunt, ut occasionem gaudendi Beatiss offerentes. Consequentia sequitur: Ex quo enim orationes illæ non sint medium, quò Beati indigeant, nullum alium effectum habere possunt, nisi ministrare occasionem, qua gaudeant. Minor constat ex prima conclusione, maior autem probatur, quia omisissis aliis orationibus, D. Augustinus in soliloquiis loquens cum Deo de Beatiss, sic orat: *Da igitur, Pater, da eis semper gaudere de nobis, ut & tu semper per eos lauderis in nobis.*

54. Confirmatur: Nam ex viatoribus, & Beatiss constat unum corpus, cuius caput Christus est: ergo mutuo debent sibi bona sollicitare: ergo, & possunt pro se invicem orare. Antecedens certum est. Prima consequentia constat ex antecedenti, dicente D. Paulo 1. ad Corinth. cap. 12. num. 25. *Pro invicem sollicita sint membra.* Vbi sollicitudinem, quam inter se servât membra corporis naturalis exprimit, & ex illa eandem sollicitudinem inter membra corporis mystici adstruit. Deinde secunda consequentia probatur: Quia hæc sollicitudo, quam membra huius egregii mystici corporis debent inter se habere, optime explicatur per hoc, quòd pro invicem membra hæc preces fundant: de factoque Beati hanc sollicitudinem explicant orantes pro viatoribus: ergo & viatores ipsi illam eodem modo explicare possunt. Cum discrimine iam dicto, videlicet, quòd viatores indigent orationibus Beatorum: hi autem illorum precibus non egent: offerunt tamen il-

las ex mero affectu, & ut eo modo, quo possunt, suam sollicitudinem explicant, nempe gaudii occasionem ipsis offerentes.

55. Dices: Si ratio facta aliquid convincit, probat quidem orationem nostram pro Beatiss esse obligatoriam: at nemo asseret viatores obligatos esse ad orandum pro Beatiss: ergo dicta ratio, quia multum probat, nihil probat. Maior, in qua est difficultas, probatur: Quia sollicitudo, quam pro invicem habent membra corporis sive materialis, sive mystici, obligatoria est: eoque tenentur sibi invicem auxilii esse: ergo si ex hac radice provenit nostra oratio pro Beatiss, talis oratio sub præceptum cadit.

Respondetur negando maiorem. Ad probationem dicas, aliud esse sollicitudinem, quam ad invicem debent habere membra corporis mystici; & aliud medium, quo talis sollicitudo exercetur. Sollicitudo utique obligatoria est: sed medium, per quod exercetur, non semper est obligatorium. Primum patet ex textu allato, ubi membra pro invicem sollicita esse præcipiuntur. Secundum autem inde constat: Quia si suppetant plura media, quibus hæc sollicitudo exerceatur, tunc per eorum quodvis valet præcepta sollicitudo satishi. Quod potius verificatur, cum illis huius corporis eximii membris, quæ nullo obsequio indigentes summa felicitate fruuntur. Respectu horum tenemur ad sollicitudinem; non tamen ad orandum pro ipsis: quia nostris orationibus non indigent. Possumus tamen pro ipsis orare, & sic præceptâ sollicitudinem adimplere. Quia ex eo, quòd eis nostris orationibus gaudii occasionem offerimus, solliciti pro illis sumus, prout possumus.

§. II. *Solvuntur argumenta utramque assertionem impugnantia.*

56. **C**ontra primam conclusionem arguitur primum ex Innoentio III. qui verbis adductis n. 46. hæc addit: *Plerique reputant non indig-*

*dignum. Sanctorum gloriam usque ad iudicium augmentari, & ideo Ecclesiam posse augmentum glorificationis eorum optare.* Quibus verbis docet nos posse optare, exindeque petere gloriam Sanctorum.

57. Confirmatur: Quia hoc licet orare, quod licet desiderare. ex 2. 2. quæst. 83, art. 6. sed iuxta dicta numeri præced. licitum est optare Sanctorum glorificationem: ergo licitum est illam à Deo postulare.

Huic argumento plurimum detulit Magister Ioannes à Sancto Thoma, qui opinionem illam cognoscens, recurrit ad hoc, quòd Pontifex licet *expressè non refutet, non tamen sequitur illam.* Sic nodum istum enodatum putat gravissimus hic Theologus: eius tamen placito acquiescere non possum: Vnde contra illum

Disputo sic primò: Quia inibi Pontifex duas refert opiniones, & neutrius exprimit electionem: ergo non adest fundamentum, ut secunda reprobetur, ex hoc, quòd illam Pontifex non sequatur. *Secundò:* Quia id ipsum, quod dictus Magister dicit in explicatione illius textus, possunt dicere adversarii: ergo hæc sua explicatio non tenet. Probatur antecedens: Ait enim: *Opinio sustinet viatores posse orare pro Beatis, sustineri non debet, quia licet Innocentius, qui illa refert, non refutet, non tamen sequitur illam:* sed Adversarii possunt similiter dicere: nostra opinio tacitè approbata ab Innocètio est, quia illa referens, licet nò sequatur, nò refutat: ergo.

Disputo terciò sic: Quia inibi Pontifex duo dicit, seu refert. Primum est, quòd Sanctorum gloria usque ad iudicium augetur. Secundum, quòd possumus augmentum glorificationis optare: sed neutrum horum potest negare dictus Magister: ergo admittere debet id ipsum, quod respicit. Maior constat ex verbis ipsius auctoritatis obiectæ. Et minor pro prima parte probatur: Quia gloria, de qua ibi sermo est, est gloria accidentalis, ut de se constat, & docent N. Salmant. tract. 7. in annotationibus ad art. 9. quæst. 62. 1. part. sed gloriam

accidentalem augeri in Beatis usque ad iudicium, non potest negari à dicto Magistro: ergo tenet minor pro prima parte. Consequentia bona est. Et minorem docet D. Thomas citato articulo 9. ad 3. ubi ait: *Potest tamen augeri Angelorum gaudium de salute eorum, qui per ipsorum ministerium salvantur &c. sed hoc gaudium ad præmium accidentale pertinet, quod quidem augeri potest usque ad diem iudicii.*

Probatur eadem minor pro secunda parte: Nam supposito, quòd præmium accidentale Sanctorum potest augeri, nullum inconueniens adest in hoc, quod tale augmentum ipsis optetur. Non possumus orare pro Beatis iudicantes illos indigere nostris orationibus: Quia sic orare est iniuriam eis, eorumque perfectissimo statui facere: Ceterum optare præmii accidentalis augmentum nullatenus iniurium illis esse potest. Quam iniuriam Deo irrogavit illud Sanctitatis incendium, dum non potens ignem, quo amburebatur, celare, superstites, Cælestesque in stuporem adduxit, dicens: *Si Augustinus foret Deus, & Deus foret Augustinus &c.* Hisce flammis iniuriam nullam Numini irrogavit, sed ardentissimæ Charitatis Cœlestem rogam offendit. Sic prout potuit, obsequium Deo exhibuit, ipsi optans bonum abs dubio repugnans. Sic etiam desiderare possumus, Sanctos obtinere illud accidentale præmium, quod habituri sunt.

58. Dices: Si ita res se habet, non erunt duæ oppositæ opiniones, quas inibi Innocentius recenset: at hoc dici nequit, ut cuique textum legenti constabit: ergo doctrina data ruit. Probatur maior: Quia iuxta datam doctrinam ipsi etiam, qui primam illam opinionem ibi relatam tuerentur, debent tueri & secundam: ergo oppositæ non sunt.

Huius obiectionis solutio est facti argumenti responso, & textus suprapositi explicatio. Respondetur ergo: Inibi duplicem opinionem referri. Prima asserens, non posse viatores orare pro Beatis. Secunda docens, posse pro Beatis orare viatores. In quo oppositio non

non est, si modus, in quo procedit, inspectiatur. Etenim dum negat, nos posse pro Beatis orare, loquitur de oratione, quæ Beatum supponat illa indigentem; eoque adducit Augustinum dicentem: *Iniuriam facit Martyri, qui orat pro Martyre*. Dum autem asserit, posse nos pro Beatis fundere preces, loquitur de oratione, quæ solum reputatur posse deservire, ut sit occasio, qua beatus gaudeat. In quo nulla iniuria adest, sed adimplatio moniti D. Pauli, supra dati, videlicet: *Pro invicem sollicita sint membra*. Ex quo constat textus adducti explicatio, & quod ille quoad partem, quæ nunc nobis obicitur, non est contra primam nostram conclusionem, sed potius firmat secundam.

Ad confirmationem patet ex dictis: Nos quidem posse orare, & petere præmium accidentale Sanctorum, non tamen, quia iudicemus, Sanctos illo nostro desiderio, & petitione egere: sed quia ex pio in ipsos affectu modo, quo possumus, sollicitudinem nostram erga eos exhibemus.

59. Arguitur secundò: Quia non est indecens statui Beatorum, quod non possint mereri: ergo possumus mediis nostris orationibus mereri præmium illud accidentale, quod habituri sunt Beati. Antecedens est certum, & consequentia probatur: Eò non possemus orare pro Beatis, quia ipsi ratione sui status habent, quicquid requiritur, ut obtineant præmium accidentale, quod habere possunt: sed licet hoc verum sit, non tamen verum est, quod possint mereri illud præmium: ergo possumus nos mereri illud ipsis; ut sic pluribus titulis habeant illam gloriam accidentalem.

60. Confirmatur: Possumus Deo gratias agere pro præmio, quod iam habent Beati: ergo possumus à Deo petere præmium, quod habituri sunt. Antecedens constat, & consequentia probatur: Quia sicut gratiarum actio est pars orationis; sic etiam petitio: ergo sicut gratiarum actio potest exerceri erga Beatos, sic etià petitio. Adde: quod petitio perfectior est, quàm gratiarum actio: atque adeò si id, quod est minus perfec-

tum, non habet repugnantiam cum statu beatifico, minus repugnabit magis perfectum.

Respondetur augmento, cōcesso anteceditur, neg. consequentiā. Licet enim possumus nobis, alii que mereri: non tamen mereri aliquid possumus Beatis, sicut nec dānatis: his ob sui summā miseriam; illis verò ob sui summā felicitatem. Est quippe prorsus dissonum, quod Cœlestis Aula cādidi ad miseris, vel minimā depēdentiā habeant. Et certè Suarez, cuius est hoc argumētum, non multū cōstans videtur: quia immediatè antè dixerat, orantem pro Beatis illis iniuriam non esse, quia non orat ex *presumptione plus valendi apud Deum, quàm valeant ipsi Beati*. Nunc verò vult, nos posse mereri Beatis, quod supponit, & bene, ipsos facere non posse: ergo relatè ad hanc circumstantiam *merendi*; si Beatis prodesset, non posset nostra oratio pro ipsis fieri, quin esset ex intētionē *plus valendi apud Deum, quàm valeat ipsi Beati*.

Nec aliquid perfectionis accrescere potest Beatis, quod præmium accidentale, quod habent, meritorie habeant: Si namque hoc aliqua perfectio ipsis esset, vel illam virtute sui status haberent; vel si à nobis ipsis proveniret, non posset non ille felicissimus status esse hac ex parte imperfectus. Præterquam quod illa ipsa præmia accidentalia, quæ consequuntur, etiam meritorie habent, ut doctè observant N. Salmant. tract. 16. disp. 1. dub. 4. num. 34. dicentes: *Totum illud, quod Beati denuo possunt acquirere, ut est gaudium accidentale, & gloria corporis, debetur eis ratione prioris meriti, quo, dum essent viatores, meruerunt beatitudinem essentialē: ex quo etiam eis debetur, ut, dum orat pro nobis, exaudiantur: sunt enim omnia hac quasi complementum, & corollarium consequens illam beatitudinem: & ita non indigent novo merito, sed cadunt sub merito ipsius beatitudinis*.

Ad confirmationem constat ex dictis, nos posse gratias agere Deo pro Beatorum gloria, in quo nulla Beatorum, nec beatifici status imperfectio ostenditur; daretur tamen, si propter influxum nos-

nostrarum actionum illi sua præmia accidentaliter haberent. Vnde possumus Deo gratias reddere, & quia gloriam essentialiter illis contulit, & quia ad statum penitus à nobis independentem sublimavit.

Et si hæc confirmatio, quæ etiam est eximii Suarez, aliquid probaret, convinceret quidem nos posse orare pro Christo Domino. Quod certe animus Christianus abhorret. Sequela autem videtur nota ex ipsa paritate: quia Deo Patri gratias agimus, quod sic dilexerit Mundum, ut Filium suum unigenitum daret. Gratias agimus, quia exaltavit illum, & dedit illi nomen, quod est super omne nomen: ergo si ex gratiarum actione petitionem inferre licet, poterimus rogare pro nostro piissimum Redemptore. Per quæ patet ad additamentum.

61. Arguitur tertio: Multoties apparere Beati perentes à viatoribus, ut orent pro aliquibus indigentibus: ergo Beatos non dedecet, quod pro ipsis orent viatores. De veritate antecedentis dubitare non licet. Consequentia autem probatur primo: Quia si petunt Beati à viatoribus, ut orent, quin hoc indecens sit eorum gloriæ, pariter & viatores poterunt pro ipsis orare. *Secundo* probatur consequentia: Quia Beati desiderant remedium illius indigentia, & vocant in auxilium viatores, ut multiplicatis intercessoribus, quod desiderant, consequantur: ergo similiter poterunt viatores subvenire Beatis, dum ad Deum orant.

62. Confirmatur primo: Plus distat peccator à iuxto viatore, quam hic à comprehensore: sed peccator orat pro iuxto viatore: ergo & hic pro comprehensore orare potest.

63. Confirmatur secundo: Dantur aliqui iusti viatores maiorem charitatem habentes, quam multi comprehensores: ergo pro istis poterunt illi orare. Probatur consequentia: Quia habens perfectiorem charitatem perfectior est: ergo viator habens charitatem perfectiorem, perfectior, ac superior est relatè ad Beatos inferiori charitate prædi-

tos: atque aded poterit orare pro illis.

Respondetur argumeto: Distinguen- do antecedens: *indigentibus* propriis, nego suppositum. Alienis transeat antecedens, & negetur consequentia. Ad primam probationem dicas: Illam Beatorum loquutionem non esse petitionem, sed imperium Dei, quod viatoribus intimant: vnde non ab illis petunt, sed iubent. *Ad secundam* probationem negetur, quod Beati vocent in auxilium viatores. Nil tale fit: sed quia Deus discernit plura facere media oratione, ut ex D. Thoma vidimus disp. 3. quæst. 1. Propterea nomine Dei personæ petitionem præcipiunt, ut pro tali, vel tali persona; pro tali, vel tali indigentia, preces iudat.

Et sanè non solum Beatus, sed ipse Deus multoties hoc facere non dedignatur. Multoties enim dilectissimæ Sponsæ suæ, ac Matri nostræ D. Theresiæ præcepit, ut pro aliquibus oraret: quin ex hoc sequatur, quod illa Dei loquutio sit petitio, aut quod suæ Sponsæ auxilium quaereret. Pariformiter, debita proportionem, in nostro casu.

Ad primam confirmationem, omis- sis præmissis, negetur consequentia: quia iustus viator tam ex se, quam ratione status orationibus eger. Vnde nil mirum, quod pro ipso oretur. In Beatis autem locum non habet oratio ob op- positam rationem, ut dictum est.

Ad secundam confirmationem dicendum: Quod viator maiorem charitatem habens est inferior, quam Beatus minori charitate decorus: quia hæc minor charitas consummata, & inamissibilis est: illius verò maior charitas non est inamissibilis: Vnde non potest pro illo orare oratione, quæ medium esse possit, ut Beatus aliquod præmium acquirat.

64. Arguitur ultimum contra secundam conclusionem: Ex nostra oratione pro Sanctis nullus fructus sequitur: ergo inutilis est: ergo fieri à nobis non potest. Hæc secunda consequentia ex prima constat: oratio enim inutilis vitiosa est; eoque non potest fieri. Prima consequentia sequitur ex antecedentibus quod probatur: quia si aliquis fructus

sequeretur, non posset non esse præmium accidentale: sed præmium accidentale Sæctorum non habetur ex nostris orationibus pro ipsis: ergo.

Respondetur: Ex nostra oratione pro Sanctis plura sequuntur bona, quæ illam non inutilem, sed honestam, & actum charitatis, Religionisque esse ostendunt. Primum enim sequitur adimpletio ipsius suprapositi præcepti: *Pro invicem solliciti sint membra*: Quia modis hac oratione sollicitudinem istam, prout possumus, explicamus. Ex quo secundò sequitur ipsorum Beatorum de nostra hac sollicitudine gaudium.

65. Dices: D. Thomas dist. 45: pluries citata ex 4. sentent. negat Sæctos gaudere de nostris bonis operibus, docens, quòd si de illis gauderent, illis iuvarentur, & præmium essentiale eorum variaretur: ergo de nostra oratione gaudere non possunt Sancti.

Respondetur: D. Thomam inibi clarissimè vitramque nostram conclusionem docere. Air enim, quòd *ratio gaudendi in Sanctis de quibuscumque gaudent, est ipse Deus*: Vnde ex hoc, quòd bona multiplicentur, de quibus gaudendi ratio eis Deus est, non sequitur, quòd in-

terius gaudeant, sed quòd de pluribus gaudeant: & idè non sequitur, quòd operibus nostris iuventur. Quibus docet Angelicus Doctor, quòd Beati nostris orationibus non iuventur: quia non sint ratio formalis, qua Beati gaudium habeant, quòd certè firmat nostram primam conclusionem. Verùtamen nostris orationibus habent, quòd de pluribus gaudent: quia nostræ orationes materiam eis ministrant, ut de Deo, qui *gaudendi ratio est*, gaudeant. Et hoc est, quòd in secunda conclusione asserimus. Ex quo non sequitur, quòd præmium essentiale Beatorum varietur, quia ratio formalis gaudendi, qui est Deus, non variatur.

Ultra dicta sequitur ex nostris orationibus in Beatis nominis eorum honor, cultus, & exaltatio apud homines: ad eum modum, quo de Deo hoc ipsum desideramus, dum in oratione dominice dicimus: *Sanctificetur nomen tuum*. Vnde sicut ob hoc motum orationis hæc Deo facta Sancta, & salubris est: sic etiam virtuosa est oratio facta ipsi

Deo pro Sanctorum exaltatione, ipsorumque nominis claritate.

## QVÆSTIO TERTIA.

*Verùm orare possimus pro damnatis, ut ab æternalibus flammis liberentur?*



Balmæ Sionis Emulis ad æternaliter catenatos convertimur, ut an erga ipsos aliquid oratio valeat, videamus.

§. I. *Titulus explicatus, sententia que proposita.*

Dupliciter intelligi potest, quòd nostræ orationes damnatis proficiunt. Primum ut à fetido illo carcere liberentur. Secundò, ut mitius ibi puniantur. De hoc secundò agemus quæstione sequenti, de illo primo agimus in præfenti. Nec loquimur de illo, de quo Deus revelaret, damnatum ad tempus esse: pro hoc enim orare possemus, sicut & pro existentibus in Purgatorio

À SPIRITU SANCTO,

rogamus. Cum hoc tamen stat, quòd non debemus pro nunc supplicare, Inferni pœnas æternas esse: si namque in æternum supponantur duraturæ, non potest quæstionem habere locum. Vnde exploramus, an vis, potestasque orationis tanta sit, ut abyssi catenas abrupte valeat, eisque catenatos liberare. Qua in re sunt diversissimæ opiniones, illas referent Cardinal. Bellarmin. lib. 2. de Purgat. cap. 1. Thomas Hurtado 1. part. Resol. Moral tract. 5. cap. 6. Resol. 51. Et alii Doctores, qui à D. Thoma didicerunt in 4. dist. 45. quæst. 2. art. 2. quæstiunc. 1. à quo, & nos mutuantes, sicut à communi Magistro, non omnia, sed aliqua accipiemus, inter quæ nonnulla pro sequenti quæstione

X.

tionis

tione præmissa volumus.

66. Prima ergo opinio est eorum, qui asseruere, ante diem iudicii aliquos damnatos iuvare nostris suffragiis post diem verò iudicii nulli damnatorum nostras orationes profuturas. Alii dicebant, fidelibus orationes, & suffragia prodesse, adhuc in Inferni voragine: infidelibus autem prodesse non posse. Et tantum crescere potest multitudo, seu efficacia orationum pro fidelibus damnatis factarum, ut illos ab Inferno liberaret, non pro semper, sed vsque ad diem iudicii. Ab illa autem postrema die vsque in sempiternum sub tartara iterum mittendi sunt miseri illi redempti. Sic opinatus est Præpositiv. contendens sic vitatum Origenis errorem, qui sine hac limitatione absolute liberandos esse, dixit.

67. Altiſiodorensis dixit, orationes nostras damnatis prodesse, nò quia poenam auferant, sed quia illam patientes confortant, ut sic possint post orationem suos cruciatus robustius tolerare. Aliorum opinio est, quòd licet orationes non liberent à poena, nec illam minuunt: oſerunt tamen levamen aliquod, quod damnati habent, videntes se in orationum memoria permanere.

68. Alios refert D. Augustinus l. 7. 21. de Civitate Dei cap. 18. & 24. asserentes, omnes omnium damnatorum poenas, præter Diaboli, temporales esse: unde omnibus hominibus dānatis orationes proferas fore autumabant.

69. Pluribus tādem erroribus circa præsentem materiam omisis, dixere alii, omnes illos, qui pauperibus suis elemosynis subveniunt in hac vita, non esse æternaliter damnandos in futura, dicente Christo Domino apud Matth. cap. 5. *Beati misericordes, quoniam ipsi misericordiam consequentur.* De his, aliisque huc spectantibus, vide laudatum D. Thom. & etiam dist. 45. q. 2. art. 3.

Dicta omnia in hoc cōveniunt, quòd possumus preces fundere pro damnatis, sive pro omnibus, excepto Diabolo, sive pro aliquibus: sive ut liberentur absolute, & pro semper: sive solum ad tempus: secundum quod, prout vi-

dimus, Inferni poenas non semper duraturas suspicantur.

70. Sententia alia hæcenus dictis extremè opposita docet: Vitiosum esse preces fundere pro damnatis, quia Inferni tormenta æterna sunt. Sic sentiunt omnes Patres, Theologi quique omnes cum Mag. in 4. dist. 45. & omnes D. Thom. Expositores cum ipso Mag. Ang. 3. p. q. 84. art. 1. Sic etiā docet Sersaph. Mater nostra Diva Theresia in de itin. cap. 1. §. *O Redemptor mio.* Et cap. 40. §. *Accordas, hijas mías.* Et lib. vitæ. cap. 32. ubi mirisimè de inferno, de poenarum perpetuitate, ac inexorabili punitione loquitur pro animarum profectu. Sic denique Mysticæ Theologiæ Princeps D. Dionysius Areopag. cap. 7. de Ecclesiast. Hierarch.

## §. II. Veritas sectanda proponitur.

71. **N**OSTRA cōclusio: Pro damnatis orare non possumus, ut a poenis liberentur. Probatur primò veritas hæc ex Sacra Scriptura: Nam apud Matth. cap. 25. ait Iudæx omnium super omnia. *Iu, maledicti, in ignem æternum, qui paratus est Diabolo, & Angelis eius.* Et ne putares, quòd licet ignis æternus sit, non tamen habitatio damnatorum in illo, adiecit: *Et ibunt ibi in supplicium æternum, Iusti autem in vitam æternam.*

It. in Apocalypsi c. 10. dicitur: *Diabolus, qui seducebat eos, missus est in flagnum ignis, & sulphuris: ibi est, & Pseudopropheta cruciabitur eis, ac nocte in sæcula sæculorū ibi apud Iesum c. ultimo dicitur: Ignis eorum non extinguetur.*

Quo fundamento ductus Gregorius III. in Epist. decretali. 1. ad Bonitacium, quæ habetur tom. 3. Concil. p. 1. & refertur in cap. pro cœmentibus 13. quæst. 2. docet eandem veritatem dicens: *Sancta sit tenet Ecclesia, ut quisquis pro suis mortuis verè Christianis offerat oblationes, atque Presbyter eorum faciat memoriam. Et quamvis omnes peccatis subiacemus, congruit tamen, ut Sacerdos, non nisi pro mortuis Catholicis memoriam faciat, & intercedat: non enim*



*enim pro impiis, quamvis Christiani fuerint, tale quid agere licebit.* Vbi solum pro defunctis *verè Christianis* oblationes, orationesque offerri posse tradit: pro illis autem, qui *verè Christiani non sunt*, hoc est, qui operantur, ac si Christiani non essent sic q̄ decedunt, orandum non est.

Quæ distinctio fundatur in ipsa natura poenarum æternalium, & orationis. Etenim oratio ex se tendit in rem consequibilem; aliter non erit oratio. Similiter in gravi culpa decedens puniatur poena culpæ gravi correspondente, quæ secundum fidem æterna est, ut patet ex dictis, docetque D. Thomas 1. 2. quæst. 87. art. 3. de quo vidèti sunt N. Salmant. tract. 13. disp. 17. dub. 3. Ex quo habetur, quod oratio non potest respicere ut rem postulandam damnatorum liberationem. Quippe, ut hoc fieret, necessarium erat, vel quod oratio tendere posset in rem non assequibilem: vel quod dānatorū liberatio res cōsequibilis foret, quæ duo prorsus repugnant.

72. Quamobrem D. Thomas loco citato ex Sententiæ. dist. 45. hæc de opinione nobis opposita tradit: *Est nihilominus, & prædicta opinio præsumptuosa, utpote Sanctorum dictis contraria, & vana, nulla auctoritate sulsa, & nihilominus irrationalis, tum quia damnati in Inferno sunt extra vinculum Charitatis, secundum quam opera vivorum cōtinuantur defunctis: Tum, quia totaliter ad viam terminum pervenerunt, recipientes ultimam pro meritis retributionem, sicut & Sancti, qui sunt in Patria.* Vbi duplicem rationem efficacem nobis proponit Doctor Angelicus:

73. Prima est: Oratio vivorum non habet, quo pervenire possit ad damnatos: ergo illis prodesse nequit: ergo pro illis orandum non est. Hæc secunda consequentia apertè constat ex prima, quam antecedens benè inserit, illudque probatur: Ut vivorum oratio posset pervenire ad damnatos, deberet esse inter vivos, damnatosque continuativū, quo tāquā vinculo uniretur: tale continuativū non datur: ergo nō est, quo oratio vivorū possit ad dānatos perve-

nire. Consequentia sequitur, & maior vel inter res materiales nota est. Non enim potest aqua, vel vox ab vno extremo in aliud pervenire, quin detur medium, quo tamquā vinculo extrema illa uniantur, & continuentur. Deinde probatur minor primò: Nō datur vinculum, vbi repugnat charitas, quæ est *vinculum perfectionis ex ad Colosens. 3. v. 14.* in damnatis repugnat charitas: ergo & vinculum, quo orationes continuantur. *Secundò* probatur minor: Vbi repugnat ratio proximi, repugnat vinculum, quo orationes continuantur: in damnatis repugnat ratio proximi: ergo & vinculum, quo orationes continuantur. Consequentia formalis est, & maior constat: Quia si sic non esset, possemus quidem orare pro dæmone, & etiam pro irrationalibus. Minor autem supponi debet ex 2. 2. quæst. 25. Vide N. Salmant. tract. 19. disp. 2. dub. 3. num. 35.

Ad hæc magis requiritur ut pro aliquo possimus orare, quā, ut ipse sit noster proximus: siquidem Beati sunt nostri proximi, & pro illis orare non possumus oratione aliquod bonum ipsis impetrare præsumente: sed damnati non sunt nostri proximi, ut modò vidimus: ergo non possumus fundere preces pro illis.

74. Secunda ratio est: Damnati sunt totaliter extra viam; quippe *totaliter ad viam terminum pervenerunt*: ergo illis prodesse non possunt superstitium orationes. Patet ista primò à patitate: Eō nostræ orationes prodesse non possunt Beatis, quia totaliter ad viam terminum pervenerunt: ergo pariformiter de damnatis. *Secundò*: Quia si damnatis orationes prodesse, iis mediis moverentur in terminum, pro cuius adeptione prodesse: sed damnati non possunt in terminum moveri: ergo nec orationibus iuvari. Maior constat: Quia nihil aliud intelligitur per hoc, quod alicui profint orationes, nisi quod mediis illis tendat in terminum, quem orans desiderat. Minor verò probatur: Nam qui est in termino, in terminum moveri repugnat: damnati *totaliter ad*

via terminum pervenerunt: ergo non possunt in terminum moveri.

75. Explicatur hoc: Etenim duo sunt termini creaturæ rationalis, scilicet, terminus perditionis, in quo damnati sunt, & terminus felicitatis, in quo sunt Cœlestis Aulae milites, & in quem orationes ordinant illum, cui profunt: sed damnati in nullum ex his terminis moveri valent: ergo. Probatur minor pro prima parte: Quia in illo infelici termino iam sunt; unde moveri in illum non possunt. Quoad secundam probatur etiam: Quia ut quis moveatur in terminum beatitudinis, debet esse in via: ergo cum damnati sint iam totaliter extra viam, implicat quod in illum moveantur.

### §. III. *Aliquot obiectiones adducuntur.*

**D**icta omnia reducuntur ad auctoritates, quibus pœnarum æternitatem comprobavimus, & ad rationes ex illis auctoritatibus deductas: Contra illa tamen sunt nonnullæ obiectiones, quibus oportet occursum ire, ut asserta veritas penitus percipi valeat.

76. Obiicies primò: Quamquàm attenta providentia ordinaria æternæ sint pœnæ, quas damnati patiuntur: inspecta tamen extraordinaria providentia finem habere possunt, ut apud omnes in confesso est: sed hoc sufficit, ut possimus pro illa tormenta patientibus orare: ergo datæ auctoritates non excludunt nostras orationes pro damnatis. Probatur minor: Ex quo sumus certi, quod Deus potest damnatos ab Inferno liberare, talis liberatio est consequibilis, desiderabilis, & appetibilis: ergo & postulabilis.

Respondetur omiſſa maiori, negando minorem. Ad probationem tranſeat antecedens, & nego consequentiam. Itaque res, quam petere in oratione possumus, debet esse ex iis, quæ attenta providentia ordinaria fiunt: nec fat est, quod per absolutam potentiam fieri possint, ut à nobis postulari valeant, propterea quæ, ut communiter observant Theologi, quos inter videre potes Magistram Torre 2. 2. quæst. 83.

art. 5. disp. 2. num. 4. non possumus à Deo petere tantam Sanctitatem, ac fuit in Apostolis, ac in Cœlorum Regina: & certè Sanctitatis gradus illis æqualis, imò & superior, possibilis est, & desiderabilis. Verum quia scimus, decretum à Deo esse, quasdam singulares personas, sicut in dignitate, sic etiam in Sanctitate inter omnes alias eminere: propterea non esset oratio, sed potius audax præsumptio illum gradum Sanctitatis petere. Sic etiam præsumptio puniendam foret, petere à Deo liberationem damnatorum; cum sciamus, statutum à Deo pœnas damnatorum nunquam finiendas. Quod nobis constat ex dictis num. 71. & aliis pluribus, quæ communiter circumferuntur.

77. Obiicies secundò contra primam rationem positam num. 73. damnatos ex Charitate diligimus: ergo inter superstites, & damnatos datur vinculum, quo orationes continuari possint. Paret ista ex dictis numero citato. Et antecedens probatur primò: Quia est expressum D. Thomæ 2. 2. quæst. 25. art. 11. *Secundò* probatur antecedens: Quia sicut Deus est obiectum primarium Charitatis, ira & Fidei: sed damnati sunt obiectum secundarium Fidei: ergo & Charitatis. *Tertiò*: Creaturas irracionales ex charitate diligimus, ut docet D. Thomas citatus art. 3. in corpore: ergo & damnatos. Paret ista, quia maior remotio est inter superstites, & irracionales, quàm inter illos, & damnatos. *Quartò* denique: Quia illum, de cuius damnatione omnino certi sumus, ex charitate diligimus, ac pro eo oramus: v. g. Antichristus, de cuius reprobatione nobis constat, & eapax est, ut à nobis diligatur, & ut pro ipso deprecemur: ergo pariformiter de damnatis dicendum est. Antecedens est certum, & consequentia constat à paritate.

Respondetur negando antecedens, quod nulla ex iis probationibus suadet, ut constabit audienti D. Thomam, qui dicto art. 11. ait: *Aliquid ex Charitate diligitur dupliciter. Vno*

mo.

modo sicut ad quem amicitia habetur: & sic ad illos spiritus (damnatos) charitatis amicitiam habere non possumus: pertinet enim ad rationem amicitiae, ut amicis nostris bonum velimus. Illud autem bonum vita aeterna, quod respicit charitatem, spiritibus illis à Deo aeternaliter damnatis, ex charitate velle non possumus. Hoc enim repugnaret charitati Dei, per quam eius iustitiam approbamus. Alio modo diligimus aliquid, sicut quod volumus permanere, ut bonum alterius: per quem modum ex charitate diligimus irrationales creaturas, in quantum volumus eas permanere ad gloriam Dei, & utilitatem hominum, ut supra (art. 3.) dictum est. Et per hunc modum, & naturam demonum etiam ex charitate diligere possumus: in quantum scilicet volumus illos spiritus in suis naturalibus conservari ad gloriam Dei.

Hæc Angelicus Doctor loquutus de dæmonibus, inter quos, & homines damnatos nullum est quoad præsens discrimen. Ex dictis ergo patet, quod amor Charitatis, qui amatum respicit ut amicum, & proximum, est ille solus, qui termino amato bonum vult, atque adeo qui illi petit illud bonum, non potest charitatis velle alicui bonum, quod non sit vita aeterna, vel ad illam ordinatum; sicut nec oratio potest petere nisi vitam aeternam, vel quod ad illam dirigitur: ut in superioribus dictum est cum D. Thoma eadem 2. 2. quæst. 83. art. 9. Vnde, cum damnati omnes sint incapaces aeternæ vitæ, propterea non possumus eos diligere ex charitate amicitiam fundante, nec bonum ipsis desiderare, nec pro ipsis petere. Et aliter facere turpissimum foret, quia *repugnet charitati Dei, per quam eius iustitiam approbamus*. Illo alio charitatis amore amicitiam non inferente, damnatos diligere possumus, sicut & creaturas irrationales. Ex hoc autem amore non habetur, quod pro illis orare possimus, sicut nec quod sint nostri proximi. Et licet minus distent à nobis, quam creaturæ irrationales, hæc minor distantia non pertingit ad amicitiae amorē. Per quod patet ad primam, & tertiam obiectionem.

tionem.

Ad secundam respondet D. Thomas dicto art. 3. *Ad tertium dicendum, quod fides se potest extendere ad omnia quocumque modo vera; sed amicitia charitatis se extendit ad illa sola, quæ nata sunt habere bonum vitæ aeternæ. Vnde non est simile.*

Ad ultimam respondetur, quod sicut reprobi, & etiam ipse Antichristus, habent Angelum custodem, à quo in bonum inclinentur, ab inimicis tueantur, ac cohibeantur, nè adeo pravi sint ac sine illa custodia forent; ut docet Divus Thomas 1. p. quæst. 112. art. 4. ad 3. sic etiam pro omnibus illis orare possumus, ut minùs ut auxilia consequantur, quibus suffulti minùs mali sint, quam sine illis, quod sufficit ad veram amicitiam, supposita absoluta potestate, quæ habent consequendi beatitudinem, quæ certè non verificantur de damnatis; atque adeo non possumus eos amicitiam diligere, nec pro illis petere.

78. Dices: Illi, de cuius reprobatione sumus certi, nullum bonum velle possumus: & tamen illum, ut modò diximus, diligimus ex Charitate amicitiam: ergo etiam hoc modo possumus diligere damnatos. Probatior maior: Illi, de cuius reprobatione sumus certi, non possumus velle beatitudinem, nec ipsi illam petere: ergo nec aliud bonum. Consequentia constat ex dictis: Diximus enim, nos non posse ex charitate velle, aut petere bonum aliquod illi, cui non potest desiderari, aut peti beatitudo; quia quodcumque bonum ex charitate volumus, aut petimus, debet esse vel aeterna vita, vel bonum ad ipsam ordinatum. Antecedens autem probatur.

Primo: Quia tale desiderium, & petitio *repugnet charitati Dei, per quam eius iustitiam approbamus*, ut nuper dicebat D. Thomas. Secundo probatur antecedens: Quia ut diximus dispnt. 3. quæst. 1. licet nostrum desiderium in petendo regulari debeat per voluntatem Dei antecedentem, dum nobis non constat de consequenti; dum autem de consequenti nobis constat, per illam re-

regulandum est, sed modò vt supponimus, licèt sciamus Deum velle hunc hominem saluum fieri voluntate antecedentis, scimus etiam voluntate consequenti illum reprobasse: ergo.

79. Probatur tertio illud antecedens: Idèò pro damnatis non possemus desiderare, aut petere beatitudinem, quia eius sunt incapaces: sed homo, de quo loquimur, est incapax consequendi beatitudinem: ergo illam illi desiderare, aut postulare non possumus.

Si dicas, esse discrimen, quia licèt homo, de quo loquimur, sit incapax ex suppositione, absolutè tamen capax est: Vnde ipsi possumus desiderare, aut petere beatitudinem.

Contra est: Quòd etiam damnati sunt beatitudinis incapaces ex suppositione status, in quo sunt: absolutè verò, attentà eorum natura, capaces sunt videndi, & amandi Deum: ergo vel damnatis possumus desiderare, & petere Beatitudinem, vel non possumus illam desiderare, aut petere homini isti.

Respondetur negando maiorem. Ad probationem nego antecedens: ad cuius primam probationem dicas: hominem istum, etiam in sensu composito decreti de sua reprobatione, esse absolutè mobilem in beatitudinem: quia ad hoc fat est, & requiritur, quòd absolutè sit capax beatitudinis. Indidemque iste homo potest per longum tempus in gratia permanere; potest plurima bona opera facere, & multa mala vitare. Nihil ergo desideratur, vt ipsi hæc bona, quæ potest habere, & illud, in quod mobilis est, desiderentur.

80. Quod vt prorsus calleas, rogo: Homo iste reprobus, cum est in gratia, vt potest, imò & in gradu sublimissimo Sæctitatis, diligitur à Deo amore amicitiae? Malè apud Fidei audires, si negares. Si ergo Deus sic diligit reprobum pro tempore, quo in gratia est, paritèr & nos illum diligere debemus pro tempore, quo capax est gratiae: quippe nostra *charitas non exigit communicationem in vita Divina in actu, sed sufficit, quòd sit in potètia, quia quod est in potètia quodammodo est* ait Divus

Thomas in 3. dist. 28. quæst. 1. art. 4: ad 1. Vnde amor circa hunc hominem non repugnat *charitati Dei, per quam eius insittiam approbamus*: quin potiùs est tali charitati conformis.

Ad secundam probationem antecedentis respondetur, quòd sicut nobis constaret de illius hominis reprobatione: sic etiam constaret de voluntate Dei, volentis, vt illum amore amicitiae diligeremus, pro tempore, quo non amittit capacitatem ad gloriam, & ad media, quibus gloria consequitur: sicut & ipse Deus illum diligit pro toto illo tempore, quo perseverat in gratia; quin iste Dei amor erga illum reprobum pugnet cum decreto de ipsius reprobatione. Vnde, quia debemus regulare nostrum desiderium, orationemque cum eo, quod scimus à Deo decretum; propterea hunc reprobum amore amicitiae diligere debemus: quia scimus, esse voluntatè Dei, quòd mobilè in beatitudinem, & mediis, quibus obtinetur ipsa, decorum, seu decorari potentem; diligamus.

Ad tertiam probationem ad mittimus solutionem inter arguendum datam, ad cuius improbationem dicimus, quòd damnati non sunt capaces gratiae, nec aliorum, quæ hominem perducunt ad gloriam, cuius contrarium evenit in reprobo viatore. Hic enim, etiam in sensu composito decreti, non est in termino, vnde retinet mobilitatè in duos illos terminos num. 75. dictos, ac per consequens potest iam in vnum, iam in alium tendere.

81. Obiicies tertio contra secundam rationem num. 74. positam, & potest esse replica contra modò dicta: Licèt repugnet, quòd ille, qui est in vno termino, moveatur in ipsum terminum, in quo est; non tamen repugnat, quòd in alium terminum moveatur: ergo licèt damnati sint totaliter extra viam relatè ad terminum, in quo sunt, possunt moveri in terminum beatitudinis: sic enim suadet paritas termini motus materialis, vt illam considerans cognoscat.

Respondetur ex N. Salmant. tract.

76. disp. 1. dub. 4. num. 29. *Quid licet non repugnet existentem in vno termino moveri ad alium, quando terminus ille, in quo existit, non est ultimus, sicut autem quando praeditus terminus habet rationem ultimi, qui sicut existentem in eo constituit extra viam simpliciter, ita ex natura rei petit, quod ulterius non moveatur.* Per quod soletur obedi, aut si convinceret, probaret quidem, Beatos esse mobiles in damnatio. emperque ideo deberemus à Deo petere, ne istos damnaret. Quod ingens absurdum est.

82. Dices: Licet Beati sint in termino ultimo, atque adeo sint ex natura rei immobiles ad alium terminum: tamen per posse absolutum non implicat, quod in alium terminum moveantur, ut docent laudati Patres num. 23. & 31. ergo existentia in vno termino ultimo non pugnat cum motu in alium.

Respondetur, quod licet hoc concederemus, nil tamen inferre posset contra nostrum assertum: siquidem, ut diximus num. 76. in oratione petere à Deo debemus, quæ providentiæ ordinariæ subsunt: non autem, quæ ad absolutum spectant.

Dicimus tamen cum iisdem N. Salmanticens. quod existens in termino ultimo, qui eo ipso est simpliciter talis, potest de posse absoluto moveri in terminum secundum quid talem: In terminum autem alium simpliciter implicat omnino motus: unde Beati, ex quo sunt in termino ultimo, ac simpliciter tali, solummodo in terminum secundum quid, & hoc per posse absolutum, moveri possunt, quare solum moveri possunt ad merendum aliquod præmium accidentale, vel novum aliquem gradum præmii essentialis.

Vnde in forma respondetur distinguendo antecedens: *In alium terminum simpliciter talem, nego: secundum quid, subdistinguo: in alium terminum secundum quid, & nullam oppositionem dicentem cum termino ultimo, in quo sunt, concedo: dicentem aliquam oppositionem, nego: antecedens. Deinde distinguo consequens: Cum motu in alium ultimum, & simpliciter talem, ne-*

go. Non ultimum, sed secundum quid, subdistinguo: Si non dicat dictam oppositionem, concedo: si illam dicat, nego consequentiam. Mereri præmium aliquod accidentale, aut novum gradum gloriæ essentialis, nec est in terminum simpliciter talem tendere, nec opponitur cum beatitudine. Quod autem damnati moveantur in beatitudinem, & esset in terminum simpliciter ultimum, & terminum penitus pugnancem cum termino, in quo sunt, respicere.

#### §. IV. Testimonium Divi Dionysii mysticæ Theologiæ Principis in comprobationem nostræ conclusionis.

83. **I**n signis Mystica D. Dionysius propositum nostram assertionem suaderi loco citato supra sic dicens: *Non enim Summus Sacerdos Divina Iustitia Propter petret aliquid nisi à Deo amabilia, & ab eo donari divinitus promissa: propter quod pro invocandis non orat hic dormientibus: quoniam non solum Prophetico in hoc advertetur ordine, & quid hierarchicorum superius anderet à perfectionem Principis merendus, sed quia in ipsam orationem non consequeretur, à in eloquio ipse non immerito audiens: petitis, & non accipitis, quia male petitis.* Post quæ concludit: *ergo Divinus Summus Sacerdos expectat Divinitus promissa, & amabilia Deo, & omnino donanda.*

Non est verbum in his, quæ ex Areopagita excerptimus, quod nostram assertionem non suadeat. Ait enim, Sacerdotem sua oratione non petere nisi ea, quæ sunt *Deo amabilia, & ab eo donari Divinitus promissa.* Ex quibus constat, cuius conditionis sit res in oratione petenda: quippe debet esse bona, seu amabilia Deo, & ex iis, quæ Deus dare promittit: si namque mala sit in se vel non sit ex à Deo promissa, non est materia in oratione petenda.

Quod expressius docuit idem Dionysius ultimis verbis asserens in oratione esse petenda ea solum, quæ sunt *omnino donanda.* Per quod non intelligas, quod solum ea, quæ reapse consequen-

rum non miseretur Deus: ergo illas peccatæ finem habent: ergo & à nobis potest peti eorum liberatio.

Idem docet D. Paul. in ad Rom. cap. 11. vbi ait: *Concludit Deus omnia sub peccato, ut omnium miseretur*, vbi eadem doctrina nobis traditur, ac in præcedenti auctoritate.

Respondetur ex D. Thoma loco citato ex sententiar. Deum quantum in se est, misereri omnium. Cum quo tamen stat, quòd eius misericordia ad aliquos non se extendat, quia ea indignos se fecere, cuiusmodi sunt damnatis qui, obstinati cum sint, indigni sunt, ut eos subleuet Divina misericordia. *Potest tamen dici*, ait laudatus D. Thomas, *quod in eis misericordia etiam locum habet, in quantum circa condignum puniuntur: non quòd à pena totaliter absolvantur.*

Ad auctoritatem D. Pauli dicimus idem, quod ad præcedentem dictum est. Secundò respondetur: *Ly omnium* supponere distributive incompletèz atque adeò supponit pro omnibus generibus peccantium non tamen pro omnibus individuis. Vnde omnium generum peccantium, scilicet, Catholicorum, Hæreticorum, Iudæorum, Gentilium, & aliorum Dominus miseretur. Ex illis plures misericorditer sanans, & ad viam veritatis reducens. Hac tamen misericordia non vitur cum omnibus illorum generum individuis.

88. Adde: Certissimè piissimum Dominum cum ipsis damnatis magnam suæ pietatis ostensionem fecisse, dum viverent. Ad eorum osium stetit, eorum corda pulsavit, toties, aperite mihi, dixit, quoties eos sua vocante gratia, præmonuit. Illi verò tamquam surdi non audiebant, nolentes intelligere, ut benè agerent, ac tandem sua perveritate positi sunt in miserrimo statu suæ oblationis, cum qua incompatibilis est præteritorum dolori atque adeò misericordiæ consequutio. Videatur D. Thomas 1. part. quæst. 64. att. 2. in corp. & ad 2.

Ex dictis habes, quid dicas D. Anselmo, quem pro se adducunt Contrarii.

A SPIRITU SANCTO.

lib. 1. *Cur Deus homo cap. 6.* vbi ait: *Non est insimul, ut Deus creaturam rationalem, quam fecit ad beatitudinem, cuius non petire suat.* Quippe non omnino petire sinit creaturam rationalem, quæ illam ante mortem vocat, & ad ovile suum reducit, & hoc postquam à miserabili Dæmonis captivitate proprii sanguinis larga effusione redemit. Iudemque non omnino petire sinit creaturam rationalem, quam fecit ad beatitudinem, qui adhuc in Inferni voragine citta condignum plectit.

89. Atque ita secundò: Nam apud Esaiam cap. 14. dicitur de Diabolo: *Tu autem prociellus es*, circa quod dicit Glossa: *Si omnes anime aliquando habebant requiem, tu nunquam*: ergo licet Diabolus nunquam à pœnis eripiat, homines verò aliquando liberari possunt.

90. Confirmatur: Quia ex 2. Machab. cap. 12. constat, Iudam Machabæum virum Sanctissimum, Sapientemque præcepisse, ut orationes herent pro militibus in prælio occisis, qui damnati erant. Verba textus subicito: *Et ad preces conversi rogaverunt, ut id, quod factum fuerat delictum, ab iræni traderetur.* Quare Iudas misit duodecim milia drachmas argenti offerri eas in Ierusalem pro peccatis mortuorum. In quibus duo habentur. Primum est, orationes, oblationesque pro illis defunctis factæ. Secundum est, milites illos in peccato obisse constat ex illis verbis: *Quod factum fuerat delictum.* Et ex illis: *Offerri eas in Ierusalem pro peccatis mortuorum.*

Delictum horum occisorum, cum quo decesserunt, fuit gravissimum, gravissimisque pœnis prohibitum in Deuteronom. cap. 7. Fuitque hoc peccatum, quia dum milites isti præliarentur cum Idolatris, abstulerunt ab eis Idolorum donaria, eaque abscondita habebant sub tunicis. Ecce pro occisis in gravi peccato, qui abs dubio damnati erant, orationes fiunt.

Respondetur negando consequentiam, nec sensus Glossæ est ille, quem arguens intendit, sed quem docet D. Thomas in supplement. ad 3. part. q. 99. att. 3. ad 5. vbi ait: *Dicendum, quod illa*

Z

III

*illa Glossa non loquitur simpliciter, sed sub hypotesi impossibilis ad exaggerandum peccati magnitudinem ipsius Diaboli. Ac si diceret: Quamquam damnati homines aliquando forent misericordiam consequuturi: tu autem, ô Lucifer, qui manè oriebaris, & tui ipsius amore captus de Cœlo cecidisti, adeò infelicitè lapsus es, ut numquam à casu surgere sit possibile.*

Hæc loquutio similis illi est, qua Luc. 21. videtur Christus: *Cælum, & terra transibunt, verba autem mea non prateribunt.* Hoc est: quamvis impossibile sit Cælum, solumque transire, & etiam verba oris mei non impleris, ramen impossibilius est, quod à me dicta non verificentur, quam quod Cælum, & terra finiantur. Vide Seraph. Caponi ad locum citarum D. Thomæ, ubi in appendice plura dicit circa misericordiam, quam Deus videtur cum damnatis.

Ad confirmationem respondetur cum Angel. Præcept. in 4. ad Anibald. dist. 45. ad 3. ubi ait: *Ad primum ergo dicendum, quod illi non acceperunt donaria Idolorum in eorum reverentiam, sed tamquam victores iure belli cum quadam avaritia veniali. Vel dicendum secundum quosdam, quod in ipso mortis periculo permisit, secundum illud Psalm. 77. Cum occideres eos, querebant eum.* Duplici hac via occurrit D. Thomas huic confirmationi, cuius vires, quacumque ex illis enervantur.

91. Arguitur tertio: Damnati orant pro vivis, nè damnentur: ergo vivi possunt orare pro damnatis, ut à poenis eripiantur. Consequentia constat à paritate, eamque ratio suadet: quia magis est, orare pro aliis, quam aliorum orationis fructum percipere, ut patet in animabus Purgatorii, quæ possunt orationibus vivorum invari sed orare pro vivis, ardua conditio est status, in quo cruciantur, non possunt. Antecedens autem probatur: Quia miser ille dives apud Luc. cap. 16. petit ab Abraham, ut Lazarus mitteret in domum Patris sui: *Habeo enim, aiebat, quinque fratres, ut sequester illis, nè & ipsi veniant in hunc locum tormentorum.*

92. Confirmatur primò: Quia Dæmones plura à Christo Domino petierunt, obrinueruntque, ut quod eos mitteret in porcos, potius quam in Infernum Luc. 8. Et nè eos ante tempus torqueret, quod consequuti sunt: Marc. cap. 5. ergo cum magis sit orare, & obtinere, quam aliorum orationibus invari, non est cur pro damnatis orare non possimus.

93. Confirmatur secundò: Orationes vivorum magis profunt defunctis, quam vivis: sed vivis, etiam in peccato sint, profunt: ergo & mortuis, etiam si Inferno sint. Probat maior ex D. Dionysio cap. 7. de Cœlesti hierarchia, ubi ait: *Si Iustorum orationes, & secundum hanc vitam, quanto magis post mortem in illis, qui digni sunt, Sacris orationibus operantur.*

Respondetur argumento: Primò omisso antecedenti, negando consequentiam. Discrimen est, quod nostra oratio pro damnatis nobis prohibita est: damnatorum vero oratio, vel ipsi non prohibetur, vel quamquam prohibeatur, illi de his prohibitionibus non curant. Unde etsi illi pro vivis orent, vivi pro illis orare non valent.

Respondetur secundò: Damnatos velle omnes superstitè damnari: Quia ramen sciunt, aliquos salvandos esse, volunt suos propinquos esse de numero eorum, qui salvandi sunt. Et exinde fuit, ait D. Thomas in supplemento, quæst. 98. art. 4. ad 1. *Quod dives petiit fratres suos à damnatione eripi: sciebat enim, quod aliqui eriperentur, maluisse tamen cum fratribus suos omnes alios damnari.* Videatur ibidem Angelicus Doctor. Et in 4. ad Anibald. dist. 50. quæst. vnic. art. 1. ad 2. & qui sic orat, indignus est, ut pro ipso oretur.

Ad primam confirmationem dicas: Verum quidem esse, aliqua Dæmones à Christo Domino postulasse, & concessos fuisse: eorum tamen petitio mala fuit: atque adeò hinc nullum fundamentum sumi potest, ut nos pro ipsis fundamus preces.

Ad secundam confirmationem respondet laudatus D. Thomas quæst. 71. art.

art. 5. *Ad tertium accedendum, quod quantum ad hoc magis acceptatur suffragium pro mortuo, quam pro vivo, quia magis indiget, cum non possit sibi auxiliari, si est vivus. Sed quantum ad hoc vivus est melioris conditionis, quia potest transferri de statu culpa incertis in statum gratiae, quod de mortuis dici non potest: & ideo non est eadem causa orandi pro mortuis, & pro vivis.*

Eodem etiam modo intelligendum esse Dionysii, docet Augustinus lib. de cura pro mortuis, ubi ait: *Pia opera eis tantum defunctis prodesse, qui, cum viverent, hac sibi, ut postea possent prodesse, meruerunt.* Et certe Areopagitan non loqui de damnatis, inde conitat, quia loquitur de illis, *qui sunt digni sacris orationibus*: damnati autem non solum non sunt digni, ut sacris orationibus adjuventur, verum etiam indigni sunt, ut preces pro ipsis fundantur.

94. Arguitur quartò: Quia precibus D. Gregorii Papae liberata fuit Traiani anima ab aeternalis supplicii flamma: ergo preces pro damnatis fultu exaudiantur à Deo. Antecedens, in quo est difficultas, est expressum D. Ioannis Damasceni in oratione de Fidelibus defunctis, ubi ait agens de D. Gregorio: *Hic intensissimas pro peccatorum Traiani remissione preces ad animarum amantem, & misericordem Dominum fudit: statimque Divinus vocem emissam audivit. Preces tuas audivi, ac Traiano ignosco. Tu verò post hac caveo, ne mihi pro impiis supples sis. Quodque istud verum sit, atque ab omni calumnia alienum, Oriens totus, atque Occidens testatur.* Videtur antecedens illud Damasceni auctoritate, & totius Orientis, Occidentisque consensu comprobatum?

Respondetur: Casum istum de liberatione Traiani ob preces D. Gregorii multum pulverem concitasse, Auctoresque in sententias nulla vi torquendas divisisse. Exemplo à Baronio longè sum, qui tom. 8. ad ann. 600. Theologos carpit, quia punctum hoc historiale serio explorant mirantes falcem in alienam messem, ac si facultas sit,

quae Theologiae non inserviat. Historia, aliaque facultates ancillae sunt, quas mittit Sacra doctrina, ut ad arceem, & ad arcem pulcherrimam civitatis vocent quicquid est, ut de quocumque, quamquam minimam sit, agat suo nobilissimo modo.

Quod si aliquis excelsus (quod non impossibile suspicio) apud Theologos est in hac parte: Non parum etiam excelsisse Baronium, desprehender, quisquis illum delictorum Traiani catalogum à se comprehensum consideraverit. Difficultas est: An Traiani historia vera sit, necne? Ad hoc, quid refert luciani dictum testificae,

*Et rapti Ganymedis honores?*

Impiissimè fuisse Traianum, factum ipsum supponis siquidem supponit illum in scelerato damnatorum ergastulo. Quod autem sit incarcerationis pro mille, aut pro mille & quingentis, nihil conducit.

Ad rem ergo. Historiam istam magnificari ab aliquibus, ut nostri asserti eversivam, conspiciamus; ex illa tamen nil contra illud haberi sequentia ostendunt.

Respondetur ergo primò negando antecedens, ad probationem nego tale quid asserti à D. Ioanne Damasceno: imò nec asserti potuisse: praecessit enim Damascenus Gregorium per multos annos. Quippe Damascenus floruit sub Theodosio Seniore, cuius familiarissimus fuit: Divus verò Gregorius vixit imperante Maurice, & Phoca tyranno, quos inter ferè ducentorum annorum differentia fuit. Non ergo potuit Damascenus casum illum referre, qui post ipsius obitum evenisse debere, comprobatur.

Scio Cardinalem Bellarminum lib. de Scripturibus Ecclesiasticis agentem de S. Ioanne Damasceno dixisse: Itaque longè à veritate aberrant, qui Damascenum tempore Theodosii Senioris floruisse, scribunt. Quare illum vixisse, tradit sub Leone Isaur. Et Constantino Copronymo, à quo multa passus est propter Catholicam Fidem. Ac denique Auctorè praefatae historiae fateatur.

Verum, quicquid de tempore sit, quo



Damascenus floruit, nobis pro hac firmanda prima solutione satis, superque fuerit plures, gravissimosque Auctores in palam adducere, si opus esset, qui constanter tenent, vixisse sub Theodosio Seniore Damascenum. Sic ergo docent Seraph. Capponi 3. part. in supplemen. quæst. 71. art. 5. ad 5. Et Mag. Torre 2. 2. q. 83. art. 8. disp. 2. num. 12. Sic etiam alii plures. Qui omnes negant, scriptum illud Damasceni esse: sed falsò illi adscribi, ut historię credulitas conciliaretur: vel forsam ex aliqua æquivocatione alterius Damasceni, qui potuit esse Auctor illius scripti. Ut ut sit Doctores isti negant, Damascenum historiam illam scripsisse: vnde cum tota huius historię credulitas innitatur auctoritati Damasceni, corruit totum credulitatis pondus, ex quo falsò adscribi Damasceno, cognoscitur.

Respondetur secundò admitrendo casum: Sed negamus ex illo posse colligi, nos orare pro damnatis, imò contrarium inferitur, ut constat ex illis verbis: *Tu autem posthac caveto, nè mihi pro impiis supples.* Ex quo interdicta nobis esse orationem pro dñatis, nemo non videt. Vnde, etiam si Adversariis historiam illam, prout ipsi volunt, concedamus, ex illa potius firmatur nostra assertio.

Respondetur tertio ex D. Thoma locis citatis: Traianum, si vera est illa historia, utique in Inferno fuisse: sed non finaliter iudicatum. Ob pravas enim D. Gregorii preces mansit eius causa iniudicata finaliter. Accessit D. Gregor. oratio, cuius intuitu ad vitam miraculosè rediit, poenitentiam egit, & gloriam adeptus est. Quod multoties accidit: multi enim Sancti suis orationibus nati sunt, ut plures revocarentur ad vitam: quorum multi damnati erant, utpotè idololatrar, ac in peccato decedentes: sed tamen non erant in æternum damnati, sed ad tempus. Si casus Traiani sic ponitur: non est insolitus, nec contra nos, qui de finaliter damnatis loquimur. Hacque via excusat D. Thomas historiam illam à cen-

sura. Si autem contrarii Auctores teneant, Traianum finaliter damnatum, historiam non admittimus. Videantur N. Salmant. traët. 13. disp. 17. dub. 3.

## VI. Solvitur argumentum difficile.

95. **V**ltimò arguitur: Quia Ecclesia Catholica verè veritatis Magistra orat pro damnatis: ergo oratio pro damnatis valet. Probatur antecedens: Clarissimè ex usu ipsius Ecclesię, quę in Missa defunctorum ad Deum pro ipsis clamat hæc vocibus: *Libera, Domine, animas omnium fidelium defunctorum de panis Inferni, & de profundo lacu: libera eas de ore Leonis, nè absorbeat eas tartarus, nè cadant in obscurum, &c.*

Vbi observandum primò est: Ecclesiam orare pro animabus omnium fidelium defunctorum: atqui in Inferno sunt plures animę fidelium defunctorum: ergo pro illis orat Ecclesia. Secundò, quòd Ecclesia petit, ut illę animę, pro quibus orat, liberentur de panis Inferni velut in officio sepulturę dicitur, *ab Inferni voragine*: ergo orat pro animabus damnatorum.

Ecce argumentum ex se multum difficile, & quod magis insuperabile reddidere Doctores diversissimę solutiones. Qualitercumque inspicatur, tenebrosissimum est. Si namque de animabus æterno supplicio adiectis intelamus, corruit funditus assertio nostra. Si autem intelligamus de iis, qui igne Purgatorio expiantur, contradicit ipsius deprecationis contextus. Primò enim, Purgatorium non dicitur Infernus, nec profundus lacus, nec obscurum, nec tartarus, nec Inferni vorago. Hęc nomina propriissima sunt Inferni, ubi damnati plectuntur, non Purgatorii, ubi prædestinati expiantur. Nec res credi digna videtur, Ecclesiã Dominum deprecantem impropriis aded vocibus vri.

Secundò: Si de existentibus in Purgatorio capienda sunt dicta verba: quomodò petit Ecclesia, ut non cadant in obscurum? Non absorbeat eas tartarus? Siquidem iam in obscuro habitant &

tartaro absorptæ. Videñe argumēti difficultatem? Audi aliqua ē multis, quæ ad eius enodationem accumulant Doctores, qui supponunt, & nos cum illis, prædicta verba intelligenda esse de existentibus in Purgatorio. Sic docent Ioannes de Medina C. de orat. quæst. 6. Greg. de Valen. tom. 3. disp. 6. quæst. 2. de orat. punct. 8. Bellarm. lib. 2. de Purg. cap. 5. Thomas Hurtado resol. moral. tract. 5. cap. 6. §. 1. resol. 58. N. Salmant. tract. 21. disp. 7. num. 113. Et insuper quotquot nobiscum in præsent. catholico asserto conveniunt. Difficultas est, quomodo de Purgatorio possint verba illa intelligi?

96. Respondet primò citatus Medina: Tales orationes non parum ineptitudinis continere. In quo hic Auctor nullum reperit inconveniens: *Multa enim, ait, in Ecclesia legi permittuntur, quavis non omnino vera sint, vel non omnino apta; quis conferunt ad fidelium devotionem excitandam, ut in legendis Sanctorum, & opinionibus Doctorum. Ita ergo dici potest de illis orationibus, quæ à privatis personis factæ sunt, & non à Concilio aliquo, nec in eo sunt approbatæ.*

Verum hæc responsio sua se animositate destruit: Tales orationes vt Sanctissimæ, verumque sensum continentes venerandæ sunt. Et licet obscuritatem aliquam habeant, ob quam in earum explanatione spatiaur Theologi: semper tamen earum proprietas debet supponi; nec fas est dicere eas ineptitudinelaborare. Quod non sint factæ, approbatæve in aliquo Concilio, nullum fundamentum præbet, vt de illorum proprietate dubitetur; cum ab Ecclesia universali approbatæ sint. Nec volumus in hac re amplius immorari.

97. Respondet secundò dictus Valentia: Ecclesiam iis orationibus non petere, quòd existentes in Purgatorio liberentur ab Inferno: constat enim iam liberos esse ab Inferni votagine. Petit tamen exequutionem illius decreti, quo eos liberos fecit, quæ exequutio mediis orationibus obtinenda est. Sicut cum Patres antiqui suspirabant pro Melsiæ adventu, non clamabant pro

decreto adventus Melsiæ: hoc enim iam factum certissimè supponebant: precabatur tamen exequutionem illius decreti, quam fiendam mediis orationibus cognoscebant. Sic præfatus Auctor.

Contra eius tamen doctrinam disputo sic primò: Nemo cordatè petit, quod iam concessum esse cognoscit: at Ecclesiæ scit, vt fide Sanctum, existentes in Purgatorio, liberos esse ab Inferno: ergo hoc non petit. *Secundò* disputo: Orans petit sibi, vel aliis id, quod nondum habet: liberationem à tartaro habet certissimè existentes in Purgatorio: ergo hoc non petit Ecclesia. *Tertiò*: Quia Ecclesia non potest dubitare de felicitate Beatorum, non petit, nè tartarus eos absorbeat: sed etiam est æquè certa de prædestinatione existentium in Purgatorio: ergo.

Quartò: Eadem res requirit ab eodem haberi, vt præterita, & vt futura: sed quicūque petit, respicit rem, quam petit, vt futuram, & Ecclesia respicit salutem existentium in Purgatorio, vt iam habitam: ergo illam petere non potest. *Quintò*, & ad hominem: Eò Ecclesia non petit decretum de ereptione existentium in Purgatorio; quia iam factum supponitur tale decretum: sed etiam facta est exequutio talis decreti: ergo. *Sextò*: Eò Patres antiqui petebant exequutionem decreti de adventu Melsiæ, & non ipsum decretum; quia hoc supponebant factum, non autem exequutionem: at Ecclesia supponit iam exequutionem decreti de ereptione existentium in Purgatorio: ergo. *Septimò*: Si post adventum Melsiæ oraret aliquis pro exequutione illius decreti absque bubio vapularer; quia sua oratio testis irresistibilis esset de ipsius incredulitate, vel hesitatione circa illum adventum: ergo cum certitudine, eam habet Ecclesia, de exemptione dicta, non compatitur, quòd eam petat.

98. Respondet tertio præadductus Bellarmin: Quòd quamvis animæ existentes in Purgatorio certissimè de sua salute sint, ex quo indicatæ suere in iudicio particulari, quod in cuiusvis

not-

morte celebratur: remanet tamen iudicium generale in fine Mundi celebrandum; eoque pro eis orat, ut *evadant iudicium ultionis*.

Sed contra primum: Quia Ecclesia non potest timere aliquod malum existentibus in Purgatorio pro tempore iudicii universalis: ergo non orat, ut ab illo iudicio liberentur. Pater ista: Quia, qui timens orat, intendit aliquod malum imminens vitare: Vnde cum Ecclesia timens, supplicatque orat pro existentibus in Purgatorio, si ad iudicium universale suas orationes dirigeret, aliquod malum eis inde venire posse, timeret. Antecedens autem probatur: Quia impossibile est, assignare, quod sit malum illud, quo timeri posset.

Contra secundum: Quia si pro existentibus in Purgatorio orat Ecclesia, ut *evadant iudicium ultionis*; pariter pro Beatis poterit deprecari, ut tale iudicium evadant: hoc est absurdum: ergo. Probatur maior, seu sequela: Eo pro existentibus in Purgatorio orat Ecclesia, ut evadant illud iudicium generale, quia illud iudicium eis remanet: sed etiam remanet Beatis ipsi enim non adhuc secundum illud iudicari sunt: ergo tenet maior. *Contra tertio*: Quia etiam poterit Ecclesia orare pro damnatis, qui in illo universalis iudicio comparebunt: atque adeo in illo universalis iudicio habebunt aliquod malum, quod timeant, aut aliquod bonum, quod sperent: ergo poterit Ecclesia orare, ut damnati, vel malum, quod timeant, non incurrant; vel bonum, quod sperant, consequantur.

99. Respondet quartum Thomas Hurtado loco citato, admittendam esse in Purgatorio duplicem mansionem. Prima est Inferno damnatorum contigua, & hæc est valde obscura, & propter immediationem cum Inferno subiacerit iisdem nominibus, ac Infernus ipse. In hac mansionem sunt animæ, quæ gravius poenæ sensus torquentur. Secunda mansio segregata ab Inferno est, estque relatè ad illam primam locis clarus, & amœnus. In hac mansionem sunt animæ, quæ vel nullam poenæ sensus

patiuntur, ut non improbabile reperat citat. Bellarm. & alii ab ipso Hurtado adducti: vel licet aliquam poenam sensus patiantur: est tamen in loco hoc lucido, non autem in illo alio tenebroso: Vnde locus hic, ait Bellarm. est *mitissimum Purgatorium, & quasi carcer quædam senatorius, atque honoratus*.

Hincque, ait dictus Pater Hurtado; singulariter intelligitur oratio, quam facit Ecclesia pro defunctis dicens: *Liber a, Domine, animas omnium fidelium defunctorum de penis Inferni, &c.* Siquidem Ecclesia hæc dicens petit, ut animæ illæ liberentur à poenis, quas patiuntur in illo obscuro loco, qui ob immediationem cum Inferno, & ob sui obscuritatem dicitur Infernus, profundus lacus; obscurum, tartarus, Infernique vorago. Ab hoc ergo loco desiderat Ecclesia animas eripi, & in illo alio lucido, & carcere senatorio constitui, quod ut assequatur, suas preces interponit.

Contra hanc tamen singularem intelligentiam, ipsamet singularitas pugnat. Primum: Quia Ecclesiam sua illa oratione petere absolutam liberationem existentium in Purgatorio, nemo est, qui non asserat: ergo singularitas illius singularis intelligentiæ ipsam perimit. *Secundo* contra illam intelligentiam facit: quod Ecclesia potest illa sua oratione petere liberationem absolutam: quam ergo rationem assignas, ut illam de facto non petat? *Tertio*: Quia hæc via non salvatur præcipua difficultas contenta in verbis datæ orationis. Etenim vel animæ, dum oratio fit, supponuntur iam in illo loco obscuro; vel non? Si non: ergo Ecclesia non petit, quod inde extrahantur, & in lucido alio loco collocentur. Si sic: Quem sensum habent verba illi: *Nè absorbeat eas tartarus, nè cadant in obscurum*? Siquidem iam supponuntur in illo obscuro tartaro carceratæ.

Quartum denique, & præcipue: Quia singularis illa intelligentia rotundè contradicit ipsi orationi factæ ab Ecclesia. Hæc enim non solum assignat locum, à quo liberas desiderat animas, pro quibus deprecatur: verum etiam exprimit

locum, in quem transferri desiderat. Quippe postquam locum, à quo extrahi cupit, assignatus ostendit, quò eas sublimari vult, subiungens: *Sed signifer Sanctus Michael representet eas in lucē Sanctam, quam olim Abrahā promissit, & semini eius.* Est nē locus ille non adeò obscurus, lux illa Sancta, quam olim Deus promissit Abrahā Patri, eiusque in ævum semini? Hactenus non audi- vi, Sanctum Michaelē occupari in transferendo Purgatorii animas ab vno in alium locum ipsius Purgatorii. Ad maiora reservatum tantum duce- dividimus ab ipsa Ecclesia, quæ in eius officio ait: *Hunc cælestis militiæ Principem esse, cui tradidit Deus animas Sanctorum, ut perducat eas in Paradisum exultationis.* Hic Paradisus exultationis est illa lux Sancta Abrahæ promissa, quæ desiderat piissima Mater Ecclesia animas in Purgatorio existēcium persufas, ab illo ergastulo liberas. Vnde intelligētia hæc singularis admittenda non est.

100. Alii respondent quintò: Ecclesiā hisce orationibus petere à Deo, nē damnet existentes in Purgatorio: quod certò potest facere secundū suam potentiam absolutam. Hic modus explicandi orationes Ecclesiæ brevior, clariorque est omnibus aliis: sed qui cogi debeat navigare Antycitas. Quippe Beati possunt per absolutam Dei potentiam damnari, & damnati, attento eodem posse, possunt in Cælum conscendere: ergo orandum nobis erit, nē Beati in tartara ruant, & vt damnati salventur.

101. His ergo modis explicandi Ecclesiæ orationem omīssis, responde- tur cum N. Salmant. citatis: *Ea verba non continere orationem, qua Ecclesia de presenti petit pro animabus Purgatorii, quòd à damnationis iudicio, vel inferni pœnis liberentur: hoc enim iam certò supponit. Sed continere piam quandam representationem status earum animarum pro eo tempore, quo separantur à corpore, & Dei iudicio afferuntur: & hoc modo representat orationes, quæ eo tempore, & instante periculo fiunt, aut fieri debent. Sicut cum celebrat Christi adventum, &*

*ait: Rorate, Cæli, desuper, & nubes pluant Iustum, non petit, quòd modò fiat id, quod olim Patres petebant, & certò credit iam factum esse: sed p̄tē representat antiquorum orationes, & desideria.*

Hactenus gravissimi hi Theologi, qui rem solita profunditate prosequuntur. Ex quibus constat, Ecclesiā, dum hoc precatur, quasi retrorahi ad tempus, in quo suus ille filius, pro quo orat, animam iam iam agebat: Tuncque petere à clementissimo Iudice, vt illam, vel illas animas liberet à Purgatorio, quod Purgatorium nominat Infernum, tartarum, voraginem, obscurum propter pœnarum acerbitates, quæ in ipso perpetiuntur. Et sanè qui hunc procedendi modum in Ecclesiā suggillat, censurabit etiam ipsam petentem quotannis Messia adventum.

Piissimè procedit Ecclesia petens adventum Messia, quia cum hoc facit, *representat antiquorum orationes, & desideria:* Eo fine vt illis nunc repræsentatis, nasci dignetur in nostris cordibus sicut tunc illis invitatus, visibiliter natus est. Sic pro defunctis orans repræsentat illud tempus, in quo ad iudicium properabant, & in quo non potuit hæc orationes fundere. Fundit tamen, cum potest: & sic indulgentissimæ Matris munus explet: Quia ex prævisione harum precum modò fusarum, consequitur apud severum, piissimumque Iudicem gratiam reus, sicut ex prævisis D. Gregorii præcibus Traianus dicitur veniam consequutus.

102. Nec addere omiserim: Quòd etiam pro ipso tempore, in quo preces illæ funduntur propriissimæ, & proficue sunt. Nec contrarium habetur ex verbis dictæ orationis. Petit enim, quòd animas, quæ iam sunt in Purgatorio, ab illo liberet, petit etiam, nē absorbeat eas tartarus, nē cadant in obscurum. Hoc est, nē tartarus prosequatur absorbens, obscurumque catenans illas animas: sed quòd quantoties ab illo carcere exeuntes, supremam arcem conscendant.

Ex dictis ergo responderetur in forma negando antecedens. Ad probationem constat ex his, quæ diximus, illam ora-  
tio-

tionem fundi, non pro damnatis, sed pro existentibus in Purgatorio. Et mirum sanè foret, quòd in Missa, quæ est pro animabus Purgatorii, oraret Ecclesia pro damnatis. De orationis proprietate ambigendum non est, ut iam diximus: Quia vel Ecclesia constituta in tempore, in quo iudicium celebratur, petit, quòd reus ille à Purgatorio liberetur. Vel si iam in illo est, petit, quòd inde extrahatur, & intra Paradisi amœniam virentia colloceatur.

Quòd autem Purgatorium dicatur

*latus, Infernus, &c.* iam d'xi, esse cum omni proprietate propter acerbitatem pœnatum, propter loci immediationem, & etiam quia idem ignis, qui in Inferno damnatos torquet, idem in Purgatorio contractos reatus abstergit. Superest, quòd Ecclesia petit pro animabus *omnium fidelium defunctorum*. Sed hoc nobis obesse non potest, quia pro illis fidelibus petit, qui fide formata, quæ per dilectionem operatur, decesserunt, ut docent Magister, & Angelicus Doctor locis adductis.

## QVÆSTIO QVARTA.

*Utrum possimus orare pro damnatis, ut levamen aliquod accipiant?*



Rationes prodesse non posse, ut damnati ab Inferno liberentur, vidimus quàm præcedenti. Discutendum restat, an possint illos levare, eorum tormentamitigantes?

### § I. Proponitur vera sententia.

103. **N**ostre conclusio est negativa. Eam docent omnes, quos præcedenti dedimus n. 70. paucis exceptis, quorum aliquos ibi memoravimus. quos etiam invenies apud Albertum Magn. tom. 21. de Sacrif. Missæ tract. 3. cap. 16. de quo postmodum agemus. Probatur ergo primò conclusio nostra ex Apocalyp. cap. 20. ubi, ut vidimus 71. dicitur: *Diabolas, qui seducebat eos, missus est in stagnum ignis, & sulphuris, ubi bestia, & Pseudopropheta cruciabuntur die, ac nocte in sæcula sæculorum*. Vbi duo asseruntur, primum est æternitas pœnarum Infernalium. Quod ostendunt illa verba: *In sæcula sæculorum*. Secundò est: Quòd in illis tormentis nec minimam consolationem habent: quod clarissimè demonstrant illa verba: *die, ac nocte*. Quod idem est, ac dicere: miseri illi Satanam ducem sequuntur sunt, in æternum, seu *in sæcula sæculorum* in eius lugubri societate cruciabuntur, & adeò severè cruciabuntur, ut nullam consolationem experturi sint; siquidem *die, ac nocte*

plecentur.

104. Probatur secundò assertio hoc discursu: Scimus damnatos nullum levamen habituros nostris orationibus: ergo non possumus orare pro eis, ut levamen habeant. Patet ista; cò enim non possumus orare pro illis, ut ab Inferno liberentur; quia scimus, quòd numquam talem liberationem consequuturi sunt: vnde si etiam còstat consolationem percipientes non esse nostris orationibus, illas fundere pro illis non valeamus.

Probatur antecedens primò ex data auctoritate: Secundò ex Epist. D. Iacobi cap. 4. ubi dicitur: *Iudiciū sine misericordia fiet ei, qui non fecit misericordiam*: sed si nostris orationibus solatium aliquod obtinerent, iam non fieret cum eis *iudiciū sine misericordia*; quin potius cum magna misericordia fieret: ergo tenet antecedens.

105. Dices: Ergo ei, qui in hac vita fecit misericordiā, iudiciū cū misericordia fiet. At non cū misericordia liberantes quia *in lapsu no nulla est redemptio*: ergo cū misericordia refrigerat. Cetera nota sunt, probatur prima còsequentia primò. Quia exceptio firmat regulam in contrariis: sed qui non fecit misericordiam, misericordiam non experitur: ergo misericordiam experitur, qui fecit misericordiam. *Secundò* probatur còsequentia: Quia apud Matth. cap. 5.

ait Christus Dominus: *Beati misericordes, quoniam ipsi misericordiam consequentur*: at non consequentur misericordiam liberantem, si apud inferos sunt, ut vidimus tota quæst. precedenti: ergo consequentur misericordiam refrigerantem, sine qua ad vniuersam veritatem textus extate nequit.

Probatur tertiò consequentia ex D. Thom. in 4. dist. 46. quæst. 2. art. 3. quæstiunc. 4. ad 1. ubi ait: *Et ideo tales* (scilicet damnati, qui misericordes fuerunt) *misericordiam penitus absolventem non consequentur, etsi consequantur misericordiam de penis debitis aliquid relaxantem*: ergo idem, quod prius.

Respondetur negando primam consequentiam intellectam de iam damnatis, ut modò loquimur: Non autem de ipsis damnatis, prout sistantur ad tribunal Iudicis: tunc enim non adhuc damnati sunt. Et licet appensa in statuta eorum vita inveniatur minùs habens, atque adeò feratur in illos damnationis sententia: tamen piissimus Iudex propter opera misericordiæ, quæ fecerunt, aliquid de poena malæ eorum vitæ correspondente, misericorditer relaxat: tuncque eos mittit in tenebras exteriores, ubi erit fletus, & stridor dentium sine consolatione siquidem *cruciantur die, ac nocte sine solatio, sine intermissione, sine misericordia*. Per quod patet ad tertiã probationem consequentiæ, & ad textum D. Thomæ ibi adductum.

Ad primã probationem dicas: Quòd misericordiam facere est de genere boni: misericordem non esse, est de genere mali: Quiaque bonum non confurget nisi ex integra causa, & malum proveniat ex quocumque defectu: propterea, qui non facit misericordiam, quamquàm in nullo alio deficiat, habet quantum sufficit, ut damnetur. Quippe, qui *totam legem servavit, offendat autem in uno, factus est omnium reus*. ait præcit. D. Iacobus: at qui misericordiam fecit, in aliis autem deliquit, iustus non est; quia non constituitur iustus per solam misericordiam, sed per illam, & alia plura: unde quocumque ex illis de-

ficiente, non habemus iustum, sed damnatum.

106. Ex dictis patet, quomodò intelligendæ sunt promissiones, & enuntiationes Sacræ Scripturæ. Etenim quando aliquid promittitur, seu enuntiatur per verba affirmativa, ut adimpleatur res enuntiata, plura requiruntur, præter ea, quæ in tali enuntiatione exprimuntur. Si verò promissio fiat negando, sine limitatione aliqua intelligenda est: ut enim adimpleatur, nihil aliud requiritur præter id, quod exprimitur in ipsa.

Abundat exemplis ipsa Scriptura Sacra: Vnicum tantum proponimus. Ait Christus D. apud Ioan. cap. 6. loquutus de Sacra Eucharistia: *Qui manducat hunc panem, vivet in æternum*. Inibi etiam inquit: *Nisi manducaveritis carnem filii hominis, & biberitis eius sanguinem, non habebitis vitam in vobis*: Eiusdem Divini Præceptoris nostri verba sunt de eadem re sermonem facientis, sed in prima auctoritate per verba affirmativa, per verba autem negativa in secunda. In prima verò, licet assertatur, quod verissimum est, debet tamen intelligi, servatis illis circumstantiis ad vitam æternæ adeptionem conducentibus: Per hoc enim, quòd quis Panem Eucharisticum manducet, si nihil aliud faciat, vitam æternam non consequitur: imò panis ille, qui illum cum debitis circumstantiis sumentem vitam conferret, mortem inferet sine illis.

Secunda autem auctoritas, quæ negativè enuntiatur, sine aliqua limitatione, seu circumstantia capienda est. Quia licet omnia alia, ad quæ teneretur, adimpleat quis, si tamen hunc Coelestem panem non manducat, non habebit vitam in semetipso. Similiter ergo in nostro casu, dum dicitur: *Beati misericordes, quoniam ipsi misericordiam consequentur*, debet intelligi, appositis aliis, quæ ad consecutionem misericordiæ requiruntur. Cum verò enuntiatur: *Iudicium sine misericordia fiet ei, qui non fecit misericordiam*. Sine respectu ad aliquid aliud debet absolute sumi: Quia per hoc, quòd non faciat misericordiam,

quavis montes transferat nihil est.

107. Non quiescis: Per hoc præcisè, quòd quis dignè sumat panem Eucharisticum, habet vitam æternam in semetipso: ergo per hoc præcisè, quòd verè misericordiam faciat, misericordiam consequitur.

Respondetur cōcedendo consequentiam. Cæterum sicut plura requiruntur, ut dignè possit quis ad Christi accedere Sacramentum: sic etiam requiruntur plura, ut quis verè misericors sit: quæ si exequatur, abs dubio misericordiam consequetur. Primum autem, quod requiritur est, quòd dñm aliorum miseretur, sui ipsius non obliviscatur. Frangat vique esurienti panem suum, verum carnem suam nec despexerit. Inordinata enim misericordia est, aliis vel spiritualiter, vel corporaliter laborantibus subvenire, & animam suam non dirigere in bonum, sed in perditionem. Qui sic operatur, quavis omnia sua distribuat inter pauperes, verè misericors non est.

Ita citatur D. Thomas dicens: *Ad primum ergo dicendum, quòd illi misericordiam consequuntur, qui misericordiam ordinatè impendunt: non autem ordinatè misericordiam impendunt, qui se ipsos in miserando negligunt, sed magis se impugnant male agendo.* Per quod patet ad omnia obiecta.

108. Probatur tertio conclusio ratione alia Sacra Scripturæ, etiam innixa: Beati non orant pro damnatis, ut refrigerentur: ergo nec nos possumus hoc illis postulare. Patet ista, quia eatenus hoc facere possemus, quatenus ex cognitione tormentorum, quæ patiuntur moveremur ad orandum pro illorum alleviatione: unde, cum Beati multò perfectius, quàm nos cognoscant damnatorum penas & alias habeant perfectissimam charitatem: si viatores charitate moti, & penarum cognitione ducti possent pro damnatorum refrigerio orare, potiori titulo possent id ipsum facere Beati.

Antecedens probatur primò ex D. Luca cap. 16. vbi Abraham diviti Lazarum ad refrigerium exoptanti, ut

*refrigeret linguam meam, quia crucior in hac flamma,* respondet: *Inter nos, & vos chaos magnum formatum est: ut hi, qui volunt hinc transire ad vos, non possint, neque inde huc transire.* Sed chaos istud est impossibilitas, quam Beati habent ad orandum pro damnatorum refrigerio: ergo. Probatur minor ex Magist. in 4. dist. 50. dicente: *Quid est illud chaos inter bonos, & malos, nisi hinc iustitia, inde iniquitas, qua nullatenus sociari valemus? Adeo enim Sancti Dei iustitia adiecti sunt, ut nulla compassione ad reprobos transire valeant, nulla pro eis inter Sanctos fiat intercessio.*

Desuavit hanc doctrinam Magister ex magno Greg. hom. 40. de divite, vbi ait: *Sicut reprobi à panis ad gloriam Sanctorum transire volunt, & non possunt: ita & Iusti per misericordiam mente ire volunt ad positos in tormentis, ut eos liberent, sed non possunt: quia Iustorum anima etsi in natura sua bonitate misericordiam habent, iam tunc Auctoris sui iustitia coniuncta tanta rectitudine confirmantur, ut nulla ad reprobos compassione moveantur.*

Probatur secundo idem antecedens: Beati nullam compassionem habent damnatorum: ergo pro illis non orant. Constat consequentia: Quia orare pro damnatis, ut eorum poena mitigaretur, aliunde provenire non posset, nisi ex compassione erga ipsos. Antec. autem probatur primò ex D. Greg. & Magist. qui datis verbis illud docent. Secundo probatur ex D. Thoma eadem dist. 50. quæst. 2. art. 4. quæstione. 2. vbi docet, quòd ad damnatorum *miserias non poterit esse compassio secundum electionem veltam: & ideo Beati, qui erunt in Gloria, nullam compassionem ad damnatos habebunt.*

109. Dices: Si Beati non haberent compassionem damnatorum, non vellet ad locum, vbi torquerentur, transire: sed voluit transire ad barathrum, in quo plebuntur: ergo compassionem habent, atque adeò & desiderium, ut eorum poena temperentur. Maior videtur certa: Vt quid ergo transire fieret, nisi morivo iuvandi miseros illos? Minor verò aper-

aperte constat ex textu adducto, iis verbis: *Ut hi, qui volunt hinc transire ad vos, non possint*: quod etiam clarissime docetur à D. Greg. verbis suprà positis: ergo Beati per misericordiam mente ire volunt ad positos in tormentis.

Dupliciter solvit Magister hanc objectionem. Primò sic: *Quia si Dei iustitia admitteret, non fieret eis molestia liberatio eorum*. Dicitur Beatos velle ad damnatos transire, non quia reapse velint eos liberare, aut sublevare: sed quia vellent, si iustitiæ Dei non contrariaretur. Vnde ex hoc potius firmatur assertio nostra: quippe constat, prohibitum esse fundere preces pro mitigatione poenarum existentium in Inferno.

Secundò respondet idem Magister: *Vel ita dicuntur velle, & non posse, non quia velint, & non possint: sed quia et si velint, non possint eos iuvare*. Hincque insigne fundamentum desumitur pro nostro asserto roborando. Si namque Sancti cum Christo regnantes, qui adeo potentes sunt, non valerent damnatos confortare, quamquam vellent; atque adeo pro ipsis non orant, multò minus possemus viatores illis opem ferre, tametsi illos sublevare nostris precibus contemur.

## §. II. Respondetur argumentis.

110. **C**ontra conclusionem arguitur primò ex diversis Patrum auctoritatibus. Primò enim D. Chrysostomus ad illa verba: *Non est mortua puella, sed dormit*. apud Matth. cap. 9. ait loquens de filio divitis morientis: *Putas enim maculis inquinatum obisset? Na ipsi sua, ut ab illis maculis se abstergeat. Putas in iustitia ipsum decessisse? Præbe ipsi sua ad mercedis, & retributionis adiectionem*. Quibus docet, quod cum maculis decedenti profuit suffragia, & orationes.

Clarissime loquitur Theophil. in cap. 12. Lucæ, ubi ait: *Hoc autem dico propter oblationes, & distributiones, quas facitis pro defunctis, qui in gravibus peccatis decesserunt, esse licitas intercessionem pro damnatis*. Vbi non de existentibus in Purgatorio, sed de Inferno de-

putatis loquitur: hi enim sunt, qui in gravius peccatis decesserunt: & preces pro his factas appellat *licitas intercessionem*: atqui non ut ab ipsis poenis liberentur: ergo ut remissionis puniantur.

Magnū Parentem Augustinum pro ipsis esse, dicunt Adversarii, quia in Enchirid. cap. 112. ait: *Poenas damnatorum certis temporum intervallis existimant, si hoc eis placet, à quatenus mitigari: dummodo intelligatur in eis manere ira Dei, hoc est, ipsa damnatio*. Ibi, dem etiam cap. 10. inquit: *Quibus pro sunt suffragia, aut ad hoc profuit, ut plenus sit reusissio, aut tolerabilior sit ipsa damnatio*.

Nulla tamen ex his auctoritatibus assertionis nostre veritas insinuitur. Vnde ad primam respondetur: Non esse certum Chrysostomum loqui de filio divitis mortuo, sed morituro. Cui, ait, si maculis inquinatum indicas, da illi sua, ut antequam moriatur, peccata sua elemosinis redimat, quoniam elemosinus à morte liberat. Si autem iudicas in iustitia decessurum: hoc est, talem esse, ut & lecto in Cælum, morte præunte, commendat, præbe illi sua, ut bene illa distribuat ad mercedis, & retributionis adiectionem. Hoc est, ut præmio iam suis bonis operibus prius factis correspondenti, adiciatur, quod huic pæx distributioni correspondet.

Quòd si de iam mortuo loquitur intelligi debet de eo, qui mortuus est, non maculis culpæ inquinatus: sed reatibus poenæ culpis iam dimissis correspondentibus: qui reatus solent peccata vocari inter illud 2. Machab. 12. *Ut peccatis solvantur*. Vel de illo, qui non solum sine culpa, sed etiam poenæ reatu obiit. Vnde sensus Chrysostomi est: Si mortuus est eū reatu poenæ, da illi sua, ut hoc suffragio ab igne Purgatorii liberetur. Si mortuus est sine tali reatu, adhuc præbe illi sua, ut mercedi, & retributioni, qua iam fulget, hoc est, præmio essentiali beatitudinis suorum gaudium accidentale ex bona suorum distributione proveniens.

Ad Theophil. autem paret ex dictis: Ipsū nomine gravis culpæ non intellexisse



xiste peccatum grave quoad culpam, sed quoad reatum poenae, pro cuius extinctione orare, est licita deprecatio pro damnatis ad Purgatorii tormenta.

111. Ad primam Augustini auctoritatem ait Magister Torre disp. citata n. 8. illum dicendi modum fortasse salvari posse per illud celebre dictum Theologorum: *Deus damnatos punis citra condignum*.

Sed contra: Quia Deus semper punit citra condignum damnatos, recordatus misericordiae suae, adhuc cum iratus est: sed mitigatio, de qua D. Augustinus loquitur, non fit semper, sed solummodo certis temporum intervallis: ergo modus loquendi Augustini non fundatur, nec potest salvari, per hoc, quod Deus punit damnatos citra condignum.

Contra secundò: Quia punire citra condignum est taxare poenam minorem culpa, sicut praemiare ultra condignum est praemium superexcedens concedere. Quae poena iam semel applicata inquirimus: potest nò temperari nostris orationibus, necne? Sicut supposito Beatorum praemio ipsis ultra condignum iam collato, inquisivimus in prima quaest. an possit nostris orationibus augeri? Vnde quod Deus puniat citra condignum impertinens omnino est ad praesens institutum.

112. Quare respondetur, inibi Augustinum disputare cum asserentibus poenas damnatorum non esse aeternas, quos ut impugnaret, nolens in re, de qua non erat disceptatio, occupari, permisit, seu omisit damnatorum poenas esse talis conditionis, ut possint nostris orationibus mitigari: dummodò perpetuas esse, intelligatur. Ac si diceret: omitto, quod damnatorum tormenta superstitum orationibus temperentur, hoc enim nihil conducit ad praesentem controversiam: vnde transeat, quod poenas damnatorum certis temporum intervallis existiment, si hoc eis placeat, ali-quatenus mitigari: dummodò intelligatur in eis manere ira Dei, hoc est, ipsa damnatio.

113. Secunda D. Augustini auctoritas diversimodè Doctores antiquos

divisit, de quo videre poteris Albertum Mag. citatum. Horum explicationes proponunt, impugnantque D. Thomas in initio quaest. praecedentis adductus, & ipse Albertus num. 4. qui refutatis aliorum placitis, suum proponit, quod reducitur ad hoc, quod si damnati fuere in hac vita causa, ut alius bene operetur, tum decrescit vermis eorum, qui certo nunquam moritur, dicente Esaias cap. vlt. *Ignis eorum non extinguetur, & vermis eorum nò morietur*. Vnde si damnatus causa fuit, ut bonum fieret; quoties illud bonum fit, toties decrescit vermis illum torquens. Sicut si fuit causa mali in alio; quoties ille alius malè operatur, toties vermis augetur.

Sic ergo Albertus explicat Augustinum, sed non possumus talem explicationem admittere. Primò, quia, ut haec explicatio teneat, supponendum videretur animas damnatorum scire, quae apud superstitis aguntur, ut sic magis, aut minus torqueantur, secundum quod malum, vel bonum, quorum causa fuerit, exercetur. Cōcedere damnatis hanc notitiam, est procius à veritate alienum, & contra ipsum Augustinū lib. de Cura pro mortuis cap. 13. de quo D. Thomas dist. 45. cit. quaest. 3. art. 1.

Secundò, quia suffragia vivorum non possunt facere, quod damnati, dum viverent, non fuissent causa mali, vel boni in aliis: ergo quòd ex hoc crescat, vel decrescat damnatorum tormentum, nullum habet cum suffragiis commercium. Probatur consequentia: Quia oratio, qua alleviationem damnati petito, omnino disparat se habet ad malum, vel bonum, quod Iudas causavit, dum viveret, & ad hoc, ut alius exemplar illud sequatur.

Tertiò non potest admitti modus ille Augustinum explicandi, quia talis modus in sui simillimo explosus à D. Thoma est dista distinctione 45. quaest. 2. art. 2. ubi ait: *Sed istud etiam non potest esse secundum legem communem; quia ut Augustinus dicit in lib. de cura pro mort. agenda, quod praecipue de damnatis verum est: ibi sunt spiritus defunctorum, ubi non videns quacumque aguntur, aut*  
cre-

*eveniunt in ista vita hominibus: & ista non cognoscunt, quando pro eis suffragia sunt: nisi supra communem legem hoc remediū detur Divinitus aliquibus damnatorum. Quod est verbum omnino incertum. Unde iustius est simpliciter dicere, quod suffragia non profunt damnatis, nec pro eis Ecclesia orare intendit.*

Si tamen non displicet, addiderim: Quod licet damnati cognoscerent orationes pro ipsis factas, nullum inde levamen haberent: imò talis noticia eos vehementer cruciatet, propter invidiam, quam habent visis illis vivorum bonis operibus. Videntes enim vivos orantes, & illa sua oratione proficientes percipi livore tabescerent. Huius Diabolicæ invidiæ fundamentum est sua obstinata malitia, qua neminem volunt viam spirituales sequi, sed desiderant, omnes barathri spineta sectari. Unde vel id ipsum, quod eos magis torquet, appetunt, si cedat in vivorum perniciem.

Testor Angelicū Præceptorem, qui loco cit. dist. 50. q. 2. art. 1. quæstiōe. 4. hoc argumentum proponit: *Tertio præterea damnati non desiderant augmentum suæ pænæ: sed si plures damnarentur, maior esset damnatorum pænâ: ergo damnati, &c.* Huic argumento respondet Ang. Doctor: *ad tertium dicendum, quod quamvis ex damnatorum multitudine pænâ singulorum augeatur: tamen tantum superexcreset odium, & invidia, quod magis eligerent torqueri magis cum multis, quàm minus soli.*

Modò sic: Sicut ex multitudine pereuntium crescit damnatorum pœnas sic etiam ex noticia bonorum operum vivorum: atqui pœnam, quam ex multitudine pereuntium percipiunt, appetunt ex odio in superfluitas: ergo propter ipsum odium respuerent levamen illud, quod illos percipere fingis ex nostris orationibus.

Respondetur ergo ad auctoritatem dictam: Angustinum nomine damnationis intellexisse Purgatorium, in quo abs dubio damnationem patiuntur, qui ibi torquentur. Ex quibus alii medio suffragio hic, & tunc applicato, in Cœ-

lum conscendunt: & horum plena est remissio. Alii verò habent ultra quod solvant: & horum non est tunc plena remissio: Alti, quia eis suffragium prodest ad pœnæ moderationem, propterea est tolerabilior ipsa damnatio.

114. Atguitur secundo: Qui a Damasc. in serm. quod defuncti à vivis adinventur, refert ex testimonio Palladii S. Macharium, qui frequenter pro defunctis orabat, in quodam itinere offendisse calvariam cuiusdam defuncti, quærentemque, cuius caput esset? Audivisset illud esse cranium cuiusdam Sacerdotis gentilis damnati: & adiecit: se, & alios damnatos orationibus Macharii juvari. Ecce damnatum confitentem iusti orationes existentibus in Inferno prodesse ad pœnarum levamen. Ecce etiam iustum pro damnatis orantem: ergo orare pro damnatis possumus.

Respondetur primò: Quod de illo serm. Damasc. iam suprà diximus, quid sentiendum sit numero 94. Secundo respondetur: Nullam fidem adhibendam esse pagano damnato aliquid asserenti, sicut nec Dæmoni: unde prohibita auctoritate utitur Adversarii contra certissimam veritatem.

115. Dices: D. Thomam in supplem. quæst. 71. art. 5. ad 4. admirare ut veram talem narrationem, eiusque veritate supposita, responderet argumento concedens aliquod gaudium obtinuisse damnatos orationibus illis D. Macharii.

Respondetur sicut num. citato, D. Thomam non admisisse, sed permisisse veritatem illius narrationis: Quia etiam si vera foret, nihil contra nos probaret. Et hic est egregius modus respondendi, quo arguentibus ostendi solet utilitas suorum discursuum, quorū fundamentum, etiamsi admittatur, nihil concludere ostenditur. Est etiam brevior, formaliorque modus procedendi: quatenus respondens hac via prohibet extraneum. Quod in casu præsentis certissimum est. Etenim facto argumento poterat primò responderi, negando, talem sermonem esse Damasceni. Secundo negando homini damnato fidem adhiberi posse.

posse. Quocumque ex his modis solvitur argumentum. Verum arguens, ut illud prosequatur, divertit ad aliena, quibus nullum, aut remorem commercium est cum presenti materia. Illam autem directe concernit, omittere disputatione illius sermonis circa Auctorem, & circa narrationis veritatem: quibus prætermisissis, vel arguens deserit argumentum; vel si illud prosequi mavult, cogitur materiae subiectæ limites non deserere.

Hoc præclarissimo procedendi modo utitur ferè semper D. Thomas in suis Angelicis scriptis, ut ipsa planè testantur. Et in presenti art. non semel fecisse constat: quia ad argumentum quintum, quod consistit in antedicta historia Traiani, quæ Damasceno tribuitur, omisit S. Doct. an Damascenus fuerit Auctor huius historiae, & an D. Gregorius pro Traiano potuerit orare. Hisque omisissis, mo dum scrutatur, quod, etiamsi vera forent, quæ omittit, suam Anglicam resolutionem non infringere. Ait enim: *Ad 5. dicendum, quod de facto Traiani hoc modo potest probabiliter existimari, &c.* Ut supra diximus.

Similiter in presenti omisissis duobus illis, quæ vidimus; ac veluti si vera essent, se gerens, respondet: Quod gaudium illud non erat verum, sed phantasticum, quod in damnatis esse non repugnat.

Audiamus Doctorem Angel. *Ad 4. dicendum, quod illud adiutorium non erat, quod pœna eorum diminueretur, sed in hoc solo, ut ibidem dicitur, quod eo orante, concedebatur eis, ut mutuo se viderent, & in hoc aliquod gaudium non verum, sed phantasticum habebant, dum implebatur hoc, quod desiderabant. Sicut & demones gaudere dicuntur, dum homines ad peccatum pertrahunt, quamvis per hoc eorum pœna nullatenus minuat: sicut non minuitur Angelorum gaudium per hoc, quod malis nostris compati dicuntur.*

Hoc est gaudium cuius capaces sunt miseri illi: nec licitum est orare, ut gaudium hoc phantasticum habeant. Nec verum est D. Macharium pro ipsis damnatis orationem fuisse, sed pro defunc-

tis dicitur postulasse. Et ex tali oratione pro defunctis suscelebant illa phantastica gaudia; si fides danda est (à quo præscindimus) illi narrationi.

Habes ergo ex dictis, quid facto argumento respondeat D. Thomas: *Non tamen ob hoc dicit* (ait inibi egregius eius Explanator) *quod coacti sumus ad credendum, quod caput illius pagani non sit mentium in dicto suo illo de invamine.* Quæ omnia quamquam prolixè, notare placuit, quia non rarò viros doctos videmus, credentes multa esse de mente D. Thomæ præcisè, quia illa non negat. Maneat ergo D. Thomæ non concedere caput illud vera loquutum, & phantastica esse gaudia, quæ in damnatis admittit.

116. Arguitur tertio, & est replica contra dicta: Damnati capaces sunt veri gaudii: ergo possumus orare, ut illud verum gaudium, cuius sunt capaces, consequantur. Consequentia bona est, & antecedens probatur ex D. Thom. 1. p. q. 64. art. 3. ubi vera gaudia Dæmonibus concedit dicens: *Dicendum, quod timor, dolor, gaudium, & huiusmodi, secundum quod sunt passionis, in Dæmonibus esse non possunt: sic enim sunt propriè appetitus sensitivi, qui est virtus in organo corporali. Sed secundum quod nominant simplices actus voluntatis, sic possunt esse in damnatis: ergo in damnatis vera gaudia dantur.* Patet ista: Tum quia D. Thomas non loquitur de phantastico, sed de vero gaudio. Tum quia eodem modo loquitur de gaudio, ac de dolore: unde, cum in damnatis datur verus, dolor, concedendum etiam est verum gaudium.

117. Confirmatur primò: Gloria Sanctorum videri non potest sine vero, & maximo gaudio: sed damnati vident gloriam Sanctorum: ergo habent verum gaudium. Minor poterat dissidium aliquod causare, si non esset communissima inter Theologos, quorum extrinseca auctoritas aulere difficultatem, quam habere poterat. Constatque ex D. Luc. cap. 16. ubi dicitur, divitem illum, damnatum vidisse Abraham, & Lazarum inter in Domino quiescentes, clamasse: que

que: *Pater Abraham, mitte Lazarum, &c.*

Si dicas: Huiuscemodi visionem non esse ad gaudium ex illa colligendum, sed ad invidiam, & merorem comparandum.

Contra est: Quia si ob hanc rationem Sanctorum gloriam nunc inueneretur, etiam post diem iudicii illam viderent ab illa enim die plusquam antea torquebuntur: at post diem iudicii non videntur damnati gloriam Sanctorum ex D. Thom. in 4. ad Anibald. dist. 50. art. 2. ad 3. ergo.

118. Confirmatur secundò: In consideratione scientiæ est maxima delectatio, tum ex parte cognoscibilium, si diligantur, tum ex parte cognitionis, quia conueniens est naturæ rationali, & perfectæ: atqui damnati videntur scientia, quam in Mundo habuerunt, ut docet D. Thom. dicta distinct. quest. 2. art. 2. quest. iunc. 1. ergo hoc vsu veram delectationem habent.

119. Confirmatur tertio: Non potest Deus cogitari sine magna delectatione: Damnati de Deo cogitant: ergo habent delectationem. Consequenter sequitur, & minor est D. Thomæ citati quest. iunc. 2. Maior autem probatur ex illo Psalm. 76. ubi dicitur: *Memor fui Dei, & delectatus sum*: ergo.

Respondetur argumeto: In Dæmonibus, aliis, que damnatis posse dici, esse vera gaudia, non formaliter, sed præsuppositivè, quia habet multa, ex quibus verum gaudium natum est sequi, nempe consecutionem eorum, quæ petunt, ut constat ex suprâ dictis, adimpletionem eorum, quæ desiderant, ut quando hominem peccare faciunt, & quando damnatorum numerum crescere consequuntur. Hæc omnia nata sunt ex se gaudium causare. Verum in damnatis gaudium hoc non resultat, vel quia incompatibile est cum summa angustia, qua cruciantur; vel quia, sic petente eorum infelicitissimo statu, Deus concursus suspendit, nè verum gaudium ex illo fundamento resulset.

Exemplo aptissimo res hæc nota fiet. Etenim sicut desiderii consequentia parit gaudium, sic merorem parit deside-

rii frustratio: sed quamvis boni Angeli desiderium circa sui clientis salutem frustratur, non verè tristatur; eò quòd summa felicitas, qua fruitur, omnem tristitiam expellit: ergo pariformiter. Unde gaudium, quod D. Thom. loco cit. concedit damnatis, si formaliter sumitur, est phantasticum, si præsuppositivè consideretur, non est ad rem præsentem. Videatur Magister Ferre tract. de Angel. quest. 18. §. 3. num. 1129.

Ad primam confirmationem respondetur admittendo solutionem inter arguendum datam: ad improbari non dicatur: Quòd sicut diligentibus Deum omnia cooperantur in bonum: sic damnatis omnia cooperantur in malum. Videre Beatorum gloriam, est nunc ipsis maximum tormentum, & invidia: non videre illam post iudicii diem, erit etiam maxima pœna. Cognoscent siquidem tunc Beatos esse in gloria, & hoc cedit in damnatorum tormentum: scient etiam, quòd illos tunc non videre, est quia reputantur indigni tali visione, & ex hoc crescit eorum cruciatio. Bone Deus, libera nos à tali miseria propter mortem, & sepulturam tuam.

Ad secundam confirmationem respondetur: Quòd in consideratione scientiæ est per se maxima delectatio; per accidens tamen est in damnatis desperata tristitia. *Considerabunt enim*, ait inibi D. Thom. *mala, quæ gesserunt, ex quibus damnati sunt. & bona dilecta, quæ amisserunt, & ex utroque torquebuntur. Similiter etiam torquebuntur de hoc, quòd considerabunt notitiam, quam de rebus speculabilibus habuerunt, imperfectam esse, & amisisse summam eius perfectionem, quæ poterant adipisci.* Quamobrem consideratio, quæ sanè est per se delectabilis, est causa desperati meroris in damnatis, ex adiunctis.

Ad tertiam confirmationem dicatur: Deum posse cogitari dupliciter: primò secundum se, seu ut est totius bonitatis principium: & sic eius cogitatio delectationem causat. Secundò consideratur Deus, ut ludex pœnas pro peccatis infligens, & prout sic eius cogitatio delectationem minimè causat, sed furorē in dam-

damnatis. Primo modo non cogitant damnati de Deo, unde vera est maior confirmationis, sed falsa minor. Secundo modo cogitant, sed tali cogitatione non delectantur, sed torquentur: unde vera est minor, & falsa maior.

120. Arguitur quartò: Status damnatorum admittit refrigerium in tormentis: ergo possumus petere à Deo, ut ipsis illud refrigerium conferat. Probatur antecedens: Quia damnati torquentur igne, & frigore, transeuntes de uno in alium, ut dicitur apud Iob cap. 24. his verbis: *Transibant ab aquis nivium ad calorem nimum*, sed qui sic transeunt, refrigerium habent in ipso transitu: ergo.

Respondetur argumento ex D. Thoma in 4. dist. 50. quest. 2. art. 3. *Ad tertium dicendum, quod damnati transibunt ex vehementissimo calore ad vehementissimum frigus, sine hoc, quod in eis sit aliquod refrigerium, quia passio ab exterioribus non erit per transmutationem corporis à sua pristina naturali dispositione, ut contraria passio ad equalitatem, vel temperiem reducendo, refrigerium causet, sicut accidit nunc. Sed erit per actionem spiritualem secundum quod sensibilis agunt per sensum, prout sentiuntur imprimendo formas illas secundum esse spirituale in organum, & non secundum esse materiale, ut supra dist. 44. dictum est.*

121. Arguitur quintò: Damnati plura opera bona, & mala liberè faciunt: ergo possumus Deum orare, ut bene, & non malè operentur. Consequentia videtur nota: Eò enim pro vivis oramus, ut libertas eorum bonis actibus explicetur. Antecedens probatur primò pro utraq; parte: Quia damnatorum voluntas est essentialiter libera: ergo per damnationem non est ab eis ablata potestas ad bene, & malè operandum. *Secundo* probatur antecedens pro prima parte: Quia poenitere de peccato est actus bonus: sed damnatos poenitet de peccatis: dicitur enim libro sapient. cap. 5. v. 3. *Poenitentiam agentes*. Et 9. Ethic. ait Philosophus: *Poenitentia replentur pravi*. ergo.

122. Confirmatur: Licetè possu-

mus compari de miseris damnatorum, maxime sanguine, vel amicitia nobis iunctotum: ergo possumus pro eis orare. Antecedens certum est, & consequentia inde còstate videtur, quòd non est alius modus exprimendi nostram compansionem, nisi per orationem.

Respondetur argumento negando antecedens pro prima parte. Ut enim ait D. Thomas dicta dist. 50. quest. 2. art. 1. questiu. 1. In damnatis debet considerari duplex voluntas, alia naturalis, & alia deliberativa: primam habent non ex se ipsis, sed ab Auctore naturæ: secundam autem ex se ipsis habent. Unde prima illa voluntas potest esse bona: secunda verò semper est mala: Quia voluntas non potest esse bona, nisi pet ordinem ad finem ultimum, à quo aversi semper sunt damnati: unde quamvis aliquod bonum velint, nunquam tamen bonum illud bene volunt, atque adeò semper operantur pravè.

Ad primam antecedentis probationem dicas: In damnatis esse libertatem simpliciter talem, quæ quidem non est de fine, sed de mediis, pet quæ còsequendus est voluntatis finis. Quare sicut Beati sunt perfectissimè liberi, licet non valeant malè operari: ita damnati sunt liberi, licet bene operari non valeant. Et ratio est, quam iam insinuavimus: quia libertas respicit electionem mediorum: Unde sunt liberi Beati, quia hoc, vel alio medio tendunt in sanctissimum illum finem, quem iam inamissibiliter respiciunt: & etiam sunt liberi damnati, quia hoc, vel alio medio electo ab ipsis, dirigunt, quicquid volunt, in illum pravum finem, cui obstinatè vi primæ electionis adherent. Quare libertas pro diversitate statuum diversa habet predicata. In viatoribus Indifferentis est ad bonum, & malum. In iis verò, qui in termino existunt, hanc indifferentiam non habet, sed immobiliter adhæret fini bono, si est libertas Beatorum: vel malo, si est damnatorum libertas: conservat tamen indifferentiam, ut his, aut aliis mediis utatur, & hoc est de indispensabili conceptu libertatis. Videatur D. Thomas prima parte quest.

quest. 64. art. 2. & ibi Caiet. Bann. & nostr. Philipp. à SS. Trinit.

Ad secundam probationem antecedentis respondetur: Quòd pœnitere de peccato propter ipsius deformitatem, est actus laudabilis: pœnitere autè propter pœnas inflicitas, & maxime conservando voluntatem obstinatam in malicia, est actus abominabilis. Damnatos hoc secundo modo pœnitet de suis culpis: Vnde eorum pœnitentia desolabilis est.

Ad confirmationem respondetur primò: Quòd oratio est actus præcipuè imperatus à Charitate, vt docet Divus Thom. 2. 2. quest. 83. art. 7. Vnde non potest se extendere vltra id, quod Charitas respicit. Charitas autem non se extendit ad damnatos, vti dictum est in hac disput. numero 77. atque aded licet naturali compassione possimus illorum misereri non tamen compassione Charitatis: vnde neque orare pro eis possumus.

Secundò respondetur negando antecedens, vel illud distinguendo de voluntate, vt natura est, & vt deliberativa. Prius modo potest habere eos effectus, non autem secundo: Quia prout se non potest discordare à voluntate Dei damnatos, vt inimicos punientis, & vt pro illis non oremus, imperantis. Videatur Magister in 4. dist. 50. §. *De chaos inter bonos, & malos*. Videatur etiam D. Thom. ibi. Et Bann. ac nostr. Philipp. landati.

123. Arguitur vltimò: Quia D. Ildephonsus serm. 5. de Assump. Virg. circa finem ait: *Gaudium, & letitia huius diei clausuris infernalibus inclusis ali- quod remedium, & refrigerium præstat: non audent, opinor, ministri tartarei attingere suos captivos*: ergo pia interpositione Sanctissimæ Dominæ nostræ mitigantur damnatorum pœna: ergo possumus huius Sanctissimæ Reginae auxilium implorare pro illis miseris iuvandis.

124. Confirmatur: Quia in vita S. Brandani refertur, quòd videns ludam ambulantem in pratis, interrogavit, quare non esset in Inferno? Et ref-

pondit Iudas: *Quia ad tempus refrigerium habebat propter bona, quæ fecerat*. Ita refert Pat. Thomas Hurtado citatus.

Respondetur argumento: Nullum diem, etiam assumpt. Dominæ nostræ, nullam horam, nullum instans dari, in quo cessent damnatorum tormenta, vt constat ex suprà dictis, docetque Seraph. Theresia initio quæstionis præcedent. adduxit, præcipuè loco cit. ex lib. vitæ suæ, vbi inter alia ait de Inferni pœnis: *Y ver, que avian de ser sin fin, y sin jamàs cessar*. Vbi per *ly sin jamàs cessar*, non pœnarum perpetuitatem designat, hanc enim iam per *ly sin fin* ostenderat. Ostendit tamen pœnas illas numquam ob sui perpetuitatem finiendas, & nullo vnquam, etiam levissimo, retrigerio temperandas.

Quapropter magnus Augustinus aiebat: *Si scirem Patrem, vel Matrem meam esse in Inferno, non magis pro eis orarem, quam pro Diabolo*. Et D. Greg. lib. 32. moral. cap. 12. inquit. *Eadem causa est, vt non oretur pro hominibus eterno supplicio damnatis, quæ nunc est, vt non oretur pro Diabolo, & Angelis eius*.

Nunc ergo sententia opposita non vult, nos pro Diabolo posse orare, nec ad hoc deservire poterat adducta Divi Ildephonsi auctoritas, cum ministros tartareos planè excludat: vnde cum eadem ratio sit de hominibus damnatis, nec pro illis orandum nobis est, quia incapaces sunt refrigerii. Quid ergo dicemus ad verba aded expressa D. Ildephonsi?

Respondetur primò cum aliquibus, quos supresso nomine citat dictus Hurtado: S. Doctorem loqui de patientibus in Purgatorio, quorum tormenta mitigat, seu suspendit Cælorum Regina sidera scandens. Hoc tamen non esse valde conforme menti Ildephonsi, eius verba clarissimè clamant.

Quamobrem respondetur secundo: B. Ildephonsum illa verba assertivè non dixisse, vt constat ex ipsius verbis: *Dicam plus, si audeo, dicam fidei presumptione, dicam pia temeritate*. Quæ verba planè ostendunt, illa in contrarium ob-

iecta, dicta esse non animo asserendi, sed gloriam Sanctissimæ illius solemnitatis exaltandi. Vnde debemus in hoc Sanctissimæ Dei genitricis fervidum erga ipsam affectum æmulari, & ea credere, quæ ipse credidit, dixitque assertivè.

Ad Confirmationem respondetur:

Illam revelationem, vel esse apochrypham: vel fuisse illusionem, quod non repugnat animabus Sanctis, quæ multis, quæ sunt à proprio spiritu, credunt sibi esse à Deo revelata. Videatur Caier.

tom. 1. cap. 23.

quæst. 2.

## QVÆSTIO QVINTA.

*Vtrum existentibus in Limbo prodesse possint orationes viatorum?*

125.



Ari locum ubi cum sola labe originea decedentes carcerantur, certissimum est. Hic locus Limbus dicitur, in eoque pueri, quos aqua baptismalis non abluit, detinentur. Vnde præter Infernum damnatorum, qui non solum pœna damni, sed etiam pœna sensus puniuntur, datur Infernus, in quo decedentes cum solo originali sunt, qui non pœna aliqua sensibilis, sed solummodo pœna damni cruciantur.

Si dicas, quòd receptacula debentur animabus post mortem, propter peccata, quæ commiserunt in vita, & propter bona opera, quæ fecerunt: sed non datur nisi vnum receptaculum, scilicet Paradisus, ubi bona præmientur: ergo non datur nisi vnum receptaculum, nempe Infernus, ubi peccata puniantur.

Respondetur ex D. Thom. in 4. dist.

45. quæst. 1. art. 3. *Ad primum ergo dicendum, quòd bonum contingit vno modo, sed malum multifariè, sicut patet per Dionysium cap. 4. de Divin. nomin. & per Philosophum in 2. Ethic. & propter hoc non est inconueniens, si locus bonæ retributionis est vnus, loca verò puniuntur sint plura.*

126. Instas: Bonum non contingit vno modo, sed multifariè, sicut malum: ergo vel debet dari duplex locus, ubi constituantur boni; vel non datur nisi vnum receptaculum, ubi plectantur mali. Probatur antecedens: Quia parvuli sine Baptismo decedentes diverso modo malum contrahunt, ac adulti, qui damnantur, dicitur, quòd in eis

malum non contingit vno modo, sed multifariè: sed parvuli cum Baptismo decedentes diverso modo felicitatem consequuntur, ac adulti, qui beantur: ergo in eis bonum non contingit vno modo.

Respondetur decedentem in gratia pertinere ad gloriam, sicut in peccato mortali moriens spectat ad Infernum. Ast ad Infernum spectat quis duplici titulo, nempe vel propter aversionem à Deo, qua sola stante, dignus est pœna eterna; vel propter dictam aversionem, & simul propter conversionem ad bonum commutabile. Et sic potiori iure pertinet ad Infernum; aliter tamen, & aliter, nam si propter aversionem à Deo, & simul propter conversionem ad bonum commutabile spectant; tunc plectuntur pœna damni, & pœna sensus, ex quibus prima correspondet aversioni; secunda autem conversioni, ut docet D. Thomas quæst. 5. de malo art. 2. Si autem pertinet propter solam aversionem, tunc plectitur pœna damni, sed pœna sensus cur torquebitur; qui ad bonum commutabile pravè conversus non fuit? Sed nec præmio digna est illa conversio non pravæ; quia ad præmium supernaturale non sufficit absentia pravitatis: sed insuper requiritur conversio positivè bona, scilicet relata in finem supernaturalem. Videantur nostri Salmanticenses tract. 13. disp. 16. num. 68.

Vnde duplex damnatorum receptaculum dari debet. Primum, in quo sunt, qui pœna damni, & sensus puniuntur: Secundum autem, in quo punitur solum.

lummodò pœna damni, & hoc est, ubi parvuli sine Baptismo decedentes morantur. Parvuli autem decedentes cum Baptismo non sunt à Deo averſi; atque adeò converſi poſitive in illum ſunt: edòque ad idem receptaculum ſpectant; ac adulti, qui in Domino moriuntur: cum hac ſolùm differentia, quòd gloria, quæ in parvulis eſt hæreditas, eſt in adultis corona.

Habes ergo, quòd modalis diverſitas non eſt ſufficiens ad diverſitatem receptaculi; ſed quòd requiratur ſubſtantialis. Hac non eſt inter Beatos, ſed illas quia omnes eandem gloriam recipiunt, cum illa tamè modalis diſtinctione gloriæ per modum hæreditatis, ac per modum præmii. Inter damnatos autem datur ſubſtantialis diverſitas: Quia licet omnes plectantur pœna damni, non verò pœnam ſenſus habent omnes; ſed illa carent parvuli in Limbo commorantes, de quibus loquimur in præſenti, an illis orationes noſtræ prodeſſe valeant, explorantes.

### §. I. Quid ſit tenendum proponitur, & probatur.

127. **N**oſtra cõcluſio: *Exiſtentibus in Limbo prodeſſe non poſſunt noſtræ orationes: Vnde pro illis orare non poſſumus.* Concluſio hæc certiffima eſt ſecundùm Fidem; vnde circa illam non eſt inter Orthodoxos diſſidium. Probatur ergo hæc auctoritate Eccleſiaſt. cap. 11. v. 3. *Si ceciderit lignum ad Auſtrum, ſive ad Aquilonem, in quocunque loco ceciderit, ibi erit.* Quibus verbis iuxta omnes Patres, ac Interpretes oſtenditur perpetuitas Inferni, & Limbi. Vnde ſicut non poſſumus orare pro damnatis ad Infernum; quia ipſorum tormenta perpetua ſunt; atque adeò nullum fructum ex noſtris orationibus percipere poſſunt: ſic etiam vanum eſſet, orare pro exiſtentibus in Limbo.

128. Probatur deinde concluſio ratione ex data auctoritate deducta: Quia pro damnatis orare nō poſſumus: ergo nec pro exiſtentibus in Limbo.

Antecedens patet ex dictis quæſt. 3. & 4. & conſequẽtia probatur primò: Quia exiſtentes in Limbo verè damnati ſunt, neq̃ in hoc poteſt eſſe aliquod dubium: ergo.

129. Probatur ſecundò: Idèd nōn poſſumus orare pro damnatis ad Infernum, quia ſunt in termino ſimpliciter ultimo, q̃ui incompoſibilis omnino eſt cum alio ultimo termino: ſed exiſtentes in Limbo ſunt in ultimo termino incompoſibili cum alio termino ultimo: ergo prodeſſe nō poſſunt orationes noſtræ exiſtentibus in Limbo. Cetera conſtant, & minor etiam patet, quia terminus, in quo ſunt exiſtentes in Limbo, eſt omnino idem cum termino, in quo ſunt damnati, qui terminus eſt ſimpliciter ultimus; incompoſibilisq̃ue cum alio termino ultimo, videlicet cum æterna felicitate; quæ illis irrevocabiliter deneganda eſt, ut patet ex adducta auctoritate.

130. Probatur denique concluſio ſic: Quia ſi poſſemus orare pro exiſtentibus in Limbo, eſſet vel ut ab illo carcere exirent, vel ut pœna, quam ibi habent, mitigaretur: neutrum poteſt dici: ergo pro illis orare non valemus. Minor pro prima parte probatur ex dictis: *Quia in Inferno nulla eſt redemptio, & lignum, in quocunque loco ceciderit, ibi erit.*

Pro ſecunda parte probatur ipſa minor: Quia exiſtentes in Limbo non vapulant pœna ſenſus, ſed pœna damni: ſed pœna damni mitigari non poteſt: ergo tenet illa minor. Maior patet ex dictis initio huius quæſt. & minor probatur: Pœna damni eſt privatio; atque adeò conſiſtit in indiviſibili: ergo minorari non poteſt. Patet iſta, tum ex ſe, tum etiam, quia ſi noſtris orationibus minorari poſſet pœna illa, tantum poſſent orationes augeri; quòd pœna penitus finiretur: quod eſt contra perpetuitatem illius. Vide, quæ in ſimili diximus ſuprà num. 66. & 70.

Ex dictis conſtat tantum abeſſe, quòd orationes noſtræ, quæ abs dubio damnatis nō proſunt, prodeſſe poſſint exiſtentibus in Limbo: Quòd potius etiam.



si damnatis essent fructuosæ, ut eorum tormenta mitigarentur, adhuc inutiles forent pro existentibus in Limbo. Et ratio ex dictis nota est: Quia damnari patiuntur poenam sensus, cui ex se mitigatio non repugnat; in Limbo autem hæc poena non adest, unde magis cognoscitur repugnantia utilitatis nostrarum orationum erga existentes in Limbo, quam erga damnatos.

§. II. *Obijciantur non nulla contra istam rationem.*

131. **V**ltima ratio, quæ sanè intentum suadet, ex duplici capite impugnari potest. Primum est, quod falsò asseritur, existentes in Limbo poenas sensus non experiri: ergo facta ratio corrui ex hac parte. Probatur antecedens primò ex Matth. 25. Vbi supremus Iudex dicit omnibus ad ipsius sinistram constitutis in iudicio universalis: *Discedite à me, malefactori, in ignem æternum*: sed existentes in Limbo comparebunt in iudicio ad sinistram Iudicis: ergo ipsis dicatur, *discedite à me, &c.* Et ad ignem æternum damnabuntur, quod est idem, ac poena sensus puniri.

Probatur secundò idem antecedens: Nam peccato originali correspondet in hac vita multiplex poena sensus: ergo similiter in futura. Patet ista: Quia nullum fundamentum adest, ut in futura vita non correspondeat poena sensus peccato originali, & quòd in hac vita poena sensus puniatur. Et probatur antecedens: Quia mors, infirmitas, aliaque incommoda temporalia, corporaliaque, quæ patiuntur, sunt effectus peccati originalis: ergo.

132. Confirmatur primò: Quia existentes in Limbo sunt conversi ad bonum commutabile: ergo patiuntur poenam sensus. Consequentia constat: Nam ut suprà diximus poena sensus correspondet conversioni ad bonum commutabile, quæ adest in peccato. Antecedens autem probatur: Quia existentes in Limbo sunt habitualiter averse à Deo: ergo sunt habitualiter conversi

ad alium finem. Antecedens est certum. Et consequentia inde constat, quòd illorum voluntas non potest non aliquem finem respicere.

133. Confirmatur secundò: Quia iuxta nostros Salmanticenses tract. 13. disp. 17. num. 95. poena sensus non solum correspondet conversioni ad bonum commutabile, sed etiam aversioni ab incommutabili bono: sed existentes in Limbo averse sunt ab hoc bono: ergo torquentur poena sensus.

Ad obiectionem respondetur negando antecedens: Ad cuius primam probationem dicas: Sententia illa feriendus utiq; quot quot in iudicio universali ad sinistram Iudicis constituentur: aliter tamen, & aliter, quia damnatos feriet eos ad ignem, qui verè ignis est, ad aliaque tormenta poenam sensus causantia, mittens: existentes verò in Limbo mittet ad ignem, sumpto igne non quoad speciem ignis, poenam sensus causantis, sed pro genere, quatenus nomine ignis signatur poena damni, qua torquentur.

Duplicem partem habet solutio pro diversitate eorum, qui ad sinistram Iudicis collocandi sunt. Prima asserit damnatos mitti ad ignem verè talem, eoque causante poenam sensus: in quo nulla difficultas est: sic enim fatentur omnes. Secunda tenet, quòd quando existentes in Limbo dicuntur ignem, aliaque huiusmodi pati, non sumuntur ista quoad speciem, sed in genere, pro ut poenæ significant: quiaque illi solum poenam damni patiuntur, propterea de poena damni intelligi debent.

Quoad istam partem solutio est D. Thomæ quæst. 5. de malo art. 2. ad 1. ubi ait: *Dicendum, quòd nomen tormenti, gehennæ, supplicii, & cruciatus, vel si quid simile in dictis Sanctorum invenitur, est largè accipiendum pro poena, ut ponatur species pro genere. Idè enim talimodo loquendi usi sunt, ut desensibilem redderent errorem Pelagianorum, qui assererent, in parvulis nullum peccatum esse, nec eis aliquam poenam deleri.* Hæc Divus Thomas dicta aliquorum Sanctorum exponens, quæ expositio, ut de se

conf.

constat, convenit etiam sententiæ illi supremi Iudicis.

Nisi mavis dicere: sententiam illam solum damnatos terere: de his enim, & non de existentibus in Limbo intelligi potest culpa, qua indignatus Iudex illa dicet, videlicet: *Isurvi, & non credidistis mihi manducare: sicut, & non dedistis mihi bilere.*

Ad secundam probationem antecedentis responder Divus Thomas in 2. dist. 33. quæst. 2. art. 1. *Ad tertiam dicendum, quod non est eadem ratio de pena sensibilibi ante mortem, & post mortem: quia ante mortem pena sensibilibi cōsequitur virtutem naturæ agentis, sive sit pena sensibilis interior, ut febris, & aliquid huiusmodi: Sive etiam sensibilis pena exterior, ut aestus, & aliquid huiusmodi. Sed post mortem nihil agit virtute naturæ sed secundum Iustitiam Divinam ordinem tantum, sive in animam separatam, in qua cessat, quod ignis naturaliter agere non potest. Sive etiam in corpus post resurrectionem, quia tunc omnis actio naturalis cessavit, cessante motu primi mobilis, qui est causa omnis motus, & alterationis corporalis.*

134. Ad primam confirmationem responderetur distinguendo antecedens: *Sunt conversi habitualiter, concedo: actualiter, nego antecedens.* Et pro conversione habituali non debetur poena sensus, sed solum pro actuali. Sic laudatus Divus Thomas cit. loco de malo: *Pena sensus numquam debetur habituali dispositioni. non enim aliquis punitur ex hoc, quod est habitus ad furandum, sed ex hoc, quod actu furatur. Sed habituali privationi absque omni actu debetur aliquod damnum, puta, qui non habet scientiam litterarum, ex hoc ipso indignus est promotione ad Episcopalem dignitatem. In peccato autem originali invenitur quidem concupiscentia per modum habitualis dispositionis, qua parvulum facit habilem ad concupiscentiam, ut Augustinus dicit, auctorem autem actu concupiscentem: & ideo parvulo defuncto cum originali non debetur poena sensus, sed solum poena damni: quia scilicet non est idoneus perducere ad signum Divinam propter privatio-*

*nem originalis iustitiæ.*

Ad secundam confirmationem responderetur neminem Patrum Salmanticæ abunde ab ipsis inibi explicatam esse: Loquuntur enim non de peccato originali, sed de peccato gravi personali, in quo duo attendenda sunt. Primum est, ratio voluntarii, cui correspondet poena sensus, iuxta illud Apocal. 18. *Quantum glorificavit se, & in deliciis suis, tantum date illi tormentum, & luctum.* Secundum est, improporatio ad visionem beatificam propter defectum principii ad eius elicentiam, videlicet propter carentiam gratiæ sanctificantis: & huic carentiæ correspondet poena damni.

Verum quidem est, quod in peccato mortali personali tam aversio, quam conversio & est voluntaria, & dicitur tam improporcionem: Alit prima ratio voluntarii invenitur in conversione, & prima ratio improporcionis reperitur in aversione: quapropter dici frequenter solet, quod poena damni correspondet aversioni, & poena sensus conversioni. Quæ locutio non respicit ea, quæ tam formaliter, quam connexivè dicunt prædicta aversio, & conversio: sed solum illa, quæ de formaliter important. Si autem omnia, quæ dicunt, considerentur, latendum est, & poenam sensus correspondere aversioni, & conversioni poenam damni.

Ex quibus constat, quod peccatum eorum, qui in Limbo existunt, non debet puniri poena sensus, quia in ipso non datur voluntarium proprium, cui prius talis poena correspondet: licet poenæ damni subiaceat, quia assertecum carentiam gratiæ, seu improporcionem ad beatificam visionem. Sicut à contrario peccatum veniale, quia non dicitur diu improporcionem, non subiaceat poenæ damni: punitur tamen poena sensus, quia dicitur proprium voluntarium. Videantur citati Salmanticenses.

Secundum caput, quo impugnatur victima illa ratio à nobis facta, consistit in eo, quod poena damni, quia privatio est, consistit in indivisibili quod est contra D. Thomam 1. 2. quæst. 73. art. 2. dicentem, privationes suscipere magis,

& minùs: ergo non consistunt in indivisibili.

Obiectio hæc plurima inenitatur in præfenti materia supponenda: Vnde opus non est illa explanare pro nostra ratione defendenda. Non nulla tamen dicemus lectorem remittentes ad restit. Salmanticenses, ubi quicquid desiderare potest, inveniet. Respondetur ergo D. Thom. loco citato loqui de privationibus *in fieri*, non autem de illis, quæ *consistunt in facto esse*. Pœna damni non est ex privationibus primi generis, sed ex secundo genere privationum: unde D. Thom. non est nobis contrarius.

136. Si dicas: Etiam privatio *in facto esse* suscipit magis, & minùs: ergo data distinctio non tenet. Probatum antecedit: Pœna damni est privatio beatificæ visionis totalis, & *in facto esse*: sed hæc privatio suscipit magis, & minùs: ergo. Minor constat ex dictis nostris Salmanticensibus disp. 18. dub. 1. §. 3. & 4.

Respondetur ex iisdem PP. inibi nro. distinguendo antecedens, illudque concedo de privatione sumpta ex parte causæ, quæ illam privationem inducit: Non autem de privatione ex parte formæ, quæ privat. Hæc enim, si talis sit, & *in facto esse*, consistit in indivisibili ac de privatione sic sumpta procedit ratio nostra. Circa hæc tamen videri debent laudari PP. Salmanticenses rem egregiè enucleantes.

### §. III. Respondetur argumentis.

137. **A**rguitur primò: Quia Innocentius Tertius c. Cum Mart. de celebratione Missarum ait: *Ex mortuis quosdam esse valde bonos, qui non egent suffragiis, quosdam valde malos, qui non possunt iuvari, quosdam mediocriter bonos, quibus suffragia profunt ad expiationem, quosdam mediocriter malos, quibus profunt ad propitiationem.* Vbi Pontifex de quadruplici genere defunctorum loquitur. Ad primum genus pertinent Beati, qui sunt *valde boni*, & non egent suffragiis. Ad secundum pertinent damnati, qui sunt *valde mali*, &

*que non possunt iuvari.* Ad tertium spectant in Purgatorio existentes, qui sunt mediocriter boni, quibus suffragia profunt ad expiationem. Ad ultimum pertinent existentes in Limbo, & hi sunt mediocriter mali, quibus suffragia profunt ad propitiationem: ergo possumus pro illis orare, ut illis Deus propitius sit.

Hoc argumentum ait Magister Tortre 2. 2. quaest. 83. disp. 2. num. 27. magnum negotium Canonistis accessit, ut ad illud ergo respondet dictus Magister dupliciter: Primò dicens, quòd mediocriter boni, & mediocriter mali sunt existentes in Purgatorio: ita ve mediocriter boni sint, qui nullam ibi habent culpam sed solum reatum pœnæ. Mediocriter tamen mali appellantur illi, qui habent culpam aliquam, non mortalem, hæc enim igne Purgatorio non plectitur sed veniale.

Hanc explicationem admittere non possumus: licet supponamus, ut de facto supponimus, mediocriter bonos, & mediocriter malos esse, qui in Purgatorio torrentur. Ast quòd in Purgatorio detur culpa aliqua, etiam levissima non admittimus: quippe ante Purgatorii ingressum elicitur actus charitatis ita servidus, ut in conspectu eius dispareat culpa venialis, licet remaneat pœna in Purgatorio luenda. Vide dicta disp. 4. num. 60. vide etiam Salmanticenses N. tract. 24. in annot. ad art. 4. quaest. 87. num. 12.

138. Respondet secundò datus Magister, Innocentium desumpsisse illam divisionem ex Augustino in enchir. cap. 110. & in lib. de Cura pro mortuis, ubi ponit divisionem illam trimembrem: quare Innocentius illam quadrimembrem ponens, vel memoria lapsus est, quando divisionem ab Augustino desumpsit, vel sine causa adduxit vnum membrum. Sic respondet Pontifex?

Respondetur ergo: Augustinum divisionem illam, quam ex ipso desumpsit Innocentius, quadrimembrem potuisse. Hæc sunt eius verba: *Est enim quid moriendi modus, nec tam bonus, ut non requiratur ipsa post mortem, nec tam*

*malus, ut ei non profuit ista post mortem: est verò talis in bono, ut ista non requiratur, & est rursus talis in malo, ut nec his valeat, cum hæc vita transierit, adiuvare.* Ecce Augustinum quadruplicem vivendi modum ponentem, quibus in futura vita correspondet: eorum ultimo Infernus, tertio Gloria, primo, & secundo Purgatorium.

Vnde Innocentius non ob memoriæ lapsum, sed Augustinum exhibens illam divisionem posuit habens magnum hoc fundamentum. Habuit & causam: Quia ex existentibus in Purgatorio, alii quasi nihil debent: & hi sunt mediocriter boni. Alii multum debent: & hi sunt mediocriter mali. Primi oratione hinc, & nunc applicata, à poenis liberantur: Secundi verò non liberantur, sed levamen accipiunt, dicente inibi eodem Augustino: *Quibus verò profuit suffragia, vel ad hoc prosunt, ut sit plena remissio, vel certe, ut tolerabilior sit ipsa damnatio.*

Constat ergo ex eodem Augustino Innocentium rectè divisisse, & quare quartum illud membrum assignavit. Quod sine dubio admisit Magister sentent. in 4. dist. 45. qui postquam omnia dicta ex Augustino retulit, concludit: *Ecce quibus, & qualiter profuit illa, qua pro defunctis frequentat Ecclesia: mediocriter malis suffragatur ad poenæ mitigationem, mediocriter bonis ad plenam absolutionem.*

139. Arguitur secundo: Existentes in Limbo sunt ibi propter solum peccatum originale: sed incarcerati propter solum peccatum originale possunt liberari: ergo possumus pro illis orare. Cætera nota sunt, & minor pro-

batur: Nam Patres antiqui, qui in sinu Abrahamæ detinebantur propter peccatum originale liberati sunt ab illo carcere: ergo incarceratus ob solum originale liberari valet.

140. Confirmatur: Existentes in Limbo nō sunt ibi ob propriam culpam, sed ob peccatum alterius: ergo ob aliorum orationes possunt inde liberari.

Respondetur argumēto ex D. Thoma in 4. distinctione 45. q. 1. art. 2. quæstiunc. 3. *Ad primum ergo dicendum, quòd ad culpam originale non eodem modo se habebant Patres, & Pueri. In Patribus enim originalis culpa expiata erat, secundum quod erat infectiva personarum remanebat tamen impedimentum ex parte naturæ, pro qua nondum fuit plenarie satisfactum: sed in pueris est impedimentum, & ex parte persone, & ex parte naturæ: Vnde licet Patres ab illo carcere liberati sint: à suo carcere liberati non possunt existentes in Limbo, quia eorum culpa expiata non est: atque adeo non est redemptio.*

Ad confirmationem respondetur cum eodem Angelico Doctore, dist. cit. q. 2. art. 2. quæstiunc. 3. *Ad primum ergo dicendum: quòd quamvis peccatum originale sit huiusmodi, quòd pro eo possit aliquis ab alio iuvare: tamen anima peccatorum in Limbo existentes sunt in tali statu, quòd iuvare non possunt, quia post hanc vitam non est tempus gratiam acquirendi.*

Ex quibus omnibus constat, quòd apud Limbum nulla est redemptio: sicut nec in Inferno, ut diximus in superioribus: notumque fuit Statio lib. 3. Sylvarum dicenti:

Ad manes, ignare, fugis, nec flectere parcas,  
Aut placare malæ datur aspera Numina Lethes.  
Et Ovidio Epist. ad lib. de morte fil. alicenti:  
Supprime iam lachrymas, non est revocabilis istis,  
Quem semel imbriferæ navita linte tulit.  
Et Propertio lib. 3. Eleg. testificantem:  
Desine, Paulæ, meum lachrymis vrgere sepulchrum,  
Panditur ad nullas ianua nigra preces.

QVÆST:

ba tamquam ab ipsis animabus dicta viventibus plures accipiunt, ut nemo ignorat. Constatque ex eis, quæ vener. Thom. Cantiprat. refert lib. 2. Apud cap. 49. num. 23. ait enim: Cuidam Religioso Dominicano adituisse cuiusdam animam mittentem illum ad hæredes unius hominis paulò ante defuncti, nec adhuc tumulati, ut hæc eis diceret: *Legatione fungor pro animabus in Purgatorio purificandis; hæc enim mandant suis in derelictis possessionibus constitutis: miseremini mei, miseremini mei, saltem vos amici mei, quia manus Domini reigigit me.* Hæc Venerabilis Doctor, qui plura alia pro re præfenti firmanda inibi habet.

Nec animæ illæ superstitiũ auxilium implorarent, si illi suis orationibus opem illis asserre non valerent. Valent quidem, ut constat ex adducta relatione, innumerisque aliis, quæ cuique notæ sunt, unius tantum in gratiam earumdem animarum mentionem facimus.

145. Egregius ille vir Ioann. Thremitius refert in chronico suo anno 1098. non longè à Vvormaria per multos dies, noctesque maximam armatorum militum multitudinem auditam fuisse. Accidit ergo, quemdam Monachum Linxurgensis Cænobii ad locum, ubi milites audiebantur, aliquot sociis stipatum quadam nocte venisse, & milites veluti inter se digladiantes signaculo Sanctissimæ Crucis munitum in virtute Dei omnipotentis, ut, qui essent, quidque vellent, exponerent, adiurasse. Cui vnus ex agmine respondit. *Non sumus phantasmata, nec militum viventium turba, sed anime hominum quondam in hoc Mundo Principi terreno militantium, non ante multos annos hoc in loco interfectorum. Arma, habitus, & equi, quæ, dum viveremus, nobis instrumenta erant peccati; etiam nunc post mortem in nobis sunt quedam indicia tormenti: omne, quod iam cernitis circa nos, totum ignitum est nobis, quamquam vos ignem minimè videatis.*

Motus ad compassionem Monachus quæsit: An posset illis auxilium in tot cruciatibus ferre? Cui respondit

A SPIRITU SANCTO.

Spiritus: *Ieiuniis, & orationibus, & maxime oblatione Corporis, & Sanguinis Christi adiuvare possumus, & rogamus.* Quibus dictis tota illa multitudo disparuit ter simul inclamans: *Orate pro nobis, orate pro nobis, orate pro nobis.* Verum in re adeò pervia quid morantur? Videatur Seraph. M. N. Theresia, lib. Vitæ cap. 31. & 38. ubi non pauci inveniuntur, quibus præfens hoc assertum firmatur.

146. Probatur secundò conclusio discursu sequenti urgentissimis auctoritatibus innixo. Etenim possumus orare pro defunctis, ut requiem æternam consequantur: at non sunt alii defuncti, pro quibus hoc petere possumus, nisi assistentes in Purgatorio: ergo pro illis possumus orare. Consequentia est omnino formalis, & minor constat ex dictis in hac ipsa disputatione: Quia defuncti vel deliciantur in Patria, vel vapulant apud Inferos, vel commorantur in Limbo, vel torquentur in Purgatorio: nec est alius locus, seu receptaculum pro decedentium animabus, ut videre est apud D. Thom. in 4. d. 45. quæst. 1. art. 3. modò sic: sed non possumus petere salutem existentium in Patria; quia iam in illa decorantur: nec possumus orare pro dñatis, nec pro incarceratis in Limbo; quia eorũ nulla est redemptio; quod omne patet ex quæstionibus præcedentibus, in quibus ex Scriptura, ex P. P. & à ratione horum veritatem demonstravimus: ergo non remanent alii defuncti, pro quibus orare possumus; nisi existentes in Purgatorio.

Maior autem probatur primò ex secundo Machabæorum cap. 12. ubi dicitur: *Sancta, & salubris est cogitatio pro defunctis exorare, ut à peccatis solvantur.* Probatur secundò eadem maior ex D. Dionysio cap. 7. Cœlestis Hierarch. ubi ait: *Divinus Sacerdos pro mortuis orans pro illis orat, qui Sancti vixerunt; & tamen aliquas maculas habuerunt ex infirmitate humana contractas.* Vbi & Sacerdotem pro mortuis orare dicit, & hos mortuos, pro quibus Sacerdos orat, esse existentes in Purgatorio, verbis discretissimis docet. Idem

Cc

tra

tradit Dionysius ipse loco citato cap. ult. ubi ritum commemorat, quo in primitiva Ecclesia pro mortuis orabatur; & ibi etiam adfuit vivorum suffragia mortuis predeste.

Probatur tertio ex D. Augustino, & D. Ioann. Damasc. apud D. Tho. citata quæst. 2. art. 1. quæstionum. 2. in arg. 2. *sed contra*, verba Angelici Præceptoris subiiçio: *Secundo præterea, Augustin. dicit in lib. de cura pro mortuis agenda: non parva est universa Ecclesia, quæ in hac consuetudine claret auctoritas, ut in precibus Sacerdotis, quæ Domino Deo ad eius Altare funduntur, locum suum etiam habeat commendatio mortuorum, quæ quidem consuetudo ab ipsis Apostolis inchoavit, ut dicit Damascen. in quodam sermone de suffragiis mortuorum sic dicens: Mysteriorum consocii Discipuli Salvatoris, & sacri Apostoli in tremendis, & vivificis mysteriis memoriam fieri eorum, qui fideliter dormierunt, sanxerunt.*

Vides trium horum sublimium D.D. nostram illam maiorem calculo comprobata. Et etiam vides, doctrinam ipsius ab Apostolis diminasse. Quod, præterquamquod dicentis auctoritate firmissimum est, placet in Acharholicorum confusionem sic aperire, adductis decretis aliquorum Apostolorum.

147. Omnium caput D. Petrus hoc continuè populos edocebat, vel testis est Sanctus Clemens Romanus Epist. 1. de Santo Petro circa finem, ubi ait: *Quotidiana illius prædicatio inter cetera Divina mandata hac erat :: quantum vniuscuique sapit, totis intimi cordis visceribus Deum diligere, & proximum, velut se ipsum :: Pauperes recreare, indios vestire, infirmos visitare, sitientes potare, mortuos sepelire, & diligenter eorum exequias peragere, pro eisque orare, & eleemosynas dare. Nichil expressius pro præfenti materia adduci valet. Nec inobservatum deferas, hanc pro mortuis invandis exhortationem quotidianum D. Petri exercitium fuisse, quotidiana illius prædicatio: Et talem exhortationem inter cetera Divina mandata collocasse: ac si hoc non iam consilii sit, sed præcepti. Verum de hoc forsitan aliàs.*

Idem docuit Magister, ac Patronus N. Sanctus Iacobus, de quo refert idem Clemens lib. 1. const. Apost. quod inter alia, quoties solemnia peragebat, populum ad mortuorum iuvamen excitabat, dicens: *Preceamur pro iis, qui in Fide requieverunt.*

Sanctus Iacobus minor ipsum statuit in suis liturgiis, siquidem inter alia dicebat Sacerdos: *Memento, Domine Deus, spirituum, & universæ carnis, quorum memoriam egimus, & quorum memoriam non egimus, Orthodoxorum ab Abel iusto usque in hodiernum diem. Ipse tibi eos fac requiescere in regione viventium. Quibus, aliisque subiungebat Diaconus: pro requie Patrum, & fratrum nostrorum, qui ante nos dormierunt, dicamus omnes toto animo, Domine, miserere.*

D. Matth. Apostolus, pariter & Euangelista idem tradit in sua liturgia, quæ habetur in Bibliotheca Patrum, ubi post alias pro defunctis deprecationes ait Sacerdos: *Domine Deus noster, memeto dormientium, & in recta fide quiescentium, & concede sanitatē, quia tu es vita, spes, liberator, & resurrectio omnium.*

148. Alia prætereo, quia dicta sufficiunt, ut quisque cognoscere possit, quæ vigilantia Christianæ militiæ Duces pro defunctis orabant, aliosque orare faciebant. Vnde evidens est fundamentum, quod habuit D. Thom. ut istum Sanctissimum morem ab Apostolis derivatum doceret. Quod præstiterat D. Isidorus lib. 1. de Offic. Eccles. cap. 15. ubi ait: *Sacrificium pro defunctorum requie offerri, vel pro eis oraris quia per totum hoc orbem custoditur, credimus, quod ab Apostolis traditum sit. Hoc enim ubique Catholica tenet Ecclesia. Et laudatus Areopagita ait: De prædicta precatone, quæ Antistes super defuncto precatur, quam ad nos pervenerit à Divinis Ducibus nostris traditio, dicere necesse est.*

149. Confundatur ergo Munsteri impudentia, morem adeo apud nos vlitatum offerendi sacrificia, fundendique orationes pro defunctis, inventionem esse Papistarum garrientis. Cuius delirii rationem ostendere nititur ad-

addens: Quod Iudæi, qui literis Sanctis instructi sunt, nunquam talem usum habuere orandi pro defunctis. Sic Hæreticus: sed malæ causæ peius patrociniū.

Quippe Iudas Machabeus Iudæus fuit, & in lege Sapientissimus; & tamen, ut dicitur lib. 2. Machabeorum cap. 12. *facta collatione, duodecim millia drachmas argenti misit Ierosolimam offerre pro peccatis mortuorum sacrificium: bene, & religiose de resurrectione cogitans (nisi enim eos, qui ceciderant, resurrecturos speraret, superfluum videretur, & vanum orare pro mortuis) & quia considerabat, quod hi, qui cum pietate dormitionem acceperant, optimum habere repositam gratiam.*

Insuper etiam si mos iste apud Iudæos non inveniatur, insulsum procedit, qui hoc fundamento iacto subinfert. Ego hoc est Papistarum inventum: Cum possit esse traditio: vel hanc esse ex dictis notum est. Nec intelligas ipsos Apostolos ( quod satis, superque foret ad nostrum intentum ) Auctores fuisse huiusmodi ordinationis. Auctor eius fuit Christus Dominus, qui animarū salutē intēctus misit per vniuersum Mundum Apostolos suos dicens apud Matth. cap. 28. *Euntes ergo docete omnes gentes Baptizantes eos in nomine Patris, & Filii, & Spiritus Sancti docentes eos servare omnia, quæcunque mandavi vobis. Ex quibus quidem, ait noster Elias à Santa Theresia lib. 2. cap. 34. num. 1. unum fuisse illud, ut excitarent Fideles quatenus pro defunctis orarent, multorum est opinio.*

150. Vnde constat Hæreticorum infaniam, dum suffragia, orationesque vivorum defunctis prodesse negat. Pro sunt quidem, ut hætenus dicta ostendunt, comprobantque innumerabiles revelationes, in quibus defuncti ipsi visi sunt ad vivos clamantes, suffragiaque; quibus levantur, petentes. Constat etiam ex usu omnium Fidelium, qui ab initio nascentis Ecclesiæ hoc ipsum credidere: & hac fide defunctorum animas levare curant orationibus, tum publicis, tum privatis. Cōstat deniq̃ ex ipsa

Ecclesia, quæ non solum habet Massam, Officiūq̃ defunctorum; verum etiam ipsorum requiem petit illa deprecationes: *Fidelium animæ per misericordiam Dei requiescant in pace.* Sic horas Canonicas terminat præter cōpletorium: tunc enim hanc memoriā non facit, vel quia Christiani nomine indignus est, qui in fine diei, dū suo corpori requiem parat, requiem animarum non curat, ut aliqui volunt: vel, si placet, quia tunc temporis, signo facto ab Ecclesia, omnes Fideles ad animas sublevandas excitantur.

151. Hætenus consideravimus assertionem nostram absolutē, & prout ab A catholicis impugnatur. Ex dictis tamen arduum non erit, intelligere omnes partes ipsius; siquidem diximus: *Quod omnes omnium superfluum orationes imperatorie sunt pro omnibus existentibus in Purgatorio.* Vbi ly *omnes*, & ly *omnium*, & pro omnibus extensiones sunt ipsius conclusionis; quæ quidem vera contra Hæreticos constiteret, etiam si non *omnes* orationes, sed aliquæ tantum: vel si non *omnium*, sed solum aliquorum, vel si non *pro omnibus*, sed pro aliquibus in Purgatorio existentibus impetrarent.

Veritas tamen huius extensionis inde constat; quia *omnes* viventium orationes comprehendit tam orationem publicam, quàm privatam. De oratione publica nemo est inter Catholicos, qui dubitet: de privata dubitat Caietan. ut vidimus: sed tamen deseritur ab aliis omnibus, qui licet efficaciam longè superiorē, ut par est, in publica oratione recognoscant: nihilominus orationem privatā suā etiam efficacia gaudere, cōfidentur. Quod constat primò ex praxi omnium Catholicorum privatas suas orationes pro existentibus in Purgatorio fundentium, quod non facerent, si illis non prodesse. Constat secundò ex ferè omnibus, quæ hucusque diximus: illa enim orandum pro defunctis suadent: sed privatam orationem non excludunt. Nec illa verba Iob, quæ vti diximus, & probavimus, veluti ab existentibus in Purgatorio dicta accipiuntur.



tur, publicam orationem tantummodò designant: clamant enim *miseremini mei, miseremini mei saltem vos amici mei*: ubi nec verbum est, quod privatam orationem non admitat.

152. Sed tamen probatur tertio, & à priori: Quia eò viventes possunt pro defunctis orare, quia possunt mereri de congruo pro illis; vel ut minùs, possunt illis impetrare, quod optant: sed ad hoc sufficit oratio privata; nec præcisè publica requiritur: ergo oratio privata illis proficua est. Ergo omnes orationes viventium illis profunt. Hæc secunda consequentia constat ex prima, quam præmissæ bene inferunt. Maior certissima est: Minor autem inde constat, quod non est, qui orationē privatā habentem requisita ad merendū de congruo meritoria non esse, astruat. Quibus si caret, impetrare valet. Cuius ratio ea est: quod impetratio non innititur meritis orantis, sed soli pietati Numinis miserentis. Vnde omnes viventium orationes proficua defunctis sunt, quia ipsorum redemptionem, vel solatium aut merentur de congruo, aut impetrant.

Ex quibus probantur etiam aliæ duæ prædictæ extensionis partes. Prima quidem, quia omnes superstitēs pro animabus Purgatorii orantes, vel sunt Deo acceptis;que mereri possunt: vel si infensi Deo sunt, valent impetrare; siquidem, ut modò vidimus, impetratio soli Divinæ benignitati innititur; atque adeò ab existentibus in peccato non est aliena. Indidemque omnes omnium viventium orationes profunt defunctis omnibus.

153. Et hoc est ultimum, quod probare debemus. Probatur ramen ex dictis: Quia opinio adversa Caietan. excludit defunctos illos, qui erga claves Ecclesiæ specialem devotionem nō habuerunt: at hoc est falsum: ergo omnes omnium vivorum orationes proficua sunt pro omnibus defunctis. Bona est consequentia, maiorque continet fundamentum sententiæ adversæ: Minor autem probatur: Quia illis, qui dictam affectionem erga Ecclesiæ claves non habuerunt, profunt orationes publicæ;

ergo & privatæ. Antecedens est doctrina Caietani, & consequentia probatur primò: Quia non est fundamentum, nec hætenus ab Eminent. hoc Theologo ostensum est, ut has privatas orationes, & nō publicas inutiles illis reputemus. Cur ergo infructuosæ sunt orationes privatæ; publicæ verò fructuosæ?

Probatur secundò à priori dicta consequentia, per quod probatio modò facta roboratur: Quia capacitas proximè requisita, ut defunctus possit orationibus sive publicis, sive privatis iuvare, est, quod in gratia decedat reatu peccatorum obnoxius. Si namque in peccato moritur, ad tartara mittitur, ubi oratio non suffragatur: sin autem non solum à culpa immunem, verum & à peccatū reatu alienum mors illum inveniat, tunc sidera scandit nostris orationibus non indignus: vnde illa duo, quæ diximus, requiruntur, sufficiuntque; quin requiratur illa ad claves devotio: ergo oratio specialis existentibus in Purgatorio prodest. Patet ista: Quia si non prodesset, maxime quia requiritur aliud aliud præter statum gratiæ, & debitum non solum: sed nihil aliud requiritur, ut modò vidimus: ergo.

154. Confirmatur: Oratio specialis utilis est existentibus in Purgatorio, qui illam devotionem ad claves Ecclesiæ habuere: ergo & aliis. Patet ista: Primò, quia illa devotio non requiritur. Secundò, quia, ut aliis inutilis asseratur, debet ratio, vel textus adduci hoc suadens: vnde quousque hoc fiat, fundamentum non adest, ut excipiantur à perceptione fructus orationis privatæ illi, in quibus devotio illa non emicuit: Tertio, quia illi, ex quo in gratia, & enim poenæ reatu extremum halitum exhalant, habent, quod facit, ut fructus talis orationis sint capaces.

Nec negandum reor: Defunctos illos, qui dum viverent, bene erga Ecclesiæ claves affecti fuerunt, facilius indulgentiam consecuturos; habent enim motivum speciale, quo Dei misericordiam consequantur, vel ad orationem exaudiendam vel ad ipsam, vivos movens, multiplicandam. Quod, & nihil aliud



aliud evincunt Caietani discursus. Ex hoc tamen nostra resolutio non infirmitur.

## §. II. A catholicorum argumenta soluta.

155. **C**ONTRA nostram conclusionem absolute sumptam (omissis his, quæ in negatione Purgatorii fundantur) arguitur primò plurimis scripturis, quibus ostendere conantur Hæretici vivorum orationes inanes proflus esse, vt existentibus in Purgatorio profint. In primis enim ad Galat. cap. 6. ait D. Paulus: *Quæcûque homo seminaverit, hæc & metet.* Item in 2. ad Corinth. cap. 5. inquit: *Omnes nos manifestari oportet ante Tribunal Christi, ut accipias unusquisque, prout gessit.* Deinde Psalm. 61. dicitur: *Deus reddet unicuique iuxta opera sua.* Et cap. 5. Apocalypf. *Beati mortui, qui in Domino moriuntur, opera enim illorum sequuntur illos.* Quæ omnia planè conspirant in nostram resolutionem, vt singula expendenti constabit. Siquidem ex prima scriptura constat, hominem in alia vita mesurum, quæ ipse, & non alius in hac præfenti vita seminaverit: quippe *unusquisque prout gessit* ipse accipiet, vt dicitur in secundo textu: quibus, vt notum de se est, consonant duæ scripturæ sequentes; de propriis unuscuiusque operibus loquuntur: de aliorum autem operibus nec verbum quidem faciunt.

156. Dicta planè declarant, insimulque roborant verba D. Pauli ex loco citato ad Galat. adiuncta glossa D. Hieronym. ait enim Apost. *Unusquisque onus suum portabit.* Quæ sic inibi elucidat Doct. maximus: *Docemur per hanc sententiam, novum dogma, quod latitas; dum in præfenti seculo sumus, siue orationibus, siue consiliis invicem posse nos coadiuvare: Cum autem ante Tribunal Christi venerimus, non Iob, non Daniel, nec Noë rogare posse pro quopiam, sed unumquemque portare onus suum.*

Respondetur primò: Omnes dictas scripturas intelligendas esse de acquisitione status; non autem de consequentibus statum accidentalem, seu de aliqua dimissione pœnæ. Est dicere: Quod

status siue beatitudinis, siue damnationis consequitur per propria opera consequentis, non per opera ab alio facta: *Quia etiam si aliquis impetret alteri, ut ad vitam æternam perveniat, nunquam tamen hoc fit nisi mediantibus operibus propriis, dum scilicet precibus alicuius gratia alicui datur, per quam meretur vitam æternam,* ait D. Thom. in 4. dist. 45. quæst. 2. art. 1. ad 1. Alii de consequentibus statum accidentalem, qualis est status existentium in Purgatorio, seu de aliqua pœnæ dimissione eæ scripturæ non loquuntur.

Non prima, quia *mesio illa est perceptio vite æternæ, sicut habetur Ioan. 4. & qui meritis, fructum congregat in vitam æternam.* Docet laudatus D. Thomas. Non secunda, quia illa acceptio intelligi debet quantum ad retributionem, quæ fiet in finali iudicio, quæ erit æternæ gloriæ, vel æternæ miseriæ, in qua quilibet recipiet solū secundum quod ipse in corpore gessit: interim tamen invari possunt vivorum suffragiis, inquit Ang. Doct. quæstiunc. 2. eiusdem artic. ad 1. sed nec tertia, nec quarta ob eandem rationem.

157. Respondetur secundò permitiendo datas scripturas loqui de consequentibus statum accidentalem Purgatorii, ac de dimissione pœnæ ibi existentium: adhuc tamen nostræ resolutionis veritas perseverat: Quia in gratia decedens meruit, dum vixit, vt superstitum orationes proficiat sibi foris. Est doctrina expressa D. Thom. cit. loco ex quæstiunc. 2. ad 1. ubi explicans sensum sententiæ Divi Pauli ex 2. ad Corinth. in oppositum adductæ, inquit: *Ad primum ergo dicendum, quod homo, dum in corpore vixit, meruit, ut hæc ei valerent post mortem: & ideo si post hanc vitam eis iuvatur, nihilominus hoc procedit ex his, quæ in corpore gessit.*

Quæ doctrina est Mag. inibi Augustinum adducens, dicentisque. Nec negandum est, vt ait Augustinus, defunctorum animas pietate suorum viventium relevari, cum pro illis sacrificium mediatoris offertur, vel elemosinæ sunt in Ecclesia, sed hæc eis tantum profunt, qui, cum viverent, hæc sibi ut possed. possent pro-

prodesse, meruerunt. Quibus subiungit: *Nem ergo ista, quæ pro defunctis commendandis frequentat Ecclesia, illi Apostolica sunt adversa sententia, quæ dictum est, omnes stabimus ante Tribunal Christi, ut referat unusquisque secundum ea, quæ per corpus gessit, scilicet bona: quia etiam hoc meritum sibi quisque, cum in corpore viveret, comparavit, ut possent ei ista prodesse.* Videatur Mag. illa dist. 45. toto titulo de diversis animarum receptaculis.

158. Ex quibus ad scripturas in oppositum allatas respondetur ad primam quidem, quod homo in gratia decedens, seminat vivens, ut mortuus, dum sit, sibi vivorum orationes profint: unde metit mortuus, quæ seminavit superstes. *Ad secundam* iam vidimus, quid Augustinus, quid D. Tho. & quid Magister respondeant.

*Ad tertiam* similiter dicimus: Quod Deus media oratione viventium, dimittens poenam patientis in Purgatorio, reddit illi *intra opera sua*: siquidem per sua opera meruit, ut ex orationes pro ipso acceptari valerent. *Ad quartam* pariter dicas: Quod opera defunctorum, qui in Domino moriuntur, verè sequantur illos: cum verè illos sequatur suffragiorum, orationumque utilitas, quas utiles sibi pro tempore illo fecerunt, virtute operum bonorum, quæ, dum nobiscum erant, exercuerunt.

159. Quod si adhuc hæreas in hoc, quod non nisi per propria opera potest poenæ remissio obtineri: Respondetur tertio ad factum argumentum: Opera, quibus defunctis superstes opem ferunt, fieri propria mortuorum ex superstitum intentione. Sic D. Thomas quolibet. 8. quæst. 7. art. 2. & in 4. ad Anib. dist. 45. quæst. unica art. 2. ad 3. ubi & hoc ita esse dicit, & modum, quo verificatur, docet: sic enim ait: *Ad tertium et, etiam, quod suffragia vivorum profint defunctis, secundum quod vivorum opera defunctorum fiunt. Quod quidem contingit dupliciter: uno modo propter unionem charitatis, & sic profint ad gaudium omnibus in Charitate existentibus, & magis eis, qui sunt maioris Cha-*

*ritatis.* Alio modo per intentionem facientis: & sic valent præcipue ad diminutionem poenæ per modum cuiusdam satisfactionis. Videatur idem Angelicus Doctor loco sapientis citato in illo art. 1. in corp. & ad secundum, ubi inter alia ait: *Quod opus, quod pro aliquo fit, efficitur eius, pro quo fit: & similiter opus, quod est eius, qui tecum est unum, est quodammodo, & meum: unde non est contra Divinam Iustitiam: sed unus fructum percipit de operibus factis ab eo, qui est unum secum in Charitates vel ab operibus pro se factis.*

Per quæ ad singula, quæ Hæretici obiciunt, respondetur. Ad primum dicas: Quod existens in Purgatorio metit, quæ tunc aliquo modo seminat: vel quia qui seminat est unum secum in charitates vel quia qui seminat, facit illud opus pro eo: atque ad hoc efficitur eius, pro quo fit.

*Ad secundum* respondetur: Quod verè in poenæ diminutione accipit unusquisque, prout gessit, sive per se, sive per illum, qui secum est unum in charitate: aut quia ex intentione ei subveniendi fecit opus: quod eo ipso efficitur eius, pro quo fit. Similiter ad tertium, & ad quartum respondetur, quod illa opera facta à vivis tunc existentium in Purgatorio, iis modis iam dictis.

160. Superest, ut ad id, quod ex num. 156. relatum est, respondeamus. Ad quod dicimus: Non adhuc exploratum esse, an D. Hieronym. loquatur de iis, quæ eveniant post iudicium universale, an verò de iis, quæ usque ad illum diem eveniant. Si in primo sensu dicas loquuntur Hieronym. admittimus omni veneratione eius auctoritatem, quæ continet doctrinam verissimam. Siquidem post universale iudicium unusquisque omnia sua portabit: quin locus tunc fit ad aliquid de novo acquirendum. Vide, quæ diximus quæst. 2. num. 52. Adde: Quod si in hoc sensu loquatur Hieronym. hæc auctoritas non est ad rem: tunc enim non erunt vivi, qui pro mortuis orent.

Si autem dicas: Doct. maximum loqui in primo sensu, respondetur dupliciter:

ter: primò: quòd intelligi debet de gloria essentiali, quæ, vt dictum est, per illa opera solummodò, quæ viventes facimus, habetur. *Secundò* respondeo: D. Hieronym. inibi non loqui de mortuis, *qui in Domino moriuntur*; sed de iis, qui in peccato mortali decesserunt.

161. Arguitur secundò: Vivorù orationibus iuari, est aliquomodò proficere: sed existentes in Purgatorio nullatenus proficere possunt: ergo nec vivorù orationibus iuari. Cætera constant, & minor probant: Quia proficere est eorù, qui sunt in via: existentes in Purgatorio nullomodò sunt in via: ergo.

162. Confirmatur: Existentes in Purgatorio non possunt ob mala vivorum opera puniri: ergo nec ob opera eorum bona poterunt misericordiam experiri. Antecedens est certum, & consequentia probatur. Eò enim non possunt ob mala aliorum opera puniri: quia spectat ad Divinam Iustitiam mala pro malis infligere, & foret còtra Iustitiam Divinam infligere malum vni ob mala alterius: sed etiam spectat ad ipsam Divinam Iustitiam reddere bona pro bonis: ergo contra ipsam foret pro bono opere vnius reddere bonum alii.

163. Respondetur argumento negando minorem, ad probationem dicās: Existentes in Purgatorio esse simpliciter extra viam; arque adeò mereri, aut demereri iam non possunt statù, in quo in æternum permanent. Ast quia ab ingressu in æternam felicitatem, quam meruerunt, detinentur, ob pœnæ reatum, quo impediuntur: propterea adhuc possunt secundùm quid moveri: indidendoque vivorum orationibus adiuvari: quod est proficere, & esse in via secundùm quid. Et hoc fat est, vt vivorum orationes illis viles asserantur.

Ad confirmationem respondetur ex D. Thoma laudato ad quartum, quòd liberalitas non potest esse iustitiæ opposita: siquidem virtutes sibi ipsis non contrariantur. Contrariatur iustitiæ iniustitia, quæ aufert aliquid ab aliquo, quod sibi debetur. Concedere animabus Purgatorii aliquid, quod ipsis non debetur, non est contra iustitiam: nemo enim

ob hoc læditur: sed est liberalitas. Quòd autem illæ animæ punirentur propter aliorum peccata, esset contra iustitiam: siquidem earum ius læderetur. Vnde licet possint vivorum orationibus adiuvari, quod sanè est opus liberalitatis Divinæ, Divinæ Iustitiæ germanæ: non tamen possunt, ob mala vivorum peccati, nè Divina Iustitia conqueratur.

Adde: Quòd si verum foret, quod in hac confirmatione còtinetur, non possent vivi orare pro vivis, quod Hæretici negant. Ratio est: Quia etiam inter vivos vnus non punitur ob peccatum alterius.

164. Arguitur tertio: Per opus vnius non laudatur alius: ergo nec opus vivorum est mortuis fructuosum. Certum est antecedens, & consequentia probatur: Quia ab eadem radice provent, quòd opus sit fructuosum, ac laudabile: eò enim hæc habet, quia est voluntarium: ergo si opus vnius laudem alteri non asfert, sic nec fructum.

Confirmatur: Vt aliquis opere alterius iuvetur, debet esse inter illos aliqua vitæ communicatio: sed mortuorum ad vivos nulla communicatio adest ex Philosoph. 1. Ethic. ergo defuncti existentes in Purgatorio vivorum orationibus non iuvantur.

Respondetur argumento, quòd si erit meritum est privativè proprium facientis opus, sic & laus. Ratioque vtriusque est eadem: Videlicet, quòd sit meritum, ita & laus concernit conditionem, statumque subiecti. Vnde sicut mereri non potest ille, cuius opus non est proprium, sic nec laudari. Quòd autem opus sit alicui fructuosum, non solum provenit ex conditione, aut statu ipsius, sed etiam attenditur ad hoc aliquid consequens conditionem ipsius, & statum vt constat ex supradictis. Videatur D. Thom. art. 1. citato ad tertium.

Ad confirmationem respondetur: Philosophum denegare communicationem civilem inter vivos, & vita funeros. Nos autem inter superstites, ac Purgatorium inhabitantes, agnoscimus communicationem, quantum ad opem.

opera spiritualis vitæ, quæ est per charitatem ad Deum, cui mortuorum spiritus vivunt.

### §. III. *Alia argumenta contra extensionem assertionis nostræ.*

165.

**C**ontra extensionem nostræ asserti positam n. 11. arguitur primò à Caietan. loco citato, sic ex Augustino, qui ait: Videntur enim, quòd Ecclesiæ suffragia, saltem specialia, & similiter indulgentiæ, quæ ut specialia *suffragia subrogantur, illis solis defunctis profunt, qui in hac vita meruerunt, ut in Purgatorio hac illis prodesse.* Ex qua doctrina infert Caietan. quòd orationes speciales, seu privatæ non profunt illis animabus, quæ suprà datas condiciones, dum viverent, non habuerat; atque adeò non *omnes* superstitum orationes profunt *omnibus* in Purgatorio existentibus.

Respondetur roram hanc Caietani doctrinam rotundè oppositam esse ipsi Augustino, quem non ita fideliter adducit. Inibi enim totus est Caietanus in distinguendo inter mereri, quòd vivorum orationes existentibus in Purgatorio *possunt prodesse*, & inter hoc, quòd tales orationes illis animabus reapse *profunt*. Primum dicit esse certissimum; siquidem pertinet ad præmium essentialis; atque adeò ex quo quis in gratia decedat, meretur, ut *omnes* orationes sibi *prodesse possint*: non tamen eo ipso meretur, ut de facto *profunt*; quia hoc pertinet ad præmium accidentale: unde compatiunt, quòd in gratia decedat, & quòd tale accidentale præmium de facto non mereatur.

Hæc ad vngnem Caietanus loco citato: inter quæ plura sunt, quæ sanè percipere non possum, nec, quia tempus urget, impugnare. Vnde solum Augustini auctoritatem, quam adducit, & supra quam rotam suam hanc fabricam molitur, contemplantur.

Etenim Augustinus non dicit, quòd nostræ orationes illis defunctis *profunt, qui in hac vita meruerunt, ut in Purgatorio hac illis prodesse.* Verba Augusti-

tini dedimus num. 157. ex Magistro; modòque reproducimus, sic ergo se habent: *Hæc eis tantum profunt, qui, cum viverent, hæc sibi, ut postea possent prodesse, meruerunt.* Ecce Augustinum non dicentem, uti asseris, meruerunt, ut sibi postea *prodesse*: sed asserentem: *meruerunt, ut hæc sibi postea possent prodesse.* Ac per hoc, quòd Augustinus doceat, quòd ex hoc, quòd existentes in Purgatorio meruerint, dum viverent, ut hæc sibi possent prodesse, intelligit D. Thom. Magister sententiarum, omnesque alii, ipsum docuisse, nostras orationes proficuas reipsa esse in Purgatorio degentibus; quin illius distinctionis, à Caietano excogitatæ, mentionem, nequidem levissimam, faciant. Ex quo in Caietanum ex ipso Caietano, & ex Augustino, quem asserti, sic breviter disputo.

166. Illis, qui in hac vita meruerunt, ut sibi *omnes* orationes nostræ prodesse possint, profunt orationes nostræ: sed *omnes* existentes in Purgatorio meruerunt, dum apud nos erant, ut *omnes* nostræ orationes sibi prodesse possent; ergo *omnibus* in Purgatorio existentibus profunt *omnes* orationes nostræ. Illatio est omnino formalis. Maior est expressa doctrina Augustini; & minor continet doctrinam adducti Caietani, qui videri potest ut sic magis constet id, quòd contra ipsum diximus.

167. Arguitur secundo ad probandum non *omnium* vivorum orationes defunctis prodesse: Etenim oratio existentis in peccato proficua non est existenti in Purgatorio: ergo non omnium superstitum orationes illis proficue sunt. Consequentia bona est, & antecedens probatur: Primò, quia ut oratio proficua sit, debet à Deo exaudiri: sed *peccatores Deus non exaudit* ex D. Ioan. cap. 9. ergo. Secundo probatur antecedens: Quia opus magis fructuosum est facienti, quàm aliis: sed opus peccatoris nullatenus ei prodest: ergo nec existenti in Purgatorio.

Respondetur negando antecedens: Ad primam probationem dic: quòd Deus etiam peccatores exaudit, non ex

eorum merito, sed ex sua Clementia, ob quam, dum aliquid ei acceptum efflagitant, exaudiuntur. Verba illa relata à D. Ioan. sunt cæci denuò ad visum restituti. Vnde asserit glossa, quòd loquitur, *ut innūctus, hoc est, ut non adhuc pleni viderentur*: atque adeò nil mirum, quòd illa dixerit.

Ad secundam probationem respondetur: Quòd quando cætera sunt paria, opus ab aliquo factum magis fructuosum sibi est, quàm ali. Verùm contrarium evenit, quando cætera non sunt paria, ut in præsentibus quia opus faciens incapax est ob pravam statum, quo cætenatur, percipiendi fructum sui operis: existens autem in Purgatorio hanc incapacitatem non habet: vnde percipere potest talem fructum.

168. Arguitur ultimò: Opus meritum debet esse vivū, hoc est, Charitate formatum: sed opus peccatoris est prorsus sine Charitate: ergo non

potest esse meritum: eòque nec pro levandis Purgatorii animabus deservire.

Respondetur tale opus nullatenus esse meritum: potest tamen impetrare non ex meritis operantis sed ex mera benignitate concedentis. Quod dicimus, ut sic omnia, quæ pro existentibus in Purgatorio fieri solent, etiam privatas orationes comprehendamus. Si autem peccator orat ut minister Ecclesiæ, aut offert Sacrificium Altaris, aut ea exequitur, quæ mortuus dum viveret, imperavit: tunc certo certius est, illa opera vtilia esse existentibus in Purgatorio. Quod egregiè docet D. Thom. art. 1. citato quæst. 3. ibi: *¶ Ad tertiam questionem dicendum, quòd in seipso fragilis, quæ sunt per malos, duo præsumunt considerari. &c.* quæ videri omnino debent in ipso Sancto Doct. qui omnia, quæ pro præsentibus materia desiderari possunt, adducit.

## QVÆSTIO SEPTIMA.

*Utrum pro viventibus omnibus orare possimus?*

**P**ura sub hoc titulo comprehendimus, quæ integram dispositionem complement: sed nec, vel fusiùs, quàm par est, proecessisse: vel necessaria surripuisse, convincamur, per diversos §. §. quid tenendum sit, unica hac quæstione statuamus.

§. I. *Non licet orare pro salvatione omnium hominum collectivè sumptorum.*

169. **A**SSERTUM hoc certum apud omnes est, potestque sic probari: Non licet petere rem impossibilem: ergo non licet petere, ut hominum collectivè salvetur. Antecedens est omnino certum, & consequentia probatur: Quia impossibile est, quòd omnes homines collectivè sumpti salventur, ex suppositione decreti de exclusionem plurium à Gloria, quod decretum nobis constat: vnde nota nobis est

A SPIRITU SANCTO,

talis impossibilitas: ergo cum hac certitudine compari non potest petitio illa.

170. Confirmatur: Petere à Deo salvationem omnium hominum collectivè, foret Deo iniuriosum: ergo non licet hoc facere. Probatur antecedens: Quia petere id ipsum, quod seimus Deo displicere, esseque contra ipsius voluntatem, est Deo iniuriosum: salus omnium hominum collectivè sumptorum displicet Deo, estque contra ipsius voluntatem, siquidem habet decretum contrarium: ergo illam petere, non potest non esse iniuriosum Deo.

171. Hinc habetur: Talem petitionem non esse decentiùs à Deo atque adeò, nec orationem. Illa enim est orationis metaphisica definitio. Nec decens potest dici, quòd est contra Divinam voluntatem.

Rursus: Non datur oratio sine spe consequendi id ipsum, quod petitur, & desideratur. Habere autem spem con-

¶

sequendi à Deo id ipsum, quod scimus, omnino iam inconsequibile esse, penitus impossibile est: unde si ea petitio fieret, spei non inniteretur, atque adeo non esset oratio.

Denique: Omnis nostra oratio extendere debet, ut nos Divinæ voluntati conformet: hic enim est finis orationis nostræ, ut modò suppono ex omnium Mystarum calculo. Unde, cum supponatur Dei voluntas contraria salvationi omnium hominum collectivè sumptorum, planè sequitur, nos non posse talem salvationem petere. Hoc enim non esset orare, quia tali actu, nobis scientibus, positivè recederemus à voluntate Divina.

§. II. *Occurrit aliquibus, quæ propositum assertum impugnant.*

172. **C**ontra veritatē stabilitā obijciens primò: Petitio, qua conformamur Divinæ voluntati, non habet unde excludatur à ratione orationis: sed petentes salutem collectionis hominum conformamur Divinæ voluntati: ergo talis petitio oratio est: ergo & à nobis potest fieri. Cætera omnia nota sunt, & minor probatur: Quia ex D. Paulo 1. ad Thimor. cap. 2. *Deus vult omnes homines salvos fieri, & ad agnitionem veritatis venire*: ergo petentes salutem omnium hominum Divinæ voluntati conformamur.

173. Confirmatur: Quia, ut multis in superioribus diximus, ex D. Thom. id licet petere, quod licet desiderare: sed possumus desiderare collectionem omnium hominum salvam fieri: ergo & hoc ipsum petere possumus. Minor, in qua potest esse difficultas, videtur certatum quia illa salus est à Deo volita, ut modò ex Apost. vidimus: tum quia est res omnino bona, & amabilis: ergo & desiderabilis.

Respondetur argumento negando minorem, ad probationem dicendum est primò illam voluntatem, de qua ibi loquitur D. Paulus non esse voluntatem consequentem, sed antecedentem, ut docet D. Thom. tum ibi; tum 1. part.

quæst. 19. art. 6. ad 1. de quo videt̃ possunt N. Salmant. tract. 9. disp. 9. dub. 3. n. 8. & tract. 19. disp. 6. dub. 7. num. 52. Nos autem debemus sequi ductum voluntatis Divinæ antecedentis, dum nobis non constat de voluntate consequenti, ut non semel diximus disp. 3. quæst. 1. In præsentem autem certi sumus Deum nolle voluntate beneplaciti collectionem omnium hominum salvandam iri. Unde non possumus cum illa antecedenti voluntate conformari: sed cum hac voluntate consequenti debemus regulare petitiones nostras; atque adeo non possumus petere salvationem collectionis hominum.

174. Dices: Solutio hæc, vel se ipsam deserit, vel textui Apostolico contradicit: ergo sustinenda non est. Probat̃ur antecedens: Luxu datam solutionem loquitur Paulus de voluntate Dei antecedenti: sed orationes nostræ debent, seu possunt fundi pro illis, quæ placita sunt Deo secundum voluntatem antecedentem, quamvis secundum voluntatem consequentem sint nolita: ergo. Probat̃ur minor: D. Paulus optimè sciebat divisionem illam Divinæ voluntatis in antecedentem, & consequentem, & quòd Deus, qui secundum utramque voluntatem Jacob dilexit, & secundum antecedentem dilexit etiam Esau, nihilominus secundum voluntatem consequentem ipsum Esau odio habuit: & tamen textu allato repræsētat ut causam, qua nos ad orandum pro omnibus moveat: quòd Deus *vult omnes homines salvos fieri*: ergo quamquàm hæc omnium salus sit, nolita voluntate consequenti, fat est, quòd voluntate antecedenti volita sit, ut illam à Deo petamus.

Minor, in qua poterat esse dissidium nota fiet sola textus læsione, & expensione contextus. Sic enim ait Apost. *Obsecro igitur primum omnium fieri obsecrationes, orationes, postulaciones, gratiarum actiones pro omnibus hominibus, pro Regibus, & omnibus, qui in sublimitate constituti sunt; ut quieti, & tranquillè vitam agamus in omni pietate, & castitate.*

175. Vidisti Apost. monitum: *Accipe*

cipe motivum, sic enim immediatè prosequitur: *Hoc enim bonum est, & acceptum coram Salvatore nostro Deo, qui omnes homines vult salvos fieri, & ad agnitionem veritatis venire.*

Quibus verbis, ait inibi D. Thomas, ponitur ratio (scilicet motivum) orationis: & observat ipse Angelicus Doctor duplex motivum ad hanc orationem, quam sollicitat, Apostolum assignare: primum ex parte ipsius operis, ibi: *Hoc enim bonum est.* Ponit ergo, ait D. Tho. rationem ex operis specie, quia quando aliquid est secundum se bonum, illud debemus facere: sed pro aliis orare est huiusmodi, quia est actus charitatis.

Secundum autem motivum est ex parte ipsius Dei, ibi: *Et acceptum coram Salvatore nostro Deo.* Ratio autem, ob quam orare pro omnibus sit acceptum coram Salvatore nostro Deo, est, quia ipse omnes homines vult salvos fieri, & ad agnitionem veritatis venire.

Quæ omnia breviter complexi sunt Salmant. N. tract. 9. disp. 9. dub. 3. num. 15. dicentes: *Apostolus in verbis antecedentibus exhortatur, ut pro omnibus hominibus cuiuscunque status, & conditionis sint, fundantur ad Deum preces, ut quietam, & tranquillam vitam agant in omni pietate, & castitate, & ratio, quam adducit ad id suadendum, est, hoc esse acceptum coram Salvatore nostro Deo, qui vult omnes homines salvos fieri, & ad agnitionem veritatis venire.*

Ex his omnibus forsam molestè inculeatis, sed quæ omittere haud potuimus, manifesta est illa min. propositio, propter quam adducta sunt: Ex quibus sic breviter, claritatis gratia, instauratur obiectio facta.

175. D. Paulus asserit, acceptas esse Deo nostras preces suas pro iis omnibus, quos salvos fieri vult: Atqui Deus vult omnes homines collectivè salvos fieri: ergo pro omnibus illis collectivè acceptis orare possumus. Consequentia bona est. Maior ex modo dictis est certa, & minor probatur ex verbis Apostoli sic à Theologis intellectis. Videantur dicti PP. Salmant. tum loco citato, tum tract. 14. disp. 6.

dub. 7. num. 51.

Respondetur solutionem argumento datam nec se ipsam deferere, nec Apost. contrariari. Loquitur enim Apost. de voluntate Dei antecedenti, secundum quam vult Deus omnem collectionem hominum salvam fieri: ob quod motivum nos invitat Apost. ut pro omnibus illis preces fundamus, quin aliquis excludatur, nisi ille, seu illi, de quibus nobis constet exclusos esse à Regno Dei voluntate consequenti ipsius. Pro his orare non possumus, ut salventur, vñ §. sequenti videbimus: modò sat sit audire D. Augustinū lib. 21. de civitate Dei cap. 24. ubi ait: *Si sciret Ecclesia de aliquo esse reprobū, non magis oraret pro illo, quàm pro his, qui sunt in Inferno.*

Ex hac auctoritate evidenter habetur, quòd si nobis constaret de alicuius reprobatione, ut de Antichristi reprobatione nobis constet, pro huius salute orare non possumus, quia illa generalis regula Divi Pauli limitanda est, ita ut pro omnium salute Dominum deprecemur, iis exceptis, quos reprobos esse scimus.

Cum autem nobis clarissimè cõstet, plures (ò utinam nò tot talem poenam incurrerent!) esse reprobos; eò quòd multi sunt vocati, pauci verò electi; propterea orare pro tota hominū collectione non possumus. Unicum enim si excipias à tota collectione, iam collectio non remanet. Vnde solus Antichristus, quem scimus damnandum esse, sufficit, ut pro tota collectione petere nò possimus, aliter pro ipso, quem exclusum supponimus, peteremus.

Maneat ergo D. Paulum monere, ut pro omnibus hominibus preces fundamus. Pro omnibus, inquam, divisivè, non collectivè. Nec te tædeat huius limitationis in amplissima illa loquendi formula D. Pauli siquidem & alias exceptiones pati generalem illam regulam, notum est. Quippe non comprehendit homines damnatos, ut existimavit Estius super dictum locum Pauli, propter hoc censurans illam expositionem: quia videlicet ex illa inferunt,

orandum esse pro damnatis.

Insulsa sanè illatio. Non possumus orare pro damnatis, quamquam horremur orare pro omnibus, quia illa generalis limitatur ad viatores. Similiter excipiuntur ab illa generali regula infantes, & amentes; pro his enim orare non possumus, ut quietam, & tranquillam vitam agant in omni pietate, & castitate: sunt enim huiusmodi effectus incapaces.

Excluduntur etiam reprobi, quos, ut tales agnoscere possumus, & propter hoc excluditur etià collectio omnium hominum, erga quam eadem omnino ratio exclusionis datur, ac erga reprobos invenitur.

Respondetur secundò argumento factò: D. Paulum prædictis verbis loqui de voluntate Dei consequenti, secundum quam *vult omnes homines salvos fieri*: non quia non sint plures, quos salvos esse non vult; *sed quia nullus salvus sit, quem non velit salvum fieri*: ait D. Thom. 1. part. quæst. 19. art. 6. ad 1. ubi etiam aliter Paulum explicat, ut videlicet eius verba faciant distributionem pro generibus singulorum, & non pro singulis generum. Vnde Deus vult de omni genere, seu statu hominum, aliquos salvatis, non tamen vult, quòd omnia individua cuiuscumque status hominum salventur: sicut voluit, quòd ex omni genere animalium fuissent aliqua individua in arca Noè. Ex hoc autem, quòd D. Paulus loquatur in hoc sensu, nihil contra nos sequitur, ut quis cognoscere poterit.

177. Ad confirmationem ex num. 173. restat respondetur: Dicitur illud D. Thomæ intelligendum esse, quando aliunde nobis non constet de contraria Dei voluntate. Tunc enim licet possimus aliquid desiderare, illud tamen petere non possumus, nè Divinæ voluntati contrariemur. Adde: Quòd tunc deficit spes consequendi, sine qua dabilis non est oratio nostra.

178. Arguitur secundò: Non semper debemus conformari cum Divina voluntate; immo aliquando discordare debemus: sed nullibi videtur adesse ma-

ius fundamentum ad hoc, quàm in casu præsentis: ergo in illo non debemus conformari Divinæ voluntati atque adeò petere pro collectione hominum valemus. Maior ut certa supponitur. Minor probatur, quia in casu præsentis, adhuc supposita voluntate consequenti denegandi gloriam toti collectioni, remanet salus totius collectionis ut obiectum bonum, honestum, & amabile: ergo possumus pro illa orare.

Accedit: Quòd si in casu hoc debemus conformari cum Divina voluntate, sicut Deus non vult positivè salutem collectionis sic & nos illam positivè nolle deberemus: consequens est omnino imprudens: ergo non tenemur in hoc casu conformari. Cætera nota sunt, & maior, seu sequela probatur: Quia, sicut non conformatur cum Deo, qui vult aliquid, quod Deus non vult; sic etiam non conformatur, qui non respuit id, quod Deus respuit: ergo si talis conformatio dari debet, debemus positivè nolle salutem collectionis humanæ.

Rufus: Tenemur conformari cum Deo in hoc, quod est velle, aut nolle salutem collectionis hominum: ergo tenemur positivè velle, & positivè nolle talem salutem. Patet ista: Quia Deus voluntate antecediti positivè vult omnes homines salvos fieri: quod certè positivè non vult voluntate consequenti: ergo pariformiter, & nos voluntate antecediti, hoc est, respicientes illam salutem absolute possumus illam desiderare, & petere: & voluntate consequenti, hoc est, respicientes illam cum omnibus suis circumstantiis, debemus illam odisse. Nec in hoc aliqua contrarietas datur, sicut non adest contrarietas in illa voluntatis Divinæ diversitate.

Hoc argumentum plura inculcat, de quibus sine molestia hic agere, haud possemus. Eorum tamen aliqua, vel indigitatio necessaria erit, ut vires argumenti, quæ abs dubio vulgares non sunt, dehiscant. Igitur

179. Respondetur restitutum voluntatis nostræ dependere ex cõformi-

tate



cate ad voluntatem Divinam; *quia primum in unoquoque genere est causa, & mensura ceterorum.* Vnde, cum Divina voluntas sit prima in hac linea, debet voluntas nostra cum illa mensurari, ut rectitudinem habeat; aliter inordinata erit, vt potè devians ab illa prima regula totius rectitudinis. Ita D. Thomas 1. 2. quæst. 19. art. 9. qui postea art. 10. statuit, hanc conformitatem nostræ voluntatis cum Divina debere esse in voluto formali; non autem in voluto materiali.

180. *Volitum formale* est id, ratione cuius, sive finis, propter quem res aliqua volita est. *Volitum materiale* est ipsa res volita propter illum finem. Quod autem voluntas creata conformari debeat cum Divina *in voluto formali*, adeo clarum est, ut probatione non indigeat. Quippe, vt hominis voluntas sit recta, debet referre, vt minus aptitudinaliter, omnia, quæ vult, ad ultimum finem, qui est bonum commune, & Divinum: sed hoc bonum commune, Divinumque est ipsa ratio volendi omnia, quæ Deus vult: ergo vt hominis voluntas recta sit, debet convenire cum Divina in hac ratione volendi.

Quod verò non teneatur homo conformare voluntatem suam cum voluto materiali, inde patet, quod sapissimè homo ignorat, quod in particulari Deus vult; vnde præciperetur ipsi impossibile, si deberet in materiali voluto conformari.

Etiamsque: Quia multoties id, quod secundum vnam rationem, & relatè ad vnum finem est abominabile, secundum aliam rationem, & relatè ad alium finem est appetibile. Vnde illam rem odio habet, qui secundum primam rationem intuetur; ipsam autem habet in deliciis, qui secundum secundam contempletur.

181. Exemplo rem illustrat Sanctus Thomas: Etenim vita vxorati hominidæ, & abominabilis est, & appetibilis. Est appetibilis vxoris Iudici tamè, & Reipublicæ est abominabilis. Respicit Iudex illam vitam relatè ad bonum commune; respicit eandem illam vitam v-

xor relatè ad suum proprium bonum, & quatenus conducit ad propriam sustentationem. Sub prima consideratione odibilis est vita illa, & idè a Iudice suspendio, vel alio supplicio consimili extirpatur. Sub secunda consideratione est amabilis; proptereaque ab vxore defectus eius, vt valet, impeditur. En vita eadè eodem memento vni est laudabiliter exosa, & alii virtuosè cõcupita. Primus illam, nec aliter suo muneri satisfecisset, oppetit. Secunda autem ipsam ex proprio munere appetit. Nec huius tam diversi discriminis aliam rationem inquiras, nisi diversitate finis, affectus adeo distos regulantis.

182. Habes duplicis præiacti voliti intelligentiam, secundum quam maiorem propositi argumèti distinguendam esse cognosces; etsi loquatur de voluto formali, negetur: si autem loquatur de voluto materiali, concedatur. Sed priusquam ad minorem accedamus, non tædeat, amabo te, præclaram nostrorum Salmant. observationem audire. Est enim admodum mystica, & propria summa perfectionis, cui omnes inhiare debemus: sicque quid tenendum circa talem propositionem maiorem, perfectius callebis. Ita enim prædicti P. P. in annotat. ad dict. art. 10. D. Thom. loquuntur, postquam ea, quæ modò diximus, dictavere.

*Sed licèt rationes istæ (aiunt) suadeant*, non requiri ad rectitudinem voluntatis creatæ conformitatem cum Divina in voluto materialiter: non tamen probant, quod non sit maior perfectio talis formatio, supposito, quod nobis constet, quid Deus in particulari velit. Et propterea Beati, quibus hoc certò constat, in omnibus cõformantur voluntati Divinæ; tam quoad volitum formali, quam quoad volita materialiter. Neque est, cur negemus, pertinere etiam ad maiorem viatorum perfectionem similem conformitatem in omnibus, quæ constat volita esse à Deo (saltem excepta proprii peccati permissione) ita vt plus gaudere possimus de quocumque Deus vult, prout ab eo voluto, quam debeamus tristari de eodem

secundum aliam rationem, aut de aliis, quæ Deus non vult. Diximus saltém excepta proprii peccati permissione, nam quid de hac tenendum sit, siue in Beatis, siue in viatoribus, alibi dicitur: modò autem neque cum aliis materialiter volitis eam comprehendimus, neque ab eorum regula excludimus.

Hæc prædicti P. P. qui, dum toto rigore Scholastica versant, hoc mysticæ Theologiæ arcanum documentum propinant. Ex iis que habes, quomodò maiorem illam propositi argumenti intelligere debeas. Deinde negatur minor, ad cuius primam probationem

183. Respondetur: Ita esse, quòd salus totius collectionis hominum absolute sumpta bona est, & amabilis. Sed non idè pro illa orandum est propter dicta num. 176. quibus adde (& sic secunda solutio) quòd salus illa est amabilis per illam voluntatem, cuius est obiectum: vnde non est amabilis per voluntatem consequentem, sed solum per voluntatem antecedentem, quæ non respicit rem particularibus suis circumstantiis vestitam, sicut illa alia voluntas: sed respicit rem suis circumstantiis peculiaribus nudam: quamobrè non est voluntas, propriè loquendo, sed velleitas: Quia voluntas propriè talis terminatur ad rem, prout dicir omnes suas particulares circumstantias, & quæ sic illam non respicit, impropriè voluntas dicitur.

Quæ doctrina est D. Thom. 1. p. q. 19. art. 6. ad 1. ubi post alia, quæ videri possunt, ait: *Neque tamen id, quod antecedenter volumus, simpliciter volumus, sed secundum quid: Quia voluntas comparatur ad res secundum quod in se ipsis sunt: in se ipsis autem sunt in particulari. Vnde simpliciter volumus aliquid secundum quod volumus illud consideratis omnibus circumstantiis particularibus, quod est consequenter velle. Vnde potest dici, quòd Index iustus simpliciter vult homicidam suspendi, sed secundum quid vellet eum vivere, scilicet in quantum est homo. Vnde magis potest dici velle illi, quam absoluta voluntas: sic patet, quòd quidquid Deus simpliciter vult, fit, li-*

*cet illud, quod antecedenter vult, non fiat.*

184. Dices: Voluntas antecedens est propriè, & formaliter voluntas: ergo malè dicimus, cum voluntatem impropriè esse affirmamus.

Respondetur non deesse discrimen inter voluntatem antecedentem Dei, & hominum, vt hæc dicatur impropriè talis illa verò non. Ast quia ex vna parte hoc discrimine non egemus, & ex alia intra voluntatem impropriè talem, etiam Divinam comprehendimus alibi: idè dicimus, quòd voluntas antecedens verè, & formaliter est talis, de quo vide nostros Salmant. tract. 4. disp. 9. toto dub. 3. Cæterum quia est voluntas secundum quid, vt vidimus ex D. Thom. proptereà, relatè ad voluntatem consequentem dicitur impropriè talis.

185. Instas: Ex voluntate Dei antecedenti, quamvis modo dicto impropriè sit, ortum ducit pulcher auxiliorum imber, quæ Deus re ipsa confert, vel vt minis offert, toti hominum collectioni: ergo possumus voluntatem nostra antecedenti hanc auxiliorum collectionem petere. Sicque servabitur plena conformitas voluntatis humanæ ad Divinam: dum id, quod ista voluntas consequenti non vult, pariter nec illa voluntate similiter cõsequitur. Et quòd illa vult voluntate antecedenti, & in signum huius volitionis auxilia confert, seu offert, etiam humana voluntas antecedens amat, pro illoque auxilii ditando, preces fundit.

Respondetur concedendo antecedens quoad oblationem auxiliorum: Falsum enim est, quòd Deus reapse confert illa auxilia collectioni omnium hominum; sed solum adultis, rationis comporibus: ac deinde negetur consequentia: Ratioque ea est, quòd ea solum petere seriò à Deo possumus, quæ danda nobis, vel aliis à Deo sunt, & mediis nostris orationibus dare consuevit. Si autem aliqua ab ipso non dantur, sed solummodò offeruntur: vel si dantur, non sunt ex iis, quæ mediis nostris precibus dare decrevit, hæc petere non debemus: sicut non petimus crasti-

num ortum solis; quia solis ortus crastinus independenter à nostris orationibus decretus est à Deo.

Auxilia illa, quæ voluntatem antecedentem consequuntur, sunt in multiplici differentia, ut videre est apud N. Salmant. loco cit. ex tract. 14. quæ omnia peti à Deo non posse, inde constat: quòd auxiliū illud sufficiens, quod necessariò requiritur, ut serio ad Deum preces fundam, antecedit orationem: unde illud petere non possum. Alia autem auxilia remotè ad salutem conducentia, ut quid pro tota collectione petam? Cùm videam magnam collectionis partem illis decoram.

Alia autem auxilia sufficientia ad salutem à Deo petimus utriusque; verum hoc non facimus per voluntatem illam antecedentem; sed per consequentem; sufficit enim, quòd illa auxilia soleat Deus media oratione conferre, ut possint à nobis peti; & in hoc Divinæ voluntati conformamur.

186. Nec inde inferas: Possè à nobis peti salutem collectionis; siquidem ex auxiliis pro illa consequenda, alia supponimus data, & alia petere possumus.

Ad quod dicendum est, quòd licet possimus velle, & petere media illa ad salutem necessaria; ipsam autem salutem velle, aut petere hand valemus. Ratioque huius alia non est, nisi illa, cui innititur hoc argumentum, scilicet conformitas, quam habere debemus cum Divina voluntate; quia licet ex hoc (aiunt nostri Salmant. tract. 4. citatum. 24.) quòd ex vi huius volitionis (antecedentis) sequatur, Deum providere de mediis necessariis ad salutem, optime colligatur, quòd velit efficaciter prædicta media, non tamen, quòd simpliciter velit salutem ipsam, neque quòd talis salus maneat sub statu futurationis absolutè, & simpliciter sed solum secundum quid, scilicet, quantum est ex vi auxiliorum supernaturalium, & ex se sufficientium ad illam: & idè non obstante hac voluntate, potest Deus voluntate consequenti velle, quòd plures ex hominibus non salventur, sicut de facto id voluit.

187. Si dicas: Frustra vult aliquis media conducere ad aliquem finem, si talem finem non vult: ergo non stat, quòd auxilia conducentia ad collectionis salutem velimus, & petamus, & quòd ipsam salutem petere non possimus.

Respondetur distinguendo antecedens: Si talem finem, ut stat sub illis mediis, non vult, concedatur; aliàs, subdistinguo: si considerato illo fine cum particularibus suis circumstantiis non adest ratio vrgens ad oppositum, concedatur, si talis ratio adsit, negetur.

Explicatur solutio: Etenim sicut Deus vult efficaciter illa media, non tamen vult ipsam salutem; quia illa mediiorum volitio non extrahit collectionis salutem à statu possibilitatis absolutè, & simpliciter sed solum secundum quid, scilicet quantum est ex vi auxiliorum; quòd ita evenit propter vrgentem rationem manifestationis attributorum Dei, quæ prædestinatione aliquorum, & aliorum exclusionem à gloria resurgent: sic & nos possumus petere illa media; non tamen salutem ipsam ob vrgēs motivum, quòd adest; nempe quia tenemur cum Divina voluntate conformari. Unde volumus media, & volumus finem, ad quem illa media conducunt. Sed media volumus, & petimus, quia de illis non petendis decretum non adest. Finem tamen non perimus, nè cōtra Dei voluntatem procedamus. Volumus tamen ipsum finem, quatenus aliquo modo intra statum futurationis cōstituitur, quantum est ex vi auxiliorum.

Ad secundam probationem positam num. 178. dicas: Nullam imprudētiā apparere in eo, quòd nolimus ea, quæ certò scimus, Deum nolle: immo licetum erit delectari, quòd Deus aliquos vage, & in communi reprobaverit, ut in hoc maxima eius libertas, & circa prædestinatos liberalitas, ac misericordia reluceat: Ut docent citati Salmant. tractat. 13. disp. 11. dub. 3. num. 45. ad finem.

Per quæ patet ad ultimam probationem: Concedimus enim totum, quòd continet, præterquam illud, quòd de illius salutis petitione asserit: non enim salutem illam totius collectionis petere pos-

possumus, quamquàm illam desideremus, propter dicta.

§. III. *Orare non licet pro eo, de cuius reprobatione sumus certi.*

188. **A**SSERTIO loquitur de oratione pro gloria, seu salute consequendas; quòd autem possimus orare pro reprobo, ut minus malus sit; vel ut plùs perseveret in gratia, vel ut alia bona consequatur, non diffitemur, dictumque iam nobis est suprà quæst. 3.

Supponit etiam conclusio casus possibili- tatem, & rectè: Quia si dabile est, quòd Deus alicui revelet suam damnationem, potiori iure poterit ipsi alterius damnationem revelare. Cum hoc tamen discrimine, quòd damnationem alienam potest potentia ordinaria notam alicui facere; damnationem autem propriam, si alicui revelet, erit de posse absoluto ipsius.

Sic docet D. Thom. in 1. dist. 48. quæst. 1. art. 4. ad 2. & quæst. 23. de veritate art. 8. ubi ait: *Ad secundum dicendum, quòd quavis de potentia absoluta Deus possit revelare suam damnationem alicui, non tamen hoc fieri potest de potentia ordinaria, quia talis revelatio cogeret eum desperare, etsi alicui talis revelatio fieret, deberes intelligi non secundum modum prophetie predestinationis, vel præsicientia, sed per modum prophetie comminationis, qua intelligitur, supposita conditione meritorum.*

Habes ergo, Deum de posse ordinario non revelare alicui propriam reprobationem; quia talis revelatio cogeret eum desperare: Quod si alicui talem revelationem faciat, debet intelligi per modum prophetie comminationis. Quod quidem denegandum non est supremæ Dei potestati, ut de se notum est: sicut etiam est certum, quòd, ut alienam damnationem revelet, sufficit ordinaria potentia. Tunc enim cessat illud desperationis inconveniens. Sed estò, quòd nec hoc posset facere, nisi de posse absoluto, adhuc rectè procederemus, ut quisque cognoscere potest. His ergo

præmissis

189. Probatur primò assertio nostra ex Augustini verbis; quæ suprà n. 176. dedimus, prout à Mag. Torre referuntur 2. 2. quæst. 83. art. 7. disp. 2. num. 6. modò verò sic ea damus: *Si de aliquibus ita certa Ecclesia esset, ut qui sunt illi etiam nosset, qui licet in hac vita sunt constituti, tamen prædestinati sunt in æternum ignem ire cum Diabolo, tam pro eis non orares, quàm pro ipsis; sed quia de nullo certa est, oras pro omnibus.*

Vbi eo modo orandum esse, docet, pro eo, de cuius damnatione constat, ac pro Diabolo, pro quo orare nefas esset. Ratioque huius perspicua est: Quia eò pro Diaboli salute fundere preces non possumus, quia persecutio talis salutis est omnino impossibilis, quia iam est in termino damnationis, ubi nulla est redemptio. Vnde, cùm homo, de quo loquimur; licet adhuc sit in via, subsit irrevocabili damnationis decreto, de quo nobis, ut supponimus, constat, non possumus pro ipsius salute orare oratione virtutis nomen habente, sed vitii, utpotè Divinæ voluntati cõtraria, nullaque spe suffulta.

190. Probatur secundò conclusio ex D. Thom. qui in Epist. 1. ad Thimoth. cap. 2. lect. 1. inquit: *Deus vult Sanctos suos voluntate beneplaciti, vel- le quòd omnes salvi fiant: hoc enim velle debet esse in Sanctis, quia nesciant, qui sunt prædestinati, & qui non.* Similiter 2. 2. quæst. 83. art. 3. ad 3. ait: *Orantes autem non pro omnibus peccatoribus exaudiuntur, sed pro quibusdam. Exaudiuntur enim pro prædestinatis; non autem pro præscriptis ad mortem :: sed sicut nulli quandiu vivit hic, subrahendum est correctionis beneficium, quia non possumus prædestinatos distinguere à reprobis, ut August. dicit in lib. de Corrept. & gratia: ita etiam nulli est denegandum orationis suffragium.* Ex quibus sequens pro cõclusionem probada formatur ratio.

Si sciremus prædestinatos distinguere à reprobis, non possemus orare pro reprobis: sed in casu conclusionis, sci- mus, qui sunt reprobi: ergo pro illis orare non possumus.

Si;

Similiter Deus vult Sanctos suos voluntate beneplaciti velle, quod omnes salvi fiant; atque adeo quod omnium salutem petant, & hoc idem est, quia nesciunt, qui sunt predestinati, & qui non: At in nostro casu sciunt Sancti, qui non sunt predestinati, videlicet illi, de quorum damnatione revelatio adest: ergo horum salutem velle non debent, atque adeo nec pro illa orare.

Deinde probatur conclusio præfens omnibus illis quibus §. 1. probavimus neminem posse orare pro salute omnium hominum collectivè sumptorum, illa enim omnia præfens hoc assertum planè evincunt. Unde ne diutius immoremur, illa vel sic reficere, placuit.

#### §. IV. Occurritur aliquibus obiectionibus.

191. **O**biicies primò: Præceptor, ac Legisfer noster Christus Dominus oravit in Cruce pro suis crucifixoribus: sed Christus Dominus certò sciebat, plures ex Crucifixoribus esse reprobos: ergo pro iis, quos reprobos esse scimus, orare possumus. Consequentia nota est: Si namque scientia, quam de alicuius damnatione habemus, nostræ orationi obesset, etiam Christi orationi obstaret. Minor est omnino certa, & maior constat ex verbis illis apud Luc. cap. 22. *Pater, ignosce illis.*

Respondetur primò ex D. Thom. 3. p. q. 21. art. 4. vbi ait: *Ad secundum dicendum, quod Dominus non oravit pro omnibus Crucifixoribus, neque etiam pro omnibus, qui erant credituri in eum, sed pro his solum, qui erant predestinati, ut per ipsum vitam consequerentur æternam.* Per quæ planè soluta manet obiectio.

Respondetur secundò ex dictis tum in hac ipsa q. tum quæst. 3. Christum Dominum orasse quidem pro omnibus Crucifixoribus predestinatis, & reprobis: Aliter tamen, & aliter, nam pro predestinatis oravit, ut media sua passione salutem consequerentur. Pro reprobis autem oravit, ut non adeo mali essent, ac sine illa interpositione forent,

A SPIRITU SANCTO.

& ut alia bona, præter gloriam, quam illis impossibilem cognoscebat, obtinerent. Quo modo etiam nos pro reprobis orare posse, constat ex iis, quæ locis citatis dicta sunt, vbi videri poterunt. Vide etiam, quæ diximus disp. 4. quæst. 1. num. 25.

192. Obiicies secundò: Etsi sciamus contrarium esse à Deo determinatum, possumus preces fundere pro eo, de cuius damnatione nobis cõstat, quin talis oratio sit otiosa, aut Deo iniuriosa: ergo nihil obstat, ut talis reprobi salutem petamus. Consequentia bona est: Eò enim diximus, talem orationem fieri à nobis non posse, quia otiosa esset siquidem, sine spe rem petitam obtinendi, procederet: & etiam, quia esset iniuriosa Deo, cum contra ipsius voluntatem niteretur. Antecedens autem probatur: Licet Christus Dominus sciret, suam mortem decretam à Deo esse, tamen oravit dicens, *Pater, si possibile est, transeat à me calix iste.* apud Matth. cap. 26. ergo et si dicamus, &c.

Respondetur ex laudato D. Thom. ad primum pluribus solutionibus SS. PP. quæ ibi adducit, ex quibus cõstat, Christum petiisse, quæ Pater illi media sua hac oratione concessit. Unde non petiit contrarium decreto Divino, sed potius, quæ Deus se concessurum decreverat. Si enim per ly *transeat à me calix iste*, precatus est Redemptor noster, ut calix ille sic in suos milites, qui ipsum sequuturi erant, transfret, ut ipsum biberenti quomodo ab ipso bibebatur, hoc est, *sine spei dissidentia, sine sensu doloris, sine metu mortis.* Ut explicat D. Hilar. hoc planè cõsecutus est, prout testantur tot Martyrum myriades, qui sitibundi currentes ad Calicem Passionis, adeo strenuè illius amaritudinem exhaustere, ut vel ipsa mors, affatim palabunda, in ipsorum victoria absorberetur.

193. Si petiit, quod timor bibendi Calicis (ait loco citato D. Thom.) eum non perturbaret, vel quod mors eum non detineret, omnino impletum est, quod petiit: Quia videlicet nec timore illo fuit perturbatus, nec à morte detentus

Ee

liquidem, ut prædictum de ipso erat, non vidit corruptionem. Verum quia in hac sanctissima oratione communiter dicitur, Christum aliquid efflagitasse, quod non obtinuit; atque adeo petiisse aliquid, cuius contrarium, decretum à Deo esse, sciebat; propterea

Prosequitur Angelicus Doct. *Si vero intelligitur petiisse, quod non biberet calicem mortis, & passionis, vel quod non biberet ipsum à Indis, non quidem est factum, quod petiit, quia ratio, qua petitionem proposuit, volebat, ut hoc impleretur, sed ad instructionem nostram volebat demonstrare nobis suam voluntatem naturalem, & motum sensualitatis, quam sicut homo habebat.*

Habes ergo ex Ang. Præcep. plura posse intelligi, Christum in illa sua oratione postulasse, & consequutum fuisse. Quod si alia non adeptum asseras, fuit, quia talia petiit, non ut obtineret, sed ut noster instructor exhiberetur, *demonstrans nobis suam voluntatem naturalem, & motum sensualitatis.* Quid sit voluntas, ut natura? Quod respiciat eius desiderium? Quidque sit sensualitatis oratio? Non licet in præsentiarum repetere. Vide, quæ disp. 4. quæst. 1. præcipue num. 26. & 27. dicta sunt, & horum omnium sensum sanum habebis, cognoscesque, nostrum assertum loqui de oratione, quæ sit propria rationis suo nomine, & voluntatis deliberatæ petentis; non autem de oratione desiderium sensualitatis, velut ipsius ad vocata, repræsentante.

194. Mirissimè de hac Christi Domini oratione loquuta est eius dilectissima Sponsa, ac Mater N. D. Theresia epist. 8. num. 17. ubi ait: In illa oratione petebat Christus Dominus nos, ut auferrentur ab ipso amaritudo, & difficultas, quas in aggrediendo tormenta, patitur natura humana. Non postulabat laborum ablationem, sed amaritudinis, qua labores patiebatur. Et quod ipse hominis portioni inferiori petebat, erat, quod fortitudo spiritus carni communicaretur, in qua spiritus fortitudine carnis infirmitas robur haberet, promptaque, & accincta esset, si-

cut ipse promptus erat, cum audivit Calicis potationem necessariam esse, quod idem prorsus est, ac quod idem pusillanimitatè, & imbecillitatem carnis superaret. Ac denique, ut nobis demonstraret, quod quamvis erat verus Deus, etià erat verus homo; liquidem, ut ceteri homines, pœnalitatibus triftabatur.

Hactenus hæc Catholicæ Ecclesiæ eximia Doctrina, de cuius profuda doctrina ait Venerabilis eius Annotator ibi num. 35. in n. 17. confert orationem, quam in horto fecit Christus afflictorum orationi: ostendens, quam alius, & purus spiritus erat huius Sanctæ Præceptor in Theologia mystica, Scholastica, & Positiva, quas ibi propinat, agens de portione superiori, & inferiori *anime Christi*. Sic elequentissimus hic Præsul.

Parce prolixitati, quia Theresiana audivisti arcana Theologiæ Mysticæ, Scholasticæ, & Positivæ profundissimo magisterio resercentem, & adeo ad mentem Præceptoris Ang. procedentem, ut possis veraciter intonare: *unus spiritus, & una fides erat in eis*. Videatur Caietan. ad locum citatum D. Thom. ubi non multis materiam hanc, de se non multum claram, declarat.

195. Dices: Et sit tertia obiectio: Postquam Christus Dominus prædixit Petro: *Antequam gallus cantet, ter me negabis*. Tenebatur Petrus ad non negandum Christum: ergo poterat petere auxilium ad vitandam negationem: ergo cum certitudine decreti circa negationem compatibilis est oratio circa vitandam negationis: ergo cum certitudine decreti de alicuius reprobatione stat oratio pro illius salute. Hæc ultima consequentia nota est ex secunda, quæ ex prima colligitur manifestè. Prima autem apertè sequitur ex antecedenti, in quo non videtur adesse difficultas: Quia si non teneretur ad vitandam negationem, negans non peccaret.

196. Confirmatur: Posita revelatione de alicuius damnatione potest ille, & tenetur vitare peccata, ob quæ dam-

damnandus est, etiam si ipsi fiat talis revelatio: ergo ipse, & potiori titulo, alii possunt petere auxilium ad vitanda illa peccata.

Ad obiectionem respondetur primò ex D. Thom. adducto num. 188. illam revelationem non fuisse secundum modum prophetie *prædestinationis, et præscientiæ, sed per modum prophetiæ comminationis*. Cui intelligentiæ maximum fundamentum præbet illa animositas, qua tunc temporis supra ceteros coepistolos sibi Petrus fulgere videbatur, dum dixit: *Etiam si omnes scandalizati fuerint in te, ego nunquam scandalizabor*, apud Matth. cap. 26. quam animositatem, ut retunderet Dominus, comminatus est negationem: ut sic Discipuli instantiam cohiberet, & totam suam fiduciam in Domino collocaret. Vnde vi huius revelationis nec spem Theologicam auisit, nec infallibilem certitudinem decreti circa negationem habuit: eoque potuit sperare, debuitque petere auxilium ad negandum.

Hac via penitus vis factæ obiectionis evacuatur. Ast quia communiter aliam sequuntur Theologi, quorum doctrina est pro pluribus valde Magistralis, eaque indigemus, ut confirmationem solvamus: propterea

Respondetur secundò concessio antecedenti, negando omnes illas consequentias, inde deductas, quia licet Petrus teneretur ad non negandum immo & ad confirmandum Christum teneretur iuxta nostros Salmant. tract. 27. disp. 3. dub. 1. num. 8. tamen orare non poterat, ut auxilium ad non negandum, vel ad confirmandum, obtineret. Ratioque ea est: Quòd, ut oraret, deficiebat ipsi aliquid de intrinseca ratione orationis necessariò exactum: videlicet fiducia obtinendi à Domino rem petitam, quam fiduciam tunc habere non poterat D. Petrus: est enim omnino incompatibilis fiducia ad obtinendum cum certitudine decreti circa negationem.

Pro præcepto autè Fidei, quod tunc Petrus implere tenebatur, nihil ei defuit: vnde habebat quicquid pro illo

adimplèdo necessariù est. Quare tentationi còtra Fidè succumbens peccavit: Ceterù orationem omnibus non deliquit, quia primum poterat, & tunc obligatio urgebat: pro secundo autem vires sufficientes non habebat; atque adeò non tenebatur.

197. Dices: Orationem esse medium necessariù ad obtinendum, quibus indigemus, pluribus suprà probavimus disp. 3. tota quæst. 1. sed D. Petrus tunc per nos non habuit vires sufficientes ad orandum pro auxilio, quo Fidè præceptum impleret: ergo iis viribus caruit pro adimplèctione præcepti Fidei, atque ideo non confitendo Christum, non peccavit.

Respondetur pro tali casu præceptum orationis fuisse, ac si non esset, ut D. Petrus vires haberet ad confessionem Fidei; quia omisso orationis erat ei simpliciter necessaria: vnde alia via implere debuit Fidè præceptum, ad quod vires sufficientes habebat.

Sic in casu urgentiori respondet PP. Salmant. tract. 18. disp. 5. dub. 2. n. 28. loquentes de homine, cui facta esset revelatio de sua damnatione. De quo dicunt laudati PP. non gravari præcepto sperandi salutem: *In eo eventum (dicunt) non daretur, aut non obligaret præceptum sperandi salutem; siquidem omisio talis actus esset simpliciter necessaria. Vnde non diceretur homo posse consequi salutem, quia posset adimplere hoc præceptum; sed quia posset facere omne id, ad quod teneretur, haberetque ad id auxilia sufficientia*. Similiter in nostro casu.

198. Per quæ patet ad confirmationem: Dicimus enim illum hominem non teneri ad orandum, quia ad hoc deest fiducia, quæ est de formali, & intrinseca ratione orationis. Teneri tamen ad vitanda omnia peccata, ob quæ damnandus est, quia præcepta manent in sua vi, ad illaque implenda habet vires sufficientes.

Adest exemplum lucem huic materiæ còcilians. Etenim Fide sanctum est, neminem sine specialissimo privilegio (quo sola Beatissima Virgo decora fuit)



fuit) posse venialium collectionem vitare, licet ad omnia divisivè sumpta vitanda vires quisque habeat; de quo N. Salmant. tract. 14. Seraphica Mat. N. Diva Theresia locis in 3. predicabili citandis; ubi de hoc fuse nobis agendum est.

Quia veritate posita, possum petere à Deo non solum pro me, verum etiam pro aliis, ut taliter vivant, quod venialiter non peccent. Hoc est, possum orare, ut omnia venialia divisivè sumpta vitent, quamquam certissimè sciam, eos aliquando casuros. Ast quia ad vitanda illa ipsa venialia, quæ commissuri sunt, habent vires sufficientes; propterea oratio illa non est otiosa, sed utilis. Non esset utilis, sed otiosa, si peterem, quod collectionem venialium vitarent; quia certus sum, vires ad talem collectionem vitandam ipsis denegatas esse.

199. Sic ergo dicimus, quod pro illo, de cuius reprobatione revelationem habemus, possumus orare, ut pro impletionem omnium præceptorum, ad quorum impletionem vires sufficientes habet, auxilium consequatur, quo illa adimpleat. Quod verum est loquendo de illis præceptis divisivè: aliud autem est, si collectivè sumantur; sic enim talem orationem fundere, otiosum est; quia certissimè nobis constat, talē hominem aliquod, vel aliqua præcepta vagè sumpta fracturum, ex quo scimus, illum dānandum esse. Vnde orare non possumus, ut collectionem adimpleat propter dicta; nec ut salutem speret; quia tali præcepto, si conscius est revelationis, non gravatur.

Plures, easque magni ponderis, objectiones hinc inde contra dicta emergentes nemo non videt. Verum quia citati nostri Salmanticenses toto illo dubio 2. quicquid pro illarum enodatione necessarium est, manu plenissima conferunt, propterea illas omittimus. Videantur etiam, quæ diximus disp. 3. quæst. 1. præcipue à num. 36.

200. Obiiciunt ultimum: Non possumus latari de reprobī damnatione: ergo possumus orare pro eius salvatione.

Antecedens constat; quia illa delectatio animi male affectum, & inimicum erga illum hominem ostenderet, quod charitas Christiana non paritur. Consequentia autē probatur: Eō enim orare non possumus, quatenus teneremur conformari cum Divina voluntate: at in hoc non teneremur conformari, immo discordare debemus; aliās sicut Deus positivè vult illius hominis damnationem, sic & nos teneremur illam velle, in ipsa delectari, ac pro ipsa orare: ergo &c.

Confirmatur: Possumus desiderare reprobī salutem, quin in hoc Divinæ voluntati cōtrariemur: ergo possumus signa huius desiderii exhibere. At non est aliud signum proprius, quàm illam petere: ergo.

Ad objectionem responderetur cum nostris Salmanticēsis tract. 13. disp. 9. dub. 3. n. 45. in fine: *Quod si præcedat suppositio, quod Deo placuit, Petrum reprobare, licebit de hoc gaudere, præcisè, quia ipsi placuit, & sub respectu ad istam Dei complacentiam; non verò absolute, aut præviè ad talem suppositionem.* Videantur prædicti Patres hanc ipsam doctrinam prosequentes.

Itaque possum gaudere de Petri reprobatione, si fiat suppositio de Dei complacentia; quia tunc obiectum huius gaudii est complacentia Divina, in qua possum, & debeo complacere. Sed non possum gaudere de tali reprobatione, si dicta Dei complacentia non præcedat; quia tunc gauderem de malo ipsius reprobī, quod lex Charitatis non suffert. Nec in hoc teneor conformari cum Divina voluntate, quæ summè præcisiva est. Sic nostri Salmantic. loco citato ex tract. 18. num. 16. dicentes: *Licet homo se debeat conformare voluntati Divinæ quantum ad motivum volendi, non tamen se debet semper conformare quantum ad rem volitam, quia voluntas creata ob suam defectibilitatem nequit multoties sistere in re volita à Deo, quin transeat ad peccatum, & hac de causa non possumus velle permissionem peccati, nec complacere in eius entitate, licet Deus, cuius voluntas est summè præ-*  
ci-



*viviva, & indefectibilis, permissione peccati velitis, & in eius entitate complereat.*

Ad confirmationem constat ex iam dictis in hac ipsa questione, quod possumus desiderare, & amare salutem reprobis, quia amor respicit rem absolutam, & non prout cadit sub iudicio prudenti. Oratio autem, cum prærequirit spem obtinendi, debet terminari ad obiectum, ut futurum: vel ad ipsum quatenus de ipsius non futuritione non constat. Unde salus reprobi non potest peti oratione habente nomen virtutis, quavis possit amari, & desiderari immo & peti, sed non oratione, quæ sit virtus, de qua loquimur.

Cuius desiderii signa posse exhiberi non negamus. Fatemur quidem exhiberi posse, & etiam huiusmodi signum esse petere illam salutem, fatemur. Verum talis petitiō non est virtus, sed quædam levis, imprudensque petitiō, vpotē sine fiducia, & contra Dei decretum ab orante cognitum procedens.

Egregiè Caietanus num. 60. citatus hæc explanat dicens: *Adverte hic, novissime, quod oratio est explicativa voluntatis, & illius procuratrix, non solum autem voluntatis deliberata, sed velleitatis, & affectus, ut patet ex supradictis, & ex oratione Christi: Transseat à me Calix iste. Verum sicut voluntas distinguitur in simpliciter, vel secundum quid, ita oratio, ut est petitiō, distinguitur in simpliciter, vel secundum quid. Et ut petit, seu procurat pro voluntate deliberata, est omnino simpliciter: ut autem pro velleitate, & affectu humano, est oratio secundum quid.*

Hæc Eminentissimus hic Theologus, quæ non intelligenda sunt ita, ut omnis oratio, quæ non est simpliciter, sit imprudens, & otiosa: sic enim oratio Christi Domini apud hortum otiosa, & imprudens foret, quod, vel cogitare, necesse. Tunc enim est imprudens, quando sine motivo prudenti rem desideratam à voluntate, ut est velleitas, petit proprio nomine ratio, ac si illud desiderium esset voluntatis deliberatæ, quæ abs dubio rem impossibilem, ut iam est illa, de cuius negatione adest

decretum, serio desiderare, non potest.

#### §. V. Pro omnibus superstitionibus divise sumptis possumus orare.

201. **E**Xclusionem, seu limitationem duobus §§. præcedentibus stabilitam supponit assertio nostra, quæ est omnium Orthodoxorum contra Vvicleph. dicentem non esse orandum pro aliqua determinata persona. Et contra elagium garrientem orationes, quas fundit Ecclesia, sive pro infidelibus, & peccatoribus, ut convertantur, sive pro iustis, ut in bono perseverent, frustra fieri: Contra hos Hæreticos statuitur assertio nostra, quæ

Probatur primò expresso testimonio Sacre Scripturæ, quoniam D. Iacobus cap. 5. suæ epistolæ ait: *Orate pro invicem, ut salvemini.* Vbi sive præceptum sit, sive consilium, orationes vivorum proficuas esse vivis, demonstratur. Urgetur motivum à Sacro textu insinuaturn, videlicet: *Ut salvemini:* ac si diceret: Salvantur illi, pro quibus oratio funditur: quia eorum salus media vivorum oratione prædestinata est. Salvantur etiam superstites, qui pro aliis superstitionibus orant, quia ob illam gratiam, quæ charitativè conferuntur iis, pro quibus postulant, merentur & ipsi gratiam. Omnibus vivis oratio est duplici titulo utilis: Est utilis, quia pro omnibus orat; & est utilis, quia ab omnibus pro omnibus oratur.

Dices: Ex hac auctoritate habetur quidem non posse orare pro vivis; hoc enim ad minus probat; si autem bene consideretur, etiam præceptum inducit. At quod hoc sit pro omnibus vivis, nullo excepto, ex textu allato minimè habetur.

Respondetur textum adductum præceptum quidem inducere. Verum quia orare pro aliquibus in particulari, v.g. pro inimicis, perfectionis est non necessitatis, ut docet D. Thom. 2. 2. quæst. 83. art. 8. propterea non illum adducimus ad fundendam necessitatem orationis; sed ad probandam utilitatem.

Ex quo autem oratio supponatur utilis aliquibus, omnibus utilis esse debet: Si quidem si ille, pro quo oratur, est infidelis, deservit oratio, ut illius mens illuminetur, & convertatur. Si est fidelis, sed peccator, auxilia ei obrinet, ut à vis suis pessimis retrocedat. Si iustus est, deservit, ut iustificetur adhuc.

Non est, qui se abscondat à calore orationis, neque est aliquis, in quo non inveniatur capacitas, ut pro ipso ore. Cuius doctrinæ radix ea est, quòd *orare pro alio Charitatis est*, ait D. Th. citat. unde, cum non sit homo, quem charitas, ut proximum non respiciat iuxta Augustinum lib. 1. de Doctrina Christi. cap. 30. & D. Thom. dicta 2. 2. q. 25. art. 6. propterea non est homo superflus, pro quo orare non valeamus. Unde licet ex textu Divi Iacobi non habeatur orationis præceptum ita amplum, quòd omnes comprehendat, habetur tamen utilitas orationis nullum excludens: & hoc est, quod probare intendimus.

203. Replicabis: Pro excommunicatis orare non licet: ergo non est orandum pro omnibus vivis ita, quòd nullus excludatur ab utilitate orationis.

Respondetur ex Divo Thoma in 4. disp. 18. quæst. 2. art. 1. ad 1. quòd *pro excommunicatis orari potest, quamvis non inter orationes, quæ pro membris Ecclesie sunt: & tamen fructum non participant, quandiu in excommunicatione manent, sed operatur, ut detur in eis spiritus penitentiae, ut ab excommunicatione solvantur.*

Est dicere iuxta Theologorum, & Canonistarum sensum: Orari posse pro excommunicatis oratione privata, non autem publicas: quod nostro asserto non obest. Loquitur enim de oratione vel publica, vel privata: ita ut nemo sit, pro quo orari non possit oratione vel publica, vel privata.

Quod luculenter docuit D. Bernardus de grad. humilit. grad. 12. dicens: *Absit à nobis, ut etiam si pro talibus (loquitur de excommunicatis) etsi palam non presumimus, vel in cordibus nostris*

*orare cessemus. Etsi enim à communibus orationibus ipsi se excludant, sed ab effectibus omnino non possunt.*

204. Probatur secundò conclusio sic: Pro his omnibus possumus orare, quibus bona desiderare valeamus: sed omnibus hominibus divisivè sumptis bona valeamus ex Charitate optare: ergo pro illis omnibus orare possumus. Consequentia sequitur, minor certa est, & maior probatur primò ex illo, quod sapè ex Angelic. Doct. & August. desumimus; videlicet: Id licet petere, quòd licet optare: dummodò non sit specialis prohibitio petendi aliquid, quòd optatur, ut vidimus in salute omnium collectivè sumptorum, & in salute illius, de cuius reprobatione nobis cõstat: sed nulla adest prohibitio nobis, ut oremus pro omnibus vivis divisivè acceptis: ergo possumus pro illis orare illa bona, quæ ipsis ex charitate optamus, postulant.

#### §. VI. Respondetur aliquibus objectionibus.

CONtra statutam cõclusionem plurariam procedi potest: Primò quidem negando, quòd unus possit orare pro alio, quicumque ille sit: secundò per exclusionem aliquorum vivorum, pro quibus orare nõ liceat. Quod in multas classes subdividi potest, ut scilicet excludantur inveterati in malo, & alii. De omnibus aliqua dicemus. Et à primo incipiens:

205. Obiicies primò: Oratio vivorum non est pro aliis exaudibilis: ergo pro illis fundi non potest. Consequentia constat; ad hoc enim oratio funditur, ut exaudiat: & probatur antecedens: Oratio pro aliis non servat condiciones bonæ orationis: ergo exaudibilis non est. Pareat ista; ut enim oratio exaudibilis sit, debet esse bona, & virtuosa, quòd non habet illa oratio, quæ bonæ orationis condiciones non servat. Antecedens autem probatur: Oratio, ut sit virtuosa, debet habere quatuor condiciones, videlicet, ut fiat piè, per severanter, pro se, & de necessariis ad

*salutem*: at oratio pro aliis, etsi fiat pie, perseveranter, & de necessariis ad salutem, non tamen est pro se: ergo.

Respondetur negando antecedens; ad probationem distinguitur antecedens: *Bona orationis*, hoc est, orationis, quæ infallibiliter ex Divina promissione consequatur effectum, concedatur: Orationis, cui non sit facta promissio infallibilis consecutionis, negetur antecedens. Ad cuius probationem dicas: Omnes illas conditiones non requiri, ut oratio virtuosa sit, qui enim pro alio orat, virtuosè procedit: ponuntur tamen eæ conditiones, tamquam propria illius orationis, quæ infallibiliter rem petitam consequitur. Ut enim docet D. Thom. dict. quest. 83. art. 7. ad 2. *pro se orare penitus conditio orationis, non quidem necessaria ad effectum merendi, sed sicut necessaria ad indeficientiam impetrandi.*

Vnde oratio pro se facta, si adsint illæ alia conditiones infallibiliter impetrat; facta autem pro aliis, etiam impetrat; non tamen infallibiliter, & hoc non ex defectu ipsius orationis, sed propter impedimentum, quod est ex parte eius, pro quo oratur; prosequitur inibi Ang. Doct. videatur etiam in 4. dist. 15. q. 4. art. 7. tota questiuinc. 3. & ea, quæ tomo 1. l. p. diximus.

206. Obiicies secundò: *Pater non libenter exaudit orationem, quam Filius non dictavit*, ait D. Chrysostom. in imperfect. homil. 14. sed Filius, cum nos orare docuit, non dictavit orationem pro aliis; sed pro se; siquidem in oratione Dominica non aliis ex cætu viventium; sed nobis petimus panem quotidianum, debitorum dimissionem, & alia: ergo non possumus pro aliis viventibus postulare.

Respondetur: Ipsa oratione Dominica firmari assertum nostrum; in illa enim docuit nos Divinus Præceptor noster, ut pro aliis peteremus; propter quod non dicimus: *Pater meus*; sed *Pater noster*: nec etiam dicimus: *Da mihi*; sed *da nobis*: ut sic ad alios viventes instrueremur, nostram orationem extendere. Ita Divus Cyprianus lib. de oratio-

ne Dominica, ubi ait: *Ideo non dicimus Pater meus, sed noster: nec da mihi; sed da nobis; quia unitatis Magister noluit privatim precem fieri, ut scilicet quis pro se tantum precetur.*

Nec Chrysostomo dissentit: Siquidem illa ipsa homilia in cõtarium adducta circa principium ait: *Pro se orare necessitas cogit, pro altero autem charitas fraternitatis hortatur. Dulcior autem ante Deum est oratio, non quam necessitas transmittit, sed quam charitas fraternitatis commendat.*

207. Obiicies tertio: Aliqui viventes peccant in Spiritum Sanctum; sed pro his, qui peccant in Spiritum S. orare non possumus: ergo nec pro omnibus hominibus viatoribus. Cætera constant, & probatur minor ex verbis Domini apud Matth. cap. 12. vers. 32. ubi inquit: *Quicumque dixerit verbum contra Filium hominis, remittetur ei, qui autem dixerit contra Spiritum Sanctum, non remittetur ei nec in hoc saculo, nec in futuro.* Ergo non possumus orare pro his, qui hoc peccato gravantur. Pater ista, quia, ut ex supradictis constat, non possumus petere id, cuius oppositum est à Deo decretum; vnde, cum determinatum sit a Deo, non remittere peccatum in Spiritum Sanctum, vanè ab ipso petetur eius remissio.

Hoc argumētum difficultatem continet ita gravem, ut de eo dixerit Augustinus tract. 2. de verbis Domini. *Fortè in omnibus Sanctis Scripturis nulla maior questio, nulla difficilior invenitur.* Illam tamen superare conabimur Sanctorum I. P. & maxime D. Thomæ doctrinam præ oculis habentes. Pro huius difficultatis enodatione integrâ questionem cum quatuor articulis instituit Angelicus Doctor, & est 14. in 2. 2. ubi art. 1. refert diversas opiniones asserentes quid sit peccatum in Spiritum Sanctum, quæ inibi videndæ sunt, nè in immensum abeamus. Ex iis ergo, quæ ibi habentur,

Respondetur primò ad obiectionem: Quod peccatum in Spiritum Sanctum iuxta Divum Augustinum citatum est finalis impenitentia, quando scilicet quis

quis permanet in peccato usque ad mortem, & pro hoc certum est, nos orare non posse; quia tale peccatum non remittitur, *nec in hoc saeculo*, quia cum illo moritur peccator, *nec in futuro*, quia tunc non est tempus poenitentiae.

Respondetur secundo ex laudato D. Thom. peccatum in Spiritum Sanctum esse peccatum factum ex certa scientia, malitiaque peccantis, qui abiiciens vires, quas habet ad bene agendum, & scientiam, qua fulget ad discernendum inter bonum, & malum, sciens, volensque malum ex industria operatur.

Dicitur autem hoc peccatum irremissibile, non quia absolute irremissibile sit, sed quia quantum est de se, habet meritum, ut non remittatur, docet Ang. Doct. quaest. citata art. 2. in corp. & hoc dupliciter: uno modo quantum ad poenam, qui enim ex ignorantia, vel infirmitate peccat, minorem poenam meretur: qui autem ex certa malitia peccat, non habet aliquam excusationem, unde poena minuatur. Et aliquibus interpositis prosequitur assignans secundum caput huius irremissibilitatis, dicens. *Alio modo potest intelligi, quoad culpam: sicut aliquis dicitur morbus incurabilis, secundum naturam morbi, per quem tollitur id, per quod morbus potest curari, puta, cum morbus tollit virtutem naturae, vel inducit fastidium cibi, & Medicinae, licet talem morbum Deus possit curare. Ita etiam peccatum in Spiritum Sanctum dicitur irremissibile secundum suam naturam, in quantum excludit ea, per quae fit remissio peccatorum. Per hoc tamen non praeccluditur via remittendi, & sanandi omnipotentiae, & misericordiae Dei, per quam aliquando tales quasi miraculose spiritualiter sanantur.*

208. Dices: Omne peccatum mortale, quantum est de se, habet meritum, ut non remittatur; siquidem excludit ea, per quae fit remissio peccatorum, nempe Gratiam, & Charitatem: ergo vel omne peccatum mortale est peccatum in Spiritum Sanctum, vel hoc peccatum aliud est ab eo, quod asserit Divus Thomas.

Confirmabis: Peccans ex inclinatio-

ne habitus vitiosi peccat ex certa malitia; sed omne peccatum mortale potest esse ex inclinatione habitus vitiosi, venit enim hoc: ergo omne peccatum mortale procedit ex certa malitia: ergo si peccatum in Spiritum Sanctum est peccatum factum ex certa malitia, omne peccatum mortale potest esse in Spiritum Sanctum.

Respondetur, quod in hac instantia novitiorum dubium occurrit, ut docet Caiet. ad art. 3. quaest. dictae, cui satisfacit ipse dicens: *Quod inter peccata in Spiritum Sanctum, & alia mortalia haec est differentia, quod peccatum in Spiritum Sanctum excludit directe retractivum à peccato; alia vero non excludunt hoc directe, sed ex quadam sequela. Non enim omnis peccans mortaliter directe excludit misericordiam, sicut desperans: aut gratiam, sicut dolens de dissensione gratiae Divinae, & sic de aliis. Et propterea huiusmodi peccatum dicitur irremissibile, & morbus incurabilis ex parte peccantis, quia directe tollit ea, per quae fit remissio, & cura: aliis tollentibus principium curationis consequenti.* Hæc Caietanus.

Itaque peccatum in Spiritum Sanctum illud est, quod consulto, & ex malitia contemnit bonum, proceditque ex ipsa electione mali. Et hoc non ex inclinatione habitus vitiosi (per quod occurritur confirmationi) qui malitia dicitur; aut peccare ex eius inclinatione, non est peccare in Spiritum Sanctum ob motivum, quod confirmatio ipsa repræsentat. Tunc vero in Spiritum Sanctum peccatur, cum per contemptum abiicitur, & removetur id, quod electionem peccati poterat impedire, sicut spes per desperationem, & timor per presumptionem, & quadam alia huiusmodi, ut infra dicitur. Hæc autem omnia, quae peccati electionem impediunt, sunt effectus Spiritus Sancti in nobis: & ideo sic ex malitia peccare, est peccare in Spiritum Sanctum. ait D. Thom. art. 1. in fine corp.

209. Quam doctrinam, ut poenitentiis calleas, memento ex 1. 2. quaest. 88. art. 2. quod peccatum veniale dicitur à venia, sicut mortale dicitur à mor-

morte animæ, quam inducit. Peccatum autem veniale tripliciter sumi potest, primo, quia est veniam consecutum, & sic dicit Ambrosius, quod omne peccatum per penitentiam fit veniale. Et hoc dicitur veniale ex eventu. Alio modo dicitur veniale, quia non habet in se, unde veniam non consequatur, vel totaliter, vel in parte. In parte quidem, cum habet in se aliquid diminuens culpam, ut cum sit ex infirmitate, vel ignorantia, & hoc dicitur veniale ex causa. In toto autem ex eo, quod non tollit ordinem ad ultimum finem. Et hoc est peccatum, quod communiter dicitur veniale.

210. Ex quibus duo prima genera peccatorum mortalia abs dubio sunt, & omisissis iis, quæ ad primum genus spectant, peccatum mortale, quod habet in se aliquid diminuens culpam, dicitur veniale ex causa; & hoc, quod culpam huius peccati diminuebat, est impotentia, seu infirmitas, & ignorantia, quibus perpetratum est. Non quia cum ignorantia, & impotentia simpliciter talibus stare possit peccatum, sed quia, dum committitur, adest, vel ex parte intellectus ignorantia, quæ superari debuerat, vel ex parte appetitus sensitivi aliqua passio vehemens vires ad non peccandum, veluti suppressens. Hoc peccatum dicitur ex infirmitate, sicut illud primum ex ignorantia.

Peccatum directè oppositū his duobus est illud, in quo nec ignorantia, nec infirmitas reperitur, & hoc est peccatum ex malitia non habens ex se aliquid, quod eius malitiam minuat. Huius peccati principium dicitur voluntas: non quia voluntas non sit causa omnium peccatorum, sed quia ipsa voluntas se determinat ad hoc peccatum ex mera malitia.

Quod egregiè edocetur à D. Thoma dicta 1. 2. quæst. 78. art. 1. per hæc verba: *Principia autem humanorum actuum sunt intellectus, & appetitus, tam rationalis, qui dicitur voluntas, quam sensitivus. Peccatum igitur in humanis actibus contingit, quandoque ex defectu intellectus, puta, cum aliquis per*

*ignorantiam peccat: & defectu appetitus sensitivi, sicut cum aliquis ex passione peccat, ita etiam ex defectu voluntatis, qui est inordinatio ipsius.* Et post alia omnino videnda, quibus hoc peccatum, cuius principium est voluntas, explicat, concludit: *Vnde dicitur ex certa malitia, vel industria peccare, quasi scienter malum eligens.*

211. Nec dicas: Peccare ex certa malitia est peccare ex electione mali: sed qui peccat ex passione, aut ignorantia, etiam eligit malum, aliàs non peccaret: ergo qui peccat ex passione, aut ignorantia, peccat ex certa malitia:

Quia ad hoc respondet D. Thomas nuper citatus art. 4. Ad 3. dicendum, quod aliud est peccare eligentem, & aliud est peccare ex electione. Ille enim, qui peccat ex passione, peccat quidem eligens, non tamen ex electione: quia electio non est in eo primum peccati principium, sed inducitur ex passione ad eligendum, quod extra passionem existens non eligeret, sed ille, qui peccat ex certa malitia, secundum se eligit malum. Eo modo, quo dictum est: *Idè electio, quæ est in ipso, est principium peccati, & propter hoc dicitur ex electione peccare.*

212. Igitur ex dictis notissimum est discrimen inter peccata ex infirmitate, & ignorantia ex vna parte, & peccatum ex certa scientia ex alia. Hoc ultimum dicitur peccatum in Spiritum Sanctum, cuius denominationis rationem desiderabis. Illamque pulchrè assignat D. Thom. loco citato ex 2. 2. quæst. 14. art. 1.

Cuius doctrinæ fundamentum consistit in eo, quod inter Divinas personas divisa est attributio potentia, sapientia, & bonitatis. Patri enim attribuitur potentia: Filio sapientia, & Spiritui Sancto bonitas. Peccatorum principia iam vidimus, esse tria, videlicet infirmitas, impotentia, aut passio: hæc enim omnia idem sunt, ignorantia, & malitia. Peccata ex impotentia, aut infirmitate sunt contra Patrem, cuius est potentia, cui impotentia contrariatur. Peccata ex ignorantia sunt contra Filium, cuius est sapientia, cui opponitur igno-

rantia. Restat ergo, quòd peccata ex malitia sint contra Spiritum Sanctum, cuius est bonitas, quam conatur eliminare malitia.

Hoc peccatum in Spiritum Sanctum dicitur irremissibile & *in hoc saeculo, & in futuro*. Non autem peccata in Patrem, & Filium, quod explicat noster Sylveira tom. 6. in Euang. ad cap. 3. D. Marci quæst. 4. dicens, quòd illa clausula *solum denotat, quòd tam grande, ac grave peccatum non facile remittitur; nec condonatur*; quod glossema non est extra Scripturæ morem: unde improbandum est.

Nos autem rationem magis genuinam, & Theologicam dedimus ex D. Thom. num. 205. videlicet, quòd tale peccatum est ex se omnino irremissibile; quia ex se non habet, quod illud *in hoc saeculo*, hoc est apud homines, aut *in futuro*, hoc est apud Dei iudicium excuset, aut eius malitiam minuat, quod habent alia peccata; proptereaque ista dicuntur venialia *ex causa*; illud verò est simpliciter, & absolute mortale.

Quod angelicè declarat exemplum illud morbi corporalis à D. Thom. positum num. 206. omnis siquidem corporalis morbus salutem destruit: sed est morbus relinquens capacitatem in natura, ut adiuta medicaminibus valeat in morbum decertare, & hic non dicitur incurabilis. Et est morbus talem capacitatem non relinquens, & hic dicitur absolute immedicabilis; non quia absolute superari non valeat, sed quia quantum est de se mortem inferet; quia ex parte subiecti nihil est, quod possit vires ipsius frænare.

Sic de morbo hoc animæ cõtra Spiritum Sanctum dicendum est: ast debemus pro illo laborante preces fundere, ut illi propitius sit Deus, & cor mundum in ipso creans, spiritum rectum innover in visceribus eius, remittatque ex sua benignissima pietate peccatum omnino, attenta sua natura, irremissibile.

Solvi, ut potui, difficultatem, quam maxime prædicat August. prout vidimus supra. Idemque confirmat viarium

penè innumerabilium diversitas, in quas Patres Doctoresq; Sacri, illam, ut superarent, abiecti. Si in eius enodatione multus tibi fuit, parce: forsam non omnibus multus ero.

213. Obiicies quartò, & potest esse replica contra dicta: Quia ex textu Sacro admonemur, ut pro aliquibus peccatoribus non petamus: ergo pro omnibus viatoribus orare non possumus. Probatur antecedens: Quia in 1. Ioann. cap. 5. dicitur: *Qui scit fratrem suum peccare peccatum non ad mortem, petat, & dabitur ei vita peccantis non ad mortem; est peccatum ad mortem, non pro illo, dico ut roget quis*. Vbi distinguitur peccatum non ad mortem à peccato ad mortem, ac pro primo præcipimur orare, non autem pro secundo.

Probatur secundò idem antecedens alia Scriptura ex 1. Regum cap. 2. ubi habetur: *Si peccaverit vir in virum, placari ei potest Deus; si autem in Dominum peccaverit, quis orabit pro eo?*

Probatur tertio: Quoniam apud Hierem. cap. 7. præcipitur: *Tu ergo noli orare pro populo hoc, & non obsistas mihi, quia non exaudiam te*. Vbi clarissime constat de voluntate Dei nolentis orationes pro illo populo fundi: Quiaque nunquam defunt, qui similibus criminibus gravati sunt, propterea pro illis orandum non est; atque adeò nec pro omnibus divisivè consideratis.

214. Respondetur negando antecedens: Ad 1. probationem sunt, qui dicant, peccatum ad mortem esse peccatum mortale, cui annexa est finalis impœnitentia, pro quo nemo ambigit orandum non esse, quia si nobis constat de aliquo tali peccato gravari, hic proculdubio reprobis est, pro quo orandum non esse, constat ex asserto 2. opinio hæc Patronos adeò superiores habet, ut non possit à nobis non admitti, & quidem reverenter. Verum quia D. Ioan. loquitur de peccato, quod possumus absque difficultate cognoscere, qualis non est finalis impœnitentia: propterea

215. Respondent alii vim facientes

phraſi D. Ioan. qui non ait *pro peccato ad mortem dico, ut non roget quis*: ſed ſic, *pro peccato ad mortem non dico, ut roget quis*. Vnde Seraphim Capponi 2. 2. quæſt. 14. art. 3. ait, quòd Apoſtolus quaſi in medio cõſiſtens, hoc eſt, inter demeritum culpæ, & benignitatem Omnipotentis, nec conſulit orare pro illo peccato ob ipſius malitiã, nec prohibet orare ob Dei benignitatem.

Hanc tamen explicationem relicendam putamus; quia D. Ioan. conſiderans indigentiam, qua premitur committens peccatũ non ad mortẽ, hortatur, ut à fratribus pro eo orantibus adiuvetur, & immediatẽ videns ſuperiorem indigentiam, qua peccans peccato ad mortẽ gravatur, fratrum auxilium non petit? Quis credat? Superior hæc indigentia potiùs, quàm indifferentiam illam, quam in Apoſt. ſupponunt, petit poſitivam applicationem ad ſubveniẽdum. Oratio eſt eleemoſyna ſpiritualis, qua animæ ſubvenitur, ſicuti eleemoſyna materiali mœdici à potentibus ſublevatur. Inordinate certẽ procederet, qui minùs patienti ſubveniẽdũ ab omnibus prædicaret, & ad extrema indigẽtia laborantẽ perveniẽs nihil diceret, ſed quaſi in medio conſiſtens abſtraheret. Quare hæc ſolutione reiecta, vel ad ſenſum iam ſubiiciendæ redacta.

216. Reſpondetur ad primam probationem antecedentis: Peccatum ad mortem eſſe peccatum in Spiritum Sanctum, & peccatum non ad mortem eſſe peccatum vel ex ignorantia, vel ex infirmitate. Omnia hæc peccata dupliciter conſiderari valent. Primò ſecundũ ea, quæ ex ſe habent. Secundò cum reſpectu ad Divinam miſericordiam. Sub hac ſecunda conſideratione omnia illa remiſſibilia ſunt, atque adeò poſſumus pro illis omnibus orare. Sub prima conſideratione peccata ex infirmitate, & ignorantia habent aliquid, per quod remiſſibilia dicantur, illud videlicet, quod eorum malitiam minuit, excuſatque. Vnde pro illis ſic acceptis, etiam orare valemus. Aſt peccatum in Spiritum Sanctum

tum, attentata eius conditione, irremiſſibile eſt, ut patet ex dictis. Eòque pro illo ſic ſumpto non dicit Ioan. *ut oret quis*, quia in vanum preces fundet.

Et, ſi novitas non diſpliceret, addiderim: D. Ioannem illo ſuo teſtimonio de vno ſolo peccatorum genere locutum fuiſſe, nempe de peccato in Spiritum Sanctum, quod eſt ad mortem, & non eſt ad mortem. Eſt ad mortem conſiderata ipſius conditione. Sicque irremiſſibile eſt, nec pro eo orari poteſt. Non eſt ad mortem, inſpecta benignitatis Dei miſerentis ſicque non eſt irremiſſibile: vnde orandum pro illo eſt.

217. Reſpondetur ſecundò ad eandem primam antecedentis probationem ex D. Thom. quæſt. 3. de malo art. 15. ad 3. ubi ait: *Si autem intelligatur peccatum, ad mortem, id eſt, quod ex malitia committitur, ſic non prohibetur, quin aliquis pro eo oret: ſed non quicumque, quia non quicumque eſt tanti meriti, ut orando ei gratiam impetrare poſſit; quia ſanatio talium eſt quaſi miraculoſa: ſicut ſi diceretur: pro ſuſcitatione mortui, non dico, ut oret quis pro eo, id eſt, quicumque ſed aliquis magni meriti apud Deum*. Idem docet de verit. quæſt. 24. art. 11. ad 8.

Ac per hoc patet ad ſecundam probationem antecedentis. Reſpondetur enim; quòd iuxta D. Cyprianum lib. 3. ad Quirin. cap. 28. per peccatum in Deum ibi intelligi peccatum in Spiritum Sanctum & per peccatum in hominem intelligi alia peccata. Vnde ex dictis conſtat, quid dicendum ſit pro intelligentia huius Scripturæ.

Quòd ſi peccatum in Deum intelligatur peccatum contra præcepta primæ tabulæ, & pro peccato in hominem, peccata contra præcepta ſecundæ tabulæ, vel ſolidè probat inibi Abulenſ. tunc pro peccato in virũ cuiuſlibet iuſti precibus placari ei poteſt Deus. Sed pro peccato in Deum ex malitia procedente, *quis orabit* cum certa ſpe obrinendi veniam, niſi fuerit iuſtus eximia Sanctitate decorus?


218. Ad tertiam probationem reſ.



respondetur ex D. Thom. loco citato:  
Verba illa dicta esse ad ostendendam  
illius populi indignitatem, non quia  
obstinatus esset, & incapax percipiendi  
fructum orationis pro ipso factæ.

Vel dicas cum eodem Divo Thomæ  
in 4. d. 17. quest. 2. arti. 4. questiunc.  
3. *Ad primum ergo dicendum, quod Do-*

*minus loquitur quantum ad hoc, quod in  
illo populo erant impedimenta, quare ora-  
tio Prophetæ exaudiri non poterat, scili-  
cet incorrectus error illorum, & finalis  
impenitentia, ut glossa ibidem di-  
xit. Et hæc de hoc primo  
prædicabili dixisse  
sufficiat.*



HISPALI  
Apud FRANCISCVM  
SANCHEZ RECIENTE,  
Typographum signatè  
Latinum, in vico  
de la Sierpe.





# SECUNDUM PRÆDICABILE

De natura mysticè perfectiva.

## PROOEMIUM



**B**VIVS secundum mystici prædicabilis argumentum est Divina Contemplatio, ex quo eius sublimitas. venari debet. Est quippe contemplatio omnium humanarum actionum finis, teste Theologorum maximo D. Thom. lib. 3. contra gent. cap. 25. Vbi sextam rationem sui asseriti probativam sic concludit: *Est ergo cognitio Divina finis ultimus omnis humanæ cognitionis, & operationis.* Quam etiam veritatem magnum ipsum opus nostræ creationis suadet: quando quidem, agente pietate, factum est, ut terrei, inferi que vermiculi eveherentur ad videndum Deum Deorum in Sion, in quem desiderant Angeli prospicere. Hic nostræ conditionis finis est, Deum facilliter videre, ac in æternum, & ultra contemplari. Sic oraculum indefectibile annuntiat apud Matth. cap. 5. dicens: *Beati mundo corde, quoniam ipsi Deum videbunt.* Et apud Joan. cap. 17. *Hæc est vita æterna, ut cognoscant te solum Deum verum.* Et in hunc foelicissimum finem omnes vitæ christianæ actiones diriguntur: est enim contem-

platio illa eminentissima nostra beatitudo; coque finis, ac terminus totius nostri laboris.

Et quod absolute, & simpliciter verum est de illa facili contemplatione, veritatem etiam habet relatè ad contemplationem viæ. Hæc enim finis est copiosissimi sudoris, quo viam spirituales lustrantes ascetæ madent, dum per viam spiritus interdum senticera calcantes gradiuntur. In illam incipientes tendunt, proficientes respiciunt, omnium eorum labor, & ardor est, thesaurum istum in agro creaturarum absconditum invenire.

Ex eo autem quòd contemplatio sit finis aliarum omnium cognitionum, & operationum, inferitur, illam esse hominis perfectivam: quippe finis ipsum intendentis perfectivus est. Vti docet D. Thom. quest. 21. de veritate art. 1. dicens: *Primo, & principaliter dicitur bonum ens perfectivum alterius per modum finis: sed secundario dicitur aliquid bonum, quod est ductivum in finem.* Ex quibus constat, idem esse quòd aliquid habeat rationem finis, ac quòd sit perfectivum eius, quod illud, ut finem habet. Quod voce clarissimè monstrant ipse appetitus, conatus que in

finem, ne utiquam habendi, si finem intendens non perficeretur a fine.

Est igitur contemplatio, quo homines perficiuntur. Quod ex conceptu finis in ipsa reperto aflatum manifestum esse, non obnues. Verum enim vero alia via clarissimè ostensum contemplabere. Etenim homo contemplativus non est homo, si rem æqua lance ponderes; sed est aliquid supra hominem. Sic D. Thom. asserit in 3. d. 35. quæst. 1. art. 2. quæstiunc. 2. hinc verbis: *Ad primum igitur dicendum, quod homo, in quantum est contemplativus, est aliquid supra hominem: quia in intellectu simplici visione continuatur homo superioribus substantiis, quæ intelligentiæ, vel Angeli dicuntur.* Vides ne hominem veluti abiectæ conditionis terream sarcinam à mandare, ac inter cœlestes intelligentias recenseri? Vnde hæc fœlicitas? In promptu responsio est: à contemplatione. Contemplatione contemplativus constituitur, & ad cœlestium agmi-

num classem illa perfectione venustus elevatur.

Istud hominis perfectivum est præfens nostrum argumentum: quia sicut in primo prædicabili de oratione, qua homo redditur proximè à contemplatione perfectibilis, lequuti sumus; sic modo de ipsa contemplatione illam perfectibilitatem actuante tractamus. Plurima, eaque gravissima, se se offerunt discutienda. Nec omnia, quæ de hac sublimi entitate disputari possunt, possumus in præsentī prædicabili disputare. Quapropter ea, quæ sublimioris contemplationis propria sunt ad tertium prædicabile reservamus. Vnde hoc secundum prædicabile ad explorandam existentiam contemplationis, ipsiusque quidditatem, species, bonitatem, vitæ rationem, principia, habitus, & species ad ipsam contemplationem, tum acquisitionem, tum infusionem, deservientes, destinamus.

## DISPUTATIO SEPTIMA.

### *De existentia Divinæ Contemplationis.*

**L**icet divinæ contemplationis existentia sit à Deo nota: sunt tamen motiva non contemnenda, ut disputemus, an Divina Contemplatio detur? Plura enim, quæ hic dicenda sunt, viam ad alia, postmo-

dum exploranda sternunt. Vnde præmitti debent, ut postea expeditius procedere valeamus. Hoc quoque motivum ducti communem scriptorum methodum retinemus, & ante alia *an est contemplationis* disquirimus.

## QUÆSTIO PRIMA.


### *An detur Divina Contemplatio?*

**T**itulus intelligendus est, nedum de contemplatione acquisita, verum etiam de infusa contemplatione quamquam ob motiva postmodum subijcienda, præcipuus sermo erit de contemplatione acquisita, quæ etiam activa dicitur.

§. I. *Duplici conclusione deducitur controversia.*

1. **S**it prima assertio: *Datur contemplatio infusa.* Assertum hoc vnanimi omnino P. P. & D. D. suffragio comprobatur: Vnde impertinens omnino est, aliquem in particulari recurre: præterquam quod eorum plurima testimonia totam hanc disputationem exornabunt.

Pro;



Probatur primò conclusio sic: Quoniam, vt diximus tom. 1. lib. 4. Contemplatio infusa dicitur *Simplex intuitus Divinæ veritatis à principio supernaturali proveniens*: Sed datur hic *simplex veritatis intuitus*: Ergo datur infusa contemplatio. Maior supponi nunc debet postmodum disputanda, & minor probatur: quia datur principium supernaturale, à quo simplex hic intuitus proveniat: Ergo & ipse datur. Patet ista, quia aliàs tale supernaturale principium, vel superfluum esset, vel imperfectum, quandoquidem producere non posset actum istum ad eò sibi proprium. Antecedens autem probatur: quia fides, dona Spiritus Sancti, & etiam ipsi superius aliud donum, principia sunt, à quibus provenit talis simplex intuitus veritatis Divinæ, iuxta unanimem Mystarum sensum: sed talia principia supernaturalia sunt, vt de se constat: Ergo.

2. Confirmatur, & aperitur vis huius rationis: Etenim principium scientificum naturale causat contemplationem naturalem, qualis est contemplatio philosophica, quæ causatur à scientia naturali, inutiles quæ foret habitus scientificus naturalis, si hanc naturalem contemplationem non causaret: Ergo & principium scientificum supernaturale, & infusum causat contemplationem infusam, ne inutile asseratur.

3. Probatur secundò conclusio: datur contemplatio attingens Deum non ex cognitione creaturarum, & sub figuris; sed quasi nuda veritate: Ergo datur contemplatio infusa. Consequentia patet: quia talis contemplatio non potest esse nisi à Deo; superat quidem modum intellectus humani, qui sua industria pertingere non potest ad attingendum Deum, nisi phantasmata speculando, eumque ex creaturis cognoscendo. Antecedens autem est D. Thom. in 3. dist. 34. quæst. 1. art. 2. vbi hæc habet: *In his autem, quæ super rationem sunt, perfici fides, quæ est inspectio Divinorum in speculo, & enigmata: con-*

*num percipiat. Quod autem spiritualia, quasi nuda veritate capiantur supra humanum modum est, & hoc facit donum intellectus.*

Docet ergo Præceptor Sanctus hominem dupliciter propriam perfectionem ostendere: primo quidem operando secundum modum proprium ipsius, & hoc sive faciat opera ad lineam naturalem attinentia; sive opera faciat ad ordinem supernaturalem spectantia; semper enim operatur secundum modum sibi connaturalem; atque ad eò *Deum non nisi per speculum creaturarum, & per enigmata similitudinum percipit.* Secundo modo operatur supra modum sibi connaturalem: vnde petit moveri à superiori impulsu, & ad hoc dantur Spiritus Sancti dona, quibus homo redditur facile mobilis à Spiritu Sancto, ducitur quæ in terram viventium. Quod idem Ang. Doct. tradidit 4. contra gentes cap. 5. 2. art. 2. dicens: *In hereditatem illius terræ beatorum nullus potest pervenire nisi moveatur, & educatur à Spiritu Sancto, & ideo ad illum finem consequendum necessarium est homini habere dona Spiritus Sancti.*

Hæc autem contemplatio, quæ supra connaturalem modum intellectus contemplantis est, quæ quæ indispensabiliter requirit principium infusum, infusa certè est. Nihil enim aliud per contemplationem infusam intelligitur ab omnibus. Verum in re cui nemo contradicit, quid moramur?

4. Sit secunda conclusio: *Datur contemplatio acquisita, seu activa.* Hanc assertionem tuerentur quam plurimi P. P. & Theologi, quos adducit Lucerna Mystica fol. 7. & 8. Eam à tempore Apostol. vguisse asserens, contra nonnullos, qui eius novitatem fugillant. Nobis autem sat sit, hanc veritatem tradi à D. Dionis. lib. de Divin. Nomin. cap. 1. & 7. Vbi D. Thom. lect. 1. loco citat. ex sententiaris, & 2. quæst. 45. art. 5. & quæst. 130. art. 1. Sic etiam docent Seraph. Mag. nostra D. Theres. & Extaticus noster Parens S. Joannes à Cruce, quos nostrates omnes sequuntur, & innumeri ex alijs Theologis.

Probatur ergo primò ex D. Dyoniſ. qui ad Timoth. ſcribens, ait : *Tu autem ó Timothee chariſſime, intentiſſima contuendis ſpectaculis myſticis exercitatione, & ſenſus linquē, & intellectuales operationes, & ſenſibilia, & intelligibilia omnia, & quæ ſunt, & quæ non ſunt omnia : & ut illi iungaris qui ſuper omnem ſubſtantiam, omnem que ſcientiam eſt ignotè pro viribus te ipſum intende.* Vbi certum eſt Dyoniſium loqui de anima circa Deum occupata, non autem per meditationem: hæc ſiquidem nec ſenſus, nec intellectuales operationes, nec ſenſibilia, nec intelligibilia derelinquit, nec derelinquere valet. Eſt enim meditatio diſcurſus quidam, quem anima efformat, ut per ea, quæ facta ſunt, Deum inquireat. Propterea que ait Richard. à Sancto Victor. lib. 1. de contemplatione cap. 3. loquutus de cogitatione, meditatione, & contemplatione: *Multum à ſe invicem hæc tria in modo differunt, quamvis quandoque in materia conveniant:: Cogitatio per devia quæ que lento pede ſine reſpectu perventionis paſſim huc, illuc que vagatur. Meditatio per ardua ſapē, & aſpera ad directionis finem cum magna animi induſtria nititur.*

Non ergo intelligi poteſt Dyoniſius de anima meditante; unde ſolùm intelligi poteſt de anima contemplante: hæc tamen contemplatio, de qua loquitur, non eſt infuſa; quia infuſa contemplatio non dependet ab induſtria humana, nec eſt in manu noſtra illam habere. Contrarium evenit illi contemplationi, de qua loquitur Areopagita: liquidem monet linquere ſenſus, & intellectuales operationes, quod non moneret, ſi hoc induſtria Timothei, Divina tamen gratia adiuti, fieri non poſſet.

Quod clariùs conſtat ex vltimis verbis huius teſtimonij: *Ignote pro viribus te ipſum intende* : Vbi ſupponit, eſſe ſub poteſtate Timothei, & cuiuſcumque aſcetæ proviribus ſe ipſum intendere, ut Deum, relictis figuris, & imaginationis ſtrepitu, contempletur. Ali-

ter poſſet Timotheus reſpondere: hoc, quòd imperas boni conſilio, ſed mihi iuſſa capeſſere ſas non eſt, quia exira ambitum propriæ poteſtatis eſt.

5. Immenſus eſſem; ſi omnia Divi Dyoniſij teſtimonia, quæ hanc conſolationem ſuadent, aſſerre vellem: vnum tamen, vel alterum adhuc ſubijciam. Sic enim loquitur Epist. 9. *Operæ pretium eſt ut ſymbolis, quæ ſenſum movent, divina myſteria exuentes, ea per ſe nuda, & pura oculo fidei intueamur: Si enim ſic ſpectemus venerabimur fontem victæ in ſemetipſum diſfuſum, in ſe ipſo ſtantem: Cernemus etiam quandam vim ſimplicem per ſe mobilem, per ſe agentem, ſe non deſerentem, ſed ſcientiam, quæ omnium ſcientiarum ſcientia eſt, & ſemper per ſe ipſam ſemetipſam contemplatur.*

Quibus verbis à ſymbolis, quibus meditatio utitur animam elevare ſatagit, & ſpiritualia ſine figurarum involucrio, per ſe nuda intueri conſulit. Quod, ut modo dicebamus, non faceret, ſi non eſſet in noſtra poteſtate hanc eminentiam, Numine favente, obtinere.

6. Denique lib. citato de Divinis Nominib. cap. 7. inquit: *Oportet autem videre, mentem noſtram habere quidem virtutem ad intelligendum, per quam intelligibilia inſpicit, vñitionem autem excedentem mentis naturam, per quam coniungitur ad ea, quæ ſunt ſuper ipſum.* Quibus dictis concludit : *Secundùm hanc igitur (vñitionem) oportet divina intelligere, non ſecundùm nos, ſed nos ipſos extra nos ipſos ſtatutos, & totos deſicatos.*

Quæ miriſſimè elucidat D. Thom. inibi lect. 1. dicens: *Dicit, quòd oportet conſiderare, quòd mens noſtra duo habet ad intelligibilia cognoscenda. Primò quòd habet naturalem virtutem, id eſt intelligentiam, per quam inſpicere poteſt intelligibilia ſibi proportionata. Secundò vero habet quandam vñitionem ad res divinas per gratiam, quæ excedit naturam mentis noſtræ: per quã vñitionē coniunguntur homines per fidē ad quædamque cognitionem, ad ea, quæ ſunt ſuper naturalem virtutem mentis. Oportet ergo*

*ut intelligamus divina secundum hanc unionem. Ergo quia non trahendo divina adea, quæ sunt secundum nos, sed magis totos nos statuentes, supra nos in Deum, ita per prædictam unionem totaliter deificemur.*

His auditis, quis nisi cerebrorfus asserat Dionysium loqui de meditatione? cum potius omnia ipsius verba meditationem, rudem quæ ipsius formam deferendas iri, clament. Sed nec intelligi potest de contemplatione infusa: cum dicat, contemplationem, de qua agit, esse effectum virtutis, quam mens nostra habet *ad intelligendum, per quam intelligibilia inspicit*, & unionis *ad res divinas per gratiam*, quæ licet superet naturam mentis nostræ; non tamen extrahit hominem ab hoc, quod sit mobilis per rationem, nec illum constituit in statu superiori, in quo ut mobilis à Spiritu Sancto à donis ipsius movetur. Vnde de contemplatione acquisita loqui, ambigendum non est.

7. Probatur secundò conclusio testimonij Ang. Præcept. & primò considerandum est, illud, quòd numero præcedenti adduximus. In illo enim adeò perspicue tradit nostram assertionem, ut tergiversari non possit. Simili claritate loquitur Doct. S. in lib. de Divinis Nominib. quoties Dionysium de contemplatione activa loquentem exponit. Autoritas ex sententarijs num. 3. adducta idem suadet. Ibi enim utramque contemplationem explanat. Infusam ultimis verbis, quibus donum intellectus eiusdem infusæ contemplationis, principium esse docet: Alijs autem verbis antecedentibus, acquisitam. Vnde hoc unico testimonio utrumque assertum nostrum de mente Ang. Præcept. comprobatur.

8. Et ne indictis offendas, memento eorum, quæ tom. 1. lib. 4. num. 20. diximus, loquentes de contemplatione activa, videlicet, aliam esse per affirmationem, & aliam per negationem. Prima affirmat de Deo ea, quæ in creaturis observat, ablati tamen imperfectionibus. Secunda vero negat de Deo quicquid in mentem venire potest,

intelligens illum esse aliquid supra omne id, quod illa cognoscere valet. Vtriusque contemplationis affirmativæ, & negativæ mentionem fecit Dionys. de Mystica Theologia cap. 1. ubi ait: *Cum ei, ut causæ omnium, ea etiam omnia, quæ in naturis dicuntur tribuenda sunt: eadem quæ omnia magis propriæ, ac veriùs non tribuenda sunt, ut qui omnia multum, ac longè superet.* Vbi non solum utramque hanc contemplationem versat; sed excessum negativæ supra affirmativam statuit ijs verbis *magis propriæ, ac veriùs.* Vnde dixit D. Thom. 1. part. quæst. 14. art. 4. ad 5. *In hac vita magis manifestatur nobis de Deo quid non est, quàm quid est.*

Hæc ergo maior perfectio contemplationis negativæ petit perfectiorem modum procedendi, & attingendi proprium obiectum, atque adeò contemplatio affirmativa Deum attingit *per speculum creaturarum, & per ænimata similitudinum.* Contemplatio autem negativa *symbolis, quæ sensum movent, Divina mysteria per se nuda, & pura oculo fidei intuetur.* Vt numero 5, dicebat Areopagita.

Hoc etiam modo eadem Divina mysteria intuetur contemplatio infusa, nec mirum cum utraque in multis conveniat, uti loco citato dicebamus, & forsam infra dicemus. Verum discriminantur etiam in multis, è quibus vnum est principium, & aliud modus procedendi. Principium enim contemplationis infusæ est aliquod donum Spiritus Sancti, vel aliud superius, ut multoties dictum est. Modus autem procedendi est ex speciali motione Spiritus Sancti. Vnde ex quo D. Thom. dixerit, illius contemplationis, de qua num. 5, principium esse donum intellectus; propterea necesse est, illum intelligere de contemplatione infusa.

9. Contemplatio autem acquisita quantumvis perfectissima sit, nec requirit principium adeò sublime, nec ex speciali motione Spiritus Sancti provenit: exercet enim homo hanc contemplationem, ut est mobilis per rationem. Vnde licet idem obiectum respiciat

*image  
not  
available*

*bus mundialis. Dico ipsam velle, quia hæc non est res omnino supernaturalis, sed est in nostro at vitio, possumus quæ facere, adiuvante divina gratia.*

Non potuit contemplatio activa expressius, pulchriusve exhiberi: Anima intra se ingreditur, valvasque spiritus omnibus rebus creatis occludit, volente ipsa hæc facere, & satagente. Cuius ea oratio est, quod hæc contemplatio non est omnino supernaturalis; sed est in potestate nostra, possumus quæ illam, Numine auxiliante, habere.

Nemo dicat, Seraphicam Doctrinam loquutam fuisse de meditationes quia non est verbum in data auctoritate, quod non contradicat. Sed nec asserat, sermonem facere de contemplatione infusa; hæc enim est omnino supernaturalis; non est in nostra voluntate illam habere; nec habetur, nisi ex speciali gratia, quæ cum non invenitur in contemplatione, de qua hic loquitur Sanctissima Mater N. non est, cur ipsam loqui de activa contemplatione, negetur.

13. Hoc ipsum probat quadruplex illud orationis genus, de quo agit a cap. 11. vsque ad 19. vitæ suæ Sanctissima Doctrina, illa quæ discrimina, quæ ad invicem habent orationes illæ, confert cum quadruplici modo, quo xylylus irrigari potest. Profundissimè hæc edificat: Videri ab omnibus debet: dum dicimus, ibi clarissimè, ex ibi dictis, haberi, dari contemplationem activam, diversam à meditatione, quam aqua prima de signat, & etiam à contemplatione infusa, quæ per ultimam aquam de Cælo venientem, viridarium quæ totum sine heri sudore amoenissimè irrigantem, adumbratur. Sufficiant hæc, quàm plurimis omnis, ut nostrum assertum de mente Sanctissimæ Matris nostræ verè esse, dicamus.

14. Extaticus noster Parens S. Joannes à Cruce hoc ipsum docet lib. 2. Alcenf. cap. 14. Vbi inter alia ait: *Finis meditationis, & discursus in rebus divinis est lucrari aliquam notitiam, & amorem Dei, & quoties anima hoc lucratur, est unus actus: Et sicut plures*

*actus inæqualiter re generant habitum in anima, sic plures actus harum notitiarum affectuosarum, quas anima sigillatim lucrata fuit per usum, sic continentur, ut fiat in illa habitus, &c. Et ita quod anima prius per suum laborem meditandi separatim obtinebat in particularibus notitijs, iam ex usu factum est in illa habitus.*

Hæc Theodidactus iste Doctor, qui proculdubio loquitur de contemplatione acquisita; tum quia loquitur de contemplatione, ad quam ascendere debemus, postquam illa tria signa, quæ pro deservenda meditatione ponit imbi, viderimus; quod de contemplatione infusa verificari non valet: ad illam siquidem nunquam debemus ascendere, quasi nostra industria exercendam. Tum, & præcipuè, quia loquitur de contemplationis habitu, qui ex actuum repetitione habetur, qui habitus infusus esse non potest. Non enim datur actus, qui habitum infusum cauere queat: immo est manifesta contradictio, quod habitus sit infusus, & quod ex actuum repetitione proveniat.

Omnes D. D. quos num. 4. adduximus, vidimus contemplationem activam concedentes. Nostrates omnes adeo unanimiter in eandem veritatem conspirant, ut omnia ipsorum opera testantur. Videat, qui fidem adhuc ibere recusat; donec ex extraneis vnum, vel alterum invitamus.

15. Insignis Theologus Joannes Gerson tom. 3. tract. de Mystica Theologia confid. 24. sic loquitur: *Contemplatio facilitatem habet tum ex habitibus per meditationem acquisitis, tum propter abstractionem, separationem quæ intelligentiæ à sensibilibus, tum sapientiæ propter divinæ gratiæ collustrationem in divina spectacula sublevantem. Meditationem si debite fiat transit in contemplationem, sicut cogitatio in meditationem. Facta enim sedula inquisitione veritatis denudatis in super per vehemens studium rerum quidditatibus ab accidentalibus circumstantijs, generatur habitus ex frequentatione, deputatur lumen intelligentiæ, fit quæ lucidius quæritur*



## 8. SECUND. PREDICAB. DE NAT. MYSTICE PERFECTIVA

*est tenebrositati sensualis cogitationis impermixtus.* Contemplatio igitur, in quam transit meditatio, non est infusa, sed acquisita: sicut etiam acquisita est, & non infusa, quæ ex frequentatione generatur, uti num. 14. dicebamus.

16. Mystra celebris Richard. de Sancto Victor. lib. 5. cap. 2. triplicem contemplationis modum assignat, quorum primus surgit ex industria humana, tertius ex sola gratia divina, medius autem ex utriusque permixtione humanæ videlicet industriæ, & gratiæ divinæ. Et lib. de præparat. ad contemplationem cap. ultimo ait: *Toties ergo Ioseph super collum Benjamin ruit, quoties meditatio in contemplationem desinit. Tunc Benjamin fratrem suum super ferventem excipit, quando ad studium meditationis animus in contemplationem assurgit.*

Ex dictis autoritatibus rationes efformari possunt vrgentissimæ in probationem assertionis nostræ. In earum enim pluribus nedum Authoris mens aperitur, verum etiam fundamentum ostenditur, quo movetur. Aliunde tamen sic breviter sequenti discursu.

17. Probatur denique conclusio: omnis scientia quantumvis imperfecta, de se, & sine recursum ad aliquid ab extrinseco infusum, contemplatur suum obiectum: Theologia Mystica est scientia, & inter omnes scientias perfectissima: Ergo de se suum obiectum contemplatur. Syllogismus est in tertio modo primæ figuræ, unde consequentia est bona. Minor quoad vtramque partem fuscè disputata est tom. 1. disp. 1. Maior autem certissima est; siquidem tota scientiarum sollicitudo eò tendit, ut veritatem inveniatur, quam cognoscat, vel sistendo ibi in talis veritatis contemplatione, vel ultra ad opus extrinsecum se conferens. Prima scientia dicitur speculativa, seu contemplatrix, ut eam nominat Aristot. teste Laert. lib. 5. de Vita Philosophorum in vita Aristot. dividens scientiam contemplatricem in Physicam, & Logicam. Quam denominationem non aliunde habet, nisi quia veritatem inventam

contemplatur. Quod etiam evenit scientiæ practicæ, licet quia finis eius non est veritatis cōtemplatio, sed opus: propterea non dicitur contemplatrix secundum illud, *speculativæ etenim finis veritas: practicæ autem opus.* Ex 2. Metaph. cap. 2.

Cum autem Theologia Mystica sit scientia perfectissimè speculativa, & practica, non potest non veritatem primam, quæ est ipsius obiectum, contemplari: ipsius cognitioni insitens, ut mirabilibus delicijs inde haustis perfruatur, voluntatem que inflamet, ut illam ipsam, quam cognoscit, veritatem amet, ob eius que amorem mira operetur: Tum in sui profectum, tum in proximorum salutem, quibus practica demonstratur.

Accedit: quòd Theologia scholastica sub expressione talis suum obiectum contemplatur, & in eius contemplatione deliciatur, quæ est contemplatio pure scholastica. Cur ergo hoc idem denegabimus Theologiæ ipsi sub munere mysticæ?

18. Dices: contemplatio conveniens Theologiæ Mysticæ, qua scientia est, est communis omni scientiæ, nec potest dici contemplatio activa, de qua loquimur; sicut non dicitur contemplatio activa, cognitio, qua Metaphysica Deum contemplatur; aliter etiam cognitio, qua Logica ens rationis contemplatur, contemplatio activa diceretur. Idemque evenit in delectatione inde resultante; omnis quippe scientia in sui obiecti attingentia deliciis exipitur; sicut etiam intellectus, in cuius consideratione est maxima delectatio, teste Philosopho 10. Ethic: Sed hæc delectatio non est propria contemplationis religiosæ, sicut nec cognitio est religiosa contemplatio: Ergo pariformiter de Theologia Mystica.

Respondetur ex D. Thom. in 3. dist. 35. quæst. 2. art. 2. quæstiunc. 3. ad 2. dicendum, quòd delectatio, quæ est in actu intellectus, causatur ex congruentia operationis ad operantem, non autem ex dilectione ad ea, circa quæ est operatio, sicut est in sapientia. Maximum dif-



discrimen paucis comprehendit Doct. Sanctus inter Theologiam Mysticam ex vna parte, & intellectum, scientias que naturales ex alia. Intellectus enim, & scientiæ naturales obiectum utique contemplantur, in eius que contemplatione delectantur. Ast cognitio intellectus, & scientiarum naturalium est propter ipsam veritatem cognoscendam: scientiæ autem mysticæ contemplatio est propter veritatem amandam. Propterea que D. Thom. 2. 2. quæst. 180. art. 1. docet: quòd contemplatio religiosa, de qua loquimur, habet principium in affectu, ad quem etiam terminatur: si quidem ad illam movet, ipsam que terminat charitas. Videatur inibi Caietanus. Vnde sicut repugnat, esse Theologiam scientiam illam, quæ ad Deum non terminetur: sic implicat, quòd sit Theologia Mystica, illa scientia, quæ ad primam veritatem amandam non dirigitur.

19. Instas: Si paritas aliarum scientiarum tenet, probabit quidem, nunquam dari contemplationem, quin præcedat meditatio, seu discursus: At hoc non admittimus, cum dicamus, quòd habentes habitum contemplationis, illam exercent, quin illis opus sit veritatem meditando inquirere: Ergo. Probatur maior: quia antequam scientia naturalis veritatem contempletur, præcedit apprehensio terminorum iudicium de prædicatorum convenientia, aut repugnantia, & discursus, medijs quibus proprietates inferuntur, veritas que habetur, quam post hæc omnia contempletur: Ergo tenet maior.

Respondetur hac instantia firmari datam doctrinam. Etenim sicut incipientes Logici, aut Metaphysici illa omnia requirunt ante Logici, aut Metaphysici habitus acquisitionem, perfectam que ipsius habitationem, qua semel habita, simpliciter actu veritates Logicas, & Metaphysicas contemplantur: quin illa omnia ex indigentia præcedant. Sic etiam incipientes mystici meditatione indigent, quousque contemplationis habitum consequantur.

A SPIRITU SANCTO,

Quo semel acquisito, sine illo strepitu, mora que discursuum contemplationem exercent. Vnde nihil aliud, quoad hoc dicimus de Theologia Mystica, nisi id ipsum, quod omnes de alijs scientijs fatentur. Ex eo que habetur dari contemplationem activam.

## § II. Argumentis contra utramque conclusionem respondetur.

20. **C**ontra primam conclusionem arguitur 1. ex 2. Ex quo datur contemplatio activa, implicat infusa: datur activa, ut patet ex 2. assertione: Ergo repugnat infusa. Probatur maior: quia contemplatio activa habet idem obiectum, ac infusa haberet: si quidem obiectum contemplationis acquisita est Deus; insuper habet idem medium, quia in creaturis, ac in sacris litteris veritatem, quæ est ipsius obiectum, intuetur: Ergo id ipsum habet contemplatio activa, quòd infusa haberet: atque adeò hæc non datur.

21. Confirmatur: sicut natura non deficit in necessarijs, nec redundat in superfluis: sic potiori titulo gratia, ut supra dixit D. Thom: sed, si daretur contemplatio infusa, gratia superflua faceret, cum id ipsum, quòd faceret infusa contemplatio, habetur per activam: Ergo infusa contemplatio non datur.

Respondetur negando antecedens: Ad probationem dicas: Contemplationem infusam, activam que in aliquibus convenire, sed in plurimis discriminari, uti in Mystica nostra Isagoge diximus, postea que dicemus. Vnde non est verum, quòd activa faciat id ipsum, quòd infusa, ac per consequens, nec quo hæc redundet. Per quod patet ad confirmationem.

Adde: quod etiam in ijs, in quibus diximus convenire, plurimum differunt dictæ contemplationes propter sublimiorem modum procedendi, obiectum que attingendi, quem servat contemplatio infusa, ad quem nunquam pervenire valet acquisita, quantumvis

B

eleva

*image  
not  
available*

fusam definientes, vel ipsius effectus declarantes. Dicere autem, dictum auctorem loqui non de contemplatione infusa, sed de acquisita, impossitum est adeo manifesta, ut sola libri apertione confutetur.

26. Si hæreas illis ultimis verbis, scilicet, *in quo oratio à meditatione, & ab alijs secernitur*, quasi nomine orationis intelligat contemplationem illam, quæ est immediata meditationi, quæ quidem acquisita est. *Respondetur* (quicquid sit, an rectè inferatur, quod eo nomine *Oratio* intelligenda præcisè sit contemplatio acquisita) *sola textus lectione hunc scrupulum evacuari. Sic enim habet. In quo hoc genus orationis à meditatione, & ab alijs secernitur.* Non dicit *oratio*, sed *hoc genus orationis*. Quod genus orationis? Non aliud, nisi illud, de quo loquitur, videlicet, contemplatio infusa, seu perfecta. Vnde habetur, P. Alvarez naturam contemplationis comprehendisse, & in activam nunquam militasse. His dictis, in à nobis assertam contemplationem activam.

27. Arguitur primò ex D. Dionysio, qui lib. de Divin. Nominib. cap. 1. ait: *Tamen ad ipsius respicientes, quantum Thearchicorum eloquiorum radius se ipsum immittit ad splendores superiores, & simus circa Divina temperantia, & sanctitate constricti.* Vbi clarissimè damnat eos, qui Deum contemplari præsumunt, nisi quando ipse dederit, & prout dederit: quamobrem *temperantia* nos uti oportere, docet.

Accedit glossema D. Thom. inibi dicentis: *Ad eas non magis nos ingerimus, quam nobis est datum.* Hæc ultima verba omnem nostram industriam erga contemplationem damnant, ad quam *non magis* nos ingerere debemus, *quam nobis est datum.*

Respondetur primò, Dionysium hæc verbis loqui de divinorum contemplatione, quæ superat vires nostras, adhuc communi gratiæ auxilio adiutas. Quæ contemplatio infusa certè est, & ad illam non magis nos ingerere debemus, quam nobis de super datum sit.

Respondetur secundò, mentem

Dionysij toto illo §. 1. cō tendere, ut doceat nos, nè ea, quæ supra nos sunt discursibus concipiamus, sed secundum ea, quæ nobis in Sacra Scriptura traduntur. Vnde ausus culpabilissimus foret velle aliter, seu aliunde intelligere Divina. Hoc autem nobis non opponitur, qui asserimus, Deum à nobis contemplandum esse secundum ea, quæ ex Scriptura Sacra habemus.

28. Arguitur secundò contemplatio, quæ provenit à donis Spiritus Sancti, est infusa: omnis contemplatio provenit à donis Spiritus Sancti: ergo omnis contemplatio est infusa: Ergo non datur contemplatio acquisita. Consequentia bonæ sunt, & minor à Mysticis edoceatur, maior que probatur: quia contemplatio, quæ est iuxta instinctum, & motionem Spiritus Sancti, est infusa: contemplatio, quæ provenit à donis, sic est: Ergo. Probat minor: quia donum Spiritus Sancti ex D. Thom. 1. 2. quæst. 68. art. 1. & 3. *Est habitus supernaturalis, quo homo disponitur, ut sit promptè mobilis à Spiritu Sancto.* Hæc que est præcipua differentia inter dona, & virtutes, quòd istæ perficiunt hominem, ut operetur secundum rationem; illa verò, ut operetur, prout est mobilis à Spiritu Sancto: propterea que contemplationem, quam numero tertio docuit D. Thom. esse à dono intellectus, diximus esse infusam.

Respondetur distinguendo maiorem, illam que concedendo de donis influentibus secundum propriam ipsorum naturam; negando verò de donis, prout se accommodant conditioni subiecti, in quo sunt, modo quo operandi illius. Itaque dona dupliciter hominem perficiunt; primò simpliciter, ut dona sunt, ac secundum ea, quæ ex se habent. Et prout sic elevat hominem, ut ductum Spiritus Sancti sequatur, contemplatio que ab illis, sic sumptis, proveniens absdubio infusa est. Sicque accepta definiuntur tradita diffinitione.

Secundò perficiunt hominem dona; prout se accommodant conditioni ipsius hominis. Sic que illa diffinitione non definiuntur, nec influunt in con-

templationem infusam, nec extrahunt hominem à modo connaturali operandi illius; scilicet, vt mobilis per rationem. Vnde discrimen præcipuum inter virtutes, & dona attenditur, sumptis donis secundum illam primam considerationem, secundum quam sumptum à D. Thom. fuit donum intellectus loco citato; eoque de contemplatione infusa locutus ibi fuit iuxta intelligentiam omnium Mysticorum, quos, vt par erat, secuti fuimus.

Dices: non est intelligibile, quid conferant dona contemplationi acquisitæ: Ergo falsum est, quod ad illam concurrant: Ergo omnis contemplatio, ad quam concurrunt, est infusa.

Respondetur: donum Sapientie, quod inter dona Spiritus Sancti præcipuum principium est contemplationis, absdubio in activam influere, vt docuit D. Thom. allatus num. 11. ait enim, *contemplationem proveniente[m] ab hoc dono nulli habenti gratiam denegari, quantum est necessarium ad salutem.* Quod intelligi non valet de contemplatione infusa, quæ iustis quamplurimis non conceditur, nec est ad salutem necessaria.

Verum, quia obiectio hæc negat donorum concursum ad contemplationem activam, quia non percipit modum concurrendi, dicimus: quod donum Sapientie, de quo loquebamur (idem de alijs donis proportionabiliter intellige) illustrat aliquandò intellectum contemplantis, clarificans conceptum illum, quem fide formavit de Deo in caligine, quo conceptu facit Deum aliquomodo præsentem ipsi intellectui. Solet que etiam facere, quod ipse intellectus contemplantis percipiat umbram quandam, Deique protectionem, qua Fides, & Spes roborantur, fervorque Charitatis augetur. Hæc, aliæque plura facit hoc donum, quin hominem extrahat à suo connaturali modo operandi; propterea que contemplatio inde proveniens acquisita est.

Id ipsum, quod de dono hoc diximus per ordinem ad intellectum, asserimus de eodem relatè ad voluntatem;

quia cum donum istud sit in intellectu secundum suam essentiam, & in voluntate secundum suam causam, vt docet D. Thom. 2. 2. quæst. 45. art. 2. propterea etiam voluntatem inflammat, vt actus sapidissimos amoris eliciat. At intellectum derelinquit in suo connaturali modo operandi: vnde non adest contemplatio infusa.

Cum autem Deus vult, animam mirabiliter illustrare, speciali auxilio elargitur præcipuum actum huius doni, cum eximia illustratione ex parte intellectus, & extraordinaria inflammatione ex parte voluntatis, tribuens quasi gustandam supernæ beatitudinis dulcedinem. Quæ facit sapientie donum, elevans hominem supra suum connaturalem modum; atque adeo est contemplatio infusa. Videantur D. Greg. lib. 16. Moral. cap. 10. D. Thom. in 3. dist. 34. art. 1. & 1. part. quæst. 43. art. 5. ad 2. Et Nolter Ioseph à Iesu Maria lib. 1. cap. 25.

29. Arguitur tercio: Si activa contemplatio daretur, ab antiquis temporibus nota fuisset: hoc non sic est: Ergo talis contemplatio non datur. Sequela certa est; non enim possent tot viri doctissimi, & Sanctissimi notitiam huius contemplationis non habere, nec possent non suis scriptis illam alijs communicare: minor verò probatur: quia talis activa contemplatio est aliquorum modernorum inventum, nullum fundamentum habens in auctore, cui assurgere debeamus: nec in Sacra Scriptura notitia illius offertur: cuius signum est, quod Mystæ hanc contemplationem introducentes, nullam scripturam adducunt in sui patrocinium, quod & nos etiam fecimus in tota hac questione.

30. Confirmatur: quia in mirabilibus scriptis Seraph. M. N. D. Theref. omnia orationis genera coelesti spiritui enucleata inveniuntur: ac non invenitur contemplatio activa: Ergo hæc non datur.

Hoc argumentum apud omnes Mysticos invenio; in nullo tamen invenire potui, quis sit, qui activam contemplationem, vt nuperam censuret: sed

sed ita hoc esse credentes à probatione conclusionis hoc argumentum cum sua confirmatione debilitare studuimus, tot antiquorum D. D. quorum auctoritate æquum est premi testimonia recensentes, & etiam S. M. N. Theres. Et licet ex illis maneat protelatum hoc telum, vt penitus protoleatur.

Respond. negando minorem ad probationem quoad primam partem assatim ex dictis constat, quàm maximum fundamentum habeat in Sanctis D. D. conclusio nostra: immo quàm perspicuè à quamplurimis ex illis verbis irrefragabilibus doceatur. Vt flocci facias contrariorum audaciam, vide Lucernam mysticam longum cathalogum P. P. & D. D. Græcorum, & Latinorum antiquorum, & modernorum: textentem folio 7. & 8.

Ad ipsam minorem quoad secundam partem dicimus, pluribus scripturis probari nostrum assertum. De quo videri potest S. Parens N. D. Joann. à Cruce, qui iuxta nostr. Joseph à Jesu Maria lib. 2. ascens. cap. 14. electus fuit à Deo in Magistrum contemplationis acquisitæ, quam vt persuadeat, frequentissimè Sacra Scriptura vitur.

31. Insuper Christus Dominus apud Luc. cap. 10. hanc contemplationem docuit, dum Marthæ dixit: *Solicita es, & turbaris erga plurima, porro vnum est necessarium.* Quid est hoc vnum, quod necessarium asseritur; indidem que subsistens supponitur? D. August. serm. 27. de Verb. Domini. D. Greg. alijque innumeri intelligunt dicta verba modo, quo his Calsian. collat. 1. cap. 8. ait: *Vnum unus Dei intuitus, & contemplatio, vt scilicet etiam Sanctorum actus, ac mysteria mirifica super gressus solius Dei iam pulchritudine, scientia que pascatur.*

Quæ si aliquantulum explanare velimus, dicemus: per Martham, & Mariam, vt omnes norunt, intellige vitam activam, & contemplativam. Vita activa non solum dicitur illa, quæ aliorum utilitati destinatur, sed etiam quæ in profectu proprio meditationibus exercetur iuxta D. Thom. in 3. dist.

35. art. 3. Hæc ergo activa vita pluribus occupatur, quæ in Dei obsequium parat. Verum plurima sunt: Vnde ex hac parte, quod plurimis incumbat, reprehensibilis est, & admonetur, suam illam pluritatem deferendam iri, & in puram, sinceram, vniuniformem que fidei contemplationem commutari, & hoc est illud vnum, quod à Domino dari supponitur, & asseritur necessarium.

Denique apud Eccles. cap. 28. vers. 25. dicitur: *Sapientia scriba in tempore vacuitatis, & qui minoratur actu sapientiam præcipiet.* Vbi disertè asseritur, contemplationem, quæ nomine Sapientia intelligitur, tunc haberi, quando anima dimittens omnia sensibilia, ab eis que vacua, se reducit ad simplicitatem actus, quod sanè est actu minorari. Quæ omnia, cum fieri possint communibus gratiæ auxilijs, habetur dari acquisitam contemplationem iuxta Sacram Scripturam.

32. Ad confirm. respond. iuxta N. citatum Joseph à Jesu Maria, Seraph. Mater nostr. destinata à Deo fuisse doctricem contemplationis infusæ: propterea que de hac ferè semper agit in suis scriptis, sed contemplationem activam non omisit, illam alijs nominibus nominans, vt videre est in locis à nobis adductis, & alijs pluribus. Videatur idem Joseph. lib. 1. cap. 23.

Ex dictis constat, quantum distet à vero contrariorum dictum asserentium, de hac contemplatione activa non inveniri vestigium apud Autores antiquos, nec apud Seraph. Theres. Contrarium enim demonstravimus: & etiam ex ipsa Scriptura Sacra talis contemplationis existentiam ostendimus, qui plura de hoc voluerit, adeat citatum N. Joseph cap. 23. & 24.

33. Addiderim tamen, antequam aliò transeam: contemplationem activam, nedum à fide decoris edoceri, verum etiam ab Ethnicis. Aristot. enim lib. 10. Ethic. cap. 7. ait: *Oportet non secundum suadentes humana sapere hominem entem, neque mortalia mortalem; sed in quantum contingit immortalem facere.* Et in 1. Metaph. cap. 2. inquit.

quit. *Homo debet se trahere ad divina in quantum potest.* Vnde cum homo possit se trahere ad divina, non solum per pluritatem discursuum, verum etiam per simplicitatem actus, fidei que uniformitatem: Si ergo in quantum potest, debet se trahere ad Divina, in illa intuitu simplici debet ferri: atque adeo media contemplatione acquisita speculari.

Audiatur Angelic. Doct. 2. 2. quæst. 130. art. 1. ad 2. dicendum, quod

*Divina, & immortalia secundum ordinem naturæ sunt supra hominem. Homini tamen inest quædam potentia naturalis, scilicet, intellectus, per quam potest conjungi immortalibus, & Divinis; & secundum hoc Philosophus dicit, quod oportet hominem se trahere ad immortalia, & Divina, non quidem, ut ea operetur, quæ decet Deum facere, sed ut eis uniat per intellectum, & voluntatem.*

## QVÆSTIO SECUNDA.

*An detur oratio fidei, quæ sit idem cum divina contemplatione?*

**N**ULLibi sedem magis idoneam hæc controversia habere potest, quam in præsentī; qua propter illam nunc excitamus.

*§. I. Quæstionis titulus aperi-  
tur, sententiæ referuntur, & non  
nulla ante resolutionem  
prælibantur.*

34. **V**Iget hac tempestate controversia de oratione fidei, cuius orationis existentiam querimus. Quod autem sit idem cum Divina contemplatione, non disputamus; sed si verè existit, supponimus. Nihil enim per fidei orationem intelligunt communiter illam adstruentes, nisi cœlestem contemplationem.

Quia que contemplatio Divina est duplex, activa, videlicet, & infusa, ut diximus quæst. præcedēti, & vnaquæque diversissimos gradus magis, vel minus perfectos habet; habendum est præ oculis, nostra non referre, quod oratio fidei sit idem cum utraque contemplatione, sive cum vna tantum; nec similiter, quod sit idem cum aliqua ex illis secundum omnes gradus, quos habet, vel secundum aliquem tantum. Dummodo verificetur, esse idem cum aliquo gradu contemplationis, sat est, ut reso-

lutio affirmativa sit. Ut vel cæci vident; siquidem non potest oratio fidei non dari, si id, quod est cum illa idem, subsistit. His circa tituli explicationem brevissimè dictis.

35. Prima sententia tenet, dari orationem fidei, esse que idem cum contemplatione activa, de qua quæstione antecedenti egimus. Sic cum alijs pluribus sentit Author Lucernæ mysticæ in prolegomen. animadversion. pag. 6. per plures numeros, num. autem 12. hæc habet. *Hæc contemplatio acquisita illa est, quam Theologi vocant orationem fidei, non quia sola fides concurrat, quia simul concurrunt Charitas in illa affectiva, & amoris Dei notitia, & pariter concurrunt Spes summi boni. Dicitur autem oratio fidei, quia fides proponit objecta revelata, quæ contemplanda sunt.*

Vbi & orationem fidei dari supponit, & illam esse contemplationem acquisitam docet sine graduum differentia, sed absolute. Ac denique motivum, ob quod dicitur oratio fidei, explanat; & observa, hunc authorem de mente Theologorum supponere existentiam orationis fidei.

Secunda sententia asserit, orationem fidei esse quendam gradum Divinæ contemplationis, quæ inter alios sic nomi-

nominatur. Sententia hæc est plurium Mysticorum. De quo agit N. Franc. à Sanct. Thoma in sua medul. tract. 4. cap. 5. Verùm hic Author ita describit orationem fidei, vt sit specialis modus contemplationis modos alios, seu gradus veluti transcendens. Addit que, hunc contemplationis gradum esse non solum acquisitum, sed etiam infusum. Vnde orationem fidei facit idem cum vtraque contemplatione. Et sanè lucernam Mysticam huic dictamini contrariari, non reor. Licet enim non dicat orationem fidei esse idem cum contemplatione infusa, non tamen hoc negat. Et motivum illud, quo ducitur, commune est contemplationi activæ, infusæ que: siquidem vtrique *fides proponit objecta revelata, quæ contemplanda sunt*. Vnde hæc secunda sententia à prima non differt, nisi tantum in modo se explicandi.

36. Alia sententia negat, dari orationem fidei, & fundatur in eo, quod non detur contemplatio activa, vt vidimus præcedenti quæstione. Contra hanc opinionem jam ibi egimus, & infra illam etiam confutabimus, persuadentes contemplationis activæ exercitium.

37. Vltima sententia, & quæ nobis ansam præbuit huic controversiæ, est, quam fuissimè ad nauseam vsque mordicus, & iussu defendit Doctor Barambius tom. 1. contra propositiones Michaelis de Molinos pluribus in locis, sed præcipuè discurs. 21. propos. 21. per plura capita: ibi enim num. 23. Supponit celebrem divisionem contemplationis in acquisitam, & infusam, & tamen toto illo discursu negat orationem fidei, ob quod hæc sententia diversa est à præcedenti.

Tam multa, diversa que congerit hic Author in hac sua opinione suadenda, vt facile non sit in multis eum insectantes scire, quid defendat nec illum impetentes agnoscere, quid oppugnent. Primò enim procedit contra perditum illius hominis propositionem ipsius damnatione loricator. In quo omnes Catholici cum ipso sentimus. Et quid

mirum, si post damnationem ab universali Pastore, sic censeamus obsequentissimi filij, qui ante damnationem talem doctrinam improbabamus.

Secundò invehitur contra eos, apud quos meditatio malè audit, & animas omnes in contemplatione, seu oratione fidei occupari volunt. In quo etiam à nobis est, qui in primo prædicabili disp. 1. per plures quæstiones fusè impugnavimus opinionem, quæ meditationem excludit, volens viam spiritus à contemplatione ordiri. Ibi etiam probavimus, perfectos, cum extra actum contemplationis sunt, meditari debere. Quod etiam quamquam sine hac expressione, asserit in præsentibus Barambius.

Hic est huius Authoris scopus. Vt autem illum muniat, ea assumit, in quibus, an benè procedat, dicenda monstrabunt. Vellem tamen ne tantum pulverem concitaret tenebras offusissimas causantem, quibus arduum est, verum à falso discernere, pretiosum à vili segregare. Ex propositione damnata procedit in doctrinas sanas, ac si eidem damnationi subjacerent. Ex tota propositione proscripita nullam ipsius partem indemnem putat: ac si à Catholicis ex ipsa veritate Catholica falsa sua dogmata inferre non soleant. Quidquid asserit, vt oraculum haberi vult, tamquam fide sanctum, Conciliorum, P.P. quæ autoritate sancitum, ac rationi consentaneum. Quidquid impugnatur, nocivum suo iudicio, animabus est, nuperum est, & contra Philosophos, ac Theologos, non solum *Mysticos*, sed *Theologicos*, & hanc divisionem Theologorum in *Mysticos*, & *Theologicos* non nuperam, risu que dignam habebit. Bonè Deus, & quam inquieta mens!

38. Vt autem aliquem conceptum efformes doctrinæ, quam in præsentibus veramus, & Authoris, de quo loquimur; forsitan enim ad tuas manus eius opera non pervenerunt, scito: ipsum orationem fidei detestari. Sic enim asserit dicto discursu 21. num. 27. in fine hisce verbis: *Esta es nuestra determinacion*,

nacion, y por que no nos podemos detener, dezimos, que no ay oracion de fee obscura, y vniversal, &c. Ni la ha auido, ni la ha de auer. Todo esto es vn embuste de el Demonio. Hoc est: hæc est nostra determinatio: & quia non possumus immorari, asserimus, quod nec datur oratio fidei obscuræ, & vniversalis, &c. nec data fuit, nec dabitur. Omne hoc Dæmonis mendacium est.

Postea verò num. 41. absolutissima resolutione procedens, inquit: *Entre Catholicos Chriftianos no se ha de admitir oracion de fee de ninguna manera*, Hoc est, inter Catholicos nullo modo admitti debet oratio fidei. Bene nota, & suo tempori serua, quod nullo modo admittenda est oratio fidei inter Catholicos. Motiui huius tam amplæ resolutionis est duplex, de quo postea differemus.

39. Guttulam immensæ paludis inspicisti; vt autem eius profunditatem ex Authore intueare, non alio peregrinandum est tibi, sed in ipso, quem præmanibus habemus, discursu vrgens motiui offendis, quo verum iudicium efformes. Scriptor hic procedit contra præiacti Hæresiarchæ propositionem 21. quæ Latino idiomate sic se habet.

In oratione opus est, manere in fide obscura, & vniversal, cum quiete, & oblivione cuiuscumque cogitationis particularis, ac distinctæ attributorum Dei, ac Trinitatis; & sic in Dei præsentia manere ad illum adorandum, & amandum, ei que seruendum, sed absque productione actuum; quia Deus, in his sibi non complacet.

Nostro autem idiomate, in quo à Barambio adducitur ipsa propositio, est hæc: *En la oracion es necesario estar en fee obscura, y vniversal con quietud, y olvido de todo otro pensamiento particular, y distinto de los atributos de Dios, y Trinidad; y estar en la presencia de Dios para adorarlo, servirlo, y amarlo, pero sin produccion de actos y porque Dios no se satisface de estas cosas.*

Sensum illorum vtrorumque; cum

quiete, & oblivione, &c. Quivis tamen nihil aliud, quam legere sciat, cognoscit esse, quod in oratione habenda non est cogitatio particularis, ac distincta attributorum Dei, ac Trinitatis, sed in cumulum omnis prædicati divini tam lineam primordiale, quàm ad alias attinentis; tam ad absolutam, quàm ad relativam spectantis, esse dirigendam mentis aciem: hancque appellat fidem obscuram, & vniversalem. Hoc asserit propositio illa, non propter hoc omne damnata, vt mox videbimus.

Hunc ergo sensum, ad eò cuique pervium, inivm Barambio fuisse, ex suis verbis constat: Quandoquidem inter alia propositionis inconsequentiam censurat; quia loquens de fide vniversali, assignat objectum particulare, nempe attributa, & Trinitatem. Sic propositionem intelligit, ex quo cius profunditatem dignoscere potest quilibet, qui eius scripta non vidit: quippe propositio dicit, quod, vt oratio fidei vniversalis detur, non debet mens dirigi alicui cogitatione particulari, ac distincta in objectum aliquod Divinum speciale, vt est attributum aliquod, vel omnia attributa, vel mysterium Trinitatis. Hæc asserit propositio; & Barambius inquit: propositiorem asserere, attributa, seu mysterium Trinitatis, aut aliud objectum particulare esse fidei vniversalis objectum. Iudicet cordatus sic scribentis profunditatem. Possimus sanè ob hæc, innumera que alia Barambio reponere ea, quæ ipse dicit contra Authores orationis fidei discursu citato num. 40. pag. 375. col. 2. lin. 13. vsque ad 16. quæ ibi videri possunt.

Nec valebit recursus non insuetus ad Amanuenses, vel Impressores. Quia contextus hunc recursum non patitur: seriò enim de inconsequencia propositionem accusat propter dicta.

Hic igitur est Author, qui opus impugnandi propositiones dictas aggressus est: qui palsem Scripturas, Concilia, P. P. Theologos, tum Mysticos, tum Theologicos, ac Philosophos asserit, quibus



quibus nec parvam requiem concedit: sed ex eorum mente, quam se affectum gloriatur, orationem fidei susque-deque invadit, & eliminandam censet. Contra hunc Authorem procedo. Vnde in presenti mihi cum Barambio, res est: ac de his satis.

40. Sed priusquam ad resolutionem accedamus: operæ pretium duximus observandum, nos quidquid circa orationem fidei dixerimus, absque præiudicio eorum, quæ dicta relinquimus tom. 1. part. 2. disp. 1. q. 7. Dicemus que, cum de principio elicitive contemplationis agamus, capiendum velle. Stat enim rationes suadentes, fidem esse principium elicitive contemplationis roborare; & ab impugnatoribus defendere, quin positive alias asseram, contemplationis elicitive principium fidem esse. Cuius ea ratio est, quia quod formaliter ad præsentem controversiam attinet, est, an detur oratio fides? Quod verò hæc oratio eliciatur à fide, vel ab alio principio, extraneum est à præsentis litigio. Eo vel maximè, quia prima resolutio semper hic tendenda, firma nobis erit, sive fidem esse, sive non esse principium elicitive contemplationis dicamus.

Accedit: quòd sic procedere, est propriè præcindere ab eo, quod directè ad præsentem disputationem non attinet. Vt sic id, quod directè attinet, disputetur. Discursus que contrarios enerves ostendere; quia quæcumque pars sustineatur, nihil contra nos comprimuntur se consecutos fateri.

41. Observandum similiter secundo est: nos in presenti causam, ob quam oratio fidei sic nominetur, haud disquirere, nec de proprietate nominis disputare. Hoc nobis extraneum est, qui nomen à potestate habentibus impositum supponimus, & rem ipsam, eo nomine nominatam vestigamus. Vnde de eo, quod Catholici D. D. fidei orationem vocant, loquimur: sive propriè, sive minùs propriè, sive hoc, sive illo motivo tale nomen impositum ab illis fuerit.

A SPIRITU SANCTO

42. Ultimo, ac præcipuè observandum est id, quod semper testamur: Videlicet, nos, vt filij obsequentissimi supremi Pastoris, damnationem ipsius latam contra propositiones Michaelis de Molinos venerari, & iustissime fulminatam interius, exterius que censere; quam debita submissione amplectimur, hominem illum, eius que doctrinam tales reputantes, quales in decreto Sanctissimi Domini Innocentij XI. facto feria 5. die 28. Augusti anno 1687. proponuntur.

Nec huic venerationi contradicit alicuius Doctoris contra illas propositiones procedentis, doctrinam, vt falsam, aut futilem, aut minùs consonam impugnare. Hoc enim non est defendere hæreticum, sed impugnare Scriptorem: Quod non esse prohibitum, quis non videt? Vt autem paucis plurima, sive omnia comprehendam, omnia, quæ in hac questione, (sicut & in omnibus alijs) dicenda à me sunt, infallibili Ecclesiæ correctioni, sapientumque dictamini subijcio.

## §. II. Vera sententia eligitur, & probatur.

43. **S**It nostra conclusio: *Oratio fidei datur, quæ idem cum contemplatione est.* Secunda pars huius assertionis modo, quo num. 34. dicebamus, intelligi debet: prima autem pars probatur sic: Nam apud Sancti Jacobi Epistolam cap. 5. vers. 14. & 15. dicitur: *Infirmatur quis in vobis? Inducat Presbiteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum.* Sine discursuum ambagibus habemus orationem fidei assertam à sacro oráculo.

44. Non sine risu Barambium hanc probationem auditurum credimus, & quid oratio fidei, de qua loquimur, quamque ille negat, cum Sacramentum vñctionis Sacramento, de quo Apostolus loquitur, commercij habere potest, interrogaturum? Hanc ergo fidei ora-

G

10.

tionem nemo Catholicorum negabit. Cum adeò expresse textus illam doceat. At oratio fidei, de qua assertio procedit, in hac scriptura nullatenus continetur.

45. Contra hoc tamen disputo 1. sic inferens: Ergo sub aliqua consideratione, seu aliquo modo datur oratio fidei. Consequentia hæc negari non potest, nisi aperte contra datum textum procedatur. Ergo subtrahi non potest tui illa amplissima resolutio num. 38. posita, videlicet: *Inter Catholicos nullo modo admittenda est oratio fidei*. Patet ista, quoniam hæc propositio, *inter Catholicos nullo modo admittenda est oratio fidei*, contradictoriè opponitur cum illa: *Aliquo modo datur oratio fidei*; atque adeò eo modo, quo datur, est inter Catholicos admittenda: Sed hæc secunda propositio est omnino vera, ac fide sancta: Ergo cum non possint duæ contradictoriæ esse simul veræ, illa prima propositio subtrahi non valet.

Declaratur ampliùs: hæc propositio, *inter Catholicos nullo modo admittenda est oratio fidei*, est omnino idem cum ista, *inter Catholicos nulla oratio fidei datur*, quia videlicet, si aliquo modo esset admittenda oratio fidei, iam esset aliqua fidei oratio; atque adeò *si nullo modo est admittenda oratio fidei*, est, quia verum est, quod *nulla datur oratio fidei*; ex veritate enim, aut falsitate huius propositionis simplicis provenit veritas, seu falsitas illius reflexæ. Modo sic: Sed hæc propositio simplex, *inter Catholicos nulla datur oratio fidei*, est omnino falsa: Ergo, & illa alia. Consequentia patet. Et minor probatur: Hæc propositio, *inter Catholicos nulla oratio fidei datur*, est contradictoria huius, *inter Catholicos datur aliqua oratio fidei*: Sed hæc secunda est vera, vt patet ex textu D. Jacobi: Ergo illa prima vera esse non potest.

Si dicas: Illam negativam non distribuere pro omnibus speciebus orationis fidei, sed solum pro illis, quæ juxta subjectam materiam debent intelligi, nempe pro ijs, quæ mentalem

orationem, seu contemplationem concernunt; qualis est illa oratio damnata impij Molinos, & illæ aliæ, quas inibi Barambius impugnat, quamvis damnatas dicere non audeat. Ad has ergo debet restringi universalis illa negativa, pro illisque solis distribuere.

Sicut si quis sermonem instituisset de Æthiopibus, & postquam eis albedinem denegaret, concluderet: *Inter sapientes nullo modo admittendum, est hominem esse album*: hanc negativam pro solis illis hominibus, de quibus sermo fuerat, distribuere, censendum erat. Similiter in nostro casu. Vnde dicta resolutio nullatenus textui allato contradicit; quia non loquitur de omni oratione fidei absolute, sed de omni illa, de qua locutus fuerat.

Hæc sunt, quæ ad salvandam suam illam, illimitatam resolutionem asserre potest Barambius: sed quam infauste iam subiicienda monstrabunt. Vt autem impugnationes num. 45. inceptas prosequamur, & simul modò dicta impugnemus.

47. Disputo 2. sic: Quia propositio, quæ exponitur censuranda non est propositio mentalis, sed objectiva, vt docent N. Salmantic. tract. 17. disp. 9. dub. 4. num. 37. Est que communis Theologorum sententia, ac praxis qualificationis propositionum, vbi non attenditur, quid propositionem enuntians in mente habeat, aut quo mentem dirigat, sed quid objectum suæ enuntiationis, quod est propositio objectiva, vt Logici nominant, ex se, & circumscripto quocumque alio, mereatur: Sed hæc propositio objectiva, *inter Catholicos nulla datur oratio fidei*; ex se, & independentè à mente proferentis contrariatur oraculo Divi Jacobi: Ergo talis propositio subtrahi non valet. Idem que dicimus de illo, qui illam aliam propositionem num. 46. positam enuntiaret.

48. Disputo 3: Et si illa propositio vera foret, adhuc subtrahi non posset; quia malè sonat negare absolute, & sine aliqua, vel minima limitatione orationem fidei; stante Scripturae Sacra,

Sacra, quæ fidei orationem dari docet. Vnde quamquàm de illis orationibus, de quibus, ibi sermo est, dicatur loqui propositio illa; semper tamen male sonat; adeò absoluta cum sit.

49. Disputo 4: Quia textus D. Jacobi non intelligitur de Sacramento extremæ unctionis, sed vel de ipsius forma, quæ sanè deprecatio est: vel de oratione fidelium aegroto astantium, qui, dum inungitur, Dominum deprecantur, ut animæ sanitatem, corporis non exclusa, concedat, uti est communis sacrorum Interpretum glossa: Ergo datur oratio mentalis, & vocalis, quæ propriè dicatur oratio fidei: illa videlicet, quam fideles pro infirmo fundunt, & quam inungens Sacerdos pronuntiat. Ex quibus.

50. Disputo 5: Oratio mentalis dicta dicitur à D. Jacobo oratio fidei, quod cum magna proprietate, & fundamento factum, supponi debet. Quod fundamentum, si explorare vellimus, invenimus, quòd dicitur oratio fidei, non solum, quia sit actus elicitus à fide; sed etiam, quia & si à fide non elicitur, habet tamen à fide, quòd desiderata obtineat. Vnde idem Apostolus cap. 1. vers. 5. & 6. præmiserat: *Si quis autem vestrum indiget sapientia, postulet à Deo, qui dat omnibus assuetur, & non impropere, & dabitur ei.* Satque erit petere à Deo sapientiam, ut hæc obtineatur? Minimè, si in fide oratio non fiat. Vnde additur: *Postulet autem in fide nihil hæsitans.*

Quare D. Augustin. serm. 36. de verbis Domini ait: *Si fides deficit, oratio perit. Vnde & Apostolus, cum ad orandum exhortaretur, ait: omnis qui cumque invocaverit nomen Domini salvus erit, ut ostenderet, fidem esse fontem orationis.* Et D. Thom. 2. 2. q. 83. art. 15. docet, quòd oratio efficaciam movendi habet à charitate, at verò efficaciam impetrandi à fide, & à fiducia. Ecce quare oratio illa, qua fideles proximum animam penè halantem confortant, dicitur fidei oratio. Quod si hinc Barambius inferat, omnem orationem appellandam esse orationem fidei: dice-

mus: nullum emolumentum talem illationem suæ resolutioni allaturam; quia si omnis oratio dicenda est oratio fidei, clariùs constat falsitas asserentis: *Inter Catholicos admittenda non est oratio fidei.*

In super quamquàm omnis oratio, quæ verè oratio sit, possit dici oratio fidei, propter dicta, atque adeò ex hac parte oratio fidei non determinet specialem orationis speciem: nihilominus tamen illa ex communi Mysticorum usu fidei dicitur, in qua fides specialiter augetur, redditurque vividior ex incendio maiori charitatis: Huiusmodi est illa oratio, de qua D. Jacobus loquitur: in illa enim, vel quia à publico ministro Ecclesiæ facta, vel quia à pluribus unitis fusa; vel quia extrema proximi indigentia excitat, fervet charitatis opus, fidesque augetur, sicque signat illa oratio specialem speciem orationis, quæ fidei oratio dicitur.

Cuius rei illustria exempla adhuc in nostra Mystica Theologia sunt, quæ si Barambius considerasset, non adeò hallucinatus fuisset: siquidem omnis oratio est oratio quietis; quia quietem, & elongationem à tumultibus requirit oratio omnis. Similiter omnis oratio non incongruè diceretur oratio recollectionis; quia in omni sua oratione debet orans se ipsum intra se recolligere; ut sic possit Deo suo vacare. Et tamen datur specialis oratio, quæ oratio quietis dicitur, & etiam datur gradus orationis specialis, quæ oratio recollectionis nominatur. Ergo pariformiter. Omnia, quæ in hoc numero dicta sunt, eò collineant, ut ijs positis, subsumamus.

Sed contemplatio, vel elicitur à fide, ut omnes Mystæ asserere videntur, dum dicunt, principium elicitivum formale contemplationis esse fidem; vel habet pro unico medio, cui innititur, fidem, à fideque habet objectum, quòd contèpletur: Ergo contemplatio propriè dicitur oratio fidei. Consequentiam probat paritas; si namque propter illas causas oratio illa, de qua loquitur D. Jacobus, dicitur oratio fidei; cur non etiam propriè dicitur ora-

tio fidei contemplatio, cum ad ipsam quoque concurrant eadem causæ.

Minor autem pro prima parte probata manet probatione ibi inserta, de qua postea sermo redibit. Quoad secundam autem partem probari potest eadem minor pluribus authoritatibus, sed brevitatis causa; solum afferimus profundissimi Mystici testimonium, hic est noster Extatic. Doct. qui lib. 2. ascensus cap. 9. ait de fide: *Quæ sola est proximum, & proportionatum medium, ut anima Deo uniatur: siquidem nullum aliud discrimen adest, nisi quod Deus visus, aut creditus sit.* Et paucis interjectis, subiungit: *Et sic per hoc solum medium manifestatur Deus animæ in divina luce, omnem intellectum superante: ideoque quanto magis anima fide emineat, tanto erit magis unita Deo.* Videatur expertissimus hic Doctor toto illo capite; quod in hoc ipsum enucleando insumit.

Quoad tertiam partem, videlicet, quod à fide habeat contemplatio obiectum, quod attingat, est adeo certa ipsa minor, ut non indigeat probatione. Clarissimè illam docet D. Dionys. epist. 9. ad Titum rogantem, *quæ sit domus sapientiæ, quis crater, & qui hame eius eius, ac potus?* Huic ergo Sanctissimo Episcopo respondet Dionysius inter alia dicens: *Operæ pretium est, ut symbolis, quæ sensum movent, divina mysteria exuentes, ea per se nuda, & aperta oculo fidei intueamur: si enim sic spectemus, venerabimur fontem vitæ, &c.* ut num. 5. Vbi non aliter Deus, qui fons vitæ est, promittitur contemplandus, nisi fide ductrice intueatur.

Similiter Anglic. Doct. in 3. dist. 34. q. 1. art. 2. ait: *In his autem, quæ supra rationem sunt, perficitur fides, quæ est inspectio divinarum.* Ex quibus, omnis alijs pluribus, constat, veram esse tertiam partem illius minoris; atque adeo patet etiam, quàm magno fundamento contemplatio dicatur oratio fidei, sicut dicitur oratio fidei illa oratio, de qua S. Jacobus loquitur.

§ 1. Confirmantur hæc omnia: Ex enim D. Jacobus illam orationem, de qua

agit, vocat orationem fidei, rationem que reddit Eftius ibi per hæc verba: *Dicitur oratio fidei; quia à fide proficiscitur, fide que subnixæ: sed contemplatio est oratio à fide proficiscens: siquidem principium elicitivum eius est fides, ut est communis Mystarum doctrina: ac insuper innititur fide, quia fides est medium, cui innititur, & quo in suum obiectum ducitur, ut numer. præcedenti ostendimus: ergo contemplatio propriè dicitur, & est oratio fidei.*

### §. III. Aliæ autoritates, & rationes propositæ.

§ 2. Probatur 2. nostra conclusio verbis Redemptoris nostri apud D. Joan. cap. 4. vbi ait: *Venit hora, & nunc est, quando veri adoratores adorabunt Patrem in spiritu, & veritate.* Quæ verba sic explicat D. Thomas ibi: *In veritate: primo quidem fidei, quia nullus sit error spiritalis desiderij est ad merendum idoneus, nisi ad sit veritas fidei.* Vbi instruuntur contemplativi, tunc suam orationem Deo placituram, quando Deum adorent in veritate fidei. Sic enim fusa ab ipso oratio, & eis est meritoria, & Deo, quem adorant, accepta. Hincque constat, nomen fidei convenire propriè huic orationi: oratio siquidem in veritate fidei facta maxima proprietate dicitur oratio fidei.

§ 3. Probatur 3. ex Mysticæ Theologiæ Parente Dionys. qui cap. 1. Mysticæ Theologiæ assertit, ad hanc veritatem comprobendam, illud Exodi cap. 24. vers. 15. Vbi Moyse præcepit Dominus, quod solus montem conscenderet, ut ibi cum Domino familiariter sublimis contemplativus loqueretur. Mons erat obscurissima nube coopertus, in cuius medio positus Moyses cum Domino obscurè cognito loquutus est.

In hoc, dicunt communiter Mystici post Dionysium, præsens materia figuratur. Etenim Moyses signat animam contemplativam. Hanc Deus vocat ad contemplationis montem, qui

ful-

fulgebit, si innititur fide Divina, quæ in nube totum montem recondente, Moysenque obvelante, figuratur. Solus, & supra montem positus, tegitur contemplativus nube fidei, nec aliter Deum contemplari valeret; quia fides est vnicum medium, quo contemplatio subsistit, ut supra ex nostro Seraphico Doctore dicebamus.

Huc respexit Augustinus dum lib. meditat. cap. 22 dixit: *Transseat ab his animus, & transcendat omne, quod creatum est: currat, & ascendat velociter, pertransseat, & in eum, qui creavit omnia, quantum potest, oculos fidei dirigat.* Videat Barambius, si adest fundamentum ingens, ut hæc contemplatio dicatur *oratio fidei*. Qui sunt illi oculi fidei, quos in eum, qui creavit omnia, debet animus dirigere, quantum potest? Abs dubio sunt actus fidei, quibus, suo modo, videt fides eum, qui creavit omnia: quia sicut actus intellectus sunt oculi, quibus animus, ipseque intellectus vident rem intellectam, sic & oculus fidei sunt fidei actus, quibus animus, intellectus, & fides tendunt in rem contemplatam. Cur ergo novum inventum ad perdendas animas dicitur ab hoc monialium Præceptore, id, quod tam inconequis fundamentis firmissimè solidatur? Id, quo Sacre pagine, Sanctorum Patrum, Theologorum, Contemplativorumque suffragijs fulcitur? Liecat secundo teponere Barambio id, quod ex ipso in ipsum num. 39. insinuavimus.

54. Verum, quia ut ab exordio questionis præmonuimus, non est è re nostra discutere, ob quæ motiva contemplatio dicatur *oratio fidei*; proterea in id solum dirigitur præsens labor, ut ostendamus dari orationem fidei, quin vim faciamus in aperiendo modum, quo concedi debet; hoc enim ad disputationem de principio elicitive contemplationis reservamus. Nonnulla tamen dicenda sunt, quæ aliquomodo modum, in quo consistat, suadere ut cumque possint, semper tamen sub prælibata præcisione. Et quia videmus Barambium summè affectum erga Sacram

Familiam Litteratissimæ Societatis, & quia Seraphicam Martem nostram Sanctam Theresiam, dum palsim illam citat, nominat, *mea Sancta Mater*, propterea ex hoc duplici capite ostendamus, placet, quantum à vero distent omnes discursus Barambij.

A Sacra Societate incipimus, cuius singuli filij sunt Barambio pro Cynosura, & Helice. Vnde eorum auctoritate præoccupatus tardium, quo in orationem fidei gravatur, depositurum speramus, immo, & quod ipsum poeniteat, suos Magistros non vidisse, ut viam aliam lustrasset. Dupliciter in hoc capite procedere possumus; primò adducendo testimonia Doctorum Societatis. Secundo aliorum auctoritatem, qui licet ex Societate non sint, approbantur tamen à D. D. Societatis. In hoc omnes bene affectum Barambium credimus: in primos propter familiam: in secundos autem propter approbationem. Vnum tantum ex utraque classe adducimus, nè pluribus implicemur.

55. Extaticus noster parens D. Joannes à Cruce indubitanter docet, dari orationem fidei, in cuius comprobationem omnia eius profundissima scripta in medium adduco: ferè enim non est in ipsis caput, quo hanc veritatem non doceat. Ast, ut aliquid circa hoc dicamus, occurrit cap. 3. lib. 2. ascensus, ubi plura habet hanc veritatem suadentia. Ibi enim ait: *Aliæ scientiæ luce intellectiva acquiruntur, hæc scientia fidei sine intellectu naturali luce obtinetur.* Hæc scientia, quam fidei vocat, est scientia contemplationis: si ergo fides est scientia contemplationis, contemplatio ipsa erit vique actus fidei; quia scientia actualis habitus scientifici actus est. Videatur Sanct. Doct. toto illo cap. ubi hoc diversis scripturis comprobatur. Prima est Isaia cap. 7. v. 9. dicentis juxta version. 70. *Si non credideritis, non intelligetis:* hoc est: sine fide non habebitis lucem, nec contemplationem sublimem, ac supernaturalem, uti idem Sanct. Doct. exponit.

Secunda est illius nubis tenebræ,

ſæ, & illuminantis, de qua Exodi 14. verſ. 20. dicitur: *Erat nubes tenebroſa, & illuminans noctem*. Quòd nubes lucida illuminaret, nil mirum; ſed quòd illuminat tenebroſa, ſtupenda res eſt. Sed nè mireres; quia juxta eundem Exaticum hoc in figura contigit Judæorum populo, vt nobis daretur intelligi, quòd fides, quæ animæ eſt ob ſui obſcuritatem tenebroſa nubes, ipſa ſua tenebroſitate animam mirabiliter illuminat. Quæ eſt doctrina Arcopagitæ lib. de Myſtica Theolog. cap. 1. ubi inquit: *Quænam ſit Divina caligo?* Ad inter alia dicit: *Aperiuntur in caligine pluſquam lucente ſilentij arcana docentis, quæ in obſcuritate tenebroſiſſima pluſquam clariſſimè ſuperlucet, & in omniſmodi intangibilitate, atque inviſibilitate præ pulchris ſplendoribus mentes oculis captas ſuperadimplet*. Videantur annotationes Corderij, & paraphraſis Pachymeræ.

Vbi caligo fidei pluſquam lucens dicitur ob lucidam ſcientiam, qua ambit animam, illam caliginem ingredientem. Ac inſuper, quòd in obſcuritate tenebroſiſſima, ne dum hæc ſcientia fidei lucret, verùm etiam pluſquam clariſſimè ſuperlucet. Ac denique aſſeritur, quòd ipſa ſcientia caliginofæ fidei ſplendoribus, non quibuſcumque, ſed præ pulchris, mentes oculis captas, quia fide ductas, ſuperadimplet.

56. Tertia ſcriptura, qua hoc ipſum oſtendit Seraphicus noſter Patrens, eſt celebre illud Oraculum Pſalm. 18 verſ. 3. *Dies diei er uſſat verbum & nox nocti indicat ſcientiam*. Hoc eſt, eodem Doctore exponente, *dies*, qui eſt Deus clarè viſus, oſtendit clarè verbum à ſe genitum *dies*, id eſt, Angelis, & animabus Beatorum. Similique modo *nox*, quæ eſt fides, docet arcanam ſcientiam, id eſt myſticam, animas viatorum, qui *noſtri* comparantur, quia nocte fidei ducuntur. *Ultima* ſcriptura eſt illa eiſdem Pſalmiſtæ Pſalm. 138. verſ. 11. ubi ait: *Et nox illuminatio mea in delicijs meis*. Quod idem eſt, ait idem ſanctus, ac ſi diceret: *In delicijs meæ ſublimes contemplationis nox fidei erit*

*illuminatio mea*. Quia ipſa *nox fidei* me docebit, ducetque.

Plura alia ex eodem expertiſſimo Doctore aſſerre decreveram, dicta tamen ſufficiant, vt videat Barambius, ſi adeſt fundamentum, vt contemplatio dicatur *oratio fidei*, vt potè quæ, hoc eſt, ipſa fides, docet, ducitque contemplationem. Vt autem data doctrina omnino Barambio placeat, audiat quid de illa inſignis Societatis ſcriptor dicat.

57. Balthazar Corderius in orbe litterario notiſſimus, ſacræque Societatis digna proles, in ſtagoge ad Myſticam Theologiam D. Dionyſij cap. 2. hæc ſatur: *Finis per hæc ſapientiam intentus eſt unio cum Deo, quanta nimium poſſi in hac vita obtineri aretiſſima, ſuaviſſimaque*. Nedia verò cuius obtinende ſunt æltus Theologi ſupernaturales Fidei, Spei, & Charitatis, quibus immediatè mens Deum attingit, per Fidem ſcilicet caligoſè; per Spem ſuſpenſè; per Charitatem perfectè::: *Fides quidem intellectum, Spes memoriæ, Charitas voluntatem, & oſtendit ſupra naturam myſticè perficit, & informat; ita ut tribus iſtis excellentiſſimis virtutum Theologicarum æltibus totius Myſticæ Theologiæ perfectio, & eſſentia contineatur, ut; pulchrè, ac ſiſe in libris diviniſſimis de aſcenſu montis Carmeli, de nocte obſcura, & de cantionum verè myſticarum declarationibus exponit Venerabilis Pater Joannes de la Cruz rerum myſticarum expertiſſimus*.

Hætenus egregius iſte Doctore. Et obſerva, quòd plus fecimus, quàm promiſſimus. Siquidem Corderius, nè dum doctrinam noſtri Theodidacti Doctoreſ circa orationem fidei extollit; verùm etiam ipſam fidei orationem ruetur, vt patet ex verbis datis, alijs que in data ſtagoge adductis; nec aliter poterat opinari ſidiſſimus Arcopagitæ annotator. Nihil horum Barambius vidit, & propterea in orationem fidei adeò generalibus ſpiculis digladiatur, vt nullo modo inter Catholicos admittendam ſentiat. Sed pergere oportet, & Societatis authorem aſſignare, qui aſſerat, contemplationem eſſe orationem fidei,

fidei: & quidem sine tergiversatione, ut videat Barambius, quantum sua doctrina à suis Magistris distet.

58. Inter innumeros, eosque celebres sacre Societatis Theologos, nullum suspicor cum venerabili, eximioque Suario contendere de primatu. Hic enim insignis Theologus, cui Deus, referente Hormaza in suo thesauro manuali, Theologiæ clavem concessit, hæc circa præsens punctum tom. 2. de Relig. lib. 2. cap. 10. num. 5. docet.

*Ex his ad secundum punctum dicitur, illum actum (de actu contemplationis loquitur) in substantia sua esse, vel actum fidei proprium, & elicited, vel esse actum Theologicum, & quasi scientificum. Priorem partem indicavit Augustinus in lib. meditat. cap. 27. ubi, &c. (hic ponit Augustini verba, & postea ait) similiter Gregorius homil. 8. in Ezech. ante medium eadem ferè verba Augustini usurpat. Ratio vero est, quia perfecta contemplatio huius vitæ esse debet cum perfecta adhesionem intellectus ad veritatem contemplatam per firmum assensum fundatum in revelatione divina, quæ in hac vita obscura est: ergo talis contemplatio debet esse per assensum fidei. Hæc Exinius Suarcz, qui toto illo capite videndus est, præsertim à num. 7. Videat ergo author, in quem procedimus, qualiter cum hac doctrina Suarii, pro ea Augustinum, Gregorium, & Doct. Anglicum allegantis stare possit, orationem fidei novum inventum esse in animarum perniciem, nullo que modo esse inter Catholicos admittendam.*

59. Seraphica Mater nostra D. Theresia hoc ipsum docet mansione 6. cap. 7. Vbi clarissimè monet, quòd cum Deus non concedit contemplationem infusam, nec meditationibus applicari valemus, veritates mysteriorum fidei simplici intuitu inspicimus. Quod fieri à nobis posse ibi docet alma Doctrina. Nunc ergo; simplicem intuitum mentis terminatum ad fidei veritates, quis negabit esse actum fidei? Sicut objectum per illum simplicem intuitum attractum est veritas fidei: &

habitus, qui ab illo objecto essentiat, est habitus fidei: ergo & contemplatio, quæ ibi exercetur, est oratio fidei. Quod non negabit, nili qui in re clarissima hallucinatus fuerit.

Rationes pro conclusione suadenda non efformamus, quia ex dictis facillimum cuique erit eas cudere, tum ut probet, contemplationem esse actum fidei; tum etiam, ut quamvis actus elicited à fide non sit, dici tamen potest cum omni proprietate oratio fidei ob allatas auctoritates, rationesque, quas ipsæ offerunt.

#### §. IV. Argumenta proponuntur.

60. **C**ONTRA nostram conclus. arguitur. 1. Oratio fidei videtur damnata in propositione 21. impij Molinos: ergo talis oratio non datur. Probat antecedens: Dicta propositio absdubio loquitur de contemplatione, quam dicimus orationem fidei: ergo hæc oratio damnata in illa propositione videtur.

61. Confirmatur: Ad orationem fidei, quam concedimus, vel requiritur productio actuum, vel non? Si non: ergo damnata est talis oratio in dicta propositione, quæ idem proscribitur, quia productionem actuum prohibet. Si sic: Ergo talis oratio non est simplex intuitus veritatis: Ergo nec actus fidei: Ergo nec fidei oratio.

62. Antequam huic argumento eiusque confirmationi respondeam, placet hæc in Barambium regerere, sicut & omnia, quæ boans circa hæc scripsit in ipsum regeri possunt. Disputo sic: Propositio illa loquitur de contemplatione: damnatur propositio: Ergo & damnatur contemplatio. Similiter: Propositio loquitur de fide: damnatur propositio: Ergo & fides. Indidem: Omnes illæ orationes fidei Authorum Catholicorum, quas inibi Barambius reprobat, sunt contemplationes: ob illas reprobat absolute orationem fidei: Ergo debet reprobare absolute contemplationem. Vel sic: Sed ob illas orationes fidei, quas reprobat, non reprobat

probat contemplationem: ergonec ob illas orationes fidei, debet absolute reprobare fidei orationem. Videat Barambius, quid ad huc respondere possit, nec præcepi in verba ruat ultimo paritura mœrorem. Debet enim homo esse *velox ad audiendum, tardus autem ad loquendum*, juxta Oraculum Divinum. Respond. Ergo ad argument. neg. anteced. Ad probat. Concedatur, talem propositionem loqui de *oratione fidei*, ac de contemplatione: verum ex hoc non sequitur, quod damnatio propositionis comprehendat *orationem fidei*, sicut nec fidem, nec contemplationem comprehendit.

63. Ad confirmat. negatur propositio illa disiunctiva; quia utraque eius pars est vera; unde disiunctiva est falsa, ut modò ex summis suppono. Itaque *ad orationem fidei*, seu contemplatione requiritur productio actuum, & non requiritur talis actuum productio. Nota Novitie parùm perspicax, me nō dicere, quod nō requiratur productio actus, sed *actuum*. Hæc, inquam, actuum productio, & requiritur, & non requiritur *ad orationem fidei*. Requiritur: quia ad contemplationem præcedunt plurimi actus, pluresque discursus. Requiritur: quia etiam in ipsa contemplatione, si calor tepescat, discursibus fovendus est, ut eius flamma revirescat. Non requiritur: quia contemplatio, seu *oratio fidei* est unus actus, illeque simplex, quo veritas inructur. Et sanè, si dum veritas simplici intuitu speculatur, alij actus produci entur, quibus, paxque contemplationis periret: immo ipsius contemplationis natura decumberet.

64. Angelic. Doct. 2. 2. q. 180. art. 3. querit: *Utrum ad vitam contemplativam pertineant diversifictus*? Et respondet, quod loquendo de vita contemplativa, secundum quod ad hominem pertinet, *unum quidem actum habet, in quo finaliter perficitur, scilicet, contemplationem veritatis, à quo habet unitatem. Habet autem multos actus, quibus pervenit ad hunc actum finalem, quorum quidam pertinent ad acceptio-*

*nem principiorum, ex quibus procedit ad contemplationem veritatis; alij autem pertinent ad deductionem principiorum in veritatem eius, cuius cognitio inquiritur. Ultimus autem completivus actus est ipsa contemplatio veritatis*: Loquitur D. Thom. de contemplatione tam secundum ea, quæ præviè dicit, quam secundum id, in quo formaliter consistit. Quia tamen addidimus, quod etiam requiritur productio actuum, habita iam ipsa contemplatione, oportet hoc probare, & aperire, nè sit, qui sana hac doctrina abuti velit.

Seraphica Mater nostra pluribus in locis hanc doctrinam tradidit, lib. vii. cap. 1. docet, quod etiam, qui sublimi contemplatione fulgent, debent aliquando ad incunabula redire, lacque spiritus, veluti passiones suggere. Videatur etiam Sanctissima Doctrina loco citato ex mansione 6. de sumptuque est hæc doctrina ex Davide dicente: *In meditatione mea exardescit ignis*. Quia videlicet ignis sacer contemplationis, meditationibus interjectis, *exas deficit*. Non meditationibus, quarum prolixitas contemplationem obstruit, sed meditationibus, quarum tenuis vivifica aura ignem cœlestem contemplationis foveat.

65. Accedit Extaticus noster Patrens, qui lib. 2. ascensus cap. 32. de anima in simplicissima contemplatione, etiam acquisita, posita hæc fatuit. *Tunc* (hoc est dum simplici intuitu anima intuetur Divina) *semper satgati manere cum intellectu quieti sine mixtione formarum figuratum, aut motuum particularium; nisi velde raptim; nec tunc illas valde procurat, sed cum suavitate amoris, ut magis hoc in igne anima ignescat. Assi extra hoc tempus in omnibus suis exercitijs, actibus, & operationibus utatur memorijs, & meditationibus bonis, prout maiorem devotionem, utilitatem que cognoverit, particularissime vii debet meditatione vite, passionis, mortis que Domini nostri Iesu Christi.*

66. Cuius proficuae, subtilis que doctrinæ tres illæ illuminatæ mentes diversis locis radicem detegunt. Loquatur



quatur pro omnibus D. Thom. Requiritur, diximus, ad actum proprium contemplationis plures actus: huiusque doctrinæ radix, seu ratio ea est, quam Ang. Doct. loco citato assignat dicens: *Dicendum, quod de vita contemplativa nunc loquimur, secundum quod ad hominem pertinet. Hæc autem est differentia inter hominem, & Angelum, ut patet per Dionys. 7. cap. de Divin. nominib. Quod Angelus simplici apprehensione veritatem intuetur. Homo autem quodam processu ex multis pertingit ad intuitum simplicis veritatis.* Et hæc est ratio, ob quam ad contemplationem illi actus prærequiruntur. Quæ doctrina contraria omnino est asserentibus non esse meditandum, sed ab initio vitæ spiritualis contemplandum, quos disp. 1. impugnavimus.

Etiā diximus, quod habita iam contemplatione requiritur productio actuum, tum ut contemplatio non tepescat: tum etiā, ut ea finita, non cesserit cœlesti animæ. Hæc duo diximus cum nostra Seraphica Matre, ac cum nostro Extatico Doctore: & vtriusque radicem proponit laudatus D. Thom. art. 8. per hæc verba. *Ad secundum dicendum: quod nulla actio potest diu durare in sui summo. Summum autem contemplationis est, ut attingat ad uniformitatem Divinæ contemplationis, ut dicit Dionys. sicut suprapositum est. Unde etsi quantum ad hoc contemplatio diu durare non possit; tamen quantum ad alios contemplationis actus potest diu durare.*

67. Non potuit doctrina sana, quam sustinemus, penitus, apertiusque ostendit. Ex dictis constat, datam doctrinam à damnata propositione toto cœlo distare. Illa enim damnata propositio asserit: *In oratione opus est manere in fide obscura, & universalis.* Quod falsum est, & impossibile. Est falsum, quia qui meditatur, verè orat; quin maneat in fide obscura, & universalis. Et etiā qui contemplatur Trinitatem Divinam, aut Dei attributa verè orat, & contemplatur, & non manet in fide obscura, & universalis: fides enim univer-

A SPIRITU SANCTO.

salis ad omne prædicatum Divinum, quin aliquid non includat, terminatur. Est & impossibile; quia ille simplex intuitus veritatis non potest diu permanere, quin vel frigescat, vel emoriatur: si frigescat, requiruntur discursus ad fomentum: si emoriatur, requiruntur ijdem discursus in animæ alimentum: aliter in otium turpe ruet, in quo nihil præter præcipitium inveniet.

Et huius propositionis mala origo suam malitiam manifestam habet à propositione antecedenti, ubi ait hæreticus: *Asserere, quod in oratione opus est sibi per discursum auxilium ferre, & per cogitationes, quando Deus animam non alloquitur, ignorantia est, &c.* Et etiā à propositione 18. ubi ait: *Qui in oratione vitit imaginibus, figuris, speciebus, & proprijs conceptibus non adorat Deum in spiritu, & veritate.* Quam similiter detegit pluribus alijs suis propositionibus. Vnde illis damnatis, debuit, & hæc pariter proscribi. Indidemque damnatur talis propositio, quia asserit, tales actus Deo non placere: cum sint absdubio boni, & virtuosij Sed quod nostro iudicio, caput talis damnationis est, continetur in propositione sequenti, ubi inquit, hanc contemplationem fidei, de qua in propositione 21. locutus fuerat, non esse actum à creatura productum, sed à Deo infusum, quem actum non cognoscit creatura, dum illum habet, nec postea. Quo nihil aptius ad seducendas animas in baratrumque mittendas per turpissimum quietistarum otium. Et licet Barambio non placeat, quod vtraque dicta propositio de eadem cognitione fidei loquatur, nihil refert: cum alij sic intellegant, ostenditque ipsa propositio, quæ sic incipit: *No es este conocimiento de la fe, &c.* ubi illud relativum esse certissimè ostendit in hac propositione 22. de eadem cognitione fidei sermonem esse, ac in propositione 21.

68. Sed opponit Barambius discurs. 22. num. 19. & 24. quod in prima propositione sermo est de cognitione elicita à fide, in alia autem de cognitione ad fidem terminata: per primam,

D

cog-

cognoscit fides suum obiectum : ac per secundam cognoscitur ipsa fides. Movereturque ex verbis ipsius propositionis, quæ hæc sunt: *No esle conocimiento de la fe un acto producido de la criatura, &c.* Vbi per illa verba: *conocimiento de la fe*, assertum constat, sermonem esse de cognitione ad fidem terminatam, non verò de cognitione à fide elicita.

69. Sed nodus indignus est, ut in eius eradicatione Theologus occupetur. Si namque *cognitio fidei* non signat actum fidei, sed cognitionem ad fidem; pariter cognitio intellectus cognitionem terminatam ad intellectum significabit: ac similiter visio oculorum non actum videndi, sed terminum visionis ostendet: atque adeò cum Isaias vaticinatus est, quod Dominus, ac Redemptor N non secundum visionem oculorum iudicabit, non loquutus fuit de visione, qua Christus visurus erat, sed qua eius oculi videndi erant ab alijs. Quo quid absurdius? Sed imprudenter in his quiescunt moramur. Et adeò insulsum scrupulum potuit Barambicus deponere, si antequam scripta in orbem litterarium misisset, propositiones has, prout sunt in Latino idiomate videret. Hæc enim, de qua loquimur, sic ait propt. P. Arbiol, & P. Cafnedi scribunt: *Cognitio hæc per fidem non est actus à creatura productus, &c.* Quo, & utramque propositionem de eadem cognitione fidei loqui vincitur, & stupens hic Barambicus scrupulus dissipatur.

70. Ex dictis constat immensa distantia, quæ adest inter nostrum assertum, & propositionem proscriptam. Nos enim præviè concomitanter, & subsequenter ad orationem fidei *obsequæ, & universalis* actuum productionem, in quibus Deus sibi complacet, requiri sentimus. Ipsam *orationem fidei*, seu contemplationem, etiam insulam actum à creatura elicitem propugnamus. Quod si aliquando Doctor aliquis Catholicus actum contemplationis insulse insulam dicat, qualiter cum appellat P. Suarez loco allegato, num. 5. in fine: non asserit actum ipsum non esse à contemplante elicitem, sed principium

elicitem talis actus insulam docet.

71. Arguitur 2. *oratio fidei* quomodocunque explicetur ac sub quocunque modo proponatur, aut nominetur, nec minimum vestigium, signum vè fidei habet: ergo non datur. Consequentia sequitur, & antecedens proponitur illis ipsis verbis à Barambio discurs. 22. num. 24. sine probatione tamen, ac si res indubitata foret: potest tamen ex ijs, quæ dicit discurs. præcedenti, num. 30. probari sic 1. quia *oratio fidei* non nominatur sic ab eius Authoribus, vel quia in ea exercetur fides, vt aliqui volunt; vel quia, vt dicunt alij, terminatur ad Divinitatem, & non ad humanitatem; vel denique, vt alij autumant, quia in ea anima nihil facere debet, præterquam manere in Dei præsentia ad faciendam Divinam voluntatem: sed quocunque ex his modis explicetur, non est oratio fidei: Ergo hæc non datur.

Probat. 2. ex ijs, quæ eodem discursu assertum num. 41. *de oratione fidei*, quomodocunque explicetur, non verificatur, quòd sit *oratio*, nec quòd sit *fidei*: ergo qualitercunque explicetur, repugnat talis oratio. Certissima est consequentia. Probat. antecedens quoad primam partem: quia illa oratio non est meditatio, contemplatio, nec vnus: ergo a sufficienti partium enumeratione non est oratio. Probat. idem antecedens quoad secundam partem; quia in illa oratione fidei non datur actus explicitus, nec implicitus vtræ fidei: ergo non est oratio fidei. Probat. hoc antecedens 1. ex traditis ab hoc Authore num. 21. quia per orationem, quam dicunt fidei, solum respicitur Deus: atqui, vt deius actus fidei, non fat est, quòd Deus respiciatur, sed insuper requiritur, vt, quia ipse revelavit, credatur: Ergo.

Probat. 2. idem antecedens; quia habens *orationem fidei*, hoc facit secundum aliquos talem orationem sustentens, accedit ad locum orationis, & genuflexus humiliatur coram Domino, quem præsentem inspicies fide viva dicit: Domine adest tibi pauper iste, fiat

fiat in me tua sanctissima voluntas, & quin aliud dicat amorosa attentione, & resignatione, manebit, Deum, trinum, & vnum intuens, & diligens super omnia: in hocque exercitio perseverabit. Modò sic subsumit Barambius: sed hic non exercetur fides. Patet ista: Quia solum nominatur fides ante orationis principium, postea verò humilitas, & resignatio nominantur: unde non est cur hæc oratio dicatur *fidei* potiusquam humilitatis, aut resignationis.

Confirmatur hæc ratio ex ijs, quæ dictis discursibus pluries repetit datus auctor: quia oratio fidei est contra id, quod docuere sacra Concilia S.S. P.P. & Theologi: ergo talis oratio concedi non debet. Patet ista: Quia si dabilis foret, non esset contra tot, tam sacræque authoritates. Antecedens non probat, sed credendum nostræ vrbantati committit.

72. Hæc ex lacunoso sinu feligere placuit inter innumera huius furturis. Non quia digna, vel minima reflexione putemus; sed nè eorum auctor sibi sapiens videatur, si eorum aliquid non meminimus. Igitur respondetur argumento negando antecedens, quod debuisset Barambius vel suppressere, vel probare, nè de audacia appellaretur; intra ambitum illius termini, *quomodocumque*, & illius *quocumque modo*, clauditur *oratio fidei* à D. Jacobo asserta, vt vidimus §. 2. quam fidei orationem non admittere, hæreticum planè est, vnde illud omnino, vt minus est, quòd *oratio fidei quomodocumque explicetur, ac sub quocumque modo proponatur, aut nominetur, &c. non datur*: quia ex indefestibili illa authoritate habemus, dari *orationem fidei*, nec illam sic Apostolus nominaret, si aliquid signum, vestigiumve fidei non haberet. Insuper alijs scripturis probavimus dari *orationem fidei*; pluribusque authoritatibus D. Dionys. D. August. D. Thom. Seraph. M.N. ac nostri Doct. Seraphici, quibus accessit P. Suarez, & Mylitz ferè omnes dicentes, principium elicitive contemplationis esse fidem. Postquæ omnia nuperus iste, nec vesti-

gium, nec signum fidei cognoscit in fidei oratione.

Ad primam antecedentis probationem omissa maiori, negamus minorem. Quicumque cordatus expectabit, qualiter Barambius probat orationem ijs tribus modis factam, non esse *fidei*. Audiat probationem, & consideret: *Quivis litteratus, & mediocris capacitatis cognoscat, quòd nec hæc est oratio mentalis fidei, nec ista fides obscura, & universalis est fides divina, & supernaturalis, de qua loquimur, & loqui debet. Dicit, credo, quòd ego multoties dixi, quòd hæc oratio, & modus manendi in illa sunt contra fidem catholicam. Dicit, quòd implicat tam hæc oratio, quàm illa fides obscura, & universalis. Quòd totum hoc est mendacium, Demonisque fallacia.* Respondimus supra Barambio, nè sapiens sibi videretur: modò, autem ei non respondemus, nè similes illi videamur.

73. Omisimus maiorem, quia, vt ab initio quæstionis præmonuimus; nostra mens eo dirigatur, vt *orationem fidei* dari ostendat: quod autem sic, vel aliter explicetur, parum refert. Probamus tamen maiorem quoad primam partem, videlicet *in oratione fidei*, sive contemplatione, fidem exerceri, vel quia fides elicit illum actum, vel quia est vnicum medium, cui innititur, vel quia obiectum proponit contemplandum, quæ omnia affatim constant ex hæctenus dictis.

Approbamus etiam tertiam partem eiusdem maioris. & parvum, seu potius pravum conceptum de præsentia Dei habet, qui in illa fervida contemplationis exercitium adesse, si prove debet, habeatur, non videt. Vt autem pretiosam hanc margaritam non parvi pendat, audiat D. Dionys. qui locutus de Sanctissima Trinitate lib. de Divinis Nominibus cap. 3. ait: *Ipsa quidem universis adest, non autem omnia ipsi ad sunt. Cum autem ipsam invocamus castissimis quidem orationibus, & revelata mente, & ad divinam unionem aptitudine; tunc, & nos ipsi adsumus. Videtur inibi D. Thom. inter alia dicens,*

*Revelata mente*, idem esse, ac ut intel-  
lectus noster non obumbretur caligine  
phantasmatum, quod accidit illis, qui  
spiritualia non supra corporalia capere  
velunt, ut qui posuerunt Deum effig-  
uratum figura humani corporis, propter  
quod etiam impedimur ab ascensu in  
Deum.

Vbi quantum fides conducatur, ut  
simus Deo presentes, nemo non videt:  
sicut, & quod tunc sumus Deo præsen-  
tes, cum cum *castissimis orationibus in-  
vocamus, & revelata mente, & ad di-  
vinam unionem aptitudine*. Videatur  
ergo, si ille, qui sic Deo præsens est,  
aliquid facit. Et si ut illæ orationes,  
quibus Deo præsentem sumus, sint castis-  
simæ, conducatur maximè fides, iudi-  
cent, qui in re litteraria suffragium  
habere possunt. Ast de his iterum ser-  
mo redibit.

74. Ad 2. antecedentis probatio-  
nem negetur antecedens pro utraque  
parte. Ad probationem primæ dicas:  
Egregiū hunc Mystam malè rariocinari,  
quod sic ostenditur: *Petitio decentium*  
à Deo non est meditatio, contemplatio,  
aut unio: ergo petitio decentium à Deo  
non est oratio. Antecedens est plus-  
quam certum, & consequentiam negare  
hic auctor non potest: quia si oratio fidei  
non est oratio, quia non est meditatio,  
nec contemplatio, nec unio: pariter  
petitio dicta oratio non erit contra  
omnes D.D. essentiam orationis meta-  
physicè, per hoc, quod sit petitio, defi-  
nientes. Simile argumentum potest  
fieri de actione gratiarum, alijsque par-  
tibus orationis præter meditationem.

75. Si autem meditatio sumatur  
(nec hac glossa dignus erat, qui Catho-  
licorum sensa scëtariorum delirij  
aggerat, & in omnia sine discrimine  
furit) prout signat orationem discursus,  
quæ vulgò *meditatio* dicitur, estque  
membrum dividens orationem abstra-  
hentem à contemplatione, & oratione  
discursus. Si sic, inquam, accipitur ad-  
huc malè, insullèque ratiocinatur. Quia  
si oratio dividitur in meditationem, &  
contemplationem; qui concedimus  
*orationem fidei*, dicimus esse contem-

plationem. Vbi ergo disputare didicit,  
qui *orationem fidei* non esse orationem  
pipiens, probat: quia oratio dividitur  
in meditationem, contemplationem,  
& unionem: Et veluti si nos herbam iam  
porrigere compulisset, non intendit  
probare *orationem fidei* ad nullum ex  
illis dividendibus pertinere?

76. Nec illud tertium membrum,  
in quod dividit orationem, dividens  
est; quia per unionis orationem, vel in-  
telligit contemplationem infusam, vel  
aliquem gradum infusæ contemplatio-  
nis. Si primum, malè facit; quia con-  
templatio infusa absolutè sumpta divi-  
ditur in orationem unionis, quietis,  
aliosque gradus, quos omnes sola mate-  
riali lectione librorum Scraph. nostræ  
Doctrinis, quam toties Matrem appel-  
lat, debuit scire. Vnde oratio unionis  
est particularis quidam gradus infusæ  
contemplationis; atque adeò non debet  
poni, ut dividens contra alia dividentia  
sicut non ponitur Petrus, qui est ratio-  
nale quoddam, ut dividens contra irra-  
tionale animal. Ex quibus probatum  
manet, non posse per orationem unio-  
nis intelligi id, quod ipsa raptè est,  
nempe gradus quidam contemplatio-  
nis infusæ. Quibus adde: quod oratio  
unionis dividitur in acquisitam, & in-  
fusam; quia non solum datur unio  
infusa, sed etiam acquisita, ut docet  
alma Doctrinx, iamque insuperioribus  
dictum à nobis est. Vnde non adest  
motivum, ut per illum membrum *unio*,  
quo hic auctor pro suo libito igitur, in-  
telligatur potius gradus unionis infusæ,  
quàm acquisitæ.

Denique per secundum dividens,  
quod est contemplatio, vel intelligit  
contemplationem acquisitam, vel in-  
fusam, vel abstrahentem? si acquisitam,  
qua facultate hoc facit? Et nomen *con-  
templatio*, quod utramque signat, ad  
solam acquisitam restringit? si loquitur  
de infusa: vbi adest acquisita? Si loqui-  
tur de abstrahente: quæ oratio est illa  
quam illud nomen *unio* significat? Si-  
quidem unio, quantumvis omnium  
perfectissima, qualis est Beatifica, con-  
templatio certè est. Unico verbo: si  
nomen

nomen *unio* contemplationem infusam significat; malè loquitur in secundo, & tertio dividente. Si autem significat aliquam orationem diversam a contemplatione acquisita, infusaque, novum genus orationis introducit: atque adeò in ipsum militant omnia, quæ in orationem fidei vibrat, vt molestissimè de novitate suggillet.

77. Ad secundam probationem antecedentis negetur antecedens: ad primam ipsius probationè respondetur: novam philosophiam in illa contineri à quovis, quantumvis tyro, libilandum. Fidei *respicere* est credere, sicut *cognoscere* intellectus est intelligere, & *cognoscere* potentiæ visivæ est videre. Asserere autem fidem posse respicere Deum, quin credat, est idem ac affirmare, visum sive materiale, sive spirituale posse respicere obiectum, quin illud cognoscat. Et sanè si hæc nova philosophia vera foret, nutaret definitio, à nemine non admissa, quam de fide actuali tradidit Augustinus dicens: *Fides est credere, quod non vides*: unde ridicula prorsus est illa præcisio fidei respicientis, & non credentis, quia si ille actus, quo supponitur fides respiciens obiectum, est actus fidei, vt nemo negare audebit: planè sequitur, quòd per illum actum creditur, quod non videtur.

Placet reproducere verba D. Thom. num. 50. adducta: *In his autem, quæ supra rationem sunt, perficit fides, quæ est inspectio Divinorum*. Et ea, quæ ex nostra Seraph. Doctrice num. 59. retulimus, illaque refert Barambius discurs. 20. num. 10. *Quamvis auctoritatem bis sine signo ostendente, & (possibile est) non sine aliquali malitia interrumpat. Ait ergo Doctrice Sancta: Intelligit anima hæc mysteria per modum magis perfectum: & ratio est, quia intellectus illa representat, & imprimuntur memoriæ, ita vt per hoc solum, quod videat Dominum prostratum in horto cum illo horribili sudore, hoc solum sat illi est, nedum pro vna hora, sed pro multis diebus; respiciens simplici intuitu quis est, & quam ingrati sui-*

*mustanto sudori. Postea venit voluntas, quamvis non sit cum sensibili devotione, & desiderat rependere aliquo modo tantam misericordiam.*

Dicta omnia Barambij præcisionem expungunt; quia actualis fides datur iuxta Ang. Præceptorem, per hoc, quod datur *inspectio Divinorum*. Et iuxta Doctrice Seraph. respicientes intuitu simplici veritates divinas habemus divinam illam contemplationem, de qua ibi loquitur. Et sanè contemplatio per hoc, quod sit simplex intuitus veritatis divinæ, definitur. Vbi est ergo discrimen illud inter *respicere* fidei, & credere revelatis, quia revelata à Deo sunt? Qui simplici illo intuitu, de quo Seraph. Doctrice loquentem audivimus, respicit veritates fidei, respiceret illas, comite voluntate, si eis non assentiret? Ergo *inspectio Divinorum* vel est, vel supponit, vel associatur cum assensu fidei circa veritatem contemplatam: atque adeò extat motivum vrgentissimum, vt talis *inspectio Divinorum*, seu *simplex intuitus divinæ veritatis, dicatur oratio fidei*.

78. Superest, vt ad secundam probationem eiusdem antecedentis positam num. 71. respondeamus: dicimus ergo 1. Barambium non bene inferre, non dari absolute orationem fidei, quia non potest dici, nec est oratio fidei, quam hic, aut ille author affirmat Sicut malè infertur: Omnes scriptores in scij sunt, & audaces, ex eo quòd aliquis particularis scriptor audax, & in scius sit. Vnde si ille diceret, illam orationem, quæ ibi describitur, aliasque similes; nec esse *orationes fidei*, nec *orationes*; forsam cum illo non disputarem: bilem tamen commovent eius illimitatæ illationes, resolutionesque, quarum aliquas iam dedimus Est non absimilis cæco, quæ m vnicus, & plurima turba offendit, de quo, vt vindictam sumat, Scipionem contra omnem turbam igneus vibrat, quin effervescentiam frænet, quod accidere non raro solet, videlicet innocentis, immo, & compatiens percussio. Quod P. Martinus Cearrote, alijque illum, vel alium modum *orationis fidei*

*fidei* fabricent, fundamentum præstat, ut, si tibi non placent, illos impugnes. *Ast oratio fidei* non ijs modis explicata, sed à Scriptura edocta, à Proceribusque doctrinæ sanæ tradita, nosque, qui illam, prout ab ijs fontibus haus- tam, sustinemus, quid mali tibi fecimus, ut nobiscum, veluti cum acatholicis, agas?

Ut respondeamus 2. præmone- re placet: in illa *oratione fidei*, quæ num. 71. describitur, exemplo nobis displicere, quod eius auctores volunt viam spiritus ab ea oratione incipi, in eaque permanere spiritualemente quæ Deo vocante, contemplationem infusam non exercet: est enim, aiunt ij Authores, temporis dispendium meditationibus occupari. Hoc autem nobis summopere displicet, falsumque esse, & valde periculosum, multis ostendimus tota disp. 1. Et si bene consideres nihil aliud probant fulgura, quæ hinc, inde Barambius turbidus ciet. *Ast*, si in illis verbis contineatur oratio perfectissima, quæ *fidei* nominanda sit, non est ex cerebro Barambij pensandum, sed iuxta lydium Catholicorum lapidem discutendum.

79. Hic lapis Sacra Scriptura est, quæ lib. 1. Reg. cap. 3. vers. 10. ait: Samuellem ex præcepto Heli Domino vocanti respondisse: *Loquere Domine, quia audit servus tuus*. Hic abs dubio oravit Samuel, siquidem rem decentem à Deo petivit. Confer, oro, orationem hanc Samuelis, cum illa, quæ dictonum, describitur, & simillimam reperies. Humilitavit se Samuel, servum se Domini dicens, promptum se exhibuit, ut iussa Domini exqueretur. Quod idem invenitur in illa alia oratione. Siquidem invenitur humilitas, & resignatio: Ergo qui ponitur in Dei præsentia, dicitque: *Domine adest tibi pauper iste, fiat in me tua sanctissima voluntas*: Non est cur dicatur non orare. Nec motivum adest, ut tanta auctoritate dicatur, in ea orandi formula, nec veram orationem dari, nec fidem exerceri: datur enim oratio vera, ut constat ex oratione Samuelis: datur, & fides.

80. Quod si inquiras, an prohibito nostro, an re ipsa fides ibi adsit? Respondeo: re ipsa, & non ex nostro libito fidem adesse ibi. Quod constat 1. ex ipso textu, in quo Samuel facitur, se Deum audire: *Audit servus tuus*. Verbum *audio* ibi inter alia, significat *credere*, uti cruditi probat Franc. de Mendoza super illum textum, qui ait: *Audit servus tuus, id est credit*. Vides ne actum fidei ibi adesse? sic ut & ob eandem rationem adsum fides maxime viva in illa Davidis oratione relata in Psalm. 84. ubi ait: *Audiam quid loquatur in me Dominus Deus, quoniam loquetur pacem in plebem suam*. Davidem ibi altissime contemplante constat ex nostro Extatico Doct. lib. 1. noct. cap. 9. & in flam. can. 2. v. 3. §. 6. in fine, qui omnino videtur debet. Et pro tali contemplatione fidem nec necessariam explicuit verbo illo *audiam*. Introspecte formulam illam orationis quam tunc vocibus, sed æreis, Barambius impugnat, & ni velimentissime fallor, Davidem, & Samuelem illam formulam in suis dictis orationibus observasse, comperies. Ita ut ab illis, similibusque exemplaribus desumptam taceat.

Constat 2. in ijs orationibus orationem fidem exercuisse: quia illæ verè orationes fuerunt, ut ex dictis patet. Et vera oratio dari sine fide non valet, ut sæpius in superioribus dictum est. Unde una ex conditionibus bonæ orationis est, quod fiat in fide. Quod monitum à D. Jacobo cap. 1. suæ Epistolæ observavimus supra ijs verbis: *Pesulet in fide nihil hesitans*. Ex quibus tertio constat in dictis orationibus fidem datam fuisse, quia David, Samuel & quivis alius ad Deum accedens, verè orans, propriam miseriam, indigentiamque fatetur: Deum misericordem, omnipotentemque veneratur. Sine quo vera oratio non datur, & cum quo fides abs dubio exercetur.

81. Adest exemplar aliud nobilissimum ex eadem Sacra Scriptura. Postquam caduceator Gabriel cum sua Regina, nostrique omnium Domina, locutus est, dixit Sanctissima Virgo: *Ecce*

*Ecce ancilla Domini, fiat mihi secundum verbum tuum.* Luc. cap. 1. Quis non videat hæc Sanctissimæ Virginis verba, simillima esse illis: *Adest tibi pauper iste, fiat in me tua sanctissima voluntas.* In his purissimæ Virginis vocibus radiat humilitas, dum se Domini ancillam confitetur. Vnde ait D. Bernard. lerm. 4. super Missus est: *Quæ est ista sublimis humilitas, quæ honori cedere nescit, insolescere gloria non novit. Dei Mater eligitur, & ancillam se nominat.* Respiendit etiam resignatio ibi: *Fiat mihi secundum verbum tuum.* Eoque inquit Theophilact: *Tabula sum pictoria, pingat pictor, quod voluerit.* His ergo verbis, quæ solum actum humilitatis, & resignationis continere videntur, profundissime oravit Sanctissima Dei Mater. *Hæc vox (fiat) tum consentientis, & assensum Angelo ad verbi conceptionem præbentis est. Tum optantis, desiderantis, orantis, & obsecrantis, ut Messias incarnaretur.* Ait gravissimus Cornelius cum August. Bernard. Ambrosio, Euthymio, & Beda.

Emicuerunt in illa oratione Beatissimæ Virginis plures aliæ virtutes, & prima omnium assignatur fides à N. Sylveira. q. 57. ubi inquit: *Quæ virtutes se manifestaverint in consensu Beatissimæ Virginis?* Et similiter Albertus Magn. fidem Deiparæ in oratione illa emicuisse, docet: Ergo stat bene, quod anima humilis, & conformis Deum, quiete, & pacifice contempletur, & quod in illa sua oratione plures virtutes exerceat, & taliter, quod illud virtutum exercitium quietem contemplationis non perturbet.

Eandem veritatem docet David Psalm. 72. dicens: *Ego ad nihilum redactus sum, & nescivi. Vi iumentum factus sum apud te: & ego semper tecum.* Quæ verba sic paraphrasat eruditus Leblanc: *Ex hac terrenarum mutabilitatis contemplatione, tuaque summa potestate in redigendis ad nihilum summis hominum divitijs, & honoribus in unius amorem exarsi, & delicias omnes, ac voluptates contempsi:: Nilis*

*instar iumenti, quod omnem in partem agitur, omnique onere premitur tecum esse statui, tibi que ad omnes usus inservire.* Et titulus articuli, in quo hæc exponit, ille est: *Vitæ unitivæ initium, ac virtutes in eo necessariae.*

Adest sublimis contemplatio ex consideratione mutabilitatis mundialium facta, in qua contemplans corde inflammato suam humilitatem, & resignationem confitetur; quin per hoc aliæ virtutes excludantur. Videatur citatus author, qui pluribus hoc ipsum ostendit. Vnde per hoc, quod in illa orationis norma, quam Barambius impugnatur solius humilitatis, & resignationis mentio fiat, non propterea aliæ virtutes amandantur.

82. Dices ex Barambio num. 39. in fin. si qui præsens adest Deo humilis, & conformis tot virtutes exercet, illa oratio non est motivum, ut potius dicatur fidei, quàm spei, aut Charitatis, sed non dicitur oratio Charitatis, aut spei: Ergo nec fidei.

Respondetur: hoc iam esse concedere orationem fidei, ac de ipsius nomine disputare: quod nomen propriissimum est, tum propter dicta, tum etiam quia D. Paulus ad Roman. cap. 5. Licet spes, & Charitas ad iustificationem concurrant, solius fidei meminit: Quod ideo fuit; quia fides iustificat, *ut radix, & fundamentum iustificationis*, pro ut docet Concil. Trid. sess. 6. cap. 8. & Canon. 9. Propterea quæ fides dicitur, & est *sperandarum substantia rerum*: quia licet accidens sit, est veluti aliorum suæ classis substantia; eò quod eorum fundamentum, ac radix est. Quæ similiter ratione contemplationi applicanda sunt.

83. Ad confirmationem ex num. 71. relictam respondetur, falsissimum esse antecedens: & quia Barambius illud non probat, haud prosequimur. Moneamus tamen, P. Suarez, aliosque Theologos affirmare, peccare, censuramque mereri, qui suam sententiam, ut tueatur, oppositam probabilem, ut dignam censura, ferit. Si autem doctrina nostra sit probabilis, nè dicam certa hæc tibi dicta

dicta demonstrant. Nec imputandum nostræ veritati est, quod illam fervidus hic impugnator non intelligat. Recole supradicta, & miraberis veritatem fingentis *orationem fidei* esse novum figmentum contra id, quod Sancti P. P. Theologice docuerunt.

Quæ excusasset vnum Gersonem, præter alios laudatos, si vidisset. Hic enim gravissimus, expertissimusque vir sic ad rem præsentem loquitur: Per quadraginta annos, & plus laboravi, sudavi litteris multum vacans, legens, orans, quietisque horis orationis meditationem exercens: & nihilominus rem nullam inveni magis proficuum, & efficacem ad obtinendam mysticam Sapientiam, quàm quod spiritus ad pedes Domini effundatur, veluti puer indigens, & ignorans, qui elemosinam petit ad ianuas Divinæ Sapientiæ, & Misericordiæ, ubi mendicitas spiritus alius primum locum habet in sinceritate fidei.

Hactenus egregius iste Doctor, cuius verba requirere debes à Medula mystica tract. 4. cap. 6. num. 22. est n. figmentum novum, nullo modo inter Catholicos admittendum, qualitercumque explicetur *oratio fidei*? Est ne oriosus, & nihil agens, qui dicto modo sistitur coram Domino? Linguam cohibe, & n. Doctorem adeo resolutum agas, in his, quæ proflus ignoras.

84. Arguitur 3. Barambius, innumera inconvenientia proponens, quæ ex hac *fidei oratione* sequuntur: illa enim est animæ præcipitium, ut testantur hominum multitudines, quæ diversis temporibus à sacro fidei senatu vapularunt. Ex ijs plures laudabiliter per viam spiritus incedebant; sed ad manus *orationis fidei* devenientes bonis omnibus spoliati miserabiliter perierunt. Quæ mala, ut quantum posset, à Christiana republica arceret hic fidei Catholicæ strenuus pugil, publicas conclusiones defendere in Matritensi curia meditatus est. Sed ij, qui ex adverso erant, timentes Barambij ictus totam suam industriam, ut meditatum certamen lucem publicam non videret, col-

locarunt: quod, prohi dolor! assecuti sunt. Videatur dicto discurs. 21. cap. 44. num. 28. & 29. tragediam istam deplorans.

Ex quibus deducuntur duo, *orationem fidei* eliminandam esse simul, & valdè efficaciter suadentia. Primum est ruina, quæ ex hac *fidei oratione* paratur animabus: secundum est, quod talis orationis propugnatores ambulantes in tenebris, lucemque renunt; siquidem suæ illius orationis rationem palam dare, recusant.

Si Barambius mysticos libros legisset, non talia crocicaret; sed iam explosa videret. Totum hoc suum acutum argumentum solvit celebris Mystica in sua Lucerna Mystica ad ianuam ipsius, videlicet in prologo num. 28. ubi gravissimi Authoris autoritatem adducens, sic fatur: *Nosram igitur concludimus sententiam cum ea, quam quædam sacra insula Hispaniæ circa prædictam orationem, & ætream contemplationem protulit:* (sequuntur illius insulæ verba) *hæc pessima intelligentia orationis fidei, nullum debet vitium inferre solido, & catholico exercitio contemplationis, & veræ fidei orationis, quia cognita zizania, maiori cum æstimatione manet triticum ad escam. Temporibus quippe Zenonis Imperatoris fuerunt hæretici vocati Pacificantes, ut refert Evagrius: nec propterea infectum fuit nomen eorum, qui pacem veram in Ecclesia Sancta introducunt. Tempore etiam Sancti Vincentij Ferrad annum scilicet 1400. orta fuit hæresis flagellantium, ut refert Bernard. de Lucemburg: nec ex inde destitit Vincentius laudabilem, & poenitentem ceremoniam in publicis Ecclesiæ processionibus, tam in maiori hebdomada, quàm in cæteris missionibus Apostolicis; cum veritatem disjunctisset ab errore, illæsa remanente poenitentia devota, & exemplari. Error Flagellantium erat affirmare, neminem posse salvari absque imitatione Christi in hac cruenta flagellatione: & adversus hunc errorem prædicans Vincentius conservavit, quod bonum habebat illa poeni-*



pœnitens mortificatio. Tandem fuerunt heretici, qui B. Virginem Mariam, tanquam Deum colebant, teste Epiphanio. Quem excessum contraxit Ecclesia ad adorationem hyperdulæ, quæ valdè cedit in beneficium animarum. Ergo licet perfidus Molinos suam perfidam orationem mentalem vocet orationem fidei, & contemplationem acquisitam non videtur vitandam esse per suum pestilentem anhelum veram orationem fidei, *quæ in optima, & catholica intelligentia exerce-*

*tur. Hactenus ille (ait Lucerna Mystica) qui nihil amplius nobis dicendum reliquit.*

Nec nos habemus; quid addere valeamus: dictis enim corruit totum argumentum Barambij toties in illis suis discursibus reproductum, & semper infelicissimè. Et sanè, si res omnes, quibus abutuntur mali, malæ forent, ubi inveniatur bonum? Plura alia, adducit locis citatis, sed quæ nec minimam difficultatem contineant: Vnde illa omittimus.

## DISPUTATIO OCTAVA.

### *De quidditate Divinæ Contemplationis.*


**P**ost *an est* contemplationis divinæ, de quo disp. præcedenti egimus, recto ordine sequitur agere de ipsius quidditate, & natura. Circa quod plurima disputare possemus; illa tamen ad locum magis proprium reservamus, ea solummodò in hac disputatione attingentes, quæ ad illam directè spectant, nec alibi possent simili commoditate versari. Vnde in præsentī agendum nobis est de definitionibus utriusque contemplationis activæ scilicet, & passivæ: quia diffinitio est, quæ rei naturam ostendit; Et quia divisio etiam rei quidditatem manifestat, nonnulla similiter de divisione contemplationis in activam, & pas-

sivam, seu, quod idem est in acquisitionem, & insulam dicemus. De alijs etiam agemus, ut progressus demonstrabit. Præterita omnia, & si summè difficilia in se; relatè tamen ad futura, quæ iam apparere incipiunt, summè facilia videntur. Hactenus in luctore fuimus, ubi arduum non est agere Prorectam. Sed iam ingredimur altitudinem maris, ubi nihil est, nisi pontus, & æther, nubibus hic tumidus, fluctibus ille minax. Vnde in præsentī potiori iure debemus recurrere ad Patrem lumen, ut suam nobis sapientiam concedat, quo aliqua de hac arcana sapientia dicere valeamus.

## QVÆSTIO PRIMA.

### *Quid sit Divina Contemplatio?*

**S**emper quòd quid est rei, eius definitio nobis aperit. Vnde cum in præsentī quidditatem Divinæ contemplationis vestigamus, diffinitiones ipsius adducemus. Et loquimur de utraque contemplatione, activa videlicet, & passiva.



A SPIRITU SANCTO;

§. I. *Assignatur propria diffinitio contemplationis activæ.*

**V**arias definitiones contemplationis activæ trahunt D.D. aliquas multoties in superioribus adduximus; modò tamen videndum est, quas ex illis omnibus magis placeat. Et in primis sunt, qui ita talem contemplationem definiunt ex D. Thom.

¶

3.2.q.

2. 2. q. 180. art. 3. *Est simplex intuitus veritatis.* Quam definitionem aptè naturam contemplationis acquirat declarare, ostendere videntur ea omnia, quæ Angelicus Doctor ante, & post illa verba docuit.

2. Verum non deest, qui illos Mystas, qui modo dicto contemplationem definiunt, audacter carpat, dicens talem definitionem non esse Angelici Præceptoris. Huius animositas, præterquam quod iam pretium stultitiæ tulit, ipsa textus lætione, retunditur. Quippe Doctor Sanctus loco citato in corpore sic loquitur: *Hæc autem differentia est inter hominem, & Angelum, ut patet per Dionysium 7. cap. de Divin. Nominib. quod Angelus simplici apprehensione veritatem intuetur. Homo autem quodam processu ex multis pertingit ad intuitum simplicis veritatis.* Ex quibus, alijsque, quæ ibidem tradit, clarissimè constat, contemplationem Divinam ex mente D. Thom. esse simplicem intuitum veritatis, in quem homo pervenit medio præcedenti processu ex multis. Angelus autem sine tali processu ex multis, sed simplici apprehensione. Vnde mystici tradita definitione vtentes rectè procedere, dicendum est.

3. Magis apparenter posset quis obijcere, inibi D. Thomam definiisse contemplationem abstrahentem à Philosophica, & Evangelica. Siquidem in adducta definitione non est verbum, quod contemplationis philosophicæ non sit proprium: atque adeo non potest illa definitio aptari contemplationi Evangelicæ, prout distinctæ à Philosophica: vnde non benè contemplationem Evangelicam definiunt, qui illa definitione vtuntur.

Obiectio hæc duo petit. Primum est, an loco citato definiat D. Thom. contemplationem Evangelicam? An vero contemplationem abstrahentem ab Evangelica, & Philosophica? Secundum est, supposito, quod contemplationem Evangelicam definiat, an definitio sit bona?

Ad primum videtur posse res-

ponderi pro sic definitibus contemplationem, inibi D. Thomam contemplationem Evangelicam definiisse, quod sequenti discursu videtur ostendi: Etenim D. Thomas illam ibi contemplationem definit, de qua ibi loquitur: ibi loquitur de contemplatione Evangelica: Ergo Evangelicam contemplationem definit. Consequentia formalis est; & maior negari non debet: Minor autem constat ex tota illa quæstione, in qua patet D. Thomam locutum de contemplatione, quæ constituit vitam contemplativam, quæ secundum D. Gregorium in art. 1. adductum est: *charitatem Dei, & proximi tota mente retinere, & soli desiderio conditoris inharere.* Loquitur de contemplatione, quæ ex eodem Gregorio ad 2. citato: *calcatis omnibus, ad videndum faciem sui creatoris inarascit.* Loquitur de contemplatione, ad quam dispositivè pertinent virtutes morales, ut dicitur art. 2. in corpore. Et ad primum asserit, quod *dilectio Dei, & proximi requiritur ad vitam contemplativam.* Loquitur de contemplatione, ad quam pertinent *oratio, lectio, & meditatio*, ut asserit art. 3. ad 4. Ex quibus omnibus, plurimis prætermisissis, constat fundari in Angelico Præceptore opinionem eorum, quæ modo tradito contemplationem activam definiunt. Ea enim, quæ ex Angelico Doctore relata sunt, conveniunt contemplationi Evangelicæ, & nullatenus possunt Philosophicæ convenire.

4. Ad secundum dicimus: datam definitionem non deesse fundamentum, ut asseratur rectam esse: ad quod suadendum sat est ipsa D. Angelici relata autoritas. Præterquam quod ratio etiam aliquantulum suffragatur: quia verba illa *simplex intuitus veritatis* non sumenda sunt absolute, & secundum amplitudinem totius significationis. Siquidem nec actum intellectus determinatè significant: quia *intuitus* ex se latius patet, quam linea intellectiva: siquidem vilis corporeus, & etiam sensus interni vident: propterea quæ dantur visiones externæ, & imaginariæ sicut intellectuales. Vnde sicut ly *intui-*

us determinatur per ly *veritatis* ad significandum actum intellectus, cuius solius est veritatem intueri: Et per ly *simplex* excludit actum compositivum, & discursivum, sic per ly *veritatis*, quæ iuxta subjectam materiam signat veritatem primam practicè, & affectivè, seu ex motione fervida charitatis affectam, ab ipsaque degustatam, determinatur potentialitas, seu amplitudo illorum verborum *simplex intuitus* ad significandum pro contemplatione Evangelica, ita ut minimè possit Philosophicæ convenire.

5. Confirmatur hoc idem: quoniam contemplatio Gentilica, seu Philosophica non sic dicitur, quia solis Gentilibus, aut Philosophis conveniat; convenit etiam Theologo Scholastico sublimia de Divinis speculante; sed qui suam illam speculationem ad inflammandam voluntatem non dirigit, uti benè observavit nostra Disceptatio Mystica tract. 2. q. 3. art. 1. n. 3. illa ergo contemplatio non qualitercumque respicit veritatem; sed veritatem primam respicit tanquam objectum primarium: hæc enim sola est primarium objectum Theologiæ Scholasticæ, ut modo suppono ex 1. p. q. 1. Rogo nunc: in hac definitione *simplex intuitus veritatis*, quæ per te convenit contemplationi illius Scholastici mere speculativi, quis cogit, ut ly *veritatis* determinatè signet primam veritatem, seu Deum, non solum, ut Authorem naturæ, sed etiam ut Authorem gratiæ? Nihil aliud propriè dicere valebis, nisi quòd Theologus ille procedit ex principij fidei supernaturalis; atque adeo ex acceptis à fide facultas eius confurgit ad attingendam primam veritatem supernaturalem; licet, quia ad voluntatem movendam non terminatur, nomen Evangelicæ contemplationis non meretur. Ast ex hoc quòd præsupponitur procedere ex acceptis à fide, plane ly *veritatis* non quamcumque veritatem, sed primam, & ad ordinem supernaturalem spectantem signat. Hac igitur facultate, qua tu limitas illam particulam *veritatis* ad primam super-

naturalem veritatem, limitant illi fundati in data auctoritate D. Thomæ illā ipsam particulam, ut non quomodo-cumque primam veritatem supernaturalem signet, sed illam ex inflammatione, & gustu voluntatis affectam. Quāliter non attingitur per Theologiam merè speculativam, sed per mysticam; nec per contemplationem Philosophicam, sed per Evangelicam.

Vis ne vim huius confirmationis altius penetrare? audi: procedere ex acceptis à fide sat est per te, ut illa particula *veritatis* signet primam veritatem, non qualiter a Philosophis Gentilibus attingitur; sed pro ut spectat ad ordinem supernaturalem: Ergo procedere ex acceptis à fide donis Spiritus Sancti illustrata, & ex affectuosa motione charitatis, terminarique ad augendam ipsam charitatem, sat erit, ve illa particula *veritatis* signet primam supernaturalem veritatem, ut attingibilem per contemplationem Evangelicam. Consequentia videtur nota à paritate. Nunc ergo subsumitur sic: sed D. Thom. loquitur de *simplici intuitu veritatis*, qui non solum procedit ex acceptis per fidem supernaturalem, sed etiam est ex affectuosa motione charitatis, ad quam augendam terminatur. Ergo suprium sufficit, ut signetur prima veritas, pro ut est objectum Theologiæ Scholasticæ; pariter sufficit & secundum, ut significetur prima veritas, pro ut est objectum Theologiæ Mysticæ. Minor subsumpta, in qua poterat esse difficultas, vel sola textus lectione suadet. Videatur Angelicus Doctor tota illa questione, ubi pluries repetit, contemplationem, de qua loquitur incipere in affectu, & ad ipsum terminari.

6. Ad hæc: ista definitio *simplex intuitus veritatis*, quæ est propria contemplationis abstractæ à Philosophica, & Evangelica; convenit etiam contemplationi determinatè Philosophicæ. Quare ergo convenit? Quia non est una definitio, sed duæ. Illa verba, pro ut dicunt *simplicem intuitum veritatis* abstractentem à modis determinatis, permittentemque contrahi per deter-

minatas differentias attingendi primam veritatem ex ijs solum, quæ fides docet, vel ultra hoc, ex fervida motione charitatis, continent definitionem contemplationis abstrahentis ab Evangelica, & Philosophica. Ast, vt determinatè dicunt intuitum simplicem veritatis merè speculativum; continent definitionem contemplationis philosophicæ, nec iam provt sic possunt contemplationi abstrahenti convenire. Eadem ergo facultate, qua tu hoc dicis, dicunt & isti, data verba non continere duas solum diffinitiones, sed tres. De duabus iam est facta mentio. Tertia autem est, cum simplex intuitus veritatis determinatè procedit non solum ex principijs fidei; sed etiam ex motione affectuosa charitatis. Sic enim accepta illa definitio diversa est omnino à duabus alijs, nec alteri, quàm contemplationi Evangelicæ convenire potest.

7. Hæc, licet ita sint; definivimus in nostra Isagoge contemplationem Evangelicam vnicum verbum addentes. Modò autem, vt claritate possibili procedamus, sic contemplationem Evangelicam acquisitam definimus: *est simplex intuitus Divine veritatis nostre industria comparatus*. Sic quoad substantiam mystici D.D. licet non omnes hisce verbis utantur. Videatur noster Philippus p. 2. tract. 1. art. 5. Probatur hæc nostra assertio explicando singulas datæ diffinitionis particulas. Dicitur 1. contemplatio acquisita *intuitus*, in quo convenit cum visione externa, & sensuum internorum; hæc quippe etiam *intuitus* sunt. Ab ijs tamen differt per illa particula *veritatis*; quia cū verba in definitione debeant sumi in sèlu rigorofo, & formali; ideo ly *veritatis* limitat ly *intuitus*, vt solummodò significet provisionem, cuius formale objectum est veritas, quod de solo intuitu intellectualliter verificari potest: veritas enim nullius potentiz, præterquam intellectualliter, objectum est. Insuper per illam ipsam particulam *veritatis* differt actus contemplationis à simplici apprehensione intellectus: Quoniam simplex apprehensio non attingit veritatem, vt

formaliter veritas est, sicut ex mysticis observat nostrum Directorium tract. 3. sect. 2. & ex Dialcct. & Metaphys. plures, vt sunt Magister Parra, Froylan, Prado, & alij, de quo infra fufè agemus, cum de actu, in quo contemplatio consistat, sermo fit.

Ultra hoc per illam particulam *simplex* differt contemplatio ab omni actu intellectus, qui simplex non fit, vt sunt actus iudicij componentis, ac dividētis, & etiam actus discursus. Per illam particulam *Divine* differt contemplatio Evangelica à Philosophica; hæc enim, licet sit *simplex intuitus veritatis*, non tamen *Divine*, quæ particula accipienda est in sensu omnino formali, vt supra dicebamus de omnibus; quæ in diffinitionibus ponuntur. Vnde sicut ly *veritatis* signat veritatem, quæ; vt veritas formaliter est, cognoscatur, secundum prius dicta; sic etiam ly *Divine* signat veritatem Divinam, vt propriè, ac rigorosè Divina est: qualiter est origo, terminus quæ totius boni nostri ad quamcumque lineam pertinentis.

Quod tunc vividè exprimit, cum charitas ipsius diffunditur in cordibus nostris per Spiritum Sanctum, qui in suis donis nobis datur, estque finis ultimus, in quem nos dirigunt ipsa charitas, & dona. Sicque penitus differt contemplatio Evangelica à Philosophica, quæ planè Divina non attingit ob amorem Divinorum. Adhuc tamen contemplatio Evangelica acquisita non habet per quid differat ab infusa: ab illa tamen discriminatur per sublequentes particulas, videlicet *nostre industria comparatus*. Quippe contemplatio infusa non comparatur nostra industria, nec possumus quamquam velimus, illam habere; sed est ex mera liberalitate donantis.

8. Ex dictis constat traditam definitionem esse rectam, egregièque *quid est* contemplationis acquisitæ declarare. Etenim illa est recta diffinitio, quidditativa, quæ naturam diffinitæ ostendit per proprium eius genus, & differentiam, servatque regulas bonæ dif-

diffinitionis: Sic est diffinitio tradita; siquidem per proprium genus, & differentiam contemplationis acquirat eius naturam manifestat, servatque regulas omnes bonæ definitionis: Ergo est bona. Consequentia bona est; & maior patet, minorque constabit cuivis, quæ hæcenus diximus, si consideret.

## §. II. Solvuntur aliquot argumenta.

9. **C**ONTRA omnes particulas datæ diffinitionis non contemnenda argumenta sunt: quorum enodatione quidditas contemplationis activæ clariùs cognoscetur. Igitur arguitur 1. contra illam particulam *intuitus*: Quoniam hæc particula habet rationem generis in definitione contemplationis activæ, per quam convenit cum alijs visionibus, nempe cum externa, & imaginaria: Ergo *ly intuitus* non limitatur ad intuitionem intellectualem. Antecedens constat, & consequentia probatur: quia si limitatur ad solam intuitionem intellectualem; non erit intuitus ille ratio generica ad intuitum externum; & imaginarium.

Si dicas: *ly intuitus* esse de se rationem genericam ad omnes illos intuitus, aut per differentiam constitutivam contemplationis contrahi eius amplitudinem; limitarique, ut solummodò intuitum intellectualem significet. Quod in omnibus alijs diffinitionibus evenire, nemo ambigit.

10. Sed contra, & arguitur 2. habens visiones externas; aut imaginarias, altissimè contemplatur: Ergo intuitus contemplationis non limitatur ad intuitum intellectualem. Antecedens est omninò certum. Quis enim negabit; quòd cum misericors Deus cum anima desponsatur, est hæc in sublimissima contemplatione? Et tamen hæc felix anima habet tunc visionem imaginariam Sacratissimæ humanitatis dulcissimi sponsi sui, ac mundi reparatoris, uti docet expertissima Theresia mans. 7. cap. 2. per hæc verba: *Cum primò Deus hoc favore* (de sponsalitiò

loquitur) *animam honorat, vult ipsæ animæ exhiberi per visionem imaginariam suæ Sacratissimæ humanitatis*. Deinde consequentia videtur notæ: quia si cum visione imaginaria addeff altissima illa contemplatio, signum est; quòd contemplatio non est intuitus solummodò intellectualis.

Respondetur argumento: Primò solutione inter arguendum data, quæ optima est: nec illam debilitat argumentum secundum; cui respondetur; omisso antecedenti; negando consequentiam. Quia aliud est, quòd habens visionem imaginariam v. g. contemplatur, aliud verò, quòd contemplatio sit ipsa visio imaginaria. Contemplatio est actus constitutivus vitæ contemplativæ, sine quo hæc dari nequit. Quæ tamen datur de factò sine illis visionibus; sive externæ sint: sive imaginariæ; aut intellectuales. Ipsa visio v. g. imaginaria, cognitio quidem est, uti constat ex eius diffinitione, quam ex D. Thom. super 1. Isai. cap. afferunt Disceptatio Mystica tract. q. 11. art. 2. & alij: Cæterum alia est cognitio terminata ad corpus, quod exterius videtur; seu ad imaginem, quæ imaginationi repræsentatur; seu etiam ad ipsam veritatem, quæ intellectui proponitur; & aliud est intuitus ipse veritatis Divinæ; cui, sicut; & vitæ contemplativæ, omnino accidentales sunt illi alij intuitus; seu visiones. Istæ infusæ prorsus sunt; quia si nostra industria habentur; iam non sunt favores, sed falacia: Contemplatio autem, de qua modò loquimur, nostra industria acquisita est, sed nec cum contemplatione infusa idem sunt; quia illi etià sunt omnino accidentales: Evenit quippe in his visionibus, quod in alijs favoribus Divinis: quia anima raptum v. g. patiens altissimè contemplatur: raptus autem ipse contemplatio formaliter non est. Sic ergo in casu præsentis.

Per quæ solum manet aliud argumentum, quod contra eandem particulam *intuitus* fieri poterat: scilicet, quòd si contemplatio est intuitus, seu visio intellectualis, spectabit quidem  
ad

ad illam classē visionum intellectuālium, quas mystici ponunt, ut membrum, illudque nobilius, dividens visionem, ut sic; quæ communiter dividitur in illa tria visionum genera, quæ insinuavimus.

Hoc, inquam, solum manet ex dictis, quia contemplatio licet visio sit, non est visio aliqua ex istis tribus, quæ quidem nullatenus constituunt virum contemplativum: sine illis enim visionibus intellectuālibus manet vita contemplativa in sua substantia, & perfectione: unde non potest spectare ad illas visiones intuitus contemplationis, propterea de illo loquimur; Videatur noster Philippus part. 3. tract. 1. ait t. 5. Vbi ait dictas omnes visiones non esse gradus orationis, sed quædam circumstantiæ contemplationis concomitantes, à quibus denodandas esse animas docet Extaticus noster Doctor lib. 2. ascens. cap. 10.

11. Arguitur 3. contra illam particulam *simplex*: Quoniam contemplatio est actus intellectuālis, ut ratio est: ergo non est intuitus *simplex*, sed discursivus. Patet ista: quia intellectus, ut ratio, discursivus est; & antecedens probatur: Quia contemplatio est actus intellectus secundum id, à quo homo dicitur homo: sed homo dicitur homo à ratione, seu discursu, per quem differt ab omni ente, quod homo non est: ergo contemplatio est actus intellectus, ut ratio est.

Confirmatur: quia contemplatio est id, per quod divina cognoscuntur: ergo est intuitus discursivus. Antecedens est certum, & consequentia probatur: Motus discursivus est venire in cognitionem unius ex alterius cognitione: sed ita cognoscuntur à nobis Divina; quia *invisibilia Dei per ea quæ facta sunt intellecta conspiciuntur*, Ex ad Rom. 1: ergo.

Ad argumentum respondet D. Thom. in 3. dist. 35. q. 1. art. 2. quæst. iuc. 2. *Ad primum igitur dicendum, quod homo, in quantum est contemplativus, est aliquid supra hominem, quia in intellectu simplici visione continuatur homo*

*superioribus substantiis, quæ intelligentiæ, vel angeli dicuntur: sicut animalia continuantur hominibus in vi estimativa, quæ est supremum in eis, secundum quam aliqua simile operibus rationis operantur.* Vide argumentum solum: vide vitæ contemplativæ perfectionem: vide contemplativorum felicitatem. Ad confirmationem. Rely. ôc. tibi idem Arg. Dcct hic: *ad secundum dicendum, quod quamvis creaturæ visibiles sint via deveniendi in contemplationem Divinorum; tamen in hac via non consistit principaliter contemplatio, sed in termino via, ut dictum est.*

12. Arguitur 4. Contemplatio est consideratio: sed consideratio, quamvis sit intuitus intellectuālis, non est simplex: ergo contemplatio non est simplex intuitus. Consequentia bona est, & minor, præterquamquod est de se nota, est expresse D. Bernardi adducta à D. Thom. præcitato in argumento 1. *Sed contra*, ubi ait, quod *consideratio ad inquisitionem magis se habet.* Maior autem probatur ex Philosopho 3. de anim. dicente: (ut testatur idem D. Thom. 2. 2. q. 180. art. 3. ad 1.) *Omnis operatio intellectus consideratio dicitur: ergo contemplatio consideratio est.*

Respondetur distinguendo maiorem: est *consideratio*, si *consideratio* sumatur in latissima quadam significatione, concedo: si sumatur in rigorosa, & propria sui significatione, nego maiorem. Ad cuius probationem dicas: Philosophum asserere omnem operationem intellectus dici considerationem, sumpta consideratione, in significatione nimium ampla, & impropria, quatenus per omnem suam operationem considerat, seu advertit intellectus ad id, quod cognoscit: & propterea ipsa meditatio *consideratio* est: cum motus meditationis valde differt à pacifico contemplationis otio. *Consideratio* autem in sui propria significatione inquisitionem veritatis significat, propterea D. Bernard. nos docuit: & hoc modo sumpta *consideratio*, multum à contemplatione distat, quæ est intuitio veritatis iam inventæ.

Contra

13. Contra illam particulam *veritatis* argumenta sunt, sed quæ commodius infra enodabimus, cum de actu, in quo contemplatio consistat, disparemus: unde contra illud complexum *Divinæ veritatis* arguitur: quoniam contemplatio non solum est intuitus veritatis Divinæ, sed aliarum veritatum etiam, quæ Divinæ non sunt: ergo ly *Divinæ veritatis* malè ponitur in definitione contemplationis Divinæ. Consequentia certa est, & antecedens probatur: quia quævis veritas, quæ est perfectiva intellectus, est objectum Divinæ contemplationis: non solum veritas Divina, sed etiam veritates creatæ sunt perfectivæ intellectus: ergo.

Respondetur, quod veritas Divina est objectum primum Divinæ contemplationis, per ordinem ad quam definitur, quin per hoc excludantur veritates creatæ, quæ abs dubio contemplatio Divina attingit: non tamen diffinitur per ordinem ad illas; quia pertinent ad objectum secundarium, attingunturque per ordinem ad Deum, & non aliter à contemplatione, dicente D. Thoma 1. p. q. 1. art. 7. *Omnia pertractantur in sacra doctrina sub ratione Dei, vel quia sunt ipse Deus, vel quia habent ordinem ad Deum, ut ad principium, & finem.* Videantur, quæ fusè diximus tom. 1. disp. 1. per plures quæstiones præsertim quæst. 6.

14. Contra ultimam particulam *nostra industria comparatus* solummodo occurrit, quod si nostra industria compararetur contemplatio, nemo ab eius exercitio excluderetur: quod falsum esse inde constat; quia multi ad hoc sacrum exercitium non admittuntur, ut multoties in superioribus in hoc tomo, & præcedenti dictum est: sicut etiam multoties diximus, quod etiam illi, qui ad contemplationem admittuntur, aliquando contemplari non possunt; tuncque ad meditationem recurrendum illis esse tradidimus: quæ sanè pugnant cum hoc, quod contemplatio industria nostra habeatur: si namque nostra industria haberetur, sem-

per quod voluntas adellet, contempleretur.

Accedit: Quod etiam si nostra industria haberetur contemplatio, semper tamen ad illam habendam requiritur gratiæ auxilium, quod in tradita definitione non explicatur. Unde ex hac etiam parte notat, ut potè diminutè procedens.

Respondetur de hoc argumento actum iam, agendumque à nobis esse: unde in præsentī solummodo dicimus; aliud esse contemplationem nostrā industria comparari, aliud verò pro libito nostro exerceri. Comparatur quidem propria industria, quia quoties contemplationem activam habemus, vires nostras ad illam exercendam applicamus, sine quibus nullatenus haberetur. Non tamen habetur pro habentis libito, ut constat ex ijs, quæ verè in argumento dicuntur. Quæ ideo sic eveniunt, ut ex eo, quod non omnes contemplativi sint, pulchritudo ex illa varietate confurgens habeatur: dum per viam spiritus alij sedentes secus pedes Domini, contemplativi gradiuntur; alij verò sollicita pietate erga plurima occupati regna sydereæ conscendunt.

Insimulque ipsi contemplativi non semper contemplationem exercent. Tum quia qui paulò ante meditabantur, non possunt extemplè meditationem penitus derelinquere, attentæ rerum providentiæ, quam Deus, disponens omnia suaviter, indemnem servare vult. Tum etiam, quia licet contemplatio sit felicitàs, est felicitàs huius vitæ: coque sapere debet vitæ huius condiciones; quò circa non potest in eodem statu invariabili permanere: quare, ut hæ vicissitudines sine animæ dispendio suppleantur, recurrunt vel viri perfectissimi ad meditationem, non valentes tunc temporis contemplari. Ex quo patet aliud esse propria industria contemplari, qui contemplantur; aliud verò, quod pro libito suo contemplantur.

Exemplum: qui Ecclesiam ingreditur propria industria, hoc est, passibus, ac sollicitudine proprijs: sed non

pro suo, sed pro libito januam referantur ingreditur. Quia si clausa est janua, quamquam velit, viresque ad ingrediendum, quod supponimus, habeat, non intrabit. Similiter in nostro casu dicendum est. Quantum est ex parte eorum, quæ requiruntur ad contemplationem, omnes contemplari valent, & sua industria contemplantur; si janua huius gratiæ ipsi referretur: quod non semper evenit, propter dicta. Viresque illas, quas habent ad contemplandum, habere ex auxilio gratiæ, nemo ambigere potest; cum contemplatio actus adeo Divinus sit: immo Divinissimus, ut cam appellat D. Dionysius lib. de Divin. Nominib. cap. 7. §. *præterea*, ubi ait: *Est rursus Divinissima Dei cognitio, &c.* Vnde non debet addi in definitione contemplationis, quod sit ex auxilio gratiæ, nisi à volentibus tot verba in definitionibus, quot possunt contra illas argumenta fieri. Præterquamquod ex illa voce *Divinæ* in data definitione posita, satis constat, ad contemplationem activam opus esse gratia.

### §. III. Proponitur definitio contemplationis infusæ.

15. Sicut Mystici D. D. varias definitiones pro contemplatione acquisita assignant; sic etiam diversas addunt pro contemplatione infusa iam sub nomine contemplationis, iam sub Theologiæ Mysticæ nomine de illa agentes. Illos imitati sumus in præcedentibus diversimodè hanc contemplationem declarantes. Modò autem, quia definitionem, quæ magis placeat, regulisque Scholasticis, quas ex munere sequimur, aptior sit, tempus est, ut statuamus, sic contemplationem infusam definimus: *Est simplex intuitus Divinæ veritatis à principio supernaturali procedens.* Ita noster Philippus contemplationem hanc definit part. 2. tract. 3. discurs. 1. art. 1. quam ipsam definitionem cum ipso Authore tradidimus tom. 1. lib. 4. num. 27.

16. Bonitas huius definitionis breviter ostenditur: & in primis illa

verba *simplex intuitus veritatis Divinæ* statim constant ex dictis duobus §§. præcedentibus, ubi sermo fuit de contemplatione activa, cum qua in illis convenit infusa, quæ etiam est simplex intuitus veritatis Divinæ. Vnde quicquid pro eorum expensione, ac defensione ibi dicta relinquimus, hic pro infusa contemplatione dicta intelligenda sunt.

17. Dissert tamen contemplatio infusa ab activa per clausulam subsequentem, scilicet, *à principio supernaturali procedens.* Quippe contemplatio infusa petit principium supernaturale, non qualitercumque, sed formaliter, & immediatè influens; Quod sic probatur: Etenim actus contemplationis infusæ est intrinsecè, & entitativè supernaturalis, ut postea differemus: ergo principium illam eliciens supernaturale est. Patet ista: Quia principium, quod intrinsecè supernaturale non sit, non potest elicere actum intrinsecè supernaturalem.

18. Confirmatur; Contemplatio passiva est actus per se infusus: ergo eius principium per se infusum est. Ergo est intrinsecè supernaturale. Hæc secunda consequentia constat ex prima; quia vel supernaturale, & infusum coincidunt, juxta à nobis dicta cum nostris Salmanticensibus, tom. 1. disp. 1. num. 191. vel, si non coincidunt, prius est, quod principium sit supernaturale, quam quod infusum sit. Vnde licet, juxta hunc dicendi modum non valeat *est supernaturale: ergo & infusum*; è contra autem bene valet. Prima verò consequentia ex antecedenti nota est: nec aliter haberet actus infusus, vnde infusus diceretur, si eius elicivum principium non esset per se infusum. Vide quæ tradidimus loco citato à n. 199. usque ad 203. Quamobrem per hoc, quod contemplatio infusa à principio supernaturali sit, in suo esse constituitur, & ab activa contemplatione discriminatur.

19. Dices: Quod contemplatio passiva sit à principio supernaturali; non potest esse ratio distinctiva ipsius à

con-



contemplatione acquisita: ergo in definitione contemplationis infusæ poni debet distinctivum ipsius ab acquisita contemplatione. Probatur antecedens: quia principium elicativum contemplationis infusæ est eius causa efficiens: sed causa efficiens contemplationem non potest esse principium distinctivum eiusdem contemplationis: ergo. Probatur minor; quia causa efficiens, & etiam ordo ad ipsam est quid omnino extrinsecum relatè ad contemplationis actum; sicut generaliter extrinsecus est ordo, quem quilibet actus dicit ad suam causam efficientem: unde videmus, eundem hominem produci ab homine, & posse creari à Deo; eundem ignem ab igne, & à Sole generari posse, & sic de alijs: sed ratio distinctiva contemplationis infusæ debet esse ei intrinseca: ergo causa efficiens, nec ordo illam possunt contemplationem infusam fecernere ab acquisita.

20. Respondetur cum nostris Salmant. in arbore virtutum num. 8. quorum verba dedimus tom. 1. disp. 1. num. 214. & cum Magistro Ioanne à S. Thoma 1. 2. quæst. 68. disp. 18. nu. 9. Principium elicativum contemplationis infusæ non esse purè efficiens, sed habere etiam rationem regulantis, & mensurantis. Et principium effectivum habens rationem regulæ, ac mensuræ est ratio distinctiva actus, quem producit: unde cum dicitur, quod contemplationis infusæ actus procedit à principio supernaturali, intelligitur principium regulans, & mensurans ipsum actum: hoc est, principium procedens supra mensuram rationis, & contemplationem ex speciali instinctu Spiritus Sancti eliciens. Quapropter discrimen inter utramque contemplationem planè constat ex earum definitionibus, prout à Doctoribus traditis, & acceptis: quandoquidem contemplatio acti-

ASPIRITU SANCTO.

va est secundum regulas rationes, atque adeò non ex speciali instinctu Spiritus Sancti; sed ex communibus gratiæ auxilijs nostra industria comparatur, & hoc est, quod eius distinctio manifestat. At contemplatio infusa procedit ex motione speciali Spiritus Sancti; ideoque supra regulas rationis, quod explicatur in eius definitione, per hoc, quod dicitur: à principio supernaturali procedens. Ex hoc ergo mensurante, ac regulante suam speciem habet dicta contemplatio; quippe respectus ad suam regulam, & mensuram non est actui mensurato extrinsecus, sed intraneus, & essentialis. Per quod patet ad exempla in contrarium adducta. Ignis enim v. g. & Sol ignem generantes, vel Deus illum producens, non habent rationem regulantis, ac mensurantis relatè ad ignem productum. Unde nil mirum, quod ordo ille extrinsecus sit, & quod non possit ignis productus speciem ab illo habere.

21. Præter dicta, quæ ab dubio objectionem solvunt, poteris, si placuerit, respondere juxta ea, quæ diximus tom. antecedenti disp. 1. q. 4. à n. 68. Per quæ penitus dissolvitur illa obiectio, circa quod non semel in subsequentibus locuturi sumus; eoque nihil addimus modo.

22. Ex dictis in hac questione colliges; traditas definitiones esse essentielles. Quod inde patet: quia tales definitiones declarant naturam suorum definitorum per ipsorum proprium genus, & differentiam: quiaque definitio sic procedens essentialis est; propterea definitiones illæ sunt essentielles. Nec contra hoc est aliquod argumentum, quod non valeat sine difficultate solvi, tum ex dictis, tum etiam, ex regulis, quas pro definitionibus accidentium tradunt communiter Doctores.



## QVÆSTIO SECVNDA.

*Vtrum divisio contemplationis Divinæ essentialis,  
& adæquata sit?*

**C**elebrem divisionem contemplationis in acquisitam, & infusam, seu, quod idem prorsus est, in activam, & passivam, tradunt passim DD. Mystici: nec parum ad eorum naturam dignoscendam conducere judicamus, si, quæ titulus repræsentat, disputemus.

**§. I. Duplex assertio pro veritate  
stabilienda.**

**23. P**rima conclusio: *Divisio Divinæ contemplationis in acquisitam, & infusam essentialis est.* Sic supponunt Mystici omnes ex D. Thom. in 3. dist. 34. q. 1. art. 2. de quo inter alios videri potest noster Philippus p. 2. suæ Theologiæ Mysticæ tract. 1. art. 2. Probaturque conclusio sic: Contemplatio acquisita, infusaque, licet conveniant in ratione contemplationis, quam propriè participant; differunt prorsus in rationibus contrahentibus generalem contemplationis conceptum: ergo essentialis est divisio contemplationis in acquisitam, & infusam. Consequentia patet, & antecedens probatur; quia differentia propria contemplationis acquisitæ est quòd sit *nostra industria comparata*; differentia verò contemplationis infusæ est, quòd à nobis non comparatur, sed à Deo nobis infundatur: At istæ duæ rationes sunt: inter se omnino differentes, vt de se patet: ergo licet conveniant in conceptu illo universalis contemplationis, differunt tamen secundum rationes illam contrahentes.

**24.** Confirmatur: ratio constitutiva contemplationis acquisitæ repugnat ab intrinseco contemplationi infusæ, & è contra: ergo diversæ ab intrinseco sunt tales contemplationes. Probatur antecedens sic: Quòd contem-

platio infusa sit nostra industria comparata, ab intrinseco repugnat contemplationi infusæ; sicut & quòd non sit nostra industria comparata repugnat contemplationi acquisitæ: sed ratio constitutiva contemplationis acquisitæ est, quòd nostra industria comparetur, & ratio constitutiva contemplationis infusæ est, quòd non comparetur nostra industria, vt patet ex eorum definitionibus essentialibus, quas dedimus quæstione antecedenti: ergo tenet antecedens, quod iterum

**25.** Probatur sic: Procedere juxta regulas rationis repugnat contemplationi infusæ, & procedere supra illas repugnat contemplationi acquisitæ: sed hæ sunt rationes constitutivæ harum contemplationum: Ergo verum est illud antecedens. Quod denique sic probatur: Procedere ex communi auxilio gratiæ repugnat contemplationi infusæ, sicut & procedere ex speciali instinctu Spiritus Sancti repugnat contemplationi acquisitæ: sed hæ sunt harum contemplationum rationes constitutivæ, vt modò supponimus: Ergo ratio constitutiva contemplationis acquisitæ repugnat contemplationi infusæ, & è contra.

**26.** Secunda conclusio: *Divisio contemplationis in acquisitam, & infusam est adæquata.* Sic etiam sentiunt omnes Mystici communiter: Probatur ergo assertio hoc vnicò discursu: Etenim divisum in hac divisione est contemplatio Evangelica: sed Evangelica contemplatio adæquatè dividitur in acquisitam, & infusam: ergo divisio contemplationis in acquisitam, & infusam est adæquata. Probatur minor: quia contemplatio Evangelica non potest aliter procedere, nisi vel secundum regulam, & mensuram rationis, aut supra ratio-

nis

nis regulas : sed prima est contemplatio acquisita, secunda verò infusa : ergo contemplatio Evangelica adæquatè dividitur in acquisitam, & infusam.

27. Confirmatur, seu potius aperitur vis rationis factæ. Etenim si illa divisio non foret adæquata, esset vel quia daretur aliqua cōtemplatio Evangelica, quæ non procederet juxta regulas rationis, nec supra illas ; vel quia sic procedens potest constituere diversum dividens à contemplatione infusa, & acquisita ; nec aliter potest intelligi in adæquatio huius divisionis : consequens est falsum : Ergo, &c. Probatur minor pro prima parte ; quia procedere juxta regulas rationis, est procedere modo proprio ipsius contemplantis secundum omnium intelligentiam ; juxta quam etiam procedere juxta regulas rationis, est procedere juxta modum non proprium, ac connaturalem contemplantis : sed non est alius modus, quo contemplatio Evangelica procedat, nisi vel juxta modum proprium, & connaturalem contemplantis, aut juxta modum non proprium, & connaturalem ipsius : ergo.

Pro 2. parte probatur etiam ipsa minor ; quia supposito, quòd contemplatio vno ex dictis modis procedat, iam pertinet ad vnum ex illis duobus dividendis ; atque adeo licet possit sub aliqua consideratione atoma ab alijs discriminari, semper tamen est vel acquisita, vel infusa juxta modum, quo procedit. Vnde nunquam poterit assignari Evangelica contemplatio, quæ non spectet ad aliquod ex assignatis extremis : eòque tradita divisio adæquata est.

### §. II. Respondetur argumentis contra utramque conclusionem.

28. **C**ONTRA 1. conclusionem, in qua ostendimus, contemplationem activam, passivamque esse ad invicem oppositas. Arguitur 1. Eo modo dividitur contemplatio in acquisitam, & infusam, sicut virtus moralis

ad contemplationem disponens dividitur in politicam, purgatoriam, & purgati animi : sed hæc divisio virtutis moralis non fit per differentias oppositas, seu quod idem est, quæ faciant dividendia essentialiter inter se differre : ergo divisio contemplationis in acquisitam, & infusam non est per differentias oppositas, sed eiusdem entitatis in diversos modos. Minor patet ex ijs, quæ diximus tom. 1. lib. 1. num. 150, & 151. Maior autem probatur ; nam idem iudicium ferendum est de contemplatione, ac virtutibus ad ipsam disponentibus : sed virtutes morales disponunt ad contemplationem ex D. Thom. 2. 2. quæst. 180. art. 2. ergo.

29. Confirmatur : quia contemplatio, qua homo se tradit Deo quantum potest, est contemplatio omnium perfectior, atque adeo est infusa : sed contemplatio hæc non differt essentialiter ab acquisita : Ergo inter has contemplationes non adest differentia essentialis. Maior videtur nota ; quia si alia perfectior contemplatio daretur, iam in illa minùs perfecta non se traderet homo Deo quantum potest. Et minor probatur : Illa contemplatio est propria Proficientium : ergo est acquisita. Patet ista ; quia, vt in pluribus locis diximus, contemplatio acquisita est exercitium Proficientium. Antecedens autem probatur ; quia virtus spectans ad Proficientes, cuique eorum contemplatio associatur, est virtus purgatoria, sicut politica pertinet ad incipientes, & purgati animi ad Perfectos : sed virtus purgatoria ea est, in qua homo se tradit ad Divina quantum potest ex D. Thom. 1. 2. quæst. 61. art. 5. in corpore : ergo dicta contemplatio est propria Proficientium.

30. Respondetur argumento negando maiorem. Vt enim ex Caetano diximus num. 151. citato, divisio illa non est virtutis secundum essentiam, sed secundum statum, & actus perfectionis : divisio autem contemplationis non est secundum perfectionem actus, immo nec potest ; quia sunt species diversæ, quæ non dividuntur penes statum, aut

actus perfectionem, sed secundum specificas differentias. Quod si paritas inter nostras contemplationes, & illas virtutes servari debet in earum divisione, dic: quod si ratio virtutis communis ad politicas, purgatorias, & purgati animi, inter quas sunt alia acquisita, infusa alia, dividatur in virtutem acquisitam, & infusam; tunc virtutes infusæ, quæ in illa divisione inveniuntur, differunt essentialiter ab acquisitis: si autem divisio sit eiusdem virtutis in seipsam, secundum quod politica, purgatoria, aut purgati animi est, qualiter eam dividit D. Thom. loco citato in argumento, tunc divisio est accidentalis, seu secundum diversos gradus, seu status. Quod idem in nostris contemplationibus invenitur: siquidem dum contemplatio Evangelica dividitur in acquisitam, & infusam, divisio est essentialis, ut probavimus: alii si eadem contemplatio, sive acquisita, sive infusa dividitur secundum statum, seu graduum differentiam, quos unaquæque habet, divisio accidentalis est. Sed de hac in præsentem non loquimur; quia non comparamus eandem entitatem contemplationis cum diversis gradibus, sibi convenientibus; sed loquimur de duabus speciebus contemplationis, ex quibus una acquisita est, infusa alia.

31. Ad confirmationem responderetur, quod hoc, quod est hominem se trahere Divinis, seu se ad Divina tradere quantum potest, stat dupliciter. Primum quidem, ut sit quantum propria industria potest. Secundum ex instinctu speciali Spiritus Sancti: Primum facit homo media virtute purgatoria, & contemplatione acquisita. Secundum autem facit media virtute purgati animi, ac contemplatione infusa: si autem hominem se trahere ad Divina quantum potest, intelligatur secundo modo, vera est maior, sed falsa minor: Si vero intelligatur primo modo, minor est vera, sed maior falsa. Vnde nihil contra nos sequitur.

32. Arguitur 2: Eo modo differt contemplatio acquisita ab infusa, sicut virtus communiter dicta differt ab he-

roica: sed inter virtutem communiter dictam, heroicamque non datur diversitas specifica: ergo nec inter dictas contemplationes. Minor patet ex ijs; quæ diximus tom. 1. disp. 1. num. 213. & 214. Maior autem probatur: eo illæ virtutes accidentaliter differunt, quia habent idem objectum formale, licet cum maiori perfectione attractum ab heroica, quam ab alia: Sed contemplatio acquisita habet idem objectum formale, ac infusa immo eandem rationem *sub qua*, ut fufè dictum à nobis est loco citato tota quaest. 5: ergo non differunt essentialiter.

33. Confirmatur: Quia hæ duæ contemplationes eisdem effectus habent, cum sola illa differentia maioris vel minoris eorum perfectionis: ergo non datur inter illas differentia essentialis. Patet ista; quia si essentialiter differrent, neutiquam eisdem effectus habere possent. Et antecedens probatur: quia utraque animam à terrenis separatur, & deoque coniungit: utraque eandem Divinas veritates intuetur; & in eodem medio, siquidem utraque intuetur divinas illas veritates in creaturis, ac in sacris litteris, quæ omnia apud Mystas communia sunt: ergo.

34. Confirmatur 2. Meditatio, quam exercent incipientes, non differt essentialiter à meditatione Proficientium, & Perfectorum, sed solum penes maiorem status perfectionem: ergo similiter de dictis contemplationibus. Probatur consequentia: Eo enim illæ meditationes non differunt, quia earum objectum est idem: ergo cum, ut dictum est, idem sit objectum utriusque contemplationis: eadem indistinctio essentialis verificari debet.

35. Respondetur argumento: Virtutem heroicam pefse sumi dupliciter. Primum provt est idem cum virtute, quæ divina dicitur, estque infusa. Secundum, provt dicit virtutem excellentissimam, sed intra lineam virtutis acquisitæ. Vtrumque docuit D. Them. primum 1. 2. q. 34. art. 3. in fin. corp. ubi ait: *Virtus humana, quæ disponit ad actum convenientem naturæ huma-*

*ne, distinguitur à divina virtute, vel heroica, quæ disponit ad actum convenientem cuidam superiori naturæ. Quæ distinctio est specifica, quia ibi Angelicus Doctor intelligit per virtutē heroicam, virtutem infusam, ac per virtutem humanam acquisitam, vti docent nostri Salmant. tract. 12. in animadversionib. ad art. 5. 1. 2. q. 6. vbi n. 6. dicunt. Ad 2. ex D. Thom. respondetur, per virtutem humanam intelligiisse acquisitam, per heroicam verò infusam, vti constat ex contextu, & ideo distinxit eas essentialiter.*

Docuit etiam idem Ang. Doct. secundum 3. p. q. 7. art. 2. ad 2. vbi ait: *Habitus heroicus, vel divinus non differt à virtute communiter dicta, nisi secundum perfectiorem modum.* Hacque ipsa acceptione sumptus virtutem heroicam loco adducto in argumento. Ex quibus ad argumentum dicimus; quod si virtus heroica sumitur primo modo vera est maior, sed minor falsa est. Si autem secundo modo accipiat, neganda est maior; ad cuius probationem dic, quod illæ virtutes modo dicto sumptæ non differunt accidentaliter, sed essentialiter, quæ diversitas, ultra alia, provenit ab objectis formaliter diversis. Qualiter differre objectum contemplationis acquisitæ ab objecto contemplationis infusæ, nulli dubium esse potest: cum ex motione ad eam diversa procedant, nedom in esse motionis, & efficientis; verum etiam in esse principij regulantis juxta dicta num. 20. cum nostris Salmanticensibus adductis tom. 1. disp. 1. q. 8. numeris in argumento citatis; & quæ ibi dicta sunt, videri debent, nè eadem repetamus. Reducunt tamen ad hoc, quod virtus heroica secundo modo ex duobus dictis sumpta (qualiter de illa tunc loquebamur, estque propria frequens illius consideratio) tantum materialiter differt à virtute communiter dicta; quia non petit procedere ex altiori motione regulativa, quam sit illa, ex qua virtus communiter dicta procedit. Principium autem elicivum contemplationis infusæ petit procedere ex illa

sublimi motione. Vnde non solum differt à virtute communiter dicta, sed etiam à virtute heroica. Quibus ad argumentum factum patet solutio.

36. Dices: Intra ambitum cuiuslibet virtutis sive moralis, sive Theologicæ dantur opera adeò extraordinaria, vt non possint fieri sine speciali motione Spiritus Sancti; & tamen ista opera sunt ab ipsis virtutibus procedentibus juxta mensuram rationis; ergo, quod contemplatio infusa non sit, nili ex speciali instinctu Spiritus Sancti, non arguit principium elicivum ipsius fore entitative diversum à principio contemplationis acquisitæ; ergo hæc tantum differunt, vt actus magis, vel minus perfectus eiusdem virtutis. Maiorem authores probare solent diversis Sanctorum exemplis: Nos autem vnico probamus, in quo omnium virtutum Sacerdotalis chorus emicuit. Illud nobis dedit SS. Mater nostra Theresia, quæ pene mundo nata, & iam ad stupenda proclivis, in Africam properabat, vt vitam nuper sibi donatam creditori suo proprio cruore tinctam redonaret. In quo Spiritus Sancti motione Sanctissimam puellulam ductam, neminem suspicor negaturum. Et tamen extraordinarium hoc opus virtutibus iam tunc in cælo cælestis illius animæ fulgurantibus, adscribitur.

Respondetur: hanc objectionem, pluresque alias, quæ hic fieri possunt, sine fructu laborare. Quia illa egregia opera sunt quidem ex speciali motione Spiritus Sancti. Ast motio illa duplex est. Prima est specialis specialitate modi; secunda autē est specialis specialitate rei: liceat his terminis vti, vt rem penitus aperiamus. Motio specialis specialitate modi est, quæ licet extraordinaria sit, & valde sublimis intra lineam virtutis juxta modum humanum procedentis, hunc tamen modum non transcendit. Motio specialis specialitate rei est, quæ modum humanum operandi superat, & altiori mensura regulatur. Nunc ergo dicimus, quod SS. Theresia in illo mirabili exemplo, & quotquot sic mirè operantur, motio-

ne utique speciali ducuntur. An autem hæc motio sit specialis specialitate modi? An autem sit specialis specialitate rei? Tux discussioni relinquimus. Quodcumque enim asseras, nostram resolutionem non impugnas.

37. Nec omitendum duximus Seraphicam Theresiam in casu adducto ex motione specialissima donorum Spiritus Sancti, quæ superat omnes rationis regulas, processisse; sicque mirandum illud opus patrasse. Dicta enim dona virtutes Theologicas illustrarunt, Fidem donum intellectus, & scientiæ, Speciem donum timoris, & donum sapientiæ Charitatem. Aliaque dona virtutes morales sibi correspondentes elevavere ad opus tam irregulare per puellam pene non adhuc ratiocinantem, aggrediendum. Si autem idem dici debet de S. Apollonia se in rogam iaculantis, ac de Jansone in asini maxilla mille viros aggredientis: iam tux diffinitioni relictum à nobis est.

38. Ad 1. confirmationem respondetur: contemplationem activam, passivamque in pluribus convenire; in pluribus tamen differre, quæ sine speciali discrimine inter ipsas verificari non possent. Differunt quidem primò ex parte moventis, ut hætenus ostensum est. Differunt 2. ex parte principij quia principium formale elicitivum contemplationis infusæ, est donum Spiritus Sancti, aut superius aliud, vel etiam ipsum lumen gloriæ; quod contemplationi acquisitæ convenire non potest. Differunt 3. ex parte specierum ad ipsas deservientium; quia species deservientes contemplationi acquisitæ non solum sunt naturales quoad entitatem, sed etiam quoad modum; siquidem sunt propria industria à phantasmatibus abstractæ, & modo connaturali ad contemplandum applicatæ. Ast contemplatio infusæ utitur speciebus supernaturalibus, vel in entitate, vel in modo: sive quia præexistentes modo supernaturali ordinantur, sive quia de novo specialiter infunduntur. De quo infra in hoc ipso prædicabili agendum est.

Differunt 4. in modo attingendi suum objectum, quia contemplatio infusæ multò clariùs, perfectiùsque cognoscit, quàm acquisitæ; propterea quæ hæc solet à Sanctis dici speculationis illa verò absolutè dicitur contemplatio. ut facit D. Bonavent. de sept. itin. atern. itin. 3. dist. 3. ubi ait: *Quævis contemplatio, & speculatio pro invicem soleant poni, & in hoc sepe scriptura sententiæ proprietatem obnubilant, & involvant: apertius tamen, & expressius speculationem dicimus, quando per speculum cernimus; contemplationem verò quando veritatem sine aliquo involucrio, umbrarumque velamine in sui puritate videmus.* Et est idem, quod nos docuit D. Thom. in 3. dist. 34. quæst. 1. art. 2. dicens: *In his autem, quæ super rationem sunt, perficitur fides, quæ est in speculo divinarum in speculo, & in enigmate.* Quod autem spiritualia quasi nuda veritate capiantur, supra humanum modum est, & hoc facit donum intellectus, qui de auditis per fidem mentem illustrat. Quiaque contemplatio acquisitæ semper per ænigmata procedit in speculo suum objectum attingendo, propterea speculationi dici solet. Quod infusæ contemplationi convenire nullatenus valet, quia nuda veritate cœlestia contemplatur; eoque semper contemplatio dicitur. De quo videri debet Hugo de S. Victore homil. 1. in Ecclesiastem propriissimè, ac profundissimè de hoc discrimine inter utramque contemplationem agens. In alijs pluribus differunt dictæ contemplationes, quæ videri apud Mysticos possunt; dicta enim sufficiunt, ut esse distinctas essentialiter, convincatur; quamquam in aliquibus convenire demonstratur.

39. Ad 2. confirmationem respondetur, quòd si daretur meditatio acquisita, & infusæ, utique essentialiter diversas assereremus, sicut de dictis contemplationibus dicimus. Nullus tamen meditationem infusam meditatus est, nec potest; quia meditatio est actus veritatem inquirens. Vnde quantumvis perfectæ sit, debet esse actus procedens juxta modum meditante

eoque infusus esse non potest. Nec illud de objecto aliquid probat, vt patet ex dictis: quia si daretur meditatio infusa, licet acquisita idem objectum attingeret, non possent non differre essentialiter, propter diversitatem motionis regulantis, diversamque moralitatem refundentis.

40. Contra 2. conclusionem arguitur 1. ex Richard. Victor. lib. 5. cap. 2: vbi contemplationem Evangelicam triplicem esse clarissimè docet. Prima, quæ surgit ex nostra industria, & hæc est acquisita. Alia, quæ est ex sola gratia divina, & hæc est infusa. Tertia verò, quæ de illis duabus participat, & nec acquisita potest dici, nec infusa. Verba igitur Richard. subijcio: *Hos igitur contemplationis modos experiuntur, qui usque ad summam eiusmodi gratiæ arcem sublimari merentur. Primus surgit ex industria humana: tertius ex sola gratia divina: medius autem ex utriusque permissione, humanæ videlicet industriæ, & gratiæ divinæ.*

Respondetur: nunquam Richard. aliam contemplationem essentialiter diversam ab acquisita, & infusa cognovisse. Siquidem cap. 1. præcedenti dixerat, nos in contemplatione proficere *aliquando ex sola gratia, aliquando ex adjuncta industria.* Vbi solùm duo illa contemplationum genera dari, cognoscit: quod explicat exemplo Moyles, & Beseleel, quorum primus arcam in monte, & nube sine ullo industriæ labore, ex sola Domini revelatione vidit. Secundus autem ipsam arcam proprio labore formavit. *In morem, ait, Moyse arcam Domini sine aliqua humana industria videmus, cum ex sola Domini revelatione radium contemplationis accipimus, sed tunc quasi juxta Beseleel exemplum in idipsum, ex proprio opere proficimus, cum in eandem gratiam nostro studio, & labore, arcam comparamus.*

Ad argumentum autem dicimus cum nostro Philippo part. 2. Theolog. Mystic. tract. 7. art. 2. ibi nullam mentionem à Richardo fieri contemplationis, quæ vel activa, vel passiva non sit,

Contemplationem activam in illo primo gradu collocat. Contemplationem autem infusam in alijs duobus comprehendit. In primo gradu continetur contemplatio activa, quia hæc, vt supra definivimus, *nostra industria comparatur*; quod idem est, ac illam quærere proprio studio, & ipso repertam exercere cum adiutorio divinæ gratiæ. Sub alio duplici gradu comprehenditur contemplatio infusa; cuius duplex, quoad præsens, gradus est. Primus perfectissimus, qui dicitur *Theologia Mystica*, quam qui exercet, verè agit, sed adeò subtiliter, & arcanè, vt non agens, sed patiens divina dicitur à D. Dionysio. Secundus gradus, quamquàm infusus sit, ita illum exercens agit, vt eius operatio, gratiæque cooperatio de facili cognoscatur; proptereaque videtur procedere ex propria industria, & ex hac parte convenit cum contemplatione activa: eoque dicitur hæc contemplatio mediare inter activam, & passivam perfectissimam illam contemplationem, cum re vera infusa sit, ac distincta essentialiter ab acquisita. Vide citatum nostrum Philippum.

41. Arguitur 2. Quia vel contemplatio acquisita est entitativè naturalis, vel supernaturalis; quicquid dicatur, arguit datam divisionem non esse adæquatam: ergo non est bona. Probatur minor pro secunda parte: quia si contemplatio acquisita, quam concedimus, est supernaturalis, remanet exclusa ab hac divisione contemplatio naturalis, quam dari, negari non potest, siquidem nullum fundamentum adest, vt mens humana præsupposito lumine fidei, Deum virtuosè non contempletur. Si autem contemplatio, quam dicimus dividere contemplationem contra infusam, est naturalis, remanet contemplatio supernaturalis, in quam fidè influere docent communiter Mystici; atque adeò non recensentur omnia, quæ dividunt contemplationem; unde divisio adæquata non est.

Hoc argumentum provocat nos ad certamen, quod sapissimè recusavimus usque ad tempus statutum: ideo-  
licet

licet usque ad illud, in quo de principijs contemplationis agamus. Vnde in præfenti dicimus; quod divisio nostra comprehendit omnem Evangelicam contemplationem acquisitam ex vna parte, & ex alia omnem contemplationem infusam. Vnde cum ex parte primi dividētis ponamus illam contemplationem Evangelicam, quæ modo humano habetur, & ex parte secundi dividētis omnem contemplationem infusam, quæ eo ipso fit supra modum humanum: fit consequens, quod si con-

templatio fit supra modum humanum; etiam si sit ipsa visio beatifica, comprehensa est sub secundo dividente. Si autem contemplatio Evangelica fit iuxta humanum modum, quæcumque illa sit, sive naturalis, sive supernaturalis asseratur, comprehenditur sub primo dividente: quamquam alias contemplationes ipsæ acquisitæ inter se distinctæ essentialiter sint: sicut etiam beatifica visio diversa est essentialiter ab alijs contemplationibus infusis fide regulatis. Ac de his pro nunc nihil amplius.

## QUÆSTIO TERTIA.

### *Utrum Divina contemplatio sit vera actio de prædicatione actionis?*

**S**icut in duabus quæstionibus præcedentibus naturam divinæ contemplationis acquisitæ, & infusæ ex earum diffinitione, ac divisione venari conatus sumus; sic modò earundem contemplationum quidditatem percipere optamus, illas in se ipsis considerantes. Quæque divinus iste actus Evangelicæ contemplationis, uti ex hucusque dictis constat, duo sibi essentialia habet; primum, in quo convenit cum contemplatione Philosophica. Secundum verò, in quo ab illa scernitur: optimè credimus naturam contemplationis disquiri, dum quidditas illius, quod ipsi genus est, & etiam illius, quod rationem differentie habet, disputatur. Primum facimus in hac quæstione, ubi de eo, quod omni contemplationi convenit, loquimur: de eo quod proprium est contemplationis Evangelicæ acquisitæ; & infusæ postmodum locuturi. Forsam præsentem quæstionem impropriad huic nostro operi Mystico iudicabis; cum adeò Scholastica sit, imò & Metaphysica, seu Philosophica; qua propter de illa agunt, ut sibi propria, tum Theologi Scholastici, tum Metaphysici, tum Philosophi; ergo Mystico Theologo impropria est præsens controversia. Ref-

pondeo tamen: quod si omnibus illis licet hanc difficultatem versare: quia unusquisque habet aliquid, per quod ad suum institutum asserat spectare; similiter, & nos dicimus: quia plura habet difficultas hæc, per quæ nostri Mystici instituti propria sit. Agit de illa Philosophus; quia sui muneris est de anima, de eius potentijs, ac de earum actibus tractare. Agit Metaphysicus; quia in omne ens, veluti in proprium centrum dirigit mentem suam. Agit Scholasticus, quia suum est, de speciali quadam contemplatione, scilicet visione beatifica, disputare: ergo similiter agit Mysticus, cuius absdubio est de anima rationali, de sensibus externis, & internis, ac de animæ potentijs, harumque viribus, & actibus agere, uti faciunt, nosque cum ipsis fecimus in Isaagoge lib. 1. per plures lectiones. Agat Mysticus, cuius, potiùs quàm Metaphysici, est agere de omni ente, ut vidimus tom. 1. disp. 1. q. 6. Agat denique Mysticus, qui non solum agit de contemplatione illa felicissima, quæ Deum intuitivè contemplatur, sed etiam de omni illa contemplatione, quæ in visione contemplationis Evangelicæ quæstione præcedenti statuta, continetur.

Hæc licet gravia sint non adò  
vrge;



vrgerent, vt præsentem controverſiam attingerem, niſi hoc factum vidiffem à Myſticis celeberrimis. Noſter Philip-  
pus à SS. Trinitate in ſua Myſtica Theo-  
logia diſcurſu præcæmiali. *vnde ad fun-  
damentum* de hac difficultate agit. Si-  
militer Noſter Antonius à Spiritu S. in  
ſuo Myſtic. direct. tract. 1. diſp. 1. ſect. 3.  
n. 43. hoc idem facit. Si dicas: eos Au-  
thores de hoc agere, vt cuidam obje-  
ctioni respondeant, non autem diſpu-  
tando. Reſpondeo, quòd ſi ſolummo-  
dò diſputarem, quæ à Myſticis DD.  
diſputantur, nil penitus diſputarem.  
Vide, quæ diximus in Prolegom. à nu.  
58. Habemus ergo propriam noſtri  
muneris eſſe præſentem controver-  
ſiam, ad cuius reſolutionem acceda-  
mus oportet.

**§. I. Tituli breviffima explicatio,  
& duplex poſt eam ſtabili-  
tur conclusio.**

**43.** IN quaſtionis titulo duo inqui-  
rimus. Primum eſt, an con-  
templatio ſit vera actio? An verò ſolùm  
grammaticaliter actio, ſeu operatio  
dicatur? Secundum eſt, an ſit actio de  
prædicamento actionis? Et cùm apud  
omnes in conſeſſo ſit, contemplationem  
directè ſpectare, vel ad prædica-  
mentum actionis, ſed ad prædicamen-  
tum qualitatis; idem omnino eſt dice-  
re, contemplationem non pertinere ad  
prædicamentum, v. g. qualitatis, ac  
aſſerere ipſam ad actionis prædicamen-  
tum ſpectare, & e contra. Quin opus  
habeamus diverſas pro hoc conclusio-  
nes ponere. Eſt enim idem, quod ad  
vnum ex illis duobus prædicamentis  
non pertineat, ac quòd in alio collo-  
cetur.

**44.** Prima conclusio: *Divina con-  
templatio acquiſita, & infuſa eſt verè,  
ac propriè actio, ſeu operatio.* Aſſertio  
hæc eſt D. Thom. ac inter Theologos,  
& Philoſophos communiffima. Proba-  
tur 1. autoritate D. Thom. *de verit.*  
q. 8. art. 6. dicentis: *Dicendum, quòd  
duplex eſt actio: una, quæ procedit ab  
A SPIRITU SANCTO,*

*agente in rem exteriorẽ, quam trans-  
mutat, & hæc eſt ſicut illuminare: alia  
verò actio eſt, quæ non procedit in rem  
exteriorẽ, ſed ſtat in ipſo agente, vt  
perſectio ipſius, & propriè dicitur ope-  
ratio; & hæc eſt, ſicut lucere. Actio  
autem appetitus, & ſenſus, & intelle-  
ctus non eſt ſicut actio progrediens in ma-  
teriam exteriorẽ, ſed ſicut actio con-  
ſiſtens in ipſo agente, vt perſectio eius.*  
Vbi Anglicus Doctõr celebrem illam  
diviſionem actionis in immanentem &  
tranſcendentem memorat, & de vtraque  
aſſcrit, eſſe veram, & rigorofam actio-  
nem. Vnde cùm contemplatio noſtra  
actio immanens ſit, vera actio eſt, &  
non ſolùm grammaticaliter.

**45.** Dices 1. D. Thom. in allato  
teſtimonio docet, contemplationem,  
ſeu actionem immanentem dici pro-  
priè operationem: Ergo non eſt pro-  
priè actio. *Secundò* dices: Angelic. Doct.  
ait, quod contemplatio eſt actio *ſicut  
lucere*: ſed *lucere* tantùm grammatica-  
liter actio eſt; ergo & contemplatio.

Hæc ab aliquibus obijciuntur  
ſatis in conſequenter; quia D. Thom.  
docet, quòd actio immanens *propriè  
dicitur operatio*, & immediatè ſubjun-  
git, *& hæc eſt ſicut lucere.* Modò inter-  
rogo: *lucere* eſt propriè operatio? Mi-  
nimè: ergo ſtat, quòd contemplatio ſit  
ſecundùm D. Thom. *propriè operatio*,  
cùm illo exemplo, quo vitur: *ſicut  
lucere*: ergo ſimiliter ex illo exemplo  
non habetur cõtemplationem non eſſe  
propriè actionem. Ad 1. ergo reſpon-  
detur nomen *actio* ex ſua propriiſſima  
inſtitutione impoſitum eſſe ad ſigni-  
ficandum actionem, quæ tranſit in rem  
exteriorẽ, quæ eſt idem, ac actio  
tranſiens: nomen autem *operatio* pro-  
priiſſimè ſignat actionem illam ſupe-  
riorem, quæ ſimul eſt *fieri, & factum  
eſſe*, ſimul via, & terminus, qualis eſt  
actio immanens, de cuius conceptu  
non eſt terminum à ſe diſtinctum pro-  
ducere. Vnde D. Thom. vt penitus  
actionem immanentem à tranſcende-  
ſecerneret, non ſolùm oſtendit diverſi-  
tatem earum quoad id, in quo vnaque-  
que conſiſtit; ſed etiam quoad ipſarum  
G  
nomen:

nomen: Propteræque dicit, quod licet vtraque verè actio sit; tamen nomen *actio* proprium est actionis transcuntis: nomen vero *operatio* propriissimum est actionis immanentis. Nec hoc tibi voluntarium apparebit, si consideres vltra dicta, quod D. Thom. non dixit: *actio immanens propriè est operatio*: sed sic: *propriè dicitur operatio*; ita ut per ly, *dicitur*, ostenderet, se non negare, quod illa actio propriè actio sit; sed solum de nomine ipsius esse dissidium. Ac si diceret: actio immanens verè, & propriè est actio; sed non ita propriè nominatur: habet enim aliud nomen sibi proprium; & hoc nomen est *operatio*.

Ad 2. objectionem respondetur, quod *lucere* dicit duo: primum est, quod non procedit in rem exteriorem, sed manet in lucente. Secundum est nomen actionis, quod habet. Ex quibus illud primum dicit cum omni proprietate: secundum autem tantum grammaticaliter dicit. D. Thomas comparat contemplationem cum *lucere* secundum illud primum, quod dicit, non autem iuxta illud secundum. Nec hoc debuit explicare D. Thomas; quia, cum dixisset, quod actio immanens *propriè dicitur operatio*, dictum erat, illud exemplum non adduci secundum nomen actionis, quod tantum grammaticaliter *lucere* convenit; sed quia *non procedit in rem exteriorem*, sed stat in ipso agente, ut perfectio ipsius, in quo propriè convenit *lucere* cum actione immanenti, eratque, quod ibi aperire intendebat Angelicus Doctor.

46. Probatur 2. assertio nostra ratione gravissimis autoritatibus innixa: Etenim contemplatio Evangelica est verè vita actualis: ergo est verè actio: Antecedens patet ex illis verbis Christi Domini apud Joann. cap. 17. dicentis: *Hæc est vita æterna, ut cognoscant te*: Et consequentia probatur, quia contemplatio non est vita per modum principij viventis, aut per modum termini à se producti, sed per modum exercitij, quo vivens vivit, & movet se; sed exercitium, per quod

vivens vivit, & movet se, est vera actio: ergo contemplatio vera actio est. Maior, quoad primam partem, patet, quia cōtemplatio non est principium vivens per ipsam contemplationem; hoc enim est suppositum contemplationem cliciens. Deinde quoad secundam partem constat ipsa maior; tum quia contemplatio non petit de se terminum producere, ut patet in visione beata; tum quia contemplatio sub munere contemplationis productiva termini nunquam est; sed intuitiva termini prius potentia contemplatrici conjuncti: tum denique, quia licet sub munere dictionis terminum producat, implicat, quod sit ipse terminus à se productus, ut de se constat. Resta ergo, quod sit vita per modum exercitij principij viventis, & termini, iam potentia intimè vniti, contemplantis, & hæc est tertia pars illius maioris.

Probatur ergo minor. Exercitium agentis est vera actio: ergo exercitium viventis est verè actio vitalis, seu, quod idem est, est verè vita actualis. Antecedens est certum; aliàs nec actio transiens vera actio foret. Et consequentia probatur 1. Quia vivens, seu vitam actu exercens, est quoddam speciale agens: ergo sicut exercitium agentis est vera actio; sic exercitium agentis specialis est vera actio specialis; ac subinde exercitium vitam actu exercentis est vera actio vitalis. Probatur 2. illa consequentia; quia visio beata est verè vita actualis, seu actio vite: sed hoc habet, quia est exercitium viventis illa superna vita: ergo exercitium viventis est vera actio vitalis. Cætera constant & maior est expressa D. Thom. 1. 2. q. 3. art. 2. vbi docet beatitudinem esse operationem.

Ad hæc: Contemplatio est verè actus secundus contemplantis, seu vitam contemplativam exercentis: ergo est propriè operatio. Antecedens est omnino certum, & consequentia probatur ex eodem laudato D. Thom. dicente: *Manifestum est autem, quod operatio est ultimus actus operantis. Unde, & actus secundus à Philosopho nominatur*.

*minatur in 2. de anima. Nam habens formam potest esse in potentia operans; sicut sciens est in potentia considerans. Est inde est, quod in alijs rebus, res unaqueque dicitur esse propter suam operationem, ut dicitur in secundo de celo. Necessse est ergo beatitudinem hominis operationem esse. Videtur Ang. Doct. tota illa quaestione, ubi loquitur de beatitudine, tum perfecta, qualis est visio beatifica: tum imperfecta, qualis est contemplatio huius vite, semperque nomine actionis, & operationis illas nominat.*

47. Secunda assertio: *Contemplatio Evangelica non pertinet ad pradicamentum actionis, sed ad pradicamentum qualitatis.* Resolutio hac est contra Nostrum Philippum, Nostrumque directorium mysticum locis citatis n. 42. ubi planè asserunt contemplationem esse actionem de pradicamento actionis; quod consequenter ad sua principia docet citatus Philippus, qui in lib. de anima q. 44. art. 1. docet intellectionem directè pertinere ad pradicamentum actionis. Idem docent plures alij DD. tam intra, quàm extra Scholam D. Thom. quos adducunt nostri Complutens. lib. 3. de anim. disp. 20. q. 1. Nos autem, qui cum iisdem Complutens. tenemus, intellectionem esse actionem de pradicamento qualitatis, id ipsum de contemplatione asserimus. Hoc etiam docetur communiter à nostris Thomistis, & ab alijs pluribus.

Probatur ergo assertio ex D. Thom. opusc. 47. cap. 7. ubi ait: *Intelligere, & sentire sunt actiones immanentes; quia dicunt actum intelligendi esse actum in intelligente, vel sentiente: hæc autem actio immanens non est directè in pradicamento actionis.* Ex quibus verbis hæc deducitur ratio: Contemplatio hominis ad aliquod pradicamentum debet directè pertinere: Ergo pertinet directè ad pradicamentum qualitatis. Antecedens certum est, & consequentia probatur: non potest contemplatio directè spectare nisi ad pradicamentum actionis, vel qualitatis, ut constat ex dictis num. 43. sed non pertinet di-

rectè ad pradicamentum actionis, ut nobis dixit S. Thom: Ergo directè pertinet ad pradicamentum qualitatis.

48. Probatur deinde conclusio sic. Actio pertinens directè ad pradicamentum actionis est actio, quæ fuit ab agente cum motu: Contemplatio non fuit ab agente cum motu: ergo non collocatur in pradicamento actionis. Probatur maior: Actio pradicamentalis subiectatur in motu, per illum quæ definitur; quippe talis actio est motus propt ab agente: sed actio, quæ in motu subiectatur, ac per illum definitur, fuit ab agente cum motu; non enim potest sine subiecto consistere: ergo. Hic discursus fundatur in doctrina D. Thom. in 1. dist. 8. q. 4. art. 3. ubi ait: *Dicendum, quod actio, secundum quod est pradicamentum, dicitur aliquid fluxus ab agente, & cum motu.* Vbi Ang. Doct. duo exprimit requiri, ut actio in pradicamento actionis collocetur. Primum est, quod sit fluxus ab agente. Secundum est, quod motui associetur. Licet enim detur actio, quæ realiter fluat ab agente, si tamen sine motu fluat, actio pradicamentalis non erit. Vnde contemplatio quamvis realiter à contemplante fluat, non est actio pradicamentalis, quia sine motu fluat.

49. Hic discursus, qui intentum planè convincit, non placet nostro Philippo, & ad testimonium D. Thom. super quod fundatur inquit Ang. Doct. in illis verbis, *& cum motu*, non loqui de motu propriè dicto, & propt est actus imperfecti, diffiniturque à Philosopho 3. Physic. per hoc quod sit *actus entis in potentia, secundum quod in potentia*: sed loqui etiam de motu, qui est actus perfecti; quem motum in contemplante inveniri certum est: omnis enim actio immanens mutatio quædam est, & motus communiter dictus. Vnde infert, quod ex dicto testimonio sequitur, contemplationem inter actiones pradicamentales accensendam esse.

Confirmat hic Author D. Thom. debere intelligi, propt ab ipso explicatur, ex ijs, quæ immediatè annexæ illis verbis; ait enim: *Sed in Deo non est aliquid*

*aliquid medium secundum rem inter ipsam, & opus suum, & ideo non dicitur agens actione, quæ est prædicamentum. Sed actio sua est substantia.* Vbi nihil medium secundum rem cadere inter Deum, & opus suum docet Sanctus, per quod non solum excluditur actio transiens, quæ cum motu propriè dicto fit; sed etiam excluditur actio immanens, quæ fit cum mutatione. Vnde de vtraque sermo est in dicto textu.

Respondetur D. Thom. non posse intelligi, nisi de motu propriè dicto; & ratio est: quia quævis actio, etiam si sit perfectissima contemplatio, fuit ab agente, & mutatio est, seu motus perfecti, sed non quævis actio fuit ab agente, & est motus imperfecti. Vnde, ut ostenderet D. Thom. se loqui de actione prædicamentali, addidit *ly. & cum motu.* Quod sanè; si ob hoc non fieret, superfluum foret. Quia quòd illa actio fiat cum mutatione, ex hoc, quòd sit fluxus ab agente, convenit cuicumque actioni; atque adeò non erat necessarium, imò superfluum foret addere, *& cum motu.*

Sed quare D. Thom. loquitur de actione prædicamentali; si quævis actio, etiam si prædicamentalis non sit, non mediat secundum rem inter Deum, & opus suum? Respondetur: Angelic. Doct. in art. 2. illius quæstionis docere, Deum non collocari in prædicamento substantiæ. Postea in dicto art. 3. quærit: *Verum alia prædicamenta de Deo dicantur?* Resolutio est negativa, contra quam efformat argumenta, quæ Deum ad prædicamenta plura spectare, suadere conantur. Primum argumentum agit de quantitate, & qualitate; de quibus etiam agit 2. In 4. agitur de relatione. A quibus omnibus Deum excludit. Tertium autem argumentum loquitur de actione in hunc modum: *Deus est primum agens: ergo in eo actio præcipue invenitur.* Actio de qua hic sermo est, non est actio attinens ad prædicamentum qualitatibus, ad quod iam dixerat non pertinere; sed loquitur de actione, quæ ad prædicamentum actionis spectat. Propterea quæ, ut de ipsa

actione, de qua argumentum procedebat, loqueretur, dirigit solutionem ad ipsam actionem prædicamentalem, quæ non solum est fluxus ab agente; sed est *cum motu.* Quam actionem docet in Deo non reperiri. In quo etiam non reperitur illa alia, quæ sine motu mediat secundum rem inter agens, & opus suum: ast de hac ibi non loquitur, quia ex duplici argumento præcedenti iam constabat in Deo non reperiri; si namque reperiretur, non posset non spectare ad prædicamentum qualitatibus, in quo juxta sententiam eiusdem Ang. Præcept. actio illa, quæ fit sine motu, collocatur, ut constat ex num. 47.

## §. II. Argumenta assertiones impugnantia solvuntur.

50. **C**ontra 1. conclusionem arguitur 1. Quia viri contemplativi dicuntur divina patientes, cum contemplantur. De quibus intelligunt communiter Mystici dictum illud D. Pauli, *qui Spiritu Dei aguntur.* Ob quæ non nulli ex SS. PP. docent, contemplationem sublimem esse ab extrinseco. Ex quibus, quæ omnibus pervia sunt, hoc conficitur argumentum; qui sublimem contemplationem exercent, non agunt, *sed patiuntur; & Spiritu Dei aguntur*; ergo istorum contemplatio non est propriè actio. Probatur consequentia: nam patientis influxus non est agere, sed pati: Ergo eius causalitas est passiva, & non actio, nisi valde impropriè.

Respondetur negando antecedens: Illi enim contemplativi aguntur, & agunt. Aguntur quidem; quia lumen supernaturale recipiunt, quo contemplantur. Aguntur, quia speciali Spiritus Sancti motione vocantur, ut eius specialem instinctum sequentes, occulta Sapientiæ Divinæ intueantur. Vnde verificatur, quòd *Spiritu Dei aguntur*, & simul, eius ductum sequentes, agant; Quod egregiè tradidit August. lib. de correct. & grat. cap. 2. dicens: *Intelligant, si filij Dei sunt, se Spiritu Dei agi, ut, quod agendum est, agant; & cum egerint.*

DISP. 8. VTRVM DIVISIO CONTEMPLATION. DIVINÆ. Q. 3. § 3.

*egerint, illi, à quo aguntur, gratias agant: Aguntur enim, ut agant, non ut ipsi nihil agant. Idem docet Doct. Sanct. sermon 3. de verba. Apoll. cuius doctrinam, immò & verba excipit Venerab. Beda ad illum Pauli locum, ubi ait: Dicit mihi aliquis: Ergo egimur, non agimus. Respondet. Immo & agis, & egeris, & tunc bene agis, si à bono egeris: Spiritus enim Dei, quite agit, agentis adiutor est tibi.*

Huius doctrinæ rationem Philosophicam nobis offert D. Thom. quest. vnic. de vnione verbi art. 6. his verbis: *Considerandum tamen, quod si virtus, quæ est actionis principium ad alia virtute superiori moveatur, operatio ipsa procedens, non solum est actio, sed etiam passio, in quantum scilicet procedit à virtute, quæ à superiori movetur. Cum autem actus Divinæ contemplationis perfectissimæ, nedum sit à virtute superiori movente, verum etiam infundente principium proximum elicitivum illius; propterea illa contemplatio non solum est actio, sed etiam passio.*

§ 1. Dices tamen: si res ita se habet, cur illa contemplatio dicitur tantum passio, & non simul appellatur actio? Et similiter, cur illam habentes dicuntur patientes divina, & non agentes, sed acti? Respondet Illustrissimus Bracharensis Anstus 2. p. compendij cap. 11. §. 2. *Quamvis hæc sevens dilectio elicitur à voluntate; aicitur tamen passiva; quia ad illem non excitat voluntas se ipsam, sicut ad primam; sed immediate excitatur à Deo fortiter. Nec omitam egregiam eximij Suarez responsionem ad hoc ipsum dubium: sic enim tom. 2. de religione lib. 2. cap. 12. num. 18. loquitur: Est ergo vitalis illa passio, unde non est sine intellectus, & voluntatis efficientia: denominatur autem potius passio, quam actio, quia principalis motor ibi est Spiritus Sanctus, qui in animam tunc agit per specialissimum auxilium internum, per donasua, & non tantum per ordinarium modum operandi virtutibus accommodatum.*

Radicem huius sanissimæ doctrinæ dedit D. Thom. in 3. d. 35. q.

1. art. 2. quaest. iunc. 1. ubi ait: *Ad 2. dicendum, quod voluntas non solum ista motiva quantum ad exteriores motus, qui vacationi repugnant, sed etiam motuum interiorum, etiam ipsius intellectus, quiquidem motus æquivocè dicuntur, ut patet in 3. de anima: sunt enim actus perfecti; & ideo magis assimilantur quieti, quam Motui. Ecce quare Contemplatio hæc passio dicitur, & contemplativi dicuntur divina pati. Illa contemplatio verè, & propriè actio est; sed est actio, quæ magis estimatur quieti, quam motui. Unde illam habentes magis recipere videntur, quam agere; proptereaque pati, & non agere dicuntur. Per quæ patet ad objecta, & ad plura alia, quæ hic obijci adhuc poterant, proprièque de eis alibi agetur. Constat etiam ad id, quod num. 50. dictum est, de aliquibus Sanctis dicentibus, contemplationem esse actum ab extrinseco intellectu impressum. Hæc enim locutio falsa omnino est de ipso actu contemplationis perfectissimæ. Verum quia principium elicitivum talis actus, morioque ad illum eliciendum, sunt penitus ab extrinseco; non solum, quia à Deo dantur, sed etiam quia motio est totaliter extra id, quod petit connaturalis modus operandi intellectus, cò dicitur ab extrinseco esse talis actus.*

§ 2. Arguitur 2. contra secundam conclusionem ex Arist. qui 10. Ethic. ait: *Neque enim virtutis operationes qualitates sunt, neque felicitas; sed operationes virtutis, & felicitas sunt actiones immanentes: ergo actiones immanentes non sunt qualitates, sed pertinent ad prædicamentum actionis. Minor pro prima parte certa est: pro secunda autem constat ex ipso Arist. qui cap. 7. sequenti docet, felicitatem esse actum intellectus.*

Respondetur ex D. Thom. ibi lect. 3. Verba illa Philosophi continere argumentum Platonicorum contra Eudoxium, qui asserbat, delectationem esse de genere bonorum, quod argumentum à Platonis confectum, & ab Aristot. propositum, & solum refert D.

D. Thom. sub hac forma: *Bonum videtur ad genus qualitatis pertinere: quærenti enim quale est hoc? Respondemus, quoniam bonum: delectatio autem non est qualitas: ergo non est bonum.* Hoc est argumentum: audiamus solutionem. *Sed hoc* (prosequitur D. Tho.) *Aristot. removet dicens, quod non sequitur, si delectatio non sit de genere qualitatum, quod propter hoc non sit de genere bonorum: bonum enim dicitur non solum in qualitatibus, sed etiam in omnibus generibus.*

Constat autem ex istis Aristotelem in enodando illud Platoniorum argumentum noluisse negare illam minorem propositionem: *delectatio non est qualitas*: quam si negasset, æquivocationem non paterentur adversarii. Noluit tamen illam, quamquàm falsam, negare, ut arguentibus irrideret, sui argumenti futilitatem ostendens. Noluit ergo negare illam minorem, sed nec concessit: omisit tamen illam, ex qua omisione nihil adhuc concludere argumentum, testatus est, dicens, quod licet delectatio non foret qualitas, adhuc tamen poterat esse de genere bonorum; quia bonum *dicitur non solum in qualitatibus, sed etiam in omnibus generibus.*

53. Arguitur 3. Divisio actionis in immanentem, & transeuntem est divisio generis in species: ergo actio, quæ est divisum, est genus relatè ad actionem immanentem, & transeuntem: ergo istæ duæ actiones pertinent ad idem prædicamentum: atque adeò cum actio transiens spectet ad prædicamentum actionis in eo etiam collocanda est actio immanens. Cætera constant, & antecedit probatur à nostro Philippo sic: ab illis actionibus abstrahibilis est vna ratio univoca actionis, quæ de illis univocè prædicetur: ergo cum illa ratio abstracta dividitur in illas actiones, datur divisio generis in species.

54. Confirmatur: Omnis vera substantia creata collocatur in prædicamento substantiæ, & omnis quantitas, in prædicamento quantitatis, & sic de alijs: Ergo omnis vera actio collocatur in prædicamento actionis. Modò sic: sed contemplatio est vera actio: ergo in prædicamento actionis collocatur.

Respondetur argumento negando antecedens; quia actio immanens, transiensque non sunt species sub vno aliquo genere; pertinent enim ad diversa prædicamenta: & cum prædicamenta sint prima genera, non datur supra illa aliquod vnum genus. Nec aliud necesse est addere pro huius argumenti solutione: quia arguens non fundat illam suam univocam rationem, quam fingit: idem enim posset dicere de relatione abstrahente à transcendentali, & prædicamentali: nec enim maius fundamentum inveniet, ut actio abstrahat univocè ab immanenti, & transeunti, quàm ut relatio abstrahat ab ijs relationibus.

Ad confirmationem respondetur negando antecedens, quod certè falsissimum est: quia licet omnis substantia creata pertineat ad prædicamentum substantiæ, & ad prædicamentum quantitatis vera quantitas; non tamen sic est de omnibus alijs. Siquidem, ut modò vidimus, dantur veræ relationes, quæ non pertinent ad prædicamentum relationis, datur etiam vera passio, quæ non pertinet ad prædicamentum passionis, sed ad qualitatem, estque tertia qualitatis species. Ad hunc ergo modum datur vera actio, quæ non ad actionis, sed ad qualitatis prædicamentum spectat propter dicta.

Videantur nostri Complutenses citati, nobis autem circa hæc immorari non licet.



## QVÆSTIO QUARTA.

*Vtrum Divina contemplatio sit entitativè supernaturalis?*

**L**ocuti sumus quæstione præcedenti, ut num. 42. observavimus, de Divina contemplatione secundum ea, in quibus conveniunt, tum contemplatio acquisita, & infusa inter se; tum etiam secundum id, (& hoc præcipuè) in quo utraque hæc Divina contemplatio convenit cum contemplatione Philosophica. Sicque quidditatem Divinæ contemplationis aperire studuimus per id, quod ipsi commune est. Modò autem eius quidditatis cognitionem exploramus per id, quod contemplationi infusa, & acquisita propriissimum est, ac differentiale. Et hoc non solum loquendo de constitutivo contemplationis Divinæ, ut talis illamque prout sic conferendo cum contemplatione Philosophica: sed etiã, (& hoc maximè) comparando contemplationem infusam cum acquisita secundum ea, in quibus, ex earum definitionibus quæstione 1. datis, ad invicem differre dicebamus. Vnde quæstionis titulus sic explicatur, & cardo difficultatis aperitur: *An divina contemplatio acquisita, & infusa secundum id, in quo inter se differunt, sint entitativè supernaturales?*

**§. I. Prænotantur aliqua, & referuntur sententiæ.**

55. **P**rælibandum 1. est cum nostris Salmant. tract. 14. disp. 3. dub. 3. n. 24. rem aliquam extrinseci capite posse habere supernaturalitatem, videlicet ex causa efficiendi, finali, & formali. Causa enim materialis supernaturalitatem refundere non potest; quia est potentia receptiva; quod à natura habet; vnde supernaturale non est, & consequenter non potest supernaturalitatem præstare. Ex parte efficientis

est aliquid supernaturale, quando, ut fiat, requiritur virtus supernaturalis, quamquam res facta naturalis sit. Et hoc modo dicitur supernaturalis illuminatio cæcis quia licet potentia visiva restituta sit naturalis, nunquam tamen restitueretur, si virtus supernaturalis non adesset. Ex parte causæ finalis est aliquid supernaturale, cum ab extrinseco in finem supernaturalem ordinetur, quamvis res in illum finem supernaturalem ordinata sit in se naturalis. Et hac ratione actus virtutum acquiratarum, si per charitatem in finem supernaturalem ordinentur, supernaturales sunt, ac salutare.

Ex parte denique causæ formalis est aliquid supernaturale, quando eius intrinsecum constitutivum supernaturale est, ut patet in charitate, cuius intrinsecus respectus, quem ad Deum dicit, supernaturalis est. Vnde cum hic respectus sit forma intrinseca charitatis ab hac forma habet charitas suam supernaturalitatem, à cuius objecto etiam illam habet; hoc tamen est, tantum à causa formali extrinseca, & termino suæ habitudinis. Quare ille habitus erit intrinsecè, seu entitativè supernaturalis, cuius terminus in ratione termini illius habitus, supernaturalis fuerit. Tunc enim habitus ille supernaturalitatem habet à termino, ut à causa formali extrinseca; ab habitu-dine verò in talem terminum, tantum à causa formali intrinseca. Habitus autem, vel actus respicientes terminum naturalem; vel si supernaturalis sit; non tamen respicitur, ut supernaturalis, vel denique, si ut supernaturalis inspicitur; non tamen est proprius terminus talis habitus, vel actus, sed isti in illum ordinantur ex aliunde acceptis; tunc habitus, & actus sunt entitativè



tativè naturales; & solum sub ultima consideratione habent supernaturalitatem; hæc tamen modalis est, aut ex objecto.

56. Insuper prænotandum est, (ut aliqualis notitia entitatis supernaturalis habeatur) quod sicut ab initate divina provenit entitas quæcumque creata, Deus enim est totius creatæ entitatis origo; sic etiam à supernaturalitate Dei omnis creata supernaturalitas derivatur. Vnde sicut illud est ens, quod cum primo ente mensuratur, sic & illud est supernaturale, quod entis supernaturalis supernaturalitatem capit. Hoc autem primum supernaturale est tale simpliciter, & omnibus modis, quod inveniri nequit in secundo supernaturali: hoc enim, ex quo secundum est, deficienter supernaturalitatem habet: ut à simili patet in secundo libero, in secundo ente, & alijs. Vnde in primo supernaturali dantur plura, quæ inveniri in secundo haud possunt. Et hoc non solum intelligas de alijs prædicatis diversis ab ijs, quæ non sunt propria secundi supernaturalis; verum etiam de ijs, quæ illi propria sunt. Quare Charitas v.g. non solum non habet immensitatem, omnipotentiam, rationemque luminis, quæ sunt propria luminis increati, omnipotentia, immensitatisque divinæ; sed etiam caret modo illo peculiari, quo gaudet charitas increata; secundum quem secum identificat tam principium radicale volendi, quàm volitionem ipsam, obiectumque ipsius. Vnde datur supernaturalitas in charitate creata eo deficienti modo, quo nec obiectum, nec principium radicale, nec actum secum identificet. Quod tam in charitate creata, quàm in alijs secundis supernaturalibus revocari debet in id, quod non sit suum esse, sicut est primum supernaturale.

57. Dices: si dicta vera sunt, substantia creata erit ens supernaturale: hoc est falsum: ergo eò doctrina tradita. Probat mai. substantia creata participat à primo ente suam entitatem: licet ea deficientia, ut suum esse non

sit; sicut charitas creata habet à prima charitate suum esse eodem deficientiæ modo: ergo similiter.

Respond. nos adhuc non definisse ens supernaturale; ex eius tamen diffinitione constabit, nihil valere objectionem. Itaque ens supernaturale primum est, quod ex se, & a se omnem naturam creatam, & creabilem superat. Vnde ens supernaturale secundum illud erit, quod excedit omnem naturam creatam, & creabilem, licet hoc non habeat ex se, aut à se, sed à primo supernaturali. Ex quo constat substantiam creatam non esse ens supernaturale; quia non excedit omnem naturam creatam, & creabilem. Si namque omnem naturam creatam excederet, se ipsam, quæ utique natura creata est, superaret: quod manifestam dicit contradictionem. Charitas autem, fides, spes, & alia huiusmodi supernaturalia sunt, quia omnem naturam creatam, creabilemque transcendunt.

58. Obijcis: male ens supernaturale diffinitur per hoc, quod omnem naturam creatam, creabilemque superet: ergo talis diffinitio deferenda est. Probat antecedens: definitio non explicat naturam entis supernaturalis: ergo &c. Probat antecedens 1. quia data diffinitio solum exprimit, quod ens supernaturale est excedens, & etiam extremum huius excessus exprimitur: sed per hoc nulla certa notitia definiti nobis datur: ergo. Probat 2. idem antecedens: quia ob datam rationem male definiret hominem, qui diceret, hominem esse ens, superans omnem naturam sensitivam creatam, & creabilem.

59. Confirmatur: quia N. Complut. in log. disp. 15. quæst. 2. num. 6. referentes diffinitionem, qua P. Hurtado qualitatem definit, quæ sic habet: *Qualitas est accidens absolutum à quantitate distinctum* illam censurant, quia nullo modo explicat essentiam qualitatis, cum declarat illud, per quod ens contrahitur ad esse qualitatis. & per quod istud prædicamentum distinguitur ab alijs generibus. Dicere namque qua-



*qualitatem esse accidens absolutum distinctum à quantitate, notificat, quid qualitas non sit, sed à minime exponit quid sit. Quod plane negatorium est, sicut signis distinctum et animal esse vivens à finetum à planta, &c. Hæc, & alia de illa distinctione prædicti P. P. quod præsentis entis supernaturalis definitioni applicari posses, quis negabit?*

6). Ad hæc: cum dicitur, quod ens supernaturale superat omnem naturam, vel illa natura signat naturam substantialem prædictæ, vel non? Si non: Ergo, non habemus, unde sciamus fidem excedere omnem naturam: cum detur fides humana, aliaque accidentia dentur, quæ naturam non superant. Si sic: sequitur 1. quod non habeamus, unde sciamus, fidem humanam non similiter excedere omnem naturam. Sequitur 2. datam definitionem pugnare cum probabili opinione asserente possibilem esse substantiam supernaturalem. Si namque hæc daretur, utique accidentia supernaturalia, superare, quiaque distinctio est velut primum principium, quod ab omnibus admitti necesse est: propterea tradita definitio non est bona.

Respond. datam definitionem bene naturam entis supernaturalis exprimere: Per hoc enim, quod dicam fidem divinam exigentiam cuiuscunque naturæ superare affatim naturam fidei exprimo. Ut autem hæc planè percipiantur, observa, fidem v. g. posse sumi ut particulare quoddam supernaturale, & etiam posse accipi secundum ea, prædictæ, quæ dicit, ut cõsens supernaturalis. Primo modo non solum differt ab ente naturali per supernaturalitatem, sed etiam per suum proprium specificativum differt ab omni alio ente supernaturali, quod fides non sit. Secundo tamen modo sumpta non differt ab ente supernaturali, sed solum ab ente naturali. Primo modo accepta non definitur tradita definitione; sed habet propriam, quam dedimus in Isaïæ, num. 153. lib. 1. At si secundo modo accipitur, rectè diffinitio tradita diffinitur: sicut si quis definiret ho-

minem sub ratione intellectivi, congruè procederet dicens hominem esse ens superans omnem naturam sensitivam, creatam, & creabilem. His enim sufficienter explicatur natura hominis sub illa abstractione sumpti; quamvis ut intellectivus discursivus est, non illa definitione definitur, sed habet propriam. Similiter de qualitate v. g. dicimus, quod ut accidens, eius definitio non est alia, nisi definitio accidentis. Cæterum ut qualitas debet definiri definitione illam speciale accidentis demonstrante, diversum ab omni alio accidente. Propterea quæ definitionem num. 59. positam carpunt P. P. Complut. quia ea nec sub conceptu entis, nec sub ratione accidentis, nec qualitatis diffinitur. Per quæ patet ad objecta usque ad confirmationem.

Ad additamentum respondetur: per naturam intelligi utique substantiam. Ad primum, quod contra hæc objicitur, dicas: naturæ exigentiam esse reciprocā: unde sicut datur natura exigens, sic & datur res à natura exacta: atque adeo fides divina est supernaturalis; quia nec est natura exigens, nec res creata à natura, sed accidens omnem naturæ exigentiam transcendens. Fides autem acquisita non est supernaturalis, quia licet non sit natura exigens: est tamen accidens haud superans exigentiam naturæ.

Ad secundum respond. dari sanè illam opinionem, quam omnes Thomistæ impugnant, alij *in signem ignorantiam* dicentes, alij *temerariam* nominantes ipsamque P. Vazquez *inaptam* dicit. Ex quibus mirari non debes, si ad opinionem his privilegijs decoram sustinendam communis definitio desideratur, & eius loco aliæ ad libitum subrogentur. Consule circa hoc nostros Thomistæ, quos inter rem egregiè versat, ut solet, Illustrissim. Palanco tract. de Deo vno disp. 3. q. 2.

61. His igitur breviter dictis pro cognoscenda utcumque entis supernaturalitatem, de quo videri possunt N. Salmanticenses tract. 14. disp. 4. dub. 3. præcipuè num. 41, dubium speciale est

circa cognitionem huius supernaturalitatis, & in quibus reperiatur. Non est enim valde arduum scire, illud ens esse intrinsecè supernaturale, quod superat naturam omnem creatam, & creabilem. At si percipere, quid requiratur ad huc excellē, & in quo reperiatur? Hoc valde arduum est, nec possumus circa illius declarationem detineri, nec proprios limites, ultra debitum transgrediamur. Placet tamen proponere dictos N. Salmant. tract. 12. disp. 3. dub. 2. num. 33. optimè definiisse supernaturalitatem *per habitudinem mediatam, vel immediatam ad Deum secundum modum, quem habet, in se tanquam ad obiectum, vel finem supernaturalem, aut per connexionem cum illo secundum hanc rationem.* Et aliquibus interiectis subiungunt. *Quod si supernaturalitatem rerum creatarum explicare velimus per modum participationis à Deo non oportet, ut talis participatio sit formalis; inò nec sufficit; nam substantiis creata, intellectus, voluntas, & similia participant perfectionem formaliter in Deo respectam; & non idcirco sunt formaliter supernaturalia: sufficit ergo, & requiritur, quod participatio sit aliquid convenientis Deo secundum modum essendi sibi proprium, & qui ex affectibus naturalibus venari nequit: sive talis participatio sit formalis, ut contingit in gratia, charitate, & lumine gloriæ: sive solum virtualis, ut in humilitate, penitentia, fortitudine, & similibus virtutibus infusus.*

62. Quibus addendum nihil est, ut quantum per materiam nobis licet, aliquam notitiam entis supernaturalis nos tradidisse verum sit. Ad rem autem nostram accedentes dicimus: gratiam sanctificantem esse naturam in ordine supernaturali, primumque supernaturale creatum, cuius conditionem æmulari debent secunda creata supernaturalia. Vnde sicut gratia constituitur per hoc, quod sit participatio formalis naturæ divinæ sub conceptu naturæ, quod affatim cum suo Ang. Præcept. suadent aliis nostri Thomistæ, & docet Sanctissima Theres. lib. exclamat, 172

atque adeò ex hoc cap. cognoscitur eius excessus supra omnem exigentiam naturæ, uti adstruit Scraph. ipsa Doctrina lib. viæ cap. 40. in mas. cap. 4. Ita omne ens supernaturale debet suo modo, & proportionem habere, quod gratia habet. Eoque videmus, quod ab hac natura divina per participationem sua attributa emanant, ut sunt lumen gloriæ, Charitas, Fides, aliæque virtutes infusæ, & dona, in quibus gratiæ conditiones relucunt; nam sicut ipsa participat physicè naturam divinam, estque principium radicale operationum supernaturalium; sic lumen gloriæ participat increatum lumen, & charitas increatam charitatem, fidei quæ luminis vicaria est eius conditionem in infallibilitate assensus sapit. Abijs etiam gratiæ attributis proveniunt proxime operationes illæ supernaturales, quæ radicaliter à gratia procedere dicebamus. Vnde à lumine, & à charitate eliciuntur operationes videndi, & amandi Deum, ut est in se: quæ operationes sunt participationes excellentium illorum actuum, quibus Deus se ipsum contemplatur, & amat. Atque adeò dilectio, qua Deum iustus amat, est participatio illius dilectionis, qua Deus se ipsum diligit: & intellectio, qua Deus facit ad faciem intuetur, est participatio illius divinæ intellectio- nis, qua Deus se ipsum contemplatur. An etiam de contemplatione, qua iustus viator Deum attingit, hoc idem dicendum sit, ut sic intrinsecè supernaturale asseratur, est quod in præsentī inquirimus: & loquimur de utraque contemplatione acquisita, scilicet, & infusa.

## §. II. Relatis sententijs proponitur nostrum in hac parte iudicium.

63. IN hac controversia prima sententia docet contemplationem infusam esse entitativè, & intrinsecè supernaturalem. In hoc conveniunt omnes Authores, quos vidi. Circa con-

contemplationem acquiratam est præcipua difficultas, quam adauget obscuritas ingens, quæ in hac materia Mystici D.D. procedunt. Qui ferè omnes adeò dubiè loquuntur vt iam naturalem dicere, iam supernaturalem asserere videantur. Verùm ex ijs, qui expresse hanc materiam versant duplex invenitur opinio.

64. Prima tenet contemplationem acquiratam esse intrinsecè supernaturalem. Sic sentire debent quotquot dicunt principium proximè elicitivum contemplationis acquiratæ esse fidem infusam: actui enim proprio infusæ fidei, quis supernaturalitatem intrinsecam denegabit? Ast quia hos omnes non loqui, nec posse si sibi constantes sunt, de principio ita propriè elicitivo contemplationis acquiratæ, vt hanc proprium actum fidei asserant, firmavimus tom. 1. disp. 1. quæst. 7. toto num. 154. Ibi quæ modum, quo intelligi possunt fusè diximus: propterea non omnes, qui fidem esse principium contemplationis adstruunt, illam intrinsecè supernaturalem fateri censemus. De quo non adhuc nostrum ultimum iudicium promimus, sed vsque ad locum non semel statutum reservamus. Monentes, quòd quicquid tunc temporis affirmemus, præsentì resolutioni non obstabit. Sicut non semel in superioribus præmonuimus.

Inter eos autem, de quorum mente dubitari non potest, est nostra Disceptat. mystica, fidem infusam principium contemplationis tum infusæ, tum acquiratæ adstruens, vt videre est in tract. 3. quæst. 3. art. 5. & tract. 2. quæst. 3. art. 1. & 7. In fine enim dicti art. 1. loquens de vtraque contemplatione ait: *Prima contemplatio (acquirata) est quidem supernaturalis quoad substantiam, naturalis verò quoad modum. Secunda autem (infusa) & quoadmodum, & quoad substantiam est supernaturalis.* Pro eadem opinione referri possunt omnes illi, qui censent habitum Theologiæ Scholasticæ esse supernaturalem, & non distingui ab habitu Theologiæ Mysticæ.

65. Secunda sententia extremè opposita docet contemplationem acquiratam esse intrinsecè naturalem, licet radicaliter remotè, & ex obiecto supernaturalis sit. Hanc conformiorem iudicamus menti Ang. Præceptoris pluribus in locis infra referendis. Illam docet Seraph. M. N. S. Theres. Extaticus N. Parens D. Joannes à Cruce, N. Philip. à Sanctissimà Trinitate, N. Anton. à Spiritu Sancto, & Mag. Valgornera, locis, quæ mox assignabimus. Alij etiam hoc idem teneant, maximè illi, qui Theologiam Scholasticam, & Mysticam eundem habitum esse tradunt, & scholasticam naturalem esse defendunt, ei supernaturalitatem solummodò radicalem, remotam & ex obiecto concedentes: qui sanè plurimi sunt & præsertim, è Thomistarum choro. Ad resolutionem igitur accedentes primùm de contemplatione infusa, in qua minor est difficultas, loquimur.

66. Prima nostra conclusio. *Contemplatio infusa est intrinsecè supernaturalis.* Probatio huius conclusionis sunt omnia, quæ §. antecedenti prælibavimus, ex quorum brevissima applicatione probatur sic primò assertio: Contemplatio infusa superat omnem naturam creatam, & creabilem: Ergo est intrinsecè supernaturalis. Consequentia constat ex dictis, & antecedens probatur: quia contemplatio infusa ex vna parte non est natura, seu substantia exigens; ex alia autem à nulla substantia creata exacta est, nec valet exigere: ergo est supra omnem naturam. Consequentia patet ex dictis num. 60. & antecedens quoad vtramque partem est per se notum. Similiter applicare potes ea, quæ diximus num. 57. vt hanc ipsam supernaturalitatem comprobare valeas, sicque ad alia transimus.

67. Probatur 2. conclusio: quia principium formaliter elicitivum contemplationis infusæ est intrinsecè supernaturale: Ergo & ipsa est supernaturalis intrinsecè. Consequentia est evidens: quia sicut à principio intrinsecè naturali non potest actio supernaturalis haberi: sic nec à principio in-

trinsecè supernaturali proximè, & formaliter influente, potest operatio non supernaturalis produci. Antecedens autem probatur primò; quia sic constat ex diffinitione contemplationis infusæ, quam dedimus num. 15. in ea siquidem dicitur, quòd contemplatio infusa à principio supernaturali provenit. Probatur secundo idem antecedens: quia principium formale proximè elicivum contemplationis infusæ, vel est fides infusa, vel aliquod Spiritus Sancti donum, vel aliud donum superius ipsis Spiritus Sancti donis, aut etiam ipsum lumen gloriæ, vt tenet communissima Mysticorum sententia: sed omnia hæc sunt intrinsecè supernaturalia, vt nemo negare audebit: ergo principium contemplationis infusæ est intrinsecè supernaturale.

68. Confirmatur: quia contemplatio infusa, vel infusa non est, vel est supernaturalis intrinsecè: primum implicat ex ipsis terminis: Ergo est intrinsecè supernaturalis. Probatur maius, quia id, quod per se infusum est, est intrinsecè supernaturale, vt patet in virtutibus Theologicis, ac etiam in moralibus, quæ infusæ per se sunt: sed contemplatio infusa est actus per se infusus: Ergo. Probatur minor: Ille actus est per se infusus, qui per se procedit ex speciali mōtione Spiritus Sancti, & supra modum connaturalem intellectus: sic procedit contemplatio infusa; vt sapius diximus: Ergo est habitus per se infusus.

69. Secunda assertio: *Contemplatio acquisita est intrinsecè naturalis, & solum extrinsecè. & ex principio remoto, atque ex obiecto est supernaturalis.* Huius assertionis 2. pars probatione non indiget: ex quo enim contemplatio activa non sit entitativè supernaturalis, habetur, quòd sit supernaturalis extrinsecè: aliàs enim non differet hæc Sanctissima contemplatio à vanissima contemplatione Gentilium. Discriminantur certè, & discrimen consistit in eo, quòd diversis in locis tetigimus. Vide dicta num. 6. & quantum ad præsentem materiam facit, consistit talis

differentia in hoc, quòd contemplatio Evangelica activa est supernaturalis ex principio remoto, quod est fides, quæ indispensabiliter requiritur, vt talis contemplatio detur, est etiam supernaturalis ex obiecto, vt sapius dictum est.

70. Prima autem pars nostræ conclusionis præcipuam difficultatem continet; sed quæ superata iam est ex dictis tom. 1. disp. 1. q. 8. vbi fusilimè probavimus principium proximè elicivum huius contemplationis esse habitum Theologiæ, qui cum intrinsecè naturalis sit: propterea & ipsa contemplatio intrinsecè naturalis. Sic enim ibi diximus cum Ang. Præcept. qui 1. p. q. 1. art. 3. inquit: *Vtrum sacra doctrina sit vna scientia?* Quod quæsitum resolvit sic: *Respondendo dicendum sacram doctrinam vnam scientiam esse.* Vbi nomine sacre doctrinæ comprehendisse Mysticam Theologiam diximus loco citato num. 187. quod Doct. Sæctus clarissimè tradit in 1. disp. 1. q. 1. art. 2. vbi ait: *Ista scientia unica manens, non multiplicata diversorum rerum considerationem habet, non tantum in communi, sicut Metaphysica, quæ considerat omnia in quantum sunt entia, non descendens ad propriam cognitionem moralium, vel naturalium: ratio enim entis cum sit diversificatio in diversis, non est sufficiens ad specialem rerum cognitionem, ad quarum manifestationem divinum lumen in se vnum manens habet efficaciam.* Est ergo certum habitum Theologicum comprehendere sine omni prioris specifica distinctione Mysticam nostram Theologiam.

Eadem certitudo indubitabile est, hunc habitum Theologicum esse acquisitum, & non infusum quod docuit D. Thom. 1. p. q. 1. art. 6. ad 3. Vbi inquires an Theologia sit sapientia? Arguit sic pro parte negativa. *Hæc doctrina per studium acquiritur. Sapientia autem per infusionem: unde inter septem dona Spiritus Sancti connumeratur, vt patet Isaia 11. ergo hæc doctrina non est sapientia.* Ad hoc argumentum respondet, quòd secundum dupli-

*duplicem modum indicandi dupliciter sapientia accipitur. Contingit enim aliquem indicare uno modo per modum inclinationis, sicut qui habet habitum virtutis recte indicat de his, quæ sunt secundum virtutem agenda in quantum ad illa inclinatur. Unde & 10. Ethic. dicitur quod virtuosus est mensura, & regula actuum humanorum. Alio modo per modum cognitionis, sicut aliquis instructus in scientia morali posset indicare de actibus virtutis, etiam si virtutem non haberet. Primus igitur modus indicandi de rebus divinis pertinet ad sapientiam, quæ est donum Spiritus Sancti secundum illud Corinth. 12. spiritualis homo indicat omnia. Et Dionys. dicit 2. cap. de divinis nominibus Hierotheus doctus est non solum discens, sed & patiens divina. Secundus autem modus indicandi pertinet ad hanc doctrinam, secundum quod per studium habetur, licet eius principia per revelationem habeantur. Similia docet Doct. Sanctus 2. 2. q. 45. art. 1. ad 2. & in 1. disp. 1. q. 1. art. 3. quæstiunc. 2. ad 3. in quibus locis semper dicit, quod habitus Theolog. acquisitus est. Ex quibus*

71. Probatur conclusio ratione ex ijs D. Thom. autoritatibus eruta: nullus actus habitus acquisitus est entitativè supernaturalis: contemplatio est actus habitus acquisitus: ergo non est intrinsecè supernaturalis. Consequentia est in quarto modo primæ figuræ. Minor constat ex adductis D. Thom. testimonijs pro quorum perfecta intelligentia videnda sunt, quæ loco citato diximus, & Authores, quos ibi adduximus. Maior autem ad quam præsens difficultas reduci poterat, probatur sic. Habitùs acquisitus est entitativè naturalis: ergo eius actus non est intrinsecè supernaturalis. Consequentia bona est, quia cum actus habeat suum esse ab habitu, & non possit habitus naturalis causare entitatem supernaturalem; propterea repugnat supernaturalitas intrinseca actus, si habitus naturalis est. Antecedens autem probatum relinquimus dicta q. 8. num. 191. & 202. ab autoritate. Modò verò probatur sic breviter: etenim si

ille habitus supernaturalis esset acquisitus, vel acquireretur actibus naturalibus, vel supernaturalibus: neutrum potest dici: ergo si habitus supponitur acquisitus non est supernaturalis. Probatur minor pro prima parte: quia actus naturalis non potest esse causa habitus supernaturalis; non enim illum valet præcontinere præterquamquod iam daretur gratia ex operibus naturæ, quod dici, salva fide, non potest: ergo actus naturalis nequit habitum infusum causare. Sed nec à supernaturali acquiri potest. Probatur ista: quia ille actus acquisitivus habitus vel provenit ab aliquo auxilio transeunte; vel ab aliquo habitu? Si primum: iam divisio habitus in habitum per se acquisitum, ac per se infusum periret; quia nullus habitus daretur, qui non posset nostris actibus acquiri; atque adeò nullus esset per se infusus. Si asseratur secundum: debet assignari habitus, à quo actus isti supernaturales causantes supernaturalem alium habitum provenire quærit. Quod si pro præsentī habitu Theologiæ assignetur fides, quam debet præsupponere: Contra est: nam etiam omnes virtutes morales per se infusæ, & prudentia infusa præsupponunt fidem, & charitatem; atque adeò per actus charitatis poterunt acquiri virtutes morales infusæ, ac per actus fidei, prudentia infusa. Quod difonum prorsus est. Videatur Mag. Gonct. tom. 1. disp. 1. art. 6.

Dices: possumus elicere actum entitativè supernaturalem: ergo & habitum supernaturalem producere. Antecedens patet in actibus virtutum Theologalium, alijsque: & consequentia probatur. 1. quia actus est perfectior, quàm habitus: ergo si possumus producere actum, potiori iure possumus producere habitum. Probatur 2. antecedens à paritate supernaturalitatis actus, & habitus, quæ supernaturalitas non obest, ut actus à nobis eliciatur: ergo nec ut producat habitus.

Respondetur concessio antecedenti negando consequentiam. Discrimen est: quia ex vna parte, actus impli-

cat, quòd sit talis, & non procedat intrinsecè ab operante, cuius motus, & vita actualis est. Aliunde autem habet principia, à quibus supernaturalitatem accipiat, nempe obiectum supernaturale, à quo speciem habet, & principium elicativum, sive illud sit transiens, sive permanens. De habitu vero hæc non verificantur: quia ex vna parte habitus non est vita actualis; unde non petit vitaliter ab operante procedere. Ex alia verò, non adest principium, per quod acquiri possit; quia si tale principium daretur, iam tales habitus non essent per se infusi, vt constat ex dictis num. præcedenti. Videatur Mag. Joannes à Sancto Thoma 1. p. q. 1. disp. 2. art. 8. num. 5.

Per quod patet ad probationes illius consequentiæ, ad primam quidem, omisso antecedenti, negatur consequentia, sive enim habitus sit, vel non sit minùs perfectus quàm actus, potest quidem hic à nobis elici, & ille non potest acquiri propter dicta. Ad secundam similiter negatur consequentia: quia quòd habitus acquiri non possit, non provenit ex eo, quòd sit habitus, neque ex eo quòd sit supernaturalis; sed ex complexo habitus supernaturalis. Datur vtiq; supernaturalitas acquisita, qualis est actus virtutis supernaturalis. Datur etiam habitus acquisitus: cæterù habitus acquisitus supernaturalis dari nequit ob offensam repugnantiam. Vnde tametsi actus supernaturalis acquiri possit, habitus supernaturalis non potest acquiri.

§. III. *Alijs auctoritatibus, & probationibus inde haussis, probatur eadem secunda assertio.*

73. **P**robatur 2. conclusio ex Seraph. M. N. D. Theres. quæ inde itiner. cap. 29. ait loquens de anima contemplativa: *Cum hæc anima vult intra se ingredi in hunc paradisum cum Deo suo. Dico quòd vult, quia intelligere debetis, hoc non esse omnino su-*

*pernaturale.* In his verbis loquitur Alma Doctrix de contemplatione, vt vel ex titulo capitis constat. Certum non loquitur de contemplatione infusa; siquidem asserit illam contemplationem, de qua ibi, esse in nostra voluntate, & potestate, supposito auxilio divino, *sine quo, addit, nihil possumus, nec ex nobis bonam aliquam cogitationem habere valemus.* De hac ergo contemplatione acquisita inquit, *quòd non est omnino supernaturalis.* Supernaturalitatem concedit; omnimodam tamen negat. Ex qua auctoritate sic in favorem asserti præpositi argumentor: Contemplatio non omnino supernaturalis est contemplatio entitativè naturalis, & supernaturalis ex principio remoto, & ex obiecto: contemplatio acquisita sic à nobis ponitur, vt patet ex utraque parte nostræ secundæ conclusionis: ergo hæc quoad utranque partem est doctrina Seraph. M. Nostræ. Maior certa videtur: quia contemplatio supernaturalis ex obiecto dicit quidem supernaturalitatem, sed non omnimodam, cum sit entitativè naturalis.

Declaratur hoc: omnimoda supernaturalitas contemplationis est, quòd sit ex omni parte supernaturalis: ergo non omnimoda supernaturalitas tunc datur quando ex aliqua parte est naturalis: atqui non potest esse supernaturalis entitativè, & naturalis ex obiecto, vt de se notum est: ergo illa contemplatio est non omnimodè supernaturalis, quæ ex obiecto, & principio remoto habet supernaturalitatem; ex entitate autem naturalis est.

74. Dices: divisionem assignatam supernaturalitatis inadæquatam esse; quia remanet alius modus supernaturalitatis, quo gaudet contemplatio activa, ac de quo loquitur Magistra Celestis. Quippe datur supernaturalitas ex obiecto, & hæc est extrinseca: datur etiam supernaturalitas entitativa, & hæc est duplex; quia actus supernaturales quoad substantiam, & modum, quales sunt actus donorum Spiritus Sancti, & omnes alij infusi, qui sunt

sunt supernaturales quoad substantiam, ut supponitur, sunt etiam supernaturales quoad modum; quia sunt supra modum connaturalem hominis operantis. Dantur etiam alij actus quoad substantiam supernaturales, quia supernaturalitate gaudere actus virtutum infusarum, certum est. Verum quia dictis virtutibus vitmur, propterea tales actus sunt quidem entitativè supernaturales, sed naturales quoad modum. Et hæc certè est supernaturalitas mediæ, seu non omnimoda, de qua loquitur Seraph. Doctrinæ: quia inter naturalitatem quoad substantiam, & supernaturalitatem entitativam mediatur supernaturalitas entitativa, & naturalitas quoad modum. Et de hoc modo supernaturalitatis non omnimodæ loquuntur quotquot asserunt contemplationem activam esse supernaturalem.

Respondetur ita esse, quòd inter actum naturalem quoad substantiam, & modum; & supernaturalem, quoad modum, & substantiam, mediatur actus supernaturalis quoad substantiam, & naturalis quoad modum. Proptereaque non locuti, fuimus de actu absolutè, sed de actu contemplationis: quia in contemplatione non admittimus talem supernaturalem entitativam iunctam naturalitati ex modo procedendi. Ratio est: quam iam sapissimè pluribus in locis tetigimus, videlicet, quòd talis contemplatio est actus proprius fidei, ut volunt eius Authores; & cum aliàs sit actus scientificus; ignoramus pro nunc quomodo actus fidei scientificus esse possit. Advenit destinatum tempus, scilicet, cum de principio elicitivo contemplationis sermo sit; & tunc videbimus, si ab hac ignorantia exire possimus. Pro nunc verò solum habitum Theologicum agnosco principium elicitivum contemplationis activæ ob fusissimè dicta loco citato ex 1. tom. Vnde cum ipse Theologicus habitus sit quoad substantiam naturalis, & solum ex principio remoto, & ex objecto supernaturalis; idè

hanc solummodò supernaturalitatem refundit in actum activæ contemplationis. Quæ supernaturalitas etiam mediatur inter naturalitatem omnimodam, & omnimodam supernaturalitatem, ut de se patet. De illaque locutam Seraph. Doctrinam non dubitamus. Tum, quia non assignabunt contrarij locum, ubi asserat appositum, nec faciat fidem principium elicitivum contemplationis. Tum etiam, quia N. Anton. à Spiritu Sancto, & N. Philipp. (proximus mentis Theresianæ indagator, ac in eius operibus veratissimus) nobiscum tenent dictam contemplationem esse tantum extrinsecè supernaturalem; quod non facerent, si contrarium de mente Sanctissimæ Magistræ foret. Præterquamquòd ex alijs locis eiusdem idem constat.

75. In Epistola 18. num. 3. ait (proprio idiomate verba dabo, nè aliquid eius elegantix derogetur) *la primera oracion, que senti, à mi parecer sobrenatural, (quellamo yo lo que con industria, ni diligencia no se puede adquirir, aunque mucho se procure, aunque disponer se para ello si, y debe de hacer mucho al caso) es un recogimiento interior, &c.* Vbi perspicuè docet Sanctissima Magistra, id solum ab ipsa vocari supernaturale, quod propria industria, ac diligentia acquiri non potest. Quod est idem ac nos in nostra conclusione asserimus: videlicet, contemplationem acquisitam, quæ, ex eo quòd acquisita est, nostro labore, ac industria habetur, non esse supernaturalem, nisi ex objecto: quia, cum sermo est de contemplatione, illam solummodò vocamus supernaturalem, quæ nostra industria non habetur, uti fecit Seraph. Theresia.

Quæ eandem doctrinam repetit manf. 4. ubi juxta expertissimum, ac excellentissimum eius Annotatorem agit de contemplatione supernaturali, & §. *Paréceme, que nunca:* ait: *No penséis, que es por el entendimiento adquirido, procurando pensar dentro de sí à Dios, ni por la imaginación, imaginándole en sí: bueno es esto, excelente manera*

*de meditation: :: Mas no es estos que esto cada uno lo puede hazer (con el favor de el Señor se entiende todo.)* Postcā §. immediato addit: *Porceme, que he leído que es como un erizo, ò tortuga quando se retira hazia sí: debialo entender bien quien lo escrivio; mas estos ellos se entran quando quieren, acá no está en nuestro querer, sino quando Dios nos quiere hazer esta merced.* Ecce cœlestem Magistrā contemplationem supernaturalem explicantem per hoc, quod non possumus illam habere, cū volumus: vnde illam contemplationem, quam, cū volumus, habemus, non esse supernaturalem nisi tantū ex objecto, ex adductis testimonijs planè constat.

76. Extaticum nostrum Doctorem idem sentire constat ex pluribus testimonijs, quæ adducere ex ipso poteramus: sufficiat tamen dicere, quod Vener. Dom. Dom. Joann. de Palafox loco citato docet nostrum Seraph. Patrem agere de contemplatione supernaturali lib. 2. noct. cap. 5. quod caput, si attente legas; Immo, & antecedentia, & subsequētia, videbis, ipsum de contemplatione infusa loqui, ac de modo, quo anima, quæ iam contemplationem acquisitam exercet ad infusam habilitetur: ac si idem sit contemplatio infusa, & supernaturalis. Ex quo fit, quod non est supernaturalis illa contemplatio, quæ non est infusa.

77. Sed probemus assertionem nostram ratione fundata in autoritate eiusdem Sancti Doctoris, quæ sic se habet: Principium proximum contemplationis activæ est intrinsecè naturale: ergo & ipsa. Antecedens præter dicta num. 71. probatur: principium proximum contemplationis, activæ est habitus ipsius contemplationis habilitans potētia, ut illā exerceat: iste habitus est naturalis: ergo. Probatur minor: iste habitus est acquisitus per frequētes actus meditationis, qui talem habitum causant: ergo iste habitus est naturalis. Consequētia patet, tum ex dictis dicto num. 71. tum etiam quia habitus causatus per actus meditationis, non habet quo intrinsecè supernaturalis sit, nisi

meditatio ipsa entitativè supernaturalis asseratur: quod, etiam si poneretur, adhuc non posset habitum supernaturalem causare, ut num. citato vidimus. Antecedens, in quo posset esse difficultas, probatur expressa autoritate Theodidacti P. Nostri lib. 2. Ascens. cap. 14. vbi. §. *La segunda*, ait: *La alma en este tiempo tiene el espinu de la meditacion en su substancia, y habito. Porque el fin de la meditacion, y discursio en las cosas de Dios, es sacar alguna noticia, y amor de Dios, y cada vez, que el alma la saca es un acto: y assi como muchos actos en qualquiera cosa vienen à engendrar habito en el alma assi muchos actos de estas noticias amorosas, que el alma ha ido sacando en vezes, vien. n por el uso à continuarse tanto, que se haze habito en ella. Lo qual Dios tambien suele hazer sin medio de estos actos de meditacion. Ca lo mas sin aver precedido muchos priuendoles luego en contemplacion. Y assi lo que el alma antes iba sacando en vezes por su trabajo de meditar en noticias particulares: ya por el uso se ha hecho en ella habito, y substancia de una noticia amorosa general, no distinta, ni particular como antes. Por lo qual ya en poniendose en oracion como quien tiene llegada el agua bebe sin trabajo en suavidad, sin ser necessario sacar la por los arcaduces de las passadas consideraciones; formas, y figuras. De manera, que luego en poniendose delante de Dios, se pone en acto de noticia confusa, amorosa, pacifica, y sossegada, en que el alma está bebiendo sabiduria, amor, y sabor. Hactenus hæc illuminata mens. Quo nihil expressius, elegantiusve dici potuit.*

Est dicere: quod meditatio, ut fructuosa sit, debet ad contemplationem terminari. Quippe ut ait N. Thomas à Jesu de contemplatione Divina lib. 1. cap. 13. *Infructuosam meditationem debemus facile credere, & existimare, quæ in contemplationem, quæ illius finis est, non transit: erit enim tunc via sine termino, navigatio sine portu, corpus sine anima.* Quod intelligendum est, non solum de meditatione ut sic, com-



comparata cum Divina contemplatione eodem modo sumpta : verum etiam de meditatione hac in individuo, quæ, ut fructuosa sit, debet ad contemplationem terminari. Ad illam videlicet, quæ in quolibet actu orationis meditativæ habetur, diciturque *attentio quietæ*, ut diximus cum de his in Isagoge differuimus. In quolibet ergo meditatione notitia particularis Dei acquiritur, in simulque affluere paulatim anima, ut quietè, & pacificè Deum intueatur, & totum tempus, quod in hac propria habilitatione, & notitiarum acquisitione infumit, est in statu meditationis, & incipientis. Postquam autem iam habitum contemplationis acquisivit ex frequentia, & repetitione prædictorum actuum, transit ad statum contemplationis, & Proficientis. Ex quibus patet illud nostrum antecedens, quo, ut suaderemus, hæc adduximus, verissimum esse, ac de mente Myst. N. Parentis. Illud etiam docet D. Bernardus de oct. punc. punct. 2. dicens: *Noscere debes, quod divina virtus plus facere potest, quam homo cogitare, & quomodo frequentia actus similem sibi habitum generare consuevit, inde sæpius contingit quod ad illud ad quod fortasse se homo à principio adstrinxit cum quadam violentia, & difficultate, postea faciliter operabitur, & tandem cum magna delectatione dummodo non desistat.* Sic ergo per meditationis actus generatur habitus contemplationis: unde constat, illum non esse fidem infusam, nec aliquem alium habitum supernaturalem.

78. Numero 61. diximus pro nostra opinione esse egregios mystas N. Philippum, & N. à Spiritu Sancto, & Mag. Valgoneram. Comprobemus ergo hoc ita esse. Vnius tantum verba referemus, quia omnes illi adeò vniuersimter scribunt in hac parte, ut nec in verbis discrepent: ita ut spiritus antiquioris, qui N. Philip. est in alios videatur transmigrasse. Si fidem mihi deneges, illos vide, primum eorum parte 2. Theologiæ Myst. tract. 1. art. 2. 5. differunt igitur, & tract. 3. discurs. 1.

À SPIRITU SANCTO.

art. 1. secundum in Director. mystico tract. 3. discurs. 1. sect. 8. num. 45. & discurs. 3. sect. 1. num. 210. tertium denique quæst. 3. Theolog. Mysticæ discurs. 1. art. 4. num. 3. & discurs. 3. art. 1. num. 3. Vnde vnus solùm verba referam, quia, eo audito, audiuntur, & alij. Eorum primus loco citato ex tract. 1. postquam in 1. artic. naturam contemplationis expresse, eamque prima sui divisione in Gentilicam, & Christianam diuisit; instituit art. 2. cuius titulus est. *Dividitur Contemplatio fidelium in acquisitam, & infusam*, & aliquibus præmissis, ait:

79. Differunt igitur hæc duæ species contemplationis primò ex parte principij; nam contemplatio acquisita naturam ipsam pro principio immediato, & Deum ut authorem naturæ pro principio primo cognoscit; quia in ordine naturæ continetur; contemplatio autem infusa Deum, ut authorem gratiæ pro suo agnoscit immediato principio; continetur enim in ordine gratiæ. Vnde prima illa est in entitate sua naturalis, quamvis ad eius exercitium auxilia divinæ gratiæ actualis requirantur; nam ad bona quæcumque ardua etiam ordinis naturalis propter naturæ nostræ corruptæ debilitatem, ac infirmitatem, necessariò gratiæ robur, & auxilium prærequiritur. Secunda verò est in entitate supernaturalis; propterea dicitur infusa, nec ad illam causa secunda concurrir, nisi prius elevata lumine supernaturali, ut statim dicemus.

80. Hæc gravissimus iste Doct. ab alijs duobus exscriptus. Quæ quidem verba (ait Discip. Myst. solummodò M. Valgoneram referens tract. 2. q. 3. art. 7. num. 30.) rectam continere videntur contemplationis intelligentiam. Tum: quia loquitur de contemplatione præcisè naturali, ut est illa, quam habuerunt Philosophi de Deo, ut prima causa. Tum: quia loquitur de contemplatione, quæ non est de veritatibus fidei præcisè. Alioquin falsum esset, quod dicitur: Vbi enim aliquid ad fidem pertinens, vel ad Scholasticam Theologiam proponitur contemplandum,

I

non

non sufficit lumen naturale, sed lumen fidei requiritur. Hucusque Author ille de cuius explicatione potest ipse, quem nititur explicare, gravissimo fundamento conquiri. Vnde.

81. Contra talem explicationem facit 1. quod dicti Authores locis citatis non loquuntur de contemplatione *præcise naturali*, ut est illa, quam habuerunt Philosophi: quia de hac contemplatione iam egerant, dividendes contemplationem ut sic in Gentilicam, & Christianam, ubi utriusque differentias tum ex principio, tum ex objecto earum aperiunt. Ut quid ergo hic repeterent, quod immediate antea dixerant.

Secundò facit, quod hic contraponitur contemplatio acquisita immediate contemplationi infusæ, ut constat ex data autoritate: sed contemplatio Philosophica non contraponitur immediate contemplationi infusæ; siquidem mediat contemplatio acquisita Evangelica: Ergo. ¶ Tertiò facit quod data autoritas loquitur de illa contemplatione, de qua in titulo articuli pollicetur loqui: at articuli titulus loqui promittit non de contemplatione Philosophica, sed de Evangelica, ut patet ex num. 71. in fine in illis verbis *dividitur contemplatio fidelium in acquisitam, & infusam*: Ergo, &c. Et sanè, si promitteret loqui de contemplatione fidelium; & non de ea, sed de contemplatione Gentilium scribò, & ex proposito loqueretur non serius scriptor foret, sed ab omnibus sibilandus.

Quartò facit, quia contemplatio, de qua ibi loquitur, requirit *auxilia divinæ gratiæ actualis*. Requiritur hæc auxilia divinæ gratiæ ad contemplationem Philosophicam? ¶ Quinto denique quia ipse Valgornera, quem explicare satagit, explicatione non indiget; quia ipse adeò manifestè, ultra dicta se explicat loco citato ex q. 3. (idem faciunt alij duo) ut alienam explicationem non expectet. Hæc sunt verba ipsius: *Ut contemplatio supernaturalis dicatur non sufficit, quod viam fidei supernaturalem incedat: loquimur enim de contemplatione supernaturali*

*intrinsecè, & quantum ad substantiam actus, non autem extrinsecè tantum. & ex parte objecti: sed requiritur, quod principium talis actus elicitive, sive proximè ac immediate concurrans ad contemplationem, ac simul medium, quo concurrit, & elicit, sui ordinis supernaturalis. Cum enim principium elicitive, & concurrans ad actum est tamen mediatum, & remotum, licet aliàs sit supernaturalis ordinis, à principio tamen naturali proximo, & immedietato, limitatur, modificatur, & ad ordinem naturalem actus inde procedens de primitur. Hæc præfactus author loquitur de contemplatione infusæ, illam que ab acquisita distinguens, qui dicta num. 79. dixerat de contemplatione acquisita illam ab infusæ fecernens. Indigent hæc aliqua explicatione? & si aliqua indigerent, foret illa num. 80. posita: & hæcenus impugnatur? Nec omittendum duximus, Discept. Mysticam dicere, quod author à se explicatus loquitur de contemplatione, tum (scu 1.) Philosophica, tum (scu 2.) quæ non est de veritatibus fidei; nec Theologiæ. *Vbi enim aliquid ad fidem pertinet, vel ad Scholasticam Theologiam proponitur contemplandum*, &c. Rogo: contemplatio, quæ nihil ad fidem pertinens, vel ad Scholasticam Theologiam contemplatur, in quo differt à contemplatione Philosophica?*

82. Ut autem Discept. Mysticæ scrupulum sedetur, dico: authorem, quem explicat, sanam doctrinam, nulla elucidatione indigentem tradere. Consistitque in hoc, quod contemplatio infusa non solum prærequirit gratiam, & fidem, sed etiam procedit ex principio proximo supernaturali: vnde ipsa est intrinsecè, & entitativè supernaturalis. Nec inobservatam relinquo in verbis num. 79. positis illam clausulam: *secunda verò est entitativè supernaturalis, propterea dicitur infusa*, quæ clarissimè denotat, quod ideo illa contemplatio dicitur infusa, quia *in entitate supernaturalis est*: ut noscas quod idem est, quod contemplatio sit *in entitate supernaturalis*, ac quod dicatur infusa. Ac

Ac subinde, quòd contemplatio, quæ non dicitur infusa non est entitate supernaturalis. Sed ad inceptum reducens: contemplatio Evangelica acquisita prærequirit etiam gratiam, & fidem; aliter Evangelica non foret. Verùm principium proximum ipsius est entativè naturale, modoque naturali procedit, hoc est, iuxta modum naturalem intellectus contemplantis. Vnde licet per viam fidei incedat, non habet supernaturalitatem entitativam à fide, quæ est principium mediatum, ac remotum ipsius: atque adeò per principium proximum, & immediatum limitatur, & modificatur, & ad ordinem naturalem actus inde procedens deprimitur. Consequenterque talis habitus naturæ pro principio immediato habet, hoc est, intellectum iuxta modum sibi connaturalem intelligentem. Quod minimè pugnat cum hoc, quod per viam fidei incedat, vt constat ex dictis, ampliùsque ex dicendis constabit.

#### §. IV. Respondetur argumentis.

83. **C**ontra primam conclusionem non adest argumentum, cui necessarium sit occursum ire. Contra secundam autem arguitur sic 1. ex D. Dionys. cap. 7. de Div. Nomin. §. propterea: ubi ait: *Est rursus divinissima Dei cognitio, quæ est per ignorantiam cognita secundum unionem super mentem quando mens ab alijs omnibus recedens postea, & se ipsam dimittens unita est super splendentes radijs. Inde, & ibi non scrutabili profundo sapientia illuminata.* Ex quo testimonio hæc ratio formatur. Contemplatio, de qua hic Dionys. loquitur, est acquisita: sed est intrinsecè supernaturalis: ergo contemplatio acquisita intrinsecè supernaturalis est. Minor patet ex illo nomine, quod huic contemplationi Dionys. tribuit illam *divinissimam* dicens, quod de actu naturali dici nequit. Accedit que, quod alibi probavimus supernaturalitatem intrinsecam contemplatio-

nis infusæ, ex eò, quòd D. Thom. eam dixerit quodam modo *divinam*. Vnde cum hic Dionys. acquisitam contemplationem appellet *divinissimam*, erit vtique intrinsecè supernaturalis. Mai. autem prob. Contemplatio illa, in qua, qui contemplatur propria operatione procedit, est acquisita: sic est contemplatio præsens, vt denotant ea verba *ab alijs omnibus recedens*, & illa *se ipsam dimittens*, quæ activitatem contemplantis exprimunt: ergo talis contemplatio activa est.

Respondetur negando maiorem. Dionys. enim inibi de duplici contemplatione agit, vt observat D. Thom. quarum illa, de qua in præiacta autoritate loquitur, estque divinissima, contemplatio infusa est. Vnde *divinissima* dicitur, & intrinsecè supernaturalis à nobis cognoscitur. Ad probationem autem in contrarium dicas: contemplationem infusam esse propriam operationem contemplantis. Verùm quia sensus arguentis est, quòd ibi contemplans ex propria industria procedat, propterea hoc negamus, nec verba illa insertæ probationis tale suadent. Quia *recedens ab alijs*, & *se dimittens*, potest hoc facere ex se, aut ex propria industria, & potest facere ex speciali instinctu Spiritus Sancti si primo modo fiat, activè contemplatur: si fiat secundo modo, contemplatur passivè. In præsentem ergo recessus ille ab omnibus alijs, sui que ipsius dimissio est Spiritus Sancti specialissima motio, quam ostendunt: tum subtilissima illa contemplatio, quæ *divinissima* asseritur: tum alia, quæ ex Dionys. contextu, & D. Thom. expositione ostenduntur, vt textum, & explanationem legens haud difficulter cognoscet.

Accedit quòd Maximus in scholijs illa verba *secundum unionem super mentem*, sic legit *secundum illam, quæ supra intellectum est unionem*, quæ sic explicat: *nota eum unionem visionis Dei mentem superantis intellexisse.* Ex quo patet Dionys. loqui vel de contemplatione intuitiva, vel si de contemplatione viæ, loquitur de illa, quæ est su-

pra ipsum intellectum, vel mentem, quæ proculdubio infusa est.

84. Ut secundam solutionem huic argumento præstemus: nonnulla observare oportet, quæ præsentī materiæ, pluribusque alijs lucem non modicam credimus allatura, naturamque contemplationis divinæ, cuius elucidationi incumbimus, non parum aperient. Primò igitur observa quòd multa, quæ sine revelatione, aut lumine fidei, nullatenus attingere valeremus, quia vel *an est* ipsum nobis prorsus ignotum foret suppositi tamen lumine fidei docente nos illas veritates, seu mysteria possumus illa cognoscere non solum cognitione elicita ab ipsa; atque adeò intrinsecè supernaturali: verum etiam cognitione alia infra fidem, consequenterque intrinsecè naturali, & solum ex principio remoto supernaturali. Quod docuere N. Salmant. tract. 14. disp. 3. dub. 3. num. 48. patetque in fide revelante nobis Verbum Divinum nostram naturam assumpsisse, qua revelatione supposita, illi innixi plurima circa hoc ineffabile mysterium discursibus naturalibus Sacra Theologia imbutis disquirimus, ac resolvimus. In quo fides ipsa, quæ mysterium revelat, faciem offert, seu est, ut ea illustratus valeat intellectus mysteria sublimia tractare. Vnde possumus, ac debemus dicere fidem ad hæc concurrere. Primò ut influens medio suo supernaturali actu. Secundò ut ostendens veritatem, quam intellectus proprio suo actu cognoscat.

85. Secundò observa: contemplationis species, seu gradus proponi à Richard. de Sanct. Viç. relato à D. Thom. in 3. dist. 35. q. 1. art. 2. vbi in argumento 3. ait: *Ricard. de Sanct. Viç. ponit sex species contemplationis. Prima est, quando sensibilia per imaginationem considerantes in eis Divinam Sapientiam admiramur. Secunda est, quando earum rationes inquirimus. Tertia est, quando ex visibilibus invisibilia ascendimus. Quarta quando remota imaginatione in solis intelligibilibus versamur. Quinta quando ea con-*

*sideramus, quæ ex divina revelatione cognoscimus non humana ratione. Sexta quando ea consideramus, quibus etiam humana ratio contradicere videt. Ad quos sex gradus omnes modos Evangelicæ contemplationis tam acquisita, quam infusæ reduxit insignis ille Mysta. Nec intelligas; aliquos ex illis gradibus ad contemplationem activam spectare, alios verò ad infusam pertinere. Hoc imaginari aliquos suspicor: siquidem illos cespitantes miror in rebus, in quibus non debuissent cespitare. Veritas tenenda est: quòd omnes illi sex contemplationis gradus possunt, & activa, & infusa contemplatione exerceri. Huius rei autoritatem offero, postmodum allaturus rationem.*

Ipse enim Richard. quem num. 40. omnimodò videndum retulimus, sic ad rem præsentem lib. 4. de contemplatione. Cap. 22. satur: *Ad quolibet contemplationum genus pertinentia possunt Domino revelante per mentis excessum* (hoc est contemplatione infusa) *videri. Sed ex Bezeleel opere nihilominus potest perpendi, quia qualibet horum absque illo mentis excessu* (hoc est contemplatione acquisita) *possunt & solent in contemplationem adduci. Quod enim, quæso, est arcam fabricare, auro vestire, coronæque cingere, Propitiatorium tegere, Cherubim adungere: nisi gradatim quidem indicia contemplationum genera artem comparare, & multo studio atque labore alia post alia addiscere, & in usum adducere, & tandem aliquando opus consummare, & ad ultimum in omnibus perfectum esse? Sed ut de arca taceam, quid de ipsis Cherubim dicam? Nunquid ut eos formaret, vel formatos videret, legitur vel montem ascendisse, vel ad nubem intrasse? Vnde & manifeste datur intelligi, quia & illa novissima contemplationum genera (quæ in principio huius numero scripsimus) quibus quasi proprium esse videtur per mentis excessum exerceri: solent tamen quandoque infra humanæ comprehensibilitatis metas cobiberi. Omnia contemplationum genera possunt modo utroque fieri: & modo per mentis*

*excessum, modo sine aliquo mentis excessu solum exerceri.* Vidisti auctorem, & quidem luculentissimum, clarissimè, quod tradideram, edocentem: accipe motivum: etenim contemplationes divinæ, sive acquisita, sive infusa, nec differunt ex parte objecti, nec ex parte potentie: eadem enim potentia utramque elicit, & ad ipsum objectum utraque terminatur. Vnde utraque, ductrice fide, in idem centrum collineat. Discrimen stat in hoc, quod infusa attingit objectum sub ratione supernaturali; in simulque potentia hanc infusam contemplationem exercens non procedit iuxta modum sibi proprium; sed supra illum, seu iuxta phrasim Richardi, *per mentis excessum*. Alti contemplatio activa illud ipsum objectum attingit modo naturali: consequenterque potentia procedit tunc iuxta modum sibi proprium, hoc est, per proprium discursum deveniendo in simplicem objecti intuitum; quod appellatur ab eodem Richardo *absque ullo mentis excessu*. Nec datur objectum ita sublime, & arcanum, quod non valeat intellectus iuxta modum sibi proprium cognoscere: sicut non datur objectum ita infimum, quod non possit etiam supra connaturalem sibi modum contemplari. Quia, ut dictum est, diversitas non stat in objecto attacto, sed in modo, quo attingitur objectum.

Radice huius doctrinæ iam insinuavimus; modò verò illam explicatius offerimus. Consistitque in eo, quod utraque contemplatio procedit per viam fidei. Vnde ipsa fides, cui innitur contemplatio infusa, & à qua edocetur, est, quæ docet, ac dirigit contemplationem activam. Quare cum fides sit una, eandem lucem, quam uni præstat, præbet & alteri. Cum diversitate tamen ex parte modi, scilicet, vel iuxta, vel supra mentem.

86. At quia in hoc, quod est contemplationem esse supra mentem, aut, quod idem est, supra modum connaturalem intellectus; seu ex speciali Spiritus Sancti motione potest latere in-

gens equivocatio, quæ intelligentiam quidditatis Divinæ contemplationis penitus impediatur: propterea debes observare 3. ly *supra mentem* dupliciter intelligi posse. Primò, ut cadat supra modum contemplandi. Secundò, ut cadat supra rem contemplatam. Tunc cadit supra modum, quando licet res contemplata sit de facili ab intellectu cognoscibilis; modus tamen illam cognoscendi adeò sublimis est, ut *supra mentem* sit. Tunc cadit supra rem contemplatam, quando hæc talis est, ut intellectus ex se nunquam posset in eius cognitionem pervenire; fufusus tamen superiori illuminatione, in eius cognitionem venit. Caterum modus, quo talem rem cognoscit, est sibi connaturalis, videlicet per discursus.

Horum exempla in promptu sunt. Siquidem quoad primum, nemo ambigere potest, quod res quædam naturalis potest ita sublimiter contemplari, & ex motione tam superiori, & arcana; ut totus ille progressus *supra mentem* esse, faciliter cognoscatur. Quæ cōtemplatio solet esse etiam ita efficax, ut raptum causet. De quo plura exempla sunt illorum, quia ex intuitu rei naturalis, aut ex auditione unius vocis, extatici mirabiliter fiunt. In quo certum est superioritatem huius contemplationis non provenire ex objecto attacto; sed ex modo, quo anima fertur in objectum.

Quoad secundum autem etiam res est perspicua, constatque ex duobus ultimis gradibus cōtemplationis, quos ex Richardo retulit D. Thom. num. 85. in eorum primo utique *supra mentem* procedimus; quia ex nobis in illa dirigimur, ad quorum attigentiam natura nobis vires dedit: vnde cum ea contemplamur, quæ solum ex revelatione cognoscimus; *supra mentem* procedimus. Quod clarius constat in alio gradu, in quo illa consideramus, *quibus etiam humana ratio contradicere videtur*, quia ex nobis illa solum considerare valemus, quæ humana ratio nobis dicitur: vnde in illa dirigi, *quibus humana ratio contradicere videtur*, abs dubio

dubio est *supra mentem* cognoscere. Verum quia fides, cuius ductu obiecta illa, nostram mentem transcendunt, attingimus, non consistit nobis modum illa attingendi superiorem nostro modo discursivo, nec ex consequenti, discursum nostrum aufert, aut pravenit: propterea illa ipsa arcana, & sublimissima obiecta cognoscimus ex discursui atque adeo iuxta modum connaturalem intellectus, consequenterque non *supra mentem*. Ex quibus

Respondetur. 2. ad factum argumentum: prætermittitur maiori, distinguendo minorem: contemplatio, de qua, &c. *si supra mentem* fiat, conceditur: si fiat *juxta mentem*, ac modum proprium intellectus, negatur. Itaque Dionys. loquitur de sublimissima contemplatione, quæ per negationem habetur, quæ quidem haberi non valet, quin intellectus sublimetur ad operandum supra modum sibi proprium: unde *supra mentem* est illa contemplatio, ly *supra mentem* cadente supra rem contemplatam iuxta dicta num. antecedenti; quia semper, quod talis contemplatio datur, debet esse hoc modo *supra mentem*. Cæterum obiectum illud, ut dictum est, potest attingi modo proprio intellectus; atque adeo *juxta mentem*, & tunc quamquam obiectum sit adeo sublime, contemplatio est acquisita, & naturalis, quia per illum modum naturalem, quo intellectus procedit ad ordinem naturalem actus inde procedens deprimitur: ut vidimus numero 81. Si autem obiectum illud attingatur ex motione transcendente modum proprium intellectus; atque adeo *supra mentem*; tunc contemplatio est infusa. Quæ omnia ex ijs, quæ prælibavimus, constant. Unde patet, illam contemplationem, quam nobis Dionys. loco citato proponit, utroque modo posse haberi: & secundum modum, quo facta fuerit, erit, vel non erit intrinsece supernaturalis.

Per quæ patet ad ea, quibus minor illa propositum negata suffulciebatur. Etenim Dionys. illam contemplationem appellat *divinissimam*; vel quia

infusa est iuxta primam solutionem, vel quia juxta secundam, potest esse infusa: vel denique, quia licet acquisita sit, multoties, favente Deo, transit in infusam. Quod licet etiam accidat meditantibus, & etiam vocaliter recitanti, ut adstruit Seraph. M. Nostra; frequentius tamen evenire solet contemplanti contemplatione illa adeo elevata, quamquam acquisita. Unde ob hoc morivum iure etiam dicitur *divinissima*: licet, si inspiciantur, quæ ipsa habet ex se, hoc nomen ei non detur.

87. Arguitur 2: quæ differunt secundum substantiam, continuari non possunt: actus contemplationis acquisita, & infusa continuantur: ergo non differunt secundum substantiam: ergo cum substantia contemplationis infusæ sit supernaturalis; pariter, & substantia contemplationis acquisita. Hæc secunda consequentia constat ex prima, quæ legitimè inferitur ex præmissis, quarum maior certissima est, minor verò est juxta ea, quæ diximus num. precedenti.

88. Confirmatur 1. Quia contemplatio acquisita causat intensiorem amorem supernaturalem: ergo & ipsa supernaturalis est. Antecedens apud omnes mystas est certissimum, quicum D. Thomas 2. 2. quæst. 180. art. 1. in corp. & 3. ad 3. docent, contemplationem terminari ad voluntatem, quam facit igne intensiori inflammari. Et consequentia probatur: intensio illa amoris est de linea ipsius amoris: unde supernaturalis est: sed effectus supernaturalis nullatenus provenire potest à causa naturali: ergo contemplatio acquisita, quæ talem intensiorem causat, est supernaturalis.

89. Confirmatur 2. Contemplatio acquisita est regulativa illius amoris sibi correspondentis: ergo est supernaturalis. Antecedens patet: quia quivis actus voluntatis regulatur per actum intellectus; unde obiectum voluntatis est bonum, ut ab intellectu apprehensum, sibi quæ propositum; ita ut nihil voluntas diligat, nisi id, quod ei intellectus proponit. Deinde probatur con-

se.

sequentia, quia actus intellectus regulans amorem supernaturalem debet esse supernaturalis: ergo contemplatio acquisita, per quam regulatur amor ille supernaturalis, supernaturalis est. Probatur antecedens: quia voluntas nequit diligere nisi id, quod sibi intellectus proponit, & ex motivo proposito ab intellectu: sed voluntatis actus, quem regulat contemplatio acquisita, tendit in obiectum ex motivo supernaturali: ergo ipsa contemplatio regulans attingit idem supernaturale motivum; atque adeo supernaturalis est.

90. Respondetur argumento ex nostris Complutensibus lib. 1. de anim. disp. 5. q. 2. num. 9. & cum nostris Salmant. tract. 14. disp. 3. num. 56. concedendo maiorem, & negando minorem. Nec nos diximus, actus contemplationis acquisitæ, & infusæ continuari. Sed diximus, quod omnes docent, videlicet, quod animam, contemplationem activam fervidè exercentem, solet Deus elevare ad contemplationem infusam. ¶ Quādo autem hec evenit, datur vera successio unius actus post alium: vnde continuatio non adest. Variatur enim motivum, & obiectum formale contemplationis: quare hæc non potest non variari. Quod clarissimè constat ex illo addito in contrarium adducto. Siquidem vocaliter recitantem potest Deus elevare, elevatque aliquando, ad infusam contemplationem. Dum tamen anima ingreditur contemplationem infusam, hanc cum oratione vocali quis asserat continuari? Similiter in nostro casu: in eo quippè datur vera, & realis successio: non tamen datur continuatio. Videantur citati Salmantif. Complut. que.

91. Ad primam confirmationem respondere debent, qui nobis in hac parte adversantur. Etenim meditatio dirigitur ad inflammandam voluntatem, rogumque charitatis augescendum, ut multoties dictum in superioribus est, & modò supponi debet. Est nē meditatio causa illius supernaturalis amoris, vel non? Si non alio recurrendum est, ut causa illius intensificationis in-

veniamus; quod idem in calu præsentia dicemus. Si sic: ergo potiori iure idem dicemus de contemplatione acquisita. Insuper frequens mystarum (primo tenet, Theologia Scholastica habuit esse principium elicitivum contemplationis acquisitæ, quæ non terminatur ad ipsas veritates fidei, sed ad conclusiones inde deductas. Inquirō: est nē habitus Theologiæ Scholasticæ causa amoris ex illa contemplatione, veluti resultantis, vel non? Quodcumque dicatur, nihil contra nos hanc confirmationem, sequentemque probare convincitur. Quia si est causa; habemus intentum. Si autem causa non est: aliam assignare teneris, de qua nos idem dicemus.

Respondetur ergo ad primam confirmationem; contemplationem acquisitam, nec alium actum cuiuscunque virtutis, & etiam actus ipsius charitatis, non posse causare intensificationem, seu augmentum charitatis, nisi in genere causæ dispositivæ, ob ea, quæ nostri Salmant. docent. tract. 19. disp. 5. dub. 3. num. 16. Quod autem contemplatio hoc modo possit influere in charitatis augmentum, res est communis omni virtuti, nedum infusæ; sed etiam acquisitæ, ut docent iidem P.P. tract. 16. disp. 4. dub. 2. Quod quidem in contemplatione specialiter vrget. Cū certum sit, evenire posse, quod iustus eliciat actus aliarum virtutum (ut contingit cū intra Sacramentum iustificatur) priusquā actum formalem charitatis eliciat, ut tradunt dicti Patres loco citato ex tract. 19. dub. 4. num. 223. Cæterum contemplationis actus elici non potest, quin charitas præcedat, juxta doctrinam D. Thom. in ipso loco, qui contra nos citatur. Vnde ex hoc habet contemplatio acquisita, quod dicto modo influat in augmentum charitatis.

Ob quæ Abbas Anthochus oratione 128. dixit: *Nihil ita cor hominis inflamat, sicut Theologia.* Sed audiendus est D. Thom. in quo hæcenus dicta fundantur. Sic enim loco citato art. 7. inquit. *Ad primum ergo dicendum,*



*dum, quod vita contemplativa, licet essentialiter consistat in intellectu: principium tamen habet in affectu, in quantum videlicet aliquis ex charitate ad Dei contemplationem incitatur. Et quia finis respondet principio: inde est, quod etiam terminus, & finis contemplativæ vitæ habetur in affectu: dum scilicet aliquis in visione rei amatæ delectatur, & ipsa delectatio rei visæ amplius excitat amorem. Vnde Gregorius dixit super Ezech. quod cum quis ipsum, quem amat, viderit, in amorem ipsius amplius ignescit. Et hæc est ultima perfectio contemplativæ vitæ, ut scilicet non solum divina veritas videatur, sed etiam ut ametur.*

Ad 2. confirmationem ex doctrina tradita patet solutio. Hic enim etiam urget illud, quod de actu meditationis dicebamus, & etiam de actu contemplationis acquisitæ ad veritates deductas ex principiis fidei terminatæ. Vnde licet actus naturalis non possit ex se effectum supernaturalem habere, nec obiectum supernaturale attingere: actus autem, qui ex se naturalis est, supernaturalis autem aliundè; potest quidem, provt sic, effectum intra ordinem supernaturalem habere, & obiectum supernaturale attingere, illudque ex motivo supernaturali proponere voluntari. Vnde, cum contemplationem acquisitam, licet naturalem quoad substantiam; supernaturalem tamen radicaliter, & ex obiecto dixerimus: propterea ex hoc, quod ei ex fide, ac charitate accrescit, potest facere, quod sibi relicta, haud valeret.

92. Arguitur 3. contemplatio acquisita est participatio formalis prædicati Divini, illius scilicet intellectio- nis, qua Deus seipsum contemplatur: ergo est quoad substantiam supernaturalem. Consequentia patet ex ijs, quæ prælibavimus, & antec. prob. Ex eo quod nihil videtur deesse huic nobilissimo actui, ut sit formalis participatio illius supernæ intellectio- nis, sicut illam participat contemplatio infusa: ergo illius participatio formalis est. Prob. antec. Solum adest differentia inter

contemplationem acquiritam, & infusam, in eo, quod illa sit minus perfecta, quam ista: sed hæc minor perfectio non obest, ut participet dictam intellectio- nem; sicut patet in virtutibus Theologalibus, & moralibus infusis, quæ licet, se in perfectione excedant, sunt nihilominus participationes prædicati divini, & ut comparatio fiat inter res eiusdem ordinis, diversi gradus infusæ contemplationis se in perfectione excedunt: & tamen omnes illi participant dictam intellectio- nem divinam: Ergo.

93. Confirm. Si contemplatio acquiritæ fieret ex speciali motione Spiritus Sancti, ut infusa foret utique supernaturalis intrinsecè, sicut illa: sed quod non fiat ex speciali illa motione, non obest, ut sit intrinsecè supernaturalis: Ergo est. Consequentia sequitur, & mai. certa videtur; quia in hoc solummodo differunt hæc duæ contemplationes, ut patet ex multis dictis, in quo, si non differrent, auferri non posset contemplatione acquisita intrinseca supernaturalitas; vel illam contemplatio infusa non haberet. Minor, autem probatur; quia actus virtutum Theolog. sunt intrinsecè supernaturales, etiam si fiant non ex speciali motione, sed ex industria, ac studio nostro: Ergo licet ex simili studio procedat contemplatio acquisita erit intrinsecè supernaturalis.

94. Respondetur argum. negando antec. Quia tunc datur supernaturalitas intrinseca quando datur participatio alicuius prædicati Deo convenientis secundum modum essentia sibi proprium, ut diximus num. 61. si autem aliter participetur tale prædicatum, non solum intrinsecam supernaturalitatem non arguit; quinimo illam excludit. Quod autem contemplatio acquisita hoc secundo modo, & non illo primo Dei prædicatum participet, inde omnis alijs constat, quia si primo illo modo participaret, in Deum ut terminum supernaturalem tenderet, quod non habet, ut ex dictis constat. Nec huius alia ratio, ultra datas, modò necessaria est,



est nisi illa, quam assignant nostri Salmanticensēs tract. 12. dub. 2. num. 36. hūc verbis: *Actus non attingit obiectum nisi in virtute sui principij proximi, ex cuius directione, & idēo quomvis in obiecto sint plures rationes alijs formales, & propter se attingibiles; si tamen predictum principium non omnes formaliter respicias, sed aliquam, vel aliquas purē materialiter, hoc ipsum debet habere actus.* Vnde licet in obiecto contemplationis acquisitæ sit ratio supernaturalis; quia verò hanc rationem illa ex se non attingit; eo quòd principium eius, nempe habitus Theolog. acquisitæ, non respicit illam pro formali; propterea actus ille supernaturalis intrinsecè non est.

Per quod patet ad ea, quæ pro illius antecedentis probatione adducta sunt. Entem contemplatio acquisita, ita est minùs perfectæ, quàm infusa, quòd sit generis multum inferioris: eoque adest discrimen notissimum inter has contemplationes, & exempli ibi allata; siquidem illa diversa sunt inta lineam entis supernaturalis, in qua illam maiorem, vel minorem perfectionem habent. Contemplatio verò acquisita est extra genus entis supernaturalis; vnde non adest paritas.

95. Ad confirm. respond. maiorem impossibile continere: ex quo sequitur quodlibet. Si namque contemplatio acquisita fieret ex speciali motione Spiritus Sancti foret, & non foret supernaturalis: foret quidem, vt supponitur; sed non foret, quia eius principium proximum non esset tunc supernaturale, sicut nec nunc. Vnde etiam si non differrent contemplatio acquisita, & infusa in motivo, ex quo procederent: Si tamen principium proximum contemplationis acquisitæ maneret naturale, ipsa esset, & non esset supernaturalis, vt dictum est. Vnde falsum est, quod ibi additur, videlicet, has duas contemplationes solùm differre in motivo, ex quo procedunt. Differunt in motivo, differunt in principio proximo, & differunt in pluribus alijs; & quamquàm dum de his con-

ASPIRITV SANCTO.

templationibus loquimur, regulariter dicamus, in motivo discriminari: Hoc non est, quia alias rationes differentie excludamus: sed quia illa verè differentia est, & in illa aliæ implicantur.

Ad min. autem, quatenus nobis opponi potest, dicimus ex tom. 1. disp. 1. quæst. 8. num. 200. habitum supernaturalem dupliciter infundī. Primò ita, vt actus eius nostræ industriæ relinquatur. Secundo ita, vt actus eius sit ex superiori motione, nec subist industriæ nostræ. Habitus contemplationis supc. naturalis infunditur hoc secundo modo, & illo primo modo infunduntur habitus virtutum Theologalium, & aliarum infusarum virtutum. Vnde actus harum virtutum, licet sint supernaturales, sunt à nobis, dum volumus. Actum verò contemplationis, quæ intrinsecè supernaturalis sit, non, cum volumus, elicimus: sed cum illa Spiritus Sancti motione specialissima, ad eius elicentiam requisita, dicamur. Quare contemplatio illa, quæ ex hac motione non procedit, intrinsecè supernaturalis non est.

96. Diccs: Cur in alijs generibus dantur actus acquisiti naturales, vt sunt omnes actus virtutum acquiritarum, tum moralium, tum aliarum: dantur etiam virtutum supernaturalium habentium idem nomen cum acquisitis, actus supernaturales acquisiti, vt sunt actus virtutum omnium infusarum: In super, ac denique dantur actus infusi, quales sunt: actus donorum Spiritus Sancti? vt patet ex dictis num. 37. & 38. Cur inquis, hoc ipsum non dabitur in contemplatione: ita talitèr, quod detur contemplatio naturalis acquisita, & contemplatio acquisita supernaturalis, & demùm contemplatio infusa? Datur v. g. fortitudo virtus naturalis, cuius actus intrinsecè naturalis est: & datur virtus fortitudinis supernaturalis, cuius actus intrinsecè supernaturalis est, licet acquisitus, hoc est, nostra industria elicitus: ac datur fortitudo donum Spiritus Sancti cuius actus non solùm est supernaturalis, sed & infusus: Idem evenit in fide; quia datur

K

datur fides humana, quæ est merè acquisita, & fides virtus Theologica, quæ est infusa, licet actus sit acquisitus, & fides quæ est vna ex gratijs gratis datis, quæ penitus infusa est: idem evenit in alijs, & ab hac generalissima regula excipitur Divina contemplatio; liquidem non ponimus actum contemplationis, qui sit intrinsecè supernaturalis, & acquisitus medians inter contemplationem naturalem, & prorsus infusam?

Obiectio hæc petit quod sapientimè negavi, quamquàm simul et petitionem. Explorare enim vult, quid circa virtutem fidei hac in parte sentiamus. Quod iam diximus, nequiquam revelandum, usque ad locum sæpe sæpius dictum; nec iam plurimum distat. Et certè de hoc multoties sermonem facere cogimus; nè si instantiam, cum ipsa se se prodit, præterimus, ex alio sine illam dissimulare videamur. Nec te moræ tædeat; quippè res admodum difficilis est, & ab Authoribus innumeris Scholasticis, & Mysticis, quos sedula reflexione vidi, penitus prætermissa.

Ex ijs enim invenies, qui dicant, vt suo loco monuimus, Theologiam Mysticam, & Scholasticam esse eundem habitum, ac insuper principium proximè elicivum contemplationis esse fidem. Quibus addunt, Theologiam Mysticam esse scientiam. Hæc dicunt, & quomodo compatiantur, nec levissimè insinuant. Nobis autem in animo fuit ab initio huius operis, nodum istum, Gordiano superiorem, penitus abscindere, si non possumus, quod optamus, enodare; viamque hanc, quam calcata, non video, sternere; si fortè alijs alicuius, vel minimi solatijs esse possum; nè in eius sentietis fudent, vt nos, & quidem copiosissimè, fudasse, potes credere. Præterquam quòd, etiam si suo loco dicam, actum contemplationis esse actum fidei, nihil ex eijs, quæ modò asserimus, & priùs asserta sunt, mutationem subibit. Vnde divisionem adæquatam contemplationis in infusam, & acquisitam; huius, de

qua hic loquimur, naturalitatem intrinsecam; habitum ipsius esse Theologiæ habitum; esse scientiam, aliaque similia minimè mutabimus. Nullum ergo malum tibi facit, circa illud punctum suspensio nostra. Maximè cum, ad locum vbi propiorè sedem habet, sit remissio. Patientiam ergo habet in me, & omnia tibi, favente Numine, reddam.

97. Pro nunc autem respondetur ad factam obiectionem conced. Omnia, quæ dicit de illis omnibus virtutibus, donis, & gratijs, & negando hoc ipsum inveniri posse in contemplatione. Discrimen offertur ab ipsa rerum, de quibus agimus, natura. Etenim vt illæ virtutes habeant illam triplicitatem actuum, nulla adest repugnantia; immo provida convenientia, vt Theologi explanant. Ast, vt eadem actuum triplicitas detur in contemplatione, adest clarissima repugnantia. Quia actus ille contemplationis supernaturalis acquisitæ non est principium proximum, à quo eliciatur. Non auxilium aliquod trāsens; quia talis actus debet fieri, seu procedere connaturaliter à contemplante, ad quod necessarium est, ponere habitum permanentem, vt passim cum communi sententia Theologorum docent Salmant. nostri.

Iste habitus non potest esse Donum Spiritus Sancti, aut aliud superius, quia hæc Dona operantur ex speciali motione Spiritus Sancti. Vnde actus ipsorum sunt infusi. Præterquam quòd Dona Spiritus Sancti sub iudice est, an ipsa sint principia proximè elicitiva actuum; an verò solùm concurrant, vt modificantia principium proximum, de quo loco insinuat agemus. Videatur interim Discept. mystica tract. 2. q. 3. artic. 7. num. 29.

Insuper habitus iste debet esse intellectualis, de quo nemo dubitare potest. Ergo vel est habitus principiorum, vel sapientia, aut scientia, aut prudentia, aut ars. Patet, quia in hos habitus adæquatè dividitur habitus intellectualis ex Aristot. 6. Ethic. cap. 4. quem omnes sequuntur. Videatur à nobis

# DISP. 8. DE QUIDDITATE DIV. CONTEMPLATIONIS. Q. 4. 75.

nobis dicta in Isag. lib. 1. num. 157. & disp. 1. proœmiali num. 211. Habitu contemplationis non esse artem, nec prudentiam, quis negare audebit? Habitus principiorum est habitus naturalis, unde actum supernaturalem producere non potest. Si autem pro habitu principiorum velimus intelligere Donum intellectus, quod à D. Thom. solet dici habitus principiorum, huius actus est infusus; quare contemplatio acquisita non potest esse actus eius.

Si verò pro habitu principiorum sumatur fides, quam relatè ad Theologiam idem Ang. Doct. vocat habitum principiorum; adhuc non potest esse contemplatio acquisita actus eius. Tum: quia hic actus est scientificus: unde à fide esse non potest. Tum: quia aliàs fides esset virtus intellectualis, contra ea, quæ ex D. Thom. diximus dicto loco ex Isag. num. 154. unde devolvitur tota controversia ad sapientiam, & scientiam.

Sed nec istæ possunt esse principium contemplationis acquisitæ supernaturalis. Quia adhuc in nullo Theologorum aliam sapientiam, aut scientiam vidimus, nisi vel acquisitam; vel infusam. Infusa est Donum Spiritus Sancti, aut gratia gratis data, aut alia superior. Harum omnium actus infusi sunt: actus autem sapientiæ, & scientiæ acquisitæ sunt, sicut & ipsæ, intrinsecè naturales. Unde nullum adest principium proximum, quod elicere possit hanc contemplationem supernaturalem acquisitam.

98. Instas: omnia hæc superantur, si dicatur, habitum Theologicum esse intrinsecè supernaturalem: sic enim contemplatio erit acquisita, & supernaturalis intrinsecè. ¶ Respond. non sic omnia superari: quia si habitus Theolog. ponitur intrinsecè supernaturalis, non dabitur contemplatio Evangelica naturalis; atque adeò de hac fiet idem argumentum, quod factum est num. 96. Adde: supernaturalitatem habitus Theologici non esse opinionem adeò communem, ut illi possimus rem adeò communem, ac

fundatam alligare. De quibus nihil amplius.

99. Arguitur ultimò: Contemplatio acquisita Evangelica habet supernaturalitatem superiorem supernaturalitate contemplationis merè Scholasticæ: sed contemplatio merè Scholastica est supernaturalis ex principio remoto, & ex obiecto: ergo supernaturalitas contemplationis Evangelicæ acquisitæ est intrinseca. Consequentia bona est; quia supernaturalitas creata adequatè dividitur in supernaturalitatem intrinsecam, & extrinsecam. Unde id, quod est supernaturale, & non extrinsecè, erit utique intrinsecè supernaturale. Min. vera est; quia Theolog. Scholastica, quæ est principium proximum illius contemplationis Scholasticæ, est supernaturalis à fide, quæ est principium eius mediatum, & ab obiecto, ut neminem latet. Mai. autem probatur: quia contemplatio Evangelica acquisita petit indispensabiliter gratiam, & charitatem, estque actus vitæ æternæ meritorius, nihil horum habet ex se contemplatio merè Scholastica: siquidem datur in peccatore, & dummodò salvetur fides Theologica, salvatur Theologia Scholastica: ergo tenet maior.

100. Confirm. seu vrgetur ratio facta: Contemplatio Evangelica acquisita habet intimam, ac indispensabilem connexionem cum ente supernaturali, scilicet cum gratia, & charitate, à qua indispensabiliter procedit, in ipsamque terminatur, ut supra ex D. Thom. vidimus: ergo est intrinsecè supernaturalis. Anteced. patet: quia per eunte charitate, perit necessariò contemplatio Evangelica acquisita, quod non potest aliundè provenire, nisi ex intima connexionem, quam cum charitate habet. Et consequentia probatur: quia nullum ens naturale dicit illam connexionem cum ente supernaturali: ergo si talem connexionem dicit contemplatio Evangelica acquisita, est quia est intrinsecè supernaturalis.

101. Respond. argum. ex dictis in nostra Isag. lib. 1. num. 159. & num. 68.

visque ad 71. Virtutes, & vitia posse sumi, & in esse habitus, & quoad essentiam; & in esse virtutis, & vitij, seu quoad statum. Virtus (idem est de vitio) in esse habitus dicit ipsam essentiam virtutis, adeò remissam, vt nec habentem denominet *virtuosum*, vt dicunt N. Salmant. tract. 12. disp. 4. dub. 2. num. 28. nec alia, quæ sunt propria virtutis, habeat. Virtus in esse virtutis dicit se ipsam cum perfectione status. Horum exemplum est fides infusa, quæ in peccatore non est in esse virtutis, sed in esse habitus; in iusto autem statum virtutis habet, estque principium operum valdè sublimium, quorum in esse habitus non potest principium esse. Ex quibus ad argumentum,

Dicimus: habitum Theolog. in esse virtutis esse principium contemplationis Evangelicæ acquisitæ, quæ indispensabiliter petit pro principio habitum ipsum perfectum, & quoad statum, quod non habet sine gratia, & charitate, sicut & aliæ virtutes acquisitæ. Ast principium contemplationis merè Scholasticæ non exigit ipsum habitum quoad statum pro principio; sed potest elici ab ipso habitu in esse habitus. Vtrobique tamen supernaturalis extrinsecè est. Licèt dum procedit ab illo in esse perfectò, sit illa supernaturalitas perfectior, & à pluribus, perfectioribusque principijs proveniens. Sicut patet in ipsa fide infirmi, & formata, quæ semper est supernaturalis intrinsecè, sed perfectior formata, quam infirmis. Ac denique, sicut per eundem fide infirmi, perit contemplatio Scholastica, sic abeunte fide formata, abit contemplatio Mystica. Vnde in forma,

Respondetur: Concessa maiori de superioritate intra lineam supernaturalitatis extrinsecæ, & concessa etiam minori, negando consequentiam; quia sine eo quod detur alia supernaturalitas diversa ab extrinsecæ, & intrinsecæ, datur excessus in illis, sive extrinsecæ, sive intrinsecæ sint, vt dictum est. Per quod patet ad omnia, quæ in argumento dicuntur.

Ad confirmat. dicas: eandem intimam connexionem cum gratia, & charitate habere etiam contemplationem Scholasticam, si proveniat ab habitu Theologico in statu perfectò. Vnde dicit illam connexionem cum ente supernaturali: non tamen propter hoc est intrinsecè supernaturalis contemplatio Evang. acquisita, quia talem connexionem non dicit intrinsecè, & ex se; sed ex gratia, ex fide, ex charitate. Vnde licèt, illud, quod ex se, & intrinsecè dicit illam intimam connexionem cum ente supernaturali, sit supernaturale entitativè, quod, & non ampliùs probat hæc confirmatio; Illud tamen quod solum ex aliundè acceptis dicit talem connexionem, non est entitativè supernaturale. Et si ob dicta contemplatio Evangelica intrinsecè supernaturalis foret; etiam Theologia Scholastica eadem supernaturalitate gauderet; siquidem ipsa quoquè dicit intimam, ac indispensabilem connexionem cum fide; ita vt in non habente fidem dari nequeat. Et etiam omnis virtus acquisita in esse virtutis, & quoad statum, petit indispensabiliter charitatem, & non ob hoc sunt entitativè supernaturales. Videantur N. citati Salmant. ex quorum doctrina aliquot instantias contra dicta ex aliquibus reduplicationibus provenientes, haud difficulter solvi possunt.

## DISPUTATIO NONA.

### *De bonitate Divinæ Contemplationis.*

**D**isputationem de quidditate Divinæ Contemplationis absolvimus, sed non adhuc ab

illa recedimus; Immo nec in toto hoc prædicabili recedemus. In eo enim tota nostra sollicitudo in id dirigitur, vt  
huius

## DISP. 9. DE BONITATE DIVINÆ CONTEMPLATION. Q. 1. 77.

huius excellētissimæ operationis quidditas aperitur. Omnia quippè de quibus in eo agendum nobis est, lucem conferunt ad hanc nobilissimam cognitionem nanciscendam: tum ab eius causis: tum ab effectibus: tum ab alijs. In præsentī disputatione de bonitate ipsius acturi sumus. Nec ipsius bonitatem disquirimus, sed supponimus. Et hæc contemplationis bonitate supposita, modum, quo ei convenit, & quomodo convenit, aliaque huius materiæ propria, explorabimus. Duplex bonitas in contemplatione consideranda est. Prima, quæ ipsi convenit in quantum est ens: omne enim ens est bonū, vt docet D. Thom. 1. p. q. 5. art. 3. constatque, quia *bonum* est vna ex affectionibus entis: vnde cum Contemplatio Divina sit ens completum, & perfe-

ctum, vrpote directè in prædicamento posita; propterea bona est. Verùm de illa secundum hanc bonitatem considerata non loquimur, quia hoc est valde commune; eoque delevire non potest, vt mens circa essentiam Divinæ Contemplationis illustratur. Alia est bonitas ipsi conveniens, vt est animæ in perfectionem cunctis perfectivæ: ac de ista loquimur in præsentī. Quia eum hoc prædicabile de perfectivo animæ modo dicto sumptæ, agat, & hoc perfectivum sit Contemplatio Divina, quæ animam veluti à propria condicione alienat, hominemque veluti divinum cōstituit. vt ex supra dictis constat, ampliusque ex dicendis constabit: ideo de bonitate Contemplationis, vt est hominis perfectiva, nobis in præsentī sermo est.


## QUÆSTIO PRIMA.

### *Vtrum Contemplatio Divina ex se sit bona?*

**S**upponimus Divinam Contemplationem esse bonam, & perfectivam hominis, quæm extrahit à confusione pluralitatis actuum, cui dum meditaretur, insudabat, constituitque in statu Profecturum, & Perfectorum. De quo specialiter disputare nolumus; quia res est satis nota, & quàm omnia quæ de Divina Contemplatione diximus, dicemusque, affatim ostendunt. Breviter tamen placuit aperire, an hoc, quod est perfectere hominem, seu esse bonam habeat Divina Contemplatio ex se, an aliunde illi proveniat? Et loquimur indiscriminatim de omni Divina Contemplatione, acquisita scilicet, & infusa; quia seorsim de qualibet loqui in præsentī necessarium non esse, progressus ipse monstrabit. Accedit: quòd præcipue de contemplatione acquisita loquuturi, quid circa infusam tenendum sit, explanamus.

### §. I. Statuitur, probaturque pars affirmativa.

**1.** **N**ostra conclusio: *Contemplatio Divina ex se est bona.* Sic sentiunt omnes D. D. Mystici bonitatem divinæ contemplationis summis laudibus effervescentes, & nunquam promerito se illam extollere iudicantes. Ita vt de illa dicere possimus, quod de æterna felicitate ait August. trat. 34. in Joan. *Desiderari potest, concupisci potest, suspirari potest, verbis explicari non potest.* Probarur ergo 1. assertio ratione ab auctoritate desumpta: Contemplatio ex se est appetibilis: ergo ex se est bona. Consequent. patet ex D. Thoma 1. p. q. 5. art. 1. vbi in fine corporis ait: *Manifestum est, quòd bonum, & ens sunt idem secundum rem: sed bonum dicitur rationem appetibilis.* Etiamque patet ex Philos. 1. Ethic. vbi inquit: *Bonum est, quod omnes appetunt.* Vnde si contemplatio ex se habet appetibi-



tibilitatem, eodem modo habet bonitatem.

Anteced. autem prob. 1. à D. Thom. 2. 2. q. 180. art. 7. in argumento *sed contra*, ubi illud probat ex sacra Scriptura, & ex D. Greg. in hunc modum: *Sed contra est, quod de contemplatione dicitur Sapientia 8. non habet amaritudinem conversatio illius, nec 12. d. un convicius eius, sed letitiam & gaudium. Et Gregor. dicit super Ezech. quod contemplativa vita amabilis valde dulcedo est.* Et artic. 7. ad 3. affert idem Sanctus Doct. verba eiusdem Salomonis inibi de contemplatione loquentis, dicentisque: *Amator factus sum forme illius.* Ergo Contemplatio Divina est appetibilis.

Plura concurrunt ad hanc appetibilitatem Divinæ Contemplationis suadendam, ex quibus pauca adducam, quibus probatur 2. illud antecedens. Primum sit illud eiusdem Sapientia cap. 7. ubi dicitur: *Invocavi, & venit in me spiritus Sapientia.* Hæc Sapientia est Contemplatio Divina, teste D. Th. dicta q. 180. art. 3. ad 4. dicente: *Ad 4. dicendum, quod homo ad cognitionem veritatis pertingit dupliciter, uno modo per ea, quæ ab alio accipit, & sic quidem quantum ad ea, quæ homo à Deo accipit, necessaria est oratio secundum illud Sapientia 7. invocavi, & venit in me spiritus Sapientia.*

Vidimus, Salomonem de Divina Contemplatione loqui in allatis verbis: videamus, quid secum afferat contemplatio, ut hac via eius appetibilitas demonstretur. Prosequitur Salomon ipse contemplationis sua oratione obtentæ conditiones proponens hisce verbis: *Et proposui illam regnis, & sedibus, & divitiis nihil esse duxi in comparatione illius: nec comparavi illi lapidem pretiosum: quoniam omne aurum in comparatione illius arena est exigua, & tanquam lutum aestimabitur argentum in conspectu illius. Super salutem, & speciem dilexi illam, & proposui pro luce habere illam: quoniam inextinguibile est lumen illius. Venerunt autem mihi omnia bona pariter cum illo, & in-*

*numerabilis honestas per manus illius, & letatus sum in omnibus, quoniam antecedebat me ista sapientia.* Videatur totum illud cap. 7. & lequens, in quibus multa, & mira dicit pro hac Contemplationis Divinæ appetibilitate commendanda. Inter quæ ait: *Hanc amavi, & exquisivi à iuventute mea, & quasi sibi in sponsam mihi eam assumere, & amator factus sum forme illius.*

2. Nec multum est, & si tam magnum Divinam Contemplationem esse hominibus desiderabilem; quod verè mirandum est, ipsi Deo esse appetibilem: quod eodem cap. 8. Salomon ipse ascribit subiungens: *Sed & omnium Dominus dilexit illam.* Nihil vividius exprimere potest bonitatem, & appetibilitatem Contemplationis Divinæ; siquidem si *omnium Dominus dilexit illam* evidens est, bonam esse, suavem, & appetibilem esse. Quò respiciens Ex-taticus N. Parens cant. 39. profundissimè modularis est.

El aspirar de el ayre,  
El canto de la dulce Filomena,

El foto, y sin donayre

En la noche serena, (pena:

Con llama, que consume, y no dà

Vbi per illam serenam noctem consummentem, penam tamen haud causantem, intelligit Divinam Contemplationem, in qua, inter sublimia alia, certum animæ est, se dulcissimæ Philomelæ cantum dulcissimum habituram. Cuius cantus suavitas non solum animam recreat; sed etiam ipsi Deo dulcissima est. Hæc sunt verba huius ex-perrisimi Doct. inibi: *Et ita hæc vox iubilationis est dulcis Deo, & etiam dulcis animæ.* Quod conprobat ex ipso sponso Deo hanc vocem audire desiderante, sicque lib. Canticor. cap. 2. v. 13. & 14. suum hoc desiderium exprimentem: *Surge amica mea, speciosa mea, & veni: Columba mea in foraminibus petrae, in caverna maceria, ostende mihi faciem tuam, sonet vox tua in auribus meis. Vox enim tua dulcis, & facies tua decora.* Videatur idem Doct. Sanctus in explicatione illius cantionis, ubi mira affert, mirè contemplationis ap-pe-

pe:

DISP. 9. DE BONITATE DIVINÆ CONTEMPLATION. Q. 1. 79.  
petibilitatem, atque adeo bonitatem, comprobantia.

3. Probatur 2. conclus: Bonum, & pulchrum sunt idem: Divina Contemplatio est ex se pulchra: ergo & bona. Consequentia bona est: unde duas alias propositiones probare debemus. Probatur ergo minor ex D. Thom. dicta q. 180. art. 2. ubi ait: *Ad 3. dicendum, quod pulchritudo, sicut supra dictum est, consistit in quadam claritate, & debita proportionem. Vtrumque autem horum radicaliter in ratione invenitur, ad quam pertinet, & lumen manifestans, & proportionem debitam in alijs ordinare. Est ideo in vita contemplativa, quæ consistit in actu rationis per se, & essentialiter invenitur pulchritudo. Unde Sapient. 8. de Contemplatione Sapientiæ dicitur: Amator factus sum formæ illius.*

Hoc idem convincitur ex verbis Salomonis num. præcedenti positus. Illa enim Contemplationis Divinæ pulchritudinem affatim manifestant. Verum in ipso cap. 7. v. 29. & 30. hæc veritas clarissimè demonstratur his elegantissimis vocibus: *Est enim lætæspeciosior Sole, super omnem dispositionem stellarum, luci comparata invenitur prior. Illi enim succedis nocti, sapientiam autem non vincis malitia.* Superest, ut propositi syllogismi maiorem propositionem veram etiam esse ostendamus. Igitur

Probatur mai. ex eodem D. Th. qui illam clarissimè docet tum 2. 2. q. 145. art. 2. tum 1. p. q. 5. art. 4. ad 1. ubi ait: *Pulchrum, & bonum in subiecto quidem sunt idem: quia super eandem rem fundantur, scilicet super formam, & propter hoc bonum laudatur ut pulchrum.* Ex quibus perspicuè apparet identitatem inter bonum, & pulchrum: & ratio huius identitatis: quin opus sit alia addere, ut hæc veritas constet, nisi auctoritatem D. Dionys. Areopag. qui cap. 4. de Divinis Nominibus de bono, & pulchro profundissimè differens inquit: *Hoc bonum laudatur à cunctis Theologis, & sicut pulchrum, & sicut pulchritudo, & sicut dilectio, & sicut*

*diligibile, & postea ait: Omnibus igitur est pulchrum, & bonum, desiderabile, & amabile, & diligibile.*

4. Dices: D. Thom. dicto art. 4. docet, Pulchrum, & bonum placere inter se differre: siquidem bonum pertinet ad voluntatem, habetque rationem finis. Pulchrum autem pertinet ad intellectum, habetque rationem causæ formalis: ergo tradita doctrina ruit.

Respondetur hanc obiectionem solummodo convincere bonum, & pulchrum differre ratione, ut in ibi docet Ang. Doct. quod nos minimè denegamus: fuit tamen idem re: Et hoc sufficit, ut factus discursus teneat: quia si sunt identicè idem: ex quo Divina Contemplatio per se, & essentialiter sit pulchra, ut ex D. Thom. vidimus num. 3. habetur, quod etiam sit bona: & hoc est, quod intendimus, non autem, quod nec ratione differant. Immo hæc diversitas secundum rationem nobis faveat: quia non utcumquè asserimus, nostram Contemplationem esse bonam: sed taliter bonam dicimus, quod sit animarum perfectiva: ac propterea de illa agimus in hoc prædicabili, quod de mystica differentia, seu de mystico perfectivo agit. Vnde, si in contemplatione concurrunt duæ illæ rationes, secundum quas & bona, & perfectiva est: bona, quia habet rationem finis: & perfectiva, quia pulchrum propriè pertinet ad rationem causæ formalis, ut ibi asserit D. Thom. ex hac doctrina prorsus assertum nostrum firmatur.

## §. II. Solvuntur argumenta.

5. **C**ontra conclus. arg. 1. Si contemplatio est essentialiter pulchra, & bona: ut diximus num. 3. erit bona, & pulchra per essentiam: implicat, quod res creata sit bona per essentiam: ergo implicat, quod contemplatio sit ex se, seu essentialiter bona. Cætera nota sunt, & maior probatur: Quia nihil magis convenit per essentiam contemplationi, sicut & cuilibet enti, quàm id, quod ex se, seu essentialiter conve-

venit: ergo, si est bona ex se, seu essentialiter, erit per essentiam bona.

Respond. 1. concedendo 1. conseq. Nec nos dicimus, contemplationem esse ex se, seu per suam essentiam bonam: si namque hoc assereremus, utique teneremur admittere, contemplationem esse bonam per essentiam, quod de nulla creatura potest dici. Quippe sicut creatura non est ens à se, seu ex se, seu per suam essentiam; sic non potest esse per suam essentiam bona. Itaque aliud est dicere: *Contemplatio ex se, seu per suam essentiam est bona*. Et aliud est affirmare: *Contemplatio est bona ex se, seu per suam essentiam*. Primum significat, contemplationem ex sua natura esse appetibilem, & perfectam, perfectivamque animarum. Quod certè cum entitate ab alio non pugnat. Secundum autem explicat, contemplationem habere bonitatem à se, quod indubiè falsum est.

Solutio hæc est Eminent. Caietani 1. p. q. 6. art. 3. ubi dictam differentiam adesse docet inter has propositiones: *Hoc per suam essentiam est bonum. & Hoc est bonum per suam essentiam*. Et quamquàm D. Thom. art. 3. loquatur de bonitate sine hac differentia: hoc idè est, ait idem Cardinal. quia iuxta subiectam materiam, de qua ibi sermo est, uterque loquendi modus coincidit. Cæterùm, si ea, quæ ex se exprimunt datæ propositiones, consideremus, datum discrimen subsistere, verum est.

Respond. 2. cum N. N. Salmant, tract. 11. disp. 2. num. 15. negando mai. Ad probationem negatur conseq. Ratio verò est, quia illa locutio, *bonum per essentiam* denotat, non ut cumque aliquid esse tale ratione suæ essentiæ; sed esse tale à se, & non per participationem ab alio. Quare licet contemplatio sit essentialiter bona; non tamen est bona per essentiam.

Addunt dicti P. P. illud propriè dici per essentiam bonum, quod ita ex se habet omnem suam bonitatem, ut illam nullatenus habeat ex aliquo antecedenti, concomitante, seu subsequente. Et hoc soli Deo convenit; alia verò licet

sint essentialiter bona, in illa etiam bonitate, quam essentialiter dicunt, augentur, velex adiunctis; vel alias. Quod in nostra contemplatione evidens est; siquidem prærequirit plures actus, & virtutes morales, aliaque concomitantia, & subsequencia, ut eius bonitas perseveret, & augeatur. Nunquam tantā bonitatem habet, quantum, eius natura considerata, potest habere. Siquidem, si status morales non repugnet, semper potest bonitas contemplationis augeri. Vnico verbo dicimus, quod si *bonum per essentiam* sumatur, prout est idem ac bonum non participatum, seu ab alio; sic contemplatio non est per suam essentiam bona: si autem sumatur, prout est idem, ac non accidentaliter; sic est bona per suam essentiam, seu ex se.

6. Arguit. 2. Quod ex se est bonum & animæ perfectivum, semper hoc habet: sed contemplatio, maximè acquisitiva: ergo ex se non est bona. Maior. quia quod alicui essentialiter convenit, semper illi convenit; immo non solum non potest concipi sub opposito; sed nec sine illo, quod sibi essentialiter convenit, potest concipi. Minor autem probatur: Quia contemplatio acquisita multos perdidit, duxitque in lamentabilem ruinam, quorum catalogus innumerabilis posset fieri; si hoc non esset ab omnibus notum. Hinc Quietistæ orti sunt, in quorum tartaream classem quotidie multi accensentur, in ea manibus cōtemplationis activæ collocati: ergo hæc potius destructiva animæ est dicenda, quàm bona, & perfectiva nominanda.

Respond. nullam rem adeò bonam esse, quæ vitari non possit hominum malitia. Contemplatio de se bona est. Sed si quis, incipiens cum sit, vult ad illam quin meditationem exercuerit convolare: proculdubio suam ruinam experietur. Siquis sine Directore, se sibi sufficere iactans, contemplationem exercet, nè miretur, si penitus, quibus erat sydera calcaturus, præcipitatur. Siquis media contemplatione non fa-



tagit fervorem accendere, sed potiùs tumulare, delidia, ac torporis altor: nil mirum, si in turpissimum otium ruat miserimè strangulandus. Nec intelligis, hos, dum percunt, Divinam Contemplationem exercere; si namque illi incumbere, haud perirent. Paulatim propria sua culpa vnam sibi construunt foetidè sepulchralem, quam cum occupant, iam in eis non remanet contemplatio, sed abortivatio.

Itaque Divina Contemplatio bona est, perfectiva animæ est, otium est; sed non turpe illud Quietistarum otium; sed otium Sanctum, otium vigilans, otium penetrabilis omni gladio ancipiti. D. Augustin. huius sanctissimi otij expertissimus cultor otium illud contemplationis, & vitæ activæ laborem in illis duabus fororibus Martha, & Maria contemplatus est, dixitque Serm. 27. *De verbis Domini*. Sic: *in duabus feminis duæ vitæ ambæ innocentes: una laboriosa, & altera otiosa*. Otiosam dixit contemplationem; sed ea otiositate otiosam dixit, de qua aliàs idem sanctissimus Doct. dixit: *Meum otium magnum est negotium*. Vel ipse Poeta Princeps fidei lumine destitutus, otium agnovit non turpe, ac negligens; sed bonum, & rationabiliter appetendum, cum cecinit: *Deus hæc nobis otia fecit*. Verùm de his non plura, quia de eis multoties in superioribus actum est, agendumque in subsequentiis, & præcipuè in 3. prædicabili, dum, an in exercitio Theolog. Mysticæ anima tantum patiatur? exploremus.

Vnde in forma ad argumentum factum negetur minor. Ad cuius probationem negetur anteced. Illi enim, de quibus ibi sermo est, non propter contemplationem, ruinam experti sunt, sed propter suam malitiam. Præcipitum utique vitarent, si, ut par est, & à spiritus Magistris traditur, contemplationem exercerent. Vnde Divina Contemplatio semper, & vbi cumque consideretur, non ruinam parat, sed, illam virtuosè exercenti, coronam. Vide, quæ diximus disp. 7. q. 2. in fine.

7. Arguitur 3. Quia D. August. 8. A SPIRITU SANCTO.

de Trinit. cap. 3. ait, quod Deus est *bonum omnium boni*, cui consonat Boet. in lib. *An omne ens sit bonum* & vbi ait *Omnia dicuntur bona, in quantum ordinantur ad Deum*: Ergo Contemplatio Divina non est ex se bona. Probatur conseq. Quod est bonum à bonitate divina, ac per ordinem ad ipsam, non est intrinsecè bonum: Divina Contemplatio est bona à bonitate divina, & per ordinem ad ipsam, ut patet ex allatis auctoritatibus: ergo.

Respond. argumento ex D. Th. 1. p. q. 6. art. 4. Contemplationem Divinam duplici bonitate gaudere. Prima est bonitas, quæ in ipsam, & quodvis bonum creatum derivatur à primo bono. Secunda est, quam ipsa ex propria entitate habet. Primam fatemur, esse extrinsecam: Alit secunda intrinseca est, & de qua loquimur in præfenti. Vnde sicut contemplatio in ratione entis analogatur. Cum primo ente, analogia attributionis: & prout sic dicitur ens extrinsecè ab entitate primi entis: quod non obeat, ut ipsa dicat aliàs intrinsecè suam propriam entitatem: sic de bonitate discurrendum est. Videatur Ang. Doct. loco citato, & ibi Caietan.

8. Arguitur ultimò: Contemplatio Evangelica acquisita non est intrinsecè supernaturalis: ergo nec est intrinsecè bona. Anteced. constat ex dictis tota questione præcedenti, & consequentia probatur: Eodem modo dicta contemplatio est bona, ac est supernaturalis: sed est extrinsecè supernaturalis: ergo & bona. Probatur mai. Sicut contemplationi accidit, quod veritates supernaturales speculetur, atque adeò quod sit supernaturalis; sic accidit, quod virtuosa, & meritoria sit; atque ideò quod sit bona: & sicut salvatur essentia contemplationis acquisita, quin ex principiis fidei infusæ procedat; sic salvatur tota essentia ipsius contemplationis, quin charitatem infusam habeat pro principio, & termino: sed quia salvatur essentia contemplationis acquisitæ, quin fidem infusam pro principio habeat, est solummodò extrin-

trinfecè supernaturalis: ergo pariformiter, quia salvatur essentia ipsius contemplationis, quin sit ex influxu charitatis, erit bona solum extrinfecè.

Respondetur neg. confeq. discrimen inter supernaturalitatem, ac bonitatem contemplationis acquisitæ consistit in hoc, quod contemplatio ex se non habet vnde supernaturalis sit: habet tamen ex se vnde sit bona. Nec, vt bona sit dicta contemplatio, requirit charitatis influxum: quippe contemplatio Philosophica bona est. In hoc ergo æquivocationem patitur arguens, quod bonitatem aliam non agnoscit in contemplatione acquisita, nisi bonitatem virtuosam, seu ad lineam moralem spectantem. Quod quidem falsum est; quia illa, præcisa omni moralitate, suam habet bonitatem, quæ est intellectus perfectiva. Intellectus enim verbum producens illud contemplatur, & per hanc verbi contemplationem illustratur, ac perficitur. Vnde priusquam moralitas, ac supernaturalitas intelligatur, iam contemplatio bona est, & perfectiva potentia. Et de hac bonitate loquimur in præfenti. Quæ bonitas postea per gratiam, & charitatem ad lineam bonitatis moralis supernaturalis elevatur: ac de hac bonitate supernaturali idem dicimus, ac de supernaturalitate ipsa diximus questione antecedenti.

Vnde informa ad probationem consequentiæ distinguatur. mai. *est bona* bonitate illa, ad quam ab extrinfeco elevatur, concedo. Bonitate sibi ab intrinfeco convenienti, nego mai. Et concessa minori, distinguatur consequens; ergo *est bona* bonitate, quam habet ab elevatione, concedo: bonitate, quam ante elevationem habet, nego consequentiam. Ad probationem maioris patet ex dictis, quod contemplationi acquisitæ non accidit, quod sit bona, & potentia perfectiva; si sermo sit de bonitate, quam ante elevationem habet: si verò de ea, quam ab elevatione habet, sermo sit, hanc iam diximus esse extrinfecam.

9. Dices: Licet contemplationi

abstractæ à Philosophica, & Evangelica accedat bonitas supernaturalis, contemplationi tamen Evangelicæ non accidit: siquidem necessario debet dicere principia supernaturalia, scilicet gratiam, & charitatem: ergo doctrina data iur. Consequentia patet, & antecedit. probatur: Quia id, quo ablato, necessario perit contemplatio Evangelica non accidit ipsi: sed ablata gratia, & charitate, necessario perit Evangelica contemplatio: ergo.

Si dicas: Idem argumentum posse fieri de virtute morali acquisita, quæ vt alibi diximus, non potest esse in statu perfecto sine gratia: & tamen virtus illa, adhuc sub statu perfecto non est intrinfecè supernaturalis, nec bonitate supernaturali bona est: ergo similiter de contemplatione Evangelica.

Contra est, Quia si paritas adducta virtutis moralis aliquid probat; convincit quidem, divisionem contemplationis in Philosophicam, & Evangelicam non esse essentialem, sed accidentalem, & penes diversos status eiusdem contemplationis, quorum vnus illam in esse imperfecto dicit, alter verò in statu perfecto: at hoc est contra ea, quæ multis locis diximus præsertim disput. præcedenti q. 2. & contra veritatem ipsam: ergo.

Respond. ad obiectionem. Quod licet contemplationi Evangelicæ non accedat gratia, sed illam necessario dicat; non tamen est intrinfecè bona bonitate supernaturali: sicut licet contemplationi Theologicæ, merè Scholasticæ, non accedat fides infusa, sed illam necessario supponat, non tamen est intrinfecè supernaturalis. Vnde triusque ratio est omnino eadem: videlicet, principium proximum, quod est intrinfecè naturale, quodque influxum illum virtutum supernaturalium limitat, & coarctat, vt quæst. præcedenti dicebamus, nè actus, principia illa supernaturalia supponens, intrinfecè supernaturalis sit. Vnde sicut actus Theolog. Scholasticæ, qui necessario requirit fidem infusam, est ob datam

ratio-

## DISP. 9. DE BONITATE DIVINÆ CONTEMPLATION. Q. 1. 83.

rationem intrinsecè naturalis: sic etiam ob eandem rationem actus Theolog. mysticæ acquisitæ intrinsecè naturalis est.

Nec momenti est, quòd actus Theolog. mysticæ plura principia supernaturalia prærequirat, quàm actus Theolog. Scholasticæ. Quippe principium proximum, quod potest coarctare influxum vniùs principij remoti supernaturalis; nè actus intrinsecè supernaturalis evadat: potest idem facere cum innumeris principijs supernaturalibus remotè concurrentibus. Quiaque bonitas sequitur entitatem; nec compati potest bonitas supernaturalis, si entitas naturalis est: propterea bonitas actus Theolog. mysticæ acquisitæ non est intrinsecè supernaturalis.

Vnde solutionem inter arguendum datam, licet veram doctrinam contineat, non probamus, quia pro materia præsentis est insufficiens. Est verum id, quod de virtutibus moralibus dicit: & idem verificatur in Theologia Mystica, quæ diversissimos gradus habet, se in perfectione superantes. Verùm divisio hæc accidentalis est, vt bene contra illam instatur. Divisio autem contemplationis in Philosophicam, & Religiosam non est accidentalitatis; sed essentialis. Et ratio est, quia cum actus specificentur ab obiectis, & duplex hæc contemplatio obiecta adeò diversa habeat, vt in 1. tomo diximus: propterea distinctio, quæ inter illas datur essentialis est, licet vtraque intrinsecè naturalis sit,

## QUÆSTIO SECUNDA.

### *Vtrum Divina Contemplatio sit honesta?*

**D**ivisio illa celebris, ac vulgarissima, qua bonum dividitur in honestum, delectabile, & vtile, motivum præbet, vt de Divina Contemplatione exploremus, an sit vtilis, delectabilis, & honesta? Viso enim iam Contemplationem Divinam esse ex se bonam, restat, vt videamus, an illo triplici modo bona sit, an verò aliquibus, vel aliquo tantum ex ipsis? Primum in hac quæstione facimus, in subsequentibus alia discursuri. Incipimus tamen à bono honesto, quia primum locum inter alia tria sibi vindicat,

quæst. Secundò potest considerari, vt dicit bonitatem transcendentalem: ac de illo sic accepto differit Ang. Doct. 1. p. q. 5. quæ non est divisio rei, & rei; sed consideratio eiusdem rei sub maiori, vel sub minori amplitudine, vt inibi docet Caietanus. In præsentis autem non loquimur de bono honesto sub hac, vel sub illa determinata consideratione, sed indifferenter loquimur de vtroque; quia eadem est respectu vtriusque considerationis difficultas præfens. Quamobrem, nec hoc, quoties sermo occurrat, tenemur explicare, nec diversas assertiones pro vtraque illa consideratione ponere. Sicut nec illas ponimus pro contemplatione acquisita, infusæque; sed in discrimine de vtraque loquimur; quia idem de illis, quoad præfens, dicendum est. Igitur

### *§. I. Statuitur veritas tenenda.*

10. **N**ostra conclusio: *Divina Contemplatio habet bonitatem honestam.* Assertio hæc communissima est, & antequam illam probemus, observandum est ex Caietano 2. 2. q. 145. art. 1. bonum honestum bifariam posse considerari. Primò vt pertinet ad lineam virtutis: & de illo hoc modo sumpto agit D. Thom. dicta

Probat. 1. conclusio ex Sacra Scriptura; quia in lib. Sapient. cap. 7. verbis adductis q. 1. num. 1. sermo est de Divina Contemplatione; vt ibi ex D. Thom. probavimus. Et ibi expressimè honestatem Contemplationis

Divinæ docet Salomon: ait enim v. 13. *Quam sine fictione didici, & sine invidia communico, & honestatem illius non abscondo.* Et v. 11. dixerat: *Venerunt autem mihi omnia bona pariter cum illa, & innumerabilis honestas per manus illius.* Vbi ponderatu dignissimum iudicamus, quod postquam Salomon, se omnia bona, sine alicuius exclusione sortitum esse pariter cum contemplatione, faretur, postea de honestate contemplationis, veluti de bono inter omnia, quæ secum contemplatio affert, vel eminentiori, vel propriiori eloquatur.

11. Probat. 2. conclusio ratione fundata in autoritate D. Thom. 1. 2. q. 39. art. 2. quam sub hac forma proponimus: Actus procedens ex rectitudine intellectus, & voluntatis dicit bonitatem honestam: contemplatio est actus procedens ex rectitudine intellectus, & voluntatis: ergo dicit bonitatem honestam. Consequentia est in tertio primæ. Mai. autem est expressa D. Thom. loco proximè citato vbi inquit: *Omne autem bonum honestum ex his duobus procedit, scilicet, ex rectitudine rationis, & voluntatis.* Min. verò probatur: quia contemplatio procedit ex voluntate rectificata per charitatem infusam, & ab intellectu rectificato per fidem, & prudentiam infusam, ac per Spiritus Sancti Dona: ergo procedit ex rectitudine intellectus, & voluntatis.

12. Confirmatur 1. hæc ratio ex eodem Ang. Mag. *Omne, quod meretur præmium vitæ æternæ, habet rationem honesti.* Sed contemplatio Evangelica meretur præmium vitæ æternæ: ergo habet bonitatem honestam. Consequentia bona est, & min. omnino certa. Mai. autem est D. Thom. loco citato in argumento *sed contra*, vbi ex illa propositione, quam assumit, suadet, tristitiam esse bonum honestum.

13. Confirmatur 2. ex descriptione, quam de contemplatione facit D. Gregor. homil. 14. super Ezech. estque huiusmodi: *Contemplativa vita amabilis valde dulcedo est, quæ super semetipsam animam rapit, cælestia aper-*

*rit, spiritualia mentis oculis patefacit, & terrena contemptui esse debere, ostendit.* Ex quibus, quàm magna rectitudine gaudeant intellectus, voluntasque, cùm Contemplatio Divina adest, faciliter cognosci potest: actus siquidem animam supra semetipsam rapiens, cælestia aperiens, spiritualia patefaciens, & mundalia contemnens, non potest non esse nisi ab intellectu, & voluntate eximie rectificatis: consequenterque actus ille rationem boni honesti habet.

14. Dices: nulla contemplatio datur proveniens ab intellectu, & voluntate meliùs, nec æquè rectificatis, quàm beatifica contemplatio: atqui contemplatio beatifica non habet rationem boni honesti: ergo ex eo, quòd contemplatio procedat ex rectitudine intellectus, & voluntatis, non sequitur, quòd habeat rationem boni honesti. Cætera omnia notissima sunt, & min. probat. 1. nam actio, habens bonitatem honestam, est laude digna ex D. Isidor. lib. 10. Ethym. cap. 8. dicente: *Honestas dicitur quasi honoris status.* Sed contemplatio beatifica laude digna non est: quia per opus necessarium, quod facit, nemo laudabilis est: ergo. Probat. 2. illa min. quia contemplatio beatifica non meretur præmium vitæ æternæ: ergo non habet rationem boni honesti. Consequentia patet ex dictis num. 12. ex D. Thom. & antecedens constat: quia in solida Theologia meritum debet præcedere præmium: sed visio beatifica non potest præcedere præmium vitæ æternæ, ut notum de se est: ergo.

15. Confirmatur: quia actus, quibus à Deo primò excitamur, sunt actus provenientes à Deo, ut à causa morali, suntque iuxta regulas morum: sed isti actus honesti non sunt propter assignatam rationem, scilicet, quia sunt necessarii, atque adeò nullatenus laude digni: ergo quòd nostra contemplatio sit ab intellectu, & voluntate rectificatis, & consonè ad regulas rationis, morumque concurrentibus, non arguit ipsam esse honestam.

Faciliter argumentum, & confirmatio

firmatio solverentur, si diceremus: nostram rationem procedere de contemplatione viæ, quæ, siue infusa sit, siue acquisita; siue Philosophica, siue religiosa, liberè fieri, non est dubium. Vnde supposito, quod debet esse actus liber: si procedat ex intellectu, & voluntate rectificatis, *honestus* sanè est. Quod inveniri in omni contemplatione Evæg. certum est. In contemplatione autem Philosophica invenitur rectitudo intellectus, quæ ad honestatem transcendentalem sufficit. Nec mirum est, quod contemplatio, quæ manet intra intellectum, ita ut non extendatur ad inflammandam voluntatem, intellectus rectificationem solummodò expôcat, à quo, sic per naturalia rectificato honestatem transcendentalem; sicut & entitatem habet. Per quæ omnino patet ad argumentum, & confirmationem.

Cui solutioni præluxit D. Thom. 1. p. q. 5. art. 6. in corp. dicens: *Respondendo dicendum, quod hæc divisio propriè videtur esse boni humani.* Loquitur ibi Ang. Doct. de divisione boni, *per honestum, delectabile, & utile.* Et si hanc resolutionem applicemus, ut par est, nostræ contemplationi, quæ actio est, ut vidimus disput. anteriori q. 3. & bona est, ut patet ex quæstione antecedenti, inveniemus, ipsam contemplationem esse *honestam*, prout est actio humana. Actio autem humana illa solummodò est, quæ cum libertate sit, iuxta doctrinam eiusdem Ang. Mag. 1. 2. q. 1. art. 1. dicentis: *Ille solè actiones vocantur propriè humanæ, quarum homo est Dominus. Est autem homo dominus suorum actuum per rationem, & voluntatem: unde & liberum arbitrium esse dicitur facultas voluntatis, & rationis. Illæ ergo actiones propriè humanæ dicuntur, quæ ex voluntate deliberata procedunt.*

16. Quia tamen illa resolutio D. Thom. loco citato ex 1. p. iuxta Caetanum inibi, est secundum communem opinionem. Propriam autem statuit verbis immediatis dicens: *Si tamen altius, & communius rationem boni consideremus invenitur hæc divisio propriè*

*competere bono, secundum quod bonum est.* Propterea, ut plenè tacto argumenti eiusque confirm. satisfiat, oblcervare debes cum nostris Salmant. tract. 11: disp. 1: dub. 2. num. 11. *Honestum* posse dupliciter sumi, primo quædam in te sua latitudine, qualiter sumitur à D. Thom. cum loco citato ex 1. part. ponitur in divisione boni transcendentis: sicque includit omnem perfectionem consonam naturæ rationali: unde includit substantiam, acciden.; potentias, habitus, obiecta, & actus, siue necessarii sint, siue liberi, siue ad ordinem moris spectent, siue ad ordinem naturalem: quia quicquid potest honestè, & ordinatè amari, includitur in *honesto*; hoc modo sumpto. Secundò autem sumitur *honestum* strictè pro sola honestate & bonitate morali, quæ fundat meritum; laudemque propriam virtutis. Ex quibus

Respondetur ad obiectionem: concessa mai. distinguendo min. *boni honesti* strictè sumpti, conc. latè considerati, neg. min. & negetur absolute consequentia: termini constant ex facta observatione, quin aliquid addere oporteat, ut percipiantur. Vnde ratio à nobis facta in suo robore perseverat, & contemplationem beatificam rationem boni honesti habere constat. Ad id, quo contemplationis beatificæ honestas impugnatur, dicas: ipsam esse laude, & honore dignissimam; quia iuxta D. Thom. 2. 2. quæst. 145. art. 1. ad 2. *Virtuti quidem debetur laus, secundum quod est appetibilis propter aliud honor autem, prout est appetibilis propter se ipsam: & secundum hoc habet rationem honesti.* Vnde cum beatifica contemplatio sit appetibilis propter aliud, nempe propter Deum, quem apprehendit; & etiam propter se, quia ex se est bona: propterea est laude digna, & etiam est digna honore. *Et secundum hoc, quod est digna honore, quia appetitur propter se, habet rationem boni honesti.*

17. Instas: visio beata, ut appetibilis propter aliud, non habet rationem boni honesti, ut patet ex modò dictis: ergo

ergo nec ut appetibilis propter se. Patet ista : quia utroque modo est amabilis, & bona illa foelicissima contemplatio: ergo si sub prima consideratione non dicit honestatem, nec sub secunda.

Respond. rationem *boni honesti* esse rationem propriam finis, sicut & rationem *delectabilis*: finis autem est id, quod propter se appetitur; non autem id, quod appetitur propter aliud: hoc enim non habet rationē finis, sed mediij: unde cū de *bono honesto* sermo est, id dicitur habere rationē *honesti*, quod habet rationē finis: non autem illud, quod medium est. Atque idcō, cū contemplatio beatifica, ut est appetibilis propter aliud, sit medium, & non finis, propterea, prout sic, est quidem digna laude; non tamen digna honore, nec habet rationem *boni honesti*; quam habet, ut est appetibilis propter se: quia tunc dicit rationem finis.

Ad id, quod num. 14. opponatur, dic: quod nos num. 12. non diximus, quod omne honestum meretur primum vitæ æternæ; sed quod *omne, quod meretur primum vitæ æternæ, habet rationem honesti*. Unde licet contemplatio beatifica non mereatur primum vitæ æternæ, rationem boni honesti habet modo dicto. *Ad confirm.* ex num. 15. respondetur ex dictis: actus illos honestos esse, sumpto *honesto* in tota sua latitudine, ut dictum est.

## §. II. Respondetur Argumentis.

18. **C**ontra conclusionem arg. sic  
1. Ratio *honesti* est ratio propria finis: contemplatio Evangelica non est noster finis: ergo nec habet rationem boni honesti. Consequentia bona est, & maior est omnino certa. minor autem probatur: Contemplatio Evangelica est medium ad obtinendam unionem cum Deo, & ad consequendum ipsum Deum: ergo non est finis. Patet ista, ex repugnantia, quæ datur in hoc, quod aliquid sit respectu eiusdem medium, & finis: siquidem finis diligitur propter se; medium autem diligitur propter aliud: unde cū

implicet, quod idem sit respectu eiusdem appetibile propter se, & propter aliud, relinquitur, quod non possit, esse simul medium, & finis.

19. Si dicas: rationem finis non posse contemplationi denegari. Quod constat ex Philos. 2. de Cœlo text. 27. ubi ait: *Unum quodque est propter suam operationem*. Quod refert, & approbat D. Thom. 1. 2. q. 3. art. 2. in corpore, inde probans nostram beatitudinem esse operationem.

Hoc si dicas: contra est 1. Quia per hoc non occurritur repugnantiae ostensæ in hoc, quod idem sit simul medium & finis, quæ nunc clarior proponitur: etenim omnis bona divisio fieri debet per membra opposita, seu quorum unum non sit aliud: sed *honestum, delectabile, & utile* dividuntur, ut dictum est: ergo ista tria sunt opposita; siue nullum illorum aliud est. Modò sic: sed sic est, quod utile est idem ac medium, & honestum est idem ac finis: ergo idem non potest simul esse finis, & medium: ergo cū evidens sit, contemplationem esse medium, sequitur ipsam non posse rationem finis habere.

Contra 2: quia licet D. Thom. laudatus illa Philol. auctoritate, quæ ferè in parcemiam abiit, utatur: Nec ipse Angelicus Doct. nec Philos. volunt, operationem esse finem operantis. Eorum tamen mentem aperuit nobis Caictan. inibi art. 4. dicens: *Cum dicitur: unumquodque est propter suam operationem, potest dupliciter intelligi. Primum sicut propter rem, quæ est eius finis: & sic falsissimum est. Alio modo sicut proprium complementum: & sic est verum: ita quod unumquodque habens operationem esse propter suam operationem, nihil aliud est, quàm esse propter se ipsum in actu completo, & perfècto*. Unde operatio non est finis operantis, si sumatur quasi in abstracto, seu se sola; sed in concreto, & prout includit ipsum operans. Videantur nostri Cœmplut. de anima elucidantes animæ definitionem essentialem ad illa verba *actus primus*.

Con-

Contra denique: quia, vt ipsi P. P. ibi docent, in dicta auctoritate extrema comparationis non sunt operatio, & operans, sed operatio, & potentia immediatè operativa, media qua operans elicit operationem. Verba prædictorum P. P. accipe. *Cum dicitur, unumquodque esse propter suam operationem, vel debet intelligi de eo, vt constituto per potentiam proximè operativam, & facta tota redPLICATIONE supra illam, non supra substantiam, &c.* Et hoc nobis non opponitur: cùm scilicet dixerimus, potentias, & habitus ab actibus speciem, & perfectionem habere. Ex quibus omnibus relinquatur, contemplationem non posse esse finem hominis contemplantis.

20. Respond. argumento neg. min. ad probationem negetur consequ. cuius probationem diluit D. Thom. 1. p. quæst. 5. art. 6. dicens: *Ad 2. dicendum, quod hæc divisio (boni in honestum, vile, & delectabile) non est per oppositas res, sed per oppositas rationes.* Quam Doctrinam repetit 2. 2. q. 145. art. 3. in corp. per hæc verba: *Ipsa etiam virtus, quæ secundum se honesta est, refertur ad aliud, sicut ad finem, scilicet, ad felicitatem: & secundum hoc idem subiecto est honestum, vile, & delectabile, sed ratione differunt: nam honestum dicitur, secundum quod aliquid habet quandam excellentiam dignam honore propter spiritualem pulchritudinem: delectabile autem, in quantum quietat appetitum: Vtile autem in quantum refertur ad aliud.* Videantur nostri Salmant. tract. 8. disp. 1. dub. 1. num. 2. & 14. & P. P. Complutens. in logica disp. 1. q. 6. num. 35. in simili dicentes: *Logicam quatenus speculativam appetit propter se, cùm trahat notitiam plurium veritatum circa ens rationis; simul tamen est appetibilis propter alias scientias: quia est earum instrumentum, & ministra.*

Per quod patet ad omnia illa, quæ in oppositione, quam inter se debent habere membra dividenda, fundabantur. Quippè necessum non est, vt sit oppositio realitatum; sed sat est,

quòd adfint formalitates diversæ, penes quas fiat divisio. Vide dicta num. 16. Solutio inter arguendum data non potest à nobis sperni: quamquàm adedò vigenter impugnata. Ad primam impugnationem patet ex modo dictis. Vt secundam, & tertiam enervemus prænotare oportet. Primò operationem posse esse illam, quæ nos coniungit cum nostro fine; vel illam, seu illas, quas eliciamus; quin, ijs medijs, cum nostro fine ultimo coniungamur. Illa, qua nostro fini ultimo vnimur, est ipsa beatitudo: quæ si vnit nos cum nostro fine ultimo supernaturali, erit supernaturalis & ipsa: & hæc est visio beatifica, quam ad vivum æmulatur, quantum per exilium licet contemplatio Evangelica. Si autem vnit ultimo fini naturali, est beatitudo naturalis, quam in veritatis contemplatione Philosophica collocavit. Rursus operationes illæ, quæ non sunt coniunctio operantis cum suo ultimo fine, possunt considerari, vel in essentis, vel in esse actus secundi. Termini ex se noti sunt. Sicut etiam noti sunt termini illi, secundum quos dividitur perfectio in perfectionem simpliciter, & secundum qui talem. Ex his ergo, sic breviter refricatis,

Observare debes 2. Motivum; ob quod denegatur, quòd operatio sit finis operantis, non esse aliud, nisi quòd finis debet esse perfectior ipso operante: quod entitaturæ accidentali, qualis operatio est, convenire haud potest. Alit hoc motivum prorsus ruit, si sermo sit de operatione, qua coniungimur nostro fini ultimo supernaturali; sive per gratiam in via; sive per gloriam in termino. Hæc enim est operatio supernaturalis, de cuius conceptu est, quòd superet non solum substantiam operantis, sed omnes etiam substantias creatas collectivè sumptas, vt tradunt nostri Salmant. tract. 14. disp. 4. dub. 7. num. 130.

Quod, præterquam quòd illi foelicissimæ operationi convenit ex conceptu entis supernaturalis, ad cuius classem spectat, convenit etiam ex privativa ratione vniendi nos cum eo, quod

quod nobis nobilius est. Quod angelicè docuit D. Thom. in 4. dist. 49. q. 1. art. 2. quæstiunc. 1. ad 5. dicens: *Aliquod accidens potest esse substantia nobilius, in quantum per ipsum substantia aliqua coniungitur alicui nobiliori se. Et hoc modo beatitudo creata, & gratia, & huiusmodi sunt aliquod nobilius naturæ animæ, cui inherent.*

21. Nemo negare potest hanc D. Thom. doctrinam multum favere asserenti, etiam operationem, quæ est coniunctio cum fine ultimo naturali, esse perfectiorem ipso operante: sed nè in non adeo necessarijs implicemur: negari non debet, hanc ipsam operationem, sub expressione coniungentis principium cum suo fine, præstare ipsi operanti, vt minus secundum quid. Quem excessum dicit etiam sub expressione actus secundi: atque adeo omnem operationem esse secundum quid perfectiorem ipsa substantia operantis. De quo videri possunt nostri Complut. loco citato de anima, approbantes, vindicantesque hanc Caietani opinionem, quæ sanè dici communissima potest, eamque D. Thom. pluribus in locis tradit. ex his ergo,

Ad secundam, & tertiam impugnationem respondetur, quòd operatio supernaturalis ex conceptu supernaturalis perfectior est omni substantia creata. Vnde si huic conceptui accedat, quòd talis operatio sit immediata coniunctio operantis cum suo fine supernaturali, vt facit contemplatio beatifica, & etiam quantum potest contemplatio Evangelica viæ: tunc talis operatio evadit simpliciter, multumque perfectior operante: subindeque potest esse ipsius finis. Vnde de hac scèlicetissima operatione intellecta parrœmia illa communis, *unumquodque est propter suam operationem*, vera est, prout iacet. Consequenterque solutio inter arguendum data bona est, transitque in probationem assertionis nostræ.

Si autem sermo sit de operatione purè naturali, siuè sit coniunctio immediata, siue mediata cum fine vlti-

mo naturali: talis operatio sub expressione actus, & coniungentis, perfectior est; sed excessu secundum quid. Vnde se sola, seu in abstracto non potest esse finis operantis: quia finis præstat operanti simpliciter. Quare de hac operatione non potest proloquium illud verificari, nisi prout à Caietano, aut à Complutensibus explicatur. Hoc tamè nobis non obest, qui loquimur de operatione supernaturali, qualis est Divina Contemplatio.

22. Dices: Contemplatio est perfectiva animæ, ac propter hoc loquimur de illa in hoc prædicabili: ergo non est finis contemplantis. Probatur cõsequentia: Finis non habet rationem perfectivi, sed perfecti, vt docet D. Th. loco citato ex 1. p. & 3. contra gentes cap. 37. Sed conceptus perfecti differt à conceptu perfectivi: quia est prior illo; siquidem prius est, quòd aliquid sit in se perfectum, quàm quòd aliud perficiat: ergo Contemplatio Divina non est finis contemplantis.

Respond D. Thomam ferè semper explicuisse finem per rationem perfectivi alterius, scilicet appetitus, vt patet in quæst. 21. de veritate art. 1. vbi ait: *Primo, & principaliter dicitur bonum ens perfectivum alterius per modum finis.* Similiterque passim hoc ipsum repetit. Vnde cum citò constet de mente Ang. Præcept. parum refert, quòd aliquandò oppositum tradidisse aliquibus videatur; quia *ad hoc dicitur, quòd cum constet de certa conclusionem, verba, quæ apparent quandoquè dissimulata, pie interpretanda sunt*, ait aliàs Caietan. 1. 2. quæst. 4. art. 1. Quod in præsentem eò facilius implendum est, quò clarissimè nullam repugnantiam inter illos modos explicandi naturam finis adesse, constat; quin potius adesse maxima cohærentia. Quandoquidem finis est vtiq; perfectivus, ad quod prius debet in se esse bonum perfectum: non enim potest esse bonum perfectivum alterius, quod aut bonum non est, aut in se non est perfectum. Ex quibus habentur duo. Primum est, quòd cum bonum sit diffusivum sui, idem pro-



sus est, quod finis sit *bonum perfectum*, ac quod sit sui ipsius diffusivus, indidemque alterius *perfectivus*. Secundum est, quod cum *perfectum* sumi non improprie possit pro *perfecto* cauliter: propterea finis, qui vtpote *perfectivus* reddit *perfectum* id, relate ad quod *perfectivus* est, est etiam cauliter *perfectus*, hoc est, facit perfectum proprium perfectibile. Quod si tibi hæc non placeant, vide nostros Salmant. loco citato ex tract. 8. vbi dicta D. Thom. testimonia apparenter repugnantia luculenter conciliant.

Quomodo cumque conciliatio fiat, Contemplatio Divina & est perfecta, & perfectiva animæ contemplationem exercentis: unde habet rationem finis per se appetibilis, desiderabilisque ab anima, rationemque *boni honesti*, quod idem est, ac esse appetibilis per se.

23. Arguitur 2. & simul contra dicta replicatur: Contemplatio non est per se amabilis: ergo non habet rationem *boni honesti*, nec finis. Consequentia est bona. Vt enim sapissimè diximus, estque concors Mystrarum, ac Scholasticorum sententia, idem est finis, ac bonum honestum; idemque est bonum honestum, ac bonum per se amabile. Antecedens autem probatur: Id est per se amabile, quod terminare potest actum virtuosum voluntatis: Contemplatio Divina non potest per se actum virtutis terminare: ergo. Probatur minor 1: Quia actus voluntatis terminatus ad Contemplationem Divinam regulatur per actum intellectus ad ipsam terminatum: sed actus intellectus terminatus ad Contemplationem Divinam, non est unde virtuosus sit; siquidem est merè speculativus: ergo.

Probatur 2. illa minor: Qui amat Contemplationem Divinam, vel amat illam secundum se sumptam; vel amat in ordine ad Deum; vel propter perfectionem ipsius contemplantis: Quodcumque ex his modis ametur, vel non est finis; vel non potest terminare actum virtutis: ergo tenet illa minor.

A SPIRITU SANCTO,

Consequentia bona est, & maior continet omnia capita, ex quibus Divina Contemplatio posset actum virtutis terminare, aut finis rationem sortiri. Minor autem, in qua tota difficultas consistit. Probatur 1. quoad 2. partem: quia si Contemplatio Divina amatur in ordine ad Deum, iam non est finis, sed medium illius amoris; siquidem non amatur propter se, sed propter aliud. Deinde probatur ipsa minor quoad 1. partem: quia si secundum se amatur, sequitur 1. illum actum voluntatis non esse actum charitatis infusæ; hæc enim terminatur ad Deum propter se ipsum, & ad alia propter ipsum Deum. Sequitur 2. illum actum voluntatis regulari per actum intellectus; cuius finis sit scire propter scire, quod teste D. Bernardo, *turpis curiositas est*. Sequitur 3. illum actum intellectus, & voluntatis in nullo discriminari ab actibus voluntatis, & intellectus terminatis ad obiecta merè Philosophicè contemplanda; atque adeo illi actus constabunt quidem contemplationem, non Evangelicam, sed Gentilicam, seu Philosophicam, qualis est illa, quæ ex affectu præcedente voluntatis ad Mathematicas v. g. earum veritates contemplatur.

Quoad ultimam partem probatur ipsa minor: quia si quis propter perfectionem sui ipsius amat contemplationem, elicit actum amoris non divini, sed proprii: sed amor proprius non est virtutis; Immo, vt omnes Mystici docent, est omni veræ virtuti contrarius: & etiam inter Scholasticos nostri Salmant. tract. 8. disp. 4. dub. 3. num. 39. vel ipsum nomen *amoris proprii* odibile repræsentant hisce verbis: *In vulgari locutione nomen amoris proprii sonat in malum, & accipitur pro amore in ordinato.*

Accedit, quod vt diximus in Isagoge lib. 4. num. 21. Contemplatio Philosophica, quæ nulloatenus virtus est, sed vanitas, diffinitur per hoc quod sit *simplex intuitus veritatis propter perfectionem contemplantis*: ergo diligere contemplationem propter aman-

M

tis

tis perfectionem, non est actus virtutis.

24. Confirmatur 1. quia obiectum actus electionis non est finis, sed media, quibus finis intentus obtrinetur: sed Contemplatio Evangelica est obiectum actus electionis: ergo non habet rationem finis; subindèque nec boni honesti. Consequentia bene inferitur, & mai. est expressa D. Thom. 1. part. q. 83. art. 3. ubi ait: *Proprium obiectum electionis est id, quod est ad finem*. Idem docet quæst. 22. de veritat. art. 15. de quæ agunt nostri Salmant. disp. 1. citata ex tract. 8. dub. 4. Minor autem probatur: nam qui intendit viam spiritua-lem lustrare, eligit ad desiderij implementationem vitam activam, vel contemplativam, quarum qualibet finis ille felicitissimus adipiscitur: ergo Contemplatio Evangelica, sicut & actio est obiectum formale actus electionis.

25. Confirmatur 2. Contemplatio Evangelica est via, & motus, quo finis vitæ spiritualis obtrinetur: ergo non habet rationem boni honesti, aut finis. Consequentia patet: quia motus ad terminum non est ipse terminus, sed omninò ab illo differt, vt evincunt nostri Complutens. in Physica disp. 16. q. 3. Anteced. autem probatur: quia terminus vitæ spiritualis est vnio cum Deo: sed via, qua in hanc vnionem itur est Evangelica Contemplatio, vt nemo non videt: ergo talis contemplatio est via, seu motus ad consecutionem termini vitæ spiritualis.

26. Hoc argumentum plura continet ad notitiam quidditatis Divinæ Contemplationis apprimè idonea. Illud autem, quamquàm difficile, enervè fecit omniscius D. Thomas, tum innumeris, quæ dictavit, vt telum hoc protelaretur, ex quibus iam non nulla dicta à nobis sunt. Tum directè modum, quo vitetur docens 2. 2. q. 180. art. 1. dicens in corp. *Movet autem vis appetitiva ad aliquid inspiciendum, vel sensibiliter, vel intelligibiliter: quandoque quidem propter amorem rei visæ, quia dicitur Math. 6. ubi est thesaurus tuus, ibi est & cor tuum: quandoque autem propter amorem ipsius cog-*

*nitionis, quam quis ex inspectione consequitur.*

Similiter art. 7. ait: *Respondeo dicendum, quod aliqua contemplatio potest esse delectabilis dupliciter. Vno modo ratione ipsius operationis, &c.* Quibus si adiungas, quæ ipse Doct. S. docet ibidem q. 145. art. 3. in corp. nempe: *Honestum est naturaliter homini delectabile, sicut de operatione virtutis Philosophus probat in 1. Ethic.* Invenies, quòd idem est, actum Contemplationis Evangelicæ esse delectabilem, ac esse honestum; quia *honestum est naturaliter homini delectabile*. Et ratio est; quia ipsa honestas contemplationis, seu virtutis fundat delectabilitatem, quæ ab illa veluti propria passio refultat.

Qua Angelica doctrina imbutus egregius ille Theologus Scholasticus, Mysticusque P. Suarez tom. 2. de Religione lib. 2. cap. 9. & 10. mirrissimè discurret; aliqua ex ijs, quæ inibi docet exscribam, sunt enim dignissima scitu, inquit enim: Ait verò D. Thom. hunc affectum interdum esse ipsius contemplationis, interdum esse amorem rei contemplatæ, nimirum Dei. Prior affectus videri potest imperfectus, & insufficiens ad studiosam contemplationem, de qua tractamus; quia non videtur practicus sed merè speculativus, qualem etiam habet ad speculationem, qui Metaphysicæ, vel Mathematicis studet, quia ad illam speculationem affectus est: nihil ominis tamen siquis ex consideratione ipsiusmet contemplationis, & fructuum eius ad illam affectus sit, & ex hoc affectu ad illam applicetur, satis practica, & studiosa est applicatio. Potestque ille affectus interdum esse ex religione ipsa, si feratur in contemplationem sub ratione cultus divini; nam reverà est magnus cultus Dei, vt Bernardus dixit. Nam ipsamet divinæ maiestatis actualis consideratio est quædam Dei gloria, idèoque vt cultus eius appeti potest. Interdum verò potest esse illa propensio ex affectu proprii commodi, non humani, sed super-natu-

## DISP. 9. DE BONITATE DIVINÆ CONTEMPLATION. Q. 2. 91.

naturalis, qui ad spem reducitur, nam contemplatio magnum spirituale commodum secum affert, & ideo hoc etiam modo propter proprium commodum honestissimè appeti potest contemplatio. Maximè verò amari potest, & debet ex affectu charitatis ad Deum ipsum, quatenus amicitia proprium est, vñiri amico, & adesse illi, atque cum illo colloqui. Quomodo. Beati in patria amant visionem beatam, non tantum ut proprium commodum suum, sed maximè ex charitate Dei.

27. Haftenus Eximius hic Theologus, qui in ibi plura addit pro præfenti materia affatim propria, quæ videntur, ut huius argumenti robur penitus declinetur. Ex his ergo respondetur ad argumentum, neg. antec. ad probationem negetur min. ad cuius primam probationem dicas: actum illum intellectus, qui terminatur ad Divinam Contemplationem, regulatque affectum ad ipsam, non esse merè speculativum, sed satis studiosum, ac practicum. Quod vel ex ipso, quod nobis opponitur constat. Siquidem actus intellectus regulans, movensque voluntatem, ut rem dignam amore diligat, nemo negare potest, non esse merè speculativum. Itaque actus ille debet esse supernaturalis, quandoquidem ad obiectum supernaturale terminatur, repræsentatque voluntati motivum supernaturale, ut applicetur ad diligendum Contemplationem Divinam. In quo recedimus à doctrina laudati Suarez in fine illius num. 10. Sed contrarium tenendum est, ut iam disput. 8. num. 91. & alibi cum nostris Salmant. diximus. Quare licet possit evenire, quòd quis ex fama solummodò ipsius Contemplationis Divinæ accendatur in ipsius amore: quod ut certum docent nostrates, de quo videri potest nostra Catena Mystica colat. 1. Prop. 1. Resp. 1. si tamen amor est supernaturalis, ut est ille, de quo loquimur, actus intellectus ad illum movens, applicansque voluntatem, supernaturalis debet esse. Unde actus

ille est virtuosus, & practicus.

28. Ad 2. eiusdem min. probationem: concedatur mai. & negetur min. quoad omnes suas partes. Etenim Divina Contemplatio amatur propter se, & propter aliud: est enim finis intermedius: unde quia finis, propter se amatur: quia intermedius, amatur propter finem ultimum, cum quo animam coniungit. Et per hoc patet ad secundam probationem illius minoris.

Ad probationem pro prima parte dicimus: Omnia illa, quæ ibi repræsentantur aerea esse. Ad primum quidem respondetur Divinam Contemplationem posse amari ex triplici illo motivo proposito num. 26. unde potest amari ex motivo Religionis, ex motivo proprii commodi supernaturalis, & etiam ex motivo charitatis. Quòd verò iam propter se, iam propter alium ametur, arguit quidem ipsam Divinam Contemplationem non esse finem ultimum: non autem, quod non habet *honestatem*, finis intermedij propriam.

Ad secundam dicas: regulativum illius amoris esse actum intellectus proponentis voluntati *honestatem* supernaturalcm Divinæ Contemplationis, applicantisque illam, ut rem illa honestate decoram, diligat. Unde non terminatur ad scire propter scire, sed ad scire propter vberes fructus inde sibi colligendos. Atque adeò non est merè specularivus ille actus, sed etiam est practicus, prorsusque diversus, ab eo, qui ex affectu ad Mathematicas earum veritates contemplatur. Per quod patet ad 3. quod in comprobationem illius primæ partis adductum est.


29. Ad probationem primam ipsius minoris quoad tertiam partem respondetur, illum amorem posse quidem esse proprii commodi, sed supernaturalis, ut dictum est. Et quamquam amor proprius sit tinea, virtutem omnem spiritus corrodens, ob quod vel nomen ipsius abominabile est apud Mystas, constatque ex aucta auctoritate P.P. Salmant. ex tract. 8. nihilominus

omniustamen ipsos P. P. Salmanticensis, & vulgarem locutionem, cui inniuntur, explicamus Salmanticensibus ipsis, qui tract. 15. disp. 3. dub. 1. num. 13. hæc dicunt: *Non omnis affectus, qui fundatur in amore sui est vituperabilis, sed solus ille, qui offert separationem à Deo, & conversionem ad bonum proprium, tamquam ad ultimum finem. Ille autem affectus, qui ex honesto amore sui trahit hominem ad Deum, & qui ita reflectitur supra amantem, ut nihilominus ulteriorem ordinem ad Deum non excludat, reputandus est inter affectiones honestas. Sicut etiam spes respicit obiectum sub ratione proprii; & tamen quia ex se non excludit ordinem ad Deum ultimum finem, qui habetur per charitatem, non est affectus vituperabilis, sed honestus, & conducent ad salutem.*

Hæc prædicti P. P. quibus fermè omnia dicta firmantur. Ex illis constat, quòd licèt hoc complexum amor proprius rem malè sonantem ex vulgari acceptione, repræsentet; ipse tamen proprius amor non semper malus est. Et P. P. Salmant. qui loco adducto ex tract. 8. *Amoris proprii* abominabilis foetidum aspectum ex vulgari locutione proponunt: inibi etiam docent, pluribusque testimonijs Aristot. & D. Thomæ fundant, amorem proprium fundare affectus honestos erga virtutem, etiam in ijs, qui gratia destituti sunt. Videantur dicti P. P. In casu autem nostro cessat omnis difficultas, quia loquimur de proprio commodo supernaturali. Ex dictis tamen habes, quid sentire debeas de illo, qui ex fania, vel abstractiva notitia, aut alia naturali cognitione Divinæ Contemplationis, illam sibi euperet, ut fructus, quos secum affert, pereiperet. Hic enim naturali amore honesto, fundato in amore proprio, Divinam Contemplationem diligeret: Et forsam de hoc intelligi potest P. Suarez num. 27. adductus. Si autem loquatur de alio amore supernaturali, iam diximus, debere ad illum præsupponi supernaturalem cognitionem.

30. Ad ultimum, quod argumentum affert respondetur: Contemplationem Philosophicam esse quidem propter contemplantis perfectionem non moralem, seu Mysticam; sed inanem, æream, & phantalicam, quæ perficitur intellectus veritatem aliquam acquirens; ast cùm acquisitio illius veritatis non sit ex motivo virtuoso; propterea illa contemplatio cum illa sua perfectione inflat. Amor autem ad Divinam Contemplationem, & cognitio ad illum movens, licèt possit esse propter operantis perfectionem, hæc perfectio virtuosa, & mystica est. Vnde toto cœlo differunt isti actus ab illa Gentilica contemplatione.

31. Ad primam confirmat. respondetur esse quidem medium ad finem ultimum nanciscendum; còque esse obiectum electionis. Cum quo stat, quòd etiam sit finis, atque ad cò, quòd honesta sit, ut dictum est. ¶ Ad secundam confirmationem dic: Contemplationem Divinam non esse viam, aut motum; sed terminus motus præcedentis. Quod vel in ipsa Contemplatione Philosophica verum est, quæ supposito motu meditationis scientificæ ad veritatem per illum motum inventam terminatur, simplici tamen intuitu. Verum est, quòd Divina Contemplatio est medium ad intimam unionem cum Deo; sed ex hoc non sequitur, quòd non sit etiam finis. Discrimen inter medium, & finem ex vna parte, & inter motum, & terminum ex alia consistit in hoc, quòd motus realiter differt à termino, ut docent P. P. Complut. citati: vnde nec motus potest esse terminus, nec è contrà. Vtile autem, & honestum, seu, quod idem est, medium; & finis, non sunt res realiter diversæ, sed eiusdem rei diversæ formalitates, ut dictum est: atque idcò, id ipsum, quod, ut utile medium est, habet bonitatem, & honestatem, propterquam ut finis diligitur.



## QUÆSTIO TERTIA.

*Utrum Divina Contemplatio sit bonum delectabile?*

32. **T**Atmetſi *delectabile* latius parcat, quàm *honeſtum*, vt de ſe conſtat, obſervavitque D. Thom. 2. 2. quæſt. 145. art. 3. tamen quia non de *delectabili* in tota ſua amplitudine loquimur, ſed de illo, quod bonum comitatur: propterea prius de honeſtate Divinæ Contemplationis egimus, modò vero de iplius delectabilitate diſputamus, vltimum locum vtilitati reſervantes. Qua methòdo vrimur ſequentes Ang. Præceptorẽ, qui 1. p. q. 5. art. 6. ait: *Ad 3. dicendum, quod bonum non dividitur in iſta tria ſicut univocum æqualiter de his prædicatum, ſed ſicut analogum, quod prædicatur ſecundum prius, & poſterius: per prius enim prædicatur de honeſto, & ſecundario de delectabili, tertio de vili.* Ob hoc ergo motivum, & ob alia plura, quæ in ipſa natura horum dividendum fundantur, agimus poſt honeſtatem de contemplationis delectabilitate. Circa quam plures diſſicultates occurrunt propriiſſimæ, ac graviſſimæ, quarum aliquas, levi tamen manu, attingemus.

## §. I. Divina Contemplatio delectabilis eſt.

33. **H**Æc noſtra aſſertio eſt, quam tenent omnes Doctores Scholaſtici, & Myſtici. Illam probat D. Thom. 2. 2. q. 180. art. 7. ex cap. 8. Sapientiæ, vbi de contemplatione Sapientiæ dicitur: *Non habet amaritudinem converſatio illius, nec tædium conviſtus eius, ſed lætitiã, & gaudium.* Vbi expreſſiſſimè aſſeritur id ipſum, quod pro concluſione ſtatuiamus. Deinde idem Ang. Doct. ibidem probat hoc ipſum authoritate D. Greg. ſuper Ezech. homil. 14. dicentis: *Contemplativa vita amabilis valde dulcedo eſt.*

Itidem probat hanc ipſam veritatem à ratione in corp. artic. quam poſtmodum proponemus.

34. Probatur deinde aſſertio noſtra authoritate Myſtici P. N. D. Joann. à Cruce, qui pluribus in locis hanc Divinæ Contemplationis delectabilitatem commendat. Non omnia iplius teſtimonia adducere poſſumus, nè in immenſum abeamus; ſed nec omnia prætereire valemus. Clariſſime loquitur in ſuo ſpirituáli canuco, dum Cantione 25. modularur:

Alli mediò fu pecho,

Alli me enſeño ſciẽcia muy fabroſa.

Y yo le di de hecho

A mi, ſin dexar, coſa

Alli le prometi de ſer ſu Eſpoſa.

Scientiam ſapidiſſimam vocat contemplationem, ob inſignem delectabilitatem, quam ſecum aſſert. Radixque huius ſaporis, quem ſecum aſſert Divina Contemplatio detegit Theodidactus P. dicens in declaratione verſus ſecundi. *Hæc ſcientia ſapida eſt Theolog. Myſtica, quæ eſt ſcientia arcana de Deo, quam ſpirituales vocant contemplationem, quæ ſapidiſſima eſt: quia eſt ſcientia amoris, qui eſt huius ſcientiæ Meſtiter, & qui omne facit ſapidum. Et quia Deus conſert hanc ſcientiam, & intelligentiam in eo amore, quo ſe animæ communicat; ideo hæc ſcientia ſapida eſt intellectu, quia eſt ſcientia ad illum pertinens. Eſt etiam ſapida voluntati, quia eſt ſcientia in amore, qui ad voluntatem ſpectat.*

Diſtis authoritatibus noſtram concluſionem aſſertim communiter cenſemus. Vnde, innumeris alijs non allatis, illam ſuadere conabimur, tum ratione D. Thom. tum etiam diſcurſibus ſuper authoritatem noſtri Extat. Doctõris fundatis. Sed prius obijcere poteſt: data teſtimonia, & illa innumera, quæ omitti dicimus, poſſe intel-

ligi de Contemplatione Divina ex parte obiecti contemplati, quod quidem Deus est, qui suavisissimus, ac dulcissimus est, à cuius dulcissimæ demus vbetrate animæ contemplativæ inebriantur; siquidem eas liberalissimè potat de torrente suæ voluptatis: ergo cum hic de ipsa Contemplatione Divina in se ipsa inspecta loquamur, non videtur latis auctoritatibus comprobata nostra conclusio.

Respondetur: hunc nodum enodatum à D. Thom. esse loco citato ubi ait: *Resp. dicendum, quod aliqua contemplatio potest esse delectabilis dupliciter. Uno modo ratione ipsius operationis: quia unicuique delectabilis est operatio sibi conveniens secundum propriam naturam, vel habitum. Contemplatio autem veritatis competit homini secundum suam naturam, prout est animal rationale: ex quo contingit, quod omnes homines natura scire desiderant: & per consequens in cognitione veritatis delectantur. Et adhuc magis fit hoc delectabile habenti habitum sapientiæ, & scientiæ, ex quo accidit, quod sine difficultate aliquis contemplatur. Alio modo contemplatio redditur delectabilis ex parte obiecti, &c.*

Hæc Doctor Ang. quibus ex duplici specie delectationem habere Divina Contemplatio dignoscitur. Nec intelligas: delectationem, quam ex obiecto habet Contemplatio Divina, fore ei extrinsecam, quod videtur obiectio facta supponere. Vtraque delectatio; seu ut proprius loquar, delectatio, quam ex utroque illo capite habet, est intrinseca sibi: quia quod accidens respectivum ab obiecto habet intrinsecum illi est. Aliud est enim, quod obiectum sit causa extrinseca; aliud verò, quod id, quod ab ipso in effectum derivatur, sit extrinsecum effectui. Quod à simili cause efficientis norum est. Vnde sensus verborum D. Thom. iste est: Videlicet, quod contemplatio, ita ratione sui est delectabilis, ut, etiam si ab obiecto delectabilitatem non haberet, dulcis foret: & ita ex obiecto est dulcis, ut, etiam si ratione sui suavis

non esset, delectabilitatem ex obiecto fortiretur. Hoc ergo est, quod adducit verbis deest D. Thom. quibus etiam rationem solidissimam censet, qua conclusionis veritas ostendatur.

36. Probatur ergo conclusio ratione D. Thom. sub hac forma proposita: Contemplatio Divina, ut contemplatio, est delectabilis: ergo etiam, ut divina, delectabilis est. Duplici propositione constat hoc breve argumentum, & utramque probare debemus. Suadetur 1. anteced. Contemplatio Divina, ut contemplatio est, competit homini secundum suam naturam, prout est animal rationale: ergo ut contemplatio est, est delectabilis. Antecedens est D. Thom. loco citato, & 2. 2. q. 83. art. 10. & consequentia probatur: Quia unicuique delectabilis est illa operatio, quæ ei convenit secundum propriam naturam: sed contemplatio veritatis est operatio conveniens homini secundum propriam naturam: ergo contemplatio veritatis est homini delectabilis. Omnes propositiones notæ sunt, tum ex se, tum ex prædicta auctoritate.

37. Dices tamen, minorem huius Syllogismi non esse veram; quod inde suadere conaris: quia quod competit homini secundum propriam naturam, scilicet prout est animal rationale soli homini convenit: sed contemplatio veritatis non soli homini convenit: ergo contemplatio veritatis non convenit homini, prout est animal rationale. Cetera constant, & min. probatur: Quia contemplatio veritatis convenit Angelis, & etiam Deo convenit: ergo non convenit homini prout est animal rationale. Probatur ista: quod convenit homini prout est animal rationale, convenit ei, prout est discursivus: quod convenit homini, prout est discursivus, non convenit Deo, & Angelis: ergo si contemplatio veritatis conveniret homini, prout est animal rationale, &c.

Respond. quod contemplatio veritatis potest sumi. Primum ut est subtilis mentis oratio ad aliquod beneficium obtinendum ordinata. Secundò prout est simplex intuitus veritatis, sive

hæc

hæc veritas, primario contemplata, sit à contemplante distincta, sive indistincta sit. Primo modo sumpta contemplatio non convenit, nec convenire potest Deo, cui in propria natura orare repugnat, vt fusè dictum à nobis est in primo practibili disp. 4. q. 1. Sed hoc modo accepta contemplatio convenit Angelis, & etiam homini *prout est animal rationale*; quin hæc reduplicatio aliquam repugnantiam retrudat. Et ratio est, quam assignat D. Thom. art. 10. citato hisce verbis: *Ad 2. dicendum, quod intellectus, & ratio non sunt in nobis diversæ potentie, vt in primo habitum est. Differunt autem secundum perfectum, & imperfectum, & ideo quandoque intellectuales creaturæ, quæ sunt Angeli, distinguuntur à rationalibus: quandoque autem sub rationalibus comprehenduntur. Et hoc modo dicitur oratio esse proprium rationalis creaturæ.* Vnde, cum dicimus, contemplationem esse propriam hominis secundum propriam naturam rationalem, sub natura rationali Angeli comprehenduntur.

Si autem contemplatio secundo modo consideretur, tunc convenit homini, prout est intellectus: quippè contemplatio non est actus intellectus, vt ratio est, sed vt intellectus est: sicque convenit omni intellectivo cum distinctione tamen; quia intellectivo Divino convenit sine distinctione à principio contemplante: Angelico autem, & humano cum reali distinctione à principio contemplante, & ab obiecto contemplato. Siquidem solius contemplativi Divini est, quod sit sua contemplatio. Et hoc modo non incongruè dicitur, quod contemplatio convenit homini *prout animal rationale est*, hoc est, prout est intellectivus: quippè gradus intellectivi tripartitur in Divinum, Angelicum, & humanum.

38. Quæ vt penitiùs ostendantur, observare placet: D. Thomam dicentem, contemplationem convenire homini, *prout est animal rationale*, contulisse hominem cum omni natura sibi inferiori. Vnde extremum exclusum

per illam reduplicationem solvendo est natura homine inferior, non autem ille nature, quibuscum, licet deficienter, convenit in gradu intellectivi. Est dicere: quod homo est medium inter naturas purè spirituales, & purè materiales. Vt medium participat de utroque extremo. Hoc ergo medium, quatenus participat de extremo superiori, comparatur cum inferiori extremo. Et idcirco dicitur, quod contemplatio ei convenit secundum propriam naturam; quia reverà, quod ei convenit, prout convenit cum extremo superiori, secundum propriam naturam illi convenit.

39. Et hanc intelligentiam, quam præiacto testimonio D. Thom. dedimus, ab ipso Sancto Doctore didicimus, qui in 3. disp. 35. q. 1. art. 2. quaestione. 2. Quærit, an contemplatio sit actus intellectus, vt intellectus est? An verò vt ratio est? Resolutio est: quod contemplatio non est actus rationis, sed intellectus. Contra quam resolutionem ponit primò hoc argumentum. *Vita contemplativa est vita humana: sed humane vita est secundum operationem humanam: cum ergo operatio humana sit secundum rationem, à qua dicitur homo, videtur, quod vita contemplativa consistat in operatione rationis principaliter.* Ecce argumentum, in quo quicquid contra traditam doctrinam potest objici, continetur. Videamus, quid ad illud respondeat Ang. Magister.

*Ad primum igitur dicendum, quod homo in quantum est contemplativus, est aliquid supra hominem: quia in intellectus simplici visione continuatur homo superioribus substantijs, quæ intelligentiæ, vel Angeli dicuntur, sicut animalia continuantur hominibus in vi æstivativa, quæ est supremum in eis, secundum quam aliquid simile operibus rationis operantur.* Est ergo contemplatio operatio homini conveniens secundum propriam naturam, vel *prout est animal rationale*; taliter tamen, quod consideretur homo, vt *supra hominem est*, & vt continuatur substantijs super-

superioribus: atque adeò contemplatio est homini delectabilis, pro quo suadendo hæc omnia à nobis adducta sunt. Sed nec adhuc ab hoc proposito recedimus. Vnde

40. Probatur 2. illud antecedit positum num. 36. ex D. Thom. loco citato ex sententiaris q. 2. art. 2. quæstiunc. 2. ut sic propositionem, quam ex doctrina D. Thom. deduximus, ipsius etiam doctrina comprobemus. Præcept. Ang. verba hæc sunt: *Secundum quod Philosoph. dicit in 11. de animalibus: Amans in prima comprehensione amati magis delectatur, quam in magna aliorum comprehensione. Et ideo, ut ipse dicit, illud parum, quod de substantijs separatis cognoscere possimus, plus desideratur, & delectatur, quam quicquid de alijs rebus cognoscimus.* Videatur idem Ang. Doct. art. 7. citato ex 2. 2. ex quo manet etiam hac autoritate comprobatum illud antecedens.

Nec dicas: D. Thom. in loco illo locutum de dono intellectus, quod est principium contemplationis supernaturalis: vnde illa autoritas impertinens est ad probandum contemplationem ex conceptu contemplationis esse delectabilem.

Respondetur enim: D. Thomam utique eo loco disputasse de dono intellectus, quod sanè contemplationis supernaturalis principium est. At verba, quæ retulimus, non loquuntur de contemplatione supernaturali, sub conceptu supernaturalis; sed sub consideratione contemplationis, quomodo nunc de illa loquimur. Quod evidens erit observanti, Ang. Doctorem adduxisse in comprobationem illius suæ doctrinæ, Aristotelem, qui abs dubio de contemplatione supernaturali nihil docuit; cum illam, fide orbis, penitus ignorasset. Quo solo evidens fit, ibi sermonem esse de contemplatione sub expressio contemplationis.

41. Sed rogas: cur Ang. Doct. cum de contemplatione supernaturali, ut tali, loquitur, ea tradit, quæ sunt propria contemplationis sub conceptu

contemplationis? Responso huius dubij est nostræ consequentiæ, num. 36. positæ, congrua probatio. Itaque D. Thom. in illa quæstiuncula, immo in toto articulo, loquitur de contemplatione Divina, de cuius delectabilitate, ut aliquid diceret, sic processit. Ostendit Contemplationem Divinam, sub generalisatione contemplationis, esse delectabilem; & sic, sub munere Divinæ, delectabilem esse demonstrabat. Veluti si hoc enthymema conficeret: *Contemplatio Divina, ut contemplatio, est delectabilis: ergo etiam ut Divina.* Antecedens probavit inter alia autoritate illa Philosophi: & illius antecedentis veritate ostensa, consequentia probata manet, ut potè legitimè ex antecedenti deducta.

Hoc ipsum, & nos fecimus, ut præsens nostrum assertum probaremus. Vnde probato antecedenti, in cuius ostensione hæcenus immorati sumus, probata relinquitur nostra illa consequentia.

42. Declaratur, & illustratur vis prædictæ probationis: idcirco contemplatio, ut contemplatio, est delectabilis, quia est actus dignissimus procedens à potentia nobilissima, & terminatus ad obiectum dignissimum: at qui hæc omnia magis vigent in contemplatione, sub expressione divinæ: ergo. Maior constat ex dictis, estque etiam iuxta mentem Philosophi 10. Ethic. cap. 8. & 9. ubi perfectæ contemplationis tres condiciones assignat. Prima quod sit actus potentie altissimæ, secunda, quod sit in actu nobilissimos; tertia in obiecto dignissimo. Quas condiciones adduximus in Isagoge lib. 4. num. 30. Et contemplatio, quæ has omnes condiciones habet, utique dignissima, ac delectabilissima est.

Deinde probatur minor: quia Contemplatio Divina, sub conceptu Divinæ, est actus potentie altissimæ, scilicet intellectivæ, quæ insignem excessum habet respectu sui ipsius, ut elicit contemplationem sub munere contemplationis: siquidem dicit elevationem supernaturalem; aliter enim actum



actum adeo sublimem elicere nūquam possit. Deinde est ab habitu nobilissimo, videlicet ab habitu fidei, vel remore, vel proximè influentis, etiam à donis Spiritus Sancti, qui sunt nobilissimi habitus, & similiter habitus Theologiæ quamquam inferioris habitus nobilissimus est. Tertiam denique conditionem habet sub altiori ratione, quandoquidem habet obiectum dignissimum, quod attingit prout supernaturale est: ergo illa, quæ contemplationem, ut contemplatio est, faciunt delectabilem, verificantur, & perfectiori modo, de contemplatione divina, sub expressione divinæ.

43. Confirmatur etiam ex dictis: Ideo contemplatio, ut contemplatio, est delectabilis homini, quia est operatio secundum propriam naturam ipsi conveniens: Hoc ipsum habet contemplatio divina, ut talis: ergo pariter delectabilis est. Probatur minor: quia natura hominis potest esse vel natura, qua in esse hominis constituitur; vel qua constituitur in esse iusti; quippe gratia sanctificans est, diciturque natura in ordine, supernaturali: sed contemplatio divina, est homini conveniens secundum utramque hanc naturam: ergo, &c. Minor probatur pro 2. parte: quia gratia sanctificans, sine qua divina contemplatio non est dabilis, est natura ipsam contemplationem, radicans, eamque, medijs habitibus, vel fidei, vel donorum, & charitatis, eliciens: ergo contemplatio divina convenit homini iusto secundum propriam naturam, per quam in esse iusti constituitur. Pro prima parte etiam probatur: quia natura, qua homo in esse hominis constituitur, est intellectiva, habetque capacitatem, ut proportionetur ad radicandam eliciendamque divinam contemplationem; nempe per gratiam, & habitus infusos: ergo hæc convenit homini, secundum propriam naturam, illum in esse hominis constituentem.

Vnde delectabilis est divina contemplatio.



A SPIRITU SANCTO,

## S. II. Respondetur argumentis.

44. **C**ontra nostram conclusionem arg. 1. In contemplatione divinorum adest luctamen, & pugna: ergo delectatio non adest. Patet ista: Quia pugna, sudorque certaminis sunt cum delectatione incompatibiles. Antecedens autem est Div. Gregor. super Ezech. homil. 14. ubi ait: *Anima cum contemplari Dominum nititur, velut in quodam certamine posita, modo quasi superat, quia intelligendo, & sentiendo de incircumscripto lumine aliquid degustat: modo succumbit, quia degustando iterum deficit.*

45. Confirmatur, & declaratur ratio facta: Quia Jacob ex sublimi contemplatione, quam habuit, dum vidit Dominum facie ad faciem, & salva facta est anima eius, ut dicitur Genes. cap. 32. vehementissimam læsionem corporalem contraxit, quandoquidem toto nervo famoris eius claudicabat: ergo in illa contemplatione delectationem non habuit. Ergo in nulla datur. Hæc secunda consequentia constat ex prima: Sinamque in contemplatione illa perfectissima delectatio non fuit, nullum adest motivum, ut in alijs adesse, dicamus. Prima autem consequentia probatur: Quia læsio corporalis, & maximè vehemens, omnem delectationem excludit: ubi enim adest dolor, delectatio non adest.

46. Respond. arg. ex Div. Thom. artic. 7. citato: Certamen contemplationis non esse cum veritate, quam inuenitur: quin potius est, ut in intuitu illius veritatis securius, expeditius, diutiusque occupetur. Quod non faceret contemplativus, si ille supernæ veritatis, intuitus sibi non foret delectabilis. Vnde pugna contemplativi est cum proprio corpore illam suavissimam contemplationem non sustinente, iuxta illud Sapient. 9. ubi dicitur: *Corpus, quod corrumpitur, aggravat enim, & terrena inhabitatio deprimit sensum multa cogitantem.* Hinc ortum habent

N

quæ

querulæ illæ voces cum Apostolo : *In felix ego homo , quis me liberabit de corpore mortis huius?* Hinc cum ipso Apostolo desiderium illud : *Cupio dissolvi, & esse cum Christo.* Hinc cum Davide clamant : *Hæu ! quia incolatus meus prolongatus est ; multum incolatus anima mea.* Hinc denique cum Extat. Patre nostro frænare satagit imaginationum turbam suavem illam quietem perturbantem dicens :

O Nimphas de Judea,

En tanto que en las flores, y rosales,

El ámbar perfumea,

Mora en los arrabales, (les.

Y no queráis tocar nuestros vmbra-  
Hoc est certamen viri contemplativi, illudque init propter delectabilitatem divinæ contemplationis : sinamque ipsa appetibilis non foret, neutiquam contemplativus tor adversa propter illam sustineret. Vnde certamen illud, quod Div. Gregor. in contemplatione dari docet, contemplationis delectabilitatem commendat. Sicut commendat delectabilitatem honoris, aut coronæ, certamen initum ob coronæ, aut honoris conservationem.

47. Ad confirmationem responderetur : Delectationem contemplationis divinæ præstare omni dolori, & delectationi corporali, ut postmodum dicemus. Et hoc non solum quoad se, sed etiam quoad nos, cuius signum est (ait Caietan. loco citato) *quod tales (hoc est contemplativi) tolerant quæcumque contraria delectationibus corporalibus, & sensibilibus, potius quam amittant contemplativam delectationem.* Vnde quamquam Jacob dolore vehementi gravaretur, illum tunc temporis non sentiret ; quia si eius illa contemplatio fuit adeo sublimis, anima, tota in Deum rapta, dolorem illum corporalem percipere non valebat.

Nec motivum habemus, ut asseramus, dolorem illum ex nervi fæmoris tactu resultantem, fuisse adeo vehementem : quandoquidem ea ipsa die, immediate ad luctum, ac contemplationem ad nervi fæmoris confusio-

neti, & ad claudicationem inde ortam, dicitur cap. 33. *Elevans autem Jacob oculos suos vidit venientem Esau : : Et ipse progrediens adoravit pronus in terram septies ; donec appropinquaret frater eius.* Et tunc, ait ibi Abulen. iam non claudicabat Jacob. Et si dolor fuisset adeo vehemens ; gravem relaxationem in parte illa summè delicata, argueret ; atque ideo non tam citò evanisset claudicatio.

Claudicationis dictæ licet naturaliter subsecutæ mysterium ad nostrum propositum, detegit Div. Thom. in dicto art. 7. his verbis : *Ad 4. dicendum, quod Jacob post contemplationem uno pede claudicabat : quia necesse est, ut debilitato amore seculi, convalescat aliquis ad amorem Dei, ut Gregor. dicit. super. Ezech. & ideo post agnitionem suavitatis Dei unus in nobis pes sanus remanet atque alius claudicat. Omnis enim qui uno pede claudicat, solum illi pedi immititur, quem sanum habet.* Ecce duplicem claudicationem contraxit ex illa contemplatione Jacob. Primam, spirituales ; secundam, corporalem : hanc defectuosam ; illam virtuosam : à defectuosa illico sanavit : virtuosam autem per totam vitam retinuit : ad hoc enim illi insula fuit, ut Deo suo pijsimo se toris suis viribus in posterum consecraret.

48. Arg. 2 : Delectatio est propria passio appetitus sensitivi : ergo contemplatio non dicit delectationem. Pater consequentia, quia contemplatio est actus rationis. Et antecedens probatur : rum ex Mysticorum, & Scholasticorum consensu unanimit. Tum etiam ex eo, quod in brutis dantur delectationes ; ergo delectatio est passio propria appetitus sensitivi.

49. Confirmatur : Nulla delectatio est bona : ergo contemplatio nullam delectationem dicit. Pater ista : quia contemplatio est ex se bona, & honesta, ut vidimus quaestionibus præcedentibus. Vnde non potest dicere ex se nisi id, quod sit bonum. Insuperque, quia delectatio est complementum actionis delectantis ; & complementum actionis

nis de fe bonæ, qualis est contemplatio, non potest non esse bonum. Antecedens autem probatur ex Philosoph. in 2. Ethicor. cap. 3. docente, quod virtus, & ars sunt circa difficile, & bonum: sed nulla ars ordinata est ad delectationem: ergo hæc bona non est.

50. Respondetur argum. cum D. Thom. 1. 2. q. 3. art. 3. Quod datur delectatio consequens naturam, & delectatio consequens rationem. Prima est passio appetitus sensitivi. Secunda autem appetitus rationalis. Per primam convenit homo cum brutis, à quibus per secundam differt. Hæc est propria contemplationis, & non illa. Vtraque dicta delectatio convenit homini cum sit compositus ex eo, in quo cum sensitivis convenit, & ex eo, in quo convenit cum Angelis. Delectatio ergo propria contemplationis est illa, quæ convenit homini, secundum id, in quo convenit cum Angelis. Quod mirè docet D. Thom. citatus art. 4. his verbis: *Ad 3. dicendum, quod in nobis est delectatio non solum, in qua communicamus cum brutis, sed etiam in qua communicamus cum Angelis. Unde ibidem Dionys. dicit, quod sancti homines multoties sunt in participatione delectationis angelicarum: & ita in nobis est delectatio non solum in appetitu sensitivo, in quo communicamus cum brutis, sed etiam in appetitu intellectivo, in quo communicamus cum Angelis.*

51. Dices: Philosoph. lib. 1. Reth. cap. 10. in fine, diffinit delectationem per hoc quod sit *motus quidam sensibilis* in parte intellectiva non est motus sensibilis: ergo nec delectatio.

Respond. ex eodem D. Thom. art. citato ad primum Philosoph. nomine motus sensibilis intellexisse quamcumque apprehensionem. Unde: cum pars rationalis capax sit apprehensionis, & voluntas bonum, ut apprehensum, respiciat: propterea potest etiam delectationem habere. Et Philosoph. ipse etiam in ipso Deo delectationem posuit, cum dixit lib. 7. Ethicor. cap. ultim. *Quod Deus una simplici operatione gaudet.* Consequenterque delectatio

non restringitur ad naturam sensitivam. Adde: quod etiam potest dici Philosoph. ibi definivisse delectationem, quæ est propria appetitus sensitivi.

52. Instas: Omnis delectatio est passio quædam: sed omnis passio est propria appetitus sensitivi: ergo & omnis delectatio. Ergo nulla datur in appetitu rationali. Respondetur: Quod si nomen *passio* propriè sumatur, dicitur transmutationem corporalem: & prout sic non datur in appetitu rationali, sed solum in sensitivo. Si autem nomen *passio* non ita propriè sumatur, sed secundum simplicem motum, ut ait laudatus D. Thom. ad 2. sic invenitur in appetitu rationali, ut patet ex dictis. Invenitur etiam in Angelis, ut docet Div. Dionys. lib. de *Cælest. hierarch.* cap. ult. per hæc verba: *Angeli non sunt susceptibiles nostræ passibilis delectationis, sed congaudent Deo secundum in corruptionis letitiam.* Invenitur etiam in Deo, ut constat ex autoritate Philosoph. num. præcedenti posita. Et etiam ex illo Proverb. cap. 8. *Ludens cor meum omni tempore, ludens in orbis terrarum, & deliciae meæ esse cum filiis hominum.* Et ex illo Cantic. 2. *Vox enim tua dulcis, & facies tua decora.* Dicente ibi Angelus Præcept. Tu, inquit, *dilecta mea, quæ in lecto contemplationis dulcissime requiescis, veni, & ostende faciem tuam mihi.* Ex post pauca: *Sonet vox tua in auribus meis: Vox videlicet predicationis, & de divina laude, qua alios facias proficere.* In auribus enim Dei vox Ecclesie sonat, cum predicatione ex multorum conversione delectatur Deus.

Ad confirm. respondet idem Div. Thom. loco citato ex 1. 2. q. 34. art. 1. *Ad 3. dicendum, quod non omnis bonus est ars, sed æstetior non factibilium, ut infra dicitur. Circa operationes autem, & passiones, quæ sunt in nobis, magis est prudentia, & virtus, quam ars.* Et hoc verificatur in nostra contemplatione, pro cuius exercitio, & delectationis ab ipsa præcedenti præceptione, maximopere requiritur virtus, scientia, & prudentia: ut constat

ex ijs, quæ multoties in superioribus dicta sunt.

53. Obijcies: Delectatio impedit vsum rationis, & *corrumpit existimationem prudentiæ*: ergo prudentia non potest servire ad regendam delectationem contemplationis. Patet ista ex antecedenti, quod probatur: quia est expressum Philosoph. 6. Ethic. & Div. Thom. citati, q. 33. art. 3.

Respond. ex eodem Ang. Doct. inibi: Delectationem, quoad præsens duplicem esse. Prima earum est propria actus delectantis; secunda autem extranea. Inter quas hoc interest: quòd delectatio propria operationis delectantis, non impedit, sed adauget ipsam operationem; est enim eius complementum, vt dictum est. Et per proprium complementum non impeditur operatio, sed perficitur. Accipe verba Div. Thom. *Delectationes propriæ adaugent operationes, extraneæ verò impediunt. Est ergo quædam delectatio, quæ habetur de ipso actu rationis, sicut cum aliquis delectatur in contemplando, vel ratiocinando, & talis delectatio non impedit vsum rationis, sed adiuvat: quia illud attentius operamur, in quo delectamur: attentio autem adiuvat operationem. Sed delectationes corporales impediunt vsum rationis triplici ratione, &c.* Prosequitur Doct. Sanct. assignans motiva, ob quæ delectationes extraneæ impediunt delectationem contemplationis. Cuius doctrinæ exemplum est v. g. in ludo, cui si nimis quis deditur propter delectationem, quam inde percipit: Hæc delectatio ludi actionem ipsam ludendi non impedit, sed invitat: est quippe talis delectatio propria illius actionis. Impedit tamen delectationem extraneam, videlicet delectationem litteris, vel divinæ contemplationi vacandi. Hoc ergo modo verum est, delectationem vsum rationis impedire: & eius conditionis potest esse delectatio, tantamque distractionem causare, seu superexcedentiam habere, vt *corrumpat existimationem prudentiæ*. Et hoc est, quod Philosoph. in testimonio illo contra nos obiecto docet, quod

nobis non obesse, ex dictis constat.

54. Arg. 3. Delectatio est de bono præsentī, seu possesio: sed contemplatio nostra est de bono absenti: ergo non est delectabilis. Consequentia bona est, & mai. est expressa D. Thom. qui motum appetitus sive sensitivi, sive rationalis comparat motui corporeo docens, quòd sicut in termino motus quiescit mobile, sic etiam, obtento bono, habet appetitus suam quietem, quæ nihil aliud est, quam delectatio habita de ipsa habitatione, seu possessione boni. Hoc multoties repetit Div. Thom. in quæstionib. modò citatis ex 1. 2. & q. 23. art. 4. & q. 30. art. 2.

Minor autem probat. 1. Quia nostra contemplatio innititur spei, estque actus fidei, vel actus fidem indispensablem requirens: Ergo nostra contemplatio non est de bono præsentī, & possesio; sed de absenti, & sperato. Probatur 2. illa minor: Quia quò perfectior est contemplatio, eo crescit sitis, desideriumque erga rem contemplatam: sed sitis, ac desiderium obrinendi rem contemplatam implicat cum quiete ob habitationem boni desiderati: ergo idem, quod prius. Consequentia est legitima, & minor certa videtur, patetque exemplo illo motus materialis, & mobilis in terminum pervenire cupientis, quod desiderium, & motus repugnant cum quiete in termino. Maior autem constat, tum ex Div. Thom. 2. 2. q. 130. art. 1. & 7. vbi clarissime docet, divinam contemplationem esse effectum, & causam amoris divini. Effectus: quia ipse divinus amor, quo anima flagrat, movet ad cōtemplationem: est & causa, quia ipsa divina contemplatio rogum ipsum amoris auget, cuius flamma mirabiliter crescit sitis desideriumque animæ, quæ hac amoris flagitta, siti, ac fame saucia clamat ad suum sponsum dicēs cum nostro Doct. Extrat. in suo cantico cantione 1.

A donde te escondiste,

Amado, y me dexaste con gemido?

Como el ciervo huiste,

Aviendome herido:

Sali trās ti clamando, y ya eras ido.

Hoc

Hoc dicit anima in sublimi contemplatione posita. Et in explanatione versus 2. ait Sanctus Doct. *Notandum est, absentiam dilecti causare continuum gemitum in amante.* Circa quæ duo sunt observatioe digna. Primum est : mysticum nostrum Doctör. expressissimè docere, animam in insigni contemplatione positam, à suo sponso esse absentem. Vnde non potest tunc anima quietem in sponso suo dilecti habere. Secundum est : gemitus ille, quem ob talem absentiam habet. Quo gemitu

55. Confirmat. & illustrat. ratio facta: Contemplatio nostra, etiam eminentissima causat gemitum : ergo non causat delectationem. Anteced. constat ex citato testimonio, & consequentia probatur : Quia gemitus, & delectatio omnino contrariantur : sed contemplatio causat gemitum : ergo delectabilis non est. Maior, in qua poterat esse difficultas, suadetur : quia gemitus dicit tristitiam : sed tristitia est omnino contraria delectationi ; quia delectatio, quæ secundum rationem est, est idem ac gaudium, ut patet ex Div. Thom. quæst. 31. citata art. 3. Ergo gemitus, & gaudium contrariantur.

56. Tota machina huius argumenti ruit impetu doctrinæ Angelicæ locis citatis. Etenim q. 32. art. 3. sic ait : *Ad primum ergo dicendum, quod spes, & memoria sunt quidem eorum, quæ sunt simpliciter absentia, quæ tamen secundum quid sunt presentia, scilicet, vel secundum apprehensionem solum, vel secundum apprehensionem, & facultatem, ad minus estimatam.* Videatur Ang. Doct. in corp. art. ubi docet, quod *coniunctio secundum apprehensionem* cum re sit ad delectationem memoriz : & coniunctio cum ipsa re *secundum facultatem, vel possibilitatem ad ipsi sciendi bonum*, sufficit, ut spes causet delectationem.

Eandem doctrinam repetit Doct. Sanctus q. 33. art. 2. ubi ad secundum ait : *Id quod imperfectè habetur, secundum quid habetur, & secundum quid non habetur, & ideo simul de eo potest esse, & desiderium, & delectatio.* Et ad

primum dixerat : *Quando delectatio est perfectæ, tunc habet omnimodam quietem, & cessat motus desiderij tendentis in non habitum : sed quando imperfectè habetur : tunc non omnino cessat motus desiderij tendentis in non habitum.* Ex quibus

57. Respond. ad argumentum : Quod in contemplatione divina. Deus contemplatus est præsens contemplanti non solum secundum memoriam, vel *apprehensionem*, quod sufficeret ad causandam delectationem, ut dictum est, sed etiam est præsens *secundum facultatem*, videlicet fidem, spem, charitatem, dona Spiritus Sancti, religionem infusam, & alia. Secundum hæc ergo præsens est. At hæc præsentia, & si sublimis, imperfecta est, comparata cum præsentia faciali, in qua sine velamine fidei sponsum dilectum suum anima facie ad faciem contemplatur. Hæc ergo facialis contemplatio dicit perfectissimam delectationem, excludentem sitim, aut desiderium tendens in *non habitum*. Illa verò alia contemplatio, quæ fidei velamine clauditur, delectat quidem : sed delectatione (si conferatur cum illa alia delectatione patriz) imperfecta, & quæ non excludit sitim, ac desiderium tendens in *non habitum*. Videre poteris, quæ diximus in nostra Iliad lib. 3. à num. 34. & lib. 2. à num. 136. ubi agentes de actibus intellectus, & voluntatis lect. 3. & 4. diximus, *bonum* diversimode possideri à facultate, videlicet iam minus, iam magis perfectè : semper tamen causare delectationem.

Vnde si argumentum loquitur de præsentia, aut possessione perfectæ *boni*, minor est vera ; sed maior falsa : ut enim detur delectatio non requiritur præsentia intuitiva, aut perfectæ : sufficit imperfecta. Si autem loquatur de præsentia imperfecta, vera est maior, sed falsa minor : quia nostra contemplatio, licet sit de re absenti, prout absentia opponitur præsentiz perfectæ ; non tamen est de re absenti, prout absentia comparatur cum imperfecta præ-

præsentia. Atque adeo nostra contemplatio est de re præfenti *secundum apprehensionem, & secundum facultatem*. Vnde delectabilis est. Quia autem ea, quæ ad suadendam maiorem, & minorem propositi argumenti, datæ doctrinæ possunt aliquantulum oblatæ; & etiam, ac speciatim, quia pro dictorum intelligentia possunt plurimum deservire: propterea ad id, quo maior suadetur,

Resp. ita esse, quod D. Thom. multoties adducit illam paritatem motus corporæi, ut declaret naturam motus appetitivi. Quod & cum ipso Sancto Doct. dicimus. Quia ex hac paritate egregie delectabilitas nostræ contemplationis ostenditur. Itaque qui iter è Matritio in Hispalim arripit, non unico motu, numquam interrupto, iter conficit sed tot terminos intermedios, motum illum interrompentes, habet, quot diætæ præter ultimam, mediant. Matritum inter, ac Hispalim. In illis terminis intermedijs utique viator ille quiescit, ac de absoluto illius diæi motu fatigante delectatur. Etiam delectatur, & quiescit, cum in Hispalim pervenit. Verum inter has duas delectationes, seu quietes hoc interest; quod hæc secunda est absoluta, & perfectæ, atque adeo excludit desiderium obtinendi terminum; quia iam hic obtentus est: excludit etiam angorum, ac sollicitudinem motus, quia iam motus finitus, & absolutus est. Illa autem prima quies, aut delectatio excludit quidem motum illius diæi, ac de hoc gaudet viator; sed non excludit motum dierum sequentium, de hocque angitur, torquetur, ac sollicitus est. Desiderat enim pervenire ad terminum ultimum sui motus, ubi quietem sine amaritudinis permixtione recipiat.

Habemus ergo, quod in motu progressivo est quies perfectæ, & imperfectæ. Illa non habetur, usque dum terminus ultimus habeatur: hæc autem etiâ in terminis intermedijs reperitur. Prima, quia perfectæ, omnem motum excludit. Secunda vero, quia imper-

fectæ est, excludit quidem motum illius diæi, dierum autem sequentium motum non excludit. Hoc ipsum invenitur in motu appetitivo. Quippe animæ Sionis æmuli Sionem verius gradimur. Terminus ultimus huius motus est Deus clarè vitus. Terminus intermedius est ipse Deus sub fidei obscuritate contemplatus. In hoc termino utique quiescimus, delectamur. Ast hæc delectatio, illa quies, quia imperfectæ sūt, ut potè termini nondum perfectè habiti, non excludunt motum, nec sollicitudinem animæ erga ipsum terminum perfectè possessum. Vide igitur quam magno fundamento constat Ang. Doct. motum appetitivum cum progressivo: & quàm idoneus ille sit ad perfectam intelligentiam illius.

Ad primam probationem minoris respondetur primò ex dictis, distinguendo consequens: *non est de bono præfenti præsentia perfectæ*, concedatur imperfectæ, negetur. Termini ex dictis noti sunt: & idcò, *Respondetur* secundò: Div. Thom. diætæ quæst. 32. integrum articulum habere, in quo inquit: *Trium spes, & memoria sunt causæ delectationis*. Cuius resolutio est affirmativa, & verideri debet, quia pro præfenti materia est admodum utilis.

Ad 2. illius minoris probationem patet etiam, quod contemplatio nostra, quia non est adeptio perfectæ Dei contemplati, licet delectabilis sit, admittit secum, immo & causat sitim, ac desiderium ipsius Dei perfectè habiti. Videatur citatus Div. Thom. quæst. alium articulum habet, & est secundus quæstionis trigesimæ tertiæ, ubi quærit: *Trium delectatio causet sitim, vel desiderium*? Fit respondet affirmativè. Videatur ibi Doct. Sanctus, quia omnia, quæ docet, pro cognoscenda delectabilitate nostræ contemplationis multum prodesse possunt.

§ 8. Ad cantionem adductam Exat. nostri Patr. dicas primò ipsum loqui de absconione, qua sponsus divinus animas sibi amicissimas torquere solet, se se ab illis abscondens, ac in maxima

xima spiritus ariditate, ac si offensus esset, constituens. Quam destitutio- nem dum patiuntur, clamant, gemunt, quæ ad sponsum, ut ipsas exaudire dig- neatur. Verum quia etiam iuxta men- tem eiusdem Sancti Doct. loquitur de absentia, quam arguens intendit: Ideo ex doctrina data,

Respond. 2. Extat. Doct. loqui de absentia, quæ excludit omnem rationem titi, & desiderij *tendentis in non habitum*: non autem de absentia, quæ cum imperfecta præsentia compatiatur. Ibi, inquam, clamat anima pro intuitiva contemplatione sponsi, se asserens insatiatam, usque dum gloria Domini sibi appareat. Videatur Sanct. Doct. in declaratione generali dictæ Cant. Hoc autem non obest, ut in contemplatione huius viæ delectetur propter sponsi præsentiam imperfectam, & obscuram, ut patet ex dictis, constatque ex eodem Sanct. Doct. in Cant. 2. 1. ubi ait:

Entrado se ha la Esposa  
En el ameno huerto deçado,  
Y à su sabor reposa,

El cuello reclinado

Sobre los dulces brazos del amado,  
Ecce animam ipsam, quæ Deum deli- derat ut absentem, super ipsum dule- ter quiescere. In quo nulla adest con- tradictio; siquidem quiescit, & dele- ctatur in illo imperfectè, seu obscure habito; desiderat autem ipsum perfe- ctè, seu clarè contemplatum.

Ad confirmar. respond. ipsam contemplationem, quæ causat delecta- tionem propter Deum imperfectè ha- bitum, causare etiam gemitum, & tris- ticiam, quia Dei perfectè, & facialique possessio differatur. Et nihil prohibet idem secundum diversa esse causam con- trariorum. Sicigitur spes in quantum habet præsentem estimationem boni fu- turi, delectationem causat, in quantum autem caret præsentia eius, causas affli- ctionem. Verba sunt D. Thom. ex dicta quæst. 32. art. 3. ad 2. quæ marciam præsentem optime explanant, & mi- ram consonantiam inter Doctrinam Angel. nostri Doct. & Scraph. nostri Patr. adesse, demon- strant.

## QVÆSTIO QVARTA.

*Vtrum contemplatio, qua parte tristitiam causat, sit delectabilis?*

**P**recedenti quæstione vidimus, divinam contemplationem duos effectus valde contra- rios causare: videlicet dele- ctationem, & moerorem: hunc propter absentiam perfectæ possessionis dile- cti: illam ob præsentiam imperfectam amati. Restat modò inquirere: an non solum sit delectabilis divina contem- platio, propter imperfectam præsen- tiam amati, qua gaudet; sed etiam propter illam perfectam præsentiam, qua caret, & pro qua gembunda suspi- rat? Quod est idem, ac explorare: An dolor, gemitus, & tristitia divinæ con- templationi indivulsè assistentes, sint re ipsa delectabiles?

§. I. Statuitur, probaturque affirmativa conclusio.

59. **N**ostra assertio: Ipsa tristitia, ipse clamor, & dolor divi- nae contemplationis est ex natura sua de- lectabilis. Conclusio hæc est omnino ad mentem D. Thom. qui illam probat dicta q. 33. art. 4. in arg. sed contra, ex illo Psalmi 41. ubi David inquit: *Fue- runt mihi lacrymæ meæ panes die, ac nocte.* Quæ verba sic inibi declarat Sanctus Doct. *Per panem autem refe- ctio delectationis.* Ex quibus infert: *Ergo lacrymæ, quæ ex tristitia oriun- tur, possunt esse delectationis causa.* Sed

videamus totum textum, & mirabimur insignem explicationem.

Ait David: *Fuerunt mihi lacryme meae panes die, ac nocte, dum dicitur mihi quotidie, ubi est Deus tuus? Hec recordatus sum, & effudi in me animam meam, quoniam transibo in locum tabernaculi admirabilis usque ad domum Dei.* Ac si diceret: Ipsa Dei memoria, quam habeo, in lacrymas me effundere compellit, quia ipsum non video: verum ipsæ, propter dictam absentiam, tristes lacrymæ sunt mihi delectabiles, ac veluti robustus panis reficiunt, quia me usque ad domum Dei contemplandam ducunt, & spes, quam habeo, hanc domum Dei videndi, in eaque ipso in æternum fruendi, meam vitam fulcit, ac reficit.

60. Clarissimè hoc ipsum docet Doct. Sanctus super hunc Psalm. vbi solidissimas rationes tradit, ob quas lacrymæ ipsæ delectabiles sunt. *Panis reficit, & sic lacrymæ reficiunt duplici ratione. Vna est, quia unicuique est delectabilis actio sibi conveniens. Vnde tristitia est delectabilis actio conveniens tristitiæ, & lacrymatio est tristitiæ actio. Alia ratio est, quia quando calor evaporaat extra, minuitur: & ideo dicit, quod lacrymæ sunt ei sicut panis, quasi reficientes eum. Vel sicut panis, quia sicut per panem sustentatur, ita ipse sustentatur in bono per lacrymas.* Quas rationes sic expendo, illisque

61. Probat. iterum conclusio: Actio alicui conveniens est ipsi delectabilis: sed contemplativo dolenti de Dilecti absentia convenit lacrymatio: ergo illi lacrymatio est delectabilis. Consequentia est bona, maior, & minor sunt expressæ Div. Thom. in primis verbis propositæ autoritatis, quæ potest sub hac forma proponi: *Unicuique est delectabilis actio sibi conveniens: unde (scu ergo) lacrymatio, quæ quidem est tristitiæ actio, est delectabilis actio conveniens tristitiæ.* Cuius enthymematis duæ propositiones eæ sunt, quas pro maiori, & minori in nostro Syllogismo posuimus.

Deinde prob. min. in qua dif-

ficultas viget. Exuli de sua patria cogitanti convenit lacrymatio: Contemplativus dolens propter absentiam Dilecti, est exul cogitans suam patriam, in qua ipsum in æternum facie ad faciem videbit: ergo ipsi conveniens est lacrymari. Consequentia sequitur, & minor est certa. Maior autem pluribus probari poterat, brevitatis tamen causa illam probamus toto Psalm. 136. vbi exul contemplativus sic loquitur: *Super flumina Babylonis, illic sedimus, & flebimus, cum recordaremur Sion: In salicibus in medio eius, suspendimus organa nostra.* Et volentibus ipsos audire more suæ patriæ cæmentes, responderunt: improprijssimam esse exulibus musicam, cum ipsis fletus conveniat, *Hymnum cantate nobis de canticis Sion. Quomodo cantabimus canticum Domini in terra aliena? Vide exules suæ patriæ memoriam habentes, & absentiam deplorantes: lætitiæ instrumenta, veluti exilio repugnantia, in salicibus suspendentes, & vel iussi ab ijs, quibus complacere congruum videbatur, canere recusantes: ergo exuli de sua patria cogitanti, non cantare proprium est, sed lacrymari.*

Super hunc Psalm. poema fecit Noster Mystic. Doct. quo & animas in cœlestis patriæ desiderium maximè excitat, & omnia dicta firmat. Sic enim ait:

Encima de las corrientes,  
Que en Babilonia hallaba,  
Alli me senté llorando,  
Alli la tierra regaba.  
Acordandome de ti,  
O Sion, à quien amaba  
Era dulce tu memoria,  
Y con ella mas lloraba.

Quibus verbis, & sequentibus, ostendit, *qualem decet exulis esse operationem: videlicet tristitiam, & lacrymas ob absentiam à patria.* Hasque lacrymas fore exuli delectabiles exprimit, dicens:

En mi por ti me moria,  
Y por ti resucitaba,  
Que la memoria de ti  
Daba vida, y la quitaba.

Confer



Confer verba hæc cum alijs Psal. 41. quæ num. 59. adduximus, & videbis hulus cantus veritatem super illorum infirmitatem fundatam. Ait enim Sanctus Doct. quod Dilecti absentis memoria contemplativum reficit, & interficit, etque vitam confert, & aufert. Vnde ipsa gemens memoria delectabilis est ei, qui ab ipsa vitam se habere, facitur.

62. Confirm. ratio facta: ei, cui est tristabile vnum contrarium, aliud contrarium est delectabile: sed contemplativo propter Dilecti absentiam suspiranti est tristabilis risus: ergo ipsi est delectabilis planctus. Consequentia bene inferitur, quia risus, & fletus, tristiari, & gaudere contraria sunt. Maior certa est, & minor probatur ex Ecclesiast. cap. 22. v. 6. dicente: *Musica in luctu importuna narratio.* Sed quare in luctu musica est narratio importuna, seu, iuxta Figur. Div. Hieronym. & Malu. *intempestiva:* Respondet Cornel. *Quia lugentes, dum lugent, non delectantur musica, sed ea magis contristantur luctumque quasi per antiperistasis adaugent.* Hanc ipsam veritatem nobis eadem claritate docet alia Scriptura ex cap. 25. v. 20. Proverb. ubi dicitur: *Acetum in nitro, qui cantat carmina cordi pessimo.* Symmach. vertit, *tristissimo.* Cuius oraculi sensus idem est, ac præcedens. Estque quod in nobismetipsis experimur: siquidem, cum tristamur, si aliquid ad læticiam provocans viderimus, non gaudemus, sed exasperamur. Sit ergo musica in convivio vini, ut ait idem Ecclesiast. 49. v. 2. *quia vinum letificat cor;* & lætis est musica sonora, tristibus autem adverbia. Ex quibus omnibus constat, quam vera sit illa minor, pro qua suadenda allata sunt. Videlicet, quod contemplativo propter Dilecti absentiam suspiranti risus tristabilis est. Quia si datur *tempus scindi,* & *tempus ridendi;* tempus illud non est ridendi, sed scindi. Vnde fletus est tunc contemplativo delectabilis, quia pro illo tempore est ipsi conveniens.

63. Dices: Hæc confirmatio se  
A SPIRITU SANCTO,

ipsam destruit: ergo nihil prebat. Anteced. probatur. 1. Quia lætitia, & moeror cōtrariantur: ergo non possunt simul in formaliter eodem inveniri. Ergo in dicto contemplativo, in quo, vt supponimus, adest planctus, non est lætitia. Ergo planctus ille ei non est delectabilis. Antecedens certum est, à nobisque assertum tum, præcedenti. Et ex illo prima, & secunda consequentia legitime deducuntur. Tertia autem ex ipsis manifesta est: si namque lachrymæ forent illi delectabiles, iam tristitia, ac lætitia invenirentur simul in formaliter eodem; & illi contemplativo idem omnino tempus foret tempus scindi, atque ridendi.

Probat. 2. principale antecedens: quia musica non est disconveniens tristibus, vt constat ex citato Psal. 136. ubi exules illi tristissimum Psalmum illum caneant, ad cuius imitationem Extat. noster Doct. carmina illa fecit, quæ retulimus: ergo contemplativo propter Dilecti absentiam suspiranti non est tristabilis musica: ergo nec delectabilis planctus. Est dicere: vel cantus ille erat illis exulibus tristissimis delectabilis; vel non: si sic: ergo Musica in luctu non est intempestiva narratio. Si non: ergo planctus non est contemplativo delectabilis.

64. Respond. negando antecedens, ad cuius probationes, vt respondeas, observa: nos posse loqui de tristitia contemplationis, prout contemplatio est actio contemplativo tristis conveniens, vel, vt proprius loquar, conveniens tristia. Vel de tristitia contemplationis sub muncere contemplationis, & sub formalitate Evangelicæ, Deum vt ultimum finem insipientis, propriusque faciali intuitu suspirantis. Esseque hæc maniera diversissima cæcus est, qui non videat. Nec Div. Thom. in q. 9. supra quas hanc disputationem fundavimus, legitur de delectatione contemplationis, vt contemplatio est, sed de omni delectatione. Et hanc ipsius rationem, quam modo expendimus, clarum est, loqui  
O de

de delectatione in suo generali conceptu.

65. Deinde observa id ipsum, quod iam ex ipso Ang. Mag. diximus num. 53. videlicet: delectationem aliam esse propriam illius operationis, quam completi aliam verò extraneam ipsi operationi, & est illa, quæ est propria alterius operationis differentis. Ex quo provenit, quòd vna delectatio sit impeditiva alterius delectationis: sicut delectatio ludii impedit delectationem litterarum. Quapropter Div. Thom. q. 31. citata art. 8. docet, delectationem posse esse delectationi contrariam. His suppositis, loquendo de divina contemplatione, prout operatio est contemplantis lugentis

Respond. ad primam antecedentis probationem distinguendo antecedens: *Contrariantur*, si lætitia, vel delectatio sit extranea mœrori, concedo: si extranea non sit, nego antecedens. Termini patent ex dictis num. præcedenti. Quia cum actus est de se contrarius, vel ex suppositione incompatibilis cum alio actu: tunc delectatio correspondens vni actui est impeditiva delectationis alij actui correspondentis, ipsique extranea. Ast delectatio propria actus elicit, nec est illi extranea, nec ipsi contrariatur: Immo ipsum complet, & perficit, vt loco citato dicebamus. Quiaque, vt dictum est, actio alicui conveniens, ex conceptu generalissimo actionis convenientis, est illi delectabilis: propterea lachrymæ, & tristitia sunt delectabiles lugenti: quin illa delectatio, seu lætitia cum illa tristitia dicat oppositionem: quandoquidem non est extranea, sed propria: nec quòd sit propria: atque adeò delectabilis potest ab illa auferri: quin auferatur, quod sit conveniens. Cum autem num. 62. diximus, luctum, & lætitiā contrariari, loquebamur de lætitia, quæ sicuti extranea est.

Hac ipsa doctrinā respondetur ad duas propositiones primò illatas, sed negetur tertia consequentia absolute. Ad probationem dic: delecta-

tionem non extraneam sicuti compati cum illo, ipsamque complere. Similiterque concede, tempus fandi non esse diversum à tempore ridendi: si per *ly ridendi* intelligatur risus, seu delectatio propria sicuti convenientis suspiranti. Si autem intelligatur delectatio, seu risus extraneus sicuti, tunc tempus fandi diversum est à tempore ridendi, cum ipsoque incompatibile. Et hoc modo sumitur in illo textu, vt apud omnes notum est, affatimque nomen *ridendi* manifestat.

Ad secundam antecedentis principalis probationem, poterat responderi, Psalmum illum factum fuisse à Davide, qui captivitatem tribuum annis pluribus antecessit: vel à Ieremia, qui in Babilone non fuit. Verum quia negari non debet, ipsum huius Psalmi compositorum, quisquis ille fuerit tristissimum fuisse, cum illum composuit. Insimulque esse compositionem propriissimam cuiuscumque exilium à patria deplorantis, sicut ea frequenter vsum esse nostrum Mysticum Doct. constat ex datis eius carminibus. Ideò ex dictis

Respond. Musica lugubrem, quæ idem est ac lætatio, non esse lugenti intempstivam: hæc quippe musica non est extranea, sed propria, vt tristes conceptus exprimat, quos maestas concipit. Musica verò extranea à melancholico statu lachrymantis, qualis est musica Symposij, seu convivij vini, hæc est in luctu importuna, & quæ magis audientem exasperet, quàm demulceat. De hacque loquitur Oraculum sacrum ex cap. 22. Ecclesiast. Vnde ad vltimum, quod in illa probatione assertur, dicito: planctum illum fore illis exulibus delectabilem, non quia ipse in se non sit mœstissimus, & angustiat animi propria expressio: sed quia cum sit actus conveniens luctui, ideò est lugenti delectabilis.

67. Si verò contemplatio sumatur sub expressione contemplationis religiosæ, vt num. 64. observavimus: tunc eodem modo respondendum est ad factam obiectionem, quatenus

contra

contra hanc primam rationem Div. Thom. facta est: quandoquidem contemplatio, prout sic est operatio contemplativi exilium à patria cœlesti deplorantis: (Id hoc enim procedit difficultas) vnde illa contemplatio, qua malum hoc defletur, est operatio conveniens illi contemplativo; consequenterque est ipsi delectabilis. Nec in hoc aliquid particulare occurrit, in quo liceat immorari. Sed ea, quæ ex natura sua habet operatio conveniens operanti, applicantur huic operationi lachrymanti cōtemplativo convenienti. Per quod patet responsio ad ea, quæ obiecta sunt, quin ad singula respondere debeamus.

68. Dices: Dolor, & lamentum propriissima sunt status damnatorum: & tamen illis delectabilia non sunt, sed potius tristabilia; nihil enim est, quod ipsis delectabile sit: ergo quòd deploratio exilij sit actio propria, & conveniens contemplativo lugenti, non arguit, illam esse delectabilem.

Respond. ex Div. Thom. d. q. 32. art. 8. ad 2. *Quod delectatio duo habet, videlicet, quietē in bono, & huiusmodi quietis perceptionem.* Damnati autem nullā quietē habēt, nec habere possūt, nec siā possibilis est, quā impossibilitatem ipsi clarē agnoscunt. Vnde nulla illorum operatio ipsis potest esse delectabilis. Nec illorum operationes sunt illis convenientes: conveniens enim operatio ea dicitur, qua operans proprium centrum apprehendit, vel illi approximatur. Damnati in termino suæ infelicitatis positi sunt: vnde nec proprium centrum, nempe Deum, possunt obtinere, nec illi approximari. Hæc diximus circa delectationem per ordinem ad Deum, & quæ secundum rationem sit. Delectationes autem pravæ, quales fuere illæ, quæ ipsos ad tartara duxerunt, ibi locum non habent. Non enim erit ipsis delectabilis memoria præteritarum delectationum: sed tormentum, & afflictio maxima. Nec ibi est possibile illas, vel similes de præfenti habere: quia non est vnde haberi possint, Vel ipsa sui

desiderij adimpletio, quæ ex se est maxime delectabilis, ipsos cruciabit. Ut autem plenē hæc percipias, factam quæ obiectionem solvas, vide, quæ diximus in 1. prædicab. disp. 6. q. 4. ferè per totam, & præsertim in solutionibus ad argumentum, & confirmationes à num. 116. vsque ad num. 119.

## §. II. Proponitur alia ratio D. Thom. in comprobationem conclusionis.

69. **S**ecunda autem ratio, quam adducit Div. Thom. num. 60. relatus, optimè nostram assertionem probat, illamque proponimus sub hac forma. Id, quo minuitur tristabile, ex parte, qua minuit, habet rationem delectabilis: sed vehemens dolor, quem habet contemplativus propter absentiam sponsi, minuit illud, quod illum torquet: ergo talis vehemens dolor habet rationem delectabilis. Consequentia patet, & maior nota est, tum ex se: tum etiam, à contrario: quia id, quo minuitur delectabile, ex qua parte illud minuit, habet rationem disconvenientis, & malis: ergo id, quod minuitur tristabile, habet rationem convenientis, & boni. Deinde probatur minor: Ipsa vehemens tristitia cōtemplativi lachrymas extrahit, quibus intimus dolor penè suffocans, evaporatur, ad extra diffusus: ergo lachrymæ illæ minuunt illum intimum dolorem, quo maximè contemplativus torquetur. Anteced. est certum, & consequentia patet ex data autoritate Div. Thom. suadeturque facile: quia virtus dispersa est debiliior se ipsa, vt vnita: ergo virtus illius doloris intimi adextra diffusa minor est, quàm antequàm adextra medijs lachrymis diffunderetur: ergo lachrymæ, quibus medijs diffunditur, sunt contemplativo delectabiles: siquidem sunt medium, vt tormentum pene extinguens minus fiat.

Dictis rationibus Ang. Præceptoris vsi fuimus, quibus certè conclusio nostra probata manet ex principio

cipio illo generali, tum operationis convenientis; tum etiam lachrymarum vehementem dolorem minuendum: sub illisque contemplatio nostra, vt quædam specialis operatio comprehenditur, sicut albedo sub generali ratione coloris, vt hætenus ostendere conatus sumus. In secunda autem ratione numero hoc expensa, alias duas assignat. Div. Thom. prima desumpta ex eo, quod lachrymæ reficiunt, sicut panis, lachrymantem: secunda ex eo, quod sicut panis sustentat conedentem, sic etiam lachrymæ sustentant in bono deplorantem. De prima iam locuti sumus, modò autem secundam expendemus. Verba Div. Thom. hæc sunt. *Vel sicut panis; quia sicut per panem sustentatur, ita ipse sustentatur in bono per lachrymas.*

70. Prob. iterum conclus. hac ratione Div. Thom. ad hanc formam relata: Id, quod contemplativus sustentatur in bono, est ipsi delectabile: sed per contemplationem, vt tristitiam, doloremque causantem, sustentatur in bono: ergo contemplatio, qua parte tristitiam causat, est contemplativo delectabilis. Consequenter est omnino formalis. Maior autem innegabilis est: si namque illud, quo sustentamur in bono corporis, est nobis suave, & appetibile: id quo sustentamur in bono animæ, multò magis debet esse appetibile, ac delectabile. Minor autem expressa est in data Div. Thom. autoritate.

71. Illustratur ratio facta, detegendo fundamentum autoritatis propositæ: vnde probatur minor: nulla contemplatio æquè amara, ac terribilis est, sicut contemplatio illa, quæ causat purgationem partis intellectivæ: atqui hæc contemplatio adeò horribilis sustentat contemplativum in bono: ergo per contemplationem, vt causativam tristitiæ sustentatur contemplativus in bono. Consequenter bona est: si namque contemplatio, qua parte tristitiam causat non firmaret hominem in bono; dum maiorem tristitiam causat, minùs illum in bono

firmaret, vt de se evidens est, nec indiget probatione. Iam verò præmissas nemo, qui Theologos Mysticos legerit, negare poterit. In primis enim maior est certa, censatur ex ijs, quæ diximus in Ihsage lib. 5. à num. 26. ampliusque constabit ex dicendis in quarto prædicabili.

72. Minor autem probatur multipliciter 1. sic: Media hac purgatrice contemplatione subiicitur pars superior hominis Deo: ergo hæc contemplatio terribilissima firmat hominem in bono. Antecedens patet ex ijs, quæ loco allegato diximus ex communi doctrina Mystico: um. Et consequentia probatur: quia ex quo pars superior Deo subiecta sit, subiecta est pars inferior parti superiori, nec ab illa, quantum status infusitæ originalis amissæ patitur, discedit: sed per hoc, quod divinus ordo harum subordinationum servetur, contemplativus in bono sustentatur: ergo contemplatio omnium terribilior sustentat contemplativum in bono.

73. Probat. 2. illa min. Id, quo anima tendit ad vniendum cum Deo, quin cognoscatur à mundo, demone, & carne suis inferissimis adversarijs, tale iter semper impedire conantibus, sustentat animam in bono: Contemplatio hæc amarissima est id, quo anima tendit ad vniendum cum Deo, incognita illis adversarijs: ergo. Cætera nota sunt, & minor, in qua adest difficultas, probatur ex cant. 1. quam lib. 1. noct. cap. 1. ponit Mystic. noster Doct. estque huiusmodi:

En vna nocte obscura

Con ansias en amores inflamada,  
Odichosa ventura!

Sali sin ser notada,

Estando ya mi casa fosegada.

In cuius generali explicatione, sic ait expertissimus hic Doct. *Hoc iter potuit anima carere vi, & calore ad hoc à Sponso suo sibi datis in dicta contemplatione obscura.* (Quæ vel ob hoc solum foret appetibilis, quamquàm adeò terribilis sit) *In quo ostendit felicitatem, quam habuit in dirigendo se ad*

*ad Deum, adeò prosperè, ut nullus ex tribus adversarijs, nempe mundus, dæmon, & caro (qui semper hoc iter impediunt) illi obesse potuissent: eo quòd dicta nox contemplationis purificativæ sopivit omnes suas passionēs, & appetitus secundum suos motus contrarios in domo propriæ sensualitatis. Constat ergo veritas illius minoris ex hac præclara doctrina egregij huius Doctoris.*

74. Prob. 3. eadem min. Media hac horribili contemplatione cognoscit anima perfectè, ac facillimè quicquid cognoscibile est tam in solo, quàm in cælo: ergo hæc acerba contemplatio sustentat animam in bono. Patet ista ex antecedenti, quod edocetur ab illuminato nostro Doct. lib. 2. noct. cap. 8. in fine. Vbi concludens dicit. *Hæc est proprietas spiritus purgati, & ad nihilum redacti ab omni particulari affectione, & intelligentia: quòd in hoc nihil gustare, nihilque in particulari intelligere, manens in vacuitate, obscuritate, ac tenebris, omnia magna dispositione complectitur: ut sic mystice verificetur in illo illud Div. Pauli 2. Corint. cap. 6. Nihil habentes, & omnia possidentes. Talis quippe beatitudo tali spiritus paupertati debetur.*

75. Prob. denique minor principalis: Hæc afflictiva contemplatio constituit animam adeò proximam Deo, ut ab ipso protegatur, & libereatur ab omni, quod non est Deus: ergo sustentat animam in bono. Patet ista: nam à protectione divina omnis nostra securitas, & permanentia in bono dependet. Antecedens autem est doctrina nostri Seraph. Parentis loco citato cap. 16. vbi §. *Pero aquí ay*, illud clarissimè tradit: quin opus sit verba ipsius exscribere, continent enim id ipsum, quod antecedens refert. Non tamen omitam, quæ addit, illaque proprio idiomate dabo, ut melius sententiæ energiam dignoscatur. Ait enim dictorum rationem reddens: *Por que como está aquí puesta en cura el alma, para que configure su salud, que es el mismo Dios: Túnela su Magestad en dieta,*

*y abstinencia de todas las cosas, estragado el apetito para todas ellas: bien así como para que sane el enfermo, que en su casa está estimado, le tienen tan adentro guardado, que no le dexan tocar del aire, ni gezar de la luz, ni que sienta las pisadas, ni aun el rumor de los de casa, y la comida muy delicada, y muy por tassa, de substancia, mas que de sabor.*

Hæc illuminatus iste Doct. cuius doctrinam profusè eandem esse cum doctrina Angelica, deprehendimus. Vterque enim profundissimè nobis aperit motiva, ob quæ divina contemplatio, etiam acerbissima, & horrolosissima, vel ex illa parte, qua crudeliter cruciatur, sit appetibilis, & delectabilis. Quandoquidè ex ipso, quod in bono sustentet, est, licet amarissima, delectabilis animæ sustentationem in bono desideranti. Nec adeò magna bona affert animæ contemplatio, nisi terribilis, & amara sit, ut est constans doctrina Mysticorum, inter quos eminet N. Illuminatus Doct. qui in illis mirabilib. lib. noct. obscuræ hanc veritatem passim docet. Vnde si divina contemplatio acquisita delectabilis est, qua parte dicit suavitatem, propter bona, quæ ex illa animæ accrescunt: multò magis delectabilis est contemplatio illa acerbissima, quia illa sua amaritudine multo maiora, & perfectiora bona anima, crucem purificationis sustinens, sibi comparat. De quo nihil amplius: quia de illo in 4. prædicabili acturi sumus.

§. III. *Divina contemplatio, qua parte tristitiam causat etiam est delectabilis, si consideretur, ut est opus quoddam virtuosum.*

**Q**uia huius quæstionis argumentum forsam aliquibus censetur paradoxum ab ipsius tituli lectione; dum in ipso tristitativo appetibilitatem quærimus: propterea contemplationem divinam non sub unico tantum munere, sed sub omnibus, quibus considerari valet, inspicimus, ut  
fi

sic nulla parte implicanti inquirere, sed, quæ omni ex parte rationi sunt consona explorare, videmur. Divina igitur contemplatio potest sumi, ut est operatio quædam conveniens cuidam speciali operanti : & hoc modo esse delectabilem, vidimus iam toto §. primo, & initio secundi. Potest etiam considerari secundum suum essentiale distinctivum, & non secundum ea, in quibus cum alijs operationibus convenit, & hoc sub illa ratione, qua tristitiam causat. Et etiam sub hac formalitate vidimus §. præcedenti, vel ipsam contemplationem omnibus amariorem, & quæ angustias veluti infernales infert, esse delectabilem. Modò suadere conamur, ipsam, ut intra spheram operis meritorij est, esse etiam appetibilem, secundum illam formalitatem, sub qua amaritudinem dicit. Sicque quacumque ex parte consideretur divina contemplatio, etiam amarissima, corda omnium sua delectabilitate alliciens, invenietur.

76. Prob. ultimo conclus. nostra sequenti discursu. Contemplatio divina, qua parte tristitiam causat, sive illam causet ob considerationem proprii peccati, sive alieni; sive ob huius vitæ pericula, sive ob exilium à cœlesti patria, sive ob absentiam sponsi, est opus Deo acceptum, æternæque remuneratione dignum : ergo prout tristitiam causat, est delectabilis. Consequentia non indiget probatione: quandoquidem opus, quod Deo acceptum ita est, ut illud æterna remuneratione præmii, non potest non esse nobis delectabile, vel quia præmium illud æternum exoptamus, vel quia Deo conformari cupimus. Probatur antecedens ex Sacra Script. nam apud Matth. cap. 5. ait Christus Dominus: *Beati, qui lugent, quoniam ipsi consolabuntur*, in quo omnis virtuosus luctus intelligitur, ut iam videbimus, atque adeò intelligitur contemplatio luctuosa: sed illa consolatio, qua Christus pollicetur remunerandam iri contemplationem luctuosam, suam

perfectiorem habebit in patria, ut docet Div. Thom. 2. 2. q. 9. art. 4. ad primum : ergo divina contemplatio, qua parte tristitiam causat, est Deo accepta, æternæque præmio remuneratur.

Vis huius rationis consistit in eo, quòd lugentibus, vel propter propria peccata, ut tenent D. Hilarius, & D. Hierony. vel propter propria, & aliorum peccata, ut explicat D. Chrysost. in *Imperf.* homil. 9. D. Paschas. lib. 3. in Matth. & alij: vel propter infirmitates, & adversitates, quibus à Deo premuntur, ut docent D. Gregor. Nyss. lib. de beatitud. conc. 3. & D. Ambros. lib. 2. de offic. Vel denique propter tedium huius vitæ, periculis plenæ, & propter exilium à patria cœlesti, quam totis viribus exoptant, ut in illa suo dilectissimo Sponso, cuius modò absentiam plorant, æterno amplexu fruuntur, ut dicunt Div. Thom. & Alb. Mag. Lugentibus, inquam, propter omnia dicta, vel propter earum aliqua, promittitur æterna consolatio : ergo amor huius consolationis æternæ reddit appetibile, ac delectabile medium, quo ipsa obtinetur; sicut desiderium salutis corporeæ habendæ medium ad ipsam comparandam, quamquam acerbissimum sit, appetibile facit: ergo contemplatio, qua dicta omnia, vel simul, vel divise lugentur, est lugenti delectabilis propter consolationem æternam inde sibi comparandam.

77. Confirm. Actus donorum Spiritus Sancti sunt delectabiles: contemplatio luctuosa est actus doni Spiritus Sancti: ergo est delectabilis. Consequentia infertur, Major patet; tum ex perfectione, principio, fine, & præmio illorum actuum: Tum etiam ex eo, quòd procedunt ex connaturalitate, & affectione ad res divinas, ut cum Angel. Præcept. multoties in superioribus diximus. Min. verò probatur. Quia doctrina est Div. Thom. 1. 2. q. 69. art. 1. quòd beatitudines sunt actus donorum: sed contemplatio luctuosa est beatitudo, ut patet ex dictis: ergo

ergo est actus Spiritus Sancti.

78. Si autem quæras, ad quod ex septem Spiritus Sancti donis spectet contemplatio luctuosa? Respondetur cum D. Thoma 2. 2. q. 9. art. 4. Tertiam beatitudinem spectare ad donum scientiæ. Quæ sententia est etiam D. Augusti. lib. 1. de Serm. Dom. in monte, cap. 9. ubi ait: *Scientia convenit lugentibus, qui didicerunt, quibus malis vincula sunt, quæ quasi bona appetierunt.* Huiusque rationem assignat D. Thom. citatus in corp. dicens: *Ad scientiam propriè pertinet rectum iudicium creaturarum.* Quiaque creaturæ sunt occasionaliter causa, qua homo à Deo avertitur, in ipsius finem suum ultimum constituens: quæ inversio præstat abundantissimam materiam ætus viris spiritualibus, qui hoc damnum per donum scientiæ cognoscunt: propterea *beatitudo luctus ponitur respondere dono scientiæ.* Videatur idem Ang. Mag. qui aliqua, quæ hanc resolutionem impugnant, solvit.

79. Dices: Luctus non est ætus pertinens ad intellectum, sed ad voluntatem, ut videre est apud nostros Salmant. in *arbore virtutum* num. 16. sed donum scientiæ est habitus intellectualis: ergo luctus non est ætus doni scientiæ.

Respond. cum eisdem Salmant. quod luctus *beatitudo tribuitur scientiæ, non quasi ipse luctus sit ætus ab ea elicited: sed tamquam quidam affectus existens in voluntate, designansque proprium ætum scientiæ existentem in intellectu.* Huiusque ratio assignata iam est à D. Thom. consiliumque in eo, quod luctus iste sanctus occasionatur ex damno, quod homo incurrit propter perversum commercium creaturarum: quod damnum homini innotescit per iudicium rectum, quod de creaturarum æstimatione efformat: unde cum hoc iudicium, ut dictum est, propriè pertineat ad donum scientiæ: idèò ætus scientiæ existens in intellectu causar luctum existentem in voluntate: & luctus existens in voluntate designat ortum habere ab ætu

scientiæ, existente in intellectu. Nec nos diximus, beatitudinem luctus esse ætum doni scientiæ: sed ipsi dono scientiæ respondere, vel ad ipsum spectare, quod ipsum tradit D. Thom. Quod autem hoc sufficiat, ut ipse luctus delectabilis sit, negabit nemo, qui prædicta consideret. Esse enim ætum elicited à dono scientiæ, vel non esse elicited, nihil conducit, ut sit appetibilis: dummodò ætus ipsius scientiæ illum inferat, cæteraque alia, quæ diximus, habeat.

#### §. IV. Argumenta contra conclusionem, & solutionem eorum.

80. **C**ontra nostram conclus. arg. 1. Præsentia rei contristantis causat tristitiam, nullo modo delectabilem: sed contemplatio luctuosa est præsentia rei contristantis: ergo causat tristitiam nullatenus delectabilem. Ergo contemplatio, quæ parte tristitiam causat, delectabilis non est. Patet ista: ut enim illa, prout tristitiam causat, foret delectabilis, pariter deberet esse delectabilis tristitia ab ea causata. Prima consequentia constat ex præmissis, quarum maior probatur 1. Absentia rei contristantis causat delectationem omnimode appetibilem: ergo præsentia ipsius causat tristitiam nullo modo delectabilem. Patet consequentia ex antecedenti, quod innegabile est: quia recessus, & absentia nocivi omni ex parte delectabilis est: ergo à contrario, accessus, & præsentia ipsius nocivi omnimode tristis est. *Probat. 2.* ipsa maior: Præsentia rei delectantis causat lætitiā nullo modo recusandam. Ergo præsentia rei contristantis causat tristitiam nullo modo prosequendam. Antecedens est certum, & consequentia constat à paritate.

81. Confirm. ratio facta: Contemplatio gaudiosa non est delectabilis per aliquod triste, sed per aliquod lætum: sed contemplatio luctuosa non

non potest esse delectabilis nisi per aliquod triste: ergo cum hoc repugnet, sequitur; quod non sit delectabilis. Minor constat: quia in illa nihil datur, quod triste non sit. Et consequentia probatur: quia idem effectus nequit præstari à rebus inter se contrariis: sed res læta, & tristis oppositæ sunt: ergo non possunt causare eandem divinæ contemplationis delectationem.

82. Respond. argumento, & confirmationi iuxta dicta §. 5. præcedentibus. Ex qua doctrina facile est obiecta dissolvere. Ad argumentum quidem negetur maior; quia, ut dictum est, in tra primum modum, quod probavimus conclusionem, licet præsentia rei tristis de se causet tristitiam recusatu dignam; nihilominus tamen quia illa operatio est conveniens illi melancholico, ideo delectabilis est, & tunc temporis contraria operatio delectabilis non esset. De quo §. 1. egimus, & præcipue num. 62. sed ibi dictus addimus egregium Ang. Præcept. testimonium, quod habetur 1. 2. quæst. 38. art. 2. ubi inquit: *Utrum tristitia mitigetur per sictum?* Resolutio est affirmativa, contra quam ponit tertium argumentum, simile argumento facto, ad quod respondet: *Ad 3. dicendum, quod imago rei contristantis, quantum est de se, nata est augere tristitiam: sed ex hoc ipso, quod homo imaginatur, quod facit illud, quod convenit sibi secundum talem statum, consurgit inde quedam delectatio: & eadem ratione, si alius subrepat risus in statu, in quo videtur sibi esse lugendum, ex hoc ipso dolet, tamquam faciat id, quod non convenit, ut Tullius dicit in 3. de Tuscul. quæstionibus.*

Nihil clarius, elegantiusve dici potuit in nostrum favorem. Itaque, ut contemplatio dicatur delectabilis, non attenditur, an res contemplata læta, vel tristis sit? Sed an sit actio conveniens contemplanti, vel non? Si est conveniens, quamquam res contemplata tristissima sit, ipsa contemplatio delectabilis est; quia ex hoc, quod ho-

mo imaginatur, quod facit illud, quod convenit sibi secundum talem statum, consurgit inde quedam delectatio. Si autem conveniens non est; licet obiectum sit latissimum, non erit delectabilis; quia tunc faceret contemplativus id, quod non convenit.

83. Ut autem hanc generalem doctrinam, qua sola ingluviem argumentorum hinc inde nostram assertionem impugnantium, retundes, penitus calcas: observa pulcherrimam doctrinam eiusdem Ang. Præcept. ibidem dicentis: *Ad 1. ergo dicendum, quod ipsa habitudo causæ ad effectum contrariatur habitudini contristantis ad contristatum: nam omnis effectus est conveniens suæ causæ, & per consequens est ei delectabilis: contristatus autem contrariatur contristato: & ideo effectus tristitia habet contrariam habitudinem magis ad contristatum, quam contristans ad ipsum; & propter hoc mitigatur tristitia ratione contrarietatis prædictæ.* Hanc eandem doctrinam prosequitur in solutione secundi argumenti, ubi ait: *Ad 2. dicendum, quod habitudo effectus ad causam est similis habitudini delectantis ad delectatum, quia utrobique convenientia invenitur.*

Ex quibus notissimum tibi est, quodvis agens, v.g. contemplativum, duplicem habitudinem terminare. Prima est rei contristantis, vel delectantis ad ipsum, à qua denominatur contristatus, vel delectatus. Secunda est, habitudo operationis, v.g. contemplationis ad ipsum, ut ad causam. Inter quas duas habitudines hoc interest: quod habitudo contemplationis, ut effectus, ad contemplativum, ut ad causam, sæper exprimit delectabilitatem: Nam omnis effectus est conveniens suæ causæ, & per consequens est ei delectabilis: eo quod habitudo effectus ad causam est similis habitudini delectantis ad delectatum; quia utrobique convenientia invenitur. Cæterum habitudo contristantis ad contristatum non potest non esse disconveniens ipsi contristato: unde delectabilis non est: foret



foret tamen, si conveniens esset, ut est habitudo effectus ad causam, & habitudo delectantis ad delectatum.

Ex data doctrina vides, quàm bene negativimus maiorem argumenti facti, quam, claritatis gratia, potes distinguere. *Nullo modo delectabilem*, si attendatur habitudo contristantis ad contristatum, conceditur: si attendatur habitudo effectus ad causam, negatur maior: im. no & suppositum; quippe sub ista habitudine effectus ad causam, nullatenus causat tristitiam, sed delectationem contemplatio luctuosa: est enim operatio tunc temporis conveniens.

84. Ad primam probationem mai. Similiter respondetur: quòd absentia rei contristantis causat quidem delectationem sub vtraque habitudine: præsentia verò ipsius causat illam, attenda habitudine effectus ad causam, licet non illam causet considerata habitudine contristantis ad contristatum. *Ad 2. probationem* maioris dicas: Præsentiam rei delectantis sub vtraque dicta habitudine causare delectationem: & præsentiam rei contristantis causare illam sub habitudine effectus ad causam.

Ad confirm. resp. negando minorem. Contemplatio enim luctuosa est delectabilis per aliquod lætum contemplanti, videlicet per hoc, quòd illa operatio est tunc rei conveniens secundum habitudinem effectus ad causam: Vnde servatur paritas inter vtramque contemplationem: licet gaudiosa addat illam aliam delectationem secundum habitudinem delectantis ad delectatum. Sic ergo iuxta primum modum, quo conclusionem probavimus, solvitur argumentum eiusque confirmatio: & solutione data, possunt alia innumera haud difficiliter solvi.

85. Dices tamen: licet quando obiectum est contristans, & non contemplatio, verificetur duplex illa habitudo, earumque diversitas percipitur; at quando ipsa contemplatio est, quæ affligit, impossibilis est talis habitudinis differentia: ergo tunc contemplatio ex ea parte, qua affligit, non est delectabilis.

A SPIRITU SANCTO,

Resp. negando suppositum antecedentis: Contemplatio nunquam est afflictiva; est enim cognitio veritatis: & in cognitione veritatis nullum nocumentum habet intellectus. Vnde contemplatio secundum se sumpta semper est delectabilis: cum quo tamen fiat, quòd per accidens possit ipsa contemplatio habere rationem mali contristantis. Quod omne docetur a D. Thom. q. 35. art. 5. ubi ait: *Ad 3. dicendum, quòd contemplatio secundum se nunquam habet rationem mali: scilicet contemplatio nihil aliud sit, quam consideratio veri, quod est bonum intellectus: sed per accidens tantum, in quantum scilicet, contemplatio vilioris impedit contemplationem melioris: vel ex parte rei contemplatæ, ad quam inordinat appetitus efficitur.*

86. Replicab. contemplatio illa, qua anima purgatur, estque adeò horrida, ut diximus a num. 71. est secundum se afflictiva animæ: ergo solutio data ruit. Probatur antecedens: Causa formalis, qua anima purgatur, est secundum se afflictiva animæ: contemplatio dicta est causa formalis illius purificationis: ergo.

Respond. negand. anteced. Consideratio enim veri, in quo sita est essentia contemplationis, semper est delectabilis, si secundum se sumatur. Quod abs dubio verificatur de illa contemplatione, quæ sanè rigorosissima est: sed hoc non est, quia secundum se aliquod rigoris habeat: sed quia infunditur subiecto non purificato: cum aut in illa ipsa contemplatio infunditur subiecto plenè purgato purissima, & benignissima est, ut ex doctrina nostri Illuminati Parentis, iam supra dictum a nobis est. Vbi hoc ipsum comprobavimus exemplo ipsius contemplationis, quæ cum lucidissima secundum se sit: immo & obiectum eius sit ipsa lux, animæ autem, præcipueque non purgatæ, est tenebrosissima nox.

Adest & aliud motivum, ut illa contemplatio contristationem causet: videlicet, quia ex vna parte repræsentat vel minimas imperfectiones animæ:

P

cx

ex alia verò proponit divinam bonitatem offensam, ipsum Deum vt severissimè castigantem, ipsam denique animam vt in æternum à Domino derelictam. Hæc omnia animam rigidissimè cruciant; & ideo dicitur amarissima contemplatio illa. Verùm hoc, vt dictum est, est per accidens.

87. Instas: ea, quæ sunt propria contemplationis, & ex natura sua illi conveniunt, ubicumque contemplatio detur, debent verificari, nec per aliquod accidentaliter contingens, possunt ab illa auferri: sed contemplatio hæc amara, non solum ex parte obiecti, vt modò vidimus, sed etiam ex parte sua est horribilis subiecto non purgato: ergo illa ex natura sua non est delectabilis.

Respond. nos non dixisse, quòd hæc contemplatio, quæ est causa formalis purgationis animæ, ita sit, ob indispositionem subiecti, afflictiva, vt delectabilis non sit. Est utique delectabilis, & horribilis: immo (quod præsentis dubij scopus est) ipsa vt horribilis, est pariter delectabilis. Est horribilis per accidens, & ob indispositionem contemplantis: est etiam delectabilis ex natura sua; quia illa ipsa contemplatio, quæ ob imperfectionem contemplantis est horribilis, est operatio conveniens tunc illi subiecto, & hac parte delectabilis est, vt sepè diximus. Vnde illa semper habet id, quòd ex natura sua sibi convenit; & in casu præfenti addit rigorem illum, qui potest adesse, & abesse absque illius corruptione.

88. Non quiescis: quia num. 35, diximus, quòd ea, quæ contemplatio habet ab obiecto, sunt ei essentialia, conveniuntque ei ex natura sua: ergo amaritudo, quam habet contemplatio ab obiecto contristante, ex natura sua illi convenit, consequenterque non potest esse ex natura sua delectabilis.

Respond. obiectum, à quo speciem capit contemplatio, est bonum intellectus: quòd autem hoc sit contristans, vel delectans non est proprium obiecti contemplationis secundum se sumptæ, sed illius vt luctuosa, vel noti-

luctuosa, quæ sunt reduplicationes accidentales relatæ ad naturam contemplationis. Vnde hæc, per hoc quòd sit conveniens operatio subiecti est ei delectabilis, à quo non excludimus, sed comprehendimus, id, quòd hæc operatio habet ab obiecto, non sumpto sub reduplicatione aliqua accidentali, sed prout est bonum intellectus, qualiter de illo loco adducto loquebamur.

89. Persistis: quia secundum Div. Thom. tristitia habetur propter præsentiam contristantis; vel propter absentiam delectantis; sicut delectatio est de præsentia delectantis, vel de absentia contristantis. Qua veritate supposita, sic in datam doctrinam præceditur: In dicta contemplatione vel adest contristans, vel abest: si abest: erit delectatio sine admixtione tristitiæ. Si adest: erit tristitia sine delectatione. Ergo numquam potest verificari, quòd contemplatio amara sit delectabilis.

Resp. quòd *contristans*, & *delectans* absolute prolata significant obiecta tristitia, vel læta, non autem operationem attingentem obiecta illa. Vnde quando D. Thom. inquit, quòd tristitia provenit ex præsentia contristantis, & ex eius absentia delectatio; non loquitur de delectatione proveniente ab operatione ipsa, ex ratione convenientis; sed de delectatione, quæ habetur ex obiecto delectante. Et quòd non loquatur de delectatione, quam ipsa operatio causat; vel ex eo evidens est: quòd docet, præsentiam contristantis tristare; absentiam verò delectare. Numquam enim potest contemplatio absens esse à contemplante, nec ab operante operatio. Vnde convincitur, Sanctum Doct. non loqui ibi de delectatione contemplationis: tum quia hæc non venit homine *delectantis* absolute sumpti: tum quia ipsa est à contemplante inseparabilis. Atque adeò ad sciam obiectionem respondetur: in dicta contemplatione adesse quidem contristans, quòd maximè contemplativum vexat, sed non abesse delectationem contemplationis, quæ est operatio tunc temporis conveniens.

90. Secundo arguitur, & simul replicatur contra dicta: supra dicta coniunctio tristitiæ, ac delectationis non potest verificari, quin vna aliam minuat: sed neutra aliam minuere potest: ergo non datur illa coniunctio. Ergo contemplatio illa ita amara est, vt secum nullam dulcedinem patiatur. Mai. videtur certa, quia tristitia, & delectatio contrariantur: vnde non possunt non se vel penitus auferre, vel minuere. Minor autem probatur: quia ex vna parte tristitia illius contemplationis non potest minuere eius delectationem; tum quia ratio formalis, quare illa contemplatio sit delectabilis: est quia est operatio conueniens: & hoc est indivisibile, à quo non potest aliquid auferri, quin totum auferatur. Tum etiam: quia illud, quod auferretur, esset utique conueniens: vnde non esset ratio, vt illud auferretur, & non aliud. Eriamque si tristitia auferret aliquid illius delectationis, maior tristitia magis auferret: sicque posset augeri tristitia, ita vt omnis delectatio tolleretur.

Quod autem delectatio illius contemplationis non possit minuere tristitiam, probatur: quia contrarium minuens contrarium illud superat: vnde est illo fortius: sed delectatio contemplationis talis est inferior, quam eius amaritudo: ergo illam minuere, ac superare non potest. Probat. min. 1. quia tristitia illius rigorosæ contemplationis est vehemensissima, ita vt in desperationem inclinet, & inferni doloribus conferatur: eius autem delectatio valde remissa est, & quæ ex solo generalissimo conceptu operationis conuenit: ergo. Probat. 2. eadem min. Quia illud est superius, & fortius, quod magis movet appetitum: sed appetitus fortius movetur ad fugam illius tristitiæ, quam ad prosecutionem illius delectationis, dicente Aug. lib. 83. q. 36. *Nemo est, qui non magis dolorem fugiat, quam appetat voluptatem:* ergo.

91. Confirm. si in illa contemplatione datur talis coniunctio tristitiæ, ac delectationis, potius diceretur contemplatio illa delectabilis, & dulcis,

quam horribilis, & amara: siquidem res potius denominanda est ab eo, quod est tibi intrinsecum, & secundum suam naturam conueniens, quam ab eo, quod est tibi adventitium: atqui non dicitur dulcis, sed amara: ergo hoc ideo est, quia illius amaritudo expers est totius delectationis.

92. Respondet. argumento: Concessa maiori, negando minorem, non quantum ad hoc, quod tristitia talis contemplationis, quantumvis maxima, possit minuere delectationem illius: quoad hoc enim vera est illa minor, illamque eius probationes affatim persuadent: sed quantum ad hoc, quod illa delectatio non minuat illam tristitiam: quoad hoc falsa quippè est illa minor. Quandoquidem, vt ex Div. Thom. vidimus supra, ex hoc quod angustia contemplativus elicit illam operationem, adeo sibi conuenientem, minuitur eius dolor, delectatione illa, quam percipit, ex operatione sibi conuenienti. Ex hoc non procedit ex falsa illa imaginatione, quam instantia admittit, nempe quia illa tristitia, & delectatio contrariæ sint: hæc enim est falsa suppositio seu rudis imaginatio. Quod vt noscas, scire debes ex Div. Thom. q. 35. art. 5. *Quod delectatio contemplationis potest intelligi dupliciter. Vno modo, ita quod contemplatio sit delectationis causa, & non obiectum, & tunc delectatio non est de ipsa contemplatione, sed de re contemplata. Contingit autem contemplari aliquid nocivum, & contristans, sicut & aliquid conueniens, & delectans: vnde si de delectatio contemplationis accipitur, nihil prohibet delectationi contemplationis esse tristitiam contrariam. Alio modo potest dici delectatio contemplationis, quia contemplatio est eius obiectum, & causa, puta cum aliquis delectatur de hoc ipso, quod contemplatur, & sic, vt dicit Gregor. Nyssen. ei delectationi, quæ est secundum contemplationem, non opponitur tristitia aliqua.*

In quibus verbis habes, cui delectationi contemplationis contrarietur tristitia, & cui non contrarietur;

116. SECUND. PREDICAB. DE NAT. MYSTICE PERFECTIVA'

Contrariatur quidem delectationi, quæ non est de ipso actu contemplationis; *Sicut*, & est exemplum D. Thom. ibidem, *delectationi, quæ est de calore, contrariatur tristitia, quæ est de frigore. Non autem contrariatur delectationi, quæ est de ipso actu contemplationis; quia huic delectationi non opponitur aliqua tristitia.* Vnde compatiuntur summa illa tristitia, quæ est ex obiecto contemplationis, & delectatio ipsius contemplationis. Quare minor secundum illam partem est falsa, & nititur fundamento ruinoso.

Ad probationem huius min. & ad primam ipsius probationem dicasi: Ibi nullam adesse contrarietatem: nec vehemens illa tristitia potest facere, quod illa contemplatio non sit delectabilis, sicut non potest facere, quod non sit conveniens contemplanti: quia *ex hoc ipso, quod homo imaginatur, quod facit illud, quod sibi convenit secundum talem statum, confurgit inde quædam delectatio*, ait D. Thom. num. 82. adductus. Summa illa tristitia potest quidem vehementissimè torquere contemplantem, & facere, quod contemplatio elicit tristissima sit, ut potè expressio animi intensissimè patientis; verum eo ipso, quod tristis est contemplatio, est conveniens expressio animi contribulati; ac per consequens *confurgit inde quædam delectatio.*

Ad 2. probationem respondetur eam falsa illa imaginatione claudicare. Augustinus enim loquitur de dolore, ac voluptate ab obiectis doloroso, & voluptuoso provenientius: non autem loquitur de voluptate causata ab actu, quo attingitur obiectum ipsum dolorosum. Et adhuc in illo sensu; in quo loquitur. Augustinus, debes ita intelligere eius verba, ut non per se, sed per accidens fugiatur magis dolor, quam appetatur voluptas. Videatur D. Thom. q. 35. art. 6. ad 1.

93. Ad confirm. respondetur: quod denominatio *dulcis*, & *amaræ* absolute sumpta in contemplatione significat dulcedinem, & amaritudinem habitas ab obiecto delectanti, vel trist.

tanti. Vnde cum contemplatio, de qua loquitur, habeat obiectum valde triftans; idè tristis dicitur. Sicut contemplatio delectabilis dicitur illa, quæ habet obiectum delectans. *Accedit*, quod hæc contemplatio sumitur modò, secundum quod ab illa alia contemplatione discriminatur. In hoc ergo quod est, esse delectabilem, delectatione propria operationis operanti convenientis, vtraque contemplatio convenit. Vnde debent nominari secundum id, quod ob obiecto habent: & secundum hoc tristissima est hæc contemplatio, quamvis ipsa sua tristitia delectabilitatem exprimat, ut conati sumus explicare.

§. V. Respondetur alijs solutionibus.

94. **D**iximus §. 2. contemplationem esse, ex ea parte, qua tristitiam dicit, delectabilem, quia ipsa sua tristitia facit contemplativum in singulis prorumpere, in querelas, ac fletus spatuari: quo vehemens tristitiæ ardor mitigatur. Ex qua doctrina ad primum argumentum respondetur: quod præsentia rei contristantis causat quidem tristitiam: sed negatur, quod hæc tristitia non sit aliquo modo delectabilis: videlicet quia illa tristitia diffunditur ad singulos, ac per hoc mitigatur: & illa mitigatio habet rationem boni, & delectabilis; sicut qui nimio calore interno adurit, si ad extra calor ille diffunditur, temperatur. Quæ temperatio calorem patienti delectabilis est.

Ad primam probationem maioris concessio antecedenti, negetur consequentia, propter modò dicta. Paritas illa absentia, ac præsentia læsivi ad causandum delectationem, & tristitiam, tenet vtiq; quoad hoc, quod est illam causare simpliciter: discriminantur tamen in modo, quia absentia mali causat gaudium, nullatenus respuendum: præsentia verò ipsius causat dolorem alicuius delectationis non expertem. Ratio discriminis consistit

in hoc, quod absentia læsivi est bonum, eoque naturæ consonum; unde ex parte ipsius non est principium in oppositum inclinans; aliter naturaliter inclinamur in malum. Præsentia verò læsivi est malum; atque adeo dissonum naturæ, cuius propensio est ad bonum. Unde etiam cum læsivum adest, habemus, quo malum illud conemur respuere, vel, ut minus, temperare. Ad quod vividius consequendum ipsa adeo vexans tristitia conducit. Non mihi credas, sed Angelico Præcept. qui 1. 2. q. 39. art. 3. ait: *Ad 2. dicendum, quod sicut quodlibet eligibile fit minus eligibile propter tristitiam: ita quodlibet fugiendum redditur magis fugiendum propter tristitiam, & quantum ad hoc tristitia est utilis.* Unde vel ipsa tristitia, sua ipsa onerositate, impellente, læsivum fugere conamur. Et hic conatus non potest non esse delectabilis.

Ad 2. probationem maioris patet ex modò dictis, negandam esse consequentiam. Et ratio cur negetur, etiam constat. Ad confirmationem respondetur negando minorem; quia ille fletus, illa afflictio contemplativi suspiria temperant tristitiæ impedimentum. Quod sanè triste non est, sed delectabile, ut docet Augustinus lib. 4. Confess. dicens, *quod quando dolebat de morte amici, in solis gemitibus, & lachrymis erat ei aliquantula requies,* quod refert Div. Thom. q. 38. art. 2. in argumento *sed contra.* Videatur ibi Ang. Doct. qui hæc egregiè elucidat statuens hoc assertum: *Respondeo dicendum, quod lachrymæ, & gemitus naturaliter mitigant tristitiam. Et hoc duplici ratione.* Quas ibi videre poteris: iam enim à nobis tactæ, & expensæ sunt.

95. Solvimus facta argumenta offerentes duplicem modum, utrumque naturalem, quo ipsa tristitia delectabilis reperitur. Modò autem iuxta dicta §. 3. solvenda sunt. Ibi enim statuius modum supernaturalem, quo anima in ipso luctu, & amaritudine dulcedinem suavissimam inveniat. Ex ibi ergo dictis, respondetur tertio ad

argumentum primum (ex quo, quid ad secundum dici debeat, constabit) negando maiorem; tristitia enim, quam causat præsentia rei contristantis delectabilis est; eo quod est medium, quo præmium vitæ æternæ obtinetur. Unde cum ad obtinendum hoc præmium maxime conducit, ideo delectabilis est eius ipsa amaritudo. Proptereaque in lib. Ecclesiastes cap. 7 dicitur: *Cor sapientum ubi tristitia, & cor stultorum ubi lætitia.* Et etiam: *Nilius est ire ad domum luctus, quam ad domum convivij.* Et apud Ecclesiasticum cap. 7. dicitur: *Non disis pior anibus in consolatione, & cum lugentibus ambula.* Quæ omnia, hisque innumera similia nullatenus dicerentur; si ipse melancholicus luctus, unde delectabilis foret; non haberet.

Ad utramque probationem maioris simul respondetur, negando consequentiam, quippe præsentia rei contristantis habet unde delectabilis mysticè sit, videlicet, quia conducit ad consequendam æternam consolationem, quæ lugentibus promittitur, ipsos illic Beatos denominans: *Beati qui lugent.* Quamobrem ait Isaias cap. 61. num. 3. *Date his, qui lugent Sion gloriam pro cinere, vñtionem lætitiæ lugentibus pro spiritu mæstitiæ amictum gloriæ.*

Ad confirm. similiter respondetur negando minorem. Id enim per quod contemplatio luctuosa est delectabilis non est aliquod triste: hoc enim nullatenus posset ad delectationem deservire; sed ad lamentum. Est tamen contemplatio illa delectabilis, quia conducit ad æternam beatitudinem, quod planè lætissimum est.

96. Dices: Tristitia est secundum se mala; ergo non potest assumi ut medium ad consequendum præmium vitæ æternæ. Consequentia est evidens, & antecedens edocetur evidentè à D. Thom. dicta 1. 2. q. 39. art. 1. vbi ait: *Dicendum, quod aliquid esse bonum, vel malum potest dici dupliciter. Uno modo simpliciter, & secundum se. Et sic omnis tristitia est quoddam malum; hoc enim ipsum*

ipsum quod est appetitum hominis anxari de malo præfenti, rationem mali habet: impeditur enim per hoc quies appetitus in bono. Quid clarius?

97. Si dicas: D. Thom. loqui de malitia naturalis non autem de malitia mystica, seu morali. Contra est totus ille articulus D. Thom. in quo loquitur clarissimè de tristitia, secundum quod ad quemcumque ordinem spectat, & præsertim ostendit se vel comprehendere, vel loqui de malitia morali, concludens in fine corporis: *Sed quia sermones morales sunt in singularibus, quorum sunt operationes. &c.* Vbi perspicuè de malitia in ordine moris se loqui ostendit.

Respond. ex eodem D. Thom. ibidem, distinguendo antecedens: *Tristitia* si absolute consideretur, vel ut explicat ibi Caiet. solitariè sumpta, est secundum se mala, concedo antecedens: ex suppositione mali contristantis, vel non solitariè accepta, nego antecedens. Sicque explicatur autoritas D. Thom. Itaque tristitia absolute, seu solitariè sumpta, non habet unde appetibilis sit: est enim simpliciter mala. Ast tristitia ex suppositione mali contristantis est bona, est appetibilis, & delectabilis. *Sic igitur*, inquit Sanct. Thom. *supposito aliquo contristabili, vel doloroso, ad bonitatem pertinet, quod aliquis de malo præfenti tristetur, vel doleat.*

98. Adest v. g. vir contemplativus, qui videns tot hominum myriades, qui sæculi vanitates insequuntur, assumit voluntarium lamentum, ut hoc malum deploret. Hic lætus, qui absolute, & solitariè consideratus, non habet bonitatem: ex suppositione illius mali tantam bonitatem habet, ut sit æterna consolatione dignus, & inter supernaturales beatitudines collocetur. Qua propter aiebat Chrysost. homil. 15. super illa verba Matth. adducta, ubi Christus Domin. lugentibus æternam consolationem promittit: *Vbi vero, dic mihi, consolabimur? Et hic profecto, &c., quod est amplius, in futuro. Quia enim præceptum ipsum valde videbatur onerosum, hoc se promittit datu-*

rum, quo illud quàm maximè leve posset efficere. Itaque si velis consolari, luge. Neque putes anigma esse, quod dixi.

Vide quantum distet lætus absolute sumptus, à se ipso ex suppositione consideratus. Sic enim delectabilis est, quia est medium ad præmium æternum obtinendum. Ut expressissimè traditur emphaticis illis verbis: *Itaque si velis consolari, luge.* Quod idem eadem elegantia docuit Sanctus Doct. hom. 14. in ad Philip. ubi considera: verba illa Apostoli, cap. 4. v. 4. *Gaudete in Domino semper, iterum dico gaudete:* docet hoc Pauli monitum neutiquam verbis Christi Domini, lugentibus æternam consolationem promittentis, contrariari. Ait enim: *Non est autem hoc gaudium lætitiæ illi contrarium, etenim ex illo lætù nascitur quoque gaudium.* Similiter Euthim. ad caput. 5. Matth. addubitat: Si Christus ait, *Beati, qui lugent: quomodo ergo alio loco dicit Paulus: gaudete in Domino semper? Quia & ille gaudium dicit, quod è lætù oritur: habet namque lætù repensum sibi gaudium.*

Et ob hoc forsam cœlestis sponsus suam dilectam columbam vocat, quia ut observavit Raban. ad cap. 3. Matth. *Columba gemitum pro cantu habet: ita & sancti, sicut alij delectantur in cantu, ipsi in gemitu pro peccatis.* Habet ergo tristitia, non absolute, seu solitariè sumpta, sed facta aliqua suppositione, rationem delectabilis, secundum Doct. Ang. contra nos adductum. Et Angelica hæc divisio tristitiæ desumpta videtur ex Apost. 2. ad Corinth. cap. 7. ubi ait: *Gaudio, non quia contristati estis, sed quia contristati estis ad penitentiam.* Ac si diceret: non gaudeo de vestra tristitia absolute, sive solitariè accepta; sic enim tristitia vestra nihil habet, quod gaudio pabulum esse possit. Gaudeo tamen de vestra tristitia ex suppositione finis, ob quam illam habetis; videlicet, quia vos tristes pœnitet peccatorum, quæ fecistis. Ex hac suppositione tristitia redditur delectabilis. Unde addit ipse Apost. *Contristati enim estis secundum Deum,*



ut in illis detrimentum patiamini ex nobis. Quæ enim secundum Deum tristitia est, patientiam in salutem stabilem operatur.

99. Contra dicta omnia videtur esse divinum oraculum apud Ecclesiast. cap. 30. dicens: *Tristitiam non d's anime tue.* Et rationem huius præcepti assignans, addit: *Multos enim occidit tristitia, & non est utilitas in illa.* Quæ sanè omnem rationem bonitatis, atque adeo & delectabilitatis à tristitia longè

esse asserere videntur.

Ad hoc respondet D. Thom. d. 1. 2. q. 39. art. 3. *Ad 1. ergo dicendum, quod autoritas illa intelligitur de immoderata tristitia, quæ animum absorbet: huiusmodi enim tristitia immobilizat animum, & impedit fugam mali.* Videtur idem Ang. Doct. q. 59 art. 3. ex quibus omnibus patet, solutionem illam inter obijciendum positam num. 97. nullatenus admittendam esse.

## QUÆSTIO QUINTA.

### *Vtrum Contemplatio Divina sit bonum utile?*

**I**llius celeberrimi divisionis boni, cuius supra meminimus, duo prima dividencia percurramus. Rationi consentaneum est, ut de ultimo differamus. Videntes, an, sicut in contemplatione rationem boni honesti, & delectabilis invenimus, etiam rationem boni utiis invenimus. Utile idem est ac necessarium *ad melius esse.* Vnde, inquirere, an divina contemplatio sit utilis? Idem prorsus est ac explorare, an sit necessaria, ut melius christianæ vitæ finis habeatur? Hic finis vitæ christianæ est charitas, quæ nos dirigit in nostrum finem ultimum supernaturalem, qui est D. O. M. ad quem diligendum, & obsequendum in hac vitâ nati sumus, ut postmodum ipsum inueeamur, eoque fruamur, in futura. Possunt etiam hic nomine finis non incongruè intelligi alia plura, quæ melius habentur media contemplatione, quàm sine illa, licet propriè loquendo finis illius non sint: vnde nec ipsa est propriè medium. Licet possit dici utilis ad eorum habitationem propter rationem attractam.

#### *S. I. Proponitur, & probatur pars affirmativa.*

100. **S**it nostra Conclus. *Divina Contemplatio est bonum utile.* Sic omnes sentiunt. Ex probatur breviter

ter ratione eruta ex Div. Thom. 1. p. q. 62. art. 9. ad 2. Contemplatio Divina est medium ad consequendum Deum: ergo habet rationem boni utilis. Consequentia patet, quia nihil aliud intelligitur per bonum utile nisi medium, quo utimur ad obtinendum aliquem finem. Anteced. autem probatur autoritate laudati Div. Thom. dicentis: *Aliquid dicitur utile dupliciter. Vno modo sicut quod est in via ad finem, & sic utile est meritum beatitudinis. & 1. 2. q. 16. art. 3. in corp. inquit: Ea, quæ sunt ad finem accommodata, utilia dicuntur.* Ex quibus sequens ratio formatur: id, quod est idoneum ad consequendum finem ultimum, ipsiusque fruitionem meretur, est utile, seu medium, ut talis finis ultimus habeatur: sed divina contemplatio est idonea, meritumque ad consequendum Deum ultimum finem: ergo habet rationem medij in consecutione illius finis.

101. Confirm. finis actionis meritoriz est præmium ei correspondens, ad quod obtinendum ipsa actio meritoria utilis est: sed Deus clarè visus est præmium divinæ contemplationis: ergo Hæc medium est, rationemque boni utilis habet, ut tale præmium habeatur: Consequentia bona est, & min. non indiget probatione. Maiorque expressa est in prima autoritate Div. Th. ijs verbis: *& sic utile est meritum beatitudinis.* Dices:

102. Dices: utile, & præmij meritorium non sunt idem: ergo ex quo contemplatio sit præmij meritoria, eius utilitas non probatur. Probatur antecedens ex Div. August. lib. 1. de doct. Christ. cap. 32. ubi ait, quòd Deus utitur hominibus, & Angelorum ministerijs erga homines, ad nostram, & Angelorum utilitatem, & ad ipsius Dei bonitatem: ergo Angelotum erga homines ministeria utilia sunt ipsis Angelis. Modò sic: sed illa ministeria non sunt Angelis meritoria, quia iam Angeli sunt in termino: ergo utile, & meritorium non sunt idem.

Respond. ex citato Div. Thom. quòd utile dicitur dupliciter: primò, ut via ad terminum, meritum ad præmij, & medium ad finem habendum. Secundò, sicut pars est utilis ad totum, ut paries ad domum. Est hoc modo ministeria Angelorum sunt utilia Angelis beatis, in quantum sunt quædam pars beatitudinis ipsorum. Diffundere enim perfectionem habitam in alia, hoc est de ratione perfecti, in quantum est perfectum. Unde patet, quòd utile latius patet, quàm meritorium, quare non omne utile meritorium est. Cæterum omne meritorium est utile: atque adeò ex quo contemplatio divina sit possessionis ultimi nostri finis meritoria, relinquitur, quòd sit utilis ad consequendum illum finem.

## §. II. Respondetur argumentis.

103. **C**ontra conclus. arg. 1. Contemplatio divina est appetibilis propter se: ergo non habet rationem boni utilis. Anteced. constat ex q. 9. præcedentibus. Et consequentia probatur ex D. Thom. lib. 1. Ethicor. lect. 9. dicente: *Est aliquid, quod appetitur non propter aliquam formalem bonitatem in ipso existentem, sed solum in quantum est utile ad aliquid, sicut medicina amara.* Et 1. p. q. 5. art. 6. ad 2. ait: *Utilia dicuntur, quæ non habent in se, unde desiderantur, sed desiderantur solum, ut sunt decentia in alterum, sicut sumptio medicine amaræ.* Et quæst. 24.

de verit. art. 6. inquit: *Tota ratio appetibilitatis eius, quod est ad finem, in quantum huiusmodi, est finis.* Ergo cum divina contemplatio habeat in se, unde desideretur, & sit maximopere appetibilis, non habet rationem medij, aut utilis: siquidem hoc solummodò, ut conducens ad alterum desideratur, & non propter aliquam bonitatem in ipso existentem.

104. Confirm. Quia bonitas rei, quæ est utilis, convenit ipsi, sicut sanitas convenit medicinæ, & salivæ, sed appetibilitas contemplationis non sic ei convenit, sed intrinsicè, & ex natura sua: ergo contemplatio divina non habet rationem utilis. Minor constat ex dictis, & maior edocetur à D. Thom. quæst. 21. de verit. art. 1. his verbis: *Sic ergo primò, & principaliter dicitur bonum ens perfectivum alterius per modum finis, sed secundariò dicitur aliquod bonum, quod est diffusivum in finem prout utile dicitur bonum: sicut & sanum dicitur non solum habens sanitatem, sed perficiens, & conservans, & significans.* Quibus verbis perspicue traditur, medium ita esse bonum, & appetibile, sicut saliva, quæ sanitatem significat, est sana: atqui saliva solum extrinsecè est sana: ergo medium, seu utile solum extrinsecè est bonum.

Mirum est, quantum pulverem in theatro litterario concitarint hæc Angelica testimonia. Alijs propter ipsa asserentibus, bonitatem non reperiri intrinsicè nisi in fine, in medijs verò solum extrinsecè: Alijs verò ex ijs, qui bonitatem intrinsecam in medijs recognoscunt, in diversissima placita, ut data testimonia explicant, abeuntibus. Nobis autem non ita arduum videtur illas auctoritates conciliare cum nostra resolutione de bonitate intrinseca contemplationis, quam rationem boni utilis habere, asseruimus. Sed breviter nonnulla prælibanda sunt.

105. Observa ergo 1. id, quod iam num. 20. tradidimus, videlicet, quòd divisio boni per honestum, utile, & delectabile non est per oppositas res, sed per oppositas rationes, ut ibi docuit D.



D. Thom. Quod ita intelligendum est, ut ille rationes, seu formalitates eodem modo se reciprocè excludant, sicut se excludunt entitates oppositæ. Vnde formalitas *boni* in bono non est formalitas *delectabilis*, nec formalitas *utilis*. Quippe formalitas honesti dicit bonum, ut finem propter se amatum: formalitas *delectabilis* dicit idem bonum, ut id, in quo appetitus quiescit: formalitas verò *utilis* dicit eandem rem, quæ re ipsa est honesta, ac delectabilis; ast sub expressione *utilis* non dicit bonitatem propter se appetibilem, sed bonitatem appetibilem, quia conducit ad consecutionem alterius, quod propter se appetibile est. Vnde licet illa res quatenus *utilis* sit amabilis ex se non tamen est amabilis propter se, sed propter aliud. In quo certè videntur æquivocationem pati aliqui magnæ notæ Theologi. Quam æquivocationem, ut vitare valeas

106. Observa 2. particulam *propter* in operatione voluntatis esse ita propriam finis, in quem vel tendit, vel iam quiescit voluntas, ut nullatenus possit alteri cōvenire. Vnde tametsi in aliquo detur intrinseca bonitas; si tamen illud aliquod non est finis, erit quidem ex se, & per se amabile: *propter se* autem neutiquam erit appetibile. Hoc enim est privative proprium finis sive proximi, sive ultimi. In hocque medium discriminatur à fine, quod licet in utroque detur intrinseca bonitas, bonitas finis diligitur *propter se*: medium autem non diligitur propter suam, quam habet, bonitatem, sed *propter* bonitatem finis. Ex quo oritur.

107. Observa 3. quod *propter* eandem bonitatem diligitur, finis, & eligitur medium: quia ipsa bonitas finis & alie *propter* se ipsam voluntatem, & facit, quod *propter* se ipsam terminet medium actum voluntatis. Vnde in eodem medio duplex bonitas consideranda est: prima est sibi intrinseca, secunda verò extrinseca: hæc est propria finis; illa autem ipsius medij propria est. Bonitas sibi propria facit illud utique intrinsecè appetibile; sed non ap-

petibile *propter* se, sed *propter* bonitatem aliam sibi extrinsecam, quæ est bonitas finis. Quæ doctrina est D. Thom. loco citato ex q. 7. 1. 2. ubi ait: *In his autem, quæ ad aliquid dicuntur, denominatur aliquid non solum ab eo, quod iust, sed etiam ab eo, quod extrinsecus adiacet, ut patet in dextro, & sinistro; æquali, & inequali, & similibus: & ita cum bonitas actum sit in quantum sunt utiles ad finem, nihil prohibet eos bonos, vel malos dici secundum proportionem ad aliqua, quæ exterius adiacent.*

Quo testimonio utuntur, qui intrinsecam bonitatem in medijs non agnoscunt: sine fundamento tamen, quia Sanctus Doct. clarissimè loquens de *utili*, quod abs dubio respectivum est, docet denominari non solum ab eo, quod *inest*, sed etiam ab eo, quod *extrinsecus adiacet*. Ac si diceret: In medio est duplex bonitas. Una, quæ ipsi *inest*, estque ei intrinseca: alia, quæ, quia extrinseca est, *extrinsecus adiacet*. Quam bonitatem extrinsecam, quæ principalis est, ut potè finis, explicat exemplo illo *dextri*, ac *sinistri*. De alia autem, ut potè indubitata, & minùs principalis non loquitur. Vel dicant adversarij: quibuscum convenimus, fatentes extrinsecam illam mediorum bonitatem, quæ bonitas est illa, quam D. Thom. docet medijs in esse? Non potest esse extrinseca. Tum quia bonitas extrinseca non *inest* ei, cui extrinseca est. Tum etiam quia bonitas extrinseca comprehenditur sub illa clausula *sed etiam ab eo, quod extrinsecus adiacet*. Vnde sicut nos cum illis bonitatem extrinsecam mediorum, vi secundæ clausulæ fateamur: debent & ipsi nobiscum, virtute primæ, bonitatem intrinsecam confiteri. Sin minùs, sensus D. Thom. erit: Medium denominatur non solum à bonitate extrinseca, sed etiam ab extrinseca bonitate.

Nec insolens tibi appareat, quod eadem res illa duplici denominatione gaudeat. Siquidem dicitur intrinsecè ens ab entitate sibi intrinseca; & etiam dicitur extrinsecè ens ab entitate primæ

entis. Quo circa analogatur cum Deo, non solum analogia proportionalitatis propriæ; sed etiam analogia attributionis. Vt docent nostri Complut. tract. *de analogia*. Hoc ergo idem, quod in ordine rerum evenit, verificatur etiam in ordine appetibilium. Vnde idem medium dictam duplicem bonitatem habet.

108. Vltimò observa, seu potiùs contemplare, auctoritatem illam, quam num. 103. adduximus ex quest. 24. de verit. quam reproducere placet: *Tota ratio appetibilitatis eius, quod est ad finem, in quantum huiusmodi, est finis*. Hoc testimonio Adversarij triumphum contra nos se consecutos, gloriantur. Ipso & nos ferè omnia eorum tela protelare speramus. Ex quibus

109. Respond. argumento concessio antecedenti, negando consequentiam: ad primam eius probationem dicās: medium non appeti propter bonitatem sibi intrinsecam, quia *ly propter* designat bonitatem finis, vt constat ex secunda observatione. Vnde licet contemplatio, vt vilis, sit intrinsicè appetibilis; non tamen est appetibilis *propter* bonitatem sibi intrinsecam: hoc enim solus finis proprium est. Quocirca utilitas contemplationis, *in quantum huiusmodi*, hoc est; in quantum medium, denominatur appetibilis *propter* bonitatem finis. Et etiam est appetibilis intrinsicè, & ex se; à bonitate, quæ ipsi inest; sed non *propter* se.

Exemplum illud medicinæ amaræ, quo vitur D. Thom. rem benè explicat; quia licet medium, vt dictum est, dicat illam duplicem bonitatem, & utraque medium in esse talis, constituat: nihilominus tamen prima bonitas, intrinseca medio, non est, quæ illud constituit formalissimè in esse medij. Tum, quia illa bonitas non est ex se ad alterum: bonitas autem, medium formalissimè constituens, est respectiva. Tum, quia sublata bonitate finis, vel cessante appetitu huius hominis illum finem desiderantis, manent quidem media vilia, sed non in actu secundo, & relatè ad illum finem, cuius

bonitas sublata supponitur; nec respectu illius appetentis, quem illum finem iam non appetere, supponimus: sed in actu primo, & relatè ad alium finem, aliumque appetitum, vt egregiè docent P. P. Salmon. tract. 8. disp. 1. dub. 1. num. 18. Ex quo evidenter deducitur, quòd *utile* dicitur tale in actu secundo per aliquod distinctum à sua intrinseca bonitate. Quod non est aliud, quàm bonitas finis: vnde per hanc bonitatem sibi extrinsecam constituitur formalissimè *utile* in esse talis in actu secundo. Et hoc est *utile*, quo vitur in finem tendens; & vt unico verbo dicam: hoc est *utile, in quantum huiusmodi*, vt pulcherrimè loquitur Div. Thom.

Vt autem ad exemplum medicinæ amaræ redeamus: Medicina hæc bonitatem intrinsecam habet, ex natura sua conducentem ad sanitatem; nec contrarium imaginabile suspicamus. Quomodo ergo potest intrinsicè conducere ad bonitatem salutis, quod in se nihil intrinsecum habet, conducent ad recuperandam salutem? Hanc autem intrinsecam bonitatem semper in se habet medicina amara. Verùm vt in actu secundo medium sit, requiritur, quòd spes obinendi finem subsistat: si namque non subsistit finis, vel quia salus desperata est, vel quia iam est consecuta, tunc ipsa medicina *utilis* in se, definit esse *utilis* in actu secundo. Immo & nociva incipit esse: quippè quod infirmo prodest, obest sano. Vnde medicina amara est in actu secundo *utilis*, per hoc, quod hic infirmus illam eligit propter bonitatem salutis, quam ea media, consequi desiderat.

Vnde constat quàm verum sit dictum Div. Thom. videlicet, quòd medium solùm appetitur *in quantum est utile ad aliquid, sicut medicina amara*. Primò, quia loquitur de eo, quod appetitur tamquam finis, vt denotat illa particula *propter*. Secundò, quia ceteri de bonitate medij intelligatur: per *ly solum* non excludit bonitatem intrinsecam medij, sed loquitur de bonitate, quæ medium formalissimè, seu

in

in actu secundo constituit, quam faciemur esse extrinsecam medio, ut constat ex dictis.

110. Ad 2. auctoritatem ex prima parte desumptam similiter respondetur: quod *utilis* non habent in se bonitatem, per quam in actu secundo constituentur: unde *in quantum huiusmodi*, hoc est, ut in actu secundo constituta, *desiderantur solum, ut sunt ducentia in alterum*. Ad 3. auctoritatem ex quest. 24. de verit. iam diximus, esse pro nobis. Et sanè illa reduplicatio *in quantum huiusmodi* non est superflua: otiosam dicere nefas foret. Rogo nunc quid intendit Div. Thom. significare illa reduplicazione? Non aliud facile invenies, nisi quod medium, licet habeat suam intrinsecam bonitatem: tamen *in quantum huiusmodi*, hoc est, ut in actu secundo constitutum *tota ratio appetibilitatis eius, est finis*.

111. Ad confirm. respondetur distinguendo antecedens: *bonitas*, quæ in actu secundo est constitutiva rei, *quæ est utilis, convenit ipsi*, &c. concedo. *bonitas*, quæ in actu primo constituitur, nego antecedens. Termini ex dictis noti sunt. Unde formalitas illa contemplationis, quæ habet rationem *utilis*, duplici bonitate constat. Vna est ei intrinseca, & illa constituitur *utilis* in actu primo. Alia est ei extrinseca, & hac constituitur *utilis* in actu secundo. Bonitas intrinseca non convenit ei, sicut sanitas convenit salivæ: bonitas verò extrinseca convenit, sicut salivæ sanitas. Unde sicut saliva dicitur sana à sanitate intrinseca hominis, cum quo analogatur, analogia attributionis, eadem sanitate utrumque illud analogatum denominante: sic etiam eadem bonitas finis constituit intrinsecè ipsum finem, & denominat contemplationem *utilem* in actu secundo: & contemplatio, prout sic, analogatur cum fine in ratione illa bonitatis, analogia proportionis. Cum quo fine analogatur, etiam analogia proportionalitatis propriæ, secundum illam aliam bonitatem sibi intrinsecam, quæ illam constituit medium in actu primo, eo ipso modo, quo creatu-

ræ analogantur in ratione entis cum primo ente, ut diximus num. 107. Quæ doctrina explicata manet autoritas illa Div. Thom. in eadem confirmatione adducta in comprobationem minoris, quæ eadem distinctione, quæ maiori applicata est, resolvitur debet. Immo hac ipsa distinctione duplicis analogiæ explicari possunt omnes auctoritates præcedentes, quin sit necessarium aliquid aliud addere, ut quisque noscere potest.

112. Arg. 2. Si contemplatio divina esset utilis, vel esset respectu sui ipsius; vel respectu alterius: Neutrum potest dici: ergo non est utilis. Maior certa est; quia quod est utile, relatè ad aliquem finem obtinendum utile est. Quo circa non stat, quod ipsa contemplatio sit utilis; quin eius utilitas deferriat, vel ut ipsam contemplationem lucemur, vel ut alium finem habeamus. Minor autem pro prima parte probatur: Quia non potest contemplatio sub formalitate utilis haberi; quin ipsa entitative habeatur, ut de se constat: ergo non potest ipsa sub formalitate utilis de se ferre ad se ipsam, ut finem obtinendam. *Probat* eadem minor pro secunda parte: Quia divina contemplatio, qualitercumque consideretur, est finis intermedius, quo ultimus finis obtinetur: sed finis intermedius non habet rationem utilis: ergo.

Respond. negando minorem pro utraque parte; quia divina contemplatio est nobis utilis, ut illam perfectius habeamus: & etiam utilis est, ut alia consequamur. Primum patet, quia exercitium contemplationis habilitat nos, ut ipsam perfectius exerceamus: Unde licet formalitas *utilis* non deferriat ad obtinendam contemplationis entitatem, cuius est formalitas; prodest tamen ad alium actum contemplationis perfectius eliciendum. Secundum etiam constat: quia licet divina contemplatio sub formalitate boni honesti sit finis intermedius; ipsa tamen sub formalitate *utilis* non est finis, sed medium.

113. Argum. 3. Si contemplatio esset

esset utilis, omnes possent animum elevare ad contemplandum: at hoc est falsum: ergo contemplatio non habet rationem utilis. Probatur min. Quia est contra humilitatem animum ad contemplationem elevare, usque dum

Deus animam in contemplatione constituat: ergo vera est illa minor.

Hoc argumentum plura, eaque gravissima continet, vnde solvi non potest, usque ad disputationem  
11. quæst. 2.

## DISPUTATIO DECIMA.


### *De Divina Contemplatione prout est vita.*

**D**iv. Thom. in 3. d. 35. q. 2. & 1. Ethic. lect. 5. & 2. 2. q. 179. 180. 181. & 182. per plures articulos, & alijs in locis agit de vita activa, & contemplativa, quarum prima actione constituitur: secunda autem contemplatione: quamquam apud Sanctum Doctorem idem omnino sit vita activa, & actus: sicut & vita contemplativa, & contemplatio. Quod P. Suarez videtur admittere noluisse, quandoquidem distinctionem adesse inter cōtemplationem, & vitam contemplativam sermō tradit, de quo postmodum. Modò verò illam distinctionem non negamus, nec illam Doctor Angelicus negat: sed quia loquitur de vita contemplativa, iuxta ea, quæ à contemplatione, illam constituyente, habet: propterea vnam pro altera usurpat, pro eodem contemplationem, ac vitam contemplativam habens. Hoc ipsum & nos in hac disputatione faciemus, nisi occasio aliqua occurrat, quæ aliter procedere compellat.

Igitur quæst. 179. citata agit Sanctus Thomas de vita activa, & contemplativa duos articulos scribens, in quorum primo agit de convenientia vitæ in contemplativam, & activam: in secundo decernit sufficientem esse talem divisionem, quia vita adæquatè in illa duo dividenda secatur. In q. 180. agit de vita contemplativa octo articulos excitans, in quorum primo quærit: *Utrum vita contemplativa nihil habeat in affectu, sed totum in intellectu?* Re-

solutio est negativa, quod in superioribus multoties statum à nobis est. In secundo articulo inquit: *Utrum virtutes morales pertineant ad vitam contemplativam?* De quo etiam non pauca diximus, dicentisque. In tertio explorat: *Utrum ad vitam contemplativam pertineant diversi actus?* Et quod circa hoc punctum docet, pluries iam in discursu huius operis dedimus. In quarto articulo tractat de obiecto contemplationis: de quo plena manu scripsimus tomo primo disput. 1. per plures quæstiones. In quinto articulo negat, contemplationem huius vitæ posse pertinere ad claram Dei visionem. Et hoc alibi à nobis examinandum est. In sexto articulo agit de illo triplici contemplationis motu, recto, obliquo, & circulari, de quo sermo nobis fuit in Isago-ge. In septimo contemplationem delectationem habere docet. Quod fusi disputatione præcedenti tradidimus. In octavo contemplationis diurnitatem statuit: ac de hoc in hac disputatione nobis agendum est.

In quæstione 181. quatuor articulos excitat circa vitam activam. In quæstione 182. comparat utramque vitam inquirens primò: quæ earum sit dignior? Secundò, quæ sit maioris meriti? Tertio: an activa impediatur contemplativa? Quarto denique, quæ sit prior? Hæc Doctor Sanctus de utraque hac vita disputat, & nos cum ipso de ijs, quæ ad præsens spectant, disputabimus.



## QUÆSTIO PRIMA.

*Virum Contemplatio Divina sit vita animæ?*

**D**E Contemplatione Divina tum acquisita, tum infusa sermo est; quia si Contemplatio Divina rationem vitæ habet, convenit ei ratio hæc non expectularibus differentiis, secundum quas utraque illa contemplatio discriminatur; sed ex conceptu communi, vel ipsam contemplationem Philosophicam comprehendenti. Vnde indiscriminatim de utraque illa contemplatione loquimur.

*§. I. Contemplatio Divina est vita animæ.*

**I.** **A**ssertio hæc certissima est apud omnes: illam tenet Divus Thomas 1. part. quæst. 12. art. 4. & 6. & 1. 2. quæst. 3. art. 4. & 3. cont. gent. cap. 61. & alibi. Probat. ergo conclusio hac ratione fundata in Sacra Scriptura. Cognitio Dei est vita animæ: ergo & contemplatio. Patet ista: quia contemplatio divina nihil aliud est nisi Dei sublimis, perfectissimæque cognitio. Antecedens autem prob. ex verbis Christi Domini apud Ioannem, cap. 17. v. 3. dicentis: *Hæc est autem vita æterna, ut cognoscant te.* Quibus verbis probat Divus Thomas citatus æternam beatitudinem consistere in actu intellectus. Et cum detur duplex beatitudo, inchoata videlicet, & perfecta: hæc, quæ in patria habetur, est propria Beatorum; illa autem viatoris propria est, & utraque est cognitio, qua cognoscens vivit. Quo circa, ut observare Caietanus, Titelman. & Janson. non dixit Christus, *hæc est vitæ æterna*, ut videant te, quod sanè ad solos comprehensores spectat. Sed *ut cognoscant te*, quod commune est & Beatis Deum facialiter intuentibus, & viatoribus Numen ipsum fervidè contemplantibus. Omnes illi Deum cognoscunt, & ipsa cognitio est omnibus

illis vita æterna, in qua tantum proficimus, quantum de illa perfecta contemplatione habemus. Egregiè D. Augustinus tract. 105. *Si cognitio Dei est vita æterna, tanto magis in vita æterna quanto magis in hac cognitione proficimus.*

Eandem veritatem alia scriptura suadet. Etenim apud Ecclesiast. cap. 15. v. 3. dicitur: *Cibabit illum panem vitæ, & intellectus, & aqua sapientiæ salutaris potabit illum.* Sermo est de divina sapientia, seu, ut suprà ex nostro Extatico Doctore dicebamus, de cœlesti contemplatione, & ait: *Cibabit illum &c.* Hoc est, exponit ibi Cornelius: *Sapientia mentes suorum cibabit, & potat, id est, pascit pane, & potu spiritali, puta intelligentia, & sapientia, hoc est, se ipsa, suisque dogmatibus, institutis, & præceptis, quæ salutem, & vitam gratiæ, & gloriæ ei conferunt.*

**2.** Probat adhuc secundò sequenti ratione in alia scriptura fundata: Contemplatio est mors viro contemplativo; ergo etiam est ei vita. Antecedens est verum juxta unanimum sensum Mysticorum, contemplationem *mortem* appellantium; quia animam à mundo se iungit, faciens eam omnibus visibilibus valedicere, ut sic expeditius valeat propriæ utilitati insudare. Consequentia autem probatur multipliciter. Primò sic: Quia si ex vna parte contemplatio est mors animæ, & ex alia non esset ei vita, foret animæ prorsus inutilis contemplatio: hæc est absurdum: ergo contemplatio est vita animæ. Bona est consequentia, & minor certissima. Maior autem non indiget probatione, sed expensione. Etenim si contemplatio est mundialis mors; cœlestium tamen non est vita, in quo est utilitas contemplationis? Immo si contemplatio non solum est mors rerum mundanarum; verum etiam disc-

cursum, ac operationis distinctæ vti cum sana Mystrarum doctrina multoties in superioribus dictum est: manifestè deducitur, quòd si contemplatio non foret animæ vitæ, nedum inutilis, verùm etiam nociva foret: quandoquidem ex vna parte nullam vitam conterret, & ex alia inferret mortem distinctæ operationis, & discursuum, quibus posset anima suam salutem operari. Modò verò eò utilis, & proficua est: quia si mortem infert discursuum, confert vitam indistinctæ, ac pacificæ operationis, cum qua facilius, foeliciusque negotiatur, quam omnibus illis operationibus inquietis, quas in animæ utilitatem interimit, hincque

Probatur secundò consequentia. Idcirco contemplatio dicitur mors, quia à rebus visibilibus animam separar, ac veluti mortuam relatè ad illas constituit: ergo pariformitèr, quia facit an mam adherere Deo, cœlestibusque deitatis potiri, est vita animæ.

13. Probatur demum principaliter consequentia vulgarissimo, pariterque divino illo oraculo Sanctissimi illius contemplativi Divi Pauli, cui vivere Christus erat, & mori lucrum, ex quo conversatio eius in Cœlis fuit, hæc enim in ad Galatas cap. 2. ait: *Christo confixus sum Cruci. Vivo autem iam non ego: vivit verò in me Christus.* Mortuum se fatetur Paulus, infimulque viventem. *Vivo*, verùm non ego, sed *Christus*. Duplex vita erat Paulo, sicut & cuilibet alio: non tamen simul habenda: Prima erat vita animalis, secunda vita spiritualis. Vtraque hæc vita in eodem simul reperiri non potest: est quippè vita spiritualis mors vitæ animalis, & hæc est interitus vitæ spiritualis. Duplici hac vita, diversis licet temporibus, vixit Paulus. Prima vivebat, cùm æmulator paternarum traditionum Ecclesiam Dei persequeretur. Huius vitæ mors fuit sublimis illa contemplatio, vi cuius raptus est Paulus vsque ad tertium cœlum, vbi andivit arcana verba cœlestis vitæ iam strenuus candidatus. Ex tuncque Reparatoris nostri Crucifixi mysteria pro-

fundè sciens, cum eo confixus est Cruci in testimonium novæ illius vitæ, qua fulgebat. Quo circa protulit: *Vivo autem iam non ego.* Hoc est, non vivo ego vita illa terrestri, qua priùs vixi; sed vivo ego vita illa cœlestis contemplationis, quæ me ad Cœlos vsque efferens fecit, quòd vivat in me *Christus*. Immodò quod mihi vivere *Christus* sit, & mori lucrum.

Angelicè Divus Thomas mentem Apostoli aperit, infimulque fundamentalem rationem, qua postmodum nostram assertionem probemus, edocet. Sic enim ait ad locum citatum Pauli: *Homo quantum ad illud dicitur vivere, in quo principaliter firmat suum affectum, & in quo maxime delectatur. Unde & hominis, qui in studio, seu in ventionibus maxime delectantur, dicunt, hoc eorum vitam esse: quilibet autem homo habet quendam privatum affectum, quo quærit, quod suum est: dum ergo aliquis vivit quærens tantum quod suum est, soli sibi vivit: Cum vero quærit bona aliorum, dicitur etiam illis vivere. Quia ergo Apostolus proprium affectum deposuerat per Crucem Christi, &c. Ac postea introducit eundem Apostolum dicentem: *Vivo autem, id est, iam non vivo ego quasi in affectu habens proprium bonum: sed vivo in me Christus, id est, tantum Christum habeo in affectu, & ipse Christus est vita mea.**

4. Apostoli spiritum æmulata est Sanctissima Mater nostra Theresia vti de se ipsa testatur epistolarum tom. 4. Epistola 12. num. 17. vbi ait: *Vienen dias en que me acuerdo infinitas vezes lo que dize San Pablo ( aunque á buen seguro que no sea assi en mí) que ni me parece vivo yo, ni hablo, ni tengo quèrer; sino que està en mí quien me gobierna, y dà fuerça, y ando como casi fuera de mí.* Hoc est: sunt dies, in quibus in finities memoriam facio dicti Divi Pauli (est illud, quod ex ad Galatas, præmanibus habemus, quod constat, tum ex se, tum ex nota marginali) in his ergo diebus, prosequitur alma Doctrina, videtur mihi; quòd nec ego vivo, nec loquor, nec

nec velle habeo ; sed quod est in me, qui me dirigat, & vires confert, & sum veluti extra me. Vides sanctissimam istam animam viventem, & non viventem : loquentem, & non loquentem : volentem, & non volentem. Hæc omnia signa sunt mortis, & vitæ, quæ simul, beneficio eminentissimæ contemplationis, in illa mysticè inveniebantur. *Vivebat, & non vivebat* : quia veluti extra se posita non vivebat ipsa, sed Christus ab ipsa contemplatus erat eius vita : ipse etiam in illa loquebatur, & vivebat. Quibus planus est Theresianus sensus, & ex eo suadetur, contemplationem fore vitam animæ contemplatricis.

Eandem veritatem ostendit illud ipsius Sanctissimæ Matris coeleste poema, quod igne sublimissimæ contemplationis fervida cruciavit hæc verbis :

Vivo sin vivir en mí,

Y tan alta vida espero,

Que muero porque no muero.

Fateatur se vivere sine vita : non tamen sine vita absolutè ; sed sine vita in se : *Vivo sine eo, quod in me vivam* : quia contemplatio illa, qua tunc temporis fruebatur, vitam propriam veluti eliminabat, & superiorem aliam vitam conferebat. Videatur Glossa, qua eadem Sanctissima Doctrina data carmina explicat : eandem enim veritatem suadent.

Clarissimè hoc, quod dictis verbis de se Apostolus affirmavit, de omni anima perfectè contemplativa verificari, docet Extaticus Noster Doctor pluribus in locis. In flamma cant. 2. sic profundissime fatur :

O cauterio suavel

O regalada llaga !

O mano blanda, ò toque delicado !

Que à vida eterna sabe,

Y toda deuda paga,

Matando, muerte en vida la has trocado.

Novæ coelestis vitæ, qua anima exul adhuc fulget ob fervidam contemplationem, qua gaudet, memoriam facit. Ex inter alia, quibus traditam cantio-

nem explicat, inquit versu ultimo : *T como quiera que cada viviente viva por su operacion, como dicen los Philosophos, teniendo sus operaciones en Dios por la union que tienen con Dios, el alma vive vida de Dios, y se ha trocado su muerte en vida. Por que el entendimiento, que antes de esta union cortamente entendia, ya es movido, è informado de otro principio, y lumbreras superior de Dios, y la voluntad, que antes amaba tibiamente, ora ya se ha trocado en vida de amor divino, por que ama altamente con afecto de amor divino movida de el Espíritu Santo, en que ya vive. Et subdit : Finalmente todos los movimientos, y operaciones que antes tenia el alma del principio de su vida natural, è imperfecta : ya en esta union son trocadas en movimientos de Dios. Et concludit : Lo qual acontece en este estado perfecto de vida espiritual, aunque no tan perfectamente como en la otra. Y de esta manera dize bien : Matando, muere en vida la has trocado. De donde puede dezir aqui el alma con mucha razon con San Pablo : Vivo autem iam non ego, vivit vero in me Christus. Quæ omnia idiomate latino sic se habent.*

Cum vnumquodque vivens vivat sua operatione, ut Philosophi tradunt, habens suas operationes in Deo ob unionem, quam tales operationes habent cum Deo, anima vivit vita Dei, cuiusque moris in vitam versa est. Quia intellectus, qui ante hanc unionem parùm intelligebat, iam moveatur, informaturque aliò Dei principio, ac lumine eminentiori. Voluntas, quæ tepidè priùs amabat, modò mutata iam est in vitam divini amoris : quia eminenter amat affectu divini amoris, mota ab Spiritu Sancto, in quo iam vivit. Ac demum omnes motus, operationes omnes, quas antè habebat anima à principio suæ vitæ naturalis, & imperfectæ, iam in hac unionem in motus Dei mutatae sunt. Quod evenit in hoc perfecto statu vitæ spiritualis, quamquàm non adeò perfectè, sicut in patria. Sicque benè dicit anima, cum dicit : *Matando, muere en vida la has trocado.*

Hoc

Hoc est: vitam auferens, seu mortem inferens, ipsam mortem, quam intulisti, in vitam mirabiliter commutasti. Vnde potest hic animus seruo cum Divo Paulo dicere: *Vivo autem iam non ego; vivit vero in me Christus*. Hæc illuminatus hic Doctor, quibus assatim nostras assertiones suadet. Quam ob rem plures alias eiusdem probationes subtrahimus.

5. Ex quibus omnibus probatur sic ultimum nostra assertio: *Vnumquodque vivens ostenditur vivere ex operatione sibi maxime propria, ad quam maxime inclinatur*, ait Divus Thomas 2. 2. q. 179. art. 1. in corp. Sed contemplatio est operatio maxime propria contemplativi, & ad illam maxime inclinatur: ergo contemplatio habet rationem vitæ. Consequentia est bona, & imaior est autoritas Divi Thomæ, qui eandem doctrinam tradidit num. 3. js verbis: *Homo quantum ad illud dicitur vivere, in quo principaliter firmat suum affectum, & in quo maxime delectatur*. Idem docuit nos Seraphicus Noster Pater numero præcedenti adductus, ubi ex communi Philosophorum dicto, videlicet, *vnumquodque vivens vivit sua operatione*, adducit, contemplationem divinam esse vitam contemplativi. Iam verò minorem dati Syllogismi quis negabit? Duas partes habet: prima, quæ assertit: contemplationem esse operationem maxime propriam contemplativi. Quod adeo verum est, ut à nemine dubitari valeat. Secunda autem pars, scilicet, quod contemplativus ad contemplationem maxime inclinatur, est etiam certissima: constatque ex suspirijs, quæ contemplativi emittunt, dum ab otio contemplationis amoveantur, & ex tædio, quo in tale otium impediencia invehuntur. Hinc Apostolus clamabat: *Cupio dissolui, & esse cum Christo*. Et, *infelix homo, quis me liberabit de corpore mortis huius*. Ex quo enim in hoc exilio: *Caro concupiscit adversus spiritum*, ad Galat. cap. 5. quo bello & continuatio contemplationis impeditur, & affectus æternæ felicitatis periclinatur;

oratur, quod contemplativi dissolvi cupiant, & esse cum Christo, ubi nectimor non assequendi beatitudinem adest, nec continuatio contemplationis distrumpitur. Et idcirco clamant, ut Deum sine obicibus contemplantur, dicentes cum eodem Apostolo: *Scimus enim quoniam si res restis domus nostra huius habitationis dissolvatur, quod ædificationem ex Deo habemus: domum non manufactam, æternam in cælis*. 2. ad Corinth. cap. 5. Quo spiritu ductus Noster Seraphicus Doctor infam. Cant. 1. cecinit.

O llania de amor viva!

Que tiernamente lueries (tros:

De mi alma en el mas profundo cen-

Pues ya no eres esquivia,

Acaba ya si quieres,

Rõpe la tela de este dulce encuetro;

Inidem centrum collineabant singultus almæ Matris Nostræ Theresiæ iam citatæ, dum dicebat:

Ay! que larga es esta vida;

Que duros cellos destierros!

Esta carcel, y estos hierros,

En que está el alma metida!

So!o esperar la salida

Me causa vn dolor tan fiero;

Que muero por que no muero,

Acaba ya de dexarme

Vida, no me seas molesta:

Porque muriendo, què resta;

Sino vivir, y gozarme?

No dexes de consolarme

Muerte, que à si te requiero;

Que muero porque no muero.

Verum in re adeo per via immorant dum non est. Constat ergo ex dictis minorem propositi Syllogismi veram esse.

6. Confirmatur ratio facta: etenim actio est vita activi, seu vitam activam exercentis: ergo sic contemplatio est vita contemplativi. Antecedens est certum, constatque ex laudato Divo Thomæ & consequentia patet ex paritate ipsa: quia eodem modo se habet contemplatio ad contemplativum, sicut se habet actio ad exercentem vitam activam. Vnde si actio est vita huius, pariter contemplatio erit vita contem-

pla-



plativi. Vtramque facti enthymematis propositionem docuit citatus Divus Thomas, ubi postquam pro maiori propositione posuit id, quod iam ex ipso retulimus, videlicet, quod *unumquodque vivens ostenditur vivere ex operatione sibi maxime propria, ad quam maxime inclinatur.* Sub hac univrsali posuit, *sed quidam homines præcipue intendunt contemplationi veritatis, quidam intendunt principaliter exterioribus actionibus:* Ergo seu, *inde est, quod vita hominis convenienter dividitur per activam, & contemplativam.* Quibus verbis vtramque nostram propositionem veram esse, docet.

## §. II. Solvuntur obiecta.

7. **C**ONtra nostram conclusionem arguitur primò. *Vivere viventibus est esse* ex Arist. 2. de anima, text. 37. Sed contemplatio non est esse contemplativo: ergo, nec vivere. Cætera nota sunt, & minor inde pater. Quia esse præsupponitur ad operationem; non enim posset contemplativus actum contemplationis elicere, nisi supponeretur esse ipsius; quod quidem omni causæ efficienti commune est.

Resp. ex Divo Thoma citato, qui ad primum sic ait: *Vivere dicitur esse viventium ex eo, quod viventia per hoc, quod habent esse per suam formam, tali modo operantur.* Et dicere: quod vivere viventium causatur ab eorum esse. Vnde esse est, non formaliter, sed causaliter, vivere viventibus. Quo circa cum contemplatio causetur à formâ constituyente, ac tribuente esse contemplativo; propterea verificatur de illa dictum illud Philosophi.

Adde primò, quod si dictum Philosophi accipiat de esse non substantiali, sed de accidentali, & loquamur de nostra contemplatione: ipsa planè est esse existentials quia est intellectio, quæ in ordine intelligibili existentia est. Vt docent Salmanticenses tract. 3. disp. 2. num. 105. & tract. 4. disp. 1. num. 21. Adde secundò nos non loqui de contemplativo, ut ens est,

A SPIRITU SANCTO,

sed de ipso, ut homo operans est, qui prout sic sua operatione vivit, & est. Vnde tamen si in esse entis præsupponatur cum suo esse; in esse tamen operantis constituitur per operationem.

8. Dices: Contemplativus nullatenus constituitur in esse talis per contemplationem: ergo data solutio non tenet. Probatur antecedens 1. quia contemplativus constituitur per id, quo ablato perit contemplativus, & quo posito, ponitur: sed posita contemplatione, non ideò ponitur contemplativus; nec ablata aufertur: ergo, &c. Probatur minor pro prima parte: quia, ut multoties diximus, non rarò mediativi, seu incipientes habent contemplationem; sed licet isti exerceant contemplationem, non sunt contemplativi; cum eorum exercitium meditatio sit: ergo. Probatur pro secunda parte ipsa minor: quia contemplativus dicit statum firmum, seu permanentem; contemplatio autem est actus fluidus, qui citò evanescit: ergo pereunte contemplatione, non perit contemplativus. Ex his, Probatur secundò antecedens: quia inter constitutum, & constitutum debet dari proportio: sed inter contemplativum, & contemplationem nulla proportio datur; siquidem hæc res labilis, citòque fluens est; ille verò est permanens, ac stabilis: ergo. Probatur tertio: contemplans dicitur à contemplatione: ergo ab ea non dicitur contemplativus. Certum est antecedens, & consequentia probatur: quia ab eodem nequeunt res differentes constitui: ergo cum contemplans diversum quid sit à contemplativo; si contemplans dicitur à contemplatione, nequit ab eadem dici contemplativus.

Vt hæc, aliaque plura, quæ contra dicta vrgeri possunt, solvas, scire debes primò, contemplationem posse sumi vel signatè, vel exercitè. Contemplatio exercitè dicit ipsum actum contemplationis à contemplante elicatum, qui sanè non est actus quoad speciem præcisè sumptum; sicut enim à parte rei poni non potest: sed est hic numero actus in individuo. Contempla-

R

tio

ratio signatè sumpta dicit contemplationem præscindentem ab individuationibus ipsius: qualiter est terminus habitudinis, quam contemplativus ad ipsam dicit, sicut generaliter operativum respicit operationem. ¶ Scias secundò, ex dictis alibi: contemplationem posse sumi vel materialiter, vel formaliter: formaliter accepta dicit se ipsam, ut constitutivam status: materialiter dicit se ipsam, non ut constitutivam status; sed aliàs, hoc est, ut præcisè dicit, quòd sit simplex intuitus divinæ veritatis. Quibus præmissis

Resp. ad objectionem: distinguendo antecedens: *Per contemplationem exercitam*, concedo: signatam, nego antecedens. Termini patent ex dictis. Ad primam probationem distinguatur minor. Quæ si loquatur de contemplatione exercita, & non constitutiva status, concedimus, quòd posita contemplatione hac, non idèò ponitur contemplativus; nec auferitur, ablata exercita contemplatione. Ast, si loquatur de contemplatione signata, & status constitutiva, negamus, quòd ea posita, vel ablata, non pariter ponatur, & auferatur contemplativus. Per quod patet ad probationem minoris pro utraque parte: siquidem ex vna parte contemplatio illa, quam incipientes habere solent, non est status constitutiva: & ex alia contemplatio signatè sumpta semper permanet terminans habitudinem contemplativi: quamvis ipsa contemplatio exercita fluat.

Per quæ patet ad secundam probationem antecedentis. Siquidem contemplatio signatè accepta non est res fluida, sed adeò stabilis, ut possit contemplativi habitudinem terminare, & proportionem cum illo dicere. *Ad ultimam* probationem dicas: contemplantem dici à contemplatione exercita: contemplativus verò à contemplatione signata. Vnde adest sufficiens fundamentum, ut eadem contemplatio diversis illis modis considerata, possit constituere illa, eo modo differentia, constituta.

9. Instas: si dicta vera sunt, est quia sunt propria cuiuscumque operationis, etiam si contemplatio divina non sit; immò nec intellectio: commune est enim cuiuscumque operativo respicere modo dicto operationem: sed modò loquimur de contemplatione divina, & si ea, quæ ex nostro Extatico Doctore diximus, consideremur, non conveniunt cuivis divinæ contemplationi, sed perfectissimæ; ut verba intuens agnosceret. Ergo data doctrina non est pro re præsentì idonea.

Respondetur: verum esse, quòd contemplatio ex communi conceptu operationis se moventis habet rationem vitæ: quippè huius officium est moveri à se. Et hoc à principio huius controversiæ falsi sumus, dum ante ipsius resolutionem diximus, conceptum vitæ convenire contemplationi divinæ *ex conceptu ipsam contemplationem philosophicam comprehendenti*. Vnde doctrinæ omni operationi vitali communes, propriæ sunt ad firmandum ea, quæ ex illo generali conceptu conveniunt divinæ contemplationi. Præ oculis autem habere debes ex ijs, quæ infra dicemus: quòd vita, de qua modò nobis sermo est, est *vita humana ordinata, quia de inordinata non intendimus*, ait Divus Thomas in 3. d. 35. q. 1. art. 1. Hæc autem *vita humana ordinata* adæquatè dividitur in contemplativam, & activam, ut iam videbimus. Quo circa in præsentì affirmamus, conceptum vitæ humanæ ordinatæ inveniri in contemplatione divina, quod aliquis dubitare posset propter dicta, dicendaque. Ast hæc *vita humana ordinata* dividitur in naturalem, & supernaturalem: naturalis convenit contemplationi naturali, sive Philosophica sit, sive Evangelica; supernaturalis convenit contemplationi supernaturali: & quo hæc contemplatio supernaturalis perfectior est, eo perfectius vitæ rationem habet. Extaticus Noster Doctor à nobis adductus loquitur de perfectissima illa contemplatione, quæ animam cum Deo perfectissimè unit. Vnde perfectissimam vitam esse docet.

Hoc

# DISP. 10. DE DIVIN. CONTEMPLATION. PROUT EST VITA. Q. I. 131.

Hoc tamen non est asserere, solam illam perfectissimam contemplationem esse vitam: sed quod ratio vitæ, quæ communis est omni contemplationi, ibi perfectius, felitiusque reperitur. Per quod & nostræ doctrinæ ratio redditur, & obiectio facta dissipatur.

10. Arg. secundò: vita importat motum: sed contemplatio motum excludit; ergo contemplatio non est vita. Consequentia bona est, & maior est Divi Dionysij cap. 4. de div. nomin. minor autem probatur ex illo sapientiæ 8. ubi dicitur: *Intrans in domum meam conquiescam cum illa*, scilicet divina sapientia seu contemplatione: in super probatur ex illo Psal. *Vacate, & videte, quoniam suavis est Dominus*. Quapropter Sancti, & Mystæ otium appellant contemplationem, vt in superioribus dictum est; Immo & Arist. lib. 10. Ethicor. cap. 8. Contemplationem dicit vacationem: ergo contemplatio excludit motum.

Resp. Contemplationem esse quietissimum suavissimumque intuitum: quod datis autoritatibus, aliisque, quas passim Mystici offerunt, comprobatur: sed etiam habet rationem motus; & quivocè tamen, prout motus est actus perfecti, vt ait Philosophus in 3. de anima, de quo agunt nostri Complutenses lib. Physicor. Vnde contemplatio etiam iuxta physicam facultatem motus est, quin per hoc quies sua perturbetur. Quietem enim opponitur motus exterior; eoque repugnat; quod quis quiescat, & simul hoc genere motus moveatur. Est motus, qui est actus perfecti cum quiete divinæ contemplationis, adhuc physicè loquendo non pugnat. Quamobrem in nostra Ifagoge contemplationem divisimus cum Divo Dionysio cap. 4. de divin. nomin. per tres illos motus rectum, obliquum, & circularem. Quod si de ipsa contemplatione mysticè loquamur, est motus activissimus, quo exul anima ad vnionem absoluitur, & simpliciter; vel ad perfectiorem vnionem cum Deo tendit. In quo motu omnem suam quietem, quoad exilium durat, repe-

rit. Tam longè abest, vt quies hæc, motusque inter se pugnent; quod potius ab eadem radice pullulantes fraternali vinculo fœderentur.

Egregiè rem istam aperit insignis contemplator regius Psaltes dicens Psal. 54. v. 7. *Quis dabit mihi pennas sicut columbæ, & volabo, & requiescam?* Quasi dicat, ait gravissimus Leblanc, alas columbæ habeam, volabo, & in ipso volatu delectationem meam, ac requiem collocabo. Ad Deum ferar, donec vivam, & ad eum volans gaudebo: distabit quidem semper à me; cum sit infinitæ perfectionis: itaque semper restabit volare. Sed nè desperem, aut languescam, ipsum volare erit in Deo quiescere. Hactenus doctus iste. Vides, quomodo in ipso volatu, seu motu contemplationis omnem suam quietem colloct contemplativus? De illò videtur dictum illud Deuteronomij cap. 33. v. 12. videlicet: *Amantissimus Domini habitabit confidenter in eo*: (in Deo scilicet) *quasi in thalamo tota die morabitur, & inter humeros illius requiescet*. Vnde dum audis motum contemplationis, quietem maximam ab ea non excludas; ac dum audis contemplationis quietem, non intelligas otiositatem inertem; sed quietam activitatem, qualem Dionysius Carthusianus in epist. 2. ad Corinth. cap. 5. v. 4. describit hisce verbis: *Mens & suavitissimo charitatis ardore succensa Deo coniungitur per contemplationem theoreticam, & vnitivam. Innititur enim Deo tanquam incomprehensibili: & incarnatæ veritati insiguitur, super essentiali Deitati, & super beatissimæ Trinitati tam radiosè, amorosè, & proximè copulatur, quod nihil aliud advertit, nec proprium actum attendit, sed desluit à se ipsa, atque in proprium refuit fontem, amoris immensi igne comburitur, in Deitatis abyssum profunditur, vt videatur quodammodo esse creatum exuere, & increatum, idealeque esse induere*.

11. Nec dicas: traditam doctrinam esse contra id, quod Psalm. 61. contemplativus ait: *Non nè Deo subiecta erit anima mea? Ab ipso enim salu-*

*pare meum; nam & ipse Deus meus, & salutaris meus, susceptor meus non movebor amplius. Vbi le motum non admissurum, pollicetur. Verum ibi sermo*

est, non de motu, de quo loquimur, sed de motu contra Deum, vt explicat Seraphicus Noster Doctor in sua Egloga Cant. 19. in fine.

## QUÆSTIO SECUNDA.

*Virum vita contemplativa ex æquo diversa sit ab activa?*

**A**D plenam notitiam contemplationis, seu vitæ contemplativæ habendam conducens assatim iudicamus, scire quomodo ab activa distinguatur. Distinctionem inter illas dari certissimum est: quo circa supervacaneum est, hoc ad examen vocare. Vnde inquiremus, an simpliciter, & ex æquo distinguantur: ita vt vita contemplativa sit simpliciter alia ab activa?

### §. 1. *Post non nullas observationes dirimitur controversia.*

12. **O**bservandum est primò, præ oculisque habendum id, quod docet Divus Thomas 2. 2. quæst. 181. art. 1. in corp. hisce verbis: *Vita activa, & contemplativa distinguuntur secundum diversa studia hominum intendentium ad diversos fines, quorum unum est consideratio veritatis, quæ est finis vitæ contemplativæ: aliud autem est exterior operatio, ad quam ordinatur vita activa.* Ex quibus duo habes: primum est, quòd idem actus potest esse vita activa, seu contemplativa, secundum quod per studium hominis in diversos fines referri potest. Quandoquidem si homo referat illum actum ad considerationem veritatis, erit utique vita contemplativa, seu ad illam pertinebit: alii si illum referat ad operationem exteriorem, ad vitam activam spectabit. Secundum, quòd ex dictis habes, est, quòd hic, aut alius actus in individuo vitam non constituit: sed studium ad ipsos actus, vnde potest quis, ac de facto sine aliqua operatione

spectat ad vnam ex duplici vita dictæ. Immo quis exercens opus vitæ activæ pertinet ad vitam contemplativam, & e contra. Ratioque ea est, quòd vita non per actum, sed per studiū constituitur, de quo multoties locuturi sumus.

13. Observa secundò diversitatem inter vitam activam, & contemplativam pensandam esse ex fine. Finis humanæ vitæ est duplex, sicut & duplex est intellectus, nempe speculativus, & practicus. Differentia autem, quæ adest inter intellectum practicum, & speculativum assignatur à nostris Complutens. abbrev. 3. de anima, disp. 18. quæst. 2. ex Divo Thoma 1. p. q. 79. art. 11. in corp. dicente: *Intellectus speculativus est, qui, quod apprehendit, non ordinat ad opus; sed ad solam veritatis considerationem: practicus vero intellectus dicitur, qui hoc, quod apprehendit, ordinat ad opus.* Quia que docente eodem Angelico Magistro, 2. 2. q. 179. art. 1. ad 2. eadem est divisio intellectus, & vitæ humanæ: propterea sicut idem intellectus per illam ordinationem, vel non ordinationem ad opus est speculativus, vel practicus: sic eadem operatio est practica, vel speculativa secundum finem, in quem dirigitur. Vnde operatio intellectus speculativi pertinet ad vitam contemplativam: operatio verò intellectus practici attinet ad vitam activam. Et hoc intelligitur ex natura sua, & non ex libito operantis: nam aliud est, quòd operans possit hanc operationem in hunc, vel in alium finem ordinare; aliud verò quòd possit facere, quod operatio insitens contemplationi

ni veritatis, non sit contemplatio. Primum quidem est verum, ut mox amplius declarabimus; secundum verò essentialum, quia speculatio veritatis ex naturalia pertinet ad vitam contemplativam, sicut & actio exterior ad activam: quamquam non negemus, posse ipsam veritatis speculationem referri ad vitam activam, ut si quis facultati logicam infuset, ut ita expeditius valeat ignorantes erudire: ac similiter fateatur, posse actionem in vitam contemplativam ordinari, ut cum quis in suis passionibus morigerandis vigilat, ne otium contemplationis perturbent. Sic tamen est finis operantis, non operis. Quæ diximus propter illam singularem Philosophiam, quam in P. Valq. P. P. Complutenses improbavere in sua Logica disput. 1. q. 6. num. 67. volente Logicam esse simpliciter practicam, quia ab illam habente in finem practicum potest dirigi.

14. Observa tertio doctrinam D. Thomæ loco citato ex 2. 2. q. 180. art. 4. in fine corporis dicentis: *Sic ergo ex præmissis patet, quod ordine quodam quatuor ad vitam contemplativam pertinent. Primo quidem virtutes morales: secundo autem alij actus præter contemplationem. Tertiò vero contemplatio divinorum effectuum: quartum verò contemplativum est ipsa contemplatio divine veritatis.* In quibus verbis quidquid ad vitam contemplativam pertinet (ceteræ hæc notitia pro re præsentis, alijsque, summè necessaria) continetur. Igitur ad vitam contemplativam alia pertinent dispositivè, & præviè; alia verò formaliter constitutivè. Constitutivè, & formaliter pertinet ipse actus contemplationis veritatis divinæ, & nullus alius, cuius rationem tradidit Angelicus ipse Doctor articulo præcedenti in argum. *sed contra.* sic disputans: *Sed contra est, quod vita hic dicitur operatio, cui homo principaliter intendit: ergo si plures sunt operationes vite contemplativæ, non erit una vita contemplativa, sed plures.* Rem totam angelicè conficit efficaci hæc argumentatio, ex qua habemus, in

unico solummodo actu, scilicet, in contemplatione veritatis divinæ vite contemplativæ quidditatem sicam esse.

Quia vero contemplatio hæc est actus intellectus hominis rebelles impetus carnis, anhelantis contra spiritum, sustinuitur: propterea requiruntur plura, ut dispositiones ad talem contemplationis actum, quæ, ut de se patet, etiam ad vitam contemplativam spectant, dispositivè tamen. Ad ledandum iurgium illud partis inferioris contra spiritum, ut potest in hoc exilio sedari, præquiruntur ad contemplationem virtutes morales, quarum est animi passionibus frænare, ne quietem contemplationis exturbent: & ob eandem rationem quietant exteriorum occupationum tumultus à quibus etiam contemplatio impeditur. Ita Divus Thomas, q. citata, art. 2. in corp. ubi ait: *Dispositivè autem ad vitam contemplativam virtutes morales pertinent: impeditur enim actus contemplationis, in quo essentialiter consistit vita contemplativa, & per vehementiam passionum, per quam abstrahitur intentio animæ ab intelligibilibus ad sensibilia, & per tumultus exteriores.* Virtutes autem morales impediunt vehementiam passionum, & sedant exteriorum occupationum tumultus, & idè virtutes morales dispositivè ad vitam contemplativam pertinent. Vbi obiter notare debes in confirmationem eorum, quæ numero præcedenti diximus, quod virtutes morales, quæ ex natura sua pertinent formaliter ad vitam activam ex Aristotele lib. 10. Ethic. cap. 7. & 8. ubi ait, illas pertinere ad felicitatem activam, non autem ad contemplativam: hæc ipsæ virtutes per modum removentis spectant ad felicitatem contemplativam.

Et ipse Doctor Angelicus, qui modò, ut vidimus, dixit, virtutes morales pertinere ad vitam contemplativam; postea questione sequenti art. 1. docet, quod *virtutes morales pertinent essentialiter ad vitam activam.* Vbi per ly *essentialiter* huius autoritatis, & per ly *dispositivè* præcedentis aufer-  
tur

tur contradictio, quam minùs prespicax posset imaginari, quam etiam ipse Doctor Sanctus clariùs dissipat ad tertium argumentum respondens, ubi Caietanus hæc habet: *In responsione ad tertium eiusdem articuli sufficit, quòd memor sis distinguere inter finem virtutum moralium secundum se, vel ex parte operantis, & subsistere, quòd ex parte operantis finis virtutis moralis quandoque est vita activa, quandoque contemplativa. Secundum se autem ita vita activa est finis virtutis moralis, quòd relinquit ipsam moralem virtutem esse dispositionem respectu vitæ contemplativæ. Non enim incongruit idem esse substantiale in vno, & dispositionem respectu alterius: sicut dicimus, quòd bonitas moralis est ita perfectio hominis, quòd ista dispositio ad bonitatem meritorum, & hanc responsionem tangit auctor in calce tertij argumenti.*

15. Vidimus quid dispositivè pertineat ad contemplationem, quatenus hæc habet impediencia, vel retardantia; superest, ut vidcamus secundum, quòd ad ipsam disponit, atque adeò dispositivè tantùm pertinet ad vitam contemplativam. Hoc iuxta Divum Thomam initio numeri præcedentis, sunt alij actus, ut plurimum, intellectuales: Hi actus sunt oratio, lectio, meditatio, cogitatio, speculatio, consideratio, auditio, huiuscemodique alij, quorum nullus contemplatio est; omnes tamen illi disponunt ad contemplationem. Quod ut probè calleas, memento illius magnæ differentiae, quæ quantàm ad præsens adest inter hominem, & Angelum, quam docet Divus Dionysius cap. 7. de Divin. nominib. & ex eo Divus Thomas art. 3. quæst. citatæ 180. quæ differentia consistit in eo, quòd *Angelus simplici apprehensione veritatem intuetur.* Vnde licet non prærequirit contemplatio Angelica virtutes morales sedantes passionem, exterioresque tumultus; quia talia in Angelo non dantur: ita non prærequirit, quòd præcedant alij actus disponentes, seu manuducentes in cognitionem veritatis contemplantem; simplici

enim apprehensione illam cognoscit. Homo autem non potest sic veritatem intueri; sed multo labore, & sudore plurimo veritatem, quam contemplatur, explorat. Et omnes illi actus, qui ad sic inveniendam veritatem necessarii sunt, disponunt ad ipsam contemplationem.

Illi autem actus sunt in multiplici differentia: nam alij pertinent ad acceptionem principiorum: si namque in homine non præcedat hæc principiorum acceptio, nullatenus potest veritatem in illis principiis contentam, intueri. Alij vtrò actus deserviunt ad deducendam veritatem, quæ inquiretur, ex ipsis principiis, quorum acceptio præsupponitur: est enim adeò limitata mentis humanæ acies, ut etiam si principia habeat, & in ipsis principiis adsit veritas; est tamen adhuc illi prorsus abscondita: vnde opus illi est inquirere id ipsum, quod in se reapsè habet. Et ad hoc vitur discursibus, quibus veritas illa è vulva talium principiorum educitur, & illam iam sic educatam contemplatur. Ac per hoc patet, quòd isti actus, tametsi actus intellectus sint, non sunt contemplatio, sed ad contemplationem dispositio: quandoquidem eorum nullus est simplex intuitus veritatis, ut patet in discursu, qui sanè non est veritatis intuitus, sed inquisitio. Ut autem ad aliquos actus, qui ad contemplationem disponunt, recta methodo descendamus, advertetè ultra dicta debes: hominem dupliciter pervenire in veritatis cognitionem, primò ex ijs, quæ habet ab alio, qui alius potest esse vel Deus, vel homo. Secundò proprio studio ac labore. Ex his ergo iam quare dicti actus ad contemplationem disponant, dicere non est arduum.

Etenim si inspicatur indigentia; quam homo habet, ut ab alio accipiat, quod optat, videlicet veritatis inventionem: si ille alius est Deus, à quo *est omne datum optimum, & omne donum perfectum*, prærequiritur oratio secundum illud Sapient. 7. *Invocavi, & venit in me spiritus Sapientiae.* Si autem ille alius sit homo, tunc vel tradit

veti.

veritatem verbo, vel scripto. Si primum, requiritur auditio, si secundum, requiritur lectio. Quod si veritatem inquirens vitur proprio studio, ac labore, tunc datur meditatio, quæ in inquirenda veritate discurrit: quare ait Richardus libro de contemplatione, cap. 3. quod meditatio est *intuitus animi in veritatis inquisitione occupatus*. Ad idem proprium studium spectat cogitatio, quæ iuxta datum Richardi, est *animi respectus ad evagationem pronus*. Vnde cogitatio non parum molesta est contemplativis; vt testatur expertissima Mater Nostra Diva Theresia; disponit tamen ad contemplationem, quatenus, teste eodem Richardo cap. 4. pertinere videtur ad multorum inspectionem, ex quibus aliquis colligere intendit vnam simplicem veritatem. Vnde, insert Sanctus Thomas art. 3. *sub cogitatione comprehendendi possunt & perceptiones sensuum ad cognoscendum aliquos effectus, & imaginationes, & discursus rationis circa diversa signa; vel quæcumque perducentia in cognitionem veritatis intentæ*. Et ad idem deservit ille alius actus, qui dicitur consideratio, vt inibi docet idem Angelicus Doctor, qui eodem articulo ad 2. docet, speculationem ad meditationem pertinere. Vnde habes, omnes actus assignatos disponere ad contemplationem, & modum, quo vnusquisque disponit: Et etiam habes vitam contemplativam, quantum ad præsentem materiam deservire potest, explicatam.

16. Restat, vt idem de vita activa faciamus; breviter tamen, tum quia non est instituti nostri, nisi quatenus deservit ad vitam contemplativam perfectius cognoscendam. Tum etiam, quia non tam multa requirit, vt eius cognitio habeatur. Igitur ex D. Thom. in 3. d. 35. q. 1. art. 3. quæstiunc. 1. *Activa vita consistit in omnibus agibilibus, siue sint ad seipsum, siue ad alium, sed principaliter consistit in his, quæ ad alium sunt: quia bonum multorum secundum Philosophum in 5. Ethicor. dicitur esse pulcherrima virtutum;*

Vnde ad vitam activam pertinent omnes illi actus, quorum finis non est veritatis cognitio, sed opus. Quo circa spectant ad ipsam essentialiter omnes actus omnium virtutum moralium, non solum exteriores; sed etiam interiores, quibus homo studet ipsis virtutibus. Pariter pertinet ad hanc vitam mortificatio passionum, & sensuum, tum externorum, tum internorum. Circa quod videre poteris D. Thomam locis citatis, & scholam Oratorionis, tract. 8. & communiter Doctores Mysticos. Nos ergo ex præmissis gradum facimus ad resolutionem dubij propositi.

17. Sit nostra conclusio: *Vita contemplativa est simpliciter, & ex æquo diversa à vita activa*. Sic Divus Thomas locis citatis, & assertum hoc est apud omnes certissimum: probatur ergo sic: Vita contemplativa habet finem simpliciter diversum à fine vitæ activæ: ergo est simpliciter ab illa diversa. Antecedens constat ex dictis num. 13. vbi observavimus, finem vitæ contemplativæ esse veritatis cognitionem; finem verò vitæ activæ esse operationem: qui fines omnino diversi sunt. Deinde probatur consequentia. Vitæ habentes fines simpliciter diversos sunt diversæ simpliciter: ergo si vita contemplativa, & activa habent fines simpliciter diversos, diversæ simpliciter sunt. Antecedens probatur paritate scientiæ speculative, & practicæ, quæ diversæ abs dubio sunt ob fines diversos, quos respiciunt: quia, videlicet, scientia speculativa respicit veritatem, vt illam cognoscat; practica verò opus tamquam finem respicit.

18. Probatur secundò conclusio: Vita contemplativa, & activa realiter separantur: ergo adinvicem, & ex æquo distinguuntur. Cōsequentia constat: quia separatio realis est signum evidens distinctionis realis. Antecedens autem probatur primò: Quia in patria durabit quidem vita contemplativa; sed activa neutiquam permanebit. Sic docet Divus Thomas loco citato ex 2. 2. quæst. 181. art. 4. vbi in  
argu.

argum. Sed contra ait ex D. Gregorio: *Sed contra est, quod dicit Gregorius super Ezechielem cum presenti saeculo vita auferetur activa: contemplativa autem hic incipitur, ut in caelesti patria perficiatur.* Cuius rationem tradit ipse Doctor Angelicus in corpore, simulque tacitam obiectionem solvit, dicens: *Resp. dicendum, quod sicut supra dictum est, vita activa habet finem in exterioribus actibus, qui si referantur ad quietem contemplationis, iam pertinent ad vitam contemplativam. In futura autem vita Beatorum cessabit occupatio exteriorum actuum: & si qui actus exteriores sint, referentur ad finem contemplationis.* Ergo vita contemplativa, & activa realiter, ac in aeternum separantur.

Probatur secundò illud antecedens: Quia adhuc in hac vita, ubi certè datur vita activa, invenitur realiter à contemplativa separata: ergo tenet antecedens principale. Probatur hoc: Quia adhuc in hac vita, vita activa significatur per Martham, & contemplativa per Mariam, quæ Dominum hospitio exceperunt, uti docent Divus Augustinus, Divus Gregorius, & Divus Thomas, quia Martha, ita Domino famulabatur, ut tota occupata esset circa frequens ministerium, nihil de quiete contemplationis habens: Maria verò ita Dominum in sua domo excipiebat, ut sedens secus pedes eius nihil aliud faceret nisi audire verbum illius: ergo inter has duas sorores ita divisa, ac separata erat vita contemplativa ab activa, quòd in Maria hæc non inveniebatur, nec illa in Martha.

Probavius antecedens principale, iam à diversitate statuum exilij, & patriæ, iam à diversitate subiectorum, in quibus, adhuc in hac vita, utraque illa divisa reperitur. Modò verò absolute, & à priori probatur antecedens, animadvertendo prius, quòd loquimur de eo, quòd frequenter evenit; non autem de eo, quòd in animabus perfectissimis evenire solet, de quo est sua difficultas, & quidem non levis, post modum discutienda: an, scilicet,

in ijs, qui summè perfecti sunt, dentur simul vita activa, & contemplativa? Modò autem loquimur absolute, & sub hac consideratione probatur sic antecedens: Quia contemplativus ille est, qui principaliter occupatur in contemplatione veritatis; & activus, qui principaliter intendit exterioribus actionibus: sed non potest idem principaliter exterioribus actionibus studere, & in veritatis contemplatione principaliter occupari: ergo, non potest idem esse simul activus, & contemplativus. Ergo vita activa, & contemplativa separata realiter sunt. Secunda consequentia constat ex prima, quam præmissæ inferunt. Maior est Divi Thomæ verbis, quæ dedimus num. 6, suntque ista: *Quia ergo quidam homines præcipuè intendunt contemplationi veritatis, quidam intendunt principaliter exterioribus actionibus; inde est, quòd vita hominis convenienter dividitur per activam, & contemplativam.* Minor autem probatur: nam occupari principaliter in contemplatione veritatis, est, vel nullatenus, vel minùs principaliter, occupari in actionibus exterioribus: ergo non potest idem simul in utroque occupari principaliter. Consequentia est innegabilis, & antecedens notum est de se: quia quævis ex illis partibus trahit secum negationem alterius. Unde licet possit quis occupari in vno, & non in alio; vel in vno principaliter, & minùs in alio: Cæterum, quòd simul occupetur principaliter in utroque, res est contradictionem involvens, ut minùs de ijs, quæ communiter accidunt, loquentes: sicut implicat, quòd Petrus currat simul velociter, & non velociter. Hæc est doctrina Divi Thomæ in 3. d. 35. q. 1. art. 3. quæstiunc. 3. ubi ait: *Ad primum igitur dicendum, quòd ad diversa potest homo principaliter intendere diversis temporibus, quamvis non simul.*

19. Confirmatur ratio facta: etenim, ut constat ex data autoritate Divi Thomæ, & ex hæcenus dictis, vita humana dividitur in activam, & contemplativam; ergo istæ distinguuntur, ac separantur.



parantur. Probatum consequentia: nam in omni bona divisione membra dividentia debent se ad invicem excludere: ergo vita contemplativa excludit activam, & è contra. Omnia asserta, quæ in hac disputatione proponimus, sunt huius veritatis probationes, quæ obrem nihil super hoc addentes, ad argumentorum solutionem properamus.

## §. II. Respondetur argumentis.

20. **C**ontra conclusionem arguitur primò: Quia docere alios est ex se simul actus vitæ activæ, & contemplativæ: ergo vita activa, & contemplativa sunt idem. Paret ista: quia si sic non esset, non posset idem actus utriusque vitæ ex se correspondere. Antecedens autem pro prima parte probatur ex Divo Gregorio homil. 14. in Ezech. ubi ait: *Activa vita est panem esurienti tribuere, verba sapientiæ nescienti docere.* Vbi eodem modo loquitur de distributione doctrinæ, ac de distributione panis: sed hoc ex se pertinet ad vitam activam: ergo, & illud. *Accedit*, quod nescientem docere est opus misericordiæ: & quod omnia opera misericordiæ attineant ex se ad vitam activam, certum est, & constat ex dictis. Probatum idem antecedens pro secunda parte, in qua dicitur, quòd *docere* pertinet ad vitam contemplativam: quia ad eandem vitam pertinet actus, & habitus talem actum eliciens: sed sapientia, & scientia, quæ sunt habitus, quorum actus est *docere*, pertinent ad vitam contemplativam: ergo, & ipsum *docere* ad vitam contemplativam spectat.

21. Confirmatur: Consideratio peccatorum, quæ quis commisit, pertinet ad vitam activam, ut non obscure colligitur ex supra dictis: sed hæc consideratio est propria vitæ contemplativæ: ergo hæc vitæ non differunt. Minor, in qua poterat esse dissidium, probatur ex Divo Bernardo, qui lib. 5. de consideratione ait, esse secundam speciem contemplationis, cum quis iudi-

cia Dei, & peccata sua recogitat: ergo vera est illa minor.

Respondetur argumento negando antecedens pro secunda parte: *docere* enim est opus misericordiæ, ut dictum est, atque adeo spectat ad vitam activam. Ad probationem dicas: actum sapientis, & scientis esse *sapere*, & *scire*, qui actus, si dirigatur ad contemplationem veritatis, & ad percipiendum delectationem inde resultantem, est actus vitæ contemplativæ: si autem referatur ad docendum, erit actus vitæ activæ. Unde sapientia, quæ sapientem constituit, eodem modo pertinet ad vitam activam, vel contemplativam. Videatur D. Thom. in 3 d. 31. q. 1. art. 3. q. 1. ad 3. quòd si vim facias in eo, quòd in dicta solutione non tam attenditur finis operis, quàm operantis iuxta superioris dicta. Ideò

Respondetur secundò cum eodem Angelico Doctore ibidem dicente: *Ad tertium dicendum, quòd doctrina est duplex, quedam, quæ ad cognitionem veritatis tantum ordinatur, (hæc est doctrina ex se speculativa) & hæc, quamvis ad alterum sit, limites tamen vitæ contemplativæ non exiit. Est autem quedam doctrina, quæ (ex se) ordinatur ad persuadendum bonos mores, quæ prædicatio dicitur: & hæc ad vitam activam pertinet. Unde Gregorius ait: qui ad laborem prædicationis se dirigit, minus videt, & amplius parit: & sic significatur per Liam, quæ erat secunda, & lippis oculis.*

Ad confirmationem, respondet ipse Sanctus quæstiunc. 2. *Ad 3. dicendum, quod præteritum iam transit in necessarium: unde consideratio præteriorum peccatorum, magis ad contemplationem, quàm ad præcticam pertinet.* Est dicere: quòd quia consideratio est actus ex se disponens ad contemplationem, prout vidimus num. 15. si hic actus respiciat obiectum necessarium, quale est peccatum præteritum, quod iam in necessarium transiit: iam tunc ex omni parte spectat consideratio hæc ad vitam contemplativam. Pertinet ex se; quia hæc est natura ipsius, ut dictum

ctum est. Pertinet ex obiecto considerato; quia ex ipsius consideratione considerans dolet, conteritur, & in contemplationem Domini miserantis confurgit. Per quod non negamus, quod mortificatio appetitus, quæ ex illa consideratione relultat, ne accumulentur peccata, ad vitam activam aliquo modo pertinere illam ipsam considerationem, suadet. Quod emphaticè innuit Sanct. Thom. data auctoritate, dum dixit, quod *magis* pertinet dicta consideratio *ad contemplationem, quam ad practicam*.

22. Argu. 2. Ipsa divina contemplatio spectat ad vitam activam: ergo hæc non est ex æquo distincta à vita contemplativa. Patet ista: Quia si diversæ forent, non posset contemplatio, quæ est vitæ contemplativæ constitutiva, ad vitam activam spectare. Antecedens autem probatur: Contemplatio est actus intellectus practici: ergo attingit ad vitam activam. Conseq. ex dictis nota est. Probatur antecedens. Intellectus dum elicit divinam contemplationem extenditur ad voluntatem, quam inflammatur, & à qua ipsa contemplatio ortum ducit, ut multoties dixit nobis Div. Thom. asserens, quod contemplationis principium, & terminus est voluntas: atqui intellectus extensione fit practicus, ut nemo ignorat: ergo, contemplatio est actus intellectus practici.

23. Confirm. cognitio, quæ est actus intellectus, pertinet formaliter ad vitam contemplativam, & activam: ergo istæ diversæ non sunt. Ant pro prima parte certum est, & pro secunda probatur: Quia actus donorum scientiæ, & consilij cognitionem importat: Sed ista dona pertinent ad vitam activam: ergo.

Respond. argumento, quod actus intellectus practici respicit agibilia: eoque ad vitam activam spectat, cuius est ad agibilia terminari. Contemplatio, quamvis à voluntate oriatur, in ipsamque terminetur, non respicit agibile: sed fruibile: Vnde ad vitam activam pertinere non potest. Nec

ob hoc conceptum practicæ à divina contemplatione prorsus excludimus: est sanè cognitio practica: non quæ agenda respiciat, quod erat necessarium, ut ad activam vitam spectaret: sed quæ satisfactum contemplationis purè Philosophicæ excludat, & id ipsum, quod cognoscit, ad augendum amorem Dei dirigat. Et hoc est, quod habet divina contemplatio, nec aliter divina foret, nec actus habitus Theologici, aut alterius superioris, in quibus practicum, & speculativum adunantur. Per quod patet ad confirmationem: quia cognitio, quæ respicit intelligibilia, est vitæ contemplativæ: illa verò, quæ respicit agibilia, pertinet ad vitam activam.

24. Dices: Quia habitus eliciens contemplationem divinam est simul speculativus, & practicus, propter eam & ipsa divina contemplatio est simul practica, & speculativa: sed potentia eliciens cognitionem intellectivam, scilicet intellectus, est simul speculativa, & practica: ergo omnis cognitio intellectiva utramque rationem adunat. Præmissæ constant, & consequentiam suadere videtur paritas.

Respondetur: potentiam intellectivam actuari, determinarique per habitum in ipsa receptum: atque adeo elicit actum sapientem conditionem habitus determinantis: quo circa, si habitus est speculativus, ut est habitus Philosophicæ, actus speculativus est: si autem habitus sit practicus, ut est habitus medicinar, pariter & actus est practicus. Cæterum si habitus est simul practicus, & speculativus: eodem modo actus est speculativus, & practicus. Sed taliter practicus est huiusmodi actus, quod agibilia non respicit: hæc enim ratio adunari in eodem actu cum ratione speculativi prorsus implicat. Immo & in eodem habitu: adeo enim disjunctæ sunt rationes istæ, sicut & ordo essendi, & operandi: Vnde sicut implicat, quod idem sit formaliter in ordine essendi, & sit immediate operativum: ita implicat, quod idem habitus respiciat ex natura sua intelligibilia.

lia, & agibilia. Quod verò sit practicus praxi non extrahente illum ab ordine contemplativo, nullam repugnantia involuit: eoque possunt inveniri hæ rationes adunatæ in habitu, & actu superioribus. Cuius ratio insinuatæ iam est, videlicet, quod hæc praxis non extrahit actum ab ordine contemplandi veritatem: quinimò mutuo se se foveat, adjuvantque hæ rationes: quia ut alibi ex nostro Seraph. Doct. observamus, estque doctrina D Thom. qua vti multoties fuimus, maior illa cognitio, quæ habetur de Deo in contemplatione, stimulat, ut magis ametur Numen illud, quod contemplatur: & similiter perfectior illa dilectio invitat ad perfectiorem ipsius contemplati Numinis cognitionem. Et quia, quod intellectus veluti ingrediatur limites voluntatis, extendaturque, fat est, ut dicatur practicus: propterea contemplatio, quæ ab intellectu sic, ut ita dicam, extenso oritur, practica, & speculativa est. Unico verbo: si praxis sit illa, quæ respicit agenda, non potest adunari in eodem habitu, quantumvis superiori, cum speculatione. Si verò praxis sit talis conditionis, quod solum fruibilia respiciat: tunc in habitu, & actu superioribus adunantur.

## §. II. Confectaria aliqua colliguntur digna scitu.

25. EX hætenus dictis colliges 1. vitam humanam adæquatè dividi in activam, & contemplativam: ita quod non detur aliud membrum hanc communem rationem dividens. Hoc corollarium ex dictis notum est. Etenim *eadem est divisio intellectus, & vitæ humanæ*, docet Div. Thom. num. 13. adductus: sed intellectus adæquatè dividitur in activum, & contemplativum, ut concors est Doctor. sensus: ergo vita humana adæquatè dividitur in contemplativam, & activam. Hoc ipsum, quod probavimus ex principio vitæ humanæ, roboratur, si finis ipsius vitæ consideretur. Quandoquidem finis vitæ humanæ est duplex, nempe,

veritatis cognitio, & opus exterius; nec assignabilis est alius finis talis vitæ: sed veritatis cognitio constituit vitam contemplativam, & opus exterius vitam activam constituit: ergo vita humana adæquatè dividitur in activam, & contemplativam.

Insuper: Vita humana significatur, ut supra diximus, in duabus illis fororibus Martha, & Maria, per hanc vitam contemplativa; per illam verò activa. Similiter iuxta D. Gregor. & D. Thom. adumbratur etiam in illis alijs fororibus Rachele, & Lia: in Rachele vita contemplativa, & in Lia activa; Idem secundum eundem D. Thom. in 3. dist. 31. q. 2. art. 3. quaestione. 3. Vita contemplativa, quæ Deum magis familiarem habet, significatur per dilectam discipulum Div. Joannem: Vita autem activa, quæ est laboriosior, per Div. Petrum. Ac denique idem Doct. Angel. serm. 3. Domin. infraoct. Epiphani. super illa verba: *Ego & Pater tuus dolentes querebamus te*, inquit: *Quærentes erant Maria, & Joseph per quos duo genera hominum designantur, à quibus queritur Dominus, à contemplativis in contemplatione, & ab activis ab actione. Maria interpretatur illuminata, & significat contemplativos, qui in contemplatione suscipiunt divinas illuminationes. Joseph interpretatur augmentum, & significat activos, qui debent habere augmentum operum misericordiae.* Modò sic: sed si vita contemplativa, & activa non adæquarent divisum, scilicet rationem communem vitæ humanæ, non esset congrua dicta significatio; siquidem daretur alia vita particularis, quæ non adumbraretur in Martha, & Maria; in Lia, & Rachele, & sic de alijs: ergo cum hoc sine iniuria tantorum Pat. non dici nequeat, dicendum est, vitam humanam adæquatè dividi in vitam activam, & contemplativam.

26. Contra statutam veritatem opponens 1. Augustinum lib. 19. de Civit. Dei assignantem tria membra vitæ particularis, quæ dividunt rationem communem vitæ; dividit enim vitam

in otiosam, actuosam, & compositam ex utraque; vitam otiosam nominat contemplativam propter quietem, qua fruitor: actuosam vocat activam propter solitudinem, qua fulget, ultra quas aliam ex utraque compositam dari docet, quæ etiam est doctrina Div. Thom. & nostrorum Salmant. tract. 20. disp. 2. dub. 3. Ergo vita activa, & contemplativa non dividunt adæquatè rationem vitæ humanæ.

27. Confirm. Datur status diversus ab activo, & contemplativo: ergo datur vita diversa ab activa, & contemplativa. Consequentia constat: quia vita est constitutiva illorum statuum: ergo si datur status diversus ab illis duobus, necessum est, quòd detur vita diversa à duobus illis. Antecedens autem probatur: Quia dantur Religionēs purè activæ, & aliæ purè contemplativæ, ultra quas dantur Religionēs mixtæ, illæ, videlicet, quarum vita continet eminentè rationes vitæ purè activæ, & purè contemplativæ, ut docent dicti Salmant. num. 28. sed Religionēs hanc vitam mixtam profitentes sunt distinctæ essentialiter ab alijs Religionibus purè activis, & purè contemplativis: ergo datur status diversus ab activo, & contemplativo.

28. Ad obiectionem respondet Div. Thom. loco citato ex sententiaris art. 1. *Ad 5. dicendum, quòd illud tertium membrum apponitur ab August. non quantum ad diversitatem vitæ, sed magis quantum ad diversitatem viventium. Quidam enim sunt, qui exercitijs activæ insistant principaliter, quamvis etiam quandoque contemplationis actus exequantur. Quidam verò sunt, qui postpositis curis activæ, principaliter contemplationi student. Alij verò, qui circa utrumque insistant. Sunt nihilominus, & quedam operationes, quæ utrumque requirunt, sicut prædicatio, & doctrina, quæ à contemplatione inchoatæ in actionem terminant, sicut à causa in effectum procedentes, & hoc medium in extremis includitur.* Vnde habes, quòd illud tertium membrum ab Augustino assignatum, verè datur;

non tamen est ibi distincta vita, sed distinctum genus viventium: quia nempe aliqui viventes assumunt, ut observent, quæ sunt propria utriusque vitæ, media habentes, quibus finis ille ex utraque vita mixtus, assequantur. Ex quo fatemur, dari diversum illum statum; aut diversam vitam ab illis duobus non fatemur. Ut enim daretur hæc tertia vita, deberent illi viventes vivere per actum, qui simul, & semel foret essentialiter activus, & contemplativus. Quod non evenit, nec talis actus datur propter superius dicta, quod hanc repugnantiam probat à priori. Modò verò illam à posteriori probamus ex eo, quòd si talis vita daretur, tunc status per illam constitutus foret simul simpliciter contemplativus, & simpliciter activus. Quod non dari, nec dabile esse, luculenter probant citati Salmant. num. 29. statucentes illam religionem esse, ac dici mixtam, *quæ primariò, & principaliter respicit contemplationem, non quidem sistendo ibi (quod est unius vitæ contemplativæ) sed ex ipsa contemplatione descendendo ad opera spiritalia vitæ activæ circa proximum, cuiusmodi sunt prædicare, sancta consilia præbere, confessiones audire, morientes in illo agone adjuvare, ministrare Sacramenta, & alia huiusmodi.* Quam verisimam doctrinam mirè complexus est Div. Thom. relatius illis paucissimis verbis: *& hoc medium in extremis includitur.*

Per quod patet ad confirmat. Concedimus enim dari illas religiones, esseque diversas à purè activis, & contemplativis; immò illis simpliciter perfectiores. Cæterum ex hoc non sequitur, quòd detur vita diversa ab activa, & contemplativa; sed quòd illæ religiones utramque vitam activam, & contemplativam profiteantur.

29. Dices: non potest religio esse simul activa, & contemplativa, quin constituatur per formam diversam à pura contemplatione, & pura actione: ergo ruit doctrina data. Probat. antec. Religio constituta est una simpliciter: ergo ab aliqua una forma simpliciter tali

tali. Tunc sic: sed sic est, quod pura contemplatio, & pura actio non sunt vna forma simpliciter, sed plures: ergo non ab illis, sed ab alia entitate indivisibili, illas includente, constituitur.

30. Vrgetur hæc ratio: si religio mixta constitueretur per contemplationem, & actionem; vel esset per utramque ex æquo, & simpliciter; vel per vnam principaliter, & minus principaliter per aliam: neutrum est verum: ergo, nec quod per illas constituitur. Maior certa est, & min. pro prima part. constat ex dictis num. 28. vbi probavimus, implicare, quod vita activa, & contemplativa respiciantur ex æquo ab aliqua religione, aut persona. Quoad secundam partem probatur ipsa min. 1. quia si talis religio est simul contemplativa, & activa: si in esse contemplativæ, v. g. constituitur per contemplationem in recto, illamque principaliter respicit: Cur non eodem modo respiciet sub munere activæ actionem? *Probatur* secundò illa min. Quia si fat est, ut religio sit simul contemplativa, & activa, quod respiciat principaliter contemplationem, & minus principaliter actionem, nulla erit religio, quæ purè contemplativa sit. Probatur hoc: etenim quævis religio purè contemplativa actionem secundariò respicit, iam opera misericordiarum exercendo, iam doctrinā sanctissimā omnibus offerendo, iam per alia opera, quæ vitæ activæ propria sunt. Sacra Carthusianorum familia purè contemplativa est, & nullam familiam sacram propensionem ad sublevandam egenorum inopiam continuis, ipsque largissimis elemosinis, reperies. Ergo quod actio minus principaliter respiciatur, non sufficit, ut religio activa sit.

31. Respondetur prænotando; quod Divina contemplatio potest bifariam, quoad præsens attinet, considerari: 1. quoad entitatem ipsius. 2. quoad ipsius statum perfectum. Primo modo dicit se ipsam, ut soli subiecto, in quo est, sufficientem. Secundò autem modo dicit se ipsam, ut non solum subiecto, in quo est, sufficientem,

sed etiam ut alijs ex redundantia proficuum. Similis est hæc contemplationis divisio ei, quam disp. sequenti num. 36. ex D. Thom. dabimus circa donum sapientiæ, quod est divinæ contemplationis principium. ¶ *Secundò* prænotare debes: religionem mixtam ex contemplatione, & actione, non esse talem, quia respiciat simpliciter utramque, ut dictum est. Nec quia respicit principaliter actionem, & minus principaliter contemplationem. Utrumque nervosè prebant laudati Salmanticenses, quod quia in præsentī supponi debet, à nobis non probatur. Dicitur ergo religio mixta illa, quæ ita respicit simpliciter, & principaliter contemplationem, ut respiciat illam non solum, ut sibi sufficientem: sic enim respicitur contemplatio à religione purè contemplativa; sed taliter contemplationem inspicit, ut sit etiam proficua alijs, & ad hoc habet media idonea, quibus hunc duplicem finem consequatur. Ut cernere est in quatuor Ordinibus mendicantibus: hi enim Ordines sacri habent media conducentia, ut sui professores contemplationem narciscantur talia sunt paupertas, vitæ austeritas, ieiunia, oratio, à secularibus sciunctio, & huiusmodi alia. Ast quia ita principaliter inspicitur contemplationem; quod de absconditis suis proximis opem ferre velint: propterea habent etiam media, quibus hoc faciant. Hæc sunt prædicatio, Sacramentorum administratio, & alia.

32. Vnde benè nota: quod prædicatio, v. g. potest sumi dupliciter: primò absolute. Secundò ut effectus contemplationis. Prædicatio absolute sumpta nullatenus pertinet ad vitam contemplativam: Quo circa status ille, qui prædicationi vacare profiteretur, minime contemplativus foret, sed purè activus: ille verò status; qui insitit prædicationi, ut ortæ ex redundantia divinæ contemplationis, est simul contemplativus, & activus. Est contemplativus, quia respicit principaliter contemplationem; est & activus, quia taliter contemplationem inspicit, quod in

in ea non sistat, sed ex acceptis in contemplatione aquæ ipsius foras derivantur. & in populi vtilitatem deriguntur. Hocque modo quatuor Religiones mendicantes proximorum vtilitati student, actione non absolute sumpta, sed vt ex cōtemplatione derivata. Quo circa harum sacrarum familiarum alumnus, qui toto nixu in aliorum vtilitatem feratur actione, quæ ortum à contemplatione non trahat; sciat se suo munceri nequitiam satisfacere, nec illa opera esse sui status propria; coque subest terribili, vnàque verissimæ comminationi Angel. Præcept. qui loco citato exsentent. q. 1. art. 3. quæstiunc. 3. in fine corp. ait: *Et quia Prælatorum est in vtraque vita perfectos esse, vt potè qui in dijs sunt inter Deum, & plebem, à Deo recipientes per contemplationem, & populo tradentes per actionem: ideo oportet eos in moralibus virtutibus perfectos esse: & similiter Prædicatores, alijs indigne quis Prælationis, vel prædicationis officium assumit.*

33. Vltimò debes prænotare: quòd, vt aliqua religio dicatur mixta, debet, vt dictum est, media propria habere, quibus seriò, & per se incumbat, vt sic possit vtramque illam vitam adunare. De medijs conducentibus ad consecutionem eius, quod principaliter respicit, non est dubium. De ijs verò medijs, quæ tendunt ad consecutionem eius, quod minùs principaliter considerat, præcipuè loquimur. Vnde non sufficiunt quæcumque actiones, vt religio dicatur mixta: aliàs nulla daretur religio, quæ mixta non foret: quandoquidem religio purè actiua habet plura, quæ vitæ contemplatiuæ sunt propria, vt sunt aliqua meditatio, conscientia examen, huiusmodique alia. Et similiter religio purè contemplatiua habet aliqua opera vitæ actiua. Igitur vltra hoc, quòd est illa opera habere, requiritur, quòd seriò, & per se præscribantur, exequanturque, vt media ad talem finem consequendum opportuna. Vnde eodem proportionali modo, quo præscribuntur, & exequuntur media, quæ sunt propria finis

principaliter intenti: sic etiam dicendum est de medijs circa finem minùs principalem. Per quæ faciliè iam solvuntur obiecta.

34. Ad instantiam distinguat: anteced. *per formam diuersam* diuersitate modalis, seu formalitatis, conc. diuersitate entitatis, negetur anteced. Termini patent ex dictis num. 31. Religio enim purè actiua respicit actionem, non vt prouenientem à contemplatione, vt dictum est num. 32. sed absolute. Religio purè contemplatiua respicit contemplationem, non vt alijs proficiam; sed vt sibi sufficientem. Ast religio mixta respicit contemplationem, vt ex ipsius redundantia alijs vberes fructus parantur. Et licet contemplatio primo, & secundo modo sumpta sit eadem entitativè; est tamen modaliter diuersa, quæ diuersitas modalis sat est, vt diuersum statum constituere possit. Ad probationem anteced. concedant. omnes propositiones obiectæ; nulla enim earum datam doctrinam impugnat. Nec nos dicimus, quòd religio mixta sit principaliter contemplatiua, & actiua etiam principaliter: quin potius hoc impossibile esse diximus num. 31. fed dicimus, quòd respicit principaliter contemplationem, & actionem minùs principaliter, ad quod sat est, quòd respiciat contemplationem, vt se ad actionem extendentem: sic enim est à religione purè contemplatiua secernitur, & in esse actiua modo tradito constituitur.

Ad vrgentiam negetur minor pro secunda parte: ad 1. probationem dicas illam religionem non esse æquè principaliter actiuam, & contemplatiuam; sed contemplatiuam principaliter, & minùs principaliter actiuam. Vnde non debet æquè principaliter contemplationem, actionemque respicere, vt dictum est. Ad 2. probationem respond. ex dictis num. 33. Vnde si illa religio taliter actioni incumbat, vt media seriò, & per se exequenda tradat, respiciet per se actionem, quamquam minùs principaliter: vnde non erit pure contemplatiua. Sin minùs quam-

quamvis aliquomodo actioni videatur incumbere, mixta non est. Per quæ solvuntur plura, quæ circa hoc dici possent: quin opus sit ad particularia descendere: qui descensus non infrequenter odiosus esse solet. Doctrina tradita est vera: ex illa sumere unusquisque valet, quod sibi placuerit: & valeat.

35. Contra idem confectarium opponens 2. & est replica contra omnia hucusque dicta: Quia fratres nostri laici, ac donati sunt simpliciter contemplativi, ac simpliciter activi: ergo vivent per formam diversam à contemplatione, & actione: ergo hæc non dividunt adæquatè conceptum vite humanæ. Secunda consequentia constat ex 1. quæ, suppositis modò traditis, deducitur ex antecedenti, quod pro prima parte certum est: quia dicti fratres eandem regulam ac Sacerdotes profitentur, eademque media, ut illam adimpleant, habent: Vnde simpliciter contemplativi sunt. Pro 2. parte probat. idem antecedens, 1. Quia dicti fratres appellantur *vite activæ*: Ergo illam principaliter respiciunt; alias denominarentur ab eo, quod minus principaliter respiciunt, quod est contrarium commune. Probat. 2. Quia magis respiciunt vitam activam, quam Sacerdotes: Isti respiciunt illam minus principaliter: ergo illi illam principaliter respiciunt. Probat. 3. Quia omnia exercitia, quibus dicti fratres incumbunt, activa sunt: quod suadet, ipsos actionem respicere principaliter.

Resp. neg. ant. pro secunda parte: dicti enim fratres ad eundem statum spectant, ac choro deputati: vnde contemplationem respiciunt principaliter, & minus principaliter actionem. Ad 1. probationem dic: tales fratres non dici *vite activæ* absolute: sed relatè ad choro deputatos: quiaque isti, licèt actionem respiciant, est minus quàm illi: propterea relatè ad eos *vite activæ* dicuntur. Nec obest, quòd denominatio debeat provenire à principali: quia hoc verum est in denominationibus absolutis, non autem in illis, quæ

dantur relatè ad aliud extremum eadem vite fructus. Præterquamquòd etiam hæc denominatio non incongruè potest dici, quod proveniat à principali, non quòd ita sit absolute: sed quia cum, ut dictum est, dicti fratres magis, quàm choro deputati respiciant actionem: idè ab eo, quòd magis actionem respiciant, nomen habent.

Vel dic: quod inter opera vite activæ, quibus nostri instituti proficisores insudant, sunt alia nobilissima, ut prædicatio, Sacramentorum administratio, & his similia: quæ spectant ad choro destinatos. Sunt & alia mechanica, & hæc illis fratribus committuntur. Quiaque nomen commune solet applicari speciei minus perfectæ: idè denominationi vite activæ, quæ ex statu est omnibus nobis communis, attribuitur fratribus mechanicis illis actionibus deditis. Per quod patet ad 2. probationem: non enim illi fratres respiciunt magis, quàm alij vitam activam, sed respiciunt opera, quibus ob sui imperfectionem nomen commune vite activæ tribuitur. Præterquamquòd intra hoc, quòd est minus principaliter respicere operationem, datur sua latitudo: Vnde licèt omnes minus principaliter operationem respiciant, potest dari aliquis excessus inter ipsos respicientes.

Ad 3. probat. dicendum: omnia exercitia, quæ spectant ad illos fratres, provt ab alijs discernuntur, activa esse. Exercitia verò quæ illis, & alijs sunt communia, non esse activa, sed contemplativa. Vnde et si illis actionibus, sibi proprijs, dediti sint, non debent omittere, quod & faciunt, quæ sunt contemplationis. Nec illi magis addicti sunt suis mechanicis actionibus, quam prædicatores verbi divini prædicationi, Confessores suo ministerio, Lectores suorum discipulorum instructioni: & tamen isti non exonerantur à vita contemplativa: Cum illas ipsas actiones, ut à contemplatione ortas, exerceant. Quod idem in illis fratribus verum esse debet, si volunt irreprehensibiles in die Domini apparere.

Oppo;

36. Oppones 3. Philosoph. lib. 1. Ethic. cap. 5. dividit vitam in voluptuosam, activam, & contemplativam, & has tres vitas dicit esse maximè excellentes: ergo ultra vitam activam, & contemplativam datur alia vita.

Resp. nos in præsentì loqui de vita humana ordinata, vt supra ex D. Thom. diximus. Vita humana ordinata, si per regulatas actiones consulit necessitatibus vitæ præsentis, est vita activa: si autem dirigatur ad considerationem veritatis, pertinet ad vitam contemplativam. Illa verò vita, quæ deservit concupiscentijs, sub nulla istarum comprehenditur, sed est vita voluptuosa, quæ ab eodem Philosopho inibi dicitur vita bestialis.

37. Secundò colliges ex dictis: Omnem actionem spectare ad vitam activam; sed non omnem cognitionem ad vitam contemplativam attingere. Prima pars huius corollarij inde patet; quòd omnis humana actio est essentialiter vita: ergo vel activa, vel contemplativa. Non secundum: ergo primum. Prima propositio est omninò vera, vt patet ex supradictis. Secunda constat ex primo corollario, in quo non dari vitam aliam præter activam, & contemplativam fuscò ostensum est. Tertia propositio patet: quia omnis actio terminatur ad opus: ergo spectare non potest ad vitam contemplativam, quæ occupatur solummodò in contemplatione veritatis. Ex quibus constat veritas ultimæ propositionis, nempe quod pertineat ad vitam activam. Secunda autem huius corollarij pars constat ex dictis num. 23.

38. Dices: Sicut se habet vita activa ad actionem, sic vita contemplativa ad contemplationem: sed omnis actio est ita propria vitæ activæ, vt non spectet ad contemplativam: ergo pariformiter nulla cognitio pertinet ad vitam activam.

Respondetur esse duplex discrimen inter actionem, & cognitionem. Primum est, quòd nulla datur actio, quæ non sit practica: cum detur cognitio, quæ non sit speculativa.

Vnde potest cognitio practica ad vitam activam attingere: non autem datur actio, quæ ad contemplationem spectet. Secundum discrimen est: quòd actio non dirigit contemplationem, & cognitio dirigit, regularque actionem: quam obrem non est actio, quæ vitæ contemplativæ propria sit; cum detur cognitio, quæ vitæ activæ sit propria. Nec hoc argumentum, quod modo proposito ab aliquibus confectum video, benè formatum esse, deprehendet, qui consideret, illud à contemplatione, quæ est quædam particularis cognitio, ad cognitionem omnem in consequentia procedere. Tunc autem rectè dispositum esset, quando propositio diceret: *Sicut se habet vita activa ad actionem, sic vita contemplativa ad cognitionem*: Tuncque maior est falsa, non solum, quia datur cognitio practica, quæ directè valet operationis exterioris, vt iam diximus: sed etiam, quia non omnis cognitio speculativa est essentialiter contemplatio, vt modò dicemus.

39. Ultimò habes ex iam dictis: non omnem cognitionem speculativam esse essentialiter contemplationem. Quod patet: quia consideratio, speculatio, meditatio, pluresque actus alij intellectus sunt cognitiones speculativæ; & tamen non sunt essentialiter contemplatio: quia earum nulla est simplex veritatis intuitus. Vnde licet dispositivè spectent ad vitam contemplativam; non tamen pertinent constitutivè, & essentialiter. Qua propter plures Mystici meditationem ad vitam activam spectare dicunt, quorum ratio est: quòd meditantès in vita activa occupantur, videlicet in extirpatione vitiorum, & peccatorum consideratione, quæ ad vitam activam aliquatim spectare vidimus ex Div. Thom. num. 21. Et alibi hoc ipsum asseruimus de ipsa meditatione loquentes cum dictis Mysticis, qui propriè abs dubio loquuntur, quia meditantès solliciti sunt, & turbantur erga plurima. Ast quia ipsa sua solitudine *unum*, quod est *necessarium* inquirunt, nempe contemplationem,



nem, vt supra dictavi; ideo est dispositio ad contemplationem. Vt sit, semper nostrum corollarium verum est.

40. Dices: sicut se habet vita activa ad agibilia, sic vita contemplativa ad contemplabilia: sed non est actus circa agibilia, qui ad vitam activam non pertineat: ergo non est actus intellectus circa intelligibilia, qui ad vitam contemplativam non spectet.

Respondet Div. Thom. citatus art. 2. quæstiunc. 3. *Ad 1. ergo dicendum, quod actus vite active non habent ex se ipsis ordinem sicut actus vite contemplative: unde non potest dici, simpliciter loquendo, quod consistat in aliquo illorum principaliter, sed quoad aliquem consistit principaliter in hoc, in quo ille magis excelsatur: sicut quidam magis insistant operibus institutæ: qui-*

*dam verò operibus temperantiæ, & sic de alijs. Vbi, vt vides, ideo asseritur, quod omnis actus circa agibilia pertinet ad vitam activam, quia tales actus non habent ex se ipsis ordinem: Vnde debet unusquisque ex se, & ex natura sua pertinere ad vitam activam; alias nullo modo pertinebit. Actus autem intellectus, seu vite contemplative habent inter se ordinem: quo circa alij pertinent ad vitam contemplativam essentialiter, vt contemplatio: alij verò per ordinem, quem ad ipsam contemplationem dicunt, spectant ad ipsam vitam contemplativam: & hoc est, dispositivè pertinere. Sicque pertinent meditatio, quæ discursus est, iudicium compositivum, simplexque apprehensio, & alij.*

## QVÆSTIO TERTIA.

*Vtrum vita contemplativa dignior sit quam vita activa?*

**P**Lura circa perfectionem divinæ contemplationis absolute sumpta in superioribus dicta sunt, plurimaque in subsequen- tibus aperiemus. Sed quia conferre perfectionem ipsius cum perfectione vite activæ multum conducit ad ipsius contemplationis perfectionem dignoscendam: propterea præsens controversia excitatur.

**§. I. Declaratur quis titulus, & quid tenendum sit aperitur.**

41. **D**Vm contemplationem actioni comparatam audis, non intelligis contemplationem illam perfectam, de qua num. 31. locuti sumus, quæque præcontinet perfectionem vite contemplativæ, & activæ: quandoquidem ex redundanti perfectione ipsius, illa decorus in proximo-

rum utilitatem spariatur. Sed nec intelligas actionem illam, quæ ab hac perfectissima contemplatione oritur: siquidem hæc actio, vt minus ex parte eius, quod in ipsam influit, perfectior est, quàm contemplatio solitariè sumpta, seu non ita perfecta, ac illa, de qua modò loquebamur. Vnde, vt scopus, in quem nostra disputatio dirigitur, detegatur; loquimur de contemplatione, provt constituit vitam purè contemplativam: & similiter de actione, provt vitam activam constituit: sicque exploramus, quæ earum perfectior sit?

42. Perfectio ergo est duplex alia simpliciter talis, & alia secundum quid. Prima est perfectio ex genere: secunda verò ex ijs, quæ naturam supponunt. Pæssim exempla occurrunt huius notissimæ veritatis. Vnde videmus substantiam ipsam, quæ simpliciter perfectior est, quàm accidens, excedi secundum quid ab accidenti. Homo etiam perfectior simpliciter, & ex gene-

nere suo est, quàm corpora cœlestia: hæc autem in ratione corporis homine perfectiora sunt. Eodem modo philosophandum est de perfectione absolute sumpta, ac relatè ad aliquod subiectum considerata: siquidem potest aliquid esse perfectius in se, & absolute; atque adeò simpliciter: non tamen respectu huius subiecti, & in casu: quare Philosoph. lib. 3. Topic. cap. 2. ait, quòd philosophari est melius, quàm ditari, sed ditari melius est necessitatem patienti. Modò ergo non exploramus perfectionem adventitiam, & in casu: sed perfectionem simpliciter, & ex suo genere, seu natura, rei perfectæ convenientem. Sic ergo quæstionis titulo declarato, iam ad propositionem asserti properamus.

43. Sit nostra conclus. *Vita contemplativa est simpliciter perfectior, quàm activa; licet secundum quid, & in casu perfectior sit vita activa, quàm contemplativa.* Duas partes habet conclus. quarum secunda ex dicendis constabit: prima autem est Div. Thom. locis citatis, illamque probat octo rationibus ex Philosoph. lib. 10. Ethicor. cap. 7. & 8. desumptis. Earum prima est: quòd vita contemplativa convenit homini secundum id, quòd in eo est optimum, scilicet, secundum intellectum, & respectu priorum obiectorum, nempe intelligibilem: quod non habet vita activa, quia circa exteriora occupatur. Secunda ratio est: quia vita contemplativa potest esse magis continua, licet non quantum ad summum gradum contemplationis. Tertia: quia maior est delectatio vitæ contemplativæ, quàm activæ. Quarta: quia in vita contemplativa est homo magis sibi sufficiens, quia ad eam indiget paucioribus. Quinta: quia vita contemplativa magis propter se ipsam diligitur, & activa propter aliud. Sexta: quia vita contemplativa consistit in quadam vacatione, & quiete; activa, autem erga plurima occupatur. Septima: quia vita contemplativa est secundum divina; & activa secundum humana. Octava demùm: quia vita

contemplativa est secundum id, quod est proprium homini, nempe secundum intellectum: vita autem activa secundum inferiores vires, quæ sunt nobis, & brutis communes.

44. Ecce octo solidissimæ rationes, quibus ex Aristot. probat Angel. Doct. perfectiorem esse vitam contemplativam. Sed nec illis solummodò assertum probat alias addens: nec illas reliquit præcise in autoritate Aristotelis, sed vnamquamque ex Sacra Scriptura veram esse ostendit, præter tertiam, quam firmat autoritate Augustini. Hic tamen studiosissimus labor non placuit Henrico de Gandavo, qui quod lib. 12. Div. Thom. conclusionem impugnat, ipsum pariter fugillans, quia autoritate Aristotelis visus fuit in re, quam Philosoph. ignoravit, videlicet, futuram vitam; relatè ad quam melior nunc simpliciter est vita activa. Ex idè velut dogma firmissimè inconcussum statuit, quod rationes Aristotelis modicum valent apud catholicum.

45. Circa primum nihil modò dicimus, quia postmodum visuri sumus, quam acris fundamentis; Immodè & improprijssimis, contra statutam veritatem utatur Gandavenis: nunc autem pretium stultitiæ feret, quòd carpat Div. Thom. autoritate Aristotelica utentem. Contra sic ergo carpentem disputo 1. ita: sit, quòd autoritas Aristot. nihil secundum se sumpta valeat in præsentī materia, illam tamen, si inveniat Sacra Scripturæ conformis, Sanctorumque doctrinæ consona, quis apud Catholicum valere, neget? Immodè dicit Aristot. quòd Samaritanæ sui concives dixere: Joan. cap. 4. vers. 42. *Iam non propter tuam loquelam credimus: ipsi enim audivimus, & scimus à Sacra Scriptura, Patribusque vera esse, quæ dicimus: atqui, quæ hic tradit ex Aristotele Div. Thom. sunt Sacra Scripturæ conformia, consonaque Patrum doctrinæ: ergo apud Catholicos valere non est negandum. Cætera constant, & min. patet ex sola lectione textus D. Thomæ quippe*

quippe post vnamquamque rationem Sacram Scripturam, vel Augustinum adducit, vt magis, quod ex Aristotele dixit, fimet.

46. Disputo 2. quòd contemplatio sit, vel non sit perfectior, quàm vita actiua, est res conueniens contemplationi, & actioni, non ex differentia constituyente ipsas intra lineam supernaturalem gratiæ, quæ Philosophum latuit; sed ex prædicatis metaphysicis ipsarum: sed quod conuenit contemplationi, & actioni ex suis prædicatis metaphysicis egregiè novit Aristoteles, cuiusque autoritas circa hoc plurimum vbicunque valet: ergo idem, quod prius. Conseq. est bona, min. certa. Maior autem si ab Henrico negetur, extra Chorum agat. Modò enim licèt loquamur de contemplatione divina, illamque prout sic perfectiorem actione adstruamus: non tamen dicimus, quòd hæc maior perfectio conueniat diuinæ contemplationi solùm ex prædicato illam in esse diuinæ constituyente, sed ex ratione communi contemplationis. Hocque probant rationes allatæ, vt quòd conueniant secundùm intellectum: quòd sit delectabilius: quòd consistat in quadam vacatione: quòd sit propter se appetibilis. Hæ, & aliæ rationes conueniunt contemplationi ex conceptu communi contemplationis, & non solùm ex differentia illam constituyente intra ordinem gratiæ. Quæ quia non destruit, sed perficit naturam, propterea si contemplatio ex natura contemplationis est perfectior, & ad hoc suadendum valent Aristotelis discursus; pariter & ipsa intra ordinem gratiæ collocata perfectior erit, & ad hoc suadendum non sunt inutiles Philosophi discursus.

47. Vltimò, plura prætermittens, disputo: quia ipse Gandavenis se ipsum de Div. Thom. malè intellecto arguit: ait enim: quòd *in ordine ad futuram vitam, quam Philosophus ignoravit, melior simpliciter est vita actiua*. Sit: quòd vita actiua melior sit in ordine ad futuram vitam: quid inde? Eritne ob hoc falsa Div. Thom. reso-

lutio, vt falso asserit? Neutiquam: quia quòd sit perfectior *in ordine ad futuram vitam*, non est, quòd sit simpliciter, & ex natura sua perfectior; sed solùm *in ordine ad futuram vitam*, quæ est maioritas secundùm quid: sicut dari melius est, quàm philosophari, relatè ad subiectum indigens, vt ex eodem Philosopho vidimus num. 42. Infeliciter ergo processit in hac parte Gandavenis: tum quia falsissimum est, quòd relatè *ad futuram vitam* melior sit vita actiua. Tum quia hoc permisso, non inde probatur perfectio simpliciter maior. Quo circa, qui asserit, vitam actiuam esse simpliciter meliorem in ordine ad futuram vitam, vel terminos maioritatis simpliciter talis ignorare videtur. Manceat ergo Div. Thom. angelicè processisse; discursibusque, qui apud catholicos valent, suam positionem probasse. Illisque nos eandem assercionem probaram relinquimus: quamquàm vnam, vel alteram ex illis rationibus fusius discussam postmodò afferemus. Nunc verò

48. Probat. 2. conclus. ratione Sacra Scripturæ innixa, & vnanimi Sanctorum Patrum consensu: illa vtitur Div. Thom. in argumento, *sed contra*, reduciturque ad hanc formam: Vita contemplatiua est illa, quam Maria Magdalena elegit sedens secus pedes Domini, & audiens verbum illius: & vita actiua est, in qua soror ipsius Martha occupabatur: sed vita, quam Maria elegit, fuit simpliciter melior, quàm vita, in qua Martha occupabatur: ergo vita contemplatiua simpliciter melior est, quàm actiua. Conseq. est innegabilis: Maior autem continet sensum Sanctorum Patrũ, & Mystarum omnium illam docentium. Minor autem est expressa autoritas Christi Domini Luc. 10. dicentis: *Maria optimam partem elegit, quæ non auferetur ab ea*. Vbi & maiorem perfectionem vitæ contemplatiuæ docet: & rationem huius excessus tradit, dum perpetuitatem vitæ contemplatiuæ supra actiuam commendat, dicens:

148. SECUND. PRÆDICAB. DE NAT. MYSTICE PERFECTIVA

*Quæ non auferetur ab ea.* Verum de hoc est specialis controversia infra à nobis dicenda. Modò verò sat nobis est, nostram resolutionem esse oraculo Christi Domini traditam.

49. Probat. 3. conclus. ratione, quæ comprehendit plures rationes ex octo assignatis, maximè primam, septimam, & octavam : eaque videtur Div. Thom. loco citato ex sentent. art. 2. quæstionum. 3. reduciturque ad hanc formam. Contemplatio est actus potentia simpliciter perfectioris, quam potentia, à qua elicitur actio : ergo contemplatio est simpliciter perfectior actione. Patet consequ. Quia actus potentia simpliciter perfectioris non potest non esse perfectior : tum quia actus habet efficienter suum esse à potentia : tum, quia hæc speciem sortitur ab actu. Vnde cum perfectus specificatum requirit specificatum perfectius ; manifestè contradictionem involvit, quòd potentia sit perfectior, & non actus. Anteced. autem probat. quia contemplatio est actus intellectus, qui perfectior est inter omnes animæ potentias, ut modo supponi debet : ergo est actus potentia perfectioris.

50. Confirm. 1. Quia contemplatio est actus habitus simpliciter inter omnes nobilissimi : ergo est actus simpliciter dignior actione. Consequent. constat ex dictis num. præced. & anteced. probat. Contemplatio elicitur ab habitu sapientia : sed iste est inter omnes habitus nobilissimus : ergo tenet antecedens. Vnde si contemplatio sit mere gentilitica, siue christiana acquisita, siue infusa, semper est actus habitus sapientia, vel quæ est virtus intellectualis, vel quæ est Sacra Theologia, aut donum Spiritus Sancti.

51. Confirm. 2. Contemplatio est actus circa obiectum simpliciter dignius : ergo est actus simpliciter perfectior. Constat consequ. ex eo, quòd actus suam perfectionem ab obiecto habet : eoque actus obiectum simpliciter perfectius attingens, debet esse simpliciter perfectior. Ant. probat. Quia

obiectum contemplationis est Deus. Vnde, ait laudatus Div. Thom. *Etiam Philosophi ultimum tempus vite suæ reservabant, ut dicitur, ad contemplandum divina, præcedens tempus in alijs scientijs expendentes, ut ex illis habiliiores fierent ad considerandum divina.* Quo respexit Div. Gregor. dicens lib. 6. moral. cap. 28. *Quod in contemplatione principium, quod est Deus, quæritur*

52. Contra omnia dicta, & 1. Contra rationem factam, obijces : Quod est probabilissima opinio, adhuc in sententia Div. Thom. quòd voluntas est potentia simpliciter perfectior, quam intellectus : ergo non est adeò certum, contemplationem esse simpliciter perfectiorem actione ; vel ut minùs ex ratione facta hoc non habetur : nec debuit res adeò certa incertæ rei alligari. Anteced. in quo poterat esse difficultas, probatur : tum quia ferè omnes Scotistæ, & plures alij Doctores ab illa sententia sunt. Tum quia Sac. Theol. q. 22 de ver. art. 11. Perspicuè docet, quòd intellectus, relatè ad res sensibiles est voluntate perfectior : sicut intelligere lapidem perfectius est, quàm velle lapidem. Relatè verò ad res divinas, quæ sunt anima superiores, perfectior est voluntas, quàm intellectus : quia perfectius esse habent in se ipsis, quo modo à voluntate amantur, quàm in intellectu, quo modo ab illo cognoscuntur. Modo sic : sed contemplationis obiectum est Deus, ut dicitur in secunda confirmatione : ergo vel contemplatio non est actus intellectus ; vel facta ratio non tenet.

Contra 1. confirmat. obijcies : quòd charitas est habitus perfectior omnibus habitibus, qui in hac vita possunt in intellectu subiectari : ergo si contemplatio non elicitur à charitate, non est actus habitus nobilissimi. Contra 2. confirmationem facit, quòd Deus ipse, & perfectiori modo actum, ut dictum est, est obiectum voluntatis : ergo contemplatio non est actus circa obiectum simpliciter dignius.

Dictorum veritate supposita, fur.

furgit immediatior obiectio: etenim actio est à voluntate, vt à potentia, & à charitate, vt ab habitu, ex quibus habet, quod habeat obiectum perfectius, quam quilibet actus intellectus: sed voluntas, & charitas sunt perfectiores simpliciter, quam intellectus, & omnes eius habitus, etiam si sit donum Spiritus Sancti: ergo actio perfectior est contemplatione. Cetera constant, & maior probatur: Quia opera vitæ activæ sunt opera charitatis: sicque absolute dicuntur; quod esse non potest, nisi quia procedunt à charitate: atque adeo à voluntate: ergo tenet maior.

Multum pulverem concitarent factæ obiectiones, si omnia, quæ hic inde dici possent proferremus; quod minime necessarium iudicamus. Vnde ad omnia obiecta simul responderetur cum Div. Thom. citato sic dicente: *Ad 11. dicendum, quod à contemplatione voluntas non excluditur: vnde Gregor. dicit super Exod. quod vita contemplativa est Deum, & proximum diligere: vnde eminentia vitæ contemplativæ ad activam non præiudicat.* Quibus adde, quæ ipse Doct. Sanct. docet citata 2. 2. q. 182. art. 2. in corpor. ubi ait, quod *vita contemplativa directè, & immediatè pertinet ad dilectionem Dei. Dicit enim August. 19. de Civit. Dei, quod otium sanctum, scilicet contemplativæ vitæ, querit charitas veritatis, scilicet divinæ, cui potissimè vita contemplativa insit, sicut dictum est. Vita autem activa directius ordinatur ad dilectionem proximi, quia satagit circa frequens ministerium.* Rogo nunc: quando charitas est perfectior, cum directè, & immediatè tendit in Deum; aut cum directius ad proximum ordinatur? Cæcus es, si asseras hoc secundum. Igitur charitas invenitur in vita contemplativa, & activa: sed in activa vt respicit proximum; in contemplativa autem, vt respicit Deum: quo circa perfectior est charitas, prout invenitur in vita contemplativa, quam prout in activa reperitur.

Hinc ergo ad 1. obiectionem respondetur: quod siue voluntas sit

perfectior intellectus, siue intellectus voluntate, semper contemplatio est actus potentie nobilissimæ; quia voluntatis, & intellectus actus est. Tum quia à contemplatione voluntas non excluditur. Tum quia *otium sanctum, scilicet, contemplativæ vitæ, querit charitas veritatis.* Nec verum est, quod res certa probetur per incertum; quia in omnium sententia intellectus, & voluntas sunt potentie omnes alias superantes. Per quod patet ad ea, quæ contra utramque confirmationem obijciebantur. *Ad ultimam dicas, quod in vita contemplativa, & activa invenitur charitas; sed charitas vitæ activæ directius ordinatur ad dilectionem proximi: Charitas autem vitæ contemplativæ directè, & immediatè pertinet ad dilectionem Dei.* Vnde perfectior est charitas vitæ contemplativæ: atque adeo & ipsa vita contemplativa perfectior est.

Hæc diximus, vt factas obiectiones solveremus, nos præcidentes à controversia illa acerrimè disputata circa maiorem perfectionem intellectus supra voluntatem; aut voluntatis supra intellectum: in qua semper cum Thomistica Schola sentimus. Nec eius Princeps Div. Thom. contrarium docuit loco citato: quin potius ibi asserit, quod si intellectus comparetur voluntati sine respectu ad hoc, vel illud obiectum, sed absolute, & in universalis tunc intellectus perfectior est. Et hæc consideratio potior est inter omnes alias; siquidem considerat has potentias secundum ea, quæ ipsis iuxta suam naturam conveniunt: hincque excessus simpliciter earum venandus est. Non autem ex eo, quod in ordine ad hoc, vel illud obiectum evenire potest. Accedit id, quod ipse Doct. Sanct. docet 1. part. q. 82. art. 3. ad 2. *Intellectus est prior voluntate sicut motum mobile, & activum passivo: bonum enim intellectum movet voluntatem.* Quibus immediatè præmiserat: *Illud, quod est prius simpliciter, & secundum naturam ordinem, est perfectius: sic enim actus est prior potentia. Et hoc modo intel-*  
lectus

*lectus est prior, &c.* Hæc etiam consideratio attendit ipsam harum potentiarum naturam, & iuxta illam voluntas cedit in perfectione intellectui, ad quod est sanè efficacissima ratio proposita à Div. Thom. sic illam reproducimus: *Illud, quod est prius simpliciter, & secundum naturæ ordinem est perfectius*: Sed hoc modo intellectus est prior voluntate sicut motivum mobili, & activum passivo, bonum enim intellectum movet voluntatem: ergo intellectus est simpliciter perfectior.

53. Nec obest, quòd loco citato de verit. dicat sanct. quòd per ordinem ad divina voluntas perfectior sit. Nam præterquamquòd illa ratio procedere non potest de intellectu comprehensoris: vnius entis non est, nisi vnica natura: vnde si, illa attenda, est perfectius simpliciter, non poterit esse simpliciter imperfectius secundum eandem considerationem: aliàs foret, & non foret relatè ad idem, & secundum idem perfectius, quod involuit contradictionem. Vnde illa maior perfectio, quam voluntati concedit, non est attendenda harum potentiarum natura, penès quam perfectio simpliciter attenditur; sed sub alia consideratione, secundum quam non attenditur excessus simpliciter talis. Et adhuc sub illa consideratione debet esse verum, propter dicta, quòd actus intellectus, sub consideratione actus intellectivi, dignior est actu voluntatis, sub eadem præcisione sumpto. Videantur nostri Comment. tomo de anima, quæst. vltima ad vltimum argum. Quæ addere placuit, ut tacita quadam obiectio, quæ circa dicta fieri poterat, solveretur. Videlicet, quòd licèt dicta vera essent de contemplatione divina: non tamen applicari possunt contemplationi mere philosophicæ, quæ nullum commercium cum voluntate, nec cum charitate habet. Vnde contra illam reproduci poterant omnia obiecta. Sed ex dictis obiectio hæc dissipatur, manet que semper verum, quòd contemplatio, quæcumque illa sit, est actus potentie inter omnes animæ potentias

simpliciter perfectioris, quod philosophicæ illius contemplationis insignis professor docuit, ut testatur D. Thom. loco citato ex 1. p. in arg. *sed contra* vbi ait: *sed contra est, quòd Philosoph. in 10. Ethicor. ponit altissimam potentiam animæ esse intellectum.*

54. Vltimò probat. Conclusio alia ratione ex Div. Thom. deprompta: finis est simpliciter perfectior, quam ea, quæ sunt ad finem: sed vita contemplativa est finis vitæ activæ: ergo vita contemplativa perfectior simpliciter est. Min. est Div. Thom. loco citato ex sentent. q. 1. art. 4. quæsiunc. 1. vbi ait: *Aliquid enim dicitur bonum, quod propter se ipsum est desiderandum, & sic vita contemplativa simpliciter melior est activæ, in quantum magis assimilatur illi vitæ, ad quam per activam, & contemplativam nitimur pervenire: vnde & contemplativa est finis activæ, & fini vltimo vicinior.* Et D. Gregor. homil. 3. in Ezech. idem docet his verbis: *Activa vita prior est tempore, quam contemplativa: quia ex bono opere tenditur ad contemplationem.* Maior autem est omnino certis; eaque usus est Sanct. Thom. 2. 2. q. 124. art. 3. ut probaret, fortitudinem esse minus perfectam fide, & charitate; *Quia, inquit, tolerare mortem non est laudabile secundum se, sed solum secundum quod ordinatur ad aliquod bonum, quod consistit in actu virtutis, puta ad fidem; vel ad dilectionem Dei.* Vnde ille actus virtutis, cum sit finis, melior est. Vnde cum vita contemplativa sit finis activæ vitæ, est simpliciter illa perfectior.

55. Hæc ratio, quæ se sola intentum nostrum suadet, habet contra se plura, quibus labefactari videtur. Omnia dissimulare non possum. Igitur ad diruendum fundamentum, cui innititur ratio facta, objicies 1. Actus intellectus practici est simpliciter perfectior, quam operatio voluntatis ad quæ movet: sed hæc operatio voluntatis est finis illius actus intellectus: ergo non est verum, quòd finis sit simpliciter perfectior, quam ea, quæ sunt ad finem. Ergo ex quo vita contemplativa sit  
illius

finis vitæ activæ, non inferitur excessus illius supra istam. Secunda consequentia constat ex prima, quam præmissæ inferunt, quarum min. est certa: quia sicut finis intellectus speculativi est veritas; ita finis intellectus practici est opus ex 2. metaph. cap. 2. maior autem constat ex dictis num. 52. & 53. ubi de excessu intellectus, & eius actibus supra voluntatem, & actus suos disputavimus.

56. Confirm. 1. Nam gratia sanctificans ordinatur, tanquam ad finem ad visionem beatificam: sed visio beatifica est minus perfecta quam gratia sanctificans: ergo idem quod prius. Visionem beatificam esse minus perfectam, quam gratia sanctificans est adeo certum, vt probari non debeat: sicut nec quod gratia sanctificans ordinetur ad beatificam visionem. Confirm. 2. Prudentia est simpliciter perfectior, quam virtutes morales, vt docet Div. Thom. 1. 2. q. 66. art. 1. & 3. & tamen prudentia ordinatur, tanquam ad finem ad dirigendum actus moralium virtutum: ergo.

57. Confirm. tandem: quia potentia operativa ordinatur ad suam operationem: sed potentia operativa est perfectior, quam operatio: ergo perfectior ordinatur ad minus perfectum. Cætera constant, & min. patet in potentia intellectiva, quæ adæquatè sumpta est perfectior, quam quælibet particularis intellectio, ad quam ipsa potentia, vt dictum est, ordinatur.

58. Ad obiectionem, vt respond. scias 1. rationem practici non convenire intellectui secundum se considerato: eo quod praxis non est per se primò actus intellectus, sed *actus alterius potentie ab intellectu*: Vnde intellectus, non secundum se, sed *extensione fit practicus*, vt tenet paræmia communis ex Aristot. 3. de anim. cap. 10. desumpta. Intellectus ergo fit practicus per coniunctionem ad voluntatem, à qua habet, quod practicus sit. Quod, vt penetres, memento, &

59. Scias 2. ex Div. Thom. 1. 2. q. 31. art. 1. & alibi. Intellectum, &

voluntatem, & utriusque actus, se invicem causare. Ex quo habetur, quod virtus, & perfectio unus in alio remaneat. Vnde in actibus voluntatis relinquit intellectus ordinem, & directionem, & similiter voluntas ponit in actibus intellectus efficaciam, & motionem, vt videre est in actu imperij. Quare harum potentiarum actus habent aliquid sibi ab illis participatum; atque adeo in actibus intellectus invenitur id, quod est de linea voluntatis, & contra.

60. Scias 3. quod quia intellectus secundum se sumptus est perfectior voluntate; propterea illud, quod in actu voluntatis relinquitur ab intellectu; nempe rationis ordo, est simpliciter perfectius ipso actu voluntatis considerato secundum ea, quæ habet ex se. Similiterque ea, quæ voluntas relinquit in actu intellectus, sunt minus perfecta, quam intellectus ipse, eo quod voluntas, quæ est causa, à qua intellectus illa participat, non æquat perfectionem intellectus, si hic sumatur secundum se & ex proprijs. His ergo prælibatis ad obiectionem, quam affert Caietan. 1. 2. q. 3. art. 5. ex ipso Caietano

61. Respond. distinguendo mai. *Simpliciter perfectior si sumatur, vt est actus intellectus, hoc est, secundum ea, quæ intellectus ex proprijs dicit, conc.* Si sumatur, quatenus practicus est, neg. mai. Deinde disting. minor: *illius actus intellectus*, vt practici, conced. vt actus intellectus, neg. min. & sic resolvatur tota obiection. Etenim intellectus, eiusque actus, possunt considerari, vel secundum ea, quæ ex se habent vel secundum quod subsunt voluntati. Primo modo est simpliciter perfectior intellectus voluntate; vnde ad illam prout sic non ordinatur. Secundo modo practicus est, & sic ad voluntatem ordinatur, & consequenter perfectior illa non est. Quod nec communi Thomistarum sententiæ de maiori perfectione intellectus præiudicat; nec discussi à nobis factio contradicit. Vnde utrumque inconcussum remanet, si præ oculis habeatur hæc distinctio, cuius sum.

fundamentū cōstat ex num. 58. Subest autē intellectus, prout practicus, voluntati; quia prout sic exprimit intellectus, non ea, quæ ipsi sunt propria; sed id, quod à voluntate participatum habet, quod quia est de linea voluntatis, ut constat ex num. 59. propterea non est intellectus, prout hoc exprimit, ipsa voluntate perfectior. Immo minus perfectus est non ipsa voluntate absolute accepta, sed ipsa prout est finis ipsius practici intellectus. Ratioque ea est, quam dedimus num. 60. Videlicet, quod sicut intellectus, ut practicus, dicit id, quod in eo relinquit voluntas, quod quidem, quia de linea voluntatis, est minus perfectum, quam intellectus secundum se: Ita similiter voluntas, ut est finis practici intellectus, dicit id, quod in voluntate relinquit intellectus: & hoc, quia de linea intellectiva perfectius est, quam ipsa voluntas. Vnde intellectus, ut depreffus per id, quod habet à voluntate, ordinatur ad voluntatem, ut elevatam per id, quod habet ab intellectu. Quāobrem nunquā sequitur, aut quod intellectus sit inferior voluntate; aut quod magis, vel æquē perfectum respiciat ut finem minus, vel æquē perfectum.

62. Per quod patet ad 2. confirmationem, quia prudentia pertinet ad intellectum practicum: nec aliter nisi ut reduplicativē practica respicit morales virtutes, ad quas ordinatur, quæque sunt fines relatē ad prudentiam, non absolute, ac secundum se sumptæ, sed ut participant rationis ordinem, qui ordo perfectior est, quam praxis, quæ in prudentia reperitur, ut constat ex modo dictis. Ad 1. confirm. negamus, quod gratia sanctificans ordinatur per se ipsam ad visionem beatificam. Gratia enim sanctificans est naturalis in ordine supernaturali; atque adeo non ordinatur ad operationem, sicut nec substantia creata. Et ratio est, quia ordinari ad operationem est proprium rei, quæ est immediate operativa: quod nec substantiæ in ordine naturali, nec in supernaturali gratiæ

sanctificanti convenire potest, ut modo supponendum est. Vnde sicut substantia creata non respicit per se ipsam operationem, sed medijs suis potentijs proximis: sic etiam gratia sanctificans respicit visionem beatam medijs suis habitibus infusis, qui sunt eius facultates proximē operativæ.

63. Ad ultimam confirmationem dicas: intellectiōnem perfectiorem esse intellectu; quia licet intellectus excedat intellectiōnem in extensione, & permanentia; superatur tamen ab illa in actualitate. Inter quos excessus primus maioris extensionis, & permanentiæ, est secundum quid; secundus autem est simpliciter talis. Quæ doctrina desumitur ex Div. Thom. 1. 2. q. 71. art. 3. ad 1. ubi ait: *Nihil prohibet aliquid esse simpliciter altero potius; quod tamen secundum quid ab eo deficit. Simpliciter autem potius iudicatur; quod præminet, quantum ad id, quod per se consideratur in vitroque; secundum quid autem, quod præminet secundum id, quod per accidens se habet ad utrumque. Oñsensum est autem ex ipsa ratione actus, & habitus, quod actus est potior in bonitate, & malitia; quam habitus: quod autem habitus sit diuturnior, quam actus, accidit eo, quod utrumque invenitur in tali natura, quæ non potest semper agere, & cuius actio est in motu transeunte. Vnde simpliciter actus est potior tam in bonitate, quam in malitia: sed habitus est potior secundum quid.* Quod ergo hic docet Angel. Doct. de actu relatē ad habitum, intelligitur etiam de actu respectu potentia. Tum quia ratio id suadet: tum quia idem Doct. Sanct. sic docet 1. p. q. 25. art. 1. ad 2. dicens: *Quandocumque actus est aliud à potentia, oportet, quod actus sit nobilior potentia.* Et q. 5. de potent. art. 5. ait: *Operatio manens in operante est finis operantis, & per consequens excellentior quam forma operantis.*





§. II. *Solvuntur argumenta.*

64. **C**ontra nostram conclusionem sentit Henricus de Gandavo supra adductus, qui conatur ostendere, vitam activam esse simpliciter perfectiorem, quam contemplativa, quod ut astruat, arguit sic primò. Illud est simpliciter melius, quod est magis meritorium; vita activa est magis meritoria homini virtutibus prædito, ad regendum apto, & coacto ad hoc: ergo vita activa est simpliciter melior. Minor patet, quia ille tenetur præferre actionem ut quid, etiam sibi, melius, contemplationi. Mai. autem probatur: ea vita est simpliciter perfectior, in qua principaliter invenitur id, quod est principale in utraque: sed meritum, quod est in utraque vita principale principaliter invenitur in vita activa, quam in contemplativa: ergo hac illa perfectior simpliciter est.

65. Confirmatur: Vita activa est melior hominibus bene dispositis: ergo est simpliciter melior. Patet ista: quia illud est simpliciter melius, quod est melius hominibus bene dispositis, iuxta Philosoph. in 1. polit. Probatur antecedens: quia vita activa est melior hominibus virtutibus præditis, aptis ad agendum, ad hocque coactis: ergo est melior hominibus bene dispositis.

66. Confirm. 2. Opera vitæ activæ sunt propria status excedentis in perfectione vitam contemplativam: ergo vita activa perfectior est. Consequentia inferitur: quia opera perfectiora arguunt statum, cuius propria sunt, perfectiorem esse. Anteced. autem probatur: Opera vitæ activæ sunt propria status Prælatorum: sed hic Prælatorum status est perfectior simpliciter, quam vita contemplativa: ergo.

67. Hec, & non alia Henricus, quæ certè subtrahere debuit ut potè inania, contra assertum, quod impugnat. Ad t. ergo respond. Quod hic non comparamus vitam contemplativam activæ secundum ea, quæ ipsis accidentalia sunt; sed secundum boni-

tatem substantialem, ac propriam utriusque. Ratio meriti proliis accidentalis est: quia hæc pendet a charitate: unde id, quod maiori charitate factum fuerit, erit utique magis meritorium: hinc tamen non habetur, quæ ex dictis vitis perfectior sit propter dicta: cuius signum est, quod opus abs dubio perfectius est minus meritorium, si cum minori charitate fiat, quam opus ex suo genere minus perfectum, si fiat cum maiori charitate. Iustitia perfectior est temperantia, & tamen actus temperantiæ cum maiori charitate magis meritorium est, quam actus iustitiæ factus cum charitate minori. Unde sicut in his duobus actibus alia est ratio meriti, quæ provenit à charitate, & alia bonitas substantialis utriusque: similiter alia est ratio meriti inventa ex charitate in vita activa, & contemplativa, & alia bonitas substantialis earum. Modò disputamus de hac substantiali bonitate: postea agemus de ratione meriti; quia prius agendum est de proprijs, & substantialibus, quam de extraneis, & accidentalibus. Quod & fecit Div. Thom. in præsent. Unde arguere ex bonitate substantiali ad accidentalem vitium intolerabile est. Habet & aliud vitium intolerabilius ipsum argumentum: ex eo enim quod vita activa sit melior huic, inferret, quod absolute sit melior; quod est idem ac si ex hoc, quod manere in sæculo sit melius huic, inferatur, quod manere in sæculo sit absolute melius, quam religiosum esse. Quare in forma responderetur facto argumento disting. mai. Et si cætera sint paria, hoc est, si adsit eadem charitas, concedatur: si cætera non sunt paria, hoc est, si charitas est maior in vno extremo, quam in alio, negetur mai. quia tunc ex maiori merito solum arguitur excessus accidentalis, non substantialis, de quo disputamus modò. Deinde omissa minor. negetur absolute consequ. Quia ex quo vita activa sit melior huic, male inferretur, quod absolute, & omnibus melior sit. Ad probat. mai. constat ex dictis, meriti rationem non attendi in comparatione;

quam modo facimus : sed solum ratio bonitatis substantialis vtriusque vitæ.

Prima confirmatio eodem vitio laborat : quare omisso antecedenti, negetur consequentia ; nec autoritas Philosophi favet arguenti, quia Aristotel. vt Caietanus docet, non loquitur de benè dispositis ad hoc, vel illud particulare, vt est aliorum regimen ; sed de benè dispositis *secundum conditiones naturales, quæ ad speciem corporis, vel animæ spectant simpliciter*. Vnde volens illa autoritate suadere, quod conveniens benè dispositis ad aliquod particulare, & in particulari casu coactionis, perfectius absolutè sit violentiam infert textui, & malè arguit : quandoquidem, vt hic docet citatus Caietanus, processus iste *implicat in adiecto : quoniam assumit subiectum secundum quid conditionatum, & prædicatum ponit simpliciter*.

Secunda confirmatio expers ab illo, vel ab alio vitio est : sed quam etiam debuit arguens prætermittere, quia est primum argumentum, quod in hoc articulo facit in suam assertionem Div. Thom. illudque evidenter solvit in hunc modum. *Ad 1. ergo dicendum, quodd ad Prælatos non solum pertinet vita activa, sed etiam debent esse excellentes in vita contemplativa. Vnde Gregor. dicit in pastorali : Sit Rector in actione præcipuus, præ cunctis in contemplatione suspensus*. Si hoc Henricus videt, vt quid nobis hoc argumentum, veluti à se inventum, ab alijsque indissolubile, opponit ? Verùm ex dictis num. 31. quorum meminimus nu. 41. sic in forma respondetur. disting. anteced. *Vitæ activæ* vt contrapositæ vitæ contemplativæ, neget. anteced. *Vitæ activæ* provenientis ex redundantia contemplationis, subdistinguo : *Sunt propria, &c. Vitam contemplativam*, purè sumptam, conced. *Vitam contemplativam*, ex cuius redundantia habentur opera vitæ activæ, neg anteced. Ad cuius probationem dicas : statum Prælatorum vtramque vitam comprehendere : vnde illius status propria sunt & opera vitæ activæ, &

opera vitæ contemplativæ : atque adeò ex hoc argumento nihil habetur contrarios.

68. Arg. 2. Vita activa imperat vitæ contemplativæ : ergo perfectior est illa. Patet ista, quia in omnibus artibus, & potentijs imperans est nobilius imperato. Antec. autem probatur 1. Quia politica, quæ ad vitam activam spectat, imperat omnibus disciplinis, & disponit de pertinentibus ad vitam contemplativam, ex Philosoph. in 1. Ethicor. cap. 2. Ergo tenet antecedens. Quod probat. 2. ex illo Exodi cap. 19. Vbi dictum est Moysi : *Descende, & constetare populum, ne forte velit transgredere propósitos terminos ad videndum Deum* : Ergo idem, quod prius.

69. Confirm. 1. Quia Tullius lib. 1. de Officijs probat præminentiā iustitiæ relatè ad alias virtutes, quia propter exercitium iustitiæ actus aliarum virtutum interimuntur : sed multi revocantur à contemplatione, vt exerceant opera vitæ activæ : ergo hæc est illa perfectior. Cætera constant, & minor probat. tum ex dictis num. præcedenti de Moysè, qui revocatus fuit ab otio altissimi contemplationis, vt intenderet vitæ activæ. Tum etiam quia frequenter videmus viros spirituales contemplationem deferentes, vt misericordiæ operibus applicentur. Tum denique : quia videmus, viros spirituales à quiete contemplationis avulsos, & curam, directionemque ovium suscipientes : in quo munere vitam activam exercere non est dubium : ergo multi à contemplatione revocantur, vt opera vitæ activæ exerceant.

70. Confirm. 2. Bonum multitudinis divinius est, quam bonum vnius : Sed vita contemplativa est bonum vnius hominis, & vita activa est bonum multorum, qui ab vno vitæ activæ operibus dedito, pascuntur : ergo vita activa perfectior est.

71. Resp. arg. neg. ant. ad 1. probationem. dicas ipsum Philosoph. in 6. Ethicor. cap. 18. Enodasse nodum ab ipso

ipso factum, dicens: quod politica non præcipit sapientia, nec alijs, quæ ad vitam contemplativam attinent, *sed imperat quædam propter ipsam, sicut etiam imperat quædam, propter Deum, cui præcipit sic, vel sic cultum exhiberi*, ait Div. Thom. loco citato ex sentent. ad 3. Vnde sicut ex Philosophi authoritate non inferitur, quod politica exerceat sua præcepta erga Deum; sic nec erga vitam contemplativam. Disponit tamen ad vitam contemplativam, quatenus præcipit quædam opera vitæ activæ ad vitam contemplativam spectantia, in quo vitæ contemplativæ potius famulatur, quam dominetur. Et hoc est, quod Aristot. intendit loco citato ex 1. Ethicorum. Per quod patet ad secundam probationem antecedentis, ampliùsque constabit ex dicendis.

72. Ad 1. confirm. respondet. Quod vita activa aliquando deferitur ob maiorem utilitatem; non autem propter maiorem dignitatem: nec ex hoc, quod vita activa utilior sit, inferri debet, quod sit dignior, nisi ad summum secundum quid, ut dictum est. Præterquam, quod si de operibus vitæ activæ, quæ ex ipsa contemplatione ortum habent, sermo sit; tunc non deferitur vita contemplativa per exercitium vitæ activæ: quandoquidem in ipsis operibus, vitæ activæ contemplativa resplendet. Sed his haud egemus, ut nostrum assertum defendamus. Vnde dicimus, quod facta collatione inter vi tam activam purè sumptam, & vitam contemplativam eodem modo consideratam: ex hoc, quod contemplativa deferatur propter activam, habetur quidem huius maior utilitas, non tamen dignitas maior. Hincque patet ad probationem illius min. ad 1. quidem & 2. dicimus: quod ex maiori utilitate vitæ activæ provenit, quod propter illam contemplativa aliquando deferatur.

Ad 3. probation. dicendum: quod illi qui ad pascendas animas supra candelabrum, ut luceant omnibus, qui in domo sunt, constituuntur, à vita contemplativa neutriquam revocantur;

sed assumuntur ad statum, cuius vitæ illa vita propria est. Vnde illorum vita, ut iam diximus, perfectior est, quam vita contemplativa solitaria sumpta. Quam doctrinam subtiliter invenit Caietanus in verbis illis, quibus Christus Dominus dilectam Magdalenam à Marthæ sororis suæ querela defendit dicens Luc. 10. *Optimam partem elegit sibi Maria. Quorum verborum sensum aperit Caietan. 2. 2. quæst. 182. art. 1. hisce verbis: Opus mixtum, quod est proprium Prælati, scilicet, contemplari, & agere, perfectius est, quam opus contemplativum, & quam opus activum. Vnde & Dominus non dixit de Maria, quod optimum sibi elegit, sed quod eligit sibi optimam partem. Melior est enim pars contemplativa, quam activa: utraque parte tamen melius est ipsum totum, quod proprium est statui Prælatorum.*

73. Ad 2. confirm. resp. quod vita contemplativa non solum est bonum unius; sed etiam est bonum multitudinis, quatenus multitudo ad vacandum contemplationi dirigitur. Verum quidem est, quod multitudo non dirigitur ad contemplationem nisi per exercitium vitæ activæ: hinc tamen ad summum haberi potest maior utilitas vitæ activæ: non autem maior perfectio, ut dictum est.

74. Arg. ultim. Religio militaris, quæ utique activa est, est perfectior, quam Religio contemplativa: ergo vita contemplativa minus perfecta est, quam activa. Patet ista: quia vita propria status magis perfecti perfectior esse debet; est enim illius status, cuius propria est, constitutiva: vnde implicat, quod status sit perfectior, & vita minus perfecta sit. Anteced. autem probatur: Illa Religio perfectior est, quæ perfectius ordinatur ad charitatem, quæ omnium religionum finis est: sed militaris perfectius ordinatur ad charitatem: ergo. Probat. min. Religio militaris ita ordinatur ad charitatem, ut eius professores martyrium subeant proprium sanguinem effundentes in fidei defensionem: sed hoc est per-

perfectiùs ordinari ad charitatem; quippè *maior hac charitatem nemo habet, quàm ut animam suam ponat quis pro amicis suis.* Et ad Hæbr. cap. 12. dicitur: *Nondum usque ad sanguinem resististis.* Vbi Glof. August. serm. 27. de verbis Apost. ait: *Perfectior in hac vita dilectio nulla est ea, ad quam Sancti Martyres pervenerunt, qui contra peccatum usque ad sanguinem certarunt.* Ergo Religio militaris perfectiùs ordinatur ad charitatem, quàm religio contemplativa.

75. Confirm. Religio purè activa potest esse arctior, quàm contèplativa: ergo, & perfectior. Ergo vita cõtèplativa non est simpliciter perfectior, quàm activa. Secūda cōsequentia cōstat; quia id, quod est ex genere perfectius alio, numquam potest esse simpliciter minus perfectum. Antecedens autem de se patet; & consequentia prima probatur: Quia austeritas vitæ est de perfectione religionis: ergo maior austeritas erit de maiori perfectione; quia *sicut se habet simpliciter ad simpliciter; ita, &c.* Ergo religio austerior perfectior est.

76. Respondetur argumento neg. anteced. ad probationem negetur min. ad cuius probationem dicas: quod Ordinis militaris professor non præliatur cum inimicis fidei intendens directè effusionem proprii sanguinis; sed quod directè sollicitat, est fundere, vel ut minùs fugare sanguinem infidelium: vnde Martyres haud sunt. Martyres enim proprii sanguinis effusionem quærunt in fidei defensionem. Vnde adest discrimen inter professores ordinis militaris, Martyresque: de hisque, & non de illis loquuntur textus contra nos adducti.

Dices: Div. Thom. 2. 2. quæst. 188. art. 6. ad 2. appellat Martyres religiosos ordinis militaris, qui contra inimicos fidei dimicantes sanguinem fundunt: ergo vel intendunt directè proprii sanguinis effusionem, vel non requiritur talis directà intentio, ut Martyres sint.

Respond. Div. Thom. non dicere tales religiosos Martyres esse: sed quòd

in aliquo casu martyrij meritum consequuntur. Verba Div. Thom. subiicio: *Nihil tamen prohibet huiusmodi religiosos in aliquo casu meritum martyrij consequi, & secundum hoc præferri alijs religiosis: sicut & opera activa interdum in aliquo casu præferuntur contemplationi.* Itaque aliud est Martyres esse; & aliud martyrij meritum obtinere. Martyr ille est, qui occumbit in bello, quod agreditur ea intentione, ut proprium sanguinem fundat. Meritum martyrij habet, qui proprium sanguinem fundit in bello, cum Ecclesia vrgentissimè à fidei inimicis premitur. Et huiusmodi occisi utique contemplativis præferuntur. Verum nec hoc est proprium professorum ordinis militaris, cum cuius sic decertanti, decumbentique conveniat: nec ex illo habetur, quod religio militaris perfectior sit, quàm contemplativa; nisi solum in aliquo casu, *sicut opera activa interdum in aliquo casu præferuntur contemplationi.* Quod non est esse perfectiora ex genere, ut dictum est.

Omnia dicta lucem accipiunt ex Caietano loco citato dicente: *In articulo necessitatis, putà, si Ecclesia periclitaretur, non solum quoad personarum oppressionem, sed quoad fidei libertatem, maioris meriti esset pro Ecclesiæ defensione usque ad mortem bellando se exponere, quàm contemplari, & prædicare. Et tunc merito martyrij non carent, qui in tali bello occiderentur. Præferrentur enim in huiusmodi casibus milites istis omnibus religiosis, ut potè Martyribus æquales in merito.*

78. Ad confirm. respond. 1. cum nostris Salmant. tract. 20. disp. 2. dub. 3. num. 26. labores, quos contemplativi perpetuuntur, inferiores non esse mortificationibus vitæ activæ. Immo multò superiores esse deprehender, quisquis activitatem ignis purgativi, in quo animæ, quæ ad contemplationem disponuntur, examinantur, consideret. Pœnas inferni sustinet, qui ad contemplationem accedit, nedum ab alijs, verum & à se ipso segregatus, ad nihilumque reductus iuxta David, Oracula

lum Psalm. *Ad nihilum redactus sum, & nescivi.* De quo videri potest Extaticus noster Doct in omnibus suis scriptis, sed præsertim in tota nocte obscura.

Respond. 2. cum iisdem Salmant. perfectionem simpliciter talem religionis non provenire ab ipsius austeritate: vnde maior austeritas non arguit maiorem perfectionem. Desumitur autem perfectio religionis ex fine ipsius: quiaque finis religio-

nis contemplativæ perfectior est fine religionis activæ, propterea hæc est minus perfecta, quam illa. Ex maiori arcitudine desumitur etiam religionis perfectio non illa, quæ est ex genere, & simpliciter talis, sed alia inferior. Vnde ex eo, quod aliqua religio activa arctior, contemplativa foret, nil contra nos haberetur: inde enim solummodo excessus secundum quid colligi posset.



## QVÆSTIO QVARTA.

*Vtrum vita contemplativa sit magis meritoria quam activa?*

**S**ermo est de vita contemplativa, & activa secundum se sumptis, seu attenda ipsarum natura, ut patet ex dictis. Et quia radix meriti est charitas, propterea loquimur de duplici illa vita, supposita æqualitate charitatis ex parte utriusque. Si namque æqualitas hæc non detur, non adest controversia: quandoquidem quod opus vitæ activæ cum maiori charitate factum sit magis meritorium, quam actus vitæ contemplativæ, negabit nullus. Ratioque ex modò dictis patet, quia videlicet charitas simpliciter talis est radix meriti: ergo maior charitas maiori præmio digna est. Loquimur ergo stante hac æqualitate, & non loquimur in casu particulari, sed attenda natura huius utriusque vitæ, supposita æqualitate præiacta: quia etiam est citra controversiam, quod in aliquo casu particulari est magis meritoria vita activa; quæ, quia in progressu huius questionis aperienda sunt, modò indiguisse sufficiat. Quamobrem, re benè considerata, eodem modo loquimur in præsentem de merito huius utriusque vitæ, ac in præcedenti locuti fuimus de illarum dignitate, & perfectione: hoc est de merito ipsarum sumptarum secundum genus suum, adiuncta tamen radice indispensabili meriti.

### §. I. Proponitur vera sententia.

79. **S**it nostra conclus. *Vita contemplativa est magis meritoria, quam activa.* Sic Div. Thom. 2. 2. q. 182. art. 2. & alijs pluribus locis. Sic etiam Seraph. Noster Pater, quos sequuntur communiter D. D. tum Scholastici, tum Mystici. Probatur ergo 1. conclus. textu illo sæpius adducto ex Luc. cap. 10. ubi Christus Dominus dixit Marthæ: *Maria optimam partem elegit.* Vbi per *ly optimam* non solum dignitatem vitæ contemplativæ ostendit: sed etiam magis meritoriam adstruit: siquidem Redemptor noster profectum spirituales illarum sororum sollicitabat; vnde loqui censendum est, non de eo, quod solum metaphysicè est dignius; sed etiam, & maxime de eo, quod animam magis cum ipso vnit, in qua vnione totus profectus animæ consistit, in qua que maioris meriti ratio reperitur.

20. Probat. 2. conclus. alia Scriptura adiuncto insigni glossemate Extatic. nostri Doct. Igitur Canticor. cap. 3. v. 5. inquit Deus: *Adiuro vos filiæ Hierusalem:: Ne suscieteris, neque evigilare faciat dilectam donec ipsa velit.* Hic iuxta D. D. communem sensum introducitur anima sublimi cons-

contemplationi dedita, & omnibus creaturis interdicitur, ne hanc contemplationem impediatur. Immo ipsi animæ contemplanti notum fit, ne quietem illius contemplationis in sollicitam turbationem activæ vitæ commutetur: quia nullibi vberiores fructus sibi, totique Ecclesiæ reperiet, quàm in illa solliciti contemplatione. Nec hoc verum esse censas solummodò facta comparatione inter actionem, & actionem; verum etiam si hæc contemplatio ex vna parte cum omnibus operibus vitæ activæ ex alia conferatur; plus apud Deum valere, vtilioremque Ecclesiæ hanc contemplationem esse, deprehendens: Quamquàm minimè perpicacibus contrarium verum esse appareat. Tota hæc doctrina est nostri sublimis Doctoris pluribus in locis. Sed ubi eam clarissimè docet est in Cant. 29. quæ sic habet.

Pues ya si en el exido,  
De oy mas no fuere vista, ni hallada,  
Dircis, que me he perdido:  
Que andando enamorada,  
Me hize perdidiza, y fui ganada.  
In cuius explicatione traditam doctrinam docet; sed clarius in annotatione, quam datæ cantioni præmittit. Inius meo muneri forem, si tanti Doctoris verba non adducerem. Sic loquitur egregius hic Mysta:

*Donde es de notar, que en tanto, que el alma no llega à este estado de vnion de amor, le conviene exercitar el amor assi en la vida activa, como en la contemplativa; pero quando ya llegasse à el, no le es conveniente ocupar se en otras obras, y exercicios exteriores, no siendo de obligacion, que le pueden impedir vn punto de aquella existencia de amor en Dios, aunque sean de gran servicio suyo: porque es mas precioso delante de el, y de el alma vn poquito de este puro amor, y mas provecho haze à la Iglesia, aunque parece que no haze: nada, que todas estas otras obras juntas. Que por esso Maria Magdalena, aunque con su predicacion hazia gran provecho, y le hiziera muy grande despues: por el gran deseo que tenia de agradar à su esposo, y aprovechar*

*à la Iglesia, se escondió en el desierto treinta años, para entregarse de veras à este amor, pareciendole, que en todas maneras ganaria mucho mas de esta manera, por lo mucho que aprovecha, è importa à la Iglesia vn poquito de este amor. De donde quando vn alma tuviere algo de este grado de solitario amor, grande ngravio se le haria à ella, y à la Iglesia, si, aunque fuesse por poco espacio, la quisiessen ocupar en cosas exteriores, è activas, aunque fuesse de mucho caudal: por que pues Dios conjura que no la recuerden de este amor, quien se atreverà, y quedarà sin reprehension? Al fin, para este fin de amor fuimos criados. T odviertan aqui los que son muy activos, que piensan ceñir al mundo con sus predicaciones, y obras exteriores, que mucho mas provecho harian à la Iglesia, y mucho mas agradarian à Dios (dexando à parte el buen exemplo, que se daia) y gastassen, si quiera la mitad de este tiempo en estar se con Dios en oracion, aunque no huviesse llegado à tan alta como esta.*

Mirifima subiicit Doct. Sancti omnino videndus, post quæ concludit: *Esto he dicho para dár à entender esta Cancion: porque en ella el alma responde por si à los que impugnán este santo ocio de ella, y quies en que todo sea obrar que luzca, y hincha el ojo por de fuera: no entendiendo ellos la vena, y raíz oculta de donde nace el agua, y se haze todo fruto: est dicere:*

*Voi notari debet (videlicet in verbis allati textus) quòd dum anima non pervenit ad hanc vnionem amoris; debet amorem ipsum exercere: tum operibus vitæ activæ: tum otio contemplativæ. Ast cùm iam in illa vnione est; non est animæ conveniens occupari in alijs operibus, & exercitijs exterioribus, si obligatio non adfit, quæ obesse valeant permanentiam illam amoris in Deo, quamvis ex ijs sint, quæ cedunt in magnum eius obsequium: quia pretiosius ante Deum, & animam est vel tantillum huius puri amoris, magisque prodest Ecclesiæ (quamquàm nihil facere videatur) quàm omnia alia opera*

(fin)

finul ſūpta. Quo circa Maria Magdalena, licet ſua prædicatione vtilis multū erat, vtiliſſimaque poſtmodū foret: tamen ob magnum deſiderium, quo flagrabat ſuo ſponſo placendi, Eccleſiæ que opem ferendi, abscondita eſt in eremo per triginta annos, vt ſe verè tradere huic amori, iudicans ſe ſic omnibus modis ditioſiorem evaſuram ob multum, quod Eccleſiæ prodeſt pauxillum huius amoris. Vnde cū anima naſta fuerit aliquid huius gradus amoris ſolitarij, magnam iniuriā ipſa, Eccleſiæque recipere; ſi extraheretur ad exercitium rerum exteriorum, ſeu activarum; quamvis maximæ entitatis ſint, & per paucum tempus: quia ſi Deus imperat, quòd ab hoc amore non ſuſcitetur, quis animam ſuſcitare audebit, & irreprehenſus abibit? Denique ad hunc finem amoris creati ſumus. Et notent hic, qui multum activi ſunt, renturque totum mundum convertere ſuis prædicationibus, operibusque exterioribus, quòd vtiliores Eccleſiæ forent, & magis Deo placerent (præter bonum exemplum inde reſultans) ſi vel medietatem huius temporis conſumerent cum Deo in oratione, quamvis ad orationem vnionis non pervenerint. Hæc dixerim, vt ſenſum huius cantionis aperirem: quia in illa anima reſpondet proſe impugnantibus hoc ſanctum ipſius otium, & volunt, quòd tota anima occupetur in operando, quæ exterius lucent: qui non percipiunt ſcaturiginem, arcanamque radicem, à qua aqua oritur, *omniſque fructus provenit.*

Vide in his huius præclariffimæ Myræ verbis maximum meritum vitæ contemplativæ, quantumque in hoc, ſicut in dignitate, vitam activam ſuperet. Nec intelligas, hoc ſolū verū eſſe de illa perfectiſſima contemplatione vnionis, de qua loquitur Sanctus Doct̃or, non autem de contemplatione minùs perfectā, quod ſuadere conabaris ex eo, quod doceat, quod non habens adeò ſublimem contemplationem exercere debet vitam contemplativam, & activam.

Hoc tamen nullius momenti eſt. Quia etiam ſi de ſola illa eminenti contemplatione ſermo ſit; ſat eſt, quòd illa ſit omni actione magis meritoria, vt hoc etiam verificetur de vita contemplativa: tum quia huius meritum penſandum eſt ex actu perfectiſſimo ipſius, qui ſi aſſeritur magis meritorium, quàm omnes actus vitæ activæ, pariter & vita contemplativa magis meritoria erit. Tum deinde, quia quòd ſublimis illa contemplatio ſit magis meritoria, non poteſt provenire ab ipſius intentione, ſeu perfectione graduali: quia quantumcumque intenſa ſupponatur ipſa, vel charitas, à qua meritoria eſt, poteſt abs dubio dari opus activæ vitæ ab intenſiori charitate procedens: Ergo intentione, ſeu maior perfectione gradualis charitatis deſervire haud poteſt, vt contemplatio illa perfectiſſima magis meritoria ſit. Vnde relinquitur, quòd hoc ex ſuo genere habeat: indidemque, quòd conveniat cuicumque ad tale genus ſpectanti, ad quod certè pertinent contemplationes, quæ non ſunt adeò ſublimes. Cuius doctrinæ radicem iam inſinuavimus: videlicet, quòd hoc quod eſt eſſe magis meritorium illam ſublimem contemplationem, non poteſt non provenire à charitate, prout iam ſuppoſuimus: verū non provenit à charitate, quia magis perfecta gradualiter: tum quia hoc eſſet contra id ipſum, quod ſuppoſuimus dicentes; nob̃ in præſenti comparare vitam contemplativam cum activā, ſtante æqualitate ex parte charitatis, vt videlicet, ſi contemplatio procedit à charitate *ut duo*, ab ipſa charitate *ut duo*, & actio pariter procedat. Tum etiam, quia hoc eſſet nulla certa lege teneri poſſe, rationem meriti huius vtriuſque vitæ dum venamur: quandoquidem maior perfectio gradualis charitatis non eſt propria contemplationis; cū etiam in exterioribus actionibus reperitur. Provenit ergo hæc præ eminentia à charitate, ſecundū quod ex ſe, & independenter ab intentione eſt magis meritoria ſe ipſa ſub alia conſideratione. Quæ ſint iſtæ conſiderationes, ſecundū

dum quas ipsa charitas est magis, & minus meritoria num. 83. dicemus: modò autem hæc adducimus, vt dicamus; quòd quia sublimis illa contemplatio, de qua loquitur Sanct. Doct. est effectus charitatis secundum illam considerationem, penes quam est magis meritoria; propterea magis meritoria asseritur: vnde cum procedere à charitate secundum illam sublimem considerationem non sit proprium illius contemplationis perfectissimæ, sed conveniat cuicumque divinæ contemplationi, vt citato numero dicemus, propterea omnis divina contemplatio magis meritoria est, quàm actio.

82. Nec obest, quòd Sanct. Doct. doceat, non habentem contemplationem adeò perfectam debere occupari etiam in vita activa. Tum quia prope finè preiactæ autoritatis etiam docet, quòd vel non habentes orationem vnionis, non debeant totum tempus impendere in prædicatione, & alijs operibus vitæ activæ. Vnde si exprimo colligis maius meritum vitæ activæ, ex secundo colligam vitæ contemplativæ maius meritum. Quæ cum vera esse non possint, nec Sanctus debeat de inconsequentia appellari: relinquitur, quòd discursus à te factus prorsus acrens sit. Tum deinde, & à priori, per quod modò dicta explicantur: quia ad vitam contemplativam prærequiruntur virtutes morales, vt in hac ipsa disputatione dictum à nobis est; cum D. Thom. 2. 2. q. 180. art. 2. Quod quidem non est ita intelligendum, vt debeat habere omnes virtutes morales in statu perfecto. quicumque contemplatur: sed intelligendum est ita, vt vitæ contemplativa perfecta non sit sine dictis virtutibus in statu perfecto: vitæ autem contemplativa nondum perfecta dicit virtutes morales in statu imperfecto. Hæc ergo virtutes disponunt ad vitam contemplativam. Vnde qui habet vitam contemplativam nondum perfectam, contemplatur quidem, aliàs vitam contemplativam non haberet; aut quia illam non perfecte habet, propterea cõtemplatur imperfectè, debet-

que præiactas virtutes exercere, quia sunt dispositiones ad vitam contemplativam perfecte habendam. Vnde perspicuum est, quòd ille, qui perfecte vitam cõtemplativam nondum nactus est, debet contemplari: quia hoc est proprium sui status, debet etiam vitam activam exercere, hoc est, in actibus virtutum moralium occupari, vt vitam illam contemplativam, ad quam tendit valeat obtinere. Et hæc est ratio, ob quam Extat. Doct. dixit, quòd vitam activam etiam exercere debet, qui contemplativam in gradu perfecto non adhuc consequutus est: ac si diceret: Contempletur quidem, qui vitam contemplativam imperfectè habet: contempletur, inquam; sed taliter contempletur, quòd etiam per virtutum moralium exercitium ad ipsam vitam contemplativam perfecte possidendam disponatur. Et hoc prudentissimè edocetur à Sanct. Doct. quia aliter in via hac procedere, est procedere sine methodo debita; ex quo perfectionem vitæ contemplativæ non speret sic procedens, sed caveat præcipitum: Quod monuit Caietanus iam alibi datus, sed qui multoties audiri debeat: sic enim dicta 2. 2. q. 182. art. 2. satur: *Notent tamen qui alios in via Dei instruunt ad profectum spiritualem, & diligenter efficiant, vt prius in vita activa exerceri faciant, quos edocent; seu instruunt, quam ad contemplationis fastigium suadeant. Oportet siquidem prius passiones domare habitibus mansuetudinis, patientiæ, liberalitatis, humilitatis, &c. Et sedare, quàm ad contemplativam vitam ascendere. Et ob defectum huius muli non ambulantes, sed saltantes in via Dei, postquam multum temporis vitæ suæ contemplationi dederunt, vacuè virtutibus, inveniuntur impatientes, iracundi, superbi, si in huiusmodi tanguntur. Et propterea tales nec activam, nec contemplativam, nec ex utraque compositam habuerunt, sed super artem fabricaverunt. Et vitam non sit frequens defectus iste.*

83. Probarur vltimò conclusio nostra ratione fundamentali, quam docet



docet Div. Thom. initio questionis adductus, per quam dicta duobus numeris precedentibus lucem habent, reducitque ad hanc formam: Charitas, ut est principium vite contemplative est magis meritoria se ipsa, ut est principium vite active: ergo vita contemplativa est magis meritoria quam activa. Consequentia est certa. Quia cum forma simpliciter meritoria sit charitas; à qua quidquid meritorium est, habet quod sit meritorium, & sine qua nihil meritorium datur, ut supra diximus, modoque debet supponi: ita opus charitatis, ut magis meritoria, magis meritorium erit: quia si charitas simpliciter meritoria facit opus simpliciter meritorium: consequens est, quod ipsa charitas, ut magis meritoria, faciat opus magis meritorium, secundum illud *sunt se habet simpliciter, &c.* Anteced. autem probatur. Vita contemplativa est à charitate, ut est dilectio Dei: vita autem activa est à charitate, ut est dilectio proximi: sed charitas, ut dilectio Dei, est magis meritoria se ipsa, ut est dilectio proximi: ergo charitas, ut est principium vite contemplative, est magis meritoria se ipsa, ut est principium vite active. Consequentia est innegabilis. Vtraque præmissa est laudati Div. Thom. sic in corp. art. dicentis: *Deum diligere secundum se est magis meritorium, quam diligere proximum, ut ex supra dictis patet: & ideo illud, quod directius pertinet ad dilectionem Dei, magis est meritorium ex suo genere; quam id, quod directe pertinet ad dilectionem proximi propter Deum. Vita autem contemplativa directe, & immediate pertinet ad dilectionem Dei: dicit enim Augustinus 19. de Civit. Dei, quod altum sanctum, scilicet contemplativa vite, querit charitas veritatis, scilicet divine, cui potissime vita contemplativa insistit, sicut dictum est. Vita autem activa directius ordinatur ad dilectionem proximi, quia satagit circa frequens ministerium, ut dicitur Luc. 10. Et ideo ex suo genere contemplativa vita est maioris meriti, quam activa. Et hoc est, quod Gregorius in 3. homil. super Eze-*

A SPIRITU SANCTO,

*chiel. dicit: Contemplativa vita est maior merito, quam activa, quia hæc in usu presentis operis laborat, in quo necesse est proximis subvenire: illa vero sapore intimo venturam iam requiem degustat, scilicet in contemplatione Dei.*

84. Contra hanc rationem Div. Thom. plura obijci possunt: sed quæ alia concernunt, quæ hic supponi debeant; unde deobligamur ab ipso rum disputatione. Videri tamen potest Caictan. 2. 2. q. 27. art. 7. contra Durandum scribentem. Sed ne omnia prætereamus, contra illud, scilicet, dilectio Dei est magis meritoria, quam dilectio proximi, obijcitur 1. Quia Apostolus præposuit dilectionem proximi dilectioni Dei: ergo dilectione Dei magis meritoria est dilectio proximi. Ergo ex quo vita activa ordinatur ad dilectionem proximi, non habetur, quod sit minus, sed potius, quod sit magis meritoria, quam vita contemplativa. Hæc 2. consequent. constat ex 1. quæ ex antecedenti legitime infertur. Anteced. autem probatur. Quia Apostolus ad Rom. 9. inquit: *Optabam anathema esse à Christo pro fratribus meis.* Quibus verbis clare ostendit, se præligere proximi dilectionem.

Respond. 1. cum Glos. ordin. ibidem: Apostolum in hoc non esse audiendum: dixit enim hæc cum adhuc spirans minarum, & sedis in discipulos Domini Ecclesiam Dei æmulator paternarum traditionum persequeretur. Respondet. 2. cum D. Chryl. lib. 1. de Compunctione, quod ex verbis datis Apostoli non habetur, ipsum magis diligere proximum, quam Deum sed solum, quod magis diligeret Deum, quam se ipsum: quia volebat ad tempus divina fruitione privari, quod ad dilectionem sui spectat, ut toto illo tempore honorem Dei in cordibus proximorum imprimeret, quod pertinet ad Dei dilectionem. Siquidem id ipsum, quod ipsi suavisimum erat, nempe esse cum Christo, ad tempus relinquebat, quia ita Christo placere iudicabat.

85. Obijcitur 2. Facilius est dili-

gere

gere Deum, quàm proximum: ergo magis meritorium est diligere proximum, quàm Deum. Vtraque propositio probanda est. Et 1. prob. antecedd. Quia facilius amatur id, quod naturaliter omnia diligunt: Deum naturaliter omnia diligunt: ergo. Probat. 2. idem antecedd. Quia in Deo nihil est, nèc esse potest, quod diligendum non sit, quod quidem non verificatur de proximo: ergo. Deindè probatur consequentia: Quia virtus est circa difficile, & bonum ex 2. Ethicor. cap. 3. ergo minùs difficile est minùs virtuosum; consequenterque minùs meritorium.

Huic obiectioni respondet Div. Thom. citata q. 27. art. 8. ad 3. dicens: Quòd plus facit ad rationem meriti, & virtutis, bonum, quàm difficile. Vnde non oportet, quòd difficilius sit magis meritorium; sed quòd sic est difficilius, vt etiam sit melius. Sic Div. Thom. de cuius solutione Caietanus dicit: *In art. 8. responsio ad 3. commendanda est memoria: quia pluries oportet ea vt.* Vnde ad obiectionem omisso antecedenti, negetur consequentia: ad cuius probationem dicas: virtutem esse quidè m circa difficile, & etiam circa bonum. Vnde id, quod ita fuerit difficile, vt non sit bonum, nullatenùs erit virtuosum; indidemque nec meritorium. Vtrumque requiritur; sed *plus facit ad rationem meriti, & virtutis, bonum, quàm difficile*: Adque adeò tunc difficilius est magis meritorium, quandò simul est melius. Quæ doctrina nostram assertionem mirissimè fulcit: siquidè m vita contemplativa difficilior est, quàm vita actiua, vt convincit paucitas eorum, qui vitam hanc vsque ad finem sequuntur: cùm infiniti sint, qui vitam activam insecantur. Est etiam melior, vt patet ex dictis questione precedenti: relinquatur ergo quòd sit magis meritoria. Sed uè à doctrina data Angel. Præcep. vel latum vnguem recedamus: permitimus quidem, quòd vita contemplativa est minùs difficilis, quàm actiua; sed ista est minùs bona, quàm illa, vt precedenti

quaestione dicebamus: & quia *plus facit ad rationem meriti, & virtutis, bonum, quàm difficile*; propterea vita contemplativa, quæ præminet in eo, quòd *plus facit ad rationem meriti*, est magis meritoria.

## §. II. Solvuntur argumenta.

86. **C**ontra nostram conclus. sentiunt Henric. Gand. num. 44. & non nulli Foreri, qui suos labores vt extollant, vitam activam contemplativæ præferre non dubitant. Hi sunt Hostiensis, Albericus, Jafon, Lucas de Pen. & alij, vt testantur nostri Salmant. tract. 20. disp. 2. num. 26. Horum argumenta plumbea prorsus sunt: quorum aliqua iam in ipsa hac disputatione enervavimus, aliorum nec meminisse opus est. Vnde alia argumenta, quæ aliquam difficultatem præ se ferunt, adducemus. Arguit. ergo sic 1. Quia 1. ad Corinth. cap. 3. ait Paulus: *Vnusquisque propriam mercedem accipiet secundum proprium laborem*; Loquitur de præmio vitæ æternæ, & adstruit, quòd tale præmium obtinetur per proprium laborem obtinentis, & taliter obtinetur, quòd *per proprium laborem* obtineatur: quia merces vitæ æternæ proportionatur labori, quomercetur. Vnde ubi adest maior labor, datur maius præmium. Et in hoc consistit Beatorum diversitas: quia licet omnes eundem Deum videant, alij minùs; alij magis videt *secundum proprium laborem*, quo illam visionem Dei nacti sunt: Ex quibus hoc argumentum conficitur: Maiori labori correspondet maius præmium: in vita actiua datur maior labor, quàm in contemplativa: ergo vita actiua correspondet maius præmium; atque adeò est magis meritoria. Consequentia negari non potest. Maior patet ex inducta autoritate, & minor est expressa Div. Thom. locis citatis, Div. Augustini dicentis de vita contemplativa, & actiua: *Laborabat ista, vacabat illa*. Et etiam Div. Gregor. cuius verba nobis dedit D. Thom. num. 83.

87. **C**onfirm. quia hoc ipsum

sua-

suadent innumeræ scripturæ. Vnam, vel alteram solummodò adducimus. In primis cuius David Psalm. 127. ait: *Labores manuum tuarum, quia manducabis, beatus es, & benedictio tibi erit.* Vbi beatitudo promittitur, non quieti vitæ contemplativæ, sed sollicitudini laboriosæ vitæ activæ. Insuper Canticor. cap. 4. anima coronanda vocatur, non à quiete contemplationis, sed à laboribus activæ vitæ per hæc verba: *Veni de libano, sponsa mea, veni de libano, veni coronaberis de capite Amanâ, de vertice Sanir, & Hermon de cubilibus leonum, de montibus pardorum.* Denique in illo mirabili sermone, quem Christus Dominus habuit, referturque à Div. Matth. cap. 5. Ponitur præmium nostrorum operum salutarium, & merita, quibus illud cœleste præmium obtinetur: & tamen in nulla ex illis octo beatitudinibus ponitur vita contemplativa, ut meritum æterni illius præmij; sed solum vita activa ponitur, ut considerans illas beatitudines facile cognosceret. Ergo signum est, quod licet vita contemplativa meritoria sit; tamen quia vita activa est magis meritoria; propterea dum de præmio futura beatitudinis agitur, solius vitæ activæ mentio fit.

Hoc argumentum cum sua confirmatione qualitercumque condiatur, negare nequaquam potest, illorum esse, quæ multum probant; atque adeo nihil concludunt. Si namque vita æterna promittitur laboranti, & in vita contemplativa nullus labor adest; sed solum in vita activa reperitur, sola vita activa erit meritoria, & vita contemplativa nullatenus meritoria erit. Vnde vel ipse status præsentis quæstionis destruitur. Ex quo principio etiam convincitur, quod tres Evangelistæ, videlicet Div. Matth. Div. Marcus, & Div. Luc. informant nos omnino de ijs, quibus vita æterna obtinetur; Div. verò Joannes minimè; dicente ex August. Div. Thom. in prologo dicti Evangelij: *Ceteri Evangelistæ informant nos in eorum Evangelij quantum ad vitam activam: sed Joannes in suo Evan-*

*gelio informat nos etiam quantum ad vitam contemplativam.* Vnde inferitur, quod, quæ parte nos informat *quantum ad vitam contemplativam*, de re non conducente ad merendum præmium æternum nos informet. Et hæc est prima facti argumenti solutio.

88. Ut secundam solutionem, quæ directæ est, tradamus, notare debes ex Div. Thom. in cap. 5. Canticor. quod Deus vocat animam non solum, quando morte præeunte illam in gloria coronat; sed etiam cum per *internam inspirationem*, ut in virtutibus proficiat, hortatur. Et denique in die generalis resurrectionis eam vocabit simul cum corpore redimendam. Vnde in dicto textu tẽr dicitur *veni*, quia ait Sanct. Doct. *Vocat eam primo, ut ad se veniat per fidem. Vocat secundo, ut dignam cœlestium præmiorum retributionem iam liberata à corpore accipiat. Vocat tertio, ut in die generalis resurrectionis iam assumpto corpore duplici stola ornata perpetuo gaudet.*

89. Scias 2. ex eodem Angel. Doct. 2. 2. q. 180. art. 7. ad 3. quod licet contemplatio divina, habita in via, eiusque delectatio perfectissimæ sint, si absolute considerentur; vel si cum alijs rebus ad exilium pertinentibus conferantur: ceterum si comparatio fiat cum contemplatione patriæ, aliter res se habet, quia *contemplatio Dei in hac vita imperfecta est respectu contemplationis patriæ, & similiter delectatio contemplationis viæ est imperfecta respectu delectationis contemplationis patriæ.* Et hoc ideo est, quia si consideremus quæ, & quanta nobis promittuntur in cælis, vilescunt animo omnia, quæ habentur in terris. Terrena namque substantia superne felicitati comparata pondus est, non subsidium. Temporalis vita æternæ viæ comparata, mors est potius dicenda, quam vita, ait Div. Gregor. humil. 37. in Evangel. Vnde licet contemplatio viæ vita sit; ut diximus q. 1. relatè tamen ad contemplationem patriæ mors est potius dicenda, quam vita. Similiterque licet dulcissima sit; respectu tamen contempla-

plationis patriæ pondus est, non sub-  
dium. Hinc querulæ illæ voces, ac sul-  
piria exulsi animæ cum Seraph. Thera-  
sia exclamat. 1. dicentis : *O vita vita*  
*quomodo vivere potest à tua vita absens*  
*cum sis? Intanta solitudine, in quo oc-*  
*cuparis? Quid facis? Siquidem omnia*  
*opera tua imperfecta, ac defectus sunt.*  
Hinc etiam cum Extat. nostro Doct.  
clamat à Cant. 6. vsque ad 12. exhibens  
desiderium, quo aμβuritur imperfec-  
tionem huius vitæ deserendi, exercen-  
dique illam, quæ solummodò perfectis-  
sima est, foelicissimam patriæ contem-  
plationem. In cantione 11. sic ait:

Descubre tu presencia,

Y mateme tu visita, y hermosura:

Mira que la dolencia

De amor no bien se cura,

Sino con la presencia, y la figura.

90. Scias 3. ex eodem Angel.  
Doct. 2. 2. q. 8. art. 7. & 1. 2. q. 69.  
art. 2. & in 3. disp. 34. q. 1. art. 4. Quod  
in illis octo beatitudinibus, de quibus  
confirmatio loquitur, duo inveniuntur:  
vnum, quod se habet vt meritum aliud  
verò, quod habet rationem finis, seu  
præmij. v. g. cum dicitur: *Beati pauperes*  
*spiritu, quoniam ipsorum est regnum*  
*cælorum.* Invenitur meritū, seu mediū,  
videlicet, paupertas spiritus, qua finis,  
seu præmiū, quod est regnū cælorum,  
obtinetur. Hoc autem medium, seu  
meritū, in quacūque beatitudine est  
distinctum: quandoquidem in vna est  
paupertas spiritus, in alia mititas, in  
alia planctus, & sic de alijs. In præmio  
autem aliter res se habet: hoc enim  
vnum est, scilicet æterna beatitudo.  
Sic Div. Thom. loco citato ex 1. 2. vbi  
ait: *Ad 1. ergo dicendum, quod sicut*  
*Chrysost. dicit, omnia præmia ista vnum*  
*sunt in re, scilicet, beatitudo æterna,*  
*quam intellectus humanus non capit: &*  
*ideo oportuit, quod per diversa bona in*  
*nobis nota, describeretur observata*  
*convenientia ad merita, quibus præmia*  
*attribuuntur.*

Quæ cum ita sint, postea ad 3.  
solidissimam rationem dedit, cur ea-  
dē celestis beatitudo toties sine de-  
fectu iteretur. Sic enim ait: *Ad 3. di-*  
*cendum, quod etiam præmia secundum*

*additionem se habent ad invicem: nam*  
*plus est possidere terram regni cælorum,*  
*quam simpliciter habere: multa enim*  
*habemus, quæ non firmiter, & pacifice*  
*possidemus. Plus est etiam consolari in*  
*regno, quam habere, & possidere: multa*  
*enim cum dolore possidemus. Plus est*  
*etiam saturari, quam simpliciter conso-*  
*lari, nam saturitas abundantiam conso-*  
*lationis importat. Misericordia verò*  
*excedit saturitatem, vt plus, scilicet ho-*  
*mo accipiat, quam meruerit, vel deside-*  
*rare potuerit. Adhuc autem maius est*  
*Deum videre: sicut maior est, qui in*  
*curia Regis non solum prandet, sed*  
*etiam faciem Regis videt. Summam au-*  
*tem dignitatem in domo regia filius Re-*  
*gis habet.*

91. Nec per hoc, quod D. Thom.  
altruat præmium octo beatitudinum  
esse eandem æternam beatitudinem, in-  
telligas ipsum contrariari opinionibus  
eorum, qui docent, alij, quod harum  
beatitudinum præmia pertinent ad  
vitam præsentem, alij ad futuram. Has  
opiniones refert art. 2. dicens: *Circa ista*  
*præmia Expositores Sacre Scripturæ*  
*diversimode sunt locuti. Quidam enim*  
*omnia ista præmia ad futuram beatitu-*  
*dinem pertinere dicunt, sicut Ambrosi-*  
*us. sup. Luc. Augustin. verò dicit ea ad*  
*præsentem vitam pertinere. Ex his dua-*  
*bus opinionibus suam sternit D. Thom.*  
*utriusque consiliatricem, quæ nec est*  
*eadem cum illis, nec diversa. Sic enim*  
*prosequitur. Considerandum est, quod*  
*spes futuræ beatitudinis potest esse in*  
*nobis propter duo. Primum quidem pro-*  
*pter aliquam præparationem, vel disposi-*  
*tionem ad futuram beatitudinem, quod*  
*est per modum meriti: alio modo, per*  
*quandam inchoationem imperfectam*  
*futuræ beatitudinis in viris sanctis*  
*etiam in hac vita. Aliter enim habetur*  
*spes fructificationis arboris cum vire-*  
*scit frondibus, & aliter cum iam pri-*  
*mordia fructuum incipiunt apparere.*  
Sic igitur ea, quæ in beatitudinibus  
tanguntur tamquam merita, sunt quæ-  
dam præparationes, vel dispositiones ad  
beatitudinem, vel perfectam, vel in-  
choatam: ea verò, quæ ponuntur tam-  
quam

*quàm præmia, possunt esse, vel ipsa beatitudo perfecta, & sic pertinet ad futuram vitam: vel aliqua inchoatio beatitudinis, sicut est in visis perfectis, & sic præmia pertinent ad præsentem vitam.*

Vnde habes, & est ultimum, quod scire debes: quòd beatitudo æterna dupliciter haberi potest. Primò in sui dispositione: Secundò in sui habitatione. In sui dispositione habetur, cùm elicitur actus, quo æterna beatitudo meretur. Et hi actus sunt, qui tamquàm merita ponuntur in octo beatitudinibus, iuxta dicta num. 90. Rursus quòd æterna beatitudo habeatur in se, stat dupliciter: nam vel habetur in se perfectè: & sic pertinet ad futuram vitam. Quo circa præmium correspondens octo beatitudinibus, si consideretur, ut perfectè habitum, non pertinet ad exilium, sed est proprium patriæ. Insuper ipsa æterna beatitudo potest haberi in se imperfectè, & prout sic pertinet ad præsentem vitam, habetque rationem præmij, quo remunerantur actus octo beatitudinum secundum illam rationem, penes quam, ut dictum est, habent rationem meriti.

92. Sed quid est, rogabis, æterna beatitudo inchoata, seu imperfectè habita? Hanc interrogationi respondet Div. Thom. citato art. 2. quòd beatitudo contemplativa, si sit perfectà, est essentialiter ipsa futura beatitudo: si autem est imperfecta, est quadam inchoatio eius. Vnde cùm futura beatitudo consistat in visione Dei, quæ est perfectissima contemplatio: indè sequitur, quòd beatitudo contemplativa imperfecta sit contemplatio ipsius Dei, quæ habetur in præsentem vitam. Hoc ipsum docuit Sanct. Doct. articulo sequenti per hæc verba. *Ea verò, quæ ad contemplativam vitam pertinent, vel sunt ipsa beatitudo finalis, vel aliqua inchoatio eius, & ideo non ponuntur in beatitudinis tamquàm merita, sed tamquàm præmia: ponuntur autem tamquàm merita effectus activæ vitæ, quibus homo disponitur ad contemplativam vitam.* Ex his ergo habes, quòd

activa vita ponitur in beatitudinis tamquàm meritum, quo acquiritur contemplatio, vel perfectà, si sit futura: vel imperfecta, si sit, quæ habetur in hac vita.

93. Ex quibus necessariò, quantum capimus, præmissis, facilis est ad obiecta solutio: ad argumentum quidem respondetur, quòd merces illa, de qua loquitur Paulus, vel est merces inchoata, vel perfectà, iuxta dicta num. 91. Si est merces inchoata, est contemplatio huius vitæ, ut diximus num. præcedenti, quam contemplationem inmeretur vita activa, ut ibidem vidimus, & num. 90. Si autem est merces perfectà, tunc hæc est contemplatio perfectissima patriæ, quam meretur quidem vita activa, sed potius vita contemplativa: quæ licet perfectissima, & dulcissima sit, tum in se, tum relatè ad vitam activam: comparata tamen cum contemplatione patriæ labor, & quidem maximus est, & etiam est imperfecta, iuxta dicta num. 89. Ad discutiendum in hoc ipso argumento confirmatum respondetur iuxta dicta, ad iunctis ijs, quæ diximus num. 85. & 87.

Ad confirmationem similiter respondetur ad primam authoritatem, quòd si David intelligitur de manducatione, de qua alias dixit: *Satiabor cum apparuerit gloria tua*; Psalm. 16. v. 15. Tunc hæc satietas non solum habetur per vitam activam; sed etiam, & melius per contemplativam, quæ relatè ad illam satietatem labor est. Si autem intelligatur de manducatione imperfecta, quæ est contemplatio huius vitæ iuxta illud: *Cibavit illum pane vitæ, & intellectu*. Ecclesi. cap. 15. v. 3. Tunc dicimus, quòd ad hanc contemplationem disponit vita activa, quæ sanè laboriosa absolute est. Ad illud ex cantico dicàs: quòd iuxta dicta num. 88. Si anima illa vocatur ad beatitudinem inchoatam; vocatur quidem ab eo, quòd ad illam disponit, scilicet à vita activa, & in transitu truces impetus crudelium inimicorum persequitur. Si autem vocatur ad beatitudinem perfectam; tunc à vita activa, & cum maiori

iori proportionē à contemplativa, vocatur, ut à suo dilectissimo Sponsolabores ipsius in vtraque illa vita perpessi coronentur.

Ad ultimum patet ex omnibus ferè prælibatis, beatitudinem esse finem: Vnde non potest beatitudo consistere in vita activa, quæ finis rationem non habet. Consistit tamen in Dei contemplatione, iuxta dicta num. 92. Et siue hæc Dei contemplatio sit perfecta, vel imperfecta, ponitur in omnibus beatitudinibus tanquam præmium, iuxta dicta num. 90. & 91. Sicut enim beatitudo consummata est præmium vitæ activæ, & magis vitæ contemplativæ: ita eadem vita contemplativa, seu beatitudo inchoata præmium est activæ vitæ. Vnde patet, quod vita activa est meritoria; sed magis meritoria est vita contemplativa.

94. Arg. 2. Quod magis accedit ad id, quod non est meritorium, minus meritorium est, quàm id, quod minus accedit: Sed vita contemplativa magis accedit ad futuram felicitatem, quæ nullo modo meritoria est: ergo vita contemplativa minus meritoria est, quàm activa. Consequentia bona est, & min. patet ex dictis, quia vitæ contemplativa est felicitas inchoata; consequenterque minus distat à felicitate consummata, quàm id, quod nullo modo est felicitas. Mai. autem probatur: quia id, in quo consistit maior accessus rei meritorie ad non meritoriam non potest conducere ad meritum, alias quantumcumque cresceret accessus, non amitteretur ratio meritorij; atque adeo ipsa felicitas consummata meritoria foret; ergo quod magis accedit ad non meritorium, minus meritorium est.

Resp. mai. esse falsam in proposito: quia quod felicitas æterna, seu contemplatio consummata non sit meritoria, non provenit aliunde nisi, quia est in termino. Si namque in termino non esset, utique meritoria foret: unde contemplatio quantumvis perfecta consideretur; si tamen in termino non est, est meritoria, & magis meritoria, quo magis perfecta. Alias idem diceretur de gratia, & charitate, scilicet, quod minus meritorie essent, dum magis gratiæ, & charitati, consummatis propinquæ sunt.

95. Arg. 3. Quia zelus animarum spectat ad vitam activam: sed zelus animarum est magis meritorius, quàm vita contemplativa: ergo minus meritoria est, quàm activa. Cætera constant, & non prelatur. Iuxta est magis meritorium, quod Deo est magis acceptum: sed iuxta Div. Gregor. humil. 12. in Ezech. nullum sacrificium est Deo magis acceptum, quàm zelus animarum: ergo.

Respondetur distinguendo min. illamque concedendo de zelo animarum, prout est effectus perfectissimæ contemplationis, iuxta superius dicta; non autem de zelo animarum, qui ex redundantia contemplationis non oriatur. Præterquam quod mens Div. Gregor. non est, quam arguens intendit, sed quam Div. Thom. 2.2. q. 182. art. 2. ad 3. aperit his verbis: *Per hoc ergo, quod dicitur, quod nullum sacrificium est Deo magis acceptum, quàm zelus animarum, non præferitur meritorium vitæ activæ merito vitæ contemplativæ: sed ostenditur magis esse meritorium, si quis offerat Deo animam suam, & aliorum, quàm quæcumque alia exteriora dona.*

## QUÆSTIO QUINTA.

*Vtrum vitæ contemplativa sit prior, quàm activa?*

**N**ULLI bi vividius exprimi potest qualiter vitæ contemplativa se habeat relatè ad

vitam activam, & conversò, quàm in discussione præsentis difficultatis. Quocirca placuit illam modò excitare, ut

DISP. 10. DE DIVIN. CONTEMPLATION. PROUT EST VITA. Q. 5. 167.  
ex dicendis natura vitæ contemplati-  
væ penitus percipiat.

§. I. *Brevis tituli explicatio, ac  
difficultatis resolutio.*

96. **D**Vpliciter potest aliquid esse prius alio. Primò in executione, & quoad nos. Secundò in intentione, & quoad se. Illud est prius in executione, & quoad nos, quod nos debemus prius executioni mandare, ut ex tali rei executione habeamus id, quod obtinere nittimur. Illud verò est prius in intentione, & quoad se, quod prius intenditur, & ob cuius deliderium alia executioni mandantur. Primo modo sunt media priora fine, dispositionesque ad aliquid, vel faciendum, vel habendum, vel vitandum, sunt priores ipso aliquo. Secundo modo finis est prior, quàm media, & forma, sive omne id, ad quod dispositiones præmittuntur, sunt prius, quàm ipsæ dispositiones. Vnde cum de prioritate vitæ contemplativæ respectu activæ sermo est, de utraque prioritate loquimur.

97. Sit nostra conclus. *Vita contemplativa est prior in intentione quàm vita activa, sed vita activa est prior in executione.* Assertio hæc est. D. Thom. dict. quæst. 182. art. 4. Quem sequuntur communiter quotquot præsentem controversiam attingunt. Probatur ergo quoad utramque partem sic breviter. Inter finem, & media servatur hic ordo, videlicet, quòd finis sit prior in intentione, quàm media; hæc verò sint fine priora in executione: Sed vita contemplativa est finis vitæ activæ: ergo vita contemplativa est prior in intentione, quàm vita activa; hæc autem est in executione prior illa. Mai. constat ex ijs, quæ numero præcedenti diximus ex communi Metaphysic. doctrina. Veritas autem minoris patet ex dictis quæstione præcedenti, vbi multoties ex Div. Thom. diximus, vitam contemplativam esse finem vitæ activæ.

98. Confirm. ratio facta: forma est prior in intentione, & posterior in

executione, quàm dispositio prærequisita ad ipsius introductionem: sed vita contemplativa se habet ut forma; ad quam vita activa disponit: ergo. Probatur minor, quia exercitium virtutum moralium est vita activa: sed virtutes morales, earumque exercitium disponunt ad vitam contemplativam: ergo. Cætera nota sunt, & minor est Div. Thom. 2. 2. q. 180. art. 2. ubi ait: *Virtutes morales dispositivæ ad vitam contemplativam pertineant.*

§. II. *Respondetur argumentis.*

99. **C**ontra positam assertionem sunt argumenta, quæ iam ipsam, iam rationem probativam impugnant. Arg. ergo sic 1. Vita activa non est medium, nec dispositio ad vitam contemplativam: ergo hæc non est prior illa, in intentione, & posterior in executione. Consequentia constat ex ratione, & confirmatione à nobis factis, & antecedens probatur: Obten-to fine superfluum media, quibus obtentus est; & habita forma evanescent dispositiones, quæ ad eius introductionem præcesserunt: sed consecuta vita contemplativa non evanescit, nec consumit vita activa: ergo hæc non est medium, nec dispositio ad illam. Probatur min. quia consecuta vita contemplativa adhuc activa exercetur, ut patet in Proficientibus, qui etiam si contemplantur, in acquisitione virtutum occupantur.

Respondetur: Vitam activam verè esse medium, dispositionemque, ut vita contemplativa obtineatur. *Impeditur enim actus contemplationis, in quo essentialiter consistit vita contemplativa, & per vehementiam passionum, per quam abstrahitur intentio animæ ad intelligibilia ad sensibilia, & per tumultus exteriores. Virtutes autem morales impediunt vehementiam passionum, & sedant exteriorum occupationum tumultus: & idè virtutes morales dispositivæ ad vitam contemplativam pertinent,* ait Div. Thom. art. 2. citato, iam alibi in hac ipsa disputatio-  
ng

ne adductus, & expensus. Debet tamen considerari, quòd vita contemplativa non consistit in indivisibili, sicut adeptio gloriæ, consecutio termini nostri motus localis, & introductio formæ in materia: unde introducta forma, disparent dispositiones, consecuto termino, cessat motus, & adepta gloria, ex templo quicquid rationem medij, seu dispositionis ad eius adeptionem habebat, evanescit, vt minùs, sub illa ratione, sub qua ad gloriam obtinendam disponebat: quamobrèm evacuatur fides, cessat spes, & vel ipsa charitas sub ratione meritoria cessat. Vita autem cõtemplativa habet suam latitudinem: unde licet habeatur entitativè; & ad illam prout sic habendam non requiratur dispositio vitæ activæ; requiritur tamen, vt perfectiùs habeatur. Ad eum modum, quo charitas vitæ, & si quoad entitatem habeatur, conducunt tamen virtutes morales, atque ideò vitæ activæ exercitium, vt magis, ac magis radicetur, donec consummata sit. Sic ergo vita contemplativa, vsque dum perfecta sit, crescit per exercitium vitæ activæ. Et hæc est doctrina Div. Gregor. lib. 6. moral. cap. 27. vt ait: *Qui contemplationis arcem tenere desiderant, prius se in campo per exercitium operis probent.* Et homil. 3. super Ezech. inquit: *Activa vita prior est tempore, quàm contemplativa: quia ex bono opere tenditur ad contemplationem.* Sicut enim *ex bono opere tenditur ad contemplationem simpliciter*: sic etiam postquam habetur contemplatio simpliciter: *ex bono opere profecuto tenditur ad contemplationem perfectiorem*, donec ista consummetur.

100. Dices: si ita res se habet, & paritas adducta charitatis aliquid probat, probat quidem quod toto tempore vitæ debeat contemplativus exercere vitam activam: consequens est omnino absurdum, vt potè pugnans cum omnium Theologorum S. S. que P. P. doctrina, cum experientia, & cum veritate ipsa: ergo ruit data doctrina. Maior, seu sequela probatur 1. quia contemplatio non consummatur vsque ad

patriam: ergo li donec consummetur, disponit ad illam vita activa, durabit hæc toto vitæ tempore. *Probat* 2. quia toto tempore vitæ augetur charitas, quin habeat terminum suæ intentionis, iuxta illud ad Philip. cap. 1. *Oro, vt charitas magis, ac magis, abundet*, de quo videri possunt nostri Salmant. tract. 19. disp. 5. dub. 1. Ergo si virtutes morales disponunt ad perfectiorem charitatem, toto tempore vitæ durabit exercitium virtutum moralium.

Resp. neg. mai. seu sequelam, ad cuius primam probationem dicas: consummationem contemplationis per evacuationem fidei, & adventum luminis gloriæ non haberi vsque ad patriam: nec de hac consummatione modò loquimur, sed de consummatione, quæ idem est, ac perfectio ipsius contemplationis. Et hoc adhuc dupliciter capi potest. Primò de perfectione graduali, & hæc est eadem ac præcedens, si loquamur de perfectione contemplationis in hoc, quia quilibet habet terminum à Deo præfixum, ultra quem eius contemplatio sicut & charitas, non progrediatur. Si autem loquamur de perfectione graduali contemplationis, secundum se inspectæ; dicimus, quòd prout sic nunquam consummatur; ita vt non possit, etiam in patria, saltem de posse extraordinario Dei, plùs intendi, vt optimè probant citati Salmant. Quo circa in præsentī loquimur de alia consummatione, quæ consistit in contemplatione, adeo sublimi, & charitate adde fervida, & robusta, vt sint constitutivæ status Perfectorum. Advenientibus ergo hac contemplatione, & ista charitate, cessat exercitium vitæ activæ: ne hæc iam necessaria est, vt charitas ipsa intendatur: quia cum contemplatio magis meritoria sit, quàm actio, prout vidimus quæstione præcedenti, potiùs per contemplationem augetur, quàm per actionem. Et de hac præsertim contemplatione perfecta intelligendam iri nostram assertionem, ex Div. Thom. art. 4. citato disco, qui ad primum novam rationem conclusionis



tionis probativam offerens, concludit: *Ex quo etiam patet, quod vita activa præcedit contemplativam, sicut quod est commune omnium præcedit in via generationis id, quod est proprium Perfectorum.*

Pluribus in locis hanc ipsam doctrinam tradit Extat. Nost. Pat. audiendus cant. 26. sui epichal. vbi ait:

En la interior bodega  
De mi amado bebi, y quando salia,  
Por toda aquesta vega  
Ya cosa no sabia,

Y el ganado perdi, que antes seguia.

101. In cuius carmine 4. profundissime spatatur, ostendens perfectionem, qua in hac cella vinaria anima decoratur, scientiam eminentissimam, qua fulget, & quomodo omnium ad vitam activam spectantium oblita in celesti contemplatione penitus occupatur.

Sed contra, & arg. quia quicumque, etiam si Perfectus sit, exercet opera vitæ activæ, vt notum cuicumque est: sed illa opera non sunt tunc dispositio ad contemplationem: ergo numquam. Consequentia videtur notari quia eodem modo habentur huiusmodi opera nunc, ac prius: vnde si in iam Perfectis non habent rationem dispositionis relatæ ad contemplationem perfectam; pariter nec in alijs. Minor autem probatur: Quia contemplatio perfecta iam habetur: ergo non possunt habere rationem dispositionis opera illa; quia adveniente re, pro qua dispositiones dantur, cessant istæ.

Respond. ex Div. Thom. dicta q. 182. art. 4. in corp. vbi ait: *Vita activa habet finem in exterioribus actibus, qui si referantur ad quietem contemplationis, iam pertinent ad vitam contemplativam.* Vnde id omne, quod in Perfectis est activum ad vitam contemplativam pertinent, quod iam amplius declaratur.

102. Dices: Incipientes dirigunt ad quietem cōtemplationis actus suos: at Incipientes spectant ad vitam activam: ergo quod actus referatur ad finem contemplationis, non facit ip-

sum pertinere ad vitam contemplativam. Consequentia videtur nota, & antecedens probatur: Quia Incipientes tendunt ad contemplationis quietem, illam quærunt, & pro ipsius habitatione sudant.

Resp. desting. anteced. *dirigunt* ex desiderio contemplationis, concedo; ex habitu contemplationis, nego antecedens; ac deinde negetur absolute consequentia. Itaque quod actus dirigatur in quietem contemplationis, potest provenire non ex habitu contemplationis iam habito, sed ex desiderio ipsius contemplationis, quod facit desiderantem illam inquirere, ac respicere tamquam finem sui motus: vel potest provenire ex desiderio contemplationis, & habitu ipsius iam præsupposito. Inter quæ duo hoc interest: quod actus inquirens contemplationem ex solo desiderio ipsius prorsus spectat ad vitam activam; occupatur enim iste actus vel in extirpatione vitiorum, vel in acquisitione virtutum, quod vitæ activæ proprium est. Actus autem tendens in quietem contemplationis ex habitu ipsius contemplationis, licet aliàs sit activus, pertinet tamen ad vitam contemplativam, vti data autoritate asserit Sanct. Thom. Cuius ratio ea esse potest: quod pertinens ad vitam contemplativam, qui nomine incomplexo dicitur contemplativus, non dicitur ille, qui solummodo contemplationi studet: sicut nec activus dicitur, qui tantummodo vitæ activæ destinatur, ita vt numquam contempletur. *Vita uniuscuiusque hominis videtur esse id, in quo maxime delectatur, & cui maxime intendit, & in hoc præcipue vult quilibet convivere amico, vt dicitur in 9. Ethicor.* ait Div. Thom. dicta 2. 2. q. 179. art. 1. Vnde contemplativus ille dicitur, qui contemplationi maxime intendit, sicut & activus, qui actioni maxime intendit; licet iste aliquando contempletur, & ille aliqua vitæ activæ opera habeat; Vnde cum opus activum elicit, qui in illo opere non maxime delectatur, nec illi maxime intendit, nec in eo præcipue vult convivere amico, sed in con-

templatione: tunc iste non est vitæ activæ, sed contemplativæ: nec tale opus pertinet ad vitam activam, sed ad contemplativam; quia ex habitu contemplationis refertur ad quietem contemplationis.

103. Instabis: ut opera vitæ activæ referantur ad quietem contemplationis ex habitu contemplationis, non requiritur contemplatio perfecta; quia antequam aliquis sit Perfectus habet contemplationis habitum, habetque opera activa, quæ in quietem contemplationis refert ex habitu ipsius contemplationis: ergo vel Perfecti exercent vitam activam, vel illam Imperfecti contemplativi non exercent.

Resp. ex Div. Thom. dict. 2. 2. q. 181. art. 4. ad 1. & 1. 2. q. 67. art. 1. quod virtutes morales, in quarum exercitio vita activa consistit, ut dictum est, habent duplex genus actuum: nam alij sunt circa media; alij verò circa finem. Actus, qui sunt circa media occupantur in sedatione exteriorum tumultuum, & in cohibitione passionum: & hi actus sunt proprii vitæ activæ, exercenturque à non habente contemplationem perfectam. Vnde licet ad quietem contemplationis referri possint, & habitum contemplationis supponant: tamen relatio illa non est immediata, nec habitus iste perfectus est, & utrumque requiritur, ut ad vitam contemplativam valeat opus spectare. Actus verò, qui sunt circa finem, supponunt passionem cohibitas, sedatosque tumultus exteriores: quo circa ad vitam contemplativam attinent. Et prout sic habentur à Perfectis, dicente citato Div. Thom. *Huiusmodi enim actus, videlicet, qui sunt circa finem, sunt, secundum quod constituunt quietem contemplationis, quam Augustin. in præmissis verbis significat per vacationem; quæ est intelligenda non solum ab exterioribus tumultibus, sed etiam ab interiore perturbatione passionum.*

Ex quibus patet, quod vita activa manet, & non manet cum vita contemplativa perfecta. Manet quidem, quia licet prout sic sit dispositio, & iam

hoc munus exercere non valeat; nihil tamen prohibet, quod dispositio, quæ denudabilis est ab imperfectionibus, qualis est vita activa secundum actus, qui sunt ad finem, maneat simul cum eo, ad quod disposuit. Cæterum non manet secundum actus, qui sunt circa ea, quæ sunt ad finem; quia hoc modo habet imperfectionem indenudabilem; indidemque impossibilem cum ipsa vita contemplativa perfecta. Quæ est doctrina Div. Thom. in 3. d. 35. q. 1. art. 3. quæstiunc. 3. qua doctrina postea iterum vsuri sumus. Ait ergo Angel. Doct. *Ad 3. dicendum, quod dispositiones, quæ essentialiter habent imperfectionem annexam, non manent cum eo, ad quod disponunt, sicut fides non manet cum visione. Sed aliæ dispositiones possunt simul manere, ut dictum est; & sic est vita activa.*

104. Arg. 3. contra conclusionem absolutè consideratam: vita contemplativa pertinet ad dilectionem Dei, & activa vita ad proximi dilectionem, ut constat ex dictis num. 83. sed inter dilectionem Dei, & proximi non datur ille ordo prioris, & posterioris: ergo neque inter vitam contemplativam, & activam. Probatur min. quia dilectio proximi nullo modo est prior dilectione Dei; si namque proximus diligitur propter Deum, iam præsupponitur dilectio Dei: ergo tenet minor.

Resp. 1. Omisissis præmissis, seu concessis, negando consequentiam; quæ ex ijs non infertur. Posse enim dari dictum ordinem inter vitam contemplativam, & activam, licet non detur talis ordo inter illas dilectiones, ad quas pertinent, quis non videat? Deinde, seu 2. respondetur negando minorem, cum Div. Thom. dicente art. 4. citato ex 2. 2. *Quod vita contemplativa non ordinatur ad qualemcumque dilectionem Dei, sed ad perfectam.* Quiaque dilectio perfecta Dei est prior in intentione, & in executione posterior, quàm dilectio proximi, & quàm dilectio imperfecta ipsius Dei; propterea inter vitam contemplativam, & activam datur ille ordo, quem pro conclusione

DISP. 10. DE DIVINA CONTEMPLAT. PROUT EST VITA. Q. 5. 171.

statuimus. Videatur citatus D. Thom.

105. Arg. 4. etenim vita contemplativa foret modo dicto prior, & posterior, quam activa, quatenus per activam tendimus ad contemplativam: sed etiam ex contemplativa tendimus ad activam: ergo vita contemplativa non est modo dicto prior quam activa. Consequentia bona est, quia si propter illam rationem foret vita contemplativa modo dicto prior, & posterior activa; similiter propter eandem rationem esset vita activa prior in intentione, & posterior in executione, quam contemplativa, quod involuit manifestam repugnantiam. Min. autem probatur ex Div. Gregor. humil. 14. in Ezech. dicente: *Sciendum est, quod sicut bonus ordo vivendi est, ut ab activa in contemplativa tendatur, ita plerumque utiliter à contemplativa animus ad activam refertur*: ergo à vita contemplativa tendimus ad activam.

Ad hoc argumentum respondet Div. Thom. art. 4. citato hisce verbis: *Ad 2. dicendum, quod à vita activa proceditur ad vitam contemplativam secundum ordinem generationis: à vita autem contemplativa reditur ad vitam activam per viam directionis, ut, scilicet, vita activa per contemplationem dirigatur: sicut etiam per operationes acquiritur habitus, & per habitum acquisitum perfectius aliquis operatur, ut dicitur in 2. Ethicor.*

106. Arg. ultimum: Vita activa, & contemplativa non conveniunt eidem subiecto: ergo non servant illum ordinem à nobis assignatum. Patet istas quia si talem ordinem servarent, esset quia eidem subiecto convenirent: tunc enim locum haberet, quod una prius alia foret. Et antecedens probatur: quia sicut diximus cum 1. tomo de signis scriberemus, alij sunt apti ad vitam activam; alij verò ad contemplativam: ita ut, si illi contemplationi studerent, oleum, & operam perderent: sicut & isti, si in activa occuparentur: Ergo hæc vitæ diversis subiectis conveniunt.

Resp. quod in illis, qui ad vitam contemplativam sunt idonei verificatur nostrum assertum. Quandoquidem isti ad arcem contemplationis tendunt per exercitium vitæ activæ. Vnde in illis verum est, quod vita contemplativa est modo dicto prior, & posterior: Adde tamen, quod nostra resolutio respicit vitam activam, & contemplativam secundum se; atque adeò independentem à subiecto. Vita enim contemplativa ex se est finis activæ: & hæc ex se est via ad contemplativam: quod autem in hoc subiecto hoc non habeat, non est ex defectu vitæ activæ, sed quia subiectum, in quo est, vel non vult, vel non potest uti illa ut via ad contemplationem; vel quia ineptus est ad contemplationem; vel quia contemplationi vacare renuit.

## QUÆSTIO SEXTA.

*Quæ vita diuturnior sit contemplativa nè, an activa?*

**I**mplexam affatim esse præsentem controversiam neminem, qui illam seriò consideret, aut auctores paucissimos, qui illam versarunt, videat, suspicor negaturum. Nec illam adeò implexam fecit intrinseca ipsius difficultas, quam maximam esse fateor: Sed auctores de illa agentes, pensatis ijs, quæ in ea expendenda tradunt, nihil fallor; obscuriorem reddidere. Si pos-

sem, sic de illa tractare, ut conceptui positivus illius, dicendorumque, efformari posset, nihil in hac parte à me desiderandum relinqueretur.

§. I. Brevis observatio, & dubij prima resolutio.

107. **V**T finis insinuat obiter valeat, observandum est vitam

Y a

vitam contemplativam, & activamque posse dupliciter sumi, primò secundum se, & penes ea, quæ habent ex propria natura. Secundò iuxta ea, quæ ipsis competit, quatenus concernunt statum præsentem. Esseque hos duos modos valdè diverfos, certius est, quàm quòd aperiri debeat. Nec per ly *statum præsentem* illam, vel earum aliquam, in alio statu reperiri posse asserimus modò: ex dicendis quippè hoc constabit. Sed in vita contemplativa, (idem de activa intellige) quæ abs dubio est in statu præsentis, distinguimus id, quod habet talis vita ex sua natura, & quidditate, ab eo, quod ei advenit propter subiectum, in quo est, vel aliundè. Sicque perspicuitati consulitur: quatenus non promiscuè ea, quæ ipsi ex omni capite conveniunt, proponimus, sed tradita præscissione. Quod si alij de hoc scribentes, fecissent: ut minùs, quæ in hac parte eorum mens esset, sciremus. His hac brevitate dictis,

108. Sit nostra 1. Conclus. *Si vita contemplativa, & activa considerentur secundum se, vita contemplativa est durabilior.* Assertio hæc est Div. Thom. 1. p. q. 20. art. 4. ad 3. & 2. 2. q. 180. art. 3. & q. 181. art. 4. & in 3. d. 35. q. 1. art. 4. quæstiunc. 3. & 3. contra gent. cap. 63. in fine, & q. 11. de ver. art. 4. ad 2. Sanctum Doct. sequuntur Caiet. ad locum citatum ex 2. 2. Bergemens. nullumque tam ex proprijs, quàm ex extraneis vidimus ab illo dissentientem. Probatur ergo primò conclusio nostra ex verbis Christi Domini ad Martham apud Luc. cap. 10. *Maria optimam partem elegit, quæ non auferetur ab ea.* Quæ verba sic ad rem nostram luculentissimè expendit Augustin. Serm. 27. de Verb. Dom. ubi ait: *Non tu malam, sed illa meliorem. Audi unde meliorem: quia non auferetur ab ea. Atque autem auferetur aliquando onus necessitatis: æterna est dulcedo veritatis.* In his duabus fororibus inveniebatur exercitium vitæ activæ, & contemplativæ. Vitam activam exercebat Martha, quæ *satagebat circa frequens ministerium*, & sollicita erga plurima turbabat ur. Ma-

ria autem, quæ *sedens secus pedes Domini audiebat verbum illius*, altissimæ contemplationi dedita erat. Et contemplatio Mariæ, non autem activitas Marthæ, dicitur perpetuò duratura. Quæ licet clarissimè nostram assertionem suadeant; placet tamen, ut nihil Scholastici rigoris prætereamus, sequentem discursum proponere datæ authoritati innixum.

109. Vita contemplativa est ex natura sua æterna, quod naturæ vitæ activæ repugnat: ergo hac illa durabilior est. Consequentia est innegabilis, & antecedens probatur. Vita contemplativa non auferetur ab illam exercente, & vita activa auferetur: ergo vita contemplativa, non autem activa æterna est. Conseq. patet: quia id, quod numquam auferetur, vel est, quia ex natura sua est perpetuum, vel, ad minùs, quia ex natura sua habet capacitatem, ut, perpetuitate aliundè emendicata, semper duret. Id autem, quod auferendum præcisè est ab illud possidente, nec ex se est æternum, nec habet ex se capacitatem, ut in æternum portendatur. Antecedens autem quoad utramque partem probatur datis verbis Christi Domini. Et quidem quòd illa authoritate constet veritas primæ partis, videlicet, quòd vita contemplativa numquam auferetur, qui solùm legere sciat, non negabit. Quoad secundam autem partem probatur idem antecedens: quia Christus Dominus non solùm prætulit vitam contemplativam activæ; sed huius præferentiæ rationem reddidit, consistètem in hoc, quòd vita contemplativa non auferenda est: ergo iisdem verbis asseritur, vitam activam auferendam iri. Probatur consequentia: Quia si vita activa non esset ex natura sua auferenda, iam causalitas illa non teneret, nec benè probaretur eminentia vitæ contemplativæ supra activam ex inauferibilitate illius, ut de se constar: ergo cùm hoc dici non debeat, tenendum est, iisdem verbis datis, & inauferibilitatem vitæ contemplativæ commendari, & vitæ activæ auferibilitatem doceri.

110. Postquam ratione non condemnanda probavimus, Christum Dominum illa duo datis verbis tradidisse, accedunt Divini Verbi Interpretes fideissimi S. S. P. P. qui hoc ipsum tradidere. Iam Augustinum audivimus: rationi consentaneum est, ut alios quoque auscultemus. Div. Gregor. homil. 14. super Ezech. inquit: *Cum presenti seculo vita auferatur activa: contemplativa autem hic incipitur, ut in celesti patria perficiatur: quia amoris ignis, qui hic ardere incipit, cum ipsum, quem amat, viderit, in amore ipsius amplius ignescit.* Angelic. noster Doct. locis citatis idem docet. Audiatur tamen in contrarium. ubi ait: *Propter hoc etiam inter alias vitas in Scriptura Divina magis contemplativa commendatur, dicente Domino Luc. 10. Maria optimam partem eligit, scilicet contemplationem veritatis, quæ non auferetur ab ea. Incipit enim contemplatio veritatis in hac vita, sed in futura consummatur; activa verò, & civilis vita huius vitæ terminos non transcendunt.* Eandem veritatem docet Extat. Nost. Parens num. 80. datus, videndusque, præcipuè in annotatione ad cant. ibi positam.

111. Probat. insuper conclusi. ratione desumpta ex Div. Thom. loco citato ex 2. 2. Quæ potest sic efformari: Quod non habet contrarium est durabilius eo, quod contrarium habet: Vita contemplativa ex natura sua non habet contrarium; quod tamen habet ex natura sua vita activa: Ergo vita contemplativa activa durabilior est. Consequenter formalis est, & mai. inde patet, quia contraria mutuò se interimunt, unde contrario carens durabilior est, quàm illud, quod habet contrarium. Min. autem pro 2. parte etiam certissima est, quia vita activa plures adversarios, & multa sibi contraria habet, à quibus libera graditur contemplatio. Vtrumque docet magnus Mystra Seraphic. N. Parens in illis suis mirabilibus cantic. in quarum explanatione libros *ascensus, & noctis obscuræ* insumit. In harum secunda ait:

A obscuras, y segura

Por la secreta esca la distrazada:

O dichosa ventura!

A obscuras, y en zelada,

Estando ya mi casa fole gada.

Profundissimè in huius, aliarumque cant. declaratione spatatur, contraria vitæ activæ ostendens, & contemplativæ immunitatem. Ast quia minor illa propositio, in qua dicimus, vitam activam habere contrarium, probatione non indiget: ideo

Probatur quoad primam partem ipsa min. Quia in lib. Sapient. cap. 8. dicitur: *Non habet amaritudinem conversatio illius, nec tædium convictus eius, sed letitiam, & gaudium,* quod de cõtemplatione intelligi docet Sanct. Thom. 1. 2. q. 35. art. 5: ex quo textu infert Sanctus Doct. illationem, quam pro conclusione statuit, scilicet: *Ergo nulla tristitia est, quæ sit contraria delectationi contemplationis.* Et lib. 1. Topic. cap. 13. ait Aristot. quòd delectationis, quæ est in considerando nihil est contrarium. Et hæc est illius minoris probatio vrgens, quam sub hac formâ offerimus. Delectationi contemplationis nihil est contrarium: ergo nec ipsi contemplationi. Patet ista: tum, quia Div. Thom. citata 2. 2. ex eo quòd delectatio contemplationis caret contrario, infert, & ipsam contemplationem contrarium non habere. Tum etiam, quia quod est contrarium perfectivo, contrariatur etiam perfectò per illud: constat autem ex 10. Ethicor. cap. 4. & ex Div. Thom. 1. 2. q. 33. art. 4. delectationem cõtemplationis esse ipsius perfectivam: unde si haberet contrarium delectatio contemplationis: pariter & contemplatio illud haberet. Antecedens autem constat ex textu allato: si namque delectationi contemplationis aliqua tristitia contrariaretur, iam haberet amaritudinem conversatio illius, & tædium convictus eius: non autem letitiam, & gaudium: ipsa enim tristitia tædium, amaritudinemque causaret.

☞(✱)☞

## §. II. Obiectiones in probationes adductas.

112. **C**ontra dicta non nulla obijci possunt, ex quorum enodatione clarius constabit statuta veritas. Itaque probationis primæ tota machina duplici cardine devolvitur. Eorum primus est, quod vita contemplativa manet in patria; secundus verò, quod non manet in patria vita activa. Contra primum illorum obijcies primò: Quia 1. ad Corinth. cap. 13. dicitur: *Sive prophetiæ evacuabuntur, sive lingue cessabunt, sive scientia destruetur*: quibus verbis ostenditur, omnes intellectivas perfectiones viæ evacuandas esse: sed vita contemplativa huius viæ est perfectio intellectiva: ergo non manet in patria.

Circa intelligentiam huius textus fuscè loquuti sumus tom. 1. disput. 1. quæst. 9. agentes de permanentia Theologiæ mysticæ in Cœlo. Vide, si placeat, ibi dicta, & nodum prorsus dissolves. Pro re tamen presenti non omitram respondere cum D. Thom. art. 8. citato, ubi ait: *Ad 1. ergo dicendum, quod modus contemplandi non est idem hic, & in patria. Sed vita contemplativa dicitur manere ratione charitatis, in qua habet, & principium, & finem.* Vnde patet: vitam contemplativam viæ manere, & non manere in patria. Manere quidem, vt in hac quæstione, & in 9. illa citata ostensum est. Non manere: quia *modus contemplandi non est idem.* Quare cum veritate textus adducti non pugnat nostrum assertum. Plura, quæ hinc inde obijci possunt, vide citata quæstione.

113. Dices tamen: *Vita contemplativa dicitur manere ratione charitatis in qua habet principium, & finem.* Ergo (1.) etiam manet vita activa. Ergo (2.) vita contemplativa non in se, seu ratione sui; sed tantum ratione charitatis manet in patria. Probatur 1. consequ. Charitas etiam est principium, & finis vitæ activæ, vt ex dictis patet ubi

diximus, dilectionem Dei, & proximi propter Deum, fundare vitam contemplativam, activamque. Secunda autem consequentia probatur: Quia manere ratione charitatis, est manere ratione suæ causæ, vel in causa: sed manere in causa, seu ratione suæ causæ, non est manere in se, necesse habere extra causam: ergo.

Resp. negando primam consequentiam: ad probationem dicas: quod vita contemplativa est opus, vt sic dicam perfectissimæ dilectionis Dei, quæ non stat sine proximi dilectione: sed prius, & directius respicit Deum, deinde proximum. Vita activa respicit dilectionem proximi propter Deum: vnde directè terminatur ad proximū, propter Deum tamen diligendum. Hæc iam non semel quæstione præcedenti diximus. Addendum modo: quisnam sit iste proximus, quem respicit vita activa? Est nē proximus propter Deum utrumque diligendus? Neutiquam. Sed est proximus à miserijs per misericordiæ operam sublevandus. Quiaque in patria licet detur Deus, qui serventissimè diligatur; non autem datur proximus, qui à miserijs sublevetur; quoniam ibi habitantes non esurient, neque sitient amplius, nec cadet super illos sol, neque ullus æstus, vt dicitur Apocalyps. cap. 7. propterea datur ibi vita contemplativa, non autem activa.

Similiter negatur 2. consequentia: ad cuius probationem possumus dicere, quod aliàs prudentissimè monuit Caietan. 1. 2. q. 4. art. 1. dicens: *Ad hoc dicitur, quod cum constet de certa conclusione, verba, quæ apparent quandoque dissona, sic interpretanda sunt. Et sic est sensus litteræ huius.* Clarissimè, & scriptissimè docet Div. Thom. vitam contemplativam manere in patria, vt videre est locis citatis. Quod autem nunc dicat *manere ratione charitatis*, pie interpretari debet. Eo vel maxime, quod aliud est, aliquid habere esse ratione alterius; aliud verò, quod habeat esse in causa. Hoc secundum negat propriam existentiam effectus illud primum illam astruit, sed dependen-

denter ab illo alio, tamquā a causa. Vnde cum Div. Thom. ait, quōd vita contemplativa manet in patria *ratione charitatis*, propriam existentiam vitæ contemplativæ docet, & causam efficientem, finalemque talis existentis ostendit. Quod de vita activa dici non potest; quia licet maneat charitas, non tamen manet proximus cui subvenire possit per opera misericordiæ, ut dictum est.

114. Secundū fundamentum primæ probationis est, quōd vita activa non manet in patria, contra quod obijcies 1. Actus virtutum moralium pertinent ad vitam activam: sed hi actus dantur in patria: ergo in patria datur vita activa. Mai. constat ex sapissimè dictis, & minor probatur: In patria dantur virtutes morales: sed istæ habent proprios actus; alias vel superflui ibi forent, vel solum ad ornatum defervirent: ergo tenet min. Idemque argumentum potest fieri circa dona, & beatitudines, quæ spectant ad vitam activam; quandoquidem conservantur in patria, ibique suos actus habent.

Resp. cum Div. Thom. 1. 2. q. 67. art. 1. quōd in virtutibus, idem est de donis, & beatitudinibus, invenitur aliquid, quōd est in ipsis materiale, & hoc est in virtutibus *inclinatio quædam partis appetitivæ ad passiones, vel operationes secundum modum aliquem*. Ex secundū hoc virtutes morales in patria non manent, est enim illa imperfectio propria præsentis status. Datur etiam aliquid, quod est formale in ipsis virtutibus, quod nihil aliud est, quā ordo rationis, quo modus ille determinatur. Ex virtutes quantum ad hoc, quōd formale est, manent in patria. Hæc ad longum inibi Div. Thom. explanat. Quod verò nostra propriū interest, est videre, an vita activa spectet ad id, quōd in virtutibus est materiale, an autem ad formale? Ad quod breviter respondet Div. Thom. *Similiter dicendum est ad secundum; ea enim, quæ sunt activæ vitæ, materialiter se habent ad virtutes*. Simile argumentum

solvens circa Dona quæst. sequenti, art. 6. ait: *Ad 3. dicendum, quōd ratio illa procedit de donis quantum ad materiam. Opera enim activæ vitæ non erunt materia donorum, sed omnia habebunt actus suos circa ea, quæ pertinent ad vitam contemplativam, quæ est vita beata*: Per quæ constat, quōd licet in patria dentur virtutes, & dona, habeantque ibi proprios actus; non tamen ibi datur vita activa. Quæ omnia clariū adhuc constant ex ijs, quæ Angel. ipse Doct. tradit 2. 2. q. 181. art. 4. ad 1. prout num. 103. ponderabamus. Hæc sunt eius verba: *Ad 1. ergo dicendum, quōd sicut supra dictum est, virtutes morales manebunt non secundum actus, quos habent circa ea, quæ sunt ad finem, sed secundum actus, quos habent circa finem. Huiusmodi enim actus sunt, secundum quod constituunt quietem contemplationis. Habes ergo quōd virtutes, & dona conservantur cum suis actibus in patria; sed non cum illis, qui ad vitam activam pertinent, sed cum spectantibus ad vitam contemplativam*.

115. Dices: dicta omnia affatim tot, tamque clarissimis textibus Sanct. Thom. suffulta esse. Verūm adest eiusdem Angel. Præcept. textus dictis omnibus contradicens. Etenim in 3. dist. 35. q. 1. art. 4. quæstiunc. 3. in corp. ait: *Vita activa, quantum ad illos actus, quos modo habet, quibus turbatur de proximorum necessitatibus, & de proprijs passionibus, non remanebit: quia tunc panem esurienti non porriget, ut in glossa inducitur subiungitur. Manebit tamen quantum ad alios actus, qui erunt virtutum, & donorum in patria. Vita autem contemplativa nihilominus est diuturnior, quā activa; quia manet etiam quoad illos actus, quos in via habet, qui quidem in statu viæ sunt imperfecti; sed in patria perficiuntur*. Ex quibus duo ponderari debent, vnum contra datam doctrinam: alterum contra ipsum Div. Thom. Primum est, quōd vita activa datur in patria, licet non quantum ad illos actus, quos modo habet, quod sanè nihil obest, ut dicatur

in patria dari simpliciter, & absolute: sicut absolute, & simpliciter dicuntur esse in patria virtutes, & dona, licet non sint *quantum ad illos actus, quos modo habent*. Immo ipsa charitas manet in patria non *quantum ad illos actus, quos modo habet*. Modò siquidem liberè, atque adeò imperfectè Deum amat. In patria autem necessariò, & perfectè.

Secundum, quod ponderari debet, estque contra Div. Thom. consistit in eo, quòd ex vna parte concedit vitam activam manere in coelo, & ex alia negat æqualem esse in duratione cum vita contemplativa. Quæ quomodò cohereant, non facilè dignoscitur, propter hoc argumentum: Vita activa, sive sit secundum hos, sive secundum alios actus, manet per te in patria: ergo est æqualis in duratione cum vita contemplativa. Quis hanc consequentiam negabit? Indidemque inferitur, quòd falsum assumat Div. Thom. dum probat, vitam contemplativam excedere activam in duratione, ex eo quòd illa, & non hæc manet in patria. Quandoquidem ex littera ista constat, veramque vitam in patria conservari.

Non assuetus difficilia dissimulare, nolui hunc scopulum præterire. Ut vel sic occasionem offeram viris doctis dicendi, docendique, quæ ultro nec addiscam. Sicque etiam D. Thom. doctrina ab incurfibus minùs perspicacium liberetur. Interim quantum per proprii captus tenuitatem licet, respondetur: doctrinam Div. Thom. ex sententiaris capiendam esse iuxta ipsius ultimam voluntatem, quæ continetur in summa, in qua innumeris locis, quorum aliqua dedimus, alia, si expediret, deditur, docet vitam activam in patria non dari. Vnde, salva semper hac veritate, glossandum est, quod modò audivimus ex sententiaris. Nec admodum arduum erit ex verbis ipsius mentem Div. Thom. venari. Ait enim, quòd vita activa manet in patria non *quantum ad illos actus, quos modo habet, sed quantum ad alios actus, qui erunt virtutum, & donorum in patria*.

Inspice: quòd non dicit, vitam activam manfuram quantum ad actus sibi proprios, sive sint ipsi, sive alij, ab illis, quos habet in via; sed quantum ad actus *virtutum, & donorum*. Actus virtutum, & donorum, etiam ad vitam activam spectantium, sunt, & non sunt vitæ activæ: sunt quidem, si materia addit. Non sunt, si materia deficit. In patria deest materia, ut tales actus sint vitæ activæ, ut patet ex dictis num. 114. quia actus virtutum, ut pertinent ad vitam activam, sunt actus *circa ea, quæ sunt ad finem*: & hos actus non habent virtutes in patria; sed solum eos, qui *sunt ad finem*, si nobis dixit Div. Thom. & huiusmodi actus, addit eodem num. 114. *Sunt secundum quod constituunt quietem contemplationis*. Nec dona alios actus in patria habebunt, quia ut eodem num. ex ipso D. Thom. Vidimus, *dona omnia habebunt actus suos circa ea, quæ pertinent ad vitam contemplativam, quæ est vita beata*. Vnde vita activa, quæ dicitur manere in patria secundum actus, qui erunt virtutum, & donorum, non inanet in se, sed in actibus virtutum, & donorum, qui actus, si materia adfuerit, essent actus vitæ activæ; sed quia materia deest, pertinent *ad vitam contemplativam*, quæ est vita beata.

116. Et notandum velim, quod Div. Thom. inquit, vitam activam conservandam *iri quantum ad alios actus, qui erunt virtutum, & donorum in patria*. Vbi ly *in patria*, quantum ex contextu capio, non refertur ad ly *conservandam*, seu *manebit*: sed ad ly *virtutum, & donorum*. Ac si diceret: manebit vita activa, sed non aliter, quàm secundum actus qui erunt virtutum, & donorum in patria; seu prout in patria. Rogo nunc: qui sunt actus virtutum, & donorum in patria? Non alij certè, nisi illi, qui constituunt quietem contemplationis; seu qui pertinent ad vitam contemplativam, ut dictum est. Etenim virtutes, idem est de donis, possunt sumi vel prout in via, vel prout in patria, vel secundum se. Secundum se permittunt, quòd sint vitæ activæ, vel

con-



contemplativæ. In via habent actus, qui determinatè sunt vitæ activæ. In patria verò sunt vitæ contemplativæ determinatè. Vnde vita activa dum dicitur conservari in actibus virtutum, & donorum prout in patria, nullatenus asseritur, conservari in se, sed solum in ijs actibus, quibus ex statu repugnat, quòd sint vitæ activæ. Alitè secundum se considerentur, sunt actus, quibus in via activa vita exerceatur. Et hoc latè esse credimus ad illam locutionem, quæ iuxta alia asserta eiusdem Sanctissimi Præceptor. accipienda est.

117. Quibus addendum est, quòd illi actus, quierunt virtutum, & donorum in patria, prout sic sunt novi actus: siquidem in via tales actus erant circa ea, quæ sunt ad finem, in patria autem sunt circa finem. Et qualitercumque hoc sit, ij actus in patria sunt alij ab actibus illarum virtutum in via: quod ultra dicta, ostendit hîc Div. Thom. dicens, quòd vita activa manebit, quantum ad alios actus. Quod certè non facit, cum immediatè loquitur de actibus vitæ contemplativæ, hæc enim manet etiam (ait) quoad illos actus, quos in via habet, qui quidem in statu viae sunt imperfecti, sed in patria perficiuntur. Vnde actus vitæ contemplativæ sunt semper ijdem, quamquàm cum illa diversitate maioris, vel minoris perfectionis. Actus autem vitæ activæ, quæ dicitur esse in patria, sunt alij ab actibus, quos in via habuit. Ex quibus duo licet inferre. Primum est: quòd vita contemplativa vitæ conservatur in patria, licet cum maiori perfectione: Vita autem activa non conservatur in patria, nisi illa vita activa, quæ improprie, & æquivoce talis dici valeat: quia ibi non dantur actus huius vitæ, sed alij, etiam in ijs habitibus, qui in via ad vitam activam spectabant.

Secundum, quod inferre licet, & est præcipuum, est, quòd illi actus, qui dicuntur vitæ activæ in patria, sunt actus de novo habiti, & incipientes cum ingressu in patriam: aliter nec essent alij ab habitibus in via, nec essent actus virtutum, & donorum in patria.

A SPIRITU SANCTO,

Vnde durabilitas vitæ activæ divisa est: nam si concipiatur, quoad actus vitæ, finitur morte: si consideretur, quoad actus patriæ, non incipit, nisi post mortem. Est enim mors terminus, & principium huius vitæ. Est terminus, quoad actus vitæ. Est principium, quoad actus patriæ. Quamobrem vita contemplativa semper manet diuturnior, cum semper, & in quocumque statu ipsdem actibus explicetur. Est diuturnior vita activa vitæ, quia non finitur morte, sed continuatur in patria. Est & diuturnior vita illa activa patriæ, quia non incipit post mortem, sed in vita. Quare prima durabilior est à parte post: secunda autem à parte ante. Ego hoc suspicor, fuisse fundamentum, quod Div. Thom. habuit, vt, etiam concedens, vitam activam in patria conservari, maioris diuturnitatis esse vitam contemplativam, assereret. Quod de diuturnitate à parte post intelligi non potest, cum prout sic sint in æternum duraturæ.

118. Ex dictis constat solutio ad obiecta. Ad primum quidem, quia in patria non conservatur vita activa, quæ talis propriè sit, nec conservatur in se, sed in actibus habituum, quorum actus erant in via propriissimè vitæ activæ. Vnde non conservatur simpliciter, & absolute, sed solum secundum quid, & cum præiactis modificationibus. Nec est simile de virtutibus, & donis: actus enim, quos in patria habent, sunt propriissimè ipsorum. Vnde ibi simpliciter sunt. Et charitas ipsa simpliciter, & verè conservatur vbi vel liberè, vel necessariò Deum amat; hæc enim solummodò est diversitas maioris, vel minoris perfectionis, vt de vita contemplativa dictum est.

Ad 2. etiam constat, quòd etiam si Div. Thom. concedat vitam activam in Coelo modo dicto conservari, potuit asserere vitam contemplativam adhuc esse diuturniorem. Tum quia illa vita activa est improprie talis, vt dictum est. Tum quia diuturnitate à parte ante glossari potest. Vnde ad argumentum ibi factum, distinguatur consequens.

quens, *aqualis* à parte post, concedatur, à parte ante, negetur. Termini ex dictis constant. Nec Div. Thom. falsum assumit, dum maiorem durabilitatem vitæ contemplativæ, ex eius permanentia in patria probat. Quia si loquamur de vita activa propriè talis, constat assumpti veritas. Si vero loquamur de illa, de qua in illo loco sententiarum sermo est; etiam constat, quòd illa vita activa à parte ante minus durabilis est.

119. Obijcies 2. Homines Beati possunt alios edocere: ergo in ipsis conservatur vita activa. Patet ista, quia alios docere est opus vitæ activæ, ut supra diximus cum Div. Thom. 2. 2. q. 182. art. 3. & cum Div. Gregor. homil. 14. in Ezech. dicente: *Vita activa est pascens esurienti tribuere, verbo sapientiæ nescientem docere*. Et sanè cum actus, quo viator nescientem instruit, sit opus vitæ activæ, ægrè ab hac classe excipitur instructio facta à Beato. Anteced. autem probatur primò: Quia isti via homo hominem docet: ergo & in patria. Probatur secundò: quia homines in patria *erunt sicut Angeli Dei*; uti dicitur apud Matth. cap. 22. v. 30. Sed Angeli Dei illuminant se ipsos, & homines, de quo plura diximus tomo 1. disp. 2. ergo etiam homines Beati.

Respondetur ex dictis tom. 1. disput. 2. neg. anteced. ad primam probationem, concesso antecedenti, negetur consequentia: discriminè repete ex loco citato, ubi illud dedimus, & etiam constabit ex dicendis ad secundam antecedentis probationem, ad quam dicimus, quòd homines in patria *erunt utique sicut Angeli Dei*: Non quia sicut Angeli illuminant homines, sic & illi pariter illuminent: hoc enim non est munus hominum beatorum, sed est Angelis demandatum. Vnde apud Hierem. cap. 31. dicitur de Beatis: *Non docebit ultra vir proximum suum*. Dicuntur autem homines Beati *sicut Angeli Dei*, in hoc quod est Deum facilius videre: non autem in hoc, quod est alios illuminare. Sic docet Div. Thom. 2. 2. q. 182. art. 4. ad 2. ubi

ait: *In his, quæ pertinet ad dispensationem ministerii Dei unus Angelus docet aliam purgando, illuminando, & perficiendo: & secundum hoc habens aliquid de vita activa, quando mundus durat, ex hoc, quod administrationi inferioris creature intendunt. Quod significatur per hoc, quòd Iacob vidit Angelos in scala ascendenes, quod pertinet ad contemplationem, & descendentes, quod pertinet ad actionem. Sed sicut dicit Gregor. 2. moral. non sic à divina visione foris exeunt, ut internæ contemplationis gaudijs priventur: Et ideo in eis non distinguitur vita activa à contemplativa, sicut in nobis, qui per opera vitæ activæ impedimur à contemplatione. Non autem promittitur nobis similitudo Angelorum quantum ad administrationem inferioris creature, quæ nobis non competit secundum ordinem naturæ nostræ, sicut competit Angelis: sed visionem Dei. Vnde habes: quòd Angeli duo habent: primum est, Deum intuitivè videre. Secundum autem, homines illuminare. Beati erunt sicut Angeli Dei in primo; non autem in secundo.*

120. Quod glossa propriissimum esse constat ex eo, quod Christus Dominus non confert Beatos cum Angelis absolute, sed in resurrectione, vel post resurrectionem: *In resurrectione enim, &c.* Post resurrectionem autem Angelorum ministerium non permanebit, ut loco citato diximus, & modò insinuat D. Thom. ijs verbis: *Quando mundus durat*. Vnde solum remanet similitudo quoad visionem Dei, in qua Beati *erunt sicut Angeli Dei*. Adde, quod D. Thom. super dictum caput Matth. pulchrè docet. Interrogat enim, *quare erunt similes Angelis?* Et respondet: *Quia erunt immunes à passionibus: quia nunc homo habet intellectum annexum sensibus; & in hoc excedunt Angeli: sed tunc depurabitur, ideo similes erunt Angelis: Vnde qui habent animum à passionibus elevatum, similes sunt Angelis. Passiones autem, quæ magis faciunt homines bestiales, sunt venerorum, quæ exercentur per coniugium, ideo tunc nec nubent, nec nubentur.* Quod

Quod si totus textus D. Matth. perpendatur, scilicet Verborum Christi Domini penitus dignoscetur. Tunc enim sermo erat cum Saduceis, qui animarum immortalitatem negantes hominum resurrectionem non credebant. Quorum proterviam ut confunderet Dominus, ac Redemptor noster dixit: *Erratis nescientes scripturam, neque virtutem Dei. In resurrectione enim neque nubent, neque nubentur, sed erunt sicut Angeli Dei in Cælo.* Quibus animarum immortalitatem, hominumque resurrectionem adstruit, insimulque matrimonium tunc superfluum ostendit propter immortalitatem resurgentium, qui *erunt sicut Angeli Dei in Cælo.* Vnde quia erunt immortales sicut Angeli, *neque nubent, neque nubentur*, sicut nec illi. Consequenterque tunc erunt immunes à passionibus sicut Angeli, nihilque erit, quod eorum continuam contemplationem vel impediatur, vel retardet. Hincque Arcopagita adductus à D. Thom. in Cat. aurea ad citatum textum ait: *Tunc enim quando incorruptibiles, & immortales erimus visibili quidem apparitione ipsius Dei in celsissimis contemplationibus, adimplebimur. Intelligibilis autem luminis datione participabimus in impassibili, & in immateriali mente secundum imitationem supercælestium mentium: propter quod dicitur, quod erimus Angelis æquales.*

121. Habes igitur ex dictis comparationem factam posse intelligi, vel de Beatis prout nunc sunt; vel de ipsis, prout in resurrectione. Si hoc secundo modo intelligatur, ut certè intelligendum esse, dicta num. præcedenti convincunt. Tunc Angelorum ministerium non erit: vnde non possunt Beati esse similes Angelis in magisterio, quod superiores erga inferiores, & omnes erga homines exercent. Si autem intelligatur primo modo, tunc non erunt similes Angelis quoad magisterium; sed quoad interruptam suavitatem divinæ contemplationis, ut vidimus num. 119.

122. Dices: his omnibus non est

evacuata difficultas. Quod inde suadere intendis: quia licet ex dictis habeatur, Beatos non illuminare Angelos sibi in gratia inferiores, nec se recipere illuminare; tamen negandum non est, quod sicut Angeli illuminant homines viatores, sic etiam ipsos viatores homines illuminant Beati. Hoc, inquam, D. Thom. non negat; nec negare potest: cum sciamus, frequenter Beatos viatoribus apparere, illos instruere de his, quæ ad ipsorum utilitatem spectant. In quo, ut notavit Exceles. ac Ven. D. Dom. Joannes de Palafox, eminet Seraph. Mat. Nost. S. Theresia, quæ postquam astra conscendit, intensius profectui suæ reformationis studet. frequentissimis apparitionibus, quibus observantiam promovet, & abusus frænatur, vel in ipso eorum ortu. Abundant in historijs tum generali, tum particularibus huius veritatis irrefragabiliæ testimonia. Adest tamen supremæ clavis aliud nequaquam prætercundum. Refert enim Div. Matth. cap. 27. quod postquam Redemptor Noster spiritum pro nostra libertate in ara crucis emisit, multa corpora S. S. qui dormierant, surrexerunt, & exeuntes de monumentis post resurrectionem eius, venerunt in sanctam Civitatem, & apparuerunt multis. Ut illos, videlicet, de misterio resurrectionis testes fidelissimi instruerent. Immo & de alijs iuxta mentem Div. Thom. sic illa verba exponentis: *Et venerunt in sanctam Civitatem. Non quod modo, ait, esset sancta, sed quia antefuerat: : vel secundum Hieron. sanctam Civitatem, scilicet, cælestem, quia cum Christo venerunt in gloriam, & apparuerunt multis. Sicut enim Christus potestatem habet se manifestandi, quibus vult; sic intelligendum de corporibus glorificatis.*

His suppositis, reddit tota obiectio num. 119. facta, sub hac tamen forma modò propofita. Docere est opus vitæ activæ: Beati docent homines viatores: ergo in Beatis conservatur vita activa. Consequentia est bona, & maior indubitata. Minor verò constat ex modò dictis.

123. Ad conspectum huius rationis tot authoritatibus suffultæ hæret profundissimus Caietanus loco citato ex 2. 2. ad secundum, quia ex vna parte ait, littera Div. Thom. *ducit ad partem negativam*: Ex alia verò tot authoritates suadent, Beatos illuminare, seu docere homines viatores. Et in hanc partem inclinat, licet formidolosus sublimis hic Theologus dicens: *Et propterea non incongruè dici posse videtur, quod ordo cælestis patrie Beatorum inter se nunquam variatur, ut auctor in 1. lib. docuit* (de quo nos egimus tom. 1. disp. 1.) *eo quod variatio illa miraculose fieret :: Ordo verò supernorum civium ad nos dispensativè quandoque mutatur, eo quod ad utilitatem Ecclesiæ confert, dum peregrinantes hic ex his, qui nobiscum fuerunt, regredi ad nos experimur.* Hæc Caietanus, qui nec verbum facit circa vitam activam, quæ eo ipso conservari in Beatis intendit urgentissimè ratio facta. Nec cognoscere possumus, cur hanc difficultatem intactam adeo passus est egregia illa comprehensio:

Nec alicuius momenti erit, si dicas: Caietanum de hoc nihil dixisse propter rationem ab ipso inibi assignatam hisce verbis: *Nec fallaris ex hoc, putans homines beatos, putà, Sanctum Petrum, nunquam divina dispensatione circa nos aliquid operari: hoc enim ab hac questione alienum est, quoniam de Beatis inter se questio est.* Hoc, inquam, nullius momenti est. Vnde contra illud

124. Disputo sic 1. Quia licet de Beatis inter se questio sit, & illi inter se vitam activam non exerceant: ex quo tamen illam exerceant circa viatores, convincitur in illis vitam activam conservari: atqui hanc vitæ activæ conservationem negat D. Thom. & cum ipso Caietanus: ergo quod questio sit de Beatis inter se, impertinens omnino est, vel ad minus insufficiens, ut vita activa à coelicolis excludatur.

125. Disputo 2. Quia aliud est, quod coelicolæ vitam activam inter se exerceant; aliud verò, quod vitam ac-

tivam conservent, exerceant circa alios: ergo ex quo vitam activam inter se, vel ad invicem non exerceant, male inferitur, in eis non conservari vitam activam. Consequentia nota est, & antecedens est certum, constatque eius certitudo ex eo, quod priusquam pissimus Redemptor Noster Cœli foras referasset, in Angelorum infimo vita activa, sicut in alijs, erat: hic certe vitam activam non exercebat erga Beatos: quia tunc non erant alij Beati nisi Angeli; & quia Angelus inferior superiorem illuminare non potest, ut modò supponimus ex alibi fuisse dictis: propterea Angelus ille infimus non exercebat vitam activam erga Beatum aliquem. Conservabat tamen illam, exercebatque erga homines viatores: ergo pariformiter Beati inter se habent vitam activam, quamvis illam non exerceant erga se ipsos, sed erga viatores.

126. Disputo denique, ac præcipuè: quia voluntarie questio limitatur ad Beatos inter se, nec tale quiddam mente Div. Thom. cedere valeamus. Videmus enim Angelic. Doct. in illo art. 4. sic interrogantem: *Utrum vita activa maneat post hanc vitam?* Cui illimitatæ interrogationi coheret illimitatum assertum, illimitatæ probationes, illimitata argumenta, ac demum ipsorum illimitatæ solutiones. Quæ omnia textum legens deprehendet, nec verbum offendens, quod illi limitationi favere possit. Vt quid ergo limitabimus assertum adeo univ ersale? Quod si aliquam modificationem in littera Div. Thom. suspicaremur, non illa esset, sed contraria. Fundamentum est, quod Div. Thom. inquirens: *An vita activa maneat post hanc vitam?* Inquiri sanè de vita activa propria huius vitæ, quæque in hac vita exercebatur. Viator autem, qui feliciter suam peregrinationem complevit, & in illa activæ vitæ deditus fuit: hanc suam vitam activam non exercuit erga Angelos, & homines Beatos, sed erga homines viatores: his enim, & non illis opera misericordiae exhibuit. Et de hoc viatore, qui terminum sui exilij claudit, questio

rio est, an in illo vita activa conserve-  
tur? Illa videlicet vita activa, quam in  
via habebat, quæ, vt dictum est, erga  
alios viatores exercebatur, non erga  
Angelos, quos sanè instruere non po-  
terat. Consequenterque si resolutio  
D. Thom. aliqua limitatione intelli-  
genda est, erit vtiq; illa, quòd vita  
activa, de qua loquitur, est illa, quæ  
erga viatores à coëcolis exercetur. Et  
si limitationem istam non sustinet reso-  
lutio Angelica, potiori iure illam aliam  
non sustinebit. Quare sumenda est uni-  
versaliter.

127. Vnde ad propositam diffi-  
cultatem concedendum cum Caetano  
est, coëcolas ex Dei dispensatione ali-  
quando viatores instruere. Hæc tamen  
instructio, cum sit ex Dei dispensatio-  
ne, & non ex statu instruentis, licet in  
se sit opus vitæ activæ; non tamen sup-  
ponit vitam activam in exercente illud  
opus. Quia vt aliquis vitam activam  
in se habeat, non solum debet opera  
vitæ activæ habere; sed etiam debent  
talita opera vel constituere statum vitæ  
activæ; vel ab ipso iam alijs operibus  
constituto provenire. Exemplo res  
clara fiet. Etenim Incipiens aliquandò  
ex Dei indulgenti dispensatione con-  
templatur: quia, vt tenet concors Mys-  
tarum sententia, Deus, qui aliquando  
denegat gratiam contemplationis per-  
fectis, illam Incipientibus concedit.  
Contemplatio sanè contemplativum  
constituit: ergo ex eo, quòd Incipiens  
aliquandò contempletur, sequitur,  
quòd contemplativus sit? Qui hanc  
illationem ex illo principio deduceret,  
inulsè procederet: implicat enim quòd  
Incipiens prout sic sit contemplativus;  
sicut & quòd Incipiens non sit Inci-  
piens. Quo circa tenendum abs dubio  
est, quòd ille Incipiens contemplativus  
non est, etsi quandoquè contempletur.  
Ethuius rei non alia ratio est, nisi quia  
illa contemplatio non est propria status  
Incipientis, sed ex Dei dispensatione  
habita.

Ex alio extremo, Perfectorum  
est propria contemplatio; taliter tamen  
quòd, vt ex alijs dictis constat, multo-

ties meditari debent. Nec per hoc,  
quòd multoties meditentur; inferre  
licet eos esse meditativos. Et ratio est,  
quia illa meditatio non est propria sta-  
tus Perfectorum: ast quia ipsiæ misera  
conditione corporis non possunt sem-  
per in contemplatione perseverare;  
propterea subrogatur meditatio vel  
vt contemplatio penitus non deficiat;  
vel vt spiritus in meditatione occupa-  
tus non reforescat. Vnde cum omninò  
accidentalis sit meditatio Perfecto,  
attenta sui perfectissimi status condi-  
tione; idè non collocat illum intra  
sphaeram meditantium. *Similiter* acti-  
vus aliquandò contemplatur; & con-  
templativus aliquandò occupatur in  
operibus vitæ activæ: Quin activus  
contemplativus sit, aut è contra. Et  
vtriusque ratio est, quòd contemplatio  
non est actio propria vitæ activæ eius  
natura attenta, nec opus activum est  
proprium vitæ contemplativæ, huius  
natura considerata, sed accidentaliter  
se habent ad illas: Vnde nec opus acti-  
vum extrahit contemplativum à statu  
contemplativi, nec à statu activi extra-  
hit activum contemplatio.

His exemplis ex propria mate-  
ria libatis, constat veritas eorum, quæ  
num. 127. dicta sunt. Quandoquidem  
illu minare, instruere, seu docere alios  
opus vitæ activæ est, nec hoc negamus:  
taliter tamen est opus vitæ activæ, quòd  
si non sit iuxta naturam, aut conditio-  
nem elicientis, non supponit in illo vi-  
tam activam, sicut non supponitur vita  
activa in purè contemplativo opera vi-  
tæ activæ exercenti, nec vita contem-  
plativa in purè activo contemplante,  
nec status Incipientis in Perfecto medi-  
tante, nec demum status Perfectorum  
in Incipiente contemplante. Quorum  
omnium eadem ratio est, vti ex dictis  
constat. Quam doctrinam, ni vehe-  
mentissimè fallor, profundè indigita-  
vit Div. Thom. loco citato num. 119.  
ijs verbis: *Non autem promittitur nobis  
similitudo Angelorum, quantum ad  
administrationem inferioris creature,  
quæ nobis non competit secundum ordi-  
nem nature nostre, sicut competit An-  
gelis.*

gelis. Ecce enim quod administratio anterioris creature non competit Beatis, secundum ordinem naturæ nostræ, sicut competit Angelis; sed competit per accidens, & ex Dei dispensatione: & actiones, quæ sic competunt, non supponunt in eas eliciente vitam illam, ad quam ipsæ actiones spectant, ut exempla inducta suadent. Quare ad syllogismum in fine num. 122. respondetur distinguendo maiorem: *Docere est opus vitæ activæ, Docere ex conditione, vel iuxta conditionem status docentis, concedo. Docere ex dispensatione, & non iuxta conditionem status docentis, subdistinguo: Est opus vitæ activæ, non supponens in eliciente vitam activam, concedo: illam supponens, nego maiorem.* Et distinguatur minor prima data distinctione, ac deinde negetur absolute consequentia, quæ ex illis præmissis hand colligitur: ex ijs enim ad summum inferitur, in Beatis dari opera, quæ ex se, & sic ex conditione status eliciantur, sunt vitæ activæ: aut quia in Beatis non sic inveniuntur; sed ex dispensatione, propterea, quamvis in illis dentur illa opera, non datur vita activa.

128. Non quiescis: eliciens opus vitæ activæ vivit aliqua vita actualis: hæc vita non est contemplativa: ergo activa. Ergo hæc datur in Beatis, secunda consequentia constat ex prima, quæ ex præmissis nota est: quia vita, ut diximus quæst. 2. adæquatè dividitur in activam, & contemplativam. Iam verò maior certissima est, & minor inde patet: quod sicut contemplatio non constituit vitam activam, sic nec actio vitam contemplativam constituere potest.

Instantia hæc procedit ex sinistra intelligentia vitæ activæ, & contemplativæ, quam supra iam dedimus ex Div. Thom. & Caietano. Aitenim Angel. Doct. 2. 2. q. 181. art. 1. & q. 179. art. 1. quod vita activa non est illi, quæ semper operi exteriori deditur, ita ut numquam contempletur: sicut nec vita contemplativa est, quæ numquam in operibus exterioribus occupatur. Igitur D. Thom. citatus sic in fine cor-

por. veluti describit hanc utramque vitam. *Vnde etiam in hominibus vita uniuscuiusque hominis videtur esse id, in quo maximè delectatur, & cui maximè intendit, & in hoc præcipuè vult quilibet convivere amico, ut dicitur in 9. Ethicor. Quia ergo quidam homines præcipuè intendunt contemplationi veritatis, quidam intendunt principaliter exterioribus actionibus, inde est, quod vita hominis convenienter dividitur per activam, & contemplativam.* Quam litteram sic inibi elucida Caietanus. *Vita contemplativa non consistit in hoc, quod solum vacet contemplationi veritatis; sed quod studium hominis sit principaliter ad contemplationem veritatis. Et similiter vita activa studet actionibus exterioribus, non solum, sed principaliter.* Igitur vita activa consistit in studio, quo quis circa actiones externas, ut sibi præcipuè diligibiles, maximè, ac præcipuè occupatur. Et vita contemplativa est studium hominis circa veritatis contemplationem, in qua principaliter habens illud studium delectatur. Per quod non excluditur, quod vita activa, seu illam habens contemplatione delectatur, & etiam, quod illam intendat: cæterum non intendit illam principaliter, nec in illa maximè delectatur. Et similiter de vita contemplativa. Vnde purè contemplativus, dum opus exterioris exercet, non vivit vita activa; quia nec illam actionem præcipuè intendit, nec in illa maximè delectatur. Vivet autem vita contemplativa, si illam exterioriorem actionem ad finem contemplationis referat, iuxta aliam eiusdem D. Thom. doctrinam, iam supra datam. Sin minus nec vivet per illam actionem vita contemplativa, nec activa. In quo nullum datur inconveniens, quia illa actio non constituit vitam activam; sed studium, & applicatio ad illius generis actiones. Rogo nunc: Beatus, qui illuminat viatorem, illuminat illum ex studio ipsius actionis, quod ex conditione sui status, vel ex munere sibi demandato, proveniat? Minimè: sed hoc solum facit ex quadam dispensatione; atque actio non est in ipso vita activa, Pin.

Plurima, eaque non parum videntur, sunt, quæ discursum nostrum positum num. 111. quo nostram assertionem probavimus, impugnant. Sed omnia illa solves ex dictis disp. præcedenti, quæst. 3. & ex ijs, quæ Div. Thom. ibi laudatus docet 1. 2. quare nē actum inutiliter agamus, ea omittimus.

### §. III. *Alia assertio pro questionis complemento.*

129. **S**It 2. conclus. *Vita contemplativa, si sumatur secundum omnia, quæ sive essentialiter, sive dispositivè dicitur in hoc statu, est durabilior quam vita activa. Si verò sumatur pro eo, quod essentialiter dicitur, tunc in hoc statu est partim durabilior, & partim minus durabilis.* Assertio hæc duas partes habet, quarum ultima etiam bimebris est. Quod ideo fecimus, ut res subiecta, sicut polliciti sumus, quantum possibile sit, declararetur. Prima ergo conclusionis pars declaratur, simul ac probatur: etenim, sicut supra dicebamus cum Div. Thom. in 2. 2. q. 180. art. 3. & in 3. d. 35. q. 1. art. 1. vita contemplativa habet diversos actus, quorum aliqui pertinent ad acceptionem principiorum, ex quibus procedit ad contemplationem veritatis: alij autem pertinent ad deductionem principiorum in veritatem eius, cuius cognitio inquiritur. *Ultimus autem completivus est ipsa contemplatio veritatis.* Verba sunt D. Thom. loco citato ex 2. 2. quæ sic inibi elucidat Caietan. *Auditio, lectio, & oratio ad acceptionem spectant: meditatio verò, speculatio, consideratio, & cogitatio ad deductionem: Contemplatio demum cum subsequente admiratione ad ipsam consummationem contemplationis.*

Est dicere: quod ut aliquis veritatem habeat, quam contempletur, debet prius habere principia, ex quibus possit procedere ad investigandam veritatem illam. Et hæc principia habentur per auditionem, lectionem, & ora-

tionem: quia potest illa homo habere à Deo, vel ab homine. Si à Deo; habet illa principia media oratione, secundum illud Sapient. cap. 7. *Invocavi, & venit in me spiritus sapientie.* Si autem talia principia habet ab homine, habet illa media auditione, quæ verba hominis prædicantis, vel dirigentis, percipit, & precepta conservat, conferens in corde suo. Habet etiam media lectione, quæ media habet, quæ homo scribit ad animarum profectum. Postquam autem hæc principia habet, tunc ex ipsis veritatem contemplandam querit, ad quod, ut talem veritatem ex ijs principiis deducat, vitur meditatione, speculatione, consideratione, & cogitatione, quibus medijs veritatem invenit, in cuius contemplatione deliciatur. Et hic actus contemplationis est, in quo essentialiter consistit vita contemplativa; in alijs autem solum dispositivè consistit; vel quatenus illis medijs invenitur veritas contemplanda, ut dictum est: vel quatenus, si contemplationis ignis, vel extinguitur, vel sopitur; dictus actus vel revivescit, vel incitillat.

Vltra quos actus pertinent etiam ad vitam contemplativam omnium virtutum moralium actus omnes: qui licet essentialiter spectent ad vitam activam; dispositivè tamen pertinent ad contemplativam, ut docet idem Div. Thom. laudatus art. 2. cuius rationem assignat Doct. Sanct. quæst. sequenti art. 1. ad 3. dicens: *Sicut virtus, quæ ordinatur in finem alterius virtutis transit quodammodo in speciem eius: ita etiam quando aliquis vitur his, quæ sunt vite activæ solum prout disponunt ad contemplationem, comprehenduntur sub vita contemplativa.* Et in hoc sensu concludit, quod *vita activa dispositio est ad vitam contemplativam.*

130. His ergo declarata manet nostra assertio; quæ loquitur de vita activa secundum omnes actus, quos retulimus, insimulque manet probata. Sed claritatis gratia datam probationem ad hanc formam reducimus: *vita activa durat, dum actus ipsius perseverant*

rant, non autem dum datur contemplatio: sed vita contemplativa, sumpta secundum omnia, quæ dicit, quomodo de ea nunc loquimur, durat dum contemplatio exercetur, & etiam dum opera vitæ activæ eliciuntur: Ergo vita contemplativa durabilior activa est. Consequentia est bona, & maior quoad utrâque partem indubitabilis, Minor verò pro secunda parte, in qua dubium esse poterat, probatur ex dictis: Dum durat dispositio ad contemplationem, durat vita contemplativa, modo, quo nunc de ea loquimur: sed iuxta D. Thom. modò datum, actus vitæ activæ; immò etiam ipsa *vita activa dispositio est ad vitam contemplativam*. Ergo dum actus vitæ activæ eliciuntur, permanet vita contemplativa.

131. Declaratur, & vrgetur hic discursus: Etenim vt quis vitam activam exercens, illam dirigat in contemplationem, quo modo activa ad contemplativam spectat, nullum impedimentum, à labore, vel aliunde ortum, datur: Ergo qui actus vitæ activæ facit, eo animo vt in contemplationem eos referat, exercet vitam contemplativam, consequenterque hæc magis durat, quàm illa. Consequentia legitima est, quia ratio, ob quam vita contemplativa durare diù non potest iuxta D. Thom. citatum, Seraph. Theresiam, & omnes Mysticos, ac Scholasticos, inter quos egregiè hoc ponderat Eximius Suarez tom. 2. de Relig. lib. 2. cap. 10. à num. 10. Est labor, qui in illo exercitio habetur, stabilis, fixusque mentis intuitus, qui ad vniformitatem contemplationis requiritur, in quo pro hoc statu manere non possumus, phantasmatum confusio, tædium, seu nausea, quæ ex permanentia in vni-  
o actu generatur, & alia huiusmodi, quæ veritatem illius dicti ostendunt: *Corpus, quod corrumpitur, aggravat animam, & terrena inhabitatio deprimit sensum multa cogitantem*. Vnde si in vita contemplativa quo modo de ea nunc loquimur, hæc non premere ostenderimus, habemus intentum, Pro-

batur ergo antecedens: quia licet dicta omnia vera sint de vita contemplativa, prout dicit actum contemplationis, in quo ipsa finaliter, & essentialiter consistit; non tamen verificantur de vita contemplativa secundum omnia, quæ dicitur prout sic enim nulla nausea ei contraria est, quandoquidem non perseverat in eodem actu, sed vt rectè observavit datus Suarez, per quamdam iucundam mutationem ad vna huius vitæ actione ad aliam fit transitus. Nimirum nunc legendo, nunc meditando, nunc orando, vel contemplando multum temporis spatium consumi potest, rursusque ad easdem actiones reverti, quia & actiones istæ nobilissimæ sunt, ac per se iucundæ, ipsaque earum diversitas tædium aufert. Et alioqui in eis corporaliter non multum laboratur. Similiterque phantasmarum perturbatio, & alia obstantia, sollicitudine, ac vsu, gratia Dei superari possunt. Hæc P. Suarez dicto num. 10. quibus solidè probatur nostrum antecedens. Cæterum quia nos non solum loquimur de istis actibus, sed etiam de ijs, qui sunt proprii vitæ activæ, & etiam de ipsa vita activa, si sumantur, vt dispositiones ad contemplationem; propterea loquendo de omnibus illis clariùs constat illius antecedentis veritas, dirigiturque eius probatio ad laborem, quem in exercitio vitæ activæ experimur; alia enim inconvenientia superata iam sunt ex modò dictis.

Sic igitur probatur iterum idem antecedens. Etenim actus vitæ activæ, prout spectat ad vitam contemplativam, nullum laborem addit supra se ipsum essentialiter sumptum: ergo vt quis vitam activam exerceat, illam referens in finem contemplationis, nullum impedimentum datur. Prob. anteced. Quia quòd actus vitæ activæ pertineat ad vitam contemplativam in nullo alio consistit, nisi in ordine illo, quo refertur ad finem contemplationis: sed in hoc, quod est referre illum actum ad contemplationem nullus labor adest, nec imaginabilis est: Ergo tenet antecedens.



132. Ad hæc: non solum non est maior labor in actu vitæ activæ relatio ad contemplationem, respectu sui ipsius, ut manet intra vitam activam; sed etiam est sine comparatione minor defatigatio; quæ in tali actu primo illo modo reperitur. Exempli gratia. Tráditur quis alia applicatione ad lectionem, quam dirigit vel ad prædicandum fidelibus, vel ut illa lectione imbutus, quæ ex illa hausit, contempletur. Primo modo pertinet ad vitam activam lectione illa; secundo autem ad contemplativam. Et: certè nemo non videt, lectionem primo illo modo laboriosam esse. Tum ex parte finis, qui est prædicatio, in qua multum defatigantur, lassanturque vires. Tum etiam ex ipsa lectione, quæ ad concionandum directa maiorem defatigationem ob memoriæ maiorem applicationem, aliaque huiusmodi, causat, se ipsa ad contemplandum ordinata. Quod, & huius generis multa alia ostendunt, in operibus vitæ activæ, prout contemplationi deservientibus minorem laborem clauditi, quam in ipsis intra suam sphaeram vitæ activæ manentibus.

133. Contra omnia dicta objicies 1. Sicut purè contemplativus elicit actus vitæ activæ, eosque dirigere potest in contemplationem; sic etiam purè activus elicit actus vitæ contemplativæ, illosque potest ordinare in actionem. Ergo, sicut purè contemplativus dum eo animo elicit actus vitæ activæ exercet vitam contemplativam; sic purè activus dum contemplationem refert ad actionem, exercebit vitam activam; Ergo hæc non est minùs durabilis, quam illa. Antecedens constat ex multis dictis. Primam consequentiam paritas suadet: cur enim contemplativus legens, ut contempletur, exerceat vitam contemplativam, & activus contemplan, ut legat, vitam activam non exerceat? Secunda autem consequentià ex primà rectè deducitur. Eò enim diximus, vitam contemplativam esse durabiliorem, quia non solum durat; dum cõtemplatio ipsa habetur, verum etiam dum actus vitæ activæ in illam,

ut in finem ducti, eliciuntur. Ergo, si vita activa non solum durat, dum suos actus elicit; sed etiam dum contemplatur, a qualis ex hac parte est utriusque duratio; consequenterque ratio facta profus ruit.

Respond. 1. rationem factam non solum respicere id, quod obiectio assumit; sed etiam alia, ut est maior labor vitæ activæ, quam contemplativæ. Ex quo rectè concluditur, contemplativam esse durabiliorem; quia cum loquamur de illis, prout in hoc statu habentur, maior, vel minor exercentis labor conducit omnino, ut illa vita durabilior asseratur, in cuius exercitio inferior labor habetur. Verum quia obiectio virgeri potest contra discursum prout num. 130. positum. Ideò

Resp. 2. Vitam contemplativam; ut in hac disputatione eum D. Thom. diximus, esse finem vitæ activæ, quæ etiam, ut eodem num. 130. vidimus, est dispositio relatè ad contemplationem. Quod autem medium ordinetur in finem, & dispositio ad id; ad quod disponit, est omnino consonum veritati: cui absolum profus est, quod finis ordinetur ad medium, & quod terminus ordinetur ad viam, seu ad dispositionem. Adde 1. quod vita contemplativa est simpliciter perfectior, quam activa, ut vidimus quæst. 3. quiaque minus perfectum potest ordinari ad magis perfectum; & non è contra: propterea vita activa ordinatur ad contemplativam: hæc verò ad illam ordinari non potest. Adde 2. Div. Thom. in 3. dist. 35. q. 1. art. 4. quæstiunc. 1. dicere, contemplativam vitam esse bonam propter se activam verò propter aliud, concluditque dicens: *Vita activa, quæ non ad alium, sed ad se ipsum tantum ordinatur* (qualis est illa, de qua obiectio loquitur) *neque dignior, neque utilior est, quam contemplativa, imò comparatur ad contemplativam sicut utile ad id, ad quod est utile.* Ex quibus omnibus constat, vitam contemplativam ordinari non posse ad activam.

Vnde ad obiectionem negatur: antecedens pro secunda parte; videlicet

quo activus valeat contemplationem ordinare in vitam activam; esset enim talis ordinatio inordinata; quod compati cum actu virtuoso non valet. Cum autem activus actus contemplatur, non ob hoc habet vitam contemplativam, sicut nec contemplativus; dum agit, habet vitam activam propter dicta num. 128. Vnde activus, dum contemplatur, nec habet vitam contemplativam, nec exercet activam; eo quod, ut dictum est, contemplatio non est medium, nec via, nec dispositio ad vitam activam: Contemplativus verò, dum agit, exercet vitam contemplativam, sumptam in tota sua latitudine; quia actio illa est dispositio ad contemplationem. Quod intellige de actione ad contemplationem ordinata; alioqui idem dicendum erit de contemplativo agente, ac de activo contemplante.

134. Secunda eiusdem asserti pars himembris, in qua dicebamus, quod vita contemplativa essentialiter, seu proprio actu contemplationis sumpta, si consideretur ut reduplicat hunc statum, potest dici durabilior, & etiam minus durabilis, quam activa, est quoad utramque partem Div. Thom. quoad primam quidem, d. q. 180. art. 8. in corp. ubi postquam statuit, quod vita contemplativa secundum suam naturam accepta est durabilior, uti diximus 1. conclus. agens postea de ipsa vita contemplativa quoad nos, seu prout à nobis in hoc statu exercetur, subiungit: *Sed quoad nos etiam vita contemplativa diuturna est; tum quia competit nobis secundum actionem incorruptibilis partis anime scilicet secundum intellectum. Vnde potest post hanc vitam durare. Alio modo, quia in operibus contemplative corporaliter non laboramus: Vnde magis in huiusmodi operibus continue persistere possumus, sicut Philosoph. dicit in 10. Ethicor. Vbi & vitam contemplativam ex aliqua parte activam durabiliorem esse ostendit, & grave fundamentum ad hoc astruendum exhibuit. Fundamentum consistit in illis duabus rationibus, quibus & nos hanc partem nostri asserti probamus, primò quidem sic:*

135. Actio potentie incorruptibilis est ex hac parte durabilior, quam actio potentie non incorruptibilis: vita contemplativa, sumpta pro actu contemplationis, est actio potentie incorruptibilis, etiam in hoc statu: ergo in hoc statu vita contemplativa est ex aliqua parte durabilior, quam activa. Consequentia est in 3. modo primæ figuræ, & minor patet: quia vita contemplativa, etiam prout in hoc statu est actus potentie intellectivæ, ut hic, & art. 1. asserit Div. Thom. quæ potentia omnino est incorruptibilis: quod quidem non convenit vitæ activæ, ut patet: maior autem inde constat: quod totum suum esse habet actio à potentia; quæ quidem actio utpotè effectus potentie debet, quoad fieri potest, sapere conditiones potentie productis. Vnde actio potentie incorruptibilis, ex hac parte maiorem durabilitatem dicit, quam actio potentie non incorruptibilis.

136. Contra hanc rationem, quæ ex vna parte fundatur in incorruptibilitate intellectus, & ex alia in eo, quod vita activa non est actus intellectus, obijcies 1. contra illud primum: Quia Philosoph. 3. de anima, cap. 5. text. 10. dividens intellectum in agentem, & passivum clarè docet, intellectum passivum esse corruptibilem: ergo ex hac parte maior durabilitas vitæ contemplativæ probari non potest.

Respondetur incorruptibilitatem intellectus fide sanctam esse: vnde licet illam Aristot. negaret, nihil in hac parte virgeret eius testimonium. Sed sanè Aristot. hanc veritatem non negavit: eius tamen mentem in obiecto textu aperit Sanct. Thom. ibi lect. 10. dicens: *Excludit quendam obiectio- nem. Posset enim aliquis credere, quod quia pars intellectiva anime est incorruptibilis, remanet post mortem intellectiva scientia rerum eodem modo, quo nunc eam habet: cuius contrarium supra dixi in primo, quod intelligere corruptitur, quodam interius corrupto, & quod corrupto corpore, non reminiscitur animo, neque amat. Et idè hic dicit, quod*

quod reminiscitur, scilicet post mortem eorum, quæ in vita scrivimus, quia hoc quidem impassibile est, id est, ista pars animæ intellectivæ impassibilis est: unde ipsa non est subiectum passionum animæ, sicut sunt amor, & odium, reminiscencia, & huiusmodi, quæ ex aliqua passione corporali contingunt. Passivus verò intellectus corruptibilis est, id est, pars animæ, quæ non est sine prædictis passionibus, est corruptibilis; pertinet enim ad partem sensitivam. Tamen hæc pars animæ dicitur intellectus, sicut & dicitur rationalis in quantum aliquantulum participat rationem, obediendorationi, & sequendo motus eius, ut dicitur in 1. Ethicor. Unico verbo: intellectus passivus, quem Philosoph. corruptibilem dicit, non est potentia intellectiva, quæ contemplationem elicit; sed est quædam facultas sensitiva, quæ est subiectum passionum sensitivarum, quod nobis non opponitur.

137. Obijcies 2. ex alia parte: quia vita activa etiam est actus intellectus: ergo ex hac parte non est durabilior vita contemplativa. Probatur antecedit. Vita activa est opus intellectus practici; propterea quæ supra diximus divisionem vitæ in activam, & contemplativam fore adequatam; quia vita in præsentī dividitur secundum divisionem intellectus, qui adæquetur dividitur in practicum, & speculativum: Ergo tenet antecedeñs.

Confirmabis: Cognitio veritatis est actus intellectus, ut de se patet sed cognitio veritatis spectat æquè ad vitam activam, & ad contemplativam: ergo sicut hæc, ita & illa est actus intellectus. Min. in qua dubium esse poterat, probatur: quia cognitio veritatis æquè, & adæquatè dividitur in cognitionem, quæ respicit veritatem, ut illam contēpletur, & in cognitionē respicientē veritatem, ut operetur, quarum prima est vita contemplativa, & activa secunda: Ergo cognitio veritatis, &c.

Resp. ad obiectionem ex dictis in hac disputatione: Vitam activam non elici, sed dirigi ab intellectu practico. Hic enim est regula operis exte-

rioris, in quo vita activa formaliter consistit. Unde vita activa non est actus elicitus ab ipso intellectu practico; sicut ab speculativo elicitus est contemplationis actus: quare vita activa non est æquè durabilis. In corruptibilitas enim potentia relucet, quoad potest, in solo actu à se elicito. Adde: quod etiā si vita activa foret actus elicitus ab intellectu practico, adhuc in contemplatione vividius ostenderetur durabilitas: eo quod est actus intellectus speculativi, qui nobilior, puriorque est, quàm practicus, & obiectū nobilior respiciēs, & nobiliori modo. Quamobrem quæst. 182. art. 1. ait Div. Thom. In vita contemplativa est homo magis sibi sufficiens, quia paucioribus ad eam indiget: subditque: Vita contemplativa est secundum divinam; vita autem activa est secundum humanam. Et postea: Vita contemplativa est secundum id, quod est magis proprium homini, scilicet, secundum intellectum: in operationibus autem vitæ activæ communicant etiam inferiores vires, quæ sunt nobis, & brutis communes. Per quæ patet, quod vita activa non est actus elicitus ab intellectu speculativo, ut prius dicebamus. Et etiam quod si foret, adhuc non esset æquè durabilis, quia adhuc tunc non esset homo, tantum sibi in ea sufficiens, quantum in contemplativa, nec ad illam adeo paucis indigeret.

Per quod patet ad confirmationem: Quia cognitio veritatis, habens pro fine opus, non est formaliter ipsa vita activa, sed illam regulat. Quod si diceretur cognitio illa vita activa, adhuc nostrum assertum consisteret propter modò dicta.

138. Secundò probatur propositum assertum secunda illa ratione Div. Thom. quam dedimus num. 134. potestque ad hanc brevem formam reduci: In operibus vitæ contemplativæ non est labor corporalis, qui sanè adest in operibus vitæ activæ: ergo in vitæ contemplativæ operibus diu permanere possumus, non autem in operibus vitæ activæ. Antecedens pro vtraque parte constat ex auctoritate D. Thom.

Et etiam, quia experientia ipsa testatur in vita activa summum laborem esse, quo caret contemplatio, quæ teste laudato Div. Thom. *Consistit in quadam vacatione, & quiete secundum illud Psalm. 45. Vacate, & videte, quoniam ego sum Deus.* De quo plura in superioribus dicta sunt, dicunturque in subsequenteribus. Et loquimur de ipso actu contemplationis, seu de vita contemplativa essentialiter sumpta, non oblii eorum, quæ num. 78. dicta sunt. Deinde probatur consequentia: Quia labor, ac defatigatio corporalis impedit permanentiam in aliquo exercitio: ergo si in vita contemplativa talis labor non adest, & invenitur in vita activa, relinquatur, quod vita activa minus durabilis sit, quam vita contemplativa.

139. Obijcis: Negari non potest, quod in contemplatione plurimum laboretur corporaliter, ut ostendit virum corporalium iactura, caloris naturalis defectus, & alia huiusmodi, quæ contemplativi experiuntur: ergo talis assertio, non dari in vita contemplativa laborem corporalem.

Resp. cum Caietan. ad citatum art. 8. Quod dum Div. Thom. asserit, in contemplativa vita corporaliter non laborari, sumit *ly corporaliter* non pro ut distinguitur contra spiritualiter, hoc est, immaterialiter: lic enim constat, contemplativos laborare, ex quo labore proveniunt effectus illi, quos obiectio recenset, quosque libenter concedimus. Sumit tamen Angel. Doct. *ly corporaliter*, prout distinguitur contra animaliter, sicut corpus distinguitur contra animam. Sic enim solum corporaliter laborant, ut membris corporalibus operando vtuntur, ut artifices, agricolæ, & huiusmodi. Contemplatio autem fit sedendo, & quiescendo: & ideo absque corporali labore fieri dicitur. Hucusque Caietan. quibus facta obiectio soluitur, quatenus in vita contemplativa laborem esse adstruit, quem laborem non negamus, sed modo dicto: ita ut semper laboriosior inveniat in vita activa, in qua labor corporalis est, prout *corporale*, id est *animale*. Siqui-

dem consonando, infirmis ministrando, mortuos tumulando, aliaque opera vitæ activæ exequendo, membris ipsis corporalibus; & toto corpore laboramus, ex quo labore ingens fatigatio contrahitur, ob quam in una illarum actione diu permanere haud possumus.

140. Reduentes modo ad ea, quæ hum. 134. dicebamus, asserimus, eundem Angel. Præcept. qui ibi docuit, contemplationem in hoc statu esse ex una parte durabiliorem vita activa, de quo egimus numeris præcedentibus: etiam docere, tale in contemplationem esse ex alio capite minus durabilem: Sic enim ait, q. 181. art. 4. *Ad 3. dicendum, quod durabilitas vitæ activæ in statu præseni excedens durabilitatem vitæ contemplativæ, non provenit ex proprietate utriusque vitæ secundum se consideratæ, sed ex defectu nostri, quæ ex corporis gravitate retrahimur ab altitudine contemplationis. Unde idem subdit Gregor. quod ipsa sua infirmitas ab immensitate tantæ consuetudinis repulsus animus in semetipso relabatur.* De quo quia de se satis constat, & iam multa multoties diximus, nihil modo addendum est.

#### §. IV. Quæ asserta præcedentia impugnant, enodantur.

141. **P**Ræcipua argumenta, quæ datas assertiones impugnant, sunt obiectiones iuxta eas factæ, solutæque. Sed nihilominus aliqua modo dabimus, potius ut modum regularem servemus, quam quia difficultatem aliquam, non facillimè ex dictis superabilem continere, intelligamus. Igitur arguit. 1. contra prim. conclus. Contemplatio non est homini connaturalis: ergo ex natura sua non est diuturna. Ergo nec vita activa ex se diuturnior. Secunda consequentia constat ex prima: Tum quia ex negatione positivi destruitur comparativum. Tum quia vita activa durabilis abs dubio est, & homini connaturalis. Prima consequentia deducitur benè ex

antecedenti; quod probatur. Quod est melius, quàm secundum hominem non est conaturalis homini: vita contemplativa sic est, ex Philosoph. lib. 10. Ethicor. cap. 7. Ergo vita contemplativa non est ex se homini conaturalis.

Resp. 1. hoc argumentum non tam respicere contemplationem secundum se, quàm relare ad subiectum. Vnde non primam assertionem impugnat, sed probat secundam partem secundæ. Verùm quidquid de hoc sit, responderetur secundò negando antecedens: ad probationem constat ex alibi dictis, Philosophum dicere contemplationem esse supra hominem, quia convenit homini secundum intellectum, qui, teste eodem Philosopho, aliquid divinum est. Ita Philosophum explicat D. Thom. citato art. 8. ad 3. Adde: quòd ad contemplationem requiritur summa segregatio à creaturis, quæ proculdubio quietem contemplationis perturbant. Quod vel ipsi suæ gentiliæ contemplationi apprimè necessarium, gentiles Philosophi cognovere: eoque à creaturarum tumultibus segregabantur, vt expedite contemplationi dederentur. Videns autem Aristot. lib. 1. Polit. cap. 2. hominem, qui ex natura sua est animal sociale, fugere aliquandò societatem, dixit: *Ille, qui alijs non communicat, est bestia, aut Deus, id est*, ait Div. Thom. 2. 2. quæst. 189. art. 8. ad 5. *Divinus vir*. Quod ideo Philosoph. dixit, interprete eodem Div. Thom. quia *homo potest solitarie vivere dupliciter. Vno modo quasi societatem humanam non ferens propter animi servitiam, & hoc est bestiale. Alio modo per hoc, quod totaliter divinis rebus inhaeret: Et hoc est supra hominem*. Et hæc est ratio, qua contemplatio supra hominem esse dicitur: hoc tamen ipsius diuturnitati non præiudicat, vt dictum est.

142. Arg. 2. ex Apocal. cap. 8. v. 1. vbi dicitur: *Factum est silentium in Cælo quasi media hora*, per quod silentium intelligitur communiter quies contemplationis, & per ly *media hora* datur intelligi summa brevitās talis

contemplationis, quæ parum durat: ergo contemplatio non est ex natura sua diuturna: ac per consequens nec diuturnior vita activa. Prima consequentia legitime infertur ex antecedenti: Si namque contemplatio foret ex natura sua diuturna, hoc planè haberet in Cælo, vbi nihil datur, quod ipsius diuturnitatem impediatur. Antecedens autem est omninò certum, sicque ab omnibus intelligitur: ita vt silentium illud, adeò breve sit contemplatio.

Respōdet. 1. cum Div. Thom. supra citatum cap. Apocalyp. datum textum nullatenus loqui ad litteram de contemplatione, sed per illud silentium significatur pax, & tranquillitas, quæ est futura in Ecclesia, quæ Cælum est propter cælestem claritatem, propter fidei charitatem, & vitæ sublimitatem, post mortem Antichristi, quæ parum durabit, & ideo signatur per silentium quasi dimidiæ horæ, quia citò post veniet Dominus ad iudicium. Verba sunt Div. Thom. loco citato, qui egregiè idem argumentum prosequitur. Videatur. Vnde duo falsa continent argumentum factum. Primum est, quòd Cælum, in quo factum est silentium, sit paradysus Cœlestis. Hoc enim falsum est: quia ly Cælum significat Ecclesiam militantem propter rationes, quas Div. Thom. dedit. Et sanè si per ly Cælum intelligatur Ecclesia triumphans, & per silentium intelligatur contemplatio, infertur, quòd contemplatio in gloria non sit durabilis, quod plusquam falsum esse, est fide sanctum. Vnde si per silentium intelligitur contemplatio, vt arguens vult, & per Cælum non potest intelligi Ecclesia triumphans, vt demonstravi: relinquatur, quòd per Cælum intelligatur Ecclesia militans, vt docuit D. Thom. aut anima iusti, vt vult D. Bernard. mox citandus: ex tota hac facta fabrica solùm habetur, quòd contemplatio in hoc statu non sit diuturna, quod primum nostrum assertum non impugnat, sed firmat secundum. Maneat ergo falsum esse, quòd Cælum ibi Ecclesiam triumphantem significet: significat enim militem antem.

Secundum quod factum argumentum supponit ut indubium, estque falsum, est, quod per silentium intelligatur ad litteram contemplatio. Non, inquam, contemplatio intelligitur, sed pax dicta, qua fruatur Ecclesia militans post Antichristi mortem, quæ diuturna non erit; sed solummodo per quadraginta dies, uti Glossa asserit, duratura. Transactis enim quadraginta diebus, celebrabitur iudicium universale, finieturque cum ipsa militante Ecclesia pax Ecclesiæ militantis.

Respond. 2. cum eodem citato Div. Thom. qui ait: *Tropologicè per silentium secundum Beatum Gregorium, intelligitur secretum intimæ contemplationis, in quo silere debet tumultus cogitationum, ut anima iusti, quæ Cælum est, per elevationem à terrenis, & claritatem mentis cum sponso loqui, & eius vocem dulcissimam audire possit. Unde Beatus Gregor. super hunc locum: Cælum quippe est anima iusti: Anima ita quæ iusti ad æterna sublimia per sublevationem contemplationis intendit, surgentes ab infimis cogitationum tumultus premit, & intrase Deo quoddam silentium facit: Hoc autem silentium quasi media hora fit, quando non diu durat quies contemplationis, sed vel necessitas corporalis, vel aliud aliquid interrumpit eam. Unde Gregor. hoc silentium contemplationis, & hæc quies mentis in hac vita non potest esse perfecta.*

Similiter Div. Bernard. lib. de Amor. Dei cap. 4. ait de contemplatione: *Hoc est silentium in Cælo. Quando quippe in hac sumus vita hoc felicissimæ pacis silentio in Cælo, id est, in anima iusti, quæ sedes est sapientiæ, aliquando fruatur affectus, sed hora est dimidia, vel quasi dimidia; intentio verò de reliquis cogitationis diem festum perpetuum agit sibi. Per quæ solummodo manet argumentum, similiterque solvuntur innumera alia, quæ hic ab autoritate, & à ratione fieri poterant. Et omnia illa solum probant, quod vita contemplativa, prout in hoc statu; durabilis non est, quod est nostrum assertum secundum, quoad secundam partem,*

sed primum, ut dictum est, non impugnat.

143. Arg. ultimò contra bimbrem illam partem asserti secundi: Quia paradoxum est, quod contemplatio pro hoc statu sit simul diuturnior, & minus diuturna, quam vita activa: Ergo ex illis duobus membris aliquid falsum est. Probatur antecedens. Tum quia ex ipsis terminis apparet repugnantia. Tum quia eadem contemplatio non potest simul esse, & non esse: Ergo nec potest simul esse diuturnior, & minus diuturna.

144. Confirmat. Implicat eandem contemplationem esse simpliciter perfectiorem, & simul simpliciter minus perfectam, quam vita activa: Ergo pariformiter implicat, quod sit simul diuturnior, & minus diuturna. Anteced. constat ex dictis tota questione 3. ubi licet concederemus, vitam activam esse secundum quid perfectiorem; perfectionem verò simpliciter maiorem numquam concessimus, ut potè pugnantem cum perfectione simpliciter maiori vitæ contemplativæ. Consequentia verò probatur: quia si vita contemplativa asseritur durabilior, & simul minus durabilis, quam vita activa, non est unde tam maior, quam minor durabilitas non sint simpliciter tales: ergo implicat, &c.

145. Resp. argum. distinguendo antecedens. *Paradoxum, &c. sit simul, & ex omni capite diuturnior, & minus diuturna*, conceditur: *Sit simul*, & non ex omni capite, negetur antecedens. Numquam enim diximus, quod contemplatio sit ex omni capite durabilior. Diuturnitatem contemplationis aliqua possunt fundare, & alia perimere. Illam, etiã pro hoc statu sũdat incorruptibilitas potètiã, à qua elicitur: fundat etiã, quod in cõteplatione corporaliter non laboratur. *Et hæc negatio impenitentis laboris*, ait Caietan. ad art. 8. citatum, *manifestè ad maiorem continuitatem confert.* Quod dupliciter intelligi potest. Primò sic, ut idem numero actus contemplationis magis durare potest, cò, quod in ipso labor non est. Secun-

dò ita, vt licet idem actus non continuetur; potest tamen contemplatio iterum, atque iterum continuari, ex quo in ea labor corporalis non est. Et vtrumque verum est: quamquam Caietan. in secundo sensu solum loqui videatur, vt hæc eius verba testantur: *Ex hoc contemplatio ex parte nostri est magis contigua, hoc est, magis, ac magis continuari potest, quod corporalis labor ibi non intervenit.* Sed vtrumque, vt diximus, verum est: quia ex quo labor corporalis in contemplatione non est, potest idem actus diutius permanere, & semel hoc extincto, potest per alium, & alios continuari: quorum neutrum in actibus vitæ activæ eadem expeditione dari potest, vt patet in Sermocinante. Quod autem contemplationem non diu durare finit; est ipsa gravitas corporis animam à Coelesti illo contemplationis otio, cā in vita, retrahens. Dicimus ergo quod contemplatio, quæ ob illa duo est in hoc statu durabilior, quàm vita activa, est minus illa durabilis ob hoc ultimum, in quo nulla contradictio adest, nec ex ipsis terminis; nec aliundè. Per quod patet ad primam probationem antecedentis. Ad secundam dicas: *esse, & non esse* esse prædicata contradictoria: quod autem contemplatio sit secundum vnam rationem durabilior, & minus durabilis secundum aliam, nullam contradictionem involvit.

146. Ad confirm. negetur consequentia, & paritas. Discrimen est,

quod perfectio simpliciter talis desinitur ex genere, seu natura, vt eo loco diximus: quiaque res vna non habet nisi vnam naturam, seu essentiam; propterea non potest esse simpliciter perfectior, & simul minus perfecta simpliciter respectu eiusdem: quandoquidem tunc foret simpliciter perfectior, & simul minus perfecta secundum idem; quod manifestè implicat in eadem entitate respectu eiusdem. Diuturnitas autem non est quidditas contemplationis: Vnde potest secundum vnam rationem esse magis durabilis; quàm vita activa, & minus durabilis secundum aliam. *Adde*: quod maior diuturnitas contemplationis, cū proveniat ex capitibus numero præcedenti assignatis, quæ sunt iuxta exigentiam quidditatis ipsius contemplationis: ipsa enim ex sua natura est actus potentie incorruptibilis: ac similiter secundum suam naturam ei convenit, quod in ea corporaliter non laboremus: hæc; inquam, maior diuturnitas est ob dicta simpliciter talis. Minor autem diuturnitas, cū conveniat ei prout reduplicat hunc statum, & unionem cum corpore retardante; ac impediante, est talis secundum quid: vt potè quod nec est quidditas; nec a quidditate exactum. Immo pugnans cum exigentia quidditatis. Quo circa erit contemplatio simpliciter durabilior vita activa, & secundum quid minus durabilis, in quo arguens nullum inconveniens reperit, nec nos illud reperimus.

## QUÆSTIO SEPTIMA.

*Vtrum in eodem viatore possint simul reperiri vita activa, & contemplativa?*

**P**resentem difficultatem ad tertium prædicabile, in quo de natura perfecta agendum est, reservare decreveram: eo quod, si in aliquo viatore compatiuntur hæc duæ vitæ, ille sanè perfectus esse debet. In alijs enim non posse simul dari certissi-

imum est. Verum, quia quod tales vitæ possint, vel non possint simul dari, provenit ex prædicatis intrinsicis utriusque; propterea hic oportunior sedes est, vt hoc dubium discutatur. In hac enim disputatione propria, & intrinseca huius duplicis vitæ tractata sunt.



**§. I. *Questionis sensum aperio,  
& veram sententiam  
propugno.***

147. **N**on loquimur de illa vita activa, de qua multoties dictum à nobis est, speciatim in hac disputatione, fovere ipsam vitam contemplativam: quatenus huius fervor penè extinctus per illius impulsum reproducitur. Hæc enim vita activa, seu, vt propriùs loquar, hæc vitæ activæ habitio ad rem præsentem non est: siquidem illo modo vitam activam reperiri in contemplativo, res adeò certa, et itaque est, vt subijci disputationi non debeat. Quandoquidem quilibet contemplativus suam contemplationem sanctis meditationibus fovere debet, vt ex nostro Extract. Doct. pluries diximus. Hoc tamen non est habere vitam activam; tum quia illæ meditationes sunt actus vitæ contemplativæ, sumptæ secundum omnes actus, quos dicit, vt supra dicebamus. Tum quia illius contemplativi principale studium, cui præcipuè vacat, non sunt illi actus, sed contemplatio veritatis.

148. Indidemque habetur, non esse in præsentī sermonem de illis operibus vitæ activæ, quæ etiam à quocumque contemplativo eliciuntur. Nemo enim ita ab alijs segregatus est, qui aliquandò opem indigenti non ferat. Hæc tamen opera vitam activam in illa operante non arguunt propter dicta: videlicet, quia non sunt principale studium facientis: quod indispensabilem necessarium est, vt talia opera vitam activam constituant, iuxta doctrinam Div. Thom. datam num. 128. Debetque hoc præ oculis haberi, vt in præsentī vitari possit confusio. Vnde loquimur de vita activa, (idem de contemplativa intellige) quam quis seriò, ac principaliter intendit, iuxta numero dicto tradita. Quod quia non considerant aliqui de his scribentes, non lucem, sed tenebras materiæ non admodum perspicuæ scriptis suis cõciliant, Quod

vitandum spero, velligijs Angel. mei Præceptis, & Seraph. Doct. Div. Theresiæ fide liter, ac indivulsè insitit.

149. Iuxta hæc igitur duo lucidissima oracula questionis titulus dupliciter intelligi potest. Primo ita vt licet cum vita contemplativa non sit simul vita activa, eo rigore sumpta, quem modò dedimus: detur tamen contemplativus ea perfectissima contemplatione decorus; vt possit attendere ad omnia opera vitæ activæ, quæ tumvis maximæ entitatis, quin otium suæ contemplationis impediatur. Satque hoc esse (si verificetur) vt possimus dicere, quòd in viatore datur simul utraque illa vita; inde constat quod in Angelis usque ad iudicij universalis diem diximus supra questione præcedenti cum D. Thom. dari simul hanc duplicē vitā. Et sanè vita activa, quā in Angelis cõcedimus, non est vita activa ea serietate, seu rigore sumpta: quādoquidē Angeli non maximè præcipuè vè delectantur in illis suis operibus vitæ activæ, nec illa præcipuè intendunt, se illi soli placere, in què *disident Angeli prospicere*. Ast dicuntur simul utramque vitam habere; quia sic in ministerijs activæ vitæ occupantur, vt quies contemplationis interrupta perseveret. Sic docet Div. Thom. 2. 2. q. 181. art. 4. ad 2. dicens: *Angeli secundum hoc habent aliquid de vita activa quandiu mundus durat ex hoc, quod administrationi inferioris creaturæ intendunt. Quod significatur per hoc, quod Jacob vidit Angelos in Scala ascendentes, quod pertinet ad contemplationem; & descendentes, quod pertinet ad actionem. Sed sicut dicit Gregorius 2. moral. non sic à Divina visione foris exeunt, vt internæ contemplationis gaudijs priventur*. Sat est ergo, quòd quis possit exterioribus occupari, quin internæ contemplationis gaudijs privetur, vt vitam activam habere simul cum contemplativa dicatur.

Fatemur tamen, hunc non habere vitam activam omnino rigorosè, vt illam habet, qui illam principaliter intendit, Sed hoc nihil obest, vt dicatur



tur habere vitam activam simul cum contemplativa, ut dicebamus de Angelis, in quibus eo rigore vita activa non est; quod elegantissimè docuit D. Thom. verbis adductis dicens: *Secundum hoc habent aliquid de vita activa*. Perspicè, quod non dicit Angelos habere vitam activam, sed *aliquid de vita activa*. Quia videlicet, non habent vitam activam, nisi in sensu modò à nobis intento. Quod ampliùs ex dicendis constabit.

150. Secundò potest intelligi quæstionis titulus, ita ut in eodem viatore detur simul vita contemplativa, & activa, omnino rigorosè sumptæ. Quod adhuc dupliciter potest intelligi. Primò ita ut ly *simul* denotet simultatem temporis, tuncque hunc sensum reddet: an nimirum possit quis simul studere principaliter vitæ activæ, & contemplativæ? Ita ut simul, hoc est, eodem tempore studium principale habeat circa utriusque vitæ opera? Secundò, ita ut ly *simul* non denotet simultatem temporis, sed subiecti: sic, ut idem homo, qui nunc principaliter contemplationi vacat, alio tempore vitæ activæ studeat principaliter: taliter quòd reciproca successione modò in vita contemplativa, modò in activa occupetur: sed utraque vita in ipso simul sit. Et quocumque ex dictis tribus modis procedit disputatio nostra. Vnde videndum nobis est: an omnibus ijs modis, vel aliquo, detur simul vita contemplativa, & activa in viatore?

151. Sit nostra 1. conclus. *Potest viator adde intimè Deo per contemplationem uniri, ut opera activa quantumvis multa, & maximè entitatis, eius contemplationem non impendant: atque adeò possint in eodem viatore dari simul vita contemplativa, & activa*. Secunda pars conclusionis constat ex dictis num. 149. Prima autem pars, in qua difficultas viget, est expressa D. Augustini lib. 19. de Civit. Dei, cap. 2. & 19. D. Gregor. 2. moral. cap. 3. D. Thom. loco citato ex 2.2. & clarissimè Seraph. Mat. nostræ lib. vitæ, cap. 17. & in Itinere cap. 31. ex quorum doc-

trina discursus libabimus, quibus nostrum assertum suadeamus. Probatur ergo primò conclusio sic: Beatissima Virgo Maria dum viatrix fuit, habuit contemplationem, quam nulla opera vitæ activæ impediabant: ergo dabilis est in viatore contemplatio, quam non impediunt opera vitæ activæ. Consequentia bona est: proceditur enim de actu ad potentiam. Et antecedens probatur: Beatissima Virgo, dum fuit viatrix, habuit simul vitam activam, & contemplativam: sed inter modos, quibus hæc utraque vita à viatore haberi potest, minor est ille modus habendi illas, qui constat ex dictis num. 149. Videlicet, habere contemplationem; quam opera vitæ activæ non perturbent: Ergo Beatissima Virgo illam eminentissimam contemplationem habuit. Cætera nota sunt, & maior continet discursum D. Thom. quo vitur in 3. dist. 35. q. 1. art. 3. quæstione. 3. in argument. 2. *sed contra*, estque huiusmodi: *Beata Virgo fuit in utraque vita, & ideo secundum Anselmum in Assumptione eius legitur Evangelium de Martha, & Maria, quæ significat vitam activam, & contemplativam: sed Beata Virgo fuit tantum viatrix: ergo, &c.*

Quo discursu evincitur, Beatissimam Virginem habuisse illam adeò divinam contemplationem, quæ nullis vocibus exteriorum tumultuum turbaretur. Hic enim, ut dictum est, est infimus modus inter eos, quibus excogitari potest possibilibus simulas huius utriusque vitæ in viatore. In simulque hoc ipso discursu solvitur illud frequens dubium concionatorum in die Assumptionis Domine nostræ. Anguntur enim minus perspicaces, non valentes percipere, cur illud Evangelium in tali solemnitate legatur. Fundamentum ut detegant, factus non numquam eduntur expiendos, aut contemptu præmiandos. Dicitur ergo institutionis motivum est, prout vidimus, quod in eo Evangelio fit mentio vitæ activæ figurata in Marta satagente circa frequens ministerium: fit etiam mentio vitæ

contemplativæ, quam repræsentat Maria sedens secus pedes Domini, & audiens verbum illius. Ut autem detur intelligi, quod in Beatissima Virgine duplex vita simul erat, & quod meritis eminentissimis, utraque utriusque vitæ manu collectis, regna cœlestia conscendebat; propterea, ait ex D. Anselmo D. Thom. legitur Evangelium illud in illa festivissima solemnitate ex veneranda Ecclesiæ ordinatione.

Ex quo colliges: nostrum assertum esse iuxta indefectibile Sanctæ Romanæ Ecclesiæ iudicium, quandoquidem dum dictum Evangelium legi iussit, illam duplicem vitam in Beatissima mundi Regina, ac Cœli Domina fuisse censuit.

152. Confirm. 1. Non est efficacia operum exteriorum murmur ad impediendam cōtemplationem, quàm hæc dum valdè sublimis est; ad impediendum usum sensuum, seu vires sensitivas causando extasim, vel raptum: Beatissima Virgo habuit altissimam contemplationem sine impedimento virium sensitivarum: ergo & dedita fuit operibus vitæ activæ sine impedimento contemplationis. Consequentiam suadet paritas. Min. continet doctrinam Mysticorum, de qua nobis agendum est in quinto prædicabili; constabitque à fortiori ex dicendis num. 169. Maior autem ita certa est, ut non indigeat probatione.

153. Confirm. 2. Beatissima Virgo cum vehementissimo dolore coniunxit contemplationem: ergo & cum operibus vitæ activæ. Consequentia inferitur: quia non est assignabilis ratio, cur sollicitudo circa operâ exteriora contemplationem impediât, & ipsam dolor vehementissimus, quo puræ creaturæ acerbior nec æquè gravis nullus, non impediât. Antecedens autem probatur: Cum Christus Dominus pro mundi salute in Cruce patiebatur, habuit Beatissima Virgo dolorem omnes omnium creaturarum dolores superantem: sed tunc etiam habuit ferventissimam contemplationem: ergo, &c. Præmissæ non tam

indigent probatione, quàm in Deiparæ obsequium expensione: expenditur ergo minor primò in generali: quia Beatissima Virgo numquam à divina contemplatione cessavit, nec ante ipsius ortum, nec post; nec vigilans, nec dormiens: Ergo nec in filij passionem. Consequentia est bona; tùm quia magis est contemplari ante ortum, & in somno, quàm in vigilia, licet cum circumstantia illa doloris vehementissimi; & denique semper, ac incessanter contemplari, plus est, quàm contemplari in aliqua differentia temporis; & cum dicta doloris circumstantia: vnde si Beatissima Virgo semper, ac incessanter contemplata est, etiam in passionis tempore contemplationem exercuit: cum hoc non sit maius, quàm illud. Tùm deindè, quia, ut ex ipsis terminis constat, si numquam à contemplatione cessavit: in tempore passionis contemplata utriusque est: quia passio illa in aliqua differentia temporis existit.

Anteced. autem probatur: & primò quòd ante ortum, & in somno contempleretur: sic enim docet D. Bernardin. tom. 2. serm. 51. art. 1. cap. 2. his verbis: *Beata Virg. licet in utero Matris suæ; sicut ceteri infantes dormiret; attamen somnus, qui abussat, & sepelit in nobis rationis, & liberi arbitrij actus, & per consequens actum merendi; non credo; quòd talia in ipsa fuerit operatus; sed anima sua liberè, ac merito: rito actu tunc tendebat in Deum.* Postea quæ in eodem sensu accipit illa Canticæ verba: *Ego dormio, & cor meum vigilat.* Idem; ut post ortum incessanter contemplatam fuisse, usus est Amadeus hom. 3. de Laud. B. Virg. ubi ait: *Sæpè etiam agebat, quod in canticis Canticor scriptum est: Ego dormio; & cor meum vigilat: Carne quippè dormiens, animo vigilabat.* Eandem veritatem, quoad hoc, quòd nec in somno, nec in vigilia à Dei contemplatione cessabat, docet oratio illa Sanctæ Birgitæ cœlestis revelata, ait enim: *O Virgo Maria dominatrix mea, gloriatur nasus tuus suavissimus, qui ex virtute Spiritus Sancti numquam anhelitum atraxit, vel emi-*

*fit, quin tota cogitatio tua semper esset ad Deum altissimum, & quamvis aliquando dormiebas, voluntatem tamen tuam ab eo nunquam mutabas.* Plura prætereo circa incessantem Sanctissimæ Virginis contemplationem, quæ videri possunt in Alb. Mag. super *missus est* cap. 176. 177 & 179. in Joan. Olando ad 3. Scoti, d. 3. q. 5. art. 1. & alijs. Non tamen omiserim illud, quod de Beatissima Virgine dicitur in Proverb. cap. 8. *Non extinguetur in nocte lucerna eius.* Semper enim accensa fuit lucerna contemplationis Virginis Almæ, videlicet, *in nocte materni uteri, in nocte somni, in nocte totæ huius vitæ, quæ comparata cum die æternitatis, ex absentia veri Solis, nox est: Ergo nec etiam extincta fuit lucerna hæc adeo constans in obscurissimis nocte acerbissimæ passionis.*

Expenditur 2. illa minor in particulari loquendo de tempore passionis pijsissimi Reparatoris nostri. In quo tempore Virgo Beatissima contemplationi vacabat, ut testatur ipsa purissima Virg. Sanctæ Birgit. lib. 1. cap. 10. his verbis: *Quando verò considerabam loca clavorum in manibus, & pedibus, quos secundum Prophetas crucifigendos audivi, tunc oculi mei replebantur lacrymis, & cor meum quasi scindebatur præ tristitia: Cum verò considerarem potentiam Deitatis eius, consolabar iterum, sciens quod ipse sic vellet, & sic expedit, & omnem voluntatem meam consensu meæ voluntati eius: & sic semper erat letitia mea mixta cum dolore.*

Iam verò expenditur maior illa facti syllogismi propositio: & scilicet, quod vehementissimè Sanctissima Virgo tunc temporis torqueretur, probat dictum ipsius in principio orationis modò datæ, ubi ait, quod eius cor quasi scindebatur. Probat etiam ipsius altissimum silentium: nihil filio suo sibi loquenti respondit, cuius silentij dolorem vehementissimum fuisse causam, ait Div. Bernard. de lament. B. Mariæ. Est enim dolor vehemens fur loquelæ iuxta illud Job, cap. 2, ubi

de mæstissimis amicis Job dicitur: *Sederunt cum eo in terra septem diebus, & septem noctibus, & nemo loquebatur ei verbum.* Quod autem ille Virginis dolor omnes omnium creaturarum dolores superasset, docet Div. Bernard. tom. 1. serm. 61. dicens: *Tantus fuit dolor Virginis, quod, si in omnes creaturas, quæ dolorem pati possunt, divideretur, omnes subito interirent.* Ergo vera est illa maior.

## §. II. Emergens obiectio dispellitur, & eius occasione dubium incidens disputatur.

154. **C**ONTRA 2. confirm. §. præcedenti factam adest gravis obiectio, quæ negotiorum faciebat, nisi enodaretur. Obijcies ergo: Beatissima Virg. in passione filij sui passa est spasmodum: ergo non habuit contemplationem illam, quam diximus. Patet ista: quia cum spasmus contemplatio adesse non potest, sicut nec advertentia, nec meritum, nec libertas. Vnde si verum est, quod Beatissima Virg. tam vehementissimè doluit, sequutus fuit spasmus, qui doloris adeo irregularis comes est: eoque minor facti syllogismus est falsa. Sin minus maior non erit vera. Consequenterque nutat facta confirmatio.

Anteced. autem, in quo est difficultas, probatur multipliciter. Primò, quia in Ecclesia celebratur festum in memoriam spasmæ Beatissimæ Virg. quod festum incipiebat Dominica in Passione, & terminabatur sequenti Dominica Palmarum. Quod certe non fieret, nisi B. Virgo spasmata fuisset: ergo verè passa fuit deliquium in filij passione. *Secundò* probatur antecedens: quia ex relatione eorum qui terræ sanctæ loca inviserunt, novimus, prope Calvarium constructum fuisse Templum sub nomine *Sanctæ Mariæ de Spasmo*, in illius memoriam, quem Cœlestis Virgo passa est, cum vidit suum Unigenitum Crucem baiulantem, & sub ipsa, ponderis Immanitatem

eadentem. Tunc quippe purissima Virgo spasmata præ doloris acerbitate simuliter cecidit, & eò loci dictum templum erectum fuit, cuius ruinæ adhuc extant.

Probat. 3. anteced. à P.P. auctoritate: nam Div. Bonav. lib. Medit. Vitæ Christi cap. 77. ait: *Cernens (Sanctissima Virgo) eum (Christum Dominum) onerasum ligno tam grandi, quod primò non viderat, semimortua facta est præ angustia, nec Verbum ei dicere potuit.* Alij hoc referentes ad tempus, in quo in Calvario nudatus est meus Jesus, tunc deliquium Virginis accidisse, dicunt. Vnde Anselm. dialog. de Passion. Dom. Virginem sic plorantem introducit: *Cum venissent ad locum Calvarie ignominiosissimum, audaverunt Jesum filium meum totaliter vestibus suis, & ego exanimis facta fui.* Div. Bonav. dicto lib. cap. 80. ait, idem accidisse, cum Christi corpus lancea vulneratum fuit. Hæc sunt eius verba: *Tunc Mater semimortua cecidit inter brachia Magdalene.* Alij circa hoc ipsum plura loquuntur, sed quæ à dictis parum distare videntur: eòque ad aliud caput transimus.

Probat. 4. anteced. ex revelat. B. Birgit. factis, inter quas nonnullæ sunt, hunc ipsum Sanctissimæ Virg. spasmus confirmantes, ut videre est lib. 1. cap. 10. lib. 2. cap. 21. lib. 4. cap. 70. & lib. 7. cap. 15. solum referam, quæ ferm. Angelico cap. 18. habentur: *Videns deinde Mater filium suum in Cruce crudeliter extendi, in omnibus corporis sui viribus capit tabescere: audiens verò malleorum sonitum, quando filij manus, & pedes ferreis clavibus perforabantur, tunc, omnibus Virginis sensibus deficientibus, ipsam in terram velut mortuam doloris magnitudo prostravit.* Mitto alias revelationes idem testificantes. Probat. 5. antecedens ex pictorum praxi, qui iuxta Crucem solent effigiem Almæ Virg. pingere, illam spasmata, ac veluti mortuam demonstrantem.

Probat. denique anteced. ex Sacra Script. quia Luc. cap. 2. ait Beatissimæ

Virg. Sanctus Simeon: *Ei tuam ipsius animam pertransibis gladius.* Quæ verba multi P.P. sacrique Expositores exponunt de dolore, quem in passione habuit purissima Virgo ipsam deliquium pati, cogente. Atque ita loquitur Div. Bernard. de lament. Virg. Laurent. Justin. de Triumph. Christi agone, Div. Bonav. cap. citato, & etiam eod. lib. cap. 77. & 79. Carthusian. in Joan. cap. 19. vnde sententiam asserentem, Virg. spasmus passam fuisse, præter adductos, tenent Joan. Lansperg. lib. elucidat. in passion. Christi, Aranda tract. 1. cap. 14. Malonius in elucidat. Stigmat. cap. 17. Durand. lib. 4. in notis cap. 70. plurisque alijs.

155. Circa hoc dubium tria facienda restant. Primum videre, quid sit spasmus. Secundum videre, si fuit in Beatissima Virg. tempore passionis, vel alio. Tertium denique obiecta solvere. Circa primum scias: spasmus esse in duplici differentia. Primus est propriè talis; secundus autem impropriè. Primus evenit, cum quis ob nimium dolorem patitur nervorum contractionem, tota corporis, & animæ harmonia dissoluta: ita ut nec sensibus externis, nec internis, atque adeò nec ratione uti valeat. Et hoc est, quod à Physicis spasmus dicitur: illi enim solum spasmus propriè talem cognoscunt. Hicque spasmus est propriè infirmitas corporis. Secundus evenit, cum quis propter gravem dolorem, quo premitur, syncopem, seu extasim passus, viribus destitutus cadit, quamquam rationis usus non impediatur. Inquitur ergo modò: Beatissima Virgo tempore passionis, vel alio suæ sanctissimæ vitæ, hæc deliquia, vel aliquod ex illis, passa est?

156. Respondeo negativè cum Caietan. tom. 2. opusc. tract. 13. q. ult. & cum illum describente Medina 3. p. q. 27. art. 4. Janfen. in Concord. Evangel. Suar. tom. 2. in 3. p. disput. 4. sect. 3. & disp. 41. sect. 2. Clytovzo homil. de Statione Virg. circa Crucem. & alijs. Ex his tamen Authoribus nonnulli sententiam oppositam temperariam, ac

leandrosam esse asserunt. Alij alijs centuris illam feriunt. Nos tamen probamus primò Beatissimam Virg. non fuisse in filij palseone ipsamata ipsamo propriè dictò: Etenim Beatissima Virg. iuxta Crucem egit munera Mediatricis, & Salvatricis humani generis, aliaque plura, quæ omnia, & singula requirunt maximam considerationem, & libertatem: Ergo iuxta Crucem non passa fuit ipsamum propriè dictum. Ergo nec alibi illum vnquam perpeffa fuit. Patet vltima consequentia ex prima; quia vt rectè observant plures è Doctores pro nobis adductis, si iuxta Crucem, vbi magna fuit velut mare contritio eius, tale deliquium non sensit; nullatenus credendum est alios minùs graves dolores illud causasse. Prima consequentia ex antecedenti constat: quia deliquium propriè tale privat rationis vsu, vt diximus num. 155.

Anteced. autem probatur; recitando aliquot S. S. P. P. dicta: In primis enim Div. Hieronym. Videns iuxta Crucem robusta constantia stare Virg. Beatissimam eam appellat *salutis hominum autricem*. Div. Anselm. de excel. Virginit. cap. 9. *Hominum reparatricem*. Div. Bernard. serm. 2. de Assumpt. *Totius humani generis mediatricem*. Carthusian. lib. 2. de Laudib. Mariæ cap. 23. *Mundi salvatricem*. Hæc, aliaque innumera encomia de Beatissima Virg. iuxta Crucem stante accumulant S. S. Expositoresque. Quæ omnia requirere profundissimam reflexionem, & libertatis vsu, quis negabit? Quomodo impos mentis potest esse *Mundi salvatrix, hominum reparatrix*, aliaque munia his gerere similia?

157. Se ipsum superavit eloquentissimus Ambros. in hac parte: aurea eius verba transcribo, quæ mox considerabo. Sic enim in epist. 25. ad Verceil. Eccles. loquitur Magn. Parenti: *Sed nec Maria minor, quam Matrem Christi decebat, fugientibus Apostolis ante Crucem stabat, & pijs spectabat oculis filij vulnera, quia expectabat non pignoris mortem, sed mundi salutem: aut fortasse quia cognoverat per filij mor-*

*tem mundi redemptionem. Aula regalis, etiam sua morte putabat se aliquid publico addituram muneris. Sed Iesus: suscepit quidem affectum parentis, sed non quaesivit alterius auxilium. Hanc imitami Matres Sanctæ, &c.* Hactenus Ambros. & quidem eloquentissime: eius tamen verba omni reflexione dignissima consideremus.

Primum enim, quod Ambros. de Virg. iuxta Crucem prædicat, est, quod ibi erat, prout *Matrem Christi decebat*. Decebat nē Matrem Christi carere rationis vsu, & humi iacens facere illas immodestas cerebrositates, quas facere epilepticos, seu ipsamatos videmus? O congruam Dei Matri dispositionem! Insuper: *Fugientibus Apostolis ante Crucem stabat Dei Mater*. Si verbum *stabat* propriè sumis, illam non ipsamatam fatebere: de quo postea. Si autem impropriè sumis, nihil tibi prædicandum festat in Virgine: quippè si non fugiebat, sicut Apostoli, hoc non tam virtuti, ac amoris Virginis, quam ipsius impotentis attribuendum erit. Fugiebant Apostoli; quia mentis compotes pericula cognoscebant, & sine ipsamò expediti fugæ auxillio periculum evadere: Nil horum inventum est in Beatissima Virg. quia sine rationis vsu, periculum non cognovit, nec illud, quamquam cognovisset, vitare ob ipsam impeditum potuit. Vt quid ergo prædicatur tamquam magnum, quod *fugientibus Apostolis ante Crucem stabat*? Vide ergo in quas angustias te redigat frigida illa tua ipsami cogitatio: illa dolorem Matris extollis, maternæ dignitati detrahens.

Pergit Ambros. & ait, quod Sacratissima Virgo pijs spectabat oculis filij vulnera. Er abs dubio filij vulnera pijs oculis non spectasset, si vsu rationis caruisset. Sed quare spectabat? *Quia expectabat non pignoris mortem; sed mundi salutem*. Ecce profundissimam Virginis considerationem: in conspectu habebat filij mortem; & generis humani vitam, ac veluti dilectissimi filij mortis oblita, tota in generis humani vitam ferebatur. Hæ præfationes a mentis impa-

impote fieri haud possunt. Sed Virg. Beatissima personam publicam agens sua morte putabat se aliquid publico addituram muneri. Obrulit quidem propriam vitam, ut ad mundi redemptionem cooperaretur: sed Iesus, qui non quaesivit alterius auxilium, spontaneam, ac misericordem oblationem non admisit, aut suscepit quidem affectum parentis. Vnde evidenter constat Virg. Beatissimam illa sua propriae vitae oblatione meruisse, quod spasmodis convenire non potest, prout vidimus num. 155.

Concludit Ambrosius, dicens: *Hanc imitami, matres Sanctæ.* Rogo nunc; in quo matres Sanctæ Domini Matrem imitabuntur iuxta Crucem? Quia si ibi non merebatur, nec usum rationis habebat: si ibi ob deliquium iacens humi, illam inordinatis motibus, non sine læsione verberis, castigabat; nihil ibi relucet, quod matres Sanctæ imitentur: unde ad talis exemplaris imitationem non matres sanctæ, sed matres fatuæ vocandæ erunt.

158. Anteced. illud nostrum asfatum ex dictis probatum credimus. Dicta tamen omnia confirmat Sanctæ Ecclesiæ desiderium, quæ à Virgine Beatissima sollicitè petit; ut omnes nos admittere dignetur in sui amabilem, utilissimamque societatem. Quæ propria ad Virginem dirigit stantem iuxta patientis Redemptoris nostri Crucem. Sic enim in hymno pro officio dolorum Beatissimæ Virg. ad ipsam loquitur.

Fac me verè tecum flere,

Crucifixio condolare,

donec ego vixero.

Juxta Crucem tecum stare,

Te libenter sociare

in planctu desidero.

Res mira foret, quod Ecclesia suis filiis postularet Virginis societatem, dum ipsa spasmo laborabat, imposque rationis erat.

159. Div. Joannis Evangelium iam diu vocat nos, ut ex ipso pronostica veritate firmius stabilienda, discursus ineluctabiles eruamus. Aut enim Sacer

Evangelista: *Stabant iuxta Crucem Iesu Mater eius.* Virgo iuxta Crucem non quomodocumque erat, sed *stabat*; cuius verbi vel materialis significatio rotundè spasmo contradicit: non stat, qui jacet; sicut nec immotus movetur. Nec dicas: Verbum *stare* non sumi in sui rigorosa significatione. Quia contra hoc effugium pugnat eminentissimè Caietanus, & vincit. Videatur. Nos autem solum circa hoc dicemus: quod volentes verbum *stare* non sumi hic in sui rigorosa significatione, hoc faciunt, ut illud suum frigidum deliquium, ab ipsis excogitatum, salvent. Malæ causæ peius patrociniū. Verba Sacræ Scripturæ impropriantur, ut res sine fundamento introducantur. Non est hic modus interpretandi Scripturas; sed quod omnia earum verba in sensu, ac significatione propria sumantur: dummodo non sequatur aliquod inconveniens. Et inconveniens, quod adversarios movet ad præsentem impropriationem affatim à nobis ponderatum est, magis que constabit ex dicendis.

Quod si mentem, ad altiora elevemus, inveniemus quidè verbum *stare* in præsentem significare animi constantiam, roburque fortissimum, quo Virg. Beatissima iuxta Crucem *stabat*, impetus tormentorum, ut recunderet. Ob quod Div. Amad. hom. 5. de martyr. Virg. ait: *Propterea instantia posita adversitate, nec resolvit pudorem verecundie, nec amisit vigorem constantie.* Ad cuius rei probationem ait de ea Ambrosius. *lego stantem iuxta Crucem, non lego sententem.* *Stare* namque in illa cordis amaritudine magna ascribitur constantie. De hac Sanctissimæ Virg. iuxta Crucem constantia ait Div. Antonin. 4 p. Theolog. tom. 1. 5. cap. 41. §. 1. *Stabat verecunda, modesta, lacrymis plena, doloribus immersa; ita tamen divinæ voluntati conformis, quod, ut Anselm. ait, si oportuisset, adimplendam secundum rationem voluntatem Dei, ipsa filium in Cruce posuisset, atque obulisset.* Hoc robur, hæc cum divina voluntate conformatio animi ipsam patientis non sunt.



160. Prosequitur Sanctus Evangelista, & ait: Christum Dominum Virgini iuxta Crucem stanti dixisse: *Mulier ecce filius tuus*. Abs dubio, si Virg. Beatissima illo ab adversa opinione confecto accidente laboraret, neutiquam cum ipsa Dominus loqueretur. Vt quid enim verba dirigeret, ad ea percipere non potentem? Percepit quidem piissima Virg. verba illa, & gemebunda respondit suis copiosissimis lachrymis, quæ solent inter afflictos pro vocibus subrogari, iuxta vulgarem 3. de Ponto dicentem.

*Nec tua, si flectuscendantur verba, nocebit,*

*Interdum lachrymæ pondera vocis habent.*

161. Consideravimus hætenus spasmum ex ea parte, qua privat libertate. Si verò ad ipsum prout corpus premit, mentem dirigamus, non fuisse in Beatissima Virgine iuxta Crucem, nec alibi, reperiemus, quod sic breviter suadetur: Spasmus hic est vera corporis ægritudo: Beatissima Virgo nullam unquam passa fuit corporis ægritudinem: ergo neque spasmum. Mai. constat ex num. 155. ubi consentientibus omnibus, spasmum propriè dictum corporis ægritudinem esse vidimus. Minor autem probat Caietan. laudatus, & quidem solidè: propterea quæ dignus, quòd ab omnibus videatur.

162. Iam verò tempus est, vt de spasmò improprie dicto loquamur: Dicimus ergo nec hunc spasmum passam fuisse Virg. Beatif. stantem iuxta Crucem, nec alibi. Quod ferè omnibus, quæ hætenus dicta sunt, suadetur. Etenim si aliquis dolor hoc deliquium causaret, maximè ille, quem habuit purissima Virg. dum vidit Crucifixum suum dulcem natum: Iste dolor talem spasmum nõ causavit: ergo nullus. Mai. constat ex dictis num. 156. Min. autem probatur 1. ex proprietate verbi *stabit*, quia si Beatissima Virg. dum fuit iuxta Crucem, *stetit*, sequitur, quòd pondere doloris non corruerit. *Probat. 2.* ipsa min. pulcherrimis verbis ipsius Sanctissimæ Virg. cum Sancta Birgit,

sic lib. 6. cap. 57. loquens: *Quoties audivi opprobria filij mei, & mendacia, & insidias ei positas, toties animus meus motus est dolore, ita, quòd vix tenere se poterat: Sed virtute Dei dolor meus modum, & honestatem habuit, nè impatientia, aut levitas in me notaretur.* Quibus addit: *Sic patienter sufferens, vix nec inimici, nec alij in me alind reperirent, nisi gravitatem.* Confer ista verba cum opinione (si sic nominari potest) adversa, & videbis, ipsam illis è diametro contrariari. Quam gravitatem servat, qui dolore tactus, viribus destitutus procumbit? Aut quomodo inimici nil aliud nisi gravitatem reperirent in ea, quæ dolore victa in publico illo theatro iaceret?

163. Confirmatur hoc ex verbis ipsius Sanctissimæ Virg. Quia *virtute Dei dolor eius modum, & honestatem habuit*: Ergo licet dolor ille fuerit sufficiens ad inducendum spasmum, quod neutiquam negamus, sed positivè asserimus; tamen *virtute Dei* habuit dolorosissima Virgo, quòd illum dolorem constantia ipsius superaret. Consequenter evidenter ex anteced. deducitur: sed tamen ex paritate probatur. Etenim licet dolor ille sufficientissimus foret ad inferendam mortem; illam tamen non intulit *virtute Dei*: ergo pariformiter nec intulit eadem *virtute Dei* spasmum.

164. Vt ab hac paritate se expediant adversariorum aliqui Virginem Beatissimam pondere doloris iuxta Crucem animam egisse, postea quæ resurrexisset aiunt; vnde ex paritate mortis ipsam spasmatam adstruunt. Sic apud P. Suarez discurrunt. In cuius novitatis impugnatione opus non est, vt tempus infumatur. Dicitur enim res magna sine aliquo, vel minimo fundamento in Patribus, aut Theologis, & huiusmodi novitatibus contemptu respondendum est. Mirandum sanè eam, quæ labem origineam, quæ moriendi miseram necessitatem induxit, non contraxit, bis verè mortuam; & nos, qui illam culpam contrahimus, moriamur semel.

165. Aliter respondet citatus Durandus cum Salmer. lib. 10. tract. 41. fieri potuisse Beatissimam Virginem, cum videret Sanctissimum Filium suum Crucifigi, spasmatam præ dolore: postea verò reassumptis viribus stetit. Sic que verum est, quod Evangelista dicit, & quod Sanctæ Birgit. ipsa Deipara revelavit; ac denique verum est, quod ille crudelissimus dolor, qui ex se spasmans erat, suum effectum causavit.

Hæc tamen evasio habet contra se quidquid hæcenus dictum est. Breviter tamen dicimus, quod spasmati, etiam spasmo improprie tali, non illico vires reassumere possunt, ita ut constantes stare possint. Quod si hoc attribuas virtuti divinæ, cuius ope potuit Beatissima Virg. tam citò convalescere: eundem divinæ virtuti non attribuis, quod non spasmata fuisset? Adde: esse insignem causam reassumendi vires, quod causa doloris spasmantis augeatur. Beatissimam Virginem asseris spasmatam, cum filius eius Cruci affigebatur: postea verò dum iam Crucifixus in altum elevatur, dum saturatur opprobrijs, blasphematus, sitibundus, derelictus, ac denique dum venit in altitudinem maris demergendus à tempestate, tunc non spasinabatur, sed *habat*. Quis tale unquam audiit? Horum hominum insequentiam nunquam affatim miraberis. Non possunt percipere Beatissimam Virg. non spasmatam, quia habuit dolorem spasmantem, & posita causa debet poni effectus: unde sicut quia posito illo dolore in Beatissima Virg. non potuit non dolere, sic quia ultra hoc erat ille dolor spasmans, non potuit non spasimari. Ecce discursus horum pondus totum. Qui non vident se maiori salubra irretitos illo suo discursu.

166. Etenim ille ipse dolor nedum spasmans ex se erat, verum etiam interficiens: sed posito in Beatissima Virg. illam non interfecit: ergo nec spasimavit. Et utriusque eadem causa fuit: videlicet Dei virtus Virginis vitam conservans, & ipsius modestam

gravitatem. *Idem*: dolor ille erat ex se spasmans: ergo toto tempore, quo ex se spasmans erat, Beatissimam Virg. spasimavit. Ergo toto tempore passionis Virgo spasmata fuit; consequenterque non fuit tempus in toto progressu passionis, in quo *staret* iuxta Crucem. Omnia hæc per se ipsa notissima sunt; ideoque nec probatione, nec expensione indigent.

Nec omiserim egregium arguendi modum: fieri potuisse, inquit, Beatissimam Virg. &c. ut num. 165. bene, & optime: hoc fieri potuit: ergo factum fuit. Arguis de potentia ad actum, de possibili ad factum. Similiter dico: Potuit Beatissima Virg. conservari Dei virtute, nè illud deliquium patere tui ergo sic factum fuit. Non quia actum deducam ex possibilitate nudè sumpta, sed ex Evangelij testimonio, ex decencia personæ, & ex alijs dictis.

167. Verum quia iam diù Div. Thom. non audivimus, quod nostræ devotioni durissimum est: ideo probare intendam Beatissimam Virg. nunquam aliquem dolorem ipsam spasmantem habuisse, discursu ex ipso Sanctissimo Præceptore deproptero, & loquimur de omni genere spasmi. Itaque Angel. Doct. in 3. d. 27. q. 1. art. 3. docet, amorem esse principalem animi affectionem. Quod probat ex Augusti: ex eo, quod omnis alia affectio ex amore est. Unde, ut dicebamus in Isag. cum has affectiones describeremus, si quis fugit malum, est: quia amat bonum: si desiderat bonum, est, quia illud amat; & sic de alijs. Quare concludit Sanctus corpus illius art. dicens: *Ideo oportet, quod amor inter ceteras affectiones etiam sit vehementior*. Eandem doctrinam docet in 4. d. 49. q. 3. art. 3. quaestione 3. Hæc ipsa doctrina utitur 1. 2. q. 35. art. 6. ubi inquit: *An magis sit fugienda tristitia, quam delectatio appetenda?* Et hoc quaestum resolvit sic: *Respondeo dicendum, quod per se loquendo, appetitus delectationis est fortior, quam fuga tristitiæ: Cuius ratio est, quia causa delectationis est conveniens bonum; causa autem doloris, scilicet*



*tia, est aliquod malum repugnans. Con-  
tingit autem aliquod bonum esse conve-  
niens absque omni dissonantia: non au-  
tem potest esse aliquod malum totaliter  
absque omni convenientia repugnans:  
Vnde delectatio potest esse integra, &  
perfecta, tristitia autem est semper se-  
cundum partem.*

Qua doctrina cognoscitur poten-  
tissimum amoris imperium, & quam  
efficacius, quam quævis alia affectio,  
afficiat animam: propter quod, eodem  
Angel. Doct. citato iudice, dictum est  
cap. 8. Canticor. *Fortis est ut mors dile-  
ctio.* Quæ verba sic inibi explanat: *Dile-  
ctio Christi fortis est, ut mors. Sicut enim  
mors animam à corpore separat, ut iam  
nihil concupiscere, nihil in presenti vita  
homini liceat ambire, ita dilectio Chri-  
sti, quem verè pervaserit, totum sæculo  
huic mortificat, & quasi insensibilem  
reddit, solumque Christo vivens mundo  
mortuus est.* Vide ergo amorem aman-  
tem quasi insensibilem reddentem, so-  
lumque Christo viventem; mundo  
mortuum. Vnde patet clarissimè, quòd  
sicut dolor rei disconvenientis illum ha-  
bentem spasmat, quando dolor ille ma-  
ximus est; ita quando amor excellens  
est, amantem extra se rapit à sensibus  
alienatum. Et hæc est causa extasum,  
raptuumque, qui in viris spiritualibus  
reperiuntur. Similiterque sicut plures  
ex nimio dolore mortui sunt: sic etiam  
ex nimio amore, seu gaudio, etiam rerum  
materialium solummodò in rela-  
tione perceptarum, plurimi vitam ami-  
serunt. De quò si lubet, consule Theatrum  
vitæ humanæ, & Textorem in sua offi-  
cina. Et considera, quòd in his efficien-  
dis semper amor dolori præstat, quia,  
ut dictum est, est affectio fortior, & effi-  
cator. Ex quibus formatur iam nostra  
ratio.

168. Sicut Beatissima Virg. ha-  
buit dolorem intensissimum iuxta Cru-  
cem, sic etiam ibi, & toto tempore vitæ  
sux habuit contemplationem altissi-  
mam, ortam ex ineffabili amore, qui  
illam in Deum à se contemplatum trans-  
formabat: Sed vi exitij illius amoris  
nunquam Beatissima Virg. raptum,

A SPIRITUS ANCTO,

extasim, aut deliquia illa, quæ viri spiri-  
tuales experiuntur, passa est: ergo nec  
vi doloris iuxta Crucem habiti spasma-  
ta fuit. Mai. certa est de alio tempore  
vitæ Sanctissimæ Virginis: de tempore au-  
tem, quod iuxta Crucem stetit, idem  
dicendum esse, vidimus supra, moxque  
ex Div. Thom. videbimus. Min. autem  
continet doctrinam inter Mystas recep-  
tam, cuius fundamentum optimè enu-  
cleat Noster Iosephus à Iesu Maria lib.  
de vita Virg. lib. 4. cap. 13. Conseq.  
autem probatur multipliciter. Primò  
à paritate, quæ illam sine dubio suadet,  
*Secundò*, quia efficacior est amor ad cau-  
sandum illos effectus, quàm dolor, ut  
vidimus num. præcedenti. *Tertiò*, quia  
ex parte contemplationis erant duo,  
quæ iuxta Div. Dionys. & Div. Thom.  
alibi à nobis datos, extasim causare po-  
terant, videlicet cognitio nobilissima,  
& charitas ferventissima: Ex alia verò  
parte solus dolor erat, qui poterat dili-  
quium illud causare. *Quartò*, denique,  
quia dolor ille magnus habebat per  
quod minueretur; videlicet fidem cer-  
tissimam de convenientia eorum, quæ  
illum dolorem causabant: ast amor non  
habebat; per quod minueretur; quin  
potius, quæ illum magis, ac magis ac-  
cenderent, habebat: ergo si his omni-  
bus nunquam amor fecit Virg. Sanctis-  
simam deliquia illa pati: sequitur, quòd  
multò minùs potuit dolor deliquia suæ  
sphæræ causare.

169. Confirm. hoc: Quia dum  
Beatissima Virg. vidit suum sanctissi-  
mum filium ab inferis resurgentem, non  
spasmata fuit: ergo nec iuxta Crucem.  
Ant. constat, vel ex eo; quod nullus  
adversariorum tale dicit: Et conseq.  
probat. quia, ut diximus num. 167.  
Sicut multi ex visione, vel notitia rei  
tristantis perire: Sic plurimi ex noti-  
tia, vel visione rei gaudium generantis:  
ergo si gaudium perceptum à Virgine in  
illa tam festivissima apparitione, non  
illam talia deliquia subire fecit, multò  
minùs dolor, quem habuit iuxta Cru-  
cem. Confer ergo illum dolorem cum  
illo amore, illam tristitiam, cum illo  
gaudio: & videbis, dolorem fuisse in-  
feri-

Cc

ferio-

riorem non solum ex natura sua, sed etiam in intensione, propter rationem paulò ante insinuatam, videlicet, quia dolor habebat temperantem fidem; amor verò, seu gaudium, habebat impellentia multa, & nullum retardans.

170. Superest modò, vt argumentò proposito num. 154. quod huic quæstioni ansum dedit, occurramus. Resp. ergo negando anteced. Ad 1. probat. dicas cum Caietano, Suario, & alijs, in illo festo fieri memoriam gravissimi doloris, què in sui dilectissimi filij passione habuit Cœlorum Regina. Nec nomine spasmi aliud significabatur, quàm dolor iste ingens. Vt autem inconvenientia, quæ ex illo nomine oriri poterant, vitarentur, consultus fuit Caietanus, qui in opuscul. citato concludit sentiens: *Vnde si festum doloris B. Virginis celebrandum est, in aliud iudicio meo tempus, & nomen mutandum est.* Quod quidem factum videmus; quandoquidem ipsum festum modo celebratur nomine dolorum Beatissimæ Virg. & hoc festum non celebratur à Dominica in Passione vsque ad Dominicam Palmarum, vt priùs: sed in feria 6. post Dominicam Passionis. Vnde ex illo festo antiquitus celebrato non debet fieri argumentum contra nostram resolutionem, cum potius hæc ex illius festi, quoad nomen, reformatione, firmetur. In simulque ostenditur, quid nomine spasmi priùs celebrabatur. Vnde non substantia mutata est, sed nomen ad præcavenda inconvenientia.

Ad 2. probationem respond. templum illud dictum Sanctæ Mariæ de Spasmo, non quia spasmm passa fuisset purissima Virgo; sed quia illo nomine significabatur ingens illius dolor. Aut fortasse quia dolor ille de se sufficientissimus erat, vt ipsa smum causaret: & ab hoc nomen trahebat templum illud, quod iam non extat, sicut nec festum, prout diximus.

Ad 3. probat. ex P. P. dictis collectam, respondetur, & 1. ad primam, in qua Bonaventura non spasmm asserit, sed doloris gravitatem

exaggerat. Estque communis loquendi modus ad exprimendam vim alicuius doloris, dicere: *Dolore percussus, semimortuus.* Nec hoc de solo dolore dicimus, sed etiam de alijs animi affectionibus. Quod fecit Virgil eglog. 8: qui vt magnum amorem indicaret, dixit: *Vt vidi, vt perij.* Qui modus loquendi non est à Sacra Script. alienus: de Esther enim Regina magnam animi affectionem coram Rege Assuero patiente dicitur Esth. cap. 15. v. 18. *Cumque loqueretur, rursus corruit, & penè exanimata est.* In hoc ergo sensu accipienda sunt illa Sanctorum dicta, quæ certè Virginis dolorem vt suadeant, expressivis illis exaggerationibus vtuntur: non quia Virg. Beatissimam mortuam, semimortuam, exanimem, aut spasmatam supponant; sicut nec Esther, exanimata fuit.

Per quod patet ad testimonium Anselmi. Quibus adde, dialogum illum esse valde suspectum Patri Suarez, vt ipse loco citato testatur. Præterquamquod Anselmus iam dicit, quòd Beatissima Virg. facta fuit *quasi exanimis*: iam, quòd absolute *exanimis facta est*, quibus immediate annexit, Virginem Sacratissimam velamen sui capitis abstulisse, vt filij nuditatem teget. Quomodò hoc fecit, si spasmata erat? Maneat ergo verbum illud *exanimis* nihil aliud præterquàm doloris acerbitatem significare.

Idem dicendum esse ad Bonaventuram. adeò clarè contra nos loquentem, docet citatus Suar. ibi enim Sanctus Doct. per exaggerationem quandam loquitur. Nec in tali casu mulrùm commendatur Magdalene amor, & dolor, quæ adeò sui Domina supponitur, vt posset Virgini inter eius brachia cadenti subvenire.

171. Ad revelationem Sanctæ Birgittæ idem respondendum est, addendumque: revelationes, etiam particulares, si à Deo sunt, non debere esse inter se oppositas: si namque opponuntur, vel neutra, vel aliqua à Deo non est. In præsentem habemus duas eiusdem sanctæ revelationes, quæ inter se contraria

tratiæ videntur. Vnde cum Deus nequeat contraria loqui, si inter illas revelationes adeſt oppoſitio, una tantum à Deo erit. Quæ autem ſit hæc, eſt diſſidium: ſed quod citò finiatur, quia illa erit à Deo, quæ ſit Sacræ Scripturæ conformis, Sanctorumque ſenſui correſpondeat: quod inveniri in ea, quam pro nobis adduximus, & non in ea, quam adverſarii referunt, ex omnibus dictis notum eſt. Nec hoc ſanctitati Sanctæ Birgitæ præiudicat, vt docent Myſtici, noſque cum ipsis dicemus, cum de revelationibus agamus. Verum hæc doctrina, aliàs veriſſima, haud egeamus in præſenti: quia utramque revelationem verè talem ſupponimus; atque adeo nullam inter ſe pugnam habenti quandoquidem in illa, quæ nobis opponitur, idem modus loquendi viget, ac in relatis ſanctorum teſtimonijs. Vnde illa in terram proſtratio doloris magnitudinem exprimit: & etiam quòd niſi divinitus fulciretur, abs dubio cecidiſſet. Quarè quòd dolor ille ex ſe facere potuit, exprimitur; non autem quod reapiſſe fecit.

Ad 5. probat. dico: pictores eſſe in duplici differentia: nam alij penicillo, & alij voce colorant. Illi ſunt, qui vulgò pictores dicuntur, de quibusque procedit obiectio. Alij ſunt Prædicatores, qui vt vulgus rudè ad lachrymas tuadeat, miniſſima circa hæc dicunt: de utroque pictorum genere dicendum nobis eſt, quia utrumque in noſtram reſolutionem procedit. Ad id, quod ex pictoribus primi generis dicitur, reſpondetur cum Carthag. tom. 3. lib. 12. homil. 7. qui hæc ait: *Tandem nihil obſtat quorundam pictorum imperitia, quin aliter noverunt dolorem Virginis exprimere, quàm iacentem, & exanimem in terram depingentes: huiusmodi enim pictura, me præſente, Romæ mandato Mag. Sacri Palatii Apoſtoli, iuſſæ fuerunt expungi, ut pote derogantes magnanimitati, & ſortitudini Beatæ Virginis.* Adde: iuſſu Sanctæ Inquiſitionis prohibitas eſſe in Hiſpania tales picturas, vt audivi à quodam Domino Inquiſitore.

172. Ad Prædicatores autem innumera dicentes ab omni ſerietate proſuſ aliena, vti aliquando audivi, reſpondeo proponens integram Div. Thom. opulc. 12. quæſtionem 5. in qua, quid prædicare debeant, admonetur. Sic enim ait Doct. Sanctus: *Quinta quæſtio eſt: an ex quo Simeon dixit: Beata Virg. tuam ipsis animam pertranſibit gladius: quolibet die naturali uſque ad reſurrectionem Chriſti ſepties illud recoleret pia Virgo cum dolore vehemens?* Ad hoc etiam reſpondeo: quòd iſtud eadem facilitate contemnitur, qua dicitur: Cum nullius authoritatis robore fulciatur. Nec eſtimo huiusmodi frivolæ eſſe prædicanda: ubi tanta ſuppetit copia prædicandi ea, quæ ſunt certiſſimæ veritatis. Neque tamen oportet, quòd revocetur, ſi prædicatum fuerit: niſi ex hoc ſcandalum fuiſſet exortum. Hæc à Div. Thom. tradita obſervent, uſque dum à Caietano ſeverius corrigantur.

Data Div. Thom. verba nos introduxere in ultimam antecedd. probationem, ad quam reſpondemus cum eodem Angel. Doct. 3. p. q. 27. art. 4. ad 2. ubi ait: *Quidam verò per gladium dubitationem intelligunt; quæ tamen non eſt intelligenda dubitatio infidelitatis, ſed admirationis, & diſcuſſionis: dicit enim Baſilius in epiſt. ad optimum, quòd Beata Virgo aſſiſtens Cruci, & aſpiciens ſingula, poſt teſtimonium Gabrielis, poſt ineffabilem divinæ Conceptionis noticiam, poſt ingentem miraculorum oſt. n. ſionem, animo fluctuabat, ex una ſcilicet parte videns eum pati abiectæ, & ex alia parte conſiderans eius mirifica.* Hic eſt ille gladius à Simeone vaticinatus, non dolor ille ſpasmans, nec dubitatio infidelitatis, ſed admirationis, & diſcuſſionis, qua animus Beatiffimæ Virg. fluctuabat inter extrema adeo diſtantia, qua fluctuatione in eminentiſſimam contemplationem admirativam rapiebat.

Nec percipere potui, cur eximius Suarez Baſilium contra nos fore aſſerat, niſi piè à Div. Thom. interpretaretur. Quia verba Baſilij evidentè oſcitant;

ipsum locutum de fluctuatione non imperfectionem aliquam dicentis, sed se admirantis, ac discutientis ea ipsa, inter quæ mens eius fluctuat, seu versatur. Vnde cum Caietan sentio, qui iterum Prædicatores instruens, ait loco citato ex 3. part. In responsione ad 2. notate, garruli Prædicatores passionis Christi, tot fæmineos clamores, motus, &c. attribuentes Beatæ Virg. in dolore passionis. Pensate verba Basilij in littera allata, & percipite ipsam contemplationi admirativæ tunc vacasse, conferendo divina prius visa, & sibi certa, humanis, quæ tunc videbat, summa infimis, &c. contra: & consequenter effectum cogitationibus consonum secundum rectam rationem habentem, ut condoleret, ut compateretur, cum tam excelsum, tam vilibus, &c. Subiectum ex charitate propria pro ipsius Matris, & mundi salute, prospiceret. Per quod patet ad omnes probationes obiectas. Nec omnes illi Authores, qui num. 154. Contra nos referuntur, verè oppositi sunt, nam ex ijs aliqui non sunt Authores testimoniorum, quæ in nos citantur, & alij in sensu à nobis dicto loquuntur, de quo vide Suarez laudatum. Vnde solum remanet ex adverso vnus, vel alter nullius notæ.

§. II. Ex nostra Seraph. Doctrina probatur assertum, & explicatur, qualiter contemplatio valeat cum actione coniungi.

173. **C**onstat ex præcedentibus in Virg. Beatissima fuisse simul vitam contemplativam, & activam in sensu huius primæ conclus. quod ad eius veritatem ostendendam sufficeret: siquidem ex quo in aliquo data sit duplex illa vita, evidens est, quod ipsarum coniunctio non repugnet. Ast licet perfectio, quam hæc coniunctio habuit in Beatissima Virg. in nullo alia inventa sit; ipsa tamen coniunctio in alijs perfectissimis animabus datur, quod clarissimè docet ex-

pertissima Theresia loco citato ex itin. hisce verbis. *Algunas vezes en esta oracion de quietua haze Dios otra merced bien dificultosa de entender, sino ay grande experiencia: mas si ay alguna luego lo entenderéis, la que la tuviere, y daios ha mucha consolacion saber que es: y creo muchas vezes haze Dios esta merced, junto con estoira. Quando es grande, y por mucho tiempo esta quietud, pareçeme à mi, que si la voluntad no estuviere assida à algo, que no podia durar tanto en aquella paz, porque acaee andar un dia, o dos, que nos vemos con esta satisfacion, y no nos entendemos: digo los que la tienen. Y verdaderamente ven, que no estàn enteros en lo que hazen, sino que les folta lo mejor, que es la voluntad, que à mi parcer està unida con Dios, y dexa las otras potencias libres para que se entiendan en cosas de su servicio, y para esto tienen entonces mucha mas habilidad, mas para tratar cosas del mundo estàn torpes, como embobadas à vezes. Es gran merced esta à quien el Señor la haze, porque vida activa, y contemplativa està junta. De todo se sirve entonces el Señor, porque la voluntad estase en su obra, sin saber como obra, y en su contemplacion: las otras dos potencias sirven en lo que Martha, assi que ella, y Maria andan juntas.*

Est dicere: Interdum in hac oratione quietis impertitur Deus favore alium valdè difficile intellectu, nisi adsit magna experientia: ast, si illa adsit, extemplò percipiet, qui recipit, & de hac receptione gaudet. Et multoties, credo, concedit Deus favorem istum, iunctum cum hoc alio. Quando est intima, ac per multum tempus durans quies ista, in animum meum induxi, quod si voluntas alicui non ad hæresceret, in illa pace tandiù perseverare non posset. Evenit enim per vnum, aut duos dies, frui hac fatierate; quin se ipsum intelligat, qui illa fruitur. Existi non toti sunt in eo ipso, quod faciunt: deest enim ipsis, quod in eis principale est, nempe voluntas, quæ meo videri, vnita est Deo, & alias potencias derelinquit liberatas, ut occupentur in rebus divi-

divini obsequij, & ad hoc tunc expeditiores sunt: Ceterum ad res nundi pertractandas tardæ sunt, & aliquando veluti insensata. Multum confert Deus, cui hunc favorem confert: quia vita activa, & contemplativa iunctæ sunt. Omnia tunc cedunt in obsequium Dei: quippe voluntas in suo opere perseverat, nec sic, quomodo operatur, & manet in sua contemplatione: aliæ duæ potentie in eo, quod Marthæ fauulantur: quia illa, & Maria *iunctæ ambulant*.

174. Simillima sunt, quæ loco citato ex lib. vitæ docet: indè necessarium non est ipsius verba referre. Idem docet mans. 7. cap. 1. in fine, ubi non solum unionem vitæ contemplativæ, & activæ in eadem anima concedit, sed modum, & quidem fundatissimum, quo hoc evenit, tradit. Etenim observat Cœlestis hæc Magistra distinctionem illam, quam Myltici docent, inter animam, & spiritum, quatenus eadem indivisibilis entitas, prout spiritus est, æternorū contemplationi vacat, & prout anima est, in rebus exterioribus occupatur. Vnde ita se habet, quoad hoc, duplex hæc portio eiusdem entitatis, ac si diversæ forent. Quatenus spiritus postquam Deum suum apprehendit, ita fortiter illum tenet, ut nullis exteriorum incursums dimittat.

Nec intelligas, hoc à quocumque posse fieri: siquidem hæc animæ ab spiritu diversitas in quocumque datur. Est enim illa diversitas tamquam si non esset in ijs, qui purificationem spiritus non experti sunt. Vnde sicut non omnes contemplari possunt, quamquam fidem, & Charitatem habeant, sed debet præcedere meditatio, & alia, de quibus suo loco egimus, ut contemplatio detur. Sicetiam debet supponi rigorosissima purgatio passiva partis intellectivæ, aliæque plura præcedere debent, ut possit spiritus secus pedes Domini dulcedini contemplativæ intentus sedere, & sine huius quietis dispendio valeat anima ministrare.

175. Præcipuum tamen, quod ad hæc requiritur, est charitas, non quæ-

vis: ita charitas perfectissima, quam solum habet ea anima, quæ petiti dicere: *Introduxit me Rex in cellam virginariam, & iniecit in me charitatem*. Hæc enim ordinatio charitatis facit animam omnia, quæ prius aliter inspiciebat, respicere sub elevationi quadam ratione, quæ illam ab omnibus alijs segregat, & facit, quod tunc suum exercitium sit amare: non quia solummodo cum Maria sedens amaret sed quia sedens cum Maria amat, ministrans cum Martha amat, & semper, ac in quocumque occipitur, amat. Mirisimè hoc ipsa testatur apud Scraph. nostrum Doct. cant. 28. Canens.

Mi alma se ha empleado,

Y todo mi caudal en su servicio.

Ya no guardo ganado,

Ni ya tengo otro oficio,

Que ya solo en amar es mi exerci-

Videatur Extrane. Parens profundissimè explanans arcana huius cantionis, cuius ultimum carmen duplicem sensum habere docet, & utique est ad rem præsentem aptissimus. Eorum primum his verbis tradit: *Aquí es de notar, que quando el alma llega a este estado, todo el ejercicio de la parte espiritual, y de la sensitiva, ora sea en hacer, ora en padecer, y de qualquiera manera que sea, siempre le causa mas amor, y regalo en Dios, como avemos dicho: y basta el mesmo ejercicio de oracion, y trato con Dios, que antes solia tener en otras consideraciones, y modos. Ya todo es ejercicio de amor. De manera, que ora sea su trato cerca de lo temporal, ora sea su ejercicio cerca de lo espiritual, siempre puede decir esta alma, que ya solo en amar es su ejercicio. Dichosa vida, y dichoso estado, y aichosa el alma que á el llega, donde todo le es ya substancia de amor.*

Est dicere: *Hic notandum est*, quod cum anima pervenit ad hunc statum, tota occupatio partis spiritualis, & sensitivæ, sive in agendo, sive in patiando, qualitercumque sit, semper causat in ea maiorem amorem, ac delectationem in Deo, prout diximus. Et etiam ipsum orationis exercitium, quod

quod prius habebat in alijs considerationibus; iam omne tale exercitium est exercitium amoris. Ita vt siue agat circa temporalia, siue circa spiritualia, semper hæc anima dicere potest: nulum aliud exercitium habeo, nisi amare. *Fœlix vita, status fœlix, & fœlix anima, quæ pervenit ad talem statum, in quo iam omnia illi sunt substantia amoris.*

Secundum sensum huius postremi carminis proponit Doct. Sanctus subdens: *Genuinus sensus huius versus est, quod anima in hoc statu sponsalitij spiritualis regulariter est in unione amoris, quæ nihil aliud est, nisi sequens assistentia voluntatis amorosæ in Deo.* Secundus iste sensus nostrum assertum probat, quatenus vitam contemplativam, & activam simul ponit in hac perfectissima anima, de qua loquitur. Primus autem modum, quo hæc coniunctio fit, ostendit, vt minus ex parte voluntatis, quæ per ordinationem illam charitatis, quam in cella vinaria recepit, firmiter amoris exercitio vacat.

176. Ex parte autem intellectus cõcurrit ad hanc coniunctionem; quod potentia hæc non vitur sapientia, quæ est virtus intellectualis, procedens per tumultus discursuum, vt veritatem inveniat: sed vitur sapientia, quæ est donum Spiritus Sancti, quæ vnit animam causæ altissimæ, nempe Deo. Et hac sapientia iudicat de rebus inferioribus, non per discursum, sed ex quadam conaturalitate. Quod iam multoties in superioribus tactum est a nobis ex Div. Thom. 2. 2. q. 45. art. 1. & 2. vnde in præsentis sic insinuasle sufficiat.

Vnita ergo anima Deo media hac sapientia, & charitate, adeo elevata manet, vt proprijs terminos transcendere videatur. Quod docuit D. Thom. in 3. dist. 29. q. 1. art. 3. ad 1. ubi ait: *Ad 1. igitur dicendum, quod amor non est unio ipsarum rerum essentialiter, sed affectuum:: Et ideo amor divinus facit hominem, secundum quod possibile est, non sua vita, sed Dei, vivere, sicut Apostolus dicit ad Galat. 2. Vivo ego, iam nō ego, vivit verò in me Christus.* Vnde

cum Deus omnia usque modò operetur, & simul se ipsum contempletur; sic isti vniti aliquam portionem emendicatam habent, vt possint simul Deo, & rebus exterioribus vacare, ex quo *non sua vita, sed Dei vivere* dicuntur.

Textus adductus Div. Pauli totam rem egregie explicat: ait enim: *Vivo ego, iam non ego, vivit verò in me Christus*, quod dupliciter pro representanti intelligo. Primò sic: vivit Paulus, & non vivit; non quia mortuus fuerit, sed quia industria sapientiar, & charitatis, est transformatus in Christum: & cum Christum haberet simul vitam contemplativam, & activam, dum viator erat: propterea Paulus, adhuc viator, utramque vitam habet, ex quo vita Christi vivit. Secundò sic intelligo dicta verba: vivit Paulus, & vivit Christus in Paulo, hoc est, anima Pauli, vt spiritus, est intimè vnita Christo vnde non vivit vita Pauli, sed Christi: ipsa verò anima, vt anima, est forma Pauli: vnde vivit vita ipsius; atque adeo ex hac parte vivit Paulus. Quatenus ergo anima Pauli, vt spiritus, est intimè vnita Christo, dulcedini contemplationis studet: vt verò est forma Pauli, in vita activa occupatur. Inter duo extrema posita est anima Pauli, videlicet, inter Christum, & proprium corpus. Vt spiritus vniebatur Christo: vt anima vniebatur corpori. Vnio spiritus Pauli ad Christum permisit secum unionem animæ ad proprium corpus, & operationes ex hac vnione provenientes: ac similiter vnio animæ ad proprium corpus passa est unionem spiritus ad Christum, & operationes altissimæ contemplationis, & aliarum similium, quas vnio ista causabat. Vnde sicut vnio vnioni non repugnabat; sic nec operationes ex illa duplici vnione resultant.

177. Habes ergo iunctas esse in animabus perfectissimis vitam contemplativam, & activam: & hoc ex duplici capite provenire habes. Quorum primum est illud, cuius Scraph. nostram Doctrinam meminisse vidimus, num. 174. Videlicet differentia illa



illa animæ, & spiritus, ex qua differentia ortum ducit, quod dum anima elevatur ad operandum secundum ipsam differentiam, inspicitur, quæ pertinent ad utramque vitam sub illa elevatissima ratione, quam dedimus num. 175. Unde illæ res, quæ sub inferiori ratione inspicuntur, erant plures, atque idcirco non poterant eidem attentioni subesse, sub illa tamen superiori ratione considerantur, adunantur, possuntque simul comparari. Ad illum modum, quo facultas speculativa, cuius formalis ratio attingendi limitata est, non potest esse practica, nec e contra: Illa autem facultas, quæ praxim, & speculationem attingit, non secundum rationes sibi infimas, sed sub ratione superiori, est simul speculativa, & practica. Sic ergo in nostro casu, in quo isti viri perfectissimi operantur per formam summæ superioris, quæ est ipse Deus, in quem per amorem transformati sunt. Ita egregie docet Div. Thom. in 3. d. 27. q. 1. toto art. 1. qui omnino videndus est, ut plura, quæ ad præsens spectant, addiscantur. Solum exscribam, quæ in corp. docet per hæc verba: *Et quia omne, quod efficitur forma alicuius, efficitur unum cum illo: idcirco per amorem amans fit unum cum amato, quod est factum forma amantis.* Et post pauca subdit: *Unumquodque autem agit secundum exigentiam suæ formæ, quæ est principium agendi, & regula operis.*

Si ergo uniti agunt secundum exigentiam suæ formæ, & hæc forma in ipsis est Deus, qui est factus forma amantis, nil mirum, quod procedant secundum rationem elevatissimam, sub se comprehendentem vitæ utriusque rationes. Et prout sic iam omnes illæ rationes pluralitatem non exprimunt; sed unitatem. Quod pulcherrimè docuit idem Div. Thom. in 2. dist. 10. art. 4. ubi ait: *Ad 3. dicendum, quod ea, quæ cognoscuntur diversis rationibus, intellectus non potest simul considerare: quia non potest consignari diversis similitudinibus simul, sicut nec corpus diversis figuris. Sed ea, quæ cognoscuntur una ratione, vel quorum*

*unum est ratio alterius, nihil prohibet simul intelligi.*

#### §. IV. Alia duplex assertio.

178. **S**ic 2. conclus. *Vita contemplativa, & activa possunt simul esse in eodem viatore.* Iam num. 150. explicuimus modum, quo præsens assertio intelligenda est. Eam expressè tenet Div. Thom. in 3. d. 35. q. 1. art. 3. quæstionc. 3. propter quæ hanc conclusionem statumusi ita enim perspicue loquitur tum in corp. tum in argumentorum solutione, ut non possimus aliter iudicare, nisi quod vitæ unionem vitæ contemplativæ, & activæ, qualem §. 5. præcedentibus statuimus, detur alia consistens in eo, quod diversis temporibus possit idem homo viator principaliter intendere operibus vitæ activæ, & etiam principaliter intendat vitæ contemplativæ.

Audi solutionem primi argumenti præfatæ quæstionc. *Ad 1. respondetur dicendum, quod ad diversa potest homo principaliter intendere diversis temporibus, quamvis non simul.* Hoc certè non est adstruere illam vitæ activæ, & contemplativæ unionem, quam ex ipso Doct. Ang. dedimus §. 1. quia ibi utramque hanc vitam dicimus esse simul, non solum simulare subiecti, sed etiam simultate temporis: quod est adeo expressa doctrina Ang. Præcepti ut tergiversari non valeat. Et prætermisissis alijs textibus, & fundamentis, solum referam, quæ loco ibi citato, videlicet 2. 2. q. 181. art. 1. docet per hæc verba: *Ad 3. dicendum, quod ad opera vitæ activæ interdum aliquis à contemplatione avocatur propter aliquam necessitatem præsentis vitæ; non tamen hoc modo, quod cogatur aliquis totaliter contemplationem deferere. Unde August. dicit 19. de Civit. Dei. Otium Sanctum querit charitas veritatis: negotium iustum, scilicet, vitæ activæ, suscipit necessitas charitatis. Quam sarcinam, si nullus imponit, percipiendæ, atque intendendæ vacandum est veritati. Si autem imponitur, suscipienda*

*Ha est propter avaritatis necessitatem: Sed nec sic omnino veritatis necessitas deferenda est, ne subtrahatur illa suavitatis, & opprimat ista necessitas.* Et sic patet, quod cum aliquis à contemplativa vita ad activam vocatur, non hoc fit per modum subtractionis, sed per modum additionis.

¶ Si utraque hæc vitæ contemplativa, & activæ unio maturè consideretur, diversam esse cognoscetur. Quamdoquidem in 2. a. concedit vitam contemplativam vult vitæ activæ, quæ ad illam se habet per modum additionis, & simul: similitudine temporis exerceri utramque vitam: quod de unione, quam modò docet in 3. sentent. non ita evenit: siquidem hæc vita activa se habet ad contemplativam per modum additionis, sed principaliter, sicut illa intenditur, nec cum illa simul similitudine temporis, seu exercitij comparatur; ut evidenter constat ex verbis inductis. Unde sicut prima assertio fuit de mente Div. Thom. sic hanc secundam ad mentem ipsius esse, certum nobis est.

179. Prob. ergo conclus. nostra ratione, quam quasiunc. citata innuat D. Thom. & sub hac forma proponitur: Vita activa potest cum omni sua perfectione haberi à viatore: ergo potest hic simul habere utramque vitam. Anteced. certum est: quia sicut vita contemplativa potest perfectè haberi, & ideo dantur contemplativi perfecti: sic etiam vita activa perfectè haberi potest: & ob hoc dantur perfecti activi. Consequent. autem probatur: quia cum vita activa iam perfectè habetur, nihil obest, quominus illam perfectè habens vitæ contemplativæ incumbat: ergo potest utraque in eodem esse. Probatur anteced. quia non apparet, unde provenire possit illa impossibilitas, non ex parte ipsius vitæ activæ, quia hæc nullam incompatibilitatem dicit ex se cum vita contemplativa: sed nec ex parte passionum; aut tumultuum rerum externorum; quia hæc omnia iam supponuntur superata per virtutum moralium exercitium; nec aliter esset vita activa perso-

na, quod ratio nostra supponit, esseque expressum in laudato Div. Thom. dicente: *Sed quando iam vita activa perfecta est; tunc operationes virtutum moralium in promptu habet; ut eis non impeditur vivere contemplationi vacet.*

180. Prob. 2. conclus. alia ratione ex eodem Div. Thom. desumpta: quia in Ecclesiâ militante dantur Prælati, ac Pastores animarum, ut fide sanctum est: sed de horum principali studio debet esse vita contemplativa, & activa: ergo hæc possunt simul dari. Patet ista, quia alias daretur obligatio ad impossibile: Nun autem probatur. 1. ex citato Div. Thom. qui ait: *Et quia Prælatorum est in utraque vita perfectos esse, ut potest quia mediij sunt inter Deum, & plebem à Deo recipientes per contemplationem; & populo tradentes per actionem: ideo oportet eos in moralibus virtutibus perfectos esse, & similiter prædicatores; aliis indigne quis prælationis, vel prædicationis officium assumit.* Probatur. 2. illa min. quia unusquisque debet principaliter studere ijs, quæ sui muneris sunt: sed muneris Prælatorum sunt vita contemplativa, & activæ: ergo ijs principaliter studere debet. Nun. pro 2. parte constat ex verbis Domini ad Petrum; dum illum caput Ecclesiæ constituit; dixit enim apud Joan. cap. ult. *Pasce oves meas.* Et ex illo Pauli, in Act. Apost. cap. 20. v. 28: *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivisti sanguine suo.* Nec valet Episcoporum suo muneri satisfacere, nisi ex studio, atque ideo principaliter invigilet in pascendis ovibus, nunc panem materiale ipsi frangendo, nunc panem vitæ, & intellectus ipsis communicando. Quoad primam partem patet etiam ipsa min. quia illum ipsum panem doctrinæ debet ipse prius à Deo accipere in contemplatione, nec aliundè illum asportare potest, si quod suum est, implere cupit: quod acutè insinuavit D. Thom. ijs verbis: *Medij sunt inter Deum, & plebem à Deo recipientes per contempla-*



sionem, & populo tradentes per actionem. Sinamque aliunde hunc spiritalem panem compararent, plebem quidem pascere; sed non ut medij inter Deum, & plebem. Huiusque doctrinae radicem non inveniunt cognoscere, si consideres: Episcopos non esse gregis Christiani simpliciter, & absolute Pastores, cum vel eorum summus, Vicarius sit: quod de ipsis Apost. tradit in eorum Praefat. Ecclesia illis verbis: *Quot operis tui Vicarios idem contulisti praesse Pastores.* Non Pastores absolute & simpliciter, sed Pastores Vicarios nominat. Pastor autem simpliciter, & absolute est, qui apud Joan. 11. v. 14. de se ait: *Ego sum Pastor bonus.* Et Div. Paulus ad Hebraeos cap. 13. v. 20. vocat Pastorem magnum dicens: *Deus autem pacis, qui eduxit de mortuis Pastorem magnum ovium, in sanguine testamenti aeterni, Dominum nostrum Iesum Christum.* Hic autem Pastor bonus oves suas pascit: non tamen immediate, sed medijs secundis Pastoribus. Unde pabulum, quo isti debent pascere commissum sibi gregem, est pabulum descendens a Pastore primo, unde illud debent requirere in contemplatione, mox ab ipsis inter oves distribuendum; sicque eodem pabulo Prius, & secundi Pastores gregem pascunt.

Placet doctrinam traditam in Verbis Christi Dom. ad Petrum insinuatam dicere. Priusquam enim Pastor constitueretur, interrogatur, an Deum amet? *Petre amas me?* Vt sciat, se in munere pastoralis duplici vinculo ligari. Primum est perfectissimae dilectionis Dei, quae, ut patet ex supra dictis, spectat ad contemplationem: eo quod (primo) *ubi est thesaurus tuus, ibi est & cor tuum.* (secundo) *Anima plus est ubi amat, quam ubi animat.* (tertio). *Amor meus pondus meum:* Illac feror quocumque feror. Secundum vinculum est sollicitudinis pastoralis; qua oves pascere debet. Sic Div. Thom. 2. 2. q. 184. art. 7. ubi ait: *Ad 2 dicendum, quod hoc ipsum, quod Episcopi intendunt his, quae pertinent ad proximorum*

*dilectionem, provenit ex abundantia dilectionis divinae.* Unde Dominus primo à Petro quaesivit, *an eum diligeret, & postea ei sui gregis curam commisit.* Et Gregor. dicit in pastor. *Si dilectionis testimonium est cura pastoralis, quisquis virtutibus pollens, gregem Dei renuit pascere.* Pastorem summum convincitur non amare. Hoc autem est maioris dilectionis signum, ut homo propter amicum, etiam alij serviat, quam etiam se soli amico servire velit.

181. Dices: haec omnia possunt fieri à Praefatis, qui in contemplativi sint; siquidem possunt à Deo accipere panem, quem inter oves distribuunt, oratione live vocali, live mentali; sicque verificatur, quod sint medij inter Deum, & oves: ergo ad hoc non requiritur contemplatio; atque adeo non datur in ipsis simul vita contemplativa, & activa.

Respondetur ex Div. Thom. modo citato: *Ad 3. dicendum, quod sicut Gregor. dicit in pastor. Si Praefat actione praecipuus, praevinculis contemplatione suspensus;* quia ad ipsos pertinet non solum propter se ipsos, sed propter instructionem aliorum contemplari. Unde Gregor. dicit sup. *Ezech. quod de perfectis viris post contemplationem suam redeuntibus dicit Psalm. 144. memoriam suavitatis tuae erubescunt.* Unde si tibi dorum videbatur, ex simplici capite Episcopos ad contemplationem obligari, vides in hac autoritate ipsos non ex simplici, sed ex duplici motivo ad contemplandum teneri: quandoquidem propter se ipsos, & etiam propter instructionem aliorum contemplari debent. Sunt enim Episcopi Magistri, Perfectores, ac Doctores aliorum: eorum est fidem docere, Scripturam interpretari, gregem suum defendere, & pro illius defensione mori; si opus fuerit. Quia munia Episcopos perfectos esse debere plane ostendunt: atque adeo quod debent esse contemplativi. Quare dicitur in Concil. Tol. 11. cap. 2. *Quantum quis praerexcessu culminis obtinet locum, tanto necesse est, ut praecedat ceteros gratia meritum;* ut in eo, quod

*præsides singulis, singulariter ornetur. eminentia sanctitatis, habens semper in ore gladium veritatis, & in opere efficientiam iuminis.*

Quod si tibi hoc nimis durum appareat: noscas durius esse, dari aliquos, qui ad insulas Episcopales anhelant non timentes gravissimum onus, pro quo suspirant. Quo respexit Div. Bonav. sup. regul. cap. 2. dum dixit: *Si non vocati ad Episcopalem gradum, nec coacti ad eundem aspirent, ut fugiant arumnas pauperum, & ordinis rigorem, credo eos in illius partem cessuros, qui dixit: sedeo in monte testamenti, in lateribus Aquilonis.*

182. Probatur denique conclusionem ratione univ. & omnes status comprehendente: etenim sicut datur in Ecclesia militante genus vitæ activæ, ac contemplativæ; ita datur genus vitæ mixtæ. Sed in hoc genere vitæ mixtæ adunantur vita activæ, & contemplativæ; ergo hæ vitæ simul dari possunt. Min. patet, quia sicut per studiū vitæ contemplativæ constituitur purè contemplativus, & per studium vitæ activæ purè activus: sic per studium utriusque habetur simul utraque vita. Mai. autem probatur ex Div. August. qui loco citato num. 26. dividit in illud triplex genus vitam humanam: quæ doctrina, diximus num. 28. non intelligenda est, *quantum ad diversitatem vitæ, sed magis quantum ad diversitatem viventium.* Quatenus scilicet, etsi non detur nisi illa duplex vita; possunt tamen dari viventes, qui utrique, diversis licet temporibus, principaliter studeant, quod est ipsum, quod pro conclusione statuimus.

183. Ex dictis in hac assertionem colliges: Beatissimam Virg. Mariam hoc etiam modo habuisse simul vitam contemplativam, activamque. Quod dupliciter probamus. Primo, quia auctoritas illa Div. Thom. num. 151. posita loquitur de vita activæ, & contemplativæ, prout de illis loquimur in hac conclusione: quandoquidem est ex 3. sentent. q. 8. art. citatis, ubi, ut vidimus num. 178. loquitur Div. Thom. de hac duplici vita, prout dicit studium principale illas habentis. Accedit ratio,

quam ex Anselmo ibi adducit Div. Thom. videlicet, in festo Assumpt. legitur Evangelium de Martha, & Maria, significantibus vitam contemplativam, & activam, ut ostendatur, Virg. Beatissimam simul habuisse utramque vitam. Quod certè probat in Beatissima Virg. datam fuisse utramque vitam illam, non solum quatenus eius contemplatio non impediatur per exteriores occupationes, sed etiam quatenus dicit studium principale ad contemplationem, & actionem. Siquidem in dicto Evangelio sicut ponitur Maria, prout significat studium præcipuum circa contemplationem: sic etiam ponitur Martha, quatenus signat præcipuum studium circa actionem.

Accedit 2. quod Beatissima Virg. non solum fuit Maria propter studium sublimissimæ contemplationis; sed etiam fuit cum omni proprietate Martha, quæ aliquando suum principale studium in exteriorum sollicitudine constituebat, sic docet Gilbert. Ab. lib. de laudib. B. Mariæ cap. 7. dicens, quod Beatissima Virg. fuit *Martha satagens circa frequens ministerium, frequens enim ministerium, circa quod satagit, ipsa fuit sollicitudo circa curam Domini corporis, quam in benedicta Virg. actualitas sic ministrat, ut exterioris honoris obsequio magis, quam contemplando Deo; aliquoties magis insistendum crederet: Quod enim carnaliter genuerat, & præ oculis semper habebat; nimiam ferventiori studio indefinenter ardebat.* Et Petrus Bles. serm. 34. ait: Beatissima Virg. Maria fuit *Martha ob eius vitam, & sollicitudinem, & prudentiam circa filium suum exhibitam: Martha enim fuit, dum abiit in montana, ut Elisabeth gravidam, & grandævam saluaret, ut virum in vincula tribus mensibus officiosè ministraret. Martha fuit, dum filium Dei, & suum panis involvit, ubi parit, & in Egyptum fugiens ipsum, à malitia Herodis abscondit. Martha fuit, dum filium suum sollicita in Hierusalem quaesivit, dum cum eo ad nuptias iit, dum usque ad passionem eius à filio non recessit.*

*fit, dum post maternos dolores, & resurrectionis lætitiis, filium ascensurum in Cælum cum Discipulis undecim ad montem Oliveti perduxit.*

184. Probat. 2. In Virg. Beatissima concurrere duplex hoc studium circa vitam contemplativam, & activam: quia concurrere in Episcopis, eò quòd Magni sunt, probatum à nobis est. Hincque evincitur dari in Virg. Benedicta, quæ à Dionys. Carthus., lib. 2. de prec. Mariæ art. 24. dicitur. *Magistra sapientissima, ad quam creditur nec irrationabiliter, post Paracleti missionem, universos Christi Apostolos, atque discipulos in agris, itemque in dubijs recessisse, & ipsius plerumque directione usos: quamquam etenim Spiritu Sancto impleti essent singuli; non tamen æqualiter: & hinc ad sapientiores, atque maiores ceteri utique pro subsidio, aut reverentia profecti sunt, atque in ipsa Domini sui Matre, tamquam in Domino, confisi, consplati que sunt. Singulariter autem creditur Sanctus Lucas ab ea multa didicisse: Ea, videlicet, quæ vel solus, vel plenius de Christi annuntiatione, generatione, Circumcisione, Purificatione, atque infantia feliciter, fideliterque conscripsit.*

185. Sic 3. assertio: *Vita contemplativa, activæque non possunt esse simul simultate temporis, si sumantur, prout dicunt studium principale, prima circa contemplationem, & secunda circa actionem.* Conclusio hæc est etiam Div. Thom. loco citato num. 178. Vbi contra suum assertum, in quo compatibilitatem vitæ contemplativæ, activæque docebat, facit hoc argumentum: *Vita, de qua hic loquimur, consistit in hoc, in quo homo maxime studet: sed impossibile est, quòd homo duobus summum studium apponat: ergo impossibile est, quòd in homine sit simul vitæ activæ, & contemplativæ: Huic argumento respondet Sanctus Doct. sic: Ad 1. ergo dicendum, quòd ad diversa potest homo principaliter intendere diversis temporibus, (& hoc est, quod asseruimus conclusionem præcedenti) quamvis non simul. Et hoc est, quod modò asseruimus, Ra-*

*tioque satis perspicua inde adducitur, quia homo non habet nisi unicum studium summum: ergo si hoc est applicatum ad vitam activam, non potest, durante illa applicatione, tendere in contemplativam. Nec res adeò clara maiori indiget probatione.*

### §. V. Argumenta contra primam conclusionem solvuntur.

186. **M**Agister Valgomerus q. 42 Theolog. Myst. disp. 2. art. 14. num. 3. opponitur nostræ primæ assertioni, quatenus negat, posse contemplativum ad tantam perfectionem condescendere, ut eius contemplatio non impediatur per operationes exteriores. Probatque suum placitum ex D. Thom. 2. 2. q. 181. art. 4. ad 2. vbi Sanctus Doct. discrimen assignat inter nos, & Angelos: consistens in eo, quòd per ministerium vitæ activæ non retrahuntur Angeli à contemplatione; nos autem retrahimur: quandoquidem per opera activæ impeditur à contemplatione. Quam doctrinam idem Ang. Doct. ad 3. (ait) confirmat dicens, quòd ex corporis gravitate retrahimur ab altitudine contemplationis.

Sed enim doctus hic Thomista his paucis plura corrigenda tradit. Quod Div. Thom. doceat, *per opera vitæ activæ impeditur à contemplatione*, haud est fundamentum sufficiens, ut illam adeò absolutam repugnantiam adstruat. Siquidem idem Sanctus quæst. sequenti art. 1. ad 3. docet ea, quæ iam suprà retulimus, ac modò repeti debent. Ait enim: *ad opera vitæ activæ interdum aliquis à contemplatione vocatur propter aliquam necessitatem præsentis vitæ, non tamen hoc modo, quòd cogatur aliquis totaliter contemplationem deferere*, quod confirmat autoritate August. & subdit: *Et sic patet, quòd cum aliquis à contemplativa vita ad activam vocatur, non hoc fit per modum subtractionis, sed per modum additionis.* Ecce idem Doct. Ang. qui docet, *per opera vitæ activæ impeditur*

*sumus à contemplatione*, tenet, opera vitæ activæ non impedire contemplationem. Quid ni, erit nè Angel. Doct. sibi non conitans? Aut decens Thomistæ erit vnius dicti sui Præceptor, memoriam facere, & aliud dissimulare?

Item : quæ ex solutione ad 3. affert Valgorn. extra rem omnino sunt. Querimus : an vita contemplativa impediatur per activam ? Quid pro parte affirmativa conducit, quod corporis gravitas contemplationem impediatur? Est nè gravitas corporis opus vitæ activæ?

Respondet. ergo quod *per opera vitæ activæ impediatur à contemplatione* regularitèr loquendo : quia certè, quod opera vitæ activæ non impediunt contemplationem, non convenit cuiusque contemplativo; sed illi, qui introductus à Rege in cellam vinariam charitatem ita ordinatam habet, ut possit spiritu Deum contemplari, & anima rebus vitæ activæ attendere. Ut probatum relinquimus.

In textu pro nobis allato ponderare debes emphaticam pulchritudinem illius verbi *cogatur*. Quippè non per hoc, quod quis à contemplatione vocetur ad opera vitæ activæ, *cogitur* eo ipso ad derelinquendam contemplationem. Et ratio est, quia si illam deserit, non est, quia ad hoc *cogatur* sed quia ipse adhuc imperfectus est. Si autem perfectus sit, ea sublimi perfectione, de qua in assertione loquuti sumus; tunc per nulla opera vitæ activæ, ad quæ à contemplatione vocetur, deseret contemplationem. Quod si ad eò perfectus non sit, deseret contemplationem, sed non omninò, ut docet Div. Thom. textu per nos adducto. Vnde ex meritis vocationis nunquam contemplativus *cogitur* contemplationem deferre: Sed deserit, & conservatio contemplationis regulatur penès perfectionem, vel non perfectionem contemplantis : ita quod si hic non sit perfectus, penitus interruptitur contemplatio ; & hoc docet Div. Thom. loco citato à Valgorn. Si autem perfectus sit tunc attenditur perfectionis gradus, &

secundum eius maiorem, vel minorem perfectionem, erit maior, vel minor desertio contemplationis. Et hec est, quod idem Angel. Doct. docet loco à nobis allegato.

Nec, quod sic mentem D. Tho. exponerem, à me ipso habui ; sed ab eo iudici. Loco enim citato ex sententiar. sic laur : *Quando iam vita activa perfecta est, tunc operationes virtutum moraliū in promptu habet, ut eis non impeditus liber è contemplationi vacet : Tamen secundum quod homo est magis, vel minus perfectus in vita activa, circa plura, vel pauciora occupari potest activa vita simul cum contemplativa.*

Alium textum desumptum ex solutione ad 3. iam diximus, non esse ad rem, quia gravitas corporis non est opus vitæ activæ, à quo etiam retrahimur per corporis gravitatem. Sed, dato, quod extra chorum non esset, nihil aliud illo textu probaret Valgorn. nisi illud, quod modo dicebamus. Observa tamen Div. Thom. profunditatem : non enim docuit, quod per corporis gravitatem retrahimur à contemplatione ; sed *ab alituarine contemplationis*. Aliud est altitudo contemplationis, & aliud contemplatio : quia hæc non solum dicit actum, in quo essentialiter consistit contemplatio ; sed etiam actus alios, qui ad illum requiruntur, ut patet ex superioribus. Altitudo contemplationis dicit ipsum actum essentialem, & hunc in gradu perfectissimo. Et, posse aliquem deferre summum contemplationis ; quin contemplationem, secundum omnia, quæ importat, de relinquat, vidimus questione præcedenti ; ubi diximus, contemplationem sumptam secundum omnia, quæ dicit, esse durabiliorem, quam vita activa. Vnde nullo ex dictis textibus aliquid contra nos probat Valgornera, qui, si non ad eò velociter scripisset, textum vrgentiorum parum ab ijs distantem in codè D. Th. inserisset, quo posset suum assertum fundare, & impugnare contrarium. Hunc textum à nobis proponitur sub hac forma.

187. Arg. ergo 2. Contra nostram

etiam conclusionem ex Div. Thom. qui d. 2. q. 182. art. 3. in corpor. ait: *Manifestum est, quòd vita activa impedit contemplativam, in quantum impossibile est, quòd aliquis simul occupetur circa exteriores actiones, & divinæ contemplationi vacet.* Nil clariùs contra nos afferri valet. Ait enim Doct. Sanct. impossibile esse, quòd vita contemplativa, activaque, modo, quo à nobis asseritur, vniatur.

Respond. ex dictis §. 3. & præsertim num. 177. & 175. Quòd si vita activa, & contemplativa sumantur secundum rationes sibi proprias, penes quas ad invicem differunt, tunc *impossibile est, quòd aliquis simul occupetur circa exteriores actiones, & divinæ contemplationi vacet.* Ast si sumantur secundum vnā rationem superiorem, in qua adunantur, tunc non est impossibilis talis simultas, vt citatis numeris explicuimus. Et quòd Div. Thom. in textu obiecto loquatur de duplici illa vita secundum rationes vnicuique proprias, constat, tum quia locis in nostrum favorem aductis concedit hanc simultatem, quam modò negat. Vnde cū sibi contrarius non sit, intelligendus est secundum modum à nobis dictum, qui omnem contrarietatem aufert. Tum deindè: quia ex ipsa littera constat, nostram hanc expositionem esse ad mentem nostri Præcept. quandoquidem clarissimè ostendit, se loqui de illis viris secundum dictam atomam rationem. Videatur tertium argumentum, quod speciali solutione, (sicut nec alia) non solvit ob rationem assignatam. Observetur etiam art. corpus, & ex doctrina ibi data, & Gregor. autoritate cognoscat quisque Div. Thom. loqui de vita activa, quæ non supponit animæ passionem moderatas, cū negat posse coniungi cum contemplativa, seu illam impedire. Dum verò animæ passionem supponuntur ordinatæ, tunc non est, cur debeat per vitæ activæ opera impediri contemplatio.

188. Arg. 3. Contemplatio in sui summo diu manere non potest in viatore: ergo non datur in viatore vnio

vitæ activæ, & contemplativæ, quantum ad hoc, quod contemplatio non impediatur per opera vitæ activæ. Anteced. est omnino certum, vt patet ex quæstione præcedenti: & consequentia probatur: quia eò non posset diu manere contemplatio, quia per opera vitæ activæ impederetur: ergo ex quo per hæc opera non impediatur, diu durare valet. Patet ista: quia cessante causa non durationis, & ipsa non duratio cessat. Ant. verò est omnium Doctorum, qui quidem opera externa impedire diuturnitatem contemplationis vnanimitè docent.

Hoc argumentum difficultate non caret, sed quam luce Ang. Præcept. & nostror. Mysticor. superare speramus. Respondetur ergo matrimonium spirituale viatoris non consistere in vnione actuali, sed in habituali, vt suo loco dicemus, ad differentiam comprehensoris, cuius matrimonium in vnione actuali consistit. Ad spirituale matrimonium requiritur vnio cum Deo tam ex parte intellectus, quam ex parte voluntatis. In viatore ergo, qui ad felicitatem matrimonij spiritualis elevatur, datur hæc vnio huius vtriusque potentie, habitualis semper; quia in ea, vt dictum est, consistit hoc matrimonium: actualis verò non semper, sed multoties. Hæc autem actualis vnio, dum durat, compatitur cum operibus vitæ activæ, quod satis, superque est ad veritatem asseri nostri: quandoquidem per aliquod tempus verificatur vnio vitæ contemplativæ, activæque. Quod autem parum duret hæc coniunctio, nobis non obest, qui numquam contrarium asseruimus. Hæc autem non permanentia provenit ex misera conditione status, animam in illa perfectissima fruitione diu persistere haud patientis. Vnde tum somno, tum occupationibus exterioribus: tum ipsa corporis gravitate ab illa felicitate avellitur. Verum sicut cum ipsa corporis gravitate, quæ semper viget, multoties compatitur vnio illa actualis: sic etiam cum opere vitæ activæ.

Transacta vnione illa actuali, reman-

remanet habitualis vnio; cum intellectus tum voluntatis. Quæ vnio spectat vtique ad vitam contemplativam: & hanc vnionem auferre non possunt, aut impedire opera externa, quamvis multa, & maximæ entitatis. In eorum enim concursu manet interior centrum animæ ita in Deum proclive, vt facili ei sit vnionem actualem reproducere. Et ex hac parte etiam assertio nostra salvatur: quippè vitæ activæ occupationes compatiuntur cum dicta vnione habituali, quæ, vt dictum est, est vita contemplativa. In simulque non obest, vt anima ad vnionem actualem redeat. Quibus adde: quòd anima ipsam cessationem ab vnione actuali ordinat in ipsam vnionem. Vnde hac ex parte etiam videtur continua; consequenterque compatibilis cum vitæ activæ operibus.

189. Audiamus quid circa hæc doceat Sanctus Thom. qui 1. 2. q. 3. art. 2. inquit: *Utrum beatitudo sit operatio?* Resolutio est affirmativa: Contra quam opponit tria argumenta, quæ ad hoc vnum redigimus: Beatitudo est vna, permanens in Beato absque interruptione: sed operatio est multiplex, & transit, frequenterque interruptitur somno, vel aliqua occupatione: Ergo beatitudo non est operatio.

Ad hoc triplex argumentum, ad vnicum redactum, vnica solutione respondet Doct. Sanctus dicens: *Ad 4. dicendum, quòd cum beatitudo dicat quandam ultimam perfectionem, secundum quod diuersæ res beatitudinis capaces, ad diuersos gradus perfectionis pertinere possunt, secundum hoc necesse est, quòd diuersimodè beatitudo dicatur.* Et aliquibus de beatitudine Dei, & Angelorum interiectis, subiungit: *In hominibus autem secundum statum præsentis vitæ, est vltima perfectio secundum operationem, qua homo coniungitur Deo. Sed hæc operatio nec continua potest esse, & per consequens nec vnica est. Quia operatio interfectione multiplicatur, & propter hoc in statu præsentis vitæ, perfecta beatitudo ab homine haberi non potest: ::: Est tamen aliqua*

*participatio beatitudinis: Et quantò operatio potest esse magis continua, & vna, tantò plus habet rationem beatitudinis: & ideo in actiua vita, quæ circa multa occupatur, est minùs de ratione beatitudinis, quàm in vita contemplatiua, quæ versatur circa vnum, id est, circa veritatis contemplationem. Et si aliquando homo actu non operetur huiusmodi operationem: tamen quia in promptu habet eam, semper potest operari. Et quid etiam ipsam cessationem, putà ratione somni, vel occupationis alicuius naturalis, ad operationem prædictam ordinat, quasi videtur operatio continua esse.*

Nihil inuenies in solutione a nobis data, quod hac auctoritate non fundetur. Et omisso pluribus, quæ addere statueram, dicam cum nostra Seraph. Doctrice lib. vitæ, cap. 18. & alijs locis, estque constans doctrina apud Mystas, vnionem mysticam animæ cum Deo esse duplicem: nam alia est secundum omnes eius potentias, & alia secundum solam voluntatem, manentibus intellectu, ac memoria, liberis, capacibusque exercendi suas operationes. Inter has autem vniones hoc interest. Quòd prima parùm durat, vt docet expertissima Theresia, & dum permanet, nihil aliud potest anima facere, nisi torrente diuinæ voluptatis deliciari. Secunda est durabilior, & quæ compatiatur cum operibus activis. Sed etiam ab illa vnione actuali tandem retrahitur, ipsa renuente, voluntas, quæ manet cum illa vnione habituali suprà dicta. Vnde verum esse relinquitur, quòd contemplatio in sui summo non diù in viatore maneat, & quòd hæc ob capita dicta compatiatur cum operibus vitæ activæ.

190. Liceat addere: quòd sicut hanc assertionem probauimus exemplo Virg. Beatissimæ, in qua data fuit contemplatio, quam operationes externæ non impediabant: ita similiter, fat est, quòd in eadem Sanctissima Virg. fuerit contemplatio in sui summo diù perseverans, & quòd tumultibus vitæ activæ non perturbaretur, vt factum argumentum non convincere demonstratur.

tur. Quod autem in purissima nostra Domini coniuncta fuerit cum solitudine activa contemplatio in sui summo perseverans, constat ex dictis §. 2. ubi asseruimus, Deiparam contemplationem non interruptam servasse toto tempore sanctissimæ suæ vitæ, quod etiam (morem aliquibus Doctoribus gerentes) ad tempus ante ipsius præclaram natiuitatem extendimus, licet reverà cum Div. Thom. 3. p. q. 27. art. 3. in corp. sentiamus, quod quidem vni eorum, quæ ibi diximus, non immovuit. Et hoc sufficit, ut, quamvis circa alios convinceret argumentum, adhuc tamen assertum non expugnaret: quia hoc huius unionis possibilitatem adstruit, quæ optimè comprobata dignoscitur, dummodo in vnico solummodo individuo perseveret.

191. Dices: ex quo contemplatio vnita cum actione fuerit in Beatissima Virg. probamus dabilem esse in hoc statu vitam contemplativam simul cum activa: ergo. Ex quo in Beatissima Virg. fuerit contemplatio perfectissima toto tempore suæ inclytæ vitæ perseverans, sequitur, quod contemplatio perfectissima huius status sit multum durabilis; nec minus quam vita activa. Cuius contrarium diximus quæstione præcedenti.

Respond. neg. consequentiam; & paritatem. Discrimen est, quod vnio vitæ contemplativæ cum activa est opus gratiæ: maior autem, vel minor durabilitas contemplationis attenditur ex meritis naturæ ipsius contemplationis, vel sumptæ secundum se: vel prout reduplicat merita huius status, consideratæ. Vnde ex quo in aliquo data sit vnio illa vitæ contemplativæ, & activæ viribus gratiæ, bene infertur eius possibilitas; attento impulsu ipsius gratiæ per ordinem ad quam dubium illud disputatur, licet viribus naturæ sit impossibilis: quod quidem non disputatur, sed ut indubium supponitur. Sed ex quo viribus ipsius gratiæ detur perseverantia illa contemplationis; habetur quidem, quod sit possibilis virtute gratiæ; non verò virtute præsentis sta-

tus. Et hoc est, quod præcedenti quæstione dicebamus.

### §. VI. Respondetur vnico argumento contra secundam assertionem.

192. **C**ontra 2. conclus. arg. 1. Vita activa est dispositio ad vitam contemplativam: ergo non est coniungibilis cum ea. Anteced. constat ex supra dictis, & consequ. probatur. Quia dispositio ad aliquam formam est inconiungibilis cum illa, quandoquidem adveniente forma, talis dispositio evanescit: ergo si vita activa est dispositio ad contemplativam compati cum illa non potest.

193. Confirmatur. Quod erga plurimam turbatur, inconiungibile est cum eo, quod in vno deliciatur: sed vita activa, & contemplativa sic sunt: ergo inconiungibiles sunt. Conseq. bona est, & nun. constat, tum ex verbis Div. Thom. positis num. 189. tum ex eo; quod vita activa figuratur in Martha, quæ erga plurimam turbatur, & vita contemplativa in Maria, quæ scelici tranquillitate Deo fruitur. Maior autem probatur, quia quod turbatur erga plurimam opponitur, tam ex parte pluralitatis, quam ex parteurbationis cum eo, quod nec turbatur, nec plura, sed vnum respicit: ergo.

194. Respond. argumento cum Div. Thom. in 3. dist. 35. q. 1. art. 3. quæstiunc. 3. ubi ait: *Ad 3. dicendum; quod dispositiones, quæ essentialiter habent imperfectionem annexam, non manent cum eo, ad quod disponunt, sicut fides non manet cum visione. Sed aliæ dispositiones possunt simul manere, sicut dictum est: & sic est vita activa.* Inter dispositiones aliæ dicunt indispensabilem imperfectionem repugnatem cum eo, pro quo disponunt; & tales dispositiones sunt incompatibiles cum eo, ad quod disponunt. Sicque sunt fides, & spes in ordine supernaturali: & calor remissus ad formam ignis in ordine naturali. Aliæ verò dispositiones non dis-

## 216. SECUND. PRÆDICAB. DE NAT. MYSTICE PERFECTIVA.

ant hanc imperfectionem: & istæ comparabiles sunt cum eo, ad quod disponunt, vt patet in calore completo, qui disponit ad formam ignis, & simul cum ea est. Et huius conditionis est vita actiua: Vnde compati cum vita contemplatiua valet. Videatur Ang. Doct. loco citato in corp.

Ex quo Ang. Mag. 3. p. q. 9. art. 3. ad 2. sic factum argumentum penitus solvitur. *Ad 2. dicendum, quod dispositio se habet ad perfectionem dupliciter. Vno modo, sicut via ducens ad perfectionem: alio modo, sicut effectus à perfectione procedens. Per calorem enim disponitur materia ad suscipiendam formam ignis, qua tamen adueniente, calor non cessat, sed remanet, quasi quidam effectus talis formæ. Et similiter opinio ex Syllogismo dialectico causata, est via ad scientiam, quæ per demonstrationem acquiritur, qua tamen acquisita, potest remanere cognitio, quæ est per Syllogismum dialecticum, quasi consequens scientiam demonstratiuam, quæ est per causam: quia ille, qui cognoscit causam, ex hoc etiam magis potest cognoscere signa probabilia, ex quibus procedit dialecticus Syllogismus. Et similiter in Christo, simul cum scientia beatitudinis manet scientia indita, non quasi via ad beatitudinem, sed quasi per beatitudinem, confirmata. Sic similiter in casu nostro.*

195. Ad confirmationem pro ea parte, qua turbationem vitæ actiue representat, respondet idem laudatus Div. Thom. *Ad 2. dicendum, quod turbatio in vita actiua non contingit, postquam ad perfectionem venit; quia tunc iam delectabiliter, & faciliter operatur non perturbatus.* Ex qua doctrina intelligere debes, vt plura probe intelligas, vitam actiuam posse sumi vel in statu imperfecto, vel in statu perfecto: ad cum modum, quo de calore dicebamus. Primo modo dicitur se ipsa cum maxima imperfectione, sagit enim erga plurima, nec vnum, in quo requiescat, habere potest; licet modum, quo in illo vno requiescat, exploret, dum ad vitam contemplatiuam tendit. At prout sic com-

pati cum vita contemplatiua non potest: sicut nec calor remissus cum forma ignis. Cæterum sicut calor perfectus cum forma, ad quam disponit, comparatur: sic etiam cum vita contemplatiua actiua, vita inesse, perfecto sumpta. Sic enim nullam oppositionem dicit cum vita contemplatiua, nec turbatur; immo operatur delectabiliter, & faciliter. Est igitur turbatio insollicitudine erga plurima signum vitæ actiue imperfectæ: quam imperfectionem docuit Dominus extirpandam, cum Martham reprehendit, non quia circa plurima occuparetur, sed quia, iudice Abulensi, in illa sua occupatione turbabatur. Quæ turbatio incompatibilis est cum attentione ad vnum, non autem oppositur huic attentioni illa, erga plurima occupatio, vt iam videbimus. Vnde semper quod ab aliquo, cui reuereri congruum est, audieris, vitam actiuam incompatibilem esse cum contemplatiua, intellige de vita actiua imperfecta, & seclusa specialissima gratia, vt iam diximus.

Soluta est confirmatio pro ea parte, quæ deurbatione loquebatur: ad illam verò prout de sollicitudine erga plurima loquitur, dicas: quod si sermo sit de vita contemplatiua, & actiua, prout de illis agitur in 2. conclus. nullam oppositionem adesse, unde constat, quod non in eodem tempore vitæ illæ exercentur. Vnde qui modò pluribus studet, mox potest vni vacare. Nec dicas: idem dici posse deurbatione. Quia qui modò circa actiua turbatur, non potest mox contemplari: non quia turbatus sit; sed quia illa turbatio signat, subiectum non esse eapax contemplandi; quia in vita actiua imperfectus est. Si verò vita actiua, & contemplatiua sumantur modo, quo in prima conclusione, tunc adhuc oppositio non est: eò quod vitæ illæ exercentur secundum illam vnam rationem, in qua, vt dictum est, non opponuntur. Verum quidem est, quod ad hoc est necessaria specialissima gratia.

Hanc doctrinam pulchrè docuit Gerson 1. part. Theol. confid. 19 ubi ait:



ait: *Spiritualia duas facies habent, præsertim ea, quæ non utuntur organis corporalibus. Quorum speculorum spiritualium tanta potest esse virtus, talis vigor, & consolidatio, quod pariter, æque sine detrimento potuerit à superiori, & inferiori parte lumina sua suscipere, & tenere suscepta. Hoc manifestum est in Angelis, & alijs confirmatis, qui simul æquè cognoscunt temporalia, & æterna, quorum tenuem similitudinem, & imitationem gerunt aliqui ex viatoribus ex speciali gratia, & vehementi habitatione. Quia multus iam sum in*

hac quæstione, nolo adijcere, quæ cap. 8. de Cœlest. hierar. §. has docet Albert. Magn. qui omnino videri debet in dubio, quod excitat ad declarandam Dionys. doctrinam. Quippè quatuor argumenta ex sex, quæ ibi efformat, militant contra dicta: vnde ipsorum solutiones videndæ sunt.

Contra vltimam conclusionem nihil est, cui opus sit occursum ire. Quod si aliquid obijciatur, faci limè ex dictis solvi poterit. Vnde ad alia iam gradum facere opus est.

## DISPUTATIO VNDECIMA.

### *De principio quod divinæ contemplationis.*

**D**E causis divinæ contemplationis tractaturus à causa efficiēti incipio, & ad illam totam disputationem reduco. Cuius motivum explico. Habet enim cōtemplatio causam efficientem, finalem, formalem, ac materialem. Causa materialis est duplex, videlicet receptiva, & dispositiva. De prima nihil dicendum est, quia id ipsum, quod de omni alia intellectu dicitur de contemplatione, quæ est quædam specialis intellectio, affirmatur. Vnde contemplationis humanæ causa materialis receptiva est homo ipse contemplans. De causa materiali dispositiva nonnulla dici possent; sed deobligamur, quia iam in superioribus, ac speciatim disp. præcedenti, diximus, virtutes morales, & omnia opera vitæ activæ: Immo etiam ipsam activam vitam, esse causas materiales dispositivas divinæ contemplationis. Causa formalis etiam est duplex, alia intrinseca, & alia extrinseca. Prima est ipsa ratio constitutiva divinæ contemplationis, de qua disputationibus præcedētibus egimus. Secunda est ipsum formale contemplationis obiectum, de quo tomo præcedenti per plures quæstiones fusissimè actum à nobis est. Quapropter de his causis nihil modò superest discipulū.

A SPIRITU SANCTO,

Causa finalis divinæ contemplationis etiam bipartitur in causam finalem proximam, seu immediatam, & in causam finalem mediatam, seu remotam. Primus finis contemplationis est Deus Opt. Max. vnde hic finis idem est ac obiectum, quare de illo disputare propter modò dicta non debemus. Finis mediatas, ac remotus est intima unio animæ cum Deo. De qua unione plura diximus, tum in Isagoge, tum alibi: aliaque dicemus in 3. prædicatione. Quamobrem in præsentiarum solummodò observare debemus cum nostro Philip. p. 2. Theolog. Mystic. trat. 3. art. 2. quòd hic finis dicitur mediatas, remotus, ac etiam extrinsecus; quia sine illo salvatur quidditas divinæ contemplationis. Quandoquidem non omnes, qui contemplantur, vniti sunt. Quod verificari non potest de illo alio fine proximo, immediato, ac intrinseco: quia sine illo dari contemplatio non potest.

Vltima causa ex assignatis est efficiens, ad cuius discepcionem accingimur per plures disputationes gravissimas, subtilissimas, vtilissimas. Discutere enim oportet, quodnam sit principium *quod* divinæ contemplationis? Sub quo titulo aliquot difficultates comprehenduntur, à consilio in hunc locum

Ec

locum

locum reservatæ. Quæ licet, ingenuè fateor, congruentiorem sedem, attenta ipsarum natura, alibi haberent: meditatio tamen illas discutere nolui, usque dum de vita contemplativa, & activâ disputassem. Quod an rationabiliter factum? Ipsa rerum series demonstrabit. Agendum etiam est de principio quo contemplationis; non de principio quo radicali: hoc enim nihil dignum expensione retrudit, sed de formali, ac

proximo. Est etiam disputandum, quisnam sit actus contemplationis? Quod eius principium elicitivum? Ac denique de speciebus ad ipsam contemplationem deservientibus. Quibus clauditur totus tractatus de causa efficiendi cœlestis contemplationis, & hoc secundum mysticum prædicabile. Ad primam ergo harum omnium disputationem accedimus: cuius

## QUÆSTIO PRIMA.

*Utrum solus homo sit principium quod divinæ  
Contemplationis?*

**H**ominem esse principium quod divinæ contemplationis certissimum est. Quare in hoc inquirendo nolumus immorari. Sed an hoc sit ita proprium hominis, ut nulli alij conveniat, est quod in præsentī inquirimus: ut ex hoc gradum ad alia paremus.

1. Sit nostra conclusio affirmativa, quam nullus sanæ mentis negabit. Probaturque sic breviter: Contemplatio est actus potentie rationalis: ergo causa eius efficiens est suppositum nature rationalis. Ergo nullum aliud suppositum præter suppositum nature rationalis, est causa efficiens contemplationis; consequenterque illud solum suppositum est principium quod ipsius. Antecedens, de quo alie propositiones dependent, probatur ex definitione ipsius contemplationis, quæ est *simplex intuitus divinæ veritatis*: sed sola potentia rationalis intuetur divinam veritatem, ut veritatem, & ut divinam: ergo.

2. Confirmatur: contemplatio est quedam determinata orationis species: sed solus homo est principium quod orationis: ergo & contemplationis. Mai. patet: quia oratio dividitur in orationem discursus, & contemplationis. Min. autem probatur: quia ut docet Div. Thom. in 4. dist. 15. q. 4.

art. 6. & 2. q. 83. art. 1. Orare est actus rationis: sed solus homo est principium quod actus rationis: ergo & contemplationis.

### §. I. Argumentis respondetur.

3. **A**rguitur 1. Persona divina, & Angelica sunt principium quod contemplationis: ergo non solus homo. Anteced. à nemine negari potest. Et consequent. inde probatur: quia quod convenit alijs ab homine, non convenit soli homini: ergo.

Respond. quod per *ly solus* non excludimus supposita nature superioris ad humanam, quæ quidem esse principium quod contemplationis supponimus. Dividitur enim Cœlestis contemplatio in divinam, Angelicam, & humanam: Unde persona divina, Angelica, & humana sunt cause efficientes divinæ contemplationis. Per *ly ergo solus* excludimus quicquid infra Angelos est, & non est homo: propterea quæ dum dicimus: *Solus* homo est principium quod contemplationis, omne, & solum id, quod est infra hominem, esse contemplationis causam efficientem, negamus.

4. Arg. 2. bruta continuantur hominibus in vi æstimatoria, sicut homo continuatur Angelis in simplici visio-

ne: sed quia homo continuatur Angelis, elevatur ad aliquid supra hominem, & contemplatur, vt Angeli: ergo quia bruta continuantur hominibus, poterunt elevari ad aliquid supra brutum, & contemplari, vt homines. Consequentia innegabilis videtur. Mai. est certa, constabitque ex probatione minoris, quæ probatur ex Div. Thom. in 3. d. 35. q. 1. art. 2. quæstiunc. 2. vbi ait: *Ad primum igitur dicendum, quod homo, in quantum est contemplativus, est aliquid supra hominem: Quia in intellectu simplici visione continuatur homo superioribus substantijs, quæ intelligentiæ, vel Angeli dicuntur, sicut animalia continuantur hominibus in vi æstimatoria, quæ est supremum in eis, secundum quam aliquid simile operibus rationis operantur.*

5. Confirm. Magis convenit homo cum bruto, quam homo cum Angelo: Sed cum minori convenientia potest homo, quia continuatur cum Angelo, elevari ad contemplandum vt Angelus: ergo cum maiori illa convenientia poterit bruto elevari ad contemplandum vt homo, cum quo continuatur. Consequentiam suadet paritas. Min. constat ex data autoritate, & mai. probatur: Quia cum bruto convenit homo in animalitate, à quo solummodo per rationalitatem differt: ab Angelo autem differt per animalitatem, & rationalitatem: Quandoquidem licet Angelus caret rationalitate, sic & ratiocinio, seu discursu: ergo magis convenit homo cum bruto.

6. Respond. argumento: Quod homo convenit cum Angelo in intellectivo, à quo per rationale differt, si cum omni proprietate, ac præcisione loquamur. Vnde intellectivum dicitur esse aliquid supra hominem, quia convenit naturis superioribus, vt sunt Angelica, & Divina. Sicut animal, quod propriè constituit hominem, dicitur aliquid infra hominem: eo quod per illud convenit homo cum brutis. Ast sicut operationes correspondentes animalitati sunt propriæ hominis, vt viventes sensibilibus: sic operationes corres-

pondentes intellectivo hominis sunt ei propriissimæ, & non à superiori natura emendicata, eo quod ipse propriissimè est intellectivus. Vnde cum dicitur: homo contemplativus est *aliquid supra hominem*: Non est sensus, quod homo contemplativus extrahatur à sua natura, & infra sphaeram superioris naturæ collocetur. Sed sensus est: quod ex duobus, quæ sunt hominis, prout naturam rationalem habet, propria: videlicet, intellectus, & ratio, contemplativus non vitur ratione, quæ imperfectum quid est, & per quod à brutis, & ab Angelis differt: sed vitur intellectu, per quem magis distat à brutis, & convenit cum Angelis: atque adeo est perfectius, quod invenitur in homine. Huius propria operatio contemplatio est. Consequentemque contemplatio est propria hominis, secundum quod dicit perfectissimum, quod habet, nempe intellectivum.

Vnico verbo: homo ita est quædam determinata species, vt mediet inter naturas purè materiales, & immateriales. Vt quædam determinata species, constituitur per rationale, per quod differt ab omnibus alijs, sive libi inferiores, sive superiores sint. Vt mediat inter dictas naturas, debet convenire, & discriminari ab illis. Convenit cum purè materialibus per animal, in quo à purè immaterialibus differt: Convenit cum istis per intellectivum, per quod à purè materialibus discrimina- tur. Vnde contemplatio est supra hominem, prout homo est quædam determinata species constituta per rationales non autem est supra hominem, prout homo est intellectivus. Sic enim sumptos eius propria operatio est contemplatio: intellectusque eius in esse potentia est eiusdem speciei cum intellectu Angelico. De quo nostri Complutus de anima disp. 17. q. 1. n. 11.

Nihil horum invenitur in continuatione illa bruti cum homine, vt de se patet. Vnde, etiam si elevaretur ad aliquid supra brutum, & intra hominem tunc quidem concederemus, posse facere opera aliqua hominis facilia; &

benedicere, in quantum præbent nobis eiusque summam sapientiam, providentiamque exaltemus.

## QUÆSTIO SECUNDA.

*Utrum omnes homines possint animum elevare ad divinam Contemplationem?*

**O**Mnem, & solum, modo dicto, hominem esse principium quod contemplationis divinæ, constat ex ijs, quæ antecedenti quæstione dicta sunt. Quibus scitis, statim animum pulsari desiderium sciendi, an iste homo, qui est contemplationis principium quod, possit animum ad illam elevare, vel illam desiderando, vel illam petendo, vel ad ipsam industria propria conando? An debeat manere expectans illam celestem pluviam à Deo, quin præcedere possit conatus, petitio, aut desiderium ipsius?

§. I. *Fiunt aliquæ observationes, & referuntur sententia.*

9. **A**NTE quæstionis, resolutionem observandum est, quod iam multoties diximus, videlicet, contemplationem Divinam aliam esse acquisitam, & infusam aliam. Acquisita est, quam communibus gratiæ auxilijs possumus exercere. Infusa autem est, quæ solummodo dependet in sui efficientia à liberalitate Divina, quæ illam confert nobis siue nobis, salva tamen arbitrij immunitate, ut suis locis statuiamus.

10. Observandum est 2. ipsam contemplationem infusam bifariam, iuxta Mystarum phrasim, sumi posse. Primò pro ipso actu contemplationis, quam iam definitam relinquimus per hoc, quod sit: *simplex intuitus divinæ essentia à principio supernaturali proveniens*. Secundò accipitur pro favori- bus illis extraordinarijs, quos Deus in ipsa infusa contemplatione facit. Hi

sunt raptus, extases, hisque similes. Qui nomine ipsius contemplationis infusæ nominari solent; eò quòd, ut dictum est, anima illos patiens infusam contemplationem exercet. Si autem contendas: tales raptus, &c. esse specialem gradum, seu modum contemplationis infusæ, inficias non ibimus. Immo ex hac parte clariùs procedendi modus offertur nobis: Sic enim meliùs percipitur, quid sit contemplatio infusa secundum se, & quid sit contemplatio infusa raptus.

11. Observandum est 3. ne in progressu controversiæ nominibus hæreamus: diversitatem adesse inter hoc, quod est animum ad contemplationem elevare, ipsam contemplationem petere, & ad illam conari. Per hoc, quòd animus ad contemplationem elevetur, nihil aliud intelligitur, nisi quòd ipsius contemplationis desiderium habeatur. Petere contemplationem, est illud desiderium exprimere coram potente gratiam illam concedere. Ad contemplationem conari, est, ultra dicta, propriam industriam ponere, ut illa media habeatur contemplatio. Ex quo constat, ultimum secundum, & primum excedere: Et primum ab ultimo, & secundum superari. Constat etiam horum trium diversitas: quandoquidem potest res desiderari, quin hoc desiderium exprimaatur: potest etiam, media oratione, exprimi hoc desiderium; quin orans applicet industriam propriam ad obtinendum, quod petit: Vel quia est adeò sublime, ut propriam industriam transcendat: eoque superfluum est illam applicare. Vel quia, defecit animus applicare recusat, volens, quòd proprio splendore habere debeat: per infusionem habere.

DISP. I. DE PRINCIP. QVOD DIVIN. CONTEMPLATION. Q. 1. 223.

habere. Ac tandem potest ad illud, quod desideratum, & petum supponitur, conatus adhiberi, ut sic, propria industria mediaute, res desiderata habeatur.

Exemplo rem illustro. Homo ex se potest ambulare, potest currere, & saltare; volare tamen non potest. Sit tamen homo, qui volatiliū æmulus volare cupiat. Eo ipso homo iste animum ad volandum elevat, & ex hoc ipso suo desiderio provenit, quod, quia illud sua industria impleri non posse, videt, ut minus non se ad volandum disponat. Ultra hoc potest iste homo exprimere hoc suum desiderium, si forsam ab aliquo potente pennas, quibus aera peccat, habere possit. Ut fecit ille, verè contemplativus, dum dixit: *Quis dabit mihi pennas sicut columbæ; & volabo, & requiescam.* Psalm. 54. v. 7. Tandem potest homo iste propria sua industria fretus, licet superius auxilium necessarium fateatur, brachia expandere, aviumque motus imitari, ut sic in altum se libret, aera lustraturus. Vides, quàm perspicuè hæc tria in apposito exemplo diversa sint. Eodem ergo modo intellige ista circa nostram contemplationem. Quàm benè volatui comparo; quia ipsa est, quæ anima, calcatis mundialibus; transcursisque creaturis omnibus, Aquilis ocyor ad Deum usque avolat. Et hæc foelicissimas penhas postulabat laudatus Psalter. Hic ergo prælibatis:

12. Circa præsentem difficultatem multiplex versatur opinio. Prima tenet, esse contra humilitatem animum ad contemplationem elevare, usque dum Deus sua misericordia animam elevet. Sic sentiant, quotquot contemplationem activam negant, & solam infusam recognoscunt. De quo egimus disp. 7. q. 1. per totam.

13. Secunda sententia oppositum tenet quoad contemplationem activam, ad quam, asserit, possumus mentem levare, illam à Deo petere, ad ipsamque conari nostra industria, quæ auxilio divinæ gratiæ innitatur, prout in superioribus multoties dictum à nobis

est. Huius opinionis Patroni sunt Arist. Div. Thom. Div. Augult. Div. Dionys. Seraph. Theresia, Extat. N. Doct. quos Nostrates omnes sequuntur; ut videre est in questione citata. Et generaliter hoc idem docent; omnes, qui contemplationem activam dari sultinent: eo enim hæc contemplatio activa dicitur, quia, supposita fide, & concurrente auxilio gratiæ, nostra industria comparatur.

14. Quoad contemplationem passivam, seu infusam raptus, extatis, &c. convenit hæc secunda sententia cum prima, in asserendo penitus non licere, animum ad illam elevare. Adesseque insignem contradictionem in eo; quod industria propria applicetur, ut hæc contemplatio habeatur. Quandoquidem repugnat, quod sit infusum id, quod propria industria haberi potest, ut ex terminis ipsis constat. Hanc ipsam contemplationem petere; indecens omnino esse, adstruit hæc sententia; cum potius viri spirituales, cum ipsis à Deo misericorditer donatur, enixissimè flagitent, ne illos illis gratijs exteriorius apparentibus, honoret.

15. Si autem contemplatio passiva sumatur pro ipso actu contemplationis ab illis exterioritatibus sciunctos, convenit etiam hæc sententia cum prima in eo, quod nulli licet velle se in contemplatione infusa collocare propter modò dicta: Implicat enim quod contemplatio sit infusa, & quod ad libitum nostrum habeatur. An autem liceat, hanc ipsam contemplationem appetere, mentem ad illam elevando ex ipsius desiderio: Et hoc desiderium exprimere petendo illam à Deo? Res est, in qua Mysticos dissidentes invenio. Affirmant V. P. Alvarez de Paz quæstata à nobis adductus, & vindicatus. N. Philip. p. 2. tract. 3. art. 4. & p. 3. tract. 1. art. 6. Director myst. tract. 3. disp. 3. sect. 4. & tract. 4. disp. 1. sect. 6. Mag. Valgor. q. 3. disp. 3. art. 3. & q. 4. disp. 1. art. 12. & comuniter Mystici.

16. Inter quos non audemus ac censere Nostrum Anton. ab Annuntiatione,

*dimur à contemplatione*, tenet, opera vitæ activæ non impedire contemplationem. Quid ni, erit nè Angel. Doct. sibi non contans? Aut decens i hominibz erit vnius dicti sui Præceptor. memoriam facere, & aliud dissimulare?

Item : quæ ex solutione ad 3. affert Valgorn. extra rem omnino sunt. Quærimus : an vita contemplativa impediatur per activam ? Quid pro parte affirmativa conducit, quod corporis gravitas contemplationem impediatur? Est nè gravitas corporis opus vitæ activæ?

Respondet. ergo quòd *per opera vitæ activæ impediatur à contemplatione* regularitèr loquendo : quia certè, quòd opera vitæ activæ non impediunt contemplationem, non convenit cuiusque contemplativo; sed illi, qui introductus à Rege in cellam vinariam charitatem ita ordinatam habet, ut possit spiritu Deum contemplari, & anima rebus vitæ activæ attendere. Ut probatum relinquimus.

In textu pro nobis allato ponderare debes emphaticam pulchritudinem illius verbi *cogatur*. Quippè non per hoc, quòd quis à contemplatione vocetur ad opera vitæ activæ, *cogitur* eo ipso ad derelinquendam contemplationem. Et ratio est, quia si illam deserit, non est, quia ad hoc *cogatur*; sed quia ipse adhuc imperfectus est. Si autem perfectus sit, ea sublimi perfectione, de qua in assertionem loquuti sumus; tunc per nulla opera vitæ activæ, ad quæ à contemplatione vocetur, deseret contemplationem. Quod si adeò perfectus non sit, deseret contemplationem, sed non omninò, ut docet Div. Thom. textu per nos adducto. Vnde ex meritis vocationis numquam contemplativus *cogitur* contemplationem deserere: Sed desertio, & conservatio contemplationis regulatur penès perfectionem, vel non perfectionem contemplantis : ita quòd si hic non sit perfectus, penitus interruptur contemplatio ; & hoc docet Div. Thom. loco citato à Valgorn. Si autem perfectus sit, tunc attenditur perfectionis gradus, &

secundum eius maiorem, vel minorem perfectionem, erit maior, vel minor delectatio contemplationis. Et hoc est, quod idem Angel. Doct. docet loco à nobis allegato.

Nec, quòd sic mentem D. Tho. exponerem, à me ipso habui ; sed ab eo iudici. Loco enim citato exsententiar. sic tatur : *Quando iam vita activa perfecta est, tunc operationes virtutum motuum in promptu habet, ut eis non impeditur liberè contemplationi vacet : Tamen secundum quod homo est magis, vel minus perfectus in vita activa, circa plura, vel pauciora occupari potest activa vitæ simul cum contemplativa.*

Alium textum desumptum ex solutione ad 3. iam diximus, non esse ad rem, quia gravitas corporis non est opus vitæ activæ, à quo etiam retrahimur per corporis gravitatem. Sed, dato, quòd extra chorum non esset, nihil aliud illo textu probaret Valgorn. nisi illud, quod modò dicebamus. Observa tamen Div. Thom. profunditatem : non enim docuit, quòd per corporis gravitatem retrahimur à contemplatione ; sed *ab alitudine contemplationis*. Aliud est altitudo contemplationis, & aliud contemplatio : quia hæc non solum dicit actum, in quo essentialiter consistit contemplatio ; sed etiam actus alios, qui ad illam requiruntur, ut patet ex superioribus. Altitudo contemplationis dicit ipsum actum essentialem, & hunc in gradu perfectissimo. Et, posse aliquem deserere summum contemplationis ; quin contemplationem, secundum omnia, quæ importat, derelinquat, vidimus questione præcedenti ; ubi diximus, contemplationem sumptam secundum omnia, quæ dicit, esse durabiliorem, quàm vita activa. Vnde nullo ex dictis textibus aliquid contra nos probat Valgorn, qui, si non adeò velociter scripsisset, textum urgentiorum parum ab ijs distantem in eodè D. Th. reperisset, quo posset suum assertum sordare, & impugnare contrarium. Hunc textum à nobis proponitur sub hac forma.

... 117. Arg. ergo 2. Contra nostram

triam conclusionem ex Div. Thom. qui d. 2. q. 182. art. 3. in corpor. ait: *Manifestum est, quod vita activa impedit contemplativam, in quantum impossibile est, quod aliquis simul occupetur circa exteriores actiones, & divinam contemplationi vacet.* Nil clariùs contra nos afferri valet. Ait enim Doct. Sanct. impossibile esse, quod vita contemplativa, activaque, modo, quo à nobis afferitur, vniantur.

Respond. ex dictis §. 3. & præsertim num. 177. & 175. Quod si vita activa, & contemplativa fumantur secundum rationes sibi proprias, penes quas ad invicem differunt, tunc *impossibile est, quod aliquis simul occupetur circa exteriores actiones, & divinam contemplationi vacet.* Ast si fumantur secundum vniam rationem superiorem, in qua adunantur, tunc non est impossibilis talis simultas, vt citatis numeris explicuimus. Et quod Div. Thom. in textu obiecto loquatur de duplici illa vita secundum rationes vnicuique proprias, constat, tum quia locis in nostrum favorem adductis concedit hanc simultatem, quam modò negat. Vnde cum sibi contrarius non sit, intelligendus est secundum modum à nobis dictum, qui omnem contrarietatem aufert. Tum deinde: quia ex ipsa littera constat, nostram hanc expositionem esse ad mentem nostri Præcept. quandoquidem clarissimè ostendit, se loqui de illis vitis secundum dictam atomam rationem. Videatur tertium argumentum, quod speciali solutione, (sicut nec alia) non solvit ob rationem assignatam. Observetur etiam art. corpus, & ex doctrina ibi data, & Gregor. auctoritate cognoscat quisque Div. Thom. loqui de vita activa, quæ non supponit animæ passionem moderatas, cum negat posse coniungi cum contemplativa, seu illam impedire. Dum verò animæ passionem supponuntur ordinatæ, tunc non est, cur debeat per vitæ activæ opera impediri contemplatio.

188. Arg. 3. Contemplatio in sui summo diu manere non potest in viatore: ergo non datur in viatore vnio

vitæ activæ, & contemplativæ, quantum ad hoc, quod contemplatio non impediatur per opera vitæ activæ. Anteced. est omnino certum, vt patet ex quaestione præcedenti: & consequentia probatur: quia cò non posset diu manere contemplatio, quia per opera vitæ activæ impediretur: ergo ex quo per hæc opera non impediatur, diu durare valet. Patet ista: quia cessante causa non durationis, & ipsa non duratò cessat. Ant. verò est omnium Doctorum, qui quidem opera externa impedire diuturnitatem contemplationis vnanimiter docent.

Hoc argumentum difficultate non caret, sed quam luce Ang. Præcept. & nostror. Mysticor. superare speramus. Respondetur ergo matrimonium spirituale viatoris non consistere in vnione actuali, sed in habituali, vt suo loco dicemus, ad differentiam comprehensoris, cuius matrimonium in vnione actuali consistit. Ad spirituale matrimonium requiritur vnio cum Deo tam ex parte intellectus, quam ex parte voluntatis. In viatore ergo, qui ad felicitatem matrimonij spiritualis elevatur, datur hæc vnio huius vtriusque potentia, habitualis semper; quia in ea, vt dictum est, consistit hoc matrimonium: actualis verò non semper, sed multoties. Hæc autem actualis vnio, dum durat, compatitur cum operibus vitæ activæ, quod satis, superque est ad veritatem asserti nostri: quandoquidem per aliquod tempus verificatur vnio vitæ contemplativæ, activæque. Quod autem parùm duret hæc coniunctio, nobis non obest, qui numquam contrarium asseruimus. Hæc autem non permanentia provenit ex misera conditione statûs, animam in illa perfectissima fruitione diu persistere haud patientis. Vnde tum somno, tum occupationibus exterioribus: tum ipsa corporis gravitate ab illa felicitate avellitur. Verùm sicut cum ipsa corporis gravitate, quæ semper viget, multoties compatitur vnio illa actualis: sic etiam cum opere vitæ activæ.

Transacta vnione illa actuali, rema-

remanet habitualis vnio; tum intellectus; tum voluntatis. Quæ vnio; spectat vtique ad vitam contemplativam: & hanc vnionem auferre non possunt, aut impedire opera externa, quamvis multa, & maximæ entitatis. In eorum enim concursu manet interius centrum animæ ita in Deum proclive, vt facili ei sit vnionem actualem reproducere. Et ex hac parte etiam assertio nostra saluatur: quippè vitæ activæ occupationes compatiuntur cum dicta vnione habituali, quæ, vt dictum est, est vita contemplativa. In simulque non obest, vt anima ad vnionem actualem redeat. Quibus adde: quod anima ipsam cessationem ab vnione actuali ordinat in ipsam vnionem. Vnde hac ex parte etiam videtur continua; consequenterque compatibilis cum vitæ activæ operibus.

189. Audiamus quid circa hæc doceat Sanctus Thom. qui 1. 2. q. 3. art. 2. inquit: *Utrum beatitudo sit operatio?* Resolutio est affirmativa: Contra quam opponit tria argumenta, quæ ad hoc vnui redigimus: Beatitudo est vna, permanens in Beato absque interruptione: sed operatio est multiplex, & transit, frequenterque interruptitur somno, vel aliqua occupatione: Ergo beatitudo non est operatio.

Ad hoc triplex argumentum, ad vnicum redactum, vnica solutione respondet Doct. Sanctus dicens: *Ad 4. dicendum, quod cum beatitudo dicat quandam ultimam perfectionem, secundum quod diuersæ res beatitudinis capaces, ad diuersos gradus perfectionis pertinere possunt, secundum hoc necessè est, quod diuersimode beatitudo dicatur.* Et aliquibus de beatitudine Dei, & Angelorum interiectis, subiungit: *In hominibus autem secundum statum præsentis vitæ, est vltima perfectio secundum operationem, qua homo coniungitur Deo. Sed hæc operatio nec continua potest esse, & per consequens nec vnica est: Quia operatio interfectionem multiplicatur, & propter hoc in statu præsentis vitæ, perfecta beatitudo ab homine haberi non potest: Est tamen aliqua*

*participatio beatitudinis: Et quamdiu operatio potest esse magis continua, & vna, tanto plus habet rationem beatitudinis: & ideo in activa vita, quæ circa multa occupatur, est minus de ratione beatitudinis, quam in vita contemplativa, quæ versatur circa vnum, id est, circa veritatis contemplationem. Et si aliquando homo actu non operetur huiusmodi operationem: tamen quia in promptu habet eam, semper potest operari. Et quia etiam ipsam cessationem, puta ratione somni, vel occupationis alicuius naturalis, ad operationem prædictam ordinat, quasi videtur operatio continua esse.*

Nihil inuenies in solutione a nobis data, quod hac authoritate non fundetur. Et omisis pluribus, quæ addere statueram, dicam cum nostra Seraph. Doctrice lib. vitæ, cap. 18. & alijs locis, estque constans doctrina apud Mystas, vnionem mysticam animæ cum Deo esse duplicem: nam alia est secundum omnes eius potentias, & alia secundum solam voluntatem, manentibus intellectu, ac memoria, liberis, capacibusque exercendi suas operationes. Inter has autem vniones hoc interest. Quod prima parum durat, vt docet expertissima Theresia, & dum permanet, nihil aliud potest anima facere, nisi torrente diuinæ voluptatis deliciari. Secunda est durabilior, & quæ compatiatur cum operibus activis. Sed etiam ab illa vnione actuali tandem retrahitur, ipsa renuente, voluntas, quæ manet cum illa vnione habituali suprâ dicta. Vnde verum esse relinquitur, quod contemplatio in sui summo non diu in viatore maneat, & quod hæc ob capita dicta compatiatur cum operibus vitæ activæ.

190. Liceat addere: quod sicut hanc assertionem probauimus exemplo Virg. Beatissimæ, in qua data fuit contemplatio, quam operationes externæ non impediabant: ita similiter, fat est, quod in eadem Sanctissima Virg. fuerit contemplatio in sui summo diu perseverans, & quod tumultibus vitæ activæ non perturbaretur, vt factum argumentum non convincere demonstratur.



tur. Quod autem in purissima nostra Domini coniuncta fuerit cum solitudine activa contemplatio in sui summo perleverans, constat ex dictis §. 2. ubi asseruimus, Desiparam contemplationem non interruptam servasse toto tempore sanctissimæ suæ vitæ, quod etiam (morem aliquibus Doctorebus gerentes) ad tempus ante ipsius præclaram nativitatem extendimus, licet reverà cum Div. Thom. 3. p. q. 27. art. 3. in corp. sentiamus, quod quidem vni eorum, quæ ibi diximus, non imminuit. Et hoc sufficit, ut, quamvis circa alios convinceret argumentum, adhuc tamen assertum non expugnaret: quia hoc huius unionis possibilitatem adstruit, quæ optimè comprobata dignoscitur, dummodo in unico solummodo individuo perseveret.

191. Dices: ex quo contemplatio unita cum actione fuerit in Beatissima Virg. probamus dabilem esse in hoc statu vitam contemplativam simul cum activa: ergo. Ex quo in Beatissima Virg. fuerit contemplatio perfectissima toto tempore suæ inclytæ vitæ perseverans, sequitur, quod contemplatio perfectissima huius status sit multum durabilis; nec minus quam vita activa. Cuius contrarium diximus quæstione præcedenti.

Respond. neg. consequentiam, & paritatem. Discrimen est, quod unio vitæ contemplativæ cum activa est opus gratiæ: maior autem, vel minor durabilitas contemplationis attenditur ex meritis naturæ ipsius contemplationis, vel sumptæ secundum se; vel prout reduplicat merita huius status, considerate. Unde ex quo in aliquo data sit unio illa vitæ contemplativæ, & activæ viribus gratiæ, bene inferitur eius possibilitas; at cento impulsu ipsius gratiæ per ordinem ad quam dubium illud disputatur, licet viribus naturæ sit impossibilis: quod quidem non disputatur, sed ut indubium supponitur. Sed ex quo viribus ipsius gratiæ detur perseverantia illa contemplationis; habetur quidem, quod sit possibilis virtute gratiæ; non verò virtute præsentis sta-

tus. Et hoc est, quod præcedenti quæstione dicebamus.

## §. VI. Respondetur unico argumento contra secundam assertionem.

192. **C**ONTRA 2. conclus. arg. 1. Vita activa est dispositio ad vitam contemplativam: ergo non est coniungibilis cum ea. Anteced. constat ex supra dictis, & consequ. probatur. Quia dispositio ad aliquam formam est inconiungibilis cum illa, quandoquidem adveniente forma, talis dispositio evanescit: ergo si vita activa est dispositio ad contemplativam compati cum illa non potest.

193. Confirmatur. Quod erga plurimam turbatur, inconiungibile est cum eo, quod in vno deliciatur: sed vita activa, & contemplativa sic sunt: ergo inconiungibiles sunt. Conseq. bona est, & min. constat, tum ex verbis Div. Thom. positris num. 189. tum ex eo, quod vita activa figuratur in Martha, quæ erga plurimam turbatur, & vita contemplativa in Maria, quæ foelici tranquillitate Deo fruitur. Maior autem probatur, quia quod turbatur erga plurimam opponitur, tam ex parte pluralitatis, quam ex parteurbationis cum eo, quod nec turbatur, nec plura, sed vnum respicit: ergo.

194. Respond. argumento cum Div. Thom. in 3. dist. 35. q. 1. art. 3. quæstionc. 3. ubi ait: *Ad 3. dicendum, quod dispositiones, quæ essentialiter habent imperfectionem annexam, non manent cum eo, ad quod disponunt, sicut fides non manet cum visione. Sed aliæ dispositiones possunt simul manere, sicut dictum est: & sic est vita activa.* Inter dispositiones aliæ dicunt indispensabiliter imperfectionem repugnātem cum eo, pro quo disponunt; & tales dispositiones sunt incompatibiles cum eo, ad quod disponunt. Sicque sunt fides, & spes in ordine supernaturali: & calor remissus ad formam ignis in ordine naturali. Aliæ verò dispositiones non di-

que hanc imperfectionem: & illæ compatibles sunt cum eo, ad quod disponunt, ut patet in calore completo, qui disponit ad formam ignis, & simul cum ea est. Ex huius conditionis est vita activa: Vnde compati cum vita contemplativa valet. Videatur Ang. Doct. loco citato in corp.

Ex quo Ang. Mag. 3. p. q. 9. art. 3. ad 2. sic factum argumentum penitus solvimus. *Ad 2. dicendum, quod dispositio se habet ad perfectionem dupliciter. Vno modo, sicut via ducens ad perfectionem: alio modo, sicut effectus à perfectione procedens. Per calorem enim disponitur materia ad suscipiendam formam ignis, quæ tamen adveniente, calor non cessat, sed remanet, quousque effectus talis formæ. Est similiter opinio ex Syllogismo dialectico causata, est via ad scientiam, quæ per demonstrationem acquiritur, quæ tamen acquisita, potest remanere cognitio, quæ est per Syllogismum dialecticum, quasi consequens scientiam demonstrativam, quæ est per causam: quia ille, qui cognoscit causam, ex hoc etiam magis potest cognoscere signa probabilia, ex quibus procedit dialecticus Syllogismus. Est similiter in Christo, simul cum scientia beatitudinis manet scientia indita, non quasi via ad beatitudinem, sed quasi per beatitudinem, confirmata. Sic similiter in casu nostro.*

195. Ad confirmationem pro ea parte, qua turbationem vitæ activæ repræsentat, respondet idem laudatus Div. Thom. *Ad 2. dicendum, quod turbatio in vita activa non contingit, postquam ad perfectionem venit; quia tunc iam delectabiliter, & facilliter operatur non perturbatur.* Ex qua doctrina intelligere debes, ut plura probe intelligas, vitæ activæ posse sumi vel in statu imperfecto, vel in statu perfecto: ad eum modum, quo de calore dicebamus. Primo modo dicit se ipsa cū maxima imperfectione, satagit enim erga plurima, nec unum, in quo requiescat, habere potest, licet modum, quo in illo vno requiescat, exploret, dum ad vitam contemplativam tendit. Aut prout sic com-

pati cum vita contemplativa non potest: sicut nec calor remissus cum forma ignis. Cæterum sicut calor perfectus cum forma, ad quam disponit, compatitur: sic etiam cum vita contemplativa activa vita intellesse perfectio sumpta. Sic enim nullam oppositionem dicit cum vita contemplativa, nec turbatur; immo operatur delectabiliter, & facilliter. Est igitur turbatio in solitudine erga plurima signum vitæ activæ imperfectæ: quam imperfectionem docuit Dominus extirpandam, cum Martham reprehendit, non quia circa plurima occuparetur, sed quia, iudice Abulensi, in illa sua occupatione turbabatur. Quæ turbatio incompatibilis est cum attentione ad unum, non autem opponitur huic attentioni illa erga plurima occupatio, ut iam videbimus. Vnde semper quod ab aliquo, cui revererè congruum est, audieris, vitam activam incompatibilem esse cum contemplativa, intellige de vita activa imperfecta, & seclusa specialissima gratia, ut iam diximus.

Soluta est confirmatio pro ea parte, quæ de turbatione loquebatur: ad illam verò prout de solitudine erga plurima loquitur, dicas: quod si sermo sit de vita contemplativa, & activæ, prout de illis agitur in 2. conclus., nullam oppositionem adesse, unde constat, quod non in eodem tempore vitæ illæ exercentur. Vnde qui modò pluribus studet, non potest vni vacare. Nec dicas: idem dici posse de turbatione. Quia qui modò circa activa turbatur, non potest mox contemplari: non quia turbatus sit; sed quia illa turbatio signat, subiectum non esse ex apax contemplandi; quia in vita activa imperfectus est. Si verò vita activa, & contemplativa sumantur modo, quo in prima conclusionem, tunc adhuc oppositio non est: eò quod vitæ illæ exercentur secundum illam vnam rationem, in qua, ut dictum est, non opponuntur. Verum quidem est, quod ad hoc est necessaria specialissima gratia.

Hanc doctrinam pulchrè docuit Gerson 1. part. Theol. consid. 19 ubi ait:

ait: *Spiritualia duas facies habent, præsertim ea, quæ non videntur organis corporalibus. Quorum speculorum spiritualium tanta potest esse virtus, talis vigor, & consolidatio, quod pariter, æque sine detrimeto potuerit à superiori, & inferiori parte lumina sua suscipere, & tenere suscepta. Hoc manifestum est in Angelis, & alijs confirmatis, qui simul æque cognoscunt temporalia, & æterna, quorum tenuem similitudinem, & imitationem gerunt aliqui ex viatoribus ex speciali gratia, & vehementi habitatione. Quia multus iam sum in*

hac quæstione, nolo adijcere, quæ cap. 8. de Coelest. hierar. 5. has docet Albert. Magn. qui omnino videri debet in dubio, quod excitat ad declarandam Dionys. doctrinam. Quippè quatuor argumenta ex lex, quæ ibi efformat, militant contra dicta: vnde ipsorum solutiones vidende sunt.

Contra vltimam conclusionem nihil est, cui opus sit occursum ire. Quod si aliquid obijciatur, faci limè ex dictis solvi poterit. Vnde ad alia iam gradum facere opus est.

## DISPUTATIO VNDECIMA.

### *De principio quod divinæ contemplationis.*

**D**E causis divinæ contemplationis tractaturus à causa efficienti incipio, & ad illam totam disputationem reduco. Cuius motivum explico. Habet enim cōtemplatio causam efficientem, finalem, formalem, ac materialem. Causa materialis est duplex, videlicet receptiva, & dispositiva. De prima nihil dicendum est, quia id ipsum, quod de omni alia intellectu dicitur de contemplatione, quæ est quædam specialis intellectio, affirmatur. Vnde contemplationis humanæ causa materialis receptiva est homo ipse contemplans. De causa materiali dispositiva nonnulla dici possent; sed deobligamur, quia iam in superioribus, ac speciatim disp. præcedenti, diximus, virtutes morales, & omnia opeta vitæ activæ: Immo etiam ipsam activam vitam, esse causas materiales dispositivas divinæ contemplationis. Causa formalis etiam est duplex, alia intrinseca, & alia extrinseca. Prima est ipsa ratio constitutiva divinæ contemplationis, de qua disputationibus præcedentibus egimus. Secunda est ipsum formale contemplationis obiectum, de quo tomo præcedenti per plures quæstiones fulissimè actum à nobis est. Quapropter de his causis nihil modò superest disceptandū.

A SPIRITU SANCCTO,

Causa finalis divinæ contemplationis etiam bipartitur in causam finalem proximam, seu immediatam, & in causam finalem mediatam, seu remotam. Primus finis contemplationis est Deus Opt. Max. vnde hic finis idem est ac obiectum, quare de illo disputare propter modò dicta non debemus. Finis mediatas, ac remotus est intima unio animæ cum Deo. De qua vnione plura diximus, tum in Isagoge, tum alibi: aliaque dicemus in 3. prædicabili. Quamobrem in præsentiarum solummodò observare debemus cum nostro Philip. p. 2. Theolog. Mystic. trat. 3. art. 2. quod hic finis dicitur mediatas, remotus, ac etiam extrinsecus; quia sine illo salvatur quidditas divinæ contemplationis. Quandoquidem non omnes, qui contemplantur, vniti sunt. Quod verificari non potest de illo alio sine proximo, immediato, ac intrinseco: quia sine illo dari contemplatio non potest.

Vltima causa ex assignatis est efficiens, ad cuius disceptationem accingimur per plures disputationes gravissimas, subtilissimas, vtilissimas. Discutere enim oportet, quodnam sit principium quod divinæ contemplationis? Sub quo titulo aliquot difficultates comprehenduntur, à consilio in hunc locum

Ee

locum

locum reservatæ. Quæ licet, ingenuè fateor, congruentiorem sedem, attenta ipsarum natura, alibi haberent; meditatio tamen illas discutere nolui, usque dum de vita contemplativa, & activa disputassem. Quod an rationabiliter factum? Ipsa rerum series demonstrabit. Agendum etiam est de principio quo contemplationis; non de principio quo radicali: hoc enim nihil dignum expansione retrudit, sed de formali, ac

proximo. Est etiam disputandum; quisnam sit actus contemplationis? Quod eius principium elicitivum? Ac denique de speciebus ad ipsam contemplationem deservientibus. Quibus clauditur totus tractatus de causa efficiendi cœlestis contemplationis, & hoc secundum mysticum prædicabile. Ad primam ergo harum omnium disputationem accedimus; cuius

## QUÆSTIO PRIMA.

*Utrum solus homo sit principium quod divina  
Contemplationis?*

**H**ominem esse principium quod divinæ contemplationis certissimum est. Quare in hoc inquirendo nolumus immorari. Sed an hoc sit ita proprium hominis, ut nulli alij conveniat, est quod in præsentī inquirimus: ut ex hoc gradum ad alia paremus.

1. Sit nostra conclusio affirmativa, quam nullus sanæ mentis negabit. Probaturque sic breviter: Contemplatio est actus potentie rationalis; ergo causa eius efficiens est suppositum nature rationalis. Ergo nullum aliud suppositum præter suppositum nature rationalis, est causa efficiens contemplationis; consequenterque illud solum suppositum est principium quod ipsius. Antecedens, de quo alia propositiones dependent, probatur ex definitione ipsius contemplationis, quæ est *simplex intuitus divinæ veritatis*: sed sola potentia rationalis intuetur divinam veritatem, ut veritatem, & ut divinam; ergo.

2. Confirmatur: contemplatio est quædam determinata orationis species: sed solus homo est principium quod orationis; ergo & contemplationis. Maior patet: quia oratio dividitur in orationem discursus, & contemplationis. Minor autem probatur: quia ut docet Div. Thom. in 4. dist. 15. q. 4.

art. 6. & 2. q. 83. art. 1. Orare est actus rationis: sed solus homo est principium quod actus rationis; ergo & contemplationis.

§. I. Argumentis respondetur.

3. **A**rguitur 1. Persona divina, & Angelica sunt principium quod contemplationis: ergo non solus homo. Anteced. à nemine negari potest. Et consequent. inde probatur: quia quod convenit alijs ab homine, non convenit soli homini: ergo.

Respond. quod per *solus* non excludimus supposita nature superioris ad humanam, quæ quidem esse principium quod contemplationis supponimus. Dividitur enim Cœlestis contemplatio in divinam, Angelicam, & humanam: Vnde persona divina, Angelica, & humana sunt causæ efficientes divinæ contemplationis. Per ly ergo *solus* excludimus quicquid infra Angelos est, & non est homo: propterea quæ dum dicimus: *Solus* homo est principium quod contemplationis, omne, & solum id, quod est infra hominem, esse contemplationis causam efficientem, negamus.

4. Arg. 2. bruta continuantur hominibus in vi æstimatoria, sicut homo continuatur Angelis in simplici visione

ne: sed quia homo continuatur Angelis, elevatur ad aliquid supra hominem, & contemplatur, vt Angeli: ergo quia bruta continuantur hominibus, poterunt elevari ad aliquid supra brutum, & contemplari, vt homines. Consequentia innegabilis videtur. Mai. est certa, constabitque ex probatione minoris, quæ probatur ex Div. Thom. in 3. d. 35. q. 1. art. 2. quæstiunc. 2. vbi ait: *Ad primum igitur dicendum, quod homo, in quantum est contemplativus, est aliquid supra hominem: Quia in intellectus simplici visione continuatur homo superioribus substantiis, quæ intelligentiæ, vel Angeli dicuntur, sicut animalia continuantur hominibus in vi æstimatoria, quæ est supremum in eis, secundum quam aliquid simile operibus rationis operantur.*

5. Confirm. Magis convenit homo cum bruto, quàm homo cum Angelo: Sed cum minori convenientia potest homo, quia continuatur cum Angelo, elevari ad contemplandum vt Angelus: ergo cum maiori illa convenientia poterit brutus elevari ad contemplandum vt homo; cum quo continuatur. Consequentiam suadet paritas. Min. constat ex data autoritate, & mai. probatur: Quia cum bruto convenit homo in animalitate, à quo solummodò per rationalitatem differt; ab Angelo autem differt per animalitatem, & rationalitatem: Quandoquidem sicut Angelus caret rationalitate, sic & ratiocinio, seu discursu: ergo magis convenit homo cum bruto.

6. Respond. argumento: Quod homo convenit cum Angelo in intellectivo, à quo per rationale differt, si cum omni proprietate, ac præcisione loquamur. Vnde intellectivum dicitur esse aliquid supra hominem, quia convenit naturis superioribus, vt sunt Angelica, & Divina. Sicut animal, quod propriè constituit hominem, dicitur aliquid infra hominem; eo quod per illud convenit homo cum brutis. Ast sicut operationes correspondentes animalitati sunt propriæ hominis, vt viventis sensibilis: sic operationes corres-

pondentes intellectivo hominis sunt ei propriissimæ, & non à superiori natura emendicatæ, eo quod ipse propriissimè est intellectivus. Vnde cum dicitur: homo contemplativus est *aliquid supra hominem*: Non est sensus, quod homo contemplativus extrahatur à sua natura, & infra sphaeram superioris naturæ collocetur. Sed sensus est: quod ex duobus, quæ sunt hominis, prout naturam rationalem habet, propria; videlicet, intellectus, & ratio, contemplativus non utitur ratione, quæ imperfectum quid est, & per quod à brutis, & ab Angelis differt: sed utitur intellectu, per quem magis distat à brutis, & convenit cum Angelis; atque adeo est perfectius, quod invenitur in homine. Huius propria operatio contemplatio est. Consequenterque contemplatio est propria hominis, secundum quod dicit perfectissimum, quod habet, nempe intellectivum.

Vnico verbo: homo ita est quædam determinata species, vt mediet inter naturas purè materiales, & immateriales. Vt quædam determinata species, constituitur per rationale, per quod differt ab omnibus alijs, sive sibi inferiores, sive superiores sint. Vt mediet inter dictas naturas, debet convenire, & discriminari ab illis. Convenit cum purè materialibus per animal, in quo à purè immaterialibus differt: Convenit cum istis per intellectivum, per quod à purè materialibus discriminatur. Vnde contemplatio est supra hominem, prout homo est quædam determinata species constituta per rationale: non autem est supra hominem, prout homo est intellectivus. Sic enim sumptos eius propria operatio est contemplatio: intellectusque eius in esse potentia est eiusdem speciei cum intellectu Angelico. De quo nostri Complut. de anima disp. 17. q. 1. n. 11.

Nihil horum invenitur in continuatione illa bruti cum homine, vt de se patet. Vnde, etiam si elevaretur ad aliquid supra brutum, & intra hominem tunc quidem concederemus, posse facere opera aliqua hominis facilia; &

imperfecta; non autem ad opus adeo perfectum, ut contemplatio est. Quod iam 1. tomo observavimus cum nostra Log. Complut. disp. 2. Sed nec hoc, quantum ad præsens spectat, concedimus: quia in autoritate obiecta non asserit Div. Thom. quod bruta per illam suam cum homine continuacionem opera rationis faciant: sed *aliquid simile operibus rationis*.

Adde: quod etsi brutum continuaretur cum homine, modo, quo arguens desiderat, non adhuc conlangueretur intentum. Siquidem continuaretur cum homine secundum id, quod est minus perfectum in homine: eo quod supremum infimi attingit, non supremum, sed infimum supremi. Unde non continuaretur secundum intellectivum, sed secundum rationem, cuius contemplatio non est actus. Et licet contemplatio dicatur actus rationis, non est quia à ratione eliciatur: sed quia intellectus, & ratio non sunt in nobis diversæ potentie ex 1. p. q. 79. art. 8. aut fortasse, quia est actus rationis uterque. Prima ratio est Div. Thom. loco citato ex 2. 2. cuius verba omnia dicta confirmant: ait enim: *Ad 2. dicendum, quod intellectus, & ratio non sunt in nobis diversæ potentie, ut in 1. habitum est. Differunt autem secundum perfectum, & imperfectum: & ideo quandoque intellectuales creature quæ sunt Angeli, distinguuntur à rationalibus: quandoque autem sub rationalibus comprehenduntur.*

7. Ad confirmationem dicās: quod illud, in quo homo convenit cum Angelo, est id, ad quod spectat, ut operatio propria, contemplatio. Id verò, in quo convenit cum bruto, non est, cui contemplatio, ut propria operatio, correspondeat. Unde, siue magis, siue minus conveniat homo cum bruto, quam cum Angelo, (hoc enim profusum impertinens est) per id, in quo convenit cum Angelo, potest homo contemplari: & per id, in quo convenit cum homine, est brutum incapax eliciendi contemplationem.

8. Arg. 3. brutum potest orare;

ergo & contemplari. Patet ista: quia sicut contemplari, sic & orare dicitur actus rationis. Et etiam, quia, ut supra diximus, contemplatio est quadam orationis species. Anteced. autem improbat: quia bruta animalia petunt decencia à Deo: ergo orant. Consequentia patet ex definitione orationis. Et antecedens probatur multipliciter. 1. ex Psal. 146. ubi dicitur de Deo: *Qui dat iumentis escam ipsorum, & pulis corvorum invocantibus eum.* Sed invocare Deum pro alimento quotidiano; est petere ab ipso rem decentem, quam Redemptor noster nos docuit orando petere: ergo.

Probatur 2. idem anteced. quia apud Jonam cap. 3. dicitur: *Boves, & pecora non gustant quidquam, nec pascantur, & aquam non bibant, & operiantur saccis homines, & iumenta, & clament ad Deum in fortitudine.* Vbi eodem modo iubentur homines, & pecora habitum poenitentem induere, & sic poenitentes Dei misericordiam fortiter clamantes invocare. Prob. 3. Oratio est desiderij, seu appetitus interpres: sed bruta desiderant, aut appetunt plura: Ergo illa possunt petere. Probatur tandem: quia aves se ipsas intelligunt, & plures homines dicunt se illas intelligere: ergo in eo, quod suo modo loquuntur, ordinem servant; aliter nec se intelligerent, nec ab hominibus intelligerentur. Modò sic: sed oratio est quadam ordinatio facta ab indigente coram illo, qui indigenti succurrere potest: ergo.

Confirm. 1. Brutum est capax præcepti: ergo & orandi. Patet ista: quia sicut præceptum est ordo superioris ad inferiorem; sic oratio est petitio inferioris ordinata ad superiorem. Ant. autem constat ex pluribus Scripturis, in quibus asseritur, Deum præcepisse brutis, ut corvis, quod pascere portentosum. Patrem nostrum Eliam, iuxta illud: *Corvi quæ præcepi, & præstavi tibi ibi*, & alijs pluribus. Confirmatur. 2. Quia bruta Deum benedicunt, iuxta illud Daniel. cap. 3. *Benedicite bestie, & pecora Domino*: Ergo possunt orare; cum

DISP. I I. DE PRINCIP. QVOD DIVIN. CONTEMPLATION. Q. 1. 221.

cum non magis pro vno quam pro alio requiratur.

Respond. argumento negando antecedens, ad probationem dicas, quod brutia animalia dicuntur invocare Deum, ab eo que, quo indigent, petere, quatenus naturali desiderio sibi convenientia desiderant, quæ ab Authore naturæ consequantur: non quia illa à Deo petant: quomodo enim invocabunt, quem cognoscere non possunt? Sed quia clamant pro sibi necessarijs, quorum providentia spectat ad naturæ Authorem. Sic Div. Thom. loco citato ex sentent. & ex 2. 2. ubi ait: *Ad 3. dicendum, quod pulli corvorum dicuntur invocare Deum propter naturale desiderium, quo omnia suo modo desiderant consequi bonitatem divinam. Sic etiam bruta animalia dicuntur Deo obedire, propter naturalem instinctum, quo à Deo moventur.* Per quod patet tum ad primam confirmationem, tum etiam ad primam probationem antecedentis. Similemque expositionem habent alij textus sacri, in quibus bruta Deum invocare dicuntur, ut est ille Psal. 103. *Catuli leonum rugientes, ut rapiant, & quarant à Deo escam sibi.* Et ille Job cap. 39. *Quis preparat corvo escam suam, quando pulli eius clamant ad Deum vagantes, eo quod non habeant cibos.* De quo vide, si placet, Magist. Torre ad locum citatum ex 2. 2.

Ad 2 probat. anteced. respondetur, vel quod ly *clamant ad Deum*, refertur, non ad iumenta, sed ad homines. Vel quia iumenta famelica, & sitibunda clamabant ad Deum modo, quo ad primam probationem dictum est. Vel quia clamabant, hoc est clamantium imaginem gerebant, induit faccis. Vel quia illa sua imagine poenitentium magis accendebant homines, ut clamarent. Sicut ad Roman. cap. 8. v. 26. dicitur: *Ipsi spiritus postulat pro nobis gemitibus innarrabilibus*, non quia Spiritus Sanctus postulet, gemat vel: Sed quia nos facit gemere, & postulare.

Ad 3 probat. respondet Div. Thom. in sententiar. *Ad 2. dicendum,*

*quod appetitus, ut dictum est, importat simplicem motum in appetibile: sed oratio, sive petitio ordinem quendam, qui est rationis. Et ideo appetitus potest brutis competere: Non autem petitio, vel oratio.* Vnde quando David Psalm. 103. dixit: *Omnia à te expectant, ut des illis escam in tempore*, quantum ad bruta spectat, nullam petitionem asseruit, sed solummodo simplicem escæ desiderium.

Contra Autores ultimæ probationis antecedentis invenitur Abul. in cap. 6. Div. Marth. q. 84. Cum quo respondemus: impossibile esse, quod aves se ipsas intelligant; vel quod ab hominibus intelligantur. Intelligere enim aliquem, est cognoscere suum actum, quod solum ratione videntes facere possunt. Vnde licet aves per sensus particulares, & maxime per aestimativam, quæ illis est loco intellectus, cognoscant sibi conveniens, ac nocivum, amicabile, & inimicum, & alia huiusmodi: Non tamen possunt cognoscere actum, quo illa cognoscunt: & hoc erat necessarium, ut possent se intelligere. Nec homines, illas intelligunt: Sed quia ipsæ non liberè, sed per modum naturæ moventur ad sua operas propterea ex illa regularitate naturali, quam habent, veniunt, quid appetant, aut recusent: Verum nec hoc avium proprium est: cum alijs brutis idem contingat; nec hoc est illas intelligere: quia ad hoc deberent ipsæ aliqua ratione uti. Videatur laudatus Abulensis.

Ad 4. confirmat. patet ex dictis ad primam probationem antecedentis. Et sanè, si veram confirmationem contineret, etiam mare posset contemplari: quia ipsum etiam præceptum habere dicitur: *Siquidem omnipotens circumdabat mari terminum suum, & legem ponebat aquis, ne transirent fines suos.* Proverb. 8. v. 29. *Secunda confirmatio multum probat: quia inibi etiam dicitur: Benedixit omnia opera Domini Domini. Ex benedixit lux, & tenet brachia Domini.* Vnde responderet, quod peccosa in tantum dicuntur Dominum bene,

benedicere, in quantum præbent nobis eiusque summam sapientiam, providentiamque exaltemus.

## QUÆSTIO SECUNDA.

*Utrum omnes homines possint animum elevare ad divinam Contemplationem?*

**O**Mnem, & solum, modo dicto, hominem esse principium quod contemplationis divinæ, constat ex ijs, quæ antecedenti quæstione dicta sunt. Quibus scitis, statim animum pulsat desiderium sciendi, an iste homo, qui est contemplationis principium quod, possit animum ad illam elevare, vel illam desiderando, vel illam petendo, vel ad ipsam industria propria conando? An debeat manere expectans illam cœlestem pluviam à Deo, quin præcedere possit conatus, petitio, aut desiderium ipsius?

§. I. *Fiunt aliquæ observationes, & referuntur sententia.*

9. **A**Nte quæstionis, resolutionem observandum est, quod iam multoties diximus, videlicet, contemplationem Divinam aliam, esse acquisitam, & infusam aliam. Acquisita est, quam communibus gratiæ auxilijs possumus exercere, Infusa autem est, quæ solummodo dependet in sui elicentia à liberalitate, Divina, quæ illam confert nobis siq; nobis, salva tamen arbitrij immunitate, ut suis locis statuiamus.

10. Observandum est 2. ipsam contemplationem: infusam, bifariam, iuxta Mystarum phrasim, sumi posse. Primum pro ipso actu contemplationis, quam iam definitam relinquimus per hoc, quod sit: *simplex intuitus divinæ veritatis à principio supernaturali proveniens*. Secundò accipitur pro favoribus illis extraordinarijs, quos Deus in ipsa infusa contemplatione facit. Hi

sunt raptus, extases, hisque similes. Qui nomine ipsius contemplationis infusæ nominari solent, eò quod, ut dictum est, anima illos patiens infusam contemplationem exercet. Si autem contendas: tales raptus, &c. esse specialem gradum, seu modum contemplationis infusæ, inficias non ibimus: Immo ex hac parte clariùs procedendi modus offertur nobis: Sic enim meliùs percipitur, quid sit contemplatio infusa secundum se, & quid sit contemplatio infusa raptus.

11. Observandum est 3. ne in progressu controversia nominibus hæreamus: diversitatem adesse inter hoc, quod est animum ad contemplationem elevare, ipsam contemplationem petere, & ad illam conari. Per hoc, quod animus ad contemplationem eleveatur, nihil aliud intelligitur, nisi quòd ipsius contemplationis desiderium habeatur. Petere contemplationem, est illud desiderium exprimere coram potente gratiam illam concedere. Ad contemplationem conari, est, ultra dicta, propriam industriam ponere, ut illa media habeatur contemplatio. Ex quo constat, ultimum secundum, & primum excedere: Et primum ab ultimo, & secundo superari. Constat etiam horum trium diversitas: quandoquidem potest res desiderari, quin hoc desiderium exprimaatur: potest etiam, media oratione, exprimi hoc desiderium: quin orans applicet industriam propriam ad obtinendum, quod petit: Vel quia est adeò sublime, ut propriam industriam transcendat: eoque superfluum est illam applicare. Vel quia, defecit manus applicare recusat, volens, quòd proprio fudore, habere debet: per infusionem habere.



DISP. I I. DE PRINCIP. QVOD DIVIN. CONTEMPLATION. Q. I. 223.

habere. Ac tandem potest ad illud, quod desideratum, & petitum supponitur, conatus adhiberi, ut sic, propria industria mediante, res desiderata habeatur.

Exemplo rem illustro. Homo ex se potest ambulare, potest currere, & saltare; volare tamen non potest. Sit tamen homo, qui volatiliū æmulus volare cupiat. Eo ipso homo iste animum ad volandum elevat, & ex hoc ipso suo desiderio provenit, quod, quia illud sua industria impleri non posse, videt, ut minus non se ad volandum in disponat. Ultra hoc potest iste homo exprimere hoc suum desiderium, si forsam ab aliquo potente pennas, quibus aera pectat, habere possit. Ut sciet ille verè contemplativus, dum dicit: *Quis dabis mihi pennas sicut columbæ; & volabo, & requiescam.* Psalm. 54. v. 7. Tandem potest homo iste propria sua industria fretus, licet superius auxilium necessarium fateatur, brachia expandere, aviumque motus imitari, ut sic in altum se libret, aera lustraturus. Vides, quàm perspicuè hæc tria in apposito exemplo diversa sint. Eodem ergo modo intellige ista circa contrariam contemplationem. Quàm benè volatui comparo; quia ipsa est, quæ anima, calcatis mundialibus; transcursisque creaturis omnibus, Aquilis ocyor ad Deum usque avolat. Et hæc foelicissimas penñas postulabat laudatus Psalter. Hic ergo prælibatis:

12. Circā præsentem difficultatem multiplex versatur opinio. Prima tenet, esse contra humilitatem animum ad contemplationem elevare, usque dum Deus sua misericordia animam elevet. Sic sentiant, quotquot contemplationem activam negant, & solam infusam recognoscunt. De quo egimus disp. 7. q. 1. per totam.

13. Secunda sententia oppositum tenet quoad contemplationem activam, ad quam, asserit, possumus mentem levare, illam à Deo petere, ad ipsamque conari nostra industria, quæ auxilio divinæ gratiæ innitatur, prout in superioribus multoties dictum à nobis

est. Huius opinionis Patroni sunt Arist. Div. Thom. Div. August. Div. Dionys. Seraph. Theresia, extat. N. Doct. quos Nostrates omnes sequuntur, ut videre est in questione citata. Et generaliter hoc idem docent; omnes, qui contemplationem activam dari sultinent: eo enim hæc contemplatio activa dicitur, quia, supposita fide, & concurrenre auxilio gratiæ, nostra industria comparatur.

14. Quoad contemplationem passivam, seu infusam raptus, extasis; &c. convenit hæc secunda sententia cum prima, in asserendo penitus non licere, animum ad illam elevare. Adesseque insignem contradictionem in eo; quod industria propria applicetur, ut hæc contemplatio habeatur. Quandoquidè repugnat, quod sit infusum id; quod propria industria haberi potest, ut ex terminis ipsis constat. Hanc ipsam contemplationem petere; indecens omnino esse, adstruit hæc sententia cum potius viri spirituales, cum ipsis à Deo misericorditer donatur, enixissime flagitent, ne illos illis gratiæ exteriorius apparentibus, honoret.

15. Si autem contemplatio passiva sumatur pro ipso actu contemplationis ab illis exterioritatibus seuncto; convenit etiam hæc sententia cum prima in eo, quod nulli licet velle se in contemplatione infusa collocare propter modò dicta: Implicat enim quod contemplatio sit infusa, & quod ad libitum nostrum habeatur. An autem liceat, hanc ipsam contemplationem appetere, mentem ad illam elevando ex ipsius desiderio: Et hoc desiderium exprimere petendo illam à Deo? Res est, an qua Mystici dissidentes invenio. Affirmant V. P. Alvarez de Paz quæst. citata à nobis adductus, & vindicatus. N. Philip. p. 2. tract. 3. art. 4. & p. 3. tract. 1. art. 6. Director myst. tract. 3. disp. 3. sect. 4. & tract. 4. disp. 1. sect. 6. Mag. Valgor. q. 3. disp. 3. art. 3. & q. 4. disp. 1. art. 12. & communiter Mystici.

16. Inter quos non audemus recensere Nostrum Anton. ab Annuntiatione,

tione, qui in manuali P. P. spiritual. & in sua discepat. mystica tract. 2. q. 4. art. 8. sic loquitur; vt eius mentem comprehendere non possimus. Præsertim cum num. 34. contemplationem infusam inter gratias gratis datas constituit, & peti à Deo non posse doceat, nisi ijs limitationibus, quibus peti potest gratia sanitarum, aut prophetiarum donum. Hi sunt modi dicendi, qui circa præsentem difficultatem circumferuntur: quorum aliqui ob limitationum, modificationumque abundantiam rem potius obnubilant, quàm de clarant.

## §. II. Diversis assertis Dirimitur controversia.

17. **S**it nostra 1. conclus. *Ad contemplationem activam possumus conari: atque adeo possumus mentem ad illam elevare ipsamque à Deo petere.* Duplici parte constat conclusio, quarum secunda aperte ex prima sequitur: siquidem ex quo aliquis conetur, vt aliquid consequatur, ad quod Dei auxilium requiritur, evidenter infertur, quòd potest animum elevare ad illius rei consecutionem; & etiam infertur, quòd possit oculos in montes levare, vnde auxilium sperare debet, flagitans illud auxilium.

Prima autem pars, videlicet, quòd possimus ad contemplationem activam conari, seu nos ipsos ad illam applicare, suffisimè probata à nobis est disp. 7. citata q. 1. Vnde in præsentem superfluum est, vel illa repetere; vel alia cedere, cum ex ibi dictis, quid in præsentiarum dicendum sit, affatim constet. Eò vel maximè, quia non invenimus Authorem, qui, vt aliàs fieri multoties solet, dicat, quòd etiam si concedatur contemplatio activa, adhuc negandum esset, nos posse ad illam animum applicare. Sed omnes quotquot præsentem assertionem non admittunt, est, quia talem contemplationem non dari, tenent. Vnde omnia ea, quæ pro illa astruenda diximus, præfens assertum suadent. Quod vel huius con-

templationis nomen ipsum confirmat. Contemplatio enim acquisita, nihil aliud sonat, nisi quòd talis contemplatio est nostra industria acquisibilis, seu comparabilis: Quo circa ad eius exercitium nos applicari valemus.

18. Secunda assertio: *Ad contemplationem infusam, sumptam pro raptu, extasi, similibusque favoribus non possumus nos applicari, nec illam à Deo petere, nec illam desiderare.* Triplici parte constat conclusio, quarum tertia colligitur ex secunda; sinamque non licet à Deo peti dicta contemplatio, planè infertur, quòd non possit desiderari: quia prius est, quòd res desideretur, quam quòd petatur. Oratio enim est desiderij interpres, vt ex Div. Thom. 2. 2. q. 83. non semel diximus in 1. prædicabili: ergo quòd petere non possumus, nec appetere valemus.

19. Prima autem conclusionis pars probatur: quia quantumcumque velimus nos ipsos in raptu ponere, non rapiemur; immò ipse conatus, quem ad hoc ponimus, quo maior fuerit, eò magis raptum impedit: ergo non possumus raptum pati ex nostra industria. Probatur anteced. quia ipse conatus impedit efficaciam intellectionis, & volitionis, à quarum intentione provenit: ergo conatus simpliciter, simpliciter impedit, & maior conatus magis impedit. Probatur anteced. ex dictis quæst. 4. num. 69. disputationis 9. Id, quòd efficaciam virtutis dividit, impedit efficaciam ipsius: Sed conatus ipse positus, vt raptus habeatur, dividit intentionem, & efficaciam virtutis causativæ raptus; cum aliud obiectum, videlicet, raptum ipsum considerare faciat: ergo ipse conatus, positus ad habendum raptum, impedit efficaciam virtutis rapientis, à cuius intentione raptus provenit.

20. Confirm. ex ijs, quæ suprà diximus: Etenim contemplatio raptus est prorsus infusa: ergo. Noster conatus ad illam habendam superfluum, immò repugnans est. Anteced. est certum, & consequ. probatur ex dictis num. 17. Quia nostra industria, seu conatus ad habend-

habendam aliquam contemplationem denotat ipsam contemplationem esse acquisitam : Ergo nolter conatus ad habendam contemplationem raptus est ex vna parte superfluous, & ex alia repugnans ; siquidem, eo admissio, sequitur contemplationem raptus esse, & non esse insulam.

21. Secunda pars eiusdem secundae assertionis, nempe, quod non possumus à Deo petere contemplationem raptus, multipliciter probari poterat: brevitatis tamen causa, probatur ratione desumpta ex doctrina Div. Thom. 2. 2. q. 83. art. 4. in corp. qua vii sumus disp. 5. q. 3. num. 5. & in ea etiam fundavimus, quæ in Isagoge lib. 4. à num. 10. tradidimus, proponiturque sub hac forma : Omnis nostra oratio debet ordinari ad consequendum gloriam, & media, quibus gloria obtinetur : sed raptus, extases, similesque favores non sunt gloria, nec medium, quo gloria obtinetur : ergo non debemus orare pro raptu, extasi, &c. Consequentia evidenter inferitur. Min. autem constat quia sunt animæ perfectissimæ, quæ nunquam raptum passæ sunt : quamobrem omnes Mystici docent, veram sanctitatem in his favoribus non consistere : *Virtus non consistit in apprehensionibus, & similibus favoribus divinis, quantumvis sublimes sint*, ait Extat. Nolter Doct. in suis spiritualibus sententijs pag. 312. num. 19. additque num. 10. Omnes hos favores, *tamen si plurimi ab spirituali habeantur, minus valere, quam minor humilitatis actus*. Et ob ipsam causam tractare de raptibus, & similibus reservamus usque ad 5. prædicabile, ubi hoc ipsum magis declarabitur.

Maior autem probatur, quia continet doctrinam laudati D. Thom. dicentis : *Omnes orationes nostræ ordinari debent ad gratiā, & gloriā consequendam*. Vide, quod nullam orationem excipit, qui omnes orationes comprehendit. Et omnes illas ad gratiam, & gloriam consequendam ordinandas esse clarissimè docet. Vbi per gratiam intelligit omnia media, quæ pro gloriæ

consecutione desiderantur, ut est communis sensus Expositorum eiusdem Ang. Præceptoris :

22. Confirm. Quia viri spirituales appetunt, & petunt à Deo, ut ab ipsis hos favores auferat : ergo à nullo peti possunt. Ant. constat experientia, quam in Seraph. Matre Nostra Div. Theresia Ecclesia æmulandam proponit, dum eam prædicat, cō quod æpius exclamans *peteres beneficijs in se divinis modum imponi*. Huncque cognoscitur bonitas illationis : quia id, pro cuius ablatione fundunt Orationes Perfecti, à nemine peti potest : Perfecti orationes fundunt pro ablatione harum gratiarum : ergo à nemine peti possunt. Ex quo etiam vrgenter cognoscitur, has gratias non esse medium appetendum, ut ijs medijs gloria obtineatur ; aliter enim non pro illarum ablatione Perfecti deprecarentur.

23. Tertia conclus. *Non possumus ad contemplationem insulam conari, quasi nostra industria habendam, sumpta contemplatione infusa pro ipso actu contemplationis : possumus tamen ad illam aspirare ipsam ardentè desiderantes, & humiliter à Deo petentes*. Prima pars huius conclusionis constat ex dictis : quia cū contemplatio hæc infusa sit, frustraneus, & repugnantiam involvens, erit conatus nostræ industriæ, ut illam habeamus. Quod clarissimè demonstrat exemplum illud, à nobis supra positum, hominis brachia extendentis, totaque vires ad volandum applicantis : ex quo nihil præter defatigationem non modicam consequetur. Pulchrè etiam docet hanc veritatem Seraph. nostra Doctrina lib. vitæ cap. 22. sequenti simili dicens : *Si aliquis rauram vocem habet : quantumcumque canere adnitatur, vocem sonoram nentiquam consequetur. Si Deo placet concedere voci suæ sonoritatem, illa sua canendi sollicitudine non est opus*. Et quicumque contra hanc veritatem procedere attentaverit, expertissimæ Theresia censuram experietur hisce verbis, loco citato, contentam. *Mibi persuadeo : quod cū anima aliquid ex*

*se facit ad exercendam hanc orationem vnionis: quamvis id, quod facit pro tunc videatur prodisse, r uet tandem, veluti fabrica sine fundamento erecta. Et ve- reor, hanc animam nunquam peruen- turam ad veram spiritus paupertatem.*

24. Duplex alia pars eiusdem conclusionis, videlicet, quod possumus appetere, & petere contemplationem infusam, est omnium eorum Doct. quos dedimus num. 15. sicque probatur 1. pars: Primò ex cap. 7. & 8. Sapient. ver- bis, quæ sup. disp. 9. q. 1. dedimus: ait enim ibi Salomon: *Super salutem, & speciem dilexi illam, & proposui pro luce habere illam.* Et insuper: *Hanc amavi, & exquisivi à iuventute mea, & quæsi in sponsam mihi eam assumere, & amator factus sum formæ illius.* Lo- quitur sapiens de divina sapientia, seu, vt ait. Div. Thom. ibi adductus, de divina contemplatione, cuius formæ se amatorem confitetur, & illam super salutem, & speciem dilexisse: hanc amavit, exquisivitque: nec iste divinæ contemplationis ardor, doni sapientiæ infusæ legitima proles, erat in illo nu- perus, sed à iuventute habitus. Pluri- bus alijs scripturis poterat ipsa veritas comprobari. Sed dicta sufficiunt, vt quisque cognoscere possit, posse omnes ad infusam contemplationem aspirare, ad illamque ardenti desiderio sitire.

25. Probatur hoc ipsum sequenti discursu: Contemplatio infusa est sum- mē appetibilis: ergo est summē deside- rabilis. Vtraque propositio videtur identica, vel vt minùs consequentiam ex antecedenti deduci, certissimum est. Antecedens autem probatur: Contem- platio infusa est summē bona: ergo est summē appetibilis. Vtraque hæc pro- positio pluribus probata à nobis est tota quæst. 1. nonæ disputationis.

26. Confirm. 1. seu potiùs illus- tratur ratio facta: Contemplatio infusa est honesta, delectabilis, & utilis; ergo est à nobis desiderabilis. Antec. constat ex dictis tota nona disput. & conse- quentia ex ipso antecedenti clarissimè inferitur: quia nihil assignabitur in quo concurrat ratio boni honesti, delecta-

bilis, & utilis, quod si à nobis cognos- catur, non sit nobis summē desiderabi- le. Vnde cū contemplatio infusa sit nobis cognoscentibus, honesta, delecta- bilis, & utilis, sit consequens, quod sit à nobis desiderabilis.

27. Confirm. 2. Possumus deside- rare, & conatum adhibere, vt habea- mus perfectissimam humilitatem, he- roicam charitatem, insignemque sancti- tatem: ergo similiter possumus deside- rare contemplationem infusam. Ante- ced. est certum, & conseq. probatur 1. ob positam paritatem, quia si illa, quæ in antecedenti recensentur, possumus desiderare, propter eorum pulchritu- dinem, & utilitatem inde nobis prove- nientem, pariformiter contemplatio- nem infusam desiderare poterimus, in qua egregia illa attributa fulgent. *Se- cundo* probatur eadem consequentia ex antecedenti: quia qui potest desiderare charitatem eximiam, potest etiam desi- derare id, quo charitas ipsa perficitur: Per contemplationem infusam perfici- tur charitas; quia perfectissima Dei cognitio ignem charitatis adauget, vt ex Div. Thom. & Gregor. dictum relin- quimus: ergo.

28. Confirm. 3. Contemplatio infusa est actus Donorum Spiritus San- cti: Ergo possumus illam desiderare. Prob. consequentia: Actus habitus exis- tentis in nobis ad nostram utilitatem possumus desiderare: sed contemplatio infusa est actus Donorum, quæ in nobis existunt ad nostram utilitatem: ergo. Minor patet ex se. Et maior probatur: quia utilitas, quam ex habitu lucra- mur, est meritum, quod medio illo ha- bitu possumus comparare: ergo id, quo tale meritum comparamus, desiderare valemus. Modò sic: sed tale meritum non comparamus per habitum solitariè sumptum, quia habitibus nec mere- mur, nec demeremur; sed per actum ipsius habitus: ergo possumus deside- rare contemplationem infusam, quæ est actus Donorum.

29. Confirm. tandem: Possumus appetere vnionem cum Deo: ergo & contemplationem infusam. Nemo ne- gabat

gabit antecedens, & consequentia probatur: quia, qui vult finem, vult etiam media conducentia ad talem finem: sed medium, quo melius, faciliusque obtinetur unio cum Deo, quæ totius vite spiritualis finis est, est contemplatio infusa: ergo, ex desiderio unionis cum Deo, quod ab omnibus haberi potest, colligitur, contemplationem infusam posse ab omnibus desiderari.

30. Vltima pars eiusdem conclus. nempe, quod possumus à Deo petere infusam contemplationem, probatur omnibus illis, quibus præcedentem partem a num. 24. probavimus: quia eo ipso quod possumus desiderare contemplationem infusam, habetur, quod illam petere valeamus. Secundum illud Augusti Div. Thom. citati 2. 2. q. 83. art. 6. ubi ait: *Hoc licet orare, quod licet desiderare.* Addimus tamen textum ex cap. 7. Sapient. ubi dicitur: *Optavi, & datus est mihi sensus, & invocavi, & venit in me Spiritus Sapientie.* Quod de infusa contemplatione intelligitur, ut alibi ex nostro Doct. Extratitico diximus, & ex Div. Thom. dicta 2. 2. q. 180. art. 3. unde quin aliud addere debeamus, probata manet assertio quoad istam partem.

## §. II. Solutio argumentorum contra primam conclusionem.

31. **C**ontra 1. conclus. primum argumentum est illud, quod disput. 9. quæst. 5. num. 113. positum est, quod modo sub hac forma proponimus: Aspirare ad contemplationem activam est contra humilitatem: Ergo non possumus animum ad ipsam elevare, nec talem contemplationem desiderare, aut à Deo petere: Consequentia bona est, & antecedit. probatur ex Sacra Scriptura dicente: *Altiora te nē quaesieris.* Quod etiam comprobatur monitum illud Redemptoris nostri dicentis: *Cum invitatus fueris ad nuptias, recumbe in novissimo loco, vsque dum, Deo annuente, audias: Amice, ascende superius, tuncque erit tibi gloria coram si-*

*mul discumbentibus* 1. Sin autem antequam a Deo eleveris, tua industria superius ascendis, non erit tibi gloria, sed rubor. Ex quibus habetur, neminem, vsquedum a Deo sublimetur, debere ad contemplationem ascendere, in qua nuptiæ Dei, & animæ celebrantur: sed debet recumbere in novissimo meditationis loco; aliter de elatione appellabitur.

His, aliisque similibus voluit Authores purè Meditativi, animas in meditatione detinere, dum gratia contemplationis infusæ non fruuntur. Ad factum argumentum respondetur negando antecedens; ad probationem respondetur 1. dictos textus intelligendos esse de contemplatione infusa raptus, & extasis; ac de ipsa contemplatione infusa, quoad hoc, quod est, illam non exercere posse ex propria contemplantis industria. Vtroque hoc modo sumpta infusa contemplatio est res altior contemplante, conviviumque ita sublime, ut ad eius primam sedem ascendere propria virtute potest nemo: unde expectare, & petere potest Dei vocationem ad talem contemplationem secundo modo sumptam: ad illam verò primo modo consideratam, hoc est pro raptu, & extasi, nullatenus expectet, aut petat vocationem: Immo humiliter recuset, dum adsit. Ceterum desiderare, petere, & conare ad contemplationem activam, ijs texitibus non interdictor, quia licet contemplatio activa sit res sublimis, hominisque capacitatem nudè sumptam transcendens; *homini tamen inest quædam potentia naturalis, scilicet, intellectus, per quam potest coniungi immortalibus, & divinis,* ait ex Philosopho D. Thom. citatus disput. 7. num. 33. quæ potentia habitu supernaturali elevata, & auxilio gratiæ communis adiuta, potest elicere talem contemplationem. Consequenterque ad illam potest homo se applicare, quin in superbiam incidat, aut in laqueum diaboli.

32. Dices: Idcirco non esset contra humilitatem aspirare ad contemplationem acquisitam, illamque desi-

derare, & petere, quia datur in nobis habitus supernaturalis elicitivus talis contemplationis: sed etiam adest habitus elicitivus contemplationis infusæ. Ergo si ob illam rationem possumus petere contemplationem activam; pariter & infusam petere poterimus: Minus certa est: quia habitus elicitivus infusæ contemplationis vel est fides, vel aliquid ex Donis Spiritus Sancti: sed tam fides, quàm Dona Spiritus Sancti sunt in homine iusto: ergo utraque contemplatio, vel nulla peti à nobis potest ex vi traditæ doctrinæ.

Respondetur: Maiorem non continere causam adæquatam, quare possumus conari ad contemplationem acquisitam. Causa huius adæquata est: quia est in nobis principium proximum nos proportionans ad ipsam, & insuper, quia ipsa procedit ex communi auxilio gratiæ; quod nemini denegatur, ut alibi dictum est, ex quo oritur, quod ipsa sit iuxta modum operandi humanum, ut disput. præcedenti finè diximus. Vnde quia hæc de contemplatione acquisita verificantur; propterea possumus ad illius exercitium nostram industriam applicare. Quod facere non possumus relatè ad contemplationem infusam: ipsa enim procedit ex motione speciali Spiritus Sancti, ac supra modum hominis. Vnde licet possumus illam desiderare, & petere, non tamen possumus ad illam conari.

33. Respond. 2. ad probationem antecedentis concedendo, quod textus allati loquuntur de contemplatione activa. Et quod debeat Asceta manere, seu recumbere in novissima meditationis sede, usque dum à Deo vocetur ad sublimitatem contemplationis. Ex hoc tamen sanè intellecto, nihil contra nostram assertionem habetur. Quod ut probè noscas, scias: in hac materia esse, ut iam alibi, si benè memini, monui, duplex vitiosum extremum. Primum est eorum, qui viam spiritualem à contemplatione ordiri autumant, meditationem, ut inanem, repuentes. Hoc extremum vitiosissimum esse, ostendimus in 1. prædicabili, tota disput. 1.

Vbi meditationis necessitatem statuimus. Secundum extremum est, eorum, qui assentunt, meditationem conservandam esse, quoad usque Deus animam ad contemplationem, infusam scilicet, eleve. Inter hæc duo extrema media via nobis eligenda est, dicendumque, meditationem esse omnino necessariam; quæ durare debet, usque ad tempus determinatum, in quo Deus vult animam elevare ad contemplationem, non illam infusam, sed acquisitam.

Nec hæreas in eo, quod hunc transitum animæ à meditatione in contemplationem activam dicamus; fieri præcedente Dei vocatione, quod sonare videtur; talem contemplationem esse infusam. Non hoc dicimus, nec tale ex doctrina tradita inferitur. Sed appellamus Dei vocationem, ipsam adimplerionem temporis pro meditationis exercitio necessarij. Dum tempus hoc non impletur, meditatio durat: eo tamen finito concendere Asceta debet ad contemplationis activæ exercitium, & hoc propria industria, à Directore regulata. Vnde verificatur necessitas meditationis, & quod toto tempore; quo necessaria est, non debet spiritalis ascendere superius, sed debet recumbere in novissimo loco, nè contra monitum Redemptoris procedat: pro tunc enim contemplatio, etiam activa, res altior est, & transcendens ipsam viri spiritalis capacitatem; vnde ad eius exercitium conari non debet, ut præcipitur in primo textu. Quo circa spiritalis perfectissimè adimplet præceptum illud: *Altiora te nè quæseris*: Quia dum meditatio durat, contemplationem non quærit. Dùm autem, finito meditationis tempore, quærit contemplationem; tunc iam contemplatio activa non est illo altior, ob proportionem, quam meditatio elaboravit. Indidemque habetur, quod recumbat in novissimo meditationis loco, usque dum Deus dicat: *Amice, ascende superius*, videlicet ad contemplationem activam.

34. Si roges: quando Deus hoc dicit? Iam respondi, quod tunc hoc Deus

Deus dicit, cum verificatur tria illa signa, quæ pro deferenda meditatione assignant communiter Mystæ cum Nostro Extat. Patre; de quibus egimus in Isagoge à num. 115. vsque ad num. 121. Vnumquodque ex ijs tribus signis est excitatio Dei dicentis: *Surget, qui dormis, & illuminabit te Christus. Scit: Veni de Libano, Sponsa mea, veni de Libano, veni coronaberis.* Cantic. 4. v. 7. Vocat sponsus animam dilectam suam, ut transeat à statu Incipientium, quorum est meditatio; ad statum Proficientium, quorum est contemplatio activa, quod videtur docere D. Thom. ibi, dum ait: *Vocat eam, ut veniat, id est, ut in virtutibus proficiat.* Nec omitendum cenfeo, quod ter dicit, *veni*, ut sic cuilibet ex tribus signis, pro deferenda meditatione, inlinuatis; respondeat suum *veni*. Sicque verificetur, quod diximus: nempe, quod vis signum esse speciale Dei vocationem animam invitantis ad convivium contemplationis activæ. Adde: quemcumque, qui viam spiritus ambulat; habere suum Directorem; prout diximus disp. 3. procmali; & quorîes Director hunc transitum de meditatione ad contemplationem suadet, toties Deus animam ad hunc transitum faciendum excitat. Finito iam meditationis tempore, potest anima actum contemplationis elicere, sicut elicit actus fidei, spei, & charitatis, qui sunt intrinsecè supernaturales. Vnde cum actus contemplationis activæ sit, vel proximè, vel remotè actus fidei, nullum adest inconveniens in eo, quod ab anima tunc elicatur.

35. Dices: Ergo etiam ante dictum transitum; immò & ante meditationem, potest dari contemplatio activa. Patet ista: quia etiam tunc elicit actus virtutum Theologicalium.

Sed apage fucatum obiectionis venenum, cuius pharmacopola est Molinos, asserens meditationem superfluum, quia potest, qui meditat, contemplari, ex quo potest actus virtutum Theologicalium elicere, & Deum, si tunc moreretur, videre. De quo in 1.

prædicab. disp. 1. q. 2. num. 25. egimus. Et ultra ibi tradita, dicimus modò: quod contemplatio dupliciter sumi potest. Primo formaliter, Secundo constitutivè. Contemplatio primo modo dicit se ipsam, præscindendo à statu aliquo, quem constituat. Et prout sic, fatemur elici posse à quocumque Deum super omnia diligere potente. Et sanè Incipientes ipsi contemplantur. Tum quia Deus non rarò concedit gratiam contemplationis imperfectis, illam perfectis denegans, ut est vnanimis Mysticorum sententia. Tum quia postquam aliquod mysterium meditati sunt, mentem quietam in Deo figunt, quod abs dubio contemplatio est, ut alibi diximus. Contemplatio verò, constitutivè sumpta, dicit ipsam contemplationem, ut constitutivam status; & prout sic, dicimus: non posse haberi nisi ab eo, qui est intra illum statum, ad quod necessum est; quòd iam status meditationis præcesserit. Vnde Proficientes possunt contemplationem activam exercere; quia ad hoc iam proportionati sunt per charitatem propriam illius status, quæ perfectior est incipientium charitate.

36. Instas: Potest Incipiens maiorem charitatem habere, quam Proficiens: Ergo melius, quam Proficiens, potest Incipiens contemplari. Prob. anteced. Primò ex eo, quod evenit D. Paulo, qui ab initio suæ conversionis charitate adeò eximia decoratus est, ut tunc multorum etiam Perfectiorum charitatem superaret. Secundò probatur: quia unicuique datur charitas secundum mensuram donationis Christi, qui Incipientem ditare potest; prout voluerit. Vnde ait Caietan. 2. 2. q. 1 30. art. 1. *Charitas siquidem unius incipientis potest esse maior charitate alterius, qui multo tempore proficit.*

Respond. Maioritate charitatis esse duplicem: aliam quidem intentionis, & aliam constitutionis. De prima fatemur posse inveniri in Incipiente charitas, quæ multum superet charitatem Proficientium. Secunda verò charitas non habetur, nisi cœmens omnibus,

## 230. SECUND. PRÆDICAB. DE NAT. MYSTICE PERFECTIVA.

nous ijs, quæ requiruntur pro status constitutione. Vnde illa perfectissima charitas Div. Pauli illum non relevavit ab Incipientium exercitijs, ut iam alibi dictum à nobis est.

37. Non quiescis : Potest Incipiens habere charitatem maiorem maioriæ constitutionis : ergo data doctrina ruit. Prob. anteced. 1. quia potest Incipiens, maximo erga Deum amore flagrans, religionem ingredi, aut in eremum, ubi ducar vitam solitariam, abire : sed charitas adhuc impellens, est non solum proficiens ; sed etiam perfecta ; & aliis est constitutiva status religiosi, aut solitarij : ergo potest Incipiens habere charitatem maiorem maioriæ constitutionis. *Probat* 2. idem anteced. quia potest Incipiens martyrium sustinere : sed charitas requisita ad martyrium subeundum est omnibus modis maiori, quandoquidem maiorem illa nemo habet, statimque perfectionis constituit : Ergo idem, quod prius.

Respond. 1. disting. anteced. *potest* att: nro ordine regulari, quem Deus nobiscum servat, nego anteced. aliter operando, concedo anteced. Potentiæ Dei non denegamus, posse facere, quod à principio aliquis habeat perfectissimam charitatem, ut visum in Div. Paulo est. Er de B. Benedicto, ait Div. Gregor. 2. dial. *Præsentes, & futururi omnes agnoscant, quod Benedictus puer conversationis gratiam à perfectione cepisset.* Videantur, quæ diximus disp. 1. q. 4. & 5. ubi, quæ hanc materiam concernunt, fusissimè scripta sunt. Verùm ex hoc privilegio nihil contra nos infertur. Tum quia loquimur iuxta modum ordinarium, quo animæ viam spiritus lustrant. Tum, & præcipuè ; quia illud privilegium tollit statum præsentis controversiæ : quia constituit illam animam intra statum Proficientium, seu Perfectarum : & quod animæ Proficientes, seu Perfectæ valeant ex proprio statu contemplari, non negamus, sed asserimus.

38. Respond. 2. neg. antecedens : quia statu gratiæ, seu charitatis unius

hominis non attenditur per comparationem ad charitatem alterius ; sed respectu maioris perfectionis, quam decursu temporis habet eadem charitas, eidem communicata. Vnde charitas, qua ab initio suæ conversationis ditatus fuit Div. Benedictus, perit etior quidem fuit charitate, quam in fine vitæ habuerunt multi valdè spirituales. Verùm ipsa Div. Benedicti pueri charitas, tametsi adeo perfecta, imperfecta fuit relatè ad charitatem, qua fulgebat, dum clausit diem extremum. Vnde illa charitas fuit incipiens, fuit proficiens, fuit denique perfecta. Quò circa sanctus hic gloriosus, quamquàm extemplo ac inceptit vti ratione, collocatus fuit in adeo sublimi sanctitatis culmine, non absolutus fuit ab exercitio viæ purgatiæ, & illuminatiæ ; quod satis ostendit bellum, quod ab interno passus est. Vide, quæ in simili diximus cum nostra Schola orationis de Div. Paulo disp. 1. q. 4. num. 48.

Per quæ patet ad probationes illius antecedentis : ad 1. quidem respondetur : actum ingrediendi, vel profitendi religionem, esse quidem perfectissimum, constituitque statum religiosum : non tamen constituit statum aliquem, de quo loquimur. Vnde in religione sunt Incipientes, sunt Proficientes, & Perfecti. Ratioque à priori huius doctrinæ angelicè assignatur à Div. Thom. dicente, religionem non esse statum perfectionis habitæ, sed habendæ : non enim cum professione infunditur perfectio, etiam illis, qui ob purum Dei amorem professionem emittunt ; siquidem religio est Schola perfectionis ; & quilibet Schola habet suos gradus se in perfectione excedentes. Vnde in religione non infunditur, sed addiscitur perfectio, atque adeò in ea à primis rudimentis incipitur, usquequò, si per religiosum non steterit, opus consummatur. Hæc est Div. Thom. doctrina num. 40. referendi.

39. Ad id, quod dicitur de vita solitaria, respondemus id ipsum, quod idem Ang. Doct. docet 2. 2. q. 188. toto art. 8. ubi inter alia inquit : *Sol-*



*zudo competit contemplanti, qui iam ad perfectum pervenit. Vnde nil mirum, quod charitas istius sit charitas perfecti. Sed pro ijs, quæ paulò ante dicebamus, notanda est doctrina Ang. Mag. in fine corpor. ubi ait: Sicut ergo id, quod iam perfectum est, præminet ei, quod ad perfectionem exercetur, ita vita solitaria, si debite assumatur, præminet vitæ sociali. Si autem absque precedenti exercitio talis vita assumatur, est periculossissima, nisi per divinam gratiam suppleatur; quod in alijs per exercitium acquiritur, sicut patet de beatis Antonio, & Benedicto. Vide, quomodo charitas Div. Benedicti pueri, etiam perfectissima, non erat charitas perfecti: si namque perfecta foret, nihil speciale esset, quod gratia divina suppleret, dum ad vitam solitariam convolvit. In solitaria illa vita gradus viæ spiritualis percurrit. Et hoc fuit, quod divina gratia supplevit, videlicet, quod solitarius gradus illos lustraret, nondum perfectus, quod, attento regulari modo divinæ providentiæ non fit, nisi in vita sociali, ut inibi clarissimè, ac solidissimè probat Div. Thom. omnino videntus.*

40. Insuper: Vnico actu virtutis non multum extraordinariè potest quis obtinere charitatem perfecti: sed istum actum facit, qui ad religionem, vel ad solitudinem avolat: ergo iste per hunc actum fit perfectus. Ergo contemplationis statum acquirit. Ergo in illo nihil est, quod gratia divina specialiter suppleat. Cætera nota sunt, & maior, in qua est difficultas, probatur ex verbis Christi Domini apud Matth. c. 19. v. 21, ubi ait: *Si vis perfectus esse vade, vende quæ habes, & da pauperibus, & habebis thesaurum in Cælis: & veni, sequere me:* Sed hoc faciunt, qui vitam religiosam, & solitariam proficiuntur: ergo.

Hanc instantiam ideò posui quia doctrina, qua solvenda est, plura argumenta, quæ ex casibus particularibus, contra dicta fieri possunt, unico ictu refecat. Ad illam ergo respondet Ang. Doct. dicta 2. 2. q. 186. art. 1. ad 3. dicens: *Ad 3. dicendum, quod (sicut*

*dictum est) religio nominat statum perfectionis ex intentione finis. Vnde non oportet, quod quicumque est in religione, iam sit perfectus: sed quod ad perfectionem tendat. Vnde super illud Matth. 19. si vis perfectus esse, &c. dicit Origenes, quod ille, qui mutavit pro divitijs pauperiæ, ut fiat perfectus, non in ipso tempore, quo tradidit bona sua pauperibus, fiet omnino perfectus, sed ex illa die incipiet speculatio Dei adducere eum ad omnes virtutes. Et hoc modo in religione non omnes sunt perfecti, sed quidam incipientes, quidam proficientes.*

Ad 2. anteced. probationem dicas: Quod martyrium modo, quo disp. 1. q. 5. num. 66. diximus ex Div. Thom. toleratum, est sanè opus perfectissimum. At si in ipso patiens animam non exhalaret, non absolveretur à dictis gradibus percurrendis, Cuius ratio constat ex dictis.

41. Arg. 2. Quia simplex apprehensio intellectus est pura otiositas: contemplatio activa est simplex apprehensio intellectus: ergo est pura otiositas. Ergo ad illam aspirare non possumus, nec illam appetere, & petere. Et addit desiderium audiendi, quid est: quod in contemplatione activa facit simplex apprehensio?

Hoc argumento utuntur contrarii, ut videre est apud scholam veritatis, & illorum nonnulli illud magnificant. Sed, ut verum fatear, futillius argumentum numquam vidi. Omnes propositiones propositi syllogismi falsissimæ sunt. Et quod peius est: si aliquid probarent, convincerent vitæ contemplationem insulam eliminandam esse, quia utramque contemplationem, vel nullam percutit acutus iste gladius.

Sed quia seria responsione dignum argumentum non est: propterea breviter dicimus, maiorem esse falsam, quia simplex apprehensio est actus proprius intellectus, illiusque exercitium per quod reducitur de potentia ad actum. Quocirca non est pura otiositas. Minor etiam falsa est, quia contemplatio sive infusa, sive acquisita non est

simplex apprehensio. In quo autem actu consistat? Nolumus aperire; quia nec hic locus est hoc aperiendi, nec argumentum meritum habet, ut hoc in eius gratiam dicamus. Vnde falsum etiam esse constat, contemplationem activam esse puram otiositatem. Ad illam interrogationem, qua contrarij nos oppressos putant, dicimus: quod in contemplatione activa facit simplex apprehensio id ipsum, quod in infusa, hoc est, nihil.

#### §. IV. Solvuntur argumenta contra alias assertiones.

42. **C**ontra 2. conclus. arg. 1. ex prima, & ultima: Possumus appetere contemplationem infusam, & ultra hoc possumus conari ad acquisitam: ergo possumus appetere, & conari ad contemplationem raptus. Anteced. constat ex dictis, & consequentia probatur: Ad contemplationem divinorum, sive acquisitam, sive infusam sequitur naturaliter raptus: ergo qui potest appetere, & conari ad contemplationem, potest similiter ad raptum conari. Consequentia bona est, quia qui vult id, ad quod aliquid naturaliter sequitur, etiam vult id, quod sequitur naturaliter: quomobrem non possumus velle permissionem peccati, quia, ad ipsam sequitur peccatum. Et generaliter sat est ut volitio, vel nolitio alicuius rei prohibita seu præcepta imputetur, quod ad volitionem, vel nolitioem alterius naturaliter subsequatur: eo quod, qui vult antecedens, vult consequens, inde naturaliter deductum: unde si contemplatio divinorum est antecedens, ad quod subsequitur naturaliter raptus, non potest illa appeti, quin & hic desideretur.

Anteced. autem prob. multipliciter. Primò, quando sola potentia hominis superior est in actu, datur raptus: in contemplatione divinorum sola potentia superior hominis est in actu, scilicet potentia rationalis, intellectus videlicet, & voluntas: ergo in contemplatione divinorum datur raptus. Min-

in qua difficultas consistit, probari poterat innumeris auctoritatibus solius nostri Extat. Parentis, probatur tamen ex ijs, quæ docet lib. 2. noct. cap. 17. ubi adducit illud, quod in *actib. Apost.* cap. 7. v. 32. dicitur, nempe: *Tremefactus autem Moyses non audebat considerare*: ait Sanctus Doct. quia contemplatio est idioma divinum puri spiritus cum sensus purè spirituales non sint illud non percipiunt: eoque est illis occultum, nec sciunt, nec possunt illud explicare: ergo in divinorum contemplatione datur raptus.

Prob. 2. illud antecedit: Quando inferior natura sequitur impetum naturæ superioris, tunc rapitur in illam: in contemplatione divinorum inferior natura sequitur impetum naturæ superioris: ergo in contemplatione divinorum adest raptus. Probatur minor dupliciter. Primò ex nostro Par. D. Joan. a Cruce sic in sua Cœlesti eglog. cant. 13. modulante.

Apartalos amado,  
Que voy de vuelo. Buelvete, Paloma,  
Que ei Cierro vulnerado  
Por el otéro affoma,

Y à el ayre de tu vuelo si esco toma.

Vbi in declaratione generali huius cationis, & in declaratione primæ partis versus secundi expresse docet dari raptum, & extasim in anima hoc dicente, quæ anima, quæ est inferior natura, sequitur suum dilectum, qui est natura superior. Quibus non solum minor, sed etiam maior probatur. Probatur itidem hæc ipsa minor: Quando anima nullo modo est sui ipsius, nec alterius nisi solius Dei, sequitur impetum superioris naturæ: in contemplatione divinorum anima nullo modo est sui ipsius, nec alterius, nisi solius Dei: ergo idem, quod prius. Maior certa est. Probatur minor ex Div. Dionys. de Myst. Theolog. cap. 1. ubi ait: *Omnis (contemplator) existens eius, qui est super omnia, & nullius, neque sui ipsius, neque alterius omnino.* Quibus clarissimè instrumur, animam contemplatricem nullo modo esse sui ipsius, nec alterius, præter Deū, qui est omnia.

Probatur denique antecedens: Contemplatio philosophica causat extasim: ergo potiori iure illam causabit contemplatio religiosa. Consequentia patet, & antecedens probatur: Quia multi Gentiles, ut Trimegisti, Socrates, & Plato extasim frequenter patiebantur in speculatione veritatis, ut ait Caietan. 2. 2. q. 175. art. 1. Marsili. Ficinus lib. 13. de *immort. animæ*, cap. 14. videatur Gerfon in opusc. de *monte contemplationis*. cap. 3. t. alphab. 74. lit. G & Div. August. 14. de *Civit. Dei* cap. 24. agens de Restituto, qui ad nutum suum rapiebatur.

43. Ut hoc argumentum pro meritis solvereetur, multa dicenda sunt, à quibus modo abstinere debemus, illa remittentes ad 5. prædicabile, ubi de natura deliquit, raptus, extasisque agentes dicimus cum nostris modò citatis Doctoribus, & cum nostro Josepho à Jesu Maria, raptus, &c. non esse argumentum summæ perfectionis in illos patiente, nec suavisimæ contemplationis. Hæc enim dum perfectissima est, & elicitur à contemplatore in heroico perfectionis gradu constituto, raptus non causat, ut visum fuit in illa omnium creaturarum perfectissima, Virgine Deipara, de qua nusquam legimus raptus passam esse. Ex ibi ergo dicendis, præsentis argumento solutionem paramus. Sed ante illam aliquam præmittenda sunt.

44. Scias ergo t. ex loco dicto dicendis: Contemplationem, quoad præsens, esse duplicem. Prima est summæ perfecti, quæ raptus non causat, ut modò insinuavimus, sufficiat pro nunc asserere auctoritatem N. Myt. Doct. loco in argumento citato, ubi docet: contemplationem raptus causantem esse contemplationem Proficientium (& hæc est secunda contemplatio de qua modò) *Perfelli autem*, ait Sanctus Doct. *habent iam totam communicationem factam in pace, & amoris suavitatem, cessantque isti raptus*. Vnde habetur, quòd non ad omnem contemplationem subsequitur raptus: quia illa adeò suprema illum non causat: sed

A SPIRITU SANCTO,

nec minùs perfecti: aliter omnes, qui contemplantur, raperentur. Cuius contrarium ipsa experientia convincit.

45. Scias 2. quòd hoc, quòd est contemplationem raptus causare *naturaliter*, potest intelligi dupliciter. Primò, ita ut *ly naturaliter* idem sit ac necessariò, sicut ad essentiam necessariò consequuntur passionibus, & ad contemplationem necessariò, seu *naturaliter* subsequitur delectatio. Secundò, ita ut *ly naturaliter* non dicat sequelam indefectibilem, sed tantum explicet, quòd non requiritur nova gratia, nova vis, novum auxilium, ut raptus à contemplatione raptus causatrice, causetur: sed quòd posita illa contemplatione, *naturaliter* raptus subsequatur. Ex quo cognoscitur, quòd *ly naturaliter* non inducit necessitatem raptus, ita ut non detur contemplatio sine illo: sed excludit novi auxilij sive virtutis indigentiam, præter illam, quæ ad ipsam contemplationem, raptus causatricem, exigitur.

46. Scias 3. raptum, seu extasim tripliciter evenire posse. Primò, prout non impedit actum virtutis inferioris, sed solummodò intentionem ipsius. Intentionem actus divini esse abentitatem actus nemo ignorat. Potest ergo impediti intentio actus potentie inferioris, quin ipse actus quoad entitatem impediatur. Erat tamen talis actus, ut ex ipsis terminis constat, magis, minùs, vel tardus, ac remissus, secundum quod extasis magis, aut minùs impedit eius intentionem. Secundò, evenit extasis: cum non solum impedit actus intentionem, sed etiam entitatem: ita ut ex vi extasis animam absorbentis potentia inferior manet sine actuali operatione. Tertio evenire potest, cum non solum impedit potentie inferioris operationem actualem, sed etiam aptitudinalem: quia videlicet, tanta est extasis efficacia, ut, ea durante, potentia inferior, non solum non operetur, sed nec possit, quantumvis ipsi obiectum vehementer sensibile proponatur. Quæ est doctrina nostri laudati Parentis, qui ait: *Es hoc est motivum, ob quod in his rap-*

Gg

rap.

*raptibus manet sine sensatione corpus. & quoniam vis vehementissimè laedatur, non sentit: quia non evenit, quod in alijs exanimationibus, ac deliquis materialibus, quæ in conspectu sensibilis dolorem inferentis evanescent.*

47. Scias denique, raptum secum asserre periculum, dum eius causa extrinseca ignoratur. Et etiam cum cognoscuntur à Deo provenire, timet anima cauta, nè ijs exterioribus elata insuperbiam incidat, & quæ contemplationem, vt Angelus incepit, vt præceps Lucifer fuit. Quocirca Dominum deprecatur, vt hanc elationis occasionem vanitatis suæ miseræ non offerat, & id, quod his gratijs consequutura est, alijs medijs humilitatem foventibus, supplicat. Et hoc est huius deprecationis motivum prudentissimum; nec suæ spiritali utilitati consulere convincitur, qui hanc precem iteratò non fundit, quamquam resignatus admittat divinam dispositionem. Ex his ergo ad argumentum factum

48. Respondetur negando consequentiam: ad eius probationem distinguatur antecedens: *ad contemplationem divinorum* propriam eorum, qui in superiori gradu scalæ perfectionis sunt, *sequitur, &c.* nego antecedens. Ad contemplationem minùs ea perfectam, subdistinguo: *Sequitur naturaliter raptus: naturaliter*, hoc est necessariò: nego: *naturaliter*, hoc est, ex suppositione gratiæ ad ipsam contemplationem exactæ, & sine novæ gratiæ indigentia, terciò distinguo: *sequitur raptus* quoad actus potentiz inferioris intensiorem, concedo: quoad entitatem actualem, vel aptitudinalem actus, 4. distinguo: *sequitur* aliquando, concedo: semper, nego antecedens. Termini harum distinctionum constare ex prænotatis: Prima enim constat ex num. 44. secunda ex num. 45. ex quo etiam constat vltima. Tertia tandem constat ex num. 46. ex quibus etiam patet, negandam esse consequentiam: quia ex quo raptus non subsequatur necessariò, seu infallibiliter ad contemplationem, potest benè contemplatio de-

siderari; quin raptus desideretur. Illa verò maxima, qui vult antecedens, &c. seipsam explicat, dum loquitur de consequenti, ex antecedenti *naturaliter deducto*. Si verò consequens non necessariò ex antecedenti deducatur, non tenet maxima illa. Similiterque ad permissionem peccati sequitur infallibiliter peccatum; eòque non possumus illam permissionem desiderare. Quo circa ex volitione contemplationis non inferitur volitò raptus: & cum alijs adsit motivum prudentissimum, vt respuatur, vti diximus num. 47. idèò preces contemplator fundit, raptus volitionem expimentes.

49. Ad 1. probationem antecedentis respondetur: Quod dupliciter potest sola potentia superior esse in actu. Primò, ita vt nulla alia potentia sit aliquo modo in actu. Et tunc adeo raptus perfectus. Secundò, ita vt nulla alia potentia sit in actu intenso, licet sit in actu remisso. Et tunc sola potentia superior est in actu, non absolute, sed in actu intenso. Et sic causatur raptus imperfectus, qui ad omnem contemplationem consequitur: sive sit divina, sive non. Ex quo enim nimium mens attendit speculabilibus, & fruibilibus, necessariò debilitatur efficacia potentiz inferioris ad suos actus. Et hunc raptum possumus; immo debemus desiderare, & petere; vt sic mens fortius ad fruibilia applicetur. Quæ doctrina applicanda est ad minorem illius probationis; ac deindè distinguatur consequens: Et si velit, quòd ad omnem contemplationem subsequatur raptus hic, qui improprie raptus dicitur, concedatur: Si verò velit, quòd subsequitur raptus ille perfectus, entitatem actus impediens, negetur. Autoritas ibi adducta non est ad rem; quia inibi Sanctus loquitur de anima, quæ vero, ac perfectò raptu rapta est: quem sequi ad contemplationem, entitatem actus potentiz inferioris impediens, non negamus. Præcipuè tamen non est ad rem, data auctoritas; quia nos concedimus. numquam potentiam inferiorem posse percipere divinum idioma, quod animæ media con-

contemplatione suggeritur. Dicimus tamen, compati veram contemplationem, cum hoc, quod potentia inferior actus sibi proprios non amittat.

50. Ad 2. anteced. probationem responderetur; quòd cùm natura inferior sequitur impetum superioris naturæ; ita vt entitatem actus potentia inferioris impediatur, tunc sequitur raptus perfectus: quòd verò ita sequitur impetum superioris naturæ, vt solummodò impediatur intensio actus inferioris potentia; tunc non adest raptus perfectus, sed imperfectus ille, qui in omni contemplatione reperitur, & quem desiderare possumus, vt iam diximus: quia assertio nostra non loquitur de hoc imperfecto rapto, sed de illo primo.

Prima probatio minoris se ipsam deserit: quia si Sanctus Doct. loquitur de anima rapto perfecto rapta, vt patet ex eius verbis, nil mirum, quòd raptus ille causetur à contemplatione, ita impetum superioris naturæ sequente, vt actus potentia inferioris, quoad entitatem actualem, & etiam quoad aptitudinalem, impediatur. Et hoc non negamus, nec est contra nos, qui solum asserimus, hoc in omni contemplatione non inueniri: licet in omni contemplatione reperiat, quòd natura inferior sequatur impetum superioris naturæ, vt dictum est.

51. Ad 2. probationem minoris similiter responderetur: quod quando anima non est sui ipsius, sed solius Dei sequitur utique impetum ipsius Dei: sed hoc, quod est sequi illum impetum, potest esse cum rapto perfecto, vel sine illo, vt dictum est. Vnde licet in quacumque contemplatione anima non sit sui ipsius, non per hoc habetur, quod rapto propriè dicto rapiatur. Quam gloriā ex verbis ipsis D. Dionysij in oppositum adductis, didiscimus. Circa quod videri possunt Cyparissiotus dec. 2. cap. 10. Marfilij Ficini. & Herferentij super illum Dionysij locum. Placet verba Pachymera adducere Dionysij paraphrasantis: ait enim, quòd contemplator debet esse *conuictus ignorantia, & cessatione. Non dico*

*proprie mentis circa ipsum cessationi, neque etiam alterius cessationi, nec se ipsum, nec quidquam aliud intelligenda (hoc enim merum otium, stupiditasque mentis est) sed secundum potiorē mentis portionem istī ignoto penitus unitus, omnis cognitionis cessationem obtinendo, sponte scilicet, convenienterque deserendo omnem notionem, quæ extrinsecus affusa, quodammodo confundit potius, magisque obest, quam prodest, cum sine notione omnia novit. Numquid verò etiam hic simile quid obscure sit, quando volumus quidem aliquid mente volutare, sed sæpennmerò ab aliquo interpellamur, quasi in mentem quidpiam revocare volente, & nos huic indignamur, quòd nos turbet, & obscuram illam, quam menti imprefferamus, imaginem pessundet. Quid enim mens aliā tunc velit, quam in ceterarum cessatione rerum circa id, quod ei propositum est, vacare? Vbi clarè ostenditur, contemplationem, de qua ibi Dionysij loquitur, raptum non causare.*

52. Ad vltimam probationem antecedentis dicas: antecedens esse verum; sicut similiter verum est, quòd contemplatio Evangelica animam rapit: sed sicut non omnis contemplatio Philosophica raptum causat: sic etiam nec omnis Evangelica contemplatio, vt dictum est.

53. Contra vltimam assertionem in qua dicimus, contemplationem infusam posse à nobis appeti, & peti absolute; arguitur sic i. ex Div. Thom. 2. 2. q. 45. art. 5. vbi in corp. locutus de Dono Sapientia ait: *Iste gradus sapientia non est communis omnibus habentibus gratiam gratum facientem, sed magis pertinet ad gratias gratis datas, quas Spiritus Sanctus distribuit prout vult, secundum illud 1. ad Corinth. 12. Alij datur per spiritum Sermo Sapientia.* Ex quo brevis hæc, efficiturque ratio desumitur: Gratia gratis data non potest à nobis appeti, & peti absolute: contemplatio infusa est gratia gratis data: ergo non potest à nobis appeti, & peti absolute. Consequentia est omnino formalis. Minor constat

ex dato testimonio. Et maior de se patet: quis enim contra humilitatem non procederet, si absolute gratiam interpretandi sermones, aut sanitarum peteret? Ergo cum idem sit de omnibus alijs gratijs gratis datis, quas inter sermo sapientiæ continetur, relinquitur, quod peti à nobis non possit sine humilitatis fractione.

54. Miror virum doctum, piūque sic procedere. Div. Thom. citatus distinguit duplicem gradum eiusdem Doni Sapientiæ. Primus gradus non est gratiæ gratis datæ, sed Doni Spiritus Sancti; hic gradus invenitur in omnibus habentibus gratiam gratum facientem. Hic gradus est principium contemplationis acquisitæ, & infusæ. Hic gradus totus est circa vtilitatem habentis, nec tendit ad bonum aliorum eo modo, quo gratia gratis data, quæ iuxta Div. Thom. 1. 2. q. 111. art. 1. est *Donum, sive auxilium, quo homo ad iustificacionem alterius operatur*. Dicta omnia constant ex Doct. Ang. in eodem loco, qui contra nos assertur. Postquam hæc de isto gradu docuit, ostendit, in quo eiusdem Doni gradus alter consistat, & ait, quod in aliquibus ita erescit hoc mirabile Donum, vt iam non solum sibi ipsis proficere possit, sed etiam alijs. Et secundum hoc, quod aliorum profectum respicit *iste gradus sapientiæ non est communis omnibus habentibus gratiam gratum facientem; sed magis pertinet ad gratias gratis datas, &c.* Vnde dicimus, quod sapientia illo primo modo sumpta peti à nobis potest: licet secundo modo non petatur, nisi ijs conditionibus, quas vult Discept. Mystica, quod nostra non refert.

Author, quem impugnamus, maximam æquivocationem passus est, dum tract. 2. q. 2. art. 7. num. 26. totam authoritatem citati Div. Thom. adducit, & taliter explicat, quod ille primus gradus sapientiæ sit principium contemplationis acquisitæ: Postquam enim primum illum gradum retulit, addit: *Ecce auxilia communia gratiæ, quibus ad contemplanda divina propria*

*potest anima ascendere industria*. Immediatè ponit secundum sapientiæ gradum, & ait, ipsum esse principium contemplationis infusæ. Contra quam explicationem paucissimis, sic interens,

55. Disputo: Ergo contemplatio infusa non vnit contemplantem cum Deo, nec deservit ad bene esse contemplantis. Probo consequentiam: Gratia gratis data non vnit contemplantem cum Deo, nec deservit ad bene esse contemplantis; sed solum ad vtilitatem aliorum, vt constat ex eius diffinitione num. præcedenti posita: sed per te contemplatio infusa est gratia gratis data: ergo non deservit ad bene esse contemplantis, sed solum ad vtilitatem aliorum. Videat quid ad hoc respondere possit: dum dicimus: Sapientiam sub sua prima consideratione esse principium contemplationis infusæ; quæ utique dirigatur ad bene esse contemplantis, in quo nemo hæc dubitavit. Et quia in hac vita sunt aliqui, qui tantam cognitionem divinorum habent, vt illa profundæ divinorum cognitio excedat id, quo indiget contemplator, vt suam salutem consequatur: propterea illud *magis* huius Doni Sapientiæ, non est gratum faciens: atque adeo non deservit ad bene esse contemplantis, sed ad aliorum vtilitatem, estque gratia gratis data. Hic est genuinus sensus huius Angelicæ doctrinæ.

56. Dices: Donum sapientiæ simpliciter habitum conducit ad bene esse habentis: ergo ipsum perfectiori modo habitum conducit ad melius esse habentis. Ergo vel sub vtraque ratione, vel sub nulla est gratia gratis data. Vel sic: ergo nequit, vt simpliciter habitum, gratum facere, & vt perfectius habitum, esse gratia gratis data. Anteced. est certum, & vltimæ duæ consequentiæ bonæ sunt. Prima autem probatur breviter, & vrgenter. Sicut se habet simpliciter ad simpliciter, ita magis ad magis: sed Donum sapientiæ simpliciter habitum perficit habentem: ergo magis, seu perfectius habitum magis perficit. Inaudium quippe foret dicere, quod Metaphysica, v. g. simplici-

citer habita facit sapientem, & quòd ipsa perfectius habita non facit magis sapientem. Aut quòd calor simpliciter calefacit, & maior calor non magis calefacit.

Obiectio hæc redolet subtilitatem obijcientis, qui est Caietan. loco citato ex 2. 2. Nodum solvit sublimis hic Theolog. distinguens ly *magis* sapientiæ in *magis* intensivè, & extensivè. *Magis* intensivè contemplationis pertinet, ait, ad melius esse contemplantis, sicut *simpliciter* eiusdem contemplationis, seu sapientiæ pertinet ad bene esse, ac de hoc *magis* verificatur illud, sicut se habet simpliciter, &c. Cæterum *magis* extensivè non spectat ad melius habentis, sed ad utilitatem aliorum: Ideoque secundum hoc *magis* extensivè sapientia est gratia gratis data. Hæc Caietan. quæ, si placet, videre poteris. Nobis sufficiunt vltima verba ipsius Caietani, ut nodum factum penitus enodemus, & mentem Div. Thom. aperiamus.

57. His claudit Caietan. suam dictam solutionem: *Formaliter enim intelligendum est, cum dicitur, quòd gratia gratis data non gratum facit.* Itaque sapientia sumpta illo primo modo dicto, simpliciter accepta, gratum facit. Ipsa sapientia Dei benignitate augetur, & sic aucta gratiorem facit. Hoc ergo sapientiæ augmentum tantum in aliquibus crescit, ut iam non solum sufficiat habetis salutis, sed etiam aliorum utilitati. In sapientia ergo sic aucta duplex formalitas distinguenda est: prima est maior illa perfectio contemplationis, & bonum inde habitum: Secunda est illa habilitas, ut in alios effundatur ipsum bonum. Illa prima formalitas, seu maior illa perfectio contemplationis, gratiorem facit abs dubio: quia secundum illam magis Deum cognoscit, amatque contemplator. Et maior cognitio, maiorque Dei amor, quis potest dubitare, cedere in maiorem perfectionem contemplantis? Habilitas autem illa, quam media sapientia perfectius habita, nanciscitur contemplator, ut cum esuriens fran-

gat panem suum, utique dirigitur ad utilitatem aliorum, ac secundum illam ipsa sapientia non gratum facit, sed est gratia gratis data.

Exemplo rem illustro. Etenim iuxta communem sensum Mysticorum gaudium, quod anima habet in contemplatione divinorum, ita solet augeri, quod derivetur in corpus, ut suo modo gaudeat, & dolor in ipso existens mitigetur. Quæ doctrina est D. Thom. 1. 2. q. 38. art. 4. ubi ait: *Ad 3. dicendum, quòd in viribus animæ sic redundantia à superiori ad inferius. & secundum hoc delectatio contemplationis, quæ est in superiori parte, redundat ad mitigandum etiam dolorem, qui est in sensu.* Modò verò hic distinguenda est illa delectatio, quæ est propria contemplationis, ab illo, quod ex ipsa derivatur ad vires inferiores. Hoc, quod derivatur, dirigitur adtribuendum gaudium viribus inferioribus: cæterum delectatio ipsa contemplationis, & maior delectatio contemplationis dulcioris est propria ipsius animæ, quæ sicut in contemplatione simpliciter tali, simpliciter delectatur; sic magis delectatur in contemplatione dultiori; ex cuius superabundantia redundat in vires inferiores illud gaudium. Pariformiter in nostro casu id, quod in alia supposita derivatur à Dono sapientiæ existente in vno, est gratia gratis data: Id verò, ex quo hoc derivatum resultat, est *magis* gratum faciens.

Per quæ in forma respondetur obiectioni, concedendo antecedens, & primam consequentiam, nec Div. Thom. contrarius est, sed solum docet, quòd sapientia maior, seu *magis* sapientiæ, secundum quod respicit aliorum utilitatem, est gratia gratis data. Ipsum verò *magis* eiusdem sapientiæ, secundum quod magis perficit habentem, est gratum faciens. Vnde de hoc *magis* sub hac secunda consideratione accepto, verificatur maxima illa *sicut se habet simpliciter ad &c.* non autem sub prima illa. Verificatur etiam, quòd ipsum *magis* realiter consideratum, sit gratum faciens, & gratis datum, sed sub diversa for-



formalitate. Nec in hoc est aliquid inconueniens : *Formaliter enim intelligendum est cum dicitur, quod gratia gratis data non gratum facit*, prout supra dixit Caietanus.

58. Alia plura argumenta, quæ ex diversis auctoritatibus Div. Dionysii, Div. Thomæ, Seraph. Matr. nostræ in præsentii obijciuntur, simul proponimus, & solvimus, dicentes, illa omnia testimonia loqui de conatu ad contemplationem infusam; non autem de conatu ad contemplationem acquiritam; vel si loquantur determinatè de infusa, excludunt quidem conatum ad illam; non autem desiderium, & orationem, ut Dominum deprecemur, ut illam ad maiorem sui gloriam, & nostrorum spirituum utilitatem, infundat.

Exemplorum clara fiet. Vnum ex testimonijs, quæ in nos vibrat sententia opposita, est illud nostræ Seraph. Matris, quoniam. 23. probavimus ultimam assertionem. In illo ait Alma Doctrina, imprudenter operari quisquis se ipsum iuvat, ut contemplationem infusam consequatur. Hoc testimonio vsi nos fuimus ad excludendum conatum. Sed dicit sententia opposita. Ille, se ipsum iuvat ad infusam contempla-

tionem, qui illam desiderat, & petit: ergo etiam est contra Desiderium Sanctam. Sed si, qui hæc verba nobis opponunt, illa seriò considerarent, aliter sine dubio procederent.

Illam suam doctrinam declarat illuminata Magistri, exemplo illo hominis vocem minime sonoram habentis, quod nos numero citato adduximus; & etiam nobis illud obijcit Author, quem impugnamus. De isto homine, ait Div. Theresia, esse imprudentissimum, si, ut vocem, prout appetit, consequatur, continuè voces sine modo, & sine termino emittat: quia hoc suo exercitio, non vocis sonoritatem, sed pectoris, capitisque passionem consequatur, & quod ab omnibus in derisum habeatur. Sed rogo ab auctore his in nos verbis utente: hic, qui sanè imprudens foret, si illud faceret; erit ne imprudens, si vocem sonoram exoptet, & hoc suum desiderium ante Deum humili resignatione proponat? Ergo testimonium illud, quod hoc exemplo explanat Seraph. Theresia, non damnat desiderium, nec orationem pronanciscenda infusa contemplatione; sed conatum, quasi esset proprijs manibus comparabilis.

## QUÆSTIO TERTIA.

*Utrum omnes debeant contemplari?*

**L**icet omne id, ad quod aliquis tenetur, sit in eius potestate; aliàs teneretur ad impossibile; unde bene valet: tenetur quis ad hoc faciendum: ergo illud potest facere; non tamen tenetur ad id omne, quod potest. Quamobrem postquam vidimus quæstione præcedenti, omnes homines posse, modo ibi dicto, contemplari: restat, ut discutiamus, an ad hanc ipsam contemplationem teneantur?

§. I. *Post brevem tituli explanationem statuitur triplex conclusio.*

59. **P**RO tituli explanatione, nè quæstiones sine fructu multiplicemus, & titulis chartas oppleamus, scias: ly *omnes* posse tripliciter sumi. Primo illimitatè de *omnibus*, qui sunt principium quod divinæ contemplationis, ad illamque possunt animum elevare, prout vidimus quæst. præcedenti. Et huic considerationi deservet prima conclusio. Secundò potest sumi



ly omnes, ita vt non supponat pro omnibus, qui possunt esse principium quod contemplationis; sed solum pro illis, qui vel ex proposito, vel ex instituto tendunt ad perfectionem. Ex instituto, vt in religiosis: ex proposito, vt in viris pijs, qui viam communem Christianorum transcendere cupientes, ad perfectionem tendere serio conantur, nulla tamen præsupposita, aut voti, aut status, obligatione. Et ad hoc declarandum diregetur secunda conclusio. Tertiò denique potest sumi ly omnes taliter quòd non tendentes ad perfectionem significet, sed illos, qui statuunt in via Dei, ac spiritus desides non esse, sed illam per orationis mentalis negotiationem lustrare. Ad quod deserviet resolutio postrema.

60. Sit t. conclus. *Non omnes viatores tenentur ad contemplationem.* Hæc assertio certissima est, probaturque sic: contemplatio non est necessaria omni viatori: ergo omnes viatores non tenentur ad contemplationem. Probat ut antecedens: Contemplatio non est omni viatori necessaria, nec necessitate medijs, nec præcepti: ergo nullatenus est pro omni viatore necessaria. Consequentia constat à divisione necessarij, quam dedimus supra disp. 3. questione 1. & antecedens probatur: Si namque contemplatio foret omni viatori necessaria necessitate medijs, aut præcepti, non posset non oratio mentalis esse pariter necessaria eodem modo: at oratio purè mentalis nullo ex ijs modis necessaria est omni viatori: ergo nec contemplatio. Mai. patet, quia contemplatio est species quædam orationis purè mentalis: vnde non stat, quòd contemplatio cadat sub præceptum; quin sub idem præceptum cadat oratio purè mentalis. Minor autem continet communem doctrinam Theologorum talem obligationem ad orationem purè mentalem in omnibus fidelibus non agnoscunt. De quo videri potest Exim. Suarez. tom. 2. de relig. lib. 2. cap. 4.

61. Confirm. 1. ratio facta: sine

contemplatione salutem consequuntur plurimi viatores, qui poterant contemplationem exercere, si necessariam iudicassent: ergo contemplatio non est necessaria necessitate medijs, aut præcepti. Consequentia est evidens, nec minus certum est antecedens, quod vel inde ostendi potest: quod nemo talem obligationem cognoscit: atque adeò sine eius adimplerione tendit ad mortem, sine conscientiz remorsu ex hac parte habito, ac sine confessoris imperio, vel vt contemplationem habeat, vel vt, quia non habuit, se accuset, & conterat.

62. Confirm. 2. Si contemplatio foret necessaria necessitate medijs, aut præcepti omnibus viatoribus, alicubi constaret de hac obligatione: sed nullibi de ea constat; nec assignabitur præceptum, ad quod vel propriè, vel reductivè spectet, vel vbi detur notitia de tali necessitate: ergo non datur. Maior probatur: quia id, quod est ad salutem necessarium omnibus constat, vel per se, vel per Maiorum instructionem: aliàs tenerentur viatores ad impossibile, videlicet, ad observantiam rei ab ipsis penitus ignoratæ.

63. Contra factam rationem dices: quòd non probat intentum quia comparitur, quòd oratio mentalis abstrahens ab oratione meditationis, & contemplationis non sit præcepta, & quòd præcepta sit species quædam orationis purè mentalis, scilicet, contemplatio: ergo facta ratio non probat. Pluribus ostendi poterat antecedens: sed breviter probatur: oratio vocalis est quædam species orationis abstrahens à vocali, & mentali; & tamen datur præceptum de oratione vocali, vt tenet Div. Thom. 2. 2. q. 83. art. 3. & cum eo Theologi communissimè; quia detur præceptum de oratione abstrahente à mentali, & vocali: ergo similiter potest contemplatio cadere sub præceptum; quin sub illud cadat oratio mentalis abstrahens.

Respond. præceptum de contemplatione, si adest, non esset Ecclesiasticum: sed vel divinum, vel naturale;

turale, vel partim naturale, partimque divinum, ut dici de oratione solet. Non esset Ecclesiasticum, quia non præcipit actus purè internos: & quia aliàs loquimur de ijs, qui non tenentur ad contemplationem ex voto, professione, aut alia obligatione sibi liberè imposita, reduci deberet tale præceptum ad ipsum ius naturale. Modo verò quis credat ius naturale præcipere contemplationem, & non orationem purè mentalem abstrahentem, immò ipsam orationem meditationis? Nullum enim fundamentum adest ad præceptum naturale circa contemplationem, quod æqualiter non urgeat in oratione discursus, & abstrahente.

Nec illud, quod in hac obiectione dicitur de præcepto orationis vocalis verum est. Etenim præceptum naturale orationis non respicit determinatè orationem vocalem, sed præcipit orationem, sive vocalem, sive mentalem; quia per quamlibet earum satisficit obligationi huius præcepti. Vnde falsum est, quòd detur præceptum naturale de oratione vocali, & non de oratione abstrahente. Præceptum Ecclesiasticum utique datur de oratione vocali, non autem de abstrahente: sed hoc idè est, quia Ecclesia non potest præcipere orationem purè mentalem. In præcepto autem naturali aliter res se habet, qui cum possit extendi ad actus, etiam internos; idè præcipit orationem in communi. Hincque habetur, quòd si daretur præceptum naturale de contemplatione; daretur etiam de oratione mentali. Tum quia, ut dictum est, prius præciperetur oratio purè mentalis, ut oratio, quam ut contemplatio. Tum quia non est fundamentum, ut contemplatio censetur præcepta, & non oratio purè mentalis.

64. Prob. 2. conclus. ratione fundata in ijs, quæ ex Div. Thom. diximus disput. præcedenti; maximè quæst. 2. circa vitam activam, & contemplativam. Etenim vita activa, & contemplativa sunt ex æquo diversæ, ita ut vna aliam excludat, si conside-

rentur secundum rationes sibi proprias. Vnde datur vita purè activa, & vita purè contemplativa, & etiam datur vita mixta, quod non pugnat cum eo, quòd detur vita activa, & contemplativa purè tales. Omnia hæc ex dictis nota sunt: sicut etiam notum est, quòd quicumque bene vivit, exerceat aliquam ex his vitis: quævis enim earum est vita honesta, & recta; ducitque ad perfectionem. Ex quibus, quæ omnino certa sunt, hæc ratio formatur. Viatores tenentur ad rectè vivendum sive in vita contemplativa, sive in activa: ergo non tenentur determinatè ad vitam contemplativam. Prob. consequ. Quia qui liber est ad vivendum secundum unam partem disunctionis, quam elegerit, ad nullam disjunctionis partem determinatè sumptum tenetur: sed viator liber est ad vivendum sive vita activa; sive contemplativa, quam ipse elegerit: ergo non tenetur ad vitam contemplativam, determinatè. Min. constat ex dictis: quia utraque vita ordinata est, & viator, qui talis non tenetur, nisi ad ordinatè vivendum.

65. Confirm. 1. Omnes viatores non tenentur ad vitam activam: ergo nec ad contemplativam. Anteced. est certum, quia si omnes tenerentur ad vitam activam, qui sequeretur contemplativam peccaret. Ex quo probatur consequentia: quia si omnes tenerentur ad contemplativam, peccaret, qui activam sequeretur. Quod est manifestè absurdum.

66. Confirm. 2. quia, ut ait Mag. Valgor. q. 4. Theolog. Myst. disp. 2. art. 10. Contemplatio perfectorum est, illorum scilicet, vel qui iam perfecti sunt, vel qui à Deo vocantur, & trahuntur; ut perfecti sint. Hactenus dictus Magist. modò sic: sed non omnes viatores perfecti sunt, aut vocantur, & trahuntur à Deo, ut perfecti sint: ergo contemplatio non convenit omnibus viatoribus.

67. Sit 2. assertio: *Contemplatio non est necessaria ijs omnibus, qui ad perfectionem tendere debent, vel ex statu*

**DISP. I. I. DE PRINCIP. QVOD DIVIN. CONTEMPLATION. Q. 3. 241.**

*statu, vel ex proposito.* Conclusio hæc etiam certissima est, probaturque ratione deiumptra ex Div. Thom. 2. 2. q. 188. art. 2. Etenim perfectio haberi potest per opera vitæ activæ: ergo qui tenetur ad perfectionem ire, non tenetur contemplari. Patet ista: cō enim ad contemplationem teneretur, quatenus contemplatio esset medium vnicum habendi perfectionem. Vnde si aliud medium superpet, iam contemplatio non est necessaria. Anteced. autem probatur: Quia vt docet laudatus Div. Thom. potest institui religio ad opera vitæ activæ; & de facto plures institutæ sunt: sed harum religionum professores medijs operibus, ad quæ illæ religiones institutæ sunt, tendunt ad perfectionem: ergo perfectio haberi potest per opera vitæ activæ. Conseq. bona est, & maior constat ex citato art. Div. Thom. Minor autem probatione non indiget. Videtur idem Ang. Doct. 2. 2. q. 184. art. 5. & q. 186. art. 1.

68. Confirm. Sicut se habet salus ad viatorem, ita se habet perfectio ad eum, qui obligatus est in illam tendere: sed viator potest consequi salutem per opera vitæ activæ: ergo qui tenetur ire ad perfectionem, potest illam consequi per opera vitæ activæ. Consequentiam suadet paritas. Min. constat ex 1. conclus. & maior probatur. Sicut enim salus est finis viatoris, in quem debet se dirigere, sic perfectio est finis obligati tendere in illam, in quam, vt suæ obligationi satisfaciatur, tendere debet: ergo, &c.

69. Dices: Div. Thom. citato art. 2. ad 1. ait: *Dum religiosi operibus vitæ activæ insistant intuitu Dei, consequens est, quod in eis actio ex contemplatione divinorum derivetur: unde non privantur omnino fructu contemplativæ vitæ.* Ergo in ipsa religione insituta ad opera vitæ activæ talia opera derivantur ex contemplatione: ergo textus cui innititur nostra ratio, nobis non favet.

Respond. mirissimum fore, quod Div. Thom. in eodem art. inquireret, & statueret per opera vitæ activæ posse

A SRI RITU SANCTO,

acquiri perfectionem, seu, quod idem est, posse institui religionem ad opera vitæ activæ, & quod in eodem art. contrarium affirmaret. Mens Div. Thom. circa id, quod nos diximus notissima est. Vnde illa verba contra nos obiecta glossanda sunt salva resolutione in art. proposita, probataque. Nec arduum erit, glossema hoc invenire, quæ disput. præcedenti dicta sunt, præsentia retinenti, & verba obiecta serio consideranti. Itaque fateamur, Ang. Doctorem asserere, quod in religiosis purè activis *actio ex contemplatione divinorum derivatur.* Sed nota sequentia: *Vnde non privantur omnino fructu contemplativæ vitæ.* Si non privantur omnino: Ergo illum omnino non habent: immo simpliciter illum non habent, etli aliquomodo habeant. Sed videamus, quid est istud, quod aliquomodo habeant? Vel quo non privantur omnino? Iam dictum est: *Fructu contemplativæ vitæ.* Perspice: quod non dicit, tales habere vitam contemplativam, sed fructum vitæ contemplativæ. Et memento eorum, quæ diximus disput. præcedenti, videlicet, aliud esse; Martyrem esse, & aliud martyrij meritum, seu fructum, obtinere: ac eodem modo cognosces, aliud esse vitam contemplativam, & aliud fructum vitæ contemplativæ percipere.

Similiter memento: quod eiusdem disput. §. 3. num. 129. ex Div. Thom. diximus: scilicet, quod vita contemplativa non solum dicit actum illum, in quo essentialiter, & formaliter consistit: verum etiam dicit alios actus illam præcedentes, vt sunt meditatio, cogitatio, & alios. Qui actus requiruntur ad disponendum animum pro contemplatione, & etiam requiruntur ad alia plura. V. g. cum quis ad confessionem accedit, debet præcedere cogitatio peccatorum, quæ in Sacramento aperiat. Si occurrit obligatio ad contritionem, plurium meditatio præcedere debet; videlicet, consideratio Dei offensi, & amore dignissimi, & etiam peccati per ipsam contritionem detestandi. Idem est, dum occurrit ad-

Hh

im

impletio præcepti dilectionis Dei super omnia, & similia alia. Et quo ad præsens attinet, idem etiam invenitur in quovis opere vitæ activæ, si seriò, & meritoriè fiat. Et hoc docuit D. Thom. in primis verbis obiectæ autoritatis dicens: *Dum religiosi operibus vitæ activæ insistant intuitu Dei.* Non enim fat est, insistere operibus vitæ activæ; sed hoc debet fieri *intuitu Dei.* Ad quod requiritur consideratio Dei, propter quem proximus, erga quem opera illa activa fiunt, diligitur. Requiritur cogitatio Dei, cuius intuitu opera illa fiunt: aliter, nec opera vtilia animæ erunt, nec erunt formaliter opera vitæ activæ, quæ, vt ex supra dictis constat, est vita ordinata, & virtuosa.

Ex his ergo ad textum contra nos obiectum dicimus. Professores religionis purè activæ sua opera, quæ erga proximorum vtilitatem exercent, derivare quidem ex divinorum contemplatione, non quæ sit talis formaliter, & constitutivè; sed quæ dispositivè, aut largè talis sit. Per hoc tamen, quòd contemplatio, ex qua illa opera derivantur, non sit formaliter, & constitutivè contemplatio, sequitur, quòd illam contemplationem habentes non habeant vitam contemplativam formaliter talem, nec quòd ipsius vitæ contemplativæ fructum simpliciter habeant. Alit quia talis contemplatio est lato modo talis *non privantur omnino fructu contemplativæ vitæ.*

Sic Div. Thom. intelligo ex ipsius doctrina; ex quo patet, textum obiectum non esse contra nos. Quòd si tibi hæc nostra expositio non arrideat, lege Caietanum ad dictum art. & si, quam offert, ab hac differat, illam præferre poteris. Sic enim ait sublimis hic Theolog. *In art. 2. eiusdem questionis in responsione ad primum adverte, quòd operatio vitæ activæ dupliciter se habet ad divinam contemplationem. Primò, vt effectus ipsius contemplationis: & sic predicare dicitur opus vitæ activæ ex contemplatione emanans. Alio modo, vt effectus ipsius Dei contemplati, vt finis: & sic omnia opera misericordiæ, sive*

*spiritalia, sive corporalia sint, ex contemplatione derivantur. Et hoc modo in litera hac dicitur, quòd dum religiosi intuitu Dei operibus vitæ activæ insistant, fructu contemplationis non privantur. Nisi enim aciem mentis suam Deum, vt finem, fixissent, numquam voluntas eorum moveret eos ad opera vitæ activæ propter Deum exercenda.*

70. Sit 3. conclus. Illi, qui statum viam internam spiritus lustrare, ex hoc ipso non tenentur ad contemplationem. Hæc conclusio aequè certa est, ac præcedentes, probaturque sic: Oratio purè mentalis dividitur in orationem meditationis, & contemplationis, & per utramque via interior spiritus lustratur: ergo qui statuit, orationi mentali se dedere, per hoc, quòd meditetur, adimplet, quòd statuit. Quòd adeò verum est, vt etiam si illi exercitio voto se obligaret, adhuc non teneretur contemplari, nec per hoc, quòd non contemplaretur, posset iudicari voti fragus. Et vtriusque eadem est ratio; videlicet, quòd per viam internam spiritus non solum incedit, qui contemplatur, sed etiam qui meditetur. Vnde per hoc, quòd meditetur, adimplet obligationem, etiam si voto firmata sit.

71. Confirm. Qui statuit viam internam spiritus lustrare, non tenetur ad contemplationem, quia viator, nec, quia tendit ad perfectionem, nec quia debet per dictam internam viam incedere: ergo ex nullo capite tenetur. Patet ista; quia in antecedenti recensita sunt capita omnia, ex quibus provenire posset, quòd iste contemplationi dicatur. Anteced. quoad primam partem constat ex prima conclusione: quoad secundam constat ex secunda, præterquam, quia potest quis, quin speciem aliquam supra alios Christianos eundi ad perfectionem obligationem contrahat, incedere per viam internam spiritus, polliceri. Quoad tertiam autem partem constat ex dictis num. præcedenti. Quorum omnium eadem ratio est: nempe, quòd viator potest per aliam viam distinctam à contemplativa,

tiva, ea, quæ debet, implere. Et qui tendere ad perfectionem promissit, in illam tendere potest per viam à contemplatione diversam: ergo pariformiter, quia via interior spiritus est multiplex, qui illam lustrare pollicitus est, promissit itat, quin contempletur.

72. Omnia, quæ in discursu huius quæstionis dicta sunt, pulchrè confirmat Seraph. nostr. Mat. in de itin. cap. 17. ubi ait cum suis filiabus loquens: *Non omnes per eandem viam ducit Dominus. Et forsam, qui sibi persuadet, se per viam inferiorem tendere, est virtuosior in conspectu Domini. Unde ex hoc, quòd omnes in hac domo de oratione agant, non sequitur, omnes futuras esse contemplativas: hoc est impossibile. Et quæ contemplativa non est, gaudebit valde intelligentia huius veritatis. Contemplatio est gratia, quam Deus concedit. Et supposito quòd ad salutem necessaria non est, nec illam Deus à nobis petit, non formidet illam ab ea aliquem petiitum. Nec ob hoc desinet esse valde perfecta, si, quæ dicta sunt, exequatur.* Hactenus Alma Doctrina, quæ omnino videri debet toto illo cap. & etiam antecedenti, & subsequenti, in quibus mira docet pro animabus instruendis, & in assertorum præcedentium confirmationem. Ex qua etiam lectione constabit, Sanctam loqui de contemplatione, nedum infusa, verum etiam acquisita. Per quod obiectio, quæ hic fieri poterat, præoccupatur.

73. Obijciat tamen: dicta verba intelligi debere de ijs, qui, quamquam velint, faciantque quantum ex parte sua est ad contemplandum; nihilominus tamen contemplari non possunt, quia Deus, vel ad tempus, vel numquam vult eos esse contemplativos: nostra autem asserta loquuntur de ijs, qui, quamvis possint, nolunt contemplari: ergo data doctrina non roborantur asserta nostra.

Respond. in dicta autoritate aliud esse, quod dicitur, & fundamentum, quod habetur, ut dicatur; aliud verò considerare personas, quibus dicitur. Ab hoc ultimo incipientes: per-

sonæ, quibus illa doctrina traditur, sunt professores nostræ primitivæ regulæ; uti num. præcedenti monui, quibus ex instituto incumbit contemplatio. Unde de istis in præsentia quæstione nobis non est sermo, reservantur enim ad futuram quæstionem, ubi, quid circa illos tenendum, aperietur. His ergo dicit Seraph. Doctrina, quòd debent quantum est ex parte sua, ut exerceant contemplationem: quam si Deus non concedit, nihil utilitatis amissum esse, docet. Et hoc est, quod in dicta autoritate dicitur. Sed quare hoc dicitur? Quia contemplatio non est ad salutem necessaria. Hoc est fundamentum illius doctrinæ. Et ex hoc fundamento, quòd est commune omnibus, per quodque posita asserta firmantur, descendit Sancta Mater nostra ad erudiendum suas filias. Quæ quia ex instituto tenentur ad contemplationem; propterea debent illam sollicitare. Si verò post debitam sollicitudinem illam non habeant, non habent ex hoc, per quod tristentur; nec per quod se exclusas iudicent à consecutione perfectionis: quia in casu dicto, verificatur de ipsis, quod de omnibus viatoribus illam obligationem non habentibus, verum est: videlicet, quòd contemplatio non est ad salutem necessaria.

Habes ergo ex dictis, quòd asserta nostra, quæ conveniunt in hoc, quòd contemplatio non sit simpliciter necessaria ad salutem, sunt de mente nostræ Seraph. Doctrinæ, ut pater ex eius verbis. Quod idem asserti à Sanctis docet P. Paul. Seneri in sua concordia per hæc verba. Res mira est, ait, quòd cum sancti ore pleno affirmaverint, contemplationem non esse necessariam aspiranti ad perfectionem; siquidem, ut hæc obtineatur, sat est meditatio: inveniat qui (postposito omni timore) hoc neget: sub prætextu compassionis animarum, quæ hac de causa plurimum fatigantur, & parum proficiunt.

Hæc doctus hic Pater assertit ex communi Sanctorum doctrina, quam sequi debemus; ne peccamus,

## §. II. Respondetur argumentis.

74. **C**ontra 1. conclus. arg. primò: Omnes viatores possunt Deum contemplari: ergo & tenentur. Probatur consequentia: Viator tenetur Deum diligere ex charitate: sed non diligit Deum ex charitate, qui in ipsius obsequium non facit, quantum potest: ergo ex quo homo possit Deum contemplari, tenetur ad contemplationem. Consequentia videtur bona. Mai. autem certissima est, & minor probatur ex celebri illo, & in utroque Testamento repetito præcepto, quod sic apud Luc. cap. 10. v. 27. proponitur: *Diliges Dominum Deum tuum ex toto corde tuo, & ex tota anima tua, & ex omnibus viribus tuis.* Ergo si in homine dantur vires ad Deum contemplandum, illum contemplari debet, ut ex charitate diligit.

Respond. ex Div. Thom. de spirit. creatur. q. 5. art. 10. ubi ait: *Ad 1. ergo dicendum, quod hoc, quod dicitur, diliges Dominum Deum tuum ex toto corde tuo, intelligitur esse præceptum, secundum quod totalitas excludit omne illud, quod impedit perfectam Dei inhesionem, & hoc non est præceptum, sed finis præcepti. Indicatur enim nobis per hoc, non quid faciendum sit: sed potius, quò tendendum sit, ut dicit Augustinus.* Huius ergo doctrinæ fundamentum referavit Doct. ipse Ang. 2. 2. q. 184. art. 2. ad 3. ubi duplicem perfectionem charitatis esse, docuit. Primam, sine qua charitas esse non potest. Ex hæc est ad salutem necessaria; caditque sub præceptum. Secundam, sine qua charitas esse potest: & hæc non est ad salutem necessaria, nec cadit sub præceptum: sed est finis præcepti, per ipsamque non dicitur nobis, quid facere debeamus, sed quò tendere valeamus. Vnde dum dicitur diliges Deum ex omnibus viribus. Si per ly *ex omnibus viribus* intelligatur perfectio, sine qua charitas esse non potest: est utique præceptum, sed ad id non pertinet

contemplatio. Si autem intelligatur perfectio, sine qua charitas esse potest, tunc non intimatur præceptum, sed ostenditur finis, in quem tendere debent quotquot suæ salutis consulunt. Ut autem in illum finem tendant, necessaria non est contemplatio: siquidem per opera vitæ activæ etiam itur in illum finem.

75. Arg. 2. Quia est frequens Mysticorum doctrina: quòd debent omnes ad contemplationem anhelare; sic enim ait Mag. Valgorn. q. 3. Theol. Myst. disput. 3. art. item 3. cuius titulus est: *Debens omnes ad supernaturalem contemplationem aspirare.* Similiter alij Mystæ docent, inter quos noster Philip. p. 3. Theol. Myst. tract. 1. art. 6. ait: *Debens omnes, & maxime Deos specialiter consecrata anime, ad ætalem fructivam unionem cum Deo aspirare, & tendere:* Ergo asserere, quòd omnes viatores non debent contemplari, est contra sensum communem Mysticorum; atque ideo sustineri non potest.

Resp. verum esse, quòd plures è Mysticis illud asserunt, quòd si probarent, libenter ipsis subscriberem: sed non probant. Testis sit ipse adductus Valgorn. qui suam illam positionem suadere nititur pluribus Scripturis, plurimisque Div. Thom. testimonijs. Verùm omnia illa, si, adhuc superficialiter, consideres, nihil aliud suadere invenies, nisi quòd contemplatio est bona, consequenterque appetibilis: quod nec negamus, nec illius authoris intentum suadet. Noster autem Philip. plurimum limitat suum illud dictum dicens: *Conveniens, immo necessarium est, ut (vt anima) pergat ulterius, totamque vitam etiam univiam percurrat, ut tandem ad summam montis conscensa, Deoque intime unita, prædicta felicitate, ac beatitudine inchoata fruatur.* Vbi per illa verba *ut tandem, &c.* videtur inuere finem illius animæ esse *ad summam montis conscendere:* & sanè anima, quæ montem perfectionis conscendere statuit, ut Deo per contemplationem perf. ctissimam uniat, tenetur à contemplatio-

tionem; nec aliter finē illum consequetur. Sed de his animabus, nec primum, nec alia duo asserta nostra loquuntur.

Nē autem contra tot Doctores, adeo doctos, expertosque procedere videamur, dicam, ipsos loqui de necessario utilitatis, quod idem est, ac necessarium *ad melius*, vti docent nostri Complut. in log. disput. 1. q. 7. Vnde ab illis contemplatione asseritur necessaria, hoc est utilisissima omnibus viatoribus; si velint fructus spirituales abundantissimè possidere, Deoque suæ voluntatis centro facilius uniri. Quocirca Authores isti mystica mysticè tradentes, & ad Mysticam Theologiam exteros exhortantes, vt eos aliciant, & veluti compellant necessariam esse, adstruunt, contemplationem, quæ certè *ad melius* necessaria est. Et si illorum scripta mediteris, hanc solam necessitatem pro omnibus adstruere, videbis. Nos autem, qui mystica, non mysticè, sed scholasticè propinamus, non potuimus prætextu illius necessitatis *ad melius*, absolute asserere, contemplationem esse omnibus necessariam: sed, supposita necessitate utilitatis, negavimus necessitatem absolutam, seu mediæ, præceptique. Per quod animæ ad contemplationem non possitivè aliuntur; fateor: sed nec ab illa deterentur. Et nostrum præsens principale, ac directum munus non est, animas ad contemplationem exhortari, sed illuminare intellectum, vt, ad quid ipsæ animæ teneantur, vel non teneantur, cognoscat.

76. Contra 2. conclus. non est argumentum, quod faciliè solvi non possunt ex dictis, & dicendis. Vnde arguitur tertiò contra tertiam conclusionem: Qui tenetur ad meditationem, ita debet meditari, vt meditatio eius fructuosa sit: ergo tenetur ad contemplationem. Anteced. est per se notum, & consequentia probatur 1: Quia omnis meditatio virtuosa terminatur ad attentionem quietam in Deo, quæ est simplex inuitus veritatis meditatio; atque adeo contemplatio: ergo qui virtuosè meditatur, contemplari tene-

tur. *Secundò* probatur consequentia: quia, vt ex nostro Thoma à lectu alibi diximus, meditatio, quæ contemplatione non finitur, virtuosa non est: sed qui tenetur ad meditationem, tenetur ad hoc, quòd sit virtuosa: ergo ad hoc, quod contemplatione finiatur.

Resp. neg. Consequentiam intellectam de contemplatione, de qua intelligi nostrum assertum debet; videlicet, de contemplatione, quæ constituit vitam contemplativam: non autem de illa attentione quæta in Deo, quæ est vltima meditationis pars. Quandoquidem hæc non extrahit exercentem illam à statu vitæ activæ: aliàs purè meditativi contemplativi forent, iamque in illis daretur simul vita activa, & contemplativa, quod absurdum esse, constat ex dictis disput. præcedenti, questione vltima. Et sanè, qui ad orationem discursus obligatur, eo ipso obligatus manet ad exercendas partes omnes illius orationis. Vnde tenetur ad præparationem, ad lectionem, ad meditationem, &c. ac per consequens tenetur ad omnes meditationis partes, quarum est vna illa quæta attentio. Ex quo patet, quòd nos de hac attentione non loquimur, dum ad contemplationem, qui ad mentalem orationem tenetur, dicimus non teneri.

Vnde ad 1. probationem consequentiæ omisso antecedenti, distinguatur consequens, & si loquatur de contemplatione illa, de qua antecedens loquitur, omittatur: si verò loquatur de contemplatione, quæ propriè contemplatio est, constituitque vitam contemplativam, negetur consequentia. Cuius distinctionis ratio ex dictis patet. *Ad 2.* probationem responderetur: quòd si Noster Thomas loquatur de contemplatione illa, quæ propriè est attentio quæta: eius autoritas vanè contra nos assertur, vt dictum est. Si autem loquatur de contemplatione propriè tali, verum dicit: sed loquitur de ijs, qui per viam spiritus incedunt sine illa præcisione, sub qua procedit assertum nostrum; nempe quòd spiritualis ille ad solam meditationem obligari velit. Sed in-

inquam, loquitur de ijs, qui iram viam spirituales iustrant, ut quantum in ipsis est, ad omnes gradus viæ spirituales aspirent. In his enim, si eorum meditatione non manuducit eos ad contemplationem, signum est talem meditationem bonam non esse. Quod intellige de meditatione quantum est ex parte ipsius meditationis: quia potest meditatio esse perfectissima, & tamen contemplatione non finire, ut ex nostra Seraph. Matre vidimus num. 72. sed tunc non est ob defectum meditationis; sed quia Deus contemplationem concedere non vult.

77. Arg. 4. & potest esse replica contra immediate dicta: Quicumque meditarur aliquo tempore spatio transcurso, pervenit ad statum, in quo meditari non valet, & tunc debet se ad contemplationem applicare: ergo qui ad orationem mentalem obligatur, dum pervenit ad hunc statum, contemplari tenetur. Anteced. constat ex dictis in nostra l'lagoge, & consequentia probatur: quia talis ex vna parte tenetur incedere per viam spiritus, ut supponimus, & ex alia meditari non potest, sed contemplari valet: ergo tenetur contemplari. Probatur consequentia: quia respectu huius in tali statu positi viget obligatio mentaliter orandi: ergo debet tali obligationi satisfacere per illud medium, quod ipsi possibile est; immo & facile, quod medium est contemplario.

Urgetur hoc à ratione, & à paritate: à ratione quidem quia licet contemplatio sit ex se perfectior, ac difficilior meditatione, ob quod non tenetur ad illam, qui obligatur præcise ad incedendum per viam interiorum spiritus; at respectu huius, de quo loquimur, contemplatio est facilis, & meditatio reddita est impossibilis: ergo iste debet contemplari. Anteced. est omnino certum, & consequentia probatur: quia si cum iste obligatus fuit ad sectandam viam interiorum spiritus non esset aliud medium nisi contemplatio, per quod illi obligationi satisfaceret; tunc casus nemo illum excusaret ab obliga-

tione contemplandi: sed in casu posito non est aliud medium, quo illam obligationem adimpleat, præter contemplationem: ergo ad illam tenetur.

Urgetur à paritate: Et enim, qui obligaretur ad fundendum Deo preces semel v. g. in die; obligationi utique satisfaceret, si oratione vocali, quæ faciliior, & minus perfecta est, quam mentalis, preces illas fundere; at si ex aliquo motivo redderetur ei impossibilis oratio vocalis, tunc casus teneretur ad fundendum illas preces oratione purè mentali: & hoc non ob aliud, nisi quia obligatio præcise tenet, & iam oratio vocalis est illi, tamquam si non esset: ergo pariformiter.

Respond. argumento, quod ille, qui se ad orationem purè mentalem obligat, incipit implere promissa per meditationem, quæ ad illius vinculi satisfactionem sufficientissima est: tum quia est oratio purè mentalis. Tum, quia pro tunc est impossibilis contemplatio. Et hoc est, quod in nostra assertionem tradidimus. Modò vero præmit argumentum, intendens, quod licet iste non teneatur contemplari, dum incipit orationem mentalem exercere; tenetur tamen postea: videlicet, cum elapso pro meditatione tempore congruo, pervenit ad statum, quo meditari non potest; potest tamen contemplari. Ad quod dicimus primo: nostri autem resolutionem intelligi debere casu, quo sit expeditio ad meditandum. Nec ad hoc dicendum movet argumentum visum cum ante illud hoc ipsum tradidissemus num. 70. & 71. Per quod patet ab omnia obiecta.

Dicimus 2. quod ille, qui iam per meditationem incepit stare promissis, vel spiritus virilitate affectus ita meditarur, quod velit omnes viæ interioris gradus percurrere, & ad hoc seria maturitate dirigit suæ sollicitudinis rotam: vel ita in meditatione est, ut ultra progredi renuat, vel non precurret. Si primo modo se habet, ad illud statum perveniet, in quo meditari non possit: quocirca tunc ad contemplationem ad hanc tenetur, quæ



quæ tunc ei est facilis, & vnica oratio purè mentalis, quam exercere valet. Et per hoc patet, quòd omnia obiecta concedenda sunt. Restat secunda consideratio, sub qua argumentum non inefficax apparet. Sub hac tamen

Respond. in forma ad propositum argumentum, omisso antecedenti, negando suppositum consequentis, videlicet, quod qui dicto modo secundo segerit in meditatione, perveniat aliquando ad illum statum, in quo sibi deserenda sit meditatio, & ad contemplationem transeundum. Ille utique satisfacit obligationi contractæ; sed numquam ad contemplandum pervenit: quia contemplatio est gratia valde subtilis, quæ non datur nisi appetentibus, & petentibus. Vnde cum hic, de quo loquimur, nec appetat, nec petat contemplationem; quin potius illam habere non vult, vel ut minùs non procurat, propterea nunquam illam habebit.

Et si huius doctrinæ perceptu facilis radicem non vulgarem desideras, memento, quòd, ut in superioribus dictum est, meditativi procedunt ad modum hominum, quia utuntur intellectu, ut ratio est. Contemplativi procedunt ad modum Angelorum, quia utuntur intellectu, ut intellectus est. Illi incedunt secundum viam naturalem, regulatam per iudicium rectum rationis, & sapientiæ, quæ est virtus intellectualis: Isti verò incedunt per viam fidei, quæ supernaturalis est, regulaturque per sapientiam, quæ est Donum Spiritus Sancti. Illi, & isti ad cognitionem divinorum tendunt: sed illi media meditatione, quæ est inquisitio veritatis, dicitque actuum pluralitatem: & isti media contemplatione, quæ illam actuum pluralitatem non habet; sed est vnicus simplicissimus, ac quietissimus actus. Vnde qui ad contemplationem non aspirat, numquam reducit propriæ mentis activitatem ad vniformem, simplicemque actum: at-

que adeò numquam contemplatur, nec dum in illa actuum pluralitate manere vult, pervenit ad statum, in quo ei meditatio reddatur impossibilis, & facilis contemplatio. Et hoc est fundamentum, quod habuimus, ut suppositum negaremus. Quo negato, corruit quicquid, vel probando, vel virgendo dictum est ab arguente: quin opus sit ad singula respondere.

78. Arg. ultimò: qui purè mentaliter orat, contemplatur: ergo qui tenetur ad orationem purè mentalem, tenetur ad contemplationem. Probatur antecedens: quia ille sua illa purè mentali oratione non exercet vitam activam. Quia hæc nascitur ex dilectione proximi, quæ ipsum proximum respicit, opem illi conferendo per opera externa, qualia sunt opera misericordiæ: sed qui purè mentaliter orat, nullum opus misericordiæ erga proximum facit: ergo ille contemplatur.

Respond. neg. anteced. Ad probationem dicas primò: mentaliter orantem posse orare pro vivis, defunctisque: & hoc est ultimum ex operibus spiritualibus misericordiæ. Quod sufficit, ut quis exerceat vitam activam; non enim ad hoc requiritur, quòd omnia opera misericordiæ percurrat. Respondetur 2. Dilectione proximi ipsum diligentem non excludere: immò à se ipso incipit charitas in sui actu secundo. Vnde vitam activam exercet, non solum, qui proximo subvenit; sed etiam, qui propriæ spirituali utilitati per meditationem infundat. Vita enim activa dividitur in eam, quæ propriæ, & in eam, quæ proximi salutis studet, ut docet Div. Thom. in 3. d. 35. q. 1. art. 4. quæstiunc. 1. ubi in corp. hoc supponit dicens: *Vita activa, quæ non ad alium, sed ad se ipsum tantum ordinatur, neque dignior, neque utilior est, quàm contemplativa, immo comparatur ad contemplativam, sicut vile ad id, ad quod est vile.*

## QUÆSTIO QUARTA.

*Vtrum sint aliqui, qui ad contemplationem divinam teneantur?*

**Q**uæstio præsens est, quæ an-  
sam obtulit, ut tota hæc  
disputatio hac in sede loca-  
retur: Nec dubitare valemus præsentem disputationem, secundum se inspectam, congruentius alibi inserendam. Nam, ut alia loca prætereamus, postquam de utilitate divinæ contemplationis egimus, methodus compositionis impellebat, ut de necessitate ipsius contemplationis ageremus. Verum enim verò propter quæstionem præsentem compulsi fuimus, ut instantijs methodi compositionis arbitraria methodus prævaleret. Si namque dubium præsens ante disputationem de vita activa, & contemplativa, versaretur, plurima abs dubio forent, vel immaturè prævenienda, vel indigestè exaranda. Quod, & ipsa rerum natura ostendit, & series agendorum demonstrabit. Hoc igitur motivo ducti, huic disputationi, & sedem, & nomenclaturam amputandas rati sumus: ut sic sub titulo *de principio quod contemplationis divinæ* iuxta disputationem de vita activa, & contemplativa; versaretur. Ut sic species anteaquæ disputationis non abolita, an rectè in præsentem gradiamur, testes sint.

*§. I. Imploratur lux cælestis, quæstionis titulus explicatur, ali-  
qua prælibantur, & methodus tenenda proponitur.*

79. **V**ox ex Seraph. Matris nostræ in arduis præmittendam esse orationem, ut ea media propitium difficilia aggrediēti sit Coeleste Numē. Sic docet alma Doctrina monito 10. & 17. ex ijs, quibus iam reguans nos dicitur. Cuius veltigijs insistent, dum ē

portu solvo profundissimum pelagus calcaturus, *ne absorbeat me profundum.* Psalm. 68. *Quasi lapidem in aquas validas proiectus.* Efdra lib. 2. cap. 9. v. 11. *In duam me jacto objeccionis, & clamabo ad Altissimum.* Baruch. cap. 4. n. 20. dicens: *Deus patrum meorum, & Domine misericordie, qui fecisti omnia verbo tuo:: Da mihi sedium tuarum essettricem sapientiam, & noli me reprobare à pueris tuis:: Mitte illam de Cælis Sanctis tuis, & a sede magnitudinis tuæ: ut mecum sit, & mecum laboret, ut sciam, quid accipium sit apud te, ex lib. Sapient. cap. 9. Utinam pro votis eveniat, quod exopto, ut sic, quid tenendum sit in hac tenebrosa materia, cognoscere valeam.*

80. Ad tituli explicationem accedens, dico, illum posse intelligi de omnibus illis personis, quæ vel ex proposito sibi à se ipsis liberè impositio obligantur ad perfectionem conquirendam media contemplatione; vel ex statu, quem profitentur. Inter quos duos modos cundi ad perfectionem media contemplatione, hoc interest: quod primus modus est liber *in fieri*, & *in conservari*; quia non solum liberè contracta fuit illa obligatio, sed etiam liberè conservatur: si namque illa gravatus velit onus illud deponere, nullus criminis reus erit. Supponimus enim nullam obligationem habere, ut illud propositum conservet: sed sicut fuit liber dum illud fecit, ita ut potuisset non facere; quin per hoc obligationem aliquam violaret: sic etiam liber est, ut sub tali vinculo conservetur: potest quippe, eum placitum sibi fuerit, tali vinculo non subisse. Speciat tamen ad quæstionem præsentem, quatenus dubitari potest: an hic, qui media contemplatione ire ad perfectionem statuit, pos-

fit,

fit, dum animum eundi ad perfectionem conservat, in ipsam sine contemplatione tendere. Sed quamquam ex hac parte ad presentem controversiam spectet, de illo non disputamus. Tamen illi nunc non erit, si occasio se offerat, ut quid, circa hoc tenendum sit, aperiamus.

Nostra autem sollicitudo in illum collineat, qui ex statu, quem proficitur, vinculo eundi in perfectionem, media contemplatione, gravatur. Quod vinculum *in fieri* liberum fuit, in quo convenit cum precedenti, à quo tamen discriminatur, per hoc, quod *in conservari* non est liberum: debet enim *iste*, ex quo processus fuit, ire ad perfectionem, & medium, quo in illam ire decrevit, nempe contemplatio, semper viget. Sed tamen disputatur, quid per contemplationem intelligendum sit? Et an possit per alia media in finem, sibi à se liberè præstitutum, ire? Et sub titulo sic intellecto, comprehenduntur omnes professores omnium Sacrarum Religionum, quæ contemplativæ sunt. Non autem de omnibus illis disputabimus; sed solum de nostræ regulæ primitivæ professoribus. Cum istis, ac de istis loquor, & utinam loquar, quæ, ut opto, communem aliquam utilitatem asferre possint.

81. Expofui quæstionis titulum: prælibanda subijcio eorum primum, ac præcipuum est, mihi in præsentiarum rem esse cum ijs, de quibus Martialis. lib. 1. epigr. ait:

Non est, crede mihi, sapientis dicere, vivam

Sera nimis vita est crastina, vive hodie.

Cum his ergo mihi sermo est, qui hodie vivunt, dum ista legunt: Sed ita vivunt, ac si certò scirent crastina luce inter mortuos computandos. Consideremus igitur nos circa mortis horam constitutos, & tunc cum tamquam rei ingemiscimus, horroreque terribili illius sententiæ januas iam nostras pulsantis, gelidus per omnia vagatur ossa tremor, præsens quæsitum iudicemus, quæque circa illud mens nostra sit, aperiamus:

A SPIRITU SANCTO,

exemplò enim pollicor omne, quod hæc considerantes, decreverint, sectaturum. Et hoc est primum, ac potissimum, quod in præsentem præmittendum, censui: ut ostenderem, me non disputare cum ijs, qui se multum à morte distare, suspicantur. Motivum se se cuique pandit: ut quid in eius expensione morabor?

82. Secundum, quod supponendum est, consistit in eo, quod contemplatio, de qua loquimur, non est infusa, sed acquisita: cuius rationem ipsa vtriusque contemplationis natura offert. Non enim dignum disputatu est: an aliquis teneatur ad id, quod in sua manu, seu potestate non est: quiaque contemplatio infusa hominis potestati, aut arbitrio non subicitur, sed habetur ex liberaliter, ac misericorditer concedente Deo; propterea de illa sermo non est. Loquimur autem de contemplatione acquisita, quam viribus communibus gratiæ haberi à nobis posse, dubium non est. Nec loquimur de contemplatione acquisita in animi preparatione habita; sed de illa habita in re, quantum est ex parte nostra: nam si quis quantum potest, exequitur, ut habeat cōtemplationem, & illam Deus deneget, quod multoties evenire, constat ex dictis num. 72. tunc iste ad nihil aliud obligatur.

83. Supponendum est 3. obligationem in præsentem non sumi pro obligatione secundum quid, seu ad melius: quod idem est, ac asserere contemplationem fore utilem professoribus nostræ primitivæ regulæ, quod indubiè est supponendum. Vnde loquimur de necessitate simpliciter tali; ita ut obligatio ad contemplandum talis sit, quod eius fractio peccatum lethale sit. De hac necessitate loquor, de hac obligatione, de hoc peccato. Quæ ideo sic exprimimus; quia videmus auctores de hoc loquentes. ambiguè verbis utentes, ut cernere apud ipsos est. Nos verò adeò perspicuè loquimur, ut verba nostra te-giverfari non valeant.

84. Quarto denique supponendum est, discrimen maximum adesse inter  
Ii Docto;

Doctores Mysticos, & Morales in hoc, quod est explicare tendentiam ad perfectionem. Apud morales enim appetitus rei minime, & affectus ad illam, immo & (apud aliquos, quos postmodum adducemus) propositum, seu consuetudo frangendi omne id, quod in constitutionibus, & in regula continetur, quod tamen sub mortali non obliget, non impedit tendentiam ad perfectionem, cui, consequenter, solummodo contrariatur fractio eorum, quæ sub culpa gravi obligant. Non crederem possibilem talem motum ad perfectionem, si apud nostrum cursum morale tract. 15. cap. 1. p. 2. num. 23. non perperissem. Doctor autem Mystici omnem affectum, & appetitum contrarium esse huic motui planè docent, de quo mirè loquitur Extrat. noster Doct. p. 1. in suis scriptis, videatur tamen lib. 2. ascens. cap. 12. Verùm quid circa hoc dicendum ex progressu declarabitur. Modò verò transicamus ad ultimum, quod promissimus.

85. In progressu huius controversiæ eam methodum observabimus, quæ rei agendæ lucem, quoad fieri valeat, conciliat. Vnde per diversos §. 5. diversa asserta statuimus, quorum prima viam sternant ad alia: sic enim & claritati consulitur, & fastidit occasio lectoribus amputatur.

## §. II. Professor nostræ primitivæ regulæ tenetur sub mortali ire ad perfectionem.

86. **I**n hoc conveniunt omnes Theologi. Probaturque ex definitione status religiosi, qui sic definitur: Est status perfectionis perpetuò acquirendæ per tria vota castitatis, paupertatis, & obedientiæ, & traditione facta sui in religione approbata ab Ecclesia sub regula determinata. Cuius diffinitionis explicationem videre poteris apud Curs. moral. citatum, Director. regular. & alios. Quod ad nos spectat, sunt prima datæ diffinitionis verba, quibus

religio dicitur, *status perfectionis perpetuò acquirendæ*, quæ sub mortali obligari religiosos, concors est Doctorum sententia cum Div. Thom. 2. 2. q. 186. art. 2. in fine corp. ubi ait: Religiosus non tenetur ad omnia exercitia, quibus ad perfectionem pervenitur, sed ad illa, quæ determinatæ sunt ei taxatæ secundum regulam, quam professus est. Et ad 1. addit: Ille qui transit ad religionem, non proficitur se esse perfectum, sed proficitur se habere studium ad perfectionem consequendam. Sicut etiam qui intrat scholas non proficitur se scientem, sed proficitur se studentem ad scientiam acquirendam::: Et ita religiosus non est transgressor professionis, si non sit perfectus, sed solum si contemnat ad perfectionem tendere.

Hæc est religiosorum obligatio, & quidem valde gravis, & quæ impleri non potest sine magna sollicitudine, & animo proficiendi. Pulchrè Navar. apud citatum Curs. ait: Terribilis est multis religiosi hanc sententia, qui neque actu, seu actualiter; nec virtute, seu virtualiter, habent animum se in dies magis in charitate proficiendi: nec curant plusquam boni Clerici sæculares, vel laici ad eam tendere. Hæc Navar. Sed certè licet terribilis sit sententia hæc; est tamen abs dubio vera. Vnde debet omnis religiosus satagere, ut ad perfectionem tendat: & hoc non aliquando, sed semper: hoc enim significatur per illud verbum *perpetuò* positum in tradita definitione.

87. Ex hoc ergo principio omni religioso communi, patet professores nostræ primitivæ regulæ ad perfectionem teneri: quam si non procurent, lethaliter peccant. Sciant ergo in via virtutis animam esse fine aliquo motu impossibile esse. Si ad perfectionem tendit, proficit: si non tendit ad perfectionem, deficit, & currit ad perditionem. Status medius non est habilis: quod eleganter docet Div. Bern. epist. 254. per hæc verba: *Nolle proficere, deficere est. Vbi ergo sunt, qui dicere solent, sufficit nobis: nolumus esse meliores, quam Patres nostri. O monache,*

*non vis proficere? Vis ergo deficiere? Nequaquam. Quid ergo? Sic, inquit, vivere volo: & manere, in quo perveni; nec peius fui patior, nec melior cupio. Hoc ergo vis, quod fieri non potest. Clarus autem loquatur Sanct. Pater epist. 91. ubi ait: Vidit Iacob in scala Angelos ascendentes, & descendentes: numquid stantem quempiam, siue sedentem? Non est stare omnino in pendulo fragilis scala: neque in incerto huius mortalis vite quidpiam in eodem statu permanet. Aut ascendas necesse est, aut descendas: si attentas stare, ruas necesse est. Minime profectio est bonus, qui melior esse non vult: & ubi incipit nolle fieri melior, ibi definit esse bonus. Et etiam si daretur medius ille status, non posset in illo sine culpa inavere, qui habet statum perfectionis perpetuo acquirende, ut de se notum est.*

88. Ad hanc perfectionem tendere debet Carmeli reparati alumnus, & media, per quam tendere debet, iam assignavit Div. Thom. non enim tenetur ad omnia consilia, seu exercitia, quibus ad perfectionem pervenitur: sed ad illa, quæ ei determinatæ sunt taxata secundum regulam, quam professus est. Quod illi convenit secundum rationem communem religiosi, qualiter in præfenti loquimur de eo. Est enim cuiuscunque religiosi ad perfectionem aspirare per illa media, quæ ei determinatæ sunt taxata secundum regulam, quam professus est.

89. Et tenetur in perfectionem ire, non segniter, aut negligenter, sed fervide ac promptè. Quod mira profunditate docuit laudatus Div. Thom. ijs verbis: *Proficitur se habere studium ad perfectionem consequendam.* Inspice, qui consideras mortem propè ianuam iuxta dicta num. 81. Quod religiosus non qualitercumque gradi ad perfectionem debet: sed debet habere studium ad illam consequendam. Et si vis scire, quid studium significet? Audi Ciceron. lib. 1. de invent. *Studium, ait, est animi assidua, & vehementer ad aliquam rem applicata, magna cum voluntate, occupatio.* Sic Tullius definit studium, quod

nos secundum nostrum Ang. Præcepti habere debemus erga perfectionem acquirendam. Vnde omnia hæcenus dicta in vnum colligentes dicimus: ad Carmelitam Excalceat. qua religiosum; spectare sub obligatione lethalis culpæ, habere continuum motum, quantum fas sit, fervidum, ad sibi comparandam perfectionem.

### §. III. Contra positum assertum argumenta soluta.

90. **C**ontra dicta §. præcedentis Arg. 1. Religiosus non tenetur ad perfectionem habitam: ergo nec ad eundem in illam. Anteced. est omnino certum, & consequentia probatur: Quia qui tenetur ire ad aliquem terminum, à quo non infinite distat, tenetur in talem terminum pervenire; ut quid enim continuus motus in terminum non multum distantem, si talis terminus consequendus non est? Ergo si religiosus non tenetur ad perfectionem habitam; similiter nec ad illam habendam tenetur.

Respond. neg. consequentiam; ad cuius probationem dicas: aliud esse pervenire in terminum ad quem: aliud verò in illum ire. Ad primum non tenentur religiosi, ad secundum verò obligantur. Et licet ex communi modo loquendi pro eodem vsurpetur obligatio eundi ad Romam, & obligatio ad illam perveniendi: re tamen vera potest quis teneri ad primum, quin ad secundum teneatur. Medium transcendendum, ut perfectio habeatur, limitatum quidem est: sed quod ex una parte plures inimicos, eosque valde solettes habet, qui iter retardare alto conamine satagunt. Ex alia verò non tenetur religiosus ita celeriter tendere, ut medium illud absolvetur priusquam vita: unde tota hæc consumitur frequenter, quin perfectio ante mortem habeatur: habetur tamen post illam, per quod ostenditur, motum illum in perfectionem in vanum non fuisse.

91. Arg. 2. Non compatitur cum  
142 miseri

miseria huius vitæ, quòd religiosus actu semper feratur in Deum: ergo nec quòd *perpetuò* in perfectionem tendat. Anteced. est certum, edoceturque à Div. Thom. pluribus in locis, inter quæ 2. 2. q. 184. art. 2. ait: *Alia autem est perfectio, quæ attenditur secundum totalitatem absolutam ex parte diligentis, prout scilicet affectus secundum totum suum posse, semper actualiter tendit in Deum: & talis perfectio non est possibilis in via, sed erit in patria.* Deinde probatur consequentia: nam *perpetuò* tendere in perfectionem, est semper, & actualiter tendere in Deum: ergo, &c.

Si dicas: tendentem ad perfectionem debere semper ad Deum ferri, non actu, sed habitu: & hoc sat esse, vt *perpetuò* ad perfectionem moveatur. Contra est: Quòd habitus non cadit sub præcepto: ergo per hoc, quòd homo per habitum feratur in Deum, implere non potest præceptum eundi ad perfectionem.

Respond. argumento: concesso antecedenti, negando consequentiam: ad cuius probationem responder Div. Thom. q. 1. de char. art. 11. *Ad 3. dicendum, quòd aliud est habitualiter referre in Deum, & aliud virtualiter: habitualiter enim refert in Deum, & qui nihil agit, nec aliquid actualiter intendit, vt dormiens: sed virtualiter aliquid referre in Deum, est agentis propter finem ordinantis in Deum. Vnde habitualiter referre in Deum non cadit sub præcepto: sed virtualiter referre omnia in Deum cadit sub præcepto charitatis: cum hoc nihil aliud sit, quàm habere Deum ultimum finem.* Quocircà religiosus tendere *perpetuò* ad perfectionem, non signat ipsum semper actu respicientem Deum. Sufficit, si virtualiter respiciat: per hoc enim semper respicit Deum, vt ultimum finem; atque adeò tendit ad perfectionem. Et hoc est, quod Apostol. 1. ad Corint. cap. 10. docebat dicens: *Sive manducatis, sive bibitis, vel aliud quid facitis, omnia in gloriam Dei facite.* Et nostra regula cap. de exhortat. præcipit: *Quæcumque vobis agenda sunt, in verbo Domini*

*fiant.* Per hæc enim omnia in gloria Dei, seu in verbo Domini actu facere, non præcipimur: sed virtute facere iubemur.

92. Arg. 3. Cum statu religioso compatitur consuetudo frangendi quicquid in regula, & constitutionibus non obligat ad mortale: sed cum consuetudine toties venialiter delinquendi, frangendique omne, quod sibi præceptum est, dummodò sub mortali non præcipiatur, non compatitur tendentia ad perfectionem: ergo de conceptu status religiosi non est, quod eius proficior ad perfectionem eat. Minor, in qua dissidium esse poterat, probatur: Quia si obligatio eundi ad perfectionem solummodò frangeretur per fractionem totum, quæ obligant sub mortali, nullum discrimen, quoad hoc, esset inter religiosos, sæcularesque: siquidem sæculares lethaliter peccant, si præceptum grave violant; & venialiter, si præceptum leve: etiam si levia præcepta ex consuetudine frequentissimè violent: & hoc idè est, quia nullo præcepto eundi perfectionem gravantur: ergo nullum discrimen adest inter religiosos, & sæculares,

93. Vergetur hoc: etenim qui ex consuetudine violat omnes leves obligationes, immo habet solummodò propositum servandi, quæ ad mortale obligant, nihil aliud sollicitat, nisi conservare charitatem: sed per hoc non itur ad perfectionem; aliàs sæculares, qui tenentur ad conservandam charitatem, tenerentur ad perfectionem tendere: ergo qui propositum habet implendi solummodò obligationes graves, & alias ex consuetudine violat, non tendit ad perfectionem.

94. Huius argumenti omnes ferme Morales mentionem faciunt: quorum plures respondent, concedendo maiorem, & negando minorem: ad probationem negant anteced. Et discrimen inter religiosos, & sæculares constituunt in eo, quòd sæculares non tenentur ad consilia; religiosi verò non solum tenentur ad præcepta, sicut sæculares, sed etiam ad consilia, quæ licè;

ex suppositione professionis, sint iam illis præcepta, absolute tamen consilia sunt, quibus omnino liberè se obligare. Vnde religiosi per solam observantiam præceptorum absolute talium, & præceptorum, ex suppositione talium, hoc est consiliorum, tendunt ad perfectionem: sæculares autem ad perfectionem ire non tenentur, quia solum præceptis absolute talibus subsumunt.

Ad urgentiam consequenter dicent: Conservantem charitatem medijs præceptis, & consilijs, tendere ad perfectionem: quocirca religiosus ad perfectionem tendit; quia medijs præceptis, & consilijs, charitati conservandæ studet per propositum, quod habet nullam gravem obligationem violandi. Quod, ut dictum est, non verificatur in sæcularibus.

95. Hæc est horum solutio, vnde asserunt: non peccare mortaliter religiosum habentem illud propositum servandi solummodo obligationes graves, & alias sæpe sæpius ex consuetudine violantem: hunc, inquam, mortaliter non peccare, dicunt, contra hanc obligationem tendendi ad perfectionem: licet ex alijs capitibus peccatum grave adesse posse, fateantur; videlicet, ex contemptu, ex scandalo, & ex ruina, quam in alijs causat, ut similiter sine legitimo observantia vivant, & ex alijs capitibus, quæ omittuntur.

96. Desideranti autem mihi scire, si hæc, quæ per accidens faciunt mortale peccatum adesse, raro, vel frequenter eveniant: occurrunt ij authores adducentes, approbantesque, quæ Thom. Sanchez dicit lib. 6. Decal. cap. 4. num. 17. per hæc verba: *Quare, si possibile esset id, quod moraliter impossibile est, nullam sequi religionis ruinam, nec periculum transgressionis votorum, nec contemptum, ex universali decreto non servandi statuta religionis, ad mortale non obligantia, tale decretum non esset mortale: quia nulla est ratio sufficiens damnandi ad illud.* Hæc Thom. Sanchez, ex quibus inferre licet: habentem tale propositum non implendi nisi ea, quæ graviter obligant, nullatenus ad perfe-

ctionem tendere. Quippe impossibile est moraliter tale propositum sine culpa gravi ob ruinam religionis, ob periculum transgressionis votorum, & contemptum obligationum levium: sed cum peccato mortali, impossibile metaphysicè est, tendere ad perfectionem. Ergo, & cum tali proposito. Consequentia est innegabilis. Maior continet adversariorum doctrinam, & minor est: omnino certa.

Bene video authores contrarios loqui cum præcisione de obligatione eundi ad perfectionem, secundum ea, quæ ex se dicit: non autem de ipsa obligatione, secundum ea, quæ accidentaliter illam comitantur. Primo enim modo dicunt non violari obligationem eundi ad perfectionem per consuetudinem violandi omnes obligationes leves, nec per propositum illas non implendi, eo quod necessaria non sunt, aut eo quod graves non sūt. Secundo modo autè impeditur tendentia ad perfectionem per illud propositum, eo quod moraliter impossibile est, quod propter dicta non adsit culpa gravis. In qua doctrina vnum conceditur, & aliud negatur. Et ex illo, quod conceditur, constat verum esse id, quod diximus, videlicet, quod implicat modus ad perfectionem cum illo proposito. Sed transsecundo ad id, quod negatur, possumus datam solutionem impugnare ab insufficientia, & à falsitate, & hoc ex ipsa doctrina opinionis adversæ. Vnde contra talem solutionem

97. Disputo sic r. Per hæc quod religiosi teneantur ad consilia, ad quæ sæculares non tenentur, non salvatur distinctio, quæ inter eos datur, in hoc, quod non sæculares, sed religiosi teneantur ire ad perfectionem: ergo data solutio insufficientis. Prob. antecede. Potest sæcularis vovere aliqua, quæ aliàs sunt præcepta, quæ licet absolute præcepta sint; tamen ut elevata ad propriam materiam religionis, sunt consilia: sed sæcularis, qui his consilijs absolute, ex suppositione præceptis, teneatur, ex vi huius nullam specialem obligationem contraheret eundi ad per-

perfectiorem: Ergo potest secularis teneri ad consilia, quin ad perfectionem tendere teneatur. Consequenterque sicut illa obligatio ad ea, quæ aliis sunt consilij, non discernit illum ab alijs secularibus; sic nec ab illis fecernitur religiosus per consiliorum obligationem, quoad hoc, quod est obligari ad perfectionem. Min. in qua stare potest difficultas, probatur: Quia obligatio cundi ad perfectionem est propria status religiosi, ut patet ex definitione supra posita: ergo cum secularis ille per illam novam ad consilia obligationem non constituitur intra statum religiosum, nullam obligationem contrahit cundi ad perfectionem.

98. Disputo 2. Licet obligatio cundi ad perfectionem sit in religioso idem cum obligatione servandi vota, & observantias regulares suæ professionis, ut bene docet noster Curs. moral. est tamen diversa ab obligatione votorum, præcisive sumpta: ergo per hanc votorum obligationem præcisive sumptam, non discernitur religiosus à non religioso, quoad hoc quod est obligari ad perfectionem. Probatur antecedens primò: Quia potest secularis vovere paupertatem, & castitatem, & etiam obedientiam suo Episcopo, vel Directori; quin ut nuni. præcedenti dictum est, obligatus eo ipso sit ad eundem in perfectionem: ergo hæc obligatio diversa est ab illa; siquidem separatur ab illa. Probatur 2. illud anteced. qui violat obligationem cundi ad perfectionem non violat vota religiosa: ergo diversa est utraque illa obligatio. Probat. anteced. quia si vota violaret, vel essent omnia, vel aliquod: non omnia: quia non ire ad perfectionem, nullum commercium habet cum castitate, & paupertate, nisi illud non ire ad perfectionem, sit ob fractionem eorum, quæ ad hæc vota spectant. Sed nec aliquod: quia si obligatio illa foret idem cum obligatione votorum, non eorum aliquod, sed omnia frangeret, qui illam obligationem violaret.

99. Si dicas: Violator illius obligationis agere contra votum obedi-

tia. Contra est 1. quia si agit contra votum obedientia, & non contra alias ergo illa obligatio crit idem cum obligatione servandi, votum obedientia. Cur ergo dicis, quod est idem cum obligatione servandi omnia vota? Contra secundò: Quia votum obedientia non frangitur per illam omissionem ex speciali quodam motivo illam ad illud spectare faciente, sed ex generali circumstantia inventa in omni peccato: unde quæ contra paupertatem sunt, sunt etiam contra obedientiam; quia paupertas præcepta est; sed sicut ex hoc non sequitur, quod obligatio ad paupertatem non sit diversa ab obligatione obedientia: sic in nostro casu. *Cen- tra* 3. quia in seculari, uti diximus, potest dari votum obedientia, quod ibi separatum est ab obligatione nitendi ad perfectionem, eo modo, quo illam habet religiosus.

Si dicas, hæc obligationem esse propriam voti obedientia religiosa. Respondeo hoc dictum bifariam accipi posse. Primò, ita ut talis obligatio sit idem cum obligatione obedientia religiosa. Et hoc modo falsum est, quod dicitur: immo & contradicentem, qui illam obligationem eandem esse cum obligatione ad omnia vota, asserit. Secundò potest intelligi, ita ut ad obligationem obedientia religiosa quæ talis, subsequatur indivulsè illa obligatio. Et sic verum est, quod dicitur: si ad omnia vota religiosa extendatur. Ex votis enim religiosi resultat illa obligatio. Unde si vota religiosa sumantur, non solum secundum ea, quæ formaliter dicunt; sed etiam secundum ea, quæ radican- t, planè obligatio nitendi ad perfectionem invenitur in ipsis: hoc tamen nobis non opponitur.

Hæc dixerim, ut opinionem, quam circa hoc punctum defendunt Tamburin. Lezana, Barbosa, Silvester, Tabien. & alij plures apud P. Suar. tom. 4. de relig. lib. 1. cap. 4. qui sententia opposita magnus patronus est ad illam que adducere nititur Div. Thom. quod an assequatur, aliorum est iudicium, valde probabilem esse ostenderem.

Nobis



Nobis autem ad nostrum intentum sufficit, quod faciens propositum non observandi nisi obligationes graves, peccet; si vè sit ex vi huius obligationis, si vè aliunde. Ex quo enim graviter delinquit, ad perfectionem non tendit. Vnde tale propositum, dicimus, esse destructivum motus ad perfectionem. Quo supposito, videndum nobis est, quid ad argumentum num. 92. factum respondeamus.

§. IV. *Solvitur argumentum num. 92. positum, & obiectiones aliquot dissipantur.*

100. **A**D argumentum respondetur: Incompatibile esse cum ijs, quæ sunt propria status religiosi, illud propositum. Quippe status religiosus est status perfectionis acquirendæ, cum qua perfectione pugnat peccatum grave vnde cumque veniat. Quare negatur maior, non quia per tale propositum, seu consuetudinem, pereat status religiosus; sed quia non compatiantur in religioso cum obligatione propriissima status religiosi, videlicet, cum tendentia ad perfectionem. Est enim illud propositum lethaliter peccaminosum; atque ideo destruit in religioso status religiosi nitorem.

Ad vrgentiam, qua vititur P. Suarez, faciliter respondetur: Quod habens illam detestabilem consuetudinem, potest vtique sollicitare servare charitatem; hæc tamen sollicitudo ore tenus erit: re tamen ipsa charitatem destruit, ex quo illud propositum fecit. Ex tunc enim periculo proximo peccandi se exposuit; quod quidem peccatum procul dubio est, iuxta communissimum D.D. sensum, quibus prælu- xit David dicens Psalm. 118. *Appropinquaverunt persequentes me iniquitati, à lege autem tua longè facti sunt.* Idem enim esse asserit, longè à Dei lege, illam videlicet violando, fieri; ac iniquitati appropinquare. Et Ecclesiast. cap. 3. ait: *Qui amat periculum, peribit in illo.* Est ergo certum tale propositum

peccaminosum esse, si vè quia directè contrariatur obligationi nitendi ad perfectionem, si vè quia est moraliter impossibile tale propositum haberi; cum peccatum fiat, vel ob contemptum, vel ob ruinam, vel ob alia capita, quæ accumulunt Authores. De quo vidri possunt N. Curs. moral. Suarez, Sanchez, Caetan. Silvest. Bulembaum lib. 4. cap. 1. dub. 3. la Croix lib. 4. an. 58. & lib. 5. num. 214.

101. Contra hanc tamen doctrinam objicies 1. Nulla ex ijs obligationibus graviter obligat; ergo nec omnes. Anteced. est certum de ijs enim obligationibus loquimur, quæ vel solùm ad poenam, vel solùm ad culpam venialem obligant. Et consequentia probatur: eo enim quævis ex dictis obligationibus frangitur sine culpa gravi, quia non est præceptum graviter obligans ad illam observantiam; ergo cum non detur tale præceptum pro omnibus, etiam non obligant graviter.

Respond. neg. consequentiam: aliud iudicium faciendum esse de collectione, ac de quavis ex illis obligationibus, inde constat, quòd illæ obligationes, quæ tantùm poenales sunt, singulæ violantur sine omni prorsus culpa; earum tamen collectio, seu propositum illas omnes violandi esse sine culpa non potest, etiam apud Auctores sententia adversæ, qui in tali proposito de ordinationem specialem inveniunt, quæ non est in fractione vniuscuiusque ex dictis legibus. Nos autem collectionem legum poenaliū, & collectionem legum ad culpam levem obligantium, & potiori iure, collectionem ex omnibus dictis legibus non posse ex proposito violari sine gravi culpa propter dicta asserimus. Quæ rationes non militant in quavis illarum, vt quisque cognoscere potest.

102. Objicies 2. Actus voluntatis in tantum est peccaminosus, in quantum obiectum eius est pravum; sed obiectum voluntatis nolentis servare leges ad mortale non obligantes, non est pravum: ergo nec talis voluntas peccaminosa est. Cætera constant, & mi-

minor probatur: Quia tale obiectum non est prohibitum, nec extat præceptum illud prohibens: ergo.

Respond. omnia mai. negando minorem: ad cuius probationem dicasi: Quòd licet non detur præceptum graviter obligans ad executionem cuiuscumque ex ijs legibus; datur tamen præceptum prohibens illud propositum: ex quo enim tale propositum est occasio præcipitij proprii, ruinæ aliorum, aliæque hætenus dicta habet, est intrinsecè malum, repugnantque Deo, ac Religionis Patriarchæ, qui per collectionem omnium illarum legum maximum bonum intenderunt ipsi religioni, eiusque professoribus. Quod bonum colligere non potuerunt ex vna, vel ex altera lege. Vnde qui vnam, vel alteram frangit, non opponitur illi maximo bono, cui omnium violatio contradicit. *Omissimus* maiorem, quia non est vniversaliter vera: quia potest obiectum bonum attingi negligenter, vel inordinatè, vel ob prævum finem, tunc que actus voluntatis peccaminosus est, quamquàm obiectum sit bonum.

103. Dices contra principalem solutionem: Violare omnes leges sine dicto proposito non est culpa gravis: ergo nec violare illas omnes cum illo proposito. Vtraque propositio probanda est: & primò probatur antecedens: Nulla ex ijs legibus obligat sub mortali: ergo omnium fractio mortale non est. Patet anteced. loquimur enim de legibus, vel ad nullam, vel ad solam culpam venialem obligantibus. Et consequentia probatur: Quia cum leges violatæ leves sunt, & aliàs eorum violationes non continuantur moraliter, nunquam possunt toties, vel tot leges violari, quòd inde gravis culpa resultet: ut patet in eo, qui levia mendacia eructat: è contra autem, quia furta levia moraliter continuari valent, multoties pervenit ad furtum leve, quod grave peccatum est: sed leges, de quibus disputamus, sunt leves, & fractio earum non continuatur moraliter: ergo. Deinde probatur principalis consequentia: Quia dictum propositum nul-

lam specialem oppositionem dicit cum illo maximo bono intento à Religionis Fundatore, quam non dicat fractio omnium legum: sed fractio omnium legum sine illo proposito non opponitur bono illi: ergo nec cum proposito.

Respond. 1. cum Eliz. apud citatum la Croix, negando suppositum antecedentis. Implicat enim, ait, violatio omnium legum sine proposito virtuali, ac interpretativo: quod propositum in moralibus æquivaleret formali.

Respond. 2. quòd violare omnes leges non obligantes ad mortale, vel earum plures ex consuetudine, stare non potest sine culpa gravi, quicquid sit, an ibi interveniat, vel non interveniat propositum. Ratioque ea est, quia ex hac adeò ampla violatione, & consuetudine, eadem inconvenientia sequuntur, ac ex violatione illa cum proposito, ut passim citati Authores pòderant. Peius est frangere illas leges cum dicto proposito: sed hoc non tollit, quòd sit malum valde grave illas ex consuetudine violare. Quod ex dictis notissimum est.

104. Placet tamen vberioris doctrinæ causa, sic discurrere: Potest vnus religiosus violare ex industria, & consuetudine omnes suas leges non obligantes ad mortale, sine gravi culpa: immo gradiens ad perfectionem: ergo hoc idem possunt facere duo religiosi. Ergo & tres. Ergo & omnes. Anteced. conceditur ab illis, qui dictum propositum, & violationem omnium legum levium, veniale peccatum reputant. Prima consequentia ex antecedenti est infallibilis, sicut secunda ex prima, & ex vtraque tertia: quia, teste Philosopho, ubi pluralitas non obest, neque infinitas. Quamobrem si vera sententia opposita foret, dari posset religio cuius omnes professores nullam ipsius legem, non obligantem ad lethale, non violarent: & nihilominus omnes illi gratia decori ad perfectionem charitatis graderentur. Quod in nostra discalecta familia facilimum foret: quandoquidem omnes suæ leges sunt pœnales, & regula solummodo ad veniale obligat. O perfectio, nullatenus amulanda ab ijs,

ijs, quibus imperatur, ut meliora charismata æmulentur! O perfectio neutiquam admittenda ab ijs, quos sua consideratio ad valvas mortis constitutos habet! Iugum Christi suave credo, sed iugum. Onus Domini leve credo, sed onus. In hac autem pulchra perfectionis via video suavitatem, sed iugum non inspicio: levitatem agnosco, sed onus non contemplor.

Scire vellem ab hac perfectionis viam sternerentibus, an isti religiosi, qui ex industria omnes suas leges ad mortale non obligantes violant, mali sint, an virtuosus? Virtuosos esse dicent, cum tendere ad perfectionem asserant. Sed Div. Thom. eos iniustos, ac malos appellat, ex quo non nisi coacti à superioribus leges, quibus subdunt, servant. Sic enim ait Sanctus Doct. 1. 2. q. 96. art. 5. in corp. *Dupliciter ergo aliquis homo potest esse legi subiectus. Vno modo, sicut regulatum regulæ: & hoc modo, omnes illi, qui subduntur potestati subduntur legi, quam fert potestas :::: Alio vero modo dicitur aliquis subiectus legi, sicut coactum cogenti: & hoc modo homines virtuosus, & iusti non subduntur legi, sed soli mali, quod enim est coactum, & violentum, est contrarium voluntati. Voluntas autem bonorum consonat legi, à qua malorum voluntas discordat: & ideo secundum hoc boni non sunt sub lege, sed solum mali.*

Vide, quomodo Div. Thom. non inter virtuosos computet, sed numeret inter malos, eos, qui suis legibus obedire renuunt, quos tu dicis, recto tramite tendere ad perfectionem. Vanè ergo tot capita regulæ, tot constitutionum capita sancta forent, si sine alicuius observantia ad perfectionem iretur. Quam benè apud Sapient. cap. 6. v. 19. dicitur: *Cura ergo discipline, dilectio est: & dilectio custodia legum illius est: Custodia autem legum, consummatio incorruptionis est. In corruptio autem facit esse proximum Deo.* Vbi per sortitem, seu gradationem à desiderio, & solitudine sapientie transitur ad dilectionem Dei: à Dei dilectione ad legum illius custodiam; à custoditione

legum ad vite perfectionem, & ab hac ad unionem cum Deo. Hoc est tendere ad perfectionem, alius autem eundi modus me latet.

105. Sed multus sum: Ad intentum rediens dico, quòd sicut propositum de non servando leges omnes leves non potest non esse graviter peccaminosum: sic consuetudo omnes illas si angendi: quandoquidem eadem inconvenientia sequuntur in utroque casu: proptereaque in præcedentibus indifferenter de consuetudine, ac de proposito locuti sumus; quia quoad præsens idem prorsus sunt. Ut autem hac penitus declarentur, placet docti P. Thomæ Sanchez solidissimam, æquè ac prudentissimam doctrinam audire. Sic enim ait sapiens hic Doct. cap. 4. citato, num. 20. Vnde necessario dicendum est, inter ea statuta, ad quorum singula determinatè non tenetur religiosus sub mortali, teneri ad aliqua vagè sub mortali; quæ obligatio nascitur ex præcipua votorum obligatione, quæ obligat ad perseverandum in religione absque notabili detrimento, & ruina illius, & periculo transgressionis votorum, quod constat ex dictis num. præcedenti, & 18. Hæc gravis iste Theolog. numeris à se citatis videndus, ubi cum pluribus Theologis hoc ipsum aperit, ita ut non mireris nostrum Lezanam illum inter Authores nobiscum sentientes computare.

106. Ex dictis necessarium non esse ducimus, singillatim solvere obiectionem, quam aliqui faciunt ex auctoritatibus Div. Thom. quem expressè esse contra nos, dicere non formidant. Sanctus enim Doct. 2. 2. q. 186. art. 9. in corp. dum docet quòd transgressio legis ad mortale non obligantis non est mortale, loquitur de ijs legibus divise sumptis; non autem de ipsarum collectione, etiam absente proposito, & multò magis eo præsentem. De legibus enim his sic consideratis, non est de mente Div. Thom. non esse peccatum grave earum transgressio: cum potius doceat peccatum esse, ut postea videbimus. Similiterque videbimus postea

num sensum eorum verborum, quæ modò contra nostram resolutionem obijciuntur.

*§. V. Per observationem regulae,  
& constitutionum rectè tendit  
ad perfectionem Professor  
familia nostra.*

107. **C**onsideramus adhuc Carmelitani Discalceatum secundùm ea, quæ ipsi competunt quatenus religiosus est: ad omnem quippe religiosum attinet tendere ad perfectionem per ea media, quæ professus est; quæ quidem in regula, & constitutionibus continentur. Quod autem asserit præsens verum sit, constat ex supra posita status religiosi definitione, in qua traditur, quòd religiosus, ut verè talis sit, debet promittere tria vota substantialia, non solum in religione approbata, sed etiam *sub regula determinata*. Vnde prudenter apud citatum la Croix dicitur num. 60. Religio ab Ecclesiâ non admitteretur, quæ tantum tria vota profiteretur, sine peculiaribus regulis, eius finem complectentibus; sic enim finis castitatis religiosæ non est honestas præcisè castitatis, sed simul facultas liberius vacandi Deo, & divinis, ut ex Apostolo expressè docet Sanct. Thom. quem refert Eliz. q. 15. §. 1. Similiter paupertas, & obedientia non haberent rationem virtutis perfectæ, & religiosæ, si in ipsis sisteretur: sed illam habent, quia sunt media ad aliam perfectionem, veluti finem tali statui religioso præfixum. Hæc ibi. Videatur N. Curs. moral. & Authores ab ipso adducti. Hoc idem docuit Div. Thom. citatus art. 2. ubi in fin. corp. ait: Religiosus non tenetur ad omnia exterioria, quibus ad perfectionem pervenitur: sed ad illa, quæ determinatè sunt ei taxata secundum regulam, quam professus est.

In quibus duo ponderanda sunt. Primum est, religiosum quemlibet non teneri ad omnia consilia, quibus ad perfectionem itur: sed teneri ad ea, quæ

*sunt ei taxata secundum regulam, quam professus est.* Et est hoc secundum, quod ponderandum est in verbis D. Thom. Dantur enim plurima consilia, quæ omnia, si omnes religiosi observare vellet, potius causaretur ecclesie, quam assequeretur perfectio: propriè quæ asserit Aug. Doct. quemvis religiosum ad omnia consilia non teneri: unde, ut perfectionem assequatur, sat ei sit observare, quæ promittit.

108. Consonat Legislator noster 1. p. cap. 1. num. 4. moriens: *Quarè, cum impossibile sit, unum, evadereque statum a quo cunctis fulgere virtutibus: qui voluerit esse perfectus, eis, quæ suæ vocationis, & instituti propriæ sunt, diligenter amplectatur: nè dum omnes insequitur, nullam integrè consequatur.* Vnde maxime prope laborandum est religioso, ut per obligationes sibi proprias ad perfectionem nitatur: alia vero consilia, quæ sui instituti propria non sunt, alijs aliam religionum professoribus derelinquat. Sinâque Jesuita vellet redimere captivos, aut Carthusianus instruere in litteris juvenutem, uterque sanè contra finem sibi in professione præstitutum procederet: quarè tota nocte laborantes nihil à se captum deplorarent.

109. Id ipsum, quod de consilijs, quæ non sunt religioso *taxata secundum regulam, quam professus est*, diximus; proportionabiliter de omnibus ijs, quæ sunt taxata secundum regulam, affirmamus. Quippe licet illa omnia conveniant omnibus professoribus illius regulæ, in qua taxantur: non tamen ita omnibus obligant, ut singuli omnia illa exequi teneantur. Teneantur certè ad non se indisponendum, ut si ipsis imperetur executio cuiuscumque ex illis consilijs, obtemperent. Sed sine hoc imperio ad omnium executionem non teneantur. V. C. in religione taxatur obligatio audiendi confessiones, prædicandi Evangelium, ministrandi infirmis, aliaque huiusmodi faciendi. Regulæ, in qua hæc taxantur, professor non potest se ad aliquod eorum indisponere: sed debet esse paratus ad

exequendum quodcumque sibi impetur: sin minus criminis reus erit iuxta Div. Thom. art. 9. citato, vbi locutus de transgressionem harum legum divisivè sumptarum, ait: *Aliorum autem transgressio non obligat ad mortale, nisi propter contemptum regule, &c. Vel propter præceptum, sive ore tenus à Prælo factum, sive in regula expressum, quia hoc esset facere contra obedientie votum.*

Cum hac tamen non indispositione, quam habere debet, non tenetur ad executionem eorum omnium, quæ diximus: sed suo muneri satisfacit, si studeat infirmorum assistentiæ, vel prædicationi. Sic enim verificatur, per media sibi propria quærere perfectionem, & nullum respuere; cum sit paratus ad omnium executionem: ac denique bonum à Patriarcha intentum salvatur etiam: quippe cum sui sectatores plures sint, isti hac, illac illi ipsius vestigijs insistentes omnia ab illo tradita, complent.

110. Nec solummodò in regula, & constitutionibus continentur media, quibus religiosi ad perfectionem nituntur: quia licet authores materiam præsentem versantes mediorum solum meminerint. Nos autem non possumus finis intermedij non meminisse. Quod si authores alij finem intermedium cum medio merè tali confundunt, improprie loqui, negare haud poterunt. Itaque sicut datur causa efficiens penitus, absoluta, nempe prima, & effectus, qui nullatenus habet rationem causæ, ac insuper datur causa efficiens, quæ ita est causa relatè ad effectum, ut pariter sit subordinata primæ causæ, qualis est causa secunda: sic etiam datur finis ultimus, qui ex eo, quod ultimus est, eligitur præcisè propter se: datur etiam medium, quod ita medium est, ut non possit appeti propter se, sed gratia alterius; & hoc est purè medium, siquidem solum habet rationem utilis. Et insuper datur medium, quod ita est vile; ut sit etiam appetibile propter se. Ex hoc dicitur, & est finis intermedius: quatenus intermedius est, explicat ra-

tionem utilis ad alterius finis consecutionem: aut quatenus finis est, appetitur propter se, terminaturque actum intentionis, quia finis propriè, & rigorosè est; sicut causa secunda, est verè, ac rigorosè causa.

Tota hæc doctrina verissima, & communissima est, de illaque aggregè disputant Salmant. nostri tract. 8. disp. 3. dub. 1. & 2. Et secus dum hanc ipsam Theologiam diximus supra disp. 9. contemplationem divinam fore honestam, delectabilem, ac vilem: ac per consequens fore finem intermedium, quia ita ducit ad perfectionem charitatis, ut ipsa etiam sit diligibilis propter sui honestatem, delectabilitatemque.

111. Applicantes autem doctrinam hanc materiæ, quam veramus, dicimus, religiosos omnes habere pro fine ultimo sui religiosi instituti perfectionem charitatis, ad quam ire tenentur sub mortali, ut constat ex præcedentibus. Habent etiam media in suis regulis taxata, ex quibus ad aliquam, etiam divisivè sumpta, tenentur sub mortali: & hæc sunt tria vota substantialia, & si quæ alia sub gravi supplicis poenæ præcipiantur: ad alia verò divisivè sumpta, ac secluso contemptu, alijsque de quibus iam nobis sermo fuit, non tenentur sub mortali, sed vel sub veniali, vel sub nulla culpa, sed solum ad poenam. Ultra hæc autem habent suum finem intermedium, à quo propriam speciem habent: atque adeò unitatem, & distinctionem. Quippe plures è Sacris Religionibus specie inter se differre, negabit nullus cordatus. Hæc diversitas venari non valet à fine ultimo, nempe à perfectione charitatis, cui omnes inhiant. Est enim per se notum, diversitatem in aliqua provenire non posse ab eo, in quo conveniunt. Vnde cum in hoc, quod est tendere ad charitatis perfectionem omnes Religiones conveniant; ab hoc omnium illorum fine diversitatem specificam in ipsas refundi non posse, est plusquam certum.

Sed nec à medijs valet hæc differentia desumi. Ratio est: quia media

vel considerantur secundum se, vel ut subsunt finis ultimo. Si secundum se considerentur, diversitatem specificam impertiri non valent: quia est penitus extra lineam medij, absolute, seu ex se, inspecti, quod impertiat speciem. Si verò media, quibus ex sacre familie vtiuntur, sumantur, ut subsunt ultimo finis: adhuc illas familias sacras specificare non possunt, quia licet illa media ad invicem diversa sint, conveniunt tamen in hoc, quod est querere ultimum illum finem. Vnde ex hac parte non possunt diversitatem tribuere. Præterquam quod si finis ultimus non potest illam diversitatem communicare: consequens est, quod nec media, ut illi subsunt, eam impertiantur. Sic docent Salmant. nostri tract. 20. disp. 2. dub. 3. num. 22.

112. Vnde relinquitur, quod à fine proximo habeant familie religio- sue suam speciem, & quod per illum differant adinvicem. Sic statuit D. Thom. 2. 2. q. 188. art. 1. quem sequuntur laudati Salmant. Consequenterque ex religiones differunt essentialiter, quæ habent diversos fines proximos: illæ verò, quæ eundem finem proximum habent, essentialiter non differunt, tametsi habeant diversa media: hæc enim thediorum diversitas diversitatem solummodo numericam refundit.

113. Fines intermediij sacrarum religionum reducuntur ad illud principium, à quo actus vitæ humanæ salutare sunt, quod est charitas. Suprà enim divisimus vitam humanam in activam, & contemplativam, & mixtam ex utraque: secundum quod charitas est dilectio Dei; sicque datur vita contemplativa: & est dilectio proximis: sicque habetur vita activa: aut denique adunat studium diligendi Deum, & proximum; & sic datur vita mixta ex activa, & contemplativa. Hæ sunt viæ, quibus fideles ad regna fyderea fulgidi gradiuntur. Nec sine illis patet aditus Omnipotentis Olympi.

114. His ergo vias, quas Christi lustrant sine firmitate voti, ac pulchritudine status, elevant religio-

ad classem religionis per vota religiosa, quæ emittunt. Viæ eadem sunt, quia, ut dictum est, non dantur aliæ; est vinculum est superioris spheræ. Hincque fit, quod, emissa professione, amittat religiosus libertatem illam, qua fruebatur, scilicet, tradendi se vitæ contemplativæ, aut activæ, perseverandique vel semper, vel ad tempus in ea, cui traderetur. Emissa quippe professione, iam tenetur exercere illam vitam, quæ propria est regulæ, quam professus est. Quod ex dictis notum est: etenim si religiosus tenetur ad media, quæ ei taxantur in regula, quam proficitur: multò magis tenetur ad finem intermedium; quia hic finis est, ut diximus, qui constituit illum statum, & in quem omnia illa media revocari debent; fin minus nec media propriè erunt, nec ad illam religionem diservire valebunt. Quare si religiosus tenetur sub mortali ad collectionem mediorum, quæ subtaxantur, & ad non habendum propositum violandi illa: à fortiori tenetur sub mortali ad non violandum finem intermedium. Cuius ratio ea est: quod sine medijs omnibus taxatis in regula subsistere potest religio; siquidem ab ijs non habet speciem, ut dictum est; at sine fine proximo salvari nequit, ut de se patet; sed etiam si subsistere valeat species huius religionis sine ijs medijs, tenetur religiosus ad eorum collectionem, & ad non habendum propositum contra illorum observantiam; ut si fusc dictum est: ergo vrgentiori motivo tenetur ad non violandum finem proximum.

115. Si ergo multiplicitas religionum declumenda est ab illa triplici vita, triplex genus datur sacrarum religionum: nam aliæ sunt purè contemplativæ; ex, videlicet, quæ vitæ purè contemplativæ student: aliæ sunt propriè activæ; illæ, scilicet, quæ proximorum utilitati penitus mancipantur: aliæ denique sunt mixtæ ex contemplatione, & actione; & hæc sunt illæ, quæ vitam ex utraque profitentur compositam. Religiones purè contemplativæ non differunt essentialiter inter se: quia ex vna

vna parte finis proximus est idem, nempe contemplatio, & ex alia media essentialem diversitatem refundere non valent: vnde solum accidentaliter differunt ob mediorem diversitatem. Purè autem activæ solum genericè conveniunt: quia habent fines proximos specificè differentes. Alius est enim finis proximus religionis infirmis opitulantis, à fine proximo religionis iuventutem instruentis: atque ideo diversæ specificè sunt illæ familiæ, & sic de alijs. Sic docet Div. Thom. in 3. dist. 35. q. 1. art. 2. quæstiunc. 3. iam alibi datus, per hæc verba: *Ad 1. dicendum, quod actus vitæ activæ non habent ex se ipsis ordinem, sicut actus vitæ contemplativæ, vnde non potest dici simpliciter loquendo, quod consistat in aliquo principaliter, sed quoad aliquem consistit principaliter in hoc, in quo ille magis exercitatur: sicut quidam magis insistant operibus iustitiæ, quidam vero operibus temperantiæ, & sic de alijs.* Religionis mixtæ differunt specie a purè contemplativis, & à purè activis: ab illis per id, quod habent de actione, & ab istis per id, quod de contemplatione habent. An autem ipsæ religiones mixtæ differant essentialiter inter se? Vide P. P. Salmant. citatos num. 23. & 29. dicque, quod si actiones, quas illæ religiones inspicunt, constituunt diversos fines proximos, ex religiones specie differunt: non autem si actiones illæ fines proximos non constituunt, cuius ratio ex dictis nota est.

116. De perfectione religionum eo modo philosophandum est, ac de perfectione vitæ; quæ est earum finis proprius. Vnde sicut vitæ activæ præstat contemplativa, & utriusque vitæ, quæ ex utraque componitur: sic etiam religio purè contemplativa est simpliciter perfectior, quàm activam, quibus simpliciter perfectior est religio mixta ex contemplativa, activaque. Quod ex dictis perspicuum est. Siquidem religio purè contemplativa constituitur per habitudinem ad contemplationem, & purè activa ad actionem, & mixta per habitudinem ad constatum ex contem-

platione, & actione resultans: sed contemplatio est simpliciter perfectior actione, & constatum resultans ex actione, & contemplatione, est simpliciter perfectius qualibet ex illis, ut lulsissimè probatum est disput. præterita: ergo religio mixta est perfectior, quàm purè contemplativa, & hæc simpliciter excedit activam.

In quo autem consistat, quòd religio mixta sit, diximus dicta disput. num. 31. in qua etiam disputatione plura diximus, quæ hic repetere non est opus. Aliaque, quæ pro præsentis materiæ intelligentia dici poterant, videntur apud laudatos P. P. Salmant. Nobis verò dicta sufficiant pro firmando præsentis asserto: videlicet, quòd *nostræ familiæ professor recte tendit ad perfectionem per observantiam regulæ, & constitutionum.* Quandoquidem in eis ultra ea, quæ sunt essentialia statui religioso, ut tali, continentur, quæ ad essentiam talis religionis spectant, cuius constitutum est finis proximus. Vnde sicut nostræ regulæ professor, quàm religiosus tenetur observare, quæ constituunt statum religiosum: sic quia talis speciei religiosus tenetur observare id, sine quo species sui status subsistere nequit. Quare sive ille finis immediatus sit mixtus, sive purè contemplativus; aut purè activus ad eum observandum tenetur, nec; emissa iam professione; potest circa hoc deliberare.

#### §. VI. Finis proximus nostræ sacræ religionis est mixtus ex contemplatione, & actione.

117. **H**Actenus consideravimus professores nostræ sacræ familiæ ut religiosos, nempe secundum ea, quæ omni religioso sunt communia: exinceps verò illum, ut ad determinatam religionem spectantem contemplamur. Dicimusque, finem immediatum sui status esse mixtum ex contemplatione, & actione. Quiaque de actione nulla circa hoc premit nos difficultas in præsentem, nec, urgebit in futuro: propterea

terea debemus supponere hanc asserti partem, nihil de illa dicendo, nisi quando authoritas aliqua de actione loquatur, aut si virgens aliqua occasio posu- laverit.

Igitur finis immediatus nostræ sacre religionis est contemplatio, quod sic probatur. Nostra sacra religio est simpliciter contemplativa: ergo finis proximus, per habitudinem ad quem constituitur, est contemplatio. Patet ista: quia à fine proximo habet religio speciem, & nomen, atque adeò nulla Religio potest esse, nec dici contempla- tiva, nisi à contemplatione; sicut non potest esse, nec dici activa, nisi ab actione. In probatione autem antecedentis totus hic §. occupatur.

118. Probat. ergo 1. ex Seraph. Matre nostra, quæ lib. de itin. perfect. cap. 4. ait: *Assuescitur solitudini est magna res orationi: quia ergo hoc debet esse fundamentum huius domus, & ad hoc, potius quàm ad aliud congregata sumus: opus est studere solitudini, quæ ad orationem magis, quàm alia præstat.* Suis filiabus loquitur alma Doctrin. in monasterio Abulenſi Div. Ioseph, totius reparati Carmeli sacra origine, & ins- truit eas, vt sint solitudinis studiosæ; quia solitudo maximè conducit ad ora- tionem mentalem, quæ tunc, & postea debet esse præcipuum Carmelitarum pabulum, sui que instituti fundamen- tum. Clariùs adhuc loquitur Seraph Doctrin. in aſſione 5. cap. 1. dicens: *Quãvis omnes quotquot induimur sacro hoc habitu Carmelitico vocamur ad oratio- nem, & contemplationem, quia hoc prin- cipium nostrum fuit, ab hac stirpe ortum ducimus; ab illis, scilicet, Sanctis Pa- tribus nostris montis Carmeli, qui in adeò magis solitudine, & cum adeò magno mundi contemptu, inquirebant hunc thesaurum, hanc pretiosam mar- garitam de qua loquimur, &c.* Clarissi- mè Sanctissima Virgo docet, nostram familiam contemplativam esse; siqui- dem eius professores, dum ad eam Dei indulgentia vocantur, vocantur sanè ad orationem, & contemplationem. Et abs dubio non vocantur ad orationem,

& contemplationem; si Religio ipsa, ad quam vocantur, non esset simpliciter contemplativa.

119. Post Seraph. Theresiam Se- raph noster Doctor ingreditur eandem veritatem docens: Immo & Religio to- ta. Erat hæc in suo Capitulo congre- gata sub P. Fr. Hieronymo a Matre Dei, ad annum Christi 1576. In eo capitulo actum inter alia fuit de decla- ratione finis proximi, ac immediati nostri renovati Carmeli. Ex gremiali- bus vnus erat N. Seraph. Parens, qui alto spiritu docuit, familiam nostram esse simpliciter contemplativam. Et quamquàm, sicut & alie familie men- dicantes, proximo subvenire debeat, principalis tamen ipsius sollicitudo, de- bet esse studium contemplationis. Sic refert Veridic. ac Ven. N. Historio- graph. lib. 3. cap. 51. num. 3. ex quo constat, de mente nostri Theodidacti Doct. esse, quæ modò asserimus.

Verùm quia diximus, totam familiam nostram in hoc etiam in dicto capitulo conspirasse, postquàm audi- vimus dictum nostri Parentis Extar. æquum est, vt alios sibi contradicentes aut culmeus. Ex aduerso erat Capituli Præses, quem alij plures sequuti sunt; qui asseruerunt, nostram Religionem esse simul contemplativam, & activam: ita vt principaliter, & ex æquo respec- tiat orationem mentalem, & actionem: illam ex vi regula, in qua tantum com- mendatur hanc, quia est vna è mendi- cantibus familijs. Hic duplex discuti- endi modus fuit omnium illorum Ve- nerabilium Gremialium; nam alijs pla- cuit primum dictamen nostri Mystici Doct. alijs verò Præsidis dictamen ar- risit.

120. In qua concertatione dno ponderanda sunt. Primum est id, quod iam suprà dicebamus, videlicet, totam familiam tunc temporis inibi congre- gatam, censuisse nostram Religionem esse verè, & propriè contemplativam: nec de hoc fuit aliqua disputatio, om- nibus idem sentientibus. Disceptatio fuit circa actionem, an æquè, an minùs principaliter conveniat. Secundum, quod



quod ponderari debet, est; quod Myst. nos. Doct. veram doctrinam amplexus est. Quod certe oppositori non accidit. Quis enim vitam activam, & contemplativam illo adeo intimo vinculo foederavit, ut simul aequè principaliter possint respici? Vere nostrum salmant. num. 29. citato tale lœdus phantasiæ simulacrum solidissimè prouant. Tum quia contemplatio, & actio in recto sumptæ sunt duo fines totales, ac inter se neutiquàm subordinati: ergo nequeunt respici ab eadem specie Religionē. Patet ista, quia idem constitutum non potest constitui à duplici constitutivo totali, & non subordinato. Tum quia media idonea ad habendam, conservandamque contemplationem, sunt è diametro opposita medijs, quibus actio, vt finis principalis intenditur. Vnde si Religio æquè principaliter foret actiua, & contemplatiua, ijs medijs, adeo pugnantibus, vteretur. Ex quo vsu abusus maximi nascerentur: quales discalceata nostra familia experta est, ex quo in dicta congregatione Praesidis dictamen prævaluit. Eorum iſtibus familia penè exorta periret, nisi Omnipotens de remedio per Mag. Patrem Fr. Nicolaum à Jesu Maria misericorditer provideret.

121. Post dictam congregationem tota etiam Religio nostro Extat. Doctori subscriptis, & sum circa hoc dictamen, accedente approbatione Summi Pastoris, nobis semper revelat in nostris constitutionibus 1. p. cap. 1. num. 4. vbi ait: *Præterea, cum Sacer. Ordo: noster ad excolendam vineam Domini, ab Ecclesia Sancta vocatus, ac Sanctorum Patrum Prophetarū Eliæ, & Elisi, aliorumque vestigijs inhaerendo, non solum Cælesti contemplationi insistant, sed & profectibus ingiter vacent animarum, tam contemplationem, quam actionem (licet non ex æquo) complectitur: nam illam, vt finem potissimum, hanc verò quasi illi annexam, respicit. Inter quæ hoc vnum interesse decernimus: nam contemplationem, & medijs, quæ ad illam nos ducunt, summo conatu semper intendere, & proficui debemus.*

quicquid verò nos inde diuerit, quamvis aliàs magnum videatur, qualis est animarum zelus, nisi de superiorum obedientia susceptus, non arumque legum dispositione seruata, prætermittendum est.

Clarissimè ergo Legislator noster familiam nostram simpliciter, ac præcipuè contemplativam esse docet, quod etiam initio illius cap. num. 1. tradiderat per hæc verba: *Præmissus igitur, & præcipuus propositi nostri finis, est charitas: ad quam, velut ad præceptorum finem, alia omnia in Religionibus; maxime trium votorum solemnium observatio, merito ordinantur. Proprius verò, & peculiaris instituti nostri scopus, ad quem actiones nostræ sunt dirigendæ, est ingis oratio, & diuinarum assidua meditatio. Hoc est, vt mens nostra, quantum humane fragilitati permittitur, Deo, ac diuinis rebus, perseueranter inhaereat. Quibus nos instruit quæ Monachos, & quæ Carmelitas. Sub prima cōsideratione ostendit, nostrum finem esse charitatem, ad quam perfectè assequendam nitimur per observationem trium votorum solemnium. Sub cōsideratione autem secunda, noster finis principalis est contemplatio, ad quam nos, omniaque nostra dirigenda sunt.*

Hoc ipsum docent Pontifices Sum profeſsores nostræ Religionis contemplativos dicentes. Clemens 8. ad Sciahabum Persarum Regem scribens, ac de nobis sermonem faciens, ait, Carmelitas nostros constitutiones habere, quibus illis in primis præcipitur, vt summam obedientiam, perpetuam paupertatem, & castitatem seruent: deinde vt in lege Domini meditatores contemplationi, & orationi vacent. Hæc Clemens 8. Romæ apud Sanct. Marcum die 2. Octobris ann. 1604. Similia habet Paul. 5. ad Ferdinandum Episcop. Colon. in suis lit. datus Tusculi septimo Kalendas Junij ann. 1612.

Vel ipsi Patres Carmelitæ de observantia contemplativorum nomen nobis liberali manu concedebant, cum nomen *Excaltatorum* tumulare anhelantes

lantes totius reformationis ruinam penitentes moliebantur, vt lib. citato cap. 50. num. 3. asserit Historia nostra. Quæ etiam videri potest lib. 1. cap. 48. num. 3. vbi nostram regulam esse regulam contemplativorum adstruitur.

Accedunt omnes nostri Scriptores eandem veritatem affirmantes. Patres Salmant. citati, Cursus moral. Thom. à Jesu, Franciscus à Sanct. Elia, & alios adducēs Director. regularium part. 2. tract. 3. disp. 6. sect. 2. num. 247. vbi ait: *Proprius, & peculiaris religionis, & regulæ nostræ finis, & scopus, ad quem actiones nostræ sunt dirigendæ, est ingis oratio, & divinorum assidua contemplatio, simul cum actione, qua profectibus animarum vacare profitemur, non ex æquo, sed actionem minus principaliter amplectendo.* Hæc pauca, quæ in hoc §. scripta sunt, offerre placuit pro huius materiæ intelligentia: quilibet mora hæc in re adeo perspicua forsam apparebit superflua, nobis autem necessaria visa est.

### §. VII. *Professor nostræ regulæ tenetur ad orationem pure mentalem.*

122. **I**am incipiunt mysteria. Sed antequàm asserunt probemus, explicari debet: quod, vt congruè fiat, digredi aliquantulum opus est. Itaque Carmelitæ à sui exordio non habuere regulam scriptam, sed Mag. Eliæ statuta, primis viva voce tradita, & in alios per traditionem derivata, fuere omnibus regula, normaque vivendi: quod expressè tradit S. P. N. Cyrillus, sacri Carmeli montis quondam Prior, in epist. ad Abbatem Joachim, vbi ait: *Sacri huius Religionis professores institutionem suam in Divina Scriptura, tamquam in ameno paradiso speculabantur, à Prophetis commendata, & multis sacrorum voluminum testimoniis approbata. Ex quibus dicti Professores diversos profundæ sapientiæ tractatus deducebant, quibus tamquam copiosis dapibus reficiebantur.*

Eandem veritatem docuit Trithemius lib. de laudib. Carmelit. cap. 4. dicens: *Sancti enim fratres, qui in monte Carmelo iuxta fontem Eliæ ante Christi natiuitatem habitabant, regulam scriptam habuisse non leguntur, sed ipsæ norma, & regula sibi fuerant, qui exemplo Eliæ concorditer vivebant.*

Clarius adhuc loquutus est Joan. Patriarcha Hierosol. lib. de instit. Monachorum cap. 16. vbi inter alia habet. *Omnes quippe huius religionis veri sectatores, tam in monte Carmeli, quam alibi habitantes, profitentur, se humiliter sequi illam sanctam vitam, & propheticam iustitiam vitæ monasticæ, quæ Propheta Dei Elias servavit, & instituit, ac quam esse sequendam, ipse secundum formam à Deo sibi traditam, verbo, & exemplo, discipulis suis tradidit, & in Eremito montis Carmeli residendo docuit maxime, ac demonstravit.*

Sicque per multa sæcula vixere; interdu additis aliquorum eiusdem professionis tractatibus eo fine editis, vt facilius possent ea, ad quæ tenebantur, intueri; donec Caprasius Carmeli montis fulgor ingens ab eodem Joan. Hierosol. *Flagitavit*, (verbis vtor laudati P. nostri Cyrilli, quæ extant in speculo ordin. lib. 8. à cap. 1.) *vt quæ de institutione huius religionis, & primis eius fundatoribus, & de perfectione ad exemplum eorum acquirenda frequenter disserterat, dignaretur sibi, & suis consortibus breviter reddere in unum volumen, in quo omnia per ordinem intuerentur, ne oporteret, eos librorum numerositatem evolvere.* Joannes ergo cernens, quod propter occupationem suscepti officij non posset ulterius ingem in monte Carmeli residentiam trahere, quod Caprasius ab eo flagitaverat, opere complevit. *Scriptis enim eloquio, & litteris græcis in quodam libro primariam nostræ Religionis institutionem, & fundatorum eius dignitatem, atque priscorum professorum gesta sancta, & gloriosas virtutes, exterioremque habitus ornatum. Præterea prædictus Ioannes brevi, & lucido eloquio ordinatè descripsit successores dictorum Patrum in illo*  
libro.

libro, ut tamquam in nitido speculo institutionem suam intuentes, eam observare propensius conarentur, & sanctam vitam, ac virtuosos mores dictorum Patrum ex totis precordiis imitarentur. Quem librum ipse Ioannes sodalibus suis religiosis eremitis montis Carmeli legendum, & observandum tradidit tempore Honoris Imperatoris ann. Domini 412. Et ex tunc Professores nostrae Religionis satagerunt ad perfectionem, & finem vitae solitariae tendere secundum formam institutionis Prophetae Eliae per dictum Ioannem in praefato libro descriptam.

Hanc ergo vitae religiosae normam litteris graecis traditam observare Eliae successores usque ad Aymericum sedis Apostoli in terra Sancta Legatum, qui intelligens. (prosequitur S.P.N. Cyrillus) quosdam eorum, qui ex Occidente super venerant spiritus seniorum monitis, non recte ambulare ad veritatem religiosae vitae Eremiticae in praedicto Ioannis libro descriptae: & perpiciens, hoc ideo maxime contingere, quia graecas litteras ignorantes nesciebant codicem illum legere: fecit librum illum de graeco in latinum transferri. Qua de causa praefatus Aymericus a pluribus Authoribus, ut Ordinis reformator habitus est: cum certe nihil aliud fecerit, quam dictam versionem. Sed quicquid de hoc sit. Ab anno 412. in quo Ioannes Patriarcha regulam dictam dedit idiomate graeco, duravit talis regula in illo idiomate usque ad Aymericum, qui illam in latinum transtulit circa annum Domini 1150. Postea vero anno 1171. Albertus Patriarcha ex suis experientiis in Carmelo habitis, & maxime ex diffusa illa regula Ioannis Patriarchae, illustrem, compendiosam, nostraeque tunc temporis vivendi rationi apprimè idoneam, regulam nobis concessit, quam extraeam, desumptamque omnino fuisse ex praefato libro Ioannis planè cognoscet, qui capita illius libri conferat capitibus regulae Alberti. Hanc ergo Alberti regulam modò habemus, prout ab Innocentio Pap. 4. anno Domini 1248. declara-

A SPIRITU SANCTO,

tam, confirmatamque.

123. Sciscitaberis: quorū hanc adeo diffusa digressio? Primò ut ostendam Carmelitas suam semper regulam habuisse, nec umquam sub Mag. Basilij regula militasse. Quod abique omni prorsus fundamento negat Div. Antoninus 3. p. sum. tit. 16. cap. 1. §. 8. ubi duo dicit: primum, quòd Carmelitae habuerunt regulam Sancti Basilij, donec (& est secundū) Innocentius Pap. 4. addidit qualdā ordinationes à dicto Alberto traditas, extractas ex Basilij regula. Sed in utroque deceptus est, & sua involuntaria deceptione alij decepti sunt maxime Canonistae, qui illū sequuti sūt. Et quidem quòd in primo deciperetur, inde constat, quod non assignabit Antoninus tempus, in quo Carmelitas potuissent vivere sub regula Div. Basilij, ut patet ex dicta serie annorum, quam ideo fidelissimè compactam praemisimus. Vnde potius credendus est laudatus Percus Cyrillus, quam Antoninus. Quia adhuc vehementius erravit in secundo; nec tale affirmare poterit, nisi qui libros ipsos, quos memorat, vel non vidit, vel non meditatús est. Videtur ex una parte liber Joan. Patriarchae, & ex alia regula Div. Basilij; & omnia capita regulae B. Alberti (exceptis paucis illis, quae dictus Innocentius addidit) in libro Ioannis reperiri; in regula autem Basilij nullum, nisi illa, quae communia, & essentialia sunt statui religioso. Quae si factae sunt, ut regula Alberti dicatur Basilij, etiam Benedicti, Augustini, & Francisci regulae Basilij erunt. Et hoc est factae digressionis primum motivum.

124. Secundum est, ostendere, quòd contenta in nostra regula, praeter ea, quae legem Dei, aut vota substantialia concernunt, obligant ad culpam venialem. Circa quod advertendum est, quòd in regula aliud continetur ut finis immediatus, propriusque Religionis, & alia magis ad dicti finis consecutionem conducunt. Quae doctrina magis nota erit, diffinitionem nostrae regulae à nostro V. Thoma à Iesu traditam 2. p. dub. 1. in fine, si subiiciamus, est

LI

estque huiusmodi : *Carmelitarum regula est quædam norma vivendi ab Alberto Patriarcha Hierosolimitano tradita, ab ipso, & à sede Apostolica approbata, dirigens ad charitatis perfectionem acquirendam potissimum oratione, ac meditatione continua, quæ est veluti immediatus eius finis, deinde cellulæ clausura, manuum labore, artificissima abstinentia, & silentio, tamquam medijs ad prædictum finem destinatis.* Inter hunc autem finem, & media datur convenientia in eo, quod medium tametsi violetur, v. g. silentium post completorium, multoties non est culpa gravis, sed levis; dummodò non adit contemptus, aut alia circumstantia levem illam substantiam gravificans. Si enim hæc circumstantia absit, culpa levis est illa silentij violatio, vt docet D. Thom. quodlib. 1. art. 20. dicens : *Stultum esset putare, quòd monachus frangens silentium post completorium peccaret mortaliter, nisi forte faceret hoc contra præceptum prælati, vel ex contemptu regulæ.* Similiter ergo dicimus de fine proximo: si namque finis proximus sit, ministrare infirmis, non peccat quis graviter per hoc, quòd femel, aut iterum hanc obligationem violat: sed per hoc, quòd semper, aut frequenter frangat. In quo differt finis proprius à medio: hoc enim quoties violatur, delinquitur venialiter; numquam tamen toties violabitur, si non gravifecit ex dicta circumstantia, quòd sit peccatum grave: alii finis, vt dictum est, contrarium habet. Cuius ratio ea est: quòd frangens vnam obligationem, quæ est purè medium, potest medijs alijs, in scopum sibi à se in professione præstitum tendere. Nec per hoc fundatoris inientum, maximumque bonum ab ipso procuratum impeditur, vt supra inlinuavimus. In finis autem violatione frequenti, contrarium evenire, quis non videat? Vnde sicut §. 4. diximus, media omnia, seu fere omnia, non posse violari absque culpæ gravis reatu: sic, & potiori titulo, de fine dicimus.

Vnde cum nostrum asserum loquatur de obligatione gravi, non de-

bet intelligi, quòd quoties Carmeli alumnus mentalis orationis obligationem frangit, toties mortaliter delinquat hoc enim *stultum esset putare*, vt modò de silentio post completorium loquente audivimus ab Ang. Præceptor. Sed loquitur de Carmelita, qui orationi mentali non studet; quod ostendit in frequenti huius obligationis fractione. Assertio ergo sic explicata est Div. Thom. 2. 2. q. 147. art. 3. ad 2. illam defendit ibi Caietan. Magist. Banez 2. 2. q. 33. art. 3. dub. 3. nosse insignis Thom. à Jesu in exposit. regulæ cap. 6. dub. 3. qui pro eadem sententia adducit Div. Antonin. & Turresem. in proœmio regulæ D. Benedicti, quos vidi, sed pro nostra sententia citare non audeo.

125. Prob. ergo conclus. ratione ex adducto D. Thom. desumpta: Violatio orationis purè mentalis, modo dicto sumpta, impedit finem proprium nostræ religionis: ergo ad orationem purè mentalem tenetur nostræ Religionis professor. Vtraque hæc propositio probanda à nobis est. Et primò probatur anteced. Finis proprius nostræ Religionis est iugis oratio, ac divinorum meditatio: atqui finis iste rotundè impeditur per frequentem violationem præcepti orationis purè mentalis: nihil enim immediatius interimit finem, quàm est oratio purè mentalis, quàm violatio præcepti ipsius, quæ est non meditatio: Ergo frequens violatio orationis purè mentalis destruit finem proprium nostræ Religionis. Mai. in qua poterat esse dissidium, constat ex dictis toto §. 6. & etiam ex num. 124. vbi nostram regulam cum nostro Thom. à Jesu desinivimus. Iam vero consequentia principalis probatur breviter: Quia quilibet religiosus tenetur sub gravi culpa ad non impediendum, seu violandum finem proximum suæ Religionis, vt mox amplius declarabimus: ergo nostræ religionis professor tenetur ad orationem purè mentalem, quæ, vt dictum est, est finis immediatus, ac proximus nostræ religionis.

Tota hæc ratio, vt diximus, desumpta

sumpta est ex Div. Thom. art. citato, ubi inquit : Vtrum ieiunium sit in præcepto ? Resolutio est affirmativa, contra quam ponit hoc argumentum. *Quicumque transgreditur præceptum, peccat mortaliter. Si ergo ieiunium esset in præcepto, omnes non ieiunantes mortaliter peccarent, per quod videretur magnus laqueus hominibus esse iniectus.* Huic argumento sic respondet. Doct. Sanctus : *Ad 2. dicendum, quod præcepta, quæ per modum status communis proponuntur, non eodem modo obligant omnes, sed secundum quod requiritur ad finem, quem legislator intendit, cuius auctoritatem, si aliquis transgrediendo statutum contemnat; vel hoc modo transgrediatur, quod (nota) impediatur finis, quem intendit, peccat mortaliter talis transgressor. Si autem ex aliqua rationabili causa fiat statutum non servet, præcipue in casu in quo etiam si legislator adesset, non decerneret esse servandum, talis transgressio non constituit peccatum mortale. Et inde est, quod non omnes, qui non servant ieiunium Ecclesiæ, peccant mortaliter.*

Vide Caietanum inibi hæc mirrissimè elucidantem : addeque dictis ea, quæ idem Sanctus Thom. docet in 4. d. 15. q. 3. art. 1. quæstiunc. 4. hisce verbis : *Ad 3. dicendum, quod præcepta iuris positivi magis obligant ex intentione legislatoris, quam ex ipsis verbis : & ideo transgressor talis præcepti (loquitur de præcepto ieiunii) magis est reputandus, qui obviat intentioni legislatoris, quam qui deviat in aliquo à legis ordinatione. Intentioni autem legislatoris obviat, qui ex contemptu, vel sine aliqua rationabili causa ordinationem non servat.*

Ex quibus habetur, illum, qui impedit legislatoris finem, peccare proculdubio moraliter in sententia Angelici Præcepti. Quid autem sit, finem legislatoris impedire ? Clarissimè docet ipse Sanctus dum sæpe inculcat, illum impedire legislatoris finem, qui ex contemptu, vel sine aliqua rationabili causa ordinationem non servat. De contemptu nihil modò, cum certif-

simum sit, illum menti legislatoris contrariari, qui legem ab ipso latam contemnit. Ex secundo autem capite habes, quod per hoc præcisè, quod aliquis sine aliqua rationabili causa ordinationem non servat, impedit legislatoris finem : consequenter que peccat lethaliter.

126. Quam doctrinam, si præsentī controversiæ applices, vrgentior rem esse cognosces. Siquidem Div. Thom. in allegatis locis loquitur de obligatione distincta ab ipso fine intento à ferente legem illam : nos verò in præsentī loquimur de adimplentione, vel violatione ipsius finis. Si ergo per violationem legis diversæ à fine impeditur iste, dum illa sine aliqua rationabili causa violatur : quia, ut docet Caietanus, hoc est directe legi obviare : quanto magis directe destruit finem ipsum ipsa finis in se violatio?

127. Prob. 2. Conclus. alia eiusdem Div. Thom. auctoritate d. 2. 2. q. 184. art. 3. ad 2. ubi ait : *Vnde non committit aliquis mendacium, vel simulationem ex hoc, quod aliquis non est perfectus, qui statum perfectionis assumit ; sed ex eo, quod ab intentione perfectionis animum revocat.* Loquitur Sanctus Doct. de ijs, qui pergere ad perfectionem tenentur, & ait : istos simulatores non esse, aut mendaces, si perfecti non sint : eò quod licet sint in statu perfectionis, hic status non est perfectionis habitus, sed habendus : consequenterque, per hoc quod non sit perfectus, non est mendax : erit tamen, si ab intentione consequendi perfectionem animum deponat. Per hoc enim, quod animum illum deponat, simulator, ac mendax est, graviterque delinquit. Quapropter inibi monet Caietanus : *Caveat sibi multum religiosi, ne animum proficiendi deponant, quem tunc proculdubio habent, cum intendunt vivere secundum regulam, & constitutiones suas, quamvis in multis interdum delinquant.*

Ex qua doctrina hic discursus pro conclusione suadenda formatur. Religiosus tenetur ad non revocandum

animum ab intentione perfectionis: ergo tenetur ad observantiam sui proprii finis. Ergo Carmelita tenetur ad orationem purè mentalem. Anteced. patet ex autoritate Div. Thom. Prima consequentia inde constat: quòd religiosus tenetur ire ad perfectionem iuxta regulam, quam professus est; atque adeò observando id, quod tamquam finis proprius ei assignatus est. Bonitas demum ultimæ consequentiæ, iam nota est: Vt oratio purè mentalis est finis proprius Carmelitæ, prout fusiè diximus suprà: vrgenterque, ac clarè constat ex verbis illis nostræ regulæ: *Maneant singuli in cellulis suis, vel iuxta eas, die, ac nocte in lege Domini meditantes, & in orationibus vigilantes*: ergo ad illam taliter tenetur, quòd idem est animus deponere, ab illa, ac ab intentione perfectionis animi revocare. Indidemque, si orationem purè mentalem non habet, graviter delinquit.

§. VIIJ. *Qua factos discursus impugnant propono, solvoque.*

128. **N**on nulla sunt, quæ adversus discursus efformatos militant, quibus occursum ire, opus est; ut sic vel ex oppositis tenebris lux assertæ veritatis clariùs fulgeat. Igitur contra omnium dictorum fundamentum simul objicis 1. Quia in illis verbis nostræ regulæ, videlicet, *in lege Domini meditantes, & in orationibus vigilantes*, non præcipitur nobis oratio determinatè mentalis, vel vocalis: ergo professor illius non tenetur ad orationem purè mentalem. Ergo sine oratione purè mentali tendit ad perfectionem. Consequenterque nec impedit finem suæ professionis, nec Legislatoris intentum. Omnes istæ consequentiæ ex antecedenti legitimè deducuntur: illud autem probatur: Quia ita sentit Ven. N. Thomas à Iesu in exposit. nostræ regulæ cap. 6. dub. 1. ut testatur iunior quidam, de quo videri debet noster Curs.

moral. tract. 21. cap. 9. p. 4. num. 52. autoritas autem nostri Thomæ à Iesu, maximè in nostræ regulæ intelligentia, latet nullum.

Respond. in dictis verbis duo præcipi, quorum primum est meditatio, ibi: *In lege Domini meditantes*. Secundum est oratio, ibi: *Et in orationibus vigilantes*. In primo præcipitur nobis oratio purè mentalis, cui præcepto non satisficit per orationem vocalem, sed debet esse determinatè mentalis. Quod adeò expressè docet laudatus Thomas à Iesu, ut miremur, à viro docto pro adversa novitate adductum. Quæstio est de aperiendo libros aperiat citato loco, §. *est autem meditatio*. In secundo autem præcipitur nobis oratio, & ad hoc ait citatus Thomas sequentia: *De oratione igitur tam mentali, quam vocali, regula accipienda est, cum universaliter loquatur: ita, ut huic præcepto fiat satis, sive mentaliter, sive vocaliter oretur*. Concluditque §. illum sic: *& hæc de oratione*: post quæ se ad agendum de meditatione convertit.

129. Itaque duo illa, quæ in dictis verbis præcipi nobis, dicebamus, ita sunt duo præcepta, quòd neque per solam meditationem, neque per solam orationem implentur: sed requiritur, & oratio, & meditatio. Meditatio, quæ est oratio purè mentalis: & oratio, quæ plura complectitur, uti 1. ad Timoth. cap. 2. dicitur: *Obsecro igitur primum omnium fieri obsecrationes, orationes, & postulationes, gratiarum actiones pro omnibus hominibus*. Et ad hanc orationem etiam tenemur, sed satisfacimus, sive mentaliter, sive vocaliter hoc faciamus. Et hoc est, quod docet citatus noster Thomas, & quod nos etiam dicimus. Et, quod non affatim miraberis, iunior ipse post Thomam impugnatum hoc idem tandem fatetur hisce verbis: *Fatemur tamen, quòd qui die, ac nocte vocaliter oraret, præceptum regulæ adimpleret, sed hoc esset, quia oratio vocalis à mentali discerni nequit, si debite est orandum, quod tamen fortasse voluit citatus Doctor*. Hoc voluit citatus Doctor de secundo præcepto

*orationis*: non autem voluit hoc citatus Doctor de primo præcepto meditationis.

130. Sed opponit dictus iunior: Quia in cap. sequenti præcipit regula orationem vocalem omnibus religiosis: ergo in hoc capite, vbi dicitur: *Maneant singuli in cellulis suis, &c.* præcipit orationem purè mentalem. Probatum ista: Quia alias bis orationem mentalem regula præciperet, quod impertinens foret.

Confirmat: Quia oratio, de qua in cap. 6. regula loquitur, debet esse die, ac nocte continuata: sed oratio vocalis nequit esse moraliter adeò continuata, bene autem mentalis: ergo.

Si hæc, quæ modo opponit author iste cum his, quæ in fine num. 129. fatetur, conferantur, se ipsum à se desertum iri, non est dubium. Respondetur ergo ad obiectionem. Regulam nostram in cap. 6. dum agit de meditatione, præcipere orationem purè mentalem: dum autem loquitur de oratione, præcipere orationem, vel mentalem, vel vocalem: adeò, vt huic præcepto per orationem purè mentalem, ac per orationem purè vocalem satisfiat. In cap. autem septimo præcipere orationem determinatè vocalem, scilicet, horas canonicas. Vnde sicut præceptum de oratione purè mentali non opponitur cum præcepto de oratione sive mentali, sive vocali, nec illud in conspectu huius superfluit. Sic nec opponitur, nec superfluit præceptum de oratione determinatè vocali. Vult regula, quòd sui professores semper cum Deo, quantum humana fragilitas patitur, converserent. Vnde præcipit tam orationem purè mentalem, iam orationem purè vocalem, iam orationem præcipit: sed quòd vocalis, aut mentalis sit, orantium arbitrio committit.

Adde: Quod in cap. 6. præcipit regula orationem nobis propriam, tum ex se, tum vt oratio, quæ nobis prior est, videlicet, meditatio, foveatur: quippe animus, qui indefinenter vacare contemplationi, aut medita-

tionem non potest, media oratione vocali, quam ibi permittit regula, robur accipit, vt iterum ad meditationem, vel contemplationem, regrediatur. In cap. autem 7. præcipit orationem, quæ omni Clero, tam seculari, quam regulari communis est. Vnde sicut præceptum cap. 7. non impletur per orationem præceptam in cap. 6. nec è contra: sic nullum ex ijs præceptis redundat.

Confirmatio levissima est: Respondetur tamen, quòd magis potest continuari oratio iam mentalis, iam vocalis, quàm oratio determinatè vocalis, aut determinatè mentalis. Vnde casus est omnino labor huius confirmationis. Nec, suppositis dictis, aliud pro eius enodatione requiritur.

131. Obijcies 2. ex alio capite contra primum discursum §. antecedenti factum: Quia si id, quod ex Div. Thom. diximus de ieiunio aliquod probat, convincit quidem, quòd quoties præceptum de oratione transgreditur professor nostræ regulæ, toties mortaliter peccet: hoc non est dicendum: Ergo nec, quod Carmelita ad orationem purè mentalem teneatur. Consequentia est infallibilis. Minorem suprà concessimus num. 124. vbi cum Div. Thom. diximus, oppositum tradentem stultescere, Maior autem probatur: Quia quoties obligatus ad ieiunium illam obligationem violat, toties graviter delinquit: ergo pariformiter.

Respond. neg. mai. ad probationem negetur consequentia: discrimen est: quòd pro singulis ieiunij diebus datur distinctum præceptum, quod ultra diem sibi proprium non extenditur: vnde, si illo die ieiunium frangitur totum præceptum violatur. Præceptum autem de oratione purè mentali non est ita limitatum, nec cingitur ad determinatum diem: vnde tota eius activitas, vt sic dicamus, non explicatur in vnico die, nec in duobus: consequenterque licet quotidie obliget, est obligatio levis: eoque etiam levis est eius transgressio, vsque dum finis proprius ad orationem mentalem obligat.

ti, nedum levis illis transgressionibus violatur, verum etiam impeditur, tunc enim defectus orationis pure mentalis grave peccatum erit habenti ipsam orationem mentalem pro fine sui instituti.

Nec per hoc negamus inter præceptum ieiunij, & orationis aliquam, quoad hoc, de quo modo loquimur, adesse paritatem. Quæ desumenda est ex Div. Thom. loco citato ex 4. sentent. ubi ait: *Potest enim hoc (frangere ieiunium) aliquando omnino sine peccato contingere, aliquando sine mortali, cum veniali; aliquando etiam cum mortali: & hoc secundum diversas occasiones, quibus homo inducitur ad ieiunium frangendum.* Hoc ipsum, quod de præcepto ieiunij dicitur intra spheram vnius dici, in quo, vt dictum est, tota eius activitas explicatur, dicimus de præcepto orationis, quod Carmelita aliquando non implet, & nullo modo peccat: aliquando frangit, & sine peccato mortali, sed solum cum veniali: & aliquando frangit cum mortali, videlicet, cum talis transgressio finem à legislatore intentum impedit.

132. Vt hæc penitus calceas; sunt enim admodum necessaria pro hac, alijsque materijs percipiendis, memento: quod sicut disput. præcedenti cum Div. Thom. d. 2. 2. q. 179. art. 1. & Caietan. inibi, diximus, vita activa non consistit in hoc, quod semper activus operetur; nec contemplativa consistit in hoc, quod semper contempletur contemplativus. Potest enim contemplativus opera externa elicere, vel nec contemplationem, nec actionem habere, & nihilominus erit contemplativus. Similiter de activo dicendum est, ac de meditativo. (sive ad contemplativam, sive ad activam vitam spectet, à quo modo abstrahe) Consistit ergo vita activa in hoc, quod studium hominis principaliter destinetur ad opera exteriora, & vita contemplativa consistit in hoc, quod studium hominis principaliter ad contemplationem destinetur: & vita, vt sic dicam, meditativa consistit in hoc, quod studium hominis

principaliter meditationem exerceat.

Quibus adinungere debes: Quod lex, seu legislator præcipiens actionem, contemplationem, seu meditationem, non intendit, quod finis eius, cui tale præceptum imponitur, sint illæ actiones in abstracto, sed in concreto. Ipsæ autem actiones, concretivè sumptæ, possunt considerari vel exercitè, vel signatè. Meditatio (idem de actione, ac contemplatione intellige) exercitè sumpta dicit se ipsam à parte rei existentem: signatè autem accepta ab hoc abstrahit. Sub prima consideratione constituit meditantem; & sub secunda constituit meditativum. Et hic est finis intentus ab illa lege, nempe, quod eius professor sit meditativus, non verò quod semper sit mediator, seu quod continuè, ac sine interruptione meditetur: hoc siquidem impossibile in hac vita est. Intendit ergo, & imperat, quod meditativus sit. Ipse verò cui hoc præceptum imponitur, non tenetur sub mortali ad meditationem exercitam; sed tenetur ad vitam meditati-  
vam: hanc quippe professus est, & ex quo professionem emisit, finis ipsius est talis vita meditativa: vnde tenetur ad hoc, vt semper sit meditativus. Quod, vt dictum est, consistit in hoc, quod studium principale sit circa meditationem. Et semper ac hoc studium conservat, meditativus est. Quiaque, vt suprà diximus, conservatur studium principale circa meditationem; etiam si meditatio actu non habeatur; propterea per non habitationem meditationis exercitæ non frangitur obligatio; quam professus est Carmelita: nisi illa exercitæ meditationis carentia tanta sit, vt studium illud præcipuum circa meditationem impediatur.

Quod si regulam determinatam quaeras ad cognoscendum quando finis à lege impositus impediatur, sitque peccatum grave? Nihil tibi circa hoc speciale dicere possum: est enim hoc omni peccato commune. Vnde sicut generaliter charitas conservatur cum pluribus actibus peccaminosis venialiter; sed adveniente actu, cum quo non  
com,



compatitur, quòd Deus super omnia diligatur, tunc graviter delinquitur, & perit charitas. Sic quòd Carmelita sit meditativus compatitur cum pluribus peccatis venialibus, etiam in ordine ad ipsam meditationem; cum autem datur actus, in cuius conspectu verificari non potest, quòd studium principale Carmelitæ sit circa meditationem; tunc meditativus non est; consequenterque frustratur, seu impeditur finis eius, daturque peccatum grave. Vnde in præsentem non poteris regulam determinatam quaerere, quæ in omni alio peccato non valeat pariter explorari. *Nec imaginis*, leves defectus circa meditationem moraliter copulari, sicque ad aliquem perveniri, qui licet in se peccatum leve sit, ut vitium tamen præcedentibus est mortale, sicut de parvis furtis dici solet. Quod locum in præsentem non habet: quandoquidem hic non datur illa moralis unio: sed peccatum leve, semper leve est: & ille defectus, per quem principalitas studij circa meditationem excluditur, dictusque finis impeditur, semper est peccatum grave, quamquàm nulli alij defectus præcedant. Quod exemplo inducto charitatis clarum est.

133. Obijcies 3. Si quis sine aliqua rationabili causa ordinationem non servat lethaliter peccaret, peccaret lethaliter quilibet, qui sine rationabili causa, quamcumque etiam levissimam, obligationem non servaret: hoc non est dicendum; ergo nec quòd finis legis impediatur per hoc, quòd lex sine rationabili causa violetur. Maior patet: Quia quævis, vel omnium minima obligatio est ordinatio à legem ferente stabilita: vnde si vera est illa doctrina D. Thom. num. 125. ex sententia adducta, inferitur, nullam ordinationem posse sine causa violari, quin intentioni legislatoris obvietur, comitaturque culpa mortalis. Min. autem probatur: Tum quia eius falsitas de se nota est. Tum quia alias omnia peccata essent lethalia.

Respond. negando mai. nec contrarium edocetur à Div. Thom. qui loco citato, nosque cum illo locuti sui-

mus de ordinatione illa, penes quam salvatur totus finis à legislatore intentus, vel tota intentio legislatoris. Hæc ordinatio, si transgreditur sine rationabili causa, committitur gravis culpa: eò quòd per talem transgressionem tota intentio legislatoris corrumpitur. Et hoc est, quod in nostro casu evenit. Siquidem ex non infrequenti meditationis transgressionem corrumpitur vita meditativa, atque ideo perit nostræ regulæ finis. Ex fractione autem obligationis, vel obligationum, in quibus legislatoris tota intentio non salvatur, non sequitur frustratio talis intentionis, nec finis: eòque grave peccatum non est. Vnde patet, quòd finis impeditio non provenit ex transgressionem cuiuscumque medij, sed illius, quod modo dicto medium est. Quod cernere licet in ieiunio: in die enim ieiunij, qui illud præceptum custodit, finem proprium illius non impedit tamen plura alia præcepta transgrediatur. Econtraque, qui illud præceptum non servat, quamvis in tali die plures actus virtuosos sibi videatur elicere, ieiunij finis impeditur, graviterque peccatur.

134. Sed contra, & obijcies 4. Carmelita, qui cellæ solitudinem non amat, aut vitæ asperitatem, & mortificationem, impedit meditationem: sed cellæ solitudo, nec asperitas vitæ obligant sub mortali professori nostræ regulæ, ergo, vel doctrina data Div. Thomæ non est vera; vel professor nostræ Religionis non tenetur ad meditationem, seu orationem purè mentalem. Consequent. est evidens. Maior est certa apud omnes Mystas, inter quos mira docet Seraph. nostra Mater in hac ipsa questione adducta, alijsque in locis, & Theodidactus noster Parens passim in suis scriptis. Min. autem probatur: Quia illa duo obligant Carmelitam, quatenus ei præcipiuntur vel in regula, vel in constitutionibus: sed nec regula, nec constitutiones obligant ad culpam gravem: ergo, &c.

Respond. Tribus præsertim velut columnis, contemplatione, scilicet, clausura, ac mortificatione, & vitæ asperitate.

ritate, tota hæc professionis nostræ structura fulcitur. Verba sunt nostræ constitutionis 1. part. cap. 1. num. 3. super has tres columnas tota fabrica Carmeli renovati confurgit: cum hoc tamen discrimine, quod contemplatio est finis: aut clausura, & vitæ asperitas, media sunt ad illius finis consecutionem destinata: sic eadem constitutio num. 2. per hæc verba: *Ad huiusmodi finem assequendum* (scilicet contemplationem) *duo nobis potissimū, inter alia, tū à regula, tum à Patribus nostris, media præscripta fuerunt. Vnum cellæ solitudo, ac clausura, &c.* Vnde dicimus, quod dictæ obligationes ita possunt violari, quod earum transgressio sit tantum culpa venialis: sed ita etiam violari possunt, ut non sine gravi culpa violentur. Quod tunc eveniet, quando ex earum fractione impediatur finis proprius Carmelitæ, nempe quod principaliter studeat orationi purè mentali.

#### §. IX. Adhuc in proposito asserto suadendo persisto.

135. **P**rob. insuper conclus. nostra sic: Carmeli alumnus tenetur sub mortali ad non deponendum habitum suæ Religionis: ergo tenetur sub mortali ad orationem purè mentalem non deserendam. Breve argumentum, sed, ut suspicor, non inefficax. Anteced. est omnino certum, de quo videri potest noster Curs. moral. tract. 5. cap. 5. p. 6. num. 147. qui sic loquitur: *Quamvis habitus non faciat monachos, quia tamen est signum Religionis, quam Religiosi profitentur; idè adstricti sunt omnes religiosi habitum suæ religionis semper, & in omni occasione portare, ita ut facientes oppositum peccent, quandoque mortaliter, quandoque venialiter.* Simile motivum assignat Exim. Suarez tom. 4. de relig. lib. 1. cap. 5. num. 2. ubi ait: *Moralis autem ratio, (quare Religiosi speciali habitu utantur) quæ ex ratione etiam signisumitur, est, ut monachus ab hominibus aliorum statuum, scilicet à Laicis, &*

*Clericis secularibus, distinguatur: & quia monachorum religiones varientur, exterior etiam habitus diversus distinctionem inter eas notam facit.*

Hæc obligatio nascitur ex iure naturali, & necessaria connexionione morali cum statu in professione assumpto, est etiam iuris positivi hoc præceptum, ut videre est in decretis à dictis Authoribus recitatis. Ultra quod, ait datus P. Suarez num. 6. hoc ipsum præceptum esse à regula: non quia fundetur in speciali aliqua regula, sed quia supponitur ad omnem regulam. Verba ipsius exscribo: sunt enim pro re præsentī idonea: *Dico ergo (ait) habere Religiosos positivum præceptum, quo ita obligantur. Propter difficultatem autem in num. 3. positam addendum est, hoc præceptum non tam fundari in speciali regula, quam supponi, cum proportionem ad omnem regulam. Est enim hoc tamquam generale quoddam ius status religiosi, ut unusquisque in sua vocatione, & consequenter in proprio habitu suæ vocationis permaneat. Quod ius quatenus extenditur ad id, quod merè naturale est, potest dici non scriptum, id est, communi consensu, & traditione omnium Religionum receptum. Potest etiam dici ius commune canonicum, quia in decretis supra citatis auctoritate Pontificum, & Conciliorum generalium confirmatum est.* His pro antecedentis veritate stabilenda, præoccupandisque nonnullis evasionibus, dictis

Prob. consequentia: Quia habitus Carmelitæ est, quo distinguitur Carmelita à sæcularibus, & ab alijs Religiosis, tenetur ad illum non dimittendum sub culpa gravi: sed oratio purè mentalis est distinctivum Carmelitæ à sæcularibus, & ab alijs Religiosis, ut constat ex dictis: ergo sub culpa gravi tenetur Carmelita ad non deserendam orationem purè mentalem. Omnes propositiones notissimæ sunt.

136. **C**onfirm. 1. Ideo Religiosus debet sub mortali asserre suum proprium habitum, quia determinatio habitus pertinet ad omnia tria vota, tamquam signum obligationis. Vnde habitus

regu-

*regularis simul datur, vel benedicitur cum professione, ait Div. Thom. 2. 2. q. 186. art. 7. ad 2. Sed oratio purè mentalis pertinet ad Carmelitam, ne dum tamquam signum obligationis, verùm etiam vt obligatio propriissima ipsius, per quam ab alijs omnibus secernitur: ergo tenetur sub mortali ad numquam dimittendum hanc obligationem.*

137. Confirm. 2. Quia licet *monachum esse non in sola veste situm sit, sed in eo utile ad maioris perfectionis gradum, seu statum, qui solum monachum facit, tendat*; vt docet Seraph. Mat. nostra lib. vitæ cap. 38. Tamen quia vestis religiosa est distinctivum exterius religiosi, propterea debet illam non deponere: sed oratio purè mentalis est distinctivum proprium Carmelitæ: ergo.

138. Prob. tandem assertio nostra sic: Sit Religiosus Carmelita, qui orationi purè mentali non studeat, ob motiva, quæcumque fingi ab adversarijs possint. Ille Christianus est, hoc est, charitatem Dei in se habet: demus hoc; dum rogo: istenè religiosus est? Religiosum esse fateberis, & quòd in dubium vertatur, miraberis. Pergo inquirens: Cuius religionis professor est? Si dicas: Carmeliticæ, haud concedam: Quia Carmeliticam Religionem non proficetur, qui non habet constitutivum Religionis Carmeliticæ. Quod, vt clariùs pateat, rogabo adhuc: in quo differt hic à religiosis aliorum Ordinum? A non religiosis differt per tria vota substancialia Religionis: ab alijs autem religiosis, in quo differt non video. Assigna ergo proprium distinctivum eum ab alijs secernens. Et videbis, hunc vel Religionis constitutivo proprio carere: vel habere pro constitutivo, illud, quòd alterius Religionis proprium est. Et neutrum fieri sine culpa gravi valet. Non primum: Quia alias sine culpa gravi posset ille religiosus in tali statu constitui, quòd ad nullam determinatam religionem spectaret: ad nullam quippe determinatam spectat, qui omni prorsus sine

A SPIRITU SANCTO,

proprio caret, à quo provenit Religionum divisio. Non secundum: Quia ex quo professus ille est hanc determinatam Religionem, non potest sine culpa gravi habitum interiorem, vt ita loquar, talis Religionis, hoc est, eius finem proprium, deponere, & alium, et si sanctissimum, induere. Quæ omnia pariter suprà posita habitus exterioris non parùm vrgeri valent.

Exteriorem habitum interiori debere esse conformem, res est omnino certa. Et hanc conformitatem destruit, qui secundum exterius indumentum Carmelita est; non autem secundum indumentum interius. Vnde timere debet iram Dei, sic per Sophoniam cap. 1. v. 8. minantis: *In die hostiæ Domini visisabo super Principes, & super filios Regis, & super omnes, qui induti sunt veste peregrina.* Hic ad vivum expriimitur Carmelita discalceatus, qui orationi mentali valedixit. Ille enim veste peregrina indutus est: Quia indumentum exterius signat hominem die, ac nocte in lege Domini meditantem, & in orationibus vigilantem: indumentum autem interius huic studio contrarium est. Vestis interior ab exteriori est aliena, & exterior ab interiori peregrina. Lucrumque, quòd ex hac confusione reportat, nullum aliud est, nisi divina indignatio, & quòd à nemine tamquam frater, aut socius habeatur. Non ab his, quorum finem proprium sequi se iactat, ob differentiam in habitu exteriori. Non à fratribus suis, quibus cum in habitu exteriori convenit, propter diversitatem in interiori. Vnde potest omni veritate dicere gemebundus: *Extraneus factus sum fratribus meis, & peregrinus filijs matris meæ.* Sed non dicere potest, hoc ei evenisse: quoniam *Zelus domus tuæ comedit me.* Psalm. 68. v. 9. & 10. & etiam dicere potest: *Filij matris meæ pugnaverunt contra me.* Quod forsam non deplorasset, si vineam suam, vt parerat, custodijisset.

139. In hac tragedia evenire contempler, quod miseris illis Troianis; qui hortatu Chorcæbi, dum Danaum ignibus tota Neptunia Troia sumabat;

Mm

ali;

aliquorum occisorum exuvias sibi affluunt, propriaque Troianorum insignia deponunt, dicente Marone lib. 2. *Æneid.*

- O socij, quâ prima inquit, fortuna salutis
- Mōstrat iter, quâque ostendit se dextra, sequamur.
- Mutemus clypeos, Danaumque insignia nobis
- Aptemus. Dolus, an virtus, quis in hoste requirat?
- Arma dabunt ipsi. Sic fatus: deinde comantem
- Androgei galeam, clypei que insigne decorum
- Induitur: laterique Argivum accommodat enssem.
- Hoc Ripheus, hoc ipse Dymas, omnisque iuventus
- Læta facit: spolijs se quisque recentibus armat.

Ecce qui verè Troiani erant Græcorum indumenta gestabant. Quamque utilitatem ex hac dissona confusione lucrati sint, exitus ipse monstravit. Nec à Troianis, nec à Græcis habiti fuerunt ut socij, quos tuerentur; sed potius ut adversarij, quos invaderent. Troiani pugnant cum portantibus indumenta Græcorum: & Greci cum loquentibus idioma Troianorum. Omnes tamquam insensibilissimos adversarios experti sunt, qui cum omnibus illis societatem fingere satagebant. Audi apud Maronem quomodo ipsi suam miseram sortem deplorent.

- Hic primùm ex alto delubri culmine telis
- Nostorum obruimur: oriturque miserrima cædes
- Armorum facie, & Graiarum errore iubarum.

Vide quo modo à suis obruantur; quia videlicet ipsis extranei facti sunt propter armorum mendacium. Qui erant in summo templo Minervæ, (ait loquens Virg. Explanator) vnde extracta est Cassandra, decepti facie insignium Græcorum, in suos, ut in hostes, tela omnia coniiciunt: inde nullo discrimine miserabilis cædes exorta, Hæc ille,

Vidisti Troianos à Troianis impugnatos, vide etiam à Græcis impetitos, ut ipsi miserabiliter lamentantur.

—Primi clypeos, mentitaque tela

Agnoscent: atque ora sono discordia signant.

Illicet obruimur numero: primusque Choroëbus

Penelei dextra Divæ Armipotentis ad aram

Procumbit

Circa quod ait Jul. Scalig. *Alia enim arma, alia cor da gerebant.* Quod idem evenit in Carmelitis, qui studium mentalis orationis deponunt: alia enim arma gerunt, & alia corda: sicque à nemine ut socij habentur, ab omnibus tamquam ex adverso esse, reputantur. Et hoc potest fieri sine culpa gravi? Non credam.

140. Roborantur hæcenus dicta doctrina præclarissimi Mag. Bañz 2. 2. q. 33. art. 3. conclus. 3. vbi ait: *Religiosus tenetur ex officio, è professione sua disponere se, ut sit idoneus ad exercenda potissima sui ordinis munia sub peccato mortali.* Quam assertionem probat dictus Mag. Quia religiosus tenetur tendere ad perfectionem ijs medijs, quæ sunt in sua regula: sed ibi explicantur ista media: ergo tenetur se idoneum facere ad ista. Sic perdoctus hic Mag. loquutus, non solum de religiosis Dominicanis, ut aliqui non ita bene dicunt, sed de omnibus religiosis. Hæc doctrina nostræ assertionis novitatem aufert. Quis enim ut singularem suggillet doctrinam, quæ à tam eximio Theologo edocta comprobatur? Illum citat noster Curs. moral. loco adducto, num. 53: positaque hæc doctrina, insert: *Ergo idem dicendum est de Carmelita, si ad orationem mentalem, se quocumque modo in disposuerit. Ita N. Antonius, N. Thomas à Jesu, Franciscus à Sancta Elia, & non obscurè tradidimus tom. 4. tract. 15. cap. 1. p. 2.* Hoc, & nihil aliud, est, quod in assertionem dico. Vnde si tot Patronos habeo, nihil timendum relinquit. Placet tamen sic in forma procedere.

Car.

Carmelita se ad orationem mentalem quocumque modo indisponeus, peccat mortaliter: Carmelita orationi mentali non studens omnimodè se indisponeat ad orationem mentalem: ergo Carmelita orationi mentali non studens peccat mortaliter. Syllog. in modo, & figura est; & maior continet eorum Doct. doctrinam. Min. autem probatur: Quia nihil est, quod magis, aut æque indisponat ad orationem mentalem, quam voluntas illam non habendi: sed Carmelita, qui orationi mentali non studet, habet voluntatem non habendi orationem mentalem, seu illam habere non vult: ergo.

Confirmatur: Carmelita tenetur niti ad perfectionem per media potissima suæ regulæ: sed medium potissimum inter omnia est ratio purè mentalis: ergo tenetur ire ad perfectionem per orationem purè mentalem. Bona est conseq. Maior quoad motum in perfectionem constat ex §. 5. 2. 3. & 4. quòd autem hic motus debeat esse per media potissima regulæ, patet ex toto §. 5. & etiam ex adducto Mag. Banez. Min. autem probatur: Medium potissimum inter omnia, quæ in regula assignantur, est illud, quod ita est medium, ut etiam finis sit: sed oratio purè mentalis est finis intermedius relatè ad Carmelitam: Ergo, &c. Minor constat ex toto §. 6.

#### §. X. Quæ nostrum assertum obruere nituntur, dissolvo.

141. **I**N hac parte sunt contra nos adversarii multi, qui multariam, multique modis ex adverso sunt, dicentes nostram assertionem esse oppositam Div. Thom. apertissimam progenendis scrupulis, aliaque plura vociferantes, quibus, ut ut possim, occursum ire opus est. Igitur arg. 1. ex Div. Thom. 2. 2. q. 186. art. 9. in corp Vbi enumeratis religiosorum obligationibus, ait: *Est idè transgressio horum trium (votorum) obligat ad mortale. Aliorum autem transgressio non obligat ad mortale, nisi propter contemptum regulæ.* Ergo oratio purè mentalis non

obligat sub mortali Carmelitam. Idem repitit ad 2.

Similiter quodlibeto 1. art. 20. in corp. docet: *Quod nihil est peccatum mortale monacho, vel religioso cenicum; que per se loquendo, quod non sit peccatum mortale alteri, nisi sit contrarium ei, ad quod se voto professionis obligavit per accidens tamen, ut ratione scandalii; vel alicuius huiusmodi, posset aliquid ei esse peccatum, quod non esset alijs peccatum.* Vbi vides, quòd per se loquendo, religiosus solummodo peccat mortaliter cum legem Dei, aut præcepta Ecclesiæ transgreditur, in quo cum non religiosus convenit. Et etiam peccat mortaliter: cum votum aliquod ex religiosis transgreditur: quia ad hoc se per professionem obligavit. Vnde in nulla alia occasione peccat per se loquendo mortaliter. Hanc ipsam doctrinam sæpissimè inculcat Sanct. Doct. quare alia ipsius testimonia non adducimus.

Proponam tamen fundamentum huius Anglicæ doctrinæ, quod plurimum apud adversarios invaluit, habeturque citato art. 9. in argumento *sed contra* his verbis: *Sed contra est, quòd status Religionis est securior, quam status secularis vite: unde Gregor. 1. moral. comparat vitam secularem mari fluctuanti, vitam autem Religionis portui tranquillo: sed si quolibet transgressio eorum, quæ in regula continentur, religiosum obligaret ad peccatum mortale, status Religionis esset periculosissimus, propter multitudinem observantiarum: non ergo quælibet transgressio eorum, quæ in regula continentur, est peccatum mortale.*

Respondetur hos textus, pluresque alios, quos solent adversarii accumulare, nec leviter contra nos esse: vnde ad primum dicimus: quamlibet votorum transgressionem esse peccatum grave: quod idem habet, quævis transgressio aliorum, quæ in regula continentur, si ex formali contemptu transgrediantur. Ast si non transgrediantur ex contemptu, obligant vel ad poenam, vel ad culpam venialem.

pro diversitate legum pœnalium, & quæ ad culpam obligant. Quare harum transgressio est tantum venialis, si non ex consuetudine, aut ex proposito fiat, ut constat ex dictis §. 3. Ultra has obligationes ad est finis particularis Carmelitar, ad quem tenetur sub mortali: unde quoties finem hunc transgreditur, mortaliter peccat. Vide dicta num. 132. Quocirca cum Div. Thom. docet, fractionem aliorum, à tribus votis, non obligare ad mortale, loquitur de medijs purè talibus, & diversivè acceptis, non autem de illis collectivè; nec loquitur etiam de fine intermedio, qui licet sine culpa gravi transgrediat, quoties non impeditur: dum tamen impeditur, committitur gravis culpa, uti numero citato docuit nos Div. Thom. ex quo lucem accepimus, quæ hæc, aliaque similia in nos obiecta explicemus.

Adde: quæ ex P. Suarez scriptus num. 135. ubi diximus obligationem conservandi proprium habitum esse ex regula, non quia in ea determinatè præcipiatur; sed quia ad omnem regulam præsupponitur: graviter tamen obligat, quia est signum obligationis contractæ in professione. Quod vrgentiori motivo verificari in fine proprio, qui verè est distinctivum interius, à nemine negari posse, censemus. Unde D. Thom. in ea autoritate dicit: *nisi propter contemptum regulæ*, addidit, vel *propter præceptum*, ne dum in regula expressum, de quo ibi loquitur; verum etiam præsuppositum ad omnem regulam: Quod etiam sub mortali obligare, convincitur ex præcepto habitum conservandi.

Ad 2. autoritatem responderi. Quod non religioso est peccatum mortale impedire distinctivum, quo à non catholico secernitur. Unde ex hac doctrina habetur, quod religioso sit grave peccatum impedire proprii distinctivi à non religioso. Ex hoc est, quod asserimus. *Secundo* responderetur, quod impedire religiosum finem sibi proprium, est *contrarium ei, ad quod se voto professionis obligavit*. In professione

enim obligationem contraxit vivendi illa vita, quæ est constitutiva status, quem professus est, quæ vita est finis proprius illius, qui professionem emisit. Sicut etiam in ipsa professione contraxit obligationem conservandi, & non temere dimittendi habitum proprium ipsius religionis.

Per quæ patet ad tertiam autoritatem. Faciemus enim discursum Div. Thom. esse solidissimum, & prudentissimum. Si namque *qualibet transgressio eorum, quæ in regula continentur* peccatum mortale torret, sanè *status religionis esset periculosissimus*. Nos autem non dicimus, quod qualibet transgressio mediorum purè talium, aut finis intermedij, sit grave peccatum. Quod ex hæcenus dictis constat. Dicimus tamen, quod sicut à professione tenetur ad non dimittendum habitum, & ad tendendum ad perfectionem; quin hoc sit ei laqueus ruinæ: sic tenetur ad querendam perfectionem, non quolibet mediorum genere; sed illis, quæ ei taxata sunt secundum regulam, ut sæpius asserit. Div. Thom. quorum præcipuum est id, quod non solum est medium, sed etiam finis proximus, scilicet oratio purè mentalis.

142. Quibus solum argumentum habes, quod adversus opinionis sectatores magnificant: videlicet, quod nostra sententia est plurimum scrupulorum origo. Nec invenire potui, post sollicitudinem non vulgarem, in quo consistere possit rumor iste, qui in vulgus sparsus, adeo in nostram opinionem animos concitavit omnium, ut vnguibus, & rostris, adversus illam armentur, tamquam conscientias inquietantem, scrupulosque nimios prodigientem.

Hoc argumentum nullum esse, non solum, qui mortem esse vicinam consideret, deprehendet, sed etiam, qui non passione, sed ratione ducitur, inductur. Itaque quod potest conscientiam turbare, nihil aliud est, nisi audire, esse grave peccatum, quod Carmeli alius orationi purè mentali non studeat. Nonne sic? Absque dubio fac-

fatibere. Et hoc autem nullam conscientie turbationem prudenter oriri, aperiam. Etenim Authores asserentes orationem purè mentalem, solum sub veniali obligare Carmelitam, etiam asserunt clarissimè, & constantissimè talem Carmelitam gravis criminis reum esse. Discrimen inter utramque sententiam stat in hoc, quòd nos dicimus, talem obligationem *per se* esse gravem: vnde qui illam transgreditur, *per se* peccat mortaliter. Contrarij autem dicunt: obligationem ad mentaliter orandum non esse *per se* gravem Carmelitæ, sed levem: vnde illam frangens, peccat quidem, sed venialiter *per se*; *per accidens* tamen, hoc est, quia per hoc, quòd orationi mentali non studeat, constituitur in maximo salutis suæ periculo, peccat mortaliter.

Sed audi, non cuiuscunque notæ, sed eximie Authorem, plures alios pro se referentem. Sic enim loquitur N. Curs. moral. à nobis citatus num. 140. statuit pro conclusione: *Religiosos Carmelitas ex vi regulæ ad orationem mentalem sub veniali teneri*. Cæterum postea addit: Carmelita exalceatus, qui non vacaret orationis mentalis exercitio, esset in maximo salutis periculo: quia tunc per media à religione stabilita, proprij instituti finem assequi non curaret; vnde, & Religioni, & sibi maximum nocumentum offereat: Religioni, quia ei officit in disciplina regulari, alijs suo pravo exemplo occasione præbens transgrediendi hoc nostri instituti principale caput: sibi, quia, ut diximus, constituitur in periculo salutis amittendæ. Quapropter Mag. Banez 2. 2. q. 33. art. 3. dub. 3. ait, *Religiosum Dominicanum, qui se indisponeret ad munus prædicationis, qui se potissimus finis in prædicta Religione peccaturum mortaliter: ergo idem dicendum est de Carmelita, &c.* vt num. 140.

Habes ergo, quòd iuxta opinionem adversam etiam datur peccatum grave in Carmelita non studèto orationi mentali. Rogo nunc: per hoc turbatur conscientia tua: vel non? Si sic: desine adversus meam opinionem, vt in singula-

riter conturbantem, procedere. Si non: quare posuisti me contrarium tibi, & factus es mihi metipsi gravis? Si enim non iniquitat re, quòd graviter, licet *per accidens* pecces, transgrediendo studium orationis purè mentalis: non te conturbet, quòd dixerim, tale peccatum non esse *per accidens*, sed *per se*. Licet enim hæc valde diversa sint, speculari, & alijs: tux utilitati autem idem omnino sunt. Tam oppositum est gratiæ, & charitati peccatum grave *per accidens* perpetratum, ac peccatum grave *per se* commissum. Vnde si primum illud te non inquietat, nec hoc secundum turbet.

Meliùs faceres, si ex hac turbatione, qua malè vteris, procederes ad explorandum quid tibi oporcat facere: & videns, quòd obligatio mentalis orationis ita vrget, vt, si illi vacare recuses, graviter pecces: live sit *per se*, live *per accidens*: activitatem tuam applicares ad orationis purè mentalis studium: relinquens disputantibus, & scribentibus discutere, an tale præceptum obliget *per se*, vel *per accidens*. Vide ergo quàm vanè positionem meam, vt conscientias conturbantem, censures.

143. Arg. 2. ex nostris constitutionibus 1. p. cap. r. num. 6. vbi dicitur: *De primitiva nostra regula declaramus: eam nullatenus suis professoribus ad lethalem culpam, sed ad venialem tantum obligare: sic enim & communi Religionis consensu, & consuetudine semper introductam est, & totius nostri Capituli generalis voto tam pro religiosi, quàm monialibus, firmatum*. Ergo non est vnde obligatio ad orationem purè mentalem gravis Carmelitæ sit. Patet ista: Quia ex vi regulæ obligat ad veniale, vt constat ex data constitutione: ex vi autem constitutionis, nec ad veniale obligat: quippe constitutiones nostræ purè penales sunt.

Nec momenti erit dicere, quòd non semel cum eximio Suarez diximus, videlicet, hoc præceptum præsupponi ad regulam: vnde, quod ex regula non constet, non est argumentum, vt non detur: sicut exemplo de habi-

habitu temerè non dimittendo comprobatur.

Hoc, inquam, non obest: Quia licet doctrina data vera sit, quando res, quæ dicitur præsupponi ad regulam, non exprimitur in ipsa regula, in quo sensu loquitur P. Suarez; non autem vera esse potest de re, quæ in regula determinatè præcipitur; cum implicet, eandem rem præsupponi ad regulam, in qua determinatè iubetur: sed præceptum de oratione purè mentali est expressum in nostra regula, quæ cap. 6. ait: *Maneant singuli, &c. Die, ac nocte in lege Domini meditantes*: ergo tale præceptum non præsupponitur ad regulam. Ergo tantum obligat, prout in ea expressum, & consequenter solum venialiter obligabit.

Respond. quòd sicut ex verbis illius constitutionis nemo inter omnia contenta in nostra regula ad culpam venialem obligare: dantur quippe plura; quæ ad nullam culpam obligant; dantur & alia, quæ obligant ad culpam gravem, scilicet, quæ ad tria vota substantialia spectant: pariformiter obligatio ad finem potissimum regulæ, & Religionis, non est levis, sed gravis. Ratioque utriusque non absimilis est: Quia vota substantialia graviter obligant, quia sunt constitutiva status religiosi in esse talis. Vnde cum studium orationis purè mentalis sit distinctivum nostræ familiæ sacrae ab alijs: propterea præceptum circa hoc studium grave est, seu graviter obligat. Quamobrè constitutio illa obiecta debet intelligi exceptis ijs, quæ merè consilia, ac exhortationes sunt: & ijs, quæ ad tria vota substantialia attinent; ac denique excepto sine intermedio: his enim exceptis, alia ad venialem tantum culpam obligare dicuntur. *Quod* si tenaciter velis etiam de sine intermedio ibi sermonem esse: permittam: dicamque, constitutionem de hac, aut illa fractione loquamur; non autem de multiplici, ita ut verificetur, quòd oratio mentalis non est principale studium Carmelitæ.

Sicque solvitur, quod inter arguendum dicebatur: Quoniam oratio

purè mentalis potest sumi, ut exercitè habetur hic, & nunc: & etiam ut signatè accepta constituit nostrum statum, estque finis potissimus illius, prout diximus. Primo modo, continetur cap. 6. regulæ, & prout sic obligat tantum ad veniale. Secundo autem modo, præsupponitur ad regulam, obligatque sub gravi culpa. *Adde*: non implicare, quod aliquid in regula præcipiatur, & quod gravitas obligationis eius præsupponatur ad regulam. Sicut gravitas præcepti, de non temere dimittendo habitu, præsupponitur ad regulam, in qua potest agi de ipso habitu, uti in regula, quam nobis dedit Joannes Patriarcha Hierosolimitanus cernere est à cap. 37. usque ad 40. & etiam in nostris constitutionibus de ipso agitur 1. p. cap. 14.

144. Arg 3. Oratio purè mentalis est, uti aliquoties diximus, finis regulæ nostræ: ergo non cadit sub regula, nec sub præcepto illius. Ergo non tenemur ad orationem purè mentalem. *Hæc* secunda consequentia constat ex prima, quæ ex antecedenti constat: Quia iuxta commune Theologorum cōstitutum finis regulæ, seu præcepti, non cadit sub regula, aut præcepto. ¶ Cōfirmatur: Quia regula non potest præcipere actus purè internos: ergo nec orationem purè mentalem.

Ecce argumentum, quod non semel audivi a nonnullis celebratum: cum tamen libilari debuisset. Ex eo enim sequitur, quòd nec sub peccato veniali obliget caput 6. nostræ regulæ, orationem mentalem eius professoribus præcipientes. Quod ex facto argumento, eiusque confirmatione probatur. Vnde cum multum hæc probent, nihil concludere, certum est. Ad argumentum ergo respondetur cum nostro Thoma à Jesu in exposit. reg. cap. 6. dub. 3. finem nostræ regulæ esse duplicem, alium remotum, & mediatum: alium verò immediatum, & proximum. Primus ille non cadit sub regula: de illo enim verificatur dictum commune Theologorum, quod finis regulæ, legis, aut præcepti, non cadit sub regula,



regula, lege, aut præcepto. Secundus autem cadit sub præcepto, sub lege, & sub regula: vnde cum oratio purè mentalis sit finis immediatus, ac proximus nostræ regulæ sub illa cadit.

Ratio autem, ob quam finis remotus non cadat sub regula ea est; quòd profitenti regulam ex vi illius præcipitur moveri per viam, quæ in ipsa regula assignatur, in finem remotum. Vnde iste finis præsupponitur ad regulam motum illum præcipientem. Consequenterque talis finis imperari non potest, seu, quod idem est, non potest cadere sub ipsa regula. Contrarium invenitur in fine proximo; quia cum hic finis sit veluti medium, & via; per quam incedendum est nostræ regulæ professori, ut finem ultimum consequatur: idcirco finis iste præcipitur à regula. Est dicere: Quòd finis ultimus præsupponitur ad nostram regulam; quia cum hæc incipit obligare illam profitenti, iam hic supponitur cum obligatione gradiendi in illum finem; quam obligationem habet quilibet Christianus. Ex diversis autem medijs, quibus ille finis perfectissimè haberi potest, eligit regula, quæ sibi magis placent, & finem intermedium, quem ut status distinctivum proponit, præcipiens quòd quicumque illam professus fuerit, hoc sine intermedio utatur, ut illum finem ultimum, ad quem iam obligatus erat, obtineat. Vnde constat, finem intermedium cadere sub regula, hancque non absolute præcipere orationem purè mentalem: sed dicere: quicumque hunc statum amplexus fuerit, sciat se ad orationem purè mentalem obligandum. Quocirca actus ille purè mentalis obligat ex vi voluntatis liberè talem obligationem amplectentis. Per quod patet ad confirmationem. Vide Discept. myst. tract. 1. q. 2. art. 2. vide etiam, quæ diximus disput. 3. num. 17. & 18.

145. Arg. ultimò: In regula eodem præcepto, & modo præcipitur oratio, ac ipsius continuitas: sed præceptum de continuitate orationis non obligat ad mortale: ergo nec ipsum

prout respicit substantiam orationis. Consequent. videtur bona, & min. est certa: Quia aliàs quis posset obtinere salutem, si sine intermissione deberet in oratione persistere? Maior probatur ex ipsis verbis regulæ sic dicentis: *Maneant singuli in cellulis suis, vel iuxta eas, die, ac nocte in lege Domini meditantes, & in orationibus vigilantes.* Vbi clarum est, orationem sine intermissione imperari.

Hoc argumentum eiusdem classis est, ac præcedens: Quia si aliquid probaret, convinceret quidem orationem mentalem, nec venialiter obligare Carmelitis. Respondetur ergo 1. Non esse insolens, quòd modus rei præceptæ non cadat sub præcepto, quamquam ipsdem verbis videatur præcipi, ac ipsa substantia rei, cuius est modus. Ut patet in maximo præcepto charitatis, quod sub hac forma nobis proponitur liba Deuteron. cap. 6. *Diliges Dominum Deum tuum ex toto corde tuo.* In quo duplicem totalitatem distinguit Div. Thom. q. 1. de charit. art. 10. aliam, sine qua charitas esse non potest; & aliã, sine qua charitas esse potest. Charitas primo modo præcipitur, secundo autem modo non præcipitur, sed est finis, in quem eundum esse ostenditur, ut docet idem Div. Thom. laudatus art. 11. Per hæc verba: *Ad 12. dicendum, quòd perfectionem charitatis nullus proficitur: sed profitentur aliqui statum perfectionis, qui consistit in his, quæ organicè ordinantur ad perfectionem charitatis, ut paupertas, ieiunia, qui tamen nec ad omnia huiusmodi tenentur: sed ad illa solim, quæ profitentur. Vnde perfectio charitatis non cadit sub voto: sed est eis; ut finis, ad quem pervenire conantur per ea, quæ volunt.*

Pariformiter ergo regula nostra fatagit suos professores inter illos acensere, quorū conversatio in celis est: Quod ut consequatur, orationem mentalem iugiter habendam præcipit. Sed plurimum pulverè commovere video apud nostræ regulæ explanatores, illud ingerere. Circa quod plura luculenter tradunt, illos vide. Nobis autem modus occur;

occurrit, qui textui genuinè quadrat, & cùm in hac disputatione, & præcedenti dictis rotundè consonat. Vnde dicimus, quòd ly *ingiter* non designat mentem Carmelitæ semper actualiter in Deum ferri: quia ut optimè docet Div. Thom. 2. 2. q. 184. art. 2. in corp. *Talis perfectio non est possibilis in via; sed erit in patria.* Aliquid ergo intra hoc præcipitur nobis per illa verba *die, ac nocte*, seu per ly *ingiter*. Et in hoc enucleando est, in quo citati Doctores mirissimè spatiuntur. Verùm nostra constitutio clarissimè, ac elegantissimè nodū solvit 1. p. cap. t. n. t. verbis alibi datis, sed modò non inutiliter repetendis: ait enim: *Proprius, ac peculiaris instituti nostri scopus, ad quem nostræ actiones sunt dirigendæ, est ingis oratio, & divinorum assidua meditatio: hoc est, ut mens nostra, quantum humane fragilitati permittitur, Deo, ac divinis rebus, perseveranter inhaereat.* Hæc est prudentissima, sincerissima, genuinaque regulæ explanatio. Ut, scilicet, perpetuitas illa orationis non signet illam, *quæ non est possibilis in hac vita, sed erit in patria*, quam consequendam ex Dei gratia speramus: sed significet aliam minùs sublimem permanentiam, illam nempe per quam mens nostra Deo inhaeret *quantum humane fragilitati permittitur.*

146. Ast hoc, quòd est Deo inhærere *quantum humane fragilitati permittitur*, stat dupliciter. Siquidem potest intelligi de actuali inhærentia, seu elevatione mentis ad Deum: & hoc non præcipitur à regulâ: esset enim præcipere, quòd sui professores facerent: quantum omnino possunt: quod sanè regulam non præcipere, fateamur. Proponit tamen hanc actualem mentis elevationem, dum præcipit orationem purè mentalem, non quia illam, ut dictum est, præcipiat: sed ob motivum, quod ex August. tradit in simili Div. Thom. d. q. 184. art. 3. his elegantibus verbis: *Ad 2. dicendum, quòd sicut August. dicit in libro de perfectione iustitiæ, perfectio charitatis homini in hac vita præcipitur, quia non rectè cur-*

*itur, si, quo currendum est, nesciatur. Quomodo autem sciretur, si nullis præceptis ostenderetur?*

Sic igitur regula nostra, quæ cunctes ad perfect. onem instruit, ostendit ipsam perfectionem, ad quam in hac vita pertingere possunt, videlicet, si mens eorum tantùm Deo inhæreat, quantum humane fragilitati permittitur, scilicet inhærentia actuali. Possunt etiam intelligi verba illa de inhærentia virtuali: ita ut sit sensus, quòd mens nostra Deo virtualiter inhæreat *quantum humane fragilitati permittitur*, & hoc cadit sub præcepto, dicente D. Thom. d. q. de charit. art. 11. ad 3. *Virtualiter referre omnia in Deum cadit sub præcepto charitatis, cùm hoc nihil aliud sit, quàm habere Deum ultimum finem.* Ex quibus constat, quid sit de præcepto, & quid de præcepto non sit in dictis verbis regulæ. *Quantum humane fragilitati permittitur*, Deo virtualiter inhærere, cadit sub præcepto regulæ. *Quantum humane fragilitati permittitur* Deo actualiter inhærere, est finis, quem in ipso præcepto ostenditur, ut in ipsum nostra sollicitudo dirigatur.

147. Cæterùm, quia hoc, quòd est habere Deum ultimum finem, est commune omni habenti charitatem: propterea videndum restat, quid speciale hic nostris Carmelitæ iubeatur. Circà quod ingenuè fateor, nihil speciale ipsis hic imperari: si res præcepta spectetur: quandoquidem apud Ecclesiast. cap. 8. dicitur, *ne impediaris orare semper.* Et apud Lucam cap. 18. *Oportet semper orare, & nunquam deficere.* Et similiter cap. 21. *Vigilate itaque omni tempore orantes.* Et ad Thessalonicen. cap. ultimo: *Sine intermissione orate.* Quæ omnia, si cum verbis nostræ regulæ conferantur, nihil speciale illam præcipere, apparebit: si res præcepta solummodò consideretur. Nec per hoc superfluit præceptum regulæ. Ut patet in pluribus alijs rebus, quæ à diversis potestatibus præcipiuntur.

Sed aliud detegendum nobis est, præceptū regulæ non esse superfluum.

Et.

Etenim omnibus præcipitur oratio sine intermissione, modo dicto: nostris tamen Carmelitis præcipitur oratio purè mentalis, quæ alijs in adductis textibus non præcipitur. Ex quo ingens robur nostræ resolutioni accersit, ut id obiter dicamus, in hunc modum: Iisdem verbis præcipitur omnibus oratio abstracta à mentali, & vocali, ac præcipitur Carmelitis oratio determinatè mentalis: sed ad orationem vel vocalem, vel mentalem omnes sub mortali tenentur, ut tradidimus disp. 3. q. 1. ergo Carmelitæ tenentur sub mortali ad orationem purè mentalem. Ad rem ergo: Oratio purè mentalis nobis præcipitur datis verbis. Sed qualis, aut quanta debet esse hæc oratio, ut hanc regulam professor eius non violet? Hoc opus, hic labor est.

Respondeo ergo ex dictis num. 132. tunc præceptum hoc regulæ adimpleri; cum principale studium Carmelitæ sit circa orationem purè mentalem: per hoc enim medicati us est, & ad nihil aliud obligatur. Videantur, quæ loco citato diximus ex Div. Thom. & Caietan. & ita hæc percipientur, quin illa hic reproducantur.

148. Vnico verbo: Regula nostra respicit Incipientes, Proficientes, & Perfectos. Ex his enim tribus classibus componitur tota familia nostra. Omnes illi tenentur quærere perfectionem, quam, ut cognoscant, proponit, & simul medium, quo in illam tendant, ostendit. Sed taliter ostendit, quod ipsa perfectio non cadat sub præceptum; atque adeo non tenentur ad semper orandum, *quantum humanæ fragilitati permittitur*, quod proprium est perfectorum. Sine quo vniue salvatur Carmelita verè talis. Tenentur tamen ad orandum mentaliter semper, ita ut semper verificetur, quod eorum principale studium est oratio purè mentalis. Sub quo præcepto omnes Carmelitæ comprehenduntur, siue sint Incipientes, siue Proficientes, siue Perfecti. Quæ doctrina pulchrè à Div. Thom. traditur d. q. 184. art. 1. in corp. ubi dupliciter posse intelligi perfectionem

huius vitæ docet: *Vno modo, in quantum ab effectu hominis excluditur omne illud, quod contrariatur charitati. sicut est peccatum mortale: & sine tali perfectione charitas esse non potest, unde est de necessitate salutis. Alio modo, in quantum ab effectu hominis excluditur non solum illud, quod est charitati contrarium: sed etiam omne illud, quod impedit, ne affectus mentis totaliter dirigatur ad Deum: sine qua perfectione charitas esse potest, puta, in incipientibus, & proficientibus.* Applica, quod de præcepto charitatis dicitur pro omnibus, præcepto orationis pro Carmelitis, & videbis fundamentum, quod in Div. Thom. habet solutio nostra. *Secunda* autem facti argumenti solutio traditur ab authoribus nostris verba illa regulæ explicantibus. Illos vide.

#### §. XI. Assertum directè respondens titulo quæstionis proponitur, & probatur.

149. **S**ic ultimum assertum: *Carmelitæ nostri tenentur sub mortali ad contemplationem.* Incipere mysteria diximus initio §. 7. Quia videlicet, licet ibi dicta adeo ardua sint, superantur tamen ab ijs, quæ modò dicimus. Dum autem audis, *contemplationem* in nostro asserto, non exemplò contemplationem in re, seu exercitiam intelligas, sed nec illam improprie talem consideres. Sed intellige contemplationem acquisitam propriè, ac rigorosè talem, quam habere, prout potest, Carmelita conetur. Ita vt, si Deus illam concedere nolit, non sit ob defectum ipsius Carmelitæ, uti num. 82. supposuimus. Præcipue tamen intelligere debes, quod non contemplatio exercitata sit nobis præcepta, hoc est, actualiter semper contemplari, sed contemplatio signata, hoc est, contemplatio prout constituit statum contemplativi, iuxta dicta num. 35. Sicque assertio propofita facit hunc sensum: *Carmelitæ nostri debent sub mortali esse contemplativi.* Hoc est, debere esse tales, vt eo-

rum principale studium sit contemplatio, vel quam in re habeant; si sint Perfecti, aut Proficientes; vel, ad quam se disponunt, aptantque, si Incipientes sint. In hoc ergo sensu loquimur, conclusionemque sic explicatam esse de mente Div. Thom. non dubitamus, ut mox dicemus. Alios autem Auctores pro eadem sententia non refero, quia eorum doctrinam illam comprobare satagam, & forsam, qui ex adverso esse videntur, contrarii non erunt.

Prob. igitur assertio 1. sic: Ad finem proprium, ac immediatum nostræ religionis tenentur sub mortali eius professores: contemplatio, modo dicto supra, est finis proprius, & immediatus nostræ religionis: ergo ad illam tenentur sub mortali eius professores. Consequentia est innegabilis. Mai. autem constat ex supra dictis, præsertim §. 5. 7. 8. & 9. ubi fuisse probata à nobis est, tum ab auctoritate, tum à ratione, tum à solutione eorum, quæ contra obijciuntur. Tum denique paritate illa habitus religiosi, quem sub mortali religiosus temere non deponere tenetur. Minor autem ex dictis in eisdem locis nota est, breviterque probatur sic: Contemplatio est finis immediatus familie contemplativæ; religio nostra est contemplativa: ergo finis immediatus eius contemplatio est. Min. in qua poterat esse difficultas, constat ex præmissis §. 6.

150. Dices: Per orationem purè mentalem, quæ tamen discursus sit, satisfacere omni satisfacere omni suæ obligationi professores nostræ regulæ: ergo vanè illos ad contemplationem propriè talem obligatos dicimus. Consequentia patet ex se, & anteced. probatur: Quia tota obligatio, quam ad orationem purè mentalem habent Carmelitæ, est, quam regula exprimit citato cap. 6. ijs verbis: *Maneant singuli in cellulis suis die, ac nocte in lege Domini meditantes, & in orationibus vigilantes*, ubi per *ly orationibus* intelligi orationem sive mentalem, sive vocalem diximus nùm. 127. ubi etiam diximus, per *ly meditantes* orationem

meditationis imperari: sed hic nulla, vel levissima mentio contemplationis fit: ergo nulla obligatio habent ad contemplationem professores nostræ regulæ.

Hoc est, quod magis urgere potest contra nostram positionem. Vnde accuratè evacuandum est. Ad quod duo faciam: primum erit, ostendere meditationem non sufficere, ut Carmelita suæ obligationi satisfaciatur: consequenterque videbimus, orationem purè mentalem, ad quam obligatum duximus à §. 7. vsque ad 10. non esse orationem discursus, sed contemplationem propriè talem, modo, quo initio huius §. dicebamus. Secundum erit directè explicare verba regulæ, quæ modò opponuntur. Ut ergo primum faciam.

151. Disputo sic 1. Ad illam orationem mentalem tenetur Carmelita, quæ est sui status constitutiva, & finis: sed oratio mentalis, quæ est constitutiva, & finis Religionis nostræ non est meditatio, sed contemplatio propriè talis: ergo ad contemplationem propriè talem tenentur Carmelitæ. Cætera nota sunt, probo min. Religio propriè contemplativa constituitur per cōtemplationem propriè talem: nostra sacra Religio est propriè, ac simpliciter contemplativa: ergo constituitur per contemplationem propriè talem. Nullam ex his propositionibus negandam ab adversarijs credimus; vnde, quo medio utantur, quod conscientiam, & intellectum quietet, in nostram resolutionem ignoramus. Maximè, si, ut supponimus, vicinos se morti considerent.

Dicere namque, quòd licet hæc omnia vera sint; tamen ex illis solum habetur, quòd contemplatio obliget: ad veniale. Hoc, si dicatur, habet contra se omnia illa, quibus assatim ostensum à nobis est, finem proprium, ut potè status distinctivum, obligari sub mortali. Quibus addet: Quòd verba regulæ, ut ait obijciens, nullam mentionem faciunt contemplationis. Quare ergo sub veniali obligare ad contemplationem, dicis?

152. Disputo 2. Carmelita tenetur vivere vita contemplativa : ergo tenetur ad contemplationem propriè talem. Antecedens est certum : Quia Carmelita tenetur vivere vel vita contemplativa , vel activa ; in hanc enim duplicem vitam dividi adequatè vitam in communi , diximus disput. præcedenti , q. 2. unde , cum non teneatur vivere vita activa , ut minùs principaliter , sequitur , quòd vita contemplativa vivere teneatur. Consequentia autem probatur : Quia vita contemplativa non constituitur nisi per contemplationem propriè talem : per actionem verò exteriorem , aut per meditationem , nullatenus constitui certum est : ergo qui tenetur ad vitam contemplativam , tenetur ad contemplationem propriè talem. Ex quo

153. Disputo 3. Qui tenetur ad vitam activam , tenetur ad actionem propriè talem : ergo qui tenetur ad vitam contemplativam , tenetur ad contemplationem. Ergo cum Carmelita , ut dictum est , teneatur ad vitam contemplativam , ad contemplationem propriè talem tenetur. Secunda consequentia nota est ex prima , quam antecedens suadet ; illud verò constat ex suprà dictis , ac præcipuè ex ijs , quæ num. 140. diximus ex Mag. Banez. Indidemque

154. Disputo 4. Quia Carmelita , (ex quo profiteatur vitam mixtam , modo dicto §. 6.) tenetur , licet minùs principaliter , ad vitam activam ; ideò tenetur ad actionem propriè talem ; unde tenetur ad opera misericordiæ erga proximum exercenda : ergo potiori iure tenetur ad contemplationem propriè talem. Patet ista : Quia magis tenetur ad vitam contemplativam , quàm ad activam , quandoquidem ad illam tenetur principaliter ; ad istam verò non : ergo si inferior obligatio ad vitam activam inducit obligationem ad actionem propriè talem ; maior obligatio ad vitam contemplativam , etiam inducere debet obligationem ad contemplationem propriè talem.

155. Disputo 5. Ad illam oratio-

nem mentalem tenetur Carmelita , quæ eius familiam facit magis perfectam , quàm sint familiæ religiosæ purè activæ : sed meditatio non facit familiam nostram magis perfectam , quàm aliæ purè activæ sunt : ergo meditatio non est oratio mentalis , ad quam tenetur Carmelita. Ergo tenetur ad contemplationem. Hæc secunda consequentia constat : Quia præter meditationem non datur alia oratio purè mentalis , nisi contemplatio. Prima consequentia ex præmissis nota est , quarum maior est certa : Quippe Carmelita tenetur ad illam orationem mentalem , quæ est constitutiva sui status , à qua consequenter hic eminet supra alios purè activos. Minor probatur 1. Meditatio est operatio vitæ activæ , ut diximus disput. præced. ergo per meditationem non est familia nostra magis perfecta , quàm purè activæ.

Prob. 2. eadem min. Quia adhuc inter opera vitæ activæ infimum locum tenet operatio , quæ non ad alium , sed ad utilitatem solummodò facientis ordinatur : si est meditatio : ergo per meditationem non potest familia nostra eminere supra purè activas. Maior , in qua dissidium esse poterat , probatur ex Div. Thom. in 3. d. 35. q. 1. art. 4. quæstiunc. 1. in corp. ubi ait : *Vita activa , quæ non ad alium , sed ad se ipsum tantum ordinatur , neque dignior , neque utilior est , quàm contemplativa ; imò comparatur ad contemplativam sicut utile ad id , ad quod est utile.* Vbi , ut vides , vitam activam , quæ est ad se ipsum cedere in utilitate , & perfectione vitæ contemplativæ , docet , cum tamen ibidem vitam activam , quæ est ad alium , utiliorem esse vita contemplativa , adstruat. Unde meditatio non potest facere familiam nostram perfectiorem alijs.

156. Sextò denique disputo : Professor nostræ regulæ est , ac dicitur contemplativus : ergo oratio , ad quam tenetur , non est meditatio , sed contemplatio. Patet ista , Quia meditatio nec constituit , nec determinat contemplativum , sicut contemplatio non con-

stiruit, nec determinat meditativum, aut activum. Anteced. autem probatur ex dictis §. 6. ubi ex diversis capitibus probavimus, Carmelitas esse, dicique contemplativos. Quæ videnda sunt, ut constet, datæ doctrinæ fundamentum, si nulloq; habeatur factæ obiectiois exterminium.

Placet autem pro horum vberiori doctrina illa à Prothoparente Elia in nos ipsos derivare. Etenim summus Dux, ac Parens noster cœlesti contemplationi summè deditus fuit, uti ex ipsa Scriptura sacra. colligi, N. Vvaldens. testatur tit. 1. de Sacramentalibus, cap. 6. num. 7. dicens: *Legere librum Regum 3. & 4. si non noster Sanctus Patriarcha Elias, non dico per plures vices sed penè totam vitam in orando consumpsit.* Eius successores ante adventum Christi Domini contemplativos etiam fuisse, asseverant D. Hieronym. ad Paulin. & D. Isidorus lib. 2. de offic. cap. 16. sed clarissimè Joannes Hierosol. lib. citato, de filiis Prophetarum, eorumque successoribus, ait: *Ad imitationem Eliæ incessanter, & continuè penetrare vastos secessus solitudinis montis Carmeli, & aliarum evemorum terræ promissionis solebant: ubi cogitationibus sanctis, & intentione, oratione, ac cæteris armis iustitiæ muniti, tanto conatu mentes suas, ad exemplum Eliæ Principis eorum, sursum in Dei contemplationem elevabant, ut cœlestibus choris viderentur translati, & revelata facie gloriam Dei speculari, persuentes colloquio Dei, cui puris mentibus inhærebant.*

157. Postquam autem Christus Dominus mundum adventu suo pijsimo consecravit eodem modo Carmelita & fuere, & dicti sunt Carmelita, uti asserunt Joseph. Antiochen. lib. de perf. milit. primit. Eccles. cap. 12. Armachan. apud Vvaldens. tit. 9. cap. 89. Joann. de Vitriaco in memorial. cap. 22. alijque. Nobis autem sat sint, quæ dicto §. 6. diximus, addentes solum verba Joan. XXII. qui cum nostræ familiæ professoribus loquens, ait in Bulla de exemptione ab omnibus

Prælati: *Sacer Ordo vester in agro dominico divina dispositione plantatus: Cuius professores, à se mundanis relegatis illecebris, cœlestium contemplationi vacantes assidunt ingiter, & profectibus animarum.* Ex quibus, alijque penè innumericis, quæ præterimus, assatim constat, à sua fundatione dictos esse contemplativos professores nostræ regulæ.

Quod nomen non meretur, qui actionibus, aut meditationibus exercetur, sed qui contemplationi propriè dictæ studet. Nomen sine operibus mortuum est, dicente August. lib. 1. de vita Christi cap. 1. *Quid tibi prodest vocari, quod non es, & nomen tibi usurpare alicui? Si Christianum te esse delectat, quæ Christi sunt gere.* Idem documentum tradit Sanctus Leo serm. 6. de nativ. per hæc verba: *Frustrà appellamur Christiani, si imitatores non sumus Christi, qui idè se viam dicit esse, ut conversatio Magistri, forma sit discipuli. Pulchrè Sanctus Bonifacius Othonem Imperat. interpellans dicebat: Quid vanam ego nominis umbram gero? Quid Martyris titulum circumfero, si non victorias, etiam & palmas? Superos testor, & cognomen Divum, aut non dicar Bonifatius, aut ero simul.*

158. Nec superfluit hæc mea admonitio, quam fratribus meis Carmelitis offero, licet ipsi, ut notum omnibus est, adeò vigilent in divinarum rerum cœlesti contemplatione, quò respexit Ovidius dicens lib. 2. de Ponto.

Ergo quod fuerat stimulis factura sine vllis,

Plenus auctorem te quoque nactus facit.

Acer & ad palmæ per se cursurus honores,

Si tamen horteri, fortius ibit equus.

Item ipse vulgaris lib. 4. de Tristibus. ait:

Nec te credideris, quia non facis ista, moneri:

Vela damus, quamvis remige puppis eat.



Qui monet, vt facias, quod iam facis; ille monendo

Laudat, & horratu comprobata sua.

159. Ostendi, vt potui, meditationem non esse illam orationem mentalem, quam regula nostra suis professoribus praecepit: sed vltra requiri contemplationem propriè talem. De hacque intelligenda esse ipsius regulæ dicta verba, inde patet, quod, vt tenet Caetan. & Exim. Suarez supra adducti, alijque plures, estque per se notum, verba regulæ accipienda sunt iuxta intelligentiam, & sensum Doctōr. illam profitentium, & maximè totius congregationis, pro qua lata illa regula est. Qualiter Doctōres nostri verba illa accipiant, constat ex dictis num. 121. vbi etiam posita est acceptio totius congregationis in sua constit. 1. part. cap. 1. num. 4. qui omnes vnanimiter intelligunt, in dictis regulæ verbis contemplationem nobis imperari. Vnde vel dicendum est, omnes illos improprijssimè loquutos, dum ad exprimendam meditationem nomine *contemplationis* vtuntur, quod est inconueniens maximum: vel dicendum est, regulam in illis verbis, *in lege Domini meditantes*, præcipere contemplationem.

160. Dices: sicut improprijè meditatio exprimitur nomine *contemplationis*, sic etiam contemplatio improprijè exprimitur nomine *meditationis*: ergo vel dicendum est, regulam improprijssimè loquutam, dum, vt præciperet contemplationem, nomine *meditationis* vsa est: Vel dicendum est, ipsam in ijs verbis, *in lege Domini meditantes*, præcipere meditationem.

Respond. totam congregationem, suosque D. D. verba regulæ explicantes, & in vnum concorditer convenientes, non posse, nisi violentissimè, sumi in sensu improprio; aliter nil firmum haberemus. Quod autem textus aliquis non ita propriè loquatur, res est, quæ posset sexcentis exemplis probari. Vnde in eo, quod regula exprimat contemplationem nomine *meditationis*, nullum adeest inconueniens,

quod quidem, & maximum, daretur, si Expositores eiusdem textus improprijè loquerentur. Ad hoc enim labor expositorum dirigitur, vt verba dubia, minùs propria, æquivoca, & obscura, nobis aperiant, quod haud facerent, si loquerentur improprijè.

Accedit 1. Quòd, cum vita nostra sit contemplativa; atque adeò, vt dictum est, debeat constitui per contemplationem, ille censendus est improprijè loquutus, qui vtitur verbo, quod, si propriè acciperetur, pessum iret status noster: eòque non in propria significatione, sed impropria sumendum est illud verbum. Ille verò censendus est propriè loqui, qui verbo vtitur, quod est proprijsimum statui. Vnde cum *meditatio* in significatione propria destruat nostrum statum, qui contemplativus est; propterea accipienda est in sensu improprio. *Contemplatio* autem in sui propria significatione est nostri status constitutiva. Vnde nomen *meditationis*, quo regula vtitur, non in significatione propria sumendum est; nec in impropria nomen *contemplationis*, quo regulæ expositores vtuntur.

Accedit 2. Quòd, vti initio quæstionis supposuimus, in præsentī loquimur de contemplatione acquisita, quæ non incongruè dicitur meditatio: quādoquidem est terminus meditationis; nostraque industria, ac studio comparata. Sicque Beat. Albertus, qui heroica brevitate compactam, vt omnes eius Expositores mirantur, regulam nobis tradidit, vnicō verbo cōtemplationem activam nobis necessariam asseruit: quamobrem illam meditationem nominavit. Ac si diceret: Meditationem præcipio; sed talem qualem patitur status eorum, quibus hoc præcipitur. Vnde eum talis status sit propriè contemplativus, non patitur meditatio; nem communiter acceptam; sed illam, quæ contemplatio sit. Quiaque hoc meum præceptum non loquitur de contemplatione infusa: propterea contemplationem, quam impero, meditationem dico. Vt videlicet vnicō verbo

aperiam, me loqui de contemplatione acquisita, quæ quia terminus meditationis est, laboreque proprio, studioque comparatur, non incongruè dicitur meditatio. Ex quibus ad factam objectionem

Resp. omisso anteced. negando consequentiam: Quia etsi aliqua verba regulæ dubia, obscura, aut æquivoca, sint, nullum datur inconveniens: tum, quia tota congregatio, quæ regulæ subest, declarat sensum, in quo accipienda sunt verba illa. Tum, quia ipsius regulæ Expositores hoc ipsum aperiunt. Si autem isti minùs propriè loquerentur, non esset, à quo eorum sensus haberi posset. Præterquamquod verba illa ambigua regulæ ex fine ipsius determinantur ad significandum non pro meditatione, sed pro contemplatione, quæ est regulæ finis. Vnde nulla in ijs verbis adest improprietas censuranda: Quin potius datur in illis brevitatis, ac fœcunditatis extollendæ, ut ex dictis patet.

§. XIJ. *Alia eiusdem assertio-  
nis probatio.*

161. SECUNDAM autem propositi asserti probationem nobis offert Div. Thom. ex Sacra Scriptura. Verba Div. Thom. 2. 2. q. 186. art. 2. hæc sunt: *Ad 2. dicendum, quod sicut diligere Deum ex toto corde tenentur omnes; est tamen aliqua totalitas perfectionis, quæ sine peccato prætermitti non potest: alia autem, quæ sine peccato prætermittitur, dum tamen desit contemptus, ut supra dictum est. Ita etiam omnes tam Religiosi, quam seculares tenentur aequaliter facere quicquid boni possunt. Omnibus enim communiter dicitur Eccl. 9. quodcumque potest manus tua instanter operare. Est tamen aliquis modus hoc præceptum implendi, quo peccatum vitatur, scilicet, si homo faciat, quod potest, secundum quod requirit conditio sui status: dummodo contemptus non adsit agendi meliora, per quem animus firmatur contra spirituum profectum.*

Hæc Div. Thom. in quibus, quoad præfens, ponderandum est 1. in datis Eccl. verbis contineri præceptum: sic aperte supponit Div. Thom. suadeturque ex paritate, quam facit cum illo alio textu, *diligas Dominum Deum tuum ex toto corde*. Augeturque horum textuum convenientia ex eo, quod sicut in hoc secundo datur totalitas dilectionis, quam non habere, peccatum grave est: & datur alia totalitas, quâ non habere, peccatum non est. Ita similiter in primo illo est duplex totalitas: una consistens in hoc, quod homo faciat, quod potest secundum conditionem sui status; & hæc totalitas cadit sub præcepto. Alia consistens in hoc, quod homo faciat, quantum potest ultra, vel supra conditionem sui status. Et hæc totalitas nulli præcepta est. Vnde ut cognoscatur, an aliquid ex his, quæ homo facit, cadat sub præcepto, duo requiruntur: primum, quod homo possit facere illud opus; quia ad impossibile nemo tenetur. Secundum, quod sit, non supra, sed iuxta conditionem status sui: si namque supra status conditionem sit, erit opus supererogationis, non præcepti. Ex quibus

Probatur sic nostra conclus. Carmelitæ possunt contemplari, & contemplatio est iuxta conditionem sui status: ergo contemplatio præcepta est Carmelitæ. Ergo hi ad contemplationem sub gravi culpa tenentur. Vtraque consequentia nota est, tum ex dictis, tum ex antecedenti, cuius prima pars est omnino certa; loquimur enim de contemplatione activa, quam omnes ex Dei communi gratia habere possunt. Secunda autem pars eiusdem antecedentis probatur: Contemplatio est constitutiva status Carmelitæ: ergo est iuxta id, quod requirit conditio sui status. Immo nihil aliud magis, nec æquè secundum id, quod requirit conditio status, quam ipsius status constitutivum, ut intuens facile deprehendit.

162. Confirmatur 1. hæc ratio ex paritate illa præcepti charitatis inducta a Div. Thom. Etenim quia omnibus præcipitur, ut Deum ex toto corde dili-



diligant, est omnibus simpliciter necessaria Dei dilectio ex toto corde, *quæ sine peccato prætermitti non potest*: Sed Carmelitis præcipitur contemplatio ergo contemplatio est ipsis necessaria simpliciter. Consequentia bona est. Et sane, si iuxta Angelicum Div. Thom. iudicium paritas desumpta ex præcepto illo Ecclesiast. convincit necessitatem dilectionis totalitate, *quæ sine peccato prætermitti non potest*: pariter & ipsum charitatis præceptum convincit necessitatem contemplationis. Maior certa est. Et minor, in qua poterat esse difficultas, probatur: Quia in dato textu Ecclesiast. omnibus præcipitur, quod faciant ea, quæ iuxta conditionem sui status possunt: ergo hoc ipsum præcipitur Carmelitis. Modò sic: sed quod isti possunt facere, *secundum quod requirit conditio sui status*, est contemplari: hoc enim est propriissimum suo statui: ergo illis in dicto textu Ecclesiast. præcipitur contemplatio.

163. Confirm. 2. Præceptum illud Ecclesiast. imponitur omnibus, ut bene operentur, *secundum quod requirit conditio sui status*: sicut præceptum charitatis imponitur omnibus, ut Deum diligant ex toto corde totalitate, *quæ sine peccato prætermitti non potest*, frangit charitatis præceptum: ergo qui non bene operatur, *secundum quod requirit conditio sui status*, transgreditur præceptum illud Ecclesiast. Ergo ut Carmelita non transgrediatur præceptum illud, debet contemplari. Maior constat: Quia sicut charitas, licet omnes indifferenter obliget, differenter tamen adimpletur; quia qui obligatus ad consilia non est, Deum amat ex toto corde, totalitate dicta; quin consilia impleat: quod non evenit in eo, qui ad consilia tenetur, ut patet: ita etiam bene operari, *secundum quod requirit conditio status* operantis, dicit, quod licet omnes ad hoc teneantur; unusquisque tamen debet operationes proprio statui correspondentes exhibere. Quandoquidem idem opus fac-

tum V. C. à Sacerdote est bonum; factum verò à non Sacerdote est malum, & contra. Minor est omnino certa, & prima consequentia: secunda autem constat ex dictis: Quia operatio propria Carmelitæ est contemplatio; hanc enim requirit conditio sui status. Vnde Carmelita, qui contemplativus non est, præceptum illud Ecclesiast. transgreditur.

### §. XIIJ. Respondetur argumentis.

164. **N**on sunt nobis modò plura argumenta, quibus occurrere debeamus; quia ex ijs multam iam sunt in antecedentibus enodata. Vnde pauca supersunt, & quæ haud difficulter possent ex dictis, sine ipsorum propositione, evacuari. Maioris tamen claritatis gratia vnum, vel alterum subiiciemus. Arguitur ergo primò: In Religione dantur incipientes, proficientes, & perfecti: ergo non omnes religiosi nostri tenentur ad contemplationem. Antecedens est certum, constatque ex citato Div. Thom. art. 1. ad 3. & consequentia probatur. Non omnes religiosi possunt contemplari: ergo non omnes ad contemplationem tenentur. Patet ista, Quia nemo tenetur ad id, quod non potest. Probatur antecede. Quia incipientes contemplari non possunt; immo si contemplationi dederentur, magnis periculis se se exponerent, uti alibi ponderavimus: ergo non omnes religiosi contemplari possunt.

Respondetur omnes professores nostræ sacræ Religionis ad contemplationem propriè talem teneri; sed non ad contemplationem præcisè habitam; sed per distributionem accommodam; vel ad habitam, vel ad habendam. Illi, qui sunt in statu contemplandi, contemplari debent. Illi verò, qui ad talem statum non pervenire, debent meditari: taliter tamen, quod quantum est ex se, satagere debent, ut ad contemplationem ascendant; sin minus mendaces sunt, quia induti veste contem-

plativa, quam in professione acceperunt, opera contraria sunt illis indumento.

165. Dices: Sicut professores nostræ regulæ tenentur ad contemplationem habendam, sic etiam tenentur ad habendam perfectionem: sed ita tenentur ad perfectionem habendam, ut numquam debeant, illam in actu habere: ergo ita etiam tenentur ad contemplationem, ut numquam ad illam actu habendam teneantur.

Respond. quod si adversarij modò cōcederēt obligationē ad cōtēplationē, etsi habendā; iam multū à se ipsis distarent: dum ad contemplationem, quocumque modo consideratam, nullam obligationem dari, dicunt. Quicquid autem de hoc sit: ad obiectionem negetur maior. Cuius ratio ea est, quod status noster non est status perfectionis, seu perfectorum; sed status tendentium ad perfectionem. Vnde per hoc, quod eius professores ad perfectionem nitantur, expleant omnia, quæ debēt. Ast ipse status noster est status contemplativus, qui status non dicitur talis à contemplatione, quæ inquiritur, sed ab ea, quæ actu habetur. Vnde incipientes, qui illam habere non possunt, debent ita in illam tendere, quod tandem assequantur, quantum est ex parte sua.

166. Instabis: Ergo perfecti tenentur ad contemplationem infusam. Probatur ista: Professores nostræ regulæ tenentur ad contemplationem acquisitam, quia ista est actus proprius status eorum, sed contemplatio infusa est proprius actus status perfectorum: ergo isti tenentur ad infusam contemplationem.

Respond. negando consequentiam; ad probationem negatur similiter consequentia, cuius duplex est ratio discriminis. Prima est, quod professor nostræ regulæ ex vi illius debet esse contemplativus; non tamen debet esse perfectus. Vnde quamquam iam perfectus sit, non tenetur ad contemplationem infusam, quia non tenetur ad perseverandum in statu perfectionis. In statu verò contemplativi tenetur per-

severare: atque adeò tenetur ad contemplationem acquisitam. Ast quia instantia potest loqui de ijs, qui ad perfectionem habitam tenentur; propterea damus secundam discriminis rationem, quæ consistit in eo, quod contemplatio acquisita est opus, quod viribus communibus gratiæ studio proprio habetur: contemplatio infusa est actus, quem nullus habere potest, nisi sibi desuper concedatur. Vnde potest dari obligatio ad primam contemplationem, quin detur ad secundam. Quæ dicitur actus proprius perfectorum, non quia isti ad illam teneantur, sed quia, quibus illam Deus communiter infundit, perfecti sunt.

167. Arg. 2. Numquam petita est à Sede Apostolica mitigatio huius obligationis: ergo non adest. Anteced. constat, Tum quia in mitigationibus, quæ ab Eugenio, & exinceps obtentæ sunt, non est memoria de eo, quod articulus ille regulæ dic, ac nocte meditari præceptis, mitigatus sit. Tum quia Nostri PP. Observantes profitentur, sicut & nos, vitam mixtam ex contemplatione, & actione, ut docent laudati Salmant. nostri, & noster Cursus moral. Et consequentia probatur: Quia si professores nostræ regulæ tenerentur sub mortali ad contemplationem, esset hæc obligatio gravior adhuc, quam omnes illæ pro quibus petita est, & obtenta mitigatio: ergo si pro hac non est petita mitigatio, est quia talis obligatio ad contemplationem sub culpa gravi non datur. Antecedens constat: Tum quia minus difficile est die, ac nocte in cella perseverare, silere, à carnibus abstinere, & huiusmodi alia, quam contemplari. Tum, quia illæ aliæ obligationes non graves erant, sed leves; obligationem autem ad contemplationem sub culpa gravi esse dicimus. Deinde probatur consequentia: Quia ratio propter quam petita est illa mitigatio fuit rigorositas ipsarum obligationum, quam sustinere non valentes petierunt mitigationem anno Domin. 1431. ab Eugenio IV. à Pio II. ann. Dom. 1459. ac denique à Sixto IV. an. Dom. 1476.

Ergo

Ergo si obligatio ad contemplationem, foret adeo gravis, potiori iure ipsius mitigationem curassent.

168. Confirm. 1. Quia motivum, ob quod petita sunt illa mitigationes non fuit rigor, vitæque austeritatem fugere; nec tale credi debet de adeo religiosi Patribus: fuit autem motivum vitare scrupulos, quos incurrerant, vigentibus ijs obligationibus, uti idem Eugenius refert in bulla mitigationis per hæc verba: *Et propter eam nonnulli ipsius Ordinis professores propter aeternitatem, & rigorositatem regulæ huiusmodi, tam ex fragilitate humana, quam ex debilitate corporis, nequeunt eas eandem regulam observare, dispendium suæ salutis incurant: sed multo magis exposita est dispendio salutis obligatio gravis ad contemplationem, quam obligatio levis ad alia, quæ num. præcedenti recensuimus: ergo si adesset obligatio gravis ad contemplationem, petita fuisset eius mitigatio. Ergo quod non petita sit talis mitigatio, est signum evidens, non adesse talem obligationem.*

169. Confirm. 2. Quia apud dictos nostros P. P. Observantes tempus destinatum ad orandum mentaliter in satisfactionem regulæ, non dicitur tempus contemplationis, nec orationis mentalis, sed tempus meditationis: sic enim multoties à diversis horum religiosorum auditur: *Eram in meditatione. Ivinus ad meditationem, &c.* Ergo professor nostræ regulæ non teneatur ad aliam orationem purè mentalem nisi ad orationem meditationis, ex vi ipsius regulæ.

170. Ut argumento occurrerem, plurima dicere possem, quæ meditatio prætereo. Igitur respondeo: negando omnes eius consequentias. Discrimen inter contemplationem, & alias obligationes mitigatas est summè consonum fundamento sententiæ, quam defendendo, consistitque in hoc: quod contemplatio est specificativum Religionis nostræ, ut dictum est: vnde si contemplatio auferretur, non maneret eadem religio. Quod de alijs obligatio-

nibus non verificatur: illæ enim solum sunt media ad finem obtinendum. Et media possunt quidem auferri, vel variari; quin religio subeat mutationem. Quod si argumentum loquatur non de totali ablatione huius obligationis, sed de ipsius mitigatione: ut videlicet, non vrgeat die, ac nocte, sed statutis diei spatijs. Tunc dicam, quod posset sic mitigari, quin familia specificam mutationem subiret. Quare autem non sit factum? In promptu responsio est: Quia illorum P. P. nota religiositas scrupulis, ut ait Eugenius, occurrere volens ea solummodò mitigata desideravit, quæ scrupulis fovere valebant de quorum numero contemplatio non est: hæc enim obligatio multis modis impleri potest, de quo videndi sunt nostræ regulæ Expositores. Et sanè quicquid ex hac parte opponi potest contra obligationem contemplationis pariter verificatur in obligatione meditationis, ad quam professores nostræ regulæ, ut minus, teneri; & quidem sub gravi culpa, fuisse ostensum à nobis est. Immo etiam si tantum ad levem culpam obligaret, eodem modo ipsa met difficultas vigeret: quia adhuc tunc meditatio regulæ professores gravaret, non minus quam aliæ mitigatæ obligationes; & tamen ab obligatione meditandi petita non est mitigatio. Vnde quod obligatio sit magis, vel æquè gravis non est motivum, ut si mitigatio vnus postulatur, & alterius debeat etiam pariter postulari.

Per quæ patet ad primam confirmationem. Et cum modò supponi debeat obligatio gravis ad orationem purè mentalem, iam antea ostensa, vindicataque: nil vrget in contemplatione, quod in meditatione æqualiter non vrgeat. Vnde motiva, quæ arguens dederit, ut non petita sit mitigatio meditationis, assignamus, & nos, ut non petita sit circa obligationem contemplationis.

Ad 2. confirmationem dicas: Sacram nostrorum P. P. observantium familiam esse simpliciter contemplativam. Et numquàm ad hoc deveniam,

vi, familiam simpliciter contemplativam constitui per aliud à contemplatione, dicam. Quòd autem tempus orationi mentali lacratum, meditationis vocent, nihil probat eò multa, quæ quisque extemplo cõsiderat. Eò vel maxime quia sic potest appellari in imitationem regulæ, contemplationem, ad quam tenemur, meditationem dicentis. Vide dicta num. 160.

171. Arg. 3. Si omnes professores nostræ regulæ tenerentur ad habendam contemplationem, in pluribus, qui perfecti non sunt invenirentur simul vita activa contemplativaque: hoc non est dicendum: ergo nec quòd detur talis obligatio ad contemplationem. Min. constat ex dictis disput. præced. quæst. vitæ. ubi vidimus, quòd adunare utramque illam vitam est perfectorum: unde qui perfecti non sunt, non possunt illas habere simul. Maior seu sequela probatur: Quia Professor nostræ regulæ, qui perfectus non est, tenetur per nos ad contemplationem cõstitutivam, seu propriam nostri status: at hæc contemplatio connectitur indispensabiliter cum actione; siquidem constituit statum mixtum ex contemplativo, & activo: ergo tenet sequela.

Confirm. Nam Carmelita, qui perfectus non est, vel exercet simul vitam contemplativam, & activam; vel non: si non: ergo non facit opera propria status, quem profitemur, qui, vrpote mixtus, utramque illam vitam requirit. Si sic: ergo utraque illa vita in co datur.

Respond. argumento: Quòd aliud est, quòd aliquis ob virtutem, qua fulget, simul habeat vitam activam, & contemplativam, & aliud, quòd ex statu, quem profitemur, ad exercitium utriusque illius vitæ teneatur. Primum enim dari non potest, nisi subiectum sit valde perfectum, vt loco citato dicebamus. Secundum autem valet verificari, quamquam subiectum perfectum non sit: tunc enim non est subiectum, quod duplicem illam vitam adunat, sed status: unde hic debet esse perfectus, non illud. Subiectum debet per opera pro-

pria status dirigi ad perfectionem: unde & debet contemplari, & etiam agere: taliter, quòd hæc actio non sit ex redundantia illius cõtemplationis: hoc quippe foret iam esse perfectum: sed taliter quòd illa actio sit dispositio ad contemplationem. Adde: quod in religiosis est etiam aliud principium, in quod ista refundantur, videlicet ebediuntia, qua accedente, relinquit contemplationem, ad quam professor nostræ regulæ ex vi proprii status tenetur, & Deum propter Deum deserens, vt dici solet, diver tit, & non sine magno lucro ad id, quod sibi à suo Prælato imperatur. Unde non sequitur, quòd sit perfectus ex quo exerceat utriusque vitæ munia; sed quòd sit obediens, & per obedientiæ exercitium perfectionem inquirat: quæ si nactus fuerit, utramque illam vitam adunabit. Per quæ ad confirmationem constat. Aliud argumentum, quòd hic fieri poterat circa nostros fratres, quos dicimus *vite active* propositum, solumque suprâ iam est disputat. præced. num. 35.

#### §. XIV. Aliquot dubia agitatae difficultati connexa deciduntur.

172. **E**X dictis in tota hac quæstione, & speciatim §. 2. dubitabis: an non solum religiosus, sed etiam sæculares teneantur tendere ad perfectionem? Et videtur, quod non: Primò ex status religiosi definitione, quam loco citato dedimus, consistitque in hoc, quòd sit *status perfectionis perpetuò acquirendæ*, &c. Sed status sæcularis non est status religiosus: ergo status sæcularis non est status perfectionis acquirendæ.

173. Secundò præterea: Diffinitio conveniens alijs à definito non est bona: sed si sæcularis teneretur ad perfectionem, definitio status religiosi conveniret alijs à definito; videlicet, statui sæcularium: ergo talis definitio non esset bona, contra auctoritatem omnium, qui illa definitione, tamquam bona

bona, vtuntur: ergo secularis non tenetur obiri ad perfectionem.

174. Tertio præterea: Religio ex Div. Thom. 2. 2. q. 186. art. 1. nominat statum perfectionis, non quia eius professores teneantur ad habendum actum perfectionem: sed quia tenentur ire ad perfectionem: sed vita secularium non nominat statum perfectionis: ergo seculares non tenentur ire ad perfectionem. Vel si tenentur: in quo à religiosis discriminantur?

175. Sed contra est id, quod Div. Thom. docuit num. 161. dicens: *Omnes tam religiosi, quam seculares tenentur aequaliter facere quicquid boni possunt. Omnibus enim communiter dicitur Eccles. 9. quodcumque potest manus tua instanter operare.* Sed quod aliquis sit obligatus ad faciendum quicquid boni potest, est obligari ad querendam perfectionem: ergo secularis ad hoc obligatur.

176. Respódeo dicendum: Quòd, vt ex textu nuper adducto constat, secularis tenetur instanter facere quodcumque potest manus sua, secundum quod requirit conditio sui status, vt explicat Div. Thom. quod & non aliud requiritur, vt quis ad perfectionem gradiatur. Tendit religiosus ad perfectionem faciens, quod potest, secundum quod requirit conditio sui status. Tendit secularis ad perfectionem faciens, quod potest secundum quod requirit conditio sui status. Conditio status religiosi est, quòd perfectionem inquirat, ne dum per observationem præceptorum, verum etiam consiliorum. Conditio status secularis est, quòd querat perfectionem per observantiam præceptorum. Et in hoc, quòd est teneri, vel non teneri ad consilia, differt status vtriusque. Vnde definitio status religiosi, quam suprà dedimus, sic se habet: *Est status perfectionis perpetuè acquirenda per tria vota castitatis, paupertatis, & obedientie &c.* In qua definitione illa verba per tria vota &c. habent rationem differentie, in istque status religiosus cum nullo alio convenit. Prima autem verba, nempe: *Sta-*

*us perfectionis perpetuè acquirenda; habent rationem generis.* Vnde mirum foret, si per illa cum alijs non conveniret.

Egregiè Chrylost. hanc ipsam veritatem docet lib. 3. advers. oppugn. vit. Monast. dicens: *Fallis te ipsum prorsus, ac decipis, si putas aliud à secularibus viris, aliud à monachis requiri. Hæc enim ferè sola est in utroque genere vitæ differentia, quòd illi quidem matrimonij vinculis se constringunt: hi verò his liberi perdurant. In reliquis verò communis, atque eadem ab utrisque vitæ ratio requiritur, eisdem proculpis, pœna omnibus vna debetur. Nam qui fratri suo irascitur sine causa, sive illo secularis fuerit, sive monachus, Deum similiter offendit. Cum diceret Christus, vae ridentibus, non addidit, monachis, sed absolutissimam de omnibus sententiam tulit. Cum dicit: Beati pauperes spiritu, Beati, qui lugent &c. nec monachi, nec secularis nomen adiecit. Ceterum ista distinctio ex hominum estimatione introducta est; Sacra verò pagine nihil horum penitus noverunt. Hic adiecit sanctus: Hoc est plane, quòd evertit orbem universum; quòd summa vitæ bene agenda diligenter monachis opus esse, arbitramur: Ceteris negligenter vivere licere. Concluditque: Itaque quòd ad eandem vitæ diligentiam, supremumque perfectionis festigium, per divinas leges, pariter & secularis, & monachus cogantur, quòd ne ambo, si ceciderint, equalia sint accepturi vulnera, neminem iam quantumlibet ille sit contentiosus, & impudens, contradicendum existimo.*

Vnde patet, quòd discrimen inter secularem, religiosumque, consistit in eo, quòd religiosus tendit ad perfectionem per observantiam consiliorum, propter quod religio dicitur status perfectionis habendæ, seu acquirendæ. Et per hoc patet ad omnia obiecta.

177. Dubitabis 1. An professor nostræ regulæ qui iusta occasione extracellularibus operibus vitæ activæ occupatur, teneatur tunc ad contemplationem?

Et videtur, quod non. Primò, quia hoc clarissime exprimitur in regula dicente: *Maneant singuli in cellulis suis, vel iuxta eas, die, ac nocte, in lege Domini meditantes, & in orationibus vigilantes, nisi alijs iustis occasionibus occupentur*: Sed ex vi horum verborum eximitur religiosus ab obligatione manendi in cellula: ergo etiam eximitur ab obligationi contemplandi.

178. Secundò præterea: Quia clausula in fine dictionis posita æqualiter refertur ad antecedentia: sed data clausula, ita respicit mansionem continuam in cella, quod illam pro tunc non obligare faciat: ergo pariformiter dicendum est de obligatione contemplationis.

179. Tertiò præterea: Quia hoc esset nimis onerosum, expositumque maximis scrupulis; siquidem cumurbatione erga plurima impossibilis est quies contemplationis: ergo si ex vna parte teneretur religiosus ad deserendam cellulam ob iustam occasionem illum ab ea extrahentem; & ex alia in conspectu tumultuum exteriorum contemplari teneretur, expositus esset maximis scrupulis, ac veluti impossibilia ipsi præciperentur.

180. Sed contra est, quod religio nostra verba illa regulæ sic semper intellexit, ut etiam ipsi, qui extra cellulas iustis occasionibus occupantur, adsit obligatio ad contemplationem. Sicque ipsius regulæ Expositores illam declarant, ut videre est apud Cursum moral. illos adducentem tract. 25. cap. 9. p. 4. num. 65.

181. Respondeo dicendum, non defuisse, cui religiosus extra cellulâ iusta occasione occupatus, liber à contemplandi obligatione, videretur. Sic enim ait Disceptatio mystica tract. 1. q. 2. art. 2. cuius hæc sunt verba: *Vnde ex vi huius legis ad continuum mentalis orationis exercitium tenemur, nisi alijs iustis occasionibus occupemur, ut inibi regula ipsa notat*. Sed hoc nihil est: Quia neminem excusare regulam à præcepto per ipsam lato, nisi causa adsit, certum est. Manifestum est autem,

quod nemo, siue cellula quiete fruatur, siue extra illam ex obedientia occugetur, habet causam illam à præcepto contemplationis excusantem. Vicini huius præcepti non tenentur religiosi ad semper, etiam si in cella sint, contemplandum; sed ad dirigendum quæcumque faciunt, cogitant, loquuntur, quantum humana fragilitas patitur, ad hoc ut ipsi contemplativi sint. Vnde extra cellulam iusta occasione de gentibus nihil aliud ex vi dictorum verborum præcipitur, nisi quod aliâ ipsa regula tradit: videlicet, quod quæcumque ab ipsis agenda sunt in verbo Domini fiant. Hoc est, ut Deum præsentem habeant extra cellulam, ut ad ipsum dirigant, quæ faciunt, ut taliter extra cellam occupentur, quod ad ipsam regredi, finita occupatione, cunctent. Hoc solum præcipitur, & hoc inter maiores tumultus potest fieri. Vnde relinquitur, quod non est causa, quæ dictum religiosum excuset: consequenterque tenetur ad contemplandum modo dicto.

Ad 1. dicendum, quod ut religiosus non sit in cellula, ad eam causam scilicet; illa iusta occasio illum ad cellulam deserendam constringentem. Ad deserendam autem contemplationem nulla causa datur, ut dictum est. Vnde licet vi illorum verborum maneat obligatus à perseverantia in cellula; non autem à perseverantia contemplationis.

Ad 2. dicendum, quod clausula siue in principio, siue in fine posita æqualiter refertur ad omnia subsequētia, vel antecedentia; si omnibus illis sit eadem dispositionis ratio, non verò si diversa ratio dispositionis datur. In proposito autem datur diversa ratio dispositionis; quia perseverare in cellula iusta occasio dispensat; sed non dispensat contemplationē, quia relatè ad illam non est occasio iusta, ut dictum est.

Ad 3. dicendum, in hoc nullum scrupulum inveniri posse, cui facilitate non occurratur: quia ut dictum est, vi huius præcepti non tenemur ad semper contemplandum, sed ad faciendum ea ipsa, quæ faciamus, cum utilitate spiritus,

tus, ne rebus exterioribus tantum tradamur, ut studium contemplationis amittatur. Solicitudo erga plurima certum est, quod avertit considerationem, animumque distrahit: verum contra hoc debet militare sollicitudo studij principalis. Et nota, quod iuxta Abulenſ. Christus Dominus Marthæ reprehendit, non quia sollicita erat erga plurima; quippe sine hac sollicitudine Christi convivium haud pararetur. Reprehensa est ergo Martha, quia cum illis plurimis, erga quæ sollicita erat, turbabatur: & hæc turbatio studium principale auferbat, & conturbatam ad querelas adversus sororem inclinabat. Sollicitus sit religiosus extra cellulam, sed non turbetur, seu exturbetur à principali studio, ut sic augeri in virtutibus mereatur.

182. Dubitabis 3. An qui duabus horis orationis à constitutione statutis assistit, impleat hoc præceptum regulæ, quamvis alijs temporibus orationis meditatio non mittinerit, eo motivo ductus, quia non est in illis alijs temporibus ad orandum obligatus? Et videtur, quod sic. Primò, quia iuxta Augustin. lib. de hæresib. cap. 57. ille præceptum Domini, & Apost. sine intermissione orandi adimplet, qui statutas horas orandi non prætermittit: sed religiosus noster; qui cum alijs assistit quotidie duabus horis orationis, statutas orandi horas non prætermittit: ergo hic satisfacit regulæ die, ac nocte orare præcipienti.

183. Secundò prætereà: Quia qui horis statutis orat, & fini proprio nostræ regulæ satisfacit; siquidem studium principale istius contemplatio est, ipseque est contemplativus: sed per hoc quod professor nostræ regulæ contemplativus sit, satisfacit præcepto regulæ: ergo.

184. Sed contra est, quia in regula præcipitur nobis oratio die, ac nocte habenda; unde cum his adeò perspicuis verbis non videtur compatibile, quod per illas duas horas orationis præcepto regulæ satisfiat.

185. Respondeo dicendum, quod

circa hoc non deest, qui asserat per duas orationis horas adimplere Carmelitam aliquo modo obligationem, quam habet contemplandi, si illis horis assistat animo habendi orationem, ut pax est, illamque habeat, ut debet. Sed hoc ex vna parte est nimis speculativum, & ex alia falsum. Est nimis speculativum, quia impossibile videtur, posse quemquam bene orare, si prius animus eius effusus est. Est etiam falsum, quia antè orationem debet anima preparari, ut cum omnium Domino loquatur; aliter Deum tentare convincetur. Hæc autem præparatio est duplex, ut ex alibi dictis constat, alia proxima, & remota alia: quæ omnino ante orationem habendæ sunt. Aliter non faciet orans quantum potest, ut bene oret. Unde vel religioſus ante orationem proximè, ac remotè præparat animam; vel non? Si sic: Ergo alijs temporibus mentem ad Deum elevat. Si non: convincitur, quod non facit, quod debet, ut bene oret: consequenterque falsum est, quod statutas duas horas habeat, ut debet. Id ipsum dicendum est, de propositis, quæ in oratione habet, & de effectibus ipsius orationis. Insuper constitutio non determinat tempus, in quo regulæ præceptum impleatur: sed in quo ignis contemplationis, qui secundum regulam iugis esse debet, foveatur. Relinquitur ergo, quod tradita opinio sit valde speculativa, & falsa: consequenterque quod Carmelita non satisfacit præcepto regulæ duabus illis horis orationis.

Ad primum ergo dicendum: Augustinum loqui de oratione vocali, quæ sanè non potest esse continua; non autem loquitur de oratione purè mentali, quæ iugis esse potest, iuxta eundem Augustin. epist. 121. ad Probam cap. 9. ubi ait: *Ipsum desiderium tuum oratio tua est. & sit continuum desiderium continua oratio: non enim dicat frustra à Apostol. sine intermissione orantes. Numquid sine intermissione genuflectimus; aut manus levamus? Orare hoc pacto sine intermissione non possumus facere. Est alia interior oratio sine intermis-*



*termiffione, oratio, quæ est defiderium. Si non vis intermittere orare, noli intermittere defiderare. Continuum defiderium tuum; continua vox est. Tacbis, fi amare defiffas.* Vnde fic Auguftinum ex ipfo Auguftin. explicamus.

Ad 2. dicendum, illum difcurfum nimis fpeculativum, falſumque eſſe, vt dictum eſt. Præterquàm quòd, qui duas orationis horas habet, ſatiffacit conſtitutioni, non autem regulæ, quæ iuxtà eandem conſtitutionem 1. p. cap. 1. num. 1. præcipit, *vt mens noſtra, quantum humanæ fragilitati permittitur, Deo, ac divinis rebus, perfeveranter inhereat.* Manifeſtum eſt autem, quòd Deo non inhareret, quantum humanæ fragilitati permittitur, qui Dei ſolummodo in illis ſtatutis horis meminit. Vnde per illas non adimpletur præceptum regulæ.

Alia dubia poſſent hîc excitariſed quæ principaliter, directeque pertinent ad regulæ Interpretes, quos vellem eorum aliqua non adco ſuppre-

ſiſſe. Verùm cùm regulæ explanatorem non agam, in alienam meſſem mittere falcem non debeo. Dicta tamen ſufficiat tradidiſſe, & hæc ita indigitaliſe pro hac ſatis implexa quæſtione, in cuius progreſſu quicquid diximus, vicinam conſiderantes mortem loquuti ſumus. Si vel vni proficua fuerint, quæ tradidimus; affatim fortunatus erit noſter labor, qui nemini iniurius eſt; nam ſi vera ſunt, quæ ſcripſi, nullius conſcientiam perturbo, dum illa ante conſpectum ipſius obijcio, quibus adſtringitur, mortisquæ irremediabilem anxietatem ex hac parte arceo. Nullum concionatorem perturbatum, anxium vè inſpexi, etiam ſi ſumma authoritas Div. Thom. in 3. d. 35. q. 1. art. 3. quæſtiunc. 3. in ſine corp. aſſeveret: *Ideo oportet eos (Prælatos) in moralibus virtutibus perfectos eſſe, & ſimiliter prædicatores, alias indigne quis prælationis, vel prædicationis officium aſſumit.* Cur ergo mea nulla authoritas valeat aliquem perturbare?

## DISPUTATIO DUODECIMA.

### *De potentia proxima Divinæ contemplationis.*

**P**romiſſis ſtamus, dum poſt diſputationem de principio *quod* cœleſtis contemplationis animi ad ipſius potentiam proximam convertimus. Principium itaque *quod* actionis ex duplici principio *quo* conſtituitur, quorum vnum eſt radicale, & aliud proximum. Principium radicale eſt, à quo proximum principium proſluit, quodque medio principio proximo in operationem inſluit. Si

de principio remoto, ac radicali Divinæ contemplationis diſceptarem, tempus tererem; quia ex vna parte nulli dubium eſſe poſſe, quòd anima rationalis eſt tale principium, & ex alia nihil, non cuique pervium, eſt, quod occasione huius controverſiæ offeratur. Vnde relicto principio *quo* remoto, de principio *quo* proximo, ſeu de potentia formaliter, & elicitive cõtemplatrice ſermonicinamur.

## QVÆSTIO PRIMA.

### *Vtrum contemplatio Divina proximè eliciatur ab anima rationali?*

**S**ICVT ſcribendi cacoethes tenet multos iuxta Satyrici effatum; ſic etiam novitatum ambitio

multos tenet, à qua peſte immunis haud fuit hæc noſtra arcana facultas, quæ in puncto præſenti iugum huius cap-



captivitatis passa est. Itaque non defuere, qui contemplationē adeo immunē molirentur, quā nihil cōmercij habens cum animæ potentijs, ab ipsa anima immediatē orta, sui ipsius nobilitatem ex originis celsitudine secum trahat. Non omnem cœlestem contemplationem huiusmodi privilegio gaudere, dicūtī sed aliquam valde sublimem, & arcanam. Sic aliquos opinari testatur Mag. Torr. tom. 2. de Relig. pag. 296. sed tametsi de illa speciali contemplatione loquantur, nos de quacumque inquiremus, sub qua illa particularis proculdubio comprehenditur.

### §. I. Vera, & communis sententia proponitur, & probatur.

1. **S**it nostra conclusio. *Implicat contemplatio, cuius anima sit proximum principium.* Assertio hæc communis est omnium D. D. propter quod nullum adducimus in particulari. Et qui oppositum tuerentur solummodò inniti in aliquorum Sanctorum dictis, & in sublimitate alicuius contemplationis, conspicio; quod fundamentum ruinosum esse, constat; tum ex recta interpretatione autoritatum, quæ adversus nos opponuntur, quod postea exequemur. Tum ex confutatione illius imaginationis, qua nostrum assertum probamus, primò sic ratione desumpta ex D. Thom. 1. p. q. 54. art. 3. Et q. 77. art. 1. & quodlib. 10. art. 5. & de spiritualib. creat. art. 11. & de anima art. 12. & 19. potestque sub hac forma proponi.

Non omnis contemplatio est ab anima sine concursu intellectus, & voluntatis: ergo nulla. Anteced. certum est, etiam apud patronos adversæ cogitationis; Ipsi enim non omnis contemplationis principium immediatum animam esse, dicunt; sed hoc privilegium alicui contemplationi multum sublimi reservant. Consequentia autem probatur multipliciter, 1. Quia illa contemplatio, quam dicis esse ab anima immediatē, non potest produci ab anima, nisi per suam virtutem: sed virtus ani-

mæ est aliquid medianꝝ inter animam & operationem: ergo nulla contemplatio est ab anima sine intellectus, ac voluntatis concursu. Maior, nisi terminis abutamur, negari non potest: quævis enim causa efficiens principalis per suam virtutem elicit suam operationem. Minor autem probatur. Quia est expressa D. Thom. locis citatis, ex quibus in quodlibeto sic illam ex Dionysius 11. cap. *Cœlestis hierarchie distinguit superiores substantias, scilicet Angelos in tria, scilicet, substantiam, virtutem, & operationem: sed Angelus non est minoris simplicitatis quam anima: ergo & in anima sua substantia non est sua virtus, sive potentia.* Ergo virtus, & potentia, quibus anima producit contemplationem, mediat inter ipsam contemplationem, & animæ substantiam: ergo hæc nullam contemplationem habere potest, quin mediet dicta virtus.

Probatur 2. illa consequentia ex ipso D. Thom. locis adductis. Illa contemplatio, quam adeo privilegiatam ponis, est aliquis actus per se in rerum natura positus; ergo habet aliquam potentiam illum per se respicientem, ac immediate producentem. Modò sic, sed hæc potentia non est ipsa substantia animæ: ergo est aliquid medianꝝ inter animæ substantiam, & contemplationem. Antecedens est omnino certum, & ex eo eius consequentia legitime deducitur: quia sicut cuius potentia respondet alicui actui, ei speciem confert; sic cuius actui respondet sua potentia ipsum essentialiter respiciens, ac immediatē producens. Deinde minor, subsumpta probatur 1. Quia potentia, & actus, quem per se, ac essentialiter respicit, spectant ad eundem ordinem, ergo cum substantia animæ non possit ad ordinem, ad quem illa contemplatio attinet, spectare, (est enim illa contemplatio accidens) habetur, quod ipsa animæ substantia non sit potentia per se, & essentialiter respiciens illam contemplationem.

Probatur 2. mi. subsumpta. Quia  
potentia

potentia per se respiciens illam contemplationem est per se instituta ad operandum, quod non convenit substantiæ animæ, quæ instituta est ad essendū. Tertio prob. mi. subsumpta, Quia ut dictum est, potentia respiciens per se immediatè illam contemplationem, ab ipsa specificatur, ut modò ex libris de anima suppono: sed animæ substantia speciem sumere ab accidenti repugnat ergo.

2. Nec intelligas: Has rationes eò tendere, ut distinctionem realem inter animam, eiusque potentias constituant; nam licet ad hoc eis D. Thom. utatur, illamque realem distinctionem satis, superque convincant. In præsentī autem hoc nobis necessarium non est. Sufficit enim pto instituto nostro, ut formalitas virtutis, & potentiæ, quæ anima concurret ad productionem contemplationis, diversa sit à formalitate essentiæ. Sic enim verificatur, quòd non ab ipsa substantia animæ immediatè producatur contemplatio, sed ab aliquo inter ipsam, & contemplationem mediantē: sive hoc medians realiter, aut formaliter differat ab animæ substantia. Unico verbo eo modo, quo adversa imaginatio concedit, alias contemplationes, præter hanc privilegiatam, procedere ab anima, medijs potentis proximis: eo modo dicimus procedere illam privilegiatam contemplationem. Eò quòd motivum fundatur in ipsis naturis rerum; atque adeò de omni contemplatione verificari debet.

3. Probatur 2. conclusio. Implicat contemplatio, quæ non sit libera, vel necessaria: ergo implicat contemplatio, quæ sit immediatè ab anima sine concursu intellectus, & voluntatis. Antecedens est certum: Tum, quia implicat contemplatio, quæ non sit vel cum potestate ad vtrumlibet; vel sine illa. Tum quia implicat contemplatio, quæ non sit voluntaria: ergo vel libera, vel necessaria; quia in necessarium, & liberum dividitur adæquatè voluntarium. Deinde probatur consequentia. Quia contemplatio, quæ esset immediatè ab anima, non foret, libera, quia ad illam

non concurreret intellectus, qui est radix libertatis, nec voluntas, à qua libertas formaliter habetur: ergo talis contemplatio non foret libera. Indidemque deducitur, non fore meritariam. Quam ergo utilitatem asferret animæ sublimis illa contemplatio?

Sed nec esset necessaria: probatur, quia actus per prius est voluntarius, quam necessarius; quia, ut dictum est, voluntarium est conceptus superior ad necessarium: sed talis contemplatio non foret voluntaria: ergo nec necessaria. Consequentia est bona, quia arguitur à superiori ad inferius negativè. Minor autem probatur. Quia illa contemplatio non esset ab intrinseco cum cognitione finis: ergo non esset voluntaria. Patet ista; quia arguitur à definitione ad definitum. Antecedens autem probatur 1. Quia, ut ex communi sententia docent nostri Salmanticenses tract. 10. disp. 1. dub. 1. num. 13. esse ab intrinseco cum cognitione, denotat cognitionis effectum, nō cognitionem, quæ eo ipso, si prima sit, non potest esse ab intrinseco cum cognitione, sed est ipsa cognitio: ergo talis contemplatio non esset ab intrinseco cum cognitione: quandoquidem anima non aliam cognitionem immediatè elicit, cuius hæc contemplatio effectus sit: vel si elicit: ergo non solum illam privilegiatam contemplationem, sed alios actus elicit anima immediatè, & sine potentiarum concursu.

Secundo probatur idem antecedens cum eisdem Salmanticensibus. Quia esse ab intrinseco cum cognitione finis, denotat motum in finem ex motione voluntatis, & influxu eiusdem finis: sed illa contemplatio non esset ex motione voluntatis; quia hæc supponitur, non concurrere ad illam contemplationem: nec etiam esset ex influxu finis, quia hic non influit, nisi ut cognitus: ergo &c.

4. Probatur denique conclusio. Non potest excogitari contemplatio, quæ superet, aut æquet visionem beatificam, sed visio beatifica non est immediatè ab anima sine concursu intellectus,

tus,

ius, ac voluntatis: ergo nulla contemplatio est, quæ sine voluntatis, intellectusque concursu haberi possit. Omnes istæ propositiones notæ sūt, maior, & minor ex se, & consequentia ex ipsis præmissis.

## §. II. Solvuntur argumenta.

3. **C**ontra propositum assertum argues 1. ex D. Paulo 1. ad Corinth. cap. 14. dicente: *Orabo spiritu, orabo & mente*. Vbi duplex genus orationis mentalis distinguit: aliud illius orationis mentalis, quæ mente fit, & aliud illius, quæ solo spiritu fit: ergo datur oratio aliqua purè mentalis, quæ solo spiritu fiat. Quo textu non solum edocetur, dari contemplationem, quæ à solo spiritu fit: sed etiam, quòd non omnis contemplatio à solo spiritu est: cum detur contemplatio, quæ mente fiat.

Respondetur: D. Paulum hic non loqui de contemplatione, sed de oratione. Vnde si in illo sensu, quem arguens vult, loquitur: iam non solum contemplatio illa sublimis erit ab anima immediatè; verum etiam oratio quævis ab anima erit sine concursu intellectus. Imò, quod in ipsis verbis Apostoli clarissime datur intelligi, erit ad arbitrium contemplantis, quod sua contemplatio sit ab anima sine potentiarum concursu, vel cum illo: quod absque dubio deprimit multum sublimitatem adeò decantatam illius contemplationis, quæ commercium aliquod habere cum potentijs animæ dedignatur: quandoquidem Apostolum pro libito suo, iam spiritu, iam mente se oraturum pollicetur. Ultraquàm quòd verbis illis immediatè ista sequuntur: *Psalam spiritu, psalam & mente*. Vnde si per *ly orabo spiritu* intelligitur oratio, quæ immediatè sit ab anima, pariter per *ly psalam spiritu*, loquitur Paulus de cantu, qui sit immediatè ab anima, & cum quo nulla, sive interior, sive exterior facultas animæ commercium aliquod habere valeat. Quod certè absurdum est.

A SPIRITU SANCTO,

Sensus ergo Pauli est: quòd ad Deum orans debet, quantum sibi possibile sit, orare spiritu, & mente. Orare spiritu est orare cum affectu orandi, & cum affectu consequendi illud, quòd à Deo petit, quia sua illa oratio est in lingua ab orante nullatenus, vel parùm nota: propterea inquit Paulus, ultra hoc, quòd est orare cum affectu orandi, quòd est orare spiritu, vt dictum est: etiam *orabo, & mente*, hoc est, satagam, vt intelligam verba orationis meæ, vt sic eius fructum percipere valeam. Vel vt alijs placeat; loquitur Paulus de ministro Ecclesiæ publicas preces coram populo fundente, sed ea lingua, quæ omnibus adstantibus erat peregrina. Hi licet devoti essent, à fructuque suæ devotionis neutiquam fraudarentur: quia tamen idiomatis ignari non intelligebant, quid minister diceret, fructu, quem ex verborum intelligentia colligere poterant, privabantur. Cui vt obviam Paulus iret, inquit: *Orabo spiritu*; hoc est, affectu, orandique devotione. *Orabo, & mente*, hoc est, ita, seu in illa lingua orabo, quæ possit *mente* ab adstantibus percipi: vt sic illi, qui audiunt, & ego, qui preces fundo, nulla ex parte ab utilitate, quam ex oratione percipere possumus, defraudemur. Quam glossam mentem Apostoli attingere clarum est ex ijs, quæ subiungit: *Sed in Ecclesia volo quinque verba sensu meo loqui, vt & alios instruam: quam decem millia verborum in lingua*, hoc est, aliena, vel in qua non intelligat. Videatur D. Thom. sup. Paulum, Caictan. Lyra. Estius; alijque Expositores.

6. Arg. 2. ex mystic. Theolog. Parent. D. Dionys. qui lib. de mystic. Theolog. cap. 1. instruens Timoth. dicit: *Tu autem, o amice Timothee, circa mysticas visiones sorti contritione, & sensus derelinque, & intellectuales operationes; & omnia sensibilia, & intelligibilia*: ergo potest dari contemplatio sine operatione intellectus: ergo talis cōtemplatio erit immediatè ab anima. Secunda consequentia constat ex prima, quæ ex antecedenti notæ est.

Respond. sensum Dionysij: iam

Pp

in

in superioribus declaratum à nobis esse cum D. Thom. & cum nostro Exatrico Doctore, qui frequentissimè in suis scriptis docet, propriam operationem intellectus deservendam, ut mens ad vnitatem redacta fidei oculo valeat divinam veritatem intrueri. Hancque esse mentem Dionysij in his verbis, constat ex egregio eius expositore Alberto Magno inibi dicente. *Ad 2. dicendum, quòd monet relinquere intellectuales operationes conmutabiles nobis, & non eas, quæ sunt in nobis ex lumine divino.* Vide à nobis dicta disp. 1. q. 2. num. 2.2. & 2.3.

7. Arg. 3. ex eodem D. Dionys. qui eodem libro cap. 2. ait: *In hac superluceni caligine fieri nos precamur, & per non videre, & per ignorare, videre, & cognoscere eum, qui est super omnes visionem, & cognitionem, in ipso non videre, & non cognoscere, &c.* Vel ut habet alia translatio. *Et hoc ipsum non videre, & non scire, & veraciter videre, & scire.* Vbi disertis verbis asserit Sanctus Doctor, quòd in sublimissima contemplatione datur *non videre, & ignorare*, & etiam datur *videre, & cognoscere*: quæ abs dubio contradictoria erant, nisi dicamus: in tali contemplatione dari *videre, & cognoscere* animæ sine concursu intellectus; & dari etiam ipsius intellectus *non videre, & ignorare*. Quod est idem, ac dicere, quod eminentis illius contemplationis principium immediatum est anima; quin ad illam potentia ipsius concurrant.

Resp. aliquos deceptos fuisse hac Dionysij autoritate, ut vel intellectum ab illa suprema contemplatione excluderent, & solam voluntatem principium illius ponerent: vel ut animam se sola principium talis contemplationis efformarent. Cum sanè mens Dionysij clarissima sit. Nihil enim aliud hic vult, nisi ipsum, quod cap. 1. docuerat, iamque vidimus numero precedenti. Vnde asserit, quòd per *non videre* modo activo, & connaturali intellectus datur *videre, & cognoscere* ipsius modo superiori, & perfectissimo. Quod ex dictis numero præcedenti notum est,

8. Contra hoc tamen obijcies: Id, per quod aliquid cognoscitur, debet dicere aliquam habitudinem ad illud, seu proportionem cum eo; sed *non videre, & non cognoscere* Deum nihil horum dicit *cum videre, & cognoscere* Deum: ergo per *non videre, & non cognoscere* Deum, qualitercumque explicentur, non possumus Deum contemplari; atque ideo Dionysius manet inexplicatus, nisi eius verba intelligantur relatè ad diversa principia; ita ut *non videre* referatur ad intellectum; *videre* autem ad animam. Consequentia legitime inferuntur, maiorque est certa; quia id, per quod aliquid cognoscitur, est medium ad illius cognitionem: unde debet dicere aliquam habitudinem, seu proportionem. Minor autem probatur: Quia *non videre, & non cognoscere* Deum sunt privationes visionis, & cognitionis: sed privatio nullam proportionem dicit cum forma, cuius est privatio, nec hæc est mediū, ut forma cognoscatur; cum potius per formam habeatur cognitio privationis: ergo &c.

9. Confirmabis: nobilissima cognitio maximè distat à non cognitione: sed contemplatio, de qua loquimur, est nobilissima cognitio: ergo maximè distat à non cognitione: ergo non cognitio specialem repugnantiā dicit, ut possit deservire ad hanc nobilissimam contemplationem habendam. Secunda consequentia constat ex prima, & hæc bene inferitur ex præmissis, quarum minor negari ab adversariis non debet: cum loquantur de contemplatione perfectissima. Maior autem de se patet. Quia si cognitio minis perfecta tantum distat à non cognitione, magis distabit cognitio perfectissima: Sicut maximè dulce magis distat ab amaritudine, à qua dulce remotum est.

10. Resp. ad obiectionem, quòd procedit ex falsa imaginatione: non enim dicimus, nec Dionysius docet, quod *non videre* Deum sit medium, quo Deus videatur: hoc enim manifestam repugnantiam dicit: illamque persuadent obiecta. Sed dicimus, quòd debet

debet cessare cognitio activa, & naturalis intellectus, ut ille possit cognitionem supra suum naturalem modum habere, qua Deum perfectissimè contempletur. Nec per hoc, quod *non videre* asseratur, esse id, per quod ad *videre* venit, inferitur *non videre* esse medium ad videndum; sed solum, quo ablato *videre* naturali, removetur prohibens visionem perfectissimam, seu passivam contemplationem. Sicut si quis vult videre Petrum à se distantem, si sit nebula interposita, illum, vel nullatenus, vel agrè tantum, videbit: aut si nebula interiecta auferatur, illum perfectè cognoscet: quin per hoc dicatur ablatio nebulae medium, quo in Petri cognitionem venit. Similiter in nostro casu. Per quod patet ad confirmationem. Estque tota hæc doctrina desumpta ex Alberto magno super citatum caput Dionysij.

11. Placet tamen aliter, seu explicatius obiecta solvere: prænotando, quod cognitio absoluta Dei opponitur privative cum non cognitione absoluta ipsius. Et hæc absoluta non cognitio nullatenus deservire potest ad absolutam cognitionem: cum potius sit illius exclusio: ceterum cognitio determinata Dei non opponitur privative cum quacumque non cognitione determinata eius: sed solum cum illa, quæ est ipsius carentia. v. g. non cognitio naturalis non est privatio cognitionis supernaturalis: sed privatio cognitionis naturalis est non cognitio naturalis, & privatio cognitionis supernaturalis est non cognitio supernaturalis. Datur tamen incompatibilitas inter illas cognitiones: quatenus qui naturaliter Deum cognoscit, pro tunc tendere in ipsum non potest cognitione supernaturali, quia nec potest simul, & semel uti simpliciter habitu naturali, & supernaturali: nec obiectum sub motivo naturali, ac supernaturali simul attingere potest.

Insuper prænotandum est: non cognitionem activam Dei non dicere infam non cognitionem nudè sumptam: sed implicare omnia illa, quæ animam

proportionant ad contemplationem, seu cognitionem passivam. Quæ, ut ex superioribus constat, plurima sunt, & positiva, & ad ordinem supernaturalem spectantia: totum tamen hoc exprimitur nomine *non cognitionis*: quia hæc non cognitio activa, seu exclusio activæ cognitionis, est effectus, quem omnis ante actus sudor introduxit, reddens animam, eiusque potentias idoneas, ut Deum cognitione simplici, & universaliter contemplantur. Ad cum modum, quo exclusio amoris proprii infert positionem divini amoris cum illo incompatibilis. Non quia exclusio propriæ amoris nudè considerata causet divinum amorem perfectè talem, sed quia ea omnia, quæ præcesserunt ad extirpandum proprium amorem, perfectionem divini amoris attulere. Ex his ergo

Respondetur obiectioni distinguendo: Quæ vera est, si *cognoscere*, & *non cognoscere* sumantur absolute, seu si *non cognoscere* sumatur, ut est privatio cognitionis: aut si sumantur determinatè; tunc adhuc vera est minor, si sumatur *non cognoscere* relatè ad cognitionem determinatam, cuius est privatio: si verò sumatur *non cognoscere* determinatum relatè ad determinatam cognitionem diversæ lineæ, seu cuius tale *non cognoscere* non est privatio: tunc vera etiam est illa minor, si tale determinatum *non cognoscere* accipiat nudè sumptum: ceterum si accipiat pro omni eo, quod explicat, & implicat, qualiter in presenti sumi debet: tunc falsa est minor: sic enim sumptum *non cognoscere* activum, seu modo proprio intellectus, infert *cognoscere* universale, & passivum, seu supra modum proprium intellectus. Termini patent ex prænotatis, & quin aliquid addere opus sit, tota obiectio solvitur, & mens D. Dionysij nota est.

Ad confirmationem respondetur, maiorem, prout ab arguente adducitur, esse falsam; quia privatio cognitionis perfectissimæ non est quævis non cognitio: sed non cognitio perfectissima, ut sic loquamur; & perfectissima

ma cognitio tantum distat à perfectissima non cognitione, quantum minus perfecta cognitio à non cognitione minus perfecta. In alio autem sensu, etiam falsa est illa maior; unde prodesse arguenti non potest: quia perfectissima contemplatio magis distat à cognitione naturali, & imperfecta; atque adeò distat minus à suo opposito, scilicet à cognitione imperfecta; sumpta hac non cognitione imperfecta non pro nuda carentia imperfectæ cognitionis, sed pro omnibus, quæ mysticè considerata implicat, ut dictum est. Ratioque habetur ex dictis: quia videlicet, stante cognitione imperfecta, & naturali, incompatibilis est cognitio perfecta, & supra modum proprium intellectus. Quæ incompatibilitas non adest inter ipsam cognitionem perfectam, & carentiam cognitionis imperfectæ. Quod idem cernere est in exemplo illo nebulae impediens visionem ad Petrum: illa quippe visio incompatibilis est cum nebula interiecta; non autem cum carentia nebulae. Similiter maxime dulce opponitur amaro, sed non carentiæ amaritudinis: quin potius ut aliquid sit dulce, debet præsupponi in ipso amaritudinis carentia: & quò dulcedo crescit, eò amaritudo magis distat. Quorum omnium eadem ratio est: scilicet, quod carentia amaritudinis, nebulae, & cognitionis imperfectæ, non est privatio cognitionis perfectæ, visionis, ac dulcedinis.

12. Arguit. 4. ex nostro Seraphico Doct. qui in flamma cant. 1. expressè docet, sublimissimam contemplationem esse actum animæ independentem à suis potentijs. Hoc suadet citata cant. quæ hæc est,

Ollama de amor viva,  
Que tiernamente hieres  
De mi alma en el mas profundo  
centro:

Pues ya no eres esquivo,  
Acaba ya, si quieres,  
Rôpe la tela de este dulce encuétro.  
Vbi disertè docet, Deum attingere profundius centrum animæ, quod abs dubio est ipsa animæ essentia: eoque

multoties illuminatus hic doctor hos Dei tactus appellat substantiales, ad differentiam eorum, quibus animæ potentias tangit, qui accidentales sunt; ut potè ad accidentia terminati. Sed vbi expressius adhuc loquitur, est lib. 2. ascens. cap. 14. vbi ex illo 12. Numer. *Os ad os loquar ei*, inquit, animam in hac sublimissima contemplatione agere cum Deo *secundum essentiam puram, & nudam ipsius, quæ essentia, sic pura, & nuda est os anime*. Ex quibus sequentes discursus eliciuntur.

Essentia pura, & nuda animæ est os ipsius animæ: ergo in sublimissima contemplatione loquitur anima cum Deo sine interventu potentiarum. Aliiter, ad quid illud os? Secundus discursus est: In sublimissima contemplatione agit anima cum Deo secundum essentiam puram, & nudam ipsius animæ: ergo tunc non operantur potentiæ ipsius. Patet ista: Quia si potentiæ operarentur, iam non esset anima secundum suam essentiam puram, nudamque: cum potentiæ animæ sint extra ipsius essentiam. Tertius discursus est: Anima in profundissimo sui centro percipit tactum substantialem Dei illam ad fastigium adeò elevatæ contemplationis elevantis: ergo anima in profundissimo sui centro contemplatur: ergo sine ope potentiarum. Patet hæc consequentia ex prima, quæ probatur. Quia illa perceptio tactus illius substantialis Dei est contemplatio: ergo si anima secundum sui ipsius profundissimum centrum percipit Deum eius substantiam tangentem, planè contemplatur.

Respond. Extaticum Doctorem longe esse ab illa singulari opinione ponente animam sine suis potentijs contemplari. Ad obiecta autem respondentes dicimus: ad primum discursum ex doctrina nostri mystici Doct. deducitur 1. per tales os loqui animam cum Deo radicaliter, non proximè: Unde superfluum non est. Sed dicendum est: Sanctum Doctor. ibi agere de mutua familiaritate, & immeditatione, quæ est inter Deum, & animam. Unde dicit, quod

quod Deus immediatè, & sine involu-  
cro figurarum communicatur animæ  
ad illud fastigium evectæ. Quod pro-  
bat textu illo Numer. dicente: *Os ad os  
loquar ei palam, & non per figuras Do-  
minum videt.* Quo ipso textu ostendit,  
animam non iam phantasmata specu-  
lando, sed immediatè, quantum exi-  
lium patitur, Deum contemplari: Vnde  
dum dicitur, quod anima secundum  
suam essentiam purè, ac nudè sumpta  
cum Deo loquitur, excluditur media-  
tio figurarum, & phantasmatum: non  
autem influxus potentiarum.

Quod patet t. ex ipso textu,  
quem Sanct. Doct. adducit. Ibi enim  
ait Deus: *Os ad os loquar ei*, hoc est, ex-  
plicat ipse, *essentia pura, & nuda Dei.*  
Per quod non excluduntur attributa,  
quæ sunt essentia Dei veluti rationes  
proximæ ad loquendum: ergo pariformi-  
ter, dum dicitur, animæ nudam, ac  
puram substantiam Deum audire, &  
loqui, non excluduntur ipsius animæ  
attributa: seu potentia proximæ. Quo-  
circa sicut ex parte Dei os ad os loqui,  
est *palam, & non per figuras loqui*: sic  
ex parte animæ os ad os loqui, est non  
vni phantasmatibus ad loquendum. Se-  
cundo patet hoc ipsum ex ipso Sanct.  
Doct. qui se ipsum in declaratione  
datæ cant. vers. 3. clarissimè explicat,  
dicens: *ò amor ignite, seu viva flamma  
amoris, quæ subtiliter me percutis in  
profundiori centro animæ, videlicet,  
mibi conferens intelligentiam divinam  
secundum totam habilitatem mei intel-  
lectus, & communicans mibi amorem  
secundum totam capacitatem meam vo-  
luntatis.* Per quæ ad secundum discursu  
etiam constat.

Ad 3. respond. animam in pro-  
fundissimo centro sui ipsius Deum tan-  
gentem percipere. quæ perceptio sub-  
tilissima quidem contemplatio est. Ver-  
ùm hæc perceptio non est actus elici-  
tus immediatè ab animæ substantia, sed  
medijs potentij percipit Deum adeo  
sibi indigentem.

Ad illud verò, quod suprà dice-  
batur, scilicet, quod Mystic. N. Doct.  
appellat hos tactus substantiales, quia

sunt in ipsa substantia animæ: Respon-  
detur dupliciter. Primò. Quod isti tac-  
tus divini sunt quidem in substantia  
animæ, eoque ex hoc dicuntur substan-  
tiales. Sed etiam tangunt animæ po-  
tentias, illas ad perfectissimam con-  
templationem efferentes. Vnde quia  
parte substantiam animæ attingunt,  
dicuntur substantiales: quia verò parte  
potentias elevant, medijs ipsis contem-  
platur anima Deum ipsam adeo benigna  
subtilitate tangentem. Desumitur-  
que hæc doctrina ex Div. Thom. in 3.  
dist. 13. q. 1. art. 1. vbi ait: *Gratia prin-  
cipaliter duo facit in anima: primò enim  
perficit ipsam formaliter in esse spiritua-  
li, secundum quod Deo assimilatur: vnde  
& vita animæ dicitur: secundò perficit  
eam ad opus: quia non potest esse opera-  
tio perfecta, nisi progrediatur à potentia  
perfecta per habitum.*

Secundò respondetur, quod  
etiam si hi tactus non attingant animæ  
substantiam, propriissimè dici possunt  
substantiales. Eò quod actus, pro quo  
dantur videlicet contemplatio, est ac-  
tus propriissimus substantiæ operantis.  
Et cum actus est talis conditionis ap-  
propriat sibi nomen ipsius substantiæ:  
Qua doctrina vñ fuimus disputat. præ-  
ced. vbi diximus cum Div. Thom. in 4.  
d. 49. q. 1. art. 2. quæstiunc. 3. quod  
& si nomen vitæ directè spectet ad vi-  
ventis substantiam, seu naturam tamen  
ait Ang. Doct. *Translatum est nomen  
vitæ ad assignandam operationem, &  
secundum hunc modum, unusquisque  
illam operationem suam vitam reputat,  
cui maximè intendit, quasi ad hoc sit  
totum esse suum ordinatum.* Quam-  
obrem cum contemplatio sit actus pro-  
prius animæ illius perfectissimæ: prop-  
terea nomen, quod directè designat ip-  
sius animæ substantiam, attribuitur illi  
contemplationi, contactibusque ad  
illam deservientibus.

Alia argumenta, quæ hic fieri  
solent, prætermittimus, quia nullam  
difficultatem continent, quæ ex dictis  
facilimè evacuari non possit. Videatur  
tamen Exim. Suar. tom. 2. de Relig. lib.  
2. toto cap. 12. & citatus Mag. Torre,  
qu

qui tomo 1. in 2. 2. q. 82. art. 3. disp. 1. num. 5. ait: *Ego hanc cessationem ab omni actu potius appellarem ruinam, & cassum contemplationis, quàm contemplationem: potius appellarem otiosita-*

*tem, quàm orationem, & fomentum nullius fructus: neque meriti, neque impetratæ, neque devotionis, neque charitatis nutrimentum.*

## QVÆSTIO SECUNDA.

*Virum voluntas sit potentia, à qua proximè elicitur contemplatio?*

**H**abemus ex dictis reduci omne huius disputationis litigium ad solas potètiās cōtitativè rationales, quæ sunt intellectus, ac voluntas. Modò inquirimus, an in hoc certamine voluntas triumphet eliciens divinam cōtemplationem, tamquàm principium quo proximum ipsius? Ita ut ea media, anima contempletur?

**§. I. Controversiæ status aperitur, dubiumque deciditur.**

13. **D**Vpliciter potest disputari quæstio præfens. Primò explorando an possit dari actus voluntatis, quin præcedat actus intellectus? Et sic frequenter video Authores procedere. Sed re bene inspecta, illos imitari non possum: quia longè diversa res est: an volūtas possit diligere incognitum? Et an actus ipsius voluntatis contemplatio sit? Quippe dubitari non potest, quòd si ve detur actus voluntatis sine actu intellectus; si ve repugnet: quodcumque eligas, non co ipso præsentem controversiam dirimis. Quàdoquidem si ve detur, si ve non detur, adhuc tibi probandum restat, illum actum voluntatis esse, vel non esse contemplationem.

Cuius signum gravissimum est: quòd plures ex his Doctoribus, qui asserunt, in sublimi exercitio Theologiæ mysticæ dari actum voluntatis, sine prævio, aut concomitante actu intel-

lectus: non negant, contemplationem extra illud mysticæ Theologiæ exercitium habitari fore intellectus actum. Aliunde: De cetero omnes, qui contemplationem actum intellectus esse dicunt, non negant, quin potius adstruunt, præcedere, & subsequi ad contemplationem actum voluntatis: Caterùm non dicunt, quòd actus voluntatis præcedens, aut subsequens contemplatio sit: ergo similiter licet actus intellectus indispensable pro actu voluntatis asseratur, potest cum hoc bene compati, quòd actus voluntatis contemplati sit.

Vnde in præfati solummodò exploramus, an voluntas sit potentia proximè elicitiva contemplationis? Illam aliam difficultatem de indispensable actus intellectus pro actu voluntatis concursu ad alium locum, ubi de exercitio Theologiæ mysticæ agitur, in quo specialiter vrget, reservantes. Modò non desunt, qui dicant, voluntatem esse principium proximum contemplationis, ut minùs alicuius contemplationis specialis. Contra quos directè procedit.

14. Nostra assertio: *Voluntas non est potentia proximè eliciens contemplationem.* Sic D. Thom. pluribus in locis tam in hac, quàm in quæstione sequenti adducendis, illumque unanimiter ferè omnes D. D. Scholastici, & Mystici sequuntur. Nos autem conclusionem probavimus brevissimè, & quia res non multis eget, ut suadeatur: & quia ex dicendis quæstione sequenti præcipuè constabit præfentis asserti veritas: Probatur ergo conclusio sic ex Div. Thom. in



in 3. d. 35. q. 1. art. 2. quaestunc. 2. in corpore ubi ait : *Hoc ipsum nomen contemplationis importat, quod visionem significat.* Ex qua hic discursus conficitur : voluntas non est potentia elicitiva actus, qui sit visio : ergo non est potentia elicitiva contemplationis. Consequentia bona est, & anteced. probatur. Potentia caeca non potest elicere actum, qui sit visio propter manifestam repugnantiam, quae in hoc datur : ergo cum voluntas sit potentia caeca, prout tenet concors D. D. sententia incapax est elicendi actum, qui sit visio.

15. Probatur 2. conclusio ratione fundata in ipsa definitione contemplationis, quam dedit D. Thom. ut in superioribus dictum à nobis est, explicatiusque tradidimus suprà disputatione 8. q. 1. etenim contemplatio divina est *simplex intuitus divinae veritatis* : ergo non est actus voluntatis. De antecedenti nemo est, qui dubitet, & consequentia probatur : Quia potentia elicitiva contemplationis est potentia visiva, quae habet veritatem pro obiecto : voluntas nec visiva est, nec habet veritatem pro obiecto : ergo contemplatio non est actus eius. Minor certa est quoad utramque partem, & maior constat ex data definitione : Etenim ex quo contemplatio sit *intuitus* requirit potentiam non caecam, sed intuitivam ; & ex quo sit *intuitus veritatis*, respicit ipsam veritatem, ut proprium obiectum : quod omne planè constat voluntati repugnare.

16. Quia tamen ex paucis, qui ex adverso sunt, aliqui non dicunt omnem contemplationem esse actum voluntatis, sed aliquam : illam, videlicet, quae est valde eminentis, seu quae habetur, dum exercetur mystica Theologia : propterea placet contra sic dissonantes discursus factos vrgere sub hac forma.

Contemplatio omnis est visio, seu *intuitus veritatis* : ergo nulla contemplatio est actus voluntatis. Consequentia bonitas patet ex dictis, & antecedens probatur. Definitio essentialis, ac metaphysica contemplationis om-

nem contemplationem comprehendit, quantumvis perfectissimam, aliàs dicta minuta esset talis definitio, contra id, quod supponi ab omnibus debet : sed definitio tradita est definitio metaphysica, & essentialis : ergo omnem contemplationem comprehendit. Minor ex professo traditur suprà dicta disput. 8. ubi praedicata metaphysica contemplationis per illam definitionem ostendi, asserimus. Vnde cum praedicata essentialia, & metaphysica rei, ipsi, sub quocumque statu consideretur, conveniant : propterea de quacumque contemplatione, sive imperfecta ; sive perfecta ; sive sub quacumque consideratione accipiat, verificatur, quòd sit *intuitus veritatis*. Indidemque ; ex quo verificetur contemplatio verificatur, quòd sit visio, quia hoc nomen *contemplationis importat, quod visionem significat*.

17. Confirmatur haec ratio 1. Contemplatio beatorum non est actus voluntatis : ergo nulla quantumcumque eminens asseratur, actus voluntatis est. Antecedens certum est, quia contemplatio Beatorum est visio facialis Dei, quam actum voluntatis non esse, nemo ignorat. Et consequentia probatur : Si namque aliqua contemplatio ob suam eminentiam foret actus voluntatis, hoc praecipue conveniret contemplationi omnium sublimiori, qualis est Beatorum contemplatio : ergo si haec ut dictum est, non est actus voluntatis, nulla alia ob sui eminentiam hoc habere potest.

18. Confirmatur 2. Contemplatio minus perfecta, & contemplatio omnium sublimiori non sunt actus elicti à voluntate : ergo nulla. Patet ista : Quia non est assignabile fundamentum, ob quod contemplatio, quae mediat inter minus perfectam, & omnium perfectissimam, non conveniat cum illis in hoc, quòd est, non esse actum voluntatis. Anteced. probatur : Quia contemplatio Beatorum, quae, ut diximus, est omnium eminentissima, iam vidimus, quòd non est actus voluntatis. Insuper contemplatio acquisita, quae inter

Christi

Christianos minus perfecta est, etiam non est actus voluntatis, vel ipsis adversariis fatentibus. Tandem contemplatio philosophica, quæ omnium contemplationum infinita absolute est, non spectat ad voluntatem, ut omnes docent. Cur ergo erit aliqua contemplatio, quæ à voluntate sit: cum hoc ei convenire non valeat, nec ob perfectionem, nec ob imperfectionem: immo cum hoc ex prædicatis essentialibus sibi repugnet.

## §. II. Respondetur argumentis.

19. **C**ontra conclusionem arg. 1. ex Div. Thom. qui 2. 2. q. 180, art. 7. ad 1. docet, quod principium divinæ contemplationis est charitas, ijs verbis: *In quantum videlicet aliquis ex charitate ad Dei contemplationem incitatur.* Vnde si contemplatio procedit ex charitate, planè actus voluntatis est. Similiter eodem articulo, & alibi pluries asserit, contemplationem esse delectabilem: quiaque delectatio ad voluntatem spectat, non potest non contemplatio ad voluntatem, ut proprius eius actus, spectare: Tandem art. 1. in argum. sed contra hæc docet ex D. Gregor. *contemplativa vita est, charitatem Dei, & proximi tota mente retinere, & soli desiderio Conditoris inhærere: sed desiderium, & amor ad vim affectivam, seu appetitivam pertinet, ut supra habitum est:* Scilicet 1. 2. q. 2. art. 1.

Respond. Div. Thom. in alatis autoritaribus, & in pluribus alijs, quæ tam ex ipso, quàm ex alijs P.P. & D.D. adduci poterant, non docere, quod contemplatio sit elicitive actus voluntatis: sed docet, quod voluntas ad contemplationem concurrat, non illam eliciens, sed potentiam, à qua proximè elicitur, movens, ut contempletur: tum ex amore ipsius contemplationis; tum, & præcipuè, ex amore objecti ipsius contemplationis. Ultra quod habet etiam contemplatio, quod ad voluntatem inflammandam terminetur. Quippe quod in sua elicientia à motione voluntatis accipit contemplatio, extem-

plè grata retribuit, ipsam voluntatem inflammans, rogemque augens, quo foeliciter ambuiatur. Ex quo habetur, quod contemplans *ex charitate ad Dei contemplationem incitatur.* Quod non est contemplationem elicere; sed ad illam incitare, seu movere. Habetur etiam, quod contemplatio sit effectus charitatis, ex qua habet, quod soli Conditori, qui contemplationis primum obiectum est, desideret inhærere. Sed hoc non signat voluntatem, seu charitatem elicientem; sed incitantem, ac moventem. Habetur etiam, quod charitas sit terminus, & complementum ipsius contemplationis, quæ maximam delectationem dicit ex charitate movente, ac terminante.

Angelicè hæc omnia tradidit D. Thom. citato art. 7. per hæc verba: *Ad primum ergo dicendum, quod vita contemplativa licet essentialiter consistat in intellectu, principium tamen habet in affectu, in quantum videlicet aliquis ex charitate ad Dei contemplationem incitatur.* Ecce, quod affectus non est principium contemplationem eliciens; sed ad illam incitans. Prosequitur Doct. Sanct. *Et quia finis respondet principio, inde est, quod etiam terminus, & finis contemplativæ vitæ habetur in affectu, dum scilicet aliquis in visione rei amate delectatur, & ipsa delectatio rei visæ amplius excitat ad amorem.* Vnde Gregor. dicit super Ezech. quod cum quis ipsum, quem amat, viderit, in amorem ipsius amplius ignescit. *Et hæc est ultima perfectio contemplativæ vitæ, ut scilicet divina veritas non solum videatur; sed etiam ut ametur.*

20. Dices: Ultima perfectio contemplativæ vitæ, seu contemplationis est, ut per ipsam Deus ametur: ergo est actus voluntatis. Antecedens constat ex ultimis verbis alatae autoritatis. Ex consequentia adeò certa est, ut probari non debeat. ¶ Vrgēbis: sicut Div. Thom. asserit, ultimam perfectionem contemplationis consistere in hoc, quod Deus videatur; sic etiam docet consistere in eo, quod ipse Deus ametur:

tur: sed per hoc, quod ait, contemplationis esse etiam consistere in hoc, quod Deus videatur, dicimus contemplationem esse elicitive ab intellectu: ergo per hoc, quod docet, consistere in hoc quod Deus ametur, debemus dicere, ipsam contemplationem esse elicitive à voluntate.

Si dicas, impossibile esse, eandem indivisibilem actionem elici ab illis duabus potentijs. Contra est: Quia contemplatio viæ est inchoatio beatitudinis formalis, ipsiusque participatio, ut superius cum D. Thom. tradidimus: sed beatitudo formalis est essentialiter actus intellectus, & voluntatis, ut tenent D. Bonavent. Vega. Valent. Suarez, alijque plures, quos referunt Patres Salmantic. tract. 9. disp. 1. dubi. 3. §. 2. ergo similiter. Consequentia legitime ex præmissis inferitur: Illamque eodem modo fudent omnia, ob quæ prædicti auctores docent, beatitudinem formalem ad utramque illam potentiam essentialiter pertinere. Primum est, varia testimonia Scripturæ, & Patrum, in quibus iam dicitur beatitudo formalis actus intellectus, iam voluntatis, iam utriusque potentie, quod idem evenit in contemplatione; ut vel ex solo D. Thom. ostensum est. Secundum fundamentum est (alia prætereo) quod beatitudo est perfectior unio animæ cum Deo: unde cum perfectior sit unio animæ cum Deo secundum utramque illam potentiam, quam unio secundum unam illarum solum sit consequens, quod beatitudo in unione utriusque potentie consistit. Hoc idem invenitur in contemplatione, quæ certè est unio animæ cum Deo secundum intellectum. & voluntatem: ergo est actus utriusque potentie.

Contra secundò. Quia si non potest esse actus utriusque potentie, cur non erit actus voluntatis? Verba textus de utraque potentia æqualiter loquuntur: ergo non adest motivum, ut voluntas excludatur ab hoc, quod sit principium elicitive contemplationis.

Respond. obiectioni: distinguendo antecedens: *Ultima perfectio*

A SPIRITU SANCTO

contemplativa *contemplationis* &c. Concedatur. *Ultima perfectio* constitutiva *contemplationis*, negetur. Verum itaque est, quod ad contemplationem concurrunt intellectus, voluntasque, vñ dictum est: sed id, quod habet contemplatio ab intellectu est sibi essentialia, & constitutivum; id verò, quod habet à voluntate, est sibi complementum propriæ perfectionis. Ad illud ipsum modum, quo dicitur de beatitudine for- mali supernaturali, cuius complementum est à voluntate; licet essentialia ab intellectu habeat. Videantur citationes tri Salmantic. dub. 4. & ex ibi dictis quod modò dicimus, notum erit.

Ad vrgentiam dicas: D. Thom. asserere, perfectionem contemplationis consistere in visione, & amore. Sed in illa constitutive; in hoc verò complementivè. Vnde non potest elici à voluntate. Admissaque solutione inter arguendum data. Ad eius primam impugnationem respondetur cum ipsdẽ Salmantic. dub. 3. illam illorum Doctorum Theologiam imitandam à nobis non esse. Nec illam evincunt motiva ibi relata. Non primum: Quia illæ auctoritates solum docent, quæ fatemur: videlicet, quod voluntas concurrat ad beatitudinem: alit hic concursus non est constitutivus ipsius beatitudinis; sed tantum complementum.

Ad secundum motivum respondetur: Unionem animæ cum Deo secundum intellectum, & voluntatem plures perfectiones dicere: quàm unio per intellectum. Cæterum unio per intellectum perfectior est, quàm unio per voluntatem; si quævis secundum sibi propria sumatur: quia unio per intellectum est unio realis, per quam trahitur ad nos Deus secundum suum esse reale. Quod non habet unio per amorem: Quia, aiunt laudati Salmantic. num. 92. *amor quantum est ex se, solum unis affectivè*. Vnde cum beatitudo non possit consistere essentialiter constitutivè in utraque illa unione simul: propterea ponitur essentialiter in magis perfecta; & in non adeò perfecta completivè. Similiterque dicimus de

Qq

con

contemplatione viæ, quæ ad voluntatem spectat non essentialiter, aut elicitive; sed per modum complementi, ac principij excitantis.

Ad ultimum, quod opponitur, respondetur: contemplationem non posse esse actum ab utraque illa potentia elicited: sed quoad elicentiam pertinere ad vnam, & quoad completionem ad aliam. Rursus: Ob quod ad intellectum spectet primo illo modo, & ad voluntatem secundo, motivum iam datum est.

21. Arg. 2. contemplatio est beatitudo supernaturalis viæ: sed beatitudo supernaturalis viæ est actus voluntatis, licet beatitudo patriæ sit actus intellectus: ergo contemplatio nostra est actus voluntatis. Maior vera est, communiterque supponitur à Theologis: immo & Philosophus naturalem beatitudinem constituit in contemplatione, idem de supernaturali dicturus, si illam agnovisset. Minor verò, in qua dissidia consistere potest, probatur multipliciter. Primò ex Psalmo 1. vbi dicitur: *Beatus vir, qui non abiit in consilio impiorum :: Sed in lege Domini voluntas eius.* Vbi à voluntate dicitur huius viæ supernaturalis beatitudo haberi.

Probatur 2. discursu in alia Scriptura fundato: Beatitudo viæ consistit in eo, quod perfectius nos ducit ad beatitudinē patriæ: sed quod perfectius nos ducit ad beatitudinem patriæ est actus voluntatis, ex 1. ad Corinth. cap. 12. vbi dicitur: *Excellentiorē viā vobis demonstrā sequimini charitatē*: ergo &c. Probatur 3. ratione ex alia Scriptura deducta: Beatitudo est id, quod nō ordinatur ad aliud: sed potius omnia ordinantur ad ipsum: sed talis est charitas: ergo idem, quod prius. Cætera nota sunt. Probatur min. 1. ex Prima ad Timoth. vbi scribitur: *Finis præcepti est charitas.* Quo textu D. Thom. 2. 2. q. 44. art. 11. probat, quod ad nihil, ad statum viæ spectans, ordinatur charitas: quin potius alia ordinantur in ipsam. Probatur 2. ex D. Anselmo lib. 1. *Cur Deus homo* dicente: *perversus ordo est amare, ut intelligas: rectus verò intel-*

*ligere, ut ames*: ergo ex his duobus actibus, inter quos poterat esse dubitatio, amor non ordinatur ad intellectum, sed intellectus ad amorem.

Confirmat. Beatitudo formalis consistit in eo, quod intimius coniungitur cum obiecto beante: sed in via intimius vnitur Deo voluntas, quàm intellectus: ergo beatitudo formalis viæ est actus voluntatis. Probatur min. Quia in sublimissima contemplatione *dilectio supereminet scientiæ, & maior est intelligentia: plus enim diligitur, quàm intelligitur: & intrat, & appropinquat, vbi scientia foris stat.* Sic Hugo de Sanct. Viſt. super caput 7. Dionys. de cœlest. hierarch. communiter ab alijs adductus, & secutus. Similiterque Seraph. M. Nost. sup. Cant. ad illa verba: *Introduxit me Rex in cellam vinariam, & ordinavit in me charitatem*, inquit: in sublimi illa mystica ebrietate omnes animæ potentias suspensas, aut mortuas esse, vnam voluntatem si excipias, quæ fervidissimè dilectum suum amplectitur. Atque ob hæc, & alia, quæ supprimuntur, motiva plures, quæ gravissimi Authores tenent, beatitudinem supernaturalē huius viæ in actu voluntatis sitam esse, quorum opinionem amplectuntur P. P. Salmant. in dubio appēdicce ad citatum dubium 4.

22. Ut huic argumento occurramus præmittendum est: circa actum, in quo consistit beatitudo supernaturalis viæ, dari opinionem sustententem talem beatitudinem consistere in actu intellectus: & opinionem affirmantem consistere in actu voluntatis. Quæ sententiæ adeò probabiles, probatæque viſæ sunt nostris Salmant. vt num. 1 & 2. nulli, alia exclusa, decreverint adherere, sed utramque ad concordiam revocare. Quod, vt faciant, duo præsupponunt. Primum est: nullum actum viæ posse habere perfectè rationem beatitudinis. Cuius ratio ea est, quod beatitudo est talis conditionis, vt ad illam referantur omnia alia: cum tamen ipsa, nisi ad proprium cum obiectum, non referatur. Hoc autem in nullo actu viæ referiri potest: quia omnes illi referri debent

debent ad beatitudinem patriæ, quæ ad nullum eorum referibilis est. Ex hoc sufficit, alijs omisis, ut nullus actus viæ habere possit rationem beatitudinis perfectæ.

Imperfectam autem rationem beatitudinis dari posse in aliquo actu viæ supponimus: & quis talis actus sit, exploramus. Quiaque beatitudo patriæ plurima dicit in se, ut potè in entitate perfectissima, adunata, quæ non implicat, esse in inferioribus dispersa. Ideò non implicat, quòd plures actus viæ sint imperfecta beatitudo, quatenus unusquisque participat à beatitudine supernaturali aliquid propriè ad ipsam spectans. Inter quos ille actus magis accedit ad beatitudinem supernaturalem; eoque proprius dicendus est beatitudo viæ, qui propriorem conceptum beatitudinis à supernaturali beatitudine patriæ habuerit. Quo circa cum in beatitudine patriæ adunentur, & ratio entitatis in perfectione omnes alios actus superantis, & ratio ascensionis, aut apprehensionis obiecti, & aliæ: propterea actus viæ, qui aliquam ex his perfectionibus participaverit, erit beatitudo supernaturalis imperfecta. Inter omnes tamen eminebit, qui participet conceptum ascensionis: quandoquidem in hoc actu, seu conceptu sita est ratio propriissima beatitudinis supernaturalis patriæ: quandoquidem si ille actus non esset adeò perfectus; dummodò conceptum ascensionis diceret, beatitudo foret: non autem foret beatitudo, si conceptu ascensionis careret: eò quòd conceptus hic est essentialis beatitudini. Quod pluries repetit D. Thom. præsertim 1. 2. q. 3.

23. Secundò observant dicti P. P. cum D. Thom. eadem 1. 2. q. 69. Beatitudinem patriæ dupliciter posse participari in via: Primò per modum meriti: secundò per modum inchoationis. Prima participatio est talis per modum dispositionis, potestque dici beatitudo moralis: Quatenus licet merita non habeant in se conceptum formalem beatitudinis patriæ; habent tamen ius, virtutemque perveniendi ad illam. Quam-

obrem dicuntur beatitudo *moralis*, seu *per modum dispositionis*, aut *per modum meriti*. Beatitudo autem per modum inchoationis illa est, in qua verificatur proprius, ac formalis conceptus beatitudinis patriæ, licet deficienter ac imperfecte. Hunc formalem conceptum iam diximus, esse rationem ascensionis, seu apprehensionis obiecti. Vnde ille actus, qui habuerit hoc, quòd est assequi, seu apprehendere obiectum beatificans, erit planè formalis beatitudo viæ.

Quibus prælibatis, utramque sententiam ad concordiam reducunt dicti Patres, dicentes: Primam esse veram de beatitudine *per modum meriti*, aut *dispositionis*, aut de beatitudine *moralis*, aut *virtuali*. Hæc omnia pro eodem vsurpantur. Moventurque, quia cum charitas sit, à qua meritum provenit, & meritum, ut dictum est, fundet ius ad beatitudinem patriæ, disponatque ad illam obtinendam; idcirco charitas, seu actus voluntatis charitate decorus est beatitudo viæ *per modum meriti*, *dispositionis* &c. Secundam autem sententiam veram reputant de beatitudine *per modum inchoationis*: Quia abs dubio actus intellectus est apprehensivus obiecti, illudque vel in via habet, non in affectu solum, sed in re, licet imperfectè, & modo valde deficienti. Exemplo egregio rem totam declarat laudatus D. Thom. considerans arborem vel flores amittentem, vel fructus iam iam offerre incipientem. Florescente arbore potest aliquo modo dici ipsam habere fructus, non tamen in re sed *virtualiter*, aut *moraliter*, aut *per modum dispositionis*; dum autem floribus deformatis, incipiunt apparere fructus: tunc arbor illa fructus re ipsa habet, quamvis imperfectissimos, immaturos, & insuaves. Sic ergo charitas dicitur beatitudo, quatenus dicit meritum, quod quidem est via ad præmium, nempe ad ipsam beatitudinem patriæ. Vnde dicitur beatitudo dispositivè. Actus verò intellectus, cum sit obiecti beatificantis, etiam in hac vita apprehensio, licet imperfecta, est

quamquam eadem imperfectione, beatitudo formalis viæ, ac per modum inchoationis.

24. Hoc Patrum Salmant. prudens, solidumque iudicium à nobis amplectitur, ex illoque obiecta solvimus. Ad primum ergo respond. disting. mai. *Contemplatio &c.* secundum sibi essentialia, hoc est, secundum, id quod habet ab intellectu, conceditur: secundum id, quod habet à voluntate, subdisting. est *beatitudo dispositivè moraliter*, sive *virtualiter*, aut *per modum meriti*, conceditur. *Est beatitudo formaliter*, neg. mai. Et disting. minor, *beatitudo per modum dispositionis*, est verum: per modum inchoationis, seu formalis est falsum. Termini ex dictis sunt noti.

Ad primam probationem minoris respondetur, textum illum loqui de beatitudine per modum meriti. Sed non excludit beatitudinem per modum inchoationis, quæ in Dei contemplatione consistit. *Ad secundam probationem* similiter respond. *excellentiorem viam* per modum dispositionis ad beatitudinem patriæ esse charitatem quæ causat meritum, per quod in patriam tendimus: alii perfectior via *per modum inchoationis* est actus intellectus, in quo ipse viæ terminus in re habetur, licet imperfectè: consequenterque habet conceptum affectionis ipsius obiecti beatificantis. Vnde id, quod fuit beatitudo viæ non dispositivè, sed formaliter talis debet hunc conceptum affectionis habere: atque adeò li contemplatio hoc habet, vt vel ipsa opposita sententia fatetur: ex hoc ipso adstruitur, quod est actus intellectus.

Ad tertiam probationem respondetur: De ratione beatitudinis simpliciter, ac perfectè talis, qualis est beatitudo patriæ, esse vt omnia referantur ad ipsam, & illa ad nihil, nisi ad proprium obiectum referatur. Ast de ratione beatitudinis imperfectæ, qualis est beatitudo viæ, non est tale quid dicere, cum indispensabiliter debeat ad beatitudinem patriæ referri, vt num. 22.

dictum est. Sed illi duo conceptus, qui in entitate superiori beatitudinis patriæ vniti sunt, sunt dispersi in inferioribus actibus: quo circa actus charitatis participat irreferibilitatem ad aliquid viæ. Verum quia hoc munus non est essentialiale in beatitudine; sed hoc reservatur muneri assequendi, & apprehendendi propterea charitas, quæ illud primum munus participat, est quidem viæ beatitudo; sed dispositivè. Actus verò intellectus, quia assecutus est, tametsi ad charitatem referatur, est viæ beatitudo formaliter talis. Ex quo fit consequens, quod contemplatio divina, quæ supponitur beatitudo formalis viæ, sit actus intellectus.

Per quod patet ad duas probationes ibi adductas. Adde 1. D. Anselmum non solum non loqui de intelligere patriæ: sed nec de intelligere viæ speculativo; autoritas namque eius intelligenda est de intelligere intellectus practici, cuius finis est actio. Vnde ipse intellectus practicus ordinatur ad actionem, tamquam ad finem, qui nisi perversè, ordinabilis haud est ad id, cuius est finis. Videantur P.P. Salmant. num. 54. in fine.

25. Adde 2. Quod mysticè loquendo, seu, vt proprius loquar, loquendo de ijs, quæ realiter eveniunt in exercitio huius Sanctissimæ sapientiæ; intellectio refertur ad dilectionem, & hæc ad intellectiorem ordinatur. Dirigitur ad intellectiorem dilectio in quantum scilicet aliquis ex dilectione Dei inat descendit ad eius pulchritudinem conspiciendam, ait Div. Thom. 2. 2. q. 180. art. 1. in corpore. Dirigitur intellectio ad dilectionem: quia *vita contemplativa terminatur ad dilectionem, quæ est in affectu, ex qua eia amor intenditur*, docet idem Sanctus ibidem. Eandem doctrinam repetit artic. 7. ad 1. ubi inquit, mutuo se iuvare, & augere contemplationem, & amorem. Quamobrem sine perversitate aliqua; immo ordine divino, contemplativus contempletur, vt diligat: & diligit, vt contempletur, ob reciprocum fomentum, quod ubi conferunt isti superni actus

actus. Quod si charitas asseritur finis nostræ vitæ; hoc ipsum de contemplatione docet citatus D. Thom. art. 4. in corpore, cuius verba producere placet, quia in eis plura sunt, quibus ferè omnia, quæ diximus in quæstione hac, roborantur.

Ait enim Doct. Ang. *Principaliter quidem ad vitam contemplativam pertinet contemplatio divinæ veritatis: quia huiusmodi contemplatio est finis totius humanæ vitæ. Unde Augustin. dicit in 1. de Trinitate, quod contemplatio Dei promittitur nobis actionum omnium finis, atque æterna perfectio gaudiorum: quæ quidem in futura vita erit perfecta, quando videbimus eum facie ad faciem: unde & perfectos beatos faciet. Nunc autem contemplatio divinæ veritatis competit nobis imperfectè, videlicet per speculum, & in ænigmate: unde per eam fit nobis quædam inchoatio beatitudinis, quæ hic incipit, ut in futuro continetur. Unde & Philosoph. 10. Ethicorum in contemplatione optimi intelligibilis ponit ultimam felicitatem hominis. Videatur P. Suarez tom. 2. de relig. lib. 2. cap. 9. num. 11. in fine, qui hanc amoris, & contemplationis reciprocam causalitatem docet. Elegantissimè verò de illa loquitur N. Philipp. in sua mystica Theolog. p. 2. tract. 3. art. 2. ubi inquit: *Mirabilis est in contemplatione circulus; amor namque Dei ad eius contemplationem excitat, quæ maiorem parit amorem erga ipsum Deum, cuius pulchritudinem ac bonitatem in contemplatione videt, & miratur anima, ac in eius delicijs suaviter immoratur.**

26. Ad confirmat. responderetur negando min. Quia intimius est obiecto id, quod se tenet ex parte ipsius, habetque aequaliter rationem obiecti, quàm id, quod est motus in obiectum. Contemplatio se tenet ex parte obiecti voluntatis, estque aliquo modo obiectum ipsius: quandoquidem voluntas non tendit in bonum, nisi ut cognitum; atque ideo ex parte obiecti, in quod voluntas movetur, non solum adest bonum sed etiam ipsius boni contem-

platio, seu cognitio: unde intimior est illi obiecto contemplatio, quæ vnicum obiectum cum eo facit, quàm dilectio, quæ est motus voluntatis in illud. Sic enim solvit Scoti argumentum simile Caietan. 1. 2. q. 3. art. 4. dicens: *Actus visionis est quasi pars ipsius finis, & est finis non ponens in numerum cum fine extrinsecè. Deus enim visus est finis, & non sunt duos fines, scilicet Deus, & visio: sicut inductivè patet in alijs finibus &c. Unde actus voluntatis est propinquior inter actus tendentes in finem integrum: sed propinquior illo est, qui est quasi pars finis. Amamus enim non solum bonum, sed bonum cognitum, & propter illud.*

27. Contra hanc tamen solidam doctrinam stat probatio illa minoris fundata in illa Doctorum veluti paræmia: *Intrat dilectio, & appropinquat; ubi scientia foris stat.* Sed antequàm directè respondeam, monere placet: Patrem Carolum Casnedi in tomo suo 4. Crisis Theologicæ; ubi *abstrusas Theologiæ mysticæ controversias* se tractare, non tentat *adhuc scholasticâ methodo*, pollicetur. Quod non semel reperit in dicto tomo, quem mysticum nominat; & etiam in 5. interans se sine duce procedere, dum falcem scholasticam mittit in mysticam messem. O utinam talem ducem habuissem ab initio huius laboris! Sed serò sua lux affulget; quia iam primus cursus nostri mystico-scholastici tomi sub prælo gemit, & secundus hic iam ad finem properat, ut vides. Hic, inquam, doctus scriptor in dicto 4. tomo disp. 2. sect. 4. num. 89. refert illam autoritatem dicens, fundatam esse in D. Thom. doctrina. sub dubio tamen. Postea verò num. 101. inquit: illam autoritatem esse D. Thom. secundum P. Suarez, qui tamen, ait Casnedi, locū D. Thom. non citat: In quo fatetur, quod ipsum Author illius sententiæ latet. Sed revera Author illius est citatus Hugo; quod à pluribus è nostris Mysticis potuit discere Casnedi: & non solum à Mysticis; sed etiam ab Scholasticis; quippe Patres Salmant. loco citatum,



num. 92. hoc idem testantur. Immo D. Thom. hoc ipsum asserit in 4. dist. 49. q. 1. art. 1. quæstiunc. 2. in 5. & ad 5. & in 3. dist. 27. q. 1. art. 4. in 3. argumento *sed contra*, eius verba mox exhibebimus. Et ob hoc forsan P. Suarez dixit, sententiam illam in doctrina D. Thom. fundari.

Quæ sententia nobis nullatenus opponitur: sed continet doctrinam sanctissimam, quam obvijs manibus excipimus: quandoquidem illa verba: *Dilectio supereminet scientiæ*: docent, quod cum scientia terminetur ad obiectum, prout in sciente, & dilectio terminetur ad illud, prout in se est: quando obiectum est superius, ut est Deus, melius esse habet in se, quam in intelligente: quocirca dilectio, quæ terminatur ad obiectum, prout in se perfectior est, quam scientia, quæ terminatur ad illud prout in sciente. Quæ est doctrina toties à D. Thom. tradita, quoties de excessu intellectus supra voluntatem disputat.

Verba sequentia. *Maiores est (dilectio) intelligentia*: eundem sensum continent. Et etiam dogma mysticum offerunt: videlicet, quod voluntas plus amat, quam intellectus intelligat. Licet nunquam verum sit, quod voluntas aliquid amet, quod intellectus præviæ, vel concomitanter non cognoscat. De quo in 3. prædicabili, Deo dante, nobis agendum est. *Idem dogma ostendunt verba illa: Plus enim diligitur, quam intelligitur*. Hoc est, quamquam voluntas nihil incognitum amet; amat tamen plus, quam intellectus in hoc exilio cognoscat.

Eundem sensum habent ultima verba: quia cum voluntas feratur ad obiectum, prout in se est, illud, ut sic dicamus, intrat, ut amet. At cum intellectus non intelligat obiectum, prout est in se; sed ad se ipsum trahat illud, media specie, in qua illud intelligit: propterea non stat intellectus intelligens obiectum intra ipsum obiectum: *sed foris*, hoc est, in specie ab ipso immissa: consequenterque plus dilectio diligit, quam intellectus intelligat.

Videantur laudat Salmant. nnn. 93: ubi sic Hugonis dictum explicant. Videatur etiam Capreolus in 4. dist. 49. q. 2. Vbi tenens Hugonem esse auctorem illius sententiæ, illam modo dicto declarat.

Sed inter omnes videri, & audiri debet D. Thom. locis citatis ex 3. & 4. sententiarum: In primo enim postquam argumentum ex verbis Hugonis concessisset, respondet in hunc modum: *Ad 10. dicendum, quod amor magis intrat ad rem, quam cognitio, quia cognitio est de re secundum id quod recipitur in cognoscente. Amor autem de re, in quantum ipse amans in rem ipsam transformatur, ut dictum est prius. In hac autem via, qua perficitur anima in ordine ad res alias dictum est, quod voluntas cognitionem excedit, ad quam viam pertinet esse magis, vel minus inimum rei*. In 2. autem loco sic ait Doct. Sanct. *Ad 5. dicendum, quod per affectum homo perfectius Deo coniungitur, quam per intellectum, in quantum coniunctio, quæ est per affectum, supervenit perfectioni coniunctioni, quæ est per intellectum perficiens, & decorans eam; sed tamen oportet, quod prima coniunctio sit semper per intellectum: dilectio enim prius inclinat in coniunctionem perfectam appetendam, quam intellectus perfectæ coniungat, quamvis non prius quam intellectus quo quo modo cognoscat, eo quod appetitus non potest esse incognitus omnino. Et ideo dicit Hugo, quod scientia foris manet, ubi dilectio intus est*. Videatur Angelic. Doct. citata dist. 27. q. 3. art. 1. Vbi luculentissimè hanc ipsam doctrinam tradit.

28. Superest, ut ad id, quod de Seraph. M. Nostri. in eadem confirmatione dicitur, respondeamus. Dicimus enim 1. quæ hæctenus diximus, iuxta quæ glossanda sunt Doctrinis Almæ verbo *secundo* dicimus: Cœlestem hanc Magistratam inibi etiam docere, non solum intellectum, sed nec voluntatem operari, ijs verbis: *Sed dubitari potest: si anima tam extra se est, & adeo absorpta, ut nihil videatur posse operari medijs potentijs, quo modo mereri potest?*

Illud



Illud ergo *videatur*, quod nunc applicat omnibus potentij, applicari debet intellectui, dum de illo loquitur. Adeo enim abortus est intellectus ab eminentia divinæ maiestatis, ut nihil posse operari *videatur*. Adeo subtilis, & sine reflexione est intellectio, quam ibi habet intellectus, ut sit ferè imperceptibilis, ut ait Extatic. N. Parens, de quo suo loco tractabimus; atque adeo imperceptibilitas illius subtilissimæ contemplationis facit, quod intellectus nihil agere *videatur*.

Adde: ipsam Sanctiss. Doctrinam ibi etiam hæc dicere: *Ipsa vis amoris abstulit ab anima discursum intellectus: ut sic magis Deum amare valeat.* Vnde discursum ablatum docet, quod sanè fateamur, & nos, qui ab illo sublimi contemplationis gradu discursum eliminamus. Turbaretur enim erga

plurima anima, si tunc temporis discursibus vteretur. Vnde ex alato testimonio nihil concluditur contra nos.

Ex omnibus pro argumento, & confirmatione dictis habetur, obiecta solum concludere, quod in via relatè ad obiectum superius anima præminet distinctio intellectioni. Ex hoc tamen non sequitur, quod cognitio viæ non sit beatitudo formalis viæ per modum inchoationis: quia licet mirè perfecta, habet tamen conceptum assequendi, apprehendendique obiectum beatificans: quod munus est magis proprium inter omnia, quæ patriæ beatitudo adunat. Vnde relinquatur, quod contemplatio sit beatitudo formalis inchoata, & etiam, quod non sit actus voluntatis, cuius non est obiectum consequi; sed vel illud absens desiderare; vel in ipso iam consequuto quiescere.

## QUÆSTIO TERTIA.

*Vtrum intellectus sit principium quo proximum divinæ contemplationis?*

**P**erisist adhuc litigium inter intellectum, & voluntatem pro approprianda sibi hæc perfectissima, ac nobilissima prole coelestis contemplationis. Quia cum solum inter has duas nobilissimas potentias vrgens bellum adeste possit: idem prorsus est trophæum à voluntate surripere, ac quod intellectus triumphet: & similiter idem est laurum intellectui negare, ac quod voluntas victrix coronetur. Vnde in præsentia plura pro iure voluntatis adducenda supersunt. Nolumus tamen utrumque sub vna quæstione diversis tamen assertis, ut solet in similibus fieri, disputare, ut sic clariùs in re adeo utili, quò distinctiùs, procederemus.



*§. 1. Intellectus est principium quo proximum contemplationis divinæ.*

19. **H**oc assertum est omnium nostrorum Mysticorum, & adeo inter omnes frequens, ut communè iure merito dici debeat: speciatim, cum hic loquamur sub illa præcisione: quam quæstione antec. dedimus: videlicet, segregando nos ab illa controversia, an, scilicet, detur actus voluntatis sine actu prævio, vel concomitante intellectus? Quam quidem ad locum quæstione superiori dictum remittimus. Ex paucis enim Doctoribus, qui contra nos sunt in præsentia dubio, plures, & maioris notæ moventur: Quia autumant, animam ad illum gradum aliquando pervenire, in quo sine prævio, aut concomitante actu intellectus,

ctus, diligit eius voluntas. Quam dilectionem, contemplationem esse dicunt. In alijs verò gradibus, in quibus voluntas amat ex propositione intellectus, planè nobiscum sentiunt, tenentes contemplationem ad intellectum spectare. Sit sit D. Bonavent. nominare, qui itin. 3. æternit. dist. 2. sic contemplationem definit: *Est actus intellectus non impeditus gratia sanati, in æterna spectacula directi, cum admiratione suspensi.* Vbi, ut vides, contemplationem esse actum intellectus docet, quod est idem cum nostro asserto.

30. Quod esse ad mentem D. Th. onerosum iuvius foret, in dubium vertere: cum pluribus in locis illud doceret. Videantur, quæ ex eodem Ang. Mag. 2. 2. q. 180. art. 1. & 7. diximus quæstione præcedenti, & præcipuè num. 19. Idem docet in 3. distinct. 35. q. 1. art. 2. quæstiunc. 1. ubi in corpore ait: *Contemplatio essentialiter in actus cognitivæ consistit, præexigens charitatem ratione prædicta. Vnde Greg. dicit super Ezechiel. contemplativa vita est charitatem Dei, & proximi tota mente retinere, ab exteriori actione quiescere, ita ut nihil iam agere libeat: sed calcatis curis omnibus ad videndam faciem sui creatoris animus inardescat.*

31. Deinde probatur conclusio sic. Cōtemplatio divina habet aliquam potentiam, quæ illam proximè eliciat: sed hæc non est anima rationalis, nec potentia aliqua, quæ non sit entitativè, & essentialiter rationalis; nec ex his, quæ essentialiter rationales sunt, est voluntas: ergo solum remanet intellectus. Consequentia est infallibilis: Non enim remanet aliqua alia potentia, cui possit hoc convenire, cum omnes in minori propositione numerentur. Minor autem qua ad 1. partem constat ex dictis quæst. 1. huius disputationis; quoad 2. patet ex dictis disput. 11. quæst. 1. num. 4. ubi ostendimus, nulli ex illis potentijs munus eliciendi proximè contemplationem cōvenire: quia illis elicientiam illam absolutè repugnare vidimus.

32. Confirmatur hoc reprodu-

cendo, breviter tamen, quæ in anteactis quæstionibus dicta sunt. Etenim principium proximum contemplationis debet esse aliqua potentia, quæ sit immediatè operativa, & sit essentialiter rationalis, ut constat ex dictis num. præcedenti: sed solum dantur duæ potentie essentialiter rationales, de quibus dubitari possit, an sint immediatè operative contemplationis; videlicet intellectus, & voluntas; & voluntas non potest esse principium proximum contemplationis: ergo tale principium est intellectus. Cætera constant, & minor quæ ad 2. partem probata est quæstione præcedenti.

Confirmatur hoc ex dictis quæst. 2. etenim ex ibi dictis à num. 14. non solum constat, voluntatem non esse principium proximum contemplationis, sed ex ipsis habetur, tale principium esse intellectum: ergo intellectus est potentia proximè contemplationem eliciens. Probatur min. dupliciter. 1. absolutè. Quia solum potest esse litigium præter inter voluntatè, & intellectum: ergo ex quo voluntas excludatur, asseritur, quod tale principium est intellectus, Consequent. bona est, & antecedit. constat ex dictis in tota hac disputat. Secundò, & præcipuè probatur min. Quia ibi dicta non solum excludunt voluntatem, sed probant, quod intellectus eliciat contemplationem: quia si actus voluntatis non potest esse intuitus veritatis, nec visio; actui intellectus hoc non repugnat: immo eius actus intuentur veritatem, quæ est eorum obiectum proprium; consequenterque actus intellectus est visio: vnde ex ibi dictis probatum manet assertum præsens.

33. Probatur tandem: Theologia mystica est verè scientia: ergo actus Theologiæ mysticæ, qualis est contemplatio; est actus intellectus. Anteced. fuscè à nobis probatum est tom. 1. disp. 1. estque apud omnes, unum, vel alterum si excipias, indubitatum. Consequent. autem inde constat 1. quod actui scientifico nemo hactenus dedit aliam potentiam proximam, nisi intellectum. Constat 2. quia actus ad illam poten-

potentiam spectat, quam actuat habitus eius. Sed habitus Theologiæ mysticæ, cuius actus est ipsa scientia actualis, actuat intellectum, in eoque subieccatur: ergo actus Theologiæ mysticæ est actus intellectus. Consequentia legitime inferitur ex præmissis, quæ omnino certæ sunt.

34. Confirm. Contemplatio viæ est inchoatio contemplationis patriæ: ergo spectat ad eandem potentiam intellectivam. Anteced. est certum, constatque ex dictis questione præcedenti, ubi cum D. Thom. diximus contemplationem viæ esse beatitudinem inchoatam: proptereaque non ordinatur ad contemplationem patriæ, veluti res ab ipsa diversa, ut docet D. Thom. in 3. dist. 35. q. 1. art. 4. in corp. per hæc verba: *Vita enim contemplativa non ordinatur ad aliquid aliud in ipso, in quo est, quia vita æterna non est nisi quedam consummatio contemplativæ vitæ; quæ per vitam contemplativam in præsentem quodammodo prælibatur.* Consequent. autem probatur: Quia actus inchoatus, & consummatus ad eandem potetiam spectare, notum est: ergo cum extra controversiam notum sit, contemplationem consummatam fore actum intellectus; inde pariter asserendum est, de contemplatione viæ.

## §. II. Solvo obiectiones contra dicta, & quæ assertionem impugnant.

35. **P**rimo quæ proponimus solvimusque, quæ assertum, & ea, quibus illud communivimus, labefactare videntur, ut sic quoad fieri possit, properemus ad alia. Igitur contra dicta num. 32. ad quod ferè reducit. quidquid dictum est, obijcies 1. Quia actus voluntatis Theologiam mysticam exercentis est *visio*: ergo ex quo contemplatio sit *visio*, ac *intuitus veritatis*, non est unde repugnet, quòd sit actus voluntatis: vel ex illo principio sine fundamento asseritur, quòd sit actus intellectus. Consequent. quoad

utramque partem nota est ex antecedenti, quòd probatur 1. ex D. Gregor. homil. 27. in Evang. ubi ait: *Amor ipse notitia est.* Nomen autem *notitia* proprium est lineæ scientificæ: & hoc nomen, quòd scientiam significat, tribuitur amor: immo dicitur, quòd est ipse amor. Sicque Myllæ communiter loquuntur, appellantes actum voluntatis, servidè Deum amplexantis, notitiam experimentalem Dei.

Probatur 2. idem anteced. ex D. August. clariùs adhuc loquenter: quippe lib. 7. confess. cap. 10. agens de luce inaccessibili Dei, inquit: *Qui novit veritatem, novit eam: & qui novit eam, novit æternitatem: Caritas novit eam.* Vbi non solum dicitur charitatem terminari ad veritatem; sed etiam terminari cognoscendo, seu intuendo veritatem: *Novit veritatem, & caritas novit eam.* Huiusque rationem dedit alibi ipse Doct. Sanct. dicēs: *Amor vehemens non potest non videre, quem amat, quia amor oculus est, & amare videre est.* Quid clariùs?

Respondetur neg. anteced. quòd illis, adeò perspicuis probationibus haud suaderetur. Ad 1. dicimus: Mentem D. Gregor. esse, quòd amor sit *notitia*; hoc est experientia de Deo, cui per amorem vnitur anima. Vnde ipse amor gustat Deum, in quem mysticè transformatur animam: & illa ipsa gustatio de Deo est *notitia*, seu experientia de ipso Deo gustato. Et hoc ipsum est: quòd Mystici significant illa sua communiphraasi, quam admittimus: sed contra dicta non est.

Nisi mavis dicere: quòd *amor ipse causaliter notitia est*: quia certè ad gustum, & experientiam, quam de Deo gustato habet amor, sequitur clarissima cognitio ipsius Dei degustati. Secundum reciprocum fomentum, quòd sibi ipsis intellectus, & voluntas tribuunt in exercitio divinæ contemplationis; prout diximus questione antecedenti num. 25. Quòd præter ibi dicta comprobatur clarissima doctrina D. Thom. opusc. 61. cap. 2. ubi ait: *Intellectus de summo bono intelligit aliquid, aut per*

per alium, & sic quasi per auditum: aut per se, & sic quasi per visum: sed plenius apprehendit, cum affectus: : vel modice experitur. Audire autem est incipientium: videre proficientium: gustare perfectorum. Prosequitur Sanct. Doct. toto illo capite, & sequenti hæc explanans. Quod ad nostrum intentum facit, consistit in eo, quod ut mens adhaereat Deo, debet præcedere in ipsa aliqua Dei apprehensio: quæ in incipientibus fit per *auditum*, hoc est quia audierunt, quod *adherere Deo bonum est*: Ideo hoc bonum in se habere desiderantes satagunt adherere Deo per exercitium piarum cogitationum, & meditationis. In proficientibus datur hæc apprehensio per visum: hoc est, quia videntes, quod non fuerunt defraudati à desiderio suo, dum erant incipientes, segregant se quantum possunt à tumultibus, & intrantes in cubiculum suum, clauso ostio, orant ad patrem suum. In perfectis tamen habetur hæc apprehensio per gustum, seu ex experientia, quam de Deo gustato habent, ex qua resultat, quod ipsum sublimius contemplantur. Quasi disparent, quæ audierunt, & viderunt in conspectu deliciarum, quas ex vnione experiuntur. Cæterum sicut auditio in incipientibus non est meditatio, sed illam causat, nec visio illa in proficientibus est contemplatio sui status propria, sed illam promouet: sic experientia, seu gustus in perfectis non est intuitus veritatis, sed ad illum excitat, & accendit: vnde ab effectu dicitur *notitia, visio, oculus, & videre*. Per quod patet etiam ad 2. antecedentis probationem.

Declaratur omne hoc clarissimo exemplo, quo vtitur D. Thom. in verbis immediate antecedentibus ad ea, quæ modò scripsimus. *Vis ergo, ait, Deum amare, & concupiscere? Prius oportet cognoscere. Igitur secundum Philosophum delectabile apprehensum mouet apprehensum, ut delectabile. Summum igitur delectabile oportet præapprehendere cogitando, ut possimus diligere appetendo. Apprehendimus autem sensibile audiri, visu, & nonnumquam gustu.*

*tu. V. g. vinum, quod est sensibile exterius, alio modo apprehendo audiens narrari de ipso, vinum illud est bonum, magis autem cum video; quia visus secundum Aristotelem plures rei differentias apprehendit; & ideo certius iudicat de re: magis autem cum prægusto; tunc enim est maxima coniunctio sensibilis ad sensum.* Vnde habes, semper esse verum; quod gustus de re exteriori, & maxime de re interiori, versetur inter duos actus intellectus, quorum vnus est causa, alius verò effectus illius gustus: atque adeò congruè dicitur talis gustus *visio, intuitus &c.* Vel à causa, vel ab effectu; quia effectus, & causa illius gustus *visio, & intuitus* sunt.

36. Verba modò data D. Thom. visus nobilitatem supra alios sensus ostendentia, mentem excitauit, vt alia via planissima obiectis, & maxime ex Augustino, occurreremus. Etenim iuxta expressam doctrinam D. Thom. pluribus in locis sensus visus ob sui perfectionem, & certitudinem obtinuit, vt omnes actus sensuum inferiorum visiones dicantur, & etiam interiores apprehensiones. *Sensus visus*, ait Ang. Doct. 1. 2. q. 77. art. 5. ad 3. *Est excellentior inter omnes alios sensus, & ad plurá se extendens, ut dicitur in 1. Metaph. & ideo nomen eius transfertur ad omnes alios sensus, & etiam ad omnes interiores apprehensiones; vt Augustinus dicit in lib. de Verbis Domini.* Ob quod nomine visionis significamus actum ipsam gustus, vt tenet communis loquendi modus, docetque idem D. Thom. supr. q. 67. art. 1. in corp. dicens: *Propter dignitatem, & certitudinem huius sensus (visus) extensum est hoc nomen, secundum usum loquentium ad omnem cognitionem aliorum sensuum. Dicimus enim, vide quomodo sapit &c.* Si ergo actus corporei gustus dicitur visio à visu materiali: videtur non incongruè posse intelligi Augustinum, dum gustui spirituali, nempe voluntati, attribuit nomen visionis, iuxta hunc modum loquendi: còque à visu spirituali, scilicet intellectu, actum spiritualis gustus visionem dicimus nominasse, . . . . . Ob-

## DISP. 12. DE POTENTIA PROXIMA DIVIN. CONTEMPLAT. Q. 3. 315

37. Obijcies 2. contra dicta num. 33. Potest actus intellectus elici ab habitu residente in voluntate: ergo potest actus voluntatis elici ab habitu residente in intellectu; ergo ex quo Theologia mystica habitualis subieciatur in intellectu, non probatur, actum mysticæ Theologiæ fore actum intellectus. Hæc 2. conseq. constat ex prima, quam paritas suadet. Antecedens autem probatur. Quia oratio mentalis est actus intellectus; vt diximus disputat. 2. q. 3. sed hic actus elicitur à virtute Religionis, quæ residet in voluntate, vt vidimus eadem disputat. q. 4. ergo ab habitu residente in voluntate potest elici actus intellectus.

Respondetur: Actum scientificum elici à suo habitu elicientia omnino propria, & rigorosa: nec contrarium hæcenus somniavit aliquis. Ad elicientiam rigorosam indispensabiliter requiritur, quod virtus elicitiva sit in illa potentia, cuius est actus. Vnde ex quo habitus contemplationis subieciatur in intellectu, debet esse contemplatio ipsius intellectus actus. Contrarium evenit in virtute eliciente actum elicientia minus rigorosa. Tunc enim potest virtus in una potentia residens elicere actum alterius potentia. Quare cum religio hoc lato modo eliciat actum orationis, vt diximus, dicta quæst. 4. num. 139. propterea in voluntate existens elicit actum illum intellectus.

Adde exhibi dictis, & sit 2. solutio: Quod illud, quod à voluntate, movente intellectum, derivatur in hanc potentiam, non potest habere rationem virtutis; sed est quædam motio, quæ agit, vt vicaria virtutis illam in intellectum derivantis. Vnde illa motio, & si in intellectu sit, est de linea volitiva, attingitque non verum, sed bonum. Id verò quod ab intellectu movente voluntate in derivatur in ipsum, est virtus propriè talis: atque adeò non iam ad lineam intellectivam spectat, sed ad volitivam, ad bonumque terminatur. Ex quo habetur, quod habitus residens in voluntate eliciat actum intellectus: quia licet mediet potentia, ob quod

illa elicientia non est omnino rigorosa: non tamen mediat virtus, sed virtutis dicta, aut motio; eoque datur elicientia propria, licet minus rigorosa. Ast habitus residens in intellectu nullatenus elicere potest actum voluntatis; quia hic non solum mediat potentia; sed etiam virtus: cum qua mediatione nulla comparitur elicientia: sed imperium. Quæ omnia loco citato explicata sunt.

38. Sed contra, & obijcies. 3. Ergo contemplatio Divina non est actus intellectus. Probatur ista conseq. Contemplatio elicitur à Dono sapientiæ: sed Donum sapientiæ residet in voluntate: ergo. Probatur min. 1. quia D. Augustin. lib. de gratia cap. 18. ait: *Quod sapientia est charitas Dei*: sed charitas subieciatur in voluntate: ergo & sapientia. Probatur 2. Quia Donum sapientiæ correspondet charitati, sicut Donum intellectus, & scientiæ correspondet fidei: sed hæc duo subieciuntur, in intellectu, vbi fides residet: ergo sapientia est in voluntate, vbi residet charitas. Probatur 3. Quia sapientia attingit obiectum, vt sapidum: sed hoc pertinet ad gustum spirituale, qui est voluntas: ergo.

Respond. ex alibi dictis cum D. Thom. 2. 2. q. 45. art. 2. sapientiam residere in intellectu: quamquam radicem habeat in voluntate, quæ radix est charitas, à qua Augustin. contra adductus sapientiam nomine charitatis denominavit vt explicat. D. Thom. ad 1. ex quo de novo firmantur, quæ num. 35. diximus, vt Augustini autoritates; ibi obiectas, vt explicaremus. Ex hoc etiam quod charitas sit causa, radixque sapientiæ, habetur, quod hæc correspondeat charitati, & respiciat obiectum vt sapidum; radix enim ipsius sapientiæ hoc in illam derivat, iuxta dictum præcedenti in fine. Vnde dixit D. Thom. in 3. d. 35. q. 2. art. 1. quæstiunc. 3. *Ad 1. ergo dicendum quod sapientia saporem importat quantum ad dilectionem præcedentem, non quantum ad cognitionem sequentem, nisi ratione delectationis, quæ ipsam cognitionem in actu exequitur.* R. 2. Obij:



39. Obijcies 4. contra ipsum assertum: Contemplatio secundum Philosoph. in 10. Ethic. cap. 8. & 9. est actus altissimæ potentiz, habitus nobilissimī, & obiecti dignissimī: sed si divina contemplatio ponatur actus intellectus, hæc non possunt verificari de illa: siquidem in via per ordinem ad Deum est voluntas altissima potentia, & non intellectus: insuper non erit actus charitatis, quæ est perfectior, quàm omnes habitus intellectuales; ac tandem non terminabitur ad Deum prout est in se, sed prout est in intellectu, qualiter non explicat tantam perfectionem: ergo contemplatio non est actus intellectus.

Respond. neg. min. Ad probationem insertam dicas: Illum excessum voluntatis esse secundum quid: simpliciter tamen, etiam in via, perfectior est intellectus. Cuius signum est, quòd in patria, etiam in ordine ad Deum, perfectior est intellectus. Quod esse non posset, si excessus illæ foret simpliciter talis, seu in natura utriusque potentiz fundatus. *Ad illud* de habitu dic 1. fidem, si sumatur pro eo, cuius est vicaria, superare charitatem, qua simpliciter perfectius est lumen gloriæ. *Secundò dic*: Fidem ex genere esse adhuc perfectiorem: Quia omnia, quæ sunt lineæ intellectivæ, perfectiora ex genere sunt ijs, quæ sunt lineæ volitivæ. Et quolibet ex his modis verificatur, quod sit habitus nobilissimī. *Sed* 3. dic: Contemplationem debere esse actum habitus nobilissimī ex ijs, qui ad potentiam intellectivam spectant. *Ad illud* de obiecto: Respondetur; obiectum divinæ contemplationis esse Deum, quo nulum aliud æquè perfectum est dabile. Quod autem hoc obiectum perfectiori modo attingatur à charitate, vanum pro materia præsentis est: cum salvetur obiectum divinæ contemplationis fore perfectissimum. Fò vel maximè, quia excessus ille in modo attingendi est solum pro statu viæ: in patria enim perfectiori modo attingit Deum contemplatio, quàm volitio, seu dilectio.

### §. IIJ. Proponitur ultima obiectio casu celebris.

40. **V**ltimo obijcies: Theologia mystica actualis attingit suum obiectum sub ratione boni, degustati, ac delectabilis: ergo non est actus intellectus. Anteced. fulsissime à nobis probatum est disp. 1. primi tomī q. 5. Vbi diximus, rationem *sub qua* Theologia mystica suum obiectum attingit, illam esse, quæ in antecedenti recensetur. Et consequentia probatur 1. Quia ratio *sub qua* intellectus, & eius habitus tendunt in suum obiectum, est ratio veri: ergo non est ratio boni: aliàs nulla erit differentia inter intellectum, & voluntatem, & inter habitus intellectivos, & appetitivos.

Crediderim, benevolum lectorem videntem, me huius obiectionis meminisse, fundamentum ad hoc habere extemplo suspicaturum. Adest quidem, estque prorsus simile illi, quod religiosam modestiam nostrorum Salmantic. tract. 13. disp. 5. dub. 7. toto §. 4. movit ad vindicandam, explanandamque doctrinam ab ipsis traditam tract. de voluntat. disp. 4. num. 36. Ferè omnia, quæ dicto tract. 13. profertur laudati Theologi possem dicere: quia casus est, ut dixi, prorsus similis: præter quàm in hoc, quòd doctrina illa dictorum Patrum fuit ab egregia sua subtilitate in ipso Theologia, & Thomistarum thesauro de novo reperta, & quamquàm lucidissimis, solidissimisque fundamentis decoram, illam ob suam gratulandam modestiam sapientum iudicio exposuere, ut albo, vel nigro lapillo, prout sibi placuissent, consignarent. Quod verò diximus, quæstione citata, est adeò commune inter omnes scientiarum candidatos, speciatimque inter Mystas, ut res mirrissima sit, quòd aliquis sapientia, vel nupero famularu, alumnus potuisset ibi lapidem offensionis invenire: potest enim quivis asserere sine veritatis dispendio: doctrinam illam trivijs notam esse.

esse, atque contrarius. Verum enim vero, quia, ut monetur dat Theologi, *Non questus, sed quaestiones Theologum movere debent, ad rem deveniamus.* A me dicta citata quaestione prius refutabo. Secundo: Esse omnino ad mentem D. Thom. ostendam. Tertiò: Aliorum Patrum, ac Theologorum calumiam in idem conspirasse demonstrabo. Quarto: Aliquot rationes exhibeam. Quinto: Si duxerim, necessarium, obiectioni factae respondebo.

41. Igitur tom. 1. disp. 1. aliquas quaestiones excitavi explorans, explanansque, ut vt potui, mysticæ Theologiæ quidditatem: respiciens semper ad Theologiam mysticam, quæ mystica est, & supponens ea, quæ dicit, vt Theologia est. Integram quaestionem ibi habeo, in qua ostendo, habitum Theologiæ esse infimè vnicū: & idcirco Theologiam mysticam quæ talem idem obiectum formale respicere, ac Theologiam scholasticam. In quo absdubio ratio formalis *sub qua* vtriusque Theologiæ specificativa eadem supponitur: aliter non haberent idem obiectum *quod* formale: sed ad summum materiale. Hæc, aliaque huc expectantia, ibi dixi; quæ non adeò necessarium repetere modò, duxi.

Idem quaestionem integram movi; in qua an Theologia mystica, quæ talis, scientia sit? Inquisivi. Affirmativè respondi, & inde consecutarium deduxi asserens, nè dum esse scientiam, sed sapientiam. Et hoc, quia habitus Theologiæ sciētificus est: Et quia Theologia mystica quæ talis, non dicit aliquid, quod illam à canone scientiarum eliminet: quin potius, quæ mystica est, omnes alias scientias, etiam ipsam Theologiam Scholasticam, superat: Non superioritate specifica (hoc enim cum identitate habitus non subsisteret) sed superioritate, quæ res eadem sub hoc modo, se ipsam sub alia formalitate excedit. Quæ diximus propter Theologiam mysticam acquisitam, quam diximus, esse eundem habitum cum Scholastica. Si verò de supernaturali, sermo sit. Ibi totum mysticum est, redolens

charitatem, & cum anima malevola pugnans. In Theologia autem mystica acquisita, entitative naturali, hoc non evenit; quia licet ipsa, quæ mystica dispareat in conspectu peccati ob charitatis exilium; habitus tamen manet.

42. Denique exploravi rationem formalem *sub qua* mystica Theologia, quæ talis, respicit suum obiectum? Et dixi, esse rationē boni, aut *ab anima designati*. Et hæc resolutio est petra scandalii, quæ propositæ quaestioni locum dedit: a qua adeò remotus eram, ut in tota illa quaestione. Maximini caliga longiori de tali obiectione mentionem, nequidem levissimam, fecerim. Nunquam enim in animum meum induxi, posse quempiam doctrinam adeò tritam, & adeò ex adiunctis, quæ modò retulimus, claram, censurare. Assatim enim ex dictis constat, sermonem non esse de ratione *sub qua* speciem conferente; sed de illa, quæ Theologiam mysticam, quæ talem, facit differre à Theologia scholastica, vt scholastica. Vnico verbo: sermo fuit, non de ratione *sub qua* habitus; sed expressionis eiusdem habitus.

Si verò fiat vis in eo, quòd dicamus: mysticam Theologiam sub expressione mysticæ esse scientiam: & idcirco sub tali expressione debet dicere rationem *sub qua* propriam habitus scientifici, qualis non est ratio boni. Hoc est omne, quod in sui favorem habet proposita obiectione. Et hoc est, quod admirationem auget: adeò levis est hic scrupulus, adeòque in quaestionibus citatis modus, quo dispellatur, evidens; vt lateat, quo animo obiectione dicta fiat, ipsi suæ vulvæ nocitura, Ast vt promissis stemus, exurgat.

#### §. IV. Declaratur, quid circa propositam doctrinam doceat D. Thomas.

43. Angelic. Doct. 2. 2. q. 180. art. 1. inquit: *Utrum vita contemplativa nihil habeat in affectu, sed totum in intellectu?* Resolutio est negativa

tiva : Quia videlicet, tametsi essentialiter pertineat contemplatio ad intellectum habet tamen principium, & terminum in affectu: prout in hac, & antecedenti quaestione dictum à nobis est. Contra hanc suam resolutionem ponit D. Thom. hoc argumentum, & est primum in illo ait. *Dicit enim Philosoph. in 2. Metaph. quod finis contemplationis est veritas: veritas autem pertinet ad intellectum totaliter: ergo videtur, quod vita contemplativa totaliter in intellectu consistat.* Si hoc argumentum cum facta obiectione contuleris, eandem omnino difficultatem contentam utrobique comperies.

44. Videamus quid ad illud dixerit S. Thom. *Ad 1. ergo, ait, dicendum quod ex hoc ipso quod veritas est finis contemplationis, habet rationem boni appetibilis, & amabilis, & delectantis: Et secundum hoc pertinet ad vim appetitivam.* Vides D. Thom. edocentem, veritatem, prout attractam à contemplatione, habere rationem boni appetibilis, & amabilis, & delectantis? In quonam rogo hoc differt ab eo, quod ego tradidi? An nē audebis reponere D. Thomæ, actum intellectus non posse respicere obiectum, nisi ut verum? Si habes anres audiendi, audi: Doct. Ang. non dicere, obiectum contemplationis, habere rationem boni appetibilis &c. Quod si diceret, verum diceret: sed maiori adhuc energia vsus non loquitur de obiecto, sed de veritate, quæ finis, aut obiecti quod contemplationis ratio formalis est: quæ veritas, inquit, *habet rationem boni appetibilis &c.* Hac ipsa phrasi vitur multoties in illa quaestione, & alibi. In quo ni vehementer fallor, dicere voluit; contemplatio attingit quidem suum obiectum, sed sub ratione veritatis, nec aliter actus intellectivus procedere valet. Hoc tamen conviuit contemplationi sub generali ratione actus intellectivi: ut autem à contemplatione philosophica secernitur, supra illam addit, quod non attingit, ut illa, veritatem solitarie sumptam, sed veritatem prout induit rationem boni appetibilis &c. Vnde in contemplatione

Divina verificatur, quod veritatem cognoscat, in quo convenit cum contemplatione philosophica, & cum alijs actibus intellectus: & simul verificatur, quod habeat distinctivum ab illis, quod aliud non est; nisi quod illam ipsam veritatem, quæ est ratio formalis specificativa, attingit ut vestitam ratione boni appetibilis &c.

45. Nec hoc credendum à te intendendo, ut à me dictum, sed ut à Doct. Angelico edictum. Ipse enim S. Doct. in 3. d. 35. q. 1. art. 1. inquit, resolvit quæ contemplationem non consistere in solo actu intellectus. Contra quod facit idem argumentum, ac præcedens, cui respondet in hunc modum: *Ad 1. igitur dicendum, quod finis contemplationis, in quantum contemplatio (nota formalitatem diversitatem, ac proprietatem) est veritas tantum; sed secundum quod contemplatio accipit rationem vite, sic induit rationem affectati, & boni, ut dictum est.* Eandem munerū diversitatē, quam numero præcedenti fecimus, docet modo D. Th. loquutus de contemplatione, ut contemplatio est, & ut accipit rationem vite, hoc est: ut mystica est. Illi sub prima consideratione assignat pro fine aut obiecto, veritatem tantum: sub secunda autem formalitate inquit, tale obiectum non esse veritatem tantum, sed veritatem prout induit rationem affectati, & boni. Cavens tamen prudentissimè, nē aliquis ea intellectus agilitate gauderet, ut se in alatis verbis contemplationem, sub expressione mysticæ, non esse actum intellectus asservisse putaret: propterea se remittit ad corpus art. ijs verbis, *ut dictum est*: ubi rem penitus declarat. Autoritatem tametsi diffusam describere placet. Sic enim ait:

*Respondo dicendum ad 1. quaestionem, quod vita, secundum quod hic loquimur, consistit in operatione, cui aliquis principaliter mancipatur, cuius ratione omnia, quæ impedire possunt, dimittit; quæ autem adiuvant, quarit, & prosequitur: hoc autem non potest esse nisi per voluntatem, cuius est inter opera humana unum præ alijs accepta-*



*re, quidquid sit illud. Voluntas autem, cum sit motor omnium potentiarum animæ, oportet, quod ad obiecta, & actus omnium potentiarum se habeat, prout habent rationem boni: quia unusquisque actus debitus cuiuscumque potentie est actus eius: & idè vita contemplativa consistit in actu cognitivæ virtutis præceptatæ per affectivam. Sed cum operatio sit quodammodo media inter operantem, & obiectum, velut perfectio ipsius operantis, & perfectæ per obiectum, à quo speciem recipit, ex duplici parte potest operatio cognitivæ affectari. Uno modo in quantum est perfectio cognoscentis; & talis affectatio operationis cognitivæ procedit ex amore sui: & sic erat affectio in vita contemplativa Philosophorum. Alio modo in quantum terminatur ad obiectum, & sic contemplationis desiderium procedit ex amore obiecti, quia ubi amor, ibi oculus, & Matth. 6. Vbi est thesaurus tuus, ibi est & cor tuum: & sic habet affectionem vita contemplativa sanctorum, de qua loquimur: sed tamen contemplatio essentialiter in actu cognitivæ consistit præexigens charitatem ratione prædicta &c.*

In hoc testimonio habetur quidquid pro præfenti materia desiderari potest. In eo siquidem dividitur contemplatio in philosophicam, & religiosam. Et ipsi sub expressione religiosæ conceditur quidem, quod veritatem respiciat, sed sub ratione iam dicta, à qua provenit affectatio ipsius contemplationis. Vnde licet per illam affectionem non varietur species contemplationis, quia manet essentialiter in actu cognitivæ consistens: attamen quia præexigit charitatem ratione prædicta, idcirco ab ipsa charitate, quam præexigit derivatur in ipsam contemplationem modus quidam illam in veritatem sub ratione boni appetibilis tendere faciens, ab aliaque contemplatione, seu potius à se ipsa, prout non exprimit præexigere charitatem, distinguens. Vnde explorans rationem formalem constitutivam Theologiæ mysticæ sub expressione mysticæ, hoc est, prout

etiam à se ipsa, sub alijs eisdem habitus expressionibus, differt, de hac ratione debet loqui, quam ex charitate influente habet veritas. Quod si de sola veritate tantum loqueretur, nihil ageret ad munus Theologi mystici spectans.

46. Quæstione 2. sequenti art. 1. quæstiunc. 3. in corp. loquitur Ang. Doct. de Dono sapientiæ, quod iuxta omnes Mystas est principium contemplationis, seu Theologia mystica habitualis, de illoque ait: Sapientiæ donum dilectionem quasi principium præsupponit, & sic in affectione est: sed quantum ad essentiam in cognitione est: unde ipsius actus videtur esse, & hic, & in futuro divina amata contemplari &c. Et ad 1. inquit: Quod saporem sapientiæ importat, quantum ad dilectionem præcedentem, non quantum ad cognitionem sequentem, nisi ratione delectationis, quæ ipsam cognitionem in actu exsequitur. Si sapientiæ Donum habet dilectionem pro principio, aliquid debet influere in ipsam sapientiam. Inluit quidem saporem illum, de quo in 2. autoritate: Hunc ipsum saporem debet sapientiæ communicare, contemplationis actui: atq; adeo talis actus sapidus est. Et actui sapiro, prout sapiro, quis poterit de negare, quod ad obiectum dicens ratione boni appetibilis terminetur? Vnde proprium est huius actus & hic, & in futuro divina (non ut cumque, sed ut) amata contemplari. Si non ut cumque divina, sed divina amata contemplatur: ergo non terminatur ad divina, ut dicunt veritatem tantum, sed ad divina dicentia veritatem, quæ illa denominet amata, atque adeo prout induit rationem boni appetibilis.

47. Denique nè in immensum abeamus: loco citato ex 2. 2. art. 2. ad 1. docet D. Thom. Quod vita contemplativa habet motivum ex parte affectus: & secundum hoc dilectio Dei, & proximi requiritur ad vitam contemplativam. Si dilectio requiritur ad contemplationem, aliquid abs dubio imprimis contemplationi dilectio. Si contemplatio habet motivum ex parte affectus,

*fectus*, hoc motivum aliquid impertitur contemplationi: quod cum sit de linea volitiva, etiam ut communicatum actui intellectus, manet de linea voluntatis, iuxta dicta num. 37. infra forsan amplius explananda. Consequenterque facit, quod contemplatio respiciat aliquid, quod actus ijs, quæ ad propriam lineam spectant, respicere non valebat: quod non potest esse aliquid aliud, nisi veritas, non *tantum*, sed ut habet rationem *boni appetibilis* &c.

Ex dictis, innumerisque alijs, quæ omittimus, constat, quæ sit in præfenti controversia D. Thomæ mens, cui fideliter adheret, qui rationem *sub qua* mystica Theologia sub expressione mysticæ, attingit suum obiectum, esse rationem *boni appetibilis, amabilis, & delectabilis*, adstruit. Quam veritatem, nisi tardus, bardusve sit, negabit nemo.

**§. V. Quid alij sancti, ac Theologi sentiant circa præsentem controversiam expono.**

48. **L**iceat mihi per vos, sapientiæ candidati, in explicatione rei nulla explanatione indigentis immorari; aliquot testimonia adijciens, quorum irrefragabili luce tenebræ dispellantur. Agmen agat in hoc §. N. Exat. Doct. qui lib. 2. noct. cap. 17. ait: *Contemplatio est scientia amoris, quæ est notitia infusa amorosa, & quæ simul illuminat, causatque amorem in anima, donec de gradu in gradum illam efferat in Deum, creatoremque suum.* Eadem repetit in Cant. illa 22. suæ mysticæ Eglog. & alibi sæpe. Sed dicta nobis offerunt sufficiens fundamentum pro frequenti reflexione.

*Contemplatio*, secundum Theodidactum Parentem, *est scientia amoris*: contemplatio hæc; qua actus intellectus, convenit cum omnibus actibus potentie intellectivæ, differtque ab omnibus ijs, quæ actus intellectus non sunt. Insuper contemplatio hæc, quæ scientia est, convenit cum omnibus scientijs

naturalibus, à quibus differminatur per hoc, quod sit scientia de Deo. Per hoc tamen quod sit scientia de Deo, convenit cum Theologia scholastica, dogmatica, symbolica, & alijs. Rogo nunc; ab his Theologis, seu, ut proprie loquar, ab his eiusdem Theologici habitus expressionibus differt mysticæ Theologia, qua mystica? Non differre, quis asserat? Ergo si differt: differt quidem per hoc, quod illam in esse mysticæ constituit. Quod nihil aliud est, nisi quod sit scientia, *quæ simul illuminat, causatque amorem in anima.* Seu, & est idem, per hoc, quod *contemplatio est scientia amoris.* Si ergo per hoc in esse mysticæ constituitur: ergo hæc est eius ratio formalis: ergo disputans de ratione formali, per quam in esse mysticæ constituitur: non debet assignare rationem per quam constituitur in esse Theologiæ, convenitque cum alijs eiusdem habitus expressionibus; sed illam, per quam ab illis differminatur: & hæc est, quod sit *scientia amoris.* Hinc fit consequens, quod si est *scientia amoris*, non respiciat veritatem *tantum* (ut supra docebat D. Thom.) sed veritatem, ut induit rationem *boni appetibilis, & amabilis, & delectantis.* Nè ergo vocibus inusitatis, quibus ob modestiam, parco, dicta à me in tomo 1. tenaciter mordeas: sed horum pondus iuste pondera, & ibi dicta bene esse dicta fateri. Sin minis, solve ista, & *eris mihi magnus Apollo.*

49. Melisius Bernardus diffinit contemplationem lib. de Scala Claustr. ait: *Contemplatio est mentis in Deum suspensa elevatio, æternæ dulcedinis gaudia degustans.* Ipsa contemplatio, quæ ad Deum elevatur, est quæ *æternæ dulcedinis* gaudia degustat: consequenterque ipsa *æternæ dulcedinis gaudia* attingit: contemplatio: quod est idem, ac id, quod supra dicebat D. Thom. videlicet, contemplationem attingere divina amata.

Ipsè Doct. Sanct. serm. 85. in Cant. ait: *Nec duxerim reprehendendum, si quis sapientiam soporem boni deficiat.* Ecce definitur Theologia mystica,

tica; quæ, vt dictum est, est Donum sapientiæ, de quo ibi sermo est, per hoc quod sit *sapor boni*. Vbi ly *boni* est differentia; consequenterque ratio formalis Theologiæ mysticæ, quæ mystica est.

§ 0. D. Bonav. qui, vt vidimus num. 29. ponit contemplationem in actu intellectus, in lib. de Donis Spiritus Sancti tract. de Dono sapientiæ cap. 1. definit ipsum sapientiæ donum per hoc, quod sit. *Contemplari Deum, non quocumque modo, sed ex dilectione, cum quadam experimentalis suavitatis, & effectus*. Horum verborum sensus ex precedentibus patet. Nec vltà in adducendo Sanctorum Patrum testimonia progredimur, quia

Laturas poma Myricas

Speret, aut è medio flumine mella petat

Qui omnia illa præsumpserit recensere.

§ 1. Paucorum tamen Mysticorum autoritates in medium adducam eandem veritatem comprobantes. Magistr. Valgerner q. 4. Theologiæ mysticæ disp. 2. art. 11. ita loquitur: *Cognoscunt Deum Theologi scholastici, fateor, cognoscunt, & Mystici, idest contemplatione perfecti: sed non facile dictu est, quantum ista cognitio perfectione, & claritate (quæ tamen fidem non solit, sed perficit illam) excedit. Cognitio Dei scholastica ad intellectum præcipue percinet; cognitio Dei mystica non tam cognoscere, quam amare quærit, & ad astringendum Deum amoris affectibus se extendit*. Clarissima sunt verba hæc, nec alia indigēt explicatione, nisi quod in eis sermo est de ipsa cognitione mysticæ: ac de ea dicitur, quod Deum cognoscitis sed non tam iuwendit hanc Dei cognitionem, quam ipsius amorem. Si ergo Deum amare quærit: ergo respicit Deum, vt appetibilem.

§ 2. P. Michael Godinez in sua praxi Theologiæ mysticæ in prologo ad lectorem sicatur: *Theologica mystica, cuius praxim hic ponimus, differt in multis à Theologia scholastica: hæc est scientia agens de Deo prout est veritas cognoscibilis: Mystica agit de Deo prout*

A SPIRITU SANCTO,

*est veritas amabilis: Scholastica est perfectio intellectus, Mystica præsupponens perfectionem intellectus est perfectio voluntatis &c.* Polità vero lib. 1. cap. 1. diffinit Theologiam mysticam conformiter ad hanc doctrinam, & ait: *Theologia mystica est sapientia practica, quæ agit de Deo, prout est bonus, & amabilis*. Theologiam verò scholasticam diffinit per hoc, quod sit *scientia agens de Deo, prout est verus, & cognoscibilis*. In quo huius authoris doctrina differt ab asserto meo, tenuissimus captus meus non capit.

§ 3. Vltimam Mysticorum sedem proprijs nostris Authoribus reservamus. Omnes eos similes, & semel adducos: quia illi omnes in eandem veritatem conspirant: vnus tantum verba refero: Hic est egregius Theologus Author disceptationis Mysticæ, qui tract. 3. q. 3. art. 1. num. 4. sic ait: *Dico 3. ratio sub qua contemplationis divina incaligine, seu mystica Theologia formaliter ut talis, est Deus sub ratione experientis, seu gustati ab anima*. Hoc dicit perdoctus hic Theologus: quibus visis nihil amplius dico; quia hoc, & non aliud est: quod questione citata dico: ob quod quoties horum memoria occurrit, ad miratio crescit.

§ 4. Mystas alios non refero. Recligioni tamen ducere, si vnum, vel aliterum scholasticum non adducerem; Maxime quia eos scholasticos adducturum promito, qui inter Mysticos ob suæ vitæ puritatem recenseri debeant. Emittet inter scholasticos, ac Mysticos omnes egregius doctrina, & virtute Mag. Ioannes à S. Thom. qui scribens in 1. 2. q. 68. disp. 18. art. 4. num. 4. Hæc ad nostrum intentum dicitur: *Resstat explicare quomodo cognoscat istas causas, & iudicet Donum sapientiæ*? Bene notat, quod loquitur de dono sapientiæ, quod, vt multoties dictum est, est principium contemplationis infusæ, & etiam concurrit ad acquisitam, vt constat ex dictis disp. 7. q. 1. num. 28. de hoc ergo Dono loquitur, quærens sub qua for- malitate attingat veritates, quas contemplatur, seu, quod est idem, causas altissimas.

§ 5

altiss.

altissimas, per quas procedit.

Cui dubitationi respondet num.  
5. Dicimus ergo, quod ratio formalis,  
qua cognoscit istas causas, est experimen-  
tum quoddam internum, quod habetur  
de Deo, & rebus divinis in ipso gustu,  
seu affectu, & delectatione, seu tactu in-  
terno voluntatis de istis rebus spiritali-  
bus. Ex hac enim unione quasi connatu-  
ralizatur anima ad res divinas, & per  
gustum ipsum discernit eas à rebus sensi-  
bilibus, & creatis in hac vita imperfecte,  
& per viam remotionis: in alia vita per-  
fecte, & per positivam evidentiam: inde  
quæ movetur ad reddendam causam, &  
rationem eorum, quæ cognoscere intendit  
per sapientiam. Hæc insignis iste Theo-  
logus Scholastica serietate, ac proprie-  
tate disputans. Roborat hanc suam  
communemque doctrinam clarissimis  
D. Thom. autoritatibus, illamque per  
plures §. §. prosequitur; iam ut Doni  
sapientie distinctivum ab alijs osten-  
dati iam ut argumenta dissolvat.

§. 55. Celebre nostrum Salmantic.  
Colleg. tract. 12 in arbore prædicationis.  
tom. 23, inquit: Per causas altissimas  
dupl. iter coningit indicare: vel ratio-  
nando ex principiis acquisitis, aut illu-  
stratis in intellectu: & hoc spectat ad sa-  
pientiam acquisitam, quæ est nostra  
Theologia, & est virtus intellectualis.  
Vt sine discursu, & ratione ex qua-  
dam unione, & connaturalitate ad  
Deum, quam fecit Divina charitas,  
& ex gustu, seu sapore, qui ex amore  
provehitur secundum illud Psalmi 33.  
Gustate, & videte: Vbi visus, & cog-  
nitio oritur ex actu, & sapore. Vnde  
Dionys. 2. de Divin. nominib. ait de  
Hierot. quod erat perfectus in Divi-  
nis, non ut addiscens, sed ut patiens. Qui  
sanè est altior modus cognoscendi, & in-  
dicandi, dum affectus, & amor faciunt  
verissimas, & pulcherrimas apparere  
proprietas, & perfectionis obiecti  
amati. Sic ergo indicare de divinis per  
causam altissimam spectat ad Donum  
sapientie. Ob idque diximus fundari,  
& radicari in charitate: de quo tota q.  
45. eius actus omnes contemplari &c.

Quo nihil elegantius, proprius-

vè pro materia præsentis dici potuit. Ex  
hac enim autoritate habemus, non so-  
lùm, quod doctrina à me tradita est  
Salmanticensis doctrina: sed etiam  
habetur modus, quo rudes percipere  
valeant, quomodo actus intellectus,  
qualis est contemplatio, possit attinge-  
re proprium obiectum sub ratione boni  
appetibilis. Fitemi contemplatio, quæ  
Theologia mystica est, non terminatur  
ad Deum, ut præcise fide cognitum, sed  
ad ipsum, ut a voluntate amatum, ac  
de gustatum: secundum illud gustavit,  
& vidit: & illud gustate, & videte.  
Hoc videte, quod causatur ab illo gustu  
est contemplatio, quæ dicitur Theo-  
logia mystica. Illud enim contempla-  
tionis obiectum est utique verissimum,  
amabilissimum, pulcherrimum: hoc  
enim, media fide cognoscimus, sed non  
experimur. Accedit experientia volun-  
tatis, quæ unita media fervidissima cha-  
ritate, illi superno obiecto experitur ip-  
sius suavissimas delicias. Et ex hac ex-  
perientia resultat, quod affectus, &  
amor faciunt verissimas, & pulcherrimas  
apparere proprietates, & perfectiones  
obiecti amati. Et ad illud, quatenus  
sic verissimum, amabilissimum, & pul-  
cherrimum apparet, terminatur con-  
templatio; non alter ad illud hæc con-  
templatio, quæ est Theologia mystica,  
terminanda, nisi prout dicto modo ap-  
paret. Et propter hoc dicitur, quod  
ratio sub qua hæc contemplatio termi-  
natur ad obiectum, est id, quod illud  
facit apparere pulchrum, verius, ama-  
bilius. In quo nec Momus, quid morde-  
dere valeret, inveniret.

Rem clarissimam exemplo ma-  
gis illustro: Visus materialis obiectum  
est coloratum. Si lux non adest, videri  
non potest: ergo lux est ratio forma-  
lis &c. Rursus: adest lux, sed tremula  
quidem. Tunc videtur obiectum; sed  
tremulè ac subobscurè. Num: id  
est clarissima lux, qua media, termi-  
natur visus ad illud obiectum, non  
iam ut visibile, sicut priùs, sed ut  
visibilis, ut lucidius, ut formosius.  
Rogo: quod obiectum appareat formo-  
sius, debetur luci? Neutiquam: priùs  
enim

enim erat lux, & obiectum non adeo formosum apparebat. Debetur hæc maior formositas, sub qua obiectum apparet, maiori illi luci, seu lucis illius maiori radii quæ sicut est causa, ob quam obiectum appareat lucidius, ita etiam est ratio sub qua perfectior illa visio terminatur ad obiectum, ut sic pulchrius, ac visibilius apparet. Patet tamen in nostro casu. Adest D. Opt. Max. illum fide cognoscimus: sed obscure, & innixi dicentis testimonio. Accedit unio animæ ad hoc obiectum, media gratia sanctificante, & charitate: crescit perfectionis exercitio unio hæc, usque dum in hac unione experitur anima, quam suavis est Deus. Hoc experimento apparet Deus pulchrior. & ad ipsum: ut sic pulchrior apparet, terminatur contemplatio, quæ dicitur Theologia mystica. Huius contemplationis, prout ad hoc obiectum, quatenus pulchrius apparet, terminatur ratio, *sub qua* inquiretur? Ad quod respondetur: Id esse

rationem *sub qua* quod facit obiectum illa maiori pulchritudine, ac visibiliore veritate apparere. Et quid est hoc? Iam Patres Saluantes, dixerunt: *Affectus, & amor faciunt verissimas, & pulcherrimas apparere proprietates, & perfectiones obiecti amati.* Unde ille affectus, ille amor, sapor ille, illud experimentum est ratio *sub qua* illius contemplationis. Quod est idem, ac illud, quod supra audimus à D. Thom. videlicet, hanc contemplationem terminari ad divina *amata*, non ad veritatem tantum: per quod patet, quod creuit in luce meridiana, qui intelligit, talem contemplationem non terminari ad veritatem: terminatur quidem: sed terminatur ad illam, ut apparet visibilior, ac pulchrior. Et qui aliter sentiat, naviget Anteyiras. *Per quæ*, si quæ forent, magni momenti obiectiones solverentur, quanto magis illa, quæ posita est num. 40. casu celebris, procius enodatione dicta sufficiant.

## QVÆSTIO QVARTA.

### *Vtrum Divina contemplatio sit actus intellectus speculativi, aut practici?*

**P**raesentis controversiæ resolutio non parum conducit ad perfectiorem intelligentiam eorum, quæ in quæstionibus præcedentibus dicta sunt. Quamobrem rationi consentaneum visum est, illam non omittere: sed quid in hac parte tenendum sit, brevissimè tamen, aperire.

**§. I.** *Non nulla circa intellectum speculativum, practicumque præmitto, & statuo bimbrem conclusionem.*

56. **I**ntellectum speculativum, & practicum non esse duas potentias in præsentem supponit debet tamquam omnino certum: quam veritatem

ratio Div. Thom. 1. p. q. 79. art. 1. 1. convincit. Quippe: ut constat ex tertio de anima, intellectus speculativus extensione fit practicus: sed per sui extensionem intellectus speculativus non mutatur in aliam potentiam: ergo intellectus speculativus, practicusque sunt prorsus eadem potentia.

Similiter: Intellectus practicus, ac speculativus differunt solummodo ex parte finis, quatenus scilicet finis intellectus speculativi est veritatis contemplatio; finis autem intellectus practici, est opus exterius. Unde à veritate contemplata dicitur intellectus speculativus, & ab opere exteriore dicitur practicus. Modò verò: cuicumque per intellectum cognito accidit, quod ordinetur ad opus, vel non ordinetur: ergo si differentia inter intellectum

speculativum, & practicum provenit à fine, & huic accidit ordinari, vel non ordinari ad opus; consequens fit, quòd isti fines solum accidentaliter differentes, non possint refundere in intellectum nisi diversitatem accidentalem. Videatur Ang. Doct. art. citato, & etiam q. 3. de verit. art. 3.

57. Quia vero hoc est ordinari ad opus, non bene ab omnibus intelligitur, placet quid circa hoc senserit Div. Thom. referre. Ex his enim non modicam lucem accipiunt, quæ in hac disputat. dicta sunt: & etiam illa, quæ supra diximus de vita contemplativa, & activa. Itaque Ang. Doct. q. 19. de veritate art. 4. agens de subiecto fidei refert opinionem aliquorum dicentium, quòd fides est in intellectu, sed practica: quia practicum intellectum, dicunt esse, ad quem inclinatur affectio, vel quem affectio sequitur, vel qui ad opus inclinat, quæ tria inveniuntur in fide: nam ex affectione quis inclinatur ad fidem. Credimus enim, quod volumus. Ipsa etiam affectio fidem sequitur, secundum quod actus fidei generat quodammodo charitatis actum, ipsa etiam ad opus dirigit: nam fides per dilectionem operatur, Gola. 5.

Relata ergo horum opinione, ait Doct. Sanct. Sed hi non videntur intellegere, quid sit intellectus practicus. Intellectus enim practicus idem est, quod intellectus operativus: unde sola extensio ad opus facit aliquem intellectum esse practicum. Relatio autem ad affectionem, vel antecedentem, vel consequentem non trahit ipsam extra genus speculativi intellectus. Nisi enim aliquis ad ipsam speculationem veritatis afficeretur, nunquam in actu intellectus speculativi esset delectatio, quod est contra Philosoph. in 10. Ethicor. qui ponit purissimam delectationem esse in actu intellectus speculativi: nec qualibet relatio ad opus facit intellectum esse practicum: quia simplex speculatio potest alicui esse remota occasio aliquid operandi, sicut Philosophus speculatur, animam esse immortalem, & exinde, sicut à causa remota, sumere potest occasionem aliquid

operandi. Sed intellectum practicum oportet esse proximam regulam operis, ut post quo consideretur ipsum operabile. & rationes operandi, & causæ eorum. Constat autem, quòd obiectum fidei non est verum operabile, sed verum increatum, in quod non potest nisi actus intellectus speculativi: unde fides est in intellectu speculativo, quamvis sit, ut occasio remota aliquid operandi: unde sibi non attribuitur operatio, nisi medianse dilectione.

Hæc omnia vitronceus exscripsit quia ex ijs sanè intellectis, intelligenda veniunt, plura, quæ circa vitam contemplativam, & activam dicta relinquimus, & aliqua, quæ in duobus quæstionibus præcedentibus dicta sunt. Insimulque quæ in præsentis quæstione dicenda sunt. Quibus suppositis, ad quæsti resolutionem accedentes

58. Sit nostra conclusio. Contemplatio divina est essentialiter, & principaliter actus intellectus speculativi, secundario tamen pertinet ad intellectum practicum. Assertio hæc est D. Thom. in 4. dist. 49. q. 1. art. 1. quæstiunc. 3. & opulc. 3. cap. 264. & 1. Ethic. lect. 10. & 1. 2. q. 3. art. 5. ubi in fine corp. ait: Beatitudo autem imperfecta, qualis hic haberi potest; primo quidem, & principaliter consistit in contemplatione: secundario vero in operatione practici intellectus ordinantis actiones, & passionnes humanas, ut dicitur in 10. Ethic. Vbi clarè docet Doct. Sanct. quod beatitudo huius vitæ sit ipsius vitæ contemplatio, quod iam diximus à num. 22. Unde cum locis citatis asserat D. Thom. beatitudinem consistere primario in actu intellectus speculativi; ad ipsum etiam docet contemplationem principaliter spectare: licet secundario, & minùs principaliter pertineat ad actum intellectus practici, quod ex dicendis notum fiet. Consequenterque tantummodò prima asserti pars à nobis probanda est.

59. Probatur ergo siteratione D. Thom. loco citato ex 1. 2. Etenim contemplatio est operatio perfectior inter omnes operationes hominis: ergo est operatio intellectus speculativi. Anteced.

ced. inde patet quod beatitudo est perfectior operatio inter omnes operationes hominis. Vnde cum contemplatio huius viæ sit beatitudo hominis viatoris, planè sequitur, ipsam esse operationem perfectiorem. Hincque probatur consequentia. Quia operatio perfectior est actus potentia nobilioris; sed intellectus speculativus perfectior est quàm practicus: ergo est actus intellectus speculativi. Prob. min. Quia obiectum intellectus speculativi est Deus; qui tamen esse non potest obiectum intellectus practici; cum hic solùm ad operabile ordinetur, propter quod dixit D. Thom. num 57. relatus, quod in verum increatum *non potest, nisi actus intellectus speculativi*: ergo cum illa potentia perfectior sit, quæ nobilior obiectum habet; sit consequens, quod intellectus speculativus sit practico perfectior.

60. Confirmatur hæc ratio: Contemplatio est actus potentia respicientis ultimum finem: sed intellectus non practicus, sed speculativus respicit ultimum finem: ergo non intellectus practici, sed speculativi actus est contemplatio. Conseq. bona est. Et mai. ex dictis patet: Quia cum contemplatio sit beatitudo formalis, est ex natura sua affectiva beatitudinis obiectivæ, quæ est ultimus finis, in cuius affectuione stat omnis beatitudo, vel naturalis, si affectio fuerit ultimi finis naturalis vel imperfecta, si affectio fuerit imperfecta: vel tandem perfecta, & consummata; si affectio fuerit perfecta, & consummata. Quomodocumque hoc sit; semper tamen verum est, quod contemplatio est actus potentia respicientis ultimum finem, quem perfectè, vel imperfectè assequatur. Min. autem pro utraque parte est expressa D. Thom. loco citato ex sentent. ubi ait: *Secundum hoc beatitudo hominis in actu intellectus constituitur, quod per ipsum est prima coniunctio hominis ad suum ultimum finem exteriorum, cui intellectus coniungitur in quantum cognoscit ipsum: illud autem, quod est cognitum per intellectum practicum,*

*non potest esse ultimus finis exterior; quia cognitio intellectus practici ordinatur ad cognitum sicut causa ad effectum: effectus autem alicuius non potest esse ultimus eius finis; quia perfectio causæ non pendet ab effectu, seu e converso: & ideo impossibile est, quod beatitudo in actu intellectus practici consistat; sed solùm in actu intellectus speculativi: Et inde est, quod omnis cognitio practica est propter aliquod aliud appetibile, sed cognitio speculativa magis appetitur propter se ipsam.* Constat ergo ex hoc D. Tho. testimonio, cognitum ab intellectu speculativo, nempe Deum, esse ultimum eius finem: quod verificari non potest de cognito ab intellectu practico, quod, quia est ipsius intellectus practici effectus, eius ultimus finis esse non potest; alias perfectio causæ ab effectu dependeret, quod non est dicendum.

61. Ultima verba auctoritatis alata nobis conferunt motivum, quod doctrina tradita roboretur in hunc modum. Operatio intellectus speculativi est appetibilis propter se, & operatio intellectus practici est appetibilis propter aliud: sed contemplatio est appetibilis propter se: ergo non est actus intellectus practici, sed speculativi. Mai. continetur in data autoritate, & min. probatur, Tum quia contemplatio est honesta, ac delectabilis, uti fuscè probavimus disp. 9. Tum quia, ut dictum est, est hominis beatitudo, de cuius ratione est, quod propter se ipsam appetatur, sitque omnium aliorum finis.

62. Contra rationem num. 59. positam, ac subinde contra ea, quæ in eius confirmationem dicta sunt, dices: Ex ea ratione inferri contemplationem esse actum intellectus practici non secundario, & minùs principaliter, sed principaliter; quia intellectus practicus nobilior est speculativo: ergo si contemplatio est actus intellectus nobilioris inferetur &c. Probat Anteced. Intellectus practicus legem ponit intellectui speculativo; siquidem ut dicitur 1. Ethic. prudentia Legislatoris ordinat qualiter addiscendæ sint ipse scientiæ speculativæ: ergo cum, qui legem ali-

cui ponit, sit illo nobilior, habetur quod intellectus practicus sit nobilior speculativo.

Respond. ex Div. Thom. loco citato ad 4. Intellectum speculativum esse simpliciter nobiliorem practico; cum ille sit propter se ipsum, hic autem propter opus. Nec intellectus practicus legem ponit speculativo: sed ordinat qualiter volens addiscere scientias speculativas, se gerere debeat in earum acquisitione, quod non est legem ponere intellectui speculativo, sed illam in eius obsequium alijs imponere: quod, ut patet, non est illum in perfectione excedere: sed ipsi, ut nobiliori, famulari. Vide similem doctrinam disput. 10. num. 71.

## § II. Argumentis respondetur.

63. **C**ONTRA conclusionem argues 1. Contemplatio est actus illius potentiae, per quam magis Deo assimilamur; sed per intellectum practicum magis assimilamur Deo, quam per speculativum: ergo contemplatio actus practici intellectus. Maior est certa: Quia contemplatio, cum sit actus perfectior, debet esse actus illius potentiae, quae magis assimilatur origini omnis perfectionis in assimilatione enim ad talem originem consistit nostra perfectio. Min. autem probatur. Quia intellectus speculativus accipit à rebus, quod non habet practicus; quin potius est ipsarum causas; quod habet intellectus divinus: ergo tenet minor.

Respond. Intellectum practicum assimilari Deo assimilatione proportionalitatis, quatenus se habet ad suum cognitum, sicut Deus ad suum: aut intellectus speculativus assimilatur Deo per intimam unionem, quam cum ipso habet: quae est maior, perfectiorque assimilatio. Vnde contemplatio est principaliter actus intellectus speculativi, licet minus principaliter ad practicum spectare, non negemus. Adde ex citato art. 5. ad 1. quod, ut ait D. Thom. dici potest, quod respectu principalis cogniti, quod est sua essentia, non habet

*Deus practicam cognitionem, sed speculativam tantum.* Vnde intellectus practicus nullatenus assimilatur Dei intellectui, considerato relate ad suum principale cognitum. *Plura alia argumenta, quae desumi possunt ex eo, quod beatitudo dicatur actus intellectus practici, videri possunt apud D. Thom. locis citatis. Dum ad alia transimus.*

64. Arg. 2. Contemplatio est oratio quaedam contenta, ut pars subiectiva sub genere orationis: sed oratio est actus intellectus practici: ergo & contemplatio. Mai. certa videtur: Quia oratio dividitur in orationem discursus, & contemplationis, quae eo ipso superior est ad quodvis ex his dividentibus. Min. autem est expressa D. Thom. 2. 2. q. 83. art. 1. ubi, ut asserat, orationem non esse actum intellectus speculativi, inquit: *Ad 3 dicendum, quod illi tres actus pertinent ad rationem speculativam: sed ulterius ad rationem practicam pertinet causare aliquid per modum imperij, vel per modum petitionis, ut dictum est.* Vbi clare docet, orationem non esse apprehensionem, iudicium, aut discursum, qui sunt actus intellectus speculativi; sed esse actum imperij deprecativi, quod imperium ad intellectum practicum spectare, nullus Thomistarum dobitat.

Hoc argumentum difficultate non caret: sed quam superare conabimur, si advertamus id, quod disp. 2. q. 1. & 2. multoties diximus, videlicet, orationem posse sumi, vel prout est elevatio mentis in Deum: vel prout est petitio quaedam. *Secundo* meminisse oportet eorum, quae disp. 10. diximus, agentes de vita activa, & contemplativa: nempe quod vita, prout ibi de illa loquebamur, & modo ad nostram considerationem spectat, significat illud studium, cui principaliter incumbimus: vnde si hoc studium fuerit contemplatio veritatis propter se ipsam, erit vita contemplativa: si vero studium illud dirigatur ad opus exterius, erit vita activa. Quocirca vita, prout ad nos attingit, abstrahit à contemplativa, & activa, in easque adaequatè dividitur



tur: quæ ex dictis loco citato nota sunt. Sicut etiam; quod mediatio pertinet ad vitam activam, si secundum te sumatur; si autem consideretur, quatenus media illa proportionatur anima ad contemplationem, tunc ex fine ad vitam contemplativam spectat. Ex his ergo

Respond. argumento disting. maior. quæ vera est, si loquatur de oratione absolute, vel prout est elevatio mens in Deum; seu vita abstracta ab activa, contemplativaque. Sic enim contemplatio est species subiectiva orationis, sicut & vitæ. At si loquatur de oratione, prout petitio est, falsa est illa maior; sic enim sumpta oratio, non solum non est superior ad contemplationem: quin potius ipsa oratio sic accepta, est pars contemplationis, ut tenet Hugo de Sanct. Vict. relatus à D. Thom. in 4. dist. 15. q. 4. art. 1. quasiunc. 2. in 1. argum. Est enim contemplatio divina unum, idque præcipuum inter eas, quæ per orationem, ut petitio est, à Deo petimus: iuxta illud: *Da mihi sedium tuarum assistentem sapientiam &c.* & illud: *Invocaui, & venit in me spiritus sapientiæ.* Et illud: *Siquis indiget sapientia postulet à Deo.* Deinde ad minorem dicitur: Orationem, primo modo sumptam, non esse determinatè actum intellectus practici: præcendit enim, & est actus intellectus practici, quando est studium vitæ activæ, quale esse meditationem disputat. citata diximus: cum autem est studium vitæ contemplativæ, est actus intellectus speculativi principaliter, & secundario est actus practici intellectus. Si autem oratio sumatur 2. modo ad intellectum practicum spectat: sed tunc ipsa oratio est pars contemplationis, ut dictum est.

Ad probation. min. admittimus D. Thom. autoritatem: quia Sanct. Doct. ibi loquitur de oratione, ut petitio est, ut eius verba clarè ostendunt, dixeratque in corp. art. per hæc verba: *Nunc loquimur de oratione prout significat quandam deprecationem, vel petitionem, secundum quod Augustinus dicit*

*in lib. de Verb. Dom. quòd oratio petitio quædam est. Et Damasc. dicit in 3. lib. quòd oratio est petitio decentium à Deo.* Et prout sic faciemur ad intellectum practicum spectare. Clariùs adhuc loquitur Sanct. Doct. loco citato ex sentent. ubi explicans Damasc. definitentem orationem per hoc, quòd sit *ascensus intellectus in Deum* ait: *Ad 2. dicendum, quòd ascensus intellectus in Deum est duplex, unus, quo ascendit in ipsum cognoscendum, & talis ascensus pertinet ad bonum intellectus: sed de hoc non loquitur Damasc. Alius est ascensus in Deum, ut in quo auxilium querit, ut in Psalm. 122. dicitur: Ad te levavi oculos meos, qui habitas in Cælis, & talis ascensus est oratio, utique ut petitio.* Vide duplicem ascensum in Deum, quorum secundus est petitio; atque adeo actus intellectus practici. Primus autem est contemplatio in quo nihil petitionis, aut imperij deprecativi rederitur. Tendit enim in Deum, ut ipsum cognoscat, contempleturque.

65. Sed contra, & arg. 3. Actus intellectus speculativi sunt simplex apprehensio, iudicium, & discursus: contemplatio ad nullum ex his pertinet: ergo non est actus intellectus speculativi. Consequ. bene infertur. Mai. est omnium Doct. calculo certa, & minor probatur simul quoad omnes suas partes: Etenim contemplatio est actus inter omnes intellectuales perfectissimus, ut constat ex hæcenus dictis, ex quibus etiam habetur, esse quietum, pacificum, ac simplicem intuitum veritatis: sed simplex apprehensio est actus imperfectissimus, & iudicium est minus perfectum quàm discursus; cum ad illum, ut ad finem ordinetur: ac denique discursus non est quietus, pacificus, & simplex intuitus, sed potius inquietus, & tumultuosus: ergo ad nullam ex his operationibus pertinet contemplatio.

Præfens argumentum tam ex se; quam ex ijs, quæ ex præcedenti imbibit, petit solutionem valde seriam, quæ dari non valet sine plurium questionum discussione.

## QUÆSTIO QUINTA.

*Virum contemplatio spectet ad primam operationem intellectus speculativi?*

**L**atissimus campus se se offerebat, ni falcein paratam haberem, ut plurima, eaque subtilia, quæ Dialectici, & Metaphysici disputant, agentes de actibus intellectus, rescerem. Ea tamen ex illis mutuabo, quæ hanc gravem difficultatem, ieiunè à paucis Mysticis tactam, & ab alijs, & ab alijs penitus omisam, aperiam.

*§. I. Ponuntur aliqua fundamenta pro hoc, & sequentibus quæstis.*

66. **M**emento illius veritatis, quam à primo scientifico ingressu didicisti, videlicet, triplicem esse operationem intellectus speculativi. (de operationibus autem intellectus practici, nihil modò: Tum, quia iam de illis egimus in nostra Isagoge lib. 1. Tum & præcipuè; quia ex præcedenti quæstione constat, contemplationem esse actum intellectus speculativi: vnde de illis solùm agere debemus.) Prima illarum operationum est simplex apprehensio, qua res cognoscitur, nihil de ea affirmando, vel negando. Secunda est iudicium: quo de ipsa re iam apprehensa, aliquid enuntiatur, vel affirmando, si sit rei apprehensæ conveniēs; vel negando, si illi sit extraneum, vel repugnans. Tertia est discursus, per quem propter identitatem, vel repugnantiam extremitatum eum medio in præmissis vnum ex alio deducimus. Et hanc divisionem intellectus speculativi operationum continere omnes, & solas operationes talis intellectus; ita ut nulli desit, aut redundet, concors est Doctorum sententia, de quo videndus est Bergom. in tabula aurea dub. 43.

vbi aliquot obiectiones, quæ ex doctrina Aristot. & D. Thom. fieri poterant contra præfatam divisionem, ex mente ipsius Angelici Præceptoris dissipat.

67. Vnum autem, quod omisit, non præteream. Videlicet D. Thom. 1. perih. lib. 6. in princip. meminisse cuiusdam actus, quo formamus perfectas orationes, sed quæ dubitativæ sunt, vel interrogativæ. Hic enim actus non est discursus, ut patet: nec est simplex apprehensio; siquidem est compositivus, quod simplici apprehensioni repugnat. Nec tandem est iudicium; quia nihil affirmat, vel negat. Ex alia parte videtur iudicium, quia est verè propositio. Et etiam videtur simplex apprehensio, quia de illis extremis, quæ considerat, nihil affirmat, vel negat, sed dubius hæret.

Ad hoc respondent aliqui, dictum actum spectare ad lineam operationum practicarum, in qua plures alios actus dari falsi sumus. *Sed melius* dicas: Actum illum esse iudicij: quia ex quo intellectus dubitet, an prædicatum conveniat; vel repugnet subiecto, iam aliquod iudicium efformat, anceps tamen de illa convenientia, vel repugnantia: si namque dubius non esset, non exploraret; sed certò affirmaret, negaretvè. Vnde sicut ad discursum pertinent non solùm demonstratio, sed etiam syllogismus topicus; & sophisticus; sic ad iudicium pertinent illi actus. Videatur Mag. Martin. de Prado in sua metaph. contrav. 12. art. 6.

68. Secundò scias, has dictas operationes deservire, ut intellectus veritatem attingat, medio illo motu intellectuali discreto, qui dicitur syllogismus: in cuius præmissis cognoscit quiddita-

ditatem, & per illam ut magis notam, venit in cognitionem ignoti; nempe veritatis, quam medio eo discursu acquirit. Per illud enim celebre artificium venit intellectus in notitiam illius, quod medio convenit, vel repugnat, propter repugnantiam, vel convenientiam, quam ipsum medium cum extremitatibus habere in præmissis cognovit.

69. Tertio scias: per hæc, quæ diximus, non finiri hunc motum intellectuale: est quippe motus iste circularis; ideo tendit ab eodem in idem. Vnde idemmet intellectus, qui egressus fuit ab antecedenti in consequens; ut veritatem inveniret: inventa iam veritate, præ gaudio illius vadit, & regreditur à consequenti in antecedens; ut illam in ipsis principiis, ex quibus deducta fuit, contempletur. Mirè hæc docet Sanct. Thom. de verit. q. 15. art. 1. ubi inter alia ait: *Nec rationis discursus ad aliquid certum perveniret, nisi fieret examinatio eius, quod per discursum invenitur ad principia prima, in quæ resolvitur; ut sic intellectus inveniatur rationis principium, quantum ad viam inveniendi, terminus verò quantum ad viam indicandi.*

In quibus verbis plura observanda occurrunt. Primum est, quod numquam intellectus in veritatis certam cognitionem perveniret, nisi veritatem deductam ex principiis, ad ipsa rediens, in illis examinaret. Et hæc est perfecta, ac scientifica veritatis cognitio. Vnde sicut ipsa principia prius cognoverat intellectus, antequam ad discursum perveniret: sed illa cognitio non fuit principiorum sub formalitate talium, sed absolute sumptorum: postea verò in illa rediens cognoscit, quatenus præcontinent veritatem deductam, illiusque causæ sunt. Ita veritatem deductam cognoscit quidem, dum deducit: sed imperfectè; nec posset de illa scientificè iudicare, nisi ad principia regrederetur, & in eis tamquam in causa illam veritatem cognosceret. Quæ cognitio perfecta, & scientifica est: quippe cognoscit causam non solum quoad entitatem, sicut prius: verum

A SPIRITU SANCTO,

etiam secundum virtutem causativam, ac præcontentivam illius veritatis, quam etiam hoc regressu cognoscit, ut effectum deductum, ac præcontentum in visceribus illius causæ: tunc enim verificatur dictum Aristot. lib. 1. post. cap. 2. *Scire autem putamus nunquamque rem simpliciter, & non sophisticatedo modo: cum putamus causam cognoscere, propter quoniam res est, eius rei causam esse, neque posse eam aliter se habere.*

70. Secundum, quod in data auctoritate observandum occurrit, est; quod illa cognitio, qua veritas prout in principio cognoscitur, appellatur à D. Thom. iudicium ijs verbis: *Terminus verò quantum ad viam indicandi.* Ex quo scire debes 3. Iudicium esse duplex. Unum affirmationis, & negationis: & est illud, quod de subiecto affirmat conveniens, & negat repugnans: quod dici solet iudicium inquisitivum; quia, eo medio, veritas inquiritur. Et nomine omnia dicta munera ambiente, dicitur iudicium enuntiativum: siquidem enuntiat prædicatum convertere subiecto, vel ipsi repugnare: & hac affirmatione, vel negatione, quem enuntiat, veritatem inquiri. Secundum est iudicium resolutionis, quo intellectus veritatem, iam per discursum inventam, in principiis, ad quæ, ut dictum est, regreditur, contempletur.

71. Enunc ipsa, quam prosequeremur, enarratio nos constituit in campo, ubi inter Dialecticos, & Metaphysicos pugna viget, nullo unquam tordere terminanda. Motivum est: An hoc iudicium resolutionis spectet ad 2. an ad 3. operationem intellectus? De quo inter alios videri possunt Mag. Parra, & Froilan. in suis disputatis. Nobis autem hoc bellum inquietare non valet, qui, ad quam operationem intellectus contemplatio pertineat, exploramus. Vnde quod iudicium resolutionis sit 2. vel 3. operatio nihil obest. Ultra quam, quod nostri Complutens. nobis legem in hac parte dedere, dicentes in sua Logica disp. 17. q. 1. num.

Tt

num.

num. 18. discursum non esse operationem entitativè diversam à iudicio: sed idem actus, qui, ut cognoscit unionem prædicati cum subiecto, dicitur iudicium: quatenus assentitur eidem unioni prædicati cum subiecto non absolute, sed propter unionem cum medio cognitam in præmissis, dicitur discursus. Vnde cum vel ij auctores, qui tenent, iudicium resolutivum spectare ad 3. operationem, fateantur, & bene, non spectare ad ipsam sub formalitate, discursus, seu vnum ex alio inferentes sed sub alia formalitate: inde habetur, quòd si iudicium resolutivum est formalitas diversa à formalitate discursus: cum hic solum sit formalitas, vel minus; non potest ad ipsum pertinere: vnde debet sub secunda operatione collocari.

Et sane plures autoritates, quas ex Div. Thom. accumulavit contrarij Authores ad probandum iudicium resolutivum ad tertiam operationem spectare, nullatenus persuadent, Sanct. Doct. in ea fuisse opinionem, quod facillè ostenderemus; si nostri numeris esset. De his tamen satis. Vnum tamen addendum reor: videlicet, hac via melius quàm ea, quæ num. 66. ostensa fuit, conciliari plures autoritates Philosophi, & D. Thom. qui iam dicunt, operationes intellectus esse duas: iam dicunt, esse tres. Hac ergo Complutensium doctrina sine vlla oppositione sunt testimonia illa: siquidem dictæ operationes intellectus, ac substantialiter sumptæ, duæ sunt; scilicet simplex apprehensio, & iudicium, quod habet formalitatem iudicandi, & formalitatem discurrendi. Ex quibus formalitas iudicandi subalterna est, dividiturque in formalitatem iudicandi inquirendo, & in formalitatem iudicandi resolvendo. Prima est iudicium inquisitivum, seu enuntiativum: secunda autem est iudicium resolutivum. Vnde si entitativè, & substantialiter sumantur intellectus operationes, sunt duæ, apprehensio simplex, & iudicium: quæ operationes realiter, & essentialiter differunt. Si autem attendatur non solum ad rea-

litatem, sed etiam ad munera, sunt tres; quia additur discursus. Quòd si ultra hoc ipsa munera dividantur in alia, iam iudicium ipsum, sub munere, & formalitate iudicandi, bipartitur in iudicium enunciativum, & resolutivum: atque adeò, si hæc subdivisio attendatur, quatuor esse dictas operationes, invenimus. Et in qua ex istis cõsistat contemplatio disquirimus in his questionibus, in quarum hæc prima de sola simplici apprehensione loquimur.

## §. II. *Relatis sententijs statuitur assertio.*

72. **C**ommunisimum est apud Mystras dicere, contemplationem esse apprehensionem simplicem, qua intellectus intuetur simplici intuitu veritatem, nihil affirmando, vel negando; nec vnum ex alio deducendo. An omnes isti Authores loquantur de simplici apprehensione, quæ sic propriè dicitur, an de alio actu perfectiori veritatem perfectissimè penetrante; ea tamen pace, qua simplex apprehensio surgit; dubium esse potest: quia ex vna parte actum contemplationis perfectissimum esse dicunt: & ex alia simplicem apprehensionem, nominant. Ex quo reor, tales Authores sub illo nomine alium actum longè perfectiorem, quàm sit apprehensio simplex, significare. Et hæc (si bene reor) est prima in hac parte sententia, quæ negat contemplationem esse simplicem apprehensionem.

73. Secunda sententia, ita clarè asserit, contemplationem esse apprehensionem simplicem, ut nullatenus explicari modo dicto valeat. Sic tenet schola veritatis, & quidam Fr. Ildesonsus à Sanct. Aug. & se explicant modo sanè mirabili, ut videre est in dicta Schola veritatis conf. 2.2. quæ ponit triplicem operationem intellectus, quarum prima, ait, est iudicium, secunda discursus; tertia denique apprehensio simplex, quæ, inquit, contemplatur veritatem, quam iam per discursum examinatam, & per iudicium approbatam supponit.

Vnde,

Vnde, vt patet, prius attingit illam veritatem discursus eam examinans, postmodum ingreditur iudicium illam approbans. Tertiò denique adest apprehensio simplex, quæ contemplatur. In qua metaphysica hic modus procedendi funditur, latet. Vnum scio, quòd non meminit apprehensionis simplicis ante alias duas operationes: cum impossibile sit, dari iudicium, & discursum, quin præcedat veritatis apprehensio. Itidem asserit, veritatis examen per discursum antequam approbationem iudicij: ac si posset discursus prædicare risibilitatem de Petro; quin præcederet cognitio ipsius Petri vt connexi cum rationalitate, quæ risibilitatem radicat. Ac denique post totum laborem syllogisticum consequitur intellectus frigidissimam illam veritatis cognitionem, quæ habetur per simplicem apprehensionem. Egregia sane totius scientificæ structuræ inuersio subversioque.

Pro hac etiam opinione adducimus Lucernâ mysticam tract. 2. num. 75. dicentem, quòd simplex apprehensio est actus regulariter contemplationis proprius. Ex prius dixerat, apprehensionem esse duplicem: aliam simplicem, & simplicissimam aliam. Prima est, quæ cognoscit plura obiecta nihil de ijs affirmando, vel negando. Secunda est, quæ nihil etiam affirmando, vel negando, cognoscit vnicum tantum obiectum. Et hanc asserit, esse regulariter actum proprium contemplationis. Hæc sunt, quæ isti Authores tradunt circa præsentem controversiam. Semper tamen ad est formido, an nomine simplicis apprehensionis intelligant actum intellectus, qui simplex apprehensio non sit. Tametsi alius loquendi modus de ipsa apprehensione simplici loquutus fuisse testetur. Quidquid autem de hoc sit, claritate, cui in hoc opere elaborando studuimus, proponitur iudicium nostrum sequenti resolutione.

74. Sit nostra assertio: *Contemplatio est actus longè diuersus à simplici apprehensione.* Hanc assertionem admittere debent omnes quotquot bene sentiunt: propterea quæ neminem in parti-

culari assero; quamquam ex progressu constabit de multis hoc sentire. Probatur ergo 1. conclusio ratione eruta ex D. Thom. citato, in hæc ipsa disputatum. 59. redigiturque ad hanc formam: Contemplatio est actus inter actus omnes naturæ rationalis perfectissimus: ergo non est simplex apprehensio. Anteced. constat ex dictis citato num. Et etiam ex eo, quòd vel Ethnicis posuerunt beatitudinem in contemplatione veritatis, fatentes illam esse actum inter omnes alios sublimiorem: atque adeò requirere potentiam altissimam, habitum nobilissimum, & obiectum dignissimum. Deinde probatur consequ. simplex apprehensio est actus inter omnes intellectuales imperfectissimus: ergo in illa non consistit contemplatio. Patet ista, & Anteced. est ita certum apud omnes bene sentientes, vt pudeat in eius probatione immorari.

Confirm. 1. & roboratur ratio facta ex doctrina ipsius Ang. Præceptum Contemplatio est actus ita perfectus, vt sit vltimus finis humanæ vitæ; eoque irreferibilis in alium eiusdem vitæ actum: ergo non est simplex apprehensio. Anteced. constat ex dictis num. 25. & etiam ex eo, quòd modò dicebamus, scilicet, contemplationem esse beatitudinem, de cuius ratione est, quòd non referatur in aliud: sinamque datur aliud præter beatitudinem obiectivam, in quod referatur, iam illud erit perfectius: consequenterque in illo constituenda erit beatitudo. Hincque probatur consequ. simplex apprehensio ex natura sua ordinatur ad iudicium, sine cuius luce maneret intellectus ieiunus à veritatis luce: quia apprehensio non potest illum, nisi valde ægrè illuminare: ergo &c.

Conf. 2. Contemplatio est actus adeò perfectus, vt faciat voluntatem ardere, flammæque vsque ad Empyreum transcendentis emittere: ergo non est simplex apprehensio. Anteced. constat ex multis dictis, præsertim in hac ipsa disputat. & consequ. probatur solida doctrina nostrorum Salmatic. tract. 7. disp. 10. num. 31. vbi docet

cent: *Voluntatem non moveri ad apprehendendum per simplicem apprehensionem obiecti.*

75. Non est opus plus immorari in re adeò perspicua. Placet tamen in lucernam mysticam tantisper sic disputare. Primò: Quia sine fundamento, & sine fructu illam divisionem apprehensionis in simplicem, ac simplicissimam introducit. Sine fundamento quidem, quia non allegat authorem, cui revereri teneamur, immo nullum allegat, è cuius suggestu illam divisionem accipiamus. Simili facultate poterit in omnibus alijs, quæ à doctrinæ Proceribus accepimus, innovare. Sed etiam sine fructu: Quia vel apprehensio simplex est contemplatio, vel apprehensio simplicissima hoc non habet. Non enim, vt asseris, differunt, nisi in eo quòd ista vnicum tantum obiectum apprehendit; illa verò plura. Rogo: Illa obiecta plura apprehenduntur simplici intuitu, vel non? Si secundum dicas: non erit ille actus apprehensio: si primum asseras, erit contemplatio: quia contemplatio nihil aliud est nisi *simplex intuitus veritatis*.

Rursus: Illa plura obiecta, vel apprehenduntur vt plura: & hoc est impossibile: quia intellectus, vt modò ex D. Thom. suppono, non potest intelligere plura, vt plura. Vel apprehendit illa ordine quodam: sicque ibi non sunt plura, sed vnum: consequenterque non est cur illa differentia apprehensionis simplicis, simplicissimæque introducatur.

Idem: Contemplatio est *simplex intuitus veritatis*: quin hætenus aliquis nobis dixerit, hanc diffinitionem non esse bonam, per hoc, quòd *intuitus* dicatur *simplex*, & non *simplicissimus*. Nec aliter diffinitur contemplatio, sive terminetur ad solam veritatem increatam; sive ad veritates creatas, per ordinem tamen ad primam veritatem terminetur. Semper est, & dicitur intuitus ille *simplex*: quod idem dicendum est de apprehensione, vt ex se constat.

76. His tamen omisissis, contra ipsam positionem sic 2. disputo: Vel ap-

prehensio illa simplex, seu simplicissima, antecedit iudicium, & discursum; vel subsequitur. Primum est impossibile: Tum quia si ante iudicium, & discursum habetur veritas: ad quid iudicium, & discursus? Tum quia contemplatio est perfecta cognitio veritatis, & ante iudicium, & discursum non datur veritatis perfecta cognitio; sed talis cognitio datur, quæ veritatem, vt formaliter veritas est, non cognoscat, vt docent citati Prado, & Froilan. Tum denique, quia contemplatio non est semper actus apprehensionis simplicissimæ, sed, vt asseris, *regulariter*. Vnde aliquando pertinet contemplatio ad aliam operationem intellectus. Rogo: Quæ est hæc operatio? Nam iudicium, & discursus esse non possunt, vt videbimus quæstione sequenti, consequenterque erit alia operatio. Cur ergo ad istam aliam operationem non spectabit omnis contemplatio? Aut quis unquam dixit, actum scientificum *regulariter* spectare ad hanc intellectus operationem, & non regulariter ad aliam? Tum denique: Quia ante discursum non datur meditatio, vt cum omnibus tenet Lucerna mystica, & alij prius nominati: ergo si apprehensio præcedens discursum est contemplatio, dabitur hæc ante meditationem: & meditatio non erit via ad contemplationem; sed potiùs è converso. Quæ omnia sunt adeò manifestè absurda, vt non possimus credere Authorem Lucernæ mysticæ illa voluisse devorare, dicentem apprehensionem suam illam simplicissimam præire iudicium, ac discursum.

Sed nec potest esse apprehensio simplex, aut simplicissima ad discursum subsecuta: Quia talis simplex apprehensio non potest post discursum dari. Nec, vt num. 73. insinuavimus, fatigaretur intellectus in inquisitione veritatis; si post omnem discursum solitudinem, illam solam veritatis cognitionem obtineret, quam habebat ante tot discursum dispendium. Ante illud per simplicem apprehensionem cognoscebat veritatem: & post illud nullam aliam veritatis cognitionem illi concedis;

dis : vt quid ergo dispendium illud discursuum ? Quod si nomine simplicissimæ apprehensionis ad discursum subsecutæ significare intendas, actum intellectus perfectæ cognitione veritatem attingentem. Talis actus certè datur, vt patet ex dictis, constabitque ex dicendis : sed falsum est, quòd talis actus sit apprehensio simplex : hæc enim nunquam potest pervenire ad perfectam veritatis cognitionem. Et simili facultate vltus, poteris actum fidei infusæ, & etiam visionem ipsam beatificam apprehensionem simplicissimam nominare, collocareque inter actus ad primam intellectus operationem pertinentes.

## §. II. J. Argumentis respondetur.

77. **C**ontra nostram assertionem Arg. 1. ex D. Thom. 2. 2. q. 180. art. 6. ad 2. dicente de operatione, ad quam pertinet contemplatio: *Et in hac operatione animæ non est error.* Ex quibus verbis hoc argumentum conficitur: In operatione, ad quam contemplatio spectat, *non est error* : sed inter omnes operationes intellectuales sola simplex apprehensio est, in qua non est error : ergo ad istam operationem pertinet contemplatio. Minor, in qua poterat esse difficultas, est apud omnes certa: Nemo enim dubitat errorē posse multoties dari in iudicio, ac in discursu: quod de simplici apprehensione non est verum; illa enim incapax erroris est.

Respond. mentem D. Thom. clarissimam esse pro nostra assertionem pluribus in locis; sed nullibi clariùs, quam in isto art. vt legenti constabit, ostenduntque vel sola verba antecedentia adea, quæ in nos afferuntur; sic enim ait Sanct. Doct. *In anima verò antequam ad istam uniformitatem (scilicet contemplationis) perveniatur, existit, quòd duplex eius diffinitas amoveatur. Primò quidem illa &c.* Ponit hic quòd anima debet à visibilibus segregari, vt valeat contemplari invisibilia. Post quod prosequitur : *Secundò autem oportet, quòd removeatur secunda diffinitas, quæ est per discursum ratio-*

*nis. Et hoc idem contingit secundum quod omnes operationes animæ reducuntur ad simplicem contemplationem intelligibilis veritatis. Et hoc est, quod secundo dicit (D. Dionys.) quòd necessaria est uniformis convolutio intellectualium virtutum: vt scilicet, cessante discursu, figatur eius intuitus in contemplatione vnius simplicis veritatis. Et in hac operatione animæ non est error: sicut patet quòd circa intellectum primorum principiorum non erratur, quæ simplici intuitu cognoscimus.*

Hæc D. Thom. in quibus nec verbum est, quod nobis non faveat. Constat ergo ex hac autoritate, contemplationem subsequi ad discursum: fit enim, ait inibi Caietanus *in termino discursus absque discursu aliquo.* Vnde non potest esse simplex apprehensio, quæ ex natura sua discursum præcedit. Nec obest illud, quòd in hac operatione, in qua contemplatio consistit, *non est error.* Quia hoc, quòd est, quòd aliquis actus intellectus errorem non admittat, stat dupliciter: Primò, ita vt talis actus ob sui perfectionem incapax sit erroris. Secundò, ita vt hoc habeat ob sui imperfectionem. Actus divinæ contemplationis est erroris incapax ob sui eminentissimam perfectionem, vt postea videbimus, vbi iterum ista reproducenda sunt. Vnde non potest esse simplex apprehensio, quæ ob sui imperfectionem errorem non admittit. Non admittit errorem simplex apprehensio : fateor: sed nec veritatem : quia non iudicat de veritate : & actus, qui vel formaliter, vel eminenter non iudicat de veritate, veritatem non admittit : indidemque nec errorem. Vides nē, quomodò, quòd simplex apprehensio erroris capax non sit, non ipsius perfectioni; sed imperfectioni, imputari debeat? Non ergo velis, quòd ad operationem adeò imperfectam spectet hominis perfectissima operatio. Puer antequam sciat reprobare malum, & eligere bonum, est incapax peccandi: & somniaret, qui ob istam incapacitatem repentem illam ætatem statum perfectionem hominis doceret; quia licet illa ætas dicat illam

incapax:

incapacitatem ad culpam, similiter est incapax ad meritum: unde non est incapax peccati ex perfectione, & virtute; sed ex defectu, ac imperfectione. Unde illa ætas imperfectissima est. Pariformiter in nostro casu.

Adde: quod simplex apprehensio dicitur erroris incapax, quia eius obiectum est quidditas, quæ prorsus indivisibilis est. Unde vel tota, vel nihil illius apprehenditur. Quod circa si non attingitur tota, nihil apprehenditur: quod non datur apprehensio simplex, nec potest esse subiectum erroris. Si autem aliquo modo attingitur, tota apprehenditur: consequenterque nullus error datur in tali operatione, ut dicitur in q. metaphys. videatur Caietan. ad citatum D. Thom. locum, & Mag. Froilan. & Parra prius laudati.

Adde 2. Cum ipsis Thomistis dicentibus cum nostro Doct. Ang. quod licet simplex apprehensio sit incapax erroris, est tamen capax inordinationis: quatenus definitionem vnius quidditatis potest alteri attribuire: ut si apprehendat, canem esse animal rationale: hic enim tota quidditas attingitur: sed adest inordinatio in eo, quod attribuitur, cui repugnat. Modò verò ad divinam contemplationem tantum obest error, quàm inordinatio. Unde ex hac parte non adest motivum, ut contemplatio dicatur pertinere ad actum, qui erroris incapax sit: si attribuitur illi, qui est capax inordinationis.

78. Dices: hæc omnia sunt de apprehensione simplici, quæ iudicium, discursumque præcedit; non autem de illa, quæ ad has operationes consequitur: ergo ad istam pertinet contemplatio, tamquam relictam ex anteriori discursu. Vel si non pertinet ad hanc apprehensionem relictam ex discursu anteriori: spectabit quidem ad simplicem apprehensionem, procedentem ex habitu per antea factos discursus comparato: in quavis enim ex his apprehensionibus invenitur quicquid pro contemplatione requiritur.

Hoc effugium prævidit P. Suarez tom. 2. de Relig. lib. 2. cap. 10. num.

6. illudque præoccupavit: nosque in antecedentibus refutavimus. Videri debet citatus Suarez, cuius impugnatio reducit ad ea, quæ dicta sunt. Consistitque in eo, quod contemplatio, quæ simplex apprehensio sit, sive procedat ab habitu: sive sequatur ad discursum: sive quocumque alio modo figuretur; non potest esse perceptio veritatis formaliter talis; quia, ut dictum est, simplex apprehensio de veritate non iudicat. Unde ex eodem principio à quo provenit, quod illa contemplatio dicatur incapax erroris, ita ex eodem oritur, quod non sit capax veritatis. Veritas enim, & salutas versantur circa idem.

Accedit, quòd, ut in multis locis dictum à nobis cum D. Thom. est contemplatio affert secum delectationem dulcissimam: & hæc non est habilis in actu simplicis apprehensionis. Non enim valet delectatio adeò dulcis esse cum apprehensione adeò frigida obiecti.

79. Arg. 2. Contemplatio est simplex intuitus veritatis: sed tendere simplici intuitu in veritatem est ita proprium simplicis apprehensionis, ut nulli alij ex operationibus intellectus convenire possit: ergo contemplatio est actus apprehensionis simplicis. Minus duas partes habet: Prima asserit esse proprium simplicis apprehensionis ferri simplici intuitu in veritatem. Secunda ait, hoc non convenire alijs operationibus. Probatur ergo 1. quoad hanc 2. partem: Quia iudicium, & discursus occupantur in veritate inquirenda, non in ea contemplanda: sed inquirere veritatem oppositum est cum hoc, quòd est, simplici intuitu in veritatem ferri: ergo.

Probatur quo ad 1. partem ipsa min. 1. Quia simplex apprehensio ex ipsa significatione nominis, ostendit actum intellectus veritatem quieto, & simplici intuitu apprehendentem. Probatur 2. Si propter aliquam rationem simplex apprehensio non foret simplex intuitus veritatis, maxime quia non attingit veritatem, ut formaliter veritas



tas est, uti ex supra dictis patet. At hoc est falsum: ergo, & illud. Probatur min. Actus intellectus attingit veritatem, ut formaliter veritas est: apprehensio simplex est actus intellectus: ergo. Maior, in qua poterat esse difficultas, probatur: Actus intellectus habet pro obiecto formalem veritatem: ergo illam, ut formaliter est veritas, attingit: alias non discrimineretur ab actu voluntatis, quæ quidem veritatem, sed non ut formaliter veritas est, attingit.

Respondetur ex dictis: Contemplationem esse simplicem intuitum perfectè cognoscentem veritatem: quod iam diximus, simplici apprehensioni convenire haud posse. Vnde sicut iudicium, & discursus non sunt contemplatio; quia licet veritatem perfectè cognoscant; non tamen cognoscunt simplici intuitu: si nec simplex apprehensio contemplatio est: quia licet simplici intuitu procedat, non cognoscit perfectè. Actus enim, qui contemplatio est, utrumque habere debet, & veritatem perfectè cognoscere, & in eam simplici intuitu ferri. Per quod patet ad probationem primam min. pro 1. parte. Ad 2. dicas: Veritatem perfectè attingi in præsentia, seu illam, ut est veritas formaliter, cognoscere, est ita cognoscere veritatem, ut de illa iudicium feratur: quod simplici apprehensioni repugnat. Vnde licet illa veritatem cognoscat, hæc enim est eius obiectum formale, quod attingi à voluntate non potest; tamen ita illam attingit, ut de ipsa iudicare non valeat. Et mirum est, adversarios ex vna parte fateri, simplicem apprehensionem fore incapacem erroris, & ex alia velint in ipsa inveniri veritatem: cum veritas, & falsitas ver sentur circa idem.

80. Contra hanc tamen doctrinam dices: Veritas, ut formaliter talis, est adæquatio rei, & intellectus: dum intellectus simpliciter apprehendit quidditatem, datur dicta adæquatio: ergo datur perfecta cognitio veritatis.

Vrges: Intellectus per simplicem apprehensionem procedens dicitur pro-

prissimè intellectus: sed ut ratione intellectus est, quod perfectè veritatem cognoscat: ergo per simplicem apprehensionem cognoscit intellectus veritatem perfectè: ergo, & ut formaliter veritas est. Hæc 2. consequ. constat. Tum ex 1. tum quia nihil aliud est, cognoscere veritatem, ut formaliter veritas est, nisi illam perfectè cognoscere. Prima consequent. bene infertur ex præmissis, quarum mai. est certissima. Min. autem probatur ex D. Thom. 2. 2. q. 8. art. 1. in corp. dicente: *Nomen intellectus quamdam intimam cognitionem importat. Dicitur enim intelligere, quasi intus legere. Et hoc manifestè patet considerantibus differentiam intellectus, & sensus*: ergo tenet minor.

Respondetur ad obiectionem neg. mai. vel ea omissa, negatur min. Non enim datur illa adæquatio, seu conformitas, donec intellectus incipiat aliquid proprium habere: quod non habet per simplicem apprehensionem. Tunc enim non habet nisi speciem obiecti. Quam speciem, seu obiecti similitudinem, & conformitatem cum illo non cognoscit per simplicem apprehensionem. *Sed quando intellectus incipit iudicare de re apprehensa*, ait D. Thom. q. 1. de verit. art. 3. in corp. *tunc ipsum iudicium intellectus est quoddam proprium ei, quod non invenitur extra in re. Sed quando adæquatur ei, quod est extra in re, dicitur iudicium verum effectum* tunc autem indicat intellectus de re apprehensa, quando dicit, quod aliquid est, vel non est, quod est intellectus componentis, & dividendis. Videatur ipse Doct. Sancti toto illo art. & art. 1. 2. Eandem doctrinam tradit 1. p. q. 16. art. 2. ubi inter alia inquit: *Intellectus autem conformitatem sui ad rem intelligibilem cognoscere potest: sed tamen non apprehendit eam secundum quod cognoscit de aliquo quod quid est. Sed quando iudicat rem ita se habere, sicut est forma, quam de re apprehendit, tunc primò cognoscit, & dicit verum. Et hoc facit componendo, & dividendo. Ex post alia, quæ videri debent, addit: Veritas*  
qui?

quidem igitur potest esse in sensu, vel in intellectu cognoscente quod quid est, ut in quadam re vera, non autem ut cognitam in cognoscente: quod importat nomen veri. Perfectio enim intellectus est verum, ut cognitum. Et ideo proprie loquendo, veritas est in intellectu componente, & dividente, non autem in sensu, neque in intellectu cognoscente quod quid est. Hæc D. Thom. Videndus tamen necessarius est Caietan. inibi, qui subtilissimè mentem Sancti Doct. explanat removens superficiale intelligentiam, in qua eius doctrina posset à minùs perspicacibus accipi.

Per quæ patet ad urgentiam, ad quam dicitur, quod illa absdubio est significatio intellectus, ut ratio, & intellectus est. Quod verificatur, quia ut ibidem docet Sancti Thom. intellectus ad differentiam sensus non sinit in accidentium cognitione: sed penetrat usque ad ipsam cognitionem veritatis: propter quod intus legit, vel ad intima penetrat. Verùm hæc ipsa quidditatis cognitio potest esse uno ex duobus modis, quos ad objectionem respondentes dicebamus. Si est primo modo: est valde superficialis cognitio: unde licet sit perfectæ relatæ ad cognitionem sensus, & ex parte obiecti: non tamen est perfectæ ex parte modi: cum non valeat iudicium facere de ipsa quidditate, quam cognoscit.

81. Arg. 3. Simplex apprehensio est perfectior alijs operationibus intellectus: ergo ad illam spectat contemplatio. Patet ista: Quia, ut sæpe diximus, contemplatio atinet ad operationem perfectiorem. Anteced. verò probat. Illa operatio est perfectior, per quam dicimus convenientiam cum natura superiori: sed per simplicem apprehensionem dicimus convenientiam cum Angelis, à quibus per iudicium, & discursum discriminamur: ergo.

Confirmatur. Contemplatio divina viæ est actus fidei, & visio beatifica inchoata, ut suprà dicebamus: sed actus fidei, & visio beata sunt actus simplicis apprehensionis: cum ibi nihil cœntietur, aut deducatur: ergo con-

templatio est actus simplicis apprehensionis.

Respond. arguente neg. anteced. ad cuius probationem dicas: Angelos perfectissimè cognoscere sua cognita. Vnde per illam operationem intellectus maiorem convenientiam cum illis dicimus, per quam nostra cognita perfectiùs cognoscimus. Et hæc operatio non est simplex apprehensio, ut ex dictis patet.

Ad confirm. negetur min. Ad cuius primam partem hæc ait Sancti Thom. q. 14 de verit. art. 1. in corp. *Intellectus enim nostri secundum Philosoph. in lib. de anima duplex est operatio. Una, qua format simplices rerum quidditates, ut quid est homo, vel quid est animal. In qua quidem operatione non invenitur verum per se, nec falsum, sicut nec in vocibus incomplexis. Alia operatio intellectus est secundum quam componit, & dividit affirmando, & negando: & in hac iam invenitur verum, & falsum, sicut & in voce complexa, quæ est eius signum: non autem invenitur credere ita prima operatione, sed in secunda: Credimus enim vera, & discredimus falsa. Unde etiam, & apud Arabes prima operatio intellectus vocatur imaginatio, secunda autem vocatur fides, ut patet ex verbis Commentat. in 3. de anima.*

Ad 2. partem illius minoris dicto: Contemplationem divinam esse quoad præfens idem omnino cum visione: quamobrem nostrum assertum dicit, contemplationem non spectare ad primam operationem intellectus. Audi Exim. Suar. de utraque loquentem loco citato: *Est ergo, ait, intuitus ille contemplationis talis, ut intrinsecè, & essentialiter includat iudicium, & cognitionem veritatis contemplatæ: sicut visio beatifica, quæ est summa contemplatio eminentissimè, est iudicativa cognitio, simul & apprehensiva.*

82. Dices: Hoc ipsum invenitur in apprehensione simplici iuxta auctorem Lucernæ mysticæ dicentem num. 76. huic iudicio, sive actui intellectus principaliter tribuitur obiectum adæquatum

quatum illius, nempe verum, vel falsum, quamvis ab eo non excludatur simplex, nec simplicissima apprehensio; nam licet cognoscere ut verum, vel falsum propriè pertingat ad affirmationem, vel negationem iudicij intellectualis, & simplex, & simplicissima apprehensio nihil affirmet, aut negent; tamen eminenter in se ipsis continent affirmationem, aut negationem; nam si intellectui apprehendenti interrogaretur de obiecto, illico de veritate, vel falsitate illius *plura indicia faceret*.

Hactenus author iste, quibus ostendit clarissimè se loqui de apprehensione, quam omnes primam intellectus operationem cognoscimus, dum ad illam contemplationem *regulariter* spectare asseverat. Constatque similiter loqui de apprehensione illa, quæ iudicium, & discursum antecedit, de hacque ait: *Eminenter* continere affirmationem, & negationem. Hoc tamen dicere difficile non est: arduum tamen foret, si id, quod sine difficultate dicitur, probaretur. Et quidem in hoc auctore notatum habeo, multa dicere, quæ non probat; sed quæ Pythagorico silentio admittenda vellet. Et in ipsa re, de qua loquimur, testis irrefragabilis est huius veritatis illa divisio apprehensionis in simplicem, ac simplicissimam, quam introducit, veluti fide sanctam, similique facilitate, ac facultate simplicem à contemplatione excludit, cuius principium asserit, esse *regulariter* simplicissimam. De quo iam suprà egimus: sicut etiam, quod ad illam simplicissimam apprehensionem spectet contemplatio, explosimus. Modò quia disputare in re adeò evidenti nolo, vnam, vel alteram observationem circa dicta dissimulare, non possum.

Observe 1. Quod suprà nobis dixit Lucerna mystica, quòd apprehensio simplicissima est *actus regulariter contemplationis proprius*. Et postea tract. 3. cap. 6. num. 60. Contemplationem, cuius principium est donum sapientiæ (idem de dono scientiæ dicendum est) esse actum iudicij: Notè principia contemplationis esse habitum

A SPIRITU SANCTO,

Theologicum, Theologicam fidem, donum sapientiæ, donum scientiæ, & intellectus. Ex his actum habitus Theologici non dicit Lucerna, esse apprehensionem, sicut non dicit de actu fidei, nec de actu sapientiæ, nec scientiæ. Videatur cap. 7. num. 66. ergo solùm remanet actus apprehensionis cōtemplatio, quæ est à dono intellectus. Quomodò ergo apprehensio est *actus regulariter contemplationis proprius*. si sola illa, quæ est actus doni intellectus, est apprehensio?

Observe 2. Habitum Theologiz, & Theologicam fidem fore principia omnis contemplationis: (non loquor de contemplatione, quam elicit principium donis superius) si ergo contemplatio, quæ est à fide, & quæ à Theologia est, est actus iudicij: nulla contemplatio relinquatur, quæ sit simplex apprehensio. Vbi est ergo illa, quæ *regulariter* apprehensio est?

Observe 3. Id, quod ex modò dictis sequitur: videlicet Lucernam mysticam fundari in imaginatione, quæ autumat, dona esse principia elicitiva divinæ contemplationis quoad substantiam sumptæ: hincque vnam contemplationem attribue apprehensioni, aliam iudicio. Quod quidem fundamentum falsum est: siquidem contemplatio divina, si entitativè naturalis sit, elicitur ab habitu Theologiæ: si verò sit supernaturalis, est à fide, concurrentibus donis modificando actum contemplationis, & illustrando principium. De quo disputat. sequenti agemus. Vnde ad vnam, & eandem operationem semper spectat contemplatio. Quin pro libito nostro huic operationi hæc, & alij illa contemplatio attribuitur.

Observe 4. Ea, quæ suprà dicta sunt ad expungendam illam divisionem apprehensionis in simplicem, & simplicissimam, sine autoritate, & sine utilitate introductam. Similiterque inconsequentiam in eo, quòd simplicissima, & non simplex contemplatio sit. Ac tandem ea, quæ diximus, vtestenderemus repugnare contemplationem aliquam, antequam dentur actus iudicij, ac discursus.

Yv

Obi

Obferuo 5. Quòd dicere apprehensionem simplicem, & simplicissimam in se ipsis continere eminenter affirmationem, aut negationem: est dicere, quòd talis apprehensio est eminenter iudicium. Quod error intolerabilis est: quandoquidem ex illo inferitur 1. apprehensionem, etiam simplicem, perfectiorem esse iudicio, ac proinde discursu: cuius ea ratio est: quia id, quod est eminenter iudicativum, est simpliciter perfectius eo, quod solum formaliter iudicativum est. Indidemque *inferitur* 2. actum contemplationis, quæ est à dono sapientiæ, minùs perfectum esse, quàm contemplatio, quæ est à dono intellectus: siquidem hæc spectat ad apprehensionem illa verò ad iudicium. Vnde *inferitur* 3. Theologiam mysticam, quæ apud omnes, etiam apud Luceam ipsam, est contemplatio doni sapientiæ, minùs perfectam esse, quàm contemplatio, quæ propriissimè mystica Theologia non est, qualis est illa, quæ ad apprehensionem spectat. Quæ omnia absurda esse, nemo non videt.

Obferuo denique: Illam rationem, videlicet, *nam si intellectui apprehendenti interrogaretur de obiecto, illico de veritate, vel falsitate illius plura iudicia faceret.* Hæc, inquam, ratio est

malæ causæ peius patrocinium. Tum quia multi bene apprehendunt, & non ita iudicant, sicut nec ita discurrunt, vnotum est. Tum quia multi bene apprehendunt, & nullatenus iudicare possunt, vt de dormientibus docet. D. Thom. de verit. q. 28. art. 3. ad 6. Vnde non est verum, quòd *si intellectui apprehendenti interrogaretur de obiecto &c.* Tū, & præcipuè, quia licet demus, quòd illud omni apprehendenti eveniat, illa *iudicia*, quæ *illico faceret*, non essent actus apprehensionis, sed iudicij: & quòd iudicium valeat de veritate apprehensa iudicare, nemo ignorat.

Maneat ergo ex dictis 1. Contemplationem non esse actum apprehensionis. *Secundò*, quòd, etiam si aliquando foret actus apprehensionis, non tamen hoc *regulariter* haberet. *Tertiò*, quòd ab hoc non excluderetur apprehensio simplex. *Quartò*, quòd si aliqua simplex apprehensio foret contemplatio, non esset illa apprehensio, quæ iudicium, & discursum præcedunt, sed alia, ficta tamen, quæ ad illas operationes subsequeretur. *Maneat* denique 5. Quòd in omnibus, & maximè in mysticis, debent asserta iuxta facultatis Proceres statui; non tamen pro scribentis arbitrio fabricari.

## QUÆSTIO SEXTA.

*Vtrum contemplatio sit actus iudicij, aut discursus?*

**P**ostquam diximus, contemplationem non esse actum simplicis apprehensionis, ad explorandum, an ad secundam, vel tertiam operationem intellectus speculativi spectet? Properamus. In quo valde difficiia, summè ardua se se offerunt, per quæ Mystici cursu celeri, ac si indubitabilia, clarissimæque forent, gradum faciunt.

§. I. *Prælibantur aliqua prorsus necessaria tam pro presenti, quàm pro alijs quæstis.*

83. **A**D dicendorum intelligentiam scias t. seu potius memineras eorum, quæ quæstione antecedenti §. t. dicta sunt. Ex ibi enim dictis constat, quid sit discursus, & quomodò à iudicio differat. Constat etiam iudicium dividi in enuntiativum, & resolutivum, & quid vnumquodque ex illis sit. intelligere debes: hanc divisionem sum ipsum adæquare, quasi alia iudicia

dicia non duntur: dantur quidem, & quæ summo studio præ oculis habenda sunt, vt sine tenebris, & errore in materia hac admodum ardua, & vili procedamus. Vnde,

84. Scias 2. Vltra prædicta iudicia dari aliud, quod appellare possumus iudicium credulitatis. Hoc iudicium est actus, quo fides assentitur veritatibus reuelatis. Fides enim veritatibus reuelatis assensum præstat verè iudicium format; cum impossibile sit, iuxta inconcussam D. Thom. doctrinam, mox adducendam, dari assensum; quin eo ipso ipse actus assentientis iudicet de illa ipsa veritate, cui assentitur.

Si dicas: I hinc sequi, voluntatem iudicare; quia voluntatis est assentire, sicut, & cōsentire. Respondet D. Thom. q. 14. de veritate. q. 1. art. 1. ad 3. *Dicendum quod voluntas respicit aliquam præcedentem potentiam, scilicet intellectum, non autem intellectus, & ideo assentire propriè pertinet ad intellectum, quia importat absolutam adhærentiam ei, cui assentitur: sed consentire est propriè voluntatis, quia consentire est simul cum alio sentire, & sic dicitur in ordine, vel per comparationem ad aliqd præcedens.* Videatur idem Doct. Sanct. p. 1. q. 11. art. 1. ad 1. & 1. 2. q. 15. art. 1. ad 3. & q. 74. art. 7. ad 1. & 2. 2. q. 2. art. 1. ad 3. & in 3. d. 23. q. 2. art. 2.

Ex quibus habes: Assensum non esse actum voluntatis; sed intellectus; & simul habes, assensum esse actum iudicii. Vnde cum fidei actus sit assensus, non potest non esse iudicium. Quod iudicium dicimus credulitatis; quia est ipse actus credendi; & etiam vt diversum sit in nomine ab alijs iudicijs, quod ex natura sua diversum est ab illis. Quæ veritas, valde notanda, perspicua fiet; tum, si per omnes operationes intellectus speculativi, siue iudicia sint, siue non (& hoc ad maiorem abundantiam) spatiemur. Tum, si ea, quæ huius iudicii sunt propria, intueamur.

Igitur iudicium credulitatis differt à simplici apprehensione; quia hæc assensum præbet veritati, quam

sine affirmatione, ac negatione apprehendit, vt constat ex quaestione præcedenti, mirèque docet D. Thom. loco citato ex sententijs; vbi plura circa hæc omniuno vidēda habet. Actus verò fidei assentitur, & iudicat, quia *hic est Christus*, & in defensionem huius veritatis paratus est, & in carcerem, & in mortem ire. *A discursu* autem differt fidei actus seu iudicium credulitatis; quia hoc non quaerit, sicut ille veritatem sed illam præsentem habet, & credit. Et propter hoc fides discursiva non est.

85. A iudicio enuntiativo differt propter eandem rationem: quia videt, licet iudicium enuntiativum veritatem quaerit, quam iudicium credulitatis præsentem habet, vt dictum est. Si opponas Augustini. lib. de prædestin. Sactor. cap. 2. dicentem: credere esse *cum assensione cogitare*: sed cogitatio inquisitionem importat, teste D. Thom. 2. 2. q. 2. art. 1. vbi ait, quod cogitare dicitur, *quasi simul cogitare*: ergo licet actus fidei, per hoc quod sit *cum assensione*, differat à simplici apprehensione; per hoc tamen, quod dicit cogitationem, inquisitionem importat.

Respondetur cum eodem Angli Doct. inibi in fine corp. dicente: *Actus iste, qui est credere, habet firmam adhesionem ad unam partem, in quo convenit credens cum sciente, & intelligente: & tamen eius cognitio non est perfecta per maximam visionem, in quo convenit cum dubitante, suspicante, & opinante: & sic proprium est credentis, vt cum assensu cogitet. Et propter hoc distinguitur iste actus, qui est credere, ab omnibus actibus, intellectus, qui sunt circa verum, vel falsum.* Vide quomodo actus fidei, qui ex hoc quod cogitationem requirat, diversus supponitur à simplici apprehensione, etiam dicitur differre *ab omnibus actibus intellectus, qui sunt circa verum, vel falsum*: atque aded à discursu, & à iudicio inquisitivo.

Vide etiam quomodo fides dicat firmissimum assensum circa veritates creditas, & ex hac parte excludit cogitationem: quia tamen obiectum ipsum, quod credit, non videt intellectus, idē

circo motum cogitationis dicit: quæ cogitatio est fluctuatio quædam, quæ ex parte inevidentiæ, non certitudinis, agitur intellectus; vti observat Mag. Joann. à Sanct. Thom. in 1. 2. disp. 8, art. 3. num. 26. Quod perspicuè habetur ex verbis adductis D. Thom. qui eandem doctrinam tradit de verit. q. 14. art. 2. ubi inquit: *Ad 2. dicendum, quod fides dicitur non inquisitivus assensus, in quantum assensus fidei, vel consensus non causatur ex inquisitione rationis: tamen non excluditur per hoc quin in intellectu credentis remaneat aliqua cogitatio, vel collatio de his, quæ credit.* Quæ cogitatio remanet ex eo quod intellectus non satiatur plenè illa veritate obscurè cognita, vt dictum est.

86. Denique à iudicio resolutive differt iudicium credulitatis: quia illud analyticè procedit, resolvendo res in suas causas, illasque in ipsis causis perfectè cognoscendo; & cognoscendo etiam causas per effectus. Quæ in iudicio credulitatis inveniri non possunt: hoc enim veritati assentitur propter dicentis testimonium, & nihil aliud curat, aut facit: vnde totus nostræ fidei assensus reducitur ad extrinsecum testimonium revelantis.

Si opponas: *Videre* est actus scientiæ solventis visa in sua principia intrinseca: sed *videre* est actus fidei, iuxta illud 1. ad Corinth. cap. 13. *Videmus nunc per speculum*: ergo iudicium fidei resolvit veritates creditas in sua intrinseca principia, consequenterque tale iudicium resolutivum est.

Respondetur cum D. Thom. q. 14. de verit. art. 2. *Ad 1. dicendum, quod cognitio duo potest importare, scilicet visionem, & assensum, & quantum ad visionem contra fidem distinguitur:: Sed quantum ad certitudinem assensus, fides est cognitio, ratione cuius potest dici scientia, & visio, secundum illud 1. ad Corinth. 13. Videmus nunc per speculum &c. Et hoc est, quod Aug. dicit in lib. de videndo Deum: si scire non inconvenienter dicimur, illud quod certissimum credimus, hinc est, vt credita velle, & si non adsint sensibus nostris,*

*videre mente dicamur.* Ex quibus constat, fidem discriminari à scientia per evidentiam, quam hæc dicit, cum illa tamen in certitudine convenit; immo omnes scientias naturales in certitudine superat. Hæc tamen infallibilis certitudo, quam fides habet, auferre non potest intellectus fluctuationem, & vltiorem cogitationem ortam ex obiecti inevidentia.

87. Consideravimus iudicium credulitatis relatè ad alios actus intellectus. Restat vt illud in se ipso consideremus; breviter tamè: Tum quia ex dictis haud obscurè constat, quid dicendum sit: Tum quia disputat. sequenti hæc sunt longiori discussione tractanda. Tum denique, quia quod in præfenti desiderari potest, brevissimè, ac profundissimè traditum est à D. Thom. 2. 2. q. 8. art. 6. in corp. & ad 2. Vbi iudicium credulitatis conferens cum dono intellectus, seu cum actu ipsius, ait: *Ad 2. dicendum, quod donum intellectus est circa prima principia cognitionis gratuita; aliter tamen quam fides. Nam ad fidem pertinet eis assentire: ad donum verò intellectus pertinet mente penetrare ea, quæ dicuntur.* Per quæ constat, quod iudicium credulitatis assentit rebus revelatis propter solam dicentis auctoritatem, quæ ipsis revelatis rebus extrinseca est. Vnde prædicata intrinseca rei revelatæ omnino incognita manent fidei, quæ rem ob ipsius motivum intrinsecum non cognoscit: quamobrem nihil circa id, quod rei intrinsecum est, explorat; cum solum extrinseco testimonio innititur. Hincque verit id, quod suprà dicebamus: Videlicet intellectum, quamvis certissimus sit de veritate à se credita, manere tamen inquietum, seu non satiatum, fluctuantemque, propter inevidentiam creditæ veritatis. Nec hoc est aliquis defectus privativus fidei; sed solum imperfectio ipsi non debita: quandoquidem fides ex sua natura solum respicit firmissimam certitudinem, quam intellectu communicat. Illam tamen fluctuationem auferre ad ipsam non spectat; sed est effectus distincti habitus, licet

sibi deservientis; non ut sit fides, habeatque illa, quæ fidei formalissimè, & cum præcisione acceptæ propria sunt; sed ut ipsa fides illustretur. Vnde sicut non est defectus fidei, quod non diligit obiectum; sic proportionabiliter non est defectus ipsius, quod obiectum propter sibi intrinsicè non cognoscat, & consequenter quod dictam fluctuationem non expellat. Quæ ex iam dictis constabunt.

88. Scias 3. Aliud adhuc iudicium superesse, quod dicitur iudicium discretivum. Hoc iudicium datum nobis est ab indulgentissimo gratiæ auctore, quod intellectui, ut diximus, fluctanti succurrat. Quandoquidem hoc iudicium cognoscit rem, non iam inevidenter, & obscurè sicut priùs: sed clarè, & evidenter, non claritate, & evidentia intrinseca, & positiva (per fidem enim ambulamus) sed evidentia extrinseca, & negativa. Quatenus, scilicet, penetrat, & iudicat rem supernaturalem, quam cognoscit, non esse sicut in phantasmatis representatur. Sicque discernit supernaturalia à naturalibus, & à materialibus spiritualia, iudicans multò sublimius esse sentendum de supernaturalibus, quàm nos cognoscimus. Quod quidem non est cognoscere positivè, quid in se sint supernaturalia. Est tamen cognoscere, quin non sint. Et hæc cognitio dicitur iudicium discretivum; quia inter increata, & creata, modo dicto, discernit, illam increatam veritatem segregans ab omni eo, quod illam obnubilare potest.

Hoc iudicium discretivum est actus doni intellectus, cuius est, iuxta laudatum D. Thom. mentem acuerè, & illustrare, ut procedat sine admixtione errorum. Quam veritatem docuit etiam ipse Doct. Sanct. in 3. d. 34. q. 1. art. 2. per hæc verba: *In his autem, quæ suprationem sunt, perficit fides, quæ est inspectio divinarum in speculo, & in ænigmatibus: connaturalis enim modus est nature humane, ut Deum non nisi per speculum creaturarum, & per ænigmata similitudinum percipiat. Quod autem*

*spiritualia quasi nuda veritate capiuntur, supra humanum modum est, & hoc facit donum intellectus.*

Est dicere: Ut homo possit cognoscere divina, adest fides supernaturalis; quæ tamen ita in divina fertur, ut hominem non extrahat à connaturali modo, quem habet attingendi divina: videlicet in speculo creaturarum, & in phantasmatum ænigmatibus. Per quem cognoscendi modum, licet habeat intellectus quantum sibi est opus ad certitudinem; infatigatus tamen manet; tum quia solo extrinseco testimonio ducitur: tum quia per hoc non est liber ab erroribus. Ab erroribus, inquam, non hæreticæ pravitate; ad hos enim eliminandos sola fides sufficit: sed ab illis erroribus, quos similitudinum ænigmata, seu phantasmata causare solent. Hos omnes errores donum intellectus extirpat, faciens, quod divina quasi nuda veritate capiuntur. Hoc est sine phantasmatum permixtione. Et hoc est cognoscere evidentia negativa illud obiectum: prout scilicet cognoscitur, esse aliquid longè superius, quàm id, quod in phantasmatis representatur. Vnde licet donum intellectus non possit in hac vita pertingere ad cognoscendum, quid in se sit tale obiectum; pertingit tamen ad cognoscendum, quid in se non sit. Quocirca sicut fides est principium contemplationis, quæ est per affirmationem: ita donum intellectus est principium contemplationis procedentis per negationem, aut remotionem, uti cum citato D. Thom. tenent communiter Mystici.

89. Satis iam verborum est de ijs, quæ modò dicere possumus de iudicio discretivo, infra penitiùs aperienda. Modo autem non nihil de eius differentia ab alijs dicemus. Ab alijs ergo actibus intellectus, quæ iudicia non sunt, & à iudicio ipso enuntiativo differt eo modo, quo iudicium credulitatis, in hoc enim conveniunt. Additque id, per quod ab illo discriminatur: quod consistit in eo, quod iam diximus: nempe quòd iudicium discretionis non innititur extrinseco testimonio ad cognitionem

nem, sed penetrat prædicata intrinseca obiecti, vel positivè, & quoad quid est in patria: vel negativè, & quoad quid non est in via. Ex quo discrimine tria apprimè notanda oriuntur.

Primum est: Quod fluctuatio illa, qua in conspectu iudicij credulitatis angebatur intellectus, per iudicium discretivum exultat. Quia licèt intellectus non plenè satiatur nisi in facili intuitu Dei viventis. Nihilominus tamen relatè ad exilium, quo premittitur, per hoc quod spiritalia quasi nuda veritate capiat, obiectumque secundum suam intrinsecam cognoscat, ea fluctuatio sedatur. Et ratio est manifesta: Quia illius fluctuationis causa erat modus ille cognoscendi obiectum propter extrinsecum testimonium. Qui modus non est proprius intellectui, qui, ut suprà dicebamus cum Div. Thom. tunc modo sibi proprio procedit, quando *intus legit* obiectum, sed penetrat intima ipsius: hoc enim est intellectus, ut diximus num. 80. Per donum intellectus hæc nobilissima potentia obiecta supernaturalia *intus legit*, eorum arcana profundissimè penetrando. Vnde quantum status patitur, fluctuatio cessat.

Secundum est: quòd iudicium credulitatis, ex quo obiectum propter extrinsecum testimonium cognoscat, non procedit ex mystica affectione, ac connaturalitate: immo ex captivitate procedit: assentire enim ob testimonium dicentis est captivare intellectum in obsequium fidei. Iudicium autem discretivum, non solum non procedit cum illa captivitate; verum etiam nec ex studio, aut collatione procedit: sed ex mystica affectione, & experimento, & ex connaturalitate ad divina. Quod discrimen inter hoc utrumque iudicium lucem magnam infra nobis conferet.

Tertium denique est: quòd iudicium credulitatis est compatibile cum peccato: iudicium autem discretivum cum peccato incompatible est. Fundamentumque constat ex dictis. Ex hoc enim quòd iudicium credulitatis non procedat ex vñione, ac connatura-

litate ad supernaturalia, nihil habet, per quod repugnet dari in peccatore. Extrinsecum quippe testimonium Dei, non solum iustos, sed & peccatores movere valet, ut veritatibus revelatis assensum præbeant. Cuius contrarium cernitur in iudicio discretivo ob oppositam rationem.

90. Scias denique recedendum à tua memoria non esse iudicium aliud principalissimum, quod ultra relata datur. Hoc est iudicium resolutivum, quod num. 83. infinuavimus, & §. 11. quæstionis præcedentis, pingui licèt Minerva, explicuimus. Modò verò solummodo addere debemus: quòd si iudicium resolutivum procedat per altissimas causas, est actus sapientiæ: si verò procedat per causas inferiores, est actus scientiæ; utriusque tamen iudicium resolutivum est.

Iudicium hoc resolutivum differt à iudicio enuntiativo, & à iudicio credulitatis per id, in quo ab illis discriminatur iudicium discretivum. Ab hoc autem differt: quia iudicium discretivum analyticè non procedit; nec tradit causas; sed simplicem terminorum notitiam, & penetrationem, ut dictum est. Iudicium autem resolutivum facit, quod eius nomen exprimit, scilicet reddit rationem de eo, quod iudicat, illudque defendit: consequenterque ultra rei cognitionem, cognoscit etiam fundamentum, & rationem, propter quam obiectum ita cognoscit. Quod est propriissimè scire, ut suprà ex Philosopho dicebamus.

His ergo sic prælibatis, ut in sequentibus expeditis gradiamur: in quæstione hac non quarimus, an contemplatio sit actus ad omnia prædicta spectans? Hoc enim fieri non posset sine confusione maxima, & dispendio eorum, quæ dicenda sunt: quæ proculdubio utilissima, & subtilissima sunt. Vnde solum inquirimus de iudicio inquisitivo, ac de discursu: qui actus priores sunt, & ab illis non multum difficulter expediemur. De iudicio verò discretivo, & resolutivo postmodum in hac ipsa quæstione tractabimus, remitt-



DISP. I. 2. DE POTENTIA PROXIMA DIVIN. CONTEMPL. Q. 6. 343.  
remittentes ad sequentem disputationem.  
iudicium credulitatis.

## §. II. Duplex assertio ad quaesiti resolutionem.

91. **S**It r. conclusio: Contemplatio non est actus iudicij inquisitivi. Assertio hæc est adeo certa, vt de illa prudenter dubitari non possit. Probatur ergo ratione fundamentalis gravissimis auctoritatibus innixa. Etenim contemplatio formaliter, & essentialiter sumpta est actus terminatus ad veritatem inventam: ergo non est actus iudicij inquisitivi. Ille duæ propositiones certæ sunt; sed in tali constitutione sumus, vt vel certa probare compellamur. Et r. probatur consequ. Actus occupatus in inquirenda veritate, quam intellectus contempletur, non occupatur in contemplatione veritatis: iudicium inquisitivum occupatur in vestiganda veritate, quam intellectus contempletur: ergo non occupatur in contemplatione veritatis. Omnes propositiones inæquales: vel dicant aliqui Mystici, apud quos minor non est indubitata certitudinis; eo motivo ducti, vel vt propriis loquar, seducti quod contemplatio dividitur in affirmativam, & negativam, de quo postmodum. Isti, inquam, mystici dicant: cum intellectus iudicio inquisitivo utitur habet veritatem, quam contemplandam inquirat, præsentem, vel non? Si non: ergo illam non videt; atque adeo nec contempletur: contemplatio enim visio est: si licet: quid inquirat? Aut quo motivo ille actus dicitur inquisitivus?

Anteced. autem constat ex illo Deuteronom. cap. 33. vbi dicitur: *Amantissimus Domini habitabit confidenter in eo quasi thalamo tota die morabitur, & inter humeros illius requiescit.* Quibus verbis iuxta collectoris scripturæ intelligentiam, sermo est de anima dedica contemplationi primæ veritatis, quam prius inquirebat: qua inventa, in ipsa quasi in dul-

cissimo thalamo requiescit, & inter humeros illius pace suavissima iungitur tota die. Non quia semper hæc requies sine cessatione fruatur: quandoquidem hoc incompatible est cum misera exilij conditione, vt alibi ponderavimus. Sed quia animæ sponfus lux lucidissima est tenebras quacunque dispellens, & diem splendidissimum causans instar lucidissimi Solis. Quo circa semper ac animæ præsens est, ad est illi dies exultationis, & letitiæ, quibus orbatur, quoties Sol ille formosissimus inter occulta sapientiæ, ac providentiæ suæ reconditur. Tunc enim absentem Solem de novo querit in lectulo suo per noctes illius absentitiæ. Hocque exequitur interdum suspiria ad suam absentem veritatem mittens; interdum ipsam, similis homini querenti bonas margaritas, inquirens. Primum explicat Extat. N. Pat. in suo epithal. Cant. 1. sic ciulans:

A donde te escondiste  
Amado, y me dexaste con gemido,  
Como el ciervo huiste,  
Aviendome herido  
Salitras te clamando, y ya eras ido.  
Secundum verò in alijs plurimis illius profundissimæ Eglog. cantionibus exprimit. Teriam solummodo exhibeo.  
Buscando mis amores  
Irè por esos montes, y riberas:  
Ni cogerè las flores,  
Ni temerè las fieras,  
Y passaré los fuertes, y fronteras.

In harum Cant. explanatione mira Sancti. Doct. docet pro præsentem materia elucidanda.

92. Constat etiam idem antecedens ex illo Cant. cap. 3. vbi anima contemplatrix de se ipsa satur in hunc modum: *Sub umbra illius quem desideraveram sedi, & fructus eius dulcis gutturi meo.* Amore puro Sancta hæc anima saucia non umbram Dei quærebat, sed ipsum Deum summopere exoptabat. Hanc amoris puritatem eius verba testantur: siquidem non ait: *Sub umbra illius, quam desideraveram;* sed *quem desideraveram.* Hoc ergo purissimo amore Deum desiderabat, & ipso amo-

recompellente, illum maxima sollicitudine quærebat. Invenit tandem; & quid ab ipsa factum invento Domino ostendit, dicens: *Sedi, & fructus eius &c.* Non intelligas animam materialiter sedisse, licet nec quod sponsum falsibus materialibus quæreret. Quia vivit vices, & placeas creaturarum mente lustrans, donec inveniret. Fecum invenit, illis actibus mentis, quibus quærebat, derelictis, sedit, hoc est, requievit in contemplatione illius veritatis inventæ, qua gustus eius dulciter recrebatur. Nec glossam ut proprii cerebri prolem censures, sed ut maxime autoritatis venerare. Audi D. Thom. inter alia in huius textus explanatione dicentem: *Finectus eius dulcis gutturi meo: id est divinitatis contemplatio, quæ me satiari confido.* Idem docet Seraph. Ther. super Cant. cap. 5. Idem Extatic. N. P. loco citato Cant. 34 ubi in persona Sponsi dulcissimè modulatur.

La blanca Palomica

A el arca con el ramo se ha tornado.

Y ya la Tortolica

A el focio deleado

En las riberas verdes hà hallado.

In ultimi carminis explanatione ait inter alia Doct. Sanct. *Et quia hæc anima priusquam adhuc statum pervenisset, magno amore dilectum suum quæsovit, requiem sine illo non habens, canis hic sponsus ipse finem sui sudoris, & sui desiderij adimplerem dicens &c.* Repetit tres ultimos versus cantionis datæ. Post quod subiungit: *Quod est idem ac dicere: Iam anima sponsa sedit delicias ex dilecti inventi præsentia percipiens, & iam bibit aquam salam altissimæ contemplationis, & sapientiæ Dei.* Sic expertissimus ille Doctor, qui in huius suæ doctrinæ comprobationem dicta verba ex 2. cap. Canticorum adducit.

Vide ergo quomodo aliud est quærere Deum, quem contemplerur, & aliud est contemplari Deum, quem quærebamus. Dum iudicium inquisitionum adest, veritas non habetur, atque ideo non contempletur: quia ad hoc debet esse præsens. Dum autem est præsens, contemplatur: sed tunc cessat in-

quiritur: quia motus in terminum termino consecuto finitur.

93. Ostenditur ultimò veritas illius antecedens ex definitione contemplationis, quæ iuxta D. Thom. ab omnibus scriptum, *est simplex intuitus veritatis.* Cuius deductionis verba sumenda sunt in sensu omnino formali, & proprio, ut omnes docent loquentes de definitione. Vnde *ly intuitus* accipi debet in sensu omnino rigoroso. Quia veritate supposita, deducitur hæc illatio: ergo contemplatio est actus terminatus ad veritatem inventam. Probat. Quia contemplatio est *intuitus veritatis*: sed non potest intellectus intueri veritatem, quæ sibi præsens non sit: sicut nec visus materialis videre potest rem absentem: ergo.

94. Sit 2. assertio: *Contemplatio non est actus speculatus ad 3. operationem intellectus.* Si aliquid probant omnia ea, quæ præcedenti assertio stabilis dicta sunt, illa ipsa, & præsens assertio suadet. Tum quia discursus non terminatur ad veritatem præsentem, sed illam absentem hac illac vagans inquit: ut de iudicio enuntiativo dicebamus. Tum quia discursus non est actus substantialiter diversus à iudicio enuntiativo, sed solum differt penes formalitatem supra explicatam. Quæ veritas destinata ex sua natura est ad veritatem inquirendam. Tum quia datæ autoritates non loquuntur determinare de iudicio inquisitivo, sed de omni eo, quo veritas inquiritur: quo circa possunt etiam discursui applicari. Verum

Probat. assertio ratione ex D. Thom. eruta: Contemplatio essentialiter accepta est ille actus, quo tamquam forma constituitur vita contemplativa: ergo non est actus discursus. Patet ista: 1. Quia discursus spectat ad vitam activam, ut alibi dictum est. Tum quia discursus pertinet ad vitam contemplativam, ut dispositio: implicat autem, quod dispositio ad aliquid sit forma illud constituens. Terriò denique, quia hoc magis constabit ex probatione antecedentis, quod planè est D. Thom. 2. 2. q. 180. art. 3. dicentis

Con-

*Contemplativa vita unum quidem actum habet, in quo finaliter perficitur, scilicet contemplationem veritatis, à quo habet unitatem. Habet autem multos actus, quibus pervenit ad hunc finalem, quorum quidam pertinent ad acceptionem principiorum, ex quibus procedit ad contemplationem veritatis: alij autem pertinent ad deductionem principiorum, cuius cognitio inquiritur. Vltimus autem completivus actus est ipsa contemplatio veritatis.*

Quæ verba licet clarissima sint, vt potius calleas, placet adijcere illustre Caietani glossema: Collige, ait, distincte novem ad vitam contemplativam attinentia, quæ recitantur in littera. Et distincte applica ad tria membra progressus in contemplatione in corpore articuli posita, scilicet acceptionem principiorum, deductionem ex principiis acceptis, & contemplationem ipsam. Et sic divide, ac distribue, vt auditio, lectio, & oratio ad acceptionem spectent: meditatio verò, speculatio, consideratio, & cogitatio ad deductionem. Contemplatio demum cum subsequente admiratione ad ipsam consummationem contemplationis. Pondera verba hæc, & ex ijs antecedens positum; immo conclusionem ipsam assertam probatam esse cognosces. Quandoquidem vita contemplativa non constat vix per actus, qui ad acceptionem spectant: qui actus sunt simplicis apprehensionis, & proprius iudicii inquisitivi. Vnde firmatur præcedens assertum. Nec constituitur per actus, qui spectant ad deductionem ex principiis acceptis, qui sunt propriissime actus discursus. Sed constituitur per alium unicum actum, qui ad prædictos subsequitur, & ad quem alij actus iudicii, discursusque disponunt.

95. Confirmatur ratio facta ex definitione discursus, & contemplationis: Quia discursus est motus intellectus ab vna cognitione in aliam, quatenus ex aliquo prius sibi noto procedit ad cognitionem alterius sibi ignoti: ergo contemplatio non est discursus. Hæc consequentia patet ex omnibus hæcenus dictis: Siquidem si discursus tendit

ad ostendendum id, quod intellectui discurrenti ignotum est, non potest esse contemplatio, quæ est actualis intuitus veritatis, seu actus, quo intellectus veritatem, iam notam sibi intuetur. Antecedens autem negari non debet, quia continet definitionem discursus, quam Div. Thom. docuit 1. p. q. 58. art. 3. hisce verbis: *Ad 1. ergo dicendum, quod discursus quendam motum nominat. Omnis autem motus est de vno priori ad aliud posterius. Vnde discursiva cognitio attenditur secundum quod ex aliquo prius noto devenitur incognitionem alterius posterius noti, quod prius erat ignotum. Si autem vno inspecto, simul aliud inspicitur, sicut in speculo inspicitur simul imago rei, & res, non est propter hoc cognitio discursiva.*

### §. IIJ. Solvo argumenta distas assertiones impugnantia.

96. **A**rgumenta contra primam conclusionem pariter vt in plurimum impugnant secundam. Sed claritatis gratia distinctè proponenda sunt. Contra 1. ergo arg. sic 1. Actus inquirens primam veritatem est contemplatio: ergo hæc est actus iudicii inquisitivi. Patet ista: Quia, vt dictum est, iudicium inquisitivum occupatur in inquisitione veritatis, & ob hoc dicitur inquisitivum. Anteced. autem est D. Greg. lib. 6. Moral. dicentis: *In contemplatione principium, quod est Deus, queritur. Quam autoritatem assert D. Thom. 2. 2. q. 180. art. 4. in argument. sed contra, vt suam doctrinam confirmet: ergo ex mente utriusque verum est illud antecedens.*

Respond. Contemplationem absolute sumptam non determinare contemplationem formaliter, & complexivè acceptam. Dictum est supra, contemplationem posse sumi pro ipso actu contemplationis, & etiam pro ijs actibus, qui contemplationem præcedunt. Medijs hisce actibus, sive iudicii inquisitivi, discursus, utique prima veritas queritur; sed quæ per ipsos actus con-

templanda non est; sed per alium, qui ad ipsos sublequitur. Auctoritas illa D. Greg. magnam energiam continet, facit enim hunc sensum: *In contemplatione*, non formaliter, sed antecedenter sumpta, *principium*, quod est Deus, *quæritur* contemplandus. Vnde *quæritur* Deus, ut contemplandus; consequenterque quæritur contemplatio formaliter sumpta ipsius Dei. Vide quæ diximus num. 94.

Hæc licet congruè Gregorij mentem explant, nobis necessaria non sunt, qui aliunde sensum clarum datæ auctoritatis venamus. Videlicet ex Ang. Doct. in contrarium adducto. Ibi cum Ang. Doct. decernit, Deum esse obiectum primum cœlestis contemplationis, alia verò secundarium. Quod ut suadeat, adducit verba illa Gregorij doceris, quòd *in contemplatione principium, quod est Deus, quæritur*: quia quodcumque obiectum contempletur, non debet sumi, ut terminus, seu centrum, in quo contemplatio illa sistat; sed debet ad obiectum primum, quod est Deus, elevari; in eoque veluti in centro requiescere.

97. Arg. 2. Contemplatio dividitur in eam, quæ est per affirmationem, & in eam, quæ est per negationem: ergo est actus iudicii enuntiativi. Antecedens est omnium Mysticorum cum quibus in nostra Hæge eo modo contemplationem divisimus. Et consequentia est ita certa, ut probari non debeat. Affirmationem, & negationem esse actus iudicii enuntiativi, quis negavit?

Breve argumentum. Sed quod nonnullos Mysticos fecit depromere mirabilia. Iam q. 2. huius disp. vidimus aliquem dicentem, contemplationem esse actum simplicis apprehensionis. Qui tamen ab hoc argumento se expedivit dicens, motum affirmativum, & negativum mediare inter simplicem apprehensionem, & discursum: consequenterque de utroque extremo participare. Quocirca oratio, quæ est per affirmationem, & quæ est per negationem, participat naturam contempla-

tionis, quæ est actus operationis primæ; & naturam meditationis, quæ spectat ad discursum: quiaque, licet hoc ab illis participet, est operatio ab eis diversa. Propterea nec est propriè contemplatio, nec meditatio, sed quædam oratio media à meditatione, & à contemplatione distincta.

Illic huius authoris discursus mirabilis suæ lucidæ visus est, quæ, ut inscia reponere non valuit. Sub quo artificè fabricata est illa oratio media, quæ nec est oratio contemplationis, nec discursus? Et etiam: an contemplatio, quæ semper, ut autumat ipse, est actus simplicis apprehensionis, sit per affirmationem, vel negationem. Quòd sit est contra ipsum: quia aliàs (primò) omnis contemplatio erit oratio media, (secundò) Quia iam contemplatio omnis spectabit, & non spectabit ad primam operationem. Spectabit quidem, quia sic opinatur author ille. Non spectabit: quia affirmatio, & negatio ad primam operationem non spectant. Quòd non sit: non facile suadebit. Quandoquidem qui Deum contempletur, vel contempletur ipsum sub aliqua perfectione ab ipso conceptibili, vel contempletur eum, ut superiorem cuicumque perfectioni ab ipso imaginabili: nec hic facile est medium aliud quod invenire. Vnde cum primus ille modus sit affirmativus, & negativus secundus non potest non ad aliquem ex illis pertinere contemplatio, quam primæ operationis prolem facit. Sed aerem verbero, & litus aro.

Ad rem ergo devenientes respondetur ad factum argument. Concesso antec. negando conseq. Itaque contemplatio per affirmationem, & negationem est propriè, ac rigoroſè contemplatio; sed non est actus iudicii enuntiativi, sed alterius iudicii actus est. Cuius ratio est clara: Quia qui de Deo affirmat aliquam perfectionem; vel negat, aliquem discursum, ut minis virtutalem, habuit prius. Qui enim ex cognitione alicuius perfectionis creaturæ assurgit ad contemplandum perfectionem creatoris, hoc discursu dirigitur

*Omnis perfectio, quæ est in Creatore, est infinite perfectior, quàm in creatura: sed hæc perfectio quàm in hac creatura admiror, est in Creatore: ergo est infinite perfectior.* Et hanc perfectionem, quam per hunc discursum invenit, affirmatque de Deo, contemplatur. Taliter tamen, quòd nec discursus, nec affirmatio est contemplatio: sed actus ad affirmationem, & negationem subsecutus. Nec talis contemplatio dicitur affirmatio, sed dicitur contemplatio per affirmationem: quia per affirmationem habetur. Quod adhuc clariùs cernitur in contemplatione per negationem: illam enim præcedit hic discursus: *Dens est supra omne id, quod ego cognoscere possum: ergo omne id, quod cognoscere possum, non est Dens.* Et ex hac negatione, qua utitur sic procedens, dicitur contemplatio hæc negativa. Non quia ipsa negatio contemplatio sit. Contemplatio quippe actus positivus est, terminaturque, dum sic procedit, ad id, quod non posse in suam mentem cadere, percipit. Et ab hoc modo, quem habet: dicitur negativa, seu per negationem, quod sexcentis exemplis confirmari poterat earum rerum, quæ à modo, quo habentur, denominantur. Res enim, quæ per generationem habet esse, dicitur genita, & quæ per creationem dicitur creata: quin hæc sit creatio ipsa, nec illa in generatione, per quam habetur consistat.

98. Arg. 3. contra 2. conclus. ex Epistola ad Rom. cap. 1. v. 20. vbi dicitur: *Invisibilia enim ipsius (Dei) à creatura mundi per ea, quæ facta sunt, intellecta conspiciuntur.* Quibus verbis edocemur, vti unanimiter docent P.P. ac Theologi, quòd per discursum à creatura in Creatorem Creatoris invisibilia contemplamur. De quo videri potest Mystic. N. Doct. loco citato à Cant. 4. vsque ad 7. vbi hoc clarissimè docet: ergo contemplatio est actus discursus.

Conf. hæc ratio: Quia omnes Mystæ dividunt contemplationem per tres illos motus rectum, obliquum, & circularem: sed hi motus planè sunt 2c.

aus discursus: ergo & contemplatio.

Hoc argumentum simile est præcedenti, similique modo enodandum. Etenim à creatura procedit anima ad Creatoris cognitionem. Verùm processus ille non est contemplatio, sed meditatio: media qua meditatione ascendit anima ad contemplationem Dei. Vnde motus illi, qui in confirmatione recensentur, præter circularem, sunt actus discursus, quibus anima vel à creatura ascendit ad Creatorem, vel ab hoc descendit ad creaturam, vt iterum regrediatur ad Creatorem. Non tamen sunt contemplatio formalis: sed contemplatio formalis quaeritur per illos motus, seu meditationes. A quibus denominantur contemplationes subsecutæ, vt in simili num. præcedenti dicebamus. Cum his tamen motibus numerandus non est circularis: quia hic est *ipsa simplex Dei contemplatio*, vt loquitur Caietan. 2. 2. q. 180. art. 6. vbi videndus est D. Thom. pro perfecta intelligentia horum motuum. Nobis enim non licet plenum articulum describere: sed nec potuimus lectorem ad illum non remittere, vt videat quidquid pro re præsentè desiderare valet.

99. Arg. 4. Idèò contemplatio non esset actus discursus, quia hieest motus: illa autem quies in termino: sed hæc ratio est nulla: ergo &c. Maior, seu sequela constat ex omnibus, quæ dicta sunt. Min. autem probatur: Quia *operatio intellectus, in qua contemplatio essentialiter consistit, motus dicitur*, ait D. Thom. modo citatus: ergo ratio excludens contemplationem à discursus quia hic habet rationè motus, nulla est.

Confirmatur: Quia inibi ad 1. ait Doct. Ang. *Quòd motus corporales exteriores opponuntur quieti contemplationis, quæ intelligitur esse ab exterioribus occupationibus: sed motus intelligentium operationum ad ipsam quietem contemplationis pertinent.* Quid clariùs? Tunc sic: sed discursus non est motus corporalis exterior: sed motus intelligentium operationum: ergo contemplatio est actus discursus.

Respond. argum. disting. maiori:

Xx 2

remj

rem : *Quia est motus* secundum illam rationem generalem, qua omnis mutatio, etiam prorsus à materia independentens, dicitur motus : neg. anteced. *Quia est motus* ex speciali motivo, videlicet : quia tendit ad veritatem inveniendam ; concedo anteced. Solutio ex dictis patet, consistitque in eo, quòd actus perfecti dicitur motus dupliciter. Primò ob generalem rationem omnem actum perfecti comprehendentem : Et prout sic ipsa contemplatio dicitur motus. Volitiones, & intellectiones Angelorum dicuntur motus : Immo D. Tho. 1. p. q. 9. art. 1. ad t. ipsas divinas intellectiones, & volitiones appellavit motus. Quocirca discursus non excluditur à ratione contemplationis, quia hoc modo dicatur motus. Excluditur tamen, quia est motus destinatus ad inquirendam veritatem : quod contemplatio ipsa non habet, cum veritatem præsentem intueatur.

Ad conf. respond. Doctrinam illam D. Thom. dirigi ad ostendendum contemplationem compatibilem non esse cum solitudine, & adhesionem ad res visibiles, à quibus segregari debet, qui contemplari desiderat. Motus autem intellectuales, ut sunt iudicia, & discursus ad ipsam quietem contemplationis pertinent, non quia contemplatio sint, sed quia ijs medijs, invenitur veritas contemplanda, ut dictum est.

100. Ultimò arg. Quia ut constat ex dictis num. 95. discursus est motus intellectualis, in quo ex cognitione unius noti devenitur in cognitionem alterius prius ignoti, per discursum tamen noti : ergo cognitio discursiva attingit veritatem, quæ est obiectum contemplationis, non ut absentem, sed ut præsentem, & iam inventam : ergo talis cognitio discursiva est contemplatio. Anteced. patet ex ijs, quæ citato num. dicta sunt. Et inde constat 1. consequent. quia discursus verè est, qui invenit veritatem : unde illam ut præsentem intuetur. Et ex his probatur 2. consequent. Quia illa cognitio terminatur ad veritatem præsentem, ut est præsens, & ut est formaliter veritas : ergo est forma-

liter contemplatio. Antec. ed. est certum : Quia cognitio illa sine inquietudine discursus respicit veritatem inventam, quam perfectè cognoscit ad distinctionem simplicis apprehensionis. Et consequent. probatur : Quia nihil aliud requiritur ad contemplationem formaliter talè, ut ex omnibus dictis notum est.

Respond. subtili Caietani loco citato doctrina : Aut enim quòd contemplatio simplicis quidditatis sit in termino discursus absque discursu aliquo. Sicutque omnis veritas discursu inventa contemplatur in termino discursus absque discursu aliquo. Quibus addè id, quod supra diximus, videlicet, iudicium, prout ambit omnia munera §. t. dicta, & discursum non esse operationes substantialiter differentes sed solùm quoad munera diversas. Vnde cum munus proprium iudicij inquisitivi, & discursus sit querere veritatem, hac inventa, cessat discursus, & incipit alius actus. Nec hic actus, qui in termino discursus incipit, contemplatur illam veritatem ibi, ubi illam, ut sic dicamus, invenit : sed regreditur ad principia, ex quibus deducta est, ut illam in ipsis principijs contemplatur : ex quo apparet, quod non est discursus, qui veritatem contemplatur. Iterum audiendus est D. Thom. num. 69. *judatus. Nec rationis discursus ad aliquid certum perveniret, nisi fieret examinatio eius, quod per discursum invenitur ad principia prima, in quæ resolvit, ut sic intellectus inveniat rationis principium quantum ad viam inveniendi ; terminus verò quantum ad viam iudicandi.* Nec aliter motus hic intellectualis circularis foret.

Vnde ad argument. in forma respondetur disting. primum consequens : *attingit veritatem*, ut deductam ex alio, transeat ; ut resolutam ad illud aliud, ex quo deducta est. Neg. consequent. Et similiter secunda consequentia absolute negetur : Quia, ut verum foret illud consequens, debebat cognitio illa discursiva attingere illam veritatem, ut examinatam in principio, in quod resolutio fit. Per quod patet ad alia, quæ in eodem argumento dicuntur.

QVÆS.

## QUÆSTIO SEPTIMA.

*Vtrum contemplatio divina sit actus iudicij discretivi?*

**I**udicio credulitatis ad sequentem disputationem remisso, vt num. 90. præmonuimus, & etiam pluribus, quæ ad iudicium discretivum spectant, ad eandem futuram disputationem remisissis: ea de hoc solummodò disputabimus, quæ sine iniuria præsentis disputationis a nobis prætermitti non possent. Quid autem sit iudicium discretivum constat ex dictis à num. 88.

§. I. *Duplex assertum dirimit controversiam.*

101. **S**It 1. conclusio: *Contemplatio divina, quæ est propriissima Theologia mystica, non est actus iudicij discretivi.* Sic D. Thom. mox laudandus. Sicque omnes sentire reor, quamquam sub his terminis non loquantur. Probatur ergo 1. conclus. hac ratione. Contemplatio, quæ est propriè Theologia mystica est actus doni sapientiæ: ergo non est actus iudicij discretivi. Anteced. est apud omnes mysticos certum: omnes enim faciunt Theologiam mysticam actum illius superni, ac nobilissimi doni, vt postea videbimus. Et inde probatur consequentia. Iudicium discretivum est actus doni intellectus, vt constat ex dictis num. 88. ergo ad ipsum non attinet contemplatio, quæ est actus proprius alterius habitus omnino à dono intellectus distincti, qualis est donum sapientiæ: ergo cum contemplatio, quæ est Theologia mystica, sit actus proprius doni sapientiæ, non potest spectare ad iudicium discretivum.

102. Probat. 2. conclus. ratione fundamentali de prompta ex D. Thom. 2. 2. q. 8. art. 1. quam sub hac forma proponimus. Iudicium discretivum est id, à quo incipit motus scientificus

ergo ad ipsum non spectat contemplatio, quæ est propriè Theologia mystica. Consequentia bona est, quia contemplatio, quæ est propriè Theologia mystica, est propriè scientia, vt diximus tomo 1. disp. 1. q. 7. & scientia non habetur in principio scientifici motus, sed in termino. Aliàs discursus superfluus foret. Et generaliter (vt sic scientiam, quæ per discursum non habetur, qualis est mystica infusa, comprehendamus) superflua foret cognitio per causas, seu rationes à priori: si ab exordio motus intellectualis haberetur cognitio eorum, quæ per tales causas scitur. Anteced. autem probatur sic: Iudicium discretivum, vt dictum est, est actus doni intellectus: sed donum intellectus versatur circa ea, à quorum cognitione incipit motus scientificus: ergo. Minor est D. Thom. art. citato per totum; ex ijs tamen, quæ ad 2. dicit, probatur ipsa minor. *Quia ita se habet lumen superadditum* (hoc est donum intellectus) *ad ea, quæ nobis supernaturaliter innotescunt, sicut se habet lumen naturale ad ea, quæ primordialiter cognoscimus*, verba sunt Ang. Doct. sed lumen naturale, nempe habitus principiorum, non versatur circa ea, quæ cognoscuntur per causas; sed circa ea, à quibus incipit scientificus motus: ergo similiter.

103. Confirmatur hæc ratio: Donum intellectus præbatur homini, vt attingat ea, quæ cognosceret per habitum principiorum, si esset capax cognoscendi res omnino supernaturales: sed si habitus principiorum hac capacitate fulgeret, non eliceret actum scientificum; sed actum, qui ad scientificum præsupponitur: ergo donum intellectus non elicit contemplationem scientificam. Conseq. bona est. Et maior est D. Thom. citati dicentis in fine corporis: *Lumen autem naturale nostri intellectu*

lectus est finitæ virtutis: unde usque ad terminatum aliquid pertingere potest. Indiget ergo homo supernaturali lumine, ut viterius penetret ad cognoscendum quædam, quæ per lumen naturale cognoscere non valet. Et illud lumen supernaturalis homini datum, vocatur donum intellectus. Minor autem propositi syllogismi probatur sic: si illa virtute fulgeret habitus principiorum, attingeret intra ordinem supernaturalem ea solū, quæ modò attingit intra lineam naturalem: sed modò intra lineam naturalem non attingit veritates per causas, nec eius actus scientificus est, sed præsupponitur ad illum: ergo.

104. Secunda conclusio: *Contemplatio, quæ non procedit per causas est actus iudicii discretivi.* Hæc assertio est D. Thom. quem omnes mystici sequuntur. Probaturque sic breviter ratione ex D. Thom. citata q. 8. art. 7. quæ ad hanc brevem formam reducit. Actus proprius doni intellectus est perfectissima contemplatio: sed, ut dictum est, iudicium discretivum est actus doni intellectus: ergo iudicium hoc est contemplatio perfectissima. Maior, in qua poterat esse difficultas, probatur. Dei visio, sive perfecta in patria, sive inchoata in via, est perfectissima contemplatio: sed visio Dei, sive perfecta in patria, sive inchoata in via, est actus proprius doni intellectus: ergo. De bonitate consequent, sicut nec de veritate maioris dubitandum non est. Min. autem est expressa D. Thom. dicentis: *Duplex est Dei visio, una quidem perfecta, per quam videtur Dei essentia. Alia verò imperfecta: per quam & si non videamus de Deo quid est, videmus tamen quid non est: & tanto in hac vita Deum perfectius cognoscimus, quanto magis intelligimus, cum excedere quidquid intellectu comprehenditur. Et utraque Dei visio pertinet ad donum intellectus. Prima quidem ad donum intellectus consummatum, secundum quod erit in patria: secunda verò ad donum intellectus inchoatum, secundum quod habetur in via.*

105. Confirmat. 1. Iudicium dis-

cretivum in linea naturali est perfecta contemplatio: ergo & iudicium discretivum supernaturale. Consequentiam suadet paritas, & anteced. probatur. Iudicium discretivum naturale est actus habitus principiorum, qui intellectus dicitur: sed actus huius habitus est perfecta contemplatio: ergo. Min. constat. Quia talis actus est simplicissima, & profundissima cognitio veritatis, quæ est principium immediatum, ex quæ mediata veritates deducuntur. Unde nihil desideratur, quo minus perfectissima contemplatio sit. Non quæ per causas procedat: sed quæ principia respiciat.

106. Confirmat. 2. In linea naturali, ultra contemplationem, quæ est per causas supremas, & infimas, datur contemplatio, quæ terminatur ad veritates immediatas, discretivè de illis iudicans: ergo in linea supernaturali, ultra contemplationem, quæ est per altissimas, & infimas causas, estque propria donorum sapientiæ, & scientiæ, datur contemplatio, quæ discretivè iudicat de veritate. Conseq. ex paritate patet. Et anteced. constat. Nam ultra contemplationem, quæ est actus virtutis intellectualium sapientiæ, & scientiæ in linea naturali datur in eadem linea actus alterius virtutis intellectualis, quæ dicitur intellectus, & talis actus est perfectissima contemplatio, ut dictum est. Unde hoc potiori titulo concedi debet in linea supernaturali ob sui perfectiorem.

## §. II. Propono, solvoque argumenta contra utramque conclusionem.

107. **C**ontra 1. conclusionem plura opponi possunt: sed quæ hic supponi debent nè speciebus peregrinis implicemur. Unde ijs dilectis: contra ipsam primam conclusionem arg. 1. Iudicium discretivum penetrat perfectissimè veritatem, quam cognoscit: ergo cognoscit illam per causam, vel per effectum. Anteced. est cer-



certum, & conseq. probatur: Quia cognitio, quæ non est per causam, vel per effectum, est cognitio superficialis: ergo cognitio iudicij discretivi, quæ adeo penetrativa est, est per causam, vel per effectum.

Si dicas: Cognitionem iudicij credulitatis esse certissimam, & tamen non est per causas; si fides enim per causas, vel effectus non assentit, sed propter autoritatem revelantis: ergo non est verum, quod cognitio, quæ non est per causas, vel effectus, sit superficialis.

Contra est 1. Quod fides innitur testimonio divino, à quo certitudinem mutuatur, vel ipsam maximam certitudinem evidentie scientiarum naturalium superantem: iudicium autem discretivum non innitur huic divino testimonio; alias enim foret iudicium credulitatis, seu actus fidei: ergo ut iudicium discretivum adeo profundè veritatem penetret, debet esse per causas, vel effectus eius.

Contra 2. Quia iudicium credulitatis, tametsi illa firmitate fulgeat, relinquit subsiectum cum fluctuatione illa, quam diximus num. 85. & huius fluctuationis origo provenit ex eo, quod cognitio fidei non est per causas: sed iudicium discretivum auferit istam fluctuationem, ut diximus: ergo est cognitio per causas.

Respond. argum. concesso anteced. negando conseq. Ad probation. disting. anteced. *Cognitio &c.* si ad illam spectet procedere modo analytico, & resolutivo: Concedo. Si hoc sit extraneum naturæ illius cognitionis, neg. anteced. Est dicere: Quod si ad iudicium discretivum attinere procedere resolutivè; tunc imperfectè cognosceret; si solum cognosceret discretivè. Ad lineam iudicij discretivi nullatenus spectat modus ille analyticè procedendi. Vnde licet illud relate ad iudicium resolutivum, non sit adeo perfectum; in se tamen perfectissimum est. Quod duplici exemplo comprobatur: Primum est habitus principiorum, cuius actus est iudicium discretivum naturale, estque actus perfectissimus, tametsi per cau-

sas, aut effectus non procedat; sed solum ex penetratione terminorum. Quo circa licet sit minus perfectum, quam iudicium sapientiæ: in se tamen perfectissimum est. Idem dicimus de iudicio discretivo supernaturali. Et ad hoc dicendum adeit motivum vrgētissimum quod supra dedimus, videlicet, quod habitus principiorum versatur circa principia, non circa ea, quæ inde derivantur: vnde totum suum munus est ex penetratione terminorum iudicium de veritatibus ferre. Sic ergo iudicium discretivum supernaturale, auctore D. Thom. citata q. 8. art. 6. ad 2. *Est circa prima principia cognitionis gratiæ*: eoque totum suum munus consistit in hoc, quod penetret terminos, ex quibus propositiones, quæ sunt principia cognitionis gratiæ componuntur.

Secundum exemplum est fidei; cuius iudicium perfectissimum est; quamquam ex causis, vel effectibus non procedat. Et hoc, quia ad illam sic procedere non spectat. Vnde solutionem inter arguendum datam approbamus: Ad 1. impugnationem, quatenus datæ doctrinæ ob esse potest, supposita superioritate fidei Theologicæ supra omnia Spiritus Sancti dona, respondetur: quod si fides innitur testimonio Dei dicentis, donum intellectus ducitur; motione Spiritus Sancti specialissimè; & efficacissimè moventis. Vnde si Deus illa sua speciali locutione refundit tam insignem certitudinem: nihil mirum, quod donum intellectus, quod procedit ex illa motione speciali ipsius Dei ad penetrationem veritatis, illam penetret perfectissimè; quin per causas, aut per effectus procedat.

Ad 2. impugnationem respondetur: Quod, ut supra diximus, fides ex ea parte, qua est de non apparentibus, patitur illam fluctuationem. Et verum est, quod si fides analyticè procederet, illam secum fluctuationem non pateretur. Quam, etiam verum est, secum non permittere iudicium discretivum. Ratio huius ea est: Quod inter iudicium credulitatis permittens illam fluctuationem, & iudicium analyticum illam

non permittens, mediat iudicium discretivum, quod cum analytico convenit in eo, quod illam fluctuationem eliminat. Vnde falsa est causalis illa maioris, videlicet, quod origo huius fluctuationis est, quia fides non procedit per causas. Hæc enim causalis falsa est: Quia origo illa est, quod fides est de obiecto obscuro, & inevidenti. Quod non habet, non solum iudicium resolutivum, sed nec discretivum, [vt ex supra dictis constat.

108. Dices: Iudicium discretivum etiam attingit obiectum obscurum: ergo non potest auferre illam fluctuationem; vel illam secum non patitur iudicium credulitatis. *Respond.* disting. anteced. *obscurum* obscuritate positiva, & intinseca, transeat: obscuritate extrinseca, & negativa, nego anteced. Iudicium discretivum attingit obiectum evidentia extrinseca, & negativa; quatenus licet non cognoscat, quid est; cognoscit tamen quid non est. Et hoc fat est, vt illam secum fluctuationem non patiatur, licet per causas non procedat.

109. Replicabis: Non est intelligibile, quid hæc evidentia extrinseca, & negativa conducatur ad perfectionem iudicii discretivi supernaturalis; aut quomodo cum hac solum evidentia negativa, quam dicit, possit esse cognitio adeo perfecta. *Respondetur:* prænotando ex D. Thom. dicta q. 8. art. 2. quod inter obiecta fidei alia cadunt per se, & directe sub fide, vt quod Deus sit Trinus, quod carnem pro mundi salute assumpserit &c. alia verò cadunt sub fide, quatenus ad illa prima ordinantur sicque sub fide cadunt, quæ in divina Scriptura cōtinentur. Iterum scire debes: Quod cognitionum alie sunt absolute perfectæ; alie verò licet absolute perfectæ non sint, sunt tamen perfectæ relatè ad statum, in quo habentur. Hinc ergo:

Dicimus: Quod iudicium discretivum, quod, vt supponimus, fide regulatur, cognoscit perfectè cognitione absolute perfectæ plura ex ijs, quæ secundo modo ad fidem spectant. Et ideo

cognitio perfecta sensus Sacræ Scripturæ pertinet ad iudicium hoc, quare Lucæ cap. 24. dicitur, Dominum aperuisse discipulis sensum, *vt intelligerent scripturas.* Et conatus ad horum perfectam intelligentiam, & quantum cum exilij miseria compatiatur, omnium eorum, quæ sub fide cadunt, huius nobilissimi iudicii actus est. Quo circa Angelo dixit Angelorum Dominus: *Quomodo fiet istud, quoniam virum non cognosco?* Quod non interrogavit, quia de auditis dubitasset, firmissima enim fide vera esse, credebat. Sed quia donum intellectus, supposito assensu à fide præstito ob revelantis testimonium, intima dictorum satagebat penetrare, & illa, quantum in via permittitur, comprehendere. *Ea verò*, quæ primariò cadunt sub fide, non possunt in via per iudicium discretivum sciri cognitione absolute perfecta: possunt tamen cognosci cognitione perfecta relatè ad viæ statum: in quo habetur cognitio illa. Et hæc cognitio est illa extrinseca, ac negativè evidens, de qua multoties diximus. Quamque tradit Div. Thom. citatus dicens: *Alio modo contingit aliquid intelligi imperfectè, quando scilicet ipsa essentia rei, vel veritas propositionis non cognoscitur, quid sit, aut quomodo sit: sed tamen cognoscitur, quod ea, quæ exterius apparent, veritati non contrariantur, in quantum scilicet homo intelligit, quod propter ea, quæ exterius apparent, non est recedendum ab his, quæ sunt fidei.* Hoc est, quod facit iudicium discretivum supernaturale: & hoc eius nobilitatem ostendit. Quia licet hæc cognitio absolute imperfecta sit, tamen pro hoc statu est nobilissima.

110. Instas: Vtriusque credibilis; primarij, ac secundarij cognitio tradita non est propria iudicii discretivi, sed sine illo dari potest: ergo si cognitio propria huius iudicii est adeo excellens, erit utique alia, quæ scilicet per causas procedat. Conseq. sequitur, & anteced. facile probatur. Quia, si loquamur de credibili secundario, Theologus perfectè callere potest sensus Scripturæ Sacræ, & siue sit, siue non sit in gratia, atque

que adeo etiam si non possit habere iudicium discretivum supernaturale, quod sanè in peccatoribus non datur, ut docet D. Thom. art. 5. similiterque Theologus, & si in peccato sit, cognoscit per suam Theologiam, & per fidem, ex qua illa Theologia procedit, Deum, qui est primum credibile, non esse intelligendum modo, quo à phantasmatibus repræsentatur, nec cum erroribus hæreticæ perversitatis. Et ut unico verbo plura comprehendam: omnia, quæ dicimus fieri à iudicio discretivo supernaturali, faciunt in Theologo peccatore Theologia, & fides: Immo & fides sine Theologia facit ipsum in fideli non Theologo, qui, fide ductrice, scit, quod propter ea, quæ exterius apparent, non est recedendum ab his, quæ sunt fidei. Ut ait D. Thom. qui clariùs loquitur art. 4. ad 2.

Respondetur; Evidentiam illam negativam ostendentem res divinas non esse capiendas ad instar rerum sensibilium, aut errorum hæreticæ perversitatis; tripliciter haberi posse. Primò ex proprio studio, ac industria. Secundò propter testimonium Dei revelantis. Tertio denique ex instinctu speciali Spiritus Sancti res illas divinas penetrare faciente. Primo modo invenitur evidentia illa negativa in Theologo. Secundo modo invenitur in fideli: nec illa evidentia provenit à iudicio discretivo supernaturali. Vnde sine illo dari fatemur. Tertio verò modo est illa evidentia adeò propria iudicii discretivi supernaturalis, ut sine illo repugnet. Et de evidentia negativa hoc tertio modo accepta locuti fuimus. Consequenterque sine recursum ad cognitionem per causas habet iudicium discretivum suam sibi prorsus propriam cognitionem perfectissimam perfectione huius status.

III. Non quiescis: Quia in peccatore abominabili interdum invenitur illa evidentia negativa ex instinctu speciali Spiritus Sancti res, quas inspirat, penetrare faciente: ergo hæc evidentia non est propria iudicii discretivi supernaturalis. Probas antecedens;

A SPIRITU SANCTO,

Quia Caiphas iniquissimus cum esset, ex speciali instinctu Spiritus Sancti cognovit expediens esse Christum mori, ne tota gens periret, quod in alijs visum est: ergo.

Respondetur verum esse, Cai-  
pham prophetaſſe, dicitur enim Joan.  
cap. 11. sic: *Vnus autem ex ipsis Cai-  
phas nomine: cum esset Pontifex anni  
illius, dixit eis, vos nescitis quicquam,  
nec cogitatis, quia expedit vobis, ut vnus  
moriatur pro populo, & non tota gens  
pereat: Hoc autem à se metipso non di-  
xit: sed cum esset Pontifex anni illius  
prophetauit.* In operibus Div. Thom.  
occurrit quater hic textus, videlicet  
super citatum caput Joannis lect. 7. &  
in ad Corinth. cap. 12. & in 4. dist. 19.  
in vltima expositione textus. Et tan-  
dem quodlib. 9. art. 16. in corp: tan-  
bus si addamus, quæ ipse Doct. Sanct.  
locutus de prophetia in communi ait  
2. 2. q. 172. & de verit. q. 12. art. 5:  
habebimus plura, quibus factam ins-  
tantiam enodemus.

Respondetur ergo 1. Cai-  
pham utique prophetaſſe, ad quod ad fuit  
specialis instinctus Spiritus Sancti, non  
tamen datus personæ, sed eius officio.  
Sic ait D. Thom. quodlib. citato, & su-  
per Joan. & constat ex ijs verbis textus:  
*Cum esset Pontifex anni illius prophe-  
tauit.* Nos autem loquimur de instin-  
ctu præſtito personæ, non officio, &  
hoc ratione alicuius habitus, qui est  
donum intellectus, petentis motionem  
illam Spiritus Sancti. Ex quo Respondet.  
2. Cai-  
pham prophetaſſe, sed non fuisse  
Prophetam; quia illa motio Spiritus  
Sancti, quæ ibi adfuit, non fuit petita  
ab aliquo habitu in ipso existente; cum  
potius eius habitus tali motioni oppo-  
nerentur. Nec ex aliquo actu prophe-  
tandi potest quis propheta dici, sicut  
nec iustus dicitur ex aliquo bono opere;  
quod faciat, ait D. Thom. loco citato  
ex sententiaris. Respondetur 3. Pro-  
phetaſſe, sed non fuisse Prophetam: quia  
nullam cognitionem habuit eorum;  
quæ dixit, quæ potius ad pravam suam  
intentum dirigebat. Propheta autem,  
ait D. Thom. loco citato ex 2. 2. & de  
verit.

Yy

verit.

verit. aliqua ad minus cognoscit ex ijs, quæ dixit. Et nos loquimur de instinctu Spiritus Sancti faciente penetrare veritates, ad quarum cognitionem datur.

Respond. 4. Quod & si Propheta fuisset, non infertur ex hoc, quod fuisset iustus, ut probat D. Thom. locis proximè adductis. Nos verò loquimur de instinctu speciali Spiritus Sancti iustis solummodo præfinito. Quia donum intellectus, ut docet Ang. Doct. eadem 2. 2. q. 8. art. 5. solum datur in habentibus gratiam. Respondetur 5. Quod licet iustus fuisset; instinctus ille nullatenus illi erat debitus, quia nemini debetur Prophetia, dicente D. Paulo: *Nunquid omnes Prophetæ?* Instinctus autem, de quo loquimur, debetur omnibus iustis, quantum ad ea, quæ sunt de necessitate salutis, ut probat D. Th. dicta q. 8. art. 4.

Respondetur tandem, & præcipuè, nos loqui de instinctu speciali Spiritus Sancti regulante iudicium discretivum, quod procedit ex connaturalitate quadam, & mystica vnione, ac gustu ad veritates ipsas, quas penetrat, & discernit. Quæ in malevolis repugnant: siquidem in malevola animam non introibit sapientia, hæc mystica. Immo nec dantur in iusto operante ex studio, vel ex fide, & non ex dono. His omnibus non adhuc prorsus evacuata est via propositi argumenti. Illam tamen evacuabimus disputatione sequenti.

112. Arg. 2. contra 2. conclus. Iudicium discretivum spectat ad simplicem apprehensionem: ergo non est contemplatio. Conseq. constat ex dictis tota quæst. 5. & anteced. Prob. Actus doni intellectus spectat ad simplicem apprehensionem: ergo iudicium discretivum, cum sit actus doni intellectus, ad simplicem apprehensionem spectat. Prob. anteced. ex D. Thom. 1. 2. q. 68. art. 4. vbi clarissimè ait: *Pertinere ad donum intellectus apprehensionem veritatis, quæ pertinet ad inventionem in parte speculativa.* Et hæc ipsam doctrinam pluries repetit Doct. Sanct. in diversis locis.

Contemplationem in frigida sede simplicis apprehensionis collocan-

tes duplici motivo ducuntur. Primum est, verbū illud *simplex*, quod est in definitione contemplationis, ob quod si liam eam faciunt operationis nomen habentis idem: ac si ab illa matre nomen sortita fuisset. Hoc iam suprà explosum est. Secundum motivum, illudque aiant gravissimum, est data Div. Thom. autoritas. Eorum tamen cognitio procedit ex falsa apprehensione, quam habere videntur de operationibus intellectus speculativi, quæ, nè decipiaris & ipse, scias breviter: dictas operationes ita ordinatas esse, ut vltima habeat id, quod duæ anteriores habent, & addit aliquid. Secunda habet id, quod prima, cum additione tamen. Vnde discursus verè iudicat, & addit hoc, quod est discurrere. Siquidem discursus iudicando, seu iudicat discurrendo. Iudicium verè apprehendit veritatem; sed non tantò iudicat, sicut prima operatio, sed de ipsa veritate, quam apprehendit, iudicat, discernitque. Quocirca simplex apprehensio nihil aliud facit, nisi apprehendere veritatem. Iudicium autem sub formalitate iudicij, non discursit: iudicat tamen, & apprehendit. Discursus denique apprehendit, & iudicat, & discursit. Vnde

Respond. ad argument. neg. duo antecedentia. Ad autoritatem D. Thom. dicimus: Sanct. Doct. dixisse ad donum intellectus spectare apprehensionem veritatis; quia reverà illam iudicando, ac discernendo apprehendit. Vnde ex hac autoritate nihil contra nos habetur. Et sanè cum Div. Thom. loquatur de apprehensione veritatis, quæ pertinet ad inventionem planè ostendit, se loqui de apprehensione, quæ fit per iudicium. Tum quia simplex apprehensio non respicit veritatem formaliter talem, ut suprà diximus. Tum quia veritas non invenitur per simplicem apprehensionem, sed per iudicium, & discretionem vnus ab alio. Nec ad hoc suadendum necessarium duximus Doct. Angelici autoritates, quibus præfens punctum abundat, afferre, cum in re summè clara simus. Recole, & hæc

suf.

sufficiat, quam suprà dedimus num. 102. & 103. vbi Sanct. Doct. ait donum intellectus facere in linea supernaturali, quod in naturali habitus principiorum, qui absdubio non simplici apprehensione cognoscit, sed perfectè iudicat, discernitque circa veritates, quas inspicit.

113. Dices: Et quid dicemus ad id, quod D. Thom. docet in 3. d. 35. q. 2. art. 2. quæstiunc. 3. per hæc verba: *Intellectus videtur nominare simplicem apprehensionem, sed sapientia nominat quamdam plenitudinem certitudinis ad iudicandum de apprehensis*? Hic enim non solum nominat intellectum simplicem apprehensionem; sed illum contradistinguit à sapientia, quia hæc iudicat de apprehensis.

Sed facilè respondetur: Veritatem cognosci per simplicem apprehensionem, & per quamdam plenitudinem certitudinis, per quam iudicatur de apprehensis. Inter quos cognoscendi mo-

dos mediat cognitio iudicij discretivi; quæ est de veritate formaliter vtali, & non dicit *plenitudinem certitudinis ad iudicandum de apprehensis*. Quandoquidem hanc certitudinem non dicit; nisi iudicium illud, quod fuerit per causas, & ex causis: hoc enim iudicium causat *plenitudinem certitudinis*. Iudicium autem discretivum, quamquam verè iudicium sit, illam *plenitudinem certitudinis* non causat, cum non procedat ex causis, & per causas. Quocirca comparato cum iudicio resolutivo videtur apprehensio: & sub hac comparatione locutus est D. Thom. qui non dixit: *Intellectus nominat simplicem apprehensionem*; sed *videtur nominare*. De iudicio autem sapientiæ non dixit: *Videtur nominare*, sed *nominat*; quia videlicet sapientia est verè iudicium, & eius actus procedendi hoc *nominat*. Intellectus autem licet absolute sit verè iudicium, collatus tamen cum sapientiâ *videtur* apprehensio.

## QUÆSTIO OCTAVA.

*Vtrum Divina contemplatio sit actus iudicij resolativi?*

**H**Æc est præcipua difficultas huius gravissimæ disputationis, sed quam breviter absolvemus. Tum quia plura, quæ ad ipsam spectant, ad sequentem disputationem reservari indispensabiliter debent. Tum quia ex dictis in q. q. præcedentibus ferè omnia, quæ in hac dici possunt, nota sunt. De contemplatione, quæ est actus intellectus doni locuti sumus quæstione antecedenti: modò autem loquimur de omni alia contemplatione divina sive infusa sit, sive acquisita.

**§. I. Pars affirmativa proponitur, ac probatur.**

114. **S**i nostra conclusio: *Divina contemplatio est actus iudicij resolativi*. Assertio hæc est omnium scè Mysticorum, quamvis sub his terminis non loquantur. Probatur ergo

conclusio 1. hoc discursu: Etenim contemplatio divina, quæ est per causas, & ex causis est actus intellectus speculativi: at non est actus simplicis apprehensionis, aut iudicij inquisitivi, credulitatis, aut discretivi: ergo est actus iudicij resolativi: Consequentia constat à sufficienti partium enumeratione; non enim datur alius actus intellectus speculativi. Maior autem est certa: Quia contemplatio, de qua hic loquimur, est actus illius intellectus, qui est principium omnis contemplationis, quem esse intellectum speculativum, constat ex tota quæstione 5. Minor autem quoad 1. partem probata à nobis est tota q. 6. quoad alias patet ex q. q. sequentibus. Vnde relinquitur, quod si actus iudicij resolativi

115. Probat. 2. conclusio: Contemplatio, quæ non est ex iudicio discretivo est actus sapientiæ, & scientiæ: ergo est actus iudicij resolativi, Patet

ita: Quia iudicium resolutivum est proprius actus sapientiae, & scientiae, utpote quæ procedunt per causas, & ex causis. Anteced. autem probat. 1. ex D. Thom. qui in 3. dist. 35. q. 1. art. 1. ad 1. ait: *Fides est cognitio simplex articularum, quæ sunt principia totius humane sapientiae. Procedit enim sapientia donum secundum Deiformem contemplationem, & quodammodo explicitam articularum, quæ fides sub quodammodo involuto tenet secundum humanum modum.* Vbi clarissimè divinam contemplationem, actum esse doni sapientiae adstruit. Quod etiam dicit de dono scientiae pluribus in locis: cum illa tamen differentia, quòd contemplatio, quæ est propria doni sapientiae, est quæ procedit per causas altissimas; contemplatio verò doni scientiae procedit per causas inferiores, & creatas. In hoc discriminantur sapientiae, & scientiae dona: conveniunt tamen in eo, quòd per causas, & ex causis contemplantur. Videatur idem Ang. Doct. 2. 2. q. 9. ubi & speciatim art. 2. contemplationem esse actum huius utriusque doni, cum discrimine tamen assignato, docet.

Probatur 2. idem anteced. ex D. Augustin. lib. 13. de Trinit. cap. 19. dicente: *Sapientia divinis, & æternis, scientia humanis, & temporalibus attributa est rebus.* Et lib. 14. cap. 1. ait: *Secundum distinctionem, qua dixit Apostolus, alij datur sermo sapientiae, alij sermo scientiae ista definitio dividenda est, ut rerum divinarum scientia proprie sapientia nuncupetur, humanarum autem scientiae nomen obtineat.*

Probatur 3. idem anteced. Quia id ipsum faciunt in linea supernaturali, & infusa donum sapientiae, & scientiae, quod in linea naturali faciunt sapientia, & scientia, quæ sunt virtutes intellectuales; sicut suprà de habitu principiorum, ac dono intellectus dicebamus; sed sapientia, & scientia virtutes intellectuales habent pro actu contemplationem; prima illam, quæ est per altissimas causas; secunda verò illam, quæ est per causas inferiores: ergo pari-

formiter contemplatio divina, quæ est per supremam causam est actus doni sapientiae, & quæ est per causas creatas, est actus doni scientiae.

116. Petes: Quid est procedere dicta dona per supremam, ac per inferiores causas? Respondet. ex D. Thom. locis proximè citatis, ad sapientiam spectare iudicare de omnibus. Quod iudicium dupliciter potest fieri. Primò per studium, & collationem. Secundò ex affectuosa, & mystica connaturalitate. Primum iudicium est proprium sapientiae, & scientiae virtutum intellectualium. Secundum autem est proprium sapientiae, & scientiae, quæ sunt Spiritus Sancti dona. Per hæc enim dona iudicatur de omnibus Mysticis: *Spiritalis enim omnia indicat.* ex 1. ad Corinth. cap. 2.

Utrumque autem iudicium potest fieri vel per causas, & ex causis, vel per effectus, & ex effectibus. Tunc iudicium fit per effectus, quando effectus alicuius causæ assumuntur ut medium ductivum in causæ cognitionem; atque adeò contemplatur causa ex ijs, quæ effectus ipsi menti contemplantis obtulerunt. Secundum illud: *A fructibus eorum cognoscetis eos.* Et illud Sapient. 23. *A magnitudine enim speciei, & creaturæ, cognoscibiliter potest Creator horum videri.* Tunc autem iudicium fit per causam, quando hæc est medium, quod assumitur, ut effectus cognoscatur.

Rursus: Hæc causa, quæ assumitur ad cognoscendum effectum potest esse suprema, vel infima: si causa sit inferior, iudicium, quod tunc de effectu fit, est actus scientiae, doni, vel virtutis intellectualis pro qualitate iudicii facti. Si autem causa sit suprema, iudicium factum est actus sapientiae virtutis intellectualis, vel doni. Hæc autem causa suprema est duplex: nam alia est absolute & simpliciter suprema, ut est Deus Opt. Max. & tunc iudicium est sapientiae simpliciter, & absolute talis. Alia autem est suprema in determinato genere: & tunc iudicium est sapientis in illo genere determinato.

Advertendum tamen hic maxime

niè est cum D. Thom. 2. 2. q. 1. art. 1. & q. 9. art. 2. ad 2. quòd illud iudicium resolutivum habet motivum, quòd ducitur, & obiectum, quòd contemplatur. Ad dignoscendum tamen an iudicium sit actus doni sapientiae, vel scientiae, non tam considerandum est obiectum, quàm motivum. Si namque per creatas cognoscitur Deus, iudicium non est sapientiae, sed scientiae: si verò per res divinas de creatis iudicemus, iudicium non est actus scientiae, sed sapientiae. Verba D. Thom. ex dicta q. 9. subiungit. *Cum homo per res creatas Deum cognoscit, magis videtur hoc pertinere ad scientiam, ad quam pertinet formaliter, quam ad sapientiam, ad quam pertinet materialiter. Et è converso cum secundum res divinas iudicamus de rebus creatis, magis hoc ad sapientiam, quam ad scientiam pertinet.*

Hæc autem ad praxim pro divina contemplatione applicantes, exemplum adest, quo clarissimè percipiuntur. Et enim videntes Apostoli cæcum illum, de quo Ian. cap. 9. mentio fit, interrogaverunt Dominum. *Quæ causa inter infirmos fuit, quæ illam cæcitatem causaret? Rabbi, quis peccavit hic, aut parentes eius, ut cæcus nasceretur?* Quibus Dominus respondit: *Neque hic peccavit, neque parentes eius: sed ut manifestentur opera Dei.* Huius cæcitatibus, quæ res infirma est, duplex causa potuit esse: Prima altissima, videlicet manifestatio operum Dei: secunda inferior, videlicet peccatum cæci ipsius, aut parentum eius, in cuius poenam inflicta esset. Apostoli hoc secundum iudicantes interrogare, an ipse cæcus, an parentes eius peccassent: quibus responsum est, causam illius cæcitatibus non esse inferiorem, sed altissimam. Modò ergo pro exercitio nostræ contemplationis: accedit mens ad cognoscendam illam cæcitatem, & iudicat, causam illius fuisse peccatum; vel ut minùs potuisset esse. Hoc iudicium est actus doni scientiæ. Quod extemplò assurgit ad contemplandum iustitiam, & pietatem Domini. Iustitiam in inflictione poenæ. Pietatem; quia cum potuisset peccan-

tum æterno supplicio destinare: attamen quia cum iratus est, misericordiae recordatur, non vult mortem illius peccatoris, sed magis quòd convertatur, & vivat: quocirca illum cæcitate percutit, ut eo supplicio monitus resipiscat. In quo plurima, & eque suavissima ac virtuosissima habet, quæ contemplatur de Deo per scientiæ donum tale iudicium efformans.

Aliter accedit mens, & videns cæcitatem illam iudicat esse effectum causæ altissimæ, videlicet manifestationis operum Dei, qui etiam sine speciali aliqua culpa præcedente, potest illam cæcitatem mittere, quia est absolutus Dominus: & sicut potuit hominem illum in chaos nihilitatis derelinquere, quine ei iniurius foret: sic potuit illum visu orbare ob solam sui absoluti dominij exhibitionem. Hoc autem iudicium est doni sapientiæ mentem sublimantis ad contemplandam innennarrabilem omnipotentis potentiam, aliaque quæ ipso dono inspirante se se offerunt. Hoc ergo est iudicium doni sapientiæ, & scientiæ: sicque ad contemplationis exercitium reducendum pro utilitate animarum.

117. Dices: Si ita res ista se habet, donum sapientiæ, & donum scientiæ discursiva sunt; non enim valent illa omnia fieri sine ratiocinatione, ac discursu: at hoc est contra D. Thom. qui q. 9. citata art. 1. ad 1. ait de dono scientiæ, idem de sapientiæ dono intelligendum est: *Divina scientia non est discursiva, nec ratiocinativa, sed simplex, & absoluta, cui similis est scientia, quæ ponitur donum Spiritus Sancti, cum sit quedam participata similitudo ipsius:* ergo si, quæ diximus, vera sunt, dicta dona discursiva erunt.

Huic obiectioni Mag. Joann. 2. Sanct. Thom. admittit non renuit 1. 2. disp. 18. art. 4. num. 35. talia dona esse discursiva, non ex se, sed ex conditione subiecti, cui conceduntur, saltim pro hoc statu. Sicque obiectioni facta solvitur sine oppositione ad illa, quæ D. Thom. docet: quia Sanct. Doct. loquitur de illis donis secundum ea, quæ habent

bent ex se, & sic discursiva non sunt. Ex conditione tamen subiecti, cui infunduntur, ac ijs medijs operatur, non negat, quod sunt discursiva. Suadere que naturæ hanc suam explicationem ex ipso Doct. Ang. Qui 3. p. q. 1. art. 3. docet: quod Christus Dominus potuit vti, & de facto usus est, scientia sua infusa cum discursu, & sine discursu. Sine discursu quidem, quia talis scientia de se discursiva non est. Cum discursu, quia habens illam scientiam est discursivus: ergo similiter.

Huius tamen præclari Thomistæ glossa non placet. Vnde contra illam disputo sic 1. Quia D. Thom. non loquitur ibi de dono scientiæ sine habitudine ad naturam, sui in abstracto, sed per ordinem ad naturam ipsam; verba eius sunt. *Ad 1. ego dicendum, quid certitudo cognitionis in diversis naturis invenitur diversimodè secundum diversam cognitionem uniuscuiusque nature.* Hincque, natura humana, ac divina in exemplum suæ doctrinæ adductis, concludit, donum scientiæ nullatenus discursivum esse; quia natura, seu *divina scientia non est discursiva, vel ratiocinativa, sed absoluta, & simplex*: & tamen sic illam considerans denegat discursivam esse.

118. Si dicas: naturam, de qua D. Thom. loquitur, non esse naturam subiecti, in quo donum scientiæ recipitur, sed naturam, in qua radicatur: Per hanc naturam, in qua radicatur, discursivum non est, & hoc est, quod docet D. Thom. non tamen negat, quod ex imperfectione subiecti discursivum sit *in hac vita saltem*. Quod allaia paritate scientiæ Christi Domini animæ infusæ perspicuum est. Etenim illa scientia est perfectio, perfectiûsque participat divinam scientiam, quam donum scientiæ: & tamen Christus Dominus usus est discursu in exercitio illius scientiæ: ergo sic.

Contra tamen, & disputo 2. Nam si paritas illa aliquid suadet, convincit quidem donum scientiæ esse discursivum non ob imperfectionem subiecti, in quo recipitur: sed quia ipsum ex sua

natura hoc dicit, vel permittit: at hoc non concedit perdoctus hic Theologus, cum sæpe recurrat ad subiecti imperfectionem: ergo &c. Probatur mai. Quia quod Christus Dominus usus fuerit illa scientia cum discursu non fuit ob imperfectionem subiecti recipientis, sed aliunde, ut iam videbimus: ergo similiter.

Disputo 3. Quia & si Christus Dominus usus fuerit cum discursu scientia illa, hoc fuit pro libito ipsius, & etiam, ut, quatenus illa scientia utebatur, ostenderet, se esse naturæ discursivæ, atamen usus regularis illius scientiæ non fuit per discursum, sed ex simplici intuitu, ut illa patet: ergo si paritas adducta tenet, probabit quidem contemplativum posse pro suo libito vti dono scientiæ cum discursu, & sine illo: at hoc non concedit hic Theologus: ergo nullum subterfugium habet in paritate, ad quam confugit. Antecedens est prorsus certum, de quo videri possunt nostri Salmant. tract. 21. disp. 20. dub. 2. Consequentia bonitas ex paritate inferitur. Nam vel hoc probat illa paritas, vel nihil probat. Minor autem subsumpta probatur 1. Quia si hoc concederet, iam sibi ipsi contrariaretur toties recurrens ad imperfectionem subiecti: quandoquidem vti dono scientiæ iam per discursum, iam sine illo pro libito utentis, non est huius imperfectio, sed superioritas magna. Et ex hoc probatur 2. illa minor: Quia si hæc non est vera, poterit beatus vti etiam dono scientiæ cum discursu; quia id, quod perfectiōis, & superioritatis est, potiori iure concedendum est beato, quam viatori: at hoc renuit concedere auctor hic; cum dicat, & repetat *in hac vita saltem*; eum potius deberet dicere: In patria saltem ubi perfectius pro libito suo potest vti dono scientiæ, qui illud habet: ergo. Probatur 3. ipsa minor: Quia si non est vera; relare ad illas occasiones, in quibus contemplativus utitur dono scientiæ sine discursu; reddit totum argumentum scilicet: consequenterque inquirendus est modus, quo solvatur.

Dis.



Disputo 4. Quia quod Christus Dominus vteretur discursu in exercitio scientiæ infusæ, non fuit, quia hæc adæquate sumpta, non sit essentialiter non discursiva; sed quia ipsa permittit, ut suum obiectum partiri valeat, attingique per diversos conceptus formales, quorum vnus sit prior, ut minus, natura, quàm alius, de quo videri debent laudati Salmantic. sed contemplativus non sic partiri valet obiectum doni scientiæ; & si illud sic partiri posset, non esset ob imperfectionem subiecti; sed potius ob sui perfectionem; eoque potius hoc posset facere Beatus, quàm Viator: ergo ex paritate illa non probatur, donum scientiæ esse discursivum.

Disputo 5. Quia si donum scientiæ est discursivum in viatore, ob huius imperfectionem, semper cum discursu procederet; quia semper talis imperfectio viget in via; immo, & in patria; consequenterque nunquam sine discursu erit, quod & nihil aliud requiritur, ut tale donum in homine dicatur essentialiter discursivum; siue differat essentialiter, siue non differat à dono scientiæ Angelorum: sicut patet à simili, quia intellectus hominis est essentialiter discursivus, & intellectus Angelici est essentialiter non discursivus; & tamen secundum probatissimam opinionem non differunt specie hi intellectus.

Disputo denique: Quia hæc glossa non est multum conformis reverentiæ debitæ Ang. Magistro; quandoquidem ex illa sequitur, D. Thom. non bene solvisse argumentum. Hoc enim intendebat probare, scientiam in homine non posse esse *donum*, quia scientia in homine discursiva est: ad quod non respondet D. Thom. quod est donum, quia licet ex imperfectione recipientis sit discursivum; ex se tamen discursivum non est: sed negat absolutè, hoc donum esse discursivum, redditque rationem consistentem in eo, quòd tale donum est participatio scientiæ Dei, *quæ non est discursiva, vel ratiocinativa, sed absoluta, & simplex*. Vbi nec

vestigium adest discursus in dono scientiæ.

119. Sicque asserendum est: nullatenus fore discursivum cum nostris Salmantic. in arbore virtutum num. 24. ad obiectionem tamen ex num. 117. Respond. cum eadem, & cum laudato Joan. à Sanct. Thom. num. 34. Dona sapientiæ, & scientiæ omnia illa facere simplici intuitu, & sine omni prorsus discursu dicuntur tamen modo resolutivo procedere; quia ex parte rerum, quas cognoscunt, dabilis est discursus. Cognoscunt enim causas per effectus, & è contra. Et hæc obiecta attingibilia sunt per discursum: ast ex parte modi, quo dicta dona cognoscunt talia obiecta, nullus discursus adest, est enim simplex ille modus. In quo differunt hæc dona à dono intellectus, quod neque ex parte modi cognoscendi, neque ex parte rei cognitiæ discursivum est; cum eius obiectum sint prima principia, quæ ex eo, quòd sunt prima, in alia irrecolubilia sunt.

## S. II. Respondetur argumentis.

120. PRIMUM argumentum, cui in presenti occurrere debemus est illud, quod proposuimus q. 4. num. 65. Ad quod ergo ex dictis respondetur: Contemplationem non esse actum simplicis apprehensionis, ut diximus quæst. 5. nec esse actum iudicii enuntiativi, aut discursus, ut diximus q. 6. esse tamen actum iudicii discretivi, & resolutivi cum data explicatione, videlicet, quòd contemplatio, quæ non est per causas, aut ex causis, nec per effectus, aut ex effectibus, est actus iudicii discretivi, ut diximus quæst. 7. contemplatio autem, quæ est per causas, & effectus est actus iudicii resolutivi, ut vidimus in hac q. 8.

121. Arg. 2. illa autoritate D. Thom. in nos obiecta num 77. Quia in apprehensione, ad quam spectat contemplatio, *non est error*: sed in iudicio resolutivo est error; est enim iudicium capax erroris, sicut & dubitatis, & suspicionis, & opinionis: ergo contemplatio

platio non attinet ad iudicium resolutivum. Mai. est expressa D. Thom. in ea autoritate, quæ est ex 2. 2. q. 180. art. 6. ad 2. Minor autem solum indiget explicatione. Etenim quandoque post multos discursus hinc, inde factos solet manere discurrens cum sola illa certitudine, videlicet, quod in neutram contradictionis partem inclinari debeat, eoque dubius hæret. Interdum etsi habeat motivum, quo vni parti adherere resolvat, est adeo debile, ut solum generet suspicionem. Insuper potest vni parti ex gravi motivo adherere, sed tamen cum formidine alterius: unde generat opinionem: ex quibus constat, talem operationem erroris esse capacem; siquidem in illo, quod suspicatur, & opinatur, errare potest, & vitiam non toties erraret: ergo &c.

Hoc argumentum aliquibus negotium facescit propter illam auctoritatem D. Thom. cum tamen hæc difficultas omnes urgeat: quandoquidem error, ut supra diximus, etiam inveniri potest licet, per accidens in prima operatione intellectus, ut docet D. Thom. 1. p. q. 17. art. 3. Unde, si in operatione, ad quam pertinet contemplatio, non est error: ad nullam intellectus operationem contemplatio spectabit; siquidem omnes operationes intellectus capaces sunt, ut interdum in ipsis, sive per se, sive per accidens, error invenitur. Quare ad factum argumentum

Respondet P. Suar. tom. 2. de Relig. lib. 2. cap. 10. num. 5. & 7. D. Thom. loqui de contemplatione religiosa tam acquisita, quam infusa. Contemplatio infusa, ait, est actus fidei; quare contemplatio hæc est incapax erroris: quia fidei non potest subesse falsum. Contemplatio acquisita est actus Theologiæ scholasticæ, ut diximus tom. 1. disp. 1. Unde mediâtè, & radicaliter est à fide: proptereaque incapax etiam erroris; quia si errorem admitteret, fidei mediâtè influenti attribueretur. Quamobrè verum semper est D. Thom. dictum, nec nostræ resolutioni contrariatur.

Hanc solutionem sufficientissimè

argumentum dissipare, fatemur: Veremur tamen, si mentem D. Thomæ prorsus explicet. Non enim ait D. Ang. in hoc actu non est error, sed in hac operatione anime non est error. Operatio siquidem latius quia est, quam actus: quia plures actus pertinent ad eandem operationem: eoque videmus operationes intellectus speculativi esse tres, ad quas innumeri actus spectant, & plurimi essentialiter differentes: ut ad tertiam pertinet syllogismus dialecticus, & demonstrativus. Ad secundam iudicium inquisitivum, credulitatis, discretivum, & resolutivum. Bene video, quod in operatione per illud relativum hæc refertur ad actum contemplationis, de quo ibi loquitur. Sed, si possumus datam auctoritatem univ ersalius exponere, quis prohibet, exponamus?

122. Quare, data solutione non reiecta, proponimus D. Thom. verba, quæ hæc sunt: *Cessante discursu, figuratur eius intuitus in contemplatione unius simplicis veritatis, & in hac operatione anima non est error, sicut patet, quia circa intellectum primorum principiorum non erratur, quæ simplici intuitu cognoscimus.* Est dicere: quod quia iudicium resolutivum est actus intellectus regredientis ad prima principia, à quibus exijt veritatem quæ siturus, in illa, que revertitur, ut in ipsis veritatem inventam contempletur, errorem non admittit. Loquitur enim Ang. Doct. de motu intellectivo scientifico; atque adeo recto: quiaque ex vero semper, & infallibiliter sequitur verum; propterea ex principiis iam sibi notis rectè procedens intellectus, non errorem, sed veritatem infert. Cumque hæc ipsa veritas, quam infert, sit, quam iudicium resolutivum contemplatur: ideo in hac operatione anima, hoc est in iudicio resolutivo, non est error. Estque hæc doctrina Aristotel. lib. 2. Post. cap. ultimo dicentis: *Cum autem mentis habitum, quibus verum perspicimus, quidam verè perpetuò sint, ut intellectus, atque scientia: quidam interdum falsum inscipiant, ut opinio &c.* Ecce, quod sicut semper verus est intellectus, seu habitus principio

riorum; ita semper verus est actus scientificus, de quo loquitur D. Thom.

Vnde, admissio illo P. Suarj Glossemate, illud extendimus, non solum ad contemplationem religiosam infusam, & acquisitam, in qua error non potest esse, ob ea, quæ audivimus: sed etiam ad contemplationem philosophicam, quæ operatio scientifica est; quocirca in illa *operatione animæ non est error*. Vnde ad argument. in forma respond. neg. min: Adcius explicationem dicas: Iudicium certum non comparati cum illo dubio, nec cum suspitione, nec cum opinione. Et potiori titulo error est impossibilis ex suppositione quod motus rectus sit, verumque assumatur; sic enim sepe sequitur verum. De hocque iudicio loquitur D. Thom. nosque cum ipso loquimur. Videatur idem D. Thom. 2. 2. q. 2. art. 1. & de verit. q. 14. art. 1.

123. Arg. 3. Contemplatio est principaliter actus intellectus speculativi, & minus principaliter practici: ergo non est actus iudicij resolutivi. Anteced. constat ex dictis q. 4. & consequ. probatur. Iudicium resolutivum, ut est actus doni scientiæ, nullatenus pertinet ad partem speculativam, & ut est actus doni sapientiæ, nullo modo pertinet ad partem practicam: ergo non

potest ad iudicium resolutivum spectare contemplatio, quæ simul ad utramque partem pertinet. Consequ. bona est: & anteced. cit. expressum D. Thom. 1. 2. q. 68. art. 4. ubi ait: *Ad recte autem iudicandum speculativa quidem per sapientiam; practica vero per scientiam perficitur*: ergo actus doni sapientiæ nullatenus ad partem practicam attinet; nec ad partem speculativam actus doni scientiæ.

Respond. verum esse, quod D. Thom. in illa fuit sententia in 1. 2. sed illam expressissimè retractavit 2. 2. q. 45. & 9. & 8. art. 1. uti observat Caietanus, & omnes Sancti Doct. interpretes. Hic enim communis Magister non solum laboravit pro publica utilitate tradens lucidissimum thesaurum suæ Anglicæ doctrinæ; sed etiam corrigens nonnulla à se tradita, qui labor dubio procul superat precedentem, dicente vulgari libro 3. de Ponto:

Scribentem iuvat ipse favor, minuitque laborem,  
Cumque suo crescens pectore servet opus.

Corrigere ad res tantò magis ardua quantò

Magnus Aristarcho maior Homerus erat.

## DISPUTATIO DECIMA TERTIA.

### *De principio proximè elicitivo divinæ contemplationis.*

**P**ostquam de potentia proximè eliciente divinam contemplationem disputavimus, recta methodo ad disputandum de principio proximè concurrente ad elicientiam ipsius divinæ contemplationis transimus. Principium quippe hoc est habitus potentiam proximè contemplatricem elevans, habilitans, seu complens, ut valeat contemplationem elicere. Sicut enim non potest anima sine concursu potentie proximæ contemplari: sic nec potentia proxima valet sine habitu complente divinam

contemplationem elicere. Gravia sunt, quæ in hac disputatione occurrunt, pluraque de donis Spiritus Sancti dicere, necesse est: cæterum serio de illis agere, non possumus, ne seriem disputationum exturbemus. Plures Mystæ de donis signatè agunt; illos tamen imitari in hac parte non valemus: sed supponenda à nobis sunt ex Theologia scholastica omnia, quæ à D. D. scholasticis disputantur de existentia donorum, de numero eorum, ac perfectione: de distinctione à virtutibus, etiam supernaturalibus, tum moralibus, tum

Theologicis; aliaque plura huc spectantia, quæ sine censura tractari à nobis non possunt. Si namque hic infereretur disputatio de istis omnibus, seu de eorum aliquibus, iustissimè displiceret. Simili enim motivo disputat. antecedenti possemus ad incudem controversiæ vocare animarum potentias, earum ab illa, ac inter se distinctionem, obiecta, actus, & huiusmodi alia, quibus præpediremur, & rem affatim obscuram tenebrosa illa methodo confundere-mus: nec per hoc Mysticos, qui de doctis agunt, damnamus: Quia modus ille doctrinalis, quo procedunt, id patitur; sed Scholasticus rigor, quo mystica versamus, non permittit. Vnde

illa à nobis supponenda sunt, & ex illis; quod nostra refert pro contemplatione divina deducendum. Vt autem quantum de conis sciri oportet, comprehendas, vide Ang. Doct. q. q. citatis, ubi plena manu de illis agit. Vide etiam inter eius expositores Caictanum, Bafiez, Bancel, & Mag. Ioan. à Sanct. Thom. qui semper magnus, in hac parte nulli secundus est. Inter Mysticos discipulos eiusdem Sanctissimi Præceptoris vide N. V. Thomam à Iesu, Mag. Valgorn. Lucernam mysticam, mysticam Disceptionem, & alios, ex quibus omnibus nobis indispen-sabilia libabimus.

## QVÆSTIO PRIMA.

*Utrum fides Theologica sit principium proximè eliciens divinam contemplationem?*

**S**Vmus in campo, quem sæpe sapius nedum in hoc tomo, verum etiam in præcedenti reculavimus. Motivum fuit, quod tempus pro hoc cerramine opportunum nondum advenerat. Hoc tamen iam adest: Vnde citò descendere in arenam debemus; inè opportunitas, quam temporis præsentia disper-sat, temporis offerentis rapi-da volubilitate evanescat. Quippe ut Virgilius 3. Georg. modulatur,

Et fugit interea, fugit irreparabile tempus.

Et Seneca in Hipol.

Volat ambiguus mobilis alijs

Horæ.

Tempore congruo omnia facienda esse, monemur multoties à sacro oraculo. Nec huius dogmatis notitia abscondita Ovidio fuit dicenti lib. 1. de remed.

Aggrediar melius, tunc cum  
sua vulnera tangi

Iam linet, & veris vocibus ap-  
tus erit.

Et etiam, Temporibus medicina valet;  
data tempore profunt.

Et data non apto tempore  
vina nocent.

Quin etiam accendas vitia;  
irritetque vetando,


Temporibus si non aggrediare  
suis.

Sin minus, si promissis stare nolum  
congruo hoc tempore, eiusdem vulga-  
ris epist. 6. iustam censuram incur-  
ram.

Mobilis Aesonide, vernaque incer-  
tior aura,

Cur tua polliciti pondere verba  
carent?

Verum enim vero non solum congruam occasionem sperare distulit controver-siam; sed etiam, ingenuè fateor, pondus difficul-tatis, quam retardare volui, ut vt valui. Amplius differe non possum, vltro-neus dilaturus si vale-ré. Quocirca auxilio divini Nu-minis implorato ad bel-lum hoc ingens accingor.



**§. I. Supponuntur aliqua, quæ viam parant ad intelligentiam eorum, quæ dicenda sunt.**

1. **V**T conceptum incipias efformare præsentis controversiæ, scias 1. Quòd sicut præfens litigium non dirigitur ad habitum imperantem actum contemplationis, vt ex quæstionis titulo constat: sic etiam non est de elicientia impropria, seu in lata quadam acceptione, qualiter habitus existens in vna potentia elicit actum alterius potentia, sicut de actu intellectuali orationis, qui elicitur ab habitu existente in voluntate, diximus disp. 2. q. 4. Sed procedit de elicientia omnino rigorosa, & formali, quæ dari non potest, quin habitus actum eliciens in illum insuat sine omni prorsus meditatione, tam habitus, quàm potentia. Sicque aufertur omnis ambigendi occasio circa dicenda.

2. Secundò scias: Fidem Theologicam, de hac enim loquimur, vt sumitur ex D. Thom. in 3. dist. 23. q. 2. art. 2. quæsiunc. 2. & de veritate q. 14. art. 7. ad 7. & 2. q. 2. art. 2. in corp. Posse sumi, vel secundum ea, quæ habet ab intellectu, vel secundum illa, quæ habet à voluntate. Credere enim, quòd est actus fidei, est actus intellectus moti à voluntate. Vnde iste actus, si consideretur iuxta ea, quæ fides habet ab intellectu, sic tendit in obiectum, prout hoc dicit rationem quæ à fide attingitur, & rationem *sub qua* illud obiectum attingit. Et secundum hoc distinguitur in actu fidei hoc, quòd est *credere Deum*, & *credere Deo*: quatenus *credere Deum* designat materiale obiectum fidei, & *credere Deo* ostendit rationem *sub qua* Deus attingitur. Si autem fides consideretur secundum illa, quæ habet à voluntate, charitate informata: tunc eius actus respicit Deum, prout habet rationem vltimi finis: sicque habetur ille actus, qui dicitur *credere in Deum*.

Ex quo patet, quòd licet non possit dari actus fidei, qui *credat Deum*: quin etiam *Deo credat*: potest tamen fides *Deo*, & *Deum credere*, quin *credat in Deum*: Quandoquidem peccator fidelis non habet charitatem, ex cuius imperio fides in Deum sub ratione vltimi finis ordinatur. Nec ad hanc separationem, aut in finem vltimum directionem intelligas, *credere in Deum* esse actum entitativè diversum à *credere Deo*, & *Deum*, vt malè intellexit Durand. in 3. dist. 23. q. 4. art. 3. non enim ibi datur duplex actus, nec actus, vt imperatus, est distinctus ab elicitò: sed vt imperatus, addit illam formalitatem, quam non habet ab habitu eliciente. Vnde ibi, vt scitè adverte Caietanus, datur actus multiplex, sed non dantur multi actus. Quod idem cernitur in nostra contemplatione, est enim ab intellectu, & à voluntate: sed non propter hoc est multi actus, sed actus multiplex. Et aliquis Mysticus contrarium dicens in sententiam Durandi tenetur incidere, & idem de omni actu imperato affirmare.

3. Scias 3. Fidem secundum ea, quæ habet ab intellectu, manere in peccatore fideli, qui tamen, vt dictum est, non possit *credere in Deum*: Deo tamen revelanti assensum præstat. Hæc fides dicitur informis ob absentiam charitatis. Assi quamquam informis sit, est principium actuum nobilium, vt sunt abstinere se ab idolatria, & hoc per causam altissimam, abstinere ab homicidio secundum causam creatam: videlicet, quia non est nocendum proximo, & etiam interesse millis, & concionibus. Hæc certe peccator fidelis facit, vti observat Caietanus 2. 2. q. 45. art. 1. Et hæc sunt opera donorum Spiritus Sancti, quæ licet in peccatore non dentur, dantur tamen illa opera: Verùm sicut fides ipsa ob absentiam charitatis est informis, sic opera dicta, ob absentiam donorum sunt informis: ad illa tamen elicienda sola fides sufficit propter ea, quæ infra num. 69. dicemus.

Cæterum licet illorum nobilium

actum fides informis principum sit; non tamen potest esse divinæ contemplationis; quia hic nobilissimus actus est ex ijs, qui fidem formatam exposcunt: consequenterque charitatem, & dona Spiritus Sancti. Habet enim contemplatio principium, & terminum in affectu, seu charitate, ut suprà ex Div. Thom. dicebamus. Vnde nostra controversia non procedit de fide informi, seu sumpta secundum ea, quæ habet ab intellectu, exclusio illo, quod à charitate participat. Vanè quidem disputarem; si fidem sic sumptam ad controversiam admitterem.

4. Scias 4. Quod fides sumpta secundum ea, quæ habet à charitate, potest dupliciter considerari. Primò secundum ea, quæ sibi sunt propria. Secundò iuxta ea, quæ habet à donis. Sive hoc fiat per puram expressionem, seu non expressionem vtriusque conceptus concurrentis in actu fidei formatæ: sive fiat, quia realiter fides formata potest operari, quin dona operentur. Primum illud à nemine negandum iri iudicamus; quia licet fides formata dicat necessariò dona. Tamen actus fidei formatæ, ad quem dona concurrunt, est multiplex, ut dicebamus num. 2. Vnde potest considerari secundum vnum conceptum, & non secundum alium. Secundum autem, scilicet, quod fides formata potest operari; quin dona operentur, est opinio Mag. Banez 2. 2. q. 9. art. 4. ubi ait: *Dubium est circa hos artic. an & quotiescumque in gratia existens credit per fidem infusam, exercent simul donum intellectus, & scientiæ? Respondetur: non esse necessarium &c.* Et licet resolutio loquatur præcisè de dictis donis, probatio tamen loquitur etiam de habitu charitatis: consequenterque de omnibus donis. Sed quicquid circa hoc dicendum sit: negari tamen non debet, posse in actu fidei præcindi id, quod habet à fide, ab eo, quod à charitate habet, & à donis.

5. Scias 5. Fidem, idem est de alijs virtutibus Theologalibus, & de omnibus alijs virtutibus, & habitibus, non ex eo quod sit in aliquo subiecto, posse suū

actū cū omni perfectione elicere. Quandoquidem ad hoc requiritur, quod perfectè dominetur subiectum. Et quod istud dispositum sit ad recipiendum plenè influxum fidei, seu habitus, quo informatur. Quod extra controversiam est. Et nostræ contemplationis applicatarum concludit: quod licet non negemus, Deum aliquando gratiam contemplationis concedere imperfectis, ac denegare perfectis, uti omnes Mystæ docent: attamen hæc contemplatio non est propria status contemplantis. Incipiens enim ex conditione proprii status contemplari non potest: quia adhuc non est proximè, ac completè perfectibilis, seu idoneus ad contemplationem; sed provenit à Deo ob fines speciales suæ providentiæ, qui ob ipsorum utilitatem, gratiam incipienti dispensat, quam perfecto non concedit. Si autem vtriusq; cōditio, statufque consideretur, primus cōtemplationi proportionatus non est: quocirca licet habeat virtutes Theologales, Spiritus Sancti dona, Sacrumque chorum eorum omnium, quæ simul cum gratia infunduntur; quia tamen non adhuc transivit per ignem, & aquam, nec alia fecit, quæ ad quietem contemplationis prærequiruntur: propterea contemplari non potest. Quod intellectum de contemplatione infusa constat evidenter à paritate contemplationis acquisitæ, quam habere, aut exercere non potest, qui viam spiritualem ingreditur, ut constat ex dictis disp. 1. licet habeat gratiam, virtutes, & ipsum habitum elicivum acquisitæ contemplationis. Quæ tametsi ex se perspicua sint, plurisque in superioribus inculcata, refricare modò placuit; quia sunt admodum utilia in præfenti.

6. Ut autem in sequentibus phrasibus utamur, quæ unico ferè verbo mentem ostendant; loquemur de fide sub illa distinctione, quæ Mysticis familiarissima est. Distinguunt enim fidem in illustratam, & non illustratam. Fides illustrata dicitur dona Spiritus Sancti, quæ ad intellectum spectant, ipsam vividissimè decorantia, ac veluti obiecta videre facientia. Fides non illustrata.

lustrata, vel non habet concursum donorum, vel illum non exprimit, iuxta dicta num. 4. Illustratio autem fidei crescit ad maiorem perfectionem, qua dona sunt in subiecto, iuxta dicta num. precedenti. Cuius doctrinæ præter istam generalem radicem, aliam specialem assignare possumus ex traditis disp. precedenti, consistit in eo, quod donum intellectus illustrat mentem, ut sine errore procedat: ob quod D. Tho. adductus disp. 7. q. 1. ait: *Quid autem spiritualia quasi nuda veritate capiuntur, supra humanum modum est, & hoc facit donum intellectus, qui de auditis per fidem mentem illustrat, ut dicit Gregor.* Vnde actus huius doni est acuire mentem, ut sine erroris admixtione nec immersione ad phantasmata, & ad res materiales valeat intelligere. Sunt enim res materiales, phantasmatum immersio, & error, quibus obiectum obscuratur, nec claram eius cognitionem, etiam quæ cum statu viæ non pugnat, patiuntur: Quamobrem intellectus, qui in his obsaculis amovendis occupatur, mentem, fidemque illustrat, ut spiritualia ipsa, non iam ad modum rerum materialium, nec prout in phantasmatibus representantur, nec denique cum errorum permixtione, sed *quasi nuda veritate capiunt.* Quisque in hoc quod est, quod spiritualia *quasi nuda veritate capiuntur*, datur sua, & nunquam pro statu viæ finienda, latitudo: propterea quò magis donum intellectus accedit ad percipienda spiritualia *quasi nuda veritate*, eò magis mentem, fidemque illustrat. Consequenterque sunt magis habiles, eliciuntque actus perfectiones. His circa præsentem difficultatem prælibatis, ad alia transire oportet.

## §. II. Aliquot placita refero.

**T**Am varij, diversique sunt modi, quibus Authores in hoc certamine se explicare contendunt, ut impossibile sit, illos omnes numerare. Alij dicunt, contemplationem non esse actum fidei infuse: quod suadere aduocantur

discursibus è vulva falsæ imaginationis deductis, ex autoritatibus perperam intellectis, & ex fundamentis iuinolis. Et quod angue, & cane petus leras in his authoribus, est, quod postquam paginas pene innumeras oppleverunt, usque dequæ contemplationem non esse habitus fidei actum blaterantes, nihil positivum adstruunt. Contemplationem non esse actum fidei dicunt repetuntque usque ad legentium nauseam: sed quis sit ille habitus, qui contemplationem elicit? Non dicunt, nec verbum circa hoc faciunt. Egregius sanè disputandi modus, summeque artificiosus, ob quem horum excogitatio digna non est, ut inter alias opiniones numeretur. Vnde

7. Prima opinio quæsito respondens ait, contemplationem infusam habere plures gradus. Ex quibus primus gradus contemplatio elicitur à virtute infusa religionis. Secundus ab Spiritu Sancto medijs suis donis. Tertius verò qui non *ab aliquo habitu, sed potius immediate ab ipso Deo per modum actus dimanat, & gratia gratis data meritis nuncupatur.* Sic N. V. ac Sapientif. Thom. à Iesu lib. 1. de oration. supernat. cap. 4. sed non facile dignosces an per hoc excludat fidem à ratione principij contemplationis: quia author hic non solum tres gradus illos, sed plures alios ibi ponit, & contemplationis eorum principium iam donum intellectus, iam sapientiæ, iam scientiæ esse, dicit. Vnde cum impossibile sit, tot mysticas Theologias ab ipso concedi: adest fundamentum, ut ipsum de compincipijs habitus principalis elicitivi contemplationis loqui, suspicemur. Verum hoc desideramus: quòd iste principalis habitus non assignetur. Hæc dixerim recusans discussionem circa illam contemplationem, quæ *immediate ab ipso Deo per modum actus dimanat.*

8. Secunda sententia docet, contemplationem esse actum fidei, & donorum spectantium ad intellectum, sed inter huius scientiæ patronos est dissidium: nam Discept. mystica tract. 3. q. 3.

art. 5. prudentissimè mentem suam revelat sine tergiversatione, quod idem facit tract. 2. q. 3. art. 7. circa contemplationem acquisitam. Vnde sine temporis dispendio scimus, hunc auterem defendere, fidem esse principium formale propriè elicitivum contemplationis, sive acquisitæ, sive infusæ. Non autem sicalij Authores, è nostratibus loquuntur; sed taliter plura principia pro contemplationis elicentia designant, ut vnumquodque independēter ab alijs illam secundum eius diversos gradus elicere, opinari, videantur.

9. Tertia sententia negat, fidem esse habitum elicentem contemplationem, sive acquisitam, sive infusam, licet ad utramque, & maximè ad infusam speciali modo concurrat. Habitus tamen propriè elicentis contemplationem est habitus quidam infusus, qui dicitur habitus contemplationis. Sic à quodam Theologo eximio notæ in omni genere litterarum, & maximè in Theologia mystica, scholastica, positiva, & morali, audivi. Motivumque ad suum hoc dictamen aperuit, quod ad hanc brevem formam reduco: Quia si habitus elicentis contemplationem non est ille habitus infusus, erit fides, quæ esse non potest. Tum, quia aliàs omnes habentes fidem, possent contemplari. Tum, quia actus fidei est credere: sed credere non est formaliter contemplari, nec è converso: ergo non est fides: ergo cum assignandus sit aliquis habitus certus, qui determinatè eliciat contemplationem, nè species contemplationis; atque adeò mysticas Theologias, multiplices contra veritatis clamores; planè infertur, hunc habitum elicitivum contemplationis acquisitæ esse Theologiæ acquisitæ habitum: & habitum elicitivum contemplationis infusæ, esse illum infusum habitum, qui *habitus contemplationis* dicitur.

Hæc sunt opiniones, quæ circa præsens quæsitum circumferuntur. Sed antequam iudicium nostrum resolutoriè proponamus, monendum ducimus: nos in præsentis quæstione non loqui determinatè de contemplatione infusæ,

aut de acquisitæ; sed de contemplatione divina præscindente ab acquisitæ, & infusæ. De his tamen contemplationibus determinatè sumpris quæstione sequenti agemus. Sic enim claritati consulimus, quæ sæper nobis est pro cunctis, & in præsentis est maximè necessaria.

### §. III. Duplex assertum dirimit : controversiam præsentem.

10. **S**IT prima conclusio: *Fides non illustrata donis Spiritus Sancti non est habitus elicentis divinam contemplationem.* Quid sit, vel dicat fides donis non illustrata, constat ex dictis num. 6. Assertio hæc communissima inter omnes est, ni vehementer fallor: nam ex ijs, qui fidem esse principium contemplationis tuerentur, alij perspicuè loquuntur de fide donis illustrata, ut sunt Discept. mystica citatas; P. Suarez tom. 2. de relig. lib. 2. cap. 10. num. 9. & alij plures. Ex ijs verò, qui non ita clarè se explicant, credere semper renuam, nisi videam, loquutos esse de fide non illustrata. Quicquid autem de hoc sit, probatur conclusio nostra sic breviter, & efficaciter.

Et enim contemplatio divina affert secum delectationem omnium maximam: ergo contemplatio divina non est actus fidei. Antecedens est omnino certum apud omnes Mystas, constatque ex Philos. & D. Thom. pluribus in locis. Quippe Doct. Ang. hoc adstruit 1. 2. q. 3. art. 5. in corp. & in 4. dist. 15. art. 2. quæstiunc. 2. ad 1. & 2. 2. q. 180. art. 7. ubi in argumento *sed contra* probat hanc veritatem ex illo Sapiente. 8. *Non habet amaritudinem conversatio illius, nec tadium convictus eius, sed lætitiā, & gaudium.* Et ex D. Greg. homil. 14. in Ezechiel. dicente: *Contemplativa vita amabilis valdè dulcedo est.* Iamque supra disp. 9. q. 3. de hoc fusè egimus. Et conseq. probatur. Actus fidei non illustratæ affert secum anxietatem fluctuationis ex parte ineventitiæ, ut diximus disp. præcedenti num. 85. atqui delectatio omnium maxima,



xima, non solum non affert secum illam anxietatem; quin potius excludit: ergo contemplatio divina non est actus fidei. Maior constat ex dictis loco citato: ubi etiam diximus, donum intellectus succurrere fidei illam illustrando ex ea parte, quæ illam fluctuationem patitur, reddendoque obiectum evidens evidentiæ extrinseca, & negativa. Minor autem constat tum ex hoc; tum etiam ex data autoritate sapientiæ, ubi non solum dicitur divina cōtemplatio causare lætitiā, & gaudium; sed etiam excludere amaritudinem, tædiumque: ergo cum anxietas, quam secum actus fidei affert, non possit non tædium, & amaritudinem causare, relinquitur, quod contemplatio non sit actus fidei non illustratæ.

11. Conf. divina contemplatio non dicit, immo excludit actualem cogitationem: ergo non est actus fidei. Pater ista: Quia actus fidei diffinitur à D. Augustino per hoc quod sit *cum assensione cogitare*, ut affert, & explicat D. Thom. de verit. q. 14. art. 1. & antecedit. probat. 1. ex Richardo de Sancto. Viſt. qui lib. 1. de contempl. loquitur de cogitatione, meditatione, & contemplatione, & ait: *Multum à se invicem hæc tria in modo differunt, quamvis quandoque in materia conveniant: cogitatio per leviam quæque lento pede sine respectu perventionis passim huc illucque vagatur &c.* Sed contemplatio est quietus, pacificusque intuitus veritatis iam habitæ: ergo contemplatio excludit cogitationem. Probatur 2. idem antecedit. ex Div. Thom. loco citato ex 2. 2. toto art. 3. ubi ad vitam contemplativam plures actus spectare docet, qui omnes disponunt ad ultimum, in quo est vitæ contemplativæ constitutum: ex ijs autem, qui præcedunt, unus est cogitatio, quæ cessat adveniente ultimo actu completivo, qui est ipsa contemplatio veritatis: ergo &c. videatur Doct. Sancti. præsertim in responsione ad 1.

Illustrantur omnia dicta doctrinæ D. Thom. loco citato de veritate discrimen assigant inter actum fidei,

& actum scientiæ, & licet sermo ibi sit de scientia, quæ est discursiva, ea, quæ de illa dicit intelligi potiori titulo debent de scientia, quæ non ex studio, sed ex connaturalitate, aut mystica affectione procedit. Verba Ang. Præcept. exscribo: *Sciens verò habet, & cogitationem, & assensum, sed cogitationem causantem assensum, & assensum terminantem cogitationem. Ex ipsa enim collatione principiorum ad conclusiones assensit conclusionibus, resolvendo eas in principia, & ibi figitur motus cogitantis, & quietatur. In scientia enim motus rationis incipit ab intellectu principiorum, & ad eundem terminatur per viam resolutionis, & sic non habet assensum, & cogitationem, quasi ex æquo, sed cogitatio inducit ad assensum, & assensus quietat; sed infide est assensus, & cogitatio, quasi ex æquo. Non enim assensus ex cogitatione causatur, sed ex voluntate, ut dictum est: sed quia intellectus non hoc modo terminatur ad unum, ut ad proprium terminum perducatur, qui est visio alicuius intelligibilis, inde est, quod eius motus nondum est quietatus: sed adhuc habet cogitationem, & inquisitionem de his, quæ credit: quamvis firmissimè assentiat: quantum enim est ex se ipso, non est ei satisfactum, nec est terminatus ad unum: sed terminatur tantum ex extrinseco. Et inde est, quod intellectus credentis dicitur esse captivatus, quia tenetur terminis alienis, & non proprijs. 2. Corin. 10. In captivitate redigentes omnem intellectum. Inde etiam est, quod in credente potest insurgere motus de contrario huius, quod firmissimè tenet, quamvis non in intelligente, vel sciente &c.*

12. Hæc omnia præter morem exscripsi; quia ex eis constat, assensum fidei non illustratæ afferre secum cogitationem, quam assensus contemplationis excludit: sive contemplatio sit illa, quæ discretivè, sive illa, quæ analyticè, seu resolutivè procedit. Constat etiam, quod fides non illustrata habet aliquid, quod adhuc inquiret, videlicet, penetrationem illius veritatis, cui assentit solummodo ob extrinsecum testimonium

num revelātis: & utque dum illa perfectam penetrationem allequatur, motus permittit contrarios illi veritati, quam firmissimè tenet. Cōtat denique, intellectum, qui fide non illustrata ducitur, esse captivatum, quia donec terminetur ad vnum modo, quo ipse intellectus petit, hoc est, illud cognoscens evidenter, evidētia saltem negativa, *tenetur terminis alienis, & non proprijs*: quocirca captivus est. Et obliqua angelicam D. Thom. proprietatem. *Tenetur*, ait, *terminis alienis, & non proprijs*. Videtur redundare secunda pars huius clausulæ: quia si *tenetur terminis alienis*: ergo *non proprijs*. Sed falleris: quia intellectus dupliciter fide ducitur. Cū ducitur fide illustrata tenetur terminis proprijs: quia tunc penetrat, perfecteque, pro exitij conditione, cognoscit veritatem: Vnde *tenetur terminis proprijs*. Tenetur etiam *terminis alienis*, quia verè ducitur fide, quæ denudari non valet ab hoc, quod est inniti extrinseco testimonio revelantis. Atque adeò dicit hoc, quod ei, ut fides est, indispensabiliter convenit: & addit illud, quod ipsa, ut illustrata dicit. Vnde nihil redundans continetur in illa phrasi D. Thom. quinimò emphaticè approbat, quæ hætenus dicta sunt. Quandoquidem sensus eius est, quòd intellectus fide illustrata ductus *tenetur terminis proprijs, & alienis*: sed fide non illustrata ductus ita tenetur *terminis alienis*, ut *proprijs* non teneatur. Vnico verbo: si teneri terminis proprijs, & simul alienis incompatible foret, vltima verba datæ clausulæ redundarent. Sed non redundant: quia in fide illustrata compatiuntur. In fide autem non illustrata hoc non datur: Vnde idem est dicere, quòd intellectus fide non illustrata ductus tenetur terminis alienis, & non proprijs, ac asserere fidem illam secum asserre cogitationem, & fluctuationem: consequenterque non asserre secum delectationem, qua nulla maior,

13. Probatur 2. Conclusio ratione alia fundamentali: eruta ex D. Thom. quem omnes Mystici sequuntur, potestque sub hac forma proponi, Actus fidei

non illustratæ non terminatur ad divina ex affectuosa, ac mystica connaturalitate: ergo contemplatio divina non est actus fidei non illustratæ. Patet ista: Quia divina contemplatio terminatur ad Deum ex connaturali, ac experimentalis notitia, & affectu, ut docet D. Th. pluribus in locis alibi allatis, & speciatim super Psalm. 33. ad illa verba. *Gustate, & videte*. Est quæ hæc doctrina omnium Mysticorum calculo firma. Anteced. autem probatur 1. Actus, quo contemplatur Deus, subsequitur ad actum, quo ipse Deus ab anima gustatur, ut patet ex adducto testimonio: *Gustate, & videte*: sed actus fidei non illustratæ non subsequitur, sed præcedit actum, quo Deus ab anima gustatur: ergo. Probatur min. 1. Quia voluntas non accedit ad illum gustum mysticum sumendum, quin præcedat fides ostendens, quæ gustanda sunt: ergo &c. Probatur 2. Quia cū voluntas gustat de Deo, charitas, ac donum sapientiæ operantur: ei go implicat, quòd actus fidei ad dictum gustum subiecturus sit fidei non illustratæ. Probatur 2. Principale anteced. Actus procedens ex mystica, & affectuosa connaturalitate ingreditur ad intrinseca obiecti ea penetrando, ac intus quasi legendo: hoc enim est intelligere, ut disp. anteriori ex D. Thom. didicimus, & in hoc talis actus dictum gustum experitur: sed actus fidei non illustratæ sic non procedit, sed solum ob extrinsecum testimonium revelantis: ergo.

14. Ex dictis in hac assertione colliges, quid dicendum sit de iudicio credulitatis, quod disp. præcedenti num. 90. ad hunc locum remisimus. Quia cū iudicium credulitatis, sub formalitate talis, non sit actus fidei illustratæ: hæc enim, ut ex dictis patet, non solum dicit iudicium credulitatis, quod sibi, qua fides est, convenit: sed etiam alia iudicia, quæ ad eam, ut illustratam, spectant: propterea ex quo fides non illustrata non sit principium contemplationis divinæ habetur, quòd divina contemplatio non est actus iudicij credulitatis.

Sit

15. Sit 2. assertio: *Fides illustrata donis est habitus proxime elicitus divinæ contemplationem, tam quæ per causas est, quam illam, quæ non est per causas.* Explicatur conclusio. Etenim contemplationem, quæ non est per causas, illam dicimus, quæ est actus iudicij discretivi, de quo egimus disp. præcedenti q. 7. conclus. 2. & contemplatio per causas ea est, quæ est actus iudicij resolutivi, de quo disputavimus dicta disp. q. 8. quæ omnino videnda sunt, vt hæc plenè percipiantur, & hinc dicenda in promptu habenda sunt, vt ibi dicta perfectè intelligi possint: illa enim, quæ in hac disputatione tradimus, & quæ in præcedenti, præsertim dictis duabus q. q. tradidimus, reciprocè se ad intelligentiam iuvant. Igitur de vtraque dicta contemplatione loquitur assertio nostra. Nos autem indiscriminatim de vtraque loquemur; quia nihil difficultatis est speciale circa vnam, quæ pariter non sit contra aliam. Hanc autem assertionem sic explicatam defendunt plures Doctores, quorum diffusum catalogum posse exhiberi, constat ex dictis num. 8. Verùm hîs chartas oppleamus: sat nobis fuerit, ostendere nostram resolutionem cõformem esse Scripturæ sacræ, à qua omnis bona doctrina habetur. Insimulque ferè omnes Mystæ asserunt, fidem esse principium divinæ contemplationis. Dicere autem, quod aliqui non renuunt affirmare, eos D. D. loqui minùs propriè: minùs decens à nobis reputatur. Nec percipere valeo, cur, aut quomodo omnes vivocentur ad impropriandas voces in illa materia, de qua seriò, & in propria ipsius sede agunt. Aliter nil firmum erit. Ast vel in istis immorari nolumus. Quare solùm dicimus, assertionem nostram doceri à Mysticæ Theologiæ Antesignano D. Dionys. à D. August. à D. Thom. à N. Extatico Patre, & ab alijs P. P. Insupèr illam tuentur Exim. Suárez adductus num. 10. & N. Discept. mystica ibi, & num. 8. adducta. Hî Authores ita clarè loquuntur, vt de eorum mente prudenter dubitari non possit.

16. Probatur ergo 1. nostra con-

A SPIRITU SANCTO,

clus. ex Sacra Scriptura; ijs omnibus, quas dedimus disp. 7. q. 2. agentes contra Barambium, dari orationem fidei negãtem: ibi enim vidimus Samuelem, & Davidem contemplantes, & quod ipsorum contemplatio à fide ortum ducebat, vt ostendit verbum *audio*, quo vterque vitur, quòd ait Franciscus de Mendoza ibi adductus, idem est, ac *credere*. Rogo nunc: David cum crucebatur: *Audiam quid loquatur in me Dominus Deus, quoniam loquetur pacem in plebem suam.* contemplabatur? Ita planè asserit Mytic. N. Doct. in flamma. can. 2. verl. 3. §. 6. Vnde ipsum illud *audire* David erat contemplari: quiaque ipsum illud *audire* erat *credere* donis illustratum, relinquitur, quòd *credere* donis illustratum sit contemplari. Videantur ibi dicta, nè omnia reproducamus.

Et vt D. D. quos pro nobis adduximus, à nobis esse ostendamus, adest in primis Dionys. dicens epist. 9. quòd tunc contemplabimur divina, quando ipsa denudemus ab ijs, quæ sensum movent; & ea per se, & aperta oculo fidei intueamur. Nil clarius dici potuit; vt fides illustrata principium contemplationis asseratur. Hac eadem phrasi vltus est August. libro medit. cap. 22. dicens: *Transseat ab his animus, & transcendat omne, quod creatum est: currat, & ascendat velociter: pertransseat, & intueatur, qui creavit omnia, quantum potest; oculos fidei dirigat.* Scire vellem, qui sunt isti oculi fidei, quos ad Deum dirigit contemplativus, vt ipsum intueatur? Quia certè oculi fidei sunt actus huius virtutis, medijs quibus suū obiectum, quod est Deus, contemplatur. Hæc ergo fides illustrata per donum intellectus suum obiectum attingit non iam vt à phantasmatis repræsentatur, sed per se nudum, & apertum; sicque ad ipsum contemplandum dirigit oculos suos, qui ad intima talis obiecti ingressi, nec iam solo extrinseco testimonio revelantis contenti, altitudinem divitiarum sapientiæ, & scientiæ Dei venerantur. Si autem hoc non sit affirmare, fidem illustratam esse principium elicitivum divinæ contemplationis, dicant

Aaa

adver-

adversarij, quibus verbis potuit hoc expreſſius tradi.

Ang. N. Doct. ab hac ſententia eſſe non negabit, qui cūm docentem audiat in 3. d. 34. q. 1. art. 2. *In his autem, quæ ſupra rationem ſunt, perficit fides, quæ eſt inſpectio divinarum in ſpeculo, & in ænigmate: connaturalis enim modus eſt nature humane, ut Deum non niſi per ſpeculum creaturatum, & per ænigmata ſimilitudinum percipiat. Quod autem ſpiritalia quaſi nuda veritate capiuntur ſupra humanum modum eſt, & hoc facit donum intellectus.* His verbis iam alibi ponderatis loquitur Ang. Doct. de veraque divina contemplatione, acquiſita, ſcilicet, & inſuſa. Quod autem ad præſens punctum ſpectat, eſt, quod fides dicitur *inſpectio divinarum*, quod idem proſuſ eſt, ac divinarum contemplatio. Vnde dubitandum non eſt, Div. Thomam docere, contemplationem fore actum fidei illuſtratæ. Idem conſtat traditum à Seraph. Matr. N. ex verbis, quæ dedimus diſp. 7. num. 59. Et ſimiliter Myſt. N. Doct. vt patet ex dictis eadem diſputatione à numero 55.

17. Probatur igitur aſſertio noſtra ſequenti diſcurſu ex definitione contemplationis, & allegatis authoritatibus eruto: Actus fidei illuſtratæ eſt ſimplex intuitus divinæ veritatis: ergo eſt contemplatio. Conſeq. eſt evidens; quia arguitur à definitione ad definitum. Et anteced. prob. 1. ijs authoritatibus, quas num. præcedenti retulimus, quæ omnes conſpirant in hoc, quòd eſt, veritatem antecedentis aperire. Solummodò ſupra illam, quam ex D. Thom. adduximus, reflecto: Etenim Ang. Doct. ait: quòd fides eſt *inſpectio divinarum*: ergo eſt ſimplex intuitus divinæ veritatis. Patet iſta: Quia nihil aliud eſt intuitus divinæ veritatis, quam *inſpectio divinarum*.

Prob. 2. Idem anteced. ex ijs, quæ loco citato tradit Theodidactus N. Patrens; ubi divinam contemplationem dicit *ſcientiam fidei*. Si namque contemplatio eſt *ſcientia fidei*: erit utique ſimplex intuitus veritatis divinæ; quia hoc

eſt proprium cuiuſcumque ſcientiæ. vt videlicet, ſit ſimplex intuitus illius veritatis, quæ eſt obiectum talis ſcientiæ; atque ideo Metaphyſica actualis eſt ſimplex intuitus veritatis Metaphyſicæ; & ſic de alijs: ergo pariſormiter ſcientia actualis fidei eſt ſimplex intuitus veritatis divinæ, quæ eſt obiectum proprium fidei. Hoc ipſum oſtendit Doct. Sanct. omnibus illis ſcripturis, quas à dicto num. 55. exhibuimus. Videantur ibi dicta, & illas ſcripturas, Sanct. que Doct. illas adducentem, exponen temque, contemplationem eſſe actum fidei illuſtratæ docere, non niſi violentiſſimè negabitur. Nihil enim aliud eſſe poteſt, quòd fides ſit illuminatio contemplanti, delicijſque contemplationis fructus; niſi quòd ipſa *nox*, ſeu fides eliciat contemplationis actum, qui contemplanti *illuminatio* ſit: quandoquidem facit ipſum myſticè, & experimentaliter videre ipſas contemplationis, ac obiecti contemplati delicias. Fit hoc eſt, quod D. Thom. docuit 2. 2. q. 180. art. 7. ad 1. dicens: *Et hæc eſt ultima perfectio contemplatiue vite, vt ſcilicet, non ſolum divina veritas videatur, ſed etiam ut ametur.* Vnde David in illis verbis, *Nox illuminatio mea in delicijs meis*, vnum illum ſimplicem actum expreſſit, quem *nox*, ſeu fides illuſtratæ elicit, quo veritas divina videtur, & delicioliſſimè amatur. Idem dicimus de alijs loco citato ſcriptis.

Prob. tandem idem Anteced.: omnia verba prædicati ipſius tranſcurrendo, & illa ſubiecto eiſdem antecedentis applicando: etenim actus fidei illuſtratæ, quæ actus fidei eſt, eſt *intuitus*; ſiquidem eſt actus intellectus, de cuius ratione eſt, quòd ſit *intuitus*, ſeu viſio, & iſte actus paulò ante à D. Thom. *inſpectio* dictus eſt. Inſuper actus fidei habet pro obiecto veritatem primam formaliter talem, ſeu divinam; Quare actus fidei, vt fides eſt, eſt intuitus divinæ veritatis. Denique: iſte actus eſt *ſimplex*. Quod dupliciter intelligi poteſt. Primò ex parte firmitatis, & quatenus non innititur ratione, ac diſcurſu credentis, ſed teſtimonio infalli-

libili revelantis : & prout sic est adhuc actus fidei divinæ, ut fides divina est. Secundò potest intelligi, quatenus etiam cogitationem, seu fluctuationem excludit, in quantum iam non solum ob testimonium extrinsecum attingit veritatem, sed etiam quia illam intropiciat inima ipsius penetrando, & mystica evidentia illam cognoscendo. Et prout sic non est actus fidei divinæ, ut fides divina est : sed est actus fidei, ut illustrata est. Ex quibus, quæ à nemine non admittenda suspicamus, deducitur evidenter hæc illatio : ergo actus fidei illustrata est prorsus simplex intuitus divinæ veritatis.

18. Confirmatur hæc ratio, quæ nostro iudicio demonstrativa est : si actus fidei non illustratæ cognosceret Deum non solum ob extrinsecum testimonium, sed evidentia mystica, & affectuosa connaturalitate intima obiecti penetraret, talis actus foret absdubio contemplatio : sed actus fidei illustratæ sic attingit Deum : ergo est contemplatio. Illatio calumniam pati non potest : quippe syllogismus in forma est. Maior patet ex modo dictis. Tunc enim illi actui conveniret definitio contemplationis, quæ modò non convenit, quia talis actus non est simplex eo simplicitatis modo, quem contemplatio exigit. Insuperque contemplatio non qualitercumque est intuitus veritatis : sed est intuitus reapse evidens, ut in scientia perfectum statum habente : vel est evidens ex activè, ut in scientia non habente statum perfectum : vel est evidens evidentia experimentalis, & affectuosa connaturalitate, ut in nostra Theologia mystica. Nullam ex his evidentijs habet ille actus : non primam, ut de se patet. Non secundam : quia quod sic evidens est, dum advenit evidentia, quam petit, non perit, sed perficitur, ut patet in nostra Theologia, & in omni scientia subalternata. Fides autem claritatem illam non petit : cùm sit eius deservativum. Sed nec ultimam evidentiam habet, nec petit. Non habet : Quia illa convenientia mystica non convenit ei ex se, sed aliunde. Non petit : Quia

ipsa de se assentit veritatem revelatæ solum ob extrinsecam auctoritatem dicentis, quin de alio curet, ut diximus disp. præcedenti. Ob quæ omnia talis actus non est simplex intuitus divinæ veritatis. Effet tamen, si aliquam ex prædictis evidentiam haberet.

Iam vero prob. min. multipliciter, & breviter. Primò quidem, quia sic sentiunt omnes Theologi, etiam ipsi, qui negant, talem actum esse contemplationem. Secundò, quia sic sentimus, qui talem actum contemplationem esse, affirmamus. Et deberent adversarij ab hac arce nos expellere, ut intentum suum consequerentur. Quod nec faciunt : & quod admirandum est, nec agrediuntur, alijs procedendi modis, discursibusque intenti : sed nullum videmus ex hac parte invadentem. Vnde post tarda molimina, discursuumque dispendium, manent semper expositi ictui male medicabili nostri facti argumenti procedentis à diffinitione ad definitum. Tertiò : Quia fides illustrata addit ad non illustratam : quod non potest esse ex parte certitudinis : ergo est ex parte obscuritatis : ergo est evidentia illa mystica. Quartò denique : Quia fides illustrata dicit, quod participat ab illustratî : quod illustrans sunt dona Spiritus Sancti. Ergo à dono intellectus habet, quod intimè penetret veritatē divinā : à sapientia, quod per causam altissimam iudicet, & per inferiores à scientia : & hoc omne ex connaturalitate mystica, & affectuosa : quandoquidem dona non aliter procedunt, ut vel ipsi adversarij non audebunt negare.

#### §. IV. Obiectio, qua communiter utuntur adversarij, proponitur, ac diluitur.

19. IN authoribus contrarijs celebratam video obiectionem ; qua sola æquatam, solo ac funditus eversam nostram rationem, eiusque confirmationem, putant. Reduciturque ad brevem hanc formam. Actus fidei etiam illustratæ est formaliter cre-

*are*: ergo talis actus non est contemplatio. Anteced. est omnino certum, quia nihil aliud est actualis fides nisi *credere*, quæ non videt, vt ex Augustino tenent omnes Theologi. Et conseq. probatur 1. Quia credere non est formaliter contemplari, nec contemplari est formaliter credere: ergo actus fidei illustratæ contemplatio non est. *Prob. 2.* Quia credere separatur à contemplari: ergo non sunt idem Patet ista, quia sine distinctione non est dabilis separatio. Et probat. anteced. Quia fides informis, & etiam fides non illustrata credunt; non tamen contemplantur; nec possunt, manente secunda sine illustratione donorum, & prima sine hac, & sine formatione charitatis: ergo.

20. Hæc obiectio est, quam adversarij magnificat, & qua, vt in duobus ex illis vidi, paginas plures suffarcinant; cū tamē nihil succi cōtineant tot verba, nisi id, quod ad formam propositam à nobis redactum est. Et vt verum fatear, plures defectus cōtinet obiectio, quam verba. Vnde contra illam disputo sic 1. Licet credere non sit formaliter cōtemplari, potest vtrumque ad eundem habitum pertinere: ergo ex dato principio non habetur, contemplationem non esse actum fidei illustratæ. Conseq. bona est. Probo anteced. Ad eundem habitum pertinent diversi actus; sicut & ad eandem operationem intellectus diversa iudicia spectant: ergo. *Disputo 2.* Quia licet credere non sit idem, & separatur à contemplari; hoc tamen ab illo potest esse inseparabile, & reapse inseparabile est: ergo sicut probatur separatio credere à contemplari, debet probari huius ab illo distinctio, ac separatio; aliter labor cassus erit. Probo anteced. Quamquàm prius non dependeat, sitque separabile à posteriori; hoc tamen non est eo ipso separabile ab illo, vt patet in animalitate, quæ separatur à rationalitate, & non è contra: & in intellectione, quæ separatur à dictione, & non è conuerso: ergo idem evenire potest inter credere, & contemplari. Consequenterque per hoc quod credere se-

paretur à contemplari, non debet obijciens, rem se confecisse, gloriari.

21. Disputo 3. Tametsi credere simpliciter, & absolute sumptum sit separabile à contemplari; credere illustratum separabile à contemplari non est; ergo malè infert obijciens, contemplationem non esse actum fidei illustratæ, quia credere simpliciter tale separatur à contemplari. Prob. anteced. 1. Id dicit actus, vt actus, quod habitus eliciens dicit, vt habitus: sed fides, quæ est habitus contemplationis, si absolute sumatur, est separabilis à conceptu eliciendi contemplationē, vt patet in peccatore, non autem fides illustrata: ergo pariformiter, ex quo credere absolute sumptum separatur à contemplari, malè infertur, etiam credere illustratum separari. *Prob. 2. anteced.* Licet intelligere simpliciter tale sit separabile à dictione; tamen intelligere fecundum separabile à dictione non est: ergo similiter licet credere absolute tale sit separabile à contemplari; non tamen credere illustratum.

Disputo 4. Et radicem huius doctrinæ, vimque adductæ paritatis ostendo. Ideo intelligere absolute sumptum separabile est à dictione, non autem intelligere fecundum; quia intelligere correspondet intellectui, vt intellectus est; dicere verò correspondet intellectui, vt fecundus est: sed eodem modo credere absolute est actus fidei absolute talis; & credere illustratum est actus fidei illustratæ: ergo licet credere absolute separatur à contemplari; non tamen credere illustratum. *Disputo 5.* & in eadem paritate subsisto: Licet in intellectione fecunda sit alia expressio dicendi, & alia formalitas contemplandi; tamen intellectio secundum vtrumque munus est actus eiusdem potentia, eandem specierum, & eiusdem etiam habitus: ergo pariformiter de credere illustrato secundum munus credendi, & secundum expressionem contemplandi: ergo ex quo formaliter credere non sit formaliter contemplari malè infertur, contemplari non elici ab habitu, à quo elicitur credere.

22. Disputo 6. Fides illustrata diversa est à se ipsa, ut non dicit illustrationem: ergo ut illustrata debet elicere actum aliquemmodò diversum ab actu quem elicit, ut non illustrata: ergo quòd *contemplari* non sit formaliter *credere*, vanum, ac ruinosum fundamentum est, ut inde contemplationem elici à fide illustrata, negetur. Hæc secunda consequ. constat ex 1. quæ ex antecedenti optimè deducitur; diversitas quippe se tenens ex parte principij debet in actu elicito à principio representari. Ideoque videmus, quòd eadem fides credit Deum, & credit in Deum, ut præmissimus num. 2. & hi actus diversi sunt, & primus separatur à secundo, licet non è converso. Quod inde evenit, quia fides, ut credit in Deum, dicit imperium charitatis, quod non dicit, ut credit Deum, quam differentiam ipsa fides communicat suis actibus. De antecedenti autem dubitandum non est; quia fides illustrata dicit ipsa Spiritus Sancti dona, quæ, ut non illustrata, haud dicit. Vnde deberent adversarij non totam efficaciam suorum discursuum collocare in aperiendo, quod vel cæcos non latet. Fatemur ante suos syllogismos, formalitatem credendi non esse formalitatem contemplandi. Cùm autem ex hoc principio colligunt, actum contemplandi non elici ab habitu credendi, miramur illationem insulsam, plura principia metaphysicè certa devorantem.

23. Disputo 7. Doctorem Seraph. adducens, qui in suo Brevisloq. 5. parte cap. 4. 5. & 6. hæc tenens à nobis dicta confirmat, & omnem fugam adversariorum precludit ostendens futilitatem illius principij, nempe, *credere non est formaliter contemplari*. Referam D. Bonavent. sententiam, prout eam resumit V. N. Thomas à Jesu lib. 1. de orat. divina cap. 4. loco citato explicat Seraph. Doct. triplicem gradum fidei insulsè dicens sic: *Primus est credere simpliciter*. Ecce tuum *credere*, quod toties repetis. *Secundus intelligere, & penetrare credita*. Vides fidem, non iam solummodò credentem, verùm etiam credita pene-

trantem? *Tertius videre intellecta*. Vides fidem non solum penetrantem, sed videntem? Audi, quomodò hæc ab eodem habitu fidei fieri valeant. *In primo gradu*, prosequitur Bonavent. *receditur anima per virtutes morales, & Theologales: in secundo, per habitus donorum redditur expedita: in tertio verò per habitus beatitudinum dicitur videre intellecta*, iuxta illud: *Beati mundo corde, quoniam ipsi Deum videbunt*. Hactenus Doct. Seraph. prout à dicto V. Authore adducitur. Et in his verbis sunt omnia, quæ in præsentis quæstione dicta à nobis sunt. Diximus enim primò: Fidem non illustratam non esse divinæ contemplationis principium; quia fides prout sic solum credit, tantumque dicit ea, quæ ex se, & ex propria quidditate habet. Et hic est primus gradus fidei, seu *credere simpliciter*, ad quod fides nihil participat à donis. Diximus 2. fidem illustratam fore principium divinæ contemplationis, quia prout sic dicit dona, à quibus habet, quòd credita introspiciat. Et hic est secundus fidei gradus, qui est *penetrare credita*. Et in hoc gradu fides *per habitus donorum redditur expedita*. Præmissimus etiam num. 6. quòd dona eò perfectiùs fidem illustrent, perfectioremque contemplatione elicere faciunt, quo perfectiori modo sūt in anima: vnde illà perficiunt, illustrantque adeò, ut faciant *videre intellecta*. Et hic est tertius gradus fidei insulsæ, in quo non solum perficitur per Spiritus Sancti dona; sed etiam per beatitudines ei correspondentes.

Ecce ergo omnia, quæ diximus, à D. Bonav. asserta: & omnia, quæ dicis; à D. Bonav. explosa. Habet enim eadem fides illos tres actus differentes. Primus correspondet fidei, ut fides est. Secundus fidei, ut illustrata simpliciter est. Tertius correspondet fidei, ut magis illustrata est. Primus actus est *credere simpliciter*, & hic non est contemplatio. Secundus est *credere illustratum*, & hic contemplatio est. Tertius est *credere magis illustratum*, & hic perfectior contemplatio est. De primò locuti

locuti fuimus in 1. conclusione: de 2. & 3. in secunda. Quid contra hoc valeat proposita obiectio à nonnullis celebrata, iudicent viri docti, dum omisis pluribus alijs,

24. Disputo sic vltimò, & præcipuè, quia vel obijciens concedit, quòd actus fidei illustratæ est simplex intuitus divinæ veritatis, vel negat. Si negat; ostendere debet, quid deficiat, quod hæctenus non fecit, occupatus in ostendendo, quòd *credere* non est formaliter *contemplari*, ac si hoc ei ab aliquo negaretur. Nos enim num. 17. omnia, & singula ea percurrimus, & propriè actui fidei illustratæ convenire demonstravimus. Si, vt debet facere, concedit: Inferam: ergo vel actus fidei illustratæ est contemplatio, vel diffinitio contemplationis convenit alijs à diffinito. Si primum; habeo intentum: si secundum; negatur principium ab omnibus admissum, videlicet, quòd illa contemplationis diffinitio sit bona; atque adeò quòd alijs à diffinito non conveniat: & contra principia negantes non est arguendum. Debemus tamen eorum motiva dispellere, ad quod iam properamus. Præstat tamen factæ obiectio in forma respondere.

Ad obiectioem ergo respond. Quòd actus fidei illustratæ est formaliter *credere*, & formaliter *contemplari*; quæ formalitates diversæ sunt, & prima correspondet fidei illustratæ, vt fides est. Secunda correspondet ipsi, vt illustrata est. Quæ formalitatum diversitas non infert, entitatem actus fore diversam, nec quòd habitus differentes expossat. Ad Augustini auctoritatem dicimus, loqui de fide relatè ad suum actum primarium, qui est *simpliciter credere*. Et hæc pro anteced. Deinde negatur absolutè consequent. vel distinguatur consequens: ergo *talis actus* sub formalitate credendi *non est contemplatio* transeat: sub alia formalitate, nego consequent. Ad cuius primam probationem, dato transeat ad anteced. negatur consequentia. Seu tradito modo consequens distinguatur. Ad 2. probationem dicas: quòd licet *credere* separe-

tur à *contemplari*; hoc tamen non separatur ab illo. Et etiam, quòd *credere* non illustratum separatur à *contemplari*; non autem credere illustratum; hoc enim, etsi separetur separatione formalitatis; non tamen separatur separatione entitatis. Vnde idem habitus est principium vtriusque. Quæ omnia adducta paritate intellectiois, dictionis que nota sunt.

#### §. V. Occurrimus argumentis contra secundam assertionem.

25. **C**ontra primam assertionem non est argumentum, cui opus sit occursum ire. Maximè, quia, quæ contra illam obijci possunt, magna ex parte præclusa sunt disputat. præcedenti. Et ex dictis in hac quæstione, dicendisque in sequentibus. Ex hoc tamen 1. asserto arg. sic 1. contra 2. Fides non illustrata non est minùs perfectæ se ipsa, vt dicit illustrationem: ergo si vt non illustrata non est principium contemplationis, pariter nec, vt illustrata. Conseq. constat; Quia, vt dictum est præcipuè num. 5. & 6. fides, vt est principium contemplationis est perfectior se ipsa, vt non est principium talis actus. Anteced. autem probatur. Quia fides illustrata dicit id, quod habet à donis Spiritus Sancti: sed id, quod fides habet à donis, sicut & ipsa dona, sunt minùs perfectæ, quàm fides, secundum se sumpta: ergo fides secundum se accepta, seu vt non illustrata, non est minùs perfectæ, quàm fides, vt dicit illustrationem.

Respond. 1. Omisso anteced. negando conseq. Non enim stat in maiori; seu minori perfectione actus, & habitus, quòd iste sit principium contemplationis: aliàs actus charitatis, qui fidei actu perfectior est, esset contemplatio. Requiritur ergo ultra perfectionem habitus elicentis contemplationem, quod sit ille habitus talis conditionis, vt procedat in elicentia sui actus ex mystica connaturalitate, & evidentia ad res divinas, quorum neutrum habet



habet fides non illustrata, vt constat ex dictis. Vnde siue sit perfectior; siue æquè perfecta sit, ac fides illustrata, potest hac, & non illa, elicere actum contemplationis.

Respond. 2. neg. anteced. Cuius probatio nulla est: Quia fides, vt illustrata, dicit se ipsam cum illa illustratione à donis proveniente. Et fides cum illa illustratione perfectior est se ipsa sine illa. Sicut generaliter qualitas, vt magis radicata perfectior est se ipsa, vt minus intensa. Non quia modus maioris intensificationis perfectior sit, sed quia qualitas cum illo modo perfectior est se ipsa sine illo.

26. Dices: Licet dilectio inimici propter Deum exposcat specialissimum auxilium, quo non indiget dilectio ipsius Dei, qui nobis amicissimus est, & in quo nulla ratio apparet non diligibilis; tamen dilectio Dei semper perfectior est, quam dilectio inimici. Immo dilectio proximi amici magis meritoria est, quàm inimici iuxta D. Thom. 2. 2 q. 27. art. 7. ergo similiter, quamquàm fides illustrata dicat illam specialissimam motionem Spiritus Sancti, & suorum donorum illustrationem, non est magis perfecta se ipsa non dicente illam illustrationem.

Duplicem paritatem affert hæc obiectio. Prima dilectionis Dei, & proximi inimici Secunda dilectionis amici, & inimici. Ab hac secunda incipientes, dicimus: Quòd idè D. Thom. præfert dilectionem amici, quia hic est melior; cum supponatur non frangere præceptum charitatis, cuius inimicus transgressor est. Licet sub alia consideratione præferatur dilectio inimici amici dilectioni. Ex hoc tamen nihil contra nostram doctrinam sequitur. Primò, quia paritas ponit duo obiecta illarum dilectionum. Primum bonum, & quæ ex charitate diligit; secundum malum, quia odio me habens frangit charitatis præceptum. (de his enim procedit D. Thom. resolutio) In hoc autem nulla paritas est cum nostro casu: loquimur enim de eodem Deo à fide non illustrata credito simpliciter, & à fide

illustrata credito, & contemplato. Vnde perfectior est fides sub secunda consideratione, quam sub prima. Sicut si daretur idem obiectum simul diligibile propter illas duas rationes, penes quas se excedunt dilectio amici, & inimici; tunc perfectior foret illa dilectio, quæ obiectum illud amaret sub vtraque ratione, quam illa, quæ illud solum sub prima ratione diligeret.

Secundò nihil inferitur ex illa paritate contra nos: Quia ibi ponuntur duo obiecta, vnum bonum, aliud malum, vt dictum est. Nos autem non solum loquimur de eodem obiecto, sed de obiecto tali, quod siue creditum, siue contemplatum, est æquè bonum. Immo, si paritas aliquid suadet, est in nostrum favorem: Quia Deus ipse, eiusque amabilitas, magis cognoscitur ab eum fide illustrata contemplante, quàm ab illum fide non illustrata credente: & illa maior cognitio non potest non esse perfectior; cōsequenterque principium perfectius arguit.

Ad illud, quod dicitur de dilectione Dei, & inimici respondet. Div. Thom. dicta q. 27. art. 8. vbi loquutus de dilectione Dei, & proximi solvit id, quod nobis opponitur de dilectione Dei, & inimici; motivum enim & proximum, & inimicum comprehendit. Verba Ang. Doct. sunt: *Respond. dicendum, quod comparatio ista potest intelligi dupliciter. Vno modo, vtrum consideretur vtraque dilectio. Et tunc non est dubium, quod dilectio Dei est magis meritoria. Debetur enim ei merces propter se ipsam &c. Alio modo potest attendi ipsa comparatio, vt dilectio Dei accipiat, secundum quod solus diligitur; dilectio autem proximi accipiat, secundum quod proximus diligitur propter Deum: & sic dilectio proximi includit dilectionem Dei: sed dilectio Dei non includit dilectionem proximi. Vnde erit comparatio dilectionis Dei perfectæ, quæ extendit se etiam ad proximum, ad dilectionem Dei insufficientem, & imperfectam: quia hoc mandatum habemus à Deo, vt qui diligit Deum, diligit, & fratrem suum: & in hoc sensu dilectio proximi præeminet.* Sc:

Secundum quod ad obiectionem in forma respond. disting. consequens: Quia si id, quod fides illustrata habet à donis eum omni præcisione sumatur, prout differt ab eo, quod est fidei proprium: tunc fidei actus perfectior est; est enim actus virtutis Theologalis, de cuius ratione est, quod superet donorum perfectionem. Si autem fiat comparatio eum actu fidei illustratæ secundum ea, quæ à fide, & donis habet; tunc perfectior est fides illustrata, actusque ipsius, quàm fides non illustrata, & actus eius.

27. Arg. 2. Non omnes, qui habent fidem illustratam possunt contemplari: ergo talis fides non est principium elicitive contemplationis divinæ. Anteced. constat: Quia omnes, qui habent gratiam sanctificantem, habent Spiritus Sancti dona, à quibus fides illustratur. Caterum non omnes habentes gratiam sanctificantem contemplari possunt. Aliter enim status contemplationem exercitium non foret adeo sublimis; nec daretur ipso statui specialis; indidemque superflua foret meditatio. Conseq. autem probat. Quia stante habitu elicitive divinæ contemplationis, stat habitus ad contemplationem: sed stante fide illustrata, non eo ipso stat habitus ad contemplationem: ergo fides illustrata non est habitus elicitive contemplationis.

Respond. concessio anteced. negando conseq. Ad probat. distingo mai. stante habitu cum requisita expeditione, concedo; sine illa, nego mai. Et sub eadem distinctione minor: Nego conseq. Licet fides illustrata sit habitus, à quo elicitur cōtemplatio, debet tamen adesse expeditio necessaria, vt actus detur contemplatio. Vnde cum hac expeditio non inveniatur in omnibus habentibus fidem vivam, propterea non possunt contemplari. Et sanè contrarij, qui hoc argumentum vtuntur, illoque se superasse rentur, aliquem habitum assignare debent, qui sit divinæ contemplationis principium. Quod, vt minus profusa contemplatione, infusum esse debet. De hoc ergo principio, si sit

aliquid ex Spiritus Sancti donis, siue ille *habitus contemplationis*, de quo num. 9. loquuti fuimus, dicimus, quod si infusum est; communicabitur animæ cum gratia sanctificante: quocirca in omnibus habentibus gratiam inveniri debet ille habitus. Deoque sitidem argumentum. Quomodo enim asseritur contemplationis elicitive; si non omnes, qui illo habitu decorantur, contemplari possunt? Videant, qui ad hoc respondeant; & si placuerit, idem ad suum argumentum dicemus: sin minus, stabimus traditæ solutioni.

28. Dices num. 23. dixit D. Bonav. Quod anima ad contemplandum per habitus donorum redditur expedita: sed in omni habenti gratiam dantur fides, & dona: ergo omnis habens gratiam habet expeditionem necessariam ad contemplandum. Respondetur, expeditionem animæ ex parte principij contemplationem elicitive haberi habira fide illustrata. Vt autem hæc possit illum actum elicere, debet anima habere expeditionem, quæ ex parte ipsius requiritur. Quæ autem sit hæc? Constat ex D. Bonav. de itin. d. 4. art. 1. vt sic textum Div. Bonav: qui in nos opponitur, ex ipso Doct. Seraph. explicemus. Si enim ait Doct. Sanctus: *Oportet, quod mens, quæ Deum vult contemplari, primum purgetur, postea illuminetur, & deinde perficiatur: quia nisi præcederet purgatio, non sequeretur illuminatio.* Vides quomodo non sat est habere fidem illustratam, vt habeatur contemplatio? Quod idcirco est: Quia non solum requiritur expeditio ex parte principij elicentis; sed etiam ex parte subiecti contemplantis.

Quæ vt probè calleas: meminisse debes, quod, vt alibi tactum est, contemplatio divina dupliciter considerari potest. Primò, vt est propria status contemplantis. Secundò vt non est propria talis status; sed aliquid excedens statum, & merita contemplantis. Secundo modo, potest utique dari contemplatio per hoc, quod solummodo detur expeditio ex parte principij. Vt enim supra diximus ex doctrina omnium Mystici.

gra-

gratiam contemplationis aliquando imperfectis concedit Deus, qui illam solet perfectis denegare. Et de contemplatione hoc modo sumpta non loquimur. Sed de illa sub prima consideratione, sub qua non adest contemplatio, quin principij, ac subiecti expeditio adsit.

29. Instas : Per hoc, quod detur fides illustrata datur *credere* illustratum : ergo & contemplatio. Patet ista : Quia contemplatio, vt ex dictis constat, est credere illustratum. Probat. antec. 1. Per hoc solum, quod detur fides simpliciter, datur *credere* simpliciter : ergo per hoc solum, quod detur fides illustrata, datur *credere* illustratum. Probat. 2. antec. Per hoc solum quod habens fidem illustratam habet etiam spem, & charitatem, potest actus huius virtutibus correspondentes habere : ergo similiter potest habere actum fidei illustratæ. Probat. 3. antec. Per hoc solum quod quis habet fidem illustratam potest Deum intuitivè contemplari : ergo per hoc solum quod habeat fidem illustratam, potest Deum contemplari obscurè. Conseq. constat ex antec. Quod inde patet, quia habenti fidem illustratam solum auferit, quod Deum facialiter contempletur, misera hæc mortalitas : cuius signum est, quod mortalitate finita Deum intuitivè contempletur : ergo cum mortalitas non pugnet cum contemplatione obscura ; per hoc solum quod fides illustrata habeatur ; obscura contemplatio habetur.

Omnia hæc debilitata iam à nobis sunt disp. 1. q. 2. à num. 24. vsque ad 28. & q. 1. num. 9. quæ videnda sunt : Quia modò illo supponentes brevissimè ad ista respondemus disting. antec. *Credere illustratum* sive perfectum, sive imperfectum, transcat : Perfectum ; nego antec. *Credere illustratum perfectum* illud dico, quod non solum est perfectum in se, sed etiam constituit statum perfectum contemplationis. Imperfectum illud dico, quod vel in se est imperfectum ; vel licet perfectum in se sit, est tamen in subiecto imperfecto, & tantæ perfectioni mini-

mè proportionato : & hoc iudicium evenit, quia non proportionatur cum meritis subiecti, sed procedit ex mera benignitate conferentis, vt diximus num. præcedenti. Hinc ergo dicimus, quod per solum, quod detur in subiecto fides illustrata, potest dari in illo *credere* illustratum perfectissimum, videlicet infusa contemplatio, de qua modò non loquimur ; sed de illa, quæ est propria status contemplantis. Ac de ista dicimus, quod non potest dari per hoc solum ; quod fides illustrata detur ; sed ultra requiritur expeditio ex parte subiecti. Quod non negamus, posse habere aliquas imperfectas contemplationes, seu *credere* illustratum imperfectum, per hoc solum quod habeat fidem illustratam. Ex iuxta hoc concedimus, quod sicut per hoc solum, quod habeatur fides simpliciter, habetur *credere* simpliciter : sic ex hoc, quod habeatur fides illustrata, habetur *credere* illustratum, hoc est, imperfectum, & quod non potest statum contemplativum constituere. Nec aliud ex illa paritate habetur.

Ad 2. probationem antec. similiter respond. Spem, & charitatem suos gradus habere se in perfectione excedentes, vt constat ex locis citatis. Vnde ex quo habeatur spes & charitas, non inferitur, dandos esse sine aliquo alio actus perfectos harum virtutum. Per hoc enim, quod detur charitas, habetur quidem, quod ab illam habente possit Deus diligere ; sed erit dilectione proportionata statui diligentis. Dividitur charitas à Div. Thom. in charitatem propriam Incipientium, Proficientium, & Perfectorum. Vnde Incipiens non potest Deum diligere dilectione propria Proficientis ; nec iste dilectione propria perfectorum. Pariformiter de *credere* illustrato dicimus.

Ad 3. probat. respond. ex doctrina Etxat. nostr. Doct. loco citato ex 1. quæstione, contemplationem nostram triplici interiecto velo impediri. Primum est temporale ; secundum naturale ; & tertium sensibile. Temporale est affectio ad creaturas. Naturale est propensio ad propriam operationem ;

& ad inclinationes naturales. Sensibile denique consistit in vnione animæ ad corpus mortale. Vela hæc non sunt inter se connexa ad hunc sensum, quod non possit abrumpi vltimum, quin præcedens perferret: idcircoque, qui moritur, ad gloriā destinatur, si fidem illustratam habet; non tamen Deum clarè videbit; si perferret vt in plurimum evenit, velum præcedens. Quocirca ab ingressu in gloriā retardatur, quoadvsque igne purgatorio proportionetur ad illam sublimem faciem contemplationem. Vnde licet charitatem habeat, nequaquam Deum videbit, donec expeditio ex parte subiecti requisita perficiatur. Sic ergo contemplatio obscura non pugnat cum velo hoc sensibili, sed est incompatibilis cum duplici alio velo: quocirca licet subiectum habeat fidem illustratam, non contemplabitur Deum, vsque dum expeditionem ex parte sui requisitam habeat, quæ est abruptio veli tēporalis, & naturalis. Quamobrem instantia posita nostram doctrinam non infirmat, sed roborat, & cōfirmat. Et vellē ab adversarijs discere; quod principiū assignari contemplationi valeat, quod ex hac parte non easdem, & ex alijs maiores difficultates patiatur.

30. Arg. 3. Quia Extatic. N. Patens lib. 2. alcenf. cap. 14. §. *la segunda*, docet, habitum cōtemplationis nostris actibus acquiri: ergo iste habitus contemplationis non est fides. Consequ. patet: Quia fides est virtus per se infusa. Et antecēd. constat ex auctoritate dicti Mystici N. Doct. quam ad longum dedimus disp. 8. num. 73. vbi in tali auctoritate fundati diximus; Ascetam manere in statu meditationis, quoadvsque per frequentes actus meditationis acquirat habitum contemplationis: *Postquam autem, addidimus, iam habitum contemplationis acquisiuit ex frequentia, ac repetitione prædictorum actuum, transit ad statum contemplationis.* Ex quo etiam intulimus: habitum, & actum contemplationis divinæ esse intrinsecē naturales: ergo cum hæc omnia fidei infusæ repugnent, planē ha-

betur, ipsam fidem non esse habitum elicentem divinam contemplationem.

Hoc argumentum, quod suadere intendit falsum esse nostrum assertum, & nostram doctrinam inconsequentem, nihil horum facit; quin potius datam doctrinam fulcit. In primis ergo non potest habere locum in contemplatione infusa, cuius elicitus habitus est infusus: consequenterque inacquisibilis, vt alibi demonstravimus; docetque D. Th. 1. 2. q. 5. 2. art. 4. dicēs: *Ad 3. dicendum, quod actus, qui producuntur ex habitu infuso, non causant aliquem habitum, sed confirmant, habitum præexistentem, sicut medicinalia remedia adhibita homini sano per naturam, non causant aliquam sanitatem, sed sanitatem prius habitam corroborant.* Quod intelligi debet tam de habitu acquisito, quam de infuso. Non enim causant habitum infusum, quia involvit manifestam repugnantiam, vel quod habitus effectivē producens actum fiat per illum, si sermo sit de habitu efficiente actum, vel si de illo, si de alio ab ipso diverso sermo sit, implicat, quod idem habitus sit per se infusus, & per accidens acquisitus. Sed nec causant habitum acquisitum, quia vt scitē arguunt P. P. Salmant. tract. 12. num. 55. disp. 3. Actus non generant nisi habitus sibi similes: vnde actus infusi habitus acquisitos causare non possunt. Et licet aliæ auctoritates sint; quibus hoc suaderi potest; hac tamen vt volumus; quia in ea consert nobis N. Ang. Doct. modum, quo intelligamus mentem Seraph. N. Doct. Maneat ergo, factum argumentum nihil probare circa contemplationem infusam.

Loquendo autem de contemplatione acquisita, certum est N. Mystic. Doct. docere, fidem esse habitum, à quo elicitur, vt ostendit Discept. Mystica tract. 2. q. 3. art. 7. num. 26. Cur ergo dicit, quod ex repetitione actuum meditandi generatur habitus contemplandi? Hæc est tota difficultas. Ad illam respondeo dupliciter. Primò: quod datur duplex contemplatio religiosa acquisita, Prima est actus habitus

### DISP. 13. DE PRINCIPIO PROXIME ELICIT. DIV. CONTEMP. Q. 7. 379.

Theologici, uti tom. 1. disp. 1. q. 8. ostendere conati sumus, de hacque dicta disp. 8. loquebamur, ad illamque suadendam adduximus citatam auctoritatem B. P. Noltri. Secunda est actus fidei insulæ, de qua hactenus nec verbum fecimus, reservantes de illa agere ad præsentem disputat. Eritque dissertatio hæc quæst. sequenti. Modò verò dicimus, quod Sancti Doct. non intelligitur de hac 2. contemplatione acquiescit; sed de illa prima, quæ in subiecto, in quo non supponitur habitus Theologicus, illum ex actuum repetitione causat. De hac loquentes intulimus ex dato testimonio, esse entitativè naturalem, & solum remotè & ex obiecto supernaturalem.

Respondet. 2. prænotando, actus cuiuscumque habitus, sive infusus, sive acquisitus, esse in duplici differentia: nam alij sunt perfecti, & imperfecti alij. Rursus: ut detur actus, non solum requiri adesse habitum, sed etiam expeditionem se tenentem ex parte subiecti. Sinamque hæc expeditio absit relatè ad aliquem actum, respectu illius est habitus, tamquam si non esset: non ex defectu sui, sed propter in idoneitatem subiecti, ut constat ex dictis num. præcedenti. Ratioque huius ea est: Quòd actus perfectus non est utcumque actus habitus, sed habitus perfecti, qui ex repetitione actuum præcedentium perfectè dominatur subiecto, redditque illud expeditum expeditione requisita ex parte ipsius subiecti. Sicque ut eodem num. præcedenti diximus, videmus, quòd in incipientibus datur habitus charitatis, sed qui nullatenus valet elicere actum charitatis ad perfectorum statum propriè pertinentem. Nec talem actum eliciet: quoad usque ex repetitione actuum magis, ac magis ipse charitatis habitus radiceatur, perficiaturque. Quod clarissimè docuit D. Thom. loco citato dicens, quòd actus qui producantur ab habitu infuso *confirmant habitum præexistentem, sicut medicinalia remedia adhibita homini sano per naturam, non causant aliquam sanitatem, sed sanitatem prius habitam corroborant.*

*rans.* Quid est habitus præexistentem confirmare, nisi illum expeditiorum facere, ut possit omnino proximè elicere illos actus: quos prius non poterat? Sicut per medicamenta sanitas à natura habita vigorosior, stabiliorque redditur. Quæ veritate supposita, sine impropriate potest dici, quòd tunc habitus datur, quando actus, quos prius non poterat, elicit: quia licet iste habitus præsuponeretur ad illum actum: non tamen præsuponebatur, ut perfectus, nec explicabatur eius præexistentia per illorum actuum perfectiorum eliciendum.

Ex quibus patet fundamentum; quod Mystic. N. Doct. habuit, ut habitum contemplationis acquiri per frequentiam actuum meditandi, edoceret. Quandoquidem non loquitur de acquisitione habitus quoad substantiam; si ille acquisitus sit; nec de vera acquisitione, si habitus sit infusus: sed loquitur de confirmatione, corroborazione, ac perfectione habitus præexistentis, quas habet ex actibus præcedentibus. Vnde tunc dicitur fides illustrata de novo haberi respectu actus contemplationis, cum omni expeditione proxima potest contemplari, quod ante illas frequentes meditationes non habebat. Tunc enim actus imperfectos eliciebat; sed non perfectissimum contemplationis actum. Consequenterque relatè ad perfectissimum illum actum dicitur habitus ille habitus de novo; quia respectu illius erat prius sine proxima expeditione, ut dictum est.

### §. VI. Solvitur argumentum difficile.

31. **A**rg. ultimo contra eandem 2. conclus. Actus contemplationis, qui dicitur Theologia mystica, est actus scientificus: ergo non potest elici à fide. Anteced. constat ex vniuersali assensu Mysticorum assentientium Theologiam mysticam esse scientiam; de quo fusissimè egimus tom. 1. disp. 1. q. 7. Vnde actus, qui est Theologia

mystica actualis, est scientia actualis, & habitus eliciens hunc actum est scientia habitualis. Et conseq. est adeo evidens, ut scientia, & fides simul sunt impossibiles circa idem: quomodo ergo poterit ipse actus fidei scientiæ actualis rationem habere? Aut quomodo ipsa fides erit scientia habitualis?

Breve argumentum tibi proposui; sed quod diu me maximè terisit, & quod in præcedentibus sæpe sæpius contra voluntatem occurrebat, illudque ad hanc disputationem remittebam, non tam ut initio huius quæstionis ingenuè fassus sum, ut illi sedem opportunam conferrem, quam ut congruam solutionem decursu ipso temporis invenirem. Advenit tædem tempus. Verùm verbis non est opus, sed factis.

Antequam argumento in forma respondeam, aliqua prælibanda sunt, quibus via paretur ad argumenti huius congruam solutionem.

32. Scias ergo 1. Aristotelem accepisse aliquando scientiam prout est idem, ac cognitio certitudinalis: aliquando verò prout est cognitio procedens ex cognitione principiorum, terminaturque ad conclusiones. Prima acceptio scientiæ nimis ampla est, comprehenditque cognitionem habitus principiorum ad ipsa prima principia terminatam. Secundo autem modo sumitur scientia omni proprietate, signatque cognitionem procedentem ex principiorum cognitione; atque adeo per causas, & ex causis. De quo videndus est D. Thom. lib. poster. lect. 7. & 44.

Scias 2. ex eodem D. Thom. de verit. q. 2. art. 1. argum. 3. *sed contra*. Vbi ait: *Ad scientiam non requiruntur nisi tria, scilicet, potentia activa cognoscentis, qua de rebus indicat, res cognita, & unio utriusque*. Et ex hoc, quod hæc tria inveniuntur in Deo; probat Sanct. Doct. in ipso dari scientiam. Vnde per hoc, quod detur potentia intellectiva, qua iudicium feratur de rebus cognitis; & unio inter ipsas res cognititas, & potentiam intellectivam, datur scientia, quin aliquid aliud desideretur: quandoquidem *ad scientiam non requiruntur nisi tria ista*.

33. Scias 3. eod. Ang. Doct. 2. 2. q. 45. art. 2. quod dictum iudicium *cognoscentis* dupliciter potest fieri. Primo, ex rationis inquisitione, hoc est, ex discursu. Secundo, ex connaturalitate ad ipsas res, de quibus iudicium fertur. Verba D. Thom. iam alibi dedimus, sed modò reproduci debent. Aitenim: *Rectitudo iudicii potest contingere dupliciter. Vno modo secundum perfectum usum rationis: alio modo propter connaturalitatem quandam ad ea, de quibus iudicandum est. Sicut de his, quæ ad castitatem pertinent, per rationis inquisitionem rectè indicat ille, qui didicit scientiam moralem: sed per quandam connaturalitatem ad ipsam rectè indicat de eis ille, qui habet habitum castitatis. Sic ergo circa res divinas, ex rationis inquisitione rectum iudicium habere pertinet ad sapientiam, quæ est virtus intellectualis: sed rectum iudicium habere de eis secundum quandam connaturalitatem ad ipsas, pertinet ad sapientiam, secundum quod est donum Spiritus Sancti. Ex hoc ergo duplici modo iudicandi de rebus divinis duplex modus eas sciendi; seu duplex scientia versatur circa ipsas. Prima est discursiva, & est nostra Theologia Scholastica. Secunda est affectiva, & experimentalis, diciturque Theologia mystica. Eandem doctrinam tradit in 3. dist. 35. art. 2. ad 1. Vbi loquutus de hac cognitione divinorum, ait, quod illa in quibusdam est per studium, & doctrinam adiuncta vivacitate intellectus; & talis sapientia à Philosopho ponitur virtus in 2. Ethic. sed in quibusdam: talis sufficientia accidit per quandam affinitatem ad divina, sicut dicit Dionys. Quod Hierotheus patiendi divina, didicit divina. Hoc est, Hierotheus circa divina erat valde sapiens, non tantum ex discursu, ac studio, quantum ex eorum experientia, ac gustu, ex quibus profundissimam divinorum cognitionem lucratus fuerat.*

Nec intelligas: Hoc ita proprium esse doni sapientiæ, ut nulli alijs conveniat: convenit quidem alijs donis. Loquitur autem D. Thom. de dono sapientie.



pientia; quia tunc de illo agebat. Idem etiam docet de dono intellectus, & scientia. Relatè enim ad illa omnia generale est, quod procedant ex illa connaturalitate ad res divinas, sicut etiam generale est, quod procedant ex motione speciali Spiritus Sancti, licet cognitio doni intellectus, quia non est per causas, sed circa prima principia, non habeat rationem scientia, nisi iuxta illam acceptionem, quam vidimus num. 32. ex Aristot. Propriè tamen ratio scientia convenit donis sapientia, & scientia, quorum cognitio certissima est, & per causas procedit, non tamen ex studio, aut discursu, sed ex affectione ad ipsas res divinas.

34. Scias 4. De ratione scientia esse indispensabiliter evidètiā. Quod apud omnes indubitatum est. Verum in hac evidètia adest eadem latitudo, seu diversitas, quæ datur in scientijs ipsis. Vnde pro diversitate scientiarum est huius evidètiæ diversitas. Quiaque, ut num. præced. vidimus, datur duplex genus scientia. Aliud, quod procedit metaphysicè, seu ex studio, ac discursu: & aliud, quod procedit mysticè, seu ex connaturalitate quadam, & affectione: propterea hoc idè dicendū est de evidètia. Vnde sciètia, quæ procedit ex studio dicit evidètiā metaphysicā, sive cōsequētis, & exercitiā; si scientia perfectum statum habeat: sive exercitiā consequentiæ, & petitam consequentis: si scientia non habeat statum, ac perfectionem scientia. Ut videre est in sacra Theologia, quæ prout in nobis viatoribus habet evidètiā exercitiā consequentiæ; sed evidètiā consequentis non habet actū, sed petit. Quæ ex traditis dicta q. 7. constant. Scientia verò, quæ procedit mysticè, dicit evidètiā mysticā, quæ, ut multoties diximus, disp. præced. non est evidètia intrinseca, & positiva, videns quid obiectum sit, seu connexionem inter prædicatum, & subiectum; sed est evidètia extrinseca, & negativa quatenus de obiecto scitur, quid non sit. Et hæc evidètia licet insufficiens foret ad actum scientificum metaphysicè proce-

dentem; est tamen sufficientissima ad actum scientificum mysticè talem in hoc statu. Quod dicimus, quia in patria scientia ipsa mystica Deum quoad quid est cognosceret: sed semper ex connaturalitate, & experientia: non autem ex studio; aut metaphysico modo procedendi.

Diximus: Huiusmodi evidètiā non sufficere ad actum metaphysicè procedentem; & sat esse ad actum mysticè scientificum. Quorum primum satis notum de se est: quandoquidem actus scientificus metaphysicè procedens utitur discursu, qui adnititur apprehendere quid est obiecti, & connexionem inter prædicatum, & subiectum, inter consequens, & antecedens. Vnde ad hunc actum non conducit evidètia illa negativa. Immo nec illam habere potest. Quippe ut evidètia illa habeatur, proprii discursus, & omnes intellectuales operationes, ut ait Div. Dionys. derelinquendæ sunt. Secundum verò, scilicet, quod illa evidètia sufficiat, ut actus, qui illam habet scientificus sit, constet ex diffinitione scientia, quam ex Clement. Alex. dedimus dicta disput. 7. estque huiusmodi: *Philosophi scientiam definiunt, ut sit habitus constans, qui ratione moveri, aut labefactari non potest.* Vnde si habitus elicitive divinæ contemplationis fuerit adeo constans, ut nulla ratione moveri, aut labefactari possit; erit utique ille habitus scientificus, actusque ipsius scientificus erit. Quod autem Theologia mystica hoc habeat, patet ex dictis. Immo hoc est, quod modò difficultatem istam movet: ex eo enim quod scientificus sit habitus mysticæ Theologiæ, videtur debere esse prorsus diversus à fide. Cæterum hæc etiam prænotare volumus, ut in promptu habeantur.

35. Scias tandem ex infra q. 3. decidendis: dona Spiritus Sancti non esse habitus, qui suos actus eliciant, vel qui habeant aliquos actus sibi proprios, quos quoad substantiam eliciant: sed sunt habitus concurrentes cum virtutibus, quibus correspondent, ad modum

fica;

ficationem actuum earumdem virtutum. Vnde loquentes de illis donis, quæ ad nos domo spectant, donum intellectus, cuius actus est iudicare discretivè, ut patet ex superioribus, non elicit hunc actum sicut charitas, spes, prudentia, & alij habitus suos actus eliciunt: sed istud donum illustrat, elevatque fidem, ut illa, quæ ex se non poterat nisi credere simpliciter; ut illustrata tamen per tale donum, & ex eius modificatione ingreditur ad experiendum mysticè illud ipsum obiectum, quod ex se nunquam experiretur, sed solum cognosceret iudicio assensus, seu credulitatis. Similiter donum sapientiæ non elicit proprium actum, sed concurrat ad modum actus fidei faciès, quod per causam superiorem fides ab eo illustrata iudicet ex mystica connaturalitate de ipsis divinis rebus, seu non divinis, quibus ipsa fides sine concursu sapientiæ assensum præbet ob extrinsecum testimonium revelantis. Similiter de dono scientiæ dicimus cum illa repetita diversitate procedendi per altissimam, vel non altissimam causam. Hæc discutienda postmodum, ex ibi dicendis, modò supponenda sunt. Quibus prælatis, ad factum argumentum numero 30.

36. Respondetur disting. anteced. *est scientificus* mysticè experimentaliter, & ex quadam connaturalitate ad divina, conced. *est scientificus* metaphysicè, & ex inquisitione rationis, neg. & deinde negetur etiam absolute consequ. Itaque actus ille, ex quo non ex inquisitione rationis procedat, sed ex affectiva connaturalitate, ut diximus in 3. prælibato, est actus donorum, quæ attingunt obiecta evidenter, non evidentia intrinseca, & quoad quid sunt, sed extrinseca, & quoad quid non sunt, ut diximus in prælibato 4. quæ evidentia incompatibilis cum fide non est. Immo actus elicitus ab ipsa fide hanc evidentiam dicit: Quia, ut vidimus in ultimo prælibato, actus donorum sunt elicti à fide ipsis donis illustrata, unde actus illi, qui dicta evidentia obiectum cognoscunt, elicti à fide sunt.

Et quia, ut detur scientia, nihil aliud requiritur, ut vidimus in prænotato 2. nisi potentia activa cognoscens, iudiciumque ferens de obiecto, & vno inter ipsum obiectum, & potentiam; idè actum fidei illustratæ scientificum dicimus, quia in illo ea reperiuntur: unde non est, cur scientificus non sit, sive eliciatur cum concursu sapientiæ, & scientiæ, sive cum concursu doni intellectus eliciatur; hic enim etiam scientificus est; si scientia sumatur in illa lata acceptione, quam dedimus in 1. præsupposito. Si verò propriè loquamur, solum scientifici sunt actus, ad quos dona sapientiæ, scientiæque concurrunt: actus autem doni intellectus non est scientificus: alitè evidens dicta evidentia negativa.

#### §. VII. *Datam doctrinam explicō, ac roboro, & ab aliquot obiectionibus vindico.*

**D**Vo sunt, quæ propositam solutionem labefactare possunt. Primum est, quod actus obiectum cognoscens evidentia illa negativa, & quoad quid non est, scientificus sit. Secundum autem est, quod si ille actus sit scientificus, live non; ex quo sit evidens, possit esse à fide, quæ est *argumentum non apparentium*, & eius actus est credere, quæ non videntur, uti constans est apud omnes. Verum licet hæc iam superata ex dictis sint vbertioris tamen doctrinæ gratia, alia addere non recuso.

37. Et in primis, quod actus eo modo attingens obiectum sit mysticè scientificus, à nemine negari potest; si quidem in illo actu concurrunt tria illa, quæ num. 32. ex D. Thom. vidimus requiri, ut aliquis actus scientificus sit. Datur enim ibi actus potentiæ activæ de rebus iudicium ferentis, datur res cognita, & vno inter utrumque. Quod adeo clarum est, ut expensæ non egeat. Insuper ille actus elicitur ab habitu, qui est *constans, & qui ratione moveri, ac labefactari non potest*, quæ est



est definitio scientiæ, quam ex autoritate Philosophorum tradit Clemens Alex. ut vidimus num. 34. Hæc huius habitus constantia pluribus à priori ostendi poterat; sed superfluum iocor, cum res sit prorsus perspicua. Ab effectu tamen dignosci potest ex miris, quæ circa hæc vita sunt in viris planè rudibus, in foeminis prorsus litterarum expertibus, quarum circa divina certitudo, & constantia, nec à litteratissimis impugnata, nec à Potentissimis pariterque crudelissimis, ad mortem usque vexata moveri, aut labefactari potuit: quin potius multoties ipsa potentissimorum tyrannis, & litteratissimorum superbia ab ipsis rudibus, tenellisque virginibus in sanam frugem mota, ac redacta fuit. Non est ergo assignabile, quid illi actui deficiat, ut scientificus mysticè sit.

38. Dicis: Actus fidei non illustratæ scientificus non est: ergo nec dictus actus. De anteced. dubitari non debet. & consequ. probatur: Quia sicut in illo actu illa, quæ diximus reperiuntur: sic etiam in actu fidei non illustratæ: quâdoquidem illa est *habitus constans, quiratione moveri, aut labefactari non potest*. Ac insuper in actu fidei concurrunt potentia activa iudicans, res cognita, & utriusque unio: ergo vel actus fidei non illustratæ est scientificus, vel dictus actus scientificus non est.

Resp. neg. consequent. Ad primam probationem dicas: Per fidem non illustratam haberi quidem certissimum assensum, per quam etiam scimus, quod à credendis nullo modo est deviandum, ut docet S. Thom. 2. 2. q. 8. art. 4. ad 2. Verùm hoc dupliciter evenire potest, ut inibi explicat Caietanus. Primò negativè: Secundò positivè. Tunc positivè fit, quando res ipsæ creditæ penetantur à cognoscente: & hoc à fide provenire non potest: sed si hæc penetratio ex discursu fit, provenit à Theologia: si autem fiat ex connaturalitate ad ipsas res creditas, provenit à donis. Tunc autem negativè hoc scitur, quando sine dicta intrinseca penetratione dignoscitur. Et hoc à fide non il-

lustrata provenit: sed non est sufficiens, ut actus, quo hoc cognoscitur, sit scientificus: sed requiritur ille alius cognoscendi modus, quo credita, sive ex discursu, sive ex connaturalitate penetantur.

Ad 2. prob. dicendum: Quod licet in actu fidei non illustratæ concurrant potentia activa iudicans, res cognita, & unio intercas; non tamen datur ratio scientiæ: fundamentum est, quod concursus potentiæ activæ iudicantis debet esse per modum resolventis, & intima obiecti penetrantis, ad quod, ut dictum est, indispensabiliter requiritur iudicium resolutivum, & ut minus discretivum. Unde cum fides non possit sic iudicare de rebus creditis: propterea eius actus scientificus esse non potest. Nec de illo intelligitur dictum D. Thom. *Adde id*, quod ex dictis sequitur, videlicet, quod ut diximus num. 34. actus scientificus petit indispensabiliter evidentiam, sive metaphysicam, sive mysticam: & D. Thom. intelligendus est de potentiâ activa cum aliqua ex his evidentijs procedente. Qualiter fides procedere non valet: siquidem evidentiam metaphysicam dicere, est omnino ipsi repugnans. Mysticam autem habere non potest nisi ex influxu donorum: quare eius actus neutiquam potest habere rationem scientiæ, præciso donorum influxu.

39. Explosa facta obiectione, ad inceptam materiam regredientes dicimus: quod actus dictam negativam evidentiam dicens, ita certò scientificus est, quod ab omnibus id fateri debeat. Quippe certum apud omnes est, dona sapientiæ, & scientiæ non aliam evidentiam habere in via nisi illam evidentiam negativam, qua cognoscunt de Deo quid non sit. Eodem modo est etiam apud omnes certum, actus illorum donorum esse scientificos: cum vel ipsum habituum nomen hoc affatim perspicuè demonstret. Ex quo evidenter colligitur, scientificos esse illos actus, qui obiectum attingunt cum illa evidentia negativa.

40. Circa secundum autem, re-nucius

nens admittere, fidem posse attingere obiectum evidens illa negativa evidētia, cū sit *argumentum non apertum*: Iam ex dictis illam renuentiam imprudentem esse, constat. Quia fides est *argumentum non apertum* intrinsecē, & propter connexionem prædicati cum subiecto: si u est *non apertum* positivē: non autem est *non apertum* extrinsecē, & negativē. Nec per hoc, quod ad evidens extrinsecē terminetur, amittit suam ingeniam obcuritatem. Cuius ratio ea est: quod, ut tradunt Doctores defendentes fidem, & scientiam non posse comparari in eodem circa idem, de quo videri possunt P.P. Salmant. tract. 17. disp. 3. dub. 2. scientia, quæ impossibilis cum fide asseritur, est scientia, quæ secum asserit evidentiam intrinsecam, & hanc non solum petitam; sed re ipsa habitam. Vnde videmus, quod illi ipsi Authores excludunt Theologiam nostram, quam compatibilem cum fide fatentur, eo quod eius assensus non facit evidentiam consequentis, sed solum consequentiæ. Vnde cum Theologiæ assensus composibilis cū fide sit in hoc statu; eo quod Theologia hic non habeat evidentiam consequentis, licet illam petat, & re ipsa habeat evidentiam consequentiæ, procedatque modo metaphysicē scientifico: potiori titulo non est repugnantia inter fidem, & Theologiam mysticam viæ: eo quod hæc non terminatur ad apparatus intrinsecē, & positivē, sed solum extrinsecē, & negativē.

41. Statuta ergo composibilitate fidei cum mystica Theologia: non est difficile assentire, quod eadem fides sit habitus elicitive contemplationis obiectum, ut negativē, evidens, respicientis. Quod pluribus suaderi potest. Et primò ab exclusionē propositi obstaculi. Si namque contemplatio scientifica compatibilis est cum fide, & aliunde modus procedendi ipsius contemplationis est adeò proprius fidei: non est cur ipsa fides principium non sit talis contemplationis. Etenim quod fides non sit habitus eliciciens contemplatio-

nem religiosam entitativē naturalem; sed requiritur habitus Theologiæ pro eius elicentia: causa est, quod talis contemplatio est entitativē naturalis, uti disp. 8. q. 4. diximus, & actus entitativē naturalis non elicitur ab habitu infuso, qualis est fides. Insimulque illa contemplatio, quamvis simplex intuitus sit, petit terminare discursum. Vnde requiritur pro eius elicentia habitus à fide diversus, & iste habitus est Theologicus.

Nil horum invenitur in contemplatione supernaturali, quæ ob suam supernaturalitatem petit elici ab habitu supernaturali. Deindeque modus procedendi ipsius est propriissimus fidei: quapropter ex hac parte nihil obest, quo minus actus fidei esse possit. Aliundè autem sic edocetur ab ijs, quibus assurgere, rationi consentaneum est.

D Dionys. Areopag. perpetuus est in hac doctrina tradenda. Iam alibi aliqua ipsius testimonia dedimus: modo autem, quæ cap. 2. Cœlestis Hierarch. loquutus de Deo docet, exscribimus: *Est enim, ait, super omnem essentiam, & vitam, nullo quidem lumine ipsam characterizante, omni quæ ratione, & intellectu similitudine ipsius incomparabiliter derelictis. Aliquando verò dissimilibus manifestationibus ab ipsis eloquijs supermundanè laudatur, eam invisibilem, & infinitam, & incomprehensam vocantibus: & quæ ex quibus non quid est, sed quid non est significatur. Hoc enim, ut aestimo, potentius est in ipsa. Quoniam quidem, ut occulta, & Sacerdotalis traditio subintròduxit, hoc quidem non esse secundum quid eorum, quæ sunt, eam verè dicimus. Ignoramus autem super essentiam ipsius, & invisibilem, & ineffabilem infinitatem. Si igitur negationes in divinis veræ sunt, affirmationes verò incompertæ obscuritati arcanorum magis apta est per dissimiles formationes manifestatio.*

Similiter lib. de mystica Theologia, cap. 1. ait de ipsa Divina Essentia: *Oportet enim in ipsa, & omnes existentium ponere, & affirmare positiones;* sicu2

sicut omnium causa, & omnes ipsas magis propriè negare, sicut super omnia existente, & non negationes oppositas opinari esse affirmationibus, sed multò prius ipsam super privationes esse, quæ est super omnem ablationem, & positionem. Sicque docet postmodum: *Contemplator*, qui Deum vt contemplatur negationibus utitur, *manet ignoto vacatione omnis cognitionis secundum melius unitus*, & eò quòd nihil cognoscit, *super omnia cognoscens*.

Ang. Doct. idem docet in 3. d. 34. q. 1. art. 4. dicens: *In statu viæ Deum magis videmus cognoscendo quid non est, quàm apprehendendo quid est. Est idèò quantum ad statum viæ, ponitur cordis munditia, non solum à passionum illecebris, sed etiam ab erroribus, & phantasmatis, & spiritualibus formis. A quibus omnibus docet abscedere Dionys. cap. 1. de mystica Theologia tendentes ad divinam contemplationem.*

42. Tempus decisset, si omnia, quæ hanc veritatem confirmant adducere vellem. Omnia tamen illa in id collineant, vt discamus, esse perfectissimam contemplationem illam, secundum quam de Deo cognoscimus quid non est: hoc de illo ex mystica connaturalitate cognoscentes, quòd sit supra omnia, quæ in mentem nostram cadere possunt. Modò ergo: Actus iste, quo evidentiâ hac mystica cognoscitur Deus non esse quicquid cognoscibile est, sed aliud quid infinitè perfectius, à quo habitu elicitor? Omnem habituum supernalium sacrum chorum lustra, & videbis, hunc actum à nullo præter quam à fide elici posse. Ille habitus est cognoscitivus, vt suppono; est & omnium habituum intellectualium perfectissimus, quandoquidem est principium actus omnibus alijs huius viæ præstantis, qui est contemplatio Dei quoad quid non est: qui actus, vt patet ex adductis textibus, est perfectissimus inter omnes actus huius viæ. Insuper ille habitus est, secundum quem melius in hac vita Deo vnimur: ergo talis habitus est fides illustrata.

Hæc conseq. probatur transcur:  
A SPIRITU SANCTO,

rendo omnia, quæ in eius veritatem dici possent: etenim ille habitus non est religio infusa, vt sententia num. 7. proposita dicebat: Tum quia religio infusa non est virtus cognoscitiva; coque actum cognoscitivum, & scientificum, propriè elicere non valet: Tum etiam, quia religio non est capax elicendi actum omnium perfectissimum; quia ipsa non est virtus omnium perfectissima: aliàs vel esset Theologalis, vel Theologales superaret. Insuper ille habitus non est aliquod ex donis Spiritus Sancti. Primò, quia, vt diximus num. 35. dona Spiritus Sancti non eliciunt aliquem actum quoad entitatem; sed concurrunt ad modificandum actum ab alio habitu elicitem. Secundo: quia dicta dona sunt inferiora virtutibus Theologalibus: atque idèò elicere actum omnibus perfectiorem, haud possunt. Tertiò, & hæc ratio communis est omnibus habitibus, qui adduci valeant, quia, vt constat ex citato Dionys. per habitum elicentem hanc supremam contemplationem melius Deo vnimur: sed hoc, quòd est Deo nos vnire, est proprium virtutum Theologalium, quæ propterea perfectiores sunt donis, alijsque virtutibus; suntque virtutum aliarum, & donorum finis: quia per horum, illarumque actus movemur, vt Deo medijs Theologicis virtutibus vniamur: ergo nullum ex donis Spiritus Sancti est habitus illius habitus elicivus.

Deinde habitus iste non est ille, de quo egimus num. 9. ab actuque dicitur habitus contemplationis. Primò propter modò dicta, videlicet, quia ille habitus non est virtus Theologalis: unde illum actum elicere non potest. Secundo, quia de illo habitu nulla mentio fit apud Theologos; coque videtur excogitatus ad effugiendam vim difficultatis, in cuius enodatione sumus. Tertiò, quia vt diximus eodem num. 9. incidit in eandem salebram, quam fugit. Vnde non potest illa contemplatio à tali habitu procedere ob dicta, pluraque alia, quæ omittimus. Tandem talis habitus non est fides non illustrata; quia hæc omnem evidentiâ excludit; con-

Ccc

sequen-

sequenterque non procedit ex affectu mystico, ac penetrativo, ut ex dictis notum est. Ex quibus omnibus constat, talem habitum esse habitum fidei illustratæ, in quo omnia, quæ pro tali principio requiruntur, dari ostensum est: proptereaque Div. Thom. citata quaestione art. 2. docuit, quod fides est *inspectio divinorum*. Ex quibus, aliisque num. 16. traditis, constat, fidem illustratam esse habitum elicientem hunc scientificum actum contemplationis negativæ.

43. Dices: D. Thom. non dixit; quod fides sit habitus contemplationis per negationem procedentis; immo illam ab hoc excludit, ut patet ex ipsius verbis dicto num. 16. propositis, in quibus, exclusa fide, asserit, talem habitum fore donum intellectus.

Resp. donum intellectus non posse elicere actum talis contemplationis propter illa, quæ sæpe diximus, videlicet, quod non concurrat nisi ad modificationem actus. Dicitur autem à D. Thom. principium illius perfectissimæ contemplationis, in qua spiritualia, quasi nuda veritate capiuntur: quia illa contemplatio est actus fidei, prout illustratæ supra modum naturalem procedendi.

44. Replicabis: Duo inibi dici à D. Thom. Primum est, quod fides est *inspectio divinorum in enigmate*; quæ contemplatio est affirmativa; postea verò dicit, quod contemplatio negativa est actus doni intellectus: ergo hoc, non ut modificans fidei actum, sed absolute elicit negativam contemplationem. Patet istas: Quia si solum modificativè ad illam concurreret; pariter diceretur principium contemplationis affirmativæ, quæ est *inspectio illorum in enigmate*; quia etiam ad hanc modificativè concurrat: sed non dicitur principium huius, sed illius: ergo. Minor constat ex verbis D. Thom. Mai. autem probatur: Quia fides non est principium contemplationis, nisi ut illustrata, ut constat ex duabus assertionibus supra positis: ergo ad contemplationem affirmativam concurrat modificando

donum intellectus.

Respond. ex dictis quaest. 1. disp. 7. num. 28. dona Spiritus Sancti dupliciter ad actus concurrere. Primò supra modum connaturalem operantis. Secundò iuxta ipsius modum connaturalem, exigentiamque ipsius. Inter quos modos concurrenti hoc interest: quod dum concurrunt supra modum connaturalem subiecti, actus dicitur absolute ab ipsis esse. Quod non fit dum illo alio modo concurrunt. Vnde licet ad utramque contemplationem concurrant primus actus dicitur fidei sine mentione aliqua donorum. Secundus dicitur donorum sine mentione aliqua fidei. Quod fit, ut modus proprius donorum exprimat; non autem quia negetur, dona concurrere ad primum actum modificando, & fidem ad secundum elicendo. Consequenterque fides est habitus attingens obiectum sub dicta evidentia negativa.

45. Oppones: Quicquid repugnantia invenitur in eo, quod fides, & scientia sint simul in eodem circa idem, viget, in eo, quod fides terminetur ad obiectum sub illa evidentia negativa: ergo sic non terminatur. Prob. anteced. Omnis illa repugnantia reducit ad hoc, quod obiectum esset simul visum, & non visum: sed, si vera essent, quæ de illa evidentia negativa diximus, obiectum idem esset ab eodem simul visum, & non visum; & hoc non per diversos habitus, & actus; sed per eundem actum ab eodem habitu elicatum: ergo.

Resp. neg. anteced. Ad prob. dicas: totam illam repugnantiam consistere in eo, quod verificaretur de eodem, quod ab eodem esset visum quoad intrinsecam connexionem prædicati cum subiecto, & simul non esset visum quoad ipsam intrinsecam connexionem. Quod manifestè implicatorium est. In nostro autem casu verificatur, quod idem actus videat, quid non sit obiectum, & simul non videat, quid sit. In quo nec minima repugnantia adest. Quod, inter alia, evidens sit; quia Authores negantes compatibilitatem fidei, & scientiæ, supponunt, quod sermo

coram

eorum non est de eodem obiecto secundum diversa prædicata: nihil enim obest, quod secundum unum prædicatum sciatur, & credatur secundum aliud. Et hoc magis verum esse constat in casu, de quo loquimur: quia non loquimur de eodem formaliter obiecto; sed de eodem quoad quid est, & quoad quid non est, quæ sunt rationes penitus differentes. Vnde potest eadem illustrata fides illud, quoad quid est credere, & quoad quid non est videre, & scire: quia hæc scientia nihil aliud est, nisi cognitio certa, &, modo dicto, evidens de eo,

quod Deus est supra id, quod in hac vita cognoscere possumus. Et loquendo de contemplatione affirmativa, in qua poterat esse maior difficultas; dicimus, quod fides terminatur ad Deum abso- lute, & intrinsecè non visum; visum ta- men mysticè ob experimentum ex vo- luntate desumptum. Sicut panis in ob- scuro positus non videtur; si tamen gus- tatur, quin obscuritas cesset, cognos- citur. Sic fides illustrata cognoscit Deum quoad quid non est, ex gustu, quem de ipso experitur. Et hæc de ista obscura satis quæstione dixisse sufficit,

## QUÆSTIO SECUNDA.

*Utrum omnis religiosa contemplatio sit actus à fide illustrata elicitus?*

**A**d huc finita non est præterita digladiatio, & per totam præsentem disputationem durabit. Non enim com- prehendi potest, nisi omnis illa lustretur. Vidimus, fidem illustratam esse habitum elicitive divinæ contempla- tionis. Et statim occurrit dubitatio, an omnis contemplatio sit actus elicitus à fide illustrata? An verò aliqua tantum? Et hoc est quæsitum, quod modò aggredimur disputandum.

### §. I. Brevis tituli explicatio, & dubij resolutio.

46. **P**RO tituli explicatione notan- dum est, divinam contem- plationem aliam esse entitative natu- ralem, & aliam entitative supernatu- ralem. Habitus eliciens contemplatio- nem intrinsecè naturalem est Sacra Theologia, quæ quia est habitus intrin- secè naturalis, & solum radicaliter, & ex obiecto supernaturalis, ut cum Se- lectioribus Thomistis docent P. P. Sal- mant. tract. 12. & 21. disp. 20. dub. 2. num. 28. propterea eius actus est etiam naturalis intrinsecè, ut diximus disp. 8.

q. 4. Vnde de hac contemplatione non loquimur. Contemplatio autem super- naturalis viz subdividitur in eam, quæ elicitor ab habitu in contemplatione permanenti: & in eam, quæ elicitor à principio transcunter communicato. Hæc secunda adhuc subdividitur in in- tuitivam, & obscuram. Prima est ipsa clara Dei visio, quæ alicui communi- cari posse in hac vita, non repugnat. Secunda est illa, cuius principium eli- citivum est habitus scientificus superior donis, & ipsa fide Theologica: qui qui- dem habitus solet etiam à Deo aliqui- bus eximie sanctitatis conferri: per mo- dum tamen transcuntis. Ac de his dua- bus contemplationibus modò non lo- quimur, nec in tota hac disputatione, tamen in illa idonea sedes occurrat. Ast sublimitas, & irregularitas harum contemplationum, & principiorum ip- sarum in causa est, ut illa reservemus usque ad tertium prædicabile.

Vnde tota difficultas præsens devolvitur ad illam contemplationem, cuius elicitive habitus est permanen- ter in contemplativo, eique infunditur cum gratia sanctificante. Hæc autem contemplatio est duplex: alia infusa, & acquisita alia. De infusa bene intel-

ligitur, quod sit intrinsece supernaturalis. De acquisita verò non est ita clarum: quia videtur contrariari ijs, quæ loco citato, dicta relinquimus. Verum enim verò ex dicendis in hac quæstione constabit, quod absque ibi dictorum præiudicio datur contemplatio acquisita entitativè supernaturalis. Quod revelate in superioribus noluimus; quia illud ad hanc disputationem reservavimus. Nec modò necessarium iudicamus de hoc specialiter disputare: quia ex dicendis circa formalem decisionem quæsti huius constabit. Quamobrem tota præsens difficultas comprehendit illam omnem, & solam contemplationem intrinsece supernaturalem; quæ à principio gratiam sanctificantem indivulso concomitante elicitur.

47. Sit nostra assertio: *Fides illustrata est habitus elicitivus divinæ contemplationis infusæ, & acquisitæ.* Duplici parte assertio constat, & quoad utramque non dubitamus esse de mète D. Dionys. D. Thom. & aliorum D. D. quos insinuavimus quæstione præcedenti num. 8. Probaturque quoad utramque partem simul ratione deducta ex Ang. Præcept. doctrina, qua multis in superioribus vñ fuimus, reducitque ad hanc formam: Contemplatio sive acquisita, sive infusa est actus inter omnes actus perfectissimus: ergo elicitur ab habitu inter omnes perfectissimo: ergo elicitur à fide. Anteced. continet doctrinam à D. Thom. ubique assertam; qui constituit contemplationem ultimum finem humanarum actionum, de quo iam pluries in antecedentibus egimus. Prima consequ. constat, tum quia est eiusdem D. Thom. Tum quia illam expressè docet Philosoph. 10. Ethicor. cap. 8. & 9. vbi ait, contemplationem veritatis esse actum habitus nobilissimi. Tum etiam, quia hoc ipsum ratio suadet: quippe proportio, quæ adesse debet inter habitum elicientem, & actum elicitum, petit, ut actus nobilissimus à nobilissimo habitu eliciatur. Iam verò secunda consequ. probata manet num. 42. Vbi vidimus, nullum adesse habitum, in quo inve-

niantur ea, quæ ad elicientiam divinæ contemplationis requiruntur, nisi fidem infusam. Eribi dicta, nedum contemplationi infusæ, verum etiam acquiritæ convenire, nullus ambigere potest, constatque ex dictis num. 44.

48. Confirm. Actus fidei illustratæ sive procedat iuxta modum naturalem contemplantis; sive supra illum, est simplex intuitus divinæ veritatis: ergo est contemplatio: ergo contemplatio acquisita, & infusa est actus elicitus à fide illustrata. Hæc secunda consequ. patet ex prima: Si namque actus fidei illustratæ est contemplatio acquisita, & infusa, iuxta diversos modos, quibus procedit; non adest motivum, ut aliqua divina contemplatio à fide illustrata non eliciatur. Consequenterque omnis divina contemplatio est actus à fide illustrata elicitus. Prima consequ. ex antecedenti nota est, quia proceditur à definitione ad definitum. Anteced. autem probatur: Quia sive dona concurrant cum fide attemperando se modo naturali contemplantis: sive iuxta propriam ipsorum naturam, semper actus fidei intuetur veritatem formaliter talem quietè, & sine fluctuatione, quam fides non illustrata secum affert, ut supra diximus: ergo talis actus illustratæ fidei est simplex intuitus divinæ veritatis.

49. Confirmatur 2. Contemplatio divina, sive acquisita, sive infusa est inchoatio beatitudinis, quæ in vita futura perficietur: ergo habitus illam eliciens in via, est ille qui supplet vices elicientis illam in patria: ergo est habitus fidei infusæ. Secunda consequ. ex prima patet: Quia pro lumine gloriæ, qui est habitus eliciens illam divinam contemplationem, qua Deus in patria videtur, confertur nobis in via habitus infusæ fidei. Anteced. autem est expressum D. Thom. in 3. dist. 35. q. 1. art. 4. quæstionc. 2. in corp. vbi ait: *Vita enim contemplativa non ordinatur ad aliquid aliud in ipso in quo est, quia vita æterna non est nisi quedam consummatio contemplativæ vitæ, quæ per vitam con-*

*templativam in presenti quodammodo prælibatur.* Prima vero consequ. probatur: Quia si habitus fidei illustrata non omnem divinam contemplationem eliceret, vices luminis gloriæ non propriè suppleret; cum non eliceret illum actum, qui, dum non obscurè procedit, elicitur a lumine gloriæ: ergo omnis contemplatio supernaturalis viæ elicitur ab habitu fidei illustrata.

50. Dices: Contemplatio acquisita non elicitur à lumine gloriæ: ergo si discursus factus tener, non elicitur modo ab habitu fidei. *Respondetur*, omni. anteced. negando consequ. Ratio est: Quia ex quo fides suppleat pro lumine gloriæ in elicientia contemplationis infusæ; etiam acquisitam elicere posse, non est dubium: Quia cum contemplatio acquisita differat ab infusa per hoc, quòd sit nostra industria comparata; & habitu fidei possumus pro nostro libito uti: propterea cum iste habitus procedit ex speciali motione Spiritus Sancti, elicit infusam contemplationem: cum autem nostra industria utimur illo, elicit contemplationem acquisitam: quin pro hac elicientia alius habitus necessarius sit.

## §. II. *Respondetur argumentis.*

51. **C**ONTRA nostram conclus. quatenus asserit, fidem illustratam esse habitum elicivum divinæ contemplationis infusæ, nihil pro nunc opponere decernimus; sed quæstione sequenti cum alijs illuc spectantibus, ea, quæ hic opponi possent, asseremus. Contra ipsam tamè conclusionem, quatenus de contemplatione acquisita loquitur, Arguitur sic 1. Contemplatio acquisita est actus elicitus à Theologia scholastica, ut diximus citata disp. 8. ergo non elicitur à fide. Probatur consequentia: Quia non sunt ponendi plures habitus pro eodem actu.

Si dicas: Non esse eundem actum, sed diversum; quia contemplatio, quam elicit habitus Theologiæ, est entitativè naturalis, contemplatio vero, quam fides illustrata elicit est in-

trinsecè supernaturalis: unde requirunt habitus distinctos. *Contra* est: Quia iuxta sensum communem D. D. contemplatio divina adæquatè dividitur in acquisitam, & infusam: unde omnes, qui illam divisionem admittunt, non cognoscunt nisi duplicem contemplationem: si autem daretur contemplatio acquisita à fide elicita, iam contemplatio esset triplex. Prima infusa: secunda acquisita supernaturalis: & tertia naturalis acquisita. Immo Authores dicentes, contemplationem acquisitam esse intrinsecè supernaturalem, hoc dicunt, quia habitum Theologicum esse intrinsecè supernaturalem opinantur: de contemplatione alia Evangelica acquisita nullam memoriam facientes.

*Respond.* incipiendo ab hoc ultimo: Quòd licet Authores agentes de divina contemplatione, non hac expressione de activa loqui videantur, ut illam dividant in naturalem, & supernaturalem; hoc factum est, ut nobis hæc sollicitudo committeretur inter immensas alias, quæ falsim in hoc opere occurrunt. Nec quòd ita expressè non loquuti sint, culpa illorum vertendum esse, ostendit eorum modus procedendi purè mysticus. Nec desunt, qui hac eadem expressione, ac nos loquimur, processissent. Exim. enim Suarez, & Discept. Mystica locis supra citatis, eadem perspicuitate loquuntur: Supponens quippe, seu non negans, habitum Theologicum esse entitativè naturalem, docet P. Suarez, contemplationem esse actum eius, si sit de veritatibus deductis ex principijs fidei: si autem sit ex veritatibus fidei, actum ipsius fidei esse docet. Quod est idem, ac nos dicimus, quoad hoc, quod est, dari contemplationem ab utroque illo habitu elicitam: quamquam non quoad omnia dicta mihi cum illo conveniat, ut iam videbimus.

52. Igitur ad factum argumenti disting. anteced. Quod verum est de contemplatione activa intrinsecè naturali; non autem de ea, quæ intrinsecè supernaturalis est. Unde solutionem  
inter

inter arguendum datam approbamus. Eaque quoties in antecedentibus occasio occurrit, vti fuisset, si mens suspensa non fuisset circa præcipuam controvertendam, videlicet, an fides infusa sit omnis contemplationis elicivus habitus? Re velatio iam iudicio circa hoc consequenter assuamur, dari duplicem illam activam contemplationem. Quia si fide ex speciali motione Spiritus Sancti vrentes, infusè contemplamur: non est cur, ipsa fide ex nostra industria, communibus gratiæ auxilijs adiuti vrentes, non contemblemur. Vnde datur contemplatio activa supernaturalis intrinsecè. Quod inter plura alia, planè evincit obiectio illa posita disp. 8. q. 4. num. 30. Videlicet, quod in alijs generibus datur triplex actus: vnus extrinsecè naturalis, & supernaturalis extrinsecè, hoc est à charitate imperante, à qua etiam eo ipso habet, quod salutaris sit. Alius intrinsecè supernaturalis; sed qui fit iuxta nostrum connaturalem modum, & pro nostro habito: vnde & si principium elicivum sit infusum; ipse tamen actus acquisitus est. Et denique alius ita intrinsecè supernaturalis, vt fiat ex motione speciali Spiritus Sancti, atque adeo non solum habitus illum eliciens; sed etiam ipse actus infusus est. Hæc, inquam, in alijs generibus dantur, vt cernere est in acti. V. g. fortitudinis; qui alius est intrinsecè naturalis elicivus à fortitudine acquisita; alius est intrinsecè supernaturalis elicivus à fortitudine infusa: & alius infusus, elicivus à dono fortitudinis. Similiter de sapientia, scientia, prudentia, & alijs. Vnde rationi valde consentaneum est, vt idem de contemplatione asseramus, dicentes dari actum contemplationis infusæ, qui est à fide ex speciali instinctu Spiritus Sancti procedentis: & actum contemplationis activæ supernaturalis, qui à fide infusa, nostra tamen industria, elicivus: & actus contemplationis activæ naturalis, qui elicivus ab habitu Theologico, quem fidem acquisitam appellat P. Vasq. 1. p. cap. 1. à num. 8.

Quòd si à paritate, quam feci,

mus, aliarum virtutum ad ipsos fidei actus transcamus, idem ex illis monstrati reperimus. Quippe datur *credere* infusum, & *credere* supernaturale acquisitum, & etiam *credere* acquisitum naturale, quod non à fide infusa, sed ab acquisita fide elicivus. *Credere*, vt ex quaestione præcedenti patet, & *contemplari*, adeo intumè vniuntur, vt *contemplari* formaliter tantum differat à *credere*. Si ergo hoc triplicitate dicta fulget; nil mirum est, quod eadem triplicitate fulgeat *contemplari*. Vnde datur *contemplari* infusum, & *contemplari* naturale ab habitu Theologiæ, seu fide acquisita: & *contemplari* inter vtrumque medium, quod elicivus à fide infusa. Estque supernaturale, sicut primum, & acquisitum sicut secundum. Vide, quæ dicta sunt citata quaestione. 4. & in hoc, quod modo dicimus, nihil ipsis contrarium invenies; quia hæc nihil aliud facimus, nisi quod proprium iudicium circa hæc revelamus, à quo inibi, & alibi, abstinuimus.

§ 3. Ad probationem autem, quæ contra illam solutionem inter arguendum fit. Respondetur, Authores dividentes contemplationem Evangelicam in acquisitam, & infusam rectè procedere, & sine diminutione. Dividitur enim ibi contemplatio divina in essentialis; & prout sic adæquatè dividitur quia non datur divina contemplatio, quæ vel infusa, vel acquisita non sit, vt dicta disp. 8. q. 2. latè vidimus. Quod autem autem acquisita subdividatur in naturalem, & supernaturalem, nec illi divisioni, nec nostræ resolutioni officit. Sicut non officit, quòd contemplatio infusa in plures alias infusas contemplationes dividatur. Nec verum est, quòd nullus meminerit huius duplicis activæ contemplationis; cum iam, quid circa hoc P. Suarez, qui pro pluribus valet, dixerit, viderimus. Authores asserentes, contemplationem ab habitu Theologiæ elicitam esse supernaturalem, tenentur admittere duplex genus contemplationis supernaturalis acquisitæ, & negare contemplationem Evangelicam intrinsecè naturalem: qui absurdio.



absdubio efficacissimè premi possunt quo ad primum ab impugnatione fundamenti, cui innituntur de supernaturalitate habitus Theologici : & quoad secundum ex dictis num. præcedenti à paritate aliorum actuum, aliarum virtutum, & ipsius fidei.

54. Arg. 2. Fides non elicit contemplationem, quam habet fidelis peccatum habens: ergo nullam. Patet ista: Quia si fides foret principium elicitive divinæ contemplationis, ubicumque daretur fides, & contemplatio; hæc ab illa eliceretur. Et antecedens probatur : Quia ut fides eliciat divinam contemplationem, requiritur influxus charitatis : ergo cum in illo contemplante non sit charitas, pariter nec illam contemplationem eliciet fides.

Circa suppositum huius argumenti video Authorem discept. mysticæ duo facere : Primum est, negare, quod peccator ille possit veram contemplationem habere; sed hoc ipsum, quod negat nonnulla formidine negat. Secundum, quod facit, est, ex admisione casus procedere ad docendum influxum charitatis ad contemplationem non esse essentialiter exactum, sed solum connaturaliter. Vnde potest suppleri, *vel per piam affectionem ad actum contemplationis simul cum fide concurrentem : vel per aliquod auxilium gratis à Deo concessum.*

55. Sed utrumque prorsus displicet, & contra utrumque simul procedo, respondens ad argument. negando suppositum antecedentis sine aliqua, vel minima formidine. Implicat enim peccato gravi implicatum posse divinam contemplationem maximè supernaturalem habere. Dictum enim est supra, contemplationem non esse actum fidei informis; immo nec formatæ; si formatio sumatur cum præcisione ab illustratione donorum. Cuius ratio à priori est. Quod contemplatio Evangelica est actus Theologiæ mysticæ: unde debet attingere Deum non solum, ut veritas est; sed ut induit rationem boni appetibilis, & gustabilis : ut patet ex dictis tom. 1. disp. 1. q. 7. & in hoc

tomo disp. præced. q. 3. Ad quod non solum requiritur charitas; sed etiam Spiritus Sancti dona. Charitas enim facit quidem, quod cōtemplatio Deum attingat, ut est ultimus finis. Quod autem illud attingat ex connaturalitate mystica provenit indispensabiliter à donis, quorum privativè proprium est, sic procedere. Et quævis contemplatio, quantumvis perfectissima assignetur; si donorum influxus præscindatur: erit quidem perfectissima physice, & etiam moraliter; mysticè tamen non erit quia nemo est, qui mysticè illam perfectam faciat, nisi donum Spiritus Sancti, à quo est modus procedendi ex mystica connaturalitate, & affectione. Vnde non solum concurrunt dona ad contemplationem infusam, sed etiam ad acquisitam supernaturalem; immo, & naturalem, ut suo loco dictum est. Potest enim cōtemplatio esse perfectissima intra lineam entis, & etiam intra lineam virtutis; & tamen non adhuc concipitur perfecta intra lineam mysticam, quoadusque dona illam faciant procedere ex gustu, & experientia.

Huius rationis radix iam alibi detecta est. Consistitque in eo, quod contemplatio divina non est utcumque cognitio primæ veritatis; sed est cognitio ipsius procedens ex gustu præcedenti voluntatis, in primamque veritatem, ut sic à voluntate degustatam terminatur. Ad quod indispensabiliter requiritur influxus donorum, & speciatim doni sapientiæ: proptereaque hoc donum dicitur præcipuum principium sapientiæ illius cognitionis, quæ est Evangelica contemplatio. Quod si hinc inferas: ergo visio beatifica non est contemplatio mystica. Extemplo concedo consequent. rationem reddam quæstioni sequenti. Modò verò pro facti argumenti completa solutione dico, quod, ut ex dictis patet, sine donorum influxu, vel supra, vel iuxta connaturalem modum contemplantis, non adest mystica contemplatio. Quocirca implicat, quod existens in peccato mortali, quacumque potentia spectata, contempletur: Quia donorum influxus indispensabilis.

fuplebilis est à quocumque auxilio. Immo etiam infuplebilis est præcedens influxus charitatis: quia, vt quæst. 3. citata vidimus ex D. Thom. contemplatio Evangelica respicit primam veritatem, vt habet rationem vltimi finis. Et notum est, implicare conversum ad bonum commutabile, & à Deo aversum, esse simul in ipsum vltimum finem conversum.

§ 6. Arg. 3. Contemplatio acquisita, quæ est de veritatibus fidei, ac de veritatibus inde deductis, est actus habitus Theologici: ergo nulla contemplatio acquisita est actus fidei infusæ. Patet ista: Quia non est contemplatio Evangelica, quæ non sit vel de veritatibus fidei, vel de ab illis deductis. Et anteced. probat. Quia Theologia non solum attingit conclusiones, quas ex revelatis à fide infert, sed etiam attingit ipsas fidei veritates, quæ sunt principia, à quibus procedit, & in quæ regreditur, vt veritatem inventam contempletur: ergo sicut in illis principiis contemplatur ipsa veritatem: pariter, & ipsa principia illam præcontinentia contemplari potest. Declaratur hoc sequenti exemplo: Etenim ex hoc antecedenti de fide, *Christus est homo*, infert Theologia: ergo *ist refibilis*. Quam veritatem postquam ab illo antecedenti deduxit, in illud regreditur, vt cōtempletur illam: quare ergo sicut contemplatur veritatem in illo principio, non poterit contemplari principium illud continens talem veritatem?

Hoc argumentum nullam difficultatem habet, nisi quam ei conferunt aliquorum solutiones, breviter tamen iudicium ferre par est. In primis enim P. Suarez num. 41. laudatus, concedit habitum fidei, & Theologiæ elicere Evangelicam contemplationem: primum, illam, quæ est de veritatibus fidei: & illam, quæ est de veritatibus per ipsum deductis, secundum. Quæ doctrina est, quam defendimus. Sed id in illa nobis arridere non potest, quod hic Theologus asserere videatur, habitum Theologicum præcisè veritates illas contemplari. Cum etiam con-

templari possit ipsa principia, in quibus continentur, vt affatim convincit propositum argumentum, & constat ex exemplo illo, quo utitur: magisque vrget, cum vtrique præmissa est de fide. Quamobrem nec vires, quibus destituitur, à nobis habeat, aliter solvendum est argumentum.

§ 7. Ad illud respondet Discept. mystica citata, concedens, quod aliæ scientiæ contemplantur veritates, quas inferunt: Theologia verò hoc facere non potest, ait, ob discrimen manifestum, quod intervenit. Consistitque in eo, quod in alijs scientijs tam principia, quam conclusiones pertinent ad eandem scientiam; vnde nil mirum, quod talis scientia possit veritates illas contemplari. Conclusio verò Theologica procedit ex principiis fidei: eoque non potest Theologia illam contemplari: quia talis conclusio non est adæquatè intra ipsius Theologiæ habitum; sed magis ad fidem attinet. Vnde negat hic Author, quod detur contemplatio acquisita Evangelica, quæ à fide non sit.

§ 8. Contra cuius doctrinam facit primò: Quod conclusio Theologica deducatur ex principiis fidei, non obest, vt à Theologia ex ipsis principiis deducatur: ergo nec obest, vt illam in ipsis contempletur. Anteced. negari non debet, & conseq. probatur: Quia principia illa non minùs pertinent ad fidem, vt ex illis deducitur conclusio, quàm vt in illis cognoscitur: vel sic: principia illa non minùs pertinent ad fidem, vt principia sunt, quàm vt terminant motum intellectuum: sed vt formaliter principia, potest Theologia conclusionem ex illis deducere: ergo vt formaliter terminant, potest illam in ipsis contemplari.

§ 9. Disputo 2: Veritas Theologica postquam inventa est, magis spectat ad Theologiam quàm prius: sed prius à Theologia inquiritur: ergo postmodum ab ipsa contempletur. Cōseq. legitima est, & minor certa. Mai. autem probatur: Quia post inventionem est veritas illa effectus ipsius Theologiæ, quæ eam, vt inveniret, laboravit,

vit, sudavitque; quod ante inventionem non habebat: ergo vera est illa maior.

60. Disputo 3. Motus discursivus est circularis: ergo est ab eodem in idem. Ergo eadem Theologia, quæ descendit a principio in conclusionem, ascendit à conclusione in principium. Anteced. est indubitatum, ex quo constat bonitas illationis primæ, & probatur 2. Quia si non esset eadem Theologia, quæ descendit, & ascendit; iam tunc (primò) motus ille non esset idem; siquidem ad unitatem motus requiritur inter alia unitas mobilis, vt cum Aristot. & D. Thom. docent nostri Complut. lib. 3. physicoz. disp. 23. q. 2. *Secundò* iam motus discursivus Theologicus non esset circularis; siquidem finiretur in ipsa conclusionis inventione. Et tunc inciperet actus fidei. Ex quo ulterius fieret ipsam Theologiam non esse scientiam: implet enim, quòd sit scientificus ille habitus, qui incapax est regrediendi ad principia, in quibus veritatem proprio sudore deductam innotat.

61. Disputo 4. scientia subalternata in absentia subalternantis proprias conclusiones contemplatur: ergo & Theologia. Anteced. videtur certum: Quia scientia subalternans abest: vnde si subalternata non contemplatur illas conclusiones, incontemplatæ manebunt. Conseq. autem probatur: Quia sicut veritas Theologica deducitur ex veritate fidei; sic etiam scientiæ subalternatæ conclusio deducitur ex veritate

ad subalternantem pertinet: ergo.

62. Disputo denique. Quia conclusio Theologica non est intrinsecè supernaturalis: ergo ad sui contemplationem non explet habitum infusum; ergo illam contemplatur ipsa Theologia. Anteced. etiam apud authorem, quem impugnamus, est certum. Secunda conseq. constat ex prima, quæ adeò legitima est, vt in illius probatione suffraganeum sit immorari.

63. Quare ad factum argumentum respondendum est: habitum Theologicum elicere contemplationem, quæ est de conclusionibus Theologicis, & etiam non esse ei denegandum, quòd ipsas veritates fidei, à quibus, & in quas tendit, contempletur. Est enim omnì sapientiæ proprium, quòd principia, ex quibus procedit, attingat, vt explicet; & defendat, quòd de nostra Theologia clarè D. Augustin. docet, prout refert D. Thom. 1. p. q. 1. art. 2. his verbis: *Secundum Augustinum huic scientiæ (nempe Theologiæ) attribuitur illud tantummodò, quòd fides saluberrima gignitur, nutritur, defenditur, roboratur*; Ob hoc tamen non est denegandum; quòd ipsa fides illustrata eliciat actum contemplationis acquisitæ. Nec hoc superfluit: quia contemplatio elicitæ ab habitu Theologico est naturalis, & quæ elicitur à fide supernaturalis est. Vnde sicut non superfluit contemplatio supernaturalis infusa, & supernaturalis acquisita; sic non superfluit duplex contemplatio acquisita, vna naturalis, & supernaturalis alia,

## QUÆSTIO TERTIA.

### *Qualiter Spiritus Sancti dona concurrant ad contemplationem?*

**P**Ræ manibus habemus quæstionem difficilissimam, tum ob ea, quæ ipsi propria sunt. Tum ob ea, quæ implicat: dependet enim ab huius quæstioni resolutione quicquid in quæstionibus præcedenti;

A SPIRITU SANCTO

bus dictum est. Vnde manet adhuc penè indecisa difficultas illa de elicientia fidei illustratæ relatè ad actum divinæ contemplationis.

Ddd

§. I.

S. I. *Aperitur status controversiæ, & ista resolvitur.*

64. **D**ona Spiritus Sancti existere, septem esse, realiter à virtutibus infusis, & inter se distingui, eorumque ut minis aliqua concurrere ad contemplationem, & alia, quæ ex dictis inferuntur, adeò certa sunt, ut non exposcant specialem aliquam solitudinem. Ultra quam, quòd non multum ad Theologum mysticum spectat huiusmodi labor. Sed debet à Theologia scholastica supponi, à qua mutuandum nobis est omne, quod huiuscemodi controversijs deservire solet. Quare præsens reducitur ad modum, quo talia dona in contemplationem divinam influant.

65. Hic modus duplex esse potest. Primus est, quòd dona eliciant totam entitatem actus contemplationis divinæ, sicut charitas elicit suum actum, & fides etiam, & sic de alijs. Ad hunc ergo sensum potest intelligi, quòd dona contemplationem eliciant: sive omnia, sive aliqua simul concurrant ad elicientiam eiusdem actus contemplationis: sive vnum concurrat ad vnum, & aliud ad aliud. De quo nihil modò; nè præsentem controversiam alijs misceamus, & magis obnubilemus.

Secundus modus, quo intelligi potest influxus iste donorum, est, quòd concurrant ad modum actus divinæ contemplationis: ita ut actus, qui ab alio habitu elicitur ab ipsis modificetur, per ipsaque dona induat talem, vel talem elevationem, quam nunquam ab habitu eliciente haberet, circumscripto donorum influxu in talem actum. Et quali ex his duobus modis ad contemplationem concurrant dona, vestigat præsens quaesitum.

66. Sit nostra assertio: *Dona Spiritus Sancti non eliciunt actum divinæ contemplationis: sed contemplationem à fide illustrata eliciunt modificant.* Assertio bimembris est: sed idem per utrumque membrum significatur. Ex

eo enim quòd dona ad contemplationem concurrant, ut à omnibus edocetur; si non concurrunt ad substantiam actus, ad modum ipsius concurrere necessum est: aliter salvari non posset concursus iste formalis. Conclus. hæc est D. Thom. ut ait Auth. Discepr. mysticæ iam adducendus, qui illam etiam docet, ac probat tract. 2. q. 3. art. 7. & tract. 3. q. 3. art. 5. loquutus de utraque contemplatione. Eandem sententiam docet Exim. Suarez suprà citatus, qui num. 9. ita expresse loquitur, ut de ipsius mente prudenter dubitari non valeat. Idem clarissimè tenet Dom. Caietan. 2. 2. q. 45. art. 1. & quidem si ad sensum dictorum attendamus, alios plures Doctor. adduci possent, ut sunt Mag. Joan. à Sanct. Thom. Mag. Valgorn. aliique innumeri. Verum quia non in plurium autorum recensione vim nostrarum assertionum collocamus: propterea eos solum modò referimus, qui doctrinam nostram expresse docuerunt: relinquens ad lectoris placitum, quòd alios, vel pro nobis, vel contra nos, prout libuerit ei, interpretetur. Et quia in hac parte non sat esse; Autores nominare, remur: propterea ordine proposito eorum verba subijcimus, Div. Thom. ad ultimum locum reservantes.

67. Discepr. Mystica art. 7. citato sic ait num. 29. agens de contemplatione acquisita: *Respondeo ad 1. Dona Spiritus Sancti non concurrere ad substantiam actus contemplationis acquisitæ, iuxta communem providentiam (quicquid sit, an ex eo, quòd prædicta dona pertineant ad lineam intellectuales, possint de providentia insolita concurrere ad substantiam contemplationis) sed concurrunt tantum ad modum, vel quasi modum eiusdem actus.* Hæc dictus Author, qui alia subiungit quibus suam illam doctrinam suadeat, tum ab autoritate D. Thom. quem ibi laudat, tum à ratione, quam à Div. Thom. autoritate deducit.

Postea citato art. 5. ex tract. 3. agens de contemplatione infusa ait num. 25. *Hoc supposito dicimus: Actum*  
cop.

contemplationis in primo gradu mysticæ Theologiæ fieri quoad substantiam à virtute Theologica fidei: quoad modos autem à donis, iuxta *proportionem dictam*. Quod ibi probat discursu in D. Thom. autoritate fundato. Nec offendas in verbis illis: *In primo gradu mysticæ Theologiæ*: ac tu alijs eiusdem mysticæ Theologiæ gradibus detur contemplatio insula, quæ à fide non fit; sed à donis quoad substantiam eliciatur: quippe num. 27. se explicat dicēs: *Causatur igitur actus contemplationis infusus in primo gradu eius, seu prout est actus donorum, hoc ordine &c.* Vbi primum gradum insula contemplationis appellat illam contemplationem, quæ à fide est cum donorum concursu. De alia autem contemplatione, de qua art. sequenti loquitur, quæque à scientia insula dona, & fidem superante elicitur, non est ibi sermo; sicut nec nos de illa modò loquimur, vt diximus num. 46. Vnde contemplatio omnis, de qua quæstione præcedenti diximus, elici à fide, & etiam illa, quæ est ab habitu Theologico, elicitur cum concursu donorum perficientium, vel iuxta contemplantis modum, vel supra illum, ac tum ipsum contemplationis.

68. P. Suarez eadem claritate procedit dicens allegato num. 9. *Cooperantur autem, vt existimo huic contemplationi tria Spiritus Sancti dona, intellectus, sapientia, & scientia; intellectus ad concipiendas res fidei altiori modo, quam per solum discursum proprium, vel apprehensionem naturalem homo posset; hoc enim est propriè munus illius doni &c.* Donum sapientiæ, & scientiæ cooperantur demonstrando aliquo modo *veritatem illam &c.* Hactenus Exim. hic Theologus, qui numeris præcedentibus docuerat, illam contemplationem esse actum propriè elicatum à fide, vel habitu Theologico, pro diversitate veritatis contemplatæ: Vnde cum modo inquit, dona ad illam cooperari, non potest intelligi de alio modo concurrenti, nisi de illo, quem verbum ipsum *cooperari* signat, videlicet, non quoad substantiam actus

contemplationis, sed quo ad modum ipsius.

69. Eminent. Caietan. sic ad rem præsentem loquitur citato loco: *Inter fidem ergo, & sapientiam hæc est differentia, quòd fidei primò est assensus, sapientiæ verò primò est iudicium.* Dico autem primò, tum quia vnum infert reliquum; tum quia non intelligo, dona Spiritus Sancti sic distinguì à virtutibus Theologicis, vt perficiant ad actus disparatos, sed vt perficiant inchoationem bonitatis, quam actus, qui non primò, sed secundariò sunt Theologicarum virtutum, ab illis sortiuntur. V. G. fidei actus primò est assentire, & eiusdem est etiam percipere, & iudicare, & secundum Deum, & secundum causas creatas, & applicare ad singularia, vt patet in homine existente in peccato mortali, cavente tamen se ab idolatria, homicidio, furto, eunte ad prædicationes, & Missas. Talis enim absque donis Spiritus Sancti, quæ non possunt esse informia, per fidem percipit divina, iudicat cavendum ab idolatria secundum altissimam causam, & ab homicidio etiam secundum causam creatam, quia non est nocendum proximo, & applicat se ad particulares executiones obsequij fidei in Missis &c. Qui tamen actus spectant ad dona intellectus, sapientiæ, scientiæ, & consilij: sed hi actus non perfecti sunt ita à fide, quin egeant donorum perfectione, à quibus cum eliciuntur, non alij, sed alio modo, vt scilicet oriuntur ex instinctu Spiritus Sancti, eliciuntur, vt de dono sapientiæ in proposito dicitur, quod à sapientia elicitur iudicium secundum quandam connaturalitatem ad divina.

Hæc Caietan. docet, quæ omnia maxima voluplate exscripsi, quia præter perspicuitatem, & proprietatem, quibus procedit, fundamentum vrgens exhibet, quo veritas à nobis pro assertione statuta comprobetur. Scito ergo, quòd cum actus donorum à donis elicitur, non elicitur alius actus ab actu fidei; sed elicitur idem fidei actus sub illa perfectione, ac excellentia,

quibus ab habitu fidei, donorum influxu circumscripto, neutiquam eliceretur.

**§. II. Auctoritatibus D. Thomæ, rationibusque inde deductis, propositum assertum probo.**

70. **E**X ultimis Caietani verbis constat nostrum assertum esse de mente D. Thomæ, qui illud ipsum iudicium, quod elicitur a fide, elici etiam à dono sapientiæ, secundum quandam connaturalitatem ad divina, clarè docet. Vnde illi ipsi iudicio fidei accedit sapientiæ donum; & addit, quod procedat secundum quandam connaturalitatem ad divina: Et per hoc sine nova entitate actus, actus ille, qui erat præcisè fidei, sit actus doni sapientiæ. Idem ostendunt testimonia, quæ ex eodem Doct. Ang. assert. Ducept. mystica, circa quæ postmodum non nihil forsam dicemus.

Modò verò probamus conclusionem aliquibus D. Thomæ. auctoritatibus, prima est ex scripto super Elaiam cap. 11. ubi ait: *Dona dantur in adiutorium virtutum, quibus perficiuntur anime potentie ad actus proportionatos, secundum modum humanum, sicut fides, quæ facit videre in speculo, & enigmate. Est autem duplex defectus virtutis. Vnus per accedens, quæ est ex indistinctione habentis, ex qua indistinctio manet in subiecto, & iste defectus tollitur per augmentum virtutis. Alius defectus est per se, ex parte ipsius habitus, sicut fides secundum suam dispositionem est in continente imperfecta, quia enigmatica. Et iste defectus tollitur, per altiores habitus, qui vocatur donum: quia quasi excedit modum humanæ operationis à Deo datum, sicut donum intellectus, quod facit aliquo modo limpide, & clarè intueri, quæ sunt fidei. Operatio autem procedens à virtute perfecta donò dicitur beatitudo, quæ nihil aliud est, quam operatio, secundum virtutem perfectam, ut dicit Philosophus. Quibus verbis clarissimè docet D. Thomæ actus donorum esse actus ipsos*

virtutum iuxta donorum perfectionem illos elicientium, Quam perfectionem habere sine donorum auxilio virtutes ipsæ non possunt, quantumvis perfectissimæ in se sint, perfectissimæque subiecto dominantur.

Secunda auctoritas sumitur ex disputata de charitate, ubi art. 2. inquit Doct. Sanct. *Vtrum charitas sit virtus?* Et contra resolutionem assertivam ponit hoc argumentum. *Amor est excellentior timore: sed timor propter sui excellentiam non est virtus; sed donum, quod est excellentius virtute: ergo nec charitas est virtus, sed donum.* Ad hoc argumentum respondet sic: *Ad 17. dicendum, quod dona perficiunt virtutes elevando eas supra modum humanum, sicut donum intellectus virtutem fidei, & donum timoris virtutem temperantiæ in recedendo à delectabilibus ultra humanum modum: sed circa amorem Dei non est aliqua imperfectio, quam oporteat per aliquod donum perfici: Vnde charitas non ponitur donum virtutis, quæ tamen excellentior est omnibus donis.*

Similiter in 3. dist. 34. q. 1. art. 1. simile argumentum solvens ait: *Ad 5. dicendum, quod voluntas non habet aliquam imperfectiorem de ratione sui in nobis, quantum ad modum suæ operationis, sicut intellectus, qui cognoscit accipiendo à phantasmatibus. Vnde in statu viæ Deum per essentiam amamus, non autem videmus. Et ideo non potest accipi supra illam virtutem, quæ est in voluntate aliquod donum perficiens ad argendum nobiliori modo, quam sit modus virtutis. Et ideo cum donum non sit supra virtutem, nisi de ratione modi, non erit inconveniens, quod virtus perficiens voluntatem, quantum ad sui supremum, dignior sit qualibet dono. Ex quibus testimoniis*

71. Probatur sic nostra conclus. à ratione primò. Munus donorum est elevare virtutes, ut operentur supra modum humanum: ergo dona non eliciunt actum quoad substantiam diversum ab actibus virtutum, quas elevant: ergo contemplario divina est actus

tos fidei quoad substantiam, & donum quoad modum. Hac secunda conseq. ex prima evidens est, & anteced. constat ex datis verbis secundæ autoritatis in principio, quibus dicitur, quòd *dona perficiunt virtutes elevando eas supra modum humanum, sicut donum intellexit virtutem fidei*. Est dicere; quòd virtutes, etiam Theologicæ, habent duplicem modum operandi. Primus est, iuxta modum illas habentis; secundus autem supra talem modum. Vnde fides primo modo procedens, cognoscit iuxta modum humanum, hoc est accipiendo à phantasmatis ut dicitur in tertio testimonio; sicque fides est *in speculatio divinorum in speculo, & in enigmate*, ut supra dixit nobis idem Doct. Sanct. At quòd in hac vita quasi nuda veritate capiantur divina, *hoc facit*, ait idem D. Thom. *donum intellectus*. Non quia donum intellectus eliciat substantiam illius actus, quo divina quasi nuda veritate capiuntur, sed quia elevat fidem, ut *supra modum humanum* operetur.

Deinde probatur conseq. Quia si dona elicerent actum quoad substantiam, iam non influerent elevando virtutes *supra modum humanum*, nec ille actus, ad cuius elicientiam virtutem elevant, esset actus virtutis, sed doni: Còsequens est proflus dissonum: ergo. Cætera constant; & mai. seu sequela quoad primam partem probatur: Quia influens elevando aliquam virtutem non elicit substantiam actus, pro cuius elicientia virtutem elevat, ut ex ipsis terminis notum est: ergo si dona concurrunt cum virtutibus ipsas elevando, non eliciunt substantiam actus, pro cuius elicientia elevant. Pro 2. parte probat. eadem maior: Quia nec modus, nec substantia talis actus esset à virtutei ergo talis actus non esset actus virtutis. Patet ista, & probatur anteced. pro 1. parte: Quia à duplici habitu elici non potest eadem actus entitas: ergo si entitas illius actus esset elicitive à dono, non posset esse elicitive à virtute. Pro prima parte non indiget probatione idem anteced. Quia modus illius actus

est supra virtutes, ut docet D. Thom. in 3. testimonio ijs verbis: *Cum donum non sit supra virtutem, nisi de ratione modi*.

72. Probat. 2. Conclus. ratione alia eruta ex datis testimonijs, per quàmque præcedens discursus roboratur: Non datur donum, quod sit charitas: ergo non est de ratione doni elicere substantiam actus contemplationis. Anteced. patet ex datis autoritatibus, & conseq. probatur ex ratione, quam ibi assignat Div. Thom. ut non detur donum charitatis. Etenim quia *circa amorem Dei non datur aliqua imperfectio, quæ debeat per donum perfici*: idèò charitas non est *donum virtutis*, sed virtus superans omnia dona: ergo donum concurrens ad actum virtutis solum perficit modum imperfectum virtutis; consequenterque non elicit substantiam actus, sed modum; atque adèò entitas divinæ contemplationis non est à dono, sed à fide. Anteced. continet verba laudati Div. Thom. & conseq. probatur. Quia id, quod præstat modum formaliter perficientem actum, non elicit ipsum actum quoad substantiam, nec elicit alium diversum actum; quia si ipsum actum quoad substantiam eliceret, non concurreret ad solam perfectionem actus; tuncque posset charitas habere rationem doni. Si autem eliceret alium actum diversum, non posset per id, quod præstat, perfici formaliter actus virtutis: absurdum est enim dicere, quòd per unum actum alius formaliter perficiatur: ergo donum ita cum virtute occurrat, quod solum præstat modum; quo formaliter perficitur actus virtutis: Hincque constat efficacia rationis, ob quã D. Thom. docet, non dari charitatem, quæ sit donum: quia videlicet, *circa amorem Dei non datur aliqua imperfectio &c.*

73. Dices: Sicut non datur charitas, quæ sit donum, ita nec fides: ergo vel ratio D. Thom. non convincit; vel fides per nullum donum perficitur. Anteced. est Div. Thom. adducendi, & conseq. probatur: Quia licet fides habeat modum imperfectum procedendi; non



non tamen datur donum, quod sit fides: ergo quòd non detur charitas, quæ sit donum, non provenit ex eo, quòd *circa amorem Dei non datur aliqua imperfectio, quæ debeat per donum perfici.*

Respond. fidem, & charitatem dupliciter considerari posse. Primò, ut sunt virtutes Theologales. Secundò, quatenus una afficit intellectum, & alia voluntatem. Sub prima consideratione conveniunt in eo, quòd non detur donum, quòd fides, aut charitas sit. Ratione desumitur ex D. Thom. 1. 2. q. 68. art. 4. dicente: *Ad 3. dicendum, quòd animus hominis non movetur à Spiritu Sancto, nisi ei secundum aliquem modum uniatur: sicut instrumentum non movetur ab artifice, nisi per contactum, aut per aliquam aliam unionem. Prima autem unio hominis est per fidem, spem, & charitatem: unde istæ virtutes præsupponuntur ad dona, sicut radices quædam donorum. Unde omnia dona pertinent ad has tres virtutes, sicut quædam derivationes prædictarum virtutum.* Unde habes motivum, ob quòd nullum detur donum, quod sit fides, spes, aut charitas: quia videlicet, non potest homo moveri à Spiritu Sancto, ad quod dona deserviunt, nisi præsupponatur ipsi unitus. Unio hæc fit per virtutes Theologales, eòque virtutes Theologales præsupponuntur ad dona. Consequenterque non potest dari donum, quod sit fides &c. Quod inde manifestum est: quia si daretur fides donum, esset donum, & simul non esset donum: esset quidem, ut supponitur: & non esset, quia fides, & aliæ virtutes Theologales præsupponuntur ad dona, sicut radices quædam donorum. Videatur D. Sancti, art. 8 in corpore.

Si autem fides, & charitas considerentur, quatenus actus unus est actus voluntatis, & actus alterius est actus intellectus. Tunc conveniunt etiam in eo, quòd non detur donum, quod sit charitas, aut fides: sed discriminantur, quia charitas nec ex se, nec ratione voluntatis, cui inest, requirit donum perficiens actum. Non requirit ex se, ut dictum est, quia *circa amorem Dei non*

*est aliqua imperfectio, quam oporteat per aliquod donum perfici.* Non requirit ratione voluntatis: quia voluntas de se nullum donum nominat, ut docet D. Thom. 2. 2. q. 8. art. 1. dicens: *Ad 3. dicendum, quòd voluntas nominat simpliciter appetitivum motum absque determinatione alicuius excellentiæ: sed intellectus nominat quandam excellentiam cognitionis penetrandi ad intimam.* Et ideo supernaturale donum magis nominatur nomine intellectus, quam nomine voluntatis. Unde discursus D. Thom. convincit: quia cum amor Dei nec ratione habitus elicientis, nec ratione potentie indiget dono perficienti; propterea non datur donum, quod sit charitas, & ad amandum nobiliori modo conducatur. Alti fidei actus est actus intellectus, qui pro hoc statu imperfectè de se intelligit, & accipiendo à phantasmatis: unde datur donum, quod de eius nomine dicitur intellectus, & huius doni munus est perficere actum fidei, ut sine phantasmatum erroribus procedat, divinaque quasi nuda veritate capiat.

Per quæ ad obiectionem in forma respond. neg. conseq. & paritatem. Ad probationem dicas: Quod licet non detur fides donum; quia fides est virtus Theologalis. Datur tamen donum intellectus, cuius est actus fidei perficere. Non tamen datur donum, quod sit charitas, aut voluntas, quia actus charitatis nullam perfectionem accipere à dono potest, nec ea indiget. Unde ex facto nobis argumento concluditur, dona Spiritus Sancti non concurrere ad entitatem actuum virtutum, quibuscum concurrunt. Quod.

74. Probatur ultimò ex diffinitione donorum. Etenim donum, uti ex D. Thom. 1. 2. q. 68. art. 1. & 3. ait Mag. Valgorn. q. 3. disp. 2. art. 1. rum. 1. *Est habitus quidam, quo homo disponitur ad exercenda opera virtutum secundum quod homo est mobilis à Spiritu Sancto.* Vbi ut clarissimè vides, donum dicitur habitus ille, quo hominoidoneus redditur ad elicienda opera, non ipsius doni, sed virtutum. Unde sola doni definitio



finis est irrefragabilis affectu nostri probatio. Disponit enim donum hominem, ut per virtutem ad hoc destinatum, ex influxu ipsius doni contempleretur. Unde donum perficit actum illum contemplationis, quem virtus potest quidem elicere, sed perficere non potest. Quod est idem, ac id, quod citato art. 8. docet D. Thom. in argumento *sed contra* per hæc verba: *Dona dantur in adiutorium virtutum contra defectus*. Hoc est, quod num. 79. nobis elegantissimè tradidit Caietanus. Videlicet, quòd ex concursu donorum actus virtutum non eliciuntur *alij* sed *alio modo*. Hoc est, quòd fides, ut est principium contemplationis, non sit fides simpliciter, & absolute sumpta; sed fides, ut illustrata, aut à donis, ad contemplationem concurrentibus, elevata: Quocirca sicut fides, ut reduplicativè illustrata, dicitur modum, qui est donorum effectus; sic in ipsum fidei actum, seu contemplationem imprimitur iste modus donis correspondens. Hoc est, quòd homo, qui sine donis idoneus est, ut virtutes exerceat ex dictamine rationis: ipsis donis indigeat, ut exerceat ipsas virtutes ex instinctu Spiritus Sancti. Cæterum, sicut cum homo ex dictamine rationis virtutes exercet, exercitium illud, seu ij actus non eliciuntur à dictamine rationis, sed à virtutibus: sic etiam cum tales virtutes exercentur ex instinctu Spiritus Sancti, actus illi non à donis, sed à virtutibus ipsis eliciuntur.

### §. III. Nonnulla argumenta solvo.

75. **C**ONTRA conclus. arg. 1. Contemplans ex speciali instinctu Spiritu Sancti est instrumentum: ergo actio illa, seu contemplatio non attribuitur contemplanti, sed Spiritui Sancto medijs suis donis concurrenti. Conseq. nota est: Actio enim instrumenti principaliter elicitur à virtute illa, quam principale agens in ipsum derivat, quaque illud elevat. Anteced.

autem, in quo est præcipua difficultas, est expressum D. Thom. d. q. 68. art. 3. ubi inquit: *Ad 2. dicendum, quòd ratio illa procedit de instrumento, cuius non est agere, sed solum agi. Tale autem instrumentum non est homo, sed sic agitur à Spiritu Sancto, quod etiam agit, in quantum est liberi arbitrij*. Vbi clarè loquutus de motione donorum, de qua ibi sermo erat, concedit hominem esse instrumentum, quamquam non inanime.

76. Confirmatur. Non potest fides elicere actum divinæ contemplationis, nisi à donis elevetur: ergo fides est instrumentum donorum; atque ideo actus eius eliciuntur principaliter ab illis. Anteced. constat ex verbis D. Thom. posit. num. 70. ex disputata de charitate ibi: *Dona perficiunt virtutes elevando eas supra modum humanum*. Et conseq. probatur: Quia id, quod ita ab alio perficitur, ut simul elevetur, est instrumentum elevantis: aliter nihil haberet rationem instrumenti: sed dona ista perficiunt fidem ad actum contemplationis, ut illam elevent *supra modum humanum*, ut patet ex citato D. Thom. ergo.

Argumentum hoc molestum valde est, non propter difficultatem, quam habeat, sed quia in quancunque materiam introduci ab aliquibus solet: uti in præsentī faciunt, qui ex eo probari volunt, hominem, ut à Spiritu Sancto specialiter motum, operantem esse instrumentum, quibus responderetur: quòd si instrumentum sumitur in lata quadam significatione, sic omnia, quæ sunt post Deum, sunt quædam quasi instrumenta ipsius, ait Div. Thom. 3. cont. Gent. cap. 100. in 2. Quocirca omnis causa secunda instrumentum est causæ primæ; siquidem operari non valet, nisi ab ipsa prima causa mota, & præmota. Et hoc non solum verum est relatè ad effectus supernaturales ad quos speciali concursu, & auxilio indigere certum est: verum etiam relatè ad effectus naturales. In hacque acceptione sumitur à D. Thom. instrumentum loco in argumento citato. Ibi enim  
intenc.

intendebat arguens, quod dona Spiritus Sancti non erant habitus exiitantes in iustos sed passionibus, aut motionibus ipsi per modum transeuntis communicata. Et hoc quia iustus ex illis operans est instrumentum, quod virtutem agentis principalis non habet per modum habitus. Ad quod ait Ang. Doct. quod iustus ex instructu speciali Spiritus Sancti procedens, non est instrumentum inanime, de quo verificatur illa ratio: sed est (illa lata acceptione iam dicta) instrumentum, quod ita à Spiritu Sancto agitur, ut etiam agat: eoque virtutem, qua operetur, debet permanentiter habere. Et per hoc solvitur à D. Thom. illud argumentum: quin ex hoc inferre liceat, quod in eius sententia, hi, qui spiritu Dei aguntur sint rigorose instrumenta. Non enim sunt nisi causa principales: & eo principales, quò spiritui, à quo aguntur, subiectiores. Per quod patet ad argumentum.

Ad confirm. concess. ant. neg. consequ. Ad cuius probationem, dicas: multum, & valde absurda probare; atque adeò nihil probare. Si namque verum contingeret probatio illa, nullus actus salutaris daretur, quem homo, ut causa principalis, produceret: unde ob eorum elicientiam nulla retributione dignus foret. In forma tamen respondeo ad dictam probationem disting. mai. Quæ vera erit, si operatio, ad quam elevatio datur, non sit intra latitudinem obiecti adequati principij elevati: vel si in ipso non supponatur forma, cui connaturalis sitalis operatio. Falsa verò est omnino illa maior; si dicta operatio sit intra obiectum adequatum principij elevati: vel si in eo adest forma, cui connaturalis sit operatio illa. Et sub eadem distinctione min. negetur consequ.

Explicatur solutio: Actus contemplationis divinæ est actus fidei, qui, ut supponimus, est actus intellectus, cuius obiectum comprehendit, nedum Deum sublimiter contemplatum; verum etiam ipsum clare visum. Unde quamquam elevari debeat, ut Deum videat, & contempletur, nunquam tamen verum est, quod ad talem contem-

plationem, sive obscuram, sive claram instrumentaliter concurrat. Tunc enim instrumentaliter concurreret; cum non solum non diceret proportionem elasticitatis proximæ, ut de facto non dicit, relatæ ad Deum videndum, seu contemplandum: sed nec etiam diceret proportionem essentialem. Hanc securam proportionem vere dicit nostre intellectus: unde etiam si elevetur, ut proximè possit Deum contemplari, non propter hoc est instrumentum. Vi de circa hæc P. P. Complutens. de anima disp. 17. q. 2. & P. P. Salmant. tract. 2. disp. 1. dub. 1. & disp. 4. dub. 5. num. 60. Insuper in iusto datur gratia sanctificans, cuius connaturalis operatio est Deum videre: consequenterque omne illud, quod iustum approximat, seu proportionat ad Deum videndum, non admittit ab illo rationem causæ principalis: sed illum magis, vel minus proximè expeditum reddit, ut illius actum tanquam causa principalis eliciat.

77. Arg. 2. Quia licet habitus elevans potentiam non auferat ab illa rationem causæ principalis, ut dictum est num. præcedenti elicit tamen substantiam actus, ad quem elevat: ergo dona ad contemplationem concurrentia eliciunt entitatem contemplationis. Conseq. infer. anteced. quod probatur. Quia ex eo quod perficit, & elevat, ex potentia elevata constituitur unica causa actus: ergo tale elevans actus substantiam producit.

Si dicas: Vnam quidem causam constitui: sed taliter, quod entitas actus respondeat potentie, & modus eam elevanti. Contra est 1. Quod dona Spiritus Sancti sunt habitus: ergo taliter concurrunt ad contemplationem, quod non solum eius modus, ipsa respondeat. Anteced. docetur à D. Thom. quem alij sequuntur. Et consequ. probat. Si solum ad modum concurrerent, fat esset, quod communicarentur per modum transeuntis, cum contemplatio exercenda esset. Ut quid ergo habitus illi permanentiter in anima iusti; cum per motionem transeuntem suppleri potest

potest quicquid ab illis fit? *Contra* 2. Quia habitus ipse fidei infusæ (idem est de alijs habitibus) taliter perficit potentiam intellectivam, ut ex fide, & intellectu constetur vnica causa actus fidei, quem ipsa fides elicit quoad substantiam. Similiter procedunt spes, charitas, & alij habitus supernaturales: ergo hoc ipsum donis denegandum non est.

Vergetur hoc: Quia dona Spiritus Sancti non solum elevat intellectum fidem illustrando, & non solum elevat ut habitus, ut dictum est; sed sunt habitus prorsus supernaturales: ergo taliter constituunt cum intellectu vnicam contemplationis causam, ut substantiam contemplationis eliciant. De anteced. dubitandum non est. Et conseq. probatur: Quia hæc est differentia inter habitus acquisitos, & infusos, quod illi concurrunt ad facilitatem actus, & ideo non dant *posse* sed *facilitatem*: isti verò dant *posse*; atque adeò concurrunt ad substantiam actus. De quo videri possunt nostri Salmant. tract. 12. disp. 3. dub. 2. à num. 35. ergo dona Spiritus Sancti præbent intellectui *posse* ad divinam contemplationem, eoque contemplationis entitatem producant.

Resp. anteced. esse verum, si id, quod elevat potentiam, non supponat in potentia omne, quod requiritur ad elicientiam substantiæ actus: tunc enim ita elevat, ut præstet *posse* ad actum; consequenterque substantiam eius elicit. Si autem in potentia supponat, quicquid requiritur ad substantiam actus: tunc solum concurret vel ad facilitatem actus; vel ad eius intensiorem; vel ad maiorem ipsius perfectionem. Quod vnico verbo explicatur: concurret ad modum illius actus, non ad ipsius substantiam. Vnde licet constituat vnam vnicam causam cum potentia, ex parte tamen actus diversum est, quod ipsi, & quod potentiz correspondet. Et iuxta hæc admittenda est solutio inter arguendum data, quam non labefaciunt impugnationes adiectæ.

Ad primam enim respond, neg.

**A SPIRITU SANCTO**

conseq. Ad cuius probationem dic, multum probare: Quia si id, quod concurret ad modum actus non potest esse habitus, non dabuntur habitus acquisiti, qui iuxta communem intelligentiam, concurrunt ad præbendam facilitatem. Cum autem interrogatur: ad quid illi habitus in anima, si hæc media Spiritus Sancti motione potest facere quicquid cum illis facit: Immo & nunquam facit cum illis, nisi adsit illa motio?

78. Resp. cum Mag. Joan. à Sanct. Thom. hoc procedere ex non recta intelligentia donorum Spiritus Sancti, & motivi, ob quod iustis conferuntur. Ex enim dona Spiritus Sancti non dantur in anima iusti propter motionem Spiritus Sancti, sed propter iusti obedientiam, & promptitudinem, quam semper habere debet dicens cū Davide Psal. 107: *Paratum cor meum Deus, paratum cor meum.* Quod non per modum transeuntis, sed permanenter, & alta mente repositum debet habere iustus. Omnibus enim dicitur: *Sint lumbi vestri præcincti, & lucernæ ardentes in manibus vestris, & vos similes hominibus expectantibus Dominum suum.* Lumbos præcingere est signum ad iter se accingentis: lucernarum lux ostendit notitiam claram ad comprehensionem lucidam, quam in suis gressibus habent illi, qui ad dictum iter præparantur: vltra quod debent esse vigiles, veluti servi, qui expectant Dominum suum. Ut quid ergo? *Ut cum venerit, & pulsaverit, confestim aperiant ei.* Ecce dona Spiritus Sancti, huiusque divini Spiritus motionem, & effectus ad vivum expressæ. Effectus donorum est illa iustorum præparatio ad iter ipsiusque itineris notitias quæ permanenter in illis est, ut subitæ, & transeunti pulsationi respondeant cordis ianuas referantes, & promptissimam obedientiam exhibentes. Vnde patet ad quid sunt illi habitus in anima; Et etiam patet, quod talia dona sunt necessaria ad consecutionem salutis. Quia licet ipsorum actus perfectissimi sint, & extra communem, ac regularem modum: tamen, quod homo sit promptus

**Ecc**

**Sus**

us, vt Deo pulsanti aperiatur, non est extra communem cursum; sed apprimè necessarium, vt valeat salutem obtinere.

Ad 2. impugnationem respond. ex habitibus supernaturalibus alios esse totam rationem agendi suis potentijs; alios verò non esse rationes formales agendi, sed modificandi. Habitus primi generis eliciunt entitatem actus: Habitus verò generis secundi actus, & habitus eum elicientis, entitatem perficiunt. Primi generis sunt virtutes Theologicæ, & lumen gloriæ: an verò hoc etiam alijs habitibus supernaturalibus conveniat, vel non? Nostra disputare non refert. Videbis P. P. Salmant. citatos num. suo 39. secundi autem generis sunt dona Spiritus Sancti. Nec est fundamentum aliquod, vt eo ipso quòd habitus sit supernaturalis, dicamus, esse rationem agendi: Cùm suppetant motiva plurima, vt dicamus, aliquos habitus prorsus supernaturales, qualia sunt dona, non esse rationes agendi, sed perficiendi.

79. Per quod patet ad vrgentiam, quin aliud addere opus sit: præterquam, quòd vltra dicta in probatione nostræ assertionis, considerandum est, quòd dona non afficiunt immediatè potentiam; sed média fide infusa formata: vnde totum suum munus dirigitur, vt docet Discept. mystica, *ad hoc, quòd anima facile moveatur à Spiritu Sancto ad elicientiam actus fidei Theologicæ*. Et sic ad contemplationem concurrunt. Quocirca ex sua datura isti habitus destinati sunt ad modificandum habitum fidei illum illustrando, vt sic valeat actum contemplationis elicere. Ex quo planè habetur, talia dona non esse rationes agendi, sed perficiendi. Habetur etiam, quòd cùm dicitur de ratione habitus supernaturalis esse, quòd sit tota ratio agendi, non debet intelligi de omni supernaturali habitu; sed de illo, de quo verificatur quæsti suppositum: videlicet, de eo, qui est ratio agendi. De hoc, inquam, disquiritur: an sit *tota vel partialis* ratio agendi?

#### §. IV. Proponitur difficile aliud argumentum.

80. **A**Rg. vltimo: Dona Spiritus Sancti, quæ concurrunt ad contemplationem, eliciunt illam quoad substantiam in patria: ergo & in via, conseq. est innegabilis; quia si in patria sunt ratio agendi contemplationem; non est cur eis denegetur hoc ipsum in via. Probo anteced. Visio beata est contemplatio patriæ: visio beata elicitur à dono intellectus: ergo. Difficultas est in sola minori, quam evidenter docet D. Thom. 2. 2. q. 8. att. 7. hisce verbis: *Duplex est Dei visio, vna quidem perfecta, per quam videtur Dei essentia. Alia verò imperfecta, per quam etsi non videamus in Deo quid est, videmus tamen quid non est: & tantò in hac vita Deum perfectius cognoscimus, quantò magis intelligimus, eum excedere quicquid intellectus comprehenditur. Et utraque Dei visio pertinet ad donum intellectus. Prima quidem ad donum intellectus consummatum, secundum quod erit in patria. Secunda verò ad donum intellectus inchoatum, secundum quod habetur in via. Similiter in 3. d. 34. q. 1. art. 4. ait: *Donum intellectus, cuius est spiritalia apprehendere, in patria ad divinam essentiam pertinet eam intuendo*. Pluribus alijs locis, tradit hoc ipsum Doct. Sanct. dicta tamen, quæ clariùs contra nos loquantur, sat sint: quia omnium illorum eadem expositio est.*

81. Mag. Joan. à Sanct. Thoma 1. 2. q. 68. disp. 18. art. 8. non paucis vritur, vt datos textus exponat: eius explicatio reducitur ad hoc, quòd D. Thom. non loquitur de actu doni intellectus formaliter tali, sed regulativè: quiaque visio beata, ait, est, quæ regular actum doni intellectus in patrias propterea inquit Sanct. Thom. quòd donum intellectus pertingit ad videndam divinam essentiam: non quia visio formalis divinæ essentiz sit actus doni intellectus: sed quia donum intellectus regul-

regulatur à visione divinæ essentiae. Ad hoc reducuntur plura, quæ sapientissimus hic Theologus ibi docet. De quorum veritate non disputo. Semper tamen mihi durum erit, D. Thomam, in ipso loco ubi de dono intellectus, tamquam in sede propria, loquitur, & eius quidditatem vestigat, & contemplationem propriam ipsius doni actum in presenti, & in futuro esse docet. in ipso, inquam, loco non loqui D. Thom. de doni intellectus actu formaliter, sed regulative; hoc, repeto, semper mihi durum erit. Et si ita textus interpretari liceat, autoritatum pondus possum ibi. Hac tamen interpretatione relicta.

82. Fatemur, D. Thom. loqui de dono intellectus formaliter tali, & etiam de visione divinæ essentiae, quæ est formaliter talis. Visio ergo divinæ essentiae est multiplex in Beatis: modò verò de duplici mentionem faciam. Prima est ipsa visio beata, in qua Beatorum gloria consistit. Et hæc nullatenus est doni intellectus actus, nec tale asserit D. Thom. sed est actus elicited à lumine gloriæ, quod est Beatorum Theologia. Secunda visio propriè talis divinæ essentiae est actus doni intellectus. Cuius actum visionem esse nemo negare audebit: quandoquidem vel in hac vita Deum videt, non quoad quid est, sed quoad quid non est, ut ex multis dictis patet. Vnde in patria, remoto velamine fidei, Deum clarè videt visione propriè, & formaliter tali, & quæ iam non terminatur ad quid non est, sed ad quid est. De hacque visione locutum D. Thomam, inde inter alia constat: quòd eo loci de dono intellectus, ac de actu sibi proprio, sermo illi erat. Quocirca si Ang. Doct. loquitur de visione, quæ sit actus doni intellectus, cur de illa prima est intelligendus, & non de hac secunda interpretandus?

83. Inter has autem divinæ essentiae visiones hoc interest. Quòd, ut subtiliter discutit præfatus Magister, lumen gloriæ elicit actum visionis beatae, antequam charitas amorem eliciat: quia ille intellectualis actus non præsupponit actum voluntatis;

quin potius præsupponitur ad ipsum, illumque regulat, & excitat. Ad illam visionem beatam subsequitur amor Dei; sicque Deus perfectè possidetur à beatis, habentque isti suam felicitatem quomodò perfectam, completamque, dicente D. Thom. 2. 2. q. 180. art. 7. ad 1. *Hæc est ultima perfectio contemplativæ vitæ, ut scilicet non solum divina veritas videatur, sed etiam ut ametur.*

Hactenus non adest actus doni intellectus, nec alicuius alterius ex septem donis, nec adesse potuit. Tum quia illi divinisissimi actus altiora principia exposcunt, quàm sint dona Spiritus Sancti. Tum quia dona, dum suos actus habent, supponunt animam Deo unitam, quæ vno fit medijs virtutibus Theologalibus, quæ ex hoc donis præstare, demonstratur, docetque D. Thom. 1. 2. q. 68. art. 8. dicens: *Virtutes Theologicas præferendas esse donis Spiritus Sancti, quia per eas unitur mens Deo, & subiicitur illi.* Vide dicta num. 73. Tum denique, quia actus donorum, v. g. intellectus, de quo loquimur, non terminatur ad Deum prout est in se cognoscendum; sed ad ipsum prout deglutatum: vnde ad eius actum debet, præsupponi actus gustans Dei delicias, & suavitatem. Actus iste est actus voluntatis, quæ Deo tota sua activitate copulata suavitatem illius pascitur, & suginatur. Tuncque apparet actus doni intellectus cognoscentis Deum, non, ut diximus, in se ipso, aut quidditative; sed quatenus communicat gustum illum, saporemque voluntati. Et in hoc sapore, quem voluntas experitur, quæ sanè quid creatum est, videtur Deus à dono intellectus, & ab alijs donis cognoscitivis, præfertim à dono sapientiæ. Ex quibus habetur, D. Thom. loqui de hac visione Dei mystica, & quæ ad Deum, ut deglutatum terminatur: non de illa, quæ ipsum in se, & prout in se existit, intuetur.

84. Mente D. Thom. explanata; gemimus adhuc sub hasta torius obiectæ difficultatis. Quia si D. Thom. loquitur de visione illa mystica, eamque,

dicat, esse actum doni intellectus, vrger dubium: vel ille actus elicitur quoad substantiam à dono intellectus; vel tantum quoad modum; & quoad substantiam ab alio habitu? Si primum dicas: ergo etiam in viâ erit actus ille à dono intellectus quoad substantiam. Si secundum asseras: debes assignare habitum, à quo substantia illius actus eliciatur. Quod haud facillè consequatur. Quia summè arduum est, talem habitum invenire. In primis enim non potest esse lumen gloriæ; quia absurdum prorsus est concipere, lumen gloriæ à donis perfici posse. Fides, tametsi entitativè perfectior, est quoad modum minùs perfecta donis, vt suprà dictum est cum D. Thom. Quamobrem possunt dona fidem illustrare, eiusque actum perficere. Sed lumen gloriæ quam perfectionem lucrabitur ex donis? Idem recurrere ad sciētiam infusam, vanum erit; quia vel in viâ illa sciētia, dum transeunter alicui communicatur, donis non eget, vt contempletur. Quāto magis hoc in patria eveniet, vbi illa sciētia permanenter, ac plenè possidetur.

Vides difficultatem gravissimam, quam tamen dissimulare nolui: nē modò exquerer, quod nunquam à me factum potes credere. Ratus melius esse, iudicium proprium exponere, vt à sapientibus emendetur: quàm tumulo silentij reponere, ex quo publica utilitas nullum emolumentum habet. Exposito ergo, quod propria exilitas dicitur, resultat, vt iam alibi dictavi, quod sapientes, errata vt extirpent, ignaros instruant: & rem adeò vtilem, & exemplò se se cuius de his tractanti, offerentem, non tam profundo silentio prætereant.

85. Igitur ad propositam difficultatem videtur posse responderi: Quod in patria donum intellectus elicit substantiam illius mysticæ visionis. Nec in patria vrgent motiva, ob quæ illam illi elicientiam denegavimus. Et aliunde ipsi dono hic modus operandi non repugnat, vt prudenter vidit nostra Discept. mystica loco citato, Ex dictis enim

ab initio huius quæstionis constat: in viâ non elicere dona actum contemplationis, quia D. Thom. Caietanus, Suarez, & communiter alij, & ipsa definitio doni num. 74. posita, docent, dona perficere fidem pro actu contemplationis, & actum cōtemplationis esse actum perfectissimum fidei: & insuper, quod actus perfectior non est attribuendus habitui minùs perfectio: & alia his similia. Quæ omnia disparent, si de cōtemplatione mystica patriæ sermo sit. Illa enim non est perfectior actus illius foelicissimi status: quippe visio beata omnes alios longè superat; donorum actus non est perfectissimus actus luminis gloriæ, nec hoc per ipsa dona perficitur, aut perfici valet. Vnde si dona sunt aliunde, vt dictum est, capacia eliciendi substantiam contemplationis: neutiquam absolum videtur, asserere, quod hanc capacitatem in patria exerceant, vbi inconvenientia cessant.

Verum nec modus procedendi D. Thom. nec tradita donorum definitio quietem invenire in data solutione patiuntur. Non primus, quia D. Thom. eodem modo ait, contemplationem patriæ esse actum doni intellectus consummati, ac contemplationem viæ esse à dono intellectus non consummato: sed hoc non elicit substantiam contemplationis viæ: ergo nec illud elicit substantiam contemplationis patriæ. Mai. constat ex verbis Ang. Doct. num. 80. datis, & minor ex dictis in tota hac disputatione. Sed pec donorum tradita definitio hoc patitur; quia illa definitio describit nobis donorum quidditatem, quæ in omni statu eadem semper est. Vnde coherentè ad hæcenus dicta aliter respondere oportet, ad quod

86. Supponendum est: quod sicut contemplatio viæ est veluti vicaria contemplationis patriæ. Sicut enim in hoc consistit foelicitas patriæ; sic etiam in illa viæ huius foelicitas sita est: ita fides infusa est vicaria luminis gloriæ, vt omnes docent. Quocirca sicut contemplatio, seu foelicitas consummata subsequitur ad contemplationem, seu foelicitatem inchoatam; sic ad fidem sub-

subsequitur lumen gloriæ. Lumen hoc est Theologia Beatorum, quo consequuntur vitium suum finem illos beatem, ad quam consecutionem subsequitur delectatio voluntatis, & quies in ipso ultimo fine consecuto. Si autem hoc lumen posset esse Theologia mystica Beatorum, nil nobis desiderandum superesset, ut factum argumentum solveretur.

87. Secundo supponendum est cum Mag. Ferre in 1. p. tract. 1. q. 3. §. 4. quod sicut intellectus Dei ob sui eminentiam est intellectus, sapientia, & scientia; sic etiam lumen gloriæ hæc omnia similiter habet, formali quadam participatione: unde secundum quod participat rationem intellectus divini, habet pro obiecto omnia divina, quæ formaliter conveniunt Deo: secundum quod sapientia, habet iudicare de omnibus divinis per ipsam divinitatem: secundum quod scientia est, tantum habet inclinare in attributa Dei &c. Hæc datus Author ex quibus constat, lumen intellectus multa adunare, quorum non omnia seorsim, ac præcisive sumpta, sunt ipsa beatitudo formalis: hæc quippe ad omnia, quæ in Deo sunt, terminatur. Quod non obest, ut in illo sublimi actu, & in habitu ipsius præcindamus ea, quæ habet ex sua primaria, & adæquata ratione, & illa, quæ secundum conceptus sibi inadæquatos, ac veluti secundarios dicit.

88. Supponend. est 3. Theologiam acquisitam, quam in patria manere, certum est, ibi postquam Deum modo sibi proprio attingit, regreditur ad cognoscendum ipsum Deum, prout à voluntate degustatum; sicque datur Theologia mystica acquisita concurrentibus donis modo, quo in antecedentibus dictum est. Hoc tamquam certum supponimus, ab omni calumnia immune. Tum, quia si in via hoc sit, non est cur in patria similiter non eveniat. Tum, quia iuxta D. Thom. 1. p. q. 89. art. 5. & 1. 2. q. 67. art. 2. scientiæ acquisitæ in hac via, in patria ablatis imperfectionibus, conservantur. Unde debet id ipsū concedi de Theolo-

gia Mystica naturali, quæ acquisita est. Ex his ergo, quæ certa sunt, lux aliqua incipit apparere, quæ viam, qua factō, argumento occurramus, ostendat.

89. Respond. ergo: Actum primarium luminis gloriæ esse intueri Deum prout est in se ipso, & quidditativè, ex qua cognitione, ut vidimus num. 83. resultat ineffabilis rogo voluntatis in illo summo bono quiescentis; innerrabilesque delicias degustantis. Et Deum, ut sic degustatum, & in illo sapore, quo deliciatur voluntas, splendens, obiectum dignissimum esse cognitu, quis negabit? Hoc ergo dignissimum obiectum cognoscit per actum suum secundarium lumen gloriæ. Sed non se solo; quia lumen gloriæ, ut dictum est, attenta sua natura, respicit Deum quidditativè, non mysticè: respicit Deum prout est in se, non prout in illo sapore relucet: unde ad sic attingendum Deum requirit influxum donorum. Quorum est privativè proprium Deum non metaphysicè, non quidditativè, sed mysticè, & experimentaliter attingere. Nec ex hoc inferre licet, quod dona perficiunt lumen gloriæ, sicut de fide diximus. Fidem enim perficiunt, quia illam elevat ad superiorem modum operandi, scilicet, supra modum humanum, ut supra docuit nos D. Thom. lumen autem gloriæ non elevat: nec ibi adest aliqua elevatio. Sed potius depressio: quatenus lumen ipsum, cuius actus primarius fertur in Deum, prout est in se, deprimatur, ut per actum secundarium cognoscat ipsum obiectum, ut splendet in dicto sapore. Unde nihil aliud in hac modificatione evenit, nisi quod lumen illud, quod ex natura sua cognoscitivus est; sed non mysticè: ex connotatione autem influxus donorum mysticè cognoscat. Quod sexcentis exemplis comprobari potest. Quorum omnium eadem ratio est, videlicet, quod non omnis modificatio perfectio est: nec connotatum, eo ipso, quod connotatum sit, perficit rectum: sed facit, quod rectum faciat, id, quod sine ipso non faceret: sive illud, quod facit ex connota-

tionē

tionem illam, sit magis, vel minus perfectum, quàm id, quod sine illa connotatione facit. Hoc enim aliunde pensandum est.

Quamobrem sicut Theologia acquisita Deum, concurrentibus donis, contemplatur in patria, vt diximus num. 88. Sic etiam ipsum Deum sublimius contempletur beatorum theologia, lumen, scilicet, gloriæ, quod in illos conceptus, quos dedimus num. 87. alioque dividitur, vt non solum sibi appropriet elicentiam contemplationis, quæ est actus doni intellectus; sed illas etiam, quæ sunt actus donorum sapientiæ, & scientiæ. Quatenus ex cognitione elicita ab vnoquoque ex his conceptibus habet voluntas, quod in obiecto degustet, & iterum ipsum lumen, quod novo modo, hoc est, mysticè cognoscat. Sicque servatur in omnibus coherencia, quæ est signum magni veritatis. Atque adeo fides, quæ, vt diximus, num. 86. est vicaria luminis gloriæ, invenitur hoc munus habere non solum in actu suo primario; sed etiam in secundario, qualem esse divinam contemplationem, seu actus donorum, suprà dixit nobis Caietanus: siquidem subsequitur lumen gloriæ, quod per actum suum secundarium ex connotatione influxus donorum contempletur Deum non contemplatione illa intuitiva, & quidditativa, sed contemplatione mystica, affectiva, & experimentalis.

90. Dices: Ipsa beatica visio est cognitio experimentalis Dei: ergo lumen gloriæ non elicit aliam cognitionem experimentalem Dei. Antecedens est omnino certum, & consequenter probatur: Quia in conspectu primæ illius cognitionis experimentalis perfectioris superfluit prorsus cognitio alia experimentalis minus perfecta.

Resp. disting. anteced. est cognitio experimentalis intuitivè, seu per modum visionis, conceditur; mysticè, seu ex affectuosa connaturalitate, negatur. antecedens. Etenim omnis visio intuitiva est cognitio experimentalis; ipsa enim visio experimentum est; alii est

experimentum, quod non nascitur ex tactu, seu ex degustatione obiecti, sed ex facili præsentia ipsius. Hæc secunda experientia non est mystica, vnde licet illam dicat beatitudo formalis, non sequitur, quod sit contemplatio mystica cognitio experimentalis ex degustatione obiecti est mystica contemplatio, & hanc provenit à lumine, connotato influxu donorum, asserimus. Nec hæc cognitio superfluit in conspectu primæ: quia est ab illa multum diversa. Quandoquidem prima est cognitio obiecti prout est: secunda autem est cognitio obiecti prout sapit. Prima terminatur ad divinam, vt vera, & secunda terminatur ad divinam amata, vt dixit D. Thom. supra disp. præcedenti numero 46. Et sicut non repugnat, quod Beatus cognoscat Deum per scientiam beatam, per infusam, & per Theologiam acquisitam: ita nec datur repugnancia in eo, quod idem lumen illo duplici experientia genere Deum cognoscat. Similiter Beatus cognoscit mysticè Deum per Theologiam acquisitam, modo, quo diximus num. 88. & eodem proportionali modo cognoscitur mysticè à Beato Deus per scientiam infusam: quin istæ mysticæ cognitiones, seu experientia superfluant propter diversum modum procedendi habitum illas elicentium: ergo similiter non superfluit in lumine gloriæ experientia mystica, licet detur experientia illa intuitiva; quia utraque experientia habetur modo diversissimo.

Replicabis: Actus luminis gloriæ est visio Dei: sed experientia mystica non est formalis visio Dei: ergo non est actus luminis. Mai. certa est, & min. constat: Quia experientia mystica fundatur super aliquo creato, nempe super sapere, & gustu, quos voluntas experitui; & hæc est ratio, ob quam deus Spiritus Sancti non sunt virtutes Theologales, videlicet, quia eorum obiectum non est Deus in se ipso, sed dictus ille sapor, & gustus.

Resp. disting. maiorem est visio siue mystica, siue intuitiva, concedo; determinatè intuitiva, subdistinguo:

*Actus*



*Actus primar. luminis*, conced. secundarius, quem habet ex influxu donorum connotativè, neg. maiorem. Indidemque distinguatur conseq. *luminis* primarius, & quem ipsum lumen, circumscripta quacumque connotatione, producat, concedo. Secundarius, & quem ex connotatione donorum producat lumen, neg. conseq. Solutio ex dictis patet. Nec inconveniens aliquod est, quòd habitus eliciti actum primarium perfectissimum, & secundarium minùs perfectum: quin porius contrarium foret inconveniens maximum. Et in præsentī casu salvatur semper, quod actus secundarius luminis sit obiecti visio; quandoquidem actus ille est visio intuitiva regulativè, quia per visionem intuitivam regulatur. Est etiam formaliter visio mystica: quia actus ille est cognitio clara; non tamen quæ ad Deū, prout est, terminetur, sed quæ Deum, ut sapidum, contemplatur.

92. Non quiescis: Cognitio mystica est perfectior quàm cognitio non mystica: ergo si aliqua luminis gloriæ cognitio est mystica erit prior illa, qua Deus intuitivè cognoscitur. Hæc non: ergo nulla. Omnes propositiones sunt innegabiles. Prima quidem, ut constet ex ijs, quæ diximus tom. 1. disp. 1. q. 10. Indidemque intulimus Theologiam mysticam esse perfectiorem scholastica. Secunda propositio deducitur legitime ex antecedenti. Tertia patet ex suprà à nobis dictis. Act tandem ultima ex præcedentibus notissima est.

Resp. Comparisonem inter cognitiones Theologicas, ipsasque Theologias quoad perfectionem ipsarum regulandam esse relatè ad omnium earum ultimum finem, qui est beatitudo formalis, sive Theologia Beatorum. Quapropter Theologia hæc non est extremum illius comparisonis; sed finis, per ordinem ad quem regulari debet perfectio aliarum. Vnde cum Theologia scholastica cum præcisione sumpta non sit consecutio huius foeliciſsimæ Theologiæ: quandoquidem invenitur in peccato mortali catenato: quod minimè invenitur in Theologia

mystica, quæ in malevolam animam non intrabit, nec habitabit in corpore subdito peccatis; eoque est via certa, & regalis ad adeptionem illius Theologiæ divinæ: propterea est perfectior scholastica. Ex quo nihil contra doctrinam traditam inferre licet.

### §. V. Colliguntur aliquot corollaria.

93. EX dictis in hac disp. colligere placet plura, quæ scitu digna sunt, possentque plurium quaestionum dignum argumentum esse. A quo labore abstinemus, tum quia de his in authoribus initio huius quaestionis adductis, invenies, quæ desiderare valeas. Tum quia talis labor valde scholasticus est, & ut ea, quæ mystico nostro instituto deservire possunt, libemus, corollaria sufficiunt. Tum denique, quia ut ex dictis patet, dona Spiritus Sancti de quibus modo loquimur, non sunt principium elicitive substantiæ divinæ contemplationis: quare non debemus de illis agere ea sollicitudine, ac de principio iplo substantiam contemplationis eliciente.

Colliges ergo 1. dona Spiritus Sancti esse inter se connexa quoad se; sed non quoad actus ipsorum. Secunda pars huius corollarij inde patet; quòd potest aliquid donum, ac de facto sic evenit, operari, quin alia operentur quod fieri neutiquam posse; si essent quoad actus connexa. Tunc enim, uno influente, & alia pariter influenter. Hocque est fundamentum illius doctrinæ, quam tradunt communiter Mystici, videlicet, diversos effectus, & conditionem habere contemplationem, quæ est à dono scientiæ, ac illam, quæ est à dono intellectus, & ab utraque discriminari, quæ est à dono sapientiæ. Aliunde autem, & à priori constat hæc veritas: quia actus doni intellectus est iudicium discretivum, & actus doni sapientiæ, & scientiæ est iudicium resolutivum, illius per causam altissimam, & huius per causas

creatas. Est autem manifestum, quod hæc iudicia separari possunt. Immo dum res per causam creatam cognoscitur, tunc non potest simul cognosci per causam increatam: ergo hæc dona quoad actus non sunt connexa.

Prima autem pars est doctrina D. Thom. 1. 2. q. 68. art. 5. ubi in corp. art. concludit, quod dona Spiritus Sancti sunt libere invicem connexa in charitate, quatenus nulli habenti charitatem defunt dona Spiritus Sancti, nec illa omnia, aut eorum aliquod, inveniuntur in non habente charitatem. Aliqua sunt, quibus hæc veritas impugnatur: eorum tamen solutionem habes apud citatum Div. Thom. & eius expositores ibi. Nobis autem satis sit, hæc insinuare, addentes, quod hanc donorum connexionem neque mors, neque vita separabit. Quandoquidem in patria permanent ipsa dona inter se connexa, ut docet Ang. ipse Doct. art. sequenti, estque in via D. Thom. indubitatum.

94. Dices: Licet in patria sint Spiritus Sancti dona, non sunt eadem, ac illa, quæ in viatoribus dantur, sed alia specie diversa: ergo non est indubitatum in via D. Thom. quod dona Spiritus Sancti, quæ sunt in via repariantur in patria. Prob. anteced. Eadem est ratio donorum, ac nostræ Theologiæ, quoad hoc, quod est perseverare, vel non perseverare in patria: sed nostra Theologia ibi non perseverat, sed alia specificè diversa: ergo pariformiter.

Resp. cæcum esse, qui non videat, Div. Thom. docentem dona Spiritus Sancti in patria perseverare, loqui de ipsis donis, quæ in via dantur. Nec hoc dignum est, ut in eius ostensione temporali quod infumatur. Vnde ad objectionem negatur anteced. Ad probationem, respondet Illust. Palanco 1. part. tract. 1. disp. 1. q. 4. num. 43. neg. mai. assignatque discrimen inter nostram Theologiam, & dona consistens in eo, quod nostra Theologia regulatur per fidem, ex cuius obscuris principiis essentialiter discursiva est; dona autem

non regulantur per fidem; ideoque dona possunt eadem perseverare, non autem Theologia.

Sed hanc solutionem admittere non possumus, quia falso innuitur fundamento. Videlicet, quod in via dona non regulantur per fidem. Contrarium enim ita clarè docetur a D. Thom. in illa ipsa quaestione, quam citat, ut mirum sit, quod illam non videtur gravissimus hic Theologus. Vercor, nèrum adeo evidentem subituerit, ut sine clarissimi testimonij gravamine assertum Thomistis iam pene invisum defenderet. De illo fùle egimus tomo 1. disp. 1. q. 9. Modò verò ut huius Authoris discrimen nullum esse constet, verba D. Thom. adducam citata q. 68. art. 8. in corp. ubi ait: *Sicut virtutes intellectuales præferuntur virtutibus moralibus, & regulant eas; ita virtutes Theologicæ præferuntur donis Spiritus Sancti, & regulant ea. Unde Gregor. dicit in 1. Moral. quòd neque ad denarij perfectione spiritus filij, id est spiritem dona perveniunt nisi in fide, spe, & charitate fiat omne, quod agunt.* Hæc D. Thom. cum quibus agrè componet Illust. Palanco suum illud discrimen inter Theologiam, & dona.

Vnde eo relicto, concedimus mai. illam, & negamus min. de quo loco citato actum a nobis est, dictumque Theologiam nostram manere in patria; quia licet fidei reguletur in via, regulatur, quatenus fides est vicaria luminis: non est autem fides luminis vicaria per id, quod fidei est proprium, nec lumen potest illud communicare: sed est vicaria luminis, prout dicit ea, quæ potest ipsi lumen impertire. Duo dicit fides; nam dicit certitudinem, & obscuritatem. Obscuritatem habet à se, non à lumine, cuius ob certitudinem, quam dicit, vicaria est. Ex hac ergo fide sic certa procedit nostra Theologia. Vnde obscuritas illi essentialis non est, atque adeo potest, & re ipsa coniungitur claritati in futura vita. Quod idem, & propter eandem rationem dicimus de Spiritus Sancti donis; Vide, quæ loco citato dicta sunt.

95. Secundocolligitur ex dictis, non omnia Spiritus Sancti dona ad contemplationem concurrere. Septem esse dona Spiritus Sancti docent communissimè Theologi: istum donorum numerum desumentes ex Sacra Scriptura: nam Esaia 11. dicitur de Christo Domino: *Et requiescet super eum spiritus Domini, spiritus sapientiae, & intellectus, spiritus consilij, & fortitudinis, spiritus scientiae, & pietatis, & replebit eum spiritus timoris Domini.* Hoc ipsum alijs scripturis comprobatur. Ex his autem septem donis quatuor perficiunt partem intellectivam; hæc sunt donum intellectus, donum sapientiae, donum scientiae, & donum consilij. Tria autem perficiunt vim appetitivam. Hæc sunt donum fortitudinis, pietatis, & timoris. Quæ tria dona in contemplationem non influere, certissimum est. Quandoquidem loquimur de elicientia propriè tali, ut initio disputationis monuimus: & quæ sic concurrunt, sunt in potentia eliciente. Vnde cum potentia eliciens contemplationem sit intellectus, ut dictum iam est: propterea ex parte ipsius debent se habere virtutes cum illa potentia concurrentes. Consequenterque dona, quæ subieciuntur in appetitu, influere in contemplationem non possunt: atque adeo devolvitur hic influxus ad illa 4. dona, quæ partis intellectivæ perfectiones esse diximus. Sed non est exploratum, an omnia illa dona intellectiva ad elicientiam divinæ contemplationis concurrant. Ex dictis tamen haud obscure constat, quid dicendum sit circa hæc.

96. Inferitur 3. donum intellectus influere ad contemplationem divinam. Hoc patet ex disp. precedenti, ubi asseruimus, iudicium discretivum esse actum contemplationis. Vnde cum iudicium discretivum ex speciali motione Spiritus Sancti procedens sit actus doni intellectus, ideo influxus in contemplationem illi convenit. Modus autem, quo donum illud concurrat, duplex est. Primus communis est ipsi, & alijs donis: de quo in tota hac quaestione actum est. Secundus est specialis, nec in alio dono,

A SPIRITU SANCTO,

aut virtute reperitur. De quoquebus disputatione præcedenti, q. 7. quibus nihil addere opus est, ut perfectè intelligatur, in quo consistat. Non erit tamen superfluum, nonnulla dicere de distinctione actus huius doni ab aliorum donorum, habituumque actibus, ut sic perfectus eius quidditas dignoscatur.

Igitur à donis affectivis differt: quia cognoscitivum est. A dono Consilij; quia huius actus est circa agibilia, & directionem humanorum actuum. Actus autem doni intellectus est circa prima principia cognitionis gratuite, quæ à fide credita, ipse intellectus penetrat, de illisque iudicium fert, ipsa quoad quid non sunt videns. Sic D. Thom. 2. 2. q. 8. Ab actibus donorum sapientiae, & scientiae differt; quia horum donorum actus procedunt analyticè, seu resolutivè; actus verò doni intellectus resolutivus non est: sed versatur circa prima principia, illa intimè ex mystica connaturalitate cognoscendo. Ac per hoc cognoscitur diversitas actus doni intellectus ab omnibus alijs habitibus cognoscitivis, qui dona non sunt. A lumine gloriæ differt, tum ob maiorem luminis gloriæ perfectionem. Tum quia, ut dictum est, actus luminis gloriæ præcedit voluntatis actum, quem indispensabiliter supponit actus doni intellectus. Differt à fidei actui; Quia hic innititur solummodò extrinseco dicentis testimonio, & non procedit ex mystica affectione. Ac insuper, quia actus fidei est cognitio per ænigmata. Doni verò intellectus cognitio, præter quam, quod est ex connaturalitate mystica, consurgit ad capienda divina quasi nuda veritate: proptereaque, ut observat laudatus D. Thom. apud Matth. cap. 5. attribuitur dono intellectus prima beatitudo, quæ est munditia cordis; quæ lucratur Dei visio; dicitur enim loco citato: *Beati mundo corde, quoniam ipsi Deum videbunt.* Hanc cordis munditiam causat donum intellectus, faciens actum ipsum fidei non immisceri phantasmatibus: non quia sine conversione ad phantasmata deus contemplatio huius vitæ: hoc enim, vel nunquam.

Fif

ye

vel raro datur, ut suo loco dicemus; sed quia facit cognoscere, Deum non esse, prout in phantasmatibus repræsentatur. Sedat denique fluctuationem, quam actus fidei patitur ex obiecti invidentia: propter quæ ei correspondet Dei visio, inchoata scilicet, in hac vita, & in futura consummata.

97. Dices: Multi, qui in peccato sunt, sunt firmissimi in fide, profundèque divina penetrant: è contra autem multi iusti, in quibus absdubio datur donum intellectus, maximam hebetudinem habent circa res fidei, contra quam etiam plures tentationes patiuntur. Aliunde etiam, si munditia, seu limpiditas cordis est propria doni intellectus, non egebunt iusti purgationibus, tum activis, tum passivis, ut ad divinam unionem habilitentur: quandoquidem purgationes illæ ad hanc habilitatem conferendam ordinantur. Non ergo habet actus doni intellectus ea, quæ diximus.

Resp. Ita esse, quòd multi in peccato existentes sunt firmi in fidei veritatibus: nec hanc firmitatem, quam isti habent ex divino testimonio, dicimus esse actum doni intellectus, sed aliam, quæ obtinetur ex notitia experimentalis, quam Mystici habent de rebus ipsis divinis. Hæc certitudo est, quam dicimus; esse actum doni intellectus, quæ ex consequenti non potest sine ipso reperiri. Quod autem peccatores illi multa divinorum sapientia fulgere possint, neutiquam diffitemur. Verùm illa sapientia habetur ab studio, aut discursu, non autem ex divinorum experientia, qualiter sine dono intellectus non reperitur.

Ad 2. partem propositæ objectionis dicimus: Habentem donum intellectus posse quidem hebetudine laborare circa cognitionem eorum, quæ non sunt de necessitate salutis. Illa verò, quæ sunt de necessitate salutis probè scit: cum scriptum sit de Spiritu Sancto apud Joan. cap. 16. *Ille docebit vos omnem veritatem.* Et in 1. epist. eiusdem cap. 2. dicitur: *Vnctio docet vos de omnibus.*

Insurgis: Si hoc ita est, nullus iustus indigebit, Magistrum pro sua instructione adire: consequenterque Asceta, etiam illiteratus, Directorem non indigebit, contra ea, quæ ex diversis scripturis, alijsque fundamentis statui-mus tom. 1. disp. 2. *Respond.* Quòd in horum remedium datum à Deo est aliud donum, & est donum consilij. Cuius munus non est solum, ut illud habens eo ipso instructus sit de ijs omnibus, quæ sunt ipsi de necessitate salutis, sine eo, quòd alium adeat, ut audiat. Est etiam munus doni consilij movere ignorantem, ut doctum consulat, cuius instructione de necessarijs ad propriam salutem sibi constet. Vnde docet Div. Greg. quòd *donum intellectus de auditis mentem illustrat.* Hoc est *de auditis*, sive per fidem, quæ ex auditu est: sive à Magistro edifferente, quæ ad salutem necessaria sunt. Videatur citatus Mag. Joan. à Sanct. Thom. hæc docens, eruditèque ex Scriptura, & Patribus, probans in de dono consilij.

Prosequentes enodationem objectionis dicimus: Habentem donum intellectus pati quidem posse tentationes circa fidem; sed ad quarum superationem ex ipso dono instruatutur ex illa ipsa penetratione, quas res ipsas fidei mystica evidentia cognoscit, quam evidentiam ex sola fide non habet. Similiter per ipsum donum intellectus habet, quòd videat quid sibi faciendum sit in purgationibus activis, & qualiter debeat tolerare passivas, ut sic ex ipsis confurgat idoneus, ut Deum quasi nuda veritate contempletur. Et propter hoc munditia, ac limpiditas cordis ponitur ad donum hoc spectare.

98. Habetur ex dictis, quis sit actus doni intellectus, & qualiter ab omnibus alijs secernatur, & etiam quomodo ad contemplationem concurret. Sic non tibi opus erit illa doctrina, quam offert Lucerna mystica tract. 3. cap. 6. in fine. Vbi docet, contemplationem; quæ est actus doni intellectus, in hoc ab alijs aliorum donorum contemplationibus discriminari, quòd illa, quæ est doni intellectus altissimè Deum cognoscit,

noscit, *nihil affirmando, vel negando*. Bene, & optime: sed ostendendum illi auctoriterat, quæ contemplatio aliquid affirmet, vel neget. Quod non facile consequetur, cum contemplatio formaliter sumpta sit simplex intuitus veritatis, de quibus iam actum est.

99. Inferitur 4. ex dictis: Dona sapientiæ, & scientiæ concurrere ad contemplationem divinam. Quod ex assertis disputatione præcedenti notum etiã est: quippe dictum ibi est, iudicium resolutivum esse contemplationem: atque ideo cum actus horum donorum sit hoc iudicium; ipsa enim iuxta unanimum Doctorum sensum analyticè procedunt: propterea ipsorum actus contemplatio est. Horum donorum actus differt ab actibus donorum partis appetitivæ in eo, in quo actus doni intellectus ab ipsis discriminantur. Similiter dicimus de lumine gloriæ, de fide, ac de omnibus actibus habituum cognoscitivorum, qui dona non sunt. Ab actu doni intellectus differt: quia eius iudicium resolutivum non est. Ab actu doni consilij num. sequenti dicem, in quo differat. Inter se autem differunt dona hæc ob illud, quæ multoties diximus. Videlicet, quia contemplatio sapientiæ est per altissimas causas, & contemplatio doni scientiæ per causas inferiores. Modò verò solum addendum duximus id, quod iam alibi dictum est, videlicet, contemplationem perfectissimam esse actum doni sapientiæ. Tum quia ipsum perfectius est inter omnia dona; eoque debet ei correspondere actus perfectior. Tum quia hoc donum tamen in intellectu subiectetur, *causam tamen habet in affectu*, ex quo maiorem perfectionem sibi vendicat, & sapidissimam delectationem habet contemplatio, quæ ab

ipso est. Ex quibus cognoscere debes, quam omni fundamento destitutus Author Lucernæ mysticæ deneget tract. 3. cap. 7. donum scientiæ esse principium proximum divinæ contemplationis.

100. Inferitur 5. ex dictis: Donum consilij non concurrere ad efficientiam divinæ contemplationis. Sic N. Philip. p. 2. tract. 3. disc. 3. art. 1. ratioque ipsius est evidens: Quia contemplatio est actus intellectus speculativi, ut vidimus disp. antecedenti: ergo cum donum consilij sit practicum; siquidem est circa hic, & nunc agenda, non potest esse principium formale contemplationis. Et mens dicti Authoris, sensusque, in quo loquitur, adeò perspicuè manifestantur, ut sine prudenti motivo ductum putemus quædam è nostratibus, qui de ipsius mente dubitat. Id verò quod Author hic dubitans ait, donum, videlicet, consilij prævidi, & subsequenter contemplationi deservire: nec Authorem, de quo dubitat, tangit; ipse enim loquitur de principio formali contemplationis, ut eius verba manifestant: nec aliquid docet, quod dono consilij speciale sit. Quãdoquidem omnia Spiritus Sancti dona se invicem iuvant, ut docet Ang. Doct. 1. 2. q. 68. art. 5. in arg. *sed contra*, ubi ait: *Dona Spiritus Sancti sunt connexa per hoc, quod se invicem resciant*. Et similiter art. 8. ad 3. ait de his donis, quod *unum ab altero iuvatur*.

Actus huius doni, ut dictum est; respicit agenda, ut hic, & nunc exequenda ex motione Spiritus Sancti; & per hoc cognoscitur distinctio huius doni ab alijs omnibus donis. De quibus nihil iam amplius dicemus. Ex dictis enim habentur, quæ pro mystica Theologia tradenda necessaria esse, videntur.



## DISPUTATIO DECIMA QUARTA.

*De speciebus concurrentibus ad elicentiam Divinæ contemplationis.*

**S**peciem impressam activè concurrere ad contemplationem, sententia est inter Thomistas communis, ut testatur Gonzales 1. p. q. 12. art. 2. disp. 25. lect. 5. & meritò, cum sit expressa sententia D. Thom. in 4. dist. 49. q. 2. art. 1. & de verit. q. 2. art. 6. & 1. p. q. 36. art. 1. & q. 85. art. 2. & lib. 2. de anima lect. 12. ubi textu 60. illam etiam docet Aristot. De quo videri possunt nostri Complur. lib. 3. de anima disp. 18. q. 4. Quocirca cum in præsentia de causa eff. ctiva divinæ contemplationis agamus, non possumus species ad ipsam deservientes prætermittere; sine illis enim

truncus proculd ubio foret præfens tractatus de causa efficienti. Accedit, quòd inter disputationes, quæ ad dictum tractatum spectant, in quibus hætenus occupati fuimus, nulli præfens cedit in utilitate, in subtilitate, ac gravitate, vti dicenda monstrabunt. Quæ etiam vel cæcis obtutibus exhibebunt, nos neutiquam quæstionibus merè scholasticis immisceri; sed eas solummodò, quæ ad nostram mysticam Theologiam pertinent, disputare. Vnico verbo: non reperies in tota hac disputatione quæsitum, quod à mysticis scriptoribus non tractetur.

## QVÆSTIO PRIMA.

*Virum species deservientes ad contemplationem fidei sint entitativè supernaturales?*

**C**onstat ex torà disp. præcedenti, quæ sit contemplatio fidei. Non enim per hoc gradum aliquem specialem contemplationis intelligimus; sed omnem illam cõtemplationem supernaturalem, cuius fidei in principium elicitivum esse constat, comprehendimus. Vnde loquimur tam de contemplatione acquirita, quàm de infusa. Et cõsultò loquimur de supernaturalitate entitativa, & non de modali: quia certius est, quàm ut disputari debeat, species activè influentes in contemplationem intrinsecè supernaturalem, debere esse supernaturales, ut minùs modaliter. Quamobrem, hoc tamquam sine dubio supposito, entitatem talium specierum exploramus, an naturalis sit, vel supernaturalis? Inquirentes.

## §. I. Proponitur vera sententia.

1. **S**it nostra Assertio: *Ad contemplationem fidei non requiruntur species intelligibiles entitativè supernaturales; sed sufficiunt species entitativè naturales; modo tamen supernaturali coordinate.* Triniembre est assertum: sed prima, & secunda pars idem omnino sunt: quia specus intelligibiles sunt proptus pro contemplatione necessariz. Quocirca si illa contemplatio, cuius fides principium est, non indiget speciebus entitativè supernaturalibus; erunt vtiq; entitativè naturales species ei deservientes. Tertia autem pars, & quomodò sit coordinatio illa, ex progressu constabit. Assertio proposita est communissima: illam docet D. Thom. locis referendis, & nostri Salmantic. tract. 7. &

& 14. disp. 3. dub. 1. & 3. & tract. 21. disp. 17. 19. & 21. & tract. 24. disp. ult. dub. 1. Docent etiam eandem veritatem Caietan. 2. 2. q. 173. art. 2. & N. Philip. in sua mytica Theolog. tract. 3. p. 2. disc. 2. art. 4. Probatur ergo affectio ex D. Thom. 2. 2. q. 173. art. 3. ubi ait: *Ad 3. dicendum, quod quaecumque formas imaginatas naturaliter virtute potest homo formare absolute huiusmodi formas considerando; non tamen, ut sint orinatae ad representandum intelligibiles veritates, quae hominis intellectum excedunt; sed ad hoc necessarium est auxilium supernaturalis luminis.* Vbi, ut vides, non requirit Ang. Doct. ad attingentiam intelligibilium veritatum, hominis intellectum excedentium, species novas; sed fat esse praesistentes; si per *auxilium supernaturalis luminis* confortentur: per hoc enim species illae, quae entitativè naturales sunt, possunt obiecta supernaturalia representare, modo pro contemplationis actu requisito.

2. Probatur insuper conclusio discursu in clarissima eiusdem D. Thom. autoritate fundato. Etenim contemplatio à fide elicitā non requirit species entitativè supernaturales, quia actus supernaturalis est, nec quia actus fidei est, nec quia actus fidei illustrat, hoc est, actus donorum est: ergo species deservientes illi contemplationi non sunt entitativè supernaturales. Pater ista: Quia in antecedenti recensentur capita omnia, ob quae illae species deberent esse entitativè supernaturales. Anteced. triplici parte constat, & quavis seorsim, & seriò probanda est; ex ijs enim pendet totum fundamentum veritatis asserit. Probatur ergo 1. quoad 1. partem: Quia actus prophetiae est entitativè supernaturalis: talis actus non requirit species entitativè supernaturales: ergo ex quo sit intrinsecè supernaturalis contemplatio elicitā à fide, non requirit species entitativè supernaturales. Consequ. est omnino legitima. Et mai. certa, constat ex 2. epist. D. Petri cap. 1. ubi dicitur: *Non enim voluntate humana allata est aliquando prophetia,*

*sed Spiritu Sancto inspirante locuti sunt Sancti Dei homines.* De quo videri potest D. Thom. 2. 2. q. 172 art. 1. & de verit. q. 12. art. 3. Minor autem est eiusdem Ang. Doct. q. 8. de potentia art. 9. ad 5. ubi ait: *Intellectus sine hoc, quod acquirat novas formas intelligibiles, potest aliquod de novo intelligere per hoc, quod intellectus confortatur aliquo fortiore lumine: sicut ex iisdem formis in phantasia existentibus, superveniente lumine prophetiae, aliqua cognitio accipitur, quae accipi non poterat per lumen naturale intellectus agentis.* Ergo ad actum supernaturalem prophetiae non requiruntur species entitativè supernaturales; sed solum, quod naturales existentes in phantasia confortentur, modificenturque per lumen supernaturale adveniens: ex hac enim modificatione habent ea species, quod influant in cognitionem intrinsecè supernaturalem, in quam influere non poterant per lumen naturale intellectus agentis. Ex quo manifestè deducitur, quod actus, ex hoc praecise quod intrinsecè supernaturalis sit, non requirit species supernaturales, nisi quoad modum.

Quoad 2. partem probatur eadem minor: Quia ad assensum fidei Theologiae non requiruntur species entitativè supernaturales: ergo ex quo contemplatio eliciatur à fide Theologica, species entitativè supernaturales non requirit. Consequ. bona est; & anteced. prob. Quia supernaturalitas intrinseca assensus fidei defumitur immediatè à lumine potentiam elevante, & species confortante: ergo tametsi requiratur, quod illud lumen sit entitativè supernaturale; hoc tamen non requiritur ad speciem. Consequ. bene inferitur. Et anteced. probatur: Quia ex eo quod à principio immediato habeat actus ille intrinsecam supernaturalitatem, non est ad illam necessaria supernaturalitas entitativa speciei; sicut nec quod potentia sit supernaturalis: ergo.

Expenditur vis huius rationis in hunc modum Etenim species influentes in assensum fidei sunt eadem, quae influunt in apprehensionem terminorum

rum, quæ ad assensum necessariò præsupponitur: sed illæ species deservientes apprehensionis sunt entitativè naturales: ergo etiam prout deserviunt assensui. Patet ista: Quia aliàs non essent eadem. Maior autem constat: Quia iudicium correspondet apprehensioni, quatenus de illo iudicatur, quod supponitur apprehensum: unde non sunt necessariæ novæ species pro iudicio, sed illæ influunt, quæ apprehensioni deserviunt. Minor, in qua poterat esse difficultas, est doctrina Cæter. & P. P. Salmon. locis citatis, quam etiam docent Arauxo 2. 2. q. 6. art. 1. dub. 1. & q. 45. art. 6. dub. vñico. Et Mag. Joan. a Sanct. Thoma 1. 2. q. 19. disp. 20. art. 1. Ac insuper probatur: Quia apprehensio præsupposita ad assensum, quo credimus, leonem de Tribu Juda vicisse, mundumque à Dæmonis tyrannide liberasse, est actus intellectus cognoscens leonem animal fortissimum, tribum Juda, ac Dæmonem mundi dominum tyrannicè possidentem; qui omnes termini naturales sunt; eoque non requirunt, ut apprehensioni represententur, species entitativè supernaturales: ergo tenet illa minor, cuius veritas clarius ex dicendis §. sequenti constabit.

3. Dices: Si ratio facta aliquid probat, convincit quidem assensum fidei Theologicæ esse intrinsecè naturalem, & species ad ipsum concurrentes, nec modaliter supernaturales esse: at utrumque est falsum: ergo. Prob. mai. quoad utramque partem simul: Quia apprehensio terminorum præcedens iudicium illud est actus naturalis; & species in illam influentes sunt naturales, nedum entitativè, verum etiam modaliter: ut enim apprehendatur leo, tribus Juda, ac Dæmon, humanumque genus, non requiritur actus supernaturalis, nec species ad ordinem supernaturalem elevatæ: ergo si servanda est proportio inter iudicium, & apprehensionem, erit iudicium fidei naturale, & species ad ipsum concurrentes non erunt supernaturales, adhuc modificativè.

Resp. neg. mai. quoad utramque partem. Ad prob. negatur consequ. cum

citatis Salmon. præcipuè loco citato ex 1. 2. num. 54. Quia proportio, quam concedimus inter apprehensionem, & iudicium, non consistit in eo, quod si iudicium est actus supernaturalis, etiam apprehensio supernaturalis sit; vel è converso: nec similiter consistit in eo, quod si species pro apprehensione nullatenus supernaturales sunt; sic nec species deservientes iudicio: sed consistit dicta proportio in eo, quod iudicium terminatur ad extremum prius apprehensæ: de illis enim, & non de alijs iudicium fertur. Duo diximus. Vnum, in quo consistat dicta proportio, & aliud, in quo non consistat. Primum fundatur in ipsa natura harum operationum: quandoquidem omnes illæ complent eundem motum intellectualem. Non esset autem idem motus; si vnum apprehenderetur, & de alio iudicaretur. Iridem: ut iudicium feratur de aliquo, debet præcedere ipsius notitia, quia de propriis incognitis nullum iudicium positivum fieri potest: quocirca regulatur, & proportionatur iudicium cum apprehensione, quoad hoc, quod est terminari ad id, quod apprehensum est.

Secundum, quod diximus, est, in quo non datur proportio inter apprehensionem, & iudicium. Et ratio illius discriminis ea est: Quod obiectum formale assensus, & specierum sunt omnino diversa: quia motivum illius iudicii fidei est sola revelatio divina, quod motivum est omnino supernaturale. Obiectum verò specierum sunt res ipsæ naturales, ad cuius similitudinem connotantur obiecta supernaturalia, quæ per fidei iudicium attinguntur. Unde obiectum proprium relucent in illis speciebus est naturale. Et illud ipsum obiectum est, quod apprehenditur: unde nec apprehensio, nec species supernaturales sunt. Quia verò illamet species deserviunt iudicio, quod, ut dictum est, est intrinsecè supernaturale; propterea & ipsæ supernaturalizantur vel à lumine tunc communicato; vel ab ipso habitu fidei, ut sic modificatæ valeant in assensu supernaturalem influere. De quo iterum acturi sumus.

Quo-



4. Quoad 3. partem prob. anteced. positum num. 2. Nam species eodem modo deserviunt actus fidei, prout est iudicium credulitatis, ac ipsi, prout est iudicium discretivum, & resolutivum, estque contemplatio; sed pro actu primo modo sumpto, solummodo quoad modum, sunt supernaturales ex species: ergo pro ipso secundo modo considerato non requiritur, quod sint entitativè supernaturales. Cetera constant, & maior probatur: Quia ad fidem illustratam donis concurrunt ex species proponendo illud ipsum obiectum, quod primario repræsentâr, & ad cuius instar cognoscitur obiectum supernaturale: ergo species fidei illustraræ, seu iudicio discretivo, ac resolutivo deservientes non requiritur, quod sint entitativè supernaturales.

Ad hæc: Id ipsum cognoscunt ex connaturalitate dona, quod propter Dei revelationem credit fides: sed, ut fides credat ob divinam revelationem, sufficiunt species entitativè naturales, ut dictum est: ergo etiam sufficiunt, ut dona, vel fides, illis illustrata, contempletur. Quocirca P. P. Salmant. loco citato ex tract. 2. disp. 2. num. 2. cum D. Thom. q. 9. de potent. art. 5. docent, ad actum Prophetiæ sufficere species naturales, ex quo inferunt, quod idem *dicendum est de speciebus requisitis ad cognitionem, & operationes sam prudentiæ infusæ, quàm donorum Spiritus Sancti.*

5. Probatur denique conclusio ratione à priori, quæ ex iam dictis sic formari potest. Contemplatio elicità à fide est cognitio non quidditativa obiecti supernaturalis: ergo species in illam influentes non sunt entitativè supernaturales. Anteced. est omnino certum, & conseq. prob. Quia species est eiusdem ordinis cum eius obiecto motivo: sed cognitionis fidei non est obiectum motivum ens supernaturalis: ergo. Maior constat: Quia species est eiusdem ordinis cum obiecto, quod illam potentiæ immittit; cuiusque est vicaria: & hæc non conveniunt obiecto terminativo, sed motivo. Deinde prob.

min. Nam cognitionis procedentis per conversionem ad phantasmata obiectum motivum non est entitas supernaturalis, sed id ad cuius similitudinem cognoscitur tale ens supernaturale: sed contemplatio fidei procedit per conversionem ad phantasmata: ergo. Minor, in qua dissidium esse poterat infrà disputanda est, & modò supponenda cum D. Dionys. Div. Thom. ac Philosph. de quo interim, si placet vide P. P. Complutens. lib. 3. de anima disp. 2. quæst. 7.

6. Confirm. hæc ratio: Quia species influens in cognitionem est eiusdem naturæ cum obiecto motivo: ergo species contemplationi supernaturali deservientes non sunt entitativè supernaturales. Anteced. continet doctrinam inter iuniores Thomistas communem, ut testantur dicti Complutens. disp. 1. 8. q. 3. Et inde prob. conseq. Quia obiectum motivum talium specierum est ens naturale, ut dictum est num. præcedenti: ergo & ipsæ species.

## §. II. Solvuntur argumenta.

7. **C**ontra conclus. arg. 1. Species naturalis nequit influere in cōtemplationem supernaturalem: ergo species deservientes contemplationi sunt supernaturales. Patet conseq. Quia species illæ influunt activè in supernaturalem contemplationem, sicut generaliter species intelligibilis in cognitionem influit, ut initio disputationis dicebamus. Anteced. autem prob. Quia virtus naturalis nequit influere in actum supernaturalem: ergo cum contemplatio à fide elicità sit actus supernaturalis, nequit species naturalis in illam influere.

Conf. Nam id, quod contemplatio elicità à fide haberet ab specie naturali non esset naturale, nec supernaturale; ergo in illam non influit species naturalis. Prob. anteced. quoad 1. partem: Quia in actu intrinsecè supernaturali, qualis est contemplatio à fide elicità, nihil naturale est; aliàs ex parte effectus supernaturalis daretur aliquod

correspondens virtuti naturali, & aliquid correspondens supernaturali virtuti, contra id, quod nostri Thomistæ tuerentur. Pro 2. parte constat ex dictis dictum anteced. Quia à virtute naturali nequit effectus supernaturalis haberi.

Resp. argumento disting. anteced. *Nequit influere* proximè, & immediatè, conc. mediare, subdist. *Species naturalis*, vt naturalis, concedo, vt elevata ad ordinem supernaturalem, nego anteced. Cuius probatio eadem distinctione, ac subdistinctione resolvatur. Et deinde respond. ad confirmationem, quòd species naturalis, vt modificata, elevataque, potest aliquid supernaturale causare, vt dictum est: vnde in effectu supernaturali nihil naturale est; nec datur parialitas illa, quæ iure merito apud nostros Thomistas malè audit. Modus autem, quo hæ species ad actum supernaturalem concurrunt, quadruplex est, sicut egregiè observat Caietanus 2. 2. q. 173. art. 2. ex Ang. Præcept. & inter illos continetur modificatio, de qua nobis sermo est. Quia verò omnes illi scæderantur, vt eorum, quæ ad præsentem controversiam conducunt, intelligentiam clarè exhibeant, propterea eorum refutem offeram.

Primus ergo modus, quo species intelligibiles sunt in nobis, est per novam earum impressionem in imaginativa, vel à sensu, vel à Deo. Quòd Deus possit illas species imaginationi imprimere, quis dubitet? Sensus etiam imprimit, & ipse intellectus accipit à sensibus; quandoquidem phantasmata speculatur; & phantasmata speculari, est à sensibus accipere. *Secundò* sunt in nobis istæ species ex diversa dispositione eorundem phantasmatum. Vnde phantasmata, quæ hac dispositione hanc speciem producant; sub alia dispositione non illam producant, sed diversam. Quod evenit, *vel propter aliquam transformationem corporalem, sicut accidit in dormientibus, & furiosis: vel etiam secundum imperiis rationis disponuntur phantasmata in ordine ad id quod est intelligendum*, ait D. Thom. loco citato. Et sanè dormienti, & phrenetico miræ

res representantur ab eisdem phantasmatis, & speciebus prius habitis. Quod adhuc magis constat exemplo, quo inibi vtitur D. Thom. *Sicut enim, ait, ex diversa ordinatione eorundem litterarum accipiuntur diversi intellectus, ita etiam secundum diversam dispositionem phantasmatum resultant in intellectu diversæ species intelligibiles*. Hoc exemplo perspicuè ostendit, quomodo ex diversa ordinatione phantasmatum diversæ species resultant. Quippe litteræ eadem sunt; & tamen ex diversa coordinatione diversissima significunt. Ex diversa coordinatione eorundem litterarum resultat *logica*, & *caligo*, vt 1. tomo ex Caran. uel dicebamus. Sic ergo diversitas coordinationis phantasmatum causat diversitatem speciei. *Tertio* autem sunt in nobis dictæ species sine novitate ex parte phantasmatum; sed ex adiutorio, & conformatione divini luminis, vi cuius phantasmata illa faciunt, species representant obiectum, quod prius non representabant. Et hic modus sufficientissimus est, vt actus supernaturalis evadat, supernaturalitate refusa à lumine phantasmata conforante, & à principio proximè eliciente. *Quarò* demum sunt in nobis istæ species ex immediata impressione à Deo. Hi sunt modi, quibus in nobis datur novitas speciei: *Specierum inquam, ait Caietan. in toto, vel in parte novarum, vel noviter ordinarum ad aliquam cognitionem*. Per quæ patet ad argumentum, & confirmationem. Videndi tamen sunt D. Thom. & Caiet. loco citato.

8. Arg. 2. & contra proximè dicta replicatur: Præcipuum munus speciei est representare obiectum: sed, quòd species obiectum representet, non potest provenire à lumine elevante: ergo quamvis species possit elevari ad influendum activè in actum supernaturalem; non tamen elevari potest, vt obiectum representet: ergo ad representationem obiecti supernaturalis, quale est obiectum contemplationis à fide elicite, requiritur species entitative supernaturalis. Hæc 2. cōscq. cōstat ex 1. quæ infè-

inferunt præmissæ. Harum maior inde patet, quod munus causæ formalis separari non potest à specie, à qua separabile est munus active ad intellectionem concurrendi, ut docuit P. P. Salmant. tract. 1. disp. 2. à num. 93. & tract. 7. disp. 7. num. 21. Minor autem, in qua est difficultas probatur multipliciter. Primò quidem: Quia species non habet à lumine, quod ipsa ex sua natura habet, sed quod species sit repræsentativa obiecti, habet ex natura sua: ergo hoc non habet à lumine. *Probat* 2. illa minor: Elevatio non facit, quod species sit in actu primo, nec in actu secundo obiecti repræsentatio: ergo elevatio nullo modo facit, quod species repræsentet obiectum. Patet ista: Quia non est alius modus, quo species possit obiectum repræsentare. Anteced. pro prima parte constat: Quia, ut dictum est, species ex natura sua habet, quod sit in actu primo obiecti repræsentatio: ergo non à luminis elevatione. Pro 2. parte etiam constat: Quia in eo casu species impressa expressa foret, quod implicat. *Probat* 3. Species expressa, seu verbum nequit elevari, ut sit actualis obiecti repræsentatio: ergo nec species impressa elevari potest, ut sit habitualis repræsentatio obiecti. Anteced. est omnino certum, & conseq. constat à paritate. *Probat* 4. Nam ante elevationem, vel species repræsentabat obiectum; vel illud non repræsentabat? Si sic: ergo superfluit elevatio. Si non: ergo non erat species; hæc enim est unio obiecti cum potentia.

Vrgentur ista: Semel admissa elevabilitate specierum superfluum est species entitativè supernaturales, etià pro scientia infusa; immo & pro scientia beata superfluerent, casu, quo Deus media specie creata posset intuitivè contemplari. *Probat* hoc: Quia si species entitativè naturalis elevari potest ad attingendum obiectum supernaturale minus perfectum, seu minus perfectè; non est cur non possit elevari superiori elevatione, ut obiectum magis perfectum repræsentare possit: sicque crescat perfectione elevationis, cres-

A SPIRITU SANCTO.

cet etiam vis repræsentativa speciei ita ut ipsum Deum clarè videndum posset repræsentare. Ex quo superfluum esse species entitativè supernaturales, clarè constat. Quod inconveniens vitatur, exclusa illa specierum elevabilitate, ut illam explodunt P. P. Salmant. tract. 7. disp. 6. dub. 4. §. 1.

Ante solutionem huius argumenti scire debes: Duplex obiectum cognosci media specie; videlicet obiectum motivum potentia, & obiectum terminativum ipsius. Obiectum motivum est, quod illam immittit potentia, est eius vicaria, cum illo convenit in gradu immaterialitatis, & illud est, quod ex natura sua repræsentat, unitque potentia. Horum autem nihil habet relatè ad obiectum terminativum, seu secundarium, cuius nec vicaria est, nec ipsum quidditativè repræsentat; sed tantum connotativè, & ad instar obiecti primarij. Quæ præterquam quod perspicua sunt, clarissimè constant ex modo, quo potentia ipsa cognoscit dicta obiecta. Obiectum liquidem motivum cognoscit potentia directè; terminativum verò connotativè. Primum per se: secundum per primum, ad instarque illius. Vnde licet pro hoc statu immaterialia cognoscamus; cognoscimus tamen ad modum quidditatis materialis, quæ est obiectum motivum intellectus nostri pro hoc statu. Quamobrem species illa, quæ est propria quidditatis materialis, ad duo obiecta cognoscenda deservit, quorum primum est ipsa materialis quidditas, & hoc obiectum ex natura sua, ut dictum est, repræsentat: atque ideò, illud ut repræsentet, elevatione non indiget. Extenditur etiam ad obiectum terminativum; hoc tamen non repræsentat ex natura sua; sed solum ex accidentaria, & sibi adventicia elevatione, aut modificatione. Vnde patet, quod cum Salmantic. & nos cum illis dicimus, speciem elevatione non indigere; immo, & repugnare, quod elevetur, ut repræsentet obiectum: loquimur de obiecto motivo ipsam speciem immittente potentia. Dum autem de obiecto

Ggg

termin-

terminativo termino est, non negant dicti P. P. talem elevationem; quin potius locis à nobis relatis illam adtribuunt. Et iuxta hæc intelligenda sunt, quæ docent tract. 24. disp. 6. num. 201. Ex his ergo

Resp. argumento distinguendo min. *Obiectum* motivum, seu primum, concedatur: *Obiectum* terminativum, seu secundarium, neg. min. Terminum ex proximè dictis noti sunt. Et hæc eadem distinctione resolvantur omnes illius minoris probationes. Prima quidem, quia eius minor vera est de obiecto primario, non determinativo. Ad 2. dicas: Elevationem facere, quod species repræsentet connotativè obiectum terminativum. Ad 3. distinguatur eodem modo consequens. Et semper adesse discrimen inter speciem impressam, expressamque, inde constat, quod impressa præcedit intellectiōē, ad quam expressa subsequitur. Vnde cum intellectio, quæ est productiva speciei expressæ, supponatur entitativè supernaturalis, non potest non ipsa species expressa repræsentare illud obiectum, cuius attractio est ea intellectio, de quo infra iterum agendum est: interim videantur P. P. Salmant. tract. 21. disp. 19. dub. 4. Ad 4. probationem dicendum est: Ante elevationem repræsentare speciem obiectum primum: terminativum autem virtute elevationis.

Ad virtutem similiter negatur assumptum; ad cuius probationem dictum est, quod elevatio non facit, quod species repræsentet quidditativè, & per modum naturalis similitudinis. Vnde, ut obiecta supernaturalia sic repræsententur, requiruntur species, quæ hoc ex natura sua faciant: Et tales species debent esse entitativè supernaturales.

9. Sed contra, & arg. 3. Quia virtus elevans non facit speciem esse perfectiorem intensivè, nec extensivè: ergo non facit quod obiecta supernaturalia repræsentet: ergo ad hanc attingentiam requiritur species entitativè supernaturalis. Hæc 2. conseq. constat ex 1. quæ inferitur ex anteced. Cuius prima pars probatur. Quia id, quod à lumine

elevante habet species, est de linea supernaturali, ut constat ex dictis: sed maior intensio perfectionis speciei entitativè naturalis, non est de linea supernaturali: ergo à lumine elevante non est species intensivè perfectior. Prob. min. Quia intensio cuiuscumque perfectionis est *ipsum magis* ipsius perfectionis, ut ex Philosophia suppono: ergo intensio perfectionis entitativè naturalis non est supernaturalis. Quoad 2. partem probatur idem anteced. Quia id, quod perficit entitatem in se, non est extensio entitatis: sed quod species entitativè naturalis habet à lumine, perficit speciem in se, quandoquidem illam elevat ad ordinem supernaturalem: ergo.

Resp. Intensionem propriè ad qualitatem spectare per ordinem ad subiectum, cui inhaeret. Quæ omnia relatè ad species intelligibiles impropria sunt: siquidem in illis entitas, cuius est intenti, & remitti, de materiali se habet; instituitur enim sunt ad repræsentandum; sed quia per analogiam ad intensionem, & extensionem qualitatum, vult arguens ostendere, non bene convenire speciebus elevationem à lumine provenientem; propterea dicimus, virtutem elevantem communicare phantasmatis modum supernaturalitatis illa illustrantem; ex qua illustratione vel resultant novæ species, vel præexistentes ita coordinantur, ut iam species illæ, & ipsa phantasmata, ut illo modo elevata, non spectent ad lineam naturalem, sed ad supernaturalem: atque adeo medijs illis, prout sic elevatis, cognoscuntur veritates supernaturales, ad quarum veritatum cognitionem nunquam sat foret lumen nostrum naturale. Sic docet D. Thom. loco citato ex 2. 2. ubi ad 2. ait: *Similitudo intelligibilis in revelatione prophetica quandoque immediate à Deo imprimitur, quandoque à formis imaginatis resuleat secundum adiutorium prophetici luminis: quia ex iisdem formis imaginatis subtilior conspicitur veritas secundum illustrationem altioris luminis.* Nec in hoc speciale aliquid est in specie, aut phantasmate, quod in alijs pluribus non

non reperitur: siquidem, vt egregie docent P. P. Salmant. tract. 14. disp. 6. dub. 3. §. 5. dantur cognitiones entitativè naturales, quæ perficiuntur per modum supernaturalem, qui aliquomodo sit fidei. Et generaliter tract. 12. & 13. disp. 20. dub. 1. & tract. 16. disp. 4. dub. 4. docent dicti P. P. omnem operationem naturalem honestam hominis fieri salutarem per modum supernaturalem intrinsicum, qui est participium quoddam fidei, & charitatis. Vnde adest optima consonantia inter ordinem entitativum, & intelligibilem: quatenus actus, & virtutes ad utrumque illum ordinem spectantes elevabiles sunt per dictum modum ad ordinem supernaturalem. Nec per hoc, quod actus ille modo illo supernaturali elevetur, intenditur, vt bene probat argumentum: sed perficitur perfectione ordinis superioris, quæ perfectio actus intensio non est. Et ex hac perfectione provenit, quod species obiecta supernaturalia modo dicto repræsentet.

10. Dices cum Mag. Ferre tomo 1. in 1. p. tract. 3. q. 6. §. 15. doctrinam traditam habere locum in specie considerata secundum conceptum activum, quem habet, sic enim sumpta elevatur, vt influat in actum supernaturalem, in quem sibi relicta influere non valeret. At si consideretur munus repræsentandi, quod ipsa species habet, non elevatur à lumine superiori: ergo, si loquamur de hoc munere repræsentandi, ruit data doctrina. Prob. antec. 1. Quia species naturalis semper repræsentat obiectum naturale modo naturali; est enim naturalis similitudo obiecti: ergo quoad istud munus non elevatur. *Probat* 2. Quia species impressa nunquam potest attingere obiecta supernaturalia, nisi per connotationem ad res naturales: ergo nunquam potest elevari ad repræsentandum supernaturaliter. *Probat* 3. Quia non potest species naturales repræsentare obiectum supernaturale, quin intrinsicè, & essentialiter varietur: sed per dictam elevationem non variatur intrinsicè, & essentialiter; siquidem illa

elevatio est extrinseca, & accidentaria speciei, vt dictum est; eoque insufficiens ad cauendam illam variationem: ergo. *Probat* tandem: Quia virtus in ordine entitativo non elevatur nisi secundum munus activè influendi in actionem, non autem secundum alia munera: ergo similiter species intelligibilis.

Resp. neg. antec. Quod nulla ex ijs probationibus suadetur. Ad 1. ergo dicitur, quod species ex se semper repræsentat obiectum naturale, & naturali modo: elevata autem extenditur ad obiectum supernaturale, illudque repræsentat. Et licet solius obiecti motivi sit similitudo naturalis; potest tamen elevari, vt obiectum, cuius naturalis similitudo non est, repræsentet. *Ad* 2. probationem respond. Speciem naturalem semper, & sub quacunque elevatione, repræsentare obiectum naturale; elevata tamen extendi per connotationem ad illud naturale, obiectum ad attingendum obiecta supernaturalia; ita taliter, quod, prout sic, potest influere immediatè in actum entitativè supernaturalem, qualis est actus fidei, in quem sibi relicta, nunquam immediatè influere posset. *Ad* 3. probationem concedimus illam variationem in specie; cui absolute, & entitativè sumptæ accidentaria prorsus est elevatio: at si consideretur, prout ad ordinem supernaturalem spectat, est illi essentialis. Quod idem invenitur in ipsa specie, prout dicit munus influendi effectivè: quandoquidem in illa prout sic debet Mag. Ferre hanc ipsam intrinsicam variationem concedere: sicut, & quod proveniat ab elevatione, quæ quidem extrinseca, & accidentaria est illi muneri absolute sumpto; non tamen ei vt supernaturalizato. Hoc etiam concedere debet in quavis operatione naturali honesta, quæ, vt diximus num. præcedenti, medio intrinseco supernaturali modo redditur salutaris. *Ad ultimam* probationem omisso antec. negetur conseq. Discrimen est, quod species fecundat potentiam, vt obiectum cognoscat, nec potest intellectus

cognoscere obiectum, nisi ipsi ab specie repræsententur. Quamobrem ut intellectus valeat obiecta supernaturalia connotativè cognoscere, debent talia obiecta eo modo repræsentari in specie, ad quod, ut dictum est, requiritur elevatio. Paritas autem inter speciem, & virtutem operativam de genere entis consistit in eo, quòd sicut entitas illius virtutis manet semper intra ordinem naturalem, tametsi ad actus salutares eleveetur in esse virtutis: sic etià entitas speciei naturalis in ordine naturali manet, quamquàm in esse speciei, hoc est ad repræsentandum, & activè influendum eleveatur. Nec aliter paritas servatur: quia inter munia illius virtutis,

quòd potentia inhzreat, illam actuat, & informet, est prorsus materiale, & secundarium: quia instituta est illa virtus, non ut sit; sed ut opereatur: & hoc est præcipuum munus eius. Sic ergo inter munia speciei munus essendi est penitus materiale: immo & munus activè concurrendi non est præcipuum: quia licet formale ei sit, est tamen ab ipsa, ut diximus num. separabile. Quod autem est prorsus proprium, ac inseparabile, est munus repræsentandi: proprièque communiter circumfertur, species institutas esse ad repræsentandum. Vnde secundum hoc munus elevabiles sunt, sicque paritas sine calumnia tenet.

## QUÆSTIO SECUNDA.

*Utrum species deservientes contemplationi, quæ est actus scientiæ infusæ, sint entitativè supernaturales?*

**O** Misimus disp. præcedenti, ubi de principio proximè elicitivo divinæ contemplationis egimus, de scientia infusa, quæ sublimissimæ cōtemplationis principium est, pertractare: eo quòd ad 3. prædicabile de illa disputate reservamus. Non autem hoc idem facere possumus circa species illi contemplationi deservientes, sine doctrinæ dispendio. Vnde postquam vidimus, quæ species concurrant ad contemplationem, sive acquisitam, sive infusam, quam fides illustrata elicit; de speciebus influentibus in contemplationem, quæ est actus scientiæ infusæ, agendum exposcit doctrinæ ordo.

**§. I. Status quæstionis aperitur, & vera sententia eligitur.**

**II.** **D** Ari hanc sublimissimam scientiam, quam infusam dicimus, res est omnino certa, modòque supponenda ex 3. p. q. 9. & 11. & ex ijs, quæ cum Theologis tum schola-

sticis, tum mysticis, dicemus, loco insinuato. Actus autem huius scientiæ eminentissimæ quidditativè cognoscit entia supernaturalia, v. g. fidem, charitatem, visionem beatificam &c. ex quo perfectio huius scientiæ cognoscitur, quæ superat vel ipsius Theologiæ fidei perfectionem. Sic ergo pro nunc supposita scientiæ istius possibilitate, & etiam ad dictum locum reservantes examinare, in quibus subiectis, & quomodo in illis sit: vestigamus in præsentī, quibus speciebus utatur scientia hæc, an entitativè supernaturalibus, an verò naturalibus? Qua in re Medina, Vasq. & alij, quos suppresso nomine refert Alvarez disp. 65. tenent, species contemplationi elicite à scientia infusa deservientes, fore naturales entitativè. Loquuntur autem hi authores de scientia infusa Christo Domino, idem omnino dicturi de quovis alio, in quo ea ipsa scientia reperitur. Insuper monendum est, eos authores sic sentire, vel de omni actu talis scientiæ, vel ut minùs, de contemplatione, qua obiecta naturalia cognoscit.

Re,

*image  
not  
available*

alia, non distinguentes, an de objecto supernaturali sub omni supernaturalitatis modo loquamur, an sub aliquo tantum: ut sic clarius procederemus. Modò verò dicimus: nomine objecti supernaturalis, quod per scientiam infusam contemplatur, non solum intelligi objecta secundum se, & entitativè supernaturalia; sed etiam objecta naturalia quoad suum esse; supernaturalia tamen in esse attingibilem. Esseque sic attingibilia objecta naturalia inficiabitur nullus; cum totus ordo naturæ subalternatur ordini gratiæ: quamobrem ens spectans secundum suam entitatem ad ordinem naturalem; si consideretur secundum potentiam obedientialem, per quam ordinem naturalem transcendit, est in esse attingibilis supernaturale. Vnde quoad hoc idem iudicium ferendum de illo est ac de ente entitativè supernaturali: utrumque enim petit virtutè supernaturalē, ut attingatur, & supernaturales species, ut in ipsis repræsentetur. Nec inconveniens aliquid est, quod res inferior nō possit cognosci nisi à facultate superiori: licet res superior non possit cognosci ab inferiori facultate. Et ratio ea est, quod licet in facultate cognoscitiva inferiori detur potentia obedientialis, sicut datur in re inferiori cognoscibili. Ceterum cognoscibilitas est quid passivum; sicut & esse cognoscitivum dicit activitatem: quiaque potentia obedientialis non est proximè activa, sed passiva; propterea res inferior potest, prout dicit illam capacitatem, exigere facultatem superiorem ad sui attingentiam: sed inferior facultas non potest, media ea capacitare, rem superiorem contemplari. Vnde semper verum est, quod species deservientes contemplationi scientiæ infusæ sunt entitativè supernaturales; quia sive objectum supernaturale, sive naturale contempletur, semper dictas species prærequirit. Immo semper objectum supernaturale contemplatur; quia etiam ea, quæ in esse entis naturalia sunt; in esse attingibilem sunt supernaturalia, ut dictum est. De quo videri possunt P.P. Sal-

## § II. Respondetur argumentis.

16. **C**ontra conclusion. Arg. 1. Non potest viator contemplari nisi medijs speciebus à rebus acceptis: ergo etiam cum media scientia infusa contemplatur, non vitur speciebus entitativè supernaturalibus. Pateet ista, quia species entitativè supernaturalis non est accepta à rebus sed à Deo menti contemplantis impressa. Et anteced. prob. Non potest viator contemplari sine phantasmatum speculatione: ergo non potest contemplari nisi accipiendo species à rebus. Consequenter est bona, quia idem prorsus est intelligere à rebus accipiendo, ac contemplari phantasmata speculando. Anteced. vero probatur 1. ex D. Dionys. cap. 1. Cœlest. Hierarch. dicente: *Impossibile est nobis aliter lucere divinum radium, nisi varietate sacrorum velaminum tui circumvelatum.* Vbi per *lym* possibile planè excluditur omnis contemplatio, quantumvis sublimis sit, à principioque sublimissimo proveniat, quæ phantasmata non speculetur. Probatur 2. idem antecedens ex D. Thom. qui pluribus in locis hanc ipsam auctoritatem Dionys. assert, & amplectitur dicens, non posse in via dari contemplationem sine conversione ad phantasmata. Cuius doctrinæ radicem offert ipse Doct. Sanct. 1. p. q. 12. art. 13; in corp. his verbis: *Cognitio enim, quam per naturalem rationem habemus du requirit: scilicet phantasmata ex sensibilibus accepta, & lumen naturale intelligibile, cuius virtute intelligibiles conceptiones ab eis abstrahimus. Et quantum ad utrumque iuvatur humana cognitio per revelationem gratiæ. Nam & lumen naturale intellectus confortatur per infusionem luminis gratuiti: & interdum etiam phantasmata in imaginatione hominis formantur divinitus magis experimentis re divinas, quam ea, quæ naturaliter à sensibilibus accipimus, sicut apparet in visionibus prophetabilibus.* Ex qua doctrina habes, quod in



in conspectu cuiuscumque luminis gra-  
tuiti semper contemplatio habet phan-  
tasmata ipseculada, siue a sensibilibus ac-  
cepta, siue interdū, quod non frequēter  
evenire solet, divinitus in hominis ima-  
ginatione formata. Consequenterque  
*impossibile est, aliter nobis lucere divi-  
num radium &c.* vt docet D. Dionys.

Hoc argumentum summē diffi-  
cile est, nec pro meritis solvi potest nisi  
integram quæstionem excitādo, in qua,  
an contemplatio viæ indispensabiliter  
fiat cum conversione ad phantasmata,  
disputemus. Quod in 3. prædicabili  
exequimur. Modò vero respond. neg.  
anteq. Licet enim modus naturalis, quo  
noster intellectus procedit, sit acci-  
piendo à sensibilibus; posse tamen ex  
Dei impressione procedere, certum  
est: sicque procedit, cum media scientia  
infusa contemplatur. Immo nec requi-  
ritur tam supereminens scientia, vt in-  
tellectus contempletur sine speciebus  
à sensibilibus acceptis, quod apud  
Mystras indubium est, patetque ex in-  
ducta D. Thom. autoritate. Sed quia  
etiam si à sensibilibus non accipiat,  
nihilominus potest phantasmata ipsa,  
quæ in imaginatione divinitus for-  
mantur, speculari: idè oportet ad pro-  
bationes ante cedentes respondere.

Ad 1. probationem explicamus  
Dionysium ipsum ipso Dionysio lib. de  
mystica Theol. cap. 1. dicente: *Omnibus ipsa* (causa prima seu Deus) *super-*  
*substantialiter est superposita. & non*  
*solum non velatè. & verè apparet his,*  
*qui immunda. & munda transiunt &c.*  
Ecce Dionysium clarissimè docentem,  
viros contemplativos Deum cognos-  
cere non velatè. Quod cum intelligi  
non possit de remotione velaminis  
fidei; loquitur enim de contemplatio-  
ne viæ: evidens fit, se loqui de velamine  
phantasmatum, quo ipsa veritas  
obvelatur, nē nudè sumpta, vt est in  
se ipsa, contempletur. Vnde D.D. tes-  
timonio illo ex lib. de Cœlest. Hierar-  
ch. obiecto videntes debuissent, hoc  
quod nos adducimus considerare: & sic  
non ad celeriter, Dionysium negare  
possibilitatem divinæ contemplationis

sine conversione ad phantasmata, præ-  
dicare. Verum quia de hoc, vt dictum  
est, modò non disputamus: idè abstra-  
hendo ab opinione eo loci à nobis  
eligenda;

Permittimus mentem Dionys.  
in Cœlest. Hierarch. esse, quòd in via  
non est dabilis contemplatio, quæ non  
sit per conversionem ad phantasmata:  
quia hic est modus operandi nostræ  
animæ dum corporis gravitati vnita  
gemit. Ast per hoc non habetur, quod  
semper debeat contemplari accipiendo  
à sensibilibus: quandoquidem ab ipso  
Deo species aliquando infundi, constat  
ex dictis num. 17. & 22. Species, in-  
quam, quæ aliter haberi non possunt  
nisi per infusionem. Vnde non sunt in-  
fusæ per accidens; sicut scientiæ natura-  
les primò homini infusæ fuerunt; sed  
sunt tales species per se infusæ; & eòque  
entitativè supernaturales. Quare siue  
detur aliqua phantasie cooperatio; ex  
eo quòd illæ species debent recipi ad  
modum recipientis, qui in hoc statu est  
intelligere: phantasmata speculando;  
siue hæc aliqualis phantasie cooperatio  
non detur, nihil modò nobis obest:  
semper enim species illæ sunt entitati-  
vè supernaturales; vt potè obiecta su-  
pernaturalia quidditativè repræsentan-  
tes, vt dictum est. Per quod patet, au-  
thoritatem Dionys. ex Cœlesti Hierar-  
ch. non petere tantam phantasie coope-  
rationem, quæ compati non possit cum  
hoc, quòd est primam veritatem con-  
templari non velatè, vt docet idem  
sanctus in de mystica Theologia.

Ad 2. anteced. probationem res-  
pond. mentem D. Thom. clarissimam  
esse, quantum ad hoc, quòd intellectus  
non semper contempletur accipiendo à  
sensibilibus; sed quod habeat species  
à Deo infusæ: & hoc est, quod in præ-  
senti sufficit. Et quod ipso art. 11. docet  
haud obscure Doct. Sanct. artic. enim  
ille inquit: *Utrum aliquis in hac vita*  
*possit videre Deum per essentiam?* Et  
contra resolutionem negativam cons-  
truit primum argumentum ex verbis  
Jacob apud Genes. 32. dicentis: *Vidi*  
*Deum facie ad faciem*, quod solvit Ang.  
Doct.

Doct. per hæc verba: *Hoc dicit Iacob ad designandam quandam eminentiam intelligibilem contemplationis supra communem statum. Quæ est ergo contemplatio supra communem statum? Absolutio non est contemplatio, quæ per acceptionem à sensibilibus procedat. Non est contemplatio, quæ speciebus naturalibus utatur. Hæ enim contemplationes non sunt supra communem statum. Unde hæc eminens contemplatio communem statum transcendens illa est, cuius species supernaturales sunt. Illa est, quam sola facialis Dei contemplatio superat, dicente eodem D. Thom. 1. 2. q. 98. art. 3. ad 2. Per visionem faciei intelligitur quædam eminens contemplatio infra essentiam divinam visionem. Ex contemplatio, cui sola visio essentiae divinæ præstat, illa est, cuius species supernaturales sunt. Hæc contemplatio illa est, de qua idem Sanct. Doct. 2. 2. q. 174. ad 1. docet: Manifestum est, quod manifestatio divinæ veritatis, quæ fit per nudam contemplationem veritatis, prior est, quam illa, quæ fit sub similitudine corporalium rerum: quia magis appropinquat ad visionem patriæ, secundum quam in essentia Dei veritas conspicitur. Hæc denique est contemplatio, de qua idem D. Thom. q. 18. de verit. art. 2. ait: Inde est, quod nec Deum, nec alias substantias immateriales cognoscere possumus naturaliter, nisi per res sensibiles: sed ex perfectione gratiæ hoc habebat homo in statu innocentia, ut Deum cognosceret per inspirationem internam ex irradiatione divinæ sapientiæ, per quem modum Deum cognoscebat non ex visibilibus creaturis, sed ex quadam spiritali similitudine suæ menti impressa. Ita igitur in homine duplex cognitio erat, una, quæ cognoscebat Deum conformiter Angelis per inspirationem internam: alia, quæ cognoscebat Deum conformiter nobis per sensibiles creaturas. Ex his duabus contemplationibus secunda non est, supra communem statum eorum, qui spectant ad statum naturæ reparatæ: sed est supra talem communem statum illa prima: Unde non solum lumen; sed etiam spe-*

cies entitativè supernaturales requirit: five procedat sine conversione ad phantasmata; five cum adeò tenui conversione procedat, ut sit veluti imperceptibilis, de quo alias loco citato, ubi dicta maiorem lucem accipiente.

17. Arg. 2. per scientiam infusam cognoscuntur objecta naturalia: ergo species deservientes huic cognitioni sunt naturales. Anteced. certum est, & conseq. prob. Pro actu naturali non requiritur species entitativè supernaturalis; sed actus, quo scientia infusa attingit obiectum naturale, est naturalis: quia actus specificatur ab obiecto, & obiectum, ut supponimus, naturale est: ergo talis species etiam est naturalis. Mai. de qua posset aliquis dubitare, certissima est; quia pro actu entitativè supernaturali sufficiunt species entitativè naturales, & solum modaliter supernaturales, ut de assensu fidei diximus quæstione præcedenti: ergo potiori iure pro actu naturali sat erunt species naturales.

Conf. Quia facta suppositione, quod species, qua infusa scientia utitur, & species naturalis repræsentent idem obiectum, non adest fundamentum, ut prima illa species supernaturalis affectatur; sed hoc ita evenire potest ex eo, quod scientia infusa cognoscit objecta naturalia: ergo species, qua scientia infusa talia obiecta cognoscit, est naturalis. Conseq. est bona, & Min. certa. Mai. verò probatur: Quia utraque illa species ex parte obiecti sunt idem, cum idem obiectum sit, ut supponimus: ergo non est fundamentum, ut prima dicatur supernaturalis.

His movetur P. Vasquez, ut neget, species correspondentes scientiæ infusæ animæ Christi Domini fore entitativè supernaturales. Sed valde leviter sunt, eorumque solutio constat ex dictis num. 25. ex quibus respond. argumento disting. anteced. *Obiecta naturalia*, ut naturalia, neg. anteced. Sub ratione superiori talia naturalia obiecta elevanti ad ordinem supernaturalem, conc. anteced. termini ex dictis num. citato noti sunt. Deinde negetur absolute

lutè conseq. Ad cuius probat. distinguo min. *obiectum naturale*, vt tale; nego suppositum, videlicet, quod scientia intula cognoscat obiecta ea, prout naturalia sunt. *Obiectum naturale* sub illa alia ratione superiori iam dicta, nego min. Ad inferendam probationem dicas: Actus specificari ab obiecto formali, non autem ab ipso in esse rei sumpto. Obiectum autem naturale, vt repræsentatur in specie infusa licet in esse rei sit naturale, in esse tamen obiecti per tale speciem repræsentari supernaturale est.

Ad confirm. respond. Quod obiectum materialiter idem potest repræsentari in specie infusa, & in naturali specie; sed non idem obiectum formaliter tale. Vnde si minor loquatur de identitate formali, est prorsus falsa: si autem loquatur de identitate materiali, nihil probat. Nec suppositio illa obest; quia si suppositio illa procedit de obiecto materiali, dictum est, nihil probare. Si verò de formali obiecto procedat, est impossibilis; eoque sequitur quodlibet. Per quod patet ad probationem maioris.

18. Dices: Taliter repræsentantur obiecta naturalia in specie scientiæ infusæ, qualiter ab ipsa infusa scientia contemplantur: sed ab ipsa scientia infusa contemplantur, vt naturalia: ergo vt talia repræsentantur in specie. Contra constans, & minor probatur. Scientia infusa contemplatur obiecta naturalia, prout sunt in se ipsis: sed in se ipsis sunt naturalia: ergo.

Respond. Quod in hoc, quod dicitur scientiam infusam contemplari obiecta, prout sunt in se ipsis, duo nobis ostenduntur. Primum exprimit perfectionem illius scientiæ: secundum autem defectum perfectionis. Primum est, quod scientia infusa non contempletur obiecta, quæ cognoscit, per species aliorum obiectorum, nec per connotationem ad illa. Vnde siue illa obiecta sint naturalia, siue supernaturalia sint, semper illa per proprias species; subindeque quidditative contemplatur. In quo eminet hæc scientia supra donorum, & cuiuscumque alterius luminis supernaturalis.

A SPIRITU SANCTO,

cognitionem, quia hæc horum luminum cognitio non est quidditativa, sed tantum connotativa, & obscura obiecti contemplatio. Secundum est, quod per hoc designatur, quod scientia hæc infusa non contemplatur res in verbis sicut scientia beata, sed extra verbum. In quo scientiam beatam infusæ præferre edocemur. Hæc sunt, quæ in illo effato nobis dantur intelligi: quorum secundum nihil continet contra nos; sed nec primum quidem; quia per hoc, quod obiecta naturalia quidditative contemplentur, non aufertur, quod illa cognoscat sub illa ratione, per quam ordini gratiæ subsistentur: hanc quippe rationem dicunt illa obiecta in se ipsis considerare. Vnde illa sub hac formalitate cognoscit.

19. Replicabis: Cognoscibilitas obiecti sequitur indivisibile ipsius entitatem; sed entitas talium obiectorum est naturalis: ergo & cognoscibilitas. Respondetur distinguendo mai. *entitatem* nudè sumptam, negetur; *entitatem* cum modis, & respectibus, quos ipsa entitas secum affert, concedatur. Et sub eadem distinctione minor, negatur absolute conseq. Itaque entitas obiecti naturalis nudè sumpta cognoscibilis utique est: est sicut entitas sic accepta non determinat ordinem, ad quem determinatè spectet; sed potest considerari secundum id, quod illam elevat ad lineam supernaturalem: sic etiam cognoscibilitas, prout sequitur entitatem sic nudè consideratam non determinat lineam, aut ordinem. Entitas autem ipsa obiecti naturalis, considerata prout correspondet virtutibus inferioribus, fundat cognoscibilitatem naturalem. Prout autem correspondet superiori virtuti supernaturali, diciturque potentiam obedientialem, per quam ordini supernaturali subordinatur, eiusque supernaturali Authori subditur, fundat cognoscibilitatem supernaturalem. Et prout sic contemplatur à scientia infusa. De qua modò nihil ampliùs. Videantur P.P. Salmant; loco citato ex tract. 21. disp. 19.

& Illustr. Godoy in 3. part.

disposit. 35. à num. 28.

Phh

QV&S

## QUÆSTIO TERTIA.

*Vtrum in contemplatione uniatur Deus in ratione speciei intelligibilis menti contemplantis?*

**P**RO tituli intelligentia sciendum est, nos in præfenti non loqui de contemplatione determinata; sed de quavis divina contemplatione sermo est. Verum quidem est, quòd, si Deus gerit munus speciei intelligibilis ad aliquam contemplationem, non potest hæc non esse sublimissima, exposcetque lumen perfectissimum, à quo eliciatur. Nobis autem hoc obesse haud potest, qui de omni contemplatione divina loquimur; præterquam de illa; quæ immediatè elicitur à lumine gloriæ: hæc enim est clara Dei visio, sive habita permanenter in patria; sive transeunter in via. Quæsitum autem nostrum procedit, non de clara Dei visione; sed de contemplatione obscura.

*§. I. Eligitur vera sententia.*

20. **S**IT nostra conclusio: *In nulla contemplatione uniatur Deus menti contemplantis in ratione speciei intelligibilis.* Assertio hæc est D. Thom. Quem multi alij, tam mystici, quam Scholastici sequuntur. Nec dissentit N. Philip. in sua Theolog. myst. p. 2. tract. 3. disc. 3. art. 6. §. *Contemplatio supernaturalis summa* ibi enim deuti-quam inclinatur ad partem affirmantem, Deum uniri per modum speciei impressæ menti obscurè contemplantis, ut putavit Disceptatio mystica: sed loquitur de contemplatione faciali, quam dari posse in hac vita, ait dictus Author, *Affirmant aliqui authores, negant alij: valde ad partem affirmati-vam inclinamur, de qua nihil amplius in præfenti; cum de ea differamus alibi.* Videlicet eodem tract. disc. 2. art. 5. Hancque esse ipsius mentem, omnia, quæ inibi subijcit, suadent, & verba,

quæ datis immediatè annectit, demonstrant: ait enim: *Saltem in patria datur hæc summa, & perfectissima contemplatio, quæ est visio beatifica.* Vndercusans ibi illam controversiam, scilicet, an in via possit dari contemplatio adeò perfecta, ut in illa Deus uniatur per modum speciei impressæ menti contemplantis, de qua iam cgerat dicto art. 5. dari contemplationem, in qua hoc eveniat, concedit, probatque exemplo visionis beatificæ, quæ est contemplatio patriæ. Quo exemplo perspicuè comprobatur, dari contemplationem, ad cuius elicientiam unitur Deus per modum speciei impressæ menti contemplantis; atque adeò, quæ immediatè Deum attingat, omneque medium excludat. Hoc tamen solum concedit de contemplatione illa faciali. De contemplatione autem illa, de qua quæsitum præfens procedit, hoc non docet.

Probatur ergo assertio nostra auctoritate D. Thom. q. 18. de veritat. art. 1. in corp. ubi ait: *Quidam dixerunt, quòd Deum per essentiam videre non solum contingit in patria, sed in via, quamvis non ita perfectè in via, sicut in patria. Secundum hoc homo in statu innocentie mediam habuit visionem inter visionem beatorum; & visionem hominis post peccatum: quia minus perfectè vidit, quam beati, perfectius autem quàm homo post peccatum videre potuit.* Hæc est positio assertio nostro contraria: quia loquimur de contemplatione, ad quam divina natura tamquam species impressa concurrat, quæ, ut supponimus, non potest non esse perfectissima, similisque felicissimæ illi contemplationi, quæ homo in statu innocentie fulgebat. Hanc autem positionem sic excludit D. Thom. subiungens: *Sed illud*

*illud dictum est contrarium scripturæ testimonijs, quæ concorditer in divina visione beatitudinem ultimam hominis ponunt. Vnde ex hoc ipso, quòd aliquis Deum per essentiam videt, beatus est. Et sic nullus adhuc in via ad beatitudinem existens Deum per essentiam videre potuit, nec ipse Adam in statu innocentie, ut communis opinio tenet.*

21. Dices: Hominis beatitudo consistit in visione perfecta Dei, quæ utique dari non potest sine lumine gloriæ. Homo autem in statu innocentie, & etiam extra illum; quantumvis subtilissima contemplatione rapiatur, non videt Deum visione perfecta, sed media inter visionem patriæ, & communem, seu non ita perfectam visionem hominis post peccatum. Vnde licet illa contemplatio sit talis, quòd essentiam ipsam Divinam per modum speciei impressæ unitam menti contemplantis supponat; non tamen ipsum cōtemplantem beatum facit: hoc enim visioni omnino perfectæ reservatur.

Quod roborari potest ex eo, quòd ipse Ang. Doct. verbis citatis docet ex scripturæ testimonijs, quæ concorditer in divina visione beatitudinem ultimam hominis ponunt. Ex quibus verbis constat, quòd hominis beatitudo consistit in visione Dei: vnde eo modo, quo fuerit beatitudo, erit & Dei visio: sed Damascen. lib. 2. orth. fidei cap. 12, inquit: *Quòd homo in statu innocentie beatam vitam habuit, & omnem beatitudinem*; ergo etiam habuit Dei visionem, non quidem perfectam, & consummatam, sed aliam minùs perfectam.

Hoc tamen nihil est. Et primum explofit D. Thom. in fine corp. dicens: *In hoc igitur unaqueque rationalis creatura beata est, quòd essentiam Dei videt, non ex hoc quòd ita limpide, vel plus, vel minùs eam videt. Non igitur visio beati à visione viatoris distinguitur per hoc, quòd est perfectius, & minùs perfectè videre: sed per hoc, quòd est videre, & non videre: & ideo cum Adam fuerit adhuc in via ad beatitudinem, Deum per essentiam non vidit. Ex*

quo patet, Dei intuitivam visionem, divisionem illam visionis magis, aut minùs perfectæ non subire: ad hunc sensum, quòd visio perfecta beatum faciat, & non visio imperfecta. Ex quo enim Deus videtur clarè, abldubio perfecta beatitudo possidetur. Vnde nec cum statu innocentie compati potuit illa Dei visio, nec suprema huius viae contemplatio esse potest immediata visio Dei.

Ad 2. in autoritate Damasci fundatum respond. Div. Thom. lococitato sic: *Ad 11. dicendum, quòd dictum Damasceni non est intelligendum, quòd Adam simpliciter beatus esset: sed beatus erat quodam beatitudine, quæ illi statui competebat, sicut in statu miserie aliqui dicuntur secundum quid beati ratione alienius perfectionis in eis existens, ut Matth. 5. beati pauperes spiritu.* Fuit ergo primus homo in statu innocentie beatus, beatitudine illa, quæ illi statui competebat, sicut D. Petrus beatus dictus est a Christo Domino, & etiam apud Luc. cap. 14 dicitur: *Beatus ille servus, quem, cum venerit Dominus, invenerit vigilantem.* Ad hanc tamen beatitudinem habendam visio Dei non requiritur: proptereaque cap. 5. D. Matth. dicitur: *Beati mundo corde, quoniam ipsi Deum videbunt.* Vbi beatitudo ponitur de presenti, sed visio de futuro. Quocirca Div. Thom. verbis obiectis non dicit, in visione Dei consistere quamcumque hominis beatitudinem, sed beatitudinem ultimam. Vnde licet beatitudo ultima, & visio Dei idem sint; non tamen beatitudo non ultima visio Dei est: quia non datur visio Dei clara, quæ cum tali beatitudine coincidere valeat; eò quòd visio beati à visione viatoris non distinguitur per hoc, quòd est perfectius, & minùs perfectè videre: sed per hoc, quòd est videre, & non videre. Ex quibus omnibus formatur hæc ratio, qua

22. Prob. 2. conclus. Etenim contemplatio illa, ad quam Deus speciei impressæ munus gereret, vel esset visio Dei; vel non esset, sed per viam fidei procedens: neutrum potest dici: ergo

nec, quòd detur contemplatio; ad quam eliciendam Deus vniatur per modum speciei impressæ menti contemplantis: Conseq. constat, maiorque est omnino certa. Min. autem quoad 1. partem probatur sic 1. ex citato D. Thom. Quia illam contemplationem eliciens non distingueretur à beato per hoc, quòd minus perfectè videret Deum, ac ille videt; sed per hoc, quòd beatus videt; & illam contemplationem habens non videret: ergo talis contemplatio non esset visio Dei. Conseq. negari non debet, & anteced. constat ex datis verbis D. Thom. qui licet de homine in statu innocentie loquatur; ratio verò de omni viatore loquitur, vt de se notum est: quod ampliùs ex sequenti probatione constabit. *Probatur 2. Illa 1. pars: Quia Adam in statu innocentie erat adhuc in via ad beatitudinem, Deum per Essentiam non vidit*; sed qui eliceret contemplationem de qua loquimur, foret *adhuc in via ad beatitudinem: ergo Deum per Essentiam non videret*. Conseq. nota est, & mai. est expressa Div. Thom. min. autem inde constat, quòd præsens disputatio non procedit de homine constituto in termino, sed de illo, qui in beatitudinem movetur, etiam ipsa contemplatione, de qua loquimur, quod nullus sententia adversæ negabit. *Probatur 3. Illa 1. pars min. Quia sine lumine gloriæ non videtur Deus: ergo qui dictam contemplationem eliceret, Deum non videret*. Conseq. est legitima, quia homo de quo loquimur, non haberet lumen gloriæ, nec tale asseruit adhuc sententia opposita. Anteced. autem constat ex 1. p. q. 12. art. 5. Vbi expressè docetur à D. Thom. Videantur inibi Caietan. Salmant. & communiter nostri Thomistæ.

Quoad 2. partem, videlicet, quòd talis contemplatio non potest non esse visio quidditativa Dei, probatur eadem min. Quia illam visionem elicit intellectus specie foecundatus, in quam species nata est influere: sed essentia divina, vnita per modum speciei intelligibilis menti contemplantis nata est influere in visionem intuitivam Dei;

ergo contemplatio, quam eliceret intellectus illius contemplativi foret visio Dei intuitiva. Omnes propositiones notissimæ sunt. Vnde: *Probatur 2. eadem 2. pars: Essentia divina vnita per modum speciei nequit influere in cognitionem obscuram: ergo si influeret in talem contemplationem, ea contemplatio esset visio clara Dei*. Conseq. infertur, & anteced. probatur: Essentia divina vnita per modum speciei nequit influere in contemplationem, quæ est motus ad ipsius divinæ essentia possessionem: sed omnis contemplatio obscura est motus, quo mens tendit ad possidendam divinam essentiam; ergo tenet anteced. Min. certa est. Probatur mai. Motus ad possidendum Deum implicat cum possessione Dei: ergo si ille intellectus iam possidet Deum sibi vnitum per modum speciei intelligibilis, non potest tendere ad illam possidendum. Aliàs daretur simul motus ad terminum, & terminus ipse, spes, & possessio, desiderium, & fructio, præsentia, & absentia eiusdem obiecti.

23. Dices: Tametsi essentia divina gerens munus speciei nata sit influere in contemplationem compræhensivam; vnita tamen intellectui limitato illam contemplationem adeò perfectam non elicit; sed aliam minùs perfectam, licet intuitivam: ergo pariformiter, quamquam ipsa essentia divina per modum speciei vnita menti Beati influat in contemplationem claram Deis vnita tamen menti viatoris, non claram, sed obscuram contemplationem elicit. Quo vtraque probatio illius minoris quoad 2. partem corrui.

Resp. neg. conseq. & paritatem. Discrimen est, quòd intellectus creatus est de se capax cognoscendi quidditative omne ens, etiam divinum. Vnde per hoc, quòd proportionetur, habiliteturque ad clarè cognoscendum illud ens, quod intra spheram sui proprii obiecti continetur, illud vtrique contemplatur. Ipse verò intellectus creatus, eò quòd creatus est, est incapax comprehendendi ens divinum. Consequenturque per nullam virtutem proportio-

nari valet, illud vt comprehendat. Quocirca intellectus creatus fecundatus specie increata cognoscit clarè Deum; non tamen ipsum comprehendere valet ob ipsius intellectus alsignatum defectum.

24. Prob. vlt. assertio : Vt intellectus habeat essentiam divinam sibi vnitam per modum speciei impressæ, debet priùs elevari per lumen gloriæ; sed opposita sententia non vult talem intellectum esse elevatum lumine gloriæ; ergo inconsequenter ponit, talem intellectum vnitam sibi habere essentiam divinam gerentem munus speciei intelligibilis. Conseq. negari non potest: minor autem inde constat, quia nullus pro illa contemplatione meminit luminis gloriæ. Et meritò, quia si lumen gloriæ daretur, iam illa contemplatio foret omnino intuitiva, & necessaria, quod præsentis quesiti statum, destrueret: quippe sententia opposita non loquitur de cognitione necessaria, & intuitiva, sed de contemplatione libera, & caliginosa. In quo eius inconsequentiam hætenus ostendere connati sumus, quia non potest habere essentiam divinam vt speciem, & esse caliginosam. Verùm aliud est, quòd hoc ex tali positione deducatur, aliud verò quòd ipsa positio in hoc consistat. Maior autem, in qua poterat esse difficultas, est expressa D. Thom. art. 5. citato, vbi ex duplici capite lumen gloriæ esse necessarium ad visionem Dei docet. Primum est, quia debet elevare intellectum, vt possit formæ intelligibili divinæ vniri. Secundum est, quia est virtus proxima influens in talem visionem: sed quia est virtus proxima elicitiva visionis Dei intuitivæ, non potest hæc dari sine illo: ergo quia est dispositio actiuans intellectum ad vniorem cum essentia divina, gerente munus speciei impressæ, non potest hæc illi vniri, quin intellectus sit lumine gloriæ elevatus, proportionatusque. De hoc tamen videri debent nostrates ad citatum art. D. Thom. Quia nos ex eorum doctrinis mystica nostra asserta comprobamus roboramusque; non autem eorum doctrinas disputamus.

## §. II. Propono, ac solvo argumenta.

25. **C**ontr. conclus. arg. 1. Vnio Dei per modum speciei intelligibilis cum mente contemplantis non implicat nec ex parte Dei, nec ex parte ipsius intellectus: ergo dabilis est talis unio. Conseq. inferitur, & anteced. pro 1. parte probatur: Quia sicut Deus potest vniri, & non vniri menti contemplantis; ita potest ei vniri perfectè, & minùs perfectè; atque adeò vt principium contemplationis imperfectæ, quæ non est beatitudo perfectæ: ergo ex parte Dei nulla adest repugnantia ad talem vniorem. *Pro secunda parte* prob. idem anteced. Quia nulla apparet repugnantia in eo, quòd intellectus habeat essentiam divinam sibi imperfectè vnitam; sicut potest illam perfectè vnitam habere: ergo ex nullo capite adest talis repugnantia.

Resp. Dictam vniorem repugnare ex omnibus capitibus. Repugnat ex parte intellectus, & ex parte Dei: quia, vt dictum est, implicat horum extremorum unio sine lumine gloriæ elevante, ac proportionate intellectum ad illam. Posito autem lumine gloriæ, non potest non dari contemplatio perfectæ, quæ vltima beatitudo sit; atque adeò intuitiva. Ex quo fit consequens, repugnare talem vniorem etiam ex parte ipsius contemplationis: quandoquidem contemplatio illa foret obscura, & clara: foret contemplatio viæ, & simul contemplatio patriæ. Quæ manifestè implicare, negabit nemo.

26. Sed contra, & arguitur 2. Estò quòd talis contemplatio dependeat à lumine gloriæ, non implicat, quòd ipsum lumen sit adeò imperfectum, vt solummodo possit concurrere ad visionem indistinctam, & non claram Dei; ergo potest dari contemplatio caliginosa, & viæ; ad quam concurrat essentia Divina per modum speciei intelligibilis. Prob. anteced. lumen gloriæ, vt ipsum ipsius nomen ostendit, est lux, per

per quam intellectus videt obiectum in-  
creatum; sed lux potest esse adeo exi-  
gua, vt non manifestet clarè, sed con-  
fusè, ac indistinctè obiectum; sicut patet  
in luce materiali; quæ aliquando ob sui  
exiguitatem non habet vim ad ostend-  
endum Petrum, vt Petrum, sed sub  
ratione communi; & confusa entis,  
animalis, aut etiam hominis: ergo tenet  
antecedens.

Resp. neg. antec. Ad probationem.  
concessa mai. & omissa min. negetur  
conseq. Discrimen est, quòd lux mate-  
rialis non deservit visui corporco ad  
ostendendum ei Petrum, quia Petrum,  
nec quia hominem; sed ad ostendendum  
corpus perspicuum, seu diaphanum,  
quod est proprium subiectum lucis, quæ  
propterea definitur ab Arist. lib. 2. de ani-  
ma text. 69. per hoc quòd sit: *Actus*  
*diaphani, secundum quod est diaphanum.*  
Hocque est obiectum primum, & spe-  
cificativum potentie visivæ. Vnde  
quæcumque lux, quantumvis minima,  
exhibet visui hoc obiectum: quòd au-  
tem tale obiectum sit album, vel ni-  
grum, & potiori iure, quòd sit animal,  
vel homo, vel Petrus, non ostenditur à  
lumine materiali, quoad substantiam  
sumpto; quia illi conceptus non spectant  
ad rationem specificativam visus; sed  
ad obiectum terminativum secundari-  
um, seu materiale. Vnde non sufficit  
substantia lucis, vt videantur; sed requi-  
ritur lux intensior, aut vividior. Lumen  
autem gloriæ elevat intellectum crea-  
turæ, ita vt obiectum primum, & spe-  
cificativum ipsius, quatenus tali lumine  
persufi, sit Deus. Vnde quodcumque  
lumen gloriæ, & si sit adeo exiguum,  
vt minus perfectum esse non possit, of-  
tendit intellectui clarè Deum, & non  
caliginosè, sicut dictum est de luce ma-  
teriali relatè ad corpus lucidum. Et  
patet etiam in fide, quæ tametsi minima  
sit, assensum rebus præstat ob testimo-  
nium primæ veritatis revelantis. Et  
hoc ideo est, quia prima veritas est ob-  
iectum specificativum fidei Theologi-  
cæ. Consequentèrque non potest veri-  
ficari fides Theologica, quin tale spe-  
cificativum respiciat. Similiter in casu

nostro. Vnde exemplum illud lucis  
materialis nobis non obest, sed favet:  
quia sicut non potest verificari lux illa,  
quamquam tenuis; quin sit ostensiva  
objecti motivi visus corporci; sic nec  
lumen gloriæ; quin clarè Deum exhi-  
beat propter dicta.

27. Dices: Deus liberè confert lu-  
men gloriæ, & liberè concurrit cum illo  
ad claram visionem sui ipsius; ergo post  
communicationem talis luminis potest  
facere, quod visio intuitiva non sequa-  
tur: ergo etiam potest facere, quod li-  
cèt sequatur visio, tamen non sit intui-  
tiva; eoque erit caliginosa. Anteced.  
est omnino certum, ex quo legitimè  
deducitur 1. conseq. Secunda autem  
prob. 1. Sicut enim Deus concurrit li-  
berè ad intuitivam contemplationem;  
sic etiam concurrit liberè ad intuitio-  
nem, seu claritatem talis contempla-  
tionis: sed quia liberè concurrit ad con-  
templationem intuitivam, potest hæc  
non dari, etiam supposita collatione  
luminis gloriæ: ergo pariformiter, sup-  
posita tali collatione, potest dari con-  
templatio sine claritate. *Probat* 2.  
eadem conseq. Quia non magis con-  
nectitur contemplatio intuitiva cum  
sua intuitionem, quàm essentia divina  
cum se ipsa, vt est ratio creaturarum;  
sed potest fieri, quòd Beatus contem-  
pletur intuitivè naturam divinam, &  
non vt est creaturarum ratio: ergo po-  
test fieri, quod habens lumen gloriæ  
contempletur essentiam divinam, &  
non clarè. Cætera constant, & minor  
probat ex communi Thomistarum  
doctrina asserentium, posse beatum  
intuitivè contemplari naturam divi-  
nam; quin aliqua creatura cognoscatur:  
ergo tenet minor. *Probat* 3. Cum  
habente charitatem vt quatuor potest  
Deus concurrere, vt eliciat dilectio-  
nem vt quatuor, & etiam potest sus-  
pendere illum concursum, & illum so-  
lummodò præbere ad charitatis actum  
vt duo: ergo similiter, potest concurre-  
re cum lumine gloriæ ad contempla-  
tionem, & non ad claritatem. *Probatur*  
denique: Sicut contemplatio elicit  
à lumine gloriæ infert conceptum cla-  
ritatis.



ritatis, sic ipsum lumen gloriæ infert vniionem naturæ divinæ per modum speciei impressæ cum intellectu per tale lumen elevatum; est enim lumen gloriæ vltima dispositio ad talem vniionem, & cum suo Ang. Mag. tenent communiter nōstates; & de ratione vltimæ dispositionis ad aliquam formam est, quod cum tali forma infallibiliter connectatur: sed posito lumine gloriæ, potest Deus non vniri menti illo perfusæ; quin obstat illa intima, ac infallibilis connectio: ergo posito eodem lumine, potest dari contemplatio, quin intuitio detur.

Respondi. concess. anteced. & 1. consequ. negando 2. Quæ nulla ex inducitis probationibus suadetur; immo illæ omnes ex falsa imaginatione procedunt. Contemplatio siquidem intuitiva non est entitas actus intellectivi cum modo; sed est eadem simplex entitas eiusdem actus, qui nomine incomplexo dicitur *visio*. Quia ergo datur contemplatio abstractiva, & intuitiva; propterea ad significandum secundam contemplationem vtimur vel nomine contemplationis intuitivæ, vel nomine incomplexo intuitionis, seu visionis: sicut ad significandum hominem vtimur vel nomine hominis, vel dicimus animal rationale. Sed sicut rationalitas non est modus, sed differentia specifica; sic claritas non est modus contemplationis intuitivæ: nisi sub illa amplissima consideratione, qua differentia aliquando dicuntur modi. Vnde si, & ita est, contemplatio intuitiva est eadem impartibilis visio, nunquam potest elici contemplatio illa sine claritate: quamquàm virtute intellectus præcipientis possit concipi, vt contemplatio, & non vt intuitio: hoc tamen nihil obest in præfenti, vbi non de virtute præcisiva intellectus agimus; sed de virtute physice productiva. Vnde

Ad 1. probationem resp. Quod in præfentia luminis gloriæ potest quidem non dari contemplatio intuitiva, Deo suspendente concursum: non tamen potest dari contemplatio caliginosa. Tum quia, vt dictum est, claritas non adiacet contemplationi intuitivæ,

sed est differentia specifica illius intuitivæ contemplationis. Tum etiam, quia illa contemplatio caliginosa non habet principium, à quo eliciatur: non à lumine, quia sicut fides non potest videre, sic nec lumen gloriæ potest obscurè procedere. Non à fide, aut ab alio principio petente, aut permittente obscuritatem: quia si lumen gloriæ collatum est per modum habitus, iam omnia illa evacuata sunt, & ipsa principia, quæ obscuritatem permittebant, iam illam positivè excludunt. Si autem communicatum est per modum transeuntis; cum illo, vt sic communicato, non compatitur actus principij obscuri. In casu tamen obiectionis, quod Deus videlicet conferat lumen gloriæ per modum transeuntis, & quod suspendat actum eius, tunc licet possit dari contemplatio caliginosa, non elicitur à lumine gloriæ, sed ab alio principio, nec in ipsam insuet natura divina munus speciei gerens, sed aliæ species propriæ illius principij elicientis. Vnde illa vniotatur divinæ cum intellectu perinde erit ad illum actum, ac si non adesset, ex quo nihil concluditur contra nos.

Ad 2. probationem constat ex dictis, contemplationem intuitivam non connecti cum claritate; sed esse eandem simplicem entitatem, cuius conceptus licet præcindi possint ab intellectu; non tamen causari potest vnus sine alio. Et etiam si possit dari contemplatio Dei, quæ intuitiva non sit; causari tamen non potest à lumine gloriæ propter dicta. Cuius contrarium evenit in contemplatione essentia divinæ, nulla visa creatura. Tunc enim datur obiectum proprium luminis, & intellectus illud elevantis, nimirum Deus, qui clarè videtur; licet nulla creatura videatur. Per quod ostenditur magnum discrimen adesse inter rem de qua agimus, & doctrinam illam nostrorum Thomistarum, de qua videndus est Mag. Ferre tom. 1. tract. 3. q. 12. §. 5. Et si paritas illa aliquid convinceret, probaret utique, omnes Beatos eandem creaturas videre in divina essentia: immo

mo omnes illos omnes videre, quæ in essentia divina continentur: cum ipsa divina essentia prout has, & illas, & omnes continet, sit prorsus idem.

Ad 3. negetur consequ. Quia dilectio ut duo habet in illo iusto principio a quo eliciatur, scilicet charitatis habitum. In habente autem lumen gloriæ non datur principium elicitivum contemplationis caliginosæ; vel si datur, tale principium non est lumen gloriæ, sed aliud. Lumen quippe gloriæ influere non valet in talem contemplationem, ut dictum est.

Ad ultim. prob. dicas: Falsum esse, quod contemplatio intuitiva inferat, seu connectitur cum claritate, ut ex dictis patet. Non enim datur contemplatio intuitiva sine claritate constituyente, & conceptum communem contemplationis determinante. Nec id quod dicitur de lumine gloriæ, & essentia divina, est adeo certum: alij enim

affirmant, quodposito lumine gloriæ, non potest non uniri essentia divina, ut species intelligibilis: quia infusio luminis est ipsa essentia divina unio, ut decent P. P. Salmon. tract. 2. disp. 2. dub. 2. num. 63. Alij autem autumant, quod de posse absoluto potest infundi lumen quin essentia divina uniat, de quo videti potest Mag. Ferre. Sed quicquid sit de hoc, nihil obicctio cõcludit; quia etiam stante hac secunda opinione infuso lumine gloriæ, & non unita specie illa divina: nulla alia species unietur virtute illius dispositionis positæ: & hoc ideo, quia lumen gloriæ solum est dispositio pro unione illius formæ increatæ; ergo pariformiter, licet posito lumine gloriæ non sequatur cõtemplatio intuitiva; virtute tamen eius non habebitur contemplatio caliginosa; & hoc ideo, quia lumen gloriæ solius contemplationis intuitivæ Dei est virtus proximè elicitiva.

## QUÆSTIO QVARTA.

*Vtrum in contemplatione possit dari species impressa Deum quidditative; abstractivè tamen representans?*

**L**oquimur de cõtemplatione viæ; sed non de contemplatione, quæ spectet præcisè ad statum naturæ reparatæ; nec de contemplatione hominis præcisè. Per primum extenditur nostra consideratio etiam ad statum innocentia: Per secundum etiam viatores Angelos comprehendit. Ex sermo est, attentis naturis obiccti representati, & representantis speciei. Vnde non loquimur solummodo iuxta providentiam ordinariam; sed etiam inspecto posse absoluto Dei. Ex quibus in vnum collectis inferitur, quæstionis titulum sic esse paraphrasandum: an secundum ordinariam, vel absolutam Dei potentiam possit, vel poterit mens Angeli viatoris, vel hominis viatoris, etiam ad quemcumque viæ statum pertinentis, recipere speciem intelligibilem, quæ Deum immediatè,

& quidditative; non tamen intuitivè; sed abstractivè tantum representet.

### §. I. Sententias refero, & præfero Angelicam.

28. **N**on est opus prælibare, cõtemplationem dividi in quoad an est, & quoad quid est, quarum 1. est contemplatio obiccti attacti per connotationem ad aliud obicctum, quod est proprium; & motivum talis contemplationis. Secunda verò contemplatur obicctum' motivum, & immediatè attactum ab ipsa, ob hocque dicitur quidditativa; quia ipsam obiccti quidditatem introitur. Hæc autem quidditativa contemplatio bipartitur in abstractivam, & intuitivam. Prima abstrahit à præsentia obiccti, quam secunda

cunda indispenfabilitate dicit; quippe terminatur ad obiectum exiftens, & sibi coexiftens. Hæc omnia vel ex summis nota sunt, vbi de nouitijs disputatur. Vnde in præfenti hæc non explicanda sunt, sed supponenda.

Similiter non loquimur de specie creata Deum intuitivè repræsentante. Quia hæc disputatio est purè Scholastica; talisque in hoc opere mystico recusamus. Præsertim cum à nullo mysticorum hoc examinatum videam. Et sanè nulla in hoc difficultas occurrere cuique potest, quam discussam non reperiat apud nostros Thomistas 1. p. vbi subtilissimè, ac solidissimè hanc controversiam examinant. Quamobrem solum de specie abstractivè repræsentante Deum agimus; quia de hac video Mysticos disputare, sicut & Scholasticos, in variasque sententias abire.

29. Prima sententia docet, dari in sublimissima contemplatione speciem creatam, quæ quidditivè, abstractivè tamen, Deum repræsentat. Sic consequenter ad sua principia discurrunt ij omnes, qui pro intuitiva Dei visione, speciem creatam sufficere, autumant. Ex alijs verò, qui talem speciem creatam ad faciem Dei visionem impossibilem rentur, concedunt speciem quidditivam in contemplatione abstractivè; Scotus cum sua subtili Schola; quæ divisa est; nam alij, licet concedant hanc speciem abstractivam à suo Duce assertam; negant tamen intuitivam: alij verò dicunt, non posse concedi speciem abstractivam; quin intuitiva pariter adstruatur. In eadem sententia est Dionys. Carthus. sup. cap. 5. mystic. Theolog. Div. Dionys. art. 8. vbi pro se adducit D. Augustin. D. Bonav. & Ang. Præcept. Immo & oraculum Sanctum apud Job dicens Deum habere in manibus suis absconditum lumen, quod suis dilectis ostendit quando, & modo, quo sibi placet. Vnde alijs se intuitivè contemplandum exhibet, vt omnibus Beatis, & viatoribus illis, quibus, transseunter tamen, contulit lumen gloriæ. Alijs autem ita lumen illud manifestat, vt minus, vel magis ficiali contempla-

A SPIRITU SANCTO,

tionem ipsorum contemplatio appropinquet. Quæ luminis exhibitio talis esse potest, vt sit inter infimas suprema, indidemque sit inter supremas infima. Quocirca cum suprema omnium contemplatio Deum clarè, & quoad sibi particularia intueatur, contemplatio inter infimas suprema illa erit, quæ Deum non clarè videat, sed quæ ipsum quidditivè, & quoad sibi communia, subindeque obscurè, contempletur. Sicut homo, qui potest cognosci secundum sua prædicata metaphysica, nedum communia, verum etiam differentialia, vt cum cognoscitur per suam essentialem definitionem: & potest cognosci etiam secundum prædicata communia præcise.

Meditatio in hac opinione sic explananda iuxta Carthusiani mentem spatiatus sum, vel ipsum exemplum, quo vtitur adducens, nè in verbis ipsis, vel aliorum cum sequentium contrarium esse, quis asserat. Loquitur enim Dionys. de cognitione quidditativa Dei obscura. Quod suadet exemplum illud hominis modò allatum. Suadet etiam; quòd doceat, in tali contemplatione cognosci Deum immediatè immediatione obiecti; sed non immediatione speciei. Per quæ & speciem distinctam à Deo adstruit, & illam speciem esse propriam alterius obiecti, ad cuius instar Deus cognoscatur, negat; aliàs ipsum obiectum mediaret. Hæc sunt, quæ asserit Carthus. toto illo art. 8. & ex his constat, ipsum concedere speciem, de qua loquimur. Nec hoc infringitur per hoc, quòd aliquando asserat ibidem, cognitionem, de qua ibi agit, esse *quia est*, vel ex effectibus; non autem *quoad quid est*. Ipse enim clarè se explicat, per contemplationem *quoad quid est* intelligens contemplationem intuitivam. Quòd si in verbis huius authoris aliqua contradictioprehendatur, nostra non refert ipsius conciliatio.

Carthusianum sequitur, ac illustrat, defenditque insign. Theologus N. Thom. à Jesu de div. contempl. lib. 5. cap. 14. vbi non solum in dictam sen-

lii

ten;

rentiam maximè propendit, uti asserit Discept. Mystica, sed illam clarissimè defendit. Videatur toto eo cap. ubi inter alia ait: *Cognitio quid est, est duplex*. Prima, quando cognoscimus rem secundùm prædicata generalia, ut cùm de homine cognoscimus esse animal. Secunda, quando cognoscimus per prædicata specialia, ut cùm hominè cognoscimus per suâ definitionē Deum igitur in hac contemplatione mysticæ Theologiæ cognoscimus, non solum quantum ad *quia est*, sed etiam quantum ad *quid est*, si loquamur de cognitione quidditativa univèrsali, & confusa, ac proinde per magnam appropinquationem ad notitiam quidditativam perfectam: est enim ista cognitio altissima, clarissima, perfectissima, ac profundissima Deitatis contemplatio, notitia, & visio huic vitæ possibilis, ut magnus Dionys. & eius *expositores testantur*. Hactenus egregius iste Doctor; cuius verba perspicuè ostendunt, ipsum in hac sententia esse.

Secunda talem speciem negat, quæ sententia communissima est inter Thomistas Mysticos, & Scholasticos. Illam teneant nostri Salmant. tract. 7. disp. 6. dub. 4. §. 1. & tract. 21. disp. 19. dub. 4. num. 50. & Discept. myst. tract. 3. q. 3. art. 3. Et meritò sententia hæc communis inter Thomistas est; cùm eam doceat Ang. noster Doct. pluribus in locis, quorum nonnulla subjiciemus. Vnde in hac eadem sententia sum: ideòque

30. Sit nostra concl. *Non datur species creata quidditativè abstractivè Deum representans*. Prob. 1. assertio ex D. Thom. q. 10. de verit. art. 11. in corp. dicente. *Mens nostra naturali cognitione, quam in statu viæ experimur, nec Deum, nec Angelos per essentiam videre potest. Angeli tamen per essentiam videri possunt per quasdam species intelligibiles ab eorum essentia differentes, non autem essentia divina, quæ omne genus excedit, & est extra omne genus, ut sic nulla species creata possit inveniri sufficiens ad eam representandam*. In eodem art. ait: *Ad 4. dicendum quòd intellectuali visione in statu viæ*

*Deus cognoscitur, non ut sciatur de Deo quid est, sed quid non est. & quantum ad hoc eius essentiam cognoscimus, tam super omnia collocatam intelligentes, quamvis talis cognitio per aliquas similitudines fiat*. Idem docet Doct. Sanct. alijs in locis, quæ, quia eundem sensum continent, non adducimus.

Igitur ex prima autoritate constat: Essentiam divinam ob sui incomprehensibilem eminentiam in nulla specie increata posse quidditativè representari; nè dum, ut intuitivè inspicitur; verùm etiam nec, ut abstractivè contempletur. Hoc est, quod datum testimonium dicit, & quod fundamentum, cui innititur, suadet, ut mox videbimus. Secundum testimonium clariùs adhuc loquitur. Ex illo enim docemur, quòd non semel in superioribus traditum à nobis est, videlicet, perfectionem contemplationem huius vitæ attingere Deum quo ad *quid non est*: quæ cognitio non est quidditativa, ut de se constat. Vnde nulla viæ cognitio de Deo est quidditativa, & immediata; subindeque non datur species quidditativè, & abstractivè Deum representans. Ut quid enim daretur species, si cognitio repugnat?

31. Dices 1. D. Thom. loqui de contemplatione naturali, ut demonstrant priora illa primæ autoritatis verba: *Mens nostra naturali cognitione*. Sic enim certissimum est, Deum à nobis non cognosci quidditativè; proindeque nec dari speciem naturalem ipsum sic representantem. Hinc tamen perperam dicitur, quòd species supernaturalis influens in contemplationem supernaturalem non repræsentet Deum quidditativè abstractivè menti illum supernaturali, & sublimissima contemplatione cognoscenti. De hacque supernaturali specie loquitur adversa opinio.

Resp. Falsum esse, Div. Thom. loqui de contemplatione naturali, ut patet ex secunda autoritate, & ex toto illo art. Ipse enim Doct. Sanct. asserit se ipsum explicat, ut enim offenderet, se non loqui de cognitione naturali, de qua

qua obiectio procedit, addidit: *Quam in statu viæ experimur*. Vnde illam contemplationem naturalem vocat, *quam in statu viæ experimur*, ad differentiam contemplationis patriæ, quæ est suprema adhuc inter contemplationes supernaturales. Fundamentum autem, quod suspicamur habuisse Div. Thomam, vt omnem cōtemplationem viæ dicat naturalem, & solam contemplationem patriæ supernaturalem, deduci valet ex doctrina eiusdem Sanctissimi Præceptoris, apud quem inductum non est, dicere, visionem claræ Dei soli Deo esse prorsus connaturalem; non autem homini, aut Angelo. Sic enim loquitur 1. p. q. 12. art. 4. & 3. p. q. 9. art. 4. in fine corp. vbi ait: *Scientia vero beata, per quam ipsa Dei essentia videtur, est propria, & connaturalis soli Deo*. Si ergo soli Deo connaturalis est; infertur, quòd non sit homini connaturalis. Quod intelligendum est de homine etiam lumen gloriæ habente. De quo P. P. Salmant. tract. 2. disp. 2. num. 170. Sumpto ergo naturali prout est idem ac connaturale, omnis, & sola contemplatio viæ est homini naturalis; eò quòd contemplatio patriæ est *connaturalis soli Deo*.

Aut fortasse prima contemplatio dicitur absolute naturalis, & non secunda, quia anima, quæ vtriusque principium radicale est, dum est in viâ, est in statu sibi penitus naturale: in statu autem separationis, in quo elicit secundam contemplationem, non est in statu sibi prorsus naturale, vt docet idem Ang. Doct. 1. part. quæst. 89. art. 1. & quæst. 118. art. 3. in corp. vbi ait: *Si enim animæ naturale est corpori vni-ri, esse sine corpore, est sibi contra naturam, & sine corpore existens non habet suæ naturæ perfectionem*. Idem tradit 1. 2. q. 4. art. 5. & in 2. d. 1. q. 2. art. 4. ad 5. & opusc. 3. cap. 152. vbi ait: Separationem à corpore esse animæ quodammodo naturale, & quodammodo contra naturam. Ob hoc ergo sola illa operatio, quæ convenit animæ, prout est in statu sibi prorsus naturali, potest dici naturalis; non autem illa, quæ

animam in statu non prorsus sibi naturale supponit.

Sed esto, quòd D. Thom. loquatur de contemplatione merè naturali, prout hoc nomine excluditur contemplatio supernaturalis, idem quoad præsens iudicium de vtraque ferendum est. Eò enim species in contemplationem naturalem influens non potest Deum quidditativè repræsentare; Quia essentia divina *omne genus excedit, & est extra omne genus, ut sic nulla species creata possit inveniri sufficiens ad eam repræsentandam*. Hoc autem nō dum relatè ad speciem naturalem verum est; sed etiam relatè ad quamcunque aliam speciem creatam, quantumvis sublimis asseratur. Vnde ex quo D. Thom. ob datum motivum neget, speciem creatam naturalem (etiam si de sola illa loqueretur) posse Deum repræsentare; ex eodem motivo omnis alia species creata deservire non potest, vt Deus quidditativè repræsentetur.

32. Dices 2: D. Thom. loquide specie creata à rebus accepta. Agit enim ibi Doct. Sanct. de speciebus à phantasmatibus abstractis, vt intuens deprehendat. Intellectus autem noster non solum his speciebus utitur ad contemplandum; sed etiam alijs speciebus omnino infusis, vt constet ex dictis in hac disp. q. 2. ergo cum his speciebus omnino infusis informatus contempletur, non negatur ab adducto Divo Thoma, quòd Deum quidditativè cognoscat.

Resp. breviter ex dictis, 1. falsum esse, D. Thom. solummodo loqui de speciebus à rebus acceptis: de omnibus creatis speciebus loquitur, vt constat ex 2. auctoritate, & ex alijs, quæ ibi docet. *Servandò* autem dicas: quòd etiam si de speciebus illis loqueretur; fundamentum autem non solum illas, sed omnem speciem comprehendit, vt dictum est.

33. Ultimò dices: Ang. Doct. intelligi debere de specie deserviente ad contemplationem intuitivam: de hac enim ibi est sermo, vt notum est ex ipsa lectione textus. Ad hanc ergo intuiti-

nam contemplationem speciem creatam non dari, fatentur ex adversariis plurimi. Ast quod pro contemplatione abstractivæ, etsi quidditivæ, deservire non possit species creata, nec à D. Thoma edocetur, nec motivum adest, ut hoc negetur de tali specie.

Resp. Secundum testimonium ita perspicuè futilitatem, & falsitatem factæ obiectionis ostendere, ut mirum sit, viros doctos sic mentem Ang. Præceptoris exponere. Videatur dictum testimonium positum num. 30. Verum quia in discrimine, quod adversarii comminiscuntur inter speciem intuitivam, & abstractivam quidditivam Dei, est in quo omnem suam vim collocant, & quo suam opinionem fartam, rectamque esse credunt; propterea, ut plumbeus hic recursus dissipetur, assertum nostrum probabimus discursibus, qui tale suffugium acreum esse demonstrent, sicque facta obiectio funditus evertitur.

## §. II. Duplex ratio pro assertione suadenda proponitur.

34. **P**rob. 2. nostra conclus. à ratione sic: Implicat species creata intuitivè Deum repræsentans: ergo & implicat species creata quidditivè abstractivè Deum repræsentans. Anteced. admittitur à pluribus, quos modò adversarios habemus, & contra alios, qui illud negant, est autoritas D. Thom. & Thomistarum consensus. Deinde prob. consequ. Quia omnia inconvenientia, quæ dantur, ut non admittatur species creata ad contemplationem intuitivam, pariter vrgent, in specie pro contemplatione abstractivæ: ergo sicut negatur prima, debet negari secunda. Prob. anteced. cò denegatur prima, quia species debet convenire cum obiecto motivo in eodem gradu immaterialitatis, debet habere eandem naturam obiecti, immo est ipsum obiectum in esse intelligibili, quæ omnia, & singula repugnant creatæ speciei, si obiectum primariò actum est Deus:

atqui hoc ipsum verificatur de specie abstractivæ: ergo tenet antecedens. Bona est consequ. & mai. constar ex ijs, quæ passim nostrates docent, tum ab autoritate, tum à ratione, præsertim 1. p. q. 12. art. 2. Min. autem probatur. Quia species abstractivæ, ex eo, quod quidditivæ sit, est species propria obiecti, est eius vicaria, ab ipsoque immittitur potentia: sed ad hæc requiritur, quod conveniat cum obiecto in gradu immaterialitatis, quod habeat eandem naturam cum illo, & quod sit cum eo idem in ordine intelligibili: ergo id ipsum, quod dicitur de specie contemplationis intuitivæ, propter quod non potest species creata deservire ad contemplationem intuitivam obiecti increati; verificatur etiam de specie influente in contemplationem quidditivam abstractivam: consequenterque cum obiectum quidditivè actum est increatum nulla, species creata deservire potest pro huiusmodi attractione. Cætera constant, & maior, in qua dissidium esse potest, est omnino certa: quia species illa alicuius obiecti vicaria est; naturamque repræsentat: sed ex quo sit quidditivæ non datur aliud obiectum, quod repræsentet, nisi illud, quod quidditivè cognoscitur; aliter non quidditivè cognosceretur, sed connotativè, & ad instar alterius obiecti mediantis, ac moventis; ut evenit in cognitione, quam viatores habemus de Deo, quæ quidditivæ non est; hæc enim non est species propria Dei cogniti, sed illius obiecti, ad cuius instar cognoscitur: ergo species quidditivè Deum repræsentans, quamquam abstractivè repræsentet, est species propria Dei, cum ipsoque dicit convenientiam in gradu immaterialitatis, & denique omnia alia habet, quæ in specie creata dari impossibile est.

35. Confirmatur: & ac declaratur hæc ratio: Etenim quod species contemplationis intuitivæ sit propria obiecti contemplati, aliaque iam dicta habeat, quæ non iteramus, nè terminos multiplicemus, non convenit illi, quia species

cies est, nec quia intuitiva est; sed quia species quidditativa: ergo species quidditativa ex eo, quod quidditativa sit, habet, quod sit propria obiecti contemplati. Trimembre est anteced. Cuius 1. pars inde constat, quod si illa competere species intuitivæ; quia species, omni speciei pariter convenirent. Ex quo evidenter habetur, quod species deserviens contemplationi intuitivæ non habet, quod sit propria obiecti contemplati ex ratione communi speciei; sed ex alio conceptu particulari: qui quidem conceptus (& sic prob. 2. pars antecedentis) non est conceptus speciei intuitivæ. Et ratio est: Quia priusquam species consideretur ut intuitiva, consideratur, ut quidditativa: quandoquidem prius est quod species quidditatem repræsentet abstrahens ab ipsius præsentia, quàm quod repræsentet quidditatem, ut determinatè præsentem. Ex hoc ergo quod species quidditatem repræsentet, debet imitari ab obiecto, cuius quidditatem repræsentat, estque ipsius vicaria, naturamque continet: quæ omnia, & singula consistere haud possunt, sine eo, quod talis species sit propria obiecti per ipsam repræsentati. Per quæ omnes tres partes propositi anteced. constat: indidemque habetur, nullam speciem creatam posse ad quidditativam Dei contemplationem deservire; quia nulla species creata potest esse propria Dei.

36. Confirmatur 2. percurrendo omnes omnium specierum immaterialitates proprijs obiectis correspondentes. Etenim prima est rerum sensibilem, quæ sensibus inest: & hæc repræsentat singularia materialia, quæ sunt illarum specierum propria obiecta. Secundæ species sunt abstractæ à conditionibus individuantijs operis intellectus agentis, tamquam causæ principalis, & phantasmatum veluti instrumentorum: & istæ repræsentant quidditatem materialem separatam à conditionibus individuantijs. Aliæ sunt species à phantasmatibus non abstractæ, nec abstrahibiles; sunt enim omnino spirituales; habent tamen ad-

mixtam potentialitatem, quatenus sunt species illorum obiectorum, quæ admittunt compositionem tum metaphysicam ex genere, ac differentia; tum physicam ex essentia, & existentia: Et hæc obiecta sunt Angeli. Præter has species non datur nisi vna alia, sicut non datur nisi vnum aliud ens, nempe increatum; quæ species ab omnibus alijs discriminatur per hoc, quod est actus purus, est suum esse, & non permittit, nedum materialitatem, verùm nec minimam potentialitatem. Hæc species est essentia divina, cuius proprium obiectum est ipsamet: atqui omnes istæ species conveniunt cum obiectis, quæ quidditativè repræsentant, in eodem gradu immaterialitatis, habentque eandem naturam cum ipsis; etiam si plures ex illis abstractivè repræsentent sua obiecta: ergo de ratione speciei quidditativè repræsentantis; etiam si abstractivè repræsentet, est, quod sit propria obiecti per ipsam repræsentati. Quiaque nulla ex assignatis speciebus, præter ultimam, est propria Dei, propterea per nullam aliam ab ea diversam, potest Deus quidditativè repræsentari.

37. Conf. tandem à paritate: Implicat hominem contemplari Angelum quacumque quidditativa contemplatione per speciem propriam cognitionis humanæ, nempe per speciem abstractam à phantasmatibus: ergo implicat, hominem Deum immediatè contemplari per speciem, quæ non sit propria ipsius Dei. Modò sic: Sed non datur alia species Dei propria, nisi ipsa essentia Dei, ut patet ex num. præcedenti: ergo per nullam aliam speciem potest Deus immediatè, seu quidditativè repræsentari.

38. Dicis: Hominem non solum intelligere phantasmata speculando, sed etiam alia superiori cognitione ad modum videlicet Angelorum. Ex quo duo sequuntur: Primum est, quod hæc tertia confirmatio nihil probat. Secundum est; quod secunda non enumerat omnia genera specierum; siquidem hoc non enumerat.

Respond. hanc obiectionem non posse aliunde provenire nili ex sinistra dictorum intelligentia. Contra eam tamen disputo sic 1. eò non potest Angelus contemplari quidditative ab homine per speciem à phantasmatibus abstractam; quia illa species est omnino inferior Angelo: sed quæcumque species creata est omnino inferior Deo: ergo per nullam speciem creatam potest Deus quidditative contemplari. *Disputo 2.* detegendo fundamentum huius repugnantie, eò non potest species à phantasmatibus abstracta deservire ad cognitionem immediatam Angeli; quia illa species est materialis, & Angelus non potest verè cognosci nisi sine immaterialitate: sed quæcunque species creata, quantumvis perfectissima, & spiritualissima asseratur, est potentialis, & Deus non potest immediatè contemplari nisi sine immaterialitate, & potentialitate: ergo.

*Disputo 3.* Magis distat adhuc in esse repræsentantis, & repræsentabilis species creata à repræsentabili increato, quàm species materialis à repræsentabili potentiali: quandoquidem ibi, & non hic datur distantia infinita: sed sine hac distantia non potest species materialis repræsentare quidditative naturam potentialem materialitatis expertem: ergo potiori iure species creata nequit quidditative repræsentare naturam increatam. *Quarto denique disputo:* Quia id, quòd continet data obiectio, est expresse contra Div. Thom. num. 30. allegatum. Ibi enim, ait Doct. Sanct. quòd licet homo non possit quidditative contemplari Angelos per species à phantasmatibus abstractas; potest tamen illos quidditative cognoscere per aliam speciem superiorem: quod relatè ad Deum evenire posse, negat; eò quòd non datur creata species, quæ ipsum valeat, prout est in se, repræsentare.

Constat ex dictis nostras confirmationes non continere de defectu illos, qui obiectantur: nec in secunda omisum fuisse illum specialem modum, cognoscendi. Quia si ille modus est

proprius Angelorum, iam de Angelis, & eorum speciebus factus est sermo. Ultraquam quòd nostra conclusio non solum procedit de homine contemplante, sed etiam de Angelo viatore. Vnde si viator Angelus non potest notitiam quidditativam habere de Deo per speciem creatam, pariter nec homo illam habere potest.

39. Inspeamus discursibus præcedentibus speciem Deum quidditative repræsentantem, maiori ex parte, prout est species propria Dei repræsentanti, qui quia nullam speciem creatam respicere, ut sibi propriam, potest; propterea ex hoc principio, quod commune est cuicumque speciei repræsentanti, probavimus, impossibile esse, speciem aliquam creatam Deum quidditative repræsentare posse. Modò autem hanc ipsam impossibilitatem aliunde probare oportet, & ostendere adversariorum positionem fore prorsus implicatioriam. Igitur.

Prob. 3. assertio sic: Implicat species repræsentans quidditative Deum, quæ ipsum non repræsentet intuitivè ergo implicat species creata, quæ Deum quidditative, abstractivè tamen repræsentet: ergo adversarij volentes speciem creatam posse Deum repræsentare quidditative abstractivè, rem implicantem tumentur. Secunda conseq. constat ex prima, & hæc ex anteced. Quod probatur: Quia species repræsentans quidditative obiectum ut præsens, existens; ac sibi coexistens, repræsentat ipsum intuitivè: sed species, quæ Deum quidditative repræsentaret; repræsentaret ipsum ut præsentem, existentem, & sibi coexistentem: ergo intuitivè. Conseq. est omnino formalis. Maior est omnino apud ipsos etiam adversarios certa; & min. prob. Species repræsentans existentiam Dei, repræsentat Deum ut præsentem, existentem, ac sibi coexistentem; sed species repræsentans quidditative Deum, repræsentat Dei existentiam, quandoquidem existentia Dei est eius quidditas, nec potest Deus quidditative repræsentari, quin ipsius existentia repræsentetur: aliter enim repræ-



sentaretur quidditivè, & non quidditivè: repræsenteretur quidditivè, vt supponitur: non repræsenteretur quidditivè, quia non repræsenteretur ipsa Dei repræsentali quidditas, quæ quidem est existentia ipsius: ergo vera est illa minor.

40. Conf. ac declaratur ratio facta. Implicat quòd intellectus Deum contempletur quidditivè, & non intuitivè: ergo implicat, quòd species Deum repræsentali quidditivè, & non intuitivè. Consequentiam suadet paritas; id enim ipsum, quod intellectus cognoscit, & modo, quo cognoscit, est quod in specie repræsentali. Antec. autem prob. Contemplatio quidditativa Dei attingit ipsam Dei essentiam; atque adeò existentiam, quæ, vt dictum est, est Dei essentia: sed contemplatio attingens Dei existentiam est intuitiva: ergo. Conseq. inferitur, & min. negari non debet: in hoc enim discriminantur contemplatio abstractiva, & intuitiva, quòd prima attingit obiectum præscindens ab existentia; secunda verò ipsam obiecti existentiam attingit. Mai. autem constat de se, & ex dictis num. præcedenti.

41. Dices cum aliquibus Scotistis, & Mysticis: Factam rationem cum sua confirmatione concludere, si sermo sit de cognitione adæquata Dei, non autem de cognitione inadæquata: in hac enim cum non attingatur totum obiectum, non repugnat, quòd existentia non attingatur; consequenterque nec implicat, quòd abstractivè contempletur.

Resp. cum nostris Salmant. loco citato ex tract. 21. Cognitionem inadæquatam obiecti non bene convenire cum cognitione quidditativa eiusdem. Sed estò, quòd talis inadæquata cognitio detur, reddit totum argumentum. Quandoquidem quodcumque prædicatum divinum est essentialiter suum esse; eòque non potest quidditivè contemplari, quin ipsius existentia cognoscatur. De quo, quia hic est vnicus adversariorum recurfus, multoties §. sequenti sermo recurret. Interim videri possunt citati Salmant. Hic ta-

men omittere nolumus: Mytilas nobis contrarios docere, contemplationem quidditivè, licet abstractivè Deum attingentem esse inter omnes huius viæ contemplationem perfectissimam. Hoc dicunt, & meritò: Si namque talem contemplationem admitteremus, vti que illam diceremus, inter sublimiores huius exilij contemplationes perfectissimam. Hæc tamen non dicimus, quia talem contemplationem, nec speciem admittimus. Illasque non admittimus: quia, præter dicta, contemplatio omnium huius viæ perfectissima est negativa, vt multoties traditum à nobis est cum vnanimi Mysticorum sensu in hac veritate convenientium. Contemplatio negativa, quæ omnes alias superat, non intuetur conceptum, seu prædicatum inadæquatum Dei, sed simu], ac semel in totum illud infinitarum perfectionum pelagus fertur, ibique æternæ dulcedinis gaudia degustans dulciter deliciatur. Hæc est contemplatio negativa, quæ quidem Deum attingit non sub hoc, aut illo particulari conceptu; sed in conceptu vniversali, & cum negatione cuiuscumque perfectionis à mente creata cognoscibili, totum illud infinitarum, pariterque ineffabilium perfectionum centrum adorat. Hanc ipsam contemplationem aliarum principum etiam opinio modò nobis adversa, dum de ipsa loquitur, confitetur: modò autem vult, sublimiorem viæ contemplationem esse illam, quæ non sub conceptu illo vniversali procedit; sed quæ Deum sub distincta, aut inadæquata aliqua ratione, conceptivè, intueatur. Doctrinæ desiderio cōsequetiā.

### §. III. Argumenta diluo.

42. **C**ontra propositum assertum arguit 1. Carthus. adducens illud Job cap. 36. vbi dicitur de Deo: *In manibus abscondit lucem, & præcipit ei, vt rursus adveniat. Annuntiat de ea amico suo, quòd possessio eius sit, & ad eam possit ascendere.* Vbi per lucem illam, quam Deus iam in manibus abscondit, iam amicis suis ostendit, intelligit

higit inibi D. Thom. lucem spiritualementem, quæ quidem contemplatio est. Hanc ergo lucem, vel totam abscondit Deus, vel per gradus ostendit perfectissimis animabus: ergo potest sic illam lucem manifestare, ut ipse Deus quidditative cognoscatur, sed non intuitivè: sic enim Deum contemplari non spectat ad exules, sed ad Beatos.

Quod confirmari, ac roborari potest ex illo communi effato, videlicet, supremum infini attingit infimum supremi: sed infima inter contemplationes patriæ est contemplatio quidditativa abstractiva Dei: ergo suprema contemplatio viæ potest attingere hanc infimam patriæ contemplationem; consequenterque potest cōtemplari Deum quidditative abstractivè: ac subinde dabilis est species impressa, quæ in hanc contemplationem influat, Deum quidditative abstractivè representans. Sic arguunt prædictus Dionys. nostr. que Thom. à Jesu.

Resp. Ex textu illo Job nihil colligi posse, quo sententia opposita sufficiatur. Admittimus quidem verba illa intelligi posse de contemplatione, vel de specie impressa, qua intellectus illuminatur. Hoc omne licet concedamus, nihil contra nos habetur: negamus enim consequentiam. Quippe lux illa poterit utique manifestari per sublimiores, ac sublimiores gradus, quibus contemplatio abundat, nunquam tamen perveniet ad manifestandum Deū menti creatæ quidditative abstractivè: quia huiusmodi manifestatio repugnat ex duplici capite. Primum ex parte speciei. Secundum ex parte obiecti. Ex parte quidem speciei: quia si representat quidditative Deum, debet esse propria Dei: quod speciei creatæ convenire non valet, ut dictum est. Ex parte etiam obiecti hoc idem implicat: quia cum tale obiectum sit suum esse, non potest quidditative, & non intuitivè representari, aut contemplari, ut vidimus §. præcedenti. Hæc dicimus, permittentes in illo textu sermonem esse de contemplatione, quod agere suadebunt contrarij. Nec D. Thom.

tale asserit, sed exponit textum vel de luce materiali, quæ nocte, aut nube interiectis absconditur, & ipsis abeuntibus regreditur: vel de luce spiritali, quam Deus modò abscondit, ut illa postmodum, legitimè in hoc exilio certantes in vita futura coronet. Et hæc lux visio beatifica est, quam ea dignis in præmium meritorum concedit iustus Iudex.

Confirmatio minùs adhuc urget. Quia paræmia illa verum habet, si id, quod dicitur participari ab infini supremo, inveniatur in supremi infimo, quod in nostro casu non datur: quia inter contemplationes patriæ nulla est, aut esse potest, quæ Deum quidditative abstractivè contempletur. Si ergo ibi inter supremas illas contemplationes nulla, etiam infima, est, quæ Deum eodem modo intueatur: nec etiam est species aliqua, quæ sic Deum representet: ubi est illa patriæ species, aut contemplatio, quam attingere dicis contemplationem, aut speciem viæ? Adde: Quod si daretur illa contemplatio, non foret infima inter supremas; hoc enim conveniret contemplationi divinæ attingenti evidenter Deum evidentia, quoad an est. Species autem, de qua modò loquimur, (idem de contemplatione intellige) representaret Deum quoad quid est. Vnde ex illa paræmia si aliquid haberetur; foret illa prima species, de quæ q. sequenti agemus; non autem hæc secunda, quæ præsentis controversiæ argumentum est.

43. Arg. 2. ex D. Thom. q. 18. de verit. art. 1. ad 1. ubi ait. *Patet, quod visio, qua homo Deum in statu innocentie vidit, media fuit inter visionem, qua nunc videmus, & visionem Beatorum. Patet igitur, quod homo post peccatum triplici medio indiget ad videndum Deum, scilicet ipsa creatura, ex qua in divinam cognitionem ascendit, & similitudine ipsius Dei, quam ex creatura accipit, & lumine, quo perficitur, sive sit lumen naturæ, sive gratiæ, aut fidei, & sapientiæ. In scitu verò ante peccatum indigebat duplici medio, quod est similitudo Dei, & quod est lumen elevans, aut*

*aus dirigens mentem. Beati autem uno tantum indigent medio, scilicet lumine elevante mentem.* Hæc D. Thom. ex quibus constat, hominem in statu innocentie nullo alio indigere ad contemplan- dum Deum, nisi lumine elevante, quo etiam Beati indigent, & specie repræsentante, qua Beati non indigent; ipsa quippe essentia Dei munus speciei gerit: ergo illa species, qua homo ante peccatum utebatur, repræsentabat immediatè Deum; subindeque quidditative: at non intuitivè, quia non habebat lumen gloriæ: ergo abstractivè. Sicque contemplatio, in quam ea species influebat, erat media inter nostram contemplationem, & visionem Beatorum: quandoquidem attingit Deum obscurè, quod non habet Beatorum visio; verum quidditative attingebat, quod non habet nostra contemplatio.

Scire optarem, quid emolumenti accrescat opinioni Carthusiani, & Thomæ à Iesu ex allato D. Thom. testimonio. Ex eo enim, etiam prout ab ipsis exponitur, nihil aliud habetur, nisi quod homo ante peccatum Deum cognoscebat per speciem ipsum quidditative abstractivè repræsentantem: ast post peccatum talem cognitionem non habet homo: quandoquidem indiget triplici illo medio, ut contempletur: & insuper eius contemplatio non est media inter Beatorum, & nostram contemplationem. Hæc omnia traduntur ab ijs Doctoribus, qui præsentem auctoritatem afferunt, ut in sublimi viæ contemplatione, etiam post peccatum, speciem Deum quidditative abstractivè repræsentantem dari probent.

Resp. ergo verum esse, hominem beatum solummodo lumine elevante indigere, ut Deum facialiter videat. Et similiter verum esse, primum hominem in statu innocentie indiguisse lumine elevante, & similitudine, seu specie repræsentante, quibus additur res ipsa, à qua species accipitur, ut homo post peccatum contempletur. Quod ultimum ita intelligendum est, ut homo post peccatum non possit Deum contemplari, nisi species à rebus accipiat;

A SPIRITU SANCTO,

hoc tamen est attendenda conditio sui status. Ceterum ex gratiæ liberalitate habet etiam species intus, prout vidimus q. 2. Unde sicut primus homo habuit ex suo statu species, quas à rebus non accipiebat: sic post peccatum habet homo illas species ex gratiæ dispensatione. Ast ista species non repræsentant immediatè Deum, sed aliquid creatum: quia ut talis species Deum immediatè repræsentaret, deberet ab ipso Deo, ut obiecto immitti, Dei naturam contineret, cum ipso in gradu immaterialitatis conveniret, illumque intelligibilem redderet: quæ omnia, & singula implicare nostrates adductis locis ostendunt. A nobisque quæ sufficiunt pro præsentis materia dicta sunt. Unde ex verbis datis D. Thom. habemus quidem species illas valde elevatas, & contemplationem perfectissimam, in quam insuunt; sed quod Deum immediatè attingant, aut repræsentent, non habemus.

44. Arg. ex 3. ex ipso Carthusio: Datur in viâ contemplatio, qua Deus cognoscitur immediatione obiecti, licet non immediatione speciei: ergo huiusmodi contemplatio Deum immediatè attingit. Ergo in hanc cōtemplationem influit species immediatè, seu quidditative Deum repræsentans. Cætera constant, & antecedit prob. Eò non daretur illa contemplatio, quia deberet esse intuitiva, ut dictum à nobis est: sed non potest esse intuitiva, ex quo Deum attingat, non quoad particularia ipsius Dei, sed in generali: ut cum homo cognoscitur cognita eius definitione: tunc enim intuitivè cognoscitur; at cum cognoscitur ratio *animalis*, tunc non intuitivè cognoscitur, sed abstractivè; & in generali: ergo similiter de contemplatione Dei.

Resp. neg. antecedit. In viâ enim non potest Deus cognosci ab homine, vel ab Angelo immediatè; sed median- te specie creata, quæ eo ipso non est species propria Dei, ut dictum est. Subindeque non potest Deum immediatè, ac quidditative repræsentare. Ad probationem antecedentis patet ex dictis

Kkk

in

in tota hac quæstione, præsertim à num. 39. Vnde ex quo velit sententia opposita speciem illam repræsentare, seu illam contemplationem cognoscere prædicata essentialia Dei, quantumvis in generali repræsententur, seu cognoscantur, non possunt non intuitivè cognosci. Tum quia quodvis prædicatum divinum est sua existentia. Tum quia vanus prorsus est recursus ille ad prædicata essentialia Dei in communi, & in particulari. Quod sic demonstratur: Etenim rogo; Id, quod attingitur immediatè per illam cognitionem, seu immediatè repræsentatur per illam speciem, est Deus, vel non? Si non: corrui opinio tua, & tenet assertio nostra. Si sic: ergo illa species reddit Deum actu intelligibilem, convenitque cum Deo in gradu immaterialitatis, aliaque omnia habet, quæ in specie creata pro cognitione intuitiva Dei asseris repugnare.

Insuper Deus in particulari cognitus non explicat maiorem perfectionem obiectivam, quam ipse sub illa generalitate, quam moliris. Utrobique enim cognoscuntur eadem divina prædicata. Cur ergo hæc ipsa prædicata divina sub secunda consideratione non

possunt in specie creata repræsentari, in eaque sub prima consideratione continentur. Exemplum illud hominis vel secundum suam diffinitionem, vel secundum rationem illam communem cogniti, nec umbram similitudinis habet cum re, de qua agimus. Homo enim non cognoscitur duplici illa cognitione secundum eadem prædicata: sed cum cognoscitur per suam essentialem diffinitionem, cognoscitur quoad prædicata differentialia, & specificativa, quæ illa alia cognitione non attinguntur; sed tantum attinguntur prædicata communia. In præsentia autem nullatenus adversarij dicent, Deum intuitivè cognitum cognosci secundum aliquam prædicata, quæ cognosci non possint, dum ipse illo alio genere cognitionis quidditativè contemplatur. Eadem enim prædicata divina per unam, & aliam cognitionem cognoscuntur, vel ipsis adversarijs non dissidentibus. Ut quid ergo exemplum illud assertur? Maneat igitur, neminem sive Angelum, sive hominem posse Deum contemplari quidditativè, & etiam abstractivè, media specie creata, vt assertim constat ex dictis.

## QUÆSTIO QUINTA.

*Vtrum in suprema contemplatione detur species Deum immediate quoad an est repræsentans?*

**V**Ltimum Colophonem quæst. hæc secundo huic prædicabili imponet: licet enim alia plura possint, debeantque de divina contemplatione disputari; commodius tamen visum est, ea ad alias sedes remittere, ubi opportuniustrahentur. Quamobrem in sequenti prædicabili agemus de contemplatione, quæ propriè perfectorum est. In 4. autem de illa, quæ animam purgat, pulcrumque post cataclysmum horridæ tribulationis reddit. In 5. denique

de illa, quæ raptus, extases, aliaque huiusmodi causat.

*§. I. Brevis admonitio, & quæsti resolutio.*

45. **D**Ari speciem impressam creatam, quæ Deum quoad an est repræsentet, res est omnino certa, nec de hac procedit præfens difficultas: quippe species ista, quam dari ut prorsus certum supponimus, non repræsentat

tat immediate Deum, sed aliquod obiectum creatum, ex cuius cognitione affurgit mens ad cognitionem Authoris illius effectus, quæ ut obiectum speciem mittens cognoscit. De quo videre potes, si placet, P. P. Salmant. tract. 2. disp. 1. in annot. ad art. 1. Div. Thom. Nostra autem controversia procedit de specie impressa, quæ immediatè Deum ipsum repræsentet, ab ipsoque tamquam obiecto motivo potentiz immitatur.

Et quamquam ex quæst. præcedenti constet impossibilitas speciei creatæ, quæ Deum immediatè quoad *quid est* abstractivè repræsentet. Manet tamen locus præsentis controversiæ: cò quòd, sicut cognitio quoad *quid est* superat cognitionem quoad *an est*, ita species influens in primam illam cognitionem, speciem in hanc secundam influentem longè superat. Vnde quantum est ex hac parte non vanè post præcedentem decisionem ad hanc secundam accingimur. Huius veritatis cuique perviz signum clarissimum est, quòd aliqui, ijque gravissimi Theologi, qui nobiscum fuere in asserto præcedenti, modò de specie quoad *an est* contrarium opinantur. Hi sunt duo egregij Thomistæ, videlicet Cabrera in 3. p. q. 11. disp. 6 §. 4. & Nazarius inibi art. 1. Hi enim, & omnes illi, qui quæst. præcedenti nobis adversarij fuere, dari speciem impressam, quæ immediatè Deum quoad *an est* ipsius repræsentet, vnanimiter opinantur. Econtrà verò communis Thomistarum sententia docet, talem speciem repugnare, de quo videnti sunt laudati Salmant. tract. 21. disp. 19. dub. 4. estque hæc sententia D. Thom. 1. p. q. 3. art. 4. ad 2. Et omnibus alijs locis, vbi negat speciem creatam quidditivè repræsentativam Dei. Vnde

46. Sit nostra assertio : *Repugnat pro quacumque contemplatione species impressa immediatè repræsentativa Dei quoad an est.* Ita D. Thom. citato art. 4. vbi inquit : *Vtrùm in Deo sit idem essentia, & esse?* Et contra affirmativam resolutionem, quam statuit, hoc

argumentum proponit : *Secundo patet cā de Deo possumus scire an sit, ut supra dictum est, non autem possumus scire, quid sit: ergo non est idem esse Dei &c.* Huic argumento respondet S. Doct. quòd de Deo possumus scire *an sit*, sed non immediatè, sed ex eius effectibus nos in cognitionem Dei Authoris eorundem manu ducentium. Verba Ang. Doct. hæc sunt. *Ad 2. dicendum, quod esse dupliciter dicitur, uno modo significat actum essendi, alio modo significat compositionem propositionis, quam anima adinvenit coniungens prædicatum subiecto. Primo igitur modo accipiendo esse, non possumus scire esse Dei, sicut nec eius essentiam, sed solum secundo modo.* Quibus verbis negat Ang. Doct. posse Deum à nobis immediatè cognosci quoad *an est*, & solum mediatam humilemodi cognitionem, hoc est ex effectibus, concedit, ut patet ex verbis, quibus datam solutionem concludit, quæ hæc sunt : *Et hoc scimus ex eius effectibus, ut supra dictum est.* Idem docet Ang. ipse Doct. 1. contr. gent. cap. 12. & lib. 3. cap. 39. ad 1. & de potent. q. 7. art. 2. ad 1. Videatur Caietan. loco citato ex 1. p. qui traditam doctrinam subtiliter elucida, & ab impugnanti- bus vindicat.

47. Prob. deinde conclus. ratione ex adducto D. Thom. de pronipta: Implicat contemplatio immediata Dei quoad *an est* : ergo implicat species Deum immediatè quoad *an est* repræsentans. Conseq. est bona : Quia species. non ob aliud instituta sunt, nisi ut repræsentent obiecta, & influant in ipsorum cognitionem. Vnde repugnante cognitione obiecti, repugnat pariter species repræsentativa illius. Anteced. prob. 1. ex adducta autoritate D. Thom. talem contemplationem immediatam denegantis, & mediatam, aut ex effectibus solummodo concedentis. Prob. 2. ratione sic: Contemplatio quoad *ad an est* est quæ terminatur ad existentiam obiecti: sed contemplatio, quæ terminetur immediatè ad existentiam Dei, non potest esse quoad *an est*: ergo implicat relatè

ad Deum huiusmodi contemplatio. Conseq. legitime infertur, & maior est certa; in hoc enim differt cognitio quoad *an est* à cognitione quoad *quid est*, quòd secunda terminatur ad obiecti quidditatem, & prima ad ipsius existentiam, ex quo prob. minor: Contemplatio immediatè terminata ad existentiam Dei terminatur immediatè ad quidditatem ipsius; est enim existentia Dei ipsa eius quidditas, & essentia: ergo implicat, quòd contemplatio immediatè terminata ad existentiam Dei sit quoad *an est*; aliàs vel existentia non esset ipsa Dei essentia; vel nulla diversitas adesset inter contemplationem *an est*, & *quid est*.

48. Confirmatur 1. Contemplatio terminata ad existentiam rei, quæ non est suum esse, non potest esse quoad *quid est*: ergo contemplatio terminata ad existentiam rei, quæ est suum esse, non potest esse quoad *an est*. Anteced. admittitur ab omnibus, quorum ratio est, quòd illa existentia est prædicatum accidentale: unde per cognitionem talis existentie nullum prædicatum quidditativum rei existentis cognoscitur. Hincque prob. conseq. Quia per cognitionem existentie rei, quæ est suum esse, cognoscitur essentia talis rei; siquidem existentia est eius essentia, ut supponimus: ergo cognitio terminata ad talem existentiam non potest esse quoad *an est*. Patet ista: Quia si ratio ob quam cognitio existentie rei, quæ non est suum esse, non potest non esse quoad *an est*, est quia talis existentia non est de essentia rei cognite: à contrario, ubi existentia est de essentia rei contemplatæ, contemplatio talis existentie non potest non esse quoad *quid est*. Subindeque contemplatio existentie Dei non potest esse quoad *an est*, sed contemplatio quidditativa.

49. Conf. 2. Implicat species creata, quæ quidditativè Deum repræsentat: sed si daretur species creata immediatè repræsentativa Dei quoad *an est*, quidditativè Deum repræsentaret: ergo non datur talis species. Bona est conseq. Et maior constat ex dictis

tota quæstione præcedenti. Min. autem prob. ex modo dictis. Illa est species quidditativa obiecti, quæ non in alio, sed in se ipsa repræsentat prædicatum quidditativum obiecti: sed species, quæ Deum immediatè quoad *an est* repræsentaret, repræsentaret non in alio, sed in se prædicatum essentiale Dei, nempe existentiam: ergo repugnat talis species.

## §. II. Respondetur unico argumento.

50. **C**ONTRA conclus. arg. 1. auctoritate D. Thom. à nobis num. 46. citati. Ibi enim ait S. Doct. quòd possumus cognoscere *an est* Dei secundum quod esse significat compositionem propositionis, & addit: *scimus enim, quòd hæc propositio, quam formamus de Deo, cum dicimus: Deus est, vera est*. Sed non possumus cognoscere hanc propositionem *Deus est*, esse veram, quin cognoscamus Deum quoad *an est*, nec illum sic cognoscere possumus sine specie repræsentante: ergo ex mente D. Thom. datur species repræsentativa Dei quoad *an est*.

Resp. D. Thom. dicto art. negare cognitionem immediatam Dei quoad *an est*, & solum mediatam seu ex effectibus concedere, ut patet ex ipsius verbis: *Et hoc scimus ex eius effectibus, ut supra dictum est*, videlicet q. 2. art. 2. & cognitio Dei per effectus nullatenus est cognitio immediata Dei, cum inter Deum cognitum, & mentem contemplantem mediet effectus mentem in Dei cognitionem manu ducens. Unde quidditativa cognitio effectus naturalis facit nos assentire huic propositioni: *Deus author nature existit*; si autem effectus sit supernaturalis, eius cognitio facit, nos cognoscere veritatem huius propositionis: *Deus author gratie existit*. Hæc autem cognitio per effectus sive naturales, sive supernaturales, non est cognitio immediata, ut dictum est; sed est cognitio procedens à specie propria ipsorum effectuum, atque adeò immediatè ad ipsos terminata, mediatè verò ad obiectum secundarium,



darium, seu terminativum, nempe Deum. Et quòd detur hæc mediata Dei contemplatio, nobis non opponitur; quin potius num. 45. illam admittimus. Vnde D. Thom. negat, & concedit in nobis cognitionem Dei quoad *an est* in dicto art. Negat immediatam; & ideo eius dicto nostrum assertum probavimus. Concedit mediatam, quod nec nobis opponitur, nec adversariis aliquam utilitatem præstat.

Quod si animadvertisset Scotus, non adeò imprudenter Ang. Præcept. de inconsequentia appellasset in 1. dist. 3. q. 1. quam enim inconsequentiam, seu contradictionem invenit Scoti subtilissima mens in eo, quòd aliquis mediatè seire dicatur id ipsum, quod immediatè traditur ignorare? Cuius clarissimæ veritatis fundamentum habet Scotus in illo decantato Philosophi syllogismo: *ast, quia de Div. Thom. agimus, verbis D. Thomæ loquemur. Ipse enim Ang. Doct. paulò ante locum citatum, & ab Scoto repræhensum, scilicet q. 2. art. 1. ad 1. ait rem prorsus eandem versans: Sed hoc non est cognoscere, simpliciter Deum esse, sicut cognoscere venientem non est cognoscere Petrum, quamvis sit Petrus veniens. Quid clarius? Solidius ve? Sanè, qui in hac doctrina aliquid, quod carpat, invenit, carpi ab omnibus debet. Videatur Caietan. tum art. citato: tum 2. posteriorum cap. 1. qui huius doctrinæ radicem detegit fundatam in discrimine dicto, quod adest inter existentiam creatam, & suum existibile ex vna parte, & existentiam divinam, propriumque existibile ex alia. Ex eo enim quòd existentia entis creati est ipsi accidentaria; propterea cùm scimus *an est* talis entis, non solum scimus *esse* significans veritatem propositionis, quam terminat; sed etiam scimus *esse* ipsius entis Creati. Ast, quia existentia Dei est ei essentialis, ideo cùm cognoscimus Deum quoad *an est*, cognoscimus quidem *esse*, quod veritatem propositionis significat; ignoramus tamen esse Dei. Quorum omnium ea ratio est; quòd per quæstionem *an est* non cog-*

noscitur quidditas rei, sed aliquid extra quidditatem: & per quæstionem *quid est* non cognoscitur quod est extra quidditatem, sed ipsa quidditas: quapropter entis creati existentia cognoscitur per quæstionem *an est*. Dei autem existentia requirit quæstionem *quid est*, vt dignoscatur.

§ 1. Dices: Si ita res se habet, species repræsentans Deum quoad *an est* non habet locum in Deo: at hoc est contra communem Theologorum sensum admittentium talem speciem, inter quos hoc ipsum tradunt P. P. Salmant. tract. 2. in annotat. ad art. 1. quæstionis 2. ex 1. p. & alibi frequenter: ergo data doctrina non est vera. Cætera nota sunt, & maior prob. Quia fundamentum allatum omnem speciem creatam Dei repræsentativam quoad *an est* penitus excludit, vt de se patet, quod cùm compati non possit cum illa communi Theologorum doctrina, clarissimè convincitur falsitatis.

Resp. Speciem immediatam, quam denegamus, non concedi ab omnibus Theologis, sed ab illis, quos supra nominavimus. Speciem autem mediatam, quam neutiquam negamus, sed concedimus, ab illis tradi, certum est. De hacque loquuntur P. P. Salmant. loco citato, & eodem tract. disp. 2. dub. 5. num. 27. & 29. & etiam dub. illo 4. ex tract. 2. 1. & alibi.

§ 2. Scio egregium Thomistam, qui pro aris, & focis tuetur, ac elucidat Thomisticam veritatem non admittentem speciem creatam Dei repræsentativam sive quoad *quid est*, sive quoad *an est*. Tandem loquutus de hac 2. specie concedit quòd potest admitti speciei creata repræsentativa SS. Trinitatis immediatè quoad *an est*, sumpta Trinitate, vt obiecto terminativo, non vt obiecto motivo. Movereturque 1. Quia Christus Dominus potuit vti discursu in vfu scientiæ infusæ: ergo cognito per discursum effectu supernaturali connexo cum Trinitate, subsequitur alia cognitio terminata ad ipsam Trinitatem, vt extremum illius connexionis: ergo sicut prima cognitio habet: spe-

speciem representantem immediate effectum illum cum Trinitate connexum; sic secunda cognitio ex illa prima deducta habet speciem representantem immediate Trinitatem, quæ est extremum connexionis.

Movetur 2. Quia inconvenientia, quæ dantur, vt non possit species creata Deum representare, vt obiectum motivum, cessant in specie representante ipsum vt obiectum terminativum: ergo datur talis species. Prob. antec. Inconvenientia illa sunt, quod species debet esse eiusdem immaterialitatis cum obiecto, quod debet illud continere, & alia, quæ supra dedimus: at hæc omnia verificantur relatè ad obiectum motivum, & non relatè ad terminativum: ergo.

Confirmatur: Quia talis species representans immediate Trinitatem tamquam obiectum terminativum, representat illam dependenter à creaturis sicut ab obiecto motivo, ad quorum instar ipsa Trinitas cognoscitur, & representatur: sed in hoc, quòd sic cognoscatur, & in specie creata ita representetur, nullum adest inconveniens: ergo &c.

53. Hactenus celebris hic Thomista: in cuius doctrinæ intelligentia tarditas mei captus sensibilibus demonstratur. Non enim percipere potui, in quo sensu loquatur, quod sic explicò: nam vel data verba continent aliquid novum contra, aut ultra id, quod in eodem art. ipse tradiderat cum communi Theologorum sententia circa cognitionem Dei quoad *an est*, & speciem ipsum sic representantem; vel nihil novum dicit: neutrum credibile mihi est. Hoc secundum inde constare videtur, quia si sensus huius Authoris esset, quòd species creata, sive impressa, sive expressa, quæ immediate representat aliquid creatum, extenditur ad representandum prædicatum increatum; subindeque cognito illo creato, quod immediate representat, extenditur cognoscens ad cognitionem prædicati increati extensivè in specie representati. Hoc si diceret, cum omni-

bus loqueretur, qui hoc, vel alio modo traditum, idem quoad substantiam sentimus. Sed aliò tendere data verba suspicari potest primò, quòd eorum author illis corrigit, seu explicat, à se in eodem art. dicta. Dixerat enim, repugnare speciem creatam immediate representativam Dei quoad *ad an est*. Modò verò asserit, illam doctrinam intelligendam esse de Deo, vt obiecto motivo, ac terminativo; non verò de ipso, vt obiecto terminativo.

Secundò: Quia hæc representatio Dei obiecti terminativi dicitur ab ipso immediata: cum re ipsa mediata sit: quandoquidem species solum obiectum primum, aut motivum, representat primario, & immediate: obiectum autem terminativum, seu secundarium non representat immediate, & primario, sed secundario, & mediato.

54. Si dicas: Quòd ille excessus, qui supra representabilitatem obiecti primarij est in specie, per quem extenditur ad obiectum terminativum, est, qui immediate representat obiectum terminativum: per illum enim nullum aliud obiectum representatur, nec est obiectum, quod mediet inter illum modum extensionis, & ipsum obiectum terminativum. Vnde immediate representatur tale terminativum obiectum.

Hoc si dicas: nihil te dixisse monstrabo: Tum quia ille excessus speciei representantis non est species: vnde ex eo, quòd ille modus, seu extensio immediate sit ad obiectum terminativum, colligi inde non potest, dari speciem immediate representativam Dei quoad *an est*. Tum quia hoc generale est cuicumque speciei: scilicet representare primario obiectum motivum, & extendi etiam ad secundarium: quin hactenus ab aliquo hæc extensio dicta sit species, aut quòd immediate representet illud secundarium obiectum, ad quod representandum extenditur. Tum denique, quia hoc generalissimum est cuicumque potentia, & habitui respectivo: quippe habitus respicit obiectum primum, & motivum, & eo medio



extenditur ad secundarium, & terminativum. Nec per hoc audivimus aliquem dicentem, potentias, vel habitus respicere immediatè obiecta secundaria: nec extensionem illam, quæ secundaria obiecta respiciunt, potentiam, vel habitum nominantem.

55. Hæc sunt, quæ aliquid diversū ab eo, quod communiter traditur, traditū in hac excogitatione suadent. Sed si diversum aliquid edocetur, hoc nobis durū, & superfluum apparet. Superfluum; quia vt obiectū terminativum cognoscatur sive sine discursu, sive cum illo, nō requiritur illa nova species existentiam Trinitatis immediatè repræsentans, sed sufficit species illa, quæ repræsentat primariò effectum supernaturalem cum Trinitate connexum, & ad ipsam Trinitatem extenditur; vt possit ipsa Trinitatis existentia cognosci. Et hoc tandem fatetur sententia adversa: vt enim constat ex confirmatione num. 52. posita, Trinitas cognoscitur, & repræsentatur in illa specie dependenter ab obiecto creato, ad cuius instar cognoscitur. Hoc ergo, nisi voces improprieemus, est asserere, quòd talis species non repræsentat immediatè Trinitatem, sed mediante eo obiecto, à quo species in repræsentando Trinitatem dependet, & ad cuius instar Trinitas ipsa cognoscitur. Illa quippe dependetia, & habitudo non potest non auferre immediationem.

56. Dura etiam nobis videtur sententia opposita: eò quòd inconvenientia, ob quæ Thomistæ denegamus speciem creatam Dei, vt obiecti motivi, & terminativi repræsentativam, non salvat. Et omisiss pluribus, quibus hoc ostendi poterat, hoc dilemma conficio. Illa species, quæ immediatè repræsentat existentiam Trinitatis, reddit ipsam existentiam proximè intelligibilem, nec nē? Si primum dicas: ecce inconveniens maximum, ob quòd D. Thom. non admittit speciem creatam Dei immediatè repræsentativam; ne videlicet Deus, qui ex se est summè, & proximè intelligibilis, reddatur intelligibilis per aliquid creatum, se tenens ex parte ipsius, vt i vera species tam impressa, quàm expres-

sa se tenerent. Si secundum aliteras, ergo illa species non repræsentat immediatè existentiam Trinitatis. Patet ista: Quia species reddit proximè intelligibile obiectum, quod ab ipsa, & in ipsa immediatè repræsentatur. Illa enim species aliquod obiectum reddit proximè intelligibile. Ad hoc quippe instituta est: sin minus in rerum natura non foret. Rogo nunc: Quod obiectum redditur proximè intelligibile per dictam speciem? Non adest aliud obiectum, nisi Trinitatis existentia, quam immediatè aliteris repræsentare: ergo ipsam Trinitatis existentiam proximè intelligibilem reddit. Vel si datur aliquod aliud obiectum, quod proximè intelligibile faciat, illud, & non existentiam Trinitatis immediatè repræsentabit.

57. Si dicas: Adest aliud obiectum motivum, quod intelligibile reddit: sed non terminativum, & ideo hoc immediatè repræsentat. *Contra 1.* Quia hæc evasio est sub hasta omnium eorum, quæ dicta sunt, maximè num. 54. *Contra 2.* Quia species illud obiectum reddit proximè intelligibile: ex parte cuius se tenet: talis species se tenet ex parte existentie Trinitatis: siquidem illam immediatè repræsentat: ergo. *Contra 3.* Quia species reddit intelligibile illud obiectum, quod est sibi primarium, seu primariò ab ipsa repræsentatur: sed relatè ad dictam speciem obiectum primarium est existentia Trinitatis. Patet ista: Quia idem prorsus est obiectum primarium, & obiectum immediatè repræsentatum: ergo illam Trinitatis existentiam reddit proximè intelligibilem.

Quòd si has etiam instantias, elidere coneris recurru illo obiecti motivi, ac terminativi, dicam vltimò: ergo illamet species quæ immediatè repræsentat existentiam Trinitatis vt obiectū terminativum, repræsentat immediatè aliud obiectum motivum, ad cuius instar repræsentatur Trinitas. Non negabis consequentiam, vt constat ex cōfirmatione posita num. 52. subsumo tamen: Sed hoc iuxta omnium sensum est repræsentare immediatè Trinitatem: ergo non repræsentat illam immediatè. Min. subsumpt. prob.

prob. 1. ex communi consensu Theologorum assertentium, quod obiectum, quod repræsentatur dependet ab alio, non immediate, sed mediatè repræsentatur: sed per te Trinitas repræsentatur in illa specie dependenter ab alio obiecto, scilicet motivo: ergo mediatè repræsentatur. Prob. 2. illa min. Repræsentari dependenter ab alio obiecto motivo est connotativè repræsentari: repræsentari connotativè est mediatè repræsentari: ergo. Cætera nota sunt. Prob. min. Tum quia sic ab omnibus intelligitur. Tum quia paritas subiicienda hoc suadet. Etenim cognitio connotativè attingens aliquod obiectum, non immediate, sed mediatè illud cognoscit, ut nemo negare audebit: ergo pariformiter species connotativè repræsentans aliquod obiectum illud mediatè repræsentat.

Paritas modò proposita cognitionis urgentiam obtulit, qua dicta omnia roboro, & hunc discursum claudio. Etenim si dicta species repræsentaret immediate existentiam Trinitatis, daretur etiam cognitio immediate terminata ad existentiam Trinitatis, tamquam ad obiectum terminativum: cognitio hæc implicat: ergo & species illa. Maiorem concedit sententia contraria dicēs, Trinitatem repræsentari, cognoscique immediate in dicta specie. Probo min. Illa cognitio immediate attingens Trinitatis existentiam tamquam obiectum terminativum esset cognitio quoad *an est* ipsius Trinitatis: sed cognitio terminata immediate ad existentiam Trinitatis implicat, quod sit cognitio quoad *an est*: ergo absolute implicat. talis cognitio. Bona est consequ. & innegabilis maior. Minor autem prob. Cognitio immediate terminata ad prædicatum quiddativum Trinitatis, etiam tamquam ad obiectum terminativum, ( si dabilis est cognitio immediata obiecti, quod purè terminativum, & secundarium sit, & non etiam motivum ) est cognitio quiddita-

tiva: dicta cognitio terminatur immediate, tamquam ad obiectum terminativum, ad prædicatum quiddativum Trinitatis, scilicet ad ipsius Trinitatis existentiam: ergo implicat, quod sit cognitio quoad *an est*. Maneat ergo, quod non est dabilis species immediate repræsentativa prædicati divini, etiam per modum obiecti terminativi. Sed eo ipso, quod talis species dependet ab alio obiecto repræsentet prædicatum divinum, hoc divinum prædicatum mediatè tantum repræsentatur in tali specie: De quo mirè agunt citati P.P. Salmanticensis.

Alia plura argumenta sunt, sed quæ ex dictis manu levissima evacuantur. Vnde his finitur disp. præsens, & totum hoc secundum prædicabile de natura mysticè perfectiva, totusque hic secundus totus cursus Theologiæ Mystico-Scholasticæ. Vtinam in eo scripta cedant in laudem, & gloriam omnipotentis Dei in propria, alienaque natura existentis, & gloriosissimæ semper Virginis MARIÆ de Monte Carmel. eius dulcissimi Sponsi, Sanctissimi mei Patroni Div. Ioseph, Ang. Præcept. Div. Thom. cuius doctrina mihi est pro Cynosura, & Helice; Sanctissimæ M. meæ Theresiæ sublimis mysticæ doctrinæ Magistræ, ac Mystici nostri Doct. D. Joannis à Cruce, cuius hæc sunt verba in prologo ad opus de ascens. *Sic in aliquo defecerim ob defectum intellectus, meus animus nunquam est, segregari à sano sensu, ac doctrina S. M. Ecclesiæ catholicæ. Tunc enim penitus me subijcio ne dum luci indefectibili, & Ecclesiæ ordinationi: verum etiam dilectamini cuiuscunque, qui melius de his iudicaverit.* Hæc, quæ ex hoc Sanctis. Doct. exscribo, vitroncus scribo, & lætio, & in hac præclara, ac nobili subiectione volo vivere, volo mori.



*Hispali: ex typograph. Francisci Garay, in Vico de Vizcaynos.*



# INDEX

## LOCORVM SACRÆ SCRIPTVRÆ,

QVÆ IN HOC OPERE CONTINENTVR.

Primus numerus disputationem signat, secundus verò marginalis est.

## EX VETERI TESTAMENTO.

### EX LIBRO GENESIS.

Cap. 32. v. 30. *Vidi Deum facie ad faciem, & salva facta est anima mea.* 9.

45.

Cap. 33. v. 1. *Elevans autem Iacob oculos suos vidit venientem Esau.* 9.

47.

V. 3. *Et ipse progrediens adoravit pronus in terram septies, donec appropinquaret frater eius.* ibi.

Cap. 48. v. 16. *Angelus, qui eruit me de cunctis malis, benedicat pueris istis.* 5. 18.

### EX LIB. EXODI.

Cap. 14. v. 20. *Erat nubes tenebrosa, & illuminans noctem.* 7. 55.

### EX LIB. DEUTERON.

Cap. 5. v. 5. *Ego sequeſter, & medius fui inter Dominum, & vos.* 5. 28.

Cap. 33. v. 12. *Antissiſſimus Domini habitabit confidenter in eo: quasi in thalamo tota die morabitur, & inter humeros illius requiescet.* 10. 10. & 12. 91.

### EX LIB. PRIMOREGUM.

Cap. 2. v. 25. *Si peccaverit vir in virum, placari ei potest Deus: Si autem in Dominum peccaverit vir, quis orabit pro eo?* 6. 213.

Cap. 3. v. 10. *Loquere, Domine, quis audit servus tuus.* 7. 79.

### EX LIB. TERTIO REGUM.

Cap. 8. v. 39. *Tu noſti ſolus cor omnium filiorum hominum.* 4. 39.

Cap. 17. v. 4. *Corvisque præcepi, ut pascant te ibi.* 11. 8.

### EX LIB. SECUNDO PARALIPOM.

Cap. 21. v. 14. & 15. *Ecce Dominus percutiet te plaga magna cum populo tuo, & filiis, & vxoribus tuis, universaque substantia tua. Tu autem*

*agrotabis pessimo languore vteri tui.* 5. 85.

### EX LIB. ESTHER.

Cap. 15. v. 18. *Cumque loqueretur, rursus corruit, & penè exanimata est.* 10. 170.

### EX LIB. IOB.

Cap. 5. v. 1. *Voca ergo, si est, qui tibi respondeat, & ad aliquem Sanctorum convertere.* 5. 99.

Cap. 19. v. 21. *Miseremini mei, miseremini mei, saltem vos amici mei.* ibi. 61.

Cap. 33. v. 23. *Si fuerit pro eo Angelus loquens, &c.* ibidem.

Cap. 36. v. 32. *In manibus abscondit lucem, ut rursus adveniat.* 14. 42.

Cap. 38. v. 41. *Quis preparat corvo escam suam, quando pulli eius clamant ad Deum, vagantes, eò, quòd non habeant cibos?* 11. 8.

Cap. 24. v. 19. *Ad nimium calorem transeat ab aquis nivium.* 6. 120.

Cap. ultim. v. 8. *Ite ad servum meum Iob, & offerite holocaustum pro vobis: Iob autem servus meus orabit pro vobis.* 5. 35.

### EX LIB. PSALMORUM.

Pſalm. 1. v. 1. *Beatus vir, qui non abiit in consilio impiorum: Sed in lege Domini voluntas eius.* 12. 21.

Pſalm. 10. v. 17. *Desiderium pauperum exaudivit Dominus.* 2. 108.

Pſalm. 127. v. 2. *Labores manuum tuarum, quia manducabis, beatus es.* 10. 87.

Pſalm. 16. v. 15. *Satiabor, cum apparuerit gloria tua.* 4. 40.

Pſalm. 18. v. 3. *Dies diei erullat verbum, & non noſti indicat ſcientiam.* 7. 36.

Pſalm. 25. v. 2. *Proba me, Domine, & tenta me.* 2. 69.  
 Pſalm. 36. v. 30. *Os iuſti meditabitur ſapientiam.* 2. 106.  
 Pſalm. 38. v. 4. *In meditatione mea exardeſces ignis.* 1. 8. & 2. 27.  
 Pſalm. 41. v. 4. *Fuerunt mihi lachryma mea panes die, ac nocte.* 9. 59.  
 Pſalm. 50. v. 5. *Peccatum meum contra me eſt ſemper.* 1. 2.  
 Pſalm. 54. v. 7. *Quis dabit mihi pennas ſicut columba, & volabo, & requieſcam?* 10. 10.  
 Pſalm. 16. v. 2. *Nonne Deo ſubiecta erit anima mea?* 10. 11.  
 V. 13. *Tu reddes unicuique iuxta opera ſua.* 6. 155.  
 Pſalm. 69. v. 2. *Deus, in adiutorium meum intende, Domine, &c.* 6. 28.  
 Pſalm. 70. v. 18. *Uſque in ſenectam, & ſenium, Deus, ne derelinquas me.* 5. 65.  
 Pſalm. 72. v. 22. & 23. *Ego ad nihilum reductus ſum, & nescivi. Ut iumentum factus ſum apud te, & ego ſemper tecum.* 7. 81.  
 Pſalm. 76. v. 4. *Memor fui Dei, & delectatus ſum.* 6. 119.  
 Pſalm. 84. v. 9. *Audiam, quid loquatur in me Dominus Deus.* 2. 26. & 7. 80.  
 Pſalm. 103. v. 21. *Catuli leonum rugientes, ut rapiant, & quarant à Deo eſcam ſibi.* 11. 8.  
 Pſalm. 118. v. 2. *Beati, qui ſcrutantur teſtimonia eius: in toto corde exquirunt eum.* 1. 2.  
 V. 70. *Legem tuam meditatus ſum.* ibi. 8.  
 V. 92. *Niſi quòd lex tua meditatio mea eſt, &c.* ibid.  
 Pſalm. 127. v. 7. *Labores manuum tuarum, quia manducabis, beatus es.* 10. 87.  
 Pſalm. 136. v. 1. *Super flumina Babylonis illic ſedimus, & fleuimus.* 9. 61.  
 Pſalm. 138. v. 11. *Et nox illuminatio mea in deliciis meis.* 7. 56.  
 Pſalm. 140. v. 2. *Dirigatur, Domine, oratio mea, ſicut incenſum in conſpectu tuo.* 2. 726.  
 Pſalm. 146. v. 9. *Qui dat iumentis eſcam ipſorum, & pullis corvorum invocantibus.* 11. 8.

EX LIB. PROVERB.

Cap. 8. v. 28. *Circumdabat mari terminum ſuum, & legem ponebat aquis, ne transirent fines ſuos.* 11. 8.  
 V. 30. & 31. *Ludens coram eo omni tempore, ludens in orbe terrarum, & delicia mea, &c.* 9. 52.  
 Cap. 25. v. 20. *Acetum in nitro, qui catat carmina cordi peſſimo.* ibid. 62.  
 Cap. 31. v. 28. *Non exinguetur in nocte lucerna eius.* 10. 153.

EX LIB. ECCLESIASTES.

Cap. 7. v. 3. *Melius eſt ire ad domum luctus, quam ad domum convivii.* 9. 95.  
 V. 5. *Cor Sapientium ubi triſtitia eſt, & cor ſulſorum ubi latitia.* ibid.  
 Cap. 9. v. 5. *Viventes enim ſciunt, ſe eſſe morituros, mortui vero nihil noverunt amplius.* 4. 42.  
 Cap. 11. v. 3. *Si ceciderit lignum ad Austrum, aut ad Aquilonem, in quocumque loco ceciderit, ibi erit.* 6. 127.  
 Cap. 12. v. 12. *Frequenſque meditatio carnis afflictiò eſt.* 10. 10. & 2. 27.

EX LIB. CANTIC.

Cap. 1. v. 7. *Indica mihi :: Vbi paſcas, ubi cubes in meridie.* 6. 21.  
 V. 12. *Cum eſſet Rex in accubitu ſuo, nardus mea dedit odorem ſuum.* 5. 75.  
 Cap. 2. v. 3. *Sub umbra illius, quem deſideraveram, ſedi: & fructus eius dulcis gutturi meo.* 12. 92.  
 Cap. 2. v. 5. *Fulcite me ſloribus, ſtipate me malis: quia amore languet.* 5. 59.  
 V. 10. *En dilectus meus loquitur mihi.* 5. 76.  
 V. 13. *Surge, amica mea, ſpecioſa mea, & veni.* 9. 2.  
 V. 15. *Capite nobis vulpes parvulas, qua demoliantur vineas.* 5. 60.  
 Cap. 3. v. 1. 2. & 3. *In lectulo meo per noctes quaſivi, &c.* 6. 8.  
 V. 5. *Adiuvo vos, filia Ieruſalem, ne ſuſcitetis, nec evigilare faciatis dilectam, donec ipſa velit.* 1. 80.  
 Cap. 4. v. 8. *Veni de Libano, Sponſa mea, veni de Libano, veni coronaberis.* 10. 87.  
 Cap. 5. v. 6. & 7. *Peffulum oſtii mei* ape-

# SACRÆ SCRIPTURÆ

- aperui dilectio meo, at ille declinaverat, atque transierat. 5. 78.
- V. 8. Adintro vos, filia Ierusalem, si invenieritis dilectum meum. 5. 56. & 79.
- V. 9. Quid abiit dilectus meus, à pulcherrimis mulicrum, & quaremus eum tecum. 5. 79.
- Cap. 6. v. 7. Sexaginta sunt Regina, & octoginta concubina, & adolescentularum non est numerus. 1. 51.
- Cap. 7. v. 10. Ego dilectio meo, & ad me conversio illius. 5. 76.
- V. 11. Veni, dilecte mi, egrediamur in agrum. ibidem.
- Cap. 8. v. 5. Quia est ista, qua ascendit de deserto, delitius assilens, innixa super dilectum suum. ibidem.
- V. 6. Fortis est ut mors dilectio. 10. 167.
- V. 13. Quia habitas in hortis, amici auscultans: fac me audire vocem tuam. 5. 58.

## EX LIB. SAPIENTIÆ.

- Cap. 6. v. 19. Cura ergo disciplina dilectio est: & dilectio custodia legum illius est: custoditio autem, &c. 11. 104.
- Cap. 7. v. 7. Invocavi, & venit in me spiritus sapientia. 2. 31. & 9. 33. & 11. 30.
- V. 8. Et proposui illam Regnis, & sedibus, & divitiis nihil esse duxi in comparatione illius. 9. 1.
- V. 11. Venerunt autem mihi omnia bona pariter cum illa, & innumerabilis honestas per manus illius. 9. 1.
- V. 13. Quam sine fictione didici, & sine invidia communico, & honestatem illius non abscondo. ibidem.
- V. 29. Est enim hac speciosior sole, &c. 9. 3.
- Cap. 8. v. 1. Disponit omnia suaviter. 38.
- V. 2. Et amator factus sum forma illius. 9. 1.
- V. 3. Sed & omnium Dominus dilexit illam. ibid. 2.
- V. 16. Intrans in domum meam, conquiescam cum illa. 10. 10.
- Ibid. Non habet amaritudinem conversatio illius, nec tadum convictus illius, sed letitiam, & gaudium. 9. 1. & 33.

- Cap. 9. v. 15. Corpus enim, quod erumpitur, aggravat animam, & terrena inhabitatio deprimit sensum multa cogitantem. 9. 45.
- Cap. 13. v. 5. Amagnitudine enim speciei, & creatura cognoscibiliter potest Creator horum videri. 12. 104.

## EX LIB. ECCLESIAST.

- Cap. 7. v. 38. Non desis plorantis in consolatione, & cum lugentibus ambula. 9. 95.
- Cap. 15. v. 3. Cibabit illum pane vite, & intellectus, &c. 10. 1.
- Cap. 18. v. 23. Ante orationem prapara animam tuam. 2. 24.
- Cap. 22. v. 6. Musica in luctu importuna narratio. 9. 62.
- Cap. 24. v. 29. Qui edunt me, adhuc esurient, & qui bibunt me, adhuc sitient. 6. 31.
- Cap. 30. v. 22. & 25. Tristitia non des anima tua. Multos enim, &c. 9. 99.
- Cap. 38. v. 25. Sapientia scriba in tempore vacuitatis: & qui minoratur actu, sapientiam percipiet. 7. 31.
- Cap. 44. v. 1. Laudemus viros gloriosos, & Parentes nostros. 5. 51.
- Cap. 48. v. 1. Surrexit Elias Propheta, quasi ignis. 5. 92.

## EX ISAIAE.

- Cap. 8. v. 19. Cum dixerint ad vos: quarite à pythonibus, & à Divinis, &c. 5. 23.
- Cap. 14. v. 19. Tu autem proiectus es. 6. 89.
- Cap. ultim. v. 24. Ignis eorum non exstinguetur, & vermis eorum non morietur. 6. 71. & 113.

## EX IEREMIA.

- Cap. 7. v. 16. Tu ergo noli orare pro populo hoc: & non obstitas mihi: quia non exaudiam te. 6. 212.
- Cap. 12. v. 11. Desolatione desolata est omnis terra: quia nullus est, qui recogitet corde. 1. 2.

## EX EZECHIELE.

- Cap. 22. v. 30. Quasi de eis virum, qui interponeret sepem, & staret oppositus contra me pro terra. 7. 28:

## EX DANIELE.

- Cap. 3. v. 57. Benedicite omnia opera Domini Domino. 11. 8.

## SACRÆ SCRIPTURÆ.

- V. 72. *Benedicite, lux, & tenebræ, Domino.* ibi.  
V. 81. *Benedicite, omnes bestia, & pecora, Domino.* ibi.

### EX IONA.

- Cap. 3. v. 7. & 8. *Boves, & pecora non gustent quicquam, nec pascantur, & aquam non bibant. Et operiantur saccis homines, & iumenta, & clament ad Dominum in fortitudine.* 11. 8.

### EX SOPHONIA.

- Cap. 1. v. 8. *In die Hostia Domini visitabo super Principes, & super filios*

*Regis, & super omnes, qui induti sunt veste peregrina.* 11. 138.

### EX ZACHAR.

- Cap. 1. v. 3. *Convertimini ad me, & ego convertar ad vos.* 3. 40.

### EX LIB. SECUNDO MACHAB.

- Cap. 12. v. 42. *Et ad preces conversi, rogaverunt, ut id, quod factum erat, delictum obliuioni traderetur, &c.* 6. 90. & 111. & 149.

- V. 46. *Sancta ergo, & salubris est cogitatio pro defunctis exorare, ut à peccatis solvantur.* 6. 146.

## EX NOVO TESTAMENTO.

### EX D. MATTH.

- Cap. 1. v. 21. *Ipsè enim saluum faciet populum suum.* 5. 28.  
Cap. 4. v. 10. *Deum tuum adorabis, & illi soli seruias.* 3. 13.  
Cap. 5. v. 5. *Beati, qui lugent: quoniam ipsi consolantur.* 9. 76.  
V. 7. *Beati misericordes: quoniam ipsi misericordiam consequentur.* 6. 69. & 105.  
Cap. 6. v. 9. *Sic ergo vos orabit: Pater noster, &c.* 5. 13. & 24. & 39.  
V. 13. *Et nò nos inducas in tentationem.* 2. 69. & 73.  
V. 33. *Quarite ergo primum Regnum Dei, & institutum eius.* 3. 41.  
Cap. 7. v. 8. *Omnis, qui petit, accipit, qui quatit, inuenit, & pulsanti aperietur.* 3. 41.  
Cap. 12. v. 32. *Quicumque dixerit verbum contra Filium hominis, remittetur ei: qui autem dixerit contra Spiritum Sanctum, &c.* 6. 206.  
Cap. 19. v. 17. *Si autem vis ad vitam ingredi, serua mandata.* 5. 37.  
V. 21. *Si vis perfectus esse, vade, vende, qua habes.* ibid. & 11. 40.  
Cap. 21. v. 13. *Domus mea domus orationis, &c.* 3. 41.  
Cap. 24. v. 46. *Beatus ille seruus, quem, cum venerit Dominus eius, &c.* 5. 20.  
Cap. 25. v. 41. *Discedite à me, maledicti, ignem aeternum, qui, &c.* 6. 71.  
V. 46. *Et ibunt hi in supplicium aeternum: ipsi autem in vitam aeternam.* ibid.

- Cap. 26. v. 33. *Antequàm gallus cantet, ter me negabis.* 3. 195.

- V. 34. *Etiamsi omnes scandalizati fuerint in te, ego numquàm scandalizabor.* 6. 197.

- V. 41. *Vigilate, & orate, ut non intretis in tentationem.* 6. 29.

- Cap. 27. v. 46. *Eli, Eli, lamma sabachthani?* 5. 98.

- V. 47. *Eliam vocas.* 5. 91.

- V. 49. *Sine, videamus, an veniat Elias liberans eum.* ibid.

### EX D. MARCO.

- Cap. 15. v. 36. *Sinite, videamus, si veniat Elias ad deponendum eum.* 5. 98.

### EX D. LUCA.

- Cap. 1. v. 38. *Ecce ancilla Domini, fiat mihi secundum verbum tuum.* 7. 81. & 5. 77.

- V. 49. *Quia fecit mihi magna, qui potens est: & Sanctum nomen eius.* 6. 3.

- Cap. 2. v. 11. *Natus est vobis hodie Salvator, qui est Christus.* 5. 28.

- V. 35. *Et tuam ipsius animam pertransibit gladius.* 10. 154.

- Cap. 6. v. 12. *Exiit in montem orare, & erat pernoctans in oratione Dei.* 4. 8.

- Cap. 10. v. 27. *Illiges Dominum Deum tuum ex toto corde tuo, & ex tota anima tua, & ex omnibus viribus tuis.* 11. 74.

- V. 41. & 42. *Sollicita es, & turbaris erga plurima. Porro unum est necessarium. Maria optimam partem elegit, qua*

# INDEX

- qua non auferetur ab ea. 7. 31. & 10. 48.
- Cap. 11. v. 2. Cum oratis, dicite: Pater, sanctificetur nomen tuum. 5. 24. & 39.
- Cap. 16. v. 24. Ut refrigeret linguam meam, quia crucior in hac flamma. 6. 108. & 117.
- V. 26. Inter nos, & vos chaos magnum firmatum est: ut hi, qui volunt hinc transire ad vos, non possint, neque inde huc transmeare. ibidem.
- V. 28. Habeo enim quinque fratres, ut testetur illis, ne & ipsi veniant in hunc locum tormentorum. 6. 91.
- Cap. 18. v. 1. Oporteret semper orare. 3. 6. & 14. & 29.
- Cap. 21. v. 33. Cælum, & terra transibunt: verba autem mea non transibunt. 6. 90.
- Cap. 23. v. 34. Pater, dimitte illis: non enim sciunt, quid faciunt. 4. 8.
- EX D. IOANNE.
- Cap. 1. v. 9. Illuminat omnem hominem venientem in hunc Mundum. 3. 39.
- Cap. 4. v. 13. Qui autem biberit ex aqua, quam ego dabo ei, non sitiet in aeternum. 6. 33.
- V. 23. Venit hora, & nunc est, quando veri adoratores adorabunt Patrem in spiritu, & veritate. 7. 52.
- Cap. 6. v. 54. Nisi manducaveritis carnem filii hominis, & biberitis eius sanguinem, non habebitis vitam in vobis. 6. 106.
- V. 59. Qui manducat hunc panem, vivet in aeternum. ibidem.
- Cap. 9. v. 31. Peccatores Deus non audit. ibid. 167.
- Cap. 11. v. 42. Ego autem sciebam, quia semper me audis, sed propter populum, qui circumstat, dixi, &c. 4. 17.
- V. 49. Unus autem ex ipsis Caiphas nomine, cum esset Pontifex anni illius, &c. 12. 111.
- Cap. 16. v. 23. In illo die me non rogabitis quidquam. Amen, amen dico vobis, &c. 5. 72.
- V. 24. Ut gaudium vestrum sit plenum. 4. 40.
- V. 26. & 27. Non dico vobis, quia ego rogabo Patrem de vobis. ipse enim Pater amat vos. 5. 73.

- Cap. 17. v. 3. Hec est autem vita aeterna, ut cognoscant te. 8. 46.
- Cap. 19. v. 25. Stabant autem iuxta Crucem IESU, Mater eius. 4. 8.
- Cap. 20. v. 4. Currebant autem duo simul. 1. 85.
- Cap. 21. v. 17. Pasce oves meas. 10. 180.
- EX ACT. APOSTOLOR.
- Cap. 7. v. 32. Tremefactus autem Moyses, non audebat considerare. 11. 42.
- Cap. 20. v. 28. Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei, quam acquisivit sanguine suo. 10. 180.
- EX EPIST. AD ROMANOS.
- Cap. 1. v. 20. Invisibilia enim ipsius per ea, quae facta sunt, intellecta conspiciuntur. 8. 11.
- Cap. 8. v. 24. Spes autem, quae videtur, non est spes: nam quod videt quis, quid sperat? 6. 8.
- V. 26. Ipse spiritus postulat pro nobis, gemitibus inenarrabilibus. 11. 8.
- V. 34. Qui est ad dexteram Dei, qui etiam interpellat pro nobis. 4. 12.
- Cap. 9. v. 3. Optabam enim ego ipse anathema esse a Christo pro fratribus meis. 10. 84.
- Cap. 10. v. 14. Quomodo invocabunt, in quem non crediderunt? 3. 57.
- Cap. 11. v. 32. Concluserunt enim Deus omnia in incredulitate: ut omnium misereatur. 6. 87.
- Cap. 13. v. 1. Quae autem sunt, a Deo ordinate sunt. 1. 38.
- Cap. 15. v. 30. Obsecro vos, fratres, &c. ut adiuvetis me in orationibus vestris pro me. 5. 62.
- EX EPIST. 1. AD CORINTH.
- Cap. 2. v. 15. Spiritualis enim indicat omnia. 12. 116.
- Cap. 9. v. 22. Omnibus omnia factus sum, ut omnes facerem salvos. 5. 28.
- Cap. 12. v. 25. Pro invicem solliciti sint membra. 6. 54.
- V. 13. Excellentiorẽ viam vobis demonstrò. 12. 21.
- Cap. 14. v. 15. Orabo spiritu, orabo & mente. ibi. 5.
- EX SECUNDA AD CORINTH.
- Cap. 4. v. 10. Semper mortificationem

# INDEX

- IESU in corpore nostro circumferentes,*  
*&c.* 1. 10.  
 Cap. 5. v. 6. & 7. *Dum sumus in cor-*  
*porē peregrinamur à Domino: per fi-*  
*dem enim ambulamus.* 6. 15.  
 V. 10. *Omnes enim nos manifestari opor-*  
*tes ante Tribunal Christi, ut referas*  
*unusquisque, prout gessit.* ibi. 155.  
 Cap. 7. v. 9. *Gaudeo: non quia constri-*  
*tati estis, sed quia constripti estis ad*  
*pœnitentiam. Contristati enim estis*  
*secundum Deum.* 9. 98.

## EX AD GALATAS.

- Cap. 2. v. 20. *Fixo autem iam non ego:*  
*vixit verò in me Christus.* 10. 3.  
 Cap. 3. v. 19. & 20. *Ordinata per An-*  
*gelos in manu Mediatoris. Mediator*  
*autem unius non est: Deus autem*  
*unus est.* 5. 28.  
 Cap. 6. v. 5. *Unusquisque enim onus su-*  
*um portabit.* 6. 156.

## EX AD COLOSSENSES.

- Cap. 2. v. 18. *Nemo vos seducat, volens*  
*in humilitate, & Religione Angelo-*  
*rum, quæ non viat ambulans.* 5. 27.  
 & 34.  
 Cap. 3. v. 14. *Charitas est vinculum*  
*perfectiōis.* 6. 73.  
 Cap. 4. v. 3. *Orantes simul, & pro no-*  
*bis, ut Deus aperiat nobis osium ser-*  
*monis.* 5. 62.

## EX PRIMA AD THESSALON.

- Cap. 5. v. 17. *Sine intermissione orate.*  
 3. 14.

## EX 2. AD THESSALON.

- Cap. 3. v. 1. *De cætero fratres orate pro*  
*nobis, ut sermo Dei currat.* 5. 62.

## EX PRIMA AD TIMOTHEUM.

- Cap. 2. v. 1. *Obsecro igitur primum om-*  
*nium obsecrationes fieri, orationes,*  
*postulationes, &c.* 2. 58.

- V. 4. *Deus vult omnes homines salvos*  
*fieri, & ad agnitionem veritatis ve-*  
*nire.* 6. 172.

- V. 5. *Unus enim Deus, unus & Media-*  
*tor Dei, & hominum homo Christus*  
*IESUS.* 5. 26. & sequentibus.

## EX EPIST. AD PHILEMONEM.

- V. 17. *Si ergo habes me facium, suscipe*  
*illum, sicut me.* 4. 41.

## EX AD HÆBREOS.

- Cap. 7. v. 25. *Pude & salvare in per-*

*petuum potest accedentes per semetip-*  
*sos ad Deum: semper vivens ad in-*  
*terpellandum pro nobis.* 5. 73.

- Cap. 13. v. 20. *Deus autem pacis, qui*  
*eduxit de mortuis pastorem magnum*  
*ovium in sanguine testamenti æterni,*  
*Dominum nostrum Iesum-Christum.*  
 10. 180.

## EX EPIST. D. IACOBI.

- Cap. 1. v. 4. *Patientia autem opus per-*  
*fectum habet.* 1. 79.

- Cap. 2. v. 10. *Quicumque autem totam*  
*legem servaverit, offendat autem in*  
*uno, factus est omnium reus.* 6. 105.

- V. 13. *Iudicium enim sine misericordiam*  
*illi, qui non fecit misericordiam.* 6.  
 104.

- Cap. 5. v. 14. *Infirmatur quis in vobis?*  
*Inducat Presbyteros Ecclesie, & orent*  
*super eum, &c.* 7. 43.

## EX EPIST. 1. B. PETRI.

- Cap. 1. v. 12. *In quem desiderant An-*  
*geli prospicere.* 6. 32.

## EX EPIST. SECUNDA.

- Cap. 1. v. 21. *Non enim voluntate huma-*  
*na allata est aliquando prophetia: sed*  
*Spiritu Sancto inspirati, loquuti sunt*  
*Sancti Dei homines.* 2. 14.

## EX EPIST. PRIMA B. IOANNIS.

- Cap. 2. v. 1. *Advocatum habemus apud*  
*Patrem Iesum-Christum, Iustum.* 4. 12.  
 & 5. 14. & 28. & 72.

- Cap. 4. v. 18. *Perfecta charitas foras*  
*mittit timorem.* 4. 62.

- Cap. 5. v. 16. *Qui scit fratrem suum*  
*peccare peccatum non ad mortem, pe-*  
*ccat, & dabitur ei vita peccanti non ad*  
*mortem. Est peccatum ad mortem: non*  
*pro illo dico, ut roget quis.* 6. 212.

## EX APOCALYPSI.

- Cap. 14. v. 13. *Beati mortui, qui in*  
*Domino moriuntur :: Opera enim il-*  
*lorum sequuntur illos.* 6. 155.

- Cap. 18. v. 7. *Quantum glorificavit se,*  
*& in deliciis fuit, tantum date illi*  
*tormentum, & luctum.* 6. 135.

- Cap. 20. v. 9. *Diabolus, qui seducebat*  
*eos, missus est in stagnum ignis, &*  
*sulphuris, &c. ibi.* 71. & 103.



IN:



# INDEX RERVM NOTABILIVM,

QVÆ IN HOC OPERE CONTINENTVR.

PRIMUS NUMERUS DISPUTATIONEM INDICAT: SECUNDUS  
verò, & si qui aliqui, marginalem signant.

## A

ABEL.

Pro eo, & aliis defunctis D. Jacob mi-  
nor orabat. 6. 147.

ABRAHAM.

In Limbo non fuit comprehensor. 4.  
44.

Tenebatur ad immolandum filium;  
quia ei fuit præceptum. 5. 41.

Ad eum oravit Dives dānatus. 5. 89.

ACCIDENS.

Accidens non potest actuare subiec-  
tum non perfectibile. 1. ante n. 1.

Contemplatio est accidens perfectivum  
naturæ rationalis. ibi.

Fides est accidens, licet dicatur sub-  
stantia. 7. 82.

Accidenti perfectior substantias & ab  
eo exceditur secundum quid. 10.  
42.

Ab accidenti repugnat substantiam ani-  
mæ speciem sumere. 12. 1.

ACTIO.

Divisio actionis in immanentem, &  
transeuntem, non est univoca. 8.  
54.

Non omnis actio collocatur in prædi-  
camento actionis. ibi.

Nomen *actio* propriissimè significat  
transeuntem. 8. 45.

Hæc transit in rem exteriorem. ibidem.

Nomen *operatio* significat actionem  
immanentem. ibi.

Hæc non transit in rem exteriorem.  
ibi.

Nec petit terminum producere. ibi.

Est simul *feri, & factum esse*. ibi.

Actio prædicamentalis fluit ab agente  
cum motu. 8. 48.

Actio dupliciter est effectus contem-  
plationis. 11. 69.

ACTUS.

Imperfectus prius habetur, quam per-  
fectus, dum proceditur de potentia  
ad actum. 1. 4.

Actus imperfectus est medium inter  
potentiam, & actum. ibi.

Non potest haberi actus perfectus, quin  
præhabeatur imperfectus, dum pro-  
ceditur de potentia ad actum. ibi.

Actus virtutum moralium disponunt  
ad contemplationem. 1. 33.

Actus non elicitur à potentia, si mediat  
potentia, & habitus, vel solus hic.

2. 124. & 125.

Si sola potētia mediat, actus elicitur ab  
habitu in alia potentia residēte. ibi.

Actus procedens à potentia dependen-  
te ab alia, ab utraque dependet: ab  
vna ut movente, ab alia ut mota.

2. 136.

Actus habet *esse* formale à potētia mo-  
vente: à mota verò *esse* substantiale.

ibi.

In potentia mota ultimò perficitur ac-  
tus, & quare? ibi.

Actus orationis elicitur à Religione  
existente in voluntate. 2. 138.

Oratio est actus intellectus. 2. 139.

Contritionis, vel charitatis actum eli-  
cit anima ante separationem à cor-  
pore impossibilem cum culpa  
veniali. 4. 70.

Actus non generant nisi habitus sibi si-  
miles. 13. 30.

Actus perfectus requirit habitum per-  
fectum. ibi.

Vt sit perfectus requiritur vltra habi-  
tum expeditio subiecti operantis.

13. 30. & 5.

Ac-

Actus habitus infusi non generant habitum, sed præexistentem confirmant. 13. 30.  
 Actus fidei non illustratæ præcedit gustum voluntatis. 13. 13.  
 Contemplationis actus subsequitur ad gustum voluntatis. ibi.

ADAMUS.

Habitū contemplationem mediam inter beatificam, & nostram. 14. 20. & 21.  
 Ei non fuit vnita natura Divina vt species. ibi.  
 Non vidit Deum per essentiam. 14. 22.  
 In statu innocentie fuit in via ad beatitudinem. ibi.  
 Quo sensu in eo statu fuerit beatus? ibi.

ADORATIO.

Primus, qui adorationem Sanctis negavit fuit Eustharius Sebastens. Episcopus, quem extumulavit Vigilantius. 4. 32.

AMOR.

Est origo purgationis passivæ. 1. 10.  
 Hominem elevat ad Seraphim societatem. 1. 85.  
 Amor respicit Deum propter se ipsum. 6. 22. & 23.  
 Mira ars animæ ardentissimè Deum diligentis. 6. 24.  
 Verus amor non respicit præmium. 6. 27.  
 Amor propius non semper malus. 9. 29.  
 Amor est principalis affectio animæ, & vehementior. 10. 167.  
 Amor perfectissimus deservit ad similitudinem vitæ contemplativæ, & activæ. 10. 174.  
 Divinus amor facit hominem non suam vitam, sed Divinam vivere. 10. 176.  
 Amor dicitur *oculus*, & quare? 12. 35.  
 Explicatur hoc à D. Thoma. ibi.

ANGELUS.

Intelligit simplici intuitu. 1. 32.  
 Antichristus habet Angelum Custodem. 6. 77.  
 Angelus est demandatum illuminare homines. 10. 119.  
 Post resurrectionem Angelorum mi-

nisterium non permanebit. 10. 120.  
 Angelis sunt similes, qui habent animum à passionibus elevatum. ibi.  
 Activa vita datur in Argelis. 10. 149.  
 Homo continuatur cum Angelis in intellectu. 11. 6.

ANIMA.

Vt anima ad contemplationem ascendat, debet prius meditari. 1. 2.  
 Aliter gravi periculo exponitur. ibi, & 6. & 7.  
 Purgatio animæ comparatur Purgatorio, & quare? 1. 9.  
 Anima ducitur à Deo in via spirituali iuxta conditionem ipsius. 1. 38. & 39.  
 Anima orat in Purgatorio oratione communiter dicta. 4. 48. & 49.  
 Ex dispensatione verò Divina orat oratione propriè tali. 4. 47.  
 In mortis instanti anima elicit actum contritionis impossibilem cum peccato veniali. 4. 70.  
 Anima Purgatorii apparet cuidam Religioso. 6. 144.  
 Animæ, cui Deus desponsatur, habet visionem humanitatis. 8. 10.  
 Solet Deus animam elevare ad contemplationem infusam. 8. 90.  
 Contemplatio sustentat animam in bono. 9. 70.  
 Pars superior animæ Deo subiicitur media contemplatione amarissima. 9. 72.  
 Contemplatio occultat animam ipsius inimicis. 9. 73.  
 Comparat etiam animæ sublimissimam scientiam. 9. 74.  
 Aproximat insuper animam Deo, à quo protegitur. 9. 75.  
 Contemplatio est animæ vita. 10. 1.  
 Etiam est mors eius. 10. 2.  
 Anima vivit sua operatione. 10. 4.  
 Media contemplatione anima vivit vita Dei. ibi.  
 Per fervidam contemplationem ita Deo anima vnitur, vt proprium actum non attendat. 10. 10.  
 Animam ter Deus vocat. 10. 88.  
 Amor est principalis affectio animæ. 10. 167.

## RERVM NOTABILIVM.

Et vehementior. ibi.  
 Distinctio animæ à spiritu. 10. 174.  
 In via spirituali non potest anima esse  
 sine motu. 11. 87.  
 Anima non est principium proximum  
 contemplationis. 12. 1.  
 Si esset principium immediatum illius,  
 non foret contemplatio voluntaria.  
 12. 3.

### ANIMUS.

Qui habent animum elevatum à pas-  
 sionibus, similes sunt Angelis. 10.  
 120.  
 Ad contemplationem activam possu-  
 mus animum levare. 11. 17.  
 Animum proficiendi deponens peccat  
 mortaliter. 11. 127.

### ANTICHRISTUS.

Est noster proximus. 6. 77.  
 Pro eo possumus orare. ibi.  
 Antichristus habet Angelum Custodem.  
 ibi.  
 Scimus esse damnandum. 6. 176.

### APIREHENSIO.

Contemplatio non est simplex apprehensio. 12. 74.  
 Apprehensio est incapax erroris, &  
 quare? 12. 77.  
 Et incapax inordinationis. ibi.  
 Apprehensio non percipit veritatem  
 formaliter talem. 12. 78.  
 Visio beata non est simplex apprehensio.  
 12. 81.  
 Iudicium credulitatis differt ab apprehensione.  
 12. 84.  
 Species, quæ influunt in assensum Fidei,  
 influunt in apprehensione terminorum.  
 14. 2.  
 Apprehensio non est pura ociositas.  
 11. 41.

### ARGUMENTUM.

Ab ethymologia qualiter efficax, aut  
 inefficax sit? 2. 104.

### ARISTOTELES.

Docet, quod homo hominum communicationem fugiens, est aut bestia, aut Deus. 10. 141.

### AUCTOR.

Beati non invocantur ut auctores beneficiorum, sed ut intercessores. 5.  
 23.  
 Deus cognoscitur ut auctor naturæ per

effectus naturales. 14. 50.  
 Ut auctor gratiæ per supernaturales,  
 ibi.

## B

### BARAMBIUS.

Negat orationem fidei. 7. 37.  
 Admittit contemplationem acquisitam.  
 ibi.  
 Malè intelligit Barambius id, in quod  
 procedit. 7. 39.  
 Dividit Theologos in *Mythicos*, &  
*Theologicos*. 7. 37.  
 Dividit orationem in *meditationem*, *contemplationem*, & *unionem*. 7. 71.  
 Mala est hæc divisio. 7. 74.  
 Alia plura inculcat Barambius tota illa  
 quaestione.

### BEATI.

Beati cognoscunt cogitationes cordium cognitione participata. 4. 40.  
 Naturaliter scire desiderant, qui illos  
 invocant, & quo sui cultores egeant,  
 ibi.  
 Beati non habent munus Custodum erga nos. 4. 41.  
 Ex conditione sui status debetur Beatissimis, quod suorum cultorum orationes cognoscant. 4. 43. & 44.  
 Beatos orare possumus. 5. 18.  
 Eos invocat universalis Ecclesia à primis temporibus. 5. 19.  
 Beati possunt, & volunt nobis favere.  
 5. 20.  
 Sciunt nostras indigentias. ibi.  
 Ex Beatorum invocatione nulla Christo  
 irrogatur iniuria. ibi.  
 Beati invocantur non ut auctores, sed  
 ut intercessores beneficiorum. 5.  
 23.  
 Licet Beatos invocemus, non credimus  
 in eos. ibi.  
 Datur præceptum de Beatorum invocatione.  
 5. 35.  
 Eorum invocatio est lex posita à Deo,  
 ut nobis faveant. 5. 42.  
 Et hoc præceptum est verum in invocatione  
 Santissimæ Virginis. 5. 44.  
 Præceptum de Beatorum invocatione  
 est partim naturale, & partim positivum.  
 5. 51.  
 Ad hoc præceptum necessitas urget. ibi.

# INDEX

- Et etiam Ecclesia. ibi.  
Hoc præceptum est *cultus Sanctorum*. ibi.  
Pertinetque ad quartum Decalogi. ibi.  
Beati sunt Patres nostri, quos laudare debemus. ibi.  
Etiam perfecti tenentur Beatos orare. 5. 56.  
Beati orant pro se ipsis, & quare? 6. 3.  
Non possumus orare pro eorum beatitudine absolute sumpta, nec ut continuanda. 6. 6.  
Essentialem Beatorum non possumus beatitudinem sperare. 6. 7.  
Beati possunt de *posse absoluto* mereri aliquod præmium accidentale. 6. 20.  
Sed tunc non essent viatores. ibi.  
Beatorum gloria duplex. 6. 38.  
Beatos signat pars tincta Hostiæ. ibi.  
In Beatis est timor non separationis à Deo, sed quo ipsum reverentur. 6. 39.  
Beati cognoscunt, Deum posse illos annihilare, sed ob hoc non anxiantur. ibi.  
Malum non est possibile Beatorum statui, sed ipsorum naturæ. ibi.  
Continuatio beatitudinis non est eis futura, sed præsens. 6. 41.  
Implicat revelatio de destructione aliquis Beati. ibi.  
Beatorum gloria accidentalis est duplex. 6. 42.  
Dupliciter intelligi potest, quod Beatis profunt orationes nostræ. 6. 43.  
Orationes nostræ Beatis non profunt ut medium, quo egeant, ut desiderata obtineant. 6. 44.  
Sicque pro eis orare non possumus. 6. 45.  
Possumus pro Beatis orare; quia hoc est eis occasio gaudendi. 6. 53.  
In quo sensu potest dici, quod Beati merentur? 6. 60.  
Cum Beati vivis apparent, ut orent, non auxiliū implorāt, sed Dei præceptum intimant. 6. 63.  
Peccator potest orare pro viatore iusto; & hic non potest pro Beato. ibi.  
Ex nostra oratione pro Beatis oriuntur plura bona. 6. 64. & 65.  
Beati non orant pro damnatis. 6. 108.  
Nec de illis habent compassionem. ibi.  
Matrimonium spirituale Beatorum consistit in vñione actuali. 10. 188. & 189.  
Lumen gloriæ est Beatorum Theologia. 13. 89.  
Beatus differt à viatore per *videre, & non videre*. 14. 21.  
BEATITUDO.  
Sanctorum beatitudo alia est accidentalis, & essentialis alia. 6. 1.  
Essentialis potest sumi ut possessa, vel ut continuanda. 6. 2.  
Vtroque modo est præsens Beatis. 6. 7. & 8.  
Et non potest peti, aut desiderari ab illis. ibi.  
Octo beatitudines sunt actus donorum Spiritus Sancti. 9. 77.  
Beatitudo habet rationem finis. 10. 93.  
Nullus actus viæ potest habere perfectè rationem beatitudinis. 12. 22.  
Beatitudo in Patria plura dicit vñiri, quæ dispersa sunt in pluribus viæ actibus. ibi.  
Ratio beatitudinis convenit pluribus viæ actibus. ibi.  
Ille actus perfectiùs est beatitudo, qui præcipuum conceptum eius participat. ibi.  
Præcipuus, & essentialis conceptus Beatitudinis est, quod sit *assensus, seu apprehensio obiecti*. ibi.  
Patriæ beatitudo dupliciter participatur à viæ beatitudine. 12. 23.  
Beatitudo in via alia est inchoata, & alia moralis. ibi.  
Perfectior, & proprior est inchoata. ibi.  
Est actus intellectus. ibi.  
Moralis beatitudo est actus voluntatis. ibi.  
Contemplatio est beatitudo formalis viæ. 12. 22. 23. & 24.  
Datur beatitudo, quæ non est visio Dei. 14. 21.  
Visio Dei est vltima beatitudo. ibi.  
Hæc non consistit in quo *Deus magis, aut minus videatur*: sed in quo *simpliciter videatur*. ibi.  
Vltima beatitudo non datur sine lumine

## RERVVM NOTABILIVM.

ne gloria. 14. 22.  
**BEGARDI, ET BEGUINÆ.**  
 Dammati fuerunt à Clemente V. 1. 8.  
 Asserebant imperfectum esse in con-  
 templatione aliquid de Eucharistia,  
 aut Passione Domini cogitare. ibi.  
**BONUM.**  
 Habet rationem finis. 9. 4.  
 Bonum differt ratione à pulchro: re-  
 tamem sunt idem. ibi.  
 Contemplatio est bonum delectabile.  
 9. 33.  
 Veritas habet rationem boni appetibi-  
 lis, amabilis, & delectantis. 12. 42.

## C

### CARMELITÆ.

Proximus Carmelitarum finis est mix-  
 tus ex contemplatione, & actione.  
 11. 117. & sequentibus.  
 Contemplatio verò est rectum in tali  
 fine. ibi.  
 Hoc decernitur in nostris Constitutio-  
 nibus. 11. 121.  
 Carmelitæ non habuerunt à sua fun-  
 datione Regulam scriptam. 11. 122.  
 Gubernabantur Statutis à Magno Elia  
 ore traditis, & in alios per traditio-  
 nem derivatis. ibi.  
 Sic permansere vsque ad annum Do-  
 mini 1112. in quo Caprasius à Pa-  
 triarcha Ierosolimitano Regulam  
 scriptam obtinuit. ibi.  
 Hæc Regula conscripta græcè, duravit  
 vsque ad Aymericum, qui illam in  
 latinam transfudit propter occiden-  
 talis incolæ montis Carmeli. ibi.  
 Hæc translatio facta est circa annum  
 Domini 1150. ibi.  
 Anno autem 1171. Albertus Patriar-  
 cha hanc Regulam resumpsit. ibi.  
 Hancque Regulam Carmelitæ habemus,  
 prout ab Innocentio IV. anno  
 Domini 1248. declaratum. ibi.  
 Nunquam Carmelitæ vixerunt sub re-  
 gula magni Basilii. 11. 123.  
 Non fuit tempus, in quo sub tali Regu-  
 la vivere potuissent. ibi.  
 Regula Alberti est prorsus diversa à  
 Basilii regula. ibi.  
 Deceptio D. Autonini circa hæc. ibi.

Definitur Carmelitarum Regula. 11.  
 124.  
 Carmelitæ tenemur ad orationem pu-  
 rè mentalem. 11. 122. & seq.  
 Carmelitarum Regula præcipit ora-  
 tionem purè mentalem. 11. 128.  
 Etiam præcipit vocalem. ibi.  
 Mentali orationi non satisfcit per voca-  
 lem. 11. 129.  
 Vocalis verò impletur per mentalem.  
 11. 129. & 130.  
 Carmelitarum Regula cap. 7. præcipit  
 orationē determinatè vocalem. ibi.  
 Cum finis Carmelitæ impeditur, tunc  
 non orare mentaliter est illi pecca-  
 tum mortale. 11. 132.  
 Non quoties Carmelita frangit præ-  
 ceptum orationis purè mentalis  
 graviter peccat. ibidem.  
 Exterius distinctivum Carmelitarum  
 est proprius habitus. 11. 135.  
 Interius verò eorum distinctivum est.  
 oratio purè mentalis. ibi.  
 Carmelita, orationi mentali non stu-  
 dens, Carmelita non est. 11. 138.  
 Et hoc faciens non habet, per quod dif-  
 ferat ab aliis. ibi.  
 Omnes conveniunt in hoc, quòd Car-  
 melita, orationi mentali non studens,  
 peccat mortaliter. 11. 142.  
 Discriminantur verò, an tale pecca-  
 tum sit *per se*, vel *per accidens*. ibi.  
 Malè dicitur doctrina hæc conscientia  
 turbativa. ibi.  
 Carmelitarum Regula non præcipit die,  
 ac nocte mentem in Deum actu fer-  
 re. 11. 145.  
 Hoc est impossibile in via. ibi.  
 Hæc verba *die, ac nocte*, &c. quomodo  
 sint de præcepto? 11. 146.  
 Oratio mentalis, ad quam Carmelitæ  
 tenemur, est cōtemplativa. 11. 149.  
 Finis proprius Carmelitarum est con-  
 templatio propriè talis. 11. 151.  
 Extra cellulam Carmelita occupatus,  
 etiam tenetur ad contemplationem.  
 11. 181.  
 Carmelita non satisfacit præcepto Re-  
 gulæ duabus horis orationis quoti-  
 dianis. 11. 185.

### CASUS.

Particularis casus non eximitur à com-  
 mu-

# INDEX

muni Regula, dum non adest specialis circumstantia. 1. 47.  
Ex particulari casu inferitur in doctrinalibus illatio generalis. 5. 37.

## CHARITAS.

Propriū est charitatis respicere Deum ut finem supernaturalem. 2. 124.  
Charitas insluit formaliter in actū Fidei directum in Deum finem supernaturalem. ibi.  
Charitatis actum impossibilem cum veniali elicit anima ante separationem à corpore. 4. 70.  
Charitas in cella vinaria ordinata non respicit præmium, sed solum Deum propter se ipsum. 6. 21. & 22.  
Est principium vitæ contemplativæ, ut respicit Deum. 10. 52.  
Ut verò respicit proximum, est principium activæ. ibi.  
Incipiens potest habere maiorem charitatem, quàm perfectus. 11. 36.  
Charitas est finis Religiosorum. 11. 111.

## CHRISTUS.

Est de fide, quòd Christus in hoc Mundo propriè oravit, & verè. 4. 8.  
Oravit mentaliter, & vocaliter. ibi.  
Oravit solus, & coram aliis. ibi.  
Oravit pro se, & pro aliis. ibi.  
Christus habuit indigentiam auxilii à Deo, ut suum desiderium expleret. 4. 10.  
In Cælo nunc orat oratione propriè tali. 4. 11.  
De Christi oratione in horto mirè loquitur S. M. N. Theresia. 4. 26.  
In Christo datur voluntas, quæ est *sensualitas*, & quæ est *rationalis* ut natura, & formaliter ut talis. 4. 24.  
Per illam *primam* non petiit Christi ratio, sed exponebat eius desiderium. 4. 26.  
Per *secundam* petivit, quæ non futura sciebat. ibi, & 25. & 27.  
Christus petivit, quæ desiderabat *sensualitas*, & quare? 4. 26.  
Nulla fuit contradictio in eo, quòd Christus contraria secundum has voluntates peteret. 4. 27.  
Nobis impetrat, sed non meretur. 4. 31.  
Dominica oratione docuit nos Christ-

tus res petendas, & modum petendi. 5. 10.

Ex invocatione Sanctorum nulla Christo interrogatur iniuria. 5. 20.  
Christus est Mediator Dei, & hominum. 5. 32.  
Verè meruit, & spe caruit. 6. 21.  
Oravit in Cruce pro omnibus. 6. 191.  
Oravit pro prædestinatis, ut salutem consequerentur. ibi.  
Oravit pro reprobis, ut minùs mali forent. ibi.  
In Dominica oratione docuit Christus, quòd pro omnibus orare possumus. 6. 206.  
Christus docuit contemplationem activam. 7. 31.  
Christi dilectio mortuum reddit hominem Mundo. 10. 167.

## COGNITIO.

Cognitione participata cognoscunt Beati cogitationes cordium. 4. 39. & 40.  
Scientia est cognitio certitudinis. 13. 32.  
Est etiam cognitio procedens ex cognitione principiorum. ibi.  
Est denique propriè cognitio per causas, & ex causis. ibi.  
Repugnante cognitione repugnat species. 14. 47.  
Cognitio terminata ad existentiā Dei, non potest esse quoad *an est*. 14. 48.  
Cognitio Dei per effectus est mediata. 14. 50.

## CONFESSIO.

Ad confessionem requiritur peccatorum præteritorum cognitio. 11. 69.

## CONGREGATIO.

Alicuius congregationis Doctores explicantes regulæ, vel constitutionis textum, propriè loqui cæsendi sunt. 11. 160.

Omnia statuta mutarent, si propriè non loquerentur. ibi.

Non est inusitatum, quòd aliquis textus ambiguus, obscurusve sit. ibi.

## CONTEMPLATIO.

Est perfectiva naturæ rationalis. 1. ante num. 1.

Contemplatio consistit in unico actu. 7. 63.

Ad-

## RERVM NOTABILIVM.

- Ad eam requiruntur plures actus. 7.  
63. & sequent.
- Est ex se bona. 9. 1.  
Est ex se pulchra. 9. 3.  
Est ex se, & per suam essentiam bona:  
sed non ex se est bona, seu per essen-  
tiam. 9. 5.  
Quod discrimen inter vtrumq̃ detur?  
ibi.
- Habet honestatem. 9. 10.  
Est laude, & honore digna. 9. 16.  
Quid hoc sit? ibi.  
Est bonum delectabile. 9. 33.  
Convenit homini secundum propriam  
naturam. 9. 37.  
Non est ex se astrictiva, & quare? 9.  
86. & sequent.
- Est res permanens. 10. 8.  
Citò fluit. ibi.  
Est motus perfecti. 10. 10.  
Ipse motus est quies. ibi.  
Principium quod contemplationis est  
homo. 11. 1. & 2.  
Omnis contemplatio raptum causat, &  
quomodo? 11. 49  
In omni cōtemplatione inferior natu-  
ra sequitur impetum superioris. 11.  
50. & 51.
- Anima non est principium proximum  
contemplationis. 12. 1.  
Si contemplatio esset immediatè ab  
anima, non esset libera, nec necessa-  
ria, & quare? 12. 3.  
Voluntas non est principium proxi-  
mum contemplationis. 12. 14.  
Contemplatio est animæ visio. ibi.  
Est assecutio obiecti. 12. 22. 23. & 24.  
Est beatitudo formalis viæ. ibi.  
Contemplatio est intimior obiecto  
contemplato, quàm dilectio. 12. 26.  
Se tenet ex parte obiecti. ibi.  
Principium proximum contemplatio-  
nis est intellectus. 12. 29.  
Contemplatio, & dilectio mutuo se  
causant. 12. 35.  
Veritas est ipsius finis. 12. 44.  
Contemplatio, vt talis, solùm respicit  
veritatem. 12. 45.  
Non est simplex apprehensio. 12. 74.  
Non est actus iudicii inquisitivi. 12.  
91.  
Nec discursus. 12. 94.
- Excludit cogitationem. 13. 11.  
Contemplatio in via est omnino con-  
naturalis animæ. 14. 31.  
**CONTEMPLATIO PHILOSOPHICA.**  
Ab Aristotele fuit edocta. 7. 33.  
Contemplatio non dicitur philosophi-  
ca quia solis gētilibus cōvenit. 8. 5.  
Convenit etiam Theologo Scholasti-  
co. ibi.  
Qui speculationem ad inflammandam  
voluntatem non dirigunt, philoso-  
phicè contemplantur. ibi.  
Non potest amari contemplatio philo-  
sophica ex motivo Religionis, &  
quare? 9. 30.  
**CONTEMPLATIO RELIGIOSA.**  
Debet supponere meditationem. 1. 2.  
Begardi, & Beguinæ asserebant, imper-  
fectum esse aliquid de Eucharistia,  
aut Passione Domini in contempla-  
tione cogitare. 1. 8.  
Mors mystica Religiosam contempla-  
tionem præcedit. 1. 9.  
Ista contemplatio est finis meditatio-  
nis. 1. 11.  
Perniciosum est istam contemplatio-  
nem ante meditationem exercere.  
1. à num. 11. tota quæst. 2.  
Habitualis contemplatio, nunquàm in-  
digens meditatione, damnatur. 1.  
20. & 21.  
Est visio mystica. 1. 23.  
Ad perfectam contemplationem dere-  
linquenda est connaturalis animæ  
operatio. 1. 22. & 23.  
Si exerceatur ante meditationem, peric-  
ulum illusionis incurritur. 1. 25.  
Ex privilegio autem speciali potest si-  
ne meditatione haberi. 1. 11. 26.  
& 60.  
Multi actus ad istam contemplatio-  
nem præcedunt. 1. 32.  
Ad eam disponunt virtutes morales.  
1. 33.  
Non est ad Religiosam contemplatio-  
nē aptus, qui passionibus, & tumul-  
tibus exterioribus implicatur. ibi.  
Contemplatio Religiosa non est neces-  
saria ad consequendam salutem. 1.  
77.  
Nec ad consequendam perfectionem.  
ibi. & 78.

# INDEX

- Hæc enim consistit in coniunctione ad ultimum finem. 1. 79.  
 Et in conformitate cum Deo. 1. 80.  
 Qui Religiosam contemplationem habere desiderat, etsi non consequatur, obtinet, quod cum ea obtineret, & quare? ibi.  
 A Religiosa contemplatione habet oratio vim impetrandi. 7. 50.  
 Definuit cōtemplatio Religiosa. 8. 1.  
 Hæc definitio est D. Thomæ. 8. 2. & sequent.  
 An hic definiatur contemplatio Evangelica? 8. 3.  
 Hæc enim est actus hominis, ut intellectivi. 8. 11.  
 Hæc contemplatio hominem elevat ad classem Angelorum. ibi.  
 Principium elicitivum istius contemplationis habet rationem regulæ. 8. 20.  
 Dicitur *passio*. 8. 50.  
 Cur sic dicitur, & non actio? 8. 51.  
 Magis assimilatur motui, quam quieti. ibi.  
 Cur ista contemplatio dicitur *actus ab extrinseco impressus*? ibi.  
 Ad Religiosam contemplationem debet terminari meditatio, ut sit fructuosa. 8. 77.  
 Habet sex gradus. 8. 85.  
 Hæc contemplatio dupliciter est superamentem: *primò* ex parte modi: *secundò* ex parte obiecti. 8. 86.  
 Est ex se bona. 9. 1.  
 Et pulchra. 9. 3.  
 Habet honestatem. 9. 10.  
 Beata est, & honesta. 9. 16.  
 Est laude, & honore digna. ibi.  
 Potest amari ex motivo Religionis, & proprii commodi supernaturalis, & charitatis. 9. 26. 27. & 28.  
 Etiam, dum amatur ob eius perfectionem, virtuosa est, & quare? 9. 30.  
 Est bonum delectabile. 9. 33.  
 Est delectabilis ex se, & ex obiecto. 9. 34.  
 Delectatio istius contemplationis est supra omnes alias, & dolores. 9. 47.  
 Duplicem claudicationem contraxit Iacob à luctu, seu contemplatione. ibi.  
 Vna fuit defectuosa, & alia virtuosa; ibi.  
 Ipsa die à prima claudicatione sanus erat. ibi.  
 Secunda per totam vitam conservavit; ibi.  
 Delectatio propria contemplationem Religiosam non impedit, sed complet. 9. 534.  
 Extrema verò impedit. ibi.  
 Contemplatio Religiosa terminatur ad Deum aliquomodo præsentem; 9. 56. & 57.  
 Ideoque est delectabilis: licet permittat desiderium ipsius Dei ut perfecte possideri. ibi.  
 Contemplatio hæc, ut causat tristitiam, est delectabilis. 9. 59.  
 Et hoc ob plura motiva. 9. à num; 59. & deinceps.  
 Lachrymis ipsius minuitur dolor contemplantis, & quare? 9. 69.  
 Contemplatio hæc amara reficit ut panis. 9. 70.  
 Et sustentat animam in bono. ibi.  
 Media cōtemplatione amarissima subicitur pater superior Deo. 9. 72.  
 Tristis contemplatio, ut talis, est opus dignum remuneratione æterna. 9. 76.  
 Contemplatio luctuosa est actus doni scientiæ. 9. 78.  
 Hæc cōtemplatio occultat animam ipsius inimicis. 9. 73.  
 Comparat animæ sublimissimam scientiam. 9. 74.  
 Aproximat etiam animam Deo, à quo protegitur. 9. 75.  
 Est utilis. 9. 100.  
 Est vita animæ. 10. 1.  
 Est mors animæ. 10. 2.  
 Sumitur signatè, & exercitè. 10. 8.  
 Contemplatio signatè sumpta est constitutiva status contemplativi. ibi.  
 Exercitè accepta denominat contemplantem. ibi.  
 Contemplatio Religiosa, ut sibi soli sufficiens, constituit statum purè contemplativum. 10. à 31. usque ad 35.  
 Ut autem ex ipsius redundantia subvenitur aliis, constituit statum mixtum. Vt



# RERVM NOTABILIVM.

- Ut constituit vtrumque statum esse eadem entitativè: diversa verò modaliter. 10. 33.  
 Contemplatio viæ relatè ad intuitivam est labor, & eius delectatio nulla. 10. 89.  
 Contemplatio in hac vita est merces inchoata. 10. 92. & 93.  
 Intuitiva verò est merces perfecta. ibi.  
 Contemplatio Religiosa non ponitur inter beatitudines tamquàm meritum, sed tamquàm præmium. ibi.  
 Huic contemplationi, nec eius delectationi nihil est contrarium. 10. 111.  
 Ad istam contemplationem requiritur summa segregatio à creaturis. 10. 141.  
 Potest esse adedò sublimis contemplatio, ut opera vitæ activæ non impediat. 10. 151.  
 Contemplatio, quam B. V. MARIA habuit, fuit sine extasi, & raptu. 10. 152.  
 Contemplabatur, dum Redemptor noster patiebatur in Cruce. 10. 153.  
 Religiosæ contemplationis principium quod est homo. 11. 1. & 2.  
 Contemplatio hæc est duplex. 11. 35.  
 Gratia contemplationis aliquando incipientibus datur, & denegatur perfectis. ibi.  
 Ex delectatione contemplationis redundat in corpus. 11. 57.  
 Contemplatio non est necessaria omni viatori. 11. à num. 60.  
 Nec iis, qui ad perfectionem tendere debent. 11. 67.  
 Actio dupliciter est effectus contemplationis. 11. 69.  
 Ad contemplationem non tenentur, qui ad lustrandam viam interiorem spiritus obligantur. 11. 70.  
 Anima non est principium proximum contemplationis. 12. 1.  
 Est animæ visio. 12. 14.  
 Contemplatio Religiosa elicitur ab intellectu, & completur à voluntate. 12. 19. & 20.  
 Est finis humanæ vitæ. 12. 25.  
 Respiciet veritatem, ut dicit bonitatem, & appetibilitatem. 12. 45.  
 Est actus lapidus. 12. 46.  
 Est scientia amoris. 12. 48.  
 Definitur per hoc, quòd sit *sapor boni*. 12. 49.  
 Religiosa contemplatio non tam cognoscere, quàm amare quærit. 12. 51.  
 Est perfectio voluntatis. 12. 53.  
 Eius ratio formalis est affectiva. 12. 54.  
 Eius obiectum dicit amabilitatem. 12. 55.  
 Eius ratio *sub qua* est ratio experti, ac degustati. 12. 53.  
 Cur contemplatio affirmativa, & negativa sic dicantur? 12. 97.  
 Motus circularis est contemplatio formaliter. 12. 98.  
 Rectus verò, & obliquus sunt dispositivè contemplatio. ibi.  
 Contemplatio Divina est actus iudicii resolutivi. 12. 114.  
 Non est actus iudicii credulitatis. 13. 14.  
 Contemplatio alia est à principio permanenti, & alia à transeunti. 13. 46.  
 Quæ est à principio transeunti est duplex. ibi.  
 Quæ verò à permanenti, alia est naturalis, & supernaturalis alia. ibi.  
 Implicat hæc contemplatio in habente grave peccatum. 13. 55.  
 Non omnia dona in contemplationem influunt. 13. 95.  
 Contemplatio procedens à donis, perfectior est, quàm quæ ab aliis. 13. 99.  
 In nulla contemplatione obscura vnitur Deus menti cõtemplantis in ratione speciei intelligibilis. 14. 20.  
 Implicat cõtemplatio quiditativa Dei, quæ non sit intuitiva. 14. 40.  
**CONTEMPLATIO ACQUISITA.**  
 Est in nostra potestate. 1. 87.  
 Ad contemplationem acquisitam disponit purgatio sensuum. ibi.  
 Divisio eius. 7. 4.  
 Alia est per affirmationem, & per negationem alia. 7. 8.  
 Perfectior est, quæ est per negationem. ibi.  
 Acquisitam superat infusa. 7. 8. & 9. Eam

# INDEX

Eam docet S. Doctrina D. Theresia. 7.  
12.  
Etiam N. Extat. Doct. D. Ioannes à  
Cruce. 7. 14.  
Et alii plures Doctores. 7. 15. & 16.  
Activa contemplatio differt in pluri-  
bus ab infusa. 7. 21.  
In aliis verò cum illa convenit. ibi.  
In iisdem, in quibus conveniunt, discrimi-  
nantur. ibi.  
Acquisitam contemplationem docet  
P. Alvarez de Paz. 7. 23.  
Vindicatur à falsa impostura. ibi, &  
deinceps.  
Activa contemplatio provenit à donis.  
7. 28.  
Fuit asserta ab antiquissimis tempori-  
bus. 7. 30.  
A S. Scriptura est edocta. ibi, & 31.  
Fuit ab Aristotele tradita. 7. 33.  
Eam admittit Barambius. 7. 37.  
Definitur activa contemplatio. 8. 7.  
Explicatur definitio. ibi.  
Ista definitio est essentialis. 8. 22.  
Per particulam *Divine* sat ostenditur  
necessitas Divini auxilii. 8. 14.  
Comparatur à nobis gratiæ auxilio. ibi.  
Non debuit hoc in definitione appetiri,  
ibi.  
Qualiter possit dici *consideratio*? 8. 12.  
Non est ideum, quòd nostra industria  
comparatur, ac quòd pro nostro li-  
bito exerceatur. 8. 14.  
Aliqui ab acquisita cōtemplatione ex-  
cluduntur. ibi.  
Divisio contemplationis in acquisitam,  
& infusam est essentialis. 8. 23.  
Acquisita nostra industria comparatur;  
non verò infusa. 8. 24.  
Contemplatio activa est iuxta regulas  
rationis. 8. 25.  
Differt ab infusa ex parte obiecti. 8.  
35.  
Et in motione. 8. 38.  
Et ex parte principii. ibi.  
Et ex parte specierum. ibi.  
Et in modo attingendi obiectum. ibi.  
Ex contemplationibus infusis vna di-  
citur *acquisita*; licet reverà sit infu-  
sa. 8. 40.  
Habitus activæ cōtemplationis acquiritur  
per actum meditationis. 8. 77.

Extat. P. N. D. Ioannes à Cruce do-  
cet habitum activæ contemplatio-  
nis esse acquisitum. ibi.  
Quæ ad contemplationem activam  
spectant, potest infusa contemplari,  
& è contra. 8. 85.  
Acquisitæ convenit procedere supra  
mentem ex parte modi. 8. 86.  
Non est obiectum adeò arcanum, quod  
non valeat activè contemplari. ibi.  
Activa contemplatio non continua-  
tur cum infusa, & quare? 8. 90.  
Activa causat dispositivè intensionem  
charitatis. 8. 91.  
Ad eam possumus animum levare. 11.  
17.  
Et illam petere. ibi.  
Et ad illam conari. ibi.  
Conatus ad eam est utilis. 11. 31.  
Acquisita contemplatio potest dici *me-  
ditatio*. 11. 160.  
In acquisitam, & infusam dividitur su-  
pernaturalis contemplatio. 13. 46.  
CONTEMPLATIO INFUSA.  
Datur contemplatio infusa. 7. 14  
Superat in perfectione acquisitam. 7.  
8. & 9.  
Convenit in pluribus cum acquisita, &  
in aliis ab ea differt. 7. 214.  
In iisdem, in quibus conveniunt, dis-  
criminantur. ibi.  
Deus fecit Santam Matrem Nostram  
Theresiam Magistram cōtemplatio-  
nis infusæ. 7. 324.  
Diffinitur contemplatio infusa. 8. 15.  
Explicatur definitio. 8. 16. & seq.  
Dicitur per quod differt contemplatio  
infusa ab acquisita. 8. 17.  
Ista definitio est essentialis. 8. 22.  
Divisio contemplationis in infusam,  
& acquisitam est essentialis. 8. 23.  
Est adequata. 8. 26.  
Ista divisio est diversa ab ea, qua virtus  
dividitur in politicam, purgatoriam,  
& purgati animi. 8. 30.  
Contemplatio infusa non comparatur  
nostra industria. 8. 24.  
Est supra rationis regulas. 8. 25.  
Et ex speciali instinctu Spiritus Sancti.  
ibi.  
Differt infusa ab acquisita ex parte ob-  
iecti. 8. 35.  
fr

# RERVM NOTABILIVM.

Et in motione. 8. 38.  
 Et ex parte principii. ibi.  
 Et ex parte specierum. ibi.  
 Et in modo attingendi obiectum. ibi.  
 Contemplatio infusa est duplex. 8. 40.  
 Vna dicitur acquisita. ibi.  
 Est propriè actio. 8. 44.  
 Spectat ad prædicamentum qualitatis. 8. 47.  
 Est intrinsecè supernaturalis. 8. 66.  
 Proprium est contemplationis infusæ procedere supra mentem ex parte modi. 8. 86.  
 Per infusam contemplationem contemplamur rem naturalem. ibi.  
 Cum infusa non continuatur activa contemplatio, & quare? 8. 90.  
 Ad contemplationem infusam solet Deus elevare animam activè contemplantem, meditantem, & vocaliter orantem. 11. 9.  
 Contemplatio infusa potest sumi pro ipso actu, & pro favoribus in ea acceptis. 11. 10.  
 Animum ad contemplationem infusam levare, est eam desiderare. 11. 11.  
 Ad infusam contemplationem conari, est propria industria velle illà exercere. ibi.  
 Contemplatio infusa sumpta pro raptu, & aliis favoribus, peti non potest, nec desiderari. 11. 18.  
 Ad infusam contemplationem possumus aspirare, & eam petere. 11. 23.  
 Non tamen possumus ad illam conari. ibi.  
 Qui ad eam conatur, parat sibi ruinam. ibi.  
 Contemplatio infusa est summè appetibilis. 11. 25. & 26.  
 Est honesta, delectabilis, & utilis. ibi.  
 Est actus donorum. 11. 28.  
 Contemplatione infusa faciliùs conficitur vñio cum Deo. 11. 29.  
 Ad eam conari est contra humilitatem. 11. 31.  
 Non autem illam appetere, & petere. ibi.  
 Contemplatio infusa perfectissima non causat raptum. 11. 43.

Quæ est Theologia Mystica, non est actus iudicii discretivi. 12. 101.  
 Quæ non procedit per causas, est actus iudicii discretivi. 12. 104.  
 Supernaturalis contemplatio dividitur in infusam, & acquisitam. 13. 46.  
 CONTRITIO.

Cum ultimo contritionis actu est incompossibilis culpa, licet venialis. 4. 70.  
 Ad contritionem requiritur plurius meditatio. 11. 9.  
 CREATURA.

Molinos aiebat actum contemplationis à creatura non produci. 7. 67.  
 Affectio creaturarum est velum, nè Deum contemplemur. 1. 9.  
 Summa segregatio à creaturis requiritur ad contemplationem. 10. 144.  
 Si dolor B. V. MARIE inter omnes creaturas, doloris capaces, divideretur, subito omnes morerentur. 10. 153. in fine.

## CULPA.

Pœnitentia elevat mentem in Deum derestando culpam. 2. 33.  
 Anima habens culpam venialem, qualiter ante ingressum in Purgatorium ab ea mundetur? 4. 70.  
 Pœnitet damnatos de culpis ob pœnam. 6. 122.  
 Datur Limbus, vbi decedentes cum originali culpa puniuntur. 6. 125.  
 Puerorum culpa in Limbo non dicitur *voluntarium proprium*. 6. 135.  
 Ideoque non puniuntur pœna sensus. ibi.  
 Collectionem culparum venialium B. V. MARIA vitavit. 6. 128.  
 Propositum violandi omnes obligationes leves, vel frequens earum violatio, non est sine culpa gravi. 11. 96.  
 Violare omnes leves obligationes, vel ferè omnes, etiam sine proposito, est culpa gravis. 11. 102. & 103.  
 Si vnus Religiosus posset omnes obligationes violare sine culpa gravi, posset & omnes. 11. 104.



# D

## DAMNATI.

Orant oratione virtutis ratione caren-  
te. 5. 89.  
Damnati non habent erga nos munus  
tentatorum. 6. 41.  
Pro damnatis orare non possumus, vt  
liberentur. 6. 71.  
Pœna damnatorum est æterna. ibi.  
Non sunt nostri proximi, 6. 73.  
Non eos diligimus ex charitate amici-  
tiam fundente, sed alia. 6. 77.  
Charitatis obiectum non sunt, & qua-  
rè? ibi.  
Damnati volūt omnes superstites dam-  
nari. 6. 93.  
Sed quia sciunt aliquos esse salvandos,  
volunt fratres suos esse de hoc nu-  
mero. ibi.  
An scripserit Damascenus Traiani ab  
inferis liberationem? 6. 94.  
Etsi vera foret illa historia, adhuc non  
possemus orare pro damnatis. ibi.  
Traianus non fuit finaliter damnatus.  
ibi.  
An Theologi possint de illa historia  
agere, & illam seriò explorare? ibi.  
Probabile est Damascenum per 200.  
annos præcessisse D. Gregorium. ibi.  
Non possumus orare pro damnatis, vt  
levamen in tormentis habeant. 6.  
103.  
Sola positio operis præcepti non salvat;  
sed sola positio operis prohibiti  
damnat. 6. 106.  
Beati non orant pro damnatis. 6. 108.  
Quid sit chaos damnatos segregans à  
Beatis? ibi.  
Damnatorum odium in superstites. 6.  
113.  
D. Thomas gaudia solùm phantastica  
in damnatis admittit. 6. 114. &  
115.  
In damnatis concedi possunt vera gau-  
dia præsuppositivè. 6. 119.  
Damnati nunc vident Beatos ad pœ-  
nam. ibi.  
Post iudicium eos non videbunt ad  
tormentum. ibi.  
In consideratione scientiæ in damnatis

est summa tristitia. ibi.  
Damnati Deum cogitant vt Iudicem  
pœnas æternas eis infligentem. ibi.  
Damnati sunt liberi. 6. 122.  
Operari benè non possunt, & quare?  
ibi.  
Dánatos pœnitet de culpis ob pœnam.  
ibi.  
De damnatorum pœnis compati non  
possumus compassione charitatis.  
ibi.  
Nec compassione voluntatis, vt ratio-  
nalis, sed solùm vt natura est. ibi.  
Pueri in Limbo sunt verè damnati, &  
in termino. 6. 128. & 129.  
Ad Limbum missi non puniuntur pœ-  
na sensus. 6. 125. 126. & 134.  
An supremus Iudex sit eis, qui in Lim-  
bo sunt, dicturus: *Ite, maledicti, in ig-  
nem æternum?* 6. 131.  
Quomodo intelligendi sunt PP. asse-  
rentes eos tormenta pati? 6. 133.  
Cur sic PP. loquantur? ibi.  
Pueri in Limbo non sunt actu conversi  
ad bonum commutabile, sed solùm  
habitualmente. 6. 134.

## DAMNATIO.

Damnationem alienam potest Deus  
alicui revelare. 6. 118.  
Damnationem propriam non potest  
nisi de posse absoluto. ibi.  
An, & quomodo possimus gaudere de  
reprobi damnatione? 6. 200.  
Non possumus seriò, & voluntate de-  
liberata desiderare reprobi damna-  
tionem. ibi.

## DAVID.

Per profundam meditationem omnia  
bona in eius animam introiere. 1. 2.

## DEIPARA.

Vide verbo *MARIA Sanctissima.*

## DELECTATIO.

Delectatio contemplationis est supra  
omnes alias, & dolores. 9. 47.  
Delectatio est duplex. 9. 53.  
Vna est propria actus delectantis. ibi.  
Alia verò est extranea. ibi.  
Hæ delectationes inter se differunt.  
ibi.  
Delectatio propria non impedit con-  
templationem. ibi.  
Extranea verò impedit. ibi.  
Ex

# RERVM NOTABILIVM.

Ex delectatione contemplationis redundat in corpus. 11. 57.

## DEVOTIO.

Devotio exardescit meditatione. 1. 19.

Meditatio est causa devotionis. 2. 31.

Devotio offert Deo voluntatem. 2. 33. & 35.

Devotio est magis perfecta, quàm oratio, & quare? 2. 35. & 39.

## DEUS.

Amor Dei hominem elevat ad Seraphim societatem. 1. 85.

Non omnis elevatio mentis in Deum est oratio. 2. 32.

Non est oratio, quæ impetrat cum Dei indignatione. 2. 74.

Potest homo secundum naturalem affectum velle aliquid, quod Deus non vult. 4. 26.

Ratio *sub qua* Deus orationem terminat est absoluta. 5. 5.

Oratio respicit Deum, ut Auctorem gratiæ, & gloriæ. ibi.

Amor Deum respicit propter se ipsum. 6. 22. & 23.

Deus denegat multoties, quæ petimus, ut meliora concedat. 6. 84.

Deus fecit S. M. N. Theresiam Magistram contemplationis infusa. 7. 32.

Ex conversione hominum Deus delectatur. 9. 52.

Quomodo dicitur, bruta Deum invocare? 11. 8.

Deus diligitur mente tota totalitate præcepti. 11. 74.

Et ad hoc non est necessaria contemplatio. ibi.

Etiã dum Deus diligitur mente tota totalitate, quæ est finis præcepti. ibi.

Theologia Mystica agit de Deo, ut est veritas amabilis. 12. 52.

In Deum credere habet fides à charitate imperata. 13. 2.

Credere verò Deo, & Deum ab ea non habet. ibi.

Fides non illustrata non terminatur ad Deum ex connaturalitate. 13. 13.

Cum Deo vnimur per virtutes Theologales. 13. 42.

In nulla contemplatione obscura vnitur Deus menti in ratione speciei

intelligibilis. 14. 20.

Lumen gloriæ, quantumvis minimum, ostendit Deum clarè. 14. 26.

Dei *esse* cognoscimus, prout *esse* significat compositionem propositionis. 14. 46.

Non autem prout significat actum essendi. ibidem.

Dei existentia est ipse quidditas. 14. 47.

Cognitio terminata ad existentiam Dei, non potest esse quoad *an est*. 14. 48.

Cognitio Dei per effectus est mediata. 14. 50.

Per effectus naturales cognoscitur Deus, ut Auctor naturæ. ibi.

Per effectus verò supernaturales cognoscitur ut Auctor gratiæ. ibi.

Cognitio Dei mediata conceditur à D. Thoma. ibi.

Immediata verò negatur. ibi.

Reprehenditur in hoc Scorus. ibi.

## DILECTIO.

Christi dilectio mortuum reddit hominem Mundo. 10. 167.

Est motus in obiectum. 12. 26.

Intimior est obiecto contemplatio, quàm dilectio. ibi.

## DISCURSUS.

Homo non intelligit simplici intuitu, sed discursu. 1. 32.

Discursus non est operatio entitativè diversa à iudicio. 12. 71.

Iudicium credulitatis differt à discursu. 12. 84.

## DISPOSITIO.

Virtus moralis est dispositio ad contemplationem. 1. 33.

Purgatio sensuum etiam est dispositio ad contemplationem. 1. 87.

Virtus est *dispositio perfecti ad optimum*. 3. 145.

Vita activa est dispositio ad contemplationem. 10. 98.

Dispositio indendubilis ab imperfectione non compatitur cum forma. 10. 194.

Dispositio sumitur dupliciter. ibi.

Ut est via ad perfectionem, non compatitur cum illa. ibi.

Compatitur verò cum perfectione, ut ipsius effectus. ibi.

Ex diversa dispositione phantasmatum  
sunt in nobis species. 14. 7.

## DIVISIO.

Divisio actionis in immanentem, &  
transeuntem non est univoca. 3. 54.

Divisio contemplationis in acquisitam,  
& infusam est essentialis. 8. 23.

Hæc divisio est adæquata. 8. 26.

Et est diversa ab ea, qua virtus dividi-  
tur in politicam, purgatoriam, &  
purgati animi. 8. 30.

## DOCTRINA.

Est duplex. 10. 21.

Doctrina, quæ ordinatur ad veritatem  
est speculativa. ibi.

Quæ verò ad bonos mores suadendos  
pertinet ad vitam activam. ibi.

Docere est opus misericordiæ. ibi.

## DONUM.

Quid sit? 7. 28.

Contemplatio activa provenit à donis.  
ibi.

Donum Sapientiæ est præcipuum in-  
ter omnia dona. ibi.

Donum dupliciter perficit hominem.  
ibi.

Quomodo virtus, & donum moveant?  
ibi.

Donum movet dupliciter. ibi.

Sapientiæ donum duplicem gradum  
habet. 11. 54.

Vt perficit habentem, est gratum faci-  
ciens. ibi, & sequentib.

Vt verò prodest aliis, est gratia gratis  
data. ibi.

Meditatio non dirigitur per donum  
sapientiæ. 11. 77.

Donis illustratum iudicium penetrat  
intima obiecti. 12. 87.

Donum intellectus extirpat errores,  
qui à phantasmatibus oriuntur. 12.

88.

Donum sapientiæ procedit per causas  
altissimas. 12. 115.

Donum scientiæ per causas intimas. ibi.

Quid sit sic procedere? 12. 116.

Iudicium, cuius motivum est causa su-  
prema, est doni sapientiæ, licet ob-  
iectum sit res infima. ibi.

Et similiter est de dono scientiæ. ibi.

Ponitur explicatio huius doctrinæ, pro  
utili exercitio contemplationis. ibi.

Hæc dona non sunt discursiva ex mo-  
do procedendi. 12. 119.

Ex parte rerum, quas attingunt, di-  
versa sunt, & quare? ibi.

Donum intellectus non est discursi-  
vum, & quare? ibi.

Donum sapientiæ, & scientiæ, spec-  
tât ad partem speculativam, & prac-  
ticam. 12. 123.

Dona procedunt ex connaturalitate ad  
res Divinas. 13. 33.

Dona concurrunt dupliciter ad con-  
templationem. 13. 44.

Donorum influxus in contemplatio-  
nem mysticam est insupplebilis. 13.  
55.

Concurrunt ad contemplationem, non  
eam eliciendo, sed modificando.  
13. 66.

Donum datur in adiutorium virtu-  
tum. 13. 70.

Perficit potentias animæ. ibi.

Elevat potentias supra modum huma-  
num. ibi.

Non datur donum, quod sit voluntas.  
13. 73.

Dona ex parte modi superant omnes  
virtutes. 13. 71.

Donum definitur. 13. 74.

Dicitur, ad quid donum animæ datur.  
13. 78.

Dona supponunt voluntatem degus-  
tantem. 13. 83.

Sunt cónexa quoad se; non verò quoad  
actum. 13. 93.

Non inveniuntur in peccatore. ibi.

Manebunt in Patria. 13. 94.

Regulantur in via per virtutes Theo-  
logales. ibi.

Sunt septem. 13. 95.

Quatuor perficiunt partem intellectu-  
vam. ibi.

Tria verò partem appetitivam. ibi.

Non omnia dona influunt in contem-  
plationem. ibi.

Quæ sunt, quæ non influunt, dicitur.  
ibi.

Dicitur quomodo donum intellectus  
ad contemplationem concurrat? 13. 96.

Ipsius differentia ab aliis donis, & alia,  
quæ ei conveniunt. ibi.

Eius

# RERVM NOTABILIVM.

Eius certitudo est ex connaturalitate.

13. 97.

Habens donum intellectus potest hebetudine laborare circa ea, quæ non sunt de necessitate salutis. ibi.

Indiget tamen direttore. ibi.

Distinctio doni sapientiæ, & scientiæ ab aliis, & inter se. ibi.

Donum sapientiæ perfectius est inter omnia. ibi.

Contemplatio ab eo precedens est perfectior, quàm quæ ab aliis. ibi.

Donum consilii non concurrit ad contemplationem. 13. 100.

Nec contrarium docuit N. Philippus. ibi.

Dicitur eius actus, & distinctio ab aliis. ibi.

Dona se invicem iuvant. ibi.

## E ECCLESIA.

Os Domini est in Ecclesia, ut separet prætorium à vili. 1. 19.

Licet Ecclesia nequeat iudicare de occultis contentiosis, potest per suos Ministros in foro Sacramentali. 3. 17. & 18.

Ecclesiæ Militantis, & Triumphantis communio orationibus exercetur. 4. 34.

Ad Spiritum Sanctum Ecclesia dirigit suas orationes, sed non frequenter, & quare? 5. 17.

Universalis Ecclesia Sanctos invocatur primis temporibus. 5. 19.

Datur præceptum Ecclesiæ ad Sanctos invocandos. 5. 51.

Magnum Eliam invocandum proponit. 5. 94.

Ecclesia perit, nè in Purgatorium cadant animæ, quæ in illo sunt, & quomodo? 6. 101.

Horas Canonicas terminat orans pro Purgatorii animabus. 6. 150.

Animæ, quæ Ecclesiæ clavibus affectæ fuerunt, dum viverent, facilius in Purgatorio iuvantur. 6. 154.

## ELIAS.

Magnum Eliam orare possumus. 5. 85.

Scripturæ epistolam ad Ioram Regem Iuda. ibi.

Est sollicitus adhuc de rebus nostris in Paradiso. 5. 87.

Eliam invocavit Elifæus. 5. 93.

Eius pallio divisit Iordanem. ibi.

Ecclesia Magnum Eliam invocandum proponit. 5. 94.

Agriensis Ecclesia apud Vngarorum celebrat, & invocatur. 5. 95.

Eum Ecclesia Græcorum colit, diemque sacramentum habet, in quo omnes à servilibus abstinent. 5. 96.

Magni Eliæ invocatio est ab antiquissimis temporibus. 5. 97.

Eius filii in Carmeli monte post ipsius raptum Templum in sui honorem construere. ibi.

Imperatrix Helena duo Tempia Eliæ construxit. ibi.

Alia innumera ei constructa fuisse à prædictis temporibus. ibi.

Magnus Elias velocissimus ad succurrendum. 5. 98.

Quid circa hoc Romani à Iudeis inaudierant? ibi.

Spectat Magnus Elias ad vitam beatam, & quare? 5. 108.

Ob hoc invocatur, construunturque in eius honorem Tempia. ibi.

Eliæ fuit idem raptus, ac est aliis moris. 5. 110.

Non est de pertinentibus ad hunc Mundum. ibi.

Ad societatem Eliæ, est opinio, Divum Ioannem Evangelistam fuisse translatum. 5. 113.

Magnus Elias est vitæ æternæ candidatus. 5. 112.

Aliqui asserunt frui visione beata. 5. 114.

Orientales, nedum Christiani, sed etiam Iudæi, & Mahumetani illum invocant, & cavernam ipsius visitant. 5. 118.

Elias est contemplationi summè deditus. 11. 156.

## ELISÆUS.

Invocavit Eliam. 5. 93.

Eliæ pallio Iordanem divisit. ibi.

## EXISTENTIA.

Existentia Dei est eius essentia. 14. 40.

Cog.

# I N D E X

Cognitio ad existentiam Dei termina-  
ta non potest esse quoad *an est.* 14. 48.

## F

### FACULTAS.

In quavis facultate dantur Incipientes,  
Proficientes, & Perfecti. 1. 23.

### FESTUM.

Quare festum Sanctorum celebramus?  
5. 94.

### FIDES.

Est proportionatum, & unicum me-  
dium ad unionem. 7. 50.

Oratio fidei datur iuxta Scripturam.  
7. 43. & 52.

Fidei obscuritas est animæ lucidissima  
lux. 7. 55. & 56.

Est informatio Divinorum. 7. 50. & 77.  
Quid sit? 7. 82.

Cur fides dicitur *substantia*? ibi.

Fides respicere est credere. 7. 77.

Dicitur *visio*, & *scientia*, & quare? 12.  
81.

Eliminat errores Hæreticæ pravitatis.  
12. 88.

Quid cadat directè, & quid indirectè  
sub fide? 12. 109.

Actus fidei sunt credere Deo, Deum,  
& in Deum. 13. 2.

Explicantur hi actus. ibidem.

Non sunt hi actus distincti, sed est ac-  
tus multiplex. ibi.

Fides secundum ea, quæ habet ab in-  
tellectu, manet in peccatore, &  
quare? 13. 3.

Dicitur informis ob absentiam chari-  
tatis. ibi.

Fides informis est principium nobi-  
lium actuum. ibi.

Abstinere ab idolatria per causam altissi-  
mum. ibi.

Etiā ab homicidio per causam crea-  
tam. ibi.

Sævis interesse facit. ibi.

Abundè hoc explicatur. ibi.

Fides informis nequit esse principium  
Divinæ contemplationis, & quare?  
ibi.

Datur fides illustrata, & non illustrata.  
13. 6.

Illustratur donis Spiritus Sancti. ibi.

Fides non illustrata influxum dono-  
rum non dicit. ibi.

Crescit fidei illustratio, crescente per-  
fectione, qua dona habentur. ibi.

Fides non illustrata non est habitus  
elicitivus Divinæ contemplationis.  
13. 10.

Dicit anxietatem fluctuationis. ibi.

Fidei actus est cum assensione cogita-  
re. 13. 11.

Qualiter à fide, & qualiter à scientia  
dicatur cogitatio? 13. 10.

Intellectus fide ductus tenetur termi-  
nis non propriis, sed alienis. 13. 12.

Fide illustrata ductus tenetur terminis  
propriis. ibi.

Fides non illustrata non terminatur ad  
Deum ex connaturalitate. 13. 13.

Actus eius præcedit gustum voluntatis.  
ibi.

Fides illustrata elicit contemplatio-  
nem, quæ est per causas, & quæ non  
est. 13. 15.

Fidei triplex gradus. 13. 23.

Fides illustrata dicit evidentiam mysti-  
cam. 13. 36.

Eius actus est mysticè scientificus. ibi.

Fides est *non apparentium* intrinsecè,  
& quoadquid sunt. 13. 40.

Non autem est *non apparentium* extrin-  
secè, mysticè, & quoadquid non  
sunt. ibi.

Fide regulatur Theologia, quatenus  
est vicaria luminis gloriæ. 13. 94.

### FINIS.

Meditationis finis est contemplatio.  
1. 11.

In coniunctione ad ultimum finem  
consistit perfectio. 1. 79.

Propriū est charitatis respicere Deum  
ut finem supernatoralem. 2. 124.

Ob fines diversos potest res eadem esse  
amabilis, & odibilis. 6. 180.

Bonum habet rationem finis. 9. 4.

Et etiam beatitudo. 10. 93.

Proximus Carmelitarum finis est mix-  
tus ex contemplatione, & actione.  
11. 117.

Proprius verò est contemplatio pro-  
priè talis. 11. 151.

Finem intentum à Legislatore trans-  
grediens peccat mortaliter. ibi.

Fi-



# RERVM NOTABILIVM.

Finis humanæ est contemplatio. 12.  
25.  
Contemplationis finis est veritas. 12.  
44.  
Finis intellectus practici est opus ex-  
terius. 12. 56.

## G

### GRATIA.

A gratia non destruitur natura. 1. 29.  
GRATIS DATA.

Definitur. 11. 54.  
Gratia gratis data, & gratum faciens  
possunt coincidere in eadem entita-  
te. 11. 57.  
Gratia contemplationis aliquando in-  
cipientibus datur, & denegatur per-  
fectis. 11. 35.

### SANCTIFICANS.

Vitia compatiuntur cum gratia viæ.  
1. 9.  
Non verò cum gratia consummata. ibi.  
Est necessaria ad salutem necessitate  
medii. 3. 1.  
Oratio respicit Deum, vt Auctorem  
gratiæ. 5. 5.  
Est duplex: amissibilis, & inamissibilis.  
5. 108.  
Explicatur hoc. ibi.  
Est natura radicans contemplationem.  
9. 43.  
Sine gratia contemplatio Divina non  
est dabilis. ibi.  
Vnio viæ contemplatiuæ cum actiua  
est opus gratiæ. 10. 191.  
Per effectus supernaturales cognosci-  
tur Deus vt Auctor gratiæ. 14. 50.

## H

### HABITUS.

Actus non elicitur à potentia, si me-  
diat potentia, & habitus, vel solus  
hic. 2. 124. & 125.  
Si sola potentia mediat, actus alicitur  
ab habitu in alia potentia residente.  
ibi.  
Idem est, quòd habitus sit supernatura-  
lis, ac quòd sit infusus. 8. 18.  
Habitus respiciens terminum natura-  
lem, vel supernaturalem, non vt ta-

lem, naturalis est. 8. 55.  
Habitus contemplationis actiue natu-  
ralis est acquisitus. 13. 30.  
Est Theologicus. 13. 10.  
Habitus contemplationis actiue su-  
pernaturalis est infusus. ibi.  
Ex habitibus alii sunt perfecti, imper-  
fecti alii. ibi.  
Videtur actus perfectus, vltra habitum  
requiritur expeditio subiecti ope-  
rantis. ibi.  
Actus perfectus requirit habitum per-  
fectum. ibi.  
Actus non generant, nisi habitus sibi  
similes. ibi.  
Actus habitus infusi habitum non ge-  
nerant, sed præexistentem confir-  
mant. ibi.  
Habitus elicivus contemplationis est  
inter omnes cognoscitivos perfec-  
tior. 13. 42.  
Non est Religio infusa. ibi.  
Non est donum. ibi.  
Non est habitus, qui ab aliquibus dici-  
tur contemplationis. ibi.  
Non est fides non illustrata. ibi.  
Habitus acquisitus præstat facilitatem.  
13. 78.  
Habitus infusus, si immediatè afficiat  
porentiam, dat posse. ibi.  
Si afficiat alium habitum infusum, non  
elicit substantiam actus. ibi, & 79.

### HÆRESIS.

Illuminatorum Hæresis est damnata à  
suprema Hispaniatum Inquisitione.  
1. 21.  
Arii, & Nestorii Hæresis insinuat. 4.  
29.  
Et etiam Donatistarum. 5. 34.  
Et Pacificantium, & Flaselantium. 7.  
84.  
Et dicentium B. V. MARIAM colen-  
dam esse tanquam Deum. ibi.  
HOMO.  
Homo à peccatis surgens, potest ad  
meditationem admitti. 1. 44.  
Triplex hominum genus excluditur à  
meditatione. 1. 59.  
Nullus repente fit summus. 1. 64.  
Solet aliquis incipere ab altiori gra-  
du Sanctitatis, ad quem alii in fine  
perueniunt. ibi.

Dei

Dei amor elevat hominem ad Seraphim societatem. 1. 85.  
 Homo, cui revelatur sua reprobatio, non potest orare pro ea, nec eam sperare. 3. 37. & 38.  
 Potest secundum naturalem affectum velle aliquid, quod Deus non vult. 4. 26.  
 Debet proprium affectum Deo subiacere. ibi.  
 Homo purus potest esse, aut dici Salvator, Advocatus, & Mediator, non redemptionis, sed intercessionis. 5. 28. & sequentib.  
 Aliqui homines operantur malè, & aliorum orationibus fidunt. 5. 49.  
 Alii non querunt aliorum orationes, & bene operantur. ibi.  
 Alii verò verumque faciunt. ibi.  
 Primi sunt mali. ibi.  
 Secundi mali non sunt. ibi.  
 Terti denique sunt boni. ibi.  
 Contemplatio est actus hominis, ut intellectivi. 8. 11. & 11. 6.  
 Hominem elevat ad classem Angelorum. ibi.  
 Ei convenit secundum propriam naturam. 9. 37.  
 Homo simpliciter perfectior est corporibus Cœlestibus. 10. 42.  
 Homines in Patria erunt sicut Angeli. 10. 119.  
 Passiones, quæ magis hominem faciunt bestialem, sunt venereorum. 10. 120.  
 Homo aliorum communicationem fugiens, aut est bestia, aut Deus. 10. 141.  
 Christi dilectio mortuum reddit hominem Mundo. 10. 167.  
 Continuatur cum Angelis in intellectivo. 11. 6.  
 Cum homine continuantur bruta in estimativa. ibi.  
 Homo tenetur omnia sua virtute referre in Deum. 11. 91.  
 Non sufficit, quòd hoc faciat habitu, nec requiritur actus. ibi.  

HUMILITAS.

 Contra humilitatem est raptum, & alios favores petere. 11. 31.  
 Et etiam conari ad contemplationem

infusam. ibi.

## I IACOB.

Duplicem claudicationem contraxit à lucta, seu contemplatione. 9. 47.  
 Vna defectuosa fuit; alia verò virtuosa. ibi.  
 A prima sanus erat ipsa die: secundam per totam vitam conservavit. ibi.

### D. IACOB MINOR.

Pro Abel, & aliis Defunctis orabat. 6. 147.  
 Docuit orationem fidei. 7. 43.  

INCIPIENTES.

 Ad incipiētes spectat meditatio. 1. 5.  
 Debent præbere animæ materiam, ut discurrat. ibi.  
 Et occupare sensus in rebus honestis, quarum sapore inescantur, & à mundialibus semoveantur. ibi.  
 Incipientes dantur in qualibet facultate. 1. 23.  
 Contemplationis gratia aliquando incipientibus datur, & denegatur perfectis. 11. 35.  
 Potest incipiens habere maiorem charitatem, quàm perfectus. 11. 36.  
 Hoc verò non intelligitur de charitate constitutiva status. ibi.  
 Qui ab initio perfecti sunt, non absolvuntur ab incipientium exercitiis. 11. 38.  
 In Religione sunt incipientes, Proficientes, & Perfecti. ibi, & 40.

### INTELLECTUS.

Oratio est actus intellectus. 2. 84. & 111.  
 Imperium est actus intellectus. 2. 91.  
 Ordo dependens ab intellectu practico non est fictus. 2. 93.  
 Intellectus movetur à voluntate quoad exercitium. 2. 96.  
 Dicitur mens. 2. 105.  
 Quod ab intellectu descendit in voluntatem, fit delinea voluntatis, & non è contra. 2. 144.  
 Intellectus non perficitur per id, quod habet à Religione. 2. 145.  
 Est simpliciter perfectior voluntate. 10. 52.

## RERVM NOTABILIVM.

Est simpliciter prior. ibi.  
 Relativè ad obiectum creatum etiam  
 est perfectior. ibi.  
 Relativè verò ad obiectum increatum  
 est etiam perfectior in Patria, sed  
 non in via. 10. 53.  
 Est motivum voluntatis. 10. 52.  
 Fit perfectior ex coniunctione ad vo-  
 luntatem. 10. 58.  
 In actibus intellectus invenitur ali-  
 quid impressum à voluntate, & è  
 contra. 10. 59.  
 Quod à voluntate derivatur in intel-  
 lectum, est imperfectius ipso. 10.  
60.  
 Quod ab intellectu verò in volunta-  
 tem derivatur, perfectius est ipsa.  
 ibi.  
 Intellectus practicus secundum id,  
 quod habet à voluntate, ea est im-  
 perfectior secundum id, quod ha-  
 bet ab intellectu. 10. 61.  
 Idem datur in intellectu, ac in pru-  
 dentia relativè ad virtutes morales.  
10. 62.  
 Intellectio est simpliciter perfectior  
 intellectu, & habitibus eius. 10.  
63.  
 Ab intellectu elicitur contemplatio.  
12. 19. & 20.  
 Unio cum Deo per intellectum per-  
 fectior est, quam per voluntatem,  
 ibi.  
 Beatitudo est actus illius. 12. 23.  
 Intellectus est principium proximum  
 contemplationis. 12. 29.  
 Speculativus, & practicus sunt eadem  
 potentia. 12. 56.  
 Speculativus *extensione fit practicus.*  
 ibi.  
 Differunt ex parte finis. ibi.  
 Finis intellectus speculativi est verita-  
 tis contemplatio. ibi.  
 Finis verò practici est opus exterius.  
 ibi.  
 Quid requiritur, ut intellectus sit prac-  
 ticus? 12. 57.  
 Contemplatio est actus intellectus  
 speculativi. 12. 58.  
 Secundariò verò est actus intellectus  
 practici. ibi.  
 Intellectus practicus assimilatur Deo.

12. 63.  
 Sed magis assimilatur speculativus.  
 ibi.  
 Operatio istius est triplex. 12. 66.  
 Practici verò multiplex. 12. 67.  
 Intellectus dicitur quasi intus legens.  
12. 80.  
*Credere* est actus intellectus ut mori à  
 voluntate. 13. 2.  
 Intellectus fide ductus tenetur termi-  
 nis non propriis, sed alienis. 13. 12.  
 D. IOANNES EUANGELISTA.  
 Est opinio, quòd adhuc vivit, & quòd  
 habitat cum N. P. Elia in Paradiso.  
5. 113.  
 D. IOANNES A CRUCE.  
 Docet triplex impedimentum dari ad  
 contemplationem. 1. 9.  
 Etiam docet nocivum esse ascensum  
 ad contemplationem absque medi-  
 tatione. 1. 15.  
 Et illam non deserere, quando tem-  
 pus adest. ibi.  
 Docet etiam Proficientes, & Perfectos  
 debere aliquando meditationem  
 exercere. 1. 18.  
 Docet Sanctorum invocationem. 54  
22.  
 Etiam contemplationem activam. 7.  
13.  
 Electus fuit à Deo Magister istius con-  
 templationis. 7. 30.  
 Docet contemplationis activæ habi-  
 tum esse acquisitum. 8. 77.  
 Egregiè describit superioritatem vitæ  
 contemplativæ supra activam. 10.  
80.  
 Propugnavit familiam nostram esse  
 simpliciter contemplativam. 11.  
119.

### IUDICIUM.

Aliud est inquisitivum, & aliud reso-  
 lutivum. 12. 70. 71. & 83.  
 Quid sit utrumque hoc iudicium? ibi.  
 Datur credulitatis iudicium. 2. 184.  
 Hoc est actus fidei. ibi.  
 Est actus intellectus. ibi.  
 Actus fidei est assensus, consequenter-  
 que iudicium. ibi.  
 Credulitatis iudicium differt à simpli-  
 ci apprehensione. ibi.  
 Et à discursu. ibi.

Et etiam differt à iudicio enuntiativo.

12. 85.

Actus fidei differt à iudicio resolutivo.

ibi, & 86.

Credulitatis iudicium ducitur extrin-

seco testimonio dicentis. ibi. & 87.

Et non cognoscit intrinseca predicata

obiecti. ibi.

Hoc verò non est imperfectio priva-

tiva. ibi.

Iudicium donis illustratum penetrat

intima obiecti. ibi.

Datur etiam iudicium discretivum.

12. 88.

Cum isto aufertur fidei fluctuario. ibi.

Penetrat intima obiecti. ibi.

Cognoscit obiectum non obscure, sed

clare claritate negativa. ibi.

Explicatur hoc. ibi.

Est actus doni intellectus. ibi.

Differt à iudicio credulitatis. 12. 89.

In Patria dicit evidentiā positivā. ibi.

In via verò negativā. ibi.

Destruit fluctuationem iudicii credu-

litis. ibi.

Procedit ex mystica connaturalitate

ad Divina. ibi.

Non compatitur cum peccato. ibi.

Datur etiam iudicium resolutivum.

12. 90.

Si procedit per altissimas causas, est

actus doni sapientiae. ibi.

Si per interiores, est actus doni scien-

tiae. ibi.

Analyticè procedit. ibi.

Reddit rationem de eo, quod iudicat.

ibi.

Et illud defendit. ibi.

Cognoscit rationem, ob quam obiec-

tum cognoscit. ibi.

Contemplatio, quæ non procedit per

causas, est actus iudicii discretivi.

12. 104.

Iudicium hoc cognoscit cognitione

absolutè imperfecta, & relativè per-

fecta, ea, quæ directè cadunt sub fi-

de. 12. 109.

Cognoscit verò cognitione absolutè

perfecta, quæ non directè cadunt

sub fide. ibi.

Explicatur hoc. ibi.

Dicitur discrimen inter iudicium dis-

cretivum, fidem, & Theologiam

in attingendo credibilia hæc. 12.

110.

Iudicium discretivum non est pura

veritatis apprehensio. 12. 112. &

113.

In iudicio resolutivo non est error.

12. 121. & 122.

Cum iudicio certò non compatitur

dubium, suspicio, aut opinio. ibi.

## L

### LACHRYMÆ.

Lachrymis minuitur dolor contem-

plantis, & quare? 9. 69.

### LECTIO.

Est locutio Dei ad nos: & nostra ad

Deum per attentionem, qua audi-

mus. 2. 26.

### LIMBUS.

Sancti Patres, qui in Limbo fuerunt, po-

tuerunt orari. 5. 102.

Ad Limbum missi non puniuntur pœ-

na sensus. 6. 125.

Decedentes cum originali culpa pun-

niuntur in Limbo. ibi.

Non possumus orare pro existentibus

in Limbo, & quare? 6. 127.

Pueri in Limbo sunt verè damnati, &

in termino simpliciter. 6. 128. &

129.

Pœna damni eis minorari non potest.

6. 130.

Consistit in privatione. ibi.

Potius essent viles orationes nostræ

damnatis, si essent, quàm existentibus

in Limbo, & quare? ibi in fine.

An supremus Iudex existentibus in

Limbo sit dicturus: *Ite, maledicti, in*

*ignem æternum*? 6. 131.

Quomodo sunt intelligendi PP. asse-

rentes, eos tormenta pati? 6. 133.

Cur sic loquantur? ibi.

Pueri in Limbo non sunt actu conver-

si ad bonum commutabile, sed ha-

bitualiter solum. 6. 134.

Eorum culpa non dicitur voluntariū

propriū: eoque non puniuntur

pœna sensus. 6. 135.

### LITANIA.

Est petitio auxilii Sanctorum. 5. 71.

La.

## RERVV NOTABILIVM.

Latine est invocatio Sâctorum. 5. 19.  
Græcè autem est idem ac *kyrie eleison*. ibi.

### LUMEN GLORIÆ.

Per lumen gloriæ Beati cognoscunt cogitationes cordium. 4. 40.  
A lumine gloriæ est visio ante actum charitatis. 13. 83.  
Partitur in plures conceptus. 13. 87.  
Est Theologia Beatorum. 13. 89.  
Respicit Deum quidditative, & prout est in se. ibi.  
Attingit Deum, ut degustatum à voluntate. ibi.  
Sed hoc non se solo, sed cum influxu donorum, ibi.  
Actus primatius luminis gloriæ est in-neri Deum prout in se est. ibi.  
Theologia regulatur fide, quatenus est vicaria luminis gloriæ. 13. 94.  
Sine lumine gloriæ non datur vltima beatitudo. 14. 22.  
Sine lumine gloriæ elevante non vni-tur essentia Divina, ut species. 14. 24.

Lumen gloriæ, quantumvis minimum, ostendit Deum clarè. 14. 26.

### PROPHETICUM.

Per lumen propheti-cum Propheta cog-noscit cogitationes cordium. 4. 40.  
Prophetico lumine accipitur cog-nitio, quæ accipi non potest per lu-men naturale intellectus agentis. 14. 2.

### LUX.

In Divina luce Deus manifestatur ani-mæ per fidem, & quomodo? 7. 50.  
Obscuritas fidei est animæ lucidissima lux. 7. 55. & 56.  
Definitur lux. 14. 26.  
Eius formale obiectum est diapha-num. ibi.  
Si lux est exigua, non ostendit con-ceptus inferiores. ibi.

# M

### MALVM.

Non est possibile statui Beatorum. 6. 39.

### MARIA.

Ab initio collocata fuit in contempla-

tionem.

1. 71.

Præcipue vrget præceptum de invoca-tione Sâctorum respectu B. V. MARIÆ.

5. 44.

Ei viventi templa suere consecrata. 5. 110.

B. V. MARIA collectionem venia-lium viravit. 6. 198.

Fuit hæresis dicentium Beatissimam Virginem MARIAM colendam es-se tamquam Deum. 7. 84.

In B. V. MARIA. fuerunt simul vi-a contemplativa, & activa. 10. 151.

Cur in die ipsius Assumptionis cani-tur Euangelium de MARIA, & Mattha? ibi.

Contemplata est sine extasi, & raptu. 10. 152.

Contemplata est, dum Redemptor N. in Cruce patiebatur. 10. 153.

Et etiam incessanter toto tempore vi-tæ suæ. ibi.

Acerbissime passa est in Filii sui Pas-sione. ibi.

Si eius dolor divideretur inter omnes creaturas doloris capaces, omnes subito morentur. ibi, in fine.

B. V. MARIA iuxta Crucem gessit munus Salvatricis, & Mediatrix. 10. 156.

Nullam ægritudinem habuit. 10. 161.

Nec spafium improprie talem. 10. 162.

Ante suam nativitatem contemplata est. 10. 190.

Interrogans *quemodo fiet illud?* non dubitavit, sed dicta penetrare vole-bat. 12. 109.

### MATRIMONIUM.

Matrimonium spirituale Beati con-sistit in vnione actuali. 10. 188. & 189.

Viatoris verò in habitali. ibi.

Vt hoc Matrimonium detur, quid re-quiritur? ibi.

In Matrimonio spirituali intellectu-s Deo vnitus est, & similiter volun-tas. ibi.

Actualiter verò non semper, sed mul-toties. ibi.

Et hæc vnio compatitur cum operibus vitæ activæ. ibi.

§§§§ a

1a-

# INDEX

Interrumpitur autem hæc vnio ob miseram conditionem status, somno, & corporis gravitate. *ibi.*

Ex vnione habituali in hoc matrimonio non est animæ difficile actualem reproducere. *ibi.*

## MEDIATOR.

Mediator est triplex. 5. 29. & seq.  
D. Paulus agens de Mediatore explicatur contra Hæreticos. 5. 32. & 33.

Christus est Mediator Dei, & hominum. *ibi.*

## MEDITATIO.

Ad contemplationem proportionat. 1. 2.

Est incipientium exercitium. 1. 5.

Si ante tempus meditatio deferatur, imminet periculum. 1. 6. & 7.

Est principium ad obtinendas virtutes. *ibi.*

Est simpliciter necessarium, quòd meditatio præcedat contemplationem. *ibi.*

Est oratio perfecta in se, & imperfecta relatè ad contemplationem. *ibi.*

Deferenda est tempore congruo, & ad contemplationem transeundum. *ibi.*

Quo tempore deferenda est meditatio, docet Extat. P. N. D. Ioannes à Cruce. *ibi.*

Meditatio ex parte animæ reddit ipsam ad contemplationem perfectibilem. 1. 10.

Est origo purgationis activæ. *ibi.*

Est medium ad obtinendam contemplationem. 1. 11.

Est inquisitio veritatis. *ibi.*

Exercitanda est à Perfectis. 1. 17. & 18.

Qui sine meditatione ad contemplationem ascendit, periculo illusionis exponitur. 1. 25.

Ex privilegio speciali meditatio contemplationem non præcedit. 1. 11. 26. & 60.

A meditatione distat bona Philosophia incipi viam spiritus. 1. 29. & 30.

Meditatione habentur virtutes morales. 1. 34. & 35.

Non omnes, qui medianrur, ad con-

templationem admittuntur. 1. 77.

Infructuosa est meditatio, si ad contemplationem non pervenit ex defectu meditantis. 1. 82.

Non semper meditatio est opus incipientium. 1. 83.

Est causa devotionis, gratiarum actionis, & sui oblacionis. 2. 31.

Cogitatio transit in meditationem. 7. 15.

Et meditatio debite facta in contemplationem. *ibi.*

Non datur meditatio infusa. 8. 39.

Definitur meditatio. 10. 15.

Spestat ad vitam activam. 10. 39.

Meditatio non curans relinquere pluralitatem actuum, non pervenit ad contemplationem. 11. 77.

Et qui sic procedit, utitur intellectu, ut ratio est. *ibi.*

Meditatio non dirigitur per donum sapientiæ. *ibi.*

Dirigitur verò per sapientiam, quæ est virtus intellectualis. *ibi.*

Meditatio est duplex. 11. 132.

Vna est exercita. *ibi.*

Alia verò signata. *ibi.*

Explicatur hæc distinctio. *ibi.*

## MERITUM.

Impetratio requirit merita presentia, vel præcedentia, & acceptionem Dei. 4. 51.

Terminus ad meritum est mors. 4. 73.

In Purgatorio non est propriè meritum. *ibi.*

Cum merito non potest coexistere præmium omnium vltimum, & quare? 6. 15.

Meriti ex intrinseca ratione est moveri. *ibi.*

Fides est de intrinseca ratione meriti. *ibi.*

Spes Theologica non requiritur necessario ad meritum. 6. 21.

Quare meritum non dicit essentialem connexionem cum desiderio præmii? *ibi.*

Contemplatio non ponitur inter beatitudines tamquam meritum, sed tamquam præmium. 10. 93.

MO-

## RERVV NOTABILIVM.

### MOLINOS.

Dicebat non dari viâ purgativam, illuminativâ, & vnitivam. 1. 7. & 26.  
Nec vrendum esse in oratione imaginibus, figuris, &c. ibi.  
Et quòd ignorantia est in oratione auxilium quærere per discursus. 1. 8.  
Et etiam dicebat, quòd qui suam viam internam non sequuntur, se delusos invenient in hora mortis. 1. 26.  
Negat verò meditationem esse orationem. 7. 67.  
Et contemplationem non vniuersalem. ibi.  
Docuit insuper actum contemplationis à creatura non produci. ibi.

### MORS.

Mors mystica præcedit contemplationem, sicut naturalis visionem Dei. 1. 9.  
Mors est terminus ad meritum. 4. 73.  
Contemplatio est mors viro contemplanti. 10. 2.

### MOTVS.

Actio prædicamentalis fuit ab agente cum motu. 8. 48.  
Actio verò immanens fuit sine motu. ibi.  
Motus propriè dictus diffinitur. 8. 49.  
Datur motus latè talis, & est idem, ac mutatio. ibi.  
Contemplatio magis assimilatur motui, quàm quieti. 1. 51.  
Contemplatio exercitè sumpta est motus perfecti. 10. 10.  
Motus imperfecti pugnat cum quiete. ibi.  
Non verò motus perfecti. ibi.  
Motus contemplationis est quies. ibi.  
Motus circularis est formaliter contemplatio. 12. 98.  
Motus verò rectus, & obliquus sunt dispositivè contemplatio, & formaliter meditatio. ibi.

## N

### NATURA.

Natura distat incipiendum esse à minùs perfectio. 1. 29.  
Non destruitur à gratia. ibi.  
Gratia sanctificans est natura radicans

contemplationem.

9. 43.

### NECESSARIUM.

Necessarium aliud est medii, & aliud præcepti. 3. 1.  
Necessarium medii aliud est absolute, & sine quo finis absolute obtineri non valet. ibi.  
Aliud verò ex suppositione. ibi.  
Insuper aliud est tale simpliciter. ibi.  
Aliud verò ad melius esse. ibi.  
Deinde aliud est ex ipsa natura finis obtinendi. ibi.  
Aliud verò ex determinatione dirigentis. ibi.  
Et etiam aliud est relativè ad omnes. ibi.  
Aliud autem relativè ad aliquos. ibi.  
Necessarium necessitate præcepti dividitur iuxta diversitatem præceptorum. ibi.  
Aliud est naturale. ibi.  
Aliud Divinum. ibi.  
Aliud verò humanum. ibi.  
Datur adhuc necessarium per se, per aliud, & per accidens. ibi.  
Necessarium per accidens non coincidit cum necessario per aliud. ibi.  
Necessitas medii sumitur per ordinem ad finem. 3. 15.  
Necessitas præcepti per ordinem ad præcipientem. ibi.  
Explicatur quid sit necessarium per se, & per accidens. 3. 51. vsque ad 56.

## O

### OPERATIO.

Operatio significat propriissimè actionem immanentem, quæ est simul fieri, & factum esse. 8. 45.  
Operatio latius quid est, quàm actus, & quare? 12. 121.

### ORATIO.

Oratio est alicuius ad aliquem pro re aliqua obtinenda. 2. 43.  
Est actus intellectus. 2. 84.  
Dicit ordinem inferioris ad superiorem. 2. 86.  
Est expressio indigentiae propriæ, & potentiae eius, ad quem funditur. 2. 87.  
Est imperium deprecativum. 2. 97.  
Est

# I N D E X

- Est locutio. 2. 112.
- ORATIO DIALECTICA.
- Oratio dialectica abstrahit à veritate, & falsitate, & quare? 2. 51.
- Essentia eius est enuntiare vnum de alio. ibi.
- Licet oratio dialectica sit falsa, vera propositio est. ibi.
- ORATIO CHRISTIANA.
- Oratio Christiana definitur. 2. 1.
- Meditatio est oratio perfecta in se, & imperfecta relatè ad contemplationem. 1. 7.
- Orare est cum Deo amabiliter agere. 2. 2.
- Est etiam ad Deum mente accedere. 2. 3.
- Oratio alia est propriè talis, alia verò impropriè. 2. 7.
- Præparatio, lectio, &c. sunt partes subiectivæ orationis impropriæ, & integrales propriæ. 2. 14. & 16.
- Non omnis elevatio mentis in Deum est oratio. 2. 32.
- Tribuit Deo cultum, & quare? 2. 33.
- Offert in Dei cultum intellectum. ibi.
- Tribuit Deo cultum abstrahens à præcepto. 2. 34. & 38.
- Oratio est minus perfecta, quam devotio, & quare? 2. 35. & 39.
- Oratio metaphysicè definitur. 2. 41.
- Dicit duplicem respectum. 2. 42.
- Non abstrahit oratio à bona, & mala, sed est determinatè bona. 2. 46.
- Non potest à Deo petere nisi decencia. 2. 46.
- In hoc fallitur Navarrus malè glossans D. Thomam, & carpens Caietanum. ibi.
- Mala à Deo petens, non orat nisi carnaliter. 2. 47.
- Ad esse orationis pertinet particula *decentium* essentialiter. 2. 49.
- Ad eius *bene esse* pertinet simpliciter explicite talis particula. ibi.
- Oratio mala non est oratio. 2. 52.
- Oratio est petitio decentium sive viæ, sive Patriæ. 2. 61.
- Et per hoc differt ab oratione particulariter dicta, quæ determinatè petit bona viæ. ibi.
- Et à *posulatione*, quæ determinatè petit bona Patriæ. ibi.
- Et ab *obstantatione*, quæ petit contestando per sacra. ibi.
- Ipsa petitio est Dei cultus, non ex parte materiæ petitiæ, sed ex parte petitionis, & petentis. 2. 67. & 68.
- Licet petimus à Deo mala poenæ. 2. 73.
- Non est oratio, quæ impetrat cum Dei indignatione. 2. 74.
- Oratio est imperium deprecativum. 2. 95.
- Tendit ad movendam Divinam voluntatem. 2. 98.
- Est actus intellectus practici. 2. 111.
- Est locutio. 2. 112.
- Elicitur à Religione. 2. 126.
- Religio dirigit orationem in finem sibi intrinsecum, ac in obiectum sibi proprium, & quare? 2. 128.
- Actus orationis elicitur à Religione existente in voluntate. 2. 136.
- Orationis relictio est de linea voluntatis. 2. 143. & 144.
- Est homini simpliciter necessaria. 3. 2.
- Sine oratione non potest consequi salus. 3. 2.
- Est necessaria per se ad salutem. 3. 7.
- Est necessaria, ut obtineat rem desideratam. 3. 7.
- Et ut Deo sacrificet metem. 3. 7. 8. 9.
- Est etiam oratio necessaria necessitate præcepti, & quare? 3. 12.
- Tale præceptum est partim naturale, & partim Divinum. 3. 15.
- Est affirmativum. ibi.
- Oratio non dedecet Divinam liberalitatem. 3. 20. & 21.
- Oratio habet rationem causæ relatè ad rem, quam obtinet. 3. 25.
- Relatè verò ad quem petit, si est creatura, etiam habet rationem causæ moralis. ibi.
- Si est Deus, nullomodo respectu ipsius est causa, nec eum excitat, aut movet. ibi.
- Latè hoc explicatur. ibi.
- In oratione conformamur cum voluntate Divina antecedenti. 3. 31. & 32.
- Si autem sciremus, quid Deus decretatum haberet, conformaremur cum ipso.



## RERVM NOTABILIVM.

ipſius voluntate conſequenti. *ibi.*  
 Oratio obligat in primo inſtanti vſus  
 rationis, & converſionis hominis  
 ad Deum. 3. 40.  
 Oratione quaritur regnum Dei. 3. 41.  
 Sine oratione non obtinetur auxilium  
 neceſſarium ad ſalutem. 3. 43.  
 Oratio eſt aſcenſus in Deum, vt in  
 quo auxilium queritur. 3. 44.  
 Sine oratione non habentur bona ſpi-  
 ritualia. 3. 46.  
 Oratio debet præcedere ad aggredien-  
 dam rem inagni momenti. 3. 47.  
 Eſt ianua ad recipiendos Divinos favo-  
 res. 3. 48.  
 Eſt iter, quo in Cælum homo pergit.  
 3. 49.  
 Deus non poteſt orare in propria na-  
 tura. 4. 2. & ſeq.  
 Nec antequàm homo fieret, potuit  
 orare nomine humanitaris aſſumen-  
 dæ. 4. 7.  
 Deus in natura aliena, ſeu Chriſtus,  
 propriè orat it mentaliter, vocali-  
 ter, ſolus, aſſociatus, pro ſe, & pro  
 aliis. 4. 8.  
 Nunc orat in Cælo propriè, & for-  
 maliter. 4. 11.  
 Ad orationem non requiritur ſpes  
 Theologica. 4. 27.  
 Sufficit ſpes communiter diſta, quam  
 Chriſtus habuit, & Beati. *ibi.*  
 A Chriſto non petimus, vt pro nobis  
 oret, ſed vt noſtri miſereatur, &  
 quare? 4. 28.  
 In oratione aliud eſt impetrare, & a-  
 liud mereri. 4. 31.  
 Sancti orant pro nobis. 4. 33.  
 Eccleſiæ Militantis, & Triumphantis  
 communio orationibus exercetur.  
 4. 34.  
 Omnes Sancti pro omnibus calamita-  
 tibus ab omnibus invocari poſſunt.  
 4. 37.  
 Cum hoc ſtat, quòd aliqui pro vna,  
 alii verò pro alia neceſſitate invo-  
 centur. *ibi.*  
 Hæc differentia provenit ex quo illi  
 Sancti experti ſunt illam calamita-  
 tem, pro qua invocantur. 4. 38.  
 Excipitur S. P. N. Ioseph, qui, teſte S.  
 Doctrice Theresia, pro omnibus

ab omnibus invocandus eſt. *ibi.*  
 Animæ in Putgatorio orant oratione  
 communiter diſta. 4. 48. & 49.  
 Ratio formalis ſub qua Deus oratio-  
 nem retminat, eſt abſoluta. 5. 5.  
 Oratio reſpicit Deum vt Auctorem  
 gratiæ, & gloria. *ibi.*  
 Etiam reſpicit Deum vt bonum. 5. 6.  
 Et vt quaſi dicit habitudinem ad crea-  
 turam. 5. 7.  
 In oratione Dominica ſunt omnia,  
 quæ petenda ſunt. 5. 10. & 25.  
 Non licet alia petere, licet alio modo  
 ea petere liceat. *ibi.*  
 Oratio retminatur ad Patrem eſſentia-  
 liter ſumptum. 5. 14.  
 Si verò terminatur ad Patrem perſo-  
 naliter acceptum, non eſt, vt Perſo-  
 na quadam diſtincta. *ibi.*  
 Non poteſt vna Perſona orari ſine  
 aliis. 5. 15. 16. & 17.  
 Ad Spiritum Sanctum etiam dirigit  
 Eccleſia ſuas orationes, ſed non fre-  
 quenter, & quare? 5. 17.  
 Oratio eſt deſiderii interpres. 6. 7.  
 & 15.  
 Oratio noſtra non poteſt deſervire  
 Beatis pro gloria eorum eſſentiali,  
 etiam vt continuanda. 6. 6.  
 Oratio procedit ex virtute ſpei. 6. 8.  
 Oratio, ſpes, & deſiderium non poſ-  
 ſunt cum re coexiſtere. 6. 15. &  
 ſequentibus.  
 Oratio duos effectus habet. 6. 16. &  
 17.  
 Vnum habet de præſenti. *ibi.*  
 Alium verò de futuro, & cum ea in-  
 compoſſibilem. *ibi.*  
 Non ſat eſt futuritio Logica inter ora-  
 tionem, & conſecutionem rei peti-  
 tæ, orra ex poſterioritate nature.  
 6. 11. & 17.  
 Intelligētia ponitur illorū verborum,  
*da nobis hodie, & ſicut nos dimitti-*  
*mus orationis Dominicæ.* 6. 28.  
 Et etiam intelligētia illius: *Sanctifi-*  
*cetur nomen tuum.* 6. 30.  
 Oratio eſt ex ſe formalis reſiſtentia  
 orationis. 6. 29.  
 Et etiam meretur auxilium ad victo-  
 riam. *ibi.*  
 Non poſſumus petere, quæ ſolum per

posse absolutum possibilia sunt. 6. 76.  
 Deus denegat multoties, quæ petimus, & quare? 6. 84.  
 Christus oravit pro omnibus in Crucce. 6. 191.  
 Pro prædestinatis oravit, ut salutem consequerentur. ibi.  
 Pro reprobis autem, ut minus mali forent. ibi.  
 Oratio Christi in horto multipliciter intelligitur. 6. 192. 193. & 194.  
 D. Petrus tenebatur ad non negandum, & ad confitendum: non verò tenebatur ad orandum, ut negationem vitaret, & quare? 6. 195.  
 Oratio sine fiducia consequendi implicat. ibi.  
 Ad confitendum, & ad alia præcepta habebat tunc D. Petrus vires sufficientes sine oratione. ibi.  
 Oratio tunc ei necessaria non fuit. 6. 196.  
 Pro excommunicatis orare possumus. 6. 203.  
 Oratio debet fieri *p̄e*, & *perseveranter*. 6. 205.  
 Debet etiam esse de necessariis ad salutem, & pro se. ibi.  
 Oratio, quæ his conditiones servat, infallibiliter consequitur effectum. ibi.  
 Si oratio non sit pro orante, non est certò impetratoria, & quare? ibi.  
 Datur oratio fidei iuxta Scripturam. 7. 43. & 52.  
 Omnis oratio potest dici fidei. 7. 50.  

ORATIO VOCALIS.

 Deus in natura aliena, seu Christus, propriè oravit vocaliter. 4. 8.  
 Regula Carmelitarum præcipit orationem vocalem. 11. 128.  
 Per vocalem orationem Carmelita non satisfacit mentali. 11. 129.  
 E contra verò per mentalem orationem vocali, ibi præceptæ, satisfacit. 11. 129. & 130.  

ORATIO MENTALIS.

 Datur præceptum de oratione mentali, quoad designationem temporis. 3. 17. & 18.  
 Ut mentalis est, potest præcipi ab Ec-

clesia. ibi.  
 Hoc verò non intelligitur authoritativè, sed ministerialiter. ibi.  
 Abundè explicatur hoc. ibi.  
 Deus in natura aliena, seu Christus propriè oravit mentaliter. 4. 8.  
 Carmelitæ tenemur ad orationem purè mentalem. 11. 122. & seq.  
 Nostri Regula orationem mentalem præcipit. 11. 128.  
 Carmelita per orationem vocalem non satisfacit mentali. 11. 129.  
 Bene verò è contra. 11. 130.  
 Tunc non orare mentaliter est Carmelitæ peccatum mortale, quando finis eius impeditur. 11. 132.  
 Non quoties Carmelita frangit præceptum orationis purè mentalis, graviter peccat. ibi.  
 Distinctivum interius Carmelitarum est oratio purè mentalis. 11. 135.  
 Carmelita orationi mentali non studens, Carmelita non est. 11. 138.  
 Et non habet, per quod differat ab aliis. ibi.  
 Omnes conveniunt in hoc, quòd Carmelita orationi mentali non studens, peccat mortaliter. 11. 142.  
 Discriminantur verò an tale peccatum sit *per se*, vel *per accidens*. ibi.  
 Doctrina hæc malè dicitur conscientiz turbativa. ibi.  
 Regula Carmelitarum non præcipit die, ac nocte mentem in Deum actu ferri. 11. 145.  
 Oratio mentalis, ad quam Carmelitæ tenemur, est contemplatio. 11. 149.  
 Carmelita non satisfacit præcepto Regulæ, orationem continuam præcipientis, duabus horis quotidianis. 11. 185.

## P PASSIO.

Non est aptus ad contemplationem, qui passionibus, & tumultibus exterioribus implicatur. 1. 33.  
 Contemplatio dicitur *passio*. 8. 50.  
 Cur sic dicitur, & non actio? 8. 51.  
 Qui habent animum à passionibus ele-

# RERVM. NOTABILIVM.

varum, similes Angelis sunt. 10.  
120.  
**D. PAULUS.**  
Agens de Mediatore explicatur contra Hæreticos. 5. 32. & 33.  
**PECCATOR.**  
Peccator orat pro iusto viatore, & hic non potest pro Beato. 6. 63.  
Peccatores etiam exaudit Deus. 6. 167.  
Fides secundum ea, quæ habet ab intellectu, manet in peccatore. 13. 2. & 3.  
Dona Spiritus Sancti non inveniuntur in peccatore. 13. 93.  
**PECCATVM.**  
Homo à peccatis surgens potest ad meditationem admitti. 1. 44.  
Cum anima egreditur è corpore, qualiter à peccato veniali mandetur? 4. 70.  
Peccatum fugere propter ipsius deformitatem, est actus laudabilis. 6. 122.  
Peccatum eorum, qui sunt in Limbo, non punitur poena sensus. 6. 135.  
Peccatum veniale non subiacer poenæ damni. ibi.  
Peccatum in Spiritum Sanctum est finalis impenitentia. 6. 207.  
Est peccatum factum ex certa scientia. 6. 207.  
Hoc peccatum excludit retractativum à peccato. ibi.  
Dicitur irremissibile, & quare? 6. 207. & 208.  
Peccatum dicitur veniale tripliciter. 6. 209.  
Peccatum mortale factum ex ignorantia, aut impotentia, dicitur veniale ex causa. ibi.  
Voluntas est principium peccati mortalis. 6. 210.  
Peccatum ex malitia est ex electione factum. 6. 210. & 211.  
Peccatum mortale ex certa scientia nullatenus habet in se, ob quid veniale dicatur, & quare? 6. 212.  
Peccatum dicitur contra Spiritum Sanctum, quia est ex malitia. ibi.  
Peccatum factum ex infirmitate est contra Patrem, & quare? ibi.

Commissum verò ex ignorantia est contra Filium, & quare? ibi.  
Peccatum ad mortem est cum finali impenitentia. 6. 213.  
Pro istud peccatum habente non quis orare potest, nisi eximiam Sanctitatem habens. 6. 217.  
Peccatum in Deum est illud, quod dicitur contra Spiritum Sanctum. ibi.  
Et etiam est contra præcepta primæ tabulæ. ibi.  
Peccata in hominem sunt alia peccata. ibi.  
Consideratio peccatorum præteritorum pertinet ad vitam contemplativam. 10. 21.  
Ad permissionem Dei sequitur infallibiliter peccatum. 11. 48.  
Peccatum est compatibile cum iudicio credulitatis. 12. 89.  
Non est compossibile cum iudicio discretivo. ibi.  
Implicat contemplatio Divina, maxime supernaturalis, in habente grave peccatum. 13. 55.  
Multi existentes in peccato sunt firmi in fidei veritatibus. 13. 97.  
**POENITENTIA.**

Elevat mentem in Deum detestando culpam. 2. 33.  
**POTENTIA.**

Actus imperfectus prius habetur, quam perfectus, dum proceditur de potentia ad actum. 1. 4.  
Actus iste est medium inter potentiam, & actum perfectum. ibi.  
Actus non elicitur à potentia, si mediat alia potentia, vel habitus. 2. 124.  
Si verò sola potentia mediat, actus elicitur ab habitu in alia potentia residente. ibi.  
Actus procedens à potentia dependente ab alia, ab utraque dependet. 2. 136.  
Ab una dependet, ut à movente. ibi.  
Ab alia autem ut mota. ibi.  
A movente habet esse formale. ibi.  
A mota verò habet esse substantiale. ibi.  
In potentia vltimò pervenitur actus, ubi quod.

# I N D E X

- quod ipsi absolute tribuitur actus. 1. 6.  
ibi.
- Potentia respiciens contemplationem  
est per se instituta ad operandum. 1. 56.
12. 1.
- Potentia, & actus pertinent ad eundem  
ordinem. ibi.
- Intellectus speculativus, & practicus  
sunt eadem potentia. 12. 56.
- PRÆCEPTUM.
- Oratio est necessaria necessitate præ-  
cepti, & quare? 3. 12.
- Tale præceptum est partim naturale,  
& partim Divinum. 3. 15.
- Est etiam affirmativum. ibi.
- Datur etiam præceptum de oratione  
mentali, & quomodo est intelligendum?  
3. 17. & 18.
- Præceptum de invocatione Sanctorum  
est lex posita à Deo, ut nobis fa-  
veant. 5. 35. & 42.
- Hoc præceptum est partim naturale,  
& partim positivum. 5. 51.
- Pertinet ad 4. præceptum Decalogi.  
ibi.
- PRÆDICATIO, ET PRÆDICATOR.
- Prædicatio sumitur dupliciter. 10.  
32.
- Primo sumitur absolute. ibi.
- Secundo ut effectus contemplationis.  
ibi.
- Explicatur hoc. ibi.
- Prædicatores debent esse perfecti in  
vita contemplativa, & activa, &  
etiam virtutibus moralibus. 10.  
32.
- Quid debent prædicare? 10. 172.
- PRÆLATUS.
- Debet in vita contemplativa, & activa  
esse perfectus. 10. 32.
- Opera vitæ contemplativæ, & activæ  
propria sunt Prælatorum. 10. 67.
- PRÆMIUM.
- Præmium ultimum non comparitur  
cum merito. 6. 15.
- Præmium non ultimum permixtè se  
habet, & quare? ibi.
- Contemplatio ponitur inter beatitu-  
dines, tamquam præmium. 10. 93.
- PRINCIPIUM.
- S. M. N. Theresia docet meditatio-  
nem esse principium, quo virtutes  
obtinentur. 1. 6.
- Quomodo intelligenda est maxima:  
*A facilius est incipendum?* 1. 56.
- Principium peccati mortalis ex certa  
scientia est voluntas. 6. 210.
- Principium elicativum est duplex. 8.  
20.
- Si habet rationem regulæ, specificat.  
ibi.
- Principium elicativum contemplatio-  
nis habet rationem regulæ. ibi.
- Ex parte principii differunt contem-  
platio acquisita, & infusa. 8. 38.
- Principium supernaturale remotum  
deprimitur per proximum natura-  
le, & idè evadit actus naturalis.  
8. 81.
- Vitæ contemplativæ principium est  
charitas, ut Deum respiciens. 10.  
52.
- Activæ verò, ut respicit proximum.  
ibi.
- Si anima esset principium proximum  
contemplationis, non foret volun-  
taria, & quare? 12. 3.
- Proximum contemplationis princi-  
pium est intellectus. 12. 29.
- Fides informis nequit esse principium  
Divinæ contemplationis, & quare?  
13. 3.
- Contemplatio, alia est à principio per-  
manenti. 13. 46.
- Alia à transeunti. ibi.
- Quæ est à principio transeunti, est du-  
plex. ibi.
- Quæ à permanenti, alia est naturalis,  
& alia supernaturalis. ibi.
- PRIVATIO.
- Pœna damni consistit in privatione.  
6. 130.
- Privatio *in fieri* suscipit magis, & mi-  
nus. 6. 135.
- Non verò *in facto esse*. ibi.
- Hoc autem intelligitur ex parte for-  
mæ, qua privat *in facto esse*. 6. 136.
- Ex parte verò causæ illam inducentis  
suscipit magis, & minus *in facto esse*.  
ibi.
- PUERI.
- Pueri exercitati in præceptorum ob-  
servantia, possunt admitti ad Reli-  
gionem. 1. 49.  
Ve.

## RERV NOTABILIVM.

Venientes ad vsum rationis tenentur ad amorem Dei. 3. 39.  
 Tuneque verificatur, quod veniunt in hunc Mundum. ibi.  
 In Limbo sunt verè damnati, & in termino simpliciter. 6. 128.  
 Poena eis minorari non potest. 6. 130.  
 Consistit talis poena in privatione. ibi.  
 Potius essent viles orationes nostræ, si essent, damnatis, quàm existentibus in Limbo, & quare? ibi. in fine.  
 An Supremus Iudex sit eis dicturus: *Ite, maledicti, in ignem æternum?* 6. 131.  
 Quomodo sunt intelligendi PP. asserentes eos tormenta pati? 6. 133.  
 Cur sic loquantur? ibi.  
 Pueri in Limbo non sunt actu conversi ad bonum commutabile, sed solum habitualiter. 6. 134.  
 Puerorum culpa non dicitur *voluntarium proprium*. 6. 135.  
 Ideoque non puniuntur poena sensus. ibi.

### PURGATIO.

Purgatio animæ comparatur Purgatorio, & quare? 1. 9.  
 Ex purgationibus animæ vna vocatur *activa*. 1. 10.  
 Alia *passiva* nominatur. ibi.  
 Purgationis activæ origo est meditatio. ibi.  
 Passivæ verò est amor. ibi.

### PURGATORIUM.

Animæ in Purgatorio non orant oratione propriè tali. 4. 51.  
 Orant oratione communiter dicta. 4. 48. & 49.  
 Ex speciali privilegio orant oratione propriè tali. 4. 47.  
 Non merentur, nec satisfaciunt, attendente conditione sui status. 4. 51.  
 In Purgatorio non datur subrogatio vnius pœnalis pro alio, & quare? ibi.  
 In Purgatorio existentes non possunt orari. 4. 52.  
 Antequàm animæ in Purgatorio ingrediantur, qualiter à veniali culpa mündentur? 4. 70.  
 Ecclesia non petit executionem decreti de animarum ereptione ab In-

ferno. 6. 97.  
 Nec quòd animas liberet in iudicio universalis. 6. 98.  
 Nec quòd animæ extrahantur ab vno loco Purgatorii in alium. 6. 99.  
 Nec quòd in Purgatorio existentes Deus non damnet. 6. 100.  
 Petit, nè in Purgatorium cadant animæ, quæ in illo sunt. 6. 101.  
 Explicatur quomodo id Ecclesia petat? ibi.  
 Petit etiam Ecclesia, vt animæ citò à Purgatorio extrahantur. 6. 102.  
 Purgatorium dari est de fide. 6. 141.  
 Existentes in Purgatorio iuvantur oratione publica, & privata. 6. 144.  
 Anima Purgatorii apparet cuidam Religioso. ibi.  
 Particularis quædam apparitio idem contestans. 6. 145.  
 Ab Apostolis dimanavit orare pro existentibus in Purgatorio. 6. 146.  
 D. Petrus continuè hoc prædicabat, & collocabat inter ea, ad quæ tene-  
 mur. 6. 147.  
 Idem docuit Patronus noster S. Iacobus maior. ibi.  
 Idem docuit S. Iacobus minor in suis liturgiis. ibi.  
 Et etiam D. Matthæus. ibi.  
 Iudæi pro defunctis orabant. 6. 149.  
 Christus Dominus iussit Apostolos, quòd prædicarent, vt omnes pro defunctis orarent. ibi. in fine.  
 Ecclesia horas Cononicas terminat orans pro animabus Purgatorii. 6. 150.  
 Completorium sic non terminat, & quare? ibi.  
 Facilius iuvantur in Purgatorio animæ, quæ, dum viverent, Ecclesiæ clavibus affectæ fuere. 6. 154.  
 Opera bona vivorum multipliciter dici possunt propria existentium in Purgatorio. 6. 156. & deinceps.  
 Inter vivos, & mortuos est communicatio vitæ, quæ est per charitatem. 6. 164.

# R

## RAPTUS.

B. V. MARIA sine extasi, & raptu concepta.  
 §§§§§ 2 tem-

templata est. 10. 152.  
 Virtus non consistit in raptibus, & similibus favoribus. 11. 21.  
 Raptus est res altior contemplante. 11. 31.  
 Petere raptum à Deo est contra humilitatem. ibi.  
 Petere non possumus, nec desiderare contemplationem infusam sumptam pro raptu, & aliis favoribus exterioribus. 11. 18.  
 Contemplatio perfectissima causat raptum. 11. 43. & 44.  
 Raptus tripliciter evenit. 11. 46.  
 Omnis contemplatio raptum causat, & quomodo? 11. 49.  
 RELIGIO, RELIGIOSVS.  
 Potest dari Religio ad opera vitæ activæ. 11. 67.  
 Opera talis Religionis derivantur ex contemplatione latè sumpta. 11. 69.  
 Vel ex Deo contemplato ut fine. ibi.  
 Talis Religionis Profectores non habent vitam contemplativam. ibi.  
 Vitæ autem contemplativæ fructu non omnino privantur. ibi.  
 Definitur status Religiosus. 11. 86.  
 Violare omnes leves obligationes Religionis, vel serè omnes, etiam sine proposito, est culpa gravis. 11. 102. 103. & deinceps.  
 Ista frequens violatio repugnat cum bono intento à Fundatore. 11. ibi, & 103.  
 Non admitteretur ab Ecclesia Religio cum sola obligatione ad tria vota. 11. 107.  
 Diversitas Religionum non potest provenire à fine ultimo. 11. 111.  
 Nec à mediis. ibi.  
 Provenit autem à fine proximo. ibi.  
 Quot Religionum genus datur? 11. 115.  
 Quæ Religionum perfectior est? 11. 116.  
 Religio Carmelitarum excedit simpliciter purè activas. 11. 155.  
 Religiosi ordinis militaris, in bello morientes, non sunt Martyres. 10. 76.

Religiosi non tenentur ad omnia media ad perfectionem ducentia. 11. 86.  
 Solum tenentur ad media, quæ profecti sunt. ibi.  
 Non proficiunt esse perfectos; sed ad perfectionem ire. ibi.  
 Religiosus est transgressor professionis, si non tendit ad perfectionem. ibi.  
 Habens propositum omnes leves Religionis obligationes violandi, graviter peccat. 11. 96. in fine.  
 Et tale propositum implicat cum tendentia ad perfectionem. 11. 100.  
 Ut Religiosus sit verè talis, debet promittere tria vota, non solum in Religione approbata, sed etiam sub determinata regula. 11. 107.  
 Si vnus Religiosus posset omnes leves obligationes violare sine culpa, posset & omnes. 11. 104.  
 Qui legit, ut cogenti, & non ut regulanti subest, malus est. ibi.  
 Inter obligationes leves, ad aliquas tenetur vagè Religiosus sub mortali. 11. 105.  
 Religiosorum finis ultimus est charitas. 11. 111.  
 Habent insuper finem intermedium, qui Religionum diversitatem causat. ibi.  
 Denique habent media proportionata cum suo privato fine. ibi.  
 Religiosus animum proficiendi deponens peccat mortaliter. 11. 127.  
 Tenetur ad non deponendum habitum suæ Religionis sub peccato gravi. 11. 135.  
 Hæc obligatio oritur ex iure naturali. ibi.  
 Et etiam ex iure positivo. ibi.  
 Etiam oritur hæc obligatio à Regula, & quomodo? ibi.  
 Distinctivum exterius Religiosi est proprius habitus. ibi.  
 Interius autem distinctivum cum exteriori debet conformari. 11. 138.  
 RELIGIO VIRTVS.  
 Actus orationis elicitur à Religione existente in voluntate. 1. 136.  
 Oratio tribuit Deo cultum, quia est actus

## RERVM NOTABILIVM.

actus Religionis. 2. 33.  
 Quod Religio imprimis intellectui ad  
 orationem, manet de linea volun-  
 tatis. 2. 144.  
 Intellectus non perficitur per hoc,  
 quod habet à Religione. 2. 145.  
 Contemplatio beata potest amari ex  
 motivo Religionis. 9. 26. 27. &  
 28.

### REVELATIO.

Implicat revelatio de destructione bea-  
 titudinis alicuius Beati. 6. 41.  
 Potest fieri alicui revelatio de damna-  
 tione aliena. 6. 188.  
 De propria verò non nisi de posse ab-  
 soluto. ibi.  
 Revelatio negationis D. Petri facta  
 est per modum comminationis. 6. 195.  
 Revelationes particulares, si à Deo  
 sunt, non debent inter se opponi.  
 10. 171.  
 Si verò inter se opponuntur, vel neu-  
 tra, vel aliqua a Deo non est. ibi.

## S

### SATISFACTIO.

Est subrogatio vnius poenalis pro alio  
 poenali. 4. 51.

### SCIENTIA.

In consideratione scientiæ est per se  
 maxima delectatio. 6. 119.  
 In Damnatæ verò ex adiunctis est su-  
 ma tristitia. ibi.  
 Contemplatio est scientia amoris. 12.  
 48.  
 Fides dicitur *scientia*, & quare? 12.  
 86.  
 Donum scientiæ procedit per causas  
 infinis. 12. 115. & seq.  
 Qualiter à scientia dicatur cogitatio.  
 13. 11.  
 Scientia est cognitio certitudinalis.  
 13. 32.  
 Est etiam cognitio certa procedens ex  
 cognitione principiorum. ibi.  
 Cognitio certitudinis est scientia in  
 ampla acceptione. ibi.  
 Prout autem est cognitio principio-  
 rum terminata ad conclusiones, est  
 scientia cum omni proprietate. ibi.  
 Scientia est propriè cognitio per cau-  
 sas, & ex causis. ibi.

Ad scientiam tria requiruntur. ibi  
 in fine.

Divinorum scientia est duplex. 13.  
 33.

Vna est ex studio, & hæc est Theolo-  
 gia Scholastica. ibi.

Alia est ex connaturalitate, & hæc est  
 Theologia Mystica. ibi.

Scientia petit evidentiam. 13. 34.

Quæ procedit ex studio, seu Metaphy-  
 sicè, petit evidentiam Metaphy-  
 sicam. ibi.

Scientia perfecta procedens ex studio  
 petit evidentiam consequentis, &  
 exercitiam. ibi.

Imperfecta verò habet evidentiam  
 exercitiam consequentiam, & petitiam  
 consequentis. ibi.

Scientia mysticè procedens, dicit evi-  
 dentiam mysticam. ibi.

Hæc autem evidentia non est intrinse-  
 ca, sed extrinseca. ibi.

Cum ista evidentia videt de obiecto,  
 quod non est. ibi.

Si verò perfecta sit evidentia, cum ea  
 videt obiectum quoad quid est. ibi.

Scientia est habitus constans, & quare?  
 ibi.

### SECULARES.

Seculares tenentur ad perfectionem:  
 11. 176.

Ponitur discrimen inter Seculares, &  
 Religiosos. ibi.

### SENSUS.

Sensus visus omnes alios superat. 12.  
 36.

Actus aliorum sensuum ab actu visus  
 dicuntur visiones. ibi.

A visu spiritali actus voluntatis dici-  
 tur *visio*. ibi.

### SPASMUS.

Spasmus duplex est. 10. 155.

B. V. MARIA spasmum nullo modo  
 est passa. 10. 156. & 162.

Spasmus est vera æritudo. 10. 161.

### SPECIES.

Species deservientes ad contemplatio-  
 nem fidei, sunt entitative naturales.  
 14. 1.

Species ad actus prophetiæ, qui sunt  
 supernaturales, non sunt entitative  
 supernaturales. 14. 2.

§§§§§ 3

Ac.

# I N D E X

Actus, eò quòd supernaturalis sit, non requirit species entitativè supernaturales. *ibi.*  
 Species ad assensum supernaturalem fidei non sunt entitativè supernaturales. *ibi.*  
 Species influentes in assensum fidei, influunt in apprehensionem terminorum. *ibi.*  
 Species est eiusdem naturæ cum obiecto motivo. 14. 6.  
 Naturalis species influit in contemplationem, vt modificata. *ibi.*  
 Species influit activè in cognitionem. 14. 7.  
 Quadrupliciter ad actum supernaturalem concurrir. *ibi.*  
 Species sunt in nobis de novo impressæ, vel à Deo, vel à sensu. 14. 7.  
 Sunt etiam in nobis ex diversa dispositione phantasmatum. *ibi.*  
 Sunt insuper in nobis ex adiutorio Divini luminis. *ibi.*  
 Et denique sunt ex Dei immediata impressione. *ibi.*  
 Species repræsentat obiectum motivum. 14. 8.  
 Etiam repræsentat obiectum terminativum. *ibi.*  
 Obiectum motivum speciem immitit potentia. *ibi.*  
 Species verò est vicaria obiecti motivi. *ibi.*  
 Convenit cum eo in gradu immaterialitatis. *ibi.*  
 Et denique eum repræsentat ex natura sua. *ibi.*  
 Nihil autem horum habet species relatè ad obiectum terminativum. *ibi.*  
 Species non est elevabilis, vt repræsentet obiectum motivum. *ibi.*  
 Elevari autem potest, vt repræsentet obiectum terminativum. *ibi.*  
 Species naturalis elevatur ad repræsentandum obiecta supernaturalia. 14. 10.  
 Species est instituta ad repræsentandum. 14. 10. & 47.  
 Hoc munus non est ab specie separabile. 14. 10.  
 Munus verò activè influendi est ab specie separabile. *ibi.*, & 8.

Species defervientes ad contemplationem, quæ est actus scientiæ infusæ, sunt entitativè supernaturales. 14. 12.  
 Hæ species ex natura sua obiecta supernaturalia repræsentant. 14. 14.  
 Species ad scientiam infusam sunt supernaturales, sive sint, sive non cum conversione ad phantasmata. 14. 16.  
 Quòd species sit propria obiecti, convenit illi, quia quidditativa. 14. 35.  
 Species impressa quoruplex est 14. 36.  
 Datur species creata Deum quoad *an* est repræsentans. 14. 45.  
 Repugnat species repugnante cognitione. 14. 47.  
 Non datur species creata repræsentans Trinitatem immediatè quoad *an* est, sumpta Trinitate, vt obiectum terminativum. 14. 52.  
 Et hoc est certum, sive cognoscatur per discursum, sive non. 14. 55.  
 Si talis species daretur, non posset non reddere actui intelligibilem existentiam Trinitatis. 14. 56.  
 Species creata Trinitatem repræsentans vt obiectum terminativum quoad *an* est, non solum implicat absolute, sed etiam ex modo eam statuendi, & quare? 14. 57.  
 Si daretur talis species, daretur cognitio immediata Trinitatis quoad *an* est vt obiecti terminativi. 14. 58.  
 SPES.  
 Spes Theologica non requiritur ad orationem. 4. 27.  
 Nostra oratio procedit ex virtute spei. 6. 8.  
 Spei obiectum quatuor dicit. *ibi.*  
 Quovis ex quatuor istis cessante, spes cessat. *ibi.*  
 Respicit bonum arduum, futurum, consequi possibile. *ibi.*  
 Spes non datur in Beatis. *ibi.*  
 Nec etiam secundum posse absolutum. 6. 21.  
 Oratio, spes, & desiderium non possunt coexistere cum re. 6. 15. & deinceps.  
 Christus meruit, & spe caruit. 6. 21.  
 Spes



## RERVM NOTABILIVM.

Spes Theologica non requiritur necessario ad meritum. ibi.

### SUBSTANTIA.

Cur fides *substantia* dicitur? 7. 82.

Substantia creata nequit esse ens supernaturalis. 8. 57.

Substantia, & virtus animæ non sunt idem. 12. 1.

### SUPERNATURALE.

A causa efficiendi, formali, & finali potest haberi supernaturalitas. 8.

55.

Non verò valet haberi à causa materiali. ibi.

Habitus respiciens terminum naturalem, vel supernaturalem, non ut talem, naturalis est. ibi.

Si verò respicit terminum, ut supernaturalem, ex se est entitativè supernaturalis. ibi.

Supernaturale est, quod omnem naturam creatam, & creabilem superat. 8. 57.

Hoc habet à se primum supernaturale. ibi.

Et secundum supernaturale hoc habet à primo. ibi.

Habitus supernaturalis debet esse infusus. 8. 71.

Hoc verò actus supernaturalis non habet. ibi.

Actus naturalis entitativè, si sit modaliter supernaturalis, regulare potest volitionem supernaturalem. 8. 91.

Etiāque potest attingere obiectum supernaturale. ibi.

### SUPERSTES.

Vide Viator.

### STUDIUM.

Vita activa consistit in studio, quo circa actiones externas maximè occupatur. 10. 128.

Vita autem contemplativa est studium circa veritatis contemplationem. ibi.

Studium quid sit? 11. 89.

## T

### THEOLOGIA.

Prima veritas est obiectum primum Theologiæ Scholasticæ. 8. 5.

Theologia est principium elicivum contemplationis acquiræ. 8. 91.

Theologia Mystica agit de Deo, ut est veritas amabilis. 12. 52. & 53.

Lumen gloriæ est Theologia Beatorum. 13. 89.

Theologia nostra manet in Patria. 13. 94.

In via verò regulatur fide, quatenus est vicaria luminis gloriæ in certitudine. ibi.

### S. THERESIA.

Docet meditationem necessariam esse ad contemplationem. 1. 6. & 7.

Falsò pro opinione contraria adducitur. ibi.

Scripsit meditationes super orationem Dominicam. ibi.

Docet meditationem esse principium, quo virtutes obtinentur. ibi.

Mirè loquitur de oratione Christi in horro. 4. 26.

Docet S. P. N. Ioseph in omni indigentia, & calamitate opem ferre. 4. 37.

Verbo, & opere docuit Sanctorum invocationem. 5. 21.

Mirè describit æternitatem, & horrorem Inferni. 6. 70.

Egregiè tradit contemplationem activam. 7. 12.

Deus seclit S. Theresiam Magistram contemplationis infusæ. 7. 32.

In Africam traiciens ducebatur Spiritus S. motione, supra regulas rationis. 8. 36. & 37.

Divinos favores extiores humilis recusabat. 11. 22.

Censura S. Theresiæ contra conantes contemplationem infusam. 11. 23.

Docet familiam nostram esse contemplativam. 11. 118.

Frequentissimis apparitionibus promover suam reformationem. 10. 132.

## V

### VELUM.

Velum est triplex: naturale, temporale, & sensibile. 1. 9.

Naturale est affectio ad propriam operationem. ibi.

Tem.

Téporale est affectio ad creaturas. ibi.  
Sensibile est unio animæ ad corpus.  
ibi.

Isto ultimo velo perseverante Deus  
nequit videri. ibi.

Nec potest perfectè cõtemplari astantibus velo naturali, & téporali.  
ibi.

### VERITAS.

Est obiectum meditationis. 1. 11.

Haberi non potest, nisi per inquisitionem, vel infusionem. ibi.

Obtinenda est per bona opera. 1. 12.

Veritas non pertinet ad esse, nec ad bene esse orationis enuntiativa? 2. 51.

Veritas est finis contemplationis. 12. 44.

Contemplatio veritatis est finis intellectus speculativi. 12. 56.

Simplex apprehensio non percipit veritatem formaliter ut talem. 12. 78.

### VIA SPIRITUALIS.

Lustrans viam spirituales procedit de potentia ad actum. 1. 4.

Via spiritualis dividitur in purgativam, illuminativam, & unativam. 1. 7.

In via spirituali Deus dirigit animam iuxta ipsius conditionem. 1. 38.

& 39.

In via spirituali anima non potest esse sine motu. 11. 87.

Si anima in via spirituali non tendit ad perfectionem, currit ad perditionem. ibi.

### VIATOR.

Potest habere visionem Dei transeuntem. 1. 9.

Non verò permanentem. ibi.

Viator Sanctos invocans non facit Christo iniuriam. 5. 30.

Oratio viatoris est, ut se Divinæ voluntati conformet. 6. 171.

Dum dicitur, Deum velle omnes homines salvos fieri, limitatur ad viatores. 6. 176.

Maiores perfectio est viatoris se conformari cum voluntate Divina in voluit materialiter. 6. 182.

Pro omnibus viatoribus collectivè orare non possumus, ut salventur, & quare? 6. 169.

Petere hanc salvationem esset Deo iniuriosum, & quare? 6. 170.

Hac petitio non esset *decentium à Deo*. 6. 171.

Pro omnibus viatoribus divisivè orare possumus. 6. 201.

Hoc docuit Christus in oratione Dominica. 6. 206.

Orare possumus pro viatore peccante in Spiritum Sanctum. 6. 207.

Viator potest alia via à contemplatione ea, quæ debet, adimplere. 11. 71.

Viator differt à Beato per *videre, & non videre*. 14. 21.

VIRTUS.

Datur distinctio inter virtutem imperantem, & elicientem. 2. 128.

Si virtus ordinat actum ad finem sibi intrinsicum, illum elicit, datque illi primum, & essentiale esse. ibi.

Si actum ordinat in finem non ipsius actus, sed habitus, illum imperat, & in eo supponit primum esse. ibi.

Virtus elevat potentiam, in qua est, vel per se, vel per modum à se derivatum. 2. 132.

Virtus est dispositio perfecti ad optimum. 3. 145.

Virtutum germanitas est inpraseindibilis. 2. 30.

Virtus dividitur in Politicam, Purgatoriam, & purgati animi. 8. 28.

& 30.

Politica pertinet ad incipientes. 8. 29.

Purgatoria ad Proficientes. ibi.

Quæ est purgati animi ad Perfectos. ibi.

Virtus dividitur in heroicam, & communiter dictam. 8. 35.

Virtus communiter dicta est acquisita. ibi.

Virtus heroica est duplex. ibi.

Qualiter inter se differant istæ virtutes? ibi.

Virtus heroica semper procedit ex motione speciali. 8. 39.

Dona Spiritus Sancti superant omnes virtutes ex parte modi. 13. 71.

VIRTUS MORALIS.

Habet meditationem pro principio. 1. 33.

Est

## RERVM NOTABILIVM.

Est dispositio ad cōtēplationem. ibi.  
 Obiectum virtutis moralis est bonum  
 regulatum per prudentiam. 2. 51.  
 Virtuti morali quāvis, etiam minima,  
 malitia repugnat. ibi.  
 Virtus moralis acquisita nunquā  
 pervenit ad perfectionem infusā.

7. 21.  
 Pertinet per se ad vitā activā. 10. 14.  
 Dispositivē attinet ad vitam contem-  
 plativā. ibi.  
 Non consistit in raptibus, & similibus  
 favoribus. 11. 21.

### VIRTUS THEOLOGICA.

Est perfectior Spiritus Sancti donis.  
 13. 42.

Est aliarum virtutum, & donorum fi-  
 nis. ibi.  
 Per virtutes Theologicas cum Deo  
 vivimus. ibi.  
 Per virtutes Theologicas dona regu-  
 lantur in via. 13. 94.

### VISIO.

Visio, alia est transiens, & alia perma-  
 nens. 1. 9.  
 Visio transiens potest dari in viatore.  
 ibi.

Non autem permanens. ibi.  
 Sunt, qui asserant P. N. Eliam frui vi-  
 sione beata. 5. 114.  
 Ab actu videndi, actus aliorum sensu-  
 um dicuntur visiones. 12. 36.  
 Sicque à visu spirituali dicitur *visio*  
 actus voluntaris. ibi.  
 Contemplatio est animæ visio. 12.  
 14.

Visio beata non est simplex apprehen-  
 sio. 12. 81.  
 Nec etiam est actus fidei. ibi.  
 Visio Dei est multiplex. 13. 82.  
 Elicitur à lumine gloriæ. ibi.  
 Visio Dei est Beatorum gloriæ. ibi.  
 Visio ista est à lumine gloriæ ante ac-  
 tum charitatis. 13. 83.  
 Regulat, & excitat amorem beatifi-  
 cum. ibi.

Visio, quæ elicitur à dono intellectus,  
 terminatur ad Deum, ut à volunta-  
 te degustatum. ibi.  
 Visio est cognitio experimentalis  
 quidditativa. 13. 90.  
 Terminatur ad Deum, prout est. ibi.

Visio mystica terminatur ad Deum,  
 prout sapit. ibi.

### VITA.

Vita spiritualis non constituitur per  
 actum in individuo. 10. 12.  
 Constituitur autem per studium ad  
 actus. ibi.  
 Vita humana adæquatè dividitur in  
 contemplativā, & activā. 10.  
 25.

Quid requiratur, ut status sit mixtus  
 ex vita contemplativa, & activa?  
 10. 33. & 34.

Vita voluptuosa non pertinet ad vi-  
 tam humanam ordinatam. 10. 36.  
 Est vita bestialis. ibi.

### ACTIVA.

Quid sit vita activa? 10. 16.  
 Consistit in agibilibus. ibi.  
 Et hoc non solum respectu aliorum,  
 sed etiam respectu sui. ibi.  
 Primo modo est perfectior, & quare?  
 ibi.

Ad vitam activā essentialiter perti-  
 nent virtutes morales. ibi.  
 Et etiam pertinet mortificatio sensu-  
 um exteriorum, & interiorum.  
 ibi.

Vita activa est essentialiter diversa à  
 contemplativa. 10. 17.  
 Finis vitæ activæ est etiam diversus à  
 fine contemplativæ. ibi.  
 Separantur realiter. 10. 18.  
 Quid requiritur, ut status sit mixtus.  
 10. 33. & 34.

Donati Carmelitæ dicuntur vitæ acti-  
 væ, non absolute, sed relative ad  
 Chorum destinatos, & quare? 10.  
 35.

Quare exercitiis Donatorum attribui-  
 tur nomen vitæ activæ? ibi.  
 Donati non excusantur à contempla-  
 tione. ibi.

Ad vitam activā spectant Lectores,  
 Prædicatores, & Confessores. ibi.  
 Meditatio spectat ad vitam activā.  
 10. 39.

Cur omnis actio ad vitam activā  
 spectat? 10. 40.

Vita contemplativa perfectior est ac-  
 tiva. 10. 43.

Vita activa excedit secundum quid, &  
 in.

# I N D E X

in casu contemplativam. ibi.  
 Vita activa non convenit secundum optimum. ibi.  
 Vita contemplativa diuturnior, & delectabilior est activa. ibi.  
 Et etiam magis propter se diligitur. ibi.  
 Vita activa est secundum humana. ibi.  
 Et etiam secundum vires inferiores. ibi.  
 Principium vite activæ est charitas, ut respicit proximum. 10. 52.  
 Vita activa utilior est contemplativa, & quare? 10. 72.  
 Vita autem contemplativa est difficilior activa. 10. 85.  
 Vita activa est dispositio ad contemplativam. 10. 98.  
 Habet activa vita duplex genus actuum. 10. 103. & seq.  
 Alii sunt circa media, & alii circa finem. ibi.  
 Primi sunt rigore dispositioes ad contemplationem. ibi.  
 Secundi verò manent cum ipso fine. ibi.  
 Explicatur hoc. ibi.  
 Vita activa datur in Angelis. 10. 149.  
 Potest esse simul cum vita contemplativa in eodem viatore. 10. 151.  
 Tripliciter potest intelligi vite activæ compatibilitas cum contemplativa. 10. 149. & 150.  
 In B. V. MARIA fuerunt simul vita activa, & contemplativa. 10. 151.  
 Idem potest diversis temporibus studere vite contemplativæ, & activæ. 10. 178.  
 Vtraque non potest dari simul simultate temporis. 10. 185.  
 Vita activa, dum est perfecta, non turbatur. 10. 195.  
 Operatio vite activæ est effectus contemplationis, & Dei contemplati, ut finis. 11. 69.

## CONTEMPLATIVA.

Vita contemplativa constituitur per studium ad contemplationem. 10. 12.  
 Manet in Patria. 10. 18.  
 Significatur in Evangelio per Ma-

riam. ibi.  
 Doctrina, quæ dirigitur ad cognitionem veritatis, pertinet ad vitam contemplativam. 10. 21.  
 Cur omnis cognitio ad vitam contemplativam non spectet? 10. 40.  
 Vita contemplativa convenit secundum optimum. 10. 43.  
 Est secundum Divina. ibi.  
 Est secundum intellectum. ibi.  
 Non est bonum solum vnus, sed etiam multitudo. 10. 73.  
 Labores vite contemplativæ superant labores activæ. 10. 78.  
 Evangelium nos informat ad vitam contemplativam. 10. 87.  
 Zelus animarum, si sit ex redundantia contemplationis, superat vitam contemplativam. 10. 95.

## VITIA.

Vitia compatiuntur cum gratia vite 1. 9.  
 Non componuntur cum gratia consummata. ibi.

## VNIO.

Vnio animæ ad corpus est velum sensibile, quo perseverante non videtur Deus. 1. 9.  
 Fides est vnicum medium ad vnionem. 7. 50.  
 Matrimonium spirituale Beati consistit in vnione actuali. 10. 188. & 189.  
 Viatoris matrimonium consistit in habituali vnione. ibi.  
 Ad primum requiritur actualis vnio intellectus, & voluntatis cum Deo. ibi.  
 Ad secundum requiritur vnio habitualis istarum potentiarum cum Deo, non semper actualiter, sed multoties. ibi.  
 Vnio cum Deo alia est secundum omnes potentias. 10. 189.  
 Alia est secundum solam voluntatem. ibi.  
 Prima vnio parum durat. ibi.  
 Secunda magis durat. ibi.  
 Vnio cum Deo facilius consequitur per contemplationem. 11. 29.  
 Vnio per intellectum perfectior est, quàm per voluntatem. 12. 20.

VO-

# RERVM NOTABILIVM.

## VOLUNTARIUM.

Quid sit voluntarium? 12. 3.  
 Implicat contemplatio, quæ non sit  
 voluntaria. 12. ibi. & deinceps.  
 Voluntarium est superius ad liberum,  
 & necessarium. ibi.  
 Adequarè dividitur voluntarium in  
 liberum, & necessarium. ibi.

## VOLUNTAS.

Voluntas movet alias potentias me-  
 dio vsu. ibi.  
 Etiam se ipsam movet supposita ordi-  
 natione Divina. ibi.  
 Oratio tendit ad Divinam volunta-  
 tem movendam. 2. 98.  
 Voluntas dicitur *apex mentis*. 2. 105.  
 In Deo est duplex voluntas. 3. 31.  
 Alia vocatur *antecedens*. ibi.  
 Alia *consequens* nominatur. ibi.  
 Voluntas antecedens respicit obiectum  
 absolutè. ibi.  
 Consequens respicit obiectum, vt cir-  
 cunstantiis vestitum. ibi.  
 Idem obiectum solet esse bonum re-  
 latè ad voluntatem antecedentem,  
 & malum relativè ad consequen-  
 tem. ibi.  
 Voluntas humana etiam est duplex.  
 4. 23.  
 Vna est *sensualitas*, quæ est voluntas  
 partis sensitivæ, & dicitur *appetitus*.  
 ibi.  
 Alia autem est *rationalis*. ibi.  
 Hæc dividitur in se ipsam, vt natura est,  
 & vt formaliter rationalis est. ibi.  
 Voluntas, quæ dicitur sensualitas, res-  
 picit bonum sensibile. ibi.  
 Rationalis, vt natura est, respicit bo-

num reale absolutè. ibi.  
 Vt formaliter rationalis est, respicit bo-  
 num, vt vestitum omnibus circumf-  
 rantiis. ibi.  
 Hæc omnes voluntates dantur in Chris-  
 to. 4. 24.  
 Voluntas est principium peccati mor-  
 ralis ex certa scientia. 6. 210.  
 Tenemur conformari cum voluntate  
 Divina in volito formali. 6. 179.  
 Explicatur quid sit volitum formale,  
 & materiale? 6. 180.  
 Qui speculationem ad in flammam-  
 dam voluntatem non dirigit, Evan-  
 gelicè non contemplatur. 8. 5.  
 Voluntas nequit esse principium pro-  
 ximum contemplationis. 12. 32.  
 Voluntas non movetur ad operandum  
 per simplicem apphensionem ob-  
 iecti. 12. 74.  
 Consentire est actus voluntatis. 12.  
 84.  
 Actus fidei non illustratè præcedit  
 gustum voluntatis. 13. 13.  
 Actus verò contemplationis subsequi-  
 tur. ibi.  
 Voluntatem degustantem dona suppo-  
 nunt. 13. 83.

## ZELUS.

Pristinum animarum zelum Elias gerit  
 in Paradiso. 5. 87.  
 Zelus animarum, si sit ex redundantia  
 contemplationis, superat vitam  
 contemplativam. 10. 95.  
 Non verò, si non procedit ex redun-  
 dantia contemplationis. ibi.





